


Burum-Mindik Bible



The New Testament and portions of the Old Testament in the
Somba-Siawari language of Papua New Guinea, also called the
Burum Mindik language.

Burum-Mindik Bible
The New Testament and portions of the Old Testament in the Somba-Siawari language of Papua
New Guinea, also called the Burum Mindik language.
Sampela hap Buk Baibel long tokples Burum Mindik long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 21 Feb 2024 from source files dated 31 Aug 2023
c0871260-68cc-5a50-953f-52200e105d1e

Contents

FRT	1
Jenesis	3
Rut	86
Jona	92
Matyu	96
Mak	160
Luk	198
Jon	264
Aposol	314
Rom	378
1 Korint	409
2 Korint	437
Galesia	458
Efesus	469
Filipai	480
Kolosi	488
1 Tesalonaika	496
2 Tesalonaika	502
1 Timoti	506
2 Timoti	515
Taitus	522
Filemon	527
Hibru	529
Jeims	552
1 Pitö	560
2 Pitö	570
1 Jon	576
2 Jon	584
3 Jon	586
Juda	588
Indelindel	591

Urumelengö Buŋa Kimbi Jöhöjöhö Dölökŋi

The New Testament and portions of the Old Testament in the Burum Mindik (Somba-Siawari) language of Papua New Guinea

Sampela hap Buk Baibel long tokples Burum Mindik long Niugini

Urumelengö Buŋa Kimbi

Jöhöjöhö Dölökŋi

The New Testament and portions of the Old Testament in the Burum Mindik
(Somba-Siawari) language of Papua New Guinea
[bmu]

Translation by Wycliffe Bible Translators

© 1992, 2002, The Bible Society of Papua New Guinea

Print publisher: 1992, 2002 The Bible Society of Papua New Guinea

Web version
2013, Wycliffe Bible Translators, Inc.
www.Wycliffe.org

<http://pngscriptures.org>

www.ScriptureEarth.org

This translation is made available to you under the terms of the Creative Commons license (Attribution-Noncommercial-No Derivative Works).
<http://creativecommons.org/licenses/by-nc-nd/3.0>

Your are free to share – to copy, distribute and transmit the text under the following conditions:

- **Attribution.** You must attribute the work to Wycliffe Inc. (but not in any way that suggests that they endorse you or your use of the work).
- **Noncommercial.** You may not use this work for commercial purposes.
- **No Derivative Works.** You may not alter, transform, or build upon this work.
- **In addition,** you have permission to port the text to different file formats, as long as you don't change any of the text or punctuation of the Bible.

Notice – For any reuse or distribution, you must make clear to others the license terms of this work.

Tok Orait

Dispela Buk Baibel i kam wantaim tok orait na lo bilong Creative Commons Attribution-Noncommercial-No Derivative Works license. Em i tok olsem **yu ken givim kopi long narepela manmeri**. Yu ken wokim kopi na givim long husat i laikim. Tasol, yu mas tok klia dispela samting i kam long <http://tokplesbaibel.org>. Yu no ken kisim mani na salim dispela. **Yu mas givim nating**. Na tu, **yu no ken senisim Tok**.

Ol piksa i kam wantim ol Baibel na narapela buk i stap long dispela sait i gat tok orait long usim wantaim dispela samting tasol. Sapos yu laik narapela tok orait, yu mas askim husat i papa bilong copyright long dispela ol piksa.

Sapos yu laik stretim samting i no orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken **askim mipela**. Olgeta tok orait na lo long tok ples English i stap long <http://creativecommons.org/licenses/by-nc-nd/3.0/legalcode>.

Sapos yu gat askim long dispela, **plis askim mipela**.

Jöhöhöhö Dölökñi

Jenesis (Letotletot) Anutunöŋ jiiga yuai pakpak letotket. Jim-asa-asari

Buk kianön kösohot kewöŋi jiza: Anutunöŋ suep, gölme, mietkö yuainiri pakpak aka ambazip miwikŋaim enjiiga siŋgisöndoknöŋ et etkuiga lömböt sihimbölonambuk mi gölme dop nenjö qaknine öngöyök. Mewö et nenjuiga Anutunöŋ oyaenŋkoyaen aka malbingö köna denöwöŋi mi arenjöba miwikŋaiyök. Letotletot (Jenesis) buk kianjö uruŋe likepŋi yahöt kewö ahözahot:

1) Boŋ 1-11 Kösohot könakönahiŋi: Anutunöŋ suep aka gölme miwikŋaim etkiiga ambazip yengö malmalŋine mutuk mianjöreŋ denöwö asuhuyök. Adam aka Iw, Kein aka Abel yengö kösohotŋini. Noagö nalöŋe göulu ketaŋan asuhuba gölme turuyök. Babilon mianjöreŋ miri köröpŋi kötökŋi meget.

2) Boŋ 12-50 Israel yengö bömöŋ jalöurupŋini yengö kösohotŋini: Mutuk Abrahamnöŋ Anutu möt nariba keuŋi tem köla maliga keuŋi jim teköiga solaniyök. Yangö andöŋe nahönŋi Aisak, isiŋi Jeikob qetŋi alaŋi Israel aka yangö nahönurupŋi 12 mienjö kösohotŋini könaŋi könaŋi. Azi 12 mi Israel könagesögö kambu 12 mienjö bem bömöŋŋina aket. Bem bömöŋ Josefkö kösohotŋi mi tandökŋi kun. Denöwö asuhuiga Josefnöŋ mutuk Ijpt aniga yangö andöŋe iwiŋi Jeikob aka darumunurupŋi pakpak yenön mewöyök saiwaurupŋini yembuk Ijpt kantrinöŋ anda kiana malget.

Buk kianön ambazip yengö malmalŋinaŋgö kösohotŋi gwötpuk jizapmö, Anutunöŋ denöwö ak enjiyöhi, mianön kösohot mienjö likepŋi bohönŋi akza. Malmalgö kösohot pakpak mienjö ahakmeme azi bohönŋi mi Anutu. Könakönahiŋe suep, gölme aka mietkö yuainiri pakpak miwikŋaim enjiiga siŋgisöndoknöŋ et etkuiga pöndaŋ Iwiŋini ölni mala bölonamŋini kewöta keuŋini jim teköba likepŋini melen enji qaknine öngöi malget. Tosatŋan Anutugö keu bapŋe angeri, i ölopŋanök köyan köla enġuanġiri malmalŋinan mianjö dop uteköba asuhuyök. Noagö nalöŋe saiwaŋi 8 yenön qahöpmö, ambazip tosati pakpak yenön kömuget. Könaŋep jöhöjöhö keuŋi mi Abraham aka gwölönarökurupŋi könaŋep asuhugeri, yengöra enjiyök. Jöhöjöhö keu mienjö dop Anutunöŋ könagesöurupŋan oyaenŋkoyaen akingöra galöm köl enjiiga mala kota mal öngöme. Ambazipnöŋ mönöwök denöwö Anutu möt narim waŋgigeri, kösohot tömbuŋi mienön mönö nalö kewöŋe mewöyök mötnaripninan guliba köhöimapköra bauköm nenġimakze.

Buk kianjö bahöŋi bohönŋi 10 mi kewö:

- 1) Suep, gölme aka yuai pakpak miwikŋaiyök. 1.1-2.25
- 2) Siŋgisöndökö lömböt sihimbölonambuk könahiyök. 3.1-24
- 3) Adamgö nalöneyök könahiba Noagöreŋ kaŋgorök. 4.1-5.32
- 4) Noagö nalöŋe o göulu ketaŋan asuhuyök. 6.1-10.32
- 5) Babilon miri köröpŋi kötökŋi meget. 11.1-9
- 6) Sengö nalöneyök könahiba Abramgöreŋ kaŋgorök. 11.10-32
- 7) Bömöŋ jalö karöbut Abraham, Aisak aka Jeikob 12.1-35.29
- 8) Isogö gwölönarökurupŋi mi kewö: 36.1-43
- 9) Josef aka yangö darumunurupŋi 37.1-45.28
- 10) Israel könagesö yenön Ijpt malget. 46.1-50.26

Anutunöŋ jim kutuiga yuai pakpak letotket.

¹ Könakönahiŋe Anutunöŋ Suep aka gölme miwikŋaim etkiyök. ² Miwikŋaim etkiiga gölme mi gwamönŋi aka kizik-kazukŋambuk ahöyök. Ahöiga o diginŋambuk mi söŋaupnön turuiga tarök. Mewö tariga Anutugö Uŋa Töröŋan o mienjö qaknine anda kaba malök.

3 *Mewö maliga Anutunöŋ kewö jim kutuyök: “Asakŋan mönö asuhum tiŋgitma.” Mewö jim kutuiga miri mönö asariyök. 4 Asarii ehi mianŋön mönö ölöwahiga asakŋi pandamanöhök menden etkiyök. 5 Asakŋaŋgö qetŋi wehön asakŋi aka pandamangö qetŋi suŋgem mewö etkoholök. Mewö etkoholiga wehön mutukŋi teköiga miri söŋauba gianjiyök.

6 Gianjiiga Anutunöŋ kewö jim kutuyök: “Mönö o sutŋine suepkö jabö köhöikŋi asuhuba o mendeniga euke aka emuke ahömahot.” 7 Mewö jim kutuba suepkö jabö köhöikŋi miwikŋaiba mianŋön o mendeniga tiŋgita jabö qakŋe euke aka jabö bapŋe emuke ahöyohot. Mewö asuhuiga 8 suepkö jabö köhöikŋi eukeaŋgö qetŋi suep qerök. Mewö qeriga wehön yahötŋi teköiga miri kunbuk söŋauba gianjiyök.

9 Gianjiiga Anutunöŋ kewö jim kutuyök: “O suep bapŋe ahözei, mi mönö qezakögetka kambu mohot aiga gölme örönŋi asuhuma.” Mewö jim kutuiga mönö mewö asuhuyök.

10 Mewö asuhuiga örönŋaŋgö qetŋi gölme qeta o kambu tokogeri, miangö qetŋi köwet etkoholök. Etkohola etkehiga mianŋön mönö ölöwahök. 11 Ölöwahiga kewö jim kutuyök: “Gölme qakŋe mönö yuai görökŋi (töŋgönŋi) pakpak kewö asuhuba wahötme: Gwözözak yuai kötninambuk mi mönö asuhuba wahöta kötnini kuŋguba söhömakŋe. Ip kösö tandökŋini könaŋi könaŋi mönö gölmenöŋ asuhuba ölni kötninambuk kuŋguba söhömakŋe.” Mewö jim kutuiga mönö kewö asuhuyök: 12 Gölme qakŋe yuai görökŋi (töŋgönŋi) pakpak asuhuba wahötket. Gwözözak yuai kötninambuk tandökŋini könaŋi könaŋi mi asuhuget. Ip kösö tandökŋini könaŋi könaŋi mi gölmenöŋ asuhuba ölni kötninambuk kuŋgum söhöget. Mewö asuhuiga Anutunöŋ engehiga mianŋön mönö ölöwahök. 13 Wehön karöbutŋi teköiga miri kunbuk söŋauba gianjiyök.

14 Gianjiiga Anutunöŋ kewö jim kutuyök: “Suepkö jabö köhöikŋe mönö asakŋi asakŋi asuhuba wehön aka suŋgem mi menden etkiba kinda (yara) yambu, kömunjaŋ kie nalö aka wehön nalö, gwani nalö aka silim mohot mohotkö aiwesökŋina ahöme. 15 Mienŋön mönö suepkö jabö köhöikŋi miangören asakŋi asakŋi aka gölme mem asarime.” Mewö jim kutuiga mönö kewö asuhuget: 16 Anutunöŋ asakŋi ketanŋi yahöt miwikŋaim etkiyök: Asakŋaŋgö galömŋi wehön jeŋi kiniga miangö eretŋi köiŋ mi suŋgemgö galömŋa kinda ahöm öŋgömahot. Senŋelau mi mewöŋanök miwikŋaim enjiyök. 17 Anutunöŋ mi suepkö jabö köhöikŋe miangören gölme mem asarimegöra al enjiyök. 18 Mi gölme mem asariba wehön aka suŋgem galömŋina kinda asakŋi aka pandamanŋi menden etkimegöra al enjiyök. Mewö asuhuiga Anutunöŋ engehiga mianŋön mönö ölöwahök. 19 Wehön 4:ŋi teköiga miri kunbuk söŋauba gianjiyök.

20 Gianjiiga Anutunöŋ kewö jim kutuyök: “O köwet mienŋö uruŋine mönö yuai isikusukŋinambuk asuhuba dop köla o qeba ölölaŋgöba laŋ anda kaba malme. Mewöŋanök neiŋi neiŋi gölme qakŋe könakemba bölbölgöba kutuba anda kaba malme.”

21 Mewö jiba köwetkö sömbupŋi ketanŋi ketanŋi aka yuai isikusukŋinambuk tandökŋini könaŋi könaŋi o qeba ölölaŋgöba qeqelaŋlaŋ anda kamakzei, mi miwikŋaim enjiyök. Mewöyök nei tandökŋini könaŋi könaŋi ginginŋinambuk mi miwikŋaim enjiyök. Miwikŋaim enjiba engehiga mianŋön mönö ölöwahök. 22 Ölöwahiga kötuatköm enjiba keu kewö jiyök: “Inini mönö köt moröŋinambuk jul sehiba o köwet dop köla malme aiga nei inini mönö mewöŋanök gölme qakŋe ahum sehime.” 23 Keu mewö jiiga wehön 5:ŋi teköiga miri kunbuk söŋauba gianjiyök.

24 Gianjiiga Anutunöŋ kewö jim kutuyök: “Gölme qakŋe mönö yuai pakpak malmalŋinambuk tandökŋini könaŋi könaŋi asuhume. Mirigö sömbupŋi, yuai bapŋinan köla ölölöŋgömakzei aka arökŋaŋgö sömbupŋi tandökŋini könaŋi könaŋi, mi mönö asuhume.” Mewö jim kutuiga mönö kewö asuhuget: 25 Anutunöŋ arökŋaŋgö sömbupŋi tandökŋini könaŋi könaŋi mi miwikŋaim enjiyök. Mirigö sömbupŋi tandökŋini könaŋi könaŋi mi

* 1:3: 2 Kor 4.6; 2 Pitö 3.5

miwikɲaim enɟiyök aka yuai pakpak bapɲini gölmenöŋ köla ölölöŋgömakzei, tandökɲini könaɲi könaɲi mi miwikɲaim enɟiyök. Miwikɲaim enɟiba enɟehiga mianɲön mönö ölöwahök. Mewö.

Anutunöŋ azi aka ambi miwikɲaim etkiyök.

²⁶ *Mianɟö andöŋe Anutunöŋ kewö jiyök: “Ayop, nini mönö azi nanine tandökö dop meinga kaisoŋgolomɲini ewö aka yuai pakpak galöm köl enɟiba malma. Yuai pakpak mi köwetkö söraɲi, suepkö neiɲi aka mirigö sömbupɲi, gölme körek aka yuai pakpak bapɲini gölmenöŋ köla ölölöŋgömakzei, mönö miengö galöŋɲina aka malma.” ²⁷ *Mewö jiba nanɲi kaisoŋgolomɲanɟö dop azi miwikɲaiyök. Anutugö kaisoŋgolomɲi ewö malmapköra i miwikɲaim wanɟiyök. Azi aka ambi malmahotköra i miwikɲaim etkiyök. ²⁸ Miwikɲaim etkiba i kötuetköba kewö jim kutum etkiyök: “Inɲiri mönö ahum sehiba gwölönarökpuk malohotka gölme dop köla malme. Mewö mala gölme toɲi akɲe. Mewö aka köwetkö söraɲi, könakembagö neiɲi aka sömbup mokoleɲ laigisip gölmenöŋ anda kamakzei, mönö mi pakpak galöm köl enɟiba malme.” ²⁹ Mewö jiba keu kewö jiyök: “Mötket, nöŋön yöha könaɲi könaɲi gölme pakpak dop köla asuhuba wahöta köɲini kuɲɟum söhömakzei aka ip kösö pakpak öl köɲinambuk kuɲɟum söhömakzei, mi numbu neneɲini akɲapköra al enɟizal. ³⁰ Arökɲanɟö sömbupɲi pakpak, könakembagö neiɲi pakpak aka yuai pakpak gölmenöŋ anda kamakzei aka tosatɲi pakpak söŋgörö ösumɲini örömakzei, yengöra gwözözak görökɲi (töŋgönɲi) könaɲi könaɲi mi neneɲamɲini akɲapköra al enɟizal. “Keu mewö jiiga mönö mewö asuhuyök. ³¹ Asuhuiga Anutunöŋ yuai pakpak miwikɲaiyöhi, mi ehiga mönö ölop kötökɲi aiga urusösöŋgai mörök. Wehön 6:ɲi teköiga miri kunbuk söŋauba gianɲiyök. Mewö.

2

Anutunöŋ kendon tarök.

¹ Gianɲiiga suepkö jakenɲi jakenɲi, gölme aka mietkö yuaiɲiri aködammunɲirambuk pakpak mi lök miwikɲaim enɟim teköyök. ² *Anutunöŋ nupɲi mi mei teköiga wehön 7 mianɟöreɲ kendon tarök. Nupɲi pakpak meyöhanɟöra wehön 7 mianɟöreɲ luhut meyök. ³ Miwimiwikɲai nupɲi pakpak meyöhanɟöra aka wehön mianɟöreɲ luhut meyök. Mianɟöra wehön 7:ɲi mi kendon jiba kötuetköba jim kömbuhuyök. Mewö.

Oyaenɲkoyaen miri qetɲi Eden

⁴ Anutunöŋ suep gölme miwikɲaim etkiiga asuhuyohoraŋgö kösohotɲi mi mewö. Kembu Anutunöŋ suep aka gölme miwikɲaim etkiyöhi, nalö mianɟöreɲ ⁵⁻⁶ Kembu Anutugö jitsihitköra gölme qakɲe kie qahö yöhöiga nup kölkömötköra azi kun kude malökmö, gölme uruɲeyök bedunöŋ miyök kota gölme qakɲi dop köla mem samuruyök. Mianɟöra arökɲanɟö ip kösö kun me sombemgö gwözözak yuai kun mi gölmenöŋ qahö asuhum tiɲgita ahöyök.

⁷ *Nalö mianɟöreɲ Kembu Anutunöŋ gölme sömsöm memba mianɲön azi mem yaköba malmalgö numbu ösumɲi söŋgöröŋe ui geiga öröba guliba malmalgö uɲaɲambuk ahök. Mewö.

⁸ Mewö aiga Kembu Anutunöŋ wehön kotkotɲe göröken miri qetɲi Eden mianɟöreɲ oyaenɲkoyaen nup kömöta azi miwikɲaiyöhi, i mianɟöreɲ al wanɟiyök. ⁹ Al wanɟiba jiiga gölmenöhök ip tandökɲini könaɲi könaɲi asuhuba wahötket. Ip mi eksihimɲinambuk aiga öɲini neneɲi mi nahömmɲinambuk. Oyaenɲkoyaen nup bibiɲe malmal köhöikɲanɟö ipɲi aka mötkutukutugö ipɲi mi mohotɲe jim kutuiga asuhuyohot. Mötkutukutugö ipɲanɟö könaɲi kewö: Öɲɲi nembra mianɲön ölopɲi aka bölöŋi mietkö könaɲiri mi möt kutubahotpuk.

* **1:26:** 1 Kor 11.7; Mat 19.4; Mak 10.6 * **1:27:** Jen 5.1-2 * **2:2:** Hib 4.4, 10; Eks 20.11 * **2:7:** 1 Kor 15.45; Ind 2.7; 22.2, 14; Mat 19.5; Mak 10.7-8; 1 Kor 6.16; Ef 5.31

¹⁰ Ip mewö wahötketka o töwatni kun mi Edenök könahiba oyaenköyaen miri mem kelita miangörenök eta jula o böröni töwatni 4 aka anget. ¹¹ O töwatni mutuknangö qetni Pison, mi Hawila gölme körek liliköba ahöba anja. Gölme miangören goul ahöza. * ¹² Gölme miangö goulni mi ölopni kötökni akza. Sileqösösök umköhöwaknambuk qetni bedelion aka köt ölnambuk qetni oniks mi mewöyök miangören ahözahot. ¹³ O böröni töwatni janjö 2 miangö qetni Gihon. Mi (Mesopotemiagö) gölme qetni Kus mi körek liliköba ahöba anja. ¹⁴ O böröni töwatni karöbutni qetni Taigris. Mi Asiria gölme wösöne wehön kotkotne göröken geba anja. O böröni töwatni janjö 4 miangö qetni mi Yufreitis.

¹⁵ Mewö aiga Kembu Anutunöni azi wanğita oyaenköyaen miri Eden köl kömöta ek galöm aknapköra jiba al wanğiyök. ¹⁶ Al wanğiba kewö jiba jim kutum wanğiyök: “Oyaenköyaen nup uruñe ip pakpak kin anjei, miengö ölnini mi ölop amqeba mem nemba malman. ¹⁷ Mimö, mötkutukutugö ipkö ölni mi mönö kude neman. Mi nemba ölopnanjö könanji aka bölönanjö könanji möt kutuman ewö, gi mönö wehön miangörenök kömum köhöiman. Miangöra mi mönö kude neman.”

¹⁸ Mewö jiba Kembu Anutunöni jiyök: “Azinöni nannök maliga ölop qahö akza. Miangöra nöñon mönö nannji tandöknanjö dop alabaukni miwiknaimam.” ¹⁹ Mewö jiba aröknanjö sömbupni pakpak aka könakembagö neiñi pakpak mi gölmenöni miwiknaim enğiba azigö kösutne enğuanğita azinöni qetnini denöwö qetmawi, mi eka mötmapköra yanğoren al enğiyök. Al enğiiga azinöni yuai malmalñinambuk pakpak miengö qetnini mohok mohok qeriga Anutunöni mewö mia ahömapköra jim köhöiyök. ²⁰ Mewö aiga azinöni mirigö sömbupni pakpak, könakembagö neiñi pakpak aka aröknanjö sömbupni pakpak mi qetnini enğim teköyök. Enğim teköyökmö, nannji tandöknanjö dop alabaukni malmapköra kun qahö miwiknaiyök.

²¹ Qahö miwiknaiiga Kembu Anutunöni mi eka azi mem lömböriiga gaun lömbötñi ahöyök. Ahöiga maröm sihitni kun öröba dumdumni busunan mem gwözönök. ²² Gwözönnda azinöhök maröm sihitni meyöhi, mianjön ambi meyök. I memba azigören wanğita kayök. ²³ Wanğita kaiga azinöni i eka kewö jiyök:

“Yei! Ki nani tandöha. Yanjö sihit busunji mi nani sihit busunöhök asuhuza.

Anutunöni i azigö sile kitipneyök mei letota azi tandök ewö maljawanğöra qetni mönö ambi (azigö alanji) qetme.”

²⁴ Mewö jiiga Anutunöni kewö jim kutum etkiyök: “Mewö aiga azinöni mönö iwinamni etkömosöta anömnanğoren qekötahöba silemohot aka malmahot.”

²⁵ Azi mianjön anömñambuk opo söronjiri qahö aukne malohotmö, töndup nanñiranjö gamunjiri qahö möta malohot. Mewö.

3

Adam aka Iw Anutugö keunji qetala et etkuyök.

¹ *Kembu Anutunöni gölmegö sömbup malmalñinambuk pakpak miwiknaim enğiyöhi, miengö sutñine mokolenöni isimkakalek mötmötnöni sömbup pakpak mi enğonğita öngöyök. Mewö öngöba ambigöra kewö jiyök: “Oyaenköyaen mire ip pakpak kin anjei, miengö ölnini kun kude nemahotköra Anutunöni ölna jim kutum etkiyök me qahö?”

² Mewö jiiga ambinöni melennda mokolenğöra kewö jiyök: “Oyaenköyaen mire ip tosatni kin anjei, miengö ölnini mi ölop nembitköra jiyök. ³ Mimö, miri bibiñe ip kun kinjawi, miangö ölni mi nemba kömumbitpuköra mönö kewö jiyök: ‘Mi mönö kude nemahot. Mia kude misirimahot.’ Mewö jim kutum netkii maljit.”

* **2:11:** Hawila mi Babilonia gölmegö jabö kösutne ahöza. † **2:23:** Inğlis keu eknöni: man aka woman keu yahöt mi örörön tandök akzahot. * **3:1:** Ind 12.9; 20.2; 2 Kor 11.3; 1 Tim 2.14

⁴ Mewö melenḡa jiiga mokoleḡnöh ambigöra kewö jiyök: “Mi saumban! Injiri kude kömumahot. ⁵ Mimö, ip miangö ölni mi neyohotka wehön miangörenök mönö jeḡiran tohoiga Anutu ewö aka ölöḡḡangö könaḡi aka bölöḡḡangö könaḡi möt tekömahot. Anutunöh keu mi möta mewö asuhubapuköra keuḡi mewö jiyök.”

⁶ Mewö jiiga ambinöh ip mi uba ehiiga ölni ölöḡḡi nenenangö dop ahök. “Mi eksi-himḡambuk kiniga mötkutukutu ketanḡi awamḡanök niḡgima,” mewö mötmöriba ölni kun meköba neyök. Nemba apḡi yambuk malöhi, i tok waḡḡiiga neyök. ⁷ Neiga jeḡiran mönö miangörenök tohoiga silenḡiri aukḡe malohori, mi anḡek kutuyohot. Mewö anḡek kutuba kinda fig ipkö sinḡi mumburatiba opo söronḡiri uba lata malohot.

⁸ Malohotka wehön jeḡi geiga miri löwöriga Kembu Anutunöh oyaenḡkoyaen mire tiba kaiga köna ötonḡi mörohot. Mi möta awanöm yetkөн Kembu Anutugö jemesoholḡeyök mömölaköba oyaenḡkoyaen mirigö ip uruḡine anda asambörohohot. ⁹ Asambörohohotmö, Kembu Anutunöh azigö qeta kewö jiyök, “Gi mönö denike maljane?”

¹⁰ Mewö qeta jiiga kewö melenök: “Gi oyaenḡkoyaen miri uruḡe tiba kanöhga köna ötonḡi möta silenḡi aukḡe maljalangöra keḡötni mötzal. Miangöra mömölaköba asamböta maljal.”

¹¹ Mewö melenḡiga kewö jiyök: “Gi sile aukḡe maljani, mi mönö daḡön jii mötzan? Nöhön ip kungö kötni nembanbukö soḡgo al gihiali, göḡön miangörenök kun nezan me?”

¹² Mewö jiiga azinöh kewö jiyök: “Ambi nömbuk malmapköra niḡḡinöhḡi, yanöh mönö ip miangö kötni niḡḡiiga nezal.”

¹³ Mewö jiiga Kembu Anutunöh ambi kewö qesim waḡḡiyök: “Göḡön wuanöhḡöra mewö akzane?” Qesim waḡḡiiga kewö melenök: “Mokoleḡnöh mönö tilipköm niḡḡiiga nezal.”

Anutunöh likeḡḡi melenḡa lömböt enḡimapkö jiyök.

¹⁴ Mewö melenḡiga Kembu Anutunöh mokoleḡgöra kewö jim waḡḡiyök: “Mewö akzanangöra aka gi mönö mirigö sömbupḡi pakpak aka arökḡangö sömbupḡi pakpak yeḡö sutḡiḡe kewö jim qesuahöm gihibiga malman: Göḡön mönö gölmenöh malmanangö dop bakpan köla anda kaba sömsöm uruḡe mala nesak yuai nemakḡan.

¹⁵ *Mewö nemba ambibuk sutḡire kerök al etkibiga mi möta malman. Kerök mi göhö gwölönarökurupki aka yaḡḡö gwölönarökurupḡi yeḡö sutḡine toroqeba ahöm öḡḡöi kewö asuhuma: Yeḡörenök azi kunöh mönö göhö nöropki tölölahöiga göḡön yaḡḡö köna gwakötḡi yöhösulmakḡan.”

¹⁶ Toroqeba ambi kewö jim waḡḡiyök: “Göḡön gölömgabuk aka malnöhga sihimbölöḡi ketanḡi al gihibiga masö ahum gihiiḡa möta morö mem enḡimakḡan. Mi töndup sihimgan mönö apkahöra ahöm gihiiḡa yaḡḡön galömgḡi aka malma.”

¹⁷ Toroqeba azi kewö jim waḡḡiyök: “Nöhön ip kungö ölni nembanbuköra ‘Mia kude neman,’ jiba soḡgo al gihialmö, göḡön mi töndup anömgahö keuḡi wuatangöba nezan. Miangöra nöḡön gölme mi göhöra aka saitköbiga ahöma. Mewö ahöiga göḡön gölmenöh malmanangö dop mönö sileqeḡe aka nup gwötḡuk memba sihimbölö möta nenegi miwikḡaiba malman. ¹⁸ Nup memba malnöhga göhö nene nupnöh nuḡgakal, koururuk (köwörörök) yuai mi asuhiḡa arökḡangö yöha yuai mi nemba malman. ¹⁹ Mewö mala mesoholge nöḡḡöp ariba nup memba tup yakagi mewö nemba mala gölmenöh mem gihiali, gölme miangören mönö kunbuk lilingöba geman. Sileḡi gwakömnöh mem gihibiga mala öḡḡöbagun mönö kunbuk gwaköm akḡan. “Mewö jim waḡḡiyök.

²⁰ Azinöh anömḡi yuai pakpak malmalḡinambuk maljei, miengö namḡini aiga azinöh qetḡi Iw (Ewa) qerök. * ²¹ Kembu Anutunöh sömbup silenḡan opo söro memba Adam anömḡet lat etkiḡa malohot.

* **3:15:** Ind 12.17; Hib 6.8 * **3:20:** Iw keu miangö könaḡi mi ‘Malmal maljei, miengö namḡini.’

Anutunöŋ Adam aka Iw Eden mianğöreŋök közöl etkiyök.

²² *Mewö malohotka Kembu Anutunöŋ kewö jiyök: “Yei! Ambazip mi neŋğöreŋök kungö dop aka ölopŋi bölöŋi mietkö kōnaŋiri lōk mendeŋ etkibitkö mötzahot. Mewö aiga malmal köhöikŋaŋgö ip kötŋi kude nemahotköra songo alalmö, yetkōn nalö kewöŋe toroqeba böröŋiri bōraŋda mi mewöyök mem nemba mewö mianğōn qahö kömumba tetekōŋi qahö köhöikŋanök mal öŋğōbahotpuk.” ²³ Mewö jiba mianğōra oyaenŋkoyaeŋ nup Eden mianğöreŋök közöl etkiba gölmenöhök mem etkiyōhi, mönō gölme mianğöreŋök kölkömöt nup memahotköra melaim etkiiga yaigep geba anohot. ²⁴ Ambazip mewö közöl etkiba oyaenŋkoyaeŋ miri Edengö likepŋe wehōn kotkotŋe görōken zerubim garata tosatŋi al enğiiga malmal köhöikŋaŋgö ip mianğō kōnaŋi utuba galōm kölget. Yeŋgö böröŋine bingö souŋi ketanŋi aliga mianğōn kōnōp bölam ewö gilikbilikŋambuk jeba andōŋe wösōŋe lilikōba biliksikö dop aiga kinda galōm köla malget. Mewö.

4

Keinöŋ Abel qei kömuyök.

¹ Azi Adamnōŋ anōmŋambuk mala amiyohotka Iwnōŋ (Ewa) gölōm ala Kein (Kain) meyök. Memba Kein qetköra kewö jiyök: “Anutunöŋ baukōm niŋgiiga nahōni mezal.” ² Iwnōŋ kōnaŋep Adamgö nahōŋi Abel, Keingö munŋi meyök. Abelnōŋ mala qariba lama galōmŋina aiga Keinöŋ kölkömöt azia aka malök. ³ Mewö malohotka nalö kunōŋ Keinöŋ nupkö nene tosatŋi memba kaba Kembugōra jōwōwöl ohom waŋgiyök. ⁴ *Abelnōŋ mewöyök lama kambuŋaŋgö mutuk asuasuhūŋi tosatŋi meköba enğuba kitipŋi kelōkŋinambuk memba kaba Kembugö jōwōwöl ohoyök. Ohoiga Kembunōŋ Abel nanŋi aka jōwōwölŋi etkeka möri ölöwahök. ⁵ Ölöwahökmö, Kembunōŋ Kein aka yaŋgö jōwōwölŋi mi ek tököyök. Mewö aiga Keingö irimŋi sehōliiga kömbuhiba jemesoholŋan bosoliyök. ⁶ Bosoliiga Kembunōŋ Keingōra kewö jii mörök: “Iringi mönō wuanōŋgōra sehōliiga jemesoholŋan bosoliza? ⁷ Gi yuai ölopŋi aknōŋga möt aŋgōn köl gihibiga ölop jemesoholgi öhal (hak) akŋan me qahö? Yuai ölopŋi qahö aknōŋga siŋgisōndokö Tonŋan mönō urugahö naŋguŋe kinda göhōra ak gihiba mönōmakza. Mewö mönōmakzapmō, göŋōn mönō mianğō songo ala galōm memba luhut alman.”

⁸ Kembunōŋ Keingōra mewö jii mörökmö, Keinöŋ töndup munŋi Abelgōra kewö jiyök: “Mönō nanirök nupnōŋ anbit. “Mewö jüiga nupnōŋ anda mala Keinöŋ luhuba munŋi Abel qelanjiba memba qeba qei kömuyök.*

⁹ Kömuiga Kembunōŋ Kein kewö qesim waŋgiyök: “Mungi Abel mi denike malja?” Qesim waŋgiiga kewö melenök: “Ni qahö mötzal. Ni munangö jegalōma qahö akzal.”

¹⁰ Mewö melenŋiga Kembunōŋ jiyök: “Gi wani yuaia akzan? Mötnōŋ, mungahö sepŋan mönō gölmenöhök qeriga mötzal.* ¹¹ Gölme kianğō numbuŋan aŋaŋiba mungahö sep börögeyök mezawi, nōŋōn mönō kianğöreŋök közöl gihibi anman. Jōramōrahö mi mönō göhö qake albi öŋgōza. ¹² Közöl gihibiga kölkömöt nup menōŋga gölmenōŋ möriamŋaŋgö ölni aŋgōn köl gihiiga gölme dop mömōlakōba kekelolo aka ölöŋ köla laŋ anda kaba malman.”

¹³ Mewö jüiga Keinöŋ Kembugōra kewö jiyök, “Keunaŋgö likepŋi melenŋōŋga qakne öŋgōzawi, mianğōn mönō ösumni onğiri lömbōriiga bisimangö osimam. ¹⁴ Mötnōŋ, gi merak ni nupqeŋe gölmenöhök nuataŋgōnōŋga jemesoholgeyök mömōlakōba gölme dop kekelolo aka ölöŋ köla laŋ anda kaba malmam. Mianğōra kunŋan ni neka ölop nuŋgui kömumbilenbuk.”

¹⁵ Mewö jiyökmö, Kembunōŋ kewö jii mörök: “Mewö qahö. Kunŋan Kein qei kömuma ewö, mianğō likepŋi mönō yaŋgö qakŋe öŋgōiga ambemŋi 7 akŋa. “Mewö jiba kunŋan Kein miwikŋaiba i qei kömumbapukōra silene aiwesök kulem kun alök. ¹⁶ Mi aliga

* 3:22: Ind 22.14 * 4:4: Hib 11.4 * 4:8: Mat 23.35; Luk 11.51; 1 Jon 3.12 * 4:10: Hib 12.24

Kembugö jemesoholñi mosöta anda anda gölme qetñi Lanlañ lilikqilik (Nod) mianğörej anğota malök. Gölme mi Edenök wehön kotkotñe göröken ahöza. Mewö.

Keingö gwölönarökurupñi

¹⁷ Keinöñ anömñambuk mala amiyohotka gölöm ala Henok meyök. Keinöñ taon kun memba nahönñangö qetñi Henok qet wañgiyök. ¹⁸ Henokö nahönñi qetñi Irad. Iradkö nahönñi Mehujael. Mehujaelgö nahönñi Metusael. Metusaelgö nahönñi Lamek. Mewö asuhuget. ¹⁹ Lameknöñ ambi yahöt etkömeyök: Kun qetñi Ada, kun qetñi Zila. ²⁰ Adanöñ gölöm ala Jabal meyök. Yañön ambazip opo seri koumñine ahöba mala bau bulmakau galöm köl engiba maljei, yengö bömönñini ahök. ²¹ Jabalgö munñangö qetñi mi Jubal. Yañön ambazip gita kulele qeba awölop uba maljei, yengö bömönñini ahök. ²² Zilanöñ mewöyök nahönñi qetñi Tubal-Kein meyök. Yañön qariba börögö tulsñi aka bimqeqegö yuaiñi könañi könañi mi bras aka ainöñ ohoi kolkolgöi qekötahöba mezapma. Tubal-Keingö nenñi qetñi Nama.

²³ Lameknöñ nalö kunöñ anömyahötñi mi kewö jii mörohot, “Ada aka Zila anömyahötñi, inñiri mönö kezap ala keuni ki mötmahot: Kunñan nuñgum kuziriga uzinañgö kitipñangöra mönö azi kun qebi kömuma. Kunñan nuñgum miziriga gurusep (gulibambam) löpötñangö kitipñangöra mönö azi gwabö kun qebi kömuma.

²⁴ *Kunñan Kein qeiga likepñi yañgö qakñe öngöiga ambemñi 7 akñapmö, kunñan Lamek ni nuñguiga mianğö likepñi mönö yañgö qakñe öngöiga ambemñi 77 akña. “Mewö.

Set aka Enos

²⁵ Azi mutukñi Adam yañön kunbuk anömñambuk mala amiyohotka nahönñiri kun memba kewö jiyök: “Keinöñ Abel qei kömuyöhanğöra Anutunöñ Abelgö salupñe nahöni kun niñgiza. “Mianğöra qetñi Set (Niñgiza) qerök. ²⁶ Setkö nahönñi mewöyök asuhuiga qetñi Enos qerök. Mewö.

Nalö mianğörej ambazip yañön könahiba Kembugö qetñi köuluköba malget. Mewö.

5

Adamgö gwölönarökurup yengö qet areñini

1 Hist 1.1-4

¹ *Adamgö isimorö aka amböisikurupñi yengö qet areñ papiañi ki. Anutunöñ azi miwikñaiyöhi, yañön mi nanñi kaisongolomñangö dop meyök. ² Mewö memba azi ambi malmahotköra miwikñaim etkiba nalö mianğörej qetñiri ambazip * qeta kötuetköm etkiyök.* ³ Adamnöñ mala yambuñi 130 aiga nahönñi kun asuhuyök. Mi Adam nanñi kaisongolomñi aka tandökñangö dop maliga qetñi Set qerök. ⁴ Set asuhuiga nalö mianğörejök Adamnöñ toroqeba yambu 800 mala mala maliga nalö sutñe mianğörej nahönböratñi tosatñi asuha öngöget. ⁵ Adamnöñ mewö mala öngöba yambuñi mindiriba 930 meköba kömuyök.

⁶ Kömuiga nahönñi Set yañön yambuñi 105 aiga nahönñi Enos asuhuyök. ⁷ Enos asuhuiga nalö mianğörejök Setnöñ toroqeba yambu 807 mala mala maliga nalö sutñe mianğörej nahönböratñi tosatñi asuha öngöget. ⁸ Öngögetka Setnöñ mala mala öngöba yambuñi mindiriba 912 meköba kömuyök.

⁹ Kömuiga nahönñi Enos yañön yambuñi 90 aiga nahönñi Kenan asuhuyök. ¹⁰ Kenanöñ asuhuiga nalö mianğörejök Enosnöñ toroqeba yambu 815 mala mala mal öngöiga nalö sutñe mianğörej nahönböratñi tosatñi asuha öngöget. ¹¹ Öngögetka Enosnöñ mala mala öngöba yambuñi mindiriba 905 meköba kömuyök.

* **4:24:** Mat 18.22 * **5:1:** Jen 1.27-28 * **5:2:** Ambazip mi Hibru keunöñ adam. * **5:2:** Mat 19.4; Mak 10.6

¹² Kömuiga nahönñi Kenan yañon yambuñi 70 aiga nahönñi Mahalalel asuhuyök. ¹³ Mahalalel asuhuiga nalö mianğörenğök Kenanöñ toroqeba yambu 840 mala mala mal öngöiga nalö sutñe mianğörenñ nahönböratñi tosatñi asuhaba öngöget. ¹⁴ Öngögetka Kenanöñ mala mala öngöba yambuñi mindiriba 910 meköba kömuyök.

¹⁵ Kömuiga nahönñi Mahalalel yañon yambuñi 65 aiga nahönñi Jared asuhuyök. ¹⁶ Jared asuhuiga nalö mianğörenğök Mahalalelnöñ toroqeba yambu 830 mala mala mal öngöiga nalö sutñe mianğörenñ nahönböratñi tosatñi asuhaba öngöget. ¹⁷ Öngögetka Mahalalelnöñ mala mal öngöba yambuñi mindiriba 895 meköba kömuyök.

¹⁸ Kömuiga nahönñi Jared yañon yambuñi 162 aiga nahönñi Enok asuhuyök. ¹⁹ Enok asuhuiga nalö mianğörenğök Jarednöñ toroqeba yambu 800 mala mala mal öngöiga nalö sutñe mianğörenñ nahönböratñi tosatñi asuhaba öngöget. ²⁰ Öngögetka Jarednöñ mala mala mal öngöba yambuñi mindiriba 962 meköba kömuyök. ²¹ Kömuiga nahönñi Enok yañon yambuñi 65 aiga nahönñi Metusela asuhuyök.

²² Metusela asuhuiga nalö mianğörenğök Enoknöñ yambu 300:gö dop uruñi Anutubuk jöhöba anda kaba maliga nalö sutñe mianğörenñ nahönböratñi tosatñi asuhaba öngöget. ²³ Öngögetka Enoknöñ mala mal öngöba yambuñi mindiriba 365 meköyök. ²⁴ Meköba uruñi Anutubuk jöhöba anda kaba maliga Anutunöñ öne wañgiriga at atop (jیاتون) kölok.*

²⁵ At atop köliga nahönñi Metusela yañon yambuñi 187 aiga nahönñi Lamek asuhuyök. ²⁶ Asuhuiga nalö mianğörenğök Metuselanöñ toroqeba yambu 782 mala mal öngöiga nalö sutñe mianğörenñ nahönböratñi tosatñi asuhaba öngöget. ²⁷ Öngögetka Metuselanöñ mala mala mal öngöba yambuñi mindiriba 969 meköba kömuyök.

²⁸ Kömuiga nahönñi Lameknöñ yambuñi 182 aiga nahönñi kun asuhuyök. ²⁹ Asuhuiga qetñi Noa (kölalep) qeta kewö jiyök: “Anutunöñ gölme saitköiga nini börönanan nup köl kömöta sileqeçe aka sihimbölä möta malinga morö kianön mönö ölop urukölalep neñgimakña.” ³⁰ Noa asuhuiga nalö mianğörenğök Lameknöñ toroqeba yambuñi 595 aiga nalö sutñe mianğörenñ nahönböratñi tosatñi asuhaba öngöget. ³¹ Öngögetka Lameknöñ mala mala mal öngöba yambuñi mindiriba 777 meköba kömuyök.

³² Lameknöñ kömuiga nahönñi Noa yañon yambuñi 500 aiga nahönurupñi karöbut qetñini Sem, Ham aka Jafet asuhuget. Mewö.

6

Gölme ambazipnöñ böliba añğöjörakñinambuk aket.

¹ *Ambazip gölme qakñe malgetka qötöñinan könahiba qariiga böraturupñini mi mewöyök asuhuget. ² Asuhugetka nalö mianğörenñ Anutugö nahönurupñi yeñon ambazip yeñö böraturupñini enğeketka eksihimñinambuk aketka enğek sorigerañğö dop mi pakpak enğömegetka anömurupñini aket. ³ Mewö aketka nalö mianğörenñ Kembunöñ keu kewö jiyök: “Gölme ambazipnöñ silebuk nalö teteköñi qahö mal öngömömö, yeñon mönö kömume. Arenini mewö al enğizal. Nalö kewöneyök könahiba malmalñini mönö yambu 120 jañğö mi qahö oñgita mal öngöme.” ⁴ Anutugö nahönurupñi yeñon gölme ambazip yeñö böraturupñini enğömegetka morö mem enğigetka nalö mianğörenñ aka könañgep mewöyök azi weliwelipñinambuk mönö asuhaba qariba gölmenöñ malget. Möpñañğö möpñeyök bemurup qetbuñañinambuk malgeri, yeñon mönö mia aket.*

⁵ Gölme ambazip yeñö bölöñamñini mi keta bölökñi aiga uruñinañğö mötmöt arenini pakpak mi nalö dop qösösök (qörörök) bölöñanök pakpak aka malgeri, mi Kembunöñ ehök. ⁶ Mi eka ambazip miwikñaim enğiiga gölmenöñ malgeri, mianğöra Anutunöñ möt bölüm añguiga wösöbiriknöñ uruñi kokolak qeiga sihimbölä möta malök. ⁷ Mewö

* 5:24: Hib 11.5; Jud 14 * 6:1: Job 1.6; 2.1 * 6:4: Jan 13.33

möta mala keu kewö jiyök: “Ambazip miwikñaim enġiali, nöñön mönö mi gölmenöhök qeteköm enġimam. Ambazip, mirigö sömbupñi, yuai bapñinan köla ölölonġömakzei aka könakembagö neiñi mi miwikñaim enġialanġöra möt bölim anġuba mi mönö qeköm enġimam.” ⁸ Mewö jiyökmö, azi Noa yanön Kembugö jeñe ak-kömukömu miwikñaiyök.* ⁹⁻¹⁰ Noagö gwölönarökurupñi mienġö kösohotñini mi kewö: Nahönurupñi karöbut qetñini Sem, Ham aka Jafet mi asuhuget. Noanöñ ambazip sutñine azi solanñi köpösihitkö keuñi qahö mala uruñi Anutubuk jöhöba anda kaba malök.* ¹¹ Noanöñ mewö malökmö, ambazip tosatñi pakpak yeñön Anutugö jeñe gonġiba bölim tekögetka ambazip ayuhum enġienġi mi gölme körek dop köla ahöyök. ¹² Ambazip pakpak gölmenöñ anda kaba malmalñini mem bölim tekögetka miri gölme pakpak yeñö ahakmemeñini mi gonġiba anġöjörakñinambuk aiga Anutunöñ gölme uba tandökñini mi mewö ehök.

Wañge memegö arenj

¹³ Mewö eka Anutunöñ Noagöra keu kewö jii mörök: “Ambazip yeñgöra aka ayuhum enġienġi mi gölme körek dop köla ahöza. Mianġöra nöñön ambazip pakpak mem kömum teköm enġimamgöra mönö keuñi jöhöyal. Mötnöñ, nöñön mönö onöñ gölme melenbi geiga yuai pakpak isikusukñinambuk mi kömum teköme. ¹⁴ Mianġöra göñön mönö suman ip köla mianöñ nangahöra wañge kun meman. Mianġö uruñi kutunöñga uruñi morömorö asuhume. Wañgegö uruñi aka silenñi mi qandöñnöñ me gisak marasinöñ kösiba ohom teköman. ¹⁵ Wañge mi kewö meman: köröñamñi 133 mita (450 fit), andipñi 22 mita (75 fit) aka köñgepñi 13 mita (45 fit) mewö meman. ¹⁶ Boñi muhungöba sel aka bo sutñire liliköba jeñgenañ tiñi 44 sentimita (18 ins) mi mosöta kötohoman. Wañgegö uruñi mösöñnöñga uruñi qakñi, kembanñi aka dutñi karöbut asuhume. Wañge nanġuñi mi namñe alman. ¹⁷ Mötman! Nöñön mönö jibiga göulu ketanñan kota gölme jömukñi köl turuiga ambazip aka yuai malmalgö ösumñinambuk pakpak suep bapñe maljei, mienöñ mönö o nemba nemulahöba kömume. Mewö kömumba gölmegö yuai pakpak mi mönö qahöwak teköme.

¹⁸ Mewö asuhumapmö, nöñön göbuk jöhöjöhö arenj kewö akzal: Gi mönö wañgenöñ öñgöman. Gi, anömgi aka nahöniranurupki enöñ mönö mohotñe wañgenöñ öñgöme. ¹⁹ Öñgöba mala yuai malmalñinambuk pakpak mi qahöwak teköbepuköra yeñgöreñök yahöt yahöt aziñi aka ambiñi mi dopñine enġuanġitnöñga göbuk mohotñe wañgenöñ öñgöme. ²⁰ Nei tandökñini könañi könañi, mirigö sömbupñi tandökñini könañi könañi aka gölmegö mokolen, lolohom yuai tandökñini könañi könañi körek yeñgöreñök yahöt yahöt mi mönö kömumbepuköra enġuanġitnöñga göhöreñ kanġotketka öñgöme. ²¹ Mewöyök nanñini aka nei, sömbup yuai pakpak yeñön nemeañgö dop mönö numbu nene könañi könañi miwikñaiiba oton qezaköba wañgenöñ alnöñga kahaimök ahöma.” ²² * Anutunöñ Noa mewö akñapkö jim kutum wañgiiga mianġö dowök mönö tem köla mi pakpak ahök. Mewö mia aka mem teköyök.

7

Ambazip aka sömbup pakpak mi wañgenöñ öñgöget.

¹ Noanöñ wañge mem teköiga Kembunöñ keu kewö jii mörök: “Gi ambazip kambu kiengö sutñine solanñi aka maljan. Nöñön göhö könañamgi mewö miwikñaijal. Mianġöra gi aka saiwaurupki pakpak inñini mönö wañgenöñ öñgöme. ² Sömbup nenenñi, dönqizizinñini qahö mi pakpak yeñgöreñök sewen sewen, aziñi 7 aka ambiñi 7 dopdop enġömenöñga göhöreñ kanġotme. Mewöyök sömbup dönqizizinñinambuk pakpak yeñgöreñök yahöt yahöt aziñi aka ambiñi mewö enġömenöñga göhöreñ kanġotme. ³ Toroqeba nei könañi könañi pakpak yeñgöreñök mewöyök sewen sewen, aziñi 7 aka ambiñi 7 mi enġuanġitnöñga

* 6:8: Mat 24.37; Luk 17.26, 1 Pitö 3.2 * 6:9-10: 2 Pitö 2.5 * 6:22: Hib 11.7

göbuk waŋgenöŋ öngöme. Mewö aknöŋga sömbup aka nei tandökŋini könaŋi könaŋi pakpak mi kude qahöwakŋemö, toroqeba gölmenöŋ ahumsehip aka malme. ⁴ Öngögetka wehön 7 teköiga jim kutubiga kie römbum ketaŋan mönö gölmenöŋ eta yöhöiga suŋgem silim 40:gö dop toroqeba yöhöm teköma. Mewö yöhöiga yuai isikusukŋinambuk pakpak miwikŋaim enġiali, mi mönö mohotŋe jim teköbiga gölmenöhök qahöwakŋe.” ⁵ Kembunöŋ Noa mewö akŋapkö jim kutum waŋgiiga mianġö dowök mönö tem köla mi pakpak ak teköyök.

⁶ Mewö mia aka meiga yambuŋi 600 aiga göulu ketaŋan gölme qakŋe kaŋgorök. ⁷ *Kaŋgotmapkö aiga Noa anömŋet aka nahöniranurupŋiri yeŋön mohotŋe göulunöŋ kömumbepuköra ölöŋ köla waŋgenöŋ öngöget. ⁸ Mewöyök sömbup neneŋi, dönqiziziniŋi qahö aka sömbup dönqiziziniŋinambuk aka nei aka yuai pakpak bapŋinan köla ölölöŋgömakzei, ⁹ mi yahöt yahöt pakpak aziŋi aka ambiŋi mi dopdopŋine waŋgenöŋ öngöba Noagöreŋ kaget. Anutunöŋ Noa jim kutum waŋgiyöhi, mi mönö mianġö dop asuhuyök. Mewö.

Göulunöŋ ambazip turum enġii kömuget.

¹⁰ Mewö asuhuiga wehön 7:göra jiyöhi, mi teköiga göulu ketaŋan gölme qakŋe kaŋgorök. ¹¹ *Noanöŋ yambuŋi 600 aiga yambu mianġö köiŋi 2 mianġö wehönŋi jaŋgö 17 silim mianġöreŋ o jeŋi pakpak, o diginŋinambuk mienġö namŋini pakpak mi emuyök qariba qariba kotket. Mewöyök euyaŋgöreŋ könakembagö onŋi onŋi mienġö numbuŋini mi aŋaŋiget. ¹² Kie römbum ketaŋi mi gölmenöŋ eta yöhöba yöhöba suŋgem silim 40:gö dop ahöyök. ¹³ Kienöŋ könahimapköra aiga wehön mianġöreŋ Noa aka nahönurupŋi Sem, Ham aka Jafet, Noagö anömŋet aka iranurupŋiri karöbut yeŋön mohotŋe waŋgenöŋ öngöm teköget. ¹⁴ Toroqeba arökŋaŋgö sömbupŋi aka mirigö sömbupŋi pakpak, yuai pakpak bapŋinan köla ölölöŋgömakzei, nei pakpak aka yuai ginginŋinambuk pakpak mi ambazip yembuk mohotŋe waŋgenöŋ öngöm teköget. ¹⁵ Anutunöŋ yuai pakpak malmalgö ösumŋinambuk miwikŋaim enġiyöhi, mienġöreŋök yahöt yahöt (2-2) mi Noagöreŋ kaŋgota waŋgenöŋ öngöm teköget. ¹⁶ Anutunöŋ Noa jim kutum waŋgiyöhaŋgö dop yuai isikusukŋinambuk pakpak waŋgenöŋ öngöm tekögeri, mi aziŋi aka ambiŋi ahot. Körekŋan öngöm tekögetka Kembunöŋ nanŋak Noagö andöŋe waŋgegö nanŋuŋi kölöök.

¹⁷ Nanŋuŋi köliga mianġöreŋök göulu ketaŋan könahiba suŋgem asak 40:gö dop toroqeba gölmenöŋ kaŋgoriga o yeŋön qariba qariba gölme köl turuba öngöba waŋge gölmenöhök koaŋgetka wahöta öngöyök. ¹⁸ Öngöiga o yeŋön gölme qakŋe qariba qariba öngögetka waŋgenöŋ o qakŋe nanŋök öne laŋ anda kaba ahöyök. ¹⁹ Mewö aiga onöŋ gölme qakŋe kunbuk qariba öngöyök. Mewö kundunŋi köröpŋi köröpŋi suepkö bapŋe kin anjei, mi pakpak mönö musulungöm enġiyök. ²⁰ Musulungöm enġiba öngöba öngöba kundunŋi bohonnŋi bohonnŋi mi köl turuba 8 mita (25 fit) mianġö dop enġonŋita ahöyök.

²¹ Mewö ahöiga yuai isikusukŋinambuk pakpak gölme qakŋe anda kaba malgeri, mienöŋ o nemba nemulahöba kömum teköget. Yuai pakpak mi nei me mirigö sömbupŋi me arökŋaŋgö sömbupŋi me mokoleŋ, gisip aka yuai pakpak kambuŋini köla gölmenöŋ qeqelaŋlaŋ anda kamakzei aka ambazip pakpak mi mohotŋe qahöwak teköget. ²² Yuai pakpak gölme örönŋe mala malmalgö ösumŋi söŋgöröŋine öröba malgeri, mi körekŋanök kömum teköget. ²³ Yuai malmalŋinambuk pakpak gölmenöŋ malgeri, mi Anutunöŋ enġum teköyök. Yuai pakpak mi ambazip, sömbup me yuai bapŋinan köla ölölöŋgömakzei me könakembagö neiŋi neiŋi mi mönö Anutunöŋ enġum teköyök. Noa aka saiwaurupŋi waŋge uruŋe malgeri, miyök mönö enġehoriba aŋgön köla gou köl enġiyök. ²⁴ O göulu mianġön gölme köl turuba qahö öröba geyökmö, wehön 150:gö dop ahöyök.

* 7:7: Mat 24.38-39; Luk 17.27 * 7:11: 2 Pitö 3.6

8

Göulunöŋ öröba eriga gölmenöŋ öröniyök.

¹ Wehön 150 mi teköiga mianğöreŋ Anutunöŋ Noagö aka arökŋaŋgö mirigö sömbupŋi aka yuai pakpak yambuk waŋgenöŋ malgeri, mi mötmörim enğiba luhut ketanŋi röja aliga gölme qakŋe qeiga onöŋ könahiba öröba erök. ² Anutunöŋ emune o diginŋinambuk yengö jeŋini aka euyangöreŋ könakembagö onŋi onŋi mienğö numbuŋini mi qaliba soŋgo aliga kienöŋ tiŋgita tömböriba suepnöhök kunbuk qahö erök. ³ Qahö eriga o ketanŋan könahiba gölme qakŋe ahöahöneyök lilingöba öröba eta geyök. Wehön 150:gö dop o mienğön öröba eta geba ahöget. ⁴ Mewö ahögetka waŋgenöŋ köiŋ 7 mianğö silimŋi 17 mianğöreŋ kundunŋi qetŋi Ararat mianğö bohonŋi kunöŋ mekötahöba köhöiba tarök. ⁵ Mianğöreŋ tariga o mianğön toroqeba öröba eta eta anök. Anda köiŋ 10 mianğö silimŋi mutukŋi mianğöreŋ kundunŋi mienğö bohonŋini mi aukŋe asuhum tiŋgitket.

⁶ Tiŋgitketka wehön 40 teköiga Noanöŋ waŋgegö jeŋgenanŋi mutuk memenŋi mi metalök. ⁷ Metala koekoe nei kun melaiiga könakemba laŋ bölbölgöba anda kaba qahö lilingöba maliga gölmeğö onŋi mianğön jöpköyök. ⁸ Mianğö andöŋe Noanöŋ kembö kun melaiiga anök. Gölme qakŋe onöŋ öröba geyök me qahö, mianğö könanŋi mötmamğöra mi melaiiga anök. ⁹ Kembönöŋ anda kaba onöŋ toroqeba gölme körekŋanök turuba ahöyöhanğöra luhut memenanğö tatatŋi qahö miwikŋaiba waŋgegöreŋ lilingöiga Noanöŋ böröŋi böraŋda waŋge uruŋe waŋgiriga öŋgöyök. ¹⁰ Öŋgöiga wehön 7:gö dop toroqeba mamböt mala mianğöreŋ kembö mi kunbuk waŋgenöhök melaiiga anök. ¹¹ Anda mare mianğöreŋ lilingöba oil ipkö sinŋi gwölögwölö kun mi meteköba numbuŋan yöhösaŋda Noagöreŋ kayök. Mewö kaiga Noanöŋ mi eka kewö möt asariyök: Onöŋ mönö öröba eriga gölmenöŋ asuhum teköza. ¹² Mi möt asariba kunbuk wehön 7:gö dop mamböta kinda kembö mi kunbuk melaiiga bölbölgöba anök. Anökmö, nalö mianğöreŋ mi yanğöreŋ kunbuk qahö lilingöba kayök.

¹³ Noagö malmal yambuŋi 601 mianğö köiŋ mutukŋaŋgö silimŋi mutukŋi mianğöreŋ onöŋ gölme qakŋe jöpköba öröniba ahöyök. Mewö aiga Noanöŋ waŋgegö bonŋi mei aniga kewö uba ehök: Gölme qakŋan mönö öröniba ahöyök. ¹⁴ Mi ehi kunbuk öröniba köiŋ yahötŋaŋgö silimŋi 27 mianğöreŋ örönim teköba ahöyök.

¹⁵ Anutunöŋ Noagöra keu kewö jiba jii mörök: ¹⁶ “Gi, anömgi aka nahöniranurupki inŋini mönö waŋge mosöta etket. ¹⁷ Eta sömbup yuai malmalŋinambuk pakpak göbuk waŋgenöŋ maljei, mi neiŋi neiŋi, mirigö sömbupŋi aka mokoleŋ yuai pakpak bapŋini gölmenöŋ köla ölölöŋgömakzei, mi mönö körek enğuaŋgita etket. Mewö aknöŋga ölop gölmenöŋ ahum sehiba gwölönarökpuk aka deŋda gölme dop köla malme.”

¹⁸ Mewö jii möta Noa anömŋet aka nahöniranurupŋi yeŋön mohotŋe waŋge mosöta etket. ¹⁹ Etketka arökŋaŋgö sömbupŋi pakpak, mokoleŋ yuai pakpak, nei pakpak aka yuai pakpak gölmenöŋ anda kamakzei, mienğön mönö mewöŋanök isikŋinaŋgö dop waŋge mosöta awatanğöba et teköget. Mewö.

Noanöŋ Anutugöra jöwöwöl ohoba saiwap jiyök.

²⁰ Et tekögetka Noanöŋ Kembugöra jöwöwöl alta kun memba mirigö sömbupŋi dönqizizinnŋini qahö mi pakpak aka nei dönqizizinnŋini qahö mi pakpak yengöreŋök tosatŋi enğömemba alta qakŋe ala mianğön Anutugöra jöwöwöl ohoyök. ²¹ Ohoiga Kembunöŋ wöron umköhökwaŋŋi nahömŋambuk mi möri dop köliga uruŋan keu kewö jiyök: “Ambazip yengö uruŋinaŋgö mötmöt areŋinan mönö moröŋineyök könahiba bölöŋi akzemö, töndup gölme mi nalö kunöŋ ambazipköra aka kunbuk kude qesuahömam. Yuai pakpak malmalŋinambuk maljei, nöŋön mi lök qahöwak teköm enğialmö, mianğö dop nalö kunöŋ kunbuk qahö jim teköba ak enğimam. ²² Gölmenöŋ ahöm öŋgömawaŋgö dop mönö gölmenöŋ köl kömötketka ölnŋi asuhui megetka mianğön mönö kude qahöwak teköma. Miri amöriiga sanğenŋi mörakŋe aka könöpŋambuk aiga könöwiba mörakŋe. Kömunjan

kie nalö aka wehön nalö, sunjem aka asakñi mi nalöni nalöni lilikqilik aka awatan ahöba anmahot. Mi pakpak teteköñi qahö ahöm öngöiga malme. Mewöñan mönö mewö toroqeba ahöma. “Mewö”.

9

Anutunöñ Noabuk jöhöjöhö areñ alök.

¹ *Mewö jiba Anutunöñ Noa aka nahönurupñi kewö jiba kötuetköm enjiyök: “Inini mönö ahum sehiba gwölönarökpuk mala gölme dop köla malme. ² Mewö aketka gölmegö sömbupñi pakpak, könakembagö neiñi pakpak, yuai pakpak bapñinan gölme köla ölölöngömakzei aka köwetkö sörañi pakpak mi mönö engö böröñine al engibi enön mi galöm köl engiba malgetka yeñön engöra kenjöt mötmöt aketka jönömñini unduiga malme. ³ Yuai pakpak isikusukñinambuk anda kaba maljei, mi engö neneya aka ahöma. Mutuk yöha yuai görökñi (töngönñi) neneñina al engiala merak yuai pakpak ki mewöyök al engizal. ⁴ Mohok-kun mi mönö kude neme. Mi sömbup sepñambuk. Sep mi malmalgö söpsöpñi akzawangöra aka sonjo ki al engizal.* ⁵ Nanñini sepñini mi kunñan kun kude mokoma. Kunñan mi mokomawi, miangö likepñan mönö nanñi qakñe öngöma. Sömbup kunñan me ambazip kunñan ambazip kun qeiga malmalñangö söpsöpñi mokomawi, miangö likepñan mönö nanñi qakñe öngöiga kömuma. ⁶ Anutunöñ ambazip nanñi kaisongolomñi tandök meyöhangöra aka kun danön ambazip kun qei kömumawi, kunñan mönö i mewöñanjök qei kömuma.*

⁷ Inini mönö ahum sehiba gwölönarökpuk aka malme. Mewö gölme qakñe ahum sehigetka qötöñinan qarim öngöma.”*

⁸ Anutunöñ toroqeba Noa aka nahönurupñi yambuk malgeri, yeñgöra keu kewö jiyök: ⁹ “Nöñön merak inini aka engö gwölönarökurupñini könangep asuhumei, embuk jöhöjöhö areñ akzal. ¹⁰ Mewöñanjök yuai malmalñinambuk pakpak, mi mirigö me arökñangö nei sömbupñi pakpak göbuk mala wangenhök etkeri, mönö gölmegö öröyuai malmalñinambuk pakpak yembuk jöhöjöhö areñ kewö akzal: ¹¹ Nöñön jöhöjöhö areñni mi embuk kewö al köhöizal: Nöñön o gölunöñ öröyuai isikusukñinambuk pakpak mi kunbuk kude engubi qahöwakñe. O göulu mi gölme ayuhumapköra kunbuk qahö albi kama.” ¹² Anutunöñ toroqeba keu kewö jiyök: “Nöñön mönö jöhöjöhö areñ ki mi nani aka inini aka öröyuai malmalñinambuk pakpak embuk maljei, neñgö sutnine albiga teteköñi qahö köhöiba ahöm öngöma. Jöhöjöhö areñ miangö aiwesökñi mi kewö:

¹³ Nöñön nani marilonloñni mi kusunöñ albiga ahöma. Nöñön nani aka gölmenöñ maljei, neñgö sutnine jöhöjöhö areñ akzali, marilonloñ miangöñ mönö miangö aiwesökñi aka ahöma. ¹⁴ Nöñön nalö kunöñ kusunñi kusunñi gölme qakñe öröm engibi eta tokogetka marilonloñan kusunöñ asuhumawi, ¹⁵ nalö miangöreñ nöñön jöhöjöhö areñni mi mötmörimam. Mi nani aka inini aka öröyuai malmalñinambuk pakpak tandökñini könäñi könäñi neñgö sutnine ahali, mönö mia mötmörimam. Miangöra o miengöñ kunbuk mewö kude qariba yuai isikusukñinambuk pakpak ayuhumegöra göulu ketanñi qahö akña.

¹⁶ Nalö kunöñ marilonloñan kusunöñ asuhumawi, nöñön mi eka miangöreñök jöhöjöhö areñni mi mötmörimam. Mi teteköñi qahö nani aka öröyuai malmalñinambuk pakpak tandökñini könäñi könäñi gölme qakñe maljei, neñgö sutnine al köhöibi ahöza.” ¹⁷ Anutunöñ Noagöra mewö jiba toroqeba kewö jiyök: “Nöñön jöhöjöhö areñ ki mi nani aka gölmegö öröyuai malmalñinambuk pakpak neñgö sutnine al köhöizal. Jöhöjöhö areñ miangö aiwesökñi mi mewö.”

Noagö nahönurupñi

* **9:1:** Jen 1.28 * **9:4:** Jen 17.10-14; Lew 19.26; Dut 12.16, 23; 15.23 * **9:6:** Jen 1.26; Eks 20.13 * **9:7:** Jen 1.28

18 Noagö nahönurupñi waŋgenöhök etkeri, yeŋgö qetñini mi Sem, Ham aka Jafet. * Ham mi Keinangö iwiña. 19 Yeñön Noagö nahönurupñi karöbut aket. Ambazip pakpak denqenða gölme dop köla maljini, nini yeŋgöreñök asuhuin.

20 Noanöñ kölkömöt azia aka wain kösö nup mutukñi kömörök. 21 Mi kömörökmö, nalö kunöñ wain o tosatñi memba neiga uruñi eñololoñ aiga nanñi opo seri koum uruñe oponñi qeköba sile aukñe ahöyök. 22 Keinangö iwiñi Ham yañön iwiñan sile aukñe ahöyöhi, mi eka yaigep geba darumunyahötñi jii mörohotka iwiñi mewö gamu qem waŋgiyök. 23 Sem aka Jafet yetkön mi mörohotmö, maluku kun memba awötñire ala andöandö öngöba iwiñiran sile aukñe ahöyöhi, mi esuhuyohot. Jenñi kungen uyohoraŋgöra aka iwiñiran aukñe ahöyöhi, mi qahö ehot. 24 Noanöñ eñololoñ aiga imbiñi törörök möta wahöta nahönñi moröñan silik ak waŋgiyöhi, mi mörök. 25 Mi möta uruñi öngöiga Hamgöra kewö jiyök:

“Keinan mi jim suehöm waŋgizal. Yañön mönö darumunyahötñi yetkö welenqequeurupñiri yeŋgö welenqequeñini omani aka malma.”

26 Toroqeba kewö jiyök:

“Anutu, Sengö Kembuñi, ia mönö möpöseizal.

Keinanöñ mönö Sengö welenqequeñi omani aka malma.

27 Anutunöñ mönö Jafetkö gölmeñi mem qariiga Sengö opo seri koumñine malme. Keinan yeñön mönö Sem yeŋgö welenqequeurupñini omani aka malme.”

28 Göulu ketañan teköiga Noanöñ toroqeba (yara) yambu 350:gö dop mal öngöyök.

29 Malmalñanğö yambuñi mi mindiriba 950 miangö dop mala kota kömuyök. Mewö.

10

Noagö nahönurup yeŋgö gwölönarökurup areñini

1 Hist 1.5-23

1 Noagö nahönurupñi Sem, Ham aka Jafet yeŋgö gwölönarökurupñini göulu teköiga asuhugeri, yeŋgö qet areñini kewö:

Jafetkö gwölönarökurupñi

2 Jafetkö nahönurupñi yeŋgö qetñini mi Gomer, Magog, Madai, Jawan, Tubal, Mesek aka Tiras. 3 Gomergö nahönurupñi yeŋgö qetñini mi Askenas, Rifat aka Togarma. 4 Jawangö nahönurupñi yeŋgö qetñini mi Elisa, Tarsis aka Saiprus könagesö aka Dodan könagesö. 5 Yeŋgö isimoröurupñini mi jula denqenða Sutñire Köwetkö jitñe aka miangö gölme jöhanñi jöhanñi miangöreñ nanñini gölmeñine anda malje. Yeñön isikñini dop, kambuñini dop aka keuñini dop nanñini gölmeñine anda malje. Jafetkö könagesöñi mewö.

Hamgö gwölönarökurupñi

6 Hamgö nahönurup yeŋgö qetñini mi Kus, * Ijpt, Libia aka Keinan. 7 Kugö nahönurupñi yeŋgö qetñini mi Seba, Hawila, Sabta, Rama aka Sabteka. Ramagö nahönyahötñi yetkö qetñiri mi Seba aka Dedan. 8 Kugö nahönñi kun qetñi Nimrod asuhuyök. Yañön qariba wahöta bimqepegö suahö azi köhöikñi kötökñi aka gölmeñöñ malök. 9 Yañön Kembugö jemesoholñe böröjañ azi köhöikñi malöhanğöra aka keu saiñi kewö jimakze: “Kunöñ Nimrod ewö Kembugö jemesoholñe böröjañ azi köhöikñi akza.”

10 Nimrodkö bemtohoñi mi gölme kewöñe miangöreñ könahiget: Babel, Erek, Akad aka Kalne. Taon 4 mi Babilonia (Sinar) gölmeñöñ ahöze. 11 Nimrodnöñ Babilonia gölme mosöta Asiria anda miri ketañi ketañi qetñini Niniwe, Rehobotir aka Kala mi mem wahörök. 12 Mewöyök Resen mi Niniwe aka siti ketañi qetñi Kala yetkö sutñire mem wahörök.

* 9:18: Jafet sehiza * 10:6: Kus mi Sudan kantrigö qetñi.

¹³ Ijptkö gwölönarökurupñi yeñön Libia könagesö, Anam könagesö, Lehab könagesö aka Naftu könagesö akze. ¹⁴ Mewöyök Patrus, Kaslu aka Krit. Krit mi Filistia könagesö yeñgö bömönñini ahök.

¹⁵ Keinangö nahönñi mutukñi mi Saidon. Yangö andöñe Keinanöñ könagesö kewöñi yeñgö bömönñini ahök: Hit könagesö, ¹⁶ Jebus könagesö, Amor könagesö, Girgas könagesö, ¹⁷ Hiwi könagesö, Arka könagesö, Sini könagesö, ¹⁸ Arwad könagesö, Zemar könagesö aka Hamat könagesö. Keinanöñ körek pakpak yeñgö iwi bömönñini aiga yeñön könangep jula denqenget.

¹⁹ Mewö denqengetka Keinan könagesö yeñgöreñ gölme görañi mi miri qetñi Saidon miangöreñök könahiba anda Gerar mire anda Gaza miangöreñ teköza. Mewöyök Sodom göröken anda Gomora anda Adma aka Zeboim anda Lasa miangöreñ teköza. ²⁰ Hamgö nahönurupñi mi isikñini dop, keuñini dop, gölmeñini dop aka könagesö kambuñini dop mewö malje.

Semgö gwölönarökurupñi

²¹ Jafetkö datñi Sem yangö nahönurupñi mewöñanök asuhuget. Semnöñ mewö Ebergö nahönurup pakpak yeñgö bömönñini ahök. ²² Semgö nahönurupñi yeñgö qetñini mi Elam, Asur, Arfaksad, Lidia (Lud) aka Aram. ²³ Aramgö nahönurupñi yeñgö qetñini mi Uz, Hul, Geter aka Mas. Mewö malget. ²⁴ Arfaksadkö nahönñi Sela asuhuiga yangö nahönñi Eber asuhuyök. ²⁵ Ebergö nahönyahötñi yahöt asuhuyohot. Kunöñ asuhaba mala koröhi, nalö miangöreñ gölme ambazipnöñ jula denqenget. Miangöra yangö qetñi Peleg (Denqen) qetket. Munñangö qetñi mi Joktan. ²⁶ Joktangö nahönurupñi kewö asuhuget: Almodad, Selef, Hazarmawet, Jera, ²⁷ Hadoram, Uzal, Dikla, ²⁸ Obal, Abimael, Seba, ²⁹ Ofir, Hawila aka Jobab. Azi pakpak mi Joktangö nahönurupña. ³⁰ Yeñgö tatat malmal gölmeñini mi miri qetñi Mesa miangöreñök könahiba miri qetñi Sefar miangöreñ göröken anda wehön kotkotñangö gölme kundunambuk miangöreñ teköza. ³¹ Semgö nahönurupñi mi isikñini dop, keuñini dop, gölmeñini dop aka könagesö kambuñini dop mewö malje.

³² Noagö isimoröurupñi mi isikurup areñini, könagesöñini aka gölmeñini dop mewö aket. Yeñön jul sehiba denqennda könagesö kambuñi kambuñi aketka göulu ketanjan teköiga anda gölme dop köla malget. Mewö.

11

Anutunöñ ambazip yeñgö keuñini mendenök.

¹ Mutuk miangöreñ gölmeñi gölmeñi pakpak yeñön keu mohot jigetka mianön mindirim enjii malget. ² Mewö mala mosöta wehön kotkotñe göröken anda Babilon uruñe gölme köröñi ketanji kun miwikñaiba miangöreñ miriñini memba tatket. ³ Miangöreñ tata nanñinök kewö eraum-mötket: “Mönö kaget. Nini mönö birik mem mözözömgöba könöpnöñ ohoinga köhöikñi akñe. “Mewö jiba miri selñi membingöra köt jamönñiñ qahöpmö, birik ala sutñine gölme sapösapö qandöñ ewö algetka mianön birik mi mekötahöm enjiiyök. ⁴ Nup mewö memba kunbuk kewö jiget: “Mönö kaget. Nini mönö naninangöra siti kun memba miangöreñ miri köröpñi kötökñi (taua) meinga boñan sup oseima. Mewö oseiiiga qahö denqennda gölme pakpak dop köla lañ anda malbinbuköra mönö nanini qetbuñaninambuk akin.”

⁵ Mewö jiba nup megetmö, Kembunöñ ambazip siti aka miri köröpñi megeri, mi ekñamgöra erök. ⁶ Eta mi eka kewö jiyök: “Yeñön simbisembel qahöpmö, urumohot könagesö aka keuñini mohot jiba kinda yuai ki könahiba meze ewö, könangep i me wai membingö areñini albeak, mi mönö miangöra qahö osiba qaköme. ⁷ Ayop, nini mönö gölmeñöñ geba keuñini mem sohoinga kambu kun yeñön kambu tosatñi yeñgö keuñini qahö möt asariba malme.”

⁸ Kembunöŋ mewö jiba ambazip miangöŋ mendenqenden engiiga gölme körek dop köla anda kaba siti memegö nupŋi jöhöba mosötket. ⁹ Kembunöŋ ambazip pakpak yengö keunŋi mem sohyöhi, miangöra miri miangö qetŋi Babel (enololon siksauk) ahök. Miangöŋöŋ Kembunöŋ i mendenqenden engiiga denŋa gölme pakpak dop köla anget. Mewö.

Qet areŋ Semgöŋöŋ könahiba Abramgöŋ anja.

1 Hist 1.24-27

¹⁰ Semgö gwölönarökurup yengö qet areŋini ki. Göulu andöŋe yambu yahöt teköiga Semnöŋ yambuŋi 100 aiga nalö miangöŋ nahönŋi Arfaksad asuhuyök. ¹¹ Arfaksadnöŋ asuhuiga miangö andöŋe Semnöŋ toroqeba yambu 500 maliga nalö sutŋe miangöŋ nahönböraturupŋi tosatŋi asuhuget.

¹² Arfaksadnöŋ yambuŋi 35 aiga nahönŋi Sela asuhuyök. ¹³ Selanöŋ asuhuiga miangö andöŋe Arfaksadnöŋ toroqeba yambu 403 maliga nalö sutŋe miangöŋ nahönböraturupŋi tosatŋi asuhuget.

¹⁴ Selanöŋ yambuŋi 30 aiga nahönŋi Eber asuhuyök. ¹⁵ Ebernöŋ asuhuiga miangö andöŋe Selanöŋ toroqeba yambu 403 maliga nalö sutŋe miangöŋ nahönböraturupŋi tosatŋi asuhuget.

¹⁶ Ebernöŋ yambuŋi 34 aiga nahönŋi Peleg asuhuyök. ¹⁷ Pelegnöŋ asuhuiga miangö andöŋe Ebernöŋ toroqeba yambu 430 maliga nalö sutŋe miangöŋ nahönböraturupŋi tosatŋi asuhuget.

¹⁸ Pelegnöŋ yambuŋi 30 aiga nahönŋi Reu asuhuyök. ¹⁹ Reunöŋ asuhuiga miangö andöŋe Pelegnöŋ toroqeba yambu 209 maliga nalö sutŋe miangöŋ nahönböraturupŋi tosatŋi asuhuget.

²⁰ Reunöŋ yambuŋi 32 aiga nahönŋi Serug asuhuyök. ²¹ Serugnöŋ asuhuiga miangö andöŋe Reunöŋ toroqeba yambu 207 maliga nalö sutŋe miangöŋ nahönböraturupŋi tosatŋi asuhuget.

²² Serugnöŋ yambuŋi 30 aiga nahönŋi Nahor asuhuyök. ²³ Nahornöŋ asuhuiga miangö andöŋe Serugnöŋ toroqeba yambu 200 maliga nalö sutŋe miangöŋ nahönböraturupŋi tosatŋi asuhuget.

²⁴ Nahornöŋ yambuŋi 29 aiga nahönŋi Tera asuhuyök. ²⁵ Teranöŋ asuhuiga miangö andöŋe Nahornöŋ toroqeba yambu 119 maliga nalö sutŋe miangöŋ nahönböraturupŋi tosatŋi asuhuget. ²⁶ Teranöŋ yambuŋi 70 aiga nahönŋi Abram, Nahor aka Haran asuhuget.

Teragö gwölönarökurupŋi.

²⁷ Teragö gwölönarökurup yengö qet areŋini ki. Teragö nahönurupŋi Abram, Nahor aka Haran asuhuget. Harangö nahönŋi Lot asuhuyök. ²⁸ Haranöŋ Kaldia yengö gölmenöŋ mala nanŋi ahuah miriŋi qetŋi Ur miangöŋ kömuiga Harangö iwiŋi Teranöŋ toroqeba malök.

²⁹ Abram aka Nahor yetköŋ öröröŋ ambi meyohot. Abramgö anömŋi qetŋi Sarai aiga Nahorgö anömŋi qetŋi Milka. Milkanöŋ Harangö börtatŋa ahök. Haranöŋ Milka aka Iska yetkö iwiŋiri ahök. ³⁰ Sarainöŋ ambi köpina moröŋi qahöpmö, öne malök.

³¹ Teranöŋ nahönŋi Abram, isiŋi Lot Harangö nahönŋi aka iranŋi Sarai, nahönŋi Abramgö anömŋi mi enguanŋiriga mohotŋe Kaldia gölmegö miri qetŋi Ur mosöta Keinan gölmenöŋ anbingöra anget. Mewö angetmö, Haran miri gölmenöŋ kaba kinda miangöŋ miriŋini memba tatket. ³² Tatketka Teranöŋ yambuŋi 205 aiga Haran miri miangöŋ tata kömuyök. Mewö.

12

Anutunöŋ Abram oholök.

1 *Kembunöŋ Abramgöra kewö jiyök: “Gi gölmeŋi, könagesöŋi aka iwigahö miri yuaini mosöta gölme kondel gihimami, mönö mianğöreŋ anman. 2 Nöŋön ahumsehip gihibiga gwölönarökurupkan könagesö ketanji akŋe. Nöŋön kötuetköba nanğöm gihibiga qetbuŋagan qariba ketanji akŋa. Mewö aiga Anutunöŋ göhöra aka könagesö tosatŋi kötuetköm enğiba malma.

3 Denike yeŋön gi kötuetköm gihimei, nöŋön mönö i kötuetköm enğiba malmam. Denike yeŋön gi jim suehöm gihimei, nöŋön mönö i mewöyök jim suehöm enğiba malmam. Göhöra aka nöŋgö kötümötuetnan mönö gölmeŋö könagesö kambuŋi pakpak yeŋgö qakŋine öŋgöiga oyaenköyaen akŋe.”*

4 Mewö jiiga Abramnöŋ Kembunöŋ jiyöhanğö dop Haran miri mosöta aniga Lotnöŋ yambuk anohot. Abramnöŋ yambuŋi 75 aiga mianğöreŋ Haran miri mosöta anök. 5 Anmam jiba anömŋi Sarai, behötŋi Lot, sukinapŋi pakpak qezakögetka sehiyöhi aka welenqeŋe ambazip Haran mirinöŋ mala enğömegeri, mi memba enğuanğita mosöta Keinan gölmenöŋ anbingöra anda mala mianğöreŋ anğotket.

6 Abramnöŋ gölme mianğöreŋ anda mala mala miri qetŋi Sekem mianğöreŋ kanğota in ip ketanji qetŋi More mianğö kösutŋe koumŋi qeba tarök. Nalö mianğöreŋ Keinan ambazip yeŋön lök gölme mianğöreŋ malget. 7 Mewö malgetka Kembunöŋ Abramgöreŋ asuhiba kewö jiyök: “Gölme ki mi mönö göhö gwölönarökurupki yeŋgö buŋaya qem enğimam. “Mewö jiiga Abramnöŋ Kambu yanğöreŋ asuhuyöhi, yanğöra jöwöwöl ohohogö altaŋi kun mianğöreŋ meyök.*

8 Mianğöreŋök mosöta toroqeba Betel mirigö wehön kotkotŋe göröken gölme kunduŋambuk mianğöreŋ anda opo seri koumŋi möröreŋgöba kuŋgui kinök. Mewö kiniga Betel miri mianğön wehön geŋeŋe göröken tariga Ai taonöŋ wehön kotkotŋe göröken tarök. Mewö tarohotka sutŋire kinda Kembugö jöwöwöl altaŋi kun mianğöreŋ memba Kembugö qetŋi qeta köuluköm waŋgiyök. 9 Mianğö andöŋe gölme mi mosöta toroqeba Saut göröken anda distrik qetŋi Negew mianğöreŋ tata malget. Mewö.

Abramnöŋ Ijpt kantrinöŋ anda malök.

10 Nalö mianğöreŋ Keinan gölmenöŋ bödi (buörö) asuhuiga mianğön köhöiba lömbötŋi aiga Abramnöŋ Ijpt kantrinöŋ kusukŋanök malbingöra anget. 11 Könanöŋ anda Ijpt dopdowigetka Abramnöŋ mianğöreŋ anömŋi Saraigöra keu kewö jiyök: “Mötnöŋ, göŋön ambi eksihimgabuk akzani, mi mötzal. 12 Mewögöra Ijpt azi yeŋön gi geka kewö jime: ‘Ki yanğö anömŋa.’ Mewö jiba ni nunğuget kömumam-mö, gi gehorigetka malman. 13 *Mianğöra göŋön mönö kewö jiman: ‘Ni yanğö nenŋa.’ Mewö jinöŋga göhöra aka ölöŋŋanök ak niŋgiba nöŋgö malmalni gou kölgetka malmam.”

14 Abramnöŋ Ijpt kaiga Ijptkö ambazipŋi yeŋön Sarai eketka ambi eksihimŋambuk qetpuk ahök. 15 Mianğöreŋök Farao kiŋ kembugö pom jembonurupŋi yeŋön i ekeranğöra Farao kiŋgöreŋ anda Saraigö silenji möpöseigetka mörök. Mi möta jiiga Sarai waŋgita kiŋ kembugö jakömbuak miri uruŋe öŋgöget. 16 Öŋgögetka Farao kiŋnöŋ Saraigöra aka Abram ölöŋŋanök ak waŋgiyök. Mewö ak waŋgiiga yuai kewöŋi mi Abramgö buŋaya ahök: lama, bulmakau, doŋki azinji aka ambiŋi, welenqeŋe azi aka ambi aka kamel jesöŋgöŋi mi Abram waŋgiiga buŋa qem anğuyök.

17 Mi buŋa qem anğuyökmö, Kembunöŋ Abramgö anömŋi Sarainöŋ Farao kiŋgö mire malöhanğöra aka jiiga kawöl bölöŋi kötökŋan Farao kiŋ aka ambazip yanğö jakömbuak mire malgeri, yeŋgö qakŋine öŋgöyök. 18 Mi öŋgöiga Farao kiŋnöŋ Abram köl öroi kaiga kewö qesim waŋgiyök: “Göŋön mönö wani kimbiala ak niŋginöŋ? Wuanöŋgöra ‘Mi anömna,’ mewö qahö jinöŋga möral? 19 Wuanöŋgöra ‘I mi nena,’ jinöŋ? Mewö jinöŋga nöŋön i anömna akŋapköra waŋgiral? Anömgi ki. Mönö i waŋgita anohot.”

* 12:1: Apo 7.2-3; Hib 11.8 * 12:3: Gal 3.8 * 12:7: Apo 7.5; Gal 3.16 * 12:13: Jen 20.2; 26.7

²⁰ Mewö jiba aziurupni jim kutum enjiiga Abram wanjita könanönj anda al enjigetka anömni aka öröyuaini pakpak ahöm wanjiyöhi, mi memba enjuaŋgita anget. Mewö.

13

Lot aka Abram yetkön denjohot.

¹ Abramnönj Ijpt gölme mosöta anömni aka bau inap yuaini pakpak memba enjuaŋgita Lotpuk mohotje lilingöba anda Keinan gölmegö Saut likepni qetni Negew miangören kanjotket. ² Abramgören lama bulmakau aka goul silwö mi lömbötpuk ahöm wanjiiga azi kindinbirik malök. ³ Mewö mala Negew distrik uruje tata mosöta kusukjanök rowonqeqeqine ahöba wahöta anda mala Betel mire kanjotket. Opo seri kounji mutuk Betel aka Ai miri mietkö sutjire kunjui kinöhi, mönö miangören kanjotket. ⁴ Mutuk jöwöwöl alta meyöhi, mönö miangören kanjota Kembugö qetni qeta köuluköyök.

⁵ Lotnönj Abrambuk tata mosöta malöhi, yanön mewöjanök lama bulmakau kambunji kambunji aka opo seri kounji kounji mi gwötpuk memba malök. ⁶ Mewö mala sömbup sukinap yuainiri gwötpuk ketani ahöm etkiiga gölmenönj qahö dop kölök. Mi örörön gumohom enjiengigö dop qahö ahöiga mohotje tata malmalgö lömböriba osiyohot. ⁷ Osiba Abram aka Lot yetkören sömbup galömurupniri yengö sutjine gölmegö anjururuk asuhuyök. Nalö miangören Keinan könagesö aka Periz könagesö yanön gölme miangö tonji aketka yembuk mohotje malget.

⁸ Mewö mala Abramnönj Lotköra kewö jii mörök: “Niri mönö iwi moröya maljit. Miangöra ni aka gi sutnire me sömbup galömurupniri yengö sutjine anjururuk kude ahöma. ⁹ Miangöra ölop denbit. Gölme pakpak mönö göhö jemesoholge aukje ahöm anjawi, mi ölop ekzan. Mewö aiga gönjön qaninire göröken anmam jiman ewö, nöjön ölop ölnire göröken anmam. Me gönjön ölnire göröken anmam jiman ewö, nöjön ölop qaninire göröken anmam.”

¹⁰ *Mewö jiiga Lotnönj uba wahöta Jordangö gölme köröni ketani pakpak ehiga Anuntunönj mi ölop mem kelöriiga Kembugören oyaenkoyaen arö kelökjambuk ewö ahök. Mi Ijpt yengö gölme ewö ahöba Zoar miri göröken anök. Mutuk Kembunönj Sodom aka Gomora qahö ayuhum etkiiga nalö miangören gölme mi mewö ahöyök. ¹¹ Mewö ahöiga Lotnönj mi ek kewöta Jordangö gölme köröni ketani pakpak mi möwölöhöba wehön kotkotje göröken anök. Mewö aka denjohot. ¹² Denja Abramnönj Keinan gölmenönj anda malökmö, Lotnönj gölme köröni ketanjängö taonji taonji yengö sutjine anda kaba malök. Mewö mala opo seri kounji meköba memba kunjuba anda kinda teteköje Sodom kösutje angota malök. ¹³ Miangören malökmö, Sodom könagesö yanön könagesö tandök bölöni aka Kembu qetala singisöndok keta bölökni aka memba malget.

Abramnönj Hebron gölmenönj anda tata malök.

¹⁴ Lotnönj Abram umbula aniga nalö miangören Kembunönj Abramgöra keu kewö jiyök: “Mönö jegi ötok ala mesoholge uba wahöta elenda andöge uba mewöyök wehön kotkotje aka wehön gegene göröken unönj. ¹⁵ *Gölme pakpak ki ekzani, mi mönö gi aka göhö gwölönarökurupki enjö bujaya qebi nalö teteköni qahö bujanina ahöm öngöma. ¹⁶ Nöjön gwölönarökurupki ahumsehip gwötpuk enjibiga qötöjninan qariba gölmegö sakösakni (sakösinji) ewö akna. Kun danön sakösinj kötni miengö janjöhini oyonbawak, yanön ölop gwölönarökurupki yengö janjöhini mema. ¹⁷ Nöjön gölme ki mönö göhö bujaya qem gihizal. Miangöra ölop wahöta anda kaba gölme pakpak ki bahöbahö euke emuke ek kutuba malman.”

¹⁸ Mewö jiiga Abramnönj wahöta opo seri kounji qeköba memba kunjuba anda Hebron gölmenönj kaba Mamre mire in ip ketani kin angeri, miengö kösutjine tarök. Miangören tata Kembugöra jöwöwöl alta kun meyök. Mewö.

* 13:10: Jen 2.10 * 13:15: Apo 7.5

14

Abramnöh Lot mi kerök yengö böröjneyök meköyök.

¹ Nalö miangören Babilongö (Sinargö) kiñi qetñi Amrafel, Elasargö kiñi qetñi Ariok, Elamgö kiñi qetñi Kedorlaomer aka Goimgö kiñi qetñi Tidal malget. ² Yeñön kiñ kewö miembuk könahiba bim auget: Sodom taongö kiñi qetñi Bera, Gomora taongö kiñi qetñi Birsa, Adma taongö kiñi qetñi Sinab, Seboim taongö kiñi qetñi Semeber aka Bela (qetñi alañi Zoar) taon miangö kiñi. ³ Kiñ pakpak kienön örue (ruerue) qetñi Sidim miangören tokoba kukösumñini mindiriba jöhöjöhö aket. Sidim öruenöh nalö kewöñe Sihi Köwet Köhömunji mi ahöza. ⁴ Yeñön yambu 12:gö dop Kedorlaomergö jimkutukutu bapñe mala kota yambu 13 miangören yangö keu bapñe anbingö qetala karim aka yarö gilget.

⁵ Mewö aketka yambu 14 miangören Kedorlaomer aka kiñ tosatñi yambuk jöhöjöhö aka malgeri, mienön kaba könagesö kewöñi yembuk bim qeba luhut alget: Refa könagesö mi Asterot Karnaim mire enguba luhut alget. Zuzi könagesö mi Ham mire aka Eme könagesö mi Kiriataim miri miangören enguba luhut alget. ⁶ Hor könagesö mi Seir gölme kundunambuk miangören enguba enguatangöba anda anda El Paran miri miangören angota luhut al engiget. El Paran mi gölme qararankölköñangö görane ahöza. ⁷ Luhut al engiba miangörenök lilingöba En Mispas (qetñi alañi Kades) miangören kaba Amalek könagesö luhut al engiba gölmenini pakpak angön kölgöt. Amor könagesö Hazon Tamar gölmenöh malgeri, mi mewöñanök enguba luhut al engiget.

⁸ Mewö asuhuiga Sodomgö kiñi, Gomoragö kiñi, Admagö kiñi, Zeboimgö kiñi aka Bela (qetñi alañi Zoar) miangö kiñi yeñön wahöta اساسaitiba Sidim öruenöh angota kiñ kewö miembuk bim qebingö jaböñi ala aröñda kinget: ⁹ Elamgö kiñi Kedorlaomer, Goimgö kiñi Tidal, Babilongö (Sinargö) kiñi Amrafel aka Elasargö kiñi Ariok. Kiñ 4 mienön kiñ 5 yembuk aröñget.

¹⁰ Mewö aröñgetmö, Sidim gölme örue miangören löm dodoho sapösapöñambuk miangön kokolak qeba tarök. Mewö tariga Sodom aka Gomora taon mietkö kiñiran yarö aziurupñiri yembuk unjurata angaitketka azi tosatñan löm miangören tötohoba geba enguyök. Mewö enguiga alaurupñini tosatñi pakpak yeñön ölöñ köla unjurata gölme kundunambuk miangören öñgöget. ¹¹ Öñgögetka kiñ 4 mienön Sodom aka Gomora anda sukinapñini aka numbu nenenini pakpak mi kiom köla memba tököba anget. ¹² Abramgö behötñi Lot yanön Sodom malöhangöra aka i mewöñanök sukinapñambuk wangita anget.

¹³ Mewö angetka azi kunñan ölöñ köla misingöba kaba miangö buzup keñi mi Hibru (kian) azi Abramgöra jii mörök. Nalö miangören Abramnöh Amor azi qetñi Mamre yangören in ip ketanji ketanji miangö kösutñine malök. Mamrenöh munyahötñi qetñiri Eskol aka Aner yetpuk mohotñe Abrambuk jöhöjöhö aka malget. ¹⁴ Abramnöh behötñi Lot wangita angeri, miangö keñi möta aziurupñi 318 nanñi mire asuha mötmöt möta bimqeçe kölgö guliba malgeri, mi engohol tokoba kerök kambu enguatangöba Not göröken anda mala Dan mire angotket.

¹⁵ Abramnöh aziurupñi menden engiiga yeñön sunjem miangören közöla kerök kambu qeraköm engimemba luhut al engiget. Luhut al engiba enguatangöba anda mala Damaskusgö Not likepñe miri qetñi Hoba miangören angotket. ¹⁶ Miangören angota sukinap pakpak kiom qeba memba angeri, mi miwikñaiget. Behötñi Lot aka yangö öröyuanji mi memba wangita lilingöba kayök. Sodom aka Gomora yengö ambimoröurupñini aka ambazip tosatñi mi tok lökñanök enguanjita kaget.

Melkizedekñ Abram kötuetköm wangiyök.

¹⁷ Abramnöh mewö Kedorlaomer aka kiñ tosatñi yambuk jöhöjöhö aka malgeri, mi enguba luhut al engiba lilingöba kaiga Sodomgö kiñi yanön Sawe örue (qetñi alañi Kiñgö örue) miangören miwikñaiba ekñangöra anök. ¹⁸ *Nalö miangören Melkizedek

* 14:18: Hib 7.1-10

Salemgö kiŋi mianjōn bered aka wain o memba kayōk. Yaŋōn Anutu ōngōngōŋaŋgō jike nup galōmŋi ahōk. ¹⁹ Mewō aka Abram kōtuetkōm waŋgiba keu kewō jiyōk: “Anutu ōngōngōŋan suep gōlme miwikŋaim etkiyōhi, yaŋōn mōnō Abram gi kōtuetkōm gihii malman. ²⁰ Anutu ōngōngōŋan kerōkurupki gōhō bōrōge al enŋiyōhi, mōnō i mōpōseizin. “Mewō jiiga Abramnōŋ ōrōyuaiŋi pakpak mendeniga kambu ten asuhuiga miengōreŋōk mohot mohot (10%) memba naluha waŋgiyōk.

²¹ Mi waŋgiiga Sodomgō kiŋan Abramgōra kewō jiyōk: “Ambazipurupni mia niŋgimanmō, sukinap mia mōnō nangi buŋaya akŋa.”

²² Mewō jiyōkmō, Abramnōŋ Sodomgō kiŋaŋgōra kewō jiyōk: “Keuni kōhōimapkōra nōŋōn bōrōni Kembu Anutu ōngōngōŋi Suep gōlme miwikŋaim etkiyōhi, yaŋgōreŋ gōrōken memba wahōta jōjōpaŋ keu kewō jizal: ²³ Nōŋōn gōhōreŋ yuai kun mi qahō kōtōkŋi memam. Mōt kōsōgahō kitipŋi me kōna esugahō kōsōŋi mi mewōŋanōk qahō memam. Mewō akiga gōŋōn kōnaŋgep kewō jibanbuk: ‘Nōŋōn Abram yuai waŋgibiga yaŋōn azi pomŋi qetbuŋaŋambuk aka malja.’ Gōŋōn mōnō mewō jimamgō osiba malman. ²⁴ Nōŋōn yuai kun qahō toroqeba memam-mō, aziurupnan wani yuaia negeri, mi lōk neŋgigetka dop kōl tekōza. Mewōyōk azi alaurupni Aner, Eskol aka Mamre nōmbuk kageri, yeŋōn mōnō tōwa jijiŋinaŋgō dop meme. “Mewō.

15

Anutunōŋ Abrambuk jōhōjōhō areŋ ahōk.

¹ Mewō asuhuiga Abramgō jeŋi meleniga imut ehiga Kembunōŋ keu kewō jii kaiga mōrōk, “Abram, gi keŋgōtki kude mōtman. Nōŋōn gōhō sumanga akzal. Gōhō tōwagi mōnō keta bōlōkŋi aka ahōma.”

² Keu mewō kayōkmō, Abramnōŋ kewō jiyōk, “O Kembu ketaŋamni, ni nahōnbōratni qahō malbiga tōwa niŋginōŋga mianjōn mōnō denōwō baukōm niŋgibawak? Nōŋōn kōmumbiga Damaskus azi Eliezer yaŋōn nōŋgō sukinapnaŋgō toŋi akŋa.” ³ Mewō jiba toroqeba kewō jiyōk, “Gōŋōn gwōlōnarōkni kun qahō niŋginōŋaŋgōra nup azini bohōnŋan nōŋgō mire maljawi, yaŋōn mōnō nōŋgō ōrōyuaiŋi pakpak buŋa qem aŋguma.”

⁴ Mewō jiiga Kembugōreŋ keu jit kun mi yaŋgōreŋ kewō kaiga mōrōk, “Azi mianjōn sukinapkahō toŋi qahō akŋapmō, nangi silegeyōk morō nahōn kun asuhumawi, yaŋōn mōnō gōhō ōrōyuaiŋi pakpak buŋa qem aŋguma.” ⁵ *Keu mewō kaiga Anutunōŋ Abram waŋgita gumnōŋ geba keu kewō jii mōrōk, “Mōnō suenpōŋ unōŋ ōngōiga seŋgelau oyoŋ engimanaŋgō dop akŋa ewō, mi mōnō ōlōp oyoŋ enŋiman. “Mewō jiba kewō toroqeba jiyōk, “Gōhō gwōlōnarōkurupki yeŋgō qōtōŋinan mōnō miangō dop akŋa.”

⁶ Mewō jiiga Abramnōŋ Kembu mōt narim waŋgiiga mōtnaripŋi ehi dop kōliga keuŋi jim tekōiga solaniyōk.*

⁷ Kembunōŋ toroqeba keu kewō jii mōrōk, “Nōŋōn Kembu akzal. Gi Kaldia gōlmeŋgō miri qetŋi Ur miangōreŋ malnōŋga goaŋgita ki kait. Gōlme ki gihibi buŋa qem aŋgumangōra aka gi goaŋgita ki kait.”

⁸ Mewō jiyōkmō, Abramnōŋ kewō jiyōk, “O Kembu ketaŋamni, gōlme kiaŋōn nōŋgō buŋaya akŋawi, mi mōnō wani aiwesōha eka mōt kutumam?”

⁹ Mewō jiiga Kembunōŋ yaŋgōra kewō jiyōk, “Gi mōnō anda bulmakau ambi seramŋi yambuŋi karōbut, meme (noniŋ) ambiŋi yambuŋi karōbut aka lama aziŋi yambuŋi karōbut aka kembō kun aka kembō supsup dōlōkunŋi kun mi memba nōŋgōreŋ kaman.”

¹⁰ Mewō jiiga Abramnōŋ anda mi pakpak kōrek memba kaba sōmbup mi bibiŋine qesiŋ enŋgiba likepŋi likepŋi mi areŋgōiga kōna likep likep arōŋnōŋ ahōget. * Mewō ahōkmō, nei

* **15:5:** Rom 4.18; Hib 11.12 * **15:6:** Rom 4.3; Gal 3.6; Jei 2.23 * **15:10:** Nalō miangōreŋ jōhōjōhō areŋ aka mi silik mewōŋi mianjōn mem kōhōizema. Azinōŋ sōmbup likepŋi yahōt mietkō sutŋire kinda mindirim etkiba jōhōjōhō mi tōnguba galōm kōlŋapma.

mi qahö qesiñök. ¹¹ Qahö qesiñda qamötñini likep likep arengöm enjiiga nei kalñi yeñön kaba qamöt yeñgö qakñine eta kölgetmö, Abramñöñ mi közöl enjiiga anget.

¹² Wehön jeñi teköba gemangö aiga nalö miangöreñ Abramñöñ jeñi eta meiga gaun lömbötñi ahöyök. Mewö ahöiga pandaman göjiwinangö kanjamñi mianñön kaba turum wañgiyök.* ¹³ Turum wañgiiga Kembunöñ kewö jii mörök, “Keu ki mönö ölña mötman: Göhö gwölönarökurupkan mönö nanñini gölmeñini mosöta kantri kunöñ anda kiana mala mal öngöme. Mewö mala yeñgö welenqequeurupñini omani aketka i yambu 400:gö dop tulumgöm enjiba malme.*

¹⁴ Mewö malmemö, nöñön kantri welenqequeurupñini omani aka malmei, yeñgö keunñi mewöyök jim teköba likepñi melenjiba qakñine öngöma. Mewö mi öngöiga pösat enjigetka kantri mi mosöta sukinapñini gwötpuk memba lilingöba kame.* ¹⁵⁻¹⁶ Nöñön Amor könagesö mi gölme kiangöreñ zilañ qahö enjuatanğömam. Mutuk siñgisöndokñi siñgisöndokñi aka bölimqölim tekögetka likepñi törörök melenj enjimamañgö nalöñan akñawi, nalö miangöreñ mönö i enjuatanğömam. Mianğöra göhö isiurupki yeñgö isiurupñinan asuhaba malmei, † nalö miangöreñ göhö gwölönarökurupkan mönö lilingöba ki kame. (15) Yeñön mewö kamemö, nangak mutuk yambugahö nalöñi ölmö kömuiga luainöñ iwiasaurupki yeñgöreñ anöñga löm köl gihime.”

¹⁷ Kembunöñ mewö jiiga wehön jeñan teköba geiga pandaman meiga yuai kewö asuhaba ehök: Kimbut kungö uruñe könöp bölamñan kököbilikbilikñambuk jeba asariiga köwak köndumñambuk pukpuköyök. Yuai mianñön asuhaba sömbup qamöt qesiñqesiñi miengö sutñine kinda anda kayök.

¹⁸ Kembunöñ mewö sömbup likepñi likepñi miengö sutñire anda kaba söman miangöreñ Abrambuk jöjöhö areñ aka (kaisöpsöpñan mi mem köhöiba) keu kewö jii mörök, “Nöñön gölme ki mi göhö gwölönarökurupki yeñgö buñaya qem engimam. Mianğö jaböñi mi Ijptkö o töwatñi (Nail) miangöreñök könahiba kaba ki onğita anda o töwatñi ketañi qetñi Yufreitis miangöreñ teköma.* ¹⁹ Nalö kewöñe mi könagesö kewö yeñgö gölmeñina ahöza: Kin könagesö, Kenas könagesö, Kadmon könagesö, ²⁰ Hit könagesö, Periz könagesö aka Refaim könagesö, ²¹ Amor könagesö, Keinan könagesö, Girgas könagesö aka Jebus könagesö. Yeñgöreñ gölme pakpak mi mönö körekñanök memba dop köla anme. “Mewö.

16

Hagar aka Ismael

¹ Abramgö anömñi Sarainöñ köpin mala morö qahö meyökmö, Saraigö welen ambi qetñi Hagar malök. Mi Ijpt ambia. ² Yañön malöhanğöra Sarainöñ Abramgöra kewö jiyök: “Kembunöñ songo jöhöm niñgiiga morö qahö mealangöra gi mönö welen ambini menöñga gölöm ala morö kun meiga nöñgö buñaya asuhabawak. “Mewö jiiga Abramñöñ Saraigöreñ keugöra urumohot ahök. ³ Abramñöñ Keinan gölmenöñ yambu 10 mal teköiga nalö miangöreñ Sarai Abramgö anömñan Ijptkö welen ambiñi Hagar memba apñangö anömñi akñapköra wañgiyök. ⁴ Mewö wañgiiga memba maliga gölöm alök. Gölmö ala mi möta galöm ambiñi Sarai könahiba jijiwilit ak wañgiyök.

⁵ Mewö ak wañgiiga Sarainöñ Abramgöra kewö jiyök: “Urunan böliiga sihimbölä mörakzali, miangö keunñan mönö göhö qake öngöba ahöma. Nöñön welen ambini göhö böröge albiga gölöm ala mi möta miangöreñök könahiba jijiwilit ak niñgiba malja. Mianğöra Kembunöñ mönö ni aka gi netkö sutñire keu kewöta jim teköma.”

* **15:12:** Job 4.13, 14 * **15:13:** Eks 1.1-14; Apo 7.6 * **15:14:** Eks 12.40-41; Apo 7.7 † **15:15-16:** Yambu 430 nalö mi kewö oyonget: Liwainöñ malmal yambuñi 137 miangöreñök yambu 80 mi Ijpt malök. Yañgö andöñe azi kewöñan yambuñini kewö Ijpt malget: Kehat 133, Amram 137, Moses 80. (Mianğö andöñe Mosesnöñ Ijpt mosöta toroqeba yambu 40 malök.) Mi mindiriba yambu 430 ahök. Ex 6.16, 18, 29 Dut 34.7 * **15:18:** Apo 7.5

⁶ Mewö jiiga Abramnön kewö jiyök: “Welen ambigi mianön nange böröge maljawangöra wania mötnönnga dop köljawi, mönö miangö dop i ak wangiman. “Mewö jiiga Sarainön Hagar lañ örömureim ak wanggiiga mosöta tököba ölöñ köla anök.

⁷ Aniga Kembangören garata kunön gölme qararankölkölne o jeñi kungö kösutne miwikñaim wangiyök. O jeñi mi Sur mire anangö köna jitne miangören ahöza. ⁸ Miangören miwikñaim wangiba kewö jiyök: “Hagar, Saraigö welen ambini, gi mönö denikeyök kazana denike anman?” Mewö jiiga kewö meleşnök: “Ni galöm ambini Saraigörenök asamböta ölöñ köla kazal.”

⁹ Mewö jiiga Kembangören garatanön Hagar kewö jim kutum wangiyök: “Gi mönö kunbuk Saraigören anda welenji qeba yangö keu bapne malman.” ¹⁰ Keu mi toroqeba kewö jii mörök: “Hagar, nöñön mönö göhö gwölönarökurupki ahum sehim enjigiba qötöñini oyoñoyongö dop qahö aiga malme.”

¹¹ Kembangören garatanön kunbuk toroqeba Hagargöra kewö jiyök: “Gi moröbuk akzana nahöngi meman. Dölki tapötkokorok möta sahötnönnga mi mönö Kembangö kezapne geiga mötza. Miangöra morögö qetni Ismael qetman. (Ismael Anutunön kezapñan mötza.) ¹² Yanön azi donki bau kömböt ewö aka (nanñi imbi-imbi qakne lañ anda kaba) malma. Yanön böröñan ambazip pakpak qetal enjiiga ambazip pakpak yeñön i qetal wangiba malme. Yanön munurupñi pakpak yembuk kerök-kerök aka nanñök kekelolo malma.”

¹³ Mewö jiiga Hagarnön kewö jiyök: “Nöñön mönö dölki kunön ni nehakzawi, i ekzal. “Miangöra Kambu yangöra keu jiyöhi, yangö qetni kewö qet wangiyök: “Gi Kambu ni nehakzanañön akzan. “Qetni mewö qerök. ¹⁴ Könanji miangöra aka o löm miangö qetni mi Ber Lahai Roi (Malmalñambuk mala nehakzawangö o lömñi) qetketka ahöza. O löm mi toroqeba miri yahöt qetñiri Kades aka Bered mietkö sutñire ahöza.

¹⁵ *Hagarnön Abramgö morö nahönñi meyök. Abramnön nanñi moröñi Hagar meyöhi, yangö qetni Ismael qerök. ¹⁶ Abramnön yambuñi 86 aiga Hagarnön Ismael morö mi Abramgöra meyök. Mewö.

17

Jöhöjöhö arengö aiwesökñi mi sile yandiyandi.

¹ Abramnön yambuñi 99 aiga Kambunön asuhum wangiba keu kewö jiyök: “Nöñön Anutu kukösum pakpakö Tonji akzal. Miangöra gi mönö nöngö keuni tem köla pondañ ahakmeme diñdiñi wuatangöba malman. ² Nöñön jöhöjöhö areñ mi gi aka ni netkö sutñire ahali, mi mem köhöiba ahumsehip gihibi gwölönarökurupki yeñgö jañgöñinan mönö keta bölökñi akña.”

³ Mewö jiiga Abramnön simin köla bangöiga Anutunön yangöra keu kewö jiyök: ⁴ “Mötman, nöñön jöhöjöhö areñni göbuk kewö akzal: Göñön könagesö gwötpuk yeñgö iwi bömöññina akñan. Keu mewö jim jöhöbi ahöma. ⁵ *Göhö qetki Abram mi qahö toroqeba qetketka ahömapmö, göñön könagesö gwötpuk yeñgö iwi bömöññina akñangöra kuñgum gihizali, miangöra qetki mönö Abraham qetketka ahöma. * ⁶ Nöñön ahumsehip gihibiga gwölönarökurupki mi önöñi qahö asuhume. Yeñön jula deñda könagesö kambuñi kambuñi gwötpuk akñe. Göhö gwölönarökurupki yeñgörenök tosatñan kiñ kambuñi kambuñi akñe.

⁷ Nöñön mönö jöhöjöhö areñni mi nani aka gi, göhö gwölönarökurupki göhö andöge toroqeba asuhum öngömei, neñgö sutnine al köhöibiga teköteköñi qahö ahöm öngöba ahöma. Nöñön göhö Anutugi aka gwölönarökurupki göhö andöge asuhum öngömei, mönö yeñgö Anutuñina aka malmam.* ⁸ Gi Keinan gölmenön kiana maljani, nöñön gölme mi

* **16:15:** Gal 4.22 * **17:5:** Rom 4.17 * **17:5:** Abram mi iwi öngöñgöñi. Abraham mi könagesö gwötpuk yeñgö iwi bömöññini. * **17:7:** Luk 1.55

jömukñanök gi aka göhö gwölönarökurupki engö buñaya qem engibiga buñajini teteköñi qahö ahöm öngöba ahöma. Mewö ahöiga nöñön mönö yengö Anutuñina aka malmam.”*

⁹ Anutunöñ Abrahamgöra mewö jiba toroqeba keu kewö jiyök: “Mewö malmam-mö, göñön mönö nöngö jöhöjöhö arenñangö keuñi mi tem köla wuatangöba malman. Göhö gwölönarökurupki göhö andöge toroqeba asuhum öngömei, yengön mönö mewöñanök mi tem köla wuatangöba mala mal öngöme. ¹⁰ Gi aka göhö gwölönarökurupki embuk jöhöjöhö arenñi aka mi wuatangömegöra jizali, miangö aiwesökñi mi kewö: Engö sutñine azi pakpak yengö silenine mönö nöngö aiwesökni yandime.* ¹¹ Nöngö aiwesökni mönö silenine yandime. Mianñön jöhöjöhö arenñi aka engö sutñine albi ahözawi, miangö aiwesökña ahöm öngöma.

¹² Nalö kewöñeyök könahiba azi pakpak engö sutñine toroqeba asuhum öngömei, yengö silenine mönö sömanjini 8 aiga miangöreñ nöngö aiwesökni yandiba malme. Nannjine miri uruñe nannjini aka welenqeçeurupñini yengöreñ morönahönurupñini asuhumei, mi mönö öröröñ ak engiba malme. Welenqeçe tosatñi mi kian yengöreñök moneññöñ bohonñini megetka yengö morö nahönñini asuhume. Yengön nannjini gwölönarökurupñini qahö akzemö, mi töndup nöngö aiwesökni mi mönö yengö silenine mewöñanök yandiba malme. ¹³ Welenqeçe tosatñan nannjine miri uruñe asuhugetka welenqeçe tosatñi mi moneññöñ bohonñini megetka yengö morö nahönñini asuhume. Nöngö aiwesökni mi mönö yengö silenine mewöñanök yandiba malme. Nöngö jöhöjöhö arenñangö aiwesökñi silenine yandime, mi mönö jöhöjöhö arenñi teteköñi qahö ahöm öngömapköra jim köhöizal. ¹⁴ Azi kun dañön nöngö aiwesökni silenine qahö yandigetka öne malmawi, yañön mönö nöngö jöhöjöhö arenñi onçita qetalakza. Miangöra azi mewöñi mi mönö nannj ambazip kambu engö sutñineyök yakörim wañgigetka yaigep eta malma.”

¹⁵ Anutunöñ toroqeba Abrahamgöra kewö jiyök: “Gi anömgahö qetñi Sarai mi kude toroqeba qeta malmanmö, yañgö qetñi mönö Sara (jembon ambi) qeta malman. † ¹⁶ Nöñön Sara kötuatköm wañgibiga yañön göhöra morö nahön kun mema. Nöñön kötuatköm wañgibiga yañön ambazip kambuñi kambuñi gwötpuk yengö nam bömönñina akña. Yañgö gwölönarökurupñi yengöreñök tosatñan könagesö kambu yengöreñ azi kembuñi kembuñi akñe.”

¹⁷ Kembunöñ mewö jiiga Abrahamnöñ mi möta simin köla bangöba uruñan kewö mötmöriba miangöra gön kölök, “Azi yambuni 100 akiga morö nahönan mönö denöwö asuhubawak? Mewöyök Saranöñ yambuñi 90 aiga mönö denöwö morö membawak?” ¹⁸ Abrahamnöñ mewö mötmöriba welipköba Anutu kewö qesim wañgiyök: “Göñön ölop Ismael kuñgum wañginöñga qetki bisiiga nöngö gwölönarökurupni mi yañgöreñök asuhume.”

¹⁹ Mewö qesiiga Anutunöñ kewö melenñök, “Anömgä Saranöñ mönö göhö morö nahöngi mema. Mi meiga qetñi Aisak (gön kölja) qetman. Nöñön Aisakpuk aka yañgö gwölönarökurupñi yembuk jöhöjöhö arenñi mi al köhöibiga teteköñi qahö ahöm öngöma. ²⁰ Ismael kötuatköm wañgimangö qesim niñgizani, mi mewöyök ölop möt gihiba kötuatköm wañgimam. Yañön azi kembu 12 miençö iwi bömönñini akña. Nöñön ahumsehip wañgibiga gwölönarökurupñi yengö jañgöñinan mönö keta bölökñi akña. Yengön sehiba könagesö kambu ketañi akñe.

²¹ Mewö akñemö, Saranöñ nahöngi Aisak mi yambu euneangö nalö kewöñe memawi, nöñön mönö nani jöhöjöhö arenñi mi yambuk al köhöimam.” ²² Anutunöñ Abrahambuk keu jiyohori, mi teköiga i mosöta wahöta öngöyök.

²³ Wehön miangöreñök Abrahamnöñ Anutugöreñ keu tem köla nannj nahönñi Ismaelgö silenine Anutugö aiwesökñi yandiyök. Mewöyöhök welenqeçeurupñi nannj miri uruñe asuhugetka tosatñi moneññöñ bohonñini meiga malgeri, azi pakpak mi yañgö

* **17:8:** Apo 7.5 * **17:10:** Apo 7.8; Rom 4.11 † **17:15:** Qetñi kewögöra uteköyök: Yañön ambazip kambuñi kambuñi gwötpuk aka kin kembu tosatñi yengö nam bömönñina akña.

miri uruŋe tatkeri, i mönö körek mewöŋanök ak enġiyök. ²⁴ Abrahamnön yambuŋi 99 aiga silenġe aiwesök mi yandiget. ²⁵ Nahönŋi Ismael mi yambuŋi 13 aiga silenġe mi yandiget. ²⁶ Abraham aka nahönŋi Ismael yetkö silenġire aiwesök mi sömaŋ mohot miangörenök yandiget. ²⁷ Azi pakpak Abrahamgö miri uruŋe tatkeri, tosatŋan nanŋi miri uruŋe asuhugetka tosatŋi mi kian yenġörenök bohonŋini meiga malgeri, körek yenġö silenġine aiwesök mi mewöŋanök yandiget. Mewö.

18

Saranön azi morö memawaŋgö keuŋi Anutunön jiyök.

¹ Abrahamnön Mamre mire in ip ketanġi ketanġi miengö sutŋine maliga Kembunön asuhum waŋgiyök. Silim miangören wehön jitŋi sihitŋi köhöikŋi qeiga Abrahamnön opo seri kounŋaŋgö numbuŋe tarök. ² *Tata uba wahöta ehiga azi karöbutŋan wösöŋe kinget. Kingetka enġeka opo seri koun numbuŋeyök wölaŋ wahöta jömjölönŋini jiba enġuanġitmangöra kiŋkiŋgöba anök. Anda waikŋini memba simin köla gölmenön bangöba geyök.

³ Geba kewö jiyök: “O Kambu-urupni, nöŋön enġö welenqeqeŋini aka enġö jeŋine kalem möriam miwikŋaiba maljal ewö, inġini mönö ni kude noŋgita anme. ⁴ Ni enġö welenqeqeŋini aka ölop o morönġi kun memba kaba enġibiga könaŋini saŋonġa ip kianġö aumŋe tata luhut meme. ⁵ Nöŋön ölop nene morönġi kun memba kaba enġibiga neme. Mianön mem köhöim enġiiga ölop köna kunbuk toroqeba anme. Nöŋön kewöröpni malbiga inġini ni göda qem niŋgiba kazeaŋgöra ölop welen qem enġimam. “Mewö jiiga melenġa kewö jiget: “Saiwap, jizanaŋgö dop mewö ölop akin.”

⁶ Mewö jigetka Abrahamnön ösumŋan kiŋkiŋgöba seri koun uruŋe anda öŋgöba Saragöra kewö jiyök: “Mönö ösumok plaua ölop kötökŋi amae (dis) karöbutkö dop memba melenġa yenġöra bered ohoman.” ⁷ Mewö jiba ösumŋan bulmakau kambunön anda bulmakau dömnġi busuŋi löwötŋi möwölöhöba welenqeqeŋi kun waŋgiiga könahiba ösumok qeba möhamgöba ohoyök. ⁸ Mi möhamgöba ohom teköiga mi, kelök kosökŋi aka juju o tosatŋi memba anda azi tatkeranġö bapŋine alök. Bapŋine aliga memba tatketka nanŋi nalö miangören kösutŋine ip könaŋe galömnġina kinök.

⁹ Kiniga kewö qesim waŋgiget: “Anömgi Sara mi denike?” Qesim waŋgigetka jiyök: “I opo seri koun uruŋe endu tatza.”

¹⁰ Mewö jiiga azi yenġörenök kunŋan kewö jiyök: “Yambu mohotkö dop teköiga nöŋön ölna liliŋgöba ki kabiga anömgi Saranön mönö morö nahönŋambuk aka malma. “Mewö jiyökmö, Saranön opo seri kounġö numbuŋe apŋaŋgö andöŋe kinda keu mi kezapŋe qeiga mörök.* ¹¹ Abraham aka Sara yetköŋ lök ambazip namŋi ahotka yambuŋiran gwötpuk ketanġi aiga malohot. Saranön köiŋgö anġeka malöhi, miangö nalönan lök onġit teköyök. ¹² Miangöra Saranön mi möta uruŋan kewö mötmöriba gön kölök: “Nöŋön lök ambi namŋi sohosoholiŋi akiga apni azi kembunan mewöŋanök azi namŋi aiga yambuk ahöahögö sihimnan kunbuk asuhubawak me qahöpto?”*

¹³ Mewö mötmöriiga Kembunön Abraham qesim waŋgiba kewö jiyök: “Saranön wanigöra gön köla kewö mötmöriza: ‘Nöŋön ambi namŋi kötökŋi aka ölna morö mem-bilenak me?’ ¹⁴ Kembunön mönö yuai kungöra qahö kötökŋi qakömakza. Miangöra jizali, ‘Yambu mohotkö dop teköiga nöŋön ölna liliŋgöba ki kabiga Saranön mönö morö nahönŋambuk aka malma.’”*

¹⁵ Saranön keŋgötŋi möta mi köyatiba kewö jiyök: “Ni gön qahö köljäl. “Mewö jiyökmö, Kembunön kewö jiyök: “Qahö, gi gön ölna köljan. “Mewö.

Abrahamnön Sodom taongöra köuluköyök.

* 18:2: Hib 13.2 * 18:10: Rom 9.9 * 18:12: 1 Pitö 3.6 * 18:14: Luk 1.37

¹⁶ Mewö jiiga azi karöbut yeñön wahöta etkömosöta Sodom taonöñ göröken elennda anbingö aket. Abrahamnöñ mewöñanök i engubulmamgöra yembuk mohotñe anget. ¹⁷ Kembunöñ nanñangöra kewö jiyök: “Ni yuai akñamgö mötzali, mi alani Abrahamgöra ölop qahö asambötmmam. ¹⁸ Kewögöra mi asambötmmamgö osizal: Abrahamnöñ nöngö alani qainñi kun aka ahumsehip aiga könagesö ketanñi kukösumñinambuk aka malme. Nöngö kötümötuetnan mönö yangöra aka gölmegö könagesö kambunñi pakpak yeñgö qakñine öngöiga oyaenköyaen akñe. ¹⁹ Nöñön i kewögöra möwölöhöm wanñial: Yanñön nahönböraturupñi aka gwölönarökurupñi yangö andöñe asuhuba mal öngömei, yeñgöra Kembugöreñ köna kondela ahakmeme diñdiñi dop kölakzawi, mi wuatangömegöra jim kutum engiba malma. Mewö maliga tem köla wuatangöba malme ewö, Kembu nöñön Abrahamgöra yuai asuhumapkö jim jöhöyali, mianñön mönö öñambuk pakpak ahakña.”

²⁰ Kembunöñ nanñök mewö jiba toroqeba Abrahamgöra kewö jiyök: “Sodom aka Gomora yeñön siñgisöndok lömbötñi lömbötñi aka malgetka kahasililij öngöngöñi ketanñi asuhuiga gwötpukñan miangöra qeta sahörakze. Miangöra yeñgö siñgisöndokñinangö keuñan mönö qariba qariba keta bölökñi akza. ²¹ Miangöra nöñön mönö yeñgöreñ geba könañamñini ekñam. Kahasililij akerangöra aka gwötpukñan nöngö jene qeta sahöta malgeri, mi pakpak öñña aket me qahö, mi nöñön kewöta mötmamgö mötzal.”

²² Mewö jiiga azi yahötñan elennda Sodom göröken anohotmö, Abrahamnöñ toroqeba Kembugö jemesoholñe kinök. ²³ Kinda Kembugö kösutñe anda kewö qesim wanñiyök: “Gi ambazip solanñi aka ambazip angjöörakñinambuk mi mohotñe ayuhum engimamgöra jizan me? ²⁴ Taon miangöreñ ambazip solanñi 50 malje ewö, göñön i öñña ayuhum engimamgö jizan me? Taon mi yeñgöra aka engehoribanak me qahö? ²⁵ Göñön mewö akñangö osibanak. Mi yapmakek! (qahöpmahöp!) Göñön ambazip solanñi mi ambazip angjöörakñinambuk yembuk mohotñe mindiriba engunöñga qahö dop kölbapuk. Mewö öröröñ kömumbepuk. Göñön gölme ambazip pakpak yeñgö keuñini jim tekömakzani, miangöra mönö nanñi könagi diñdiñi wuatangönöñga dop köлма.”

²⁶ Abrahamnöñ mewö jiiga Kembunöñ melennda kewö jiyök: “Nöñön Sodom taonöñ ambazip solanñi 50 miwikñaim engimam ewö, yeñgöra aka taon pakpak mi ölop engehorimam.”

²⁷ Mewö jiiga Abrahamnöñ kunbuk kewö jiyök: “Kembu, ni nesak sömsöm omanñi ewö akzalmö, töndup keu köhöikñi Kembunangöra kunguba jizal. Mi kude dop köljapmö, mi töndup ölop ni möt niñgiman. ²⁸ Taon miangöreñ ambazip solanñi 50 qahöpmö, 45 miyök malbeak ewö, göñön ambazip 5 yeñgöra aka taon pakpak mi töndup ayuhum engiman me qahö?” Mewö jiiga Kembunöñ kewö jiyök: “Nöñön ambazip solanñi 45 miangöreñ miwikñaim engimam ewö, taon mi mönö qahö ayuhumam.”

²⁹ Abrahamnöñ dumñe kunbuk keu kewö jiyök: “Ambazip solanñi 40 miyök miangöreñ miwikñaim engiman ewö, mönö denöwö akanak?” Mewö jiiga kewö melenñök: “Ambazip 40 yeñgöra aka taon mi qahö ayuhumam.”

³⁰ Mewö jiiga jiyök: “O Kembu, urugi öngöbapukmö, ni kunbuk keu jimamgö mötzal. Ambazip solanñi 30 miyök miangöreñ miwikñaim engiman ewö, mönö denöwö akanak?” Mewö jiiga kewö melenñök: “Ambazip solanñi 30 miangöreñ miwikñaim engimam ewö, nöñön mönö taon mi qahö ayuhumam.”

³¹ Abrahamnöñ toroqeba kewö jiyök: “Kembu, ni keu köhöikñi Kembunangöra kunguba jizal. Mi kude dop köljapmö, mi töndup ölop möt niñgiman. Ambazip solanñi 20 miyök miangöreñ miwikñaim engiman ewö, mönö denöwö akanak?” Mewö jiiga kewö melenñök, “Ambazip 20 yeñgöra aka taon mi qahö ayuhumam.”

³² Mewö jiiga Abrahamnöñ kunbuk kewö qesiyök: “O Kembu urugi öngöbapukmö, ni kunbuk sömanñi mohot-töp ki keu jimamgö mötzal. Ambazip solanñi 10 miyök miangöreñ miwikñaim engiman ewö, mönö denöwö akanak?” Mewö jiiga kewö melenñök, “Ambazip

10 yengöra aka taon mi qahö ayuhumam.”³³ Mewö eraum-mörohöt teköiga Kembunöñ Abraham mosöta aniga yanön kunbuk lilingöba mirine kayök. Mewö.

19

Sodom aka Gomora yengö anğöjörak malmalini

¹ Suep garata yahöt mi Abraham mosöta anda mare aiga Sodom anğorohöt. Anğorohotka Lot azi mianön taon mianğö kiripo nanğune tarök. Tata etkeka wahöta jömjölönjiri jiba enğuanğitmamğöra anda gölmenönj simin köla bamğöba geyök. ² Geba kewö jiyök: “O kembuyahötni, injiri ölop welenqeçenjiri nöngö mire kaba könajiri sanğonđa mohotje sunğem ahöbin. Ahöba wahöta ölop söñanök köna toroqeba anmahot. “Mewö jiyökmö, yetkön kewö jiyohot: “Qahö, niri ölop qenjarök sombem kunönj anda ahöbit.”

³ Mewö jiyohotmö, Lotnönj kapan köhöikni köla jiba etkuangita nanji mirine anda öngöget. Öngöba welenqeçeurupni jim kutum enğıga bered yistni qahö ohoget. Mewöyök numbu nene nahömñambuk möhangöba ohoba etkigetka neyohot.

⁴ Mi nempa gaun ahöbitkö ahotka mianğöreñök Sodom ambazipnönj kaba miri mi liliköget. Sodom taongö bahönj pakpak mianğöreñök ambazip namni aka sepgwölö mi totnönj totnönj lömbötñambuk öröba kanğotket. ⁵ Kanğota Lotköra kewö qetket: “Azi yahöt mare göhöreñ kazahori, mi denike? Azi nini yetpuk sero akingöra mötzin. Mianğöra mönö i etkuangita nengöreñ etme.”*

⁶ Mewö qetketka Lotnönj nanğun metala yengöreñ geba andöne nanğun kölök. ⁷ Nanğun köla kewö jiyök: “Alaurupni, mewö qahö. Silik bölönj mi kude akje. ⁸ Mötket. Nöngö bōratni yahöt seram mala nalö kunönj azibuk qahö ahöyohot. I ölop enğöra etkuangita etpiga wanat yuaia akingö mötzei, mi ölop sihimñini meköme. Mewömö, nöngö miri boñan azi yahöt etkualönj sel jöhöm etkizawi, ia mönö yuai bölönj kun qahöpmahöp ak etkime.”

⁹ Mewö jiyökmö, yanön kewö melenđa terinđa qetket: “Mönö kesalnönj. Göñön ki kaba kiana mala nangahöra ninja jiba mötnönj öngöiga ninia pōndan jim kutum nengimamğö mötzan? Yetkön qahö kamahot ewö, mönö nangak nengöreñ kanönğa mönö kahasililin keta bölökni nangi ak gihibin. “Mewö jiba Lot utalgetka kököndöt aniga öngöba miri nanğun qesinğingö aka kinget.

¹⁰ Mewö aka kingetmö, azi yahöt mietkön bōrönjiri bōranđa Lot öröm gilohotka miri urunje öngöiga nanğun kölohot. ¹¹ Nanğun köla kinda azi ketanji morönj miri nanğunje yaigep kingeri, mi jiyohotka keu jitñiran enğualönj niga jenini gömöliiga jipjap kota nanğun miwikñabingö mezanqezan aka jaruba osiget. Mewö.*

Lotnönj Sodom gölme mosörök.

¹² Azi yahöt yetkön Lotköra kewö jiyohot: “Gi nahönurupki, qingibōraturupki aka tinilo-somurupki tosatni pakpak taon kianğöreñ maljei, i mönö enğuanğitnönğa taon ki mosöta anme. ¹³ Nini taon ki ayuhuba köndenmōndenbin. Könagesö kiengö kahasililingöra gwōtpukñan Kembugö jeñe önönj qahö qeta sahöta malget. Mianğöra yanön melaim netkiiga gölme ki ayuhuba köndenmōndenbitköra ki kazit.”

¹⁴ Mewö jiyohotka möta Lotnönj anda qingji buña yahöt bōratyahötñi etkömembitkö jiiga malohori, yetköra kewö jiyök: “Injiri mönö ösumok wahōrohotka miri ki mosöta anbin. Kembunönj taon ki ayuhuba köndenmōndenmamğö akza. “Mewö jiiga yetkön keu mi mörohotka göñonahit tandök ahök.

¹⁵ Miri wanğaranj suruiga Suep garata yahöt yetkön Lot öröm kunğum wanğiba kewö jiyohot: “Anutunönj Sodom yengö siñgisōndokñinangö likepni melenđa taonñini köndenmōndenma. Göñön yembuk mohotje ayuhubanbuköra mönö zilañ wahöta anömgı aka bōratyahötki göbuk tatzahori, mi enğuanğita taon ki mosötket.”

¹⁶ *Mewö jiyohotka Lotnönj toroqeba eksekpeksek aiga azi yahöt yetkön Lotkö bōrönj

* 19:5: Kemb 19.22-24 * 19:11: 2 Kinj 6.18 * 19:16: 2 Pitö 2.7

melanjiba memba anömni aka bōratyahōtņi yeņgō bōrōņini mewōņanōk melanjiba memba enġuaņgita taon sileņe anget. Kembunōņ mewō ak kōmum enġiyōk. ¹⁷ Taon sileņe angetka azi yahōt yetkōreņōk kunōņ keu kewō jiyōk: “Malmalņini aņgōn kōlmegōra mōnō osumok misiņgōba angaitme. Andōņine kude liliņgōba uba anda gōlme kōrōņe endu aņgota mianġōreņ mewōyōk dōrōk kude alme. Ayuhubepukōra mōnō kundunē eu oņgōba misiņgōba angaitme.”

¹⁸ Mewō jiyōkmō, Lotnōņ kewō jii mōrohot: “O Kembuni, gōņōn mewō akingōra kude jiman. ¹⁹ Gōņōn malmalnaņgō bohōņi jōhōba ak-kōmukōmu ketani kondelnōņga gōhō jege oļņa kalem mōriam miwikņaiiba welenqegegi akzalmō, mōtnōņ, nōņōn kundunē eu misiņgōba angaitmamgō osimam. Kōndenmōnden kianōn nōņgō qakne oņgōiga kōmumbilenbukōra keņgōtņi mōtzal. ²⁰ Mōtnōņ, taon morōni kun endu ahōi ekzani, mianōn kōrōņi qahōpmō, oļōp anbinanġō dop akza. Mianġōra oļōp jinōņga mianġōreņ misiņgōba angaita oļōwaka malbin. Miri morōrōkņi mi eknōņga dowe ahōiga mianġōreņ oļōp anda malmalninaņgō bohōņi jōhōbin.”

²¹ Mewō jii mōrohotka kunōņ kewō meleņnōk: “Mi oļōp! Keu jizani, mianġōra mewōyōk oļōp imbi kōl gihimam. Taon morōņanġōra jizani, mi qahō ayuhumam. ²² Mi qahō ayuhumam-mō, iņini mōnō osumok mianġōreņ misiņgōba angaitme. Mianġōreņ qahō aņgotketka nalō sutņi kewōņe nōņōn yuai kun akņamgō osimam. Iņini mutuk mianġōreņ aņgotketka mianġō andōņe oļōp jim kutubiga kōndenmōnden asuhuma. “Lotnōņ taongōra ‘morodōkņi’ jiyōhanġōra aka taon mianġō qetņi mi Zoar (morodōkņi) qetketka ahōza.

Kembunōņ Sodom aka Gomora kōndenmōndenōk.

²³ Wehōnōņ lōk koriga Lotnōņ Zoar taonōņ kaņgorōk. ²⁴ *Kaņgoriga Kembunōņ jiga suepnōhōk Kembugō mireyōk salfa kōt kōnōpņambuknōņ mi kie ewō Sodom aka Gomora yeņgō qakņine eta turum enġiyōk. ²⁵ Turum enġiba mianōn taon yahōt mi aka gōlme kōrōņi pakpak kōsutņire ahōzawi, ambazip kōrek mianġōreņ malgeri aka ip kōsō yuai gōrōkņi (tōņgōņi) gōlme mianġōreņ ahōgeri, mi ayuhum enġim tekōyōk. ²⁶ Lotkō anōmņan aņņi wuatāņgōba anda kunbuk eleņda andōņe uba mianġōreņōk letota sihi kōt aka tandō ewō kinōk.*

²⁷ Abrahamnōņ sōņanōk wahōta mutuk Kembugō jemesoholņe kinda keu eraum-mōrohoru, mianġōreņ anōk. ²⁸ Mianġōreņ anda kinda Sodom, Gomora aka gōlme kōrōņi ketani pakpak mianġōreņ gōrōken ui aniga gōlme mianġōreņ kōwak injani ketanjan tokoba koriga ehōk. Mi kōnōp ketani ohogetka kōwak ketani wahōrakzawi, mianġō dop ahōk. ²⁹ Anutunōņ gōlme kōrōņi mianġō taonņi taonņi ayuhuba kōndenmōndenja nalō mianġōreņ Abraham mōtmōrim waņgiyōk. Behōtņi Lotnōņ taon mianġōreņ maliga mienōn meleņni gebiņgō aketka Anutunōņ nalō mianġōreņōk jim kutuiga Lot kōndenmōnden mianġō uruņeyōk waņgita kaget. Mewō.

Moab aka Amon kōnagesō yeņgō kōnaņini

³⁰ Lotnōņ Zoar taonōņ malmamgō keņgōtņi mōrōk. Mianġōra bōratyahōtņi etkuāņgita Zoar mosōta gōlme kundunambuk mianġōreņ anda tatket. Bōratyahōtņi yahōt yetpuk baņet uruņe ahōm wahōt aka malget. ³¹ Mianġōreņ mala bōratņi ketanjan nalō kunōņ munņanġōra kewō jiyōk: “Naniri iwiniran lōk azi namņi akza. Ambazipnōņ gōlme dop mianġōreņ amimba nahōnbōrat miwikņaim enġimakzemō, gōlme kianġōreņ azi kun netkōmemapkōra qahō malja. ³² Mianġōra oļōp kaba iwiniri wain o waņgizi namba uruņi eņololoņ aiga yambuk ahōba gōlōm ala gwōlōnarōk miwikņaiiziga kōnagesōninan toroqeba malme.”

³³ Mewō jiba sunġem mianġōreņōk iwiņiri wain o waņgiyohotka neyōk. Namba uruņi eņololoņ aiga datņan anda yambuk ahōyōk. Wani nalōnōņ qōhōrōņe kayōk aka wani nalōnōņ wahōrōhi, mi iwiņan qahō mōrōk.

* **19:24:** Mat 10.15; 11.23-24; Luk 10.12; 17.29; 2 Pitō 2.6; Jud 7 * **19:26:** Luk 17.32

³⁴ Ahöba wahöta bōratņi ketanān munņangōra kewō jiyōk: “Nōņōn uran suņgem iwinambuk ahōyal. Ölöp merak suņgem mewōyōk wain o kunbuk waņgizi nemba uruņi eņololoņ aiga gōņōn mōnō anda yambuk ahōmahot. Mewō ahöba iwiniranğōreņōk gōlōm ala gwōlōnarōk miwikņaziga kōnagesōninan toroqeba malme.”

³⁵ Mewō jiba suņgem miangōreņ mewōyōk iwiņiri wain o waņgiyohotka neyōk. Nemba uruņi eņololoņ aiga munņan anda yambuk ahōyōk. Wani nalōnōņ qōhōrōņe kayōk aka wani nalōnōņ wahōrōhi, mi iwiņan qahō mōrōk.

³⁶ Mewō ahotka miangōra mohotņamņire iwiņiranğōreņōk gōlōm alohot. ³⁷ Bōratņi ketanān morō azia memba qetņi Moab (iwinanğōreņōk) qerōk. Moab yangō gwōlōnarōkurupņan ahumsehip aka kotketka nalō kewōņe mewōyōk qetņini Moab kōnagesō qerakzin. ³⁸ Bōratņi morōņan mewōņanōk morō azia memba qetņi Ben Ami (kōnagesōnanğō nahōņņi) qerōk. Azi miangō gwōlōnarōkurupņan ahumsehip aka kotketka nalō kewōņe mewōyōk qetņini Amon kōnagesō qerakzin. Mewō.

20

Abraham aka Abimelek.

¹ Abrahamnōņ Mamre miri mosōta toroqeba Saut görōken distrik qetņi Negew miangōreņ anda miri qetņiri Kades aka Sur mietkō sutņire malōk. Miangō andōņe toroqeba taon qetņi Gerar miangōreņ anda kusukņanōk malōk. ² *Miangōreņ mala ambazip miengōra kewō jii mōtket: “Sara mi nena. “Mewō jiiga Gerargō kiņi Abimelek yaņōn keu ali aniga Sara waņgita jakōmbuak miriņe kaget.

³ Mewō aketmō, Anutunōņ suņgem kunōņ Abimelekōreņ kaba gaunōņ kewō jiyōk: “Ambi buņa qem anğuzani, mi azi kungō anōmņa. Miangōra gi mōnō yangōra aka kōmupkō buņaya akņan.”

⁴ Mewō jiyōkmō, kiņ Abimeleknōņ Sara qahō meyōhanğōra aka kewō jiyōk: “Kembu, ni siņgisōndokō keuni qahō. Miangōra gōņōn ni aka kōnagesōurupni nini ōne tōhōn ayuhum neņgibanbuk. ⁵ Abrahamnōņ mōnō nanņak nōņgōra kewō jiyōk: ‘Ambi mi nena.’ Ambinōņ mewōyōk kewō jiyōk: ‘Abraham mi nena.’ Miangōra urune geņmoņ qahō ahōiga ambi mi jibi kaiga bōrōnan yuai tōlokņi kun qahō ahal.”

⁶ Mewō jiiga Anutunōņ gaunōņ likeņņi kewō jii mōrōk: “Keu jizani, mi ōlņa. Gōhō uruge geņmoņ kun qahō ahōiga gōhōreņ kayōhi, mi mōtzal. Miangōra gōņōn ambi mi misiriba nōņgō jene siņgisōndok akanbukōra sel jōhōm gihiba malal. ⁷ Mewōgōra ambi mi mōnō kunbuk melenđa apņanğōreņ waņgiman. Azi mi kezapqetok azia aka ölöp gōhōra kōulukōiga qahō kōmuman. I kunbuk qahō waņgiman ewō, keu ki mōnō ōlņa mōtman: Gi aka tinitosolomurupki iņini mōnō kōrek kōmume.”

⁸ Keu mi jii kiņnōņ mōta sōņanōk wahöta pom jembonurupņi pakpak eņgohol tokom eņgiba Kembunōņ keu pakpak jiyōhi, mi jii mōta tōwōratiba keņgōtņini gwōtpuk mōtket. ⁹ Mewō mōtketka kiņ Abimeleknōņ Abrahamgōra keu ali ōņgōiga kewō jiba qesim waņgiyōk: “Gi mōnō wani kimbia ak neņginōņ? Nōņōn wani bōlōņi kun ak gihibiga gōņōn kondotnōņga siņgisōndokō keu lömbōtņan mōnō ni aka kōnagesōni nōņgō sel tohoņ uruņe maljei, neņgō qaknine ōņgōmamgō akza? Gōņōn yuai qahō ahakņanğō dop mia soņgo walōņda ak niņginōņ. ¹⁰ Gōņōn mōnō kōnaņi wuanōņgōra silik mi aknōņe?” Kiņ Abimeleknōņ Abraham mewō qesim waņgiiga

¹¹ kewō melenņōk: “Nōņōn keu mi kewō mōtmōriba jial: ‘Gölme kianğō kōnagesō eņōn Anutugō jitņi oņgitpinbukōra keņgōtņini qahō mōtpeak. Miangōra ni anōmnanğōra aka nuņguget kōmumbilenbuk.’ ¹² Yaņōn ōlņa neni, iwinanğō bōratņi akza. Namnanğō bōratņi qahō akzawaņgōra i anōmna meal. ¹³ Anutunōņ iwinanğō miriņi mosōta kungen anmangō jiyōhi, nōņōn nalō miangōreņ Saragōra kewō jial: ‘Niri denike denike anbiri,

* 20:2: Jen 12.13; 26.7

mianğoreñ nongöra nena jiman. Mewö aka mianjon ni urukalem kondel niñgiba malman.”

¹⁴ Mewö jii möta Abimeleknöñ Abrahamgö anömñi Sara melenđa wañgiyök. Mewöñanök lama bulmakau aka welenqeçe azi aka ambi mi mohotñe i wañgiyök. ¹⁵ Wañgiba keu kewö jiyök: “Mötnöñ. Nongöreñ gölme ki wösöge ahözawi, mianğoreñ mönö nangi sihingahö dop malman.” ¹⁶ Mewö jiba Saragöra kewö jiyök: “Mötnöñ. Nöñön monen silwö köt 1000:gö dop nengi wañgibiga mianjon töwagi akza. Töwa mianjon könañamgi kondeliga ambazip körek göbuk maljei, yeñön mi eka kewö jiba möt yaköme, ‘Singisöndokö keuñi mi Saragöreñ qahö ahöza.’ ” Mewö jiyök.

¹⁷⁻¹⁸ Abrahamgö anömñi Saragöra aka Kembunöñ ambi pakpak kiñ Abimelekö miri uruñe malgeri, yeñgö morö memegö könañi jöhöyök. Mianğöra Abrahamnöñ Anutu köuluköiga Abimelek mem ölöwahök. Mewöyök anömñi aka welenqeçe ambiurupñi mem ölöwak enjiiga kunbuk moröñinambuk aket. Mewö.

21

Aisak asuhuyök.

¹ Kembunöñ Sara kalem möriam wañgimangö keuñi jim jöhöi ahöyöhi, mianğö dop i ek galöm ak wañgii malök. Keu jiyöhi, mianğö dop i kewö ak wañgiyök: ² Saranöñ gölöm aliga Abrahamnöñ azi namñi aiga töndup yañgö morö nahönñi meyök. Anutunöñ morö nahön asuhumapkö keuñi qeljine jim jöhöyöhangö dop mi mönö nalö mianğoreñök asuhuyök.* ³ Saranöñ Abrahamgö morö nahönñi meiga qetñi Aisak (gön kölja) qerök. ⁴ Qeriga Aisaknöñ wehönñi 8 aiga nalö mianğoreñ Anutugö aiwesökñi silenje yandiyök. Anutunöñ keu jim kutui ahöyöhangö dop mi yandiyök.* ⁵ Abrahamnöñ yambuñi 100 aiga nahönñi Aisak asuhuyök. ⁶ Asuhuiga Saranöñ keu kewö jiyök: “Anutunöñ gönkölköl miwikñaim niñgiyök. Mianğöra denike yeñön nongö kösohotni mötmei, yeñön mönö nömbuk gön kölme.” ⁷ Mewö jiba toroqeba kewö jiyök: “Saranöñ morö galömkölkölña akñawi, dañön keu mi qeljine möta Abrahamgöra jibawak? Mewö qahöpmö, nalö kewöñe yañön azi namñi aiga nöñön töndup yañgö nahönñi meal. “Mewö. ⁸ Aisaknöñ qariba juzu mosoriga wehön mianğoreñök Abrahamnöñ nene lömbuañ ketañi alök.

Saranöñ Hagar aka Ismael közöl etkiyök.

⁹ Ijpt ambi Hagarnöñ Abrahamgö morö nahönñi Ismael meyöhi, yañön nalö kunöñ munñi Aisak ilita mepaiköba gönawöt ak wañgiiga Saranöñ mi ehök.

¹⁰ Mewö eka Abrahamgöra kewö jiyök: “Welen ambigö nahönñan mönö nongö nahöni Aisakpuk göhöreñ öroyuai mi qahö mendenđa buña qem angumahot. Welen ambi mi aka nahönñi mi mönö közölnöñga anmahot.”* ¹¹ Saranöñ keu mi jiyöhi, mianjon Abrahamgö uruñi qeiga Ismael mi nahönñi ahöhangöra aka urueret möriga uruñi mötökömbuk ahök.

¹² Mewö ahiga Anutunöñ yañgöra keu kewö jiyök: “Nahöngi aka welen ambigi Hagar yetköra mönö urugoro ketañi kude mötman. Aisakö gwölönarökurupñi yeñönök mönö göhö qetbuñagi bisiba malme. Mianğöra Saranöñ keu göhöra jizawi, mi pakpak mönö möta tem kölman.* ¹³ Welen ambigahö nahönñan göhö gwölönaröki akzawañgöra nöñön i mewöñanök ahumsehip wañgibiga gwölönarökurupñan könagesö ketañi akñe.”

¹⁴ Mewö jii möta Abrahamnöñ ahöba söñan kötökñe wahöta nene tosatñi memba o uu (ou huhu) lama silenjan memenji mianjon o uba kaba Hagargö qamböñe ala mindiñgöba nahönñambuk melaim etkiiga mosöta anohot. Anda Berseba gölme qararañkölkölñe añgota liliköba malohot. ¹⁵ Malohotka lama silenje o memba anöhi, mianjon qahöwahiga nahönñi mi böñbañ ip köhösoñi kungö bapñe ali ahöyök. ¹⁶ Ali ahöiga kinda kewö

* **21:2:** Hib 11.11 * **21:4:** Jen 17.12; Apo 7.8 * **21:10:** Gal 4.29-30 * **21:12:** Rom 9.7; Hib 11.18

mötmöriyök: “Nahönan jeni qakre kömumawi, mi ekñangö osiba jemörön akzal. “Mewö mötmöriba pokom mulget anakzawangö dop tikep anda tata silata sahöt gigilahöyök.

¹⁷ Morö sahöröhi, mi Anutunöñ möriga garatañan suepnöhök Hagargö qeta kewö jiyök: “Hagar, gi wani lömbötkö uruñe maljan? Kenğotki kude mötnöñ. Morönöñ endu ahöba sahötzawi, Anutunöñ sahötñi mi lök mötza. ¹⁸ Mönö wahöta morö nahöngi gölmenöhök kököbihinöñ wahöriga böröñe memba mökökölim wangiman. Nöñön i könañgep ahumsehipe wangibiga gwölönarökurupñan sehiba könañgesö ketani qetbuñañinambuk akñe.” ¹⁹ Suep garatanöñ mewö jiiga Anutunöñ jeni metohoiga uba o lömñi kun ehök. Mi eka lama silenji memba anda mianñon o uba kaba nahöññi wanggiiga neyök. ²⁰ Anutunöñ Ismaelbuk kiniga qariba gölme qararañkölkölñe mala erim nemi azia ahök. ²¹ Gölme qararañkölkölñi qetñi Paran mianñoreñ maliga namñan Ijpt kantrinöhök ambi kun memba anömña wangiyök. Mewö.

Abraham aka Abimelek yetkön urujöhöhö ahot.

²² *Nalö mianñoreñ Abimelek aka yangö yarö kambuñangö suahe galömñi qetñi Fikol yetkön Abrahamgöra kewö jiyohot: “Göñön öröyuai pakpak aka memakzani, Anutunöñ mönö mianñoreñ göbuk kinakza. ²³ Mianñöra göñön mönö merak kianñoreñ Anutugö jeñe jöjöpañ keu kewö jiba jim köhöiman: ‘Nöñön gi, moröurupki aka gwölönarökurupki embuk isimkakalek kun kude aka malmam.’ Mewö jim köhöiba nöñön ak kömum gihiba malali, mianñö dop göñön mönö mewöñanök gölme ki aka ni ak kömum netkiba malman. Gi gölme kianñoreñ kiana aka maljan.”

²⁴ Mewö jiyohotka Abrahamnöñ kewö jiyök: “Nöñön jöjöpañ keu mi ölop jiba jim köhöimam.”

²⁵ Mewö jiyökmö, Abimelekö welenqequeurupñan o löm kun nanñinañgöra añgön kölgeri, Abrahamnöñ mianñöra Abimelek jim wangiyök. ²⁶ Jim wangiyökmö, Abimeleknöñ kewö melenđa jiyök: “Dañön silik mi ahöhi, mi nöñön qahö mötzal. Nangak mianñö keuñi kun mutuk qahö jinöñ möta mala merak-kun keu mi mötzal.”

²⁷ Mewö melenđa jiiga Abrahamnöñ anda lama aka bulmakau memba kaba Abimelek wanggiiga nalö mianñoreñök sutñire jöhöhöhö aka alohot. ²⁸ Mi ala Abrahamnöñ lama kambuñineyöhök lama ambiñi moröñi 7 meköm ençiba al ençii nanñinök kinget.

²⁹ Mewö kingetka Abimeleknöñ Abraham kewö qesim wangiyök: “Lama ambiñi moröñi 7 kewöta endu al ençinöñga nanñinök kinjei, mi könañi wuanöñgöra?”

³⁰ Qesim wanggiiga kewö melenñök: “Nöñön o lömñi ki esiali, keu mi jibiga mi möt narizan ewö, lama moröñi 7 ki mönö nöñgö böröneyök buña qem añgunöñga nöñgö keunañgö dangunuñi akña.” ³¹ Mewö melenđa azi yahöt mi gölme mianñoreñ kinda jöjöpañ keuñiri jiba jim jöhöm añguyohot. Mianñöra miri mianñö qetñi Berseba qerakze.

*

³² Berseba mire jöhöhöhö mewö ahot teköiga Abimelek aka yangö yarö kambuñangö suahe galömñi Fikol yetkön wahöta lilingöba Filistin yenğö gölmenöñ anohot. ³³ Anohotka Abrahamnöñ berem ip kun Berseba miri mianñoreñ kömöta Kembu Anutu bem koñkoñ yangö qetñi qeta köuluköyök. ³⁴ Köuluköba kinda Filistin yenğö gölmenöñ nalö köröpñi kiana aka malök. Mewö.

22

Anutunöñ Abraham esapköm wangiyök.

¹ Yuai mi asuhuiga nalö tosatñi teköiga Anutunöñ Abraham esapköm wangiyök. Qetñi “Abraham!” qeriga yañön “Ni ki kinjal,” jiba melenñök.*

* **21:22:** Jen 26.26 * **21:31:** Berseba keu mianñö könañi yahöt: sewengö o lömñi aka jöjöpañ keugö o lömñi.

* **22:1:** Hib 11.17-19

² Mewö melenjiga kewö jiyök: “Aisak nahöngi nanji mohotsirik urugan jöpaköm wangimakzani, i mönö wangita Moria gölmenöj anda kundunji kun kondel gihimami, miangörej öngöba i nöngö jöwöwöla ohoman.”*

³ Mewö jiiga Abrahamnöj ahöba söjan kötökne wahöta donki qakne dum tatatnji möhamgöba welenqeqeni yahöt aka nahönji Aisak enquangirök. Jöwöwölgö könöpni dopne köl teköba börangöba ala enquangita Anutunöj gölme jiyöhi, miangörej anök.

⁴ Anda mala wehön karöbutnji miangörej jejan uba wahöta gölme mi ehiga köröwen ahöyök. ⁵ Mi eka welenqeqe yahötjni yetköra kewö jiyök: “Injiri donkibuk ki tarohotka ni aka morö nahön netkön endu anda Anutu waiknji memba möpöseiba kunbuk lilingöba etkörej kabit.”

⁶ Abrahamnöj mewö jiba jöwöwöl ohohogö könöp böranji memba nahönji Aisakö qamböje ali öngöiga nanjak könöp jit aka sou meyök. Mewö meiga mohotjamjire anohot. ⁷ Mewö anda Aisaknöj anj ala iwinji Abrahamgöra kewö jiyök: “Iwini!” Mewö jiiga kewö melenjök: “Nahöni, wania?” Mewö melenjiga kewö qesiyök: “Könöp jitnji aka könöp mia ki memba kazitmö, jöwöwöl ohohogö lamanji mi denike?”

⁸ Mewö qesiiga iwinjan kewö melenjök: “Nahöni, Anutu nanjak mönö jöwöwöl ohohogö lamanji kun miwikjaiba netkima. “Mewö melenjiga toroqeba mohotjamjire anohot.

⁹ Anda Anutunöj gölme jiyöhangörej anggota kinda jöwöwöl ohohogö altanji kun memba könöp miangö qakne ala arengöyök. Arengöba nahönji Aisak jöhöba altanöj könöp qakne al wangiyök.* ¹⁰ Al wangiba nahönji umangöra böröni böranda sou memba atöjnök. ¹¹ Atöjniga miangörejök Kembugörej garatanöj Suepnöhök Abrahamgöra kewö qerök: “Abraham, Abraham!” Mewö qeriga “Ni ki kinjal,” jiba melenjök.

¹² Mewö melenjiga kewö jiyök: “Börögan mönö morögö qakne kude alman. Yangö qakne yuai kun kude akjan. Göjön nahöngi mohotsirik mi nöngöra qahö angön köljanangöra könanamgi merak kewö möt yaközal: Gi Anutugö keu jitnji ongitpanbuköra kenjötki mörakzan.”

¹³ Mewö jiiga miangörejök uba wahöta ehiga lama azinji kun ilitjan böjbanj ip köhösonöj gili geiga kinök. Mi eka anda memba kaba nahönjangö salupne lama mianjön jöwöwöl ohoyök. ¹⁴ Miangöra Abrahamnöj gölme miangö qetnji mi ‘Kembunöj miwikjaiba netkima,’ jiba qerök. Nalö kewöje mewöjanök keu kewö jimakze: “Kembunöj mi kundunje miwikjaiba netkima.”

¹⁵ Kembugö garatajan Abrahamgöra Suepnöhök kunbuk kewö qeriga yahöt ahök: ¹⁶ “Kembu nöjön kewö jizal: Nanak nani qetni qeta jöjöpanj keu kewö jiba jim köhöizal: Göjön silik ki aka nahöngi mohotsirik mia nöngöra qahö angön köljani, ¹⁷ miangöra nöjön ölja gi kötuetköba ahumsehip gihibiga gwölönarökurupki yejön önöni qahö sehime. Sehigetka qötöjnan mönö suep könakembagö senjelaujni ewö akja aka köwet jitle sakösin ahöm anjei, miangö dop akja. Göhö gwölönarökurupki yejön mönö köhöiba kerökurupjini enguba luhut ala siti gölmenjini enquangita angön köla malme.* * ¹⁸ Göjön nöngö keuni tem köljani, miangöra göhö gwölönarökurupki yejögörejök kungöra aka nöngö kötümötuetnan mönö gölmegö könagesö kambunji pakpak yejögö qakjine öngöiga oyaenkoyaen akne.”*

¹⁹ Kembugö garatajan mewö jiiga Abrahamnöj moröjambuk lilingöba welenqeqeyahötjni yetkörej anda aitöngöba mohotje Berseba mire anget. Abrahamnöj Berseba miri miangörej opo seri koumni mörörengöba malök. Mewö.

Nahorgö gwölönarökurupji

²⁰ Nalö tosatnji teköiga buzup keu kun kewö jigetka Abrahamgörej kayök: “Milkanöj mewöjanök nama akza. Yanjön mungi Nahorgö nahönurupji tosatnji engömeyök.”

* 22:2: 2 Kor 3.1 * 22:9: Jei 2.21 * 22:17: Hib 6.13-14 * 22:17: Hib 11.12 * 22:18: Apo 3.25

21 Moröni mutukñangö qetñi mi Uz, yangö munñi Buz aiga yangö könaje Kemuel, Aramgö iwiñi. 22 Kemuelgö könaje Kesed, Hazo, Pildas, Jidlaf aka Betuel. 23 Betuelnöñ Rebekagö iwiña ahök. Milkanöñ Abrahamgö munñi Nahorgö nahönurupñi 8 mi engömeyök. 24 Nahorgö anömñi bohonñi qahö memenñi qetñi Reuma yangön mewöñangök nahönurupñi tosatñi engömeyök. Yengö qetñini mi Teba, Gaham, Tahas aka Maka. Mewö.

23

Saranöñ kömuyök.

1 Saranöñ mala mal öngöiga yambuñi 127 ahök. Saranöñ miangö dop malök. 2 Mala Keinan gölmenöñ miri qetñi Kariat Arba, qetñi alañi Hebron qerakzei, miangöreñ kömuyök. Kömuiga Abrahamnöñ miangöreñök anömñangöra jinñen köla sahötmangöra anök.

3 Anda sahöt teköba wahöta anömñangö qamötñi mosöta anda kinda Hit ambazip yengöra keu kewö jiyök: 4 **“Ni engö sutñine kiana kaba qandak (kusuk) maljal. Miangöra inñi mönö gölmeninangö bahöñi kun kiangöreñ ningigetka bohonñi membiga qaksirini aiga alaurupni yengö qamötñini miangöreñ ala löm köl engimakñam.”*

5 Keu mewö jiiga Hit yangön melenña kewö jiget: 6 *“O azi kembu, gi ölop nengöreñ keu ki mötnöñ. Gi nengö sutñine Anutugö azi jembonñi maljanangöra aka qaksirigi sihimangan denike ek soroköba memangö mötzani, miangöreñ mönö ölop qamötki löm kölman. Göñön qamötki esim kölman jinöñga nengöreñök kunñan mi qahö angön köl gihima.”*

7 Mewö jigetka Abrahamnöñ wahöta gölme tourupñi Hit ambazip yengö wösöñine geba sipköm engiyök. 8 Sipköm engiba kinda yengöra keu kewö jiyök: *“Nöñön qamötñi esim kölman gölöp jime ewö, mönö nengöreñ keu ki möta Zohargö nahönñi Efron yangöreñ anda keu jitni ki toroqeba jiba kuñgum wangime. 9 Kuñgum wangigetka möta banet qetñi Makpela yangö buñaya aka nupñangö imbiñe göröken ahözawi, mönö mia jim teköiga söngöröñi memam. Mönö qesigetka bohonñi jömuk jim teköiga söngöröñi membiga nengö qaksirini engö sutñine ahöma.”*

10 Mewö jiiga Efronöñ alapurupñi Hit könagesö pakpak taonñinangö kiripo nangune kaba sombemnöñ tokogeri, yengö sutñine tariga keu kezap ala mötketka Efronöñ Abrahamgöra kewö melenñ wangiyök: 11 *“O azi kembuni, mewö qahöpmö, mönö nengöra kezap alnöñ. Nöñön gölme köröñi mi aka banet miangöreñ kinjawi, mi kalema gihizal. Nani könagesöurupni yengö jeñine kinda mi ghibiga ekze. Qamötki mi ölop miangöreñ esim löm kölman.”*

12 Mewö jiiga Abrahamnöñ gölme tourupñi yengö wösöñine kunbuk geba sipköm engiyök. 13 Sipköm engiba kinda yengö jeñine Efrongöra kewö jiiga mötket: *“Nengöreñ keu ki mönö kezap ala mötnöñ. Göñön ölop mewö akanakmö, nöñön mönö gölme köröñi miangö bohonñi mi gihimam. Mi ölop jiba töwa menöñga nöñön qamötñi miangöreñ esim löm kölman.”*

14 Mewö jiiga mötketka Efronöñ Abrahamgöra kewö melenñ wangiyök: 15 *“O azi kembuni, nengöreñ keu ki mönö kezap ala mötnöñ. Gölme miangö bohonñi mi 400 silwö kötni (50 kilogram). Ala-ala akzirangöra aka miangön mönö netkö sutñire yuai omani akza. Miangöra qamötki ölop esim löm kölman.”*

16 Mewö melenñ wangiiiga möta Abrahamnöñ gölme bohonñangö jangöñi Efronöñ Hit könagesö yengö jeñine jiiga mötkeri, miangö urumohot ahök. Jangöñi silwö kötni 400 mi kölköl-örörö ambazipnöñ nalö miangöreñ bohonñangö dopñi jiget ahöyöhi, miangö dop moneñ mi kewöta wangiyök.

17 Mewö wangiiiga Efrongöreñ gölme köröñi Mamre kösutñe Makpela miangöreñ ahöyöhi, banet miangöreñ kinöhi aka ip pakpak gölme miangö jabö urune kingeri, miangö keuñi teköyök. 18 Keuñi teköiga Abrahamgö buñaya ahök. Hit könagesö pakpak

* 23:4: Hib 11.9, 13; Apo 7.16

taonñinanğo kiripo nanğune kaba sombemnön tokogeri, yeñon töwanı mi eketka bunanı ahök.

¹⁹ Mianğo andöñe Abrahamnön anömñi Saragö qamötñi mi Keinan gölmegö banetñe esim löm kölok. Banet mi Mamre qetñi alanı Hebron mianğo kösutñe gölme köröñi qetñi Makpela mianğoreñ ahöza.

²⁰ Mewö asuhuiga gölme köröñi aka banet mianğoreñ kinjawi, mi Hit könagesö yeñon Abrahamgö bunaya qem wanğigetka qaksiriñi ahök. Mewö.

24

Aisakö anömñi Rebeka mi wanğita kaget.

¹ Abrahamnön azi namñi ahiga Anutunön yuai pampak aka meyöhi, mianğoreñ i kötuatköm wanğii mala korök. ² Mewö ahiga nalö kunön mirinğo welenqeçe jembonñi bohonñi, mirinı uruñe öroyuai ahöm wanğiyöhi, mianğo galömñi yanğora keu kewö jiyök, “Gi mönö keugi jim köhöimangöra börögi nöngö tambuni bapñe alman. ³ Mewö ala Kembu, Suep aka gölme mietkö Anutunıranğo qetñe jöjopañ keu kewö jiman: Nöñon Keinan könagesö yeñgö sutñine ki maljalmö, göñon mönö nahönanğo anömñi mi yeñgö nen böratñina kun kude memba wanğiman. ⁴ Mewö qahöpmö, gi mönö nane kantrinön anda tinitosolomurupni yeñgöreñök nahöni Aisakö anömña wanğita kaman.”

⁵ Mewö jiiga welenqeçe jembonön kewö qesim wanğiyök: “Anda jibiga ambi mianön nömbuk gölme kianğoreñ kamangö tököma ewö, nöñon mönö denöwö akñam? Nahöngi wanğita kantri kanöñanğoreñ kunbuk lilingöba anbit me qahö?”

⁶ Mewö qesim wanğiiga Abrahamnön kewö melenök: “Qahöpmahöp! Gi nöngö nahöni wanğita mianğoreñ kunbuk kude anmahot. ⁷ Suepkö Kembunı Anutunön ni iwinanğo miri aka ahياهو kantrineyök keu kewö jii mötpiga jöjopañ keunön jöhöba noanğiri kayal: ‘Nöñon gölme ki mönö göhö gwölönarökurupki yeñgö bunaya qem enğimam.’ Mianğora yanön mönö Suep garatanı melaiiga mutuk aniga göñon ölop nahönanğö anömñi mi mianğöreñök wanğita kaman. ⁸ Anda jinöñga ambi mianön göbuk kamangö tököma ewö, jöjopañ keugi kianön mönö qahö toroqeba jöhöm gihima. Nöngö nahöni mi mönö qahö kötokñi wanğita mianğoreñ lilingöba anmahot.”

⁹ Mewö jiiga welenqeçe jembonnan keu mi jim jöhöm wanğiba jöjopañ keunön jim köhöimangöra böröñi ketañamñi Abrahamgö tambunı bapñe alök.

¹⁰ Mewö jim köhöiba kinda ketañamnanğoreñ kamel 10 aka yanğö köweneyök yuai aködamunñinambuk könanı könanı mohotñe meyök. Mi memba mosöta Not Mesopotemia (Aram Naharaim) * kantrinön anda Nahornön taon malöhanğoreñ anğorök. ¹¹ Anğota taon yaigepñe o lömñi kinöhanğö kösutñe kamelurupñi al enğiiga siminñini mösököba geba luhut meget. Wehön jeñi gemangö aiga taongö ambiñi yeñon o ubingö o lömñe kaka nalöñini mi ahök. ¹² Mianğoreñ kinda kewö köuluköyök: “O Kembu, ketañamni Abrahamgö Anutunı, gi mönö merak töhötmöriam niñgiba ketañamni Abrahamgöra keu jim jöhönöñi, mianğö ölnı asuhuma. ¹³ Mötnön, ni o löm kösutñe kianğoreñ kinbiga taongö ambi seramurupñini yeñon o ubingö kame.

¹⁴ Kagetka kewö asuhumapköra köuluközal: Nöñon ambi seram kungöra kewö jimam: ‘Gi ölop köurañengi möñgoninöñga (mondokönöñga) o nembilenak.’ Mewö jibiga yanön kewö melenđa jima: ‘Ölop nenöñga kamelurupki mewöyök o gumohom enğimam.’ Mewö jimawi, ambi seram ia göñon welenqeçe azigi Aisakö bunaya qenöñi, yanön mönö mia akña. Mewö asuhuiga göñon ketañamnanğöra keu jim jöhönöñi, mianön ölnambuk akza, mewö mötmam.”

¹⁵ Köuluk mi qahö köuluköm teköiga mianğöreñök ambi kun qetñi Rebeka yanön köurañen qamböñe anğuba mianğoreñ kanğorök. Yanön Abrahamgö munñi Nahor aka

* **24:10:** Aram qet mi nalö kewöñe Siria qerakze. Naharaim o töwatñi yahöt (Yufreitis aka Taigris) mietkö sutñire.

anömni Milka, yetkö nahönñiri qetni Betuel yangö böratña ahök. ¹⁶ Ambi miangö kaisongolomni mi eksihimñambuk kötökni aiga ambi seram jömukni azinöñ qahö memenja malök. Yanön eta o lömnöñ geba o uba korök. ¹⁷ Koriga miangörenök welenqege jembonöñ ösumñan yangö kösutje anda kewö jiyök: “Gi ölop köurañengeyök o kun niñginöñga nembilenjak.”

¹⁸ Mewö jiiga kewö melenök: “O kembuni, ölop neman. “Mewö jiba ösumok köurañenni böröñan memba eta mongoñgoniiga (mondoköiga) o neyök. ¹⁹ Mi neiga kewö jiyök: “Nönön kamelurupki yengöra mewöyök o uba engibi memba anda bikñini enğuiga mosötme.” ²⁰ Mewö jiba ösumok köurañenni mokoi o körek joutnöñ geiga kunbuk diñdingöba o lömnöñ o umamgöra geba kamelurupni pakpak yengöra o dopñine uyök. ²¹ Mewö ahiga welenqege jembonöñ göröñ kinda i törörök eka kewö möta mötmöriyök: “Ölña, Kembunöñ köna köröpni ki kayalañgö möriamni mi mönö kewö kondori asuħuza me denöwö?”

²² Mewö mötmöriba kiniga kamel yenön o nem tekögetka welenqege jembonöñ pinjim (möpöñ) goulnöñ memeni kun lömbötñi 5 gram mi memba ambi seramgö söngöröñe ala böröjenjen goulnöñ memeni yahöt lömbötñiri 110 gram mi böröñe mei öñgöyök. ²³ Mei öñgöiga kewö qesim wañgiyök: “Gi dagö böratña? Iwigahö miri uruñe neñön sungem ahöbinakö tiñi kun ahöza me qahö, mi ölop jinöñ mötpilenjak.”

²⁴ Mewö qesim wañgiiga kewö melen wañgiyök: “Ni Betuelgö böratña. Abu asani qetñiri Milka aka Nahor.” ²⁵ Mewö jiba toroqeba kewö jiyök: “Nengören luplup aip aka kamel yengö gwözözak neneñi mi gwötpuk ahöza aka sungem gaun ahömegö tiñi mi mewöyök ölop kinja.”

²⁶ Mewö jiiga welenqege jembonöñ gölmenöñ geba bamgöba Kembangö waikni memba möpöseiyök. ²⁷ Möpöseiba kewö jiyök: “O Anutu, ketañamni Abrahamgö Kembuni, nöñön gi möpöseim gihizal. Göñön ketañamnañgöra kalem möriamgö keugi jim jöhönöñi, mi törörök wuatañgönöñga qahö sörauyök. Miangö dop Kembu göñön noañitnöñga köna köröpni ki kaba mala ketañamnañgö tinitosolomurupni yengö mire kañgotzal.”

²⁸ Mewö asuħuiga ambi seramnöñ ösumñan kiñkiñgöba anda miangö kösohotni mi namñangö saiwaurupni miriñe malgeri, yengöra jiiga mötket. ²⁹ Rebekagö nenni qetni Laban malök. Yanön mi möta Abrahamgö welenqege jembonni ekñamgöra ösumñan yaigep o lömñe kiñkiñgöba anök. ³⁰ Nennangö böröñe goul böröjenjen aka söngöröñe goul pinjim tari ehiga nenni Rebekanöñ welenqege jembonöñ keu jiiga möröhi, miangö kösohotni jii möta yangören anök. Anda o lömñe añgota azi mi ehiga miangören kamelurupni yengö qöhöröñine kinök. ³¹ Kiniga kewö jiyök: “Kembunöñ kötuatköm gihii maljani, gi mönö kanöñga mirinöñ anbit. Yaigep kiangören kude kinman. Nönön nanñini ahömeañgö miriñi aka kamelurupki yengö dumñini tok möwölöhözal.”

³² Mewö jiiga welenqege jembonöñ mire kaiga kamel qakñine sukinap taröhi, mi Labanöñ musula mei eri jiiga kamel yengöra luplup aip aka gwözözak nene memba kaba engiget. Welenqege jembon aka yangö aziurupñan könañini sañgonmeañgö onñi mi tok mohotñe uba kaba engiget. ³³ Miangö andöñe nene welenqege jembongö wösöñe kölgetmö, yanön kewö jiyök: “Mutuk keu memba kazali, mi jibi mötketkun mönö nene ki nemam. “Mewö jiiga Labanöñ kewö jiyök: “Mi ölop jinöñ mötpin.”

³⁴ Mewö jiiga kewö jiyök: “Nönön Abrahamgö welenqege azia akzal. ³⁵ Kembunöñ ketañamni önöñi qahö kötuatköm wañgiiga azi öñgöñgöñi sukinapuk aka malja. Kembunöñ lama aka bulmakau, silwö aka goul, welenqege azi aka ambi aka kamel, donki mi gwötpuk wañgiiga malja. ³⁶ Ketañamnañgö anömni Sara yanön ambi namni kötökni aka nalö miangören ketañamnañgöra nahönñi kun meyök. Iwiñan sukinapni pakpak mi nahönñangöra buña qem wañgii malja.

³⁷ “Ketañamnan nöñön jöjopañ keu kewö jimamgö jim kutum niñgiyök: ‘Nönön Keinan yengö gölmenöñ ki maljalmö, göñön mönö nahönañgö anömni mi Keinan yengö nen

böratnja kun kude memba waŋgiman. ³⁸ Mewö qahöpmö, gi mönö iwinanğö mire nani tinitosolomurupni yeŋğöreŋ anda nahönanğö anömnji mi mianğöreŋök waŋgita kaman.'

³⁹ "Mewö jiiga ketaŋamni mi kewö qesim waŋgial, 'Nöŋön anda jibiga ambi mianğön nömbuk qahö kama ewö, nöŋön mönö denöwö akŋam?' ⁴⁰ Mewö qesim waŋgibiga kewö melenök: 'Nöŋön Kembangö jeŋe anda kaba aka memba malali, yaŋön mönö Suep garataŋi melaiiga göbuk aniga köna anmani, mianğön töhötmöriamŋambuk akŋa. Mewö nani iwinanğö mire anda tinitosolomurupni yeŋğöreŋök nahönanğö anömnji mi memba kaman. ⁴¹ Nöŋğö tinitosolomurupni yeŋğöreŋ anda jöjopaŋ keu nöŋğöra jinöŋi, mianğön mönö mianğö andöŋe qahö toroqeba jöhöm gihima. Ambi kun qahö gihime ewö, göŋön töndup jöjopaŋ keu mianğö kösönöhök lolohoman.'

⁴² "Mewö jiiga merak o lömŋe kaŋgota kinda kewö köuluközal: 'O Anutu, ketaŋamni Abrahamğö Kembuŋi, ni köna köröpŋi kazali, mi mönö jitsihitkahö dop mötnöŋga töhötmöriamŋambuk akŋa. ⁴³ Eknöŋ, nöŋön o löm kianğö kösutŋe kinjal. Kewö kinbiga ambi seram kunŋan o umamğö kaiga nöŋön yaŋğöra kewö jimam: "Gi ölop köuraŋengeyök o moröŋi kun niŋginöŋga nembilenak?"

⁴⁴ Mewö jibiga yaŋön kewö melenđa jima: "Ölop nenöŋga kamelurupki yeŋğö o mewöŋanök uba eŋgimam. "Mewö melenđa jima ewö, nöŋön mianğöra kewö mötmam: Kembu göŋön i ketaŋamnanğö nahönŋanğö anömnja akŋapköra möwölöhözan.' ⁴⁵ Uruneyök köuluk mi qahö köuluköm teköbiga mianğöreŋök Rebeka yaŋön köuraŋen qamböŋe aŋguba mianğöreŋ kaŋgotza. Kaŋgota o lömŋe geba o uiga nöŋön yaŋğöra kewö jizal: 'Ölop o kun niŋginöŋga nembilenak.'

⁴⁶ "Mewö jibiga yaŋön zilaŋ köuraŋenŋi qamböŋeyök mei eriga kewö jiza: 'Ölop nenöŋga kamelurupki yeŋğö o mewöŋanök eŋgibiga neme.' Mewö jii nembiga kamelurupni mi mewöyök o gumohom eŋgiza. ⁴⁷ Gumohom eŋgiiga kewö qesim waŋgizal, 'Gi dagö böratnja?' Qesim waŋgibiga kewö melenja: 'Ni Betuelğö böratnja. Abu asani qetŋiri Milka aka Nahor.' Mewö melenjiga nöŋön pinjim söŋğöröŋe möndöba böröjenjeŋ böröŋe membi öŋğöza. ⁴⁸ Nalö mianğöreŋök gölmenöŋ geba bamğöba Kembangö waikŋi memba möpöseizal. Anutu ketaŋamni Abrahamğö Kembuŋan mönö köna diŋdiŋi noaŋgiri ketaŋamnanğö munŋanğö mire kaba isiŋi nahönŋanğö anömnja akŋapköra miwikŋaizal. Mianğöra Kembu möpöseim waŋgizal.

⁴⁹ "Mewö kaba ki kinjal. Mianğöra iŋini ketaŋamni ek soriba sepkitip akzeanğö keuŋi pöndaŋ wuatangöba ak kömum waŋgize ewö, mi mönö kondela jigetka mötmam. Mewö qahö akŋe ewö, keu mi tok jigetka mötmam. Mi möta kungen elenđa anmamğö mötmörimam."

⁵⁰ Mewö jim teköiga Laban aka Betuel yetkön kewö melenđa jiyohot, "Keu ki Kembangöreŋök kaza. Mianğöra netkön keu mewö me mewö jibirangö dop qahö. ⁵¹ Mötnöŋ, Rebekanöŋ ki kinja. Kembunöŋ jimqindiŋ akzawaŋğö dop ölop i waŋgita anda ketaŋamnahö nahönŋi waŋginöŋga anömnji akŋa."

⁵² Mewö jiyohotka keuŋiri möta Abrahamğö welenqeŋe jembonŋan eta Kembangö jeŋe gölmenöŋ geba bangöyök. ⁵³ Bangöm teköiga wahöta gösöŋeyök goul aka silwö aködamunŋi eksihimŋinambuk aka opo maluku kulemŋinambuk ujeta Rebeka waŋgiyök. Mewöŋanök kalem yuai tosatŋi söŋğöröŋini ketaŋi mi nam nenŋi etkiyök.

⁵⁴ Etkiba i aka aziurupŋi yambuk kageri, yeŋön nene kuluŋ namba tata mala suŋgem aiga ahöget. Ahöba söŋan wahötketka kewö jiyök: "Ölop melaim niŋgigetka ketaŋamnanğöreŋ anmam."

⁵⁵ Mewö jiyökmö, nam nenŋi yetkön kewö melennohot, "Ölop nenböratniri mosötnöŋga toroqeba nalö tosatŋi silim ten mewö nembuk malma. Mianğö andöŋe ölop i waŋgita anme."

⁵⁶ Mewö melennohotmö, welenqeŋe jembonöŋ kewö melenđa jii mötket, "Welen könani kazali, mi Kembunöŋ kötuatköiga töhötmöriamŋambuk akza. Mianğöra nalöni mönö

kude qekörime. Mönö melaim ningigetka ölop könani lilingöba anda ketanjanngören angotmam.”

⁵⁷ Mewö jii möta kewö jiyohot, “Ölop ambi seram mi qetzi kaiga nanngöra qesim wangibin.” ⁵⁸ Mewö jiba Rebeka qerohot kaiga kewö qesim wangiyohot, “Gi azi kiambuk anmamgö mötzan me qahö?” Qesim wangiyohotka “Ölop anmam,” jiyök.

⁵⁹ Mewö jiiga kinda nenböratnjiri mi welen ambiambuk melaim etkigetka Abrahamgö welenqege jembon aka yangö aziurupji yenön i etkuangita anbingö aket. ⁶⁰ Anbingö aketka miangören iwinam nenmunurupjan Rebeka kötuetköm wangiba kewö jiget, “O nen böratnini, Kembunöy ölop ahumsehip gihiiga gönön gwölönarökurupki milyönji milyönji yenjö bömön jalönjina akjan.

Yenön mönö köhöiba kerökurupjini enguba luhut ala siti gölmenjini enguangita angön köla malme.”

⁶¹ Mewö jiget teköiga Rebekanöy welenqegeambiurupji yembuk wahöta kamel qakjine öngöba tata welenqege jembonji wuatängöba anget. Jembon yanön Rebeka wangiriga mosöta köna lilingöba anget. ⁶² Anda kaba mala mala Keinan gölmenöy kangotket. Aisaknöy gölme miangö Saut likepne distrik qetji Negew miangören mala nalö miangörenök o löm qetji Ber Lahai Roi † mi mosöta gölme qararangkölkölne kaba malök. ⁶³ Kaba mala miri sönaumangö aiga miangören kounji mosöta gölme köröji ketaji miangören anda liliköba keu mötmöriba uba wahöta ehiga tosatjan kamel qakjine tata yangö kösutne kabingö kaget.

⁶⁴ Mewö kagetka Rebekanöy uba wahöta Aisak eka kamel qakne taröhi, miangörenök ösumok luhuba gölmenöy erök. ⁶⁵ Eta welenqege jembongöra qesiba kewö jiyök, “Azi gölme köröne endu kinda mesohol köl nengiba kazawi, mi danön?” Mewö jiiga kewö melejnök, “Yanön mönö ketanjanngö nahönji akza. “Mewö melejniga möta nörop kawöseji (kawasen) öröba jemesoholji esuhuyök.

⁶⁶ Esuhuiga aitonjögetka welenqege jembonöy yuai pakpak aka memba malöhi, miangö kösohotji mi Aisaköra jii mörök. ⁶⁷ Möri teköiga Aisaknöy Rebeka wangiriga namji Saragö opo seri kounne öngöba maliga könanjep mei anömji aiga urunan jöpaköm wangiba malök. Aisakö namjan kömuiga wösöbirik urune malöhangöra aka urukölalepji mewö miwikjaiyök. Mewö.

25

Abrahamgö isiamböurup tosatji

1 Hist 1.32-33

¹ Aisaknöy ambi meiga iwinji Abrahamnöy anömji kun qetji Ketura meyök. ² Meiga Keturanöy Abrahamgö moröurupji kewö engömeyök: Zimran, Joksan, Medan, Midian, Isbak aka Sua. ³ Joksanöy nahönyahötji qetjiri Seba aka Dedan yetkö iwinjira ahök. Dedan yanön Asur könagesö, Letus könagesö aka Leum könagesö yenjö bömönjini ahök. ⁴ Midiangö nahönurupji mi Efa, Efer, Hanok, Abida aka Elda. Mi pakpak Keturagö isiurupji aka malget. Mewö.

⁵ Abrahamnöy sukinapji pakpak mi nahönji Aisak buña qem wangiyök. ⁶ Mi wangiyökmö, anömurupji bohönjini qahö memenji yenjö nahönurupjini yenjöra kalem yuai toto qeba mendenja engiyök. Mendenj engiba jebuk mala melaim engiiga datjini Aisak mosöta gölme wehön kotkotne göröken miangören anget. Mewö.

Abrahamnöy kömuiga löm kölget.

⁷ Abrahamnöy mala koriga yambuji mindiriba 175 aiga kömuyök. ⁸ Malmal yambuängö qötönan öngöngöji aka dop köliga öliba azi namji aka söngörö ösum kondikji öröba nöy qeba kömuiga Anutunöy wangiri tinitosolomurupjan kömugeri, yenjören anda

† 24:62: Malmalambuk mala nehakzawangö o lömji

toroqeyök. ⁹ Kömuiga nahönyahötñi Aisak aka Ismael yetkôn iwiñirañgö qamötñi memba anda Makpela bañetnöh löm kölohot. Bañet mi Hit azi Efron Zohargö nahönñi yañgö gölme köröñe Mamre miri gölmenöhök wehön kotkotñe göröken ahöza. ¹⁰ *Abrahamnöh gölme köröñi mi Hit könagesö yeñgöreñök bohonñi meyöhi, miangöreñ i aka anömñi Sara mi löm köl etkiget. ¹¹ Abrahamnöh kömuiga Anutunöh nahönñi Aisak kötuetkôm wañgiba malök. Yañön Negew gölmenöh o löm qetñi Ber Lahai Roi (Malmalñambuk mala nehakzawañgö o lömñi) miangö kösutñe tata malök. Mewö.

Ismaelgö könagesöurupñi

1 Hist 1.28-31

¹² Ijpt ambi Hagar yañön Saragö welen ambia maliga Abrahamnöh meiga gölöm ala nahönñi Ismael meyök. Ismaelgö nahönurupñi yeñgö qet areñini kewö: ¹³ Ismaelgö nahönurupñi yeñgö qetñini aka asuhugerañgö areñini mi kewö: Nahönñi mutukñi qetñi Nebaiot. Yañgö könañe Kedar, Adbel, Mibsam, ¹⁴ toroqeba Misma, Duma aka Masa, ¹⁵ Hadad, Tema, Jetur, Nafis aka Kedema. ¹⁶ Ismaelgö nahönurupñan mewö asuhuba kambuñirañgö dop pomñini 12 aka mala kotket. Pomñini qetkeri, miangö dop opo koum tamböñini aka jike miriñini mewöyök qeta memba mala kotket.

¹⁷ Ismaelnöh mala koriga yambuñi mindiriba 137 aiga kömuyök. Mewö azi namñi aka söngörö ösum kondikñi öröba nöh qeba kömuiga Anutunöh wañgiri tinitosolomurupñan kömugeri, yeñgöreñ anda toroqeyök. ¹⁸ Ismaelgö gwölönarökurupñi yeñön köröpken köröpken deñda anda mala gölme qetñiri Hawila aka Sur mietkö sutñire gölme memba malget. Gölmeneñini mi Ijpt kantrigö jaböñeyök könahiba wehön kotkotñe Asiria göröken angeri, köna miangö kösutñe miangöreñ ahöza. Ismaelgö gwölönarökurupñi yeñön Abrahamgö gwölönarökurupñi tosatñi pakpak mi kerök-kerök ak eñgiba malget. Mewö.

Iso aka Jeikob yetkôn asuhuyohot.

¹⁹ Abrahamgö nahönñi Aisak yañgö gwölönarökurupñi yeñgö qet areñini mi kewö: Abrahamgö nahönñi Aisak. ²⁰ Aisaknöh yambuñi 40 aiga Mesopotemia (Padan Aram) kantrigö Aram azi qetñi Betuel yañgö böratñi Rebeka anömña meyök. Rebekagö nenni mi Aram azi qetñi Laban. ²¹ Aisaknöh anömñan köpin maliga yañgöra aka Kembu köuluköm wañgiyök. Köuluköm wañgiiga köulukñi möriga Rebekanöh gölöm alök. ²² Gölöm aliga moröyahöt yetkôn namñirañgö körö uruñe utal añguyohot. Mi möta kewö jiyök: “Yuai kewöñi mi mönö wuanöñgöra asuhum niñgiza?” Mewö jiba anda miangöra Kembangö qesim wañgiyök.

²³ *Qesim wañgiiga kewö jii mörök:

“Göhö körö uruge kambu yahöt mietkö bömönñiri ahözahot.

Yetköreñök könagesö yahöt asuhuba deñda malme.

Ambazip kambu kunöh kambu alañi eñgongita ösum köhöikñi akñe.

Datñan munñi welen qem wañgiba malma.”

²⁴ Morö meme nalöñan kam kuñguiga köröñi uruñe morö nahön siwisiwi yahöt ahöyohot. ²⁵ Mutuk köröñeyök asuhuyöhi, yañgö silenjan pisikpisik aiga sile jupñan silenji körek dop köla ahöyök. Miangöra qetñi Iso (jupñambuk) qetket. ²⁶ Miangö könañe munñan Isogö köna gwakötñe böröñan memba asuhuyök. Miangöra yañgö qetñi Jeikob qetket. (Jeikob keu miangö könañi yahöt: gwaköt aka tilipköza.) Aisaknöh yambuñi 60 aiga nalö miangöreñ Rebekanöh moröyahötñi yahöt mi etkömeyök. Mewö.

Isonöh börösamot memapkö qet keuñi mi qeapköyök.

²⁷ Morö nahön yahöt mietköñ asuhuba qariba ketañi ahotka Isonöh böröjan nupkö könañi törörök möt yaköba pöndañ jölömnöh malmamgö mörökmö, munñan azi böñjöhñi aka kapan köla mire malök. ²⁸ Aisaknöh arökñangö sömbupñi nemamgö möta malök.

* 25:10: Jen 23.3-16 * 25:23: Rom 9.12

Miangöra uruñan Iso gwötpuk jöpaköm wañgiba malökmö, Rebekanöñ urukönömñan Jeikob gwötpuk jöpaköm wañgiba malök.

²⁹ Nalö kunöñ Jeikobnöñ kozin memba nanñangöra nene kulun ohoi tariga datñan jölömnöhök kaba silenji lömbörrii wösöñi gwötpuk alök. ³⁰ Mewö aiga Jeikobköra kewö jii mörök: “Sileni lömbörrii wösöni gwötpuk aljawangöra mönö zilañ kozin kulunji pisikpisik mi niñginöñga nembu. “Miangöra qetñi Edom (pisikpisik) qetket.

³¹ Mewö jii möta Jeikobnöñ jiyök: “Datni, gi mutuk asuhunöñga miangö qetbuñagi mi mönö mutuk tököm niñginöñga nene kulun mi ölop gihibi neman.”*

³² Mewö jiiga keu kewö melen wañgiyök: “Muni mötnöñ, ni mönö kömumamgö akzal. Miangöra mutuk asuhuyalañgö qetbuñanan mönö denöwö bauköm niñgibawak?”

³³ *Mewö melen wañgiiga kewö jiyök: “Miangö keunji mi mönö mutuk jöjöpañ keunöñ jim köhöinöñga mötpi. “Mewö jiiga mi jöjöpañ keunöñ jim köhöim wañgiba mutuk asuhuyöhañgö qetbuñaji mi Jeikob tököm wañgiiga nenenöñ bohonñi meyök. ³⁴ Bohonñi memba bered aka kozin kulunji Iso wañgiiga memba wahöta kinda mosöta anök. Isonöñ mutuk asuhuyöhañgö qetbuñaji mi miangö dop möriaga eretñi ahök. Mewö.

26

Aisaknöñ Gerar taonöñ malök.

¹ Mutuk Abrahamgö nalöñe bödi asuhuyök. Mewöyök Aisakö nalöñe mi kunbuk asuhuba gölme dop köla ahöyök. Mi asuhuiga Aisaknöñ mosöta Filistin yeñgö kiñ kembu qetñi Abimelek yañgö mirinji qetñi Gerar miangöreñ anök. ² Anda maliga Kembunöñ asuhum wañgiba kewö jiyök: “Gi Ijpt gölmenöñ kude anman. Gölme ki buñagi akñapkö jim kutuyali, mönö kiangöreñ tata malman.

³ Nöñön iwigi Abrahamgöra jöhöjöhö keu wañgiba mi jöjöpañ keunöñ jim köhöiyali, mi mönö galöm kölbiga öñambuk akña. Nöñön gölme pakpak ki mi gi aka göhö gwölönarökurupki yeñgö buñaya qem engimam. Miangöra ölop gölme kiangöreñ tata kian malnöñga nöñön göbuk mala kötuetköm gihibiga malmam.* ⁴ Nöñön gwölönarökurupki ahumsehip engibiga qötöñinan suepnöñ könakembagö senjelau tat anjei, mönö mienjö dop akña. Mewö aketka gölme pakpak ki mi yeñgö buñaya qem engimam. Göhö gwölönarökurupki yeñgöreñök kungöra aka nöñgö kötumötuetnan mönö gölmegegö könagesö kambunji pakpak yeñgö qakñine öñgöiga oyaenköyaen akñe. ⁵ Nöñön kewögöra mewö akñam: Abrahamnöñ nöñgö keuni tem köla malök. Jöjöpañ keuni, jimkutukutu keuni aka köna keuni wañgiali, yañön mi pakpak wuatangöba malök.”

⁶ Anutunöñ mewö jiiga Aisaknöñ toroqeba Gerar taonöñ tata malök. ⁷ Maliga gölme miangö azinji yeñön anömñangö qesim wañgigetka kewö jiyök, “I mi nena. “Mewö jiba uruñan kewö mötmöriyök: “Rebekagö kaisoñgolomñan eksihimñambuk akzawangöra azi mienjön mönö yañgöra aka ni nuñguget kömumbilenbuk. “Mewö mötmöriba “I anömna,” mewö jimamgö kengötñi möta malök.* ⁸ Aisaknöñ miangöreñ nalö köröñji mala kota nalö kunöñ anömñambuk susuhuba angum anguyohotka Filistin yeñgö kiñini Abimelek yañön jengenañöhök yaigep ui geiga i etkehök. ⁹ Etkeka Aisak oholi kaiga kewö jii mörök: “Mötnöñ, yañön mönö göhö anömgi akza. Mönö wuanöñgöra ‘I mi nena,’ jinöñ?” Mewö möta kewö melen wañgiyök: “Ni yañgöra aka nuñguget kömumbilenbuköra mötmöriba mewö jial.”

¹⁰ Melen wañgiiga kiñ Abimeleknöñ kewö jiyök: “Göñön mönö wani kimbua ak neñginöñe? Nöñgö aziurupni yeñgöreñök kunñan mönö amqeba göhö anömngabuk ahöbawak. Mewö asuhuiga göñön kondotnöñga siñgisöndökö keu lömbötñan mönö neñgö

* **25:31:** Mutuk asuhuyöhi, yañön munurupñi yeñgö sutñine bohonñini aiga göda qeba qetbuñaji wañgiba kalemñi kalemñi wañgiba malget. Iwinamñinan kömuyohotka buñajiri mendenjeri, nalö miangöreñ mutuk asuhuyöhañgö börösamotñi mi sömañi yahöt toroqeba wañgiget. * **25:33:** Hib 12.16 * **26:3:** Jen 22.16-18 * **26:7:** Jen 12.13; 20.2

qaknine öngöbawak.” ¹¹ Mewö jiba könagesö kambuñi pakpak yengöra jimkutukutu kewö al engiyök: “Kunñan kun azi ki me yangö anömñi mem bölim etkimawi, i mönö kömupkö buñaya jim teköinga kömuma. “Mewö.

¹² Aisakñöñ gölme miangörej nene nup köl kömöriğa Kembunöñ kötuetköm wañgiğa yambu miangörej köñi kömöri, mi 100:kö dop sehiba asuhuyök. ¹³ Mewö asuhuğa töhötmöriam ketanji ketanji miwikñaiba maliga sukinapñan toroqeba qariba öngöiga kindinbirik azi qetbuñambuk ahök. ¹⁴ Yangörej lama, meme (nonin) aka bulmakau kambuñi kambuñi mi asuhiba sehiget. Mewöñanök welenqeçeurupñi gwötpuk enğömeiga malget. Miangöra Filistin yeñön mi eka könahiba körögisigisi aka andöqeçe keu jiget. ¹⁵ Andöqeçe keu jiba iwiñi Abrahamgö welenqeçeurupñan o löm yangö nalöñe esigeri, mi pakpak gölmenöñ qem turum teköget.

¹⁶ Mewö asuhuğa kiñ Abimeleknöñ Aisaköra kewö jiyök: “Gi kukösumgabuk aka gwötpuk nenğonğizanañgöra mönö kölolohoba nenğömosöta kungen anman.” ¹⁷ Mewö jii möta gölme mi mosöta Gerar öruenöñ (rueruenöñ) anda geba opo seri koumñi mörörengöba kuñguba miangörej tata malget. ¹⁸ Tata mala o löm iwiñi Abrahamgö nalöñe esigetmö, Abraham kömuğa Filistin yeñön qem turugeri, mi Aisakñöñ jiğa kunbuk esim luluñda möhamgöget. Möhamgögetka iwiñan o löm qetñini qeröhi, Aisakñöñ mi mewö kunbuk qerök.

¹⁹ Mewö qeriga welenqeçeurupñan öruenöñ o löm esiba mala o löm kun onji sarakñi soksököyöhi, mi miwikñaiget. ²⁰ Mi miwikñaigetmö, Gerar yengö lama bulmakau galömñinan Aisakö lama bulmakau galömurupñi yembuk könahiba anğururuk aka keu kewö jiget, “O mi nenğöreña!” Nanñambuk anğururuk keu mewö jigerangöra aka Aisakñöñ o löm miangö qetñi Esek (Anğururuk) qerök. ²¹ Miangö andöñe o löm kun kunbuk esigetka miangöra mewöyök anğururuk aket. Mewö akerangöra aka o löm miangö qetñi Sitna (Kerök-kerök) qerök.

²² Mewö qeta gölme mi mosöta anda o löm kun kunbuk jii esiget. O löm miangöra anğururuk keu qahö asuhuğa miangöra qetñi Rehobot (Tiñi ölöpnji) qeta keu kewö jiyök: “Merak Kembunöñ tiñi ölöpnji nenğiğa ölop gölme kiangörej mala ahumsehip akin.”

²³ Mewö jiba miangörej mala mosöta Berseba mire anök. ²⁴ Berseba aniga sunğem miangörej Kembunöñ asuhum wañgiba kewö jiyök: “Nöñön iwiği Abrahamgö Anutuñi akzal. Nöñön göbuk mala kötuetköm gihiba malmam. Miangöra kenğötki kude mötman. Nöñön nup azini Abrahamgöra aka göhö gwölönarökurupki ahumsehip enğigiba qötöñinan öngöngöñi akña.”

²⁵ Mewö jiğa Aisakñöñ jöwöwöl alta kun miangörej memba Kembangö qetñi qeta köuluköyök. Köuluköba opo koumñi mörörengöba kuñguba tata malget. Mala jiğa welen aziurupñan o löm kun miangörej esiget. Mewö.

Aisak aka Abimelek yetkön sutñire jöhöjöhö ahot.

²⁶ *Aisakñöñ Berseba maliga nalö kunöñ kiñ Abimelek yañön Gerar taon mosöta yangörej kayök. Gorojiji alañi Ahuzat aka yarö kambuñangö suahö galömñi Fikol yetkön yambuk mohotñe kaget. ²⁷ Kagetka Aisakñöñ kewö qesim engiyök: “Inini kerök möt niñgiba gölmenjineyök közöl niñgigetka töndup mönö wuanöngöra nöngörej ki kaze?”

²⁸ Qesim enğiğa kewö melenget: “Kembunöñ göbuk kinjawi, nini mi aukñe ek kutuba mötzin. Miangöra kewö mötmörizin: ‘Neñön göbuk jöhöjöhö akingö sihimnini mötzin. Ölop gi aka nenğö sutnine jöhöjöhö aka mi jöjöpañ keunöñ jim köhöininga kewö ahöma: ²⁹ Nini kahasililiñ kun qahö ak gihiinmö, nalö dop ölöpnji ak gihiba gömosöriinga luainöñ mirigi mosöta anda kaba malnöñ. Miangö dop göñön mewöñanök nini yuai bölöñji kun kude ak nenğiba malman.’ Nalö kewöñe Kembunöñ kötuetköm gihiğa maljan.”

³⁰ Mewö jigetka Aisakñöñ közölömbuañ mözözömgöba ohoba aliga nene kuluj nempa

* 26:26: Jen 21.22

tatket. ³¹ Tata ahöba söñan ömandiñe wahöta jöhöjöhöhöñini jöhöm anğuba mi jöjöpaj keunöñ jim köhöiget. Jim köhöigetka Aisaknöñ i melaim enğıiga luai çakñe mosöta anget.

³² Angetka wehön miangöreñök Aisakö welen azi yeñön kaba o löm kun esigeri, miangö kösohotñi i jigetka kewö mörök: ³³ “Nini o miwikñaizin. “Mewö jigetka möta o löm miangö qetñi Siba qerök. * Miangöra taon miangö qetñi mi nalö kewöñe mewöyök toroqeba Berseba qerakzin. Mewö.

Isonöñ kian ambi yahöt etkömeyök.

³⁴ Isonöñ yambuñi 40 aiga Hit ambi yahöt anömyahötña etkömeyök. Qetñiri Judit, iwiñi qetñi Beri aka Basemat, iwiñi qetñi Elon. ³⁵ Ambi mietköñ Aisak aka Rebeka urukömbuk aka wösöbirik keta bölökñi miwikñaim etkiba malohot. Mewö.

27

Aisaknöñ Jeikob kötuatköm wañgiyök.

¹ Aisaknöñ mala kota azi namñi aiga jeñi ömun köliga yuai kunbuk ek kutumamgö osiyök. Mewö osiba nahönñi mutukñi Iso köñ öröm wañgi kaiga kewö jii mörök: “Nahöni mötnöñ. “Mi möta kewö melen wañgiyök: “Iwini, ni ki kinjal.”

² Melen wañgiiga kewö jii mörök: “Mötnöñ, ni azi namñi aka wani nalönöñ kömumami, mi çahö mötzal. ³ Miangöra göñön ölop timbi lingipki aka kesarek gösögi memba jölömnöñ anda sömbupkö böröjañ memba qeba nöñgöreñ kaman. ⁴ Kaba nene nahömñambuk sihimnañgö dop ohoba mözözömgöba memba kaba niñginöñga nemam. Mi memba kinda kötumötuet gihimam. Mi mutuk gihibi teköiga nöñön miangö andöñe ölop kömumam.”

⁵ Aisaknöñ nahönñi Isogöra keuñi mewö jiiga Rebekanöñ mi kezap ala mörök. Möriğa Isonöñ mosöta sömbup böröjañ memba qeba iwiñi wañgimamgöra jölömnöñ anök.

⁶ Aniga Rebekanöñ nahönñi Jeikobköra keu kewö jii mörök: “Nahöni mötnöñ, Iwigan datki Isogöra keu kewö jiiga mötzal: ⁷ ‘Gi mönö sömbup memba kaba niñgiba nene nahömñambuk ohoba mözözömgöba niñginöñga nemam. Nembagun Kembangö jemesoholñe kötumötuet gihimam. Mi mutuk gihibi teköiga miangö andöñe ölop kömumam.’

⁸ Miangöra nahöni, kezap ölopñanök ala mötnöñ. Keu döñki jim kutum gihimami, gi mönö miangö dop akñan. ⁹ Mönö meme kambunöñ anda miangöreñök meme (noniñ) döññi kelökñambuk yahöt memba kaba niñginöñga nöñön miangöñ iwigahö sihimnañgö dop numbu nene nahömñambuk ohoba mözözömgömam. ¹⁰ Ohoba mözözömgöbiga memba anda iwiği wañginöñga memba kötumötuet ghibawak. Miangö andöñe ölop kömuma.”

¹¹ Mewö jii möta namñi Rebekagöra kewö jiyök: “Namni mötnöñ, datni Isonöñ sile jupñambuk akzapmö, nöñgö silenana solanñi akza. ¹² Iwinan ni nömisiriba mötpawak ewö, ni yanğö jemesoholñe tilipqilip azi tandök asuhubiga möt niñgibapuk. Mewö möt niñgiiga kötumötuet çahöpmö, jimçesusak öroñi nani çakne öñgöbapuk.”

¹³ Mewö jiiga namñan kewö jii mörök: “Nahöni, jimçesusak ghibawahi, miangöñ mönö ölop nöñgö çakne öñgöma. Göñön mönö töndup keu jizali, mi möt tem köla anda yuai mi memba kanöñ.”

¹⁴ Mewö jiiga anda meme (noniñ) yahöt memba kaba namñi wañgiyök. Wañgiiga nene nahömñambuk iwiñan sihimñi mörohi, miangö dop ohoba mözözömgöyök. ¹⁵ Ohoba nahönñi mutukñi Isogö opo malukuñi ölop kötokñi opo köweñe galöm kölöhi, mi memba nahönñi könañgepñi Jeikob wañgiiga löngörök. ¹⁶ Löngöriga meme (noniñ) silenñi mi memba böröñi köpeiba jölñi solanñi esuhuyök. ¹⁷ Esuhuba nene nahömñambuk aka bered ohoyöhi, mi memba Jeikobkö böröñe alök.

¹⁸ Aliga memba iwiñanğöreñ anda “Iwini!” jiyök. Jiiga kewö melenök: “O nahöni, gi dañön?”

* 26:33: Siba keu miangö könañi yahöt: jöjöpaj keu aka sewen. Jen 21:31

¹⁹ Mewö melenğa iwiñanğora kewö jii mörök: “Ni nahongi mutukñi Iso. Jim kutum niñginöñi, ni mönö miangö dop ak teközal. Ölop wahöta tata sömbupni memba kazali, mi memba kötuatköm niñgiman.”

²⁰ Mewö jii möta nahonñi kewö qesim wañgiyök: “Nahöni, mi mönö denöwö könöpk miwikñaizan?” Qesim wañgiiga kewö melenök: “Anutu, göhö Kembugan mönö bauköm niñgiiga mi zilañ miwikñaizal.”

²¹ Mewö melenğa Jeikobkora kewö jiyök: “Nahöni, gi ölña nahöni Iso akzan me qahö, mi mötmamğora mönö ölop kösutne ki kanönga gömisirimam.” ²² Mewö jiiga iwiñi Aisakö kösutñe aniga misirim möta kewö jiyök: “Imbi jölğan Jeikobkö imbia akzapmö, börögan Isogö böröñi ewö.” ²³ Böröñi jupñambuk datñi Isogö börö tandök ewö ahöhanğora Aisaknöh i qahö möt kutum wañgiba kötuatköm wañgimamğora ahök. ²⁴ Töndup kunbuk kewö qesim wañgiyök: “Gi ölña nahöni Isoya me qahö?” Qesim wañgiiga kewö melenök: “Ni mönö Isoya.”

²⁵ Mewö melenğa kewö jiyök: “Nahöni, ölop sömbupki tosatñi niñginönga memba kötumötuetni gihimam. “Mewö jiiga mi wañgi neyök. Neiga wain o tosatñi mohotñe mokoba wañgi neyök. ²⁶ Memba kinda nahonñanğora kewö jii mörök: “Gi ölop kösutne kaba numbuni yöhötüm neman.”

²⁷ Mewö jii möta kösutñe anda numbuni yöhötüm neyök. Neiga opo malukuñanğö wörönñi möta kötuatköm wañgiba kewö jiyök: “Aha nahöni, Kembunöh urukisigö jölömñi kötuatköi ahözawi, nöngö nahonanğö sile qösösökñi ölopñan mönö mi ewö aiga mötzal.* ²⁸ Anutunöh mönö suepkö umjijilñi aka gölmegö töhötmöriamñi tököm gihiiga yaka yöhagi, sehoñ padigi aka wain o yuaigi mi önöh i qahö asuhum sehime. ²⁹ Kantrñi kantrñi yeñön mönö welen qem gihiba malme. Könagesö kambunñi kambunñi yeñön mönö simin köl gihiba malme. Göñön mönö nani nahönurupni mi kembu ak engiba malman. Namgahö nahönurupñan mönö simin köl gihiba malme. Kunñan qesuahöm gihimawi, qesuahöm mönö yanğö qakñe öngöma. Kunñan kötuatköm gihimawi, kötumötuetnöh mönö yanğö qakñe öngöma. “Mewö.*

Isonöh iwiñan kötuatköm wañgimapkora ulerök.

³⁰ Aisaknöh Jeikob kötuatköm wañgim teköiga iwiñanğö miri urunñi mosöta yaigep aniga wölan miangöreñök datñi Isonöh böröjan mali teköiga mire kayök. ³¹ Kaba yanön mewöyök nene nahömñambuk ohoba mözözömgöba memba kaba iwiñi wañgiba kewö jiyök: “Iwini, ölop wahöta tata sömbupni tosatñi memba kötumötuetki niñgiman.”

³² Mewö jiiga iwiñi Aisaknöh kewö qesim wañgiyök: “Gi dañön?” Qesim wañgiiga kewö melenğa jiyök: “Ni nahongi mutukñi Iso.” ³³ Mewö jiyöhanğora Aisaknöh töwöratiba sile jönömñi gwötpuk unduiga kewö jiyök: “Gi qahö kanönga miangöreñ böröjan azi kunöh sömbup memba kaba niñgiyöhi, mi mönö dañön? Yanön mi niñgiiga memba kötumötuetni lök wañgim teközal. Mi wañgim teközalanğora mianön mönö ölña yanğö qakñe ahöm öngöma.”

³⁴ Isonöh iwiñanğö keu jitñi mi möta urukömbuk aka amburereñ memba silata sahöta iwiñanğora kewö ulerök: “Iwini, nia mönö mewöyök kötuatköm niñginöh.”

³⁵ Mewö ulerökmö, iwiñan melenğa jiyök: “Mungan mönö tilipqilip qakñe kaba göhö kötumötuetki taköba memba anja.”

³⁶ Mewö jiiga Isonöh kewö jiyök: “Munan mönö indimñi yahöt tilipköm niñgiiga maljal: Yanön mutuk asuhualanğö qetbuñanñi mi mutuk noañgit teköyök aka merak nöngö kötumötuetni mi mewöyök taköba noañgita meza. Mianğora qetñi Jeikob (tilipqilip azi) qerakzini, mi mönö dopñe akza. Kötumötuet kun mönö nöngöra ahöm gihiza me qahö?”*

³⁷ Mewö jiiga iwiñan Isogöra kewö melenök: “Mötnöh, nöñön mungi göhö azi kembugi malmapkora kuñgum wañgizal. Tinitosolomurupñi pakpak yeñön i welen qem wañgiba

* 27:27: Hib 11.20 * 27:29: Jen 12.3 * 27:36: Jen 25.29-34

malmegöra jim kutum engizal. Yaka yöha, sehoj padi aka wain o yuai mi lök jim teközalawa Anutunöj mi wanğiba malma. O nahöni, wanat kötümötuetna kun toroqeba ahöm niñgizawa mia gihibileñak? Mi mönö osizal.”

³⁸ Mewö melenğiga iwiñangöra kewö jiyök: “O iwini, kötümötuet mohok-kun miyök mönö ahöm gihiza me denöwö? O iwini, mönö nia kun kötuetköm niñginöj. “Mewö jiba könahiba silata sahörök.*

³⁹ Sahöriga iwiñan kewö melenğda jiyök: “Mötnöj, göñön mönö gölme töhötmöriamñambuk mosöta köröwen anda malman. Miangörej suepkö umjijilñi mi könakembayök qahö erakña.

⁴⁰ Gi bingö sou ketañi miangön ambazip lañ enguba malmalgi angön köla mungahö welenqeqeñi eretñi aka malman.

Mewö malmanmö, kekelolo aka qetal wanğiba nalö miangörej karim aka yanğö galöm kölkölñi qeköba yaköriba nangi kinkin malman.”**

⁴¹ Iwiñan Jeikob kötümötuetñi wanğiyöhi, Isonöj miangöra aka könahiba munñi uruönön möt wanğiba malök. Nanñi uruñan mewö möta alañi kungöra kewö jiyök: “Iwiniyanğö kömupñangö nalöñan töriza. Yanğön kömuiga sahöt jingey nalöje miangörej ölop muni Jeikob qebi kömuma.”

⁴² Isogö mötmötñe mewö ahuiga kunöj miangö buzupñi möta Rebekagörej anda jii möta nahönñi könanğepñi Jeikobköra keu ali anda wanğita kaiga kewö jiyök: “Mötnöj, datki Isonöj mönö likepñi melenğni qake öngöiga guhui kömumangö mötmöriza.

⁴³ Mewögöra nahöni, nöñön keu jimami, mi mönö tem kölman. Mönö döлки wahöta ölöñ köla Haran mire neni Labangörej anman. ⁴⁴ Anda yambuk nalö tosatñi toroqeba malnönga datkahö urupikñan amörima. ⁴⁵ Uruönönñi amöriba eriga yuai ak wanğinöñi, mi ölüm qeigun nöñön miangö andöñe göhöra keu albi kaiga goanğita kame. Yanğön guhui kömunönga kunñan i qei kömumbapuk. Mönö wanigöra nalö mohok miangörejök öröröñ qahöwahotka etkömosötpileñbuk. “Mewö.

Aisaknöj Jeikob melaiğa Labangörej anök.

⁴⁶ Rebekanöj apñi Aisakörej anda kewö jiyök: “Nöñön iranyahötni Hit ambi yetköra aka toroqeba malmangö ölan nöhöi sihimbölo mörakzal. Jeikobnöj mewöyök Hit yengö böraturupñini yengörejök kun iranyahötniri ewö anömña membapuk. Gölime kianğörej asuhugeri, yengö silikñinan mönö mewöyök ahöza. Mewöñi kun memba kabapuk ewö, nöñön mönö malmalni wuanöngöra toroqeba malbileñak? Sihimbölonan mönö toroqeba önöñi qahö akapuk. “Rebekanöj mewö jiyök.

28

¹ Mewö jiğa Aisaknöj Jeikob köl öroi kağa kötuetköba kewö jim kutum wanğiyök: “Nahöni, gi Keinan yengö nenböratñini yengörejök kun anömgi kude meman. ² Mewö qahöpmö, mönö wahöta Mesopotemia (Padan Aram) gölmenöj anda namğahö iwiñi Betuel yanğö mire angota ehongi Labangö böraturupñi yengörejök kun anömga meman. ³ Anömgi menönga Anutu, kukösum pakpakö Toñan mönö gi kötuetköba ahum sehip gihiiğa gwölönarökurupki yengö qötöñinan sehiğa könagesö kambu gwötpuk miengö iwi bömönñina akñan. ⁴ *Anutunöj mönö gi aka gwölönarökurupki iñini Abrahamgö kötümötuetñi mi toroqeba engima. Mewöyök gölme asagi Abraham wanğiiğa göñön miangörej kian aka maljani, mi buña qem angume.”

⁵ Mewö jiba Jeikob melaiğa mosöta Mesopotemia (Padan Aram) gölmenöj Labangörej anmangöra anök. Laban mi Aram azi Betuelgö nahönña aka Jeikob aka Iso yetkö namñiri Rebeka yanğö nenña malök. Mewö.

* 27:38: Hib 12.17 * 27:40: Hib 11.20 * 27:40: Jen 36.8; 2 Kin 8.20 * 28:4: Jen 17.4-8

Isonöŋ kakasun ambi kun meyök.

⁶ Aisaknöŋ Jeikob kötuetköba anömŋi memangöra Mesopotemia gölmenöŋ melaiyöhi, mi Isonöŋ mörök. Kötuetköm waŋgiba kewö jim kutum waŋgiyök: “Gi Keinan yeŋgö nenböratŋini yeŋgöreŋök kun anömgi kude meman.”

⁷ Mewö jim kutuiga iwinamŋi yetkö keu jit tem köla mosöta Mesopotemia (Padan Aram) gölmenöŋ anöhi, Isonöŋ mi mewöyök mörök. ⁸ Mi möta iwiŋi Aisaknöŋ Keinan ambi tököba möt bölim aŋguba malöhi, Isonöŋ mi eka möt kutuyök. ⁹ Mi möt kutuba iwiŋaŋgö jeŋe dop kölmaköra asaŋi Abrahamgö nahönŋi Ismaelnöŋ kömuiga yaŋgö mire anda bōratŋi Malahat, Nebaiotkö nenŋi mi meiga anōmurupŋi karōbut aket. Mewö.

Jeikobnöŋ Suepkö döŋŋi gaunöŋ ehök.

¹⁰ Jeikobnöŋ mewö Berseba miri mosöta Haran mire anmamgö anök. ¹¹ Anda mala gölme kunöŋ aŋgota wehön jeŋi geyöhaŋgöra aka miangöreŋ köt tatkeri, miengöreŋök kun memba nörop qömböŋi qeba suŋgem gaun ahöyök. ¹² Gaun ahöba miangöreŋ imut kun kewö ehök: Döp kungö kitipŋi gölmenöŋ algetka qak kitipŋi mi Suepnöŋ öŋgöba kuŋguba kiniga Anutugö garataurupŋi yeŋön miangöreŋ tiba öŋgöm et aket.*

¹³ Mewö aketka Kembunöŋ yaŋgö kösutŋe kinda keu kewö jii mörök: “Nöŋön Kembu, asagi Abrahamgö Anutuŋi aka iwiŋi Aisakö Anutuŋi akzal. Gölmö ki ahözani, nöŋön mi gi aka göhö gwölönarökurupki eŋgö buŋaya qem eŋgimam.* ¹⁴ Göhö gwölönarökurupki yeŋön ahumsehip aketka jaŋgöŋinan gölmegö sömsöm ewö akŋa. Mewö aiga jula deŋda gölme wehön kotkotŋe aka gegeŋe, Saut likep aka Not likep, eu aka emu miangöreŋ göröken dop köla anda malme. Göhöra aka göhö gwölönarökurupki yeŋgöreŋök kungöra aka nöŋgö kötümötuetnan mönö gölmegö könagesö kambuŋi pakpak yeŋgö qakŋine öŋgöiga oayenköyaen akŋe.* ¹⁵ Mötnöŋ, nöŋön göbuk mala denike denike anda kaba malmani, miangö dop mönö sel jöhöm gihiba mal öŋgöba goaŋgitpiga gölme kiangöreŋ kunbuk lilingöba kaman. Nöŋön gi qahö gömosöta keu jim jöhöm giŋiali, miangö dop akiga öŋŋi asuhum teköma.”

¹⁶ Mewö jiiga Jeikobnöŋ gaun uruŋeyök imbiŋi möta wahöta kewö jiyök: “Kembunöŋ mönö öŋŋa gölme kiangöreŋ maljapmö, nöŋön mi mutuk qahö mötzal.” ¹⁷ Mewö jiiga jönömŋi unduiga keu kewö jiyök: “Gölmö ki mönö kömbukŋi aka keŋgötmötmötŋambuk akza. Kianön mönö öŋŋa Anutugöreŋ tatat dundumŋi aka Suepkö naŋŋuŋi akza.”

¹⁸ Mewö jiba miri gianjiiga söŋanök wahöta köt qömböŋi qeba ahöyöhi, mi memba wahöta jabö mötök ewö kuŋguba qakŋe kelök o mokoba miriyök. ¹⁹ Miriba gölme miangö qetŋi Betel (Anutugö miriŋi) qerök. Mutuk taon miangö qetŋi mi Luz qeta malget. ²⁰ Jeikobnöŋ gölme miangö qetŋi döläkŋi Betel qeta keu kewö jim jöhöba jöjöpäŋ keunöŋ jim köhöiyök: “O Anutu, göŋön nömbuk mala köna ki anda malmami, miangöreŋ nek galöm ak niŋgiba numbu neneŋamni aka silenangö esuŋi miwikŋaim niŋginöŋga ²¹ öläp luai qakŋe iwinangö mire kunbuk lilingöba kamam ewö, nöŋön mönö göhö jitsihitki tem köla malbiga göŋön nöŋgö Kembu Anutuni aka malman.

²² Köt ki memba wahöta jabö ewö mötök kuŋguzali, mianön mönö göhö tatat dundumgi ahöiga yuai pakpak tököm niŋgiba malmani, nöŋön mi öŋŋa mendeŋbiga kambu 10 aketka miengöreŋök mohok mohok memba kalema gihiba malmam. “Mewö.

29

Jeikobnöŋ Labangö mire aŋgorök.

¹ Jeikobnöŋ mewö jiba mosöta könaŋi toroqeba anda wehön kotkotŋaŋgö könagesö yeŋgö gölmenöŋ aŋgorök. ² Miangöreŋ aŋgota gölme köröŋe o löm kun ehök. Miri toŋi yeŋön lama kambuŋini eŋguaŋgita miangöreŋ o eŋgiba malget. Nalö miangöreŋ o löm miangö kösutŋe lama kambu karōbut ahögetka o löm numbuŋaŋgö kötŋi ketanŋi mi qahö

* 28:12: Jon 1.51 * 28:13: Jen 13.14-15 * 28:14: Jen 12.3; 22.18

metalget. ³ Lama galöm yeñön mutuk lama kambuñini pakpak miangöreñ tokom engiba köt mi o löm numbuñeyök gwililöngöba lamaaurupñini o engiget negetka köt mi kunbuk dundumñe köla malget.

⁴ Jeikobnöñ lama galöm mi kewö qesim engiyök: “Azi alaurupni, inini denikegöra?” Qesim engiiga “Nini Harangöra,” mewö melen wañget.

⁵ Melen wañgetka kewö qesim engiyök: “Inini Nahorgö isiñi Laban möt wañgize me qahö?” Qesim engiiga “Ölöp möt wañgin,” jiget.

⁶ Jigetka kewö qesim engiba jiyök: “I ölöp malja me qahö?” Mewö jiiga kewö jiget: “I ölöp malja. Eknöñ, yañgö bōratñi Reizölnöñ mönō endu lama enñuanñita kaza.”

⁷ Mewö jigetka Jeikobnöñ jiyök: “Eket, wehön ketañi ahöiga lama mi sunñgemgöra tokom engibingö nalöñan qahö töriza. Miangöra ölöp lamanñini o engiget negetka kunbuk enñuanñita malmalñine anda al engigetka nenenñamñini neme.”

⁸ Mewö jiiga kewö melenget: “Mewö ölöp qahö akin. Mutuk lama kambu pakpak tokom engiba köt mi o löm numbuñeyök gwililöngöbagun mönō lamaaurupñini o enñiinga neme.”

⁹ Jeikobnöñ yembuk keu mewö eraum-möta kingetka miangöreñök Reizölnöñ iwiñangöreñ lama kambuñi enñuanñita kayök. Reizöl yañön lama galöm nup memba malök. ¹⁰ Kaiga Jeikobnöñ ehonñangö bōratñi Reizöl aka ehonñangö lama kambuñi enñeka o löm numbuñe anda köt mi metala ehonñi Labangö lamaaurupñi o engiyök. ¹¹ Enñim teköba Reizöl numbu yöhötüm namba könahiba köhöikñi qeta sahörök.

¹² Sahöta Reizölgöra jiyök: “Ni göhö iwigahö tinitosolomñi akzal. Ni Rebekagö nahönña. “Mewö jiiga Reizölnöñ möta ösumñan kinñingöba iwiñangöreñ anda buzup mi jii mörök. ¹³ Labanöñ nenñangö nahönñi Jeikobkö buzupñi möta i ösumok miwikñaimamgöra anök. Anda miwikñaiaba eka añgöm wañgiba numbuñi yöhötüm namba wañgita miriñe öngöyohot. Öngöba yuai pakpak asuhuyöhi, Jeikobnöñ miangö kösohotñi jii mörök. ¹⁴ Mi möta kewö jiyök: “Ölöp, göñön nani sepkitipni akzan. “Mewö jiiga köiñ mohotkö dop yambuk tata malök. Mewö.

Jeikobnöñ Lea aka Reizöl anömyahötña etkömeyök.

¹⁵ Mewö maliga Labanöñ Jeikob kewö jii mörök: “Gi tinitosolomni maljanangöra töwagi qahö öne welen qem niñgibanbuk. Mi qahö dop köлма. Miangöra töwagi dawik memangö mötzani, mi ölöp jinöñga mötmam.” ¹⁶ Labangö bōratyahötñi yahöt malohot. Ketañangö qetñi Lea. Munñangö qetñi Reizöl. ¹⁷ Leagö jeñan eksihimñambuk ahökmö, Reizölgö silenangö kaisongolomñi aka jemesoholñi mi körek eksihimñambuk kötokñi ahök.

¹⁸ Jeikobkö urusihimñi mi Reizölgöreñ ahöyohangöra aka keu kewö jiyök: “Nöñön bōratki könañgepñi Reizöl memamgöra ölöp yambu 7 welen qem gihiba malmam.”

¹⁹ Mewö jiiga kewö jiyök: “I azi murutñi kun wañgibiga qahö dop kölbapukmö, gi ghibiga dop köлма. Miangöra ölöp nömbuk ki malman.” ²⁰ Mewö jiiga Reizöl memamgöra yambu 7 welen qem wañgiba malök. Urusihimñan Reizölgöra ahöhangöra aka yambu miengö möriga wehön awamñi tandök ahök. Mewö.

²¹ Yambu 7 teköiga Jeikobnöñ ehonñi Laban kewö jii mörök: “Nöñgö nup meme nalöñan lök teközawañgöra ölöp anömni Reizöl niñginöñga yambuk ahöba malmam.” ²² Labanöñ keu mi möta miri tonñi pakpak öröm tokom engiba lömbuanñ aliga nem söñgaip aket. ²³ Mi aket teköiga miri söñauiga Labanöñ bōratñi Lea wañgita anda Jeikob wañgiiga miri uruñe öngöba mohotñe ahöyohot. ²⁴ Labanöñ welen ambñi qetñi Zilpa mi bōratñi Leagö welenqeqeña malmapköra wañgiyök. ²⁵ Mohotñe ahöyohotka miri gianñiiga Jeikobnöñ anömñi eka möri Reizöl qahöpmö, i Lea aiga yöwöñangöreñ anda kewö jim wañgiyök: “Gi mönō wani kimbia ak niñgizane? Ni Reizöl memamgöra welen qem gihiba malmam, gi mönō wuanöngöra tilipköm niñgizan?”

²⁶ Mi möta melenḁa kewö jiyök: “Gölme kianḁoreḁ datḁi öne maliga munḁan azi memapkö ahakmemenḁi mi nenḁoreḁ qahö ahöza. ²⁷ Mianḁöra ölop maren sösongai mi Leabuk sonda mohotkö dop mal söngainöḁ teköiga munḁi mewöyök gihimam. I memangöra mönö mewöyök yambu 7 toroqeba welen qem niḁgiba malman.”

²⁸ Mewö jiiga urumohot aka Leabuk maren sösongai nalö mi sonda mohotkö dop mali teköiga Labanöḁ böratḁi Reizöl mewöyök anömḁi akḁapköra waḁgiyök. ²⁹ Labanöḁ welen ambinḁi qetḁi Bilha mi böratḁi Reizölgö welenqeqeḁa malmapköra waḁgiyök. ³⁰ Jeikobnöḁ Reizöl i mewöyök anömḁa meyök. Urusihimḁan Reizölgöra ahöyohaḁgöra aka Reizöl mi Lea oḁgita jöpaköm waḁgiba malök. Mianḁöra yambu 7 toroqeba Laban welenḁi qem waḁgiba malök. Mewö.

Jeikobkö moröurupḁi asuhuget.

³¹ Jeikobkö uruḁan Leagö gwötpuk qahö ahöiga boromdökḁi tököiga Kembunöḁ ehi qahö dop köliga Lea gölöm almapköra bauköm waḁgiyökmö, munḁi Reizölnöḁ köpinḁa malök. ³² Leanöḁ köröbuk aka mala morö azia memba keu kewö jiyök, “Kembunöḁ tapötkokorokni ehiga apnan ölop könahiba jöpaköm niḁgiba malma. “Mewö jiba qetḁi mianḁö dop Ruben qerök. (Ruben Tapötkokorokni ehök.) ³³ Könaḁep kunbuk körö ala morö azi kun memba keu kewö jiyök: “Apnan boromdökḁi jöpaköm niḁgiiga Kembunöḁ mi möta morö ki mewöyök niḁgiza. “Mewö jiba qetḁi mianḁö dop Simeon qerök. (Simeon Kezapḁan mörök.)

³⁴ Mianḁö andöḁe kunbuk körö ala morö azi kun memba keu kewö jiyök: “Ni nahönurupḁi karöbut apnaḁgöra mealḁgöra yaḁön mönö könahiba uruḁi nömbuk jöhöma. “Mewö jiba qetḁi mianḁö dop Liwai qerök. (Liwai Uruḁi jöhöma.) ³⁵ Mianḁö andöḁe dumḁe kunbuk körö ala morö azi kun memba keu kewö jiyök: “Nöḁön nalö kewöḁe Kembu möpöseizal. “Mianḁöra qetḁi mianḁö dop Juda (möpöseip) qerök. Mianḁö andöḁe morö kunbuk qahö meyök. Mewö.

30

¹ Reizölnöḁ köpinḁi mala Jeikobköra nahönbörat kun qahö memba nanḁi könaḁi mewö eka datḁi Lea andö qeba uruḁan mututqutut möta Jeikobköra keu kewö jiyök: “Gi mönö morö qiwikḁainöḁ. Mi qahö qiwikḁainöḁga nöḁön mönö malmamgö osiba kömumam.”

² Mewö jiiga Jeikobnöḁ irimḁi seholiiga uruönön möt waḁgiba kewö jiyök: “Ni mönö morö denöwö qiwikḁaibilenḁak? Anutunöḁ gi morö memangö jöhöm gihiba malökmö, nöḁön Anutuya qahö.”

³ Mewö jiiga Reizölnöḁ kewö jiyök: “Nöḁgö welen ambini Bilha mi ki. Ölop yambuk ahönöḁga nöḁgöra morö mema. Yaḁön nam köliga nöḁön mewöyök yaḁgöreḁök nahönbörat miwikḁaim eḁgiba namḁini aka malmam.” ⁴ Mewö jiba welen ambinḁi Bilha waḁgiiga anömḁa memba yambuk ahöyök. ⁵ Ahöiga Bilhanöḁ gölöm ala Jeikobkö nahönḁi meyök. ⁶ Nahönḁi meiga Reizölnöḁ kewö jiyök: “Anutunöḁ kewöt niḁgii dop kölbiga köuluk keuni möta morö azia niḁgiza. “Mianḁöra qetḁi Dan qerök. (Dan Kewöt niḁgii dop köljäl.) ⁷ Reizölgö welen ambinḁi Bilha yaḁön kunbuk gölöm ala Jeikobkö nahönḁi kun meiga yahöt ahök.

⁸ Mewö meiga Reizölnöḁ kewö jiyök: “Datnambuk gwötpuk aum-möriba luhut aljal. “Mewö jiba mianḁö dop morö qetḁi Naftali (Aum-mörial) qerök. ⁹ Leanöḁ kunbuk gölöm qahö ala mi eka mianḁöra nanḁi welen ambinḁi qetḁi Zilpa memba Jeikob waḁgii anömḁa ahök. ¹⁰ Anömḁa aka Jeikobkö morö azia meyök. ¹¹ Meiga Leanöḁ “Simbawoḁ!” jiba qetḁi Gad (simbawoḁ) qerök. ¹² Zilpa, Leagö welen ambinḁi mianḁön Jeikobkö nahönḁi kun kunbuk meiga yahöt ahök.

¹³ Mewö aiga Leanöḁ keu kewö jiyök: “Nöḁön uruölöwak ketanḁi mötzal. Ambi yeḁön mönö nöḁgöra oyaḁkoyaḁ qeta malme. “Mewö jiba mianḁö dop morö qetḁi Aser qerök.

(Aser Oyaen)koyaen qetme.) ¹⁴ Witnön öliiga yandiyandi nalöje sömañi kunön Rubenön yaigep anda gölme köröje asagwalim amöt * miwikñaiyök. Amöt mi miwikñaiba memba kaba namñi Lea wañgiyök. Wañgiiga Reizölnön datñañgöra kewö jiyök: “Göhö nahongan amöt memba kazawi, miangö tosatñi mönön niñginönga nembu.”

¹⁵ Mewö jiiga Leanön kewö jiyök: “Gönön apni noañgitnönga dop kölmapak mötmörialmö, gi mönön nahönañgöreñ asagwalim amöt ki mewöñanök noañgitmamgö mötzan. Mi qahö dop kölja. “Mewö jiiga Reizölnön kewö jiyök: “Ölöp! Nahöngahöreñ amöt mi niñgiman ewö, mönön ölöp Jeikobpuk sungem ki ahömahot.”

¹⁶ Mewö jiiga Jeikobnön mare miangöreñ nup mosöta kaiga Leanön anda miwikñaim wañgiba kewö jiyök: “Nönön nahönañgöreñ asagwalim amöt mianön lök göhö söngörögi mezal. Miangöra mönön nömbuk ahöbit. “Mewö jiiga Jeikobnön sungemñi miangöreñ yambuk ahöyohot.

¹⁷ Yambuk ahöyohotka Anutunön Leagöreñ keu köulukñi möriga gölöm ala Jeikobkö nahönñi 5:ñi meyök. ¹⁸ Mi memba keu kewö jiyök: “Nönön welen ambini mi apni wañgialañgöra Anutunön miangö töwañi ki niñgiza. “Mewö jiba miangö dop qetñi Isakar (töwa) qerök. ¹⁹ Miangö andöje Leanön kunbuk gölöm ala Jeikobkö nahönñi 6:ñi meyök. ²⁰ Mi memba keu kewö jiyök: “Anutunön kalem qetpuk niñgiza. Apni Jeikobkö nahönurupñi 6 mealañgöra yañön mönön pöndañ nömbuk mala qetbuña niñgiba malma. “Mewö jiba miangö dop morö qetñi Zebulun qerök. (Zebulun qetbuña) ²¹ Nalö tosatñi teköiga Leanön morö börat memba qetñi Daina qerök.

²² Anutunön dumñe Reizöl mewöyök mötmörim wañgiba keu köulukñi möta gölöm almangö bauköm wañgiyök. ²³ Bauköm wañgiiga gölöm ala morö nahön kun memba keu kewö jiyök: “Anutunön gamuni meköza.”

²⁴ Mewö jiba toroqeba kewö jiyök: “Kembunön mönön nahöni kun toroqeba niñgima. “Mewö jiba miangö dop morö qetñi Josef (Toroqeba niñgima.) qerök. Mewö.

Jeikobkö lama kambuñan sehiyök.

²⁵ Reizölnön nahönñi Josef meiga miangö andöje Jeikobnön Labangöra kewö jiyök: “Ni nani miri gölmene anmamgö mötzal. Miangöra ölöp melaim niñginönga lilingöba anmam.

²⁶ Anöm moröurupni kiengöra aka göhö welengi qeba malali, mönön i niñginönga mohotñe köna anbin. Nönön nup gwötpuk ketañi memba malali, mi nangak ölöp mötzan.”

²⁷ Mewö jiiga Labanön kewö jiyök: “Gi möt ölöwak niñgizan ewö, mönön ölöp ki malman. Kembunön göhöra aka ni kötuatköm niñgiba malöhi, nönön unju qebiga keu mewö asuhui mötzal.”

²⁸ Mewö jiba toroqeba kewö jiyök: “Mönön nupkahö töwañangö jañgöni jinönga söngöröñi mi ölöp gihimam.” ²⁹ Mewö jiiga Jeikobnön kewö jiyök: “Nönön göhö welengi denöwö qeba mala göhö mirigö sömbup kambuñi kambuñi galöm kök enñgibiga qarigeri, mi nangak ölöp mötzan. ³⁰ Mutuk ni ki qahö kabiga miangöreñ sömbup yuaigi gwötpuk qahö ahöm gihiyökmö, mianön mönön ni kabiga nalö miangöreñ sehiba jesöngö akze. Ni denike denike anda kayali, miangöreñ Kembunön kötuatköm gihiiga malnön. Mewö malnönmö, ni mönön wani nalönön ölöp nani könagesöurupni nañgöm enñgimangöra aka nup yuai könahiba membilenjak?”

³¹ Mewö jiiga Labanön kewö qesiyök: “Ni mönön wania gihibilenjak?” Mewö qesiiga Jeikobnön melenña kewö jiyök: “Yuai kun kude niñgimanmö, yuai mohot ki nönögöra akñan ewö, ni ölöp toroqeba göhöreñ lama kambuñi kambuñi mi köyan köla jegalöm ak enñgiba malmam. ³² Ni ölöp göhöreñ lama aka meme kambugi pakpak mi merak engek kewötmam. Mi kewöta lama moröñi baröm pakpak aka meme (noniñ) dömnöni tiktokñinambuk aka kulemñini diriweñ, soño me koromböñgi mi pakpak mendenña nanñini tokom enñgiman. Mienön ölöp nup memba malalangö töwani akñe. ³³ Könañgep

* **30:14:** Ambi yeñön asagwalim amöt memba amqeba gölöm albingö akeri, mewö möt nariget.

nupnanğö töwani, lama aka meme mi enğek kewötмамгöra kabanak, nalö میانğöرهن uruni diñdinanğö könanı mi amqeba kewö miwikñaiman: Meme (nonin) tiktokñini qahö aka diriwen, soño me korombonğı qahö mi pakpak aka lama baröm qahö pakpak nõnğö kambunöñ kinmei, mi nõñön yonğorö meal, mewö möt kutuman.”

³⁴ Mewö jiiga Labanöñ kewö melenök: “Ni ölop urumohot akzal. Keu jizan ewö köna mi ahöma.” ³⁵ Mewö melenđa silim میانğöرهنök Labanöñ meme (nonin) aziñi kulemñini jinjalalan aka diriwen soño me korombonğı aka meme ambiñi pakpak kulemñini tiktokñinambuk aka diriwen soño me korombonğı me sile jupñine yuai tuatñi taröhi, mi pakpak aka lama moröñi baröm pakpak mi kewöta meköm enğiba nanñi nahönurupñi yengö böröñine al enğiyök. ³⁶ Labanöñ mi al enğiba yembuk Jeikobköreñ lama aka meme kambu mi enğuanğita silim karöbut anangö dop anda میانğöرهن malget. Köröwen mewö malgetka Jeikobnöñ toroqeba Labangörehn lama aka meme kambuñi kambuñi mi galöm köl enğiba malök.

³⁷ Mewö mala sau, kömin aka kuñgam ip miengö böröñini gwölögwölö kutuba memba silenini jölanjölan (jöranjöran) köndölatiiga sutñe sutñe tuariiga jinjalalan ahök. †

³⁸ Mewö aiga ip böröñini köndököndölatiñi mi memba sömbup yengö o joutñini pakpak میانğöرهن aliga o nembangöra kagetka wösöñineyök ahöyök. Mewö ahöiga lama aka meme kambu yeñön aziñan enğualöñmegö sihim könöpñi möta o nembangöra kaba miwikñaiaba eket. ³⁹ Mewö eka meme aziñi yeñön ip böröñi miengö kösutñine ambiñi enğualöñget. Mewö enğualöñgetka gölöm ala malgeranğöra moröurupñini jinjalalan, tiktokñinambuk aka diriwen, soño me korombonğı mi enğömemba malget.

⁴⁰ Mewö malgetka Jeikobnöñ lama aka meme (nonin) moröñi mewöñi mi kewöta menden enğiba nanñök nanñök kambu köl enğiyökmö, sömbup ketanñi mi arengöm enğiiga jeñini Labangörehn sömbup baröm aka kimbiñini tiktokñinambuk yengörehn göröken uba kinget. Mewö aka nanñanğöra lama aka meme (nonin) kambuñi kambuñi meköba miwikñaim enğiyök. Mi miwikñaiaba jöhöm enğiiga Labangö lama kambunöñ qahö anda toroqem enğiget.

⁴¹ Sömbup ambiñi köhöikñi yeñön aziñan enğualöñmegö sihim könöpñi mötketka Jeikobnöñ nalö dop میانğöرهن ip böröñi mi o joutnöh alök. Miangöra sömbup aziñi yeñön kaba mi wösöñine miwikñaiaba eka kösutñe میانğöرهن ambiñi mi enğualöñda malget.

⁴² Mewö malgetmö, sömbup ambiñan ösumñini eretñi aket ewö, yanñön ip böröñi mi yengö wösöñine qahö ala malök. Mewö aka maliga sömbup ösumñini eretñi miengön Labangörehn kambunöñ toroqezetka ösumñini köhöikñi yeñön Jeikobkö kambunöñ anda toroqezet. ⁴³ Jeikobnöñ mewö aka kindinbirik azi qetbuñanambuk aka töhötmöriam miwikñaiyök. Lama aka meme kambu gwötpuk buña qem anğuba welenqeçe ambazip enğuanğiriga kamel aka donki kambuñi kambuñi asuhum sehigetka tonñini ahök. Mewö.

31

Jeikobnöñ Laban mosöta ölöñ köla anök.

¹ Labangö nahönurupñan keu kewö jigetka Jeikobkö kezapñe geiga mörök: “Iwininan yuai buña qeba malöhi, Jeikobnöñ mi pakpak kalöpköba könjörata anğön kölök. Iwininanğö sukinapñi galöm köla میانğöرهنök inapñi pakpak mi nanñanğöra miwikñaiaba kindinbirik akza.” ² Keu mi mörök aka yöwönanğö jemesoholñi eka kewö möt asariyök: “Labanöñ mutuk ala ölopñi ak niñgiba mala korökmö, mewö qahö toroqeba aka malja.”

³ Mewö möt asariiga Kembunöñ Jeikob kewö jii mörök: “Göñön mönö lilingöba iwiasaurupki yengö gölmenöñ anda tinitosolomurupki yembuk malman. Anda malnönga nõñön göbuk kindi malmam.”

† **30:37:** Ip böröñi mi selğöra qahö alök. Mewöyök tiripqözölqözöl me jinan akñamğöra qahö. Anutunöñ yauen aka suña jinan akingöra qahö jiyökmö, Jeikobkö uruñan diñgiiga tem köla malöhanğöra töhötmöriamğö könanı mewö kusun wanğiyök.

⁴ Jeikobnön keu mi möta Reizöl aka Lea yetköra keu ali aniga gölme köröje lama kambunji kambunji galöm köl enjgiyöhi, miangörej kayohot. ⁵ Kayohotka kewö jii mörohot: “Nöñön iwinirangö jemesoholji eka kewö möt asarizal: Yañön mutuk ala ölopñi ak niñgiba mala korökmö, mewö kunbuk qahö aka malja. Iwinangö Anutuñan mönö töndup nömbuk kinda mala korök. ⁶ Ni ösumni pakpak qezaköba miangö dop iwinjiri welen qem wangiba mala korali, injiri mi ölop mötzahot.

⁷ “Mewö malalmö, yañön isimkakalek qakñe ak niñgiba mala nupnangö töwanji mi sömañi 10:gö dop utekutek ala malök. Mewö ak niñgiba malökmö, Kembunön angön köl wanggiiga genmororon kun qahö ak niñgiiga malal. ⁸ Nalö kunön kewö jiyök, ‘Lama aka meme (nonin) tiktokñinambuk asuhumei, mi mönö göhö nup töwagi akñe.’ Mewö jiiga sömbup kambu jömukñi yeñön moröñini tiktokñinambuk engömeget. Nalö kunön kewö jiyök, ‘Lama aka meme (nonin) jinjalalan asuhumei, mi mönö göhö nup töwagi akñe.’ Mewö jiiga sömbup kambu jömukñi yeñön moröñini jinjalalan engömeget. ⁹ Anutunön mewö aiga asuhuiga iwinirangö kambuneyök sömbup könjörata enguanñita niñgiiga sehiyök.

¹⁰ “Sömbup aziñan ambiñi enñualönnda malgeri, nalö kun miangörej gaun kunön jeni uba wahöta ekiga meme (nonin) aziñan ambiñi enñualönnda kingeri, yeñgö silenini mi jinjalalan, tiktokñinambuk aka diriwen, soño me korombonji pakpak aket. ¹¹ Nöñön gaun ekiga miangörej Anutugö garata kunñan nöngöra ‘Jeikob!’ qerök. Mewö qeriga ‘Ki kinjal,’ jiba melenal. ¹² Melenniga kewö toroqeba jiyök: ‘Labanön yuai pakpak ak gihimakzawi, nöñön mi eka mötzal. Miangöra ölop jegi uba wahöta eknön: Meme (nonin) aziñi pakpak ambiñi enñualönnda kinjei, yeñgö sileninan jinjalalan, tiktokñinambuk aka diriwen, soño me korombonji akza. ¹³ *Nöñön Betel miangörej asuhum gihibiga köt dangunu kun kunguba miriba nöngöra keu jöhöba jöjopañ keunön jim köhöinön. Nöñön Anutu mi aka göhöra keu kewö jizal: Gi mönö dölkki wahöta kantri ki mosöta nangi ahuahu gölmege kunbuk lilingöba anman.’ ”

¹⁴ Jeikobnön keunji mewö jiiga Reizöl aka Lea yetkön kewö melen wangiba jiyohot: “Iwinirangö mire börösamotkö bahöni kun mi neñgörej qahö toroqeba tatza. ¹⁵ Yañön azi netkiiga söngöröniran kaiga mi nanñangörök memba gil teköyök. Miangöra niri mönö kian tandök ak netkiiga mala korit. ¹⁶ Miangöra Anutunön iwinirangö kambuneyök sukinap öröyui könjörata wangiri sehiyöhi, mi pakpak mönö ölña nanine aka nahönböraturnini neñgö bunaya akza. Miangöra Anutunön jim kutum gihiyöhi, göñön mönö mi pakpak tem köla wuatangöman.”

¹⁷ Mewö jiyohotka wahöta mem mözözöm aka anöm-moröurupñi kököbihim enñiiga kamel qakñine öngöget.

¹⁸ Mirigö sömbup kambunji pakpak közöl enñiiga mutuk anget. Sukinap yuaiñi (merömbunji) pakpak Mesopotemia (Padan Aram) gölmenön mala miwikñaim sehiyöhi, mi körebörek kölolohoba iwinji Aisakörej anbingöra Keinan gölmenön göröken anget. ¹⁹ Nalö miangörej Labanön lama jupñini mitimangö aniga Reizölnön iwinangörej miri domlopion morörökñi yongorö meyök. ²⁰ Yongorö meiga Jeikobnön toroqeba yöwönji Aram azi Laban i kewö tilipköm wangiyök: Anbingö keunji mi qahö jii mörökmö, mönö ölöñ mosöta anget. ²¹ Mewö ölöñ angetka kamel yeñön öröyuiñi pakpak mem bisiget. Anda Yufreitis o kutuba Gilead gölme kundunambuk miangörej göröken anget. Mewö.

Labanön Jeikob wuatangöba anök.

²² Angetmö, silim karöbut aiga miangörej keu kewö jigetka Labanön mörök, “Jeikobnön mönö tököba ölöñ köla anök.” ²³ Mi möta wahöta tinitosolom aziurupñi enñömembra wehön 7:gö dop enñuatangöba anda mala Gilead gölme kundunambuk miangörej miwikñai ba enñömeget. ²⁴ Enñömembra sunjem miangörejök Anutunön Aram

* **31:13:** Jen 28.18-22

azi Labangöra gaunöŋ asuhuba keu kewö jii mörök: “Göŋön Jeikobköra kötümötuet me qesuak keu kun jibanbuköra mönö möt kutuba galöm mem aŋguman.” ²⁵ Engömegetka Jeikobnöŋ opo seri kounŋi Gilead gölme kundunambuknöŋ möröreŋgöba kuŋguiga Laban aka aziurupŋi yeŋön mewöyök opo seri kounŋini miangöreŋ kuŋguba ahöget.

²⁶ Ahöba wahöta qinŋi Jeikobköreŋ anda kewö jii mörök: “Gi mönö wani kimbua ak niŋginöŋe? Gi tilipköm niŋgizan. Kerök yeŋön yarö gila ambi yoŋgorö örömakzei, mönö miangö tandök nöŋgö böratyahötni ölöŋ etkuangita kanöŋ. ²⁷ Gi wuanöŋgöra isimkakalek ak niŋgiba ösumok ölöŋ köla nömosöta kanöŋ? Gi mönö wuanöŋgöra keu kun qahö jinöŋ mötpi laŋ kanöŋ? Mi mötpileŋak ewö, nöŋön ölöŋ liŋet gwawet albi kömam köla gita kulele gegetka sösoŋgai qakŋe gumbulbi könanöŋ kabeak.

²⁸ “Mi mötpileŋak ewö, mönö ölöŋ isiurupni aka böratyahötni numbuŋini yöhötim nemba yaizökzökŋini jibileŋak. Gi mönö uruqahö kimbua aknöŋ. ²⁹ Nöŋön kukösumnambuk kaba ölöŋ ayuhum gihibileŋakmö, suŋgem ahöbiga iwigahö Anutuŋan keu kewö jii mötzal: ‘Göŋön Jeikobköra kötümötuet me qesuak keu kun jibanbuköra mönö möt kutuba galöm mem aŋguman.’ ³⁰ Miangöra muat, nangi iwigahö miri gölmeŋe lilingömangö urusihimŋi ketanŋi möta malagun lök mosöta könanöŋ kaba maljan. Miangöra ölöŋ anmanmö, nöŋgö domlopionurupni mi mönö wuanöŋgöra yoŋgorö memba kanöŋ?”

³¹ Labanöŋ mewö jiiga Jeikobnöŋ kewö melenŋ waŋgiyök: “Göŋön böratyahötki yarö ösum qakŋe noaŋgitpanbukö mötmöröba keŋgötni möta ölöŋ köla kain. ³² Kainmö, kunŋan domlopionurupki meiga miwikŋaimani, i ölöŋ qenöŋga kömuma. Öroyuai pakpak memba maljali, mi ölöŋ tinitosolomurupniri yeŋgö jeŋine ek kewöta kinda göhöreŋ yuaigi kun miwikŋaiba eka mi ölöŋ meman. “Jeikobnöŋ mewö jiyökmö, anöŋni Reizölnöŋ domlopionŋ mi yoŋgorö meyöhi, apŋan mi qahö möröhaŋgöra mi töŋpin jiyök.

³³ Mewö jiiga qinŋi Jeikobkö opo seri kounŋe öŋgöba qezaŋda jaruba Leagö opo seri kounŋe öŋgöba toroqeba welen ambyahöt mietkö opo seri kounŋire öŋgöba qezaŋda jaruba yuai kun qahö miwikŋaiyök. Leagö kounŋi mosöta miangö andöŋe Reizölgö kounnöŋ öŋgöyök. ³⁴ Öŋgöyökmö, Reizölnöŋ domlopionurup mi memba gösönöŋ löŋgöta kamel qakŋe tatatkö dum uruŋe ala qakŋe öŋgöba qelanjim enŋgiba tarök. Mewö tariga iwiŋan opo kounŋaŋgö uruŋi körek qezaŋnökmö, mi qahö miwikŋaiyök. ³⁵ Reizölnöŋ iwiŋi kewö jii mörök: “Ketanamni, ni köiŋnöŋ nehiga tatzalangöra aka göhö jemesoholge ölöŋ qahö wahötmam. Miangöra uruönön kude möt niŋgiman. “Mewö jiiga miriŋaŋgö domlopionurupŋi miangöra jaruyökmö, mi qahö miwikŋaiyök.

³⁶ Qahö miwikŋaiiga kinda Jeikobnöŋ irimŋi sehöliiga tembula Laban kewö jim waŋgiba qesim waŋgiyök: “Nöŋön wani könaŋa ak ŋiŋial? Mönö wani silik bölöŋi ak gihialangöra kahasililiŋnöŋ börojan suhum niŋgizan? ³⁷ Nöŋgö sukinapni pakpak qezaŋ teköbagun mönö wanat yuaia kun miwikŋainöŋga nangi mirigahö buŋaya akawak? Mi ölöŋ memba yuhu kaba tinitosolomurupniri yeŋgö jeŋine alnöŋ eketka sutnire keu lömböt ahöiga mi kewöta jim teköba mindiŋgöm netkime.

³⁸ “Nöŋön göbuk lök yambu 20 mala koral. Nalö miangö uruŋe nupki membiga göhöreŋ lama aka meme (noniŋ) yeŋön morö memingö pömsöm qahö qegetmö, ölöŋŋanök ahumsehip aka malget. Mewöyök lama aziŋi kun göhö sömbup kambunöhök qahö qem neal. ³⁹ Nalö tosatŋe sömbup kalŋan lama qeba yöhöqöhötiyöhi, mi qahö memba kaba gihiba malalmö, miangö kitipŋi mi nani kambunöhök memba salupŋe ala malal. Lamagi suŋgemŋe me asakŋe yoŋgorö memba malbeahi, mi töndup miangö salupŋi almangö jimkutukutu alnöŋga mi wuatangöba malal.

⁴⁰ “Silimnöŋ miri könöŋŋan nohotiriiga suŋgemnöŋ amötnan nuŋguiga saŋgenŋi möta malal. Nalö gwötpuk gaun guli mem niŋgiiga malal. ⁴¹ Yambu 20:gö dop mewö göhö mire mala kotpi teköza. Yambu 14 mi böratyahötki etkömemangöra welen qem gihiba malal. Miangö andöŋe yambu 6 mi lama bulmakau miwikŋaimangöra göhöreŋ nup memba

malal. Mewö malalmö, göñön nup memegö töwani mi sömañi 10:gö dop utekutek ala malnöñ.

⁴² “Asani Abrahamgö Anutuñi iwini Aisaknöñ waikñi memba möpöseimakzawi, yañön andöne awörök qahö aka kötöngöm niñgibawak ewö, göñön mönö böröborak melaim niñginöñga köna anbilenañak. Mewö ak niñgibanakmö, Anutunöñ nöñgöreñ sihimbölo kahasililij möriga nup börönan sileqeqa aka memba malali, mi eka merak sunjem nöñgö keuni kewöta jim teköiga mötzan. “Mewö.

Jeikob aka Laban yetköñ jöhöjöhö ahot.

⁴³ Jeikobnöñ mewö jiiga Labanöñ kewö melen wañgiyök: “Ambi yahöt ki mönö nöñgö böratyahötña. Yetkö nahönböraturupñiri mi nöñgöreña. Lama bulmakau kambuñi kambuñi ki mi nöñgöreña. Yuai pakpak ki ekzani, mi körek nöñgö buñayök akza. Mewömö, muat nöñön merak böratyahötñi ki aka nahönböraturupñiri engömeyohori, yeñön anmegö keunijini jigetka mi qeapkömamgö lömbörizal. ⁴⁴ Miangöra ölop kaba gou köl anguba sutnire jöhöjöhö akit. Mi qendenbitpuköra mötmörim netkiba dangunu ewö sutnire ahöma.”

⁴⁵ Mewö jiiga Jeikobnöñ köt kun memba kuñguiga timbetuat ewö dangunu jaböñjiri aka kinök. ⁴⁶ Mianön kiniga Jeikobnöñ tinitosolomurupñi yeñgöra köt memba tokomegöra jiyök. Mewö jiiga köt memba qaknöñ qaknöñ ala tokoget öñgöiga miangö kösutñe nene lömbuañ ohoba neget. ⁴⁷ Labanöñ köt kambu miangö qetñi Jegar Sahaduta qeri Jeikobnöñ qetñi Galed qerök. *

⁴⁸ Mewö qerohotka yöwöñan qingini Jeikob kewö jii mörök: “Köt kambu ki mönö merak netkö sutnire dangununira ahöma. “Miangöra Jeikobnöñ miangö qetñi Galed qerök. ⁴⁹ Labanöñ keu toroqeba kewö jiyök: “Kembunöñ mönö denja malbiri, nalö miangöreñ sutnire jeñan netkek tiba galöm mem netkiba malma. “Miangö dop gölme miangö qetñi kun Mizpa qerök. (Mizpa Galöm meme miri köröñji.)

⁵⁰ Labanöñ keu mi toroqeba kewö jiyök: “Göñön böratyahötñi öröm ureim ak etkiman me toroqeba kakasun ambi tosatñi engömeman ewö, mönö keu ki möta malman: Gölme azi kunñan kösutnire qahö mala netkehiga Anutunöñ mönö töndup ölop netkeka sutnire jöhöjöhö ahözawañgö keunji mi nañgöba jiba malma.”

⁵¹ Mewö jiba kunbuk toroqeba kewö jiyök: “Qingini mötnöñ, köt kambu ki aka mötök ki kuñguzali, mietköñ mönö netkö sutnire dangunu ewö tat öñgömahot. ⁵² Köt kambu ki mönö dangununira aka tat öñgöma aka mötök ki mi mewöyök dangununira aka tat öñgöma. Mietköñ jöhöjöhöniranangöra kewö mötmörim netkiba tat öñgömahot: Nöñön mem bölim gihimamgö möta köt kambu ki qahö ongita göhöreñ kamam. Göñön mewöñanök mem bölim niñgimamgöra möta köt kambu aka mötök ki qahö etkongita nöñgöreñ kaman. ⁵³ Abraham, Nahor aka yetkö iwini yeñgö bemñini Anutu yañön mönö keu sutnire asuhuiga mi kewöta jim teköm netkima. “Labanöñ mewö jiiga Jeikobnöñ keu mi jöhöba Anutugö qetñe jöjopañ keunöñ jim köhöiyök. Iwini Aisaknöñ Anutu miangö waikñi memba möpöseiba malök.

⁵⁴ Jeikobnöñ mewö aka gölme kundune sömbup qeba mianön jöwöwöl ohoba tinitosolomurupñi öröm engiiga lömbuañnöñ kaget. Kaba nene memba sunjem liñet unduba kundune miangöreñ ahöget. ⁵⁵ Ahögetka miri asariiga Labanöñ söñanök wahöta isiurupñi aka böratyahötñi numbuñini yöhötim memba kötuatköm engiba yaizökzökñini jiyök. Mi jiba engömosöta lilingöba miriñe anök. Mewö.

32

Jeikobnöñ Isobuk aitongöbitkö jörömqröm ahök.

* **31:47:** Dangunu köt kambu mi Hibru keunöñ Galed aka Arameik keunöñ Jegar Sahaduta.

¹ Yöwöñan aniga Jeikobnön mewöyök könanön aniga Anutugö garataurupni tosatjan miwikñaim wañgiget. ² Miwikñaim wañgigetka engeka kewö jiyök: “I Anutugören yarö kambuya akze. “Miangö dop gölme miangö qetñi Mahanaim (yarö kambu yahöt) qerök.

³ Jeikobnön könanön anda mala kolek aziurupni tosatñi mutuk melaim engii Edom kantrigö gölme qetñi Seir miangören datñi Iso ekingöra anget. ⁴ Melaim enggiba kewö jim kutum engiyök: “Inini mönö anda dat kembuni Iso kewö jigetka mötma: ‘Ketanamni mötnön, ni welen azigi Jeikob. Ni ehoniri Labanbuk mala kota mal teköba nalö kewöñe i mosöta kazal. ⁵ Miangören mala bulmakau, donki, lama, meme (nonin) kambuñi kambuñi aka welenqeçe ambazip miwikñaiba engömembra könanön kazal. O azi kembuni, nöñön göhö jege ak-kömukömu miwikñaimangöra möta keu buzupni ki mutuk albi göhöreñ kaza.’ ”

⁶ Mewö jim kutum engiiga anda lilingöba kaba kewö jigetka mörök: “Nini datki Isogören anin. Yanön mönö aziurupni 400 engömembra könanön kaba göbuk aitongöbingö jöjöröba malje.” ⁷ Mewö jigetka möta awöwöliba köñjiliñ ketanñi mörök. Mewö möta kinda könagesourupni yambuk kageri, mi aka lama meme kambuñi kambuñi, bulmakau kambuñi kambuñi aka kamelurupni mi menden engiiga kambu yahöt aket. ⁸ Kewö mötmöriba mewö ahök: “Isonön kaba yarö gila kambu kun engum ayuhuma ewö, kambu kun yenön mönö ölop ölon köla anbeak.”

⁹ Mewö mötmöriba kewö jiba köuluköyök: “O Anutu, asani Abrahamö aka iwini Aisakö bemñiri, göñön ölop möt niñgiman. Kembu, gi nangok keu kewö jinön möral: ‘Gi mönö wahöta nangi gölmenön lilingöba nangi tinitosolomurupki yengören anman. Endu anönga nöñön töhötmöriam gihibiga malman.’ Mewö jinön möral. ¹⁰ Mönöwök nani öröpnanök memba Jordan o töwatñi ki kutuba analmö, ölop ahum sehiba merak lilingöba kambu yahöt aka ki kazal. Ni welen azigi etqeçenji aka malalmö, göñön töndup keugi pöndañ wuatangöba ak-kömukömu gi pakpak kondel niñgiba malnön. Ni eretñi aka urukalemgi mi buña gem angumamangö dop qahö aka malal.

¹¹ “Datni Isonön könanön kaba nani, nam aka moröurupnini nini neñguba ayuhum neñgibapüköra nöñön keñgötni mötzal. Miangöra göñön mönö bauköm neñgiba yangö böröneyök meköm neñgiman. ¹² *Gi nangok keu kewö jinönga möral: ‘Nöñön töhötmöriam gihiba gwölönarökurupki ahumsehip engibiga qötöñinan qariba köwetkö sakösiñi ahözawañgö dop akña. Mi gwötpuk ketanñi ahömawañgöra aka oyoñoyoñgö dop qahö. Keu mi ölña.’ ”

¹³ Mewö köuluköba sungemni mi gölme miangören ahöyök. Ahöbagun sömbup kambuñi kambuñi miengörenök datñi Iso kalem wañgimangöra sömbup kewö kewöt menden enggiba nanñinök al engiyök: ¹⁴ Meme (nonin) ambiñi 200, aziñi 20, lama ambiñi 200, aziñi 20, ¹⁵ kamel 30 moröurupnini juzunön, bulmakau ambiñi 40, aziñi 10, donki ambiñi 20, aziñi 10.

¹⁶ Kambu mewö mewö kewöt menden da kambu nanñök nanñök mi welenqeçeupni yangö böröñine al enggiba kewö jii mötket: “Inini ölop mutuk anda sömbup kambuñi kambuñi kiengö sutñine tiriñ kutuba enguañgita awatan anme.”

¹⁷ Mewö jiba kambu mutukñi anmeangö galömñi kewö jim kutum wañgiyök: “Könanön angetka datni Isonön miwikñaim enggiba kewö qesim gihima: ‘Gi dagö welenqeçe azia akzan? Gi denike anmam jiba kazan? Sömbup wösöge anjei, mi dagöreña?’ ¹⁸ Mewö qesim gihiiga kewö jiman: ‘Mi welen azigi Jeikobköreña. Mi ketanamni Iso kalem wañgimangöra al engii kaze. Nanñak mönö andöñine könanön kaza.’ ”

¹⁹ Mewö jim kutum wañgiba sömbup kambu 2:ñi, kambu 3:ñi aka sömbup kambu tosatñi pakpak yangö galömñini andöñine kageri, i mewöyök jim kutum engiiga kewö mötket: “Inini datni Iso miwikñaime, mönö keu tandökñi miyök jigetka mötma.” ²⁰ Mewö jim kutum enggiba kewö mötmöriyök: “Nöñön esapköba uruñi memba eta ala kalem

* 32:12: Jen 22.17

wanjimamgöra sömbup kambuñi kambuñi melaim enğibi mutuk anme. Datnan mi enğeka uruñi böñjöh köliga amöribawak. Uruñi amöriiga ölop nanak yangö jemesoholñe ösöh anğotpi siñgisöndokni mosöta ala ak niñgibawak. “Mewö mötmöriba toroqeba kewö jiget mötmapkö jiyök: “Göhö welen azigi Jeikobnöh mönö andönine ösöh kaza.”

²¹ Mewö jiba kalemñi al enğii mutuk könanöh angetmö, nanñak sunğem mi opo koumnöh tatmam jiba miangören tarök. Mewö.

Jeikobnöh Suep garatabuk aum-möriyohot.

²² Sunğem miangören Jeikobnöh wahöta anömyahötñi, welen ambiyahötñi aka morönahönurupñi 11 mi enğuanğiriga anda Jabok o sakñi qöleqöleleñi kutubingö aket. ²³ Enğuanğiri o kutuba anda sukinap yuaini pakpak buñañi ahöyöhi, mi mewöyök memba an teköget.

²⁴ An tekögetmö, Jeikobnöh nanñök o likepñe miangören kunbuk tarök. Nanñök tariga azi kunñan kaiga yambuk sunğem aum-möriba malohotka miri gianjiyök.* ²⁵ Azi mianjön luhut al wanjimamgö osiba eka miangöra Jeikob mi ikinñe qeyök. Qeiga mohotñe aum-möriba malohotka miangören Jeikobkö ikin sihitñan sulök. ²⁶ Sihitñan suliga azi mianjön kewö jiyök: “Miri gianjimamgö akzawangöra mönö ölop nömosötnönga anmam. “Mewö jiyökmö, Jeikobnöh kewö melen wanjiyök: “Ni qahö kötuetköm niñgiman ewö, nöñön mönö gi qahö gömosötpi anman.”

²⁷ Mewö melen wanjiiga “Gi qetki niñi?” jiba qesim wanjiiga “Jeikob,” jiyök.

²⁸ Mewö jiiga keu kewö jiyök: “Gi Anutu aka ambazip yembuk aum-möriba mala luhut al enğinöh. Miangöra göhö qetki mönö kunbuk Jeikob qahöpmö, Israel qetme. “(Israel Anutubuk aum-möriyök.)”*

²⁹ Mewö jiiga kewö jiyök: “Gi ölop qetki qetnönga mötmam. “Mewö jiyökmö, garatanöh mianjön kewö melen wanjiyök: “Gi denöwögöra nöngö qetnangöra qesizan?” Mewö melen wanjiba miangören kinda kötuetköm wanjiyök.*

³⁰ Kötuetköm wanjiiga Jeikobnöh kewö jiyök: “Ni Anutubuk mesohol köl anğuba jeñi törörök ekzalmö, töndup nehoriiga jebuk maljal. “Mewö jiba miangöra gölme miangö qetñi Penuel qerök. (Penuel Anutugö jemesoholñi) ³¹ Wehön jeñan lök koriga Jeikobnöh Penuel gölme mi mosöta onğita kaba ikinñi sulöhangöra aka timkorik anök.

³² Azi mianjön Jeikobkö ikin sihit toroqeqeñangö ginimuramñe (bidororo) qeyöhangöra aka Israel könagesö yeñön nalö kewöñe mewöyök sömbup namba miangören ikin sihit toroqeqeñangö ginimuramñi mi tököba qahö nemakze. Mewö.

33

Jeikobnöh Isobuk aitongöyohot.

¹ Jeikobnöh jeñi uba wahöta Isonöh aziurupñi 400 yembuk mohotñe könanöh kageri, mi enğehök. Miangöra nahönböraturupñi menden enğiba Lea, Reizöl aka welen ambiyahötñi yeñgö böröñine al enğiyök.

² Mewö al enğiba kewö arengöm enğiyök: Welen ambiyahötñi yetköñ nahönböraturupñiri enğuanğita mutuk anget. Yeñgö andöñine Leanöh nahönböraturupñi yembuk angetka Reizöl aka nahöññi Josef yetköñ qöndökñi anohot.

³ Saiwanñi mewö arengöm enğiba nanñak yeñgö wösöñine mutuk anda simin köla gölmenöh bamgöba wahöriiga indimñi 7 aiga anda datñangö jemesoholñe anğorök.

⁴ Anğorökmö, Isonöh munñi ekñamgöra ösumñan kiñkiñgöba kaba suhumgöm wanjiba böröñan imbiñe gili geiga numbuñi yöhötüm neiga urusahöt auyohot. ⁵ Isonöh jeñi uba wahöta Jeikobkö anöm-moröurupñi enğeka munñi qesim wanjiyök: “Ki denike yeñön

* **32:24:** Hos 12.3-4 * **32:28:** Jen 35.10 * **32:29:** Kemb 13.17-18

göbuk kaze?” Qesim wanğiiga kewö melenök: “Anutunöŋ kalem möriamŋi qakŋe nahönbörat ki welen azigi ni niŋgiyök.”

⁶ Mewö melenğa welen ambiyahötŋi yetköŋ nahönböratuŋiŋi yembuk dowe kaŋgota simin köla gölmenöŋ bamgöget. ⁷ Mianğö andöŋe Lea aka nahönböratuŋiŋi yeŋön mewöŋanök dowe kaŋgota simin köla gölmenöŋ bamgöget. Teteköŋe Josef aka Reizöl yetköŋ dowe kaŋgota simin köla gölmenöŋ bamgöyohot.

⁸ Mewö aketka Isonöŋ kewö qesim wanğiig: “Azi aka sömbup kambu pakpak könanöŋ miwikŋaim enğizali, mi könaŋi denöwögöra melaim enğinöŋga kaze?” Mewö qesim wanğiiga kewö jiyök: “O azi kembuni, nöŋön mi göhö jege ak-kömükömu miwikŋaimangöra aka melaim enğial.”

⁹ Mewö jiyökmö, Isonöŋ keu kewö jiyök: “O muni, mi nöŋgöreŋ gwötputuk lök dopne ahöze. Mianğöra mi ölop toroqeba nangi buŋaya aka ahöma.”

¹⁰ Mewö jiiga Jeikobnöŋ kewö jiyök: “Mewö qahö. Göŋön neksihim aka ala ölopŋi ak niŋginöŋga göhö jemesoholgi ekiga Anutugö jemesoholŋi ewö akza. Mianğöra nöŋön göhö jege ak-kömükömu miwikŋaizal ewö, mönö kalemni ki ölop buŋa qem anğuman.

¹¹ Anutunöŋ kalem möriam kondel niŋgiiga mala kotpiga yuai pakpak osimakzali, mi pakpak ölop ahöm niŋgiza. Mewögöra uruölöwak kalemni memba kageri, mi ölop meman. “Mewö jiba kapan köla malöhanğöra Isonöŋ uruölöwak kalemni mi buŋa qem anğuyök.

¹² Buŋa qem anğuba kewö jiyök: “Mönö ölop mosöta köna anbin. Nöŋön köiputŋini akiga enğön ölop nömbuk kagetka anbin.”

¹³ Mewö jiyökmö, Jeikobnöŋ kewö jiyök: “Azi kembuni, mötnöŋ. Nahönböratuŋiŋi yeŋön ösumŋini eretŋi akze aka lama namŋi aka bulmakau namŋi moröŋini juzu enğimakzei, nöŋön mi köyan köl enğimakzal. Mewö aiga i köna anmegöra wehön mohotkö dop könöputuk enğuatangöbinak ewö, yeŋön mönö ösumŋini eriga kambu körek pakpak kömumbeak. ¹⁴ Mewögöra azi kembuni, gi ölop mutuk anöŋga welen azigi nöŋön ösöŋösöŋ andöge guatangöba kamam. Sömbup enğuatangöbi wösöne mutuk anmei aka nahönböratuŋiŋi ösumŋinanğö dop ösöŋösöŋ kaba mala mala bianğ Seir mire ketanŋami göhöreŋ kaŋgotpin.”

¹⁵ Mewö jiiga Isonöŋ kewö jiyök: “Mewö aiga nöŋön ölop aziurupni tosatŋi enğömosötpiga göbuk ösöŋ kame. “Mewö jiiga Jeikobnöŋ kewö qesiyök: “Gi mönö wuanöŋgöra mewö akanak? O azi kembuni, ni göhö jege ak-kömükömu miwikŋaibiga lök dop köl niŋgim teköza.”

¹⁶ Mewö jiiga Isonöŋ wehön mianğöreŋök lilingöba anda Seir miriŋe anğorök.

¹⁷ Jeikobnöŋ Sukot mire anda mianğöreŋ nanŋi miriŋi esiba sömbupurupŋi yeŋgöra koumŋi koumŋi qeyök. Mewögöra miri gölme mianğö qetŋi Sukot (Koumkoum) qerakze. Mewö.

¹⁸ Jeikobnöŋ mewö Mesopotemia (Padan Aram) gölme mosörök. Mosöta kaba Keinan gölmegö taon qetŋi Sekem mianğöreŋ ölopŋanök öllup kaŋgorök. Kaŋgota opo seri koumŋi taon kösutŋe gölme köröŋe möröreŋgöba kuŋguba tatket. ¹⁹ *Opo seri koumŋi gölme köröŋe kuŋguyöhi, yaŋön gölme kitipŋi mi Sekemgö iwiŋi Hamor yaŋgö nahönurupŋi yeŋgöreŋök silwö kötŋi 100 mianğön bohonŋi meyök. ²⁰ Bohonŋi memba mianğöreŋ jöwöwöl alta kun memba qetŋi “El, Israelgö bem Anutunŋi,” mewö qerök. (El bem)

34

Sekem yeŋön Daina mem bölim wanğiget.

¹ Leanöŋ Jeikobkö böratŋi Daina meyöhi, yaŋön nalö kunöŋ Keinan ambi seram enğekŋangöra anök. ² Aniga gölme mianğö azi kembuŋi Hamor yaŋön Hiwi könagesögö

* 33:19: Jos 24.32; Jon 4.5

azia malök. Yangö nahönñi Sekem yanön Daina eka mianğoreñök eksihim möta öröba mem bölim wañgiyök. ³ Sekemnön wölbötñi Jeikobkö börtatñi Dainagöra pöröraköiga jöhöba urukalemñan jöpaköm wañgiba kelök keujan jiba tutuhum wañgiba malök. ⁴ Tutuhum wañgiba mala iwiñi Hamor kewö jii mörök: “Iwini, gi ölop ambi seram ki nöngö anömna akñapköra keu nup meman.”

⁵ Nalö mianğoreñ Jeikobkö nahönurupñi yeñön gölme köröñe anda mirigö sömbupurupñini galöm köl engiba malgetka Sekemnön Daina mem böliiga iwiñi Jeikobnön börtatñangö keu buzupñi mi mewö mörök. Mi mörökmö, mi mösamböta nahönurupñan mire kañgotmegöra keu bök mamböta tarök. ⁶ Mamböta tariga Sekemgö iwiñi Hamor yanön keu nup memangöra Jeikobköreñ kayök. ⁷ Kaba tariga Jeikobkö nahönurupñan gölme köröñeyök kañgotket. Kañgota mianğoreñök yuai asuhuyöhangö kösohotñi mi kewö mötket: Sekemnön Jeikobkö börtatñi mem böliba Israel könagesö sutñine silik gamuñambuk ahök. Silik mi kude ahakñangö dop ahök. Mi möta uruñinan kömbuhiiga wösöbirik möta urupik aket.

⁸ Urupik aketmö, Hamornön kewö jii mötket: “Nahöni Sekemgö uruwölbötñangö sihimñi mi engö nenbörtatñinağoreñ mösölatiba tatza. Mianğöra ölop jim tekögetka Dainanön yangö anömñi akawak. ⁹ Ölop nembuk nenbörtaturupñini utekutek aka anğuin anda kaiga malbin. Mewö ölop qenaqena aka malbin. ¹⁰ Mewö aka ölop neñgö sutñine tata malme. Nini gölmenini ki mi qahö anğön kölbinmö, inini ölop mianğoreñ lañ anda kaba sihimñinağö dop gölme kitipñi kitipñi buña qem anğuba miriñini memba nembuk anğumnep-qanğumnep aka malbin.”

¹¹ Mewö jiiga Sekemnön Dainagö iwinenurupñi yeğöra kewö jiyök: “Nöñön engö jeñine ak-kömükömu miwikñaimangö möta qesim engizal. Mianğöra i me waigö qesim niñgimei, nöñön mi ölop engimam. ¹² Ambi bohonñi aka kalem memba kaba engimami, mianğö qötöñi mi ölop sihimñinağö dop memba öngöme. I me waigö qesim niñgimei, nöñön mi ölop engimam. Keuni kötñi ki: Enön mönö jim teköba nenbörtatñini niñgigetka nöngö anömna akña.”

¹³ Sekemnön nenñini Daina mem böliyöhangöra aka Jeikobkö nahönurupñi yeñön isimkakalek qakñe Sekem aka iwiñi Hamor melen etkiba ¹⁴ keu kewö jigetka mötket: “Azi kungö silenje Anutugö aiwesökñi qahö yandigeri, nini nenbörtatñini azi mewöñi ölop qahö wañgibin. Mewö ahinga gamumamusumnön qaknine öngöbapuk. Mianğöra nini i wañgingö osizin. ¹⁵ Inini silik mohok-kun kewö aketka neñön urumohot akin: Mutuk Anutugö aiwesökñi mi aziurupñini pakpak engö silenje yandiget teköiga nini maljin ewö akñe ewö, mönö nenbörtatñini ölop engibin. ¹⁶ Mewö aketka ölop embuk nenbörtaturupñini utekutek aka anğuin anda kaiga malbin. Mewö ölop engö sutñine tata könagesö kambu mohok aka malbin. ¹⁷ Mewö malbinmö, Anutugö aiwesökñi silenje yandibingö urumohot qahö akñe ewö, nini mönö nenbörtatñini wañgita kungen anbin.”

¹⁸ Keu mewö jigetka Hamor aka nahönñi Sekem yetkön keu mewöñi mianğöra mörohotka dop kölök.

¹⁹ Mewö mörohotka azi gwabö Sekemnön iwiñangö saiwaurupñi yeğö sutñine tosatñi engonğita qetbuña ketañi memba malök. Yangö urusihimñan Jeikobkö börtatñangöra gwötpuk ahöyöhangöra aka keu jigeri, mi wuatangömangö eksekpeksek qahö aka nalö qahö qem körü öngöyök.

²⁰ Mewö aiga Hamor aka nahönñi Sekem yetkön Sekem taongö azi alaurupñi yembuk keu jibingöra taongö nanğu kösutñe totoko sombemñine anda kewö jiyohot: ²¹ “Azi kienön nembuk ala ölopñi ak anğumakze. Mianğöra nini ölop jim teköinga yeñön neñgö gölmenön tata lañ anda kaba miriñini memba nembuk anğumnep-qanğumnep aka malbin. Yeñön gölme kitipñi memegöra tiñi gwötpuk ahöza. Nini ölop yembuk nenbörtaturupñini utekutek aka anğuin anda kaiga malbin. ²² Nini silik mohok-kun kewö ahinga azi mienön nembuk malbingö urumohot akñe: Anutugö aiwesökñi mi azi mienğö silenje

yandiget ahözawi, mianğö dop mi mutuk körek neñgö silenine mewöyök yandiin teköiga nini ölop yembuk könagesö kambu mohot aka malbin.

²³ “Mewö ahinga yeñgöreñ mirigö sömbup kambuñini aka sukinap yuainini pakpak mi mönö nanini buñaya akñe. Mianğöra keu jigeri, mi ölop möta imbi kölinga yeñön neñgö sutnine tatat dundumñini miwikñaiba malme.”

²⁴ Mewö jiyohotka taongö kiripo nanğunje kaba tokogeri, yeñön körek Hamor aka nahönñi Sekem yetkö keugöra urumohot aka jigetka Anutugö aiwesökñi mi Sekem taongö azi pakpak yeñgö silenine yandim teköget.

²⁵ Yandim tekögetka wehön 3:ñi aiga mianğöreñ uziñinañgö sihimbölöñi mi tok toroqeba möta tatketka Jeikobkö nahönñi yahöt Simeon aka Liwai, Dainagö nenyahötñi yetkөн bimgö souñiri ketañi memba taon mianğöreñ sanğabañga anda tihitñini qahö möta tatketka wölañ bim qeba azi pakpak qaurapañ enguyohotka kömum teköget. ²⁶ Hamor aka nahönñi Sekem mi mewöñanök bimgö sou ketañan etkuyohotka kömuyohot. Kömuyohotka Sekemgö mireyök nenñiri Daina mi öröba eta wañgita anohot.

²⁷ Mewö ahotka Jeikobkö nahönurupñan Sekemnöñ nenñini mem bölim wañgiyohañgöra aka taonöñ kinkingöba anda azi qamötñini engeka taongö sukinap yuaini kiom qeba yoñgorö meget. ²⁸ Lama, meme, bulmakau aka doñki kambuñi kambuñi aka öryuainini pakpak taon uruñe aka gölme köröñe ahögeri, mi pakpak kalöpköba mem teköget. ²⁹ Sukinap yuainini pakpak otonda ambimoröurupñini körek enguangita miriñine yuainini tosati ahöyöhi, mi mönö kölolohoba kiom qeba yoñgorö memba tököba anget.

³⁰ Mewö aketka Jeikobnöñ Simeon aka Liwai kewö jii mörohot: “Inñiri mewö ahotka kahasililij ketanañgö keuñan mönö nöngö qakne öngöiga malmam. Gölme kianğö tonji Keinan könagesö aka Periz könagesö yeñön mönö kazik möt niñgiba malme. Nöngö könagesöni nini awamdökñi maljin. Mianğöra yeñön yarö aziurupñini tokom engiba qetala bim yarö gil niñgime ewö, yeñön mönö ölop qaurapañ nuñguba ni aka könagesöni ayuhum neñgime.”

³¹ Jeikobnöñ mewö jii mörohotmö, yetkөн keu kewö jiyohot: “Kunöñ neñgö nenini köna ketañi ambi tandök ak wañgiyöhi, nini mönö mianğö likepñi melenj engiinga dop kölja. “Mewö.

35

Jeikobnöñ Betel ani Anutunöñ kötuatköm wañgiyök.

¹ Anutunöñ Jeikob keu kewö jii mörök: “Gi mönö wahöta Betel mire anda tatat dundumgi miwikñaiba mianğöreñ Anutugöra jöwöwöl alta kun meman. Datki Isogöra ölöñ köla anöñga Anutunöñ nalö mianğöreñ asuhum gihiyöhi, mönö yañgöra alta mi meman.”*

² Mewö jii möta Jeikobnöñ saiwañi aka ambazip pakpak yambuk malgeri, i kewö jim kutum engiyök: “Lopionj bem yuai tömbuñi sutñine ahözei, mi mönö qeköba gilget geiga köl könjörat mem anğuba silenini sanğonda opo malukuñini uteköme. ³ Ni könjilij uruñe mala Anutu köuluköbiga melenj niñgiyök aka denike denike anda kaba malali, yañön mianğöreñ nömbuk mala korök. Mianğöra inñini mönö kagetka Betel mire anbin. Nöñön mianğöreñ Anutugöra jöwöwöl alta kun memam.” ⁴ Mewö jim kutum engiiga böröñine lopionj yuai tömbuñi pakpak ahögeri aka kezapñine jenjenj möndögeri, mi qeköba kölolohoba Jeikob wañgiget. Wañgigetka anda in ip kun Sekem mire kinöhi, mianğö könañe gölmenöñ esim löm kölök.

⁵ Mewö aka wahöta angetka taonñi taonñi liliköba tatkeri, Anutunöñ könagesöñini miengö uruñini kuñguiga waekanjam möta elemñini eri Jeikob aka nahönurupñi mi qahö enguatanañgöget. ⁶ Mewö anda mala Jeikobnöñ könagesöñi pakpak yambuk malgeri, mi enguangita Luz mire angotket. Luz qetñi alañi Betel mi Keinan gölmenöñ ahöza.

* 35:1: Jen 28.11-17

⁷ Mianğoren anğota Jeikobnön jöwöwöl alta kun meyök. Datnangöra ölöñ köla anöhi, nalö mianğoren Anutunön gölme mianğoren asuhum wanğiyök. Mianğora Jeikobnön miri gölme mianğö qetñi El-Betel qerök. (El-Betel Betelgö Bemñi.) ⁸ Betel mianğoren malgetka Rebekagö welen ambiñi Debora yañön kömuyök. Kömuiga Betel miri bapñe qerema ip kungö kónañe löm kölget. Jingen qeta sahötkerangöra aka qerema ip mianğö qetñi Jingen sahötkö qeremañi mewö qetket.

⁹ Jeikobnön Mesopotemia (Padan Aram) gölmenöhök lilingöba kaiga Anutunön kunbuk asuhum wanğiba kötuetköm wanğiyök. ¹⁰ Kötuetköm wanğiba kewö jii mörök: “Göhö qetki Jeikob (tilipqilip azi) qerakzemö, mewö toroqeba kude qeta malme. Merak kónahiba öngöba qetki mi Israel ahöma. “Kembunön mewö jiba qetñi Israel qerök. (Israel Anutubuk aum-möriyohot.)”*

¹¹ Qetñi mewö qeta toroqeba Jeikob kewö jii mörök: “Nönön Anutu kukösum pakpakö Tonj akzal. Gi ölop ahumsehip aknonga gwölönarökurupki yengö qötöñinan mönö qarim öngöma. Göhöreñök kónagesö gwötpuk aka kónagesö kambuñi kambuñi asuhume. Gi kiñi kiñi yengö bömön jalöñina akñan. ¹² Nönön gölme Abraham aka Aisak buña qem etkiali, mi mönö göhö buñaya qemam aka göhö andöge gwölönarökurupki yengö buñaya mewöyök akñapköra mi qemam.”*

¹³ Anutunön keu mewö jii möriga Jeikob mosöta miri mianğoreñök öngöyök. ¹⁴ Anutunön keuñi jii mörohi, Jeikobnön gölme mianğoren mötök köt kun memba wahöta kuñguba mi wain o nalukñan miriba mianğö qakñe oil ipkö kelökñi mokoï geyök. ¹⁵ Anutunön yambuk keu jiyöhi, Jeikobnön miri gölme mianğö qetñi Betel (Anutugö miriñi) qerök. Mewö.*

Reizölnön kömuyök.

¹⁶ Mianğö andöge Jeikobnön saiwaurupñi enğuangita Betel miri mosöta anda mala Efrata miri dopdowigetka Reizölgö morö meme nalöñan kam kuñguiga masö keta bölökñi qeyök. ¹⁷ Masö qönsihimñambuk ketanjan qeyöhi, nalö mianğoren anjö meme ambinön keu kewö jii mörök: “O Reizöl, kenğotki kude mötnön. Gi mönö nalö kewöñe mewöyök morö azia kun kunbuk meman.”

¹⁸ Mewö jiiga morö memba kömumangö aka timotñi mem kuñgui ahöba qetñi mianğora Benoni qerök. (Benoni sihimbölönanğö nahöni) Mewö qerökmö, iwiñan qetñi Benjamin qerök. (Benjamin Simbawon nahöni)

¹⁹ Reizölnön mewö kömuiga Efrata köna töwokñe Betlehem mianğoren löm kölget. ²⁰ Löm kölgetka Jeikobnön mötök köt kun memba Reizölgö qaksirinön kuñguyök. Reizölgören mötök köt mi nalö kewöñe mewöyök toroqeba kinja.

²¹ Mewö asuhuiga Israelnön miri mi mosöta toroqeba anda mala Eder miri * köröpnangö likepñe anğota opo seri koumñi mianğoren mörörengöba kuñguyök. Mewö. ²² *Jeikobkö saiwaurupñi yengö gölme mianğoren tata mala nahönñi mutukñi Ruben yañön iwiñangö anömñi bohonñi qahö memeni Bilha yangören anda mohotñe ahöyohotka iwiñi Israelnön mianğö buzupñi mörök.

Jeikobkö nahönurupñi

1 Hist 2.1-2

²³ Jeikobkö nahönurupñi 12 mi kewö: Leagö nahönurupñi Ruben mi Jeikobkö nahönñi mutukñi. Yangö andöge Simeon, Liwai, Juda, Isakar aka Sebulun. ²⁴ Reizölgö nahönyahötñi qetñiri Josef aka Benjamin. ²⁵ Bilha Reizölgö welen ambigö nahönyahötñi mi Dan aka Naftali. ²⁶ Zilpa Leagö welen ambigö nahönyahötñi mi Gad aka Aser. Jeikobkö nahönurupñi mewö mi Mesopotemia (Padan Aram) gölmenön asuhuget. Mewö.

* **35:10:** Jen 32.28 * **35:12:** Jen 17.4-8 * **35:15:** Jen 28.18-19 * **35:21:** der lama kambugö jegalöm meme miri köröpñi * **35:22:** Jen 49.4

Aisaknöj kömuyök.

²⁷*Jeikobnöj anda mala Kiriya Arba (qetji alani Hebron) miangö kösutje Mamre mire iwiñi Aisaköreñ angorök. Asani Abraham aka iwiñi Aisak yetkön mutuk gölme miangöreñ kian aka malohot. ²⁸Iwiñi Aisakö malmal nalöñi mi yambu 180 aiga kömuyök. ²⁹Azi namñi aiga yambuñan öliiga nöj qeba kömumba amböskonurupñi yengöreñ toroqeyök. Nahönyahötñi Iso (Esau) aka Jeikob yetkön qamötñi mi löm kölohot. Mewö.

36*Isogö gwölönarökurupñi**1 Hist 1.34-36*

¹Iso qetji alani Edom yangö gwölönarökurupñi yengö qet areñini kewö: ²Isonöñ Keinan ambi karöbut engimeyöhi, mienjö qetjini kewö: Ada mi Hit azi Elon yangö böratña, Oholibama mi Hiwi azi Zibeongö nahönñi Ana yangö böratña.* ³Basemat mi Ismaelgö böratñi Nebaiotkö nenñi.* ⁴Adanöñ Isogö nahönñi Elifaz meiga Basematnöñ yangö nahönñi Reuel meyök. ⁵Oholibamanöñ Jeus, Jalam aka Kora engömeyök. Isogö nahönurupñi mewö mi Keinan gölmenöñ asuhuget.

⁶⁻⁷Jeikob aka Iso yetköreñ mirigö sömbup kambuñi kambuñi gwötpuk ahögerangöra gölme kiana malohori, mianön qahö dop kölok. Sukinapñiran keta bölökñi aiga mohotje tata malbingö osiget. (6) Miangöra Isonöñ anömurupñi, nahönbörorupñi aka könagesöurupñi pakpak yangö mire malgeri, mi enguangirök. Mi enguangita lama bulmakau kambuñi kambuñi, donki kamelurupñi aka sukinap yuaini pakpak Keinan gölmenöñ mala miwikñaiyöhi, mi memba munñi Jeikob mosöta gölme kunöñ anök. ⁸Iso qetji alani Edom yanön mewö aka Seir gölme kundunambuk miangöreñ anda malget.

⁹Isonöñ Seir gölme kundunambuk miangöreñ mala Edom könagesö yengö bömön jalönjini ahöhi, yangö gwölönarökurupñi yengö qet areñini kewö: ¹⁰Isogö nahönurupñi yengö qetjini kewö: Anömñi Ada yangö nahönñi qetji Elifaz. Anömñi Basemat yangö nahönñi qetji Reuel. ¹¹Elifazkö nahönurupñi 5 mi Teman, Omar, Zefo, Gatam aka Kenaz. ¹²Isogö nahönñi Elifaz yangö anömñi bohönñi qahö memeni qetji Timna yanön Elifazkö nahönñi Amalek meyök. Isogö anömñi Ada yangö isi aziurupñi mi mewö. ¹³Reuelgö nahönurupñi 4 mi Nahat, Zera, Sama aka Miza. Isogö anömñi Basematkö isi aziurupñi mi mewö.

¹⁴Isogö anömñi Oholibama yanön Isogö nahönurupñi karöbut engömeiga qetjini Jeus, Jalam aka Kora qetket. Oholibama mi Zibeongö nahönñi Ana yangö böratñi ahök.

¹⁵Isogö gwölönarökurup kambuñi kambuñi yengö azi kembuñini mi kewö: Isogö nahönñi mutukñi Elifaz yangö nahönurupñi mi azi kembu qetjini Teman, Omar, Zefo, Kenaz, ¹⁶Kora, Gatam aka Amalek. Elifazkö gwölönarökurupñi azi kembu Edom gölmenöñ asuhugeri, mi mewö. Mi Isogö anömñi Ada yangö isiurupñi aket.

¹⁷Isogö nahönñi Reuel yangö nahönurupñi mi azi kembu qetjini kewö: Nahat, Zera, Sama aka Miza. Reuelgö gwölönarökurupñi azi kembu Edom gölmenöñ asuhugeri, mi mewö. Mi Isogö anömñi Basemat yangö isiurupñi aket.

¹⁸Isogö anömñi Oholibama yangö nahönurupñi mi azi kembu qetjini kewö: Jeus, Jalam aka Kora. Azi kembu mi Isogö anömñi Oholibama, Anagö böratñi yangö nahönurupñi aket. ¹⁹Iso (Esau) qetji alani Edom yangö nahönurupñi mewö aka yengö könagesöurup mienjö azi kembuñini mi mewö.

*Seir könagesögö qet areñi**1 Hist 1.38-42*

²⁰Hor könagesögö azi Seir yangö nahönurupñi mutuk Edom gölmenöñ malgeri, yengö qetjini kewö: Lotan, Sobal, Zibeon, Ana, ²¹Dison, Ezer aka Disan. Seirgö nahönurupñi

* 35:27: Jen 13.18 * 36:2: Jen 26.34 * 36:3: Jen 28.9

mi mutuk Edom gölmenöŋ Hor könagesö yeŋgö azi kembuŋina malgetka Isonöŋ könäŋgep kayök.

²² Lotangö nahönyahötŋi yahöt mi qetŋiri Hori aka Heman. Lotangö nenni qetŋi Timna.

²³ Sobalgö nahönurupŋi qetŋini kewö: Alwan, Manahat, Ebal, Sefo aka Onam.

²⁴ Zibeon yaŋgö nahönyahötŋi yahöt qetŋiri Aia aka Ana. Anagö kösohotŋi kewö: Yaŋön iwiŋi Zibeongö donkiŋi gölme qararaŋkölkölŋe galöm köl eŋgii nene jaruba negetka miangöreŋ o jeŋi jeŋi könöpŋinambuk miwikŋaiyök. ²⁵ Anagö nahönböratyahötŋi yahöt mi nahönŋi Dison aka böratŋi Oholibama. ²⁶ Disongö nahönurupŋi qetŋini kewö: Hemdan, Esban, Itran aka Keran.

²⁷ Ezergö nahönurupŋi qetŋini kewö: Bilhan, Zawan aka Akan.

²⁸ Disangö nahönyahötŋi yahöt qetŋiri Uz aka Aran.

²⁹ Hor könagesöŋi könagesöŋi yeŋgö azi kembu-urupŋini yeŋgö qetŋini mi Lotan, Sobal, Zibeon, Ana, ³⁰ Dison, Ezer aka Disan. Hor könagesöŋi könagesöŋi yeŋgö azi kembu-urupŋini mi areninaŋgö dop Seir gölmenöŋ mewö malget. Mewö.

Edom yeŋgöreŋ kiŋ kembu areŋi

1 Hist 1.43-54

³¹ Israel könagesö yeŋgöreŋ kiŋ kembu kun qahö galöm köl eŋgiiga qeljiŋe nalö miangöreŋ kiŋ kembu kewöŋan lök Edom gölme miangöreŋ galöm köl eŋgiba malget:

³² Beorgö nahönŋi Bela yaŋön Edom yeŋgö kiŋ kembuŋini ahök. Yaŋgö sitiŋaŋgö qetŋi Dinhaba.

³³ Belanöŋ kömuiga Bozra mirigö azi qetŋi Jobab, Zeragö nahönŋi yaŋön Belagö salupŋe kiŋ aka malök. ³⁴ Jobabnöŋ kömuiga Teman gölmegö azi qetŋi Husam yaŋön salupŋe kiŋ aka malök. ³⁵ Husamnöŋ kömuiga Hadad, Bedadkö nahönŋi yaŋön salupŋe kiŋ aka malök. Hadadnöŋ Moab gölmenöŋ anda Midian azi yembuk yarö gila eŋguba luhut alök. Yaŋgö sitiŋaŋgö qetŋi mi Awit. ³⁶ Hadadnöŋ kömuiga Masreka mirigö azi qetŋi Samla yaŋön salupŋe kiŋ aka malök.

³⁷ Samlanöŋ kömuiga Saul yaŋön salupŋe kiŋ aka malök. Yaŋgö miriŋi Rehobot mi Yufreitis o töwatŋaŋgö kösutŋe ahöyök. ³⁸ Saulnöŋ kömuiga Balhanan, Akborgö nahönŋi yaŋön Saulgö salupŋe kiŋ aka malök. ³⁹ Akborgö nahönŋi Balhanan kömuiga Hadarnöŋ salupŋe kiŋ aka malök. Yaŋgö sitiŋaŋgö qetŋi mi Pau. Anömŋaŋgö qetŋi Mehetabel. I Matredgö böratŋi aka Mezahabgö isiŋi malök.

⁴⁰ Isogö gwölönarökurupŋi yeŋgö azi kembu qet areŋi mi isikŋinaŋgö dop aka miri gölmeŋinaŋgö dop kewö ahök: Timna, Alwa, Jetet, ⁴¹ Oholibama, Ela, Pinon, ⁴² Kenaz, Teman, Mibzar, ⁴³ Magdiel aka Iram. Azi mi Edom könagesögö azi kembu-urupŋina malgetka qetŋinaŋgö dop miri gölmeŋinaŋgö qetŋini qetket. Edom qetŋi alaŋi Iso yaŋön mutuk gölme memba tata mala Edom könagesögö bömön jalöŋi ahök. Mewö.

37

Josef aka darumunurupŋi

¹ Aisaknöŋ Keinan gölmenöŋ kian aka maliga nahönŋi Jeikobnöŋ miangöreŋ toroqeba malök. ² Jeikobkö gwölönarökurupŋi miengö kösohotŋini kewö: Josefnöŋ azi gwabö yambuŋi 17 aiga darumunurupŋi, iwiŋaŋgö anömyahötŋi bohönŋiri qahö memenŋi Bilha aka Zilpa yetkö nahönurupŋi yembuk lama aka meme (noniŋ) kambuŋi kambuŋi galöm köl eŋgiba malget. Mewö mala darumunurupŋan silik akeri, miangö kösohotŋi bölöŋi bölöŋi mi iwiŋaŋgö jii möta malök.

³ Jeikobnöŋ azi namŋi aiga nahönŋi Josefnöŋ asuhuyöhi, miangöra iwiŋan i nahönurupŋi tosatiŋi pakpak eŋgoŋgita uruŋan jöpaköm waŋgiba malök. Nalö kunöŋ maluku köröpŋi ekjeritŋambuk böröŋi köröpŋi mi memba Josef waŋgiyök.

⁴ Iwiŋan i darumunurupŋi pakpak eŋgoŋgita uruŋan jöpaköm waŋgiba malöhi, yaŋgö

darumunurupñan mi eka könahiba kazik ak wañgiba yambuk ala-alagö keunji kun qahö eraum-möta malget.

⁵ Sunjem kunöñ Josefnöñ gaun kun eka miangö kösohotñi mi darumunurupñi jiiga mötket. Mi mötketka uruñinan öngöiga kazik gwötpuk ak wañgiba malget. ⁶ Kösohotñi mi kewö jiiga mötket: “Mötket, ni gaun kun ekzali, mi kewö: ⁷ Nini nupnöñ mala wit padi böranini jöhöbingö tandök akzin. Mewö ahinga nöngöreñ wit padi börani miangön wahöta köngöp kiniga engöreñ böran mienön mönö nöngöreñ böran liliköba sökoba kinje.”

⁸ Mewö jiiga möta darumunurupñan Josefköra kewö jiget: “Gi nengöreñ kinj kembuya akanak me? Gi ölna galöm köl nengimangöra mötzan me?” Josefnöñ gaunñi eka miangö kösohotñi jiyöhi, miangöra yengö uruñinan kunbuk toroqeba öngöiga kazik keta bölökñi möt wañgiba malget.

⁹ Miangö andöñe gaun kun kunbuk eka miangö kösohotñi darumunurupñi kewö jiiga mötket: “Nöñön gaun kun ekiga miangöreñ wehön, köiñ aka senjelau 11 mienön nöngöra sipköget.”

¹⁰ Kösohotñi mi iwiñi aka darumunurupñi jii mötketka iwiñan tembula kewö jim wañgiyök: “Gi gaun tandökñi mewöñi mi denöwögöra ekzane? Ni, namgi aka darumunurupki neñön mönö denöwö aka göhöreñ kaba jemesoholge simin köla gölmenöñ bamgöbinak?” ¹¹ *Mewö asuhuiga darumunurupñan uruñinan mututqutut (jelös) möt wañgiba malgetmö, iwiñan keu mi uru könömñe ali ahöiga mötmöriba malök. Mewö.

Josef bohonñi memba wañgita Ijipt gölmenöñ anget.

¹² Nalö kunöñ Josefkö darumunurupñi yeñön iwiñinangöreñ lama kambu-urupñi galöm köl engibingöra Sekem miri kösutñe anda malget. ¹³ Miangöreñ malgetka Israelnöñ Josef kewö jii mörök: “Nahöni, göhö darumunurupkan Sekem kösutñe lama kambunini galöm köl engiba maljei, mi mötzan. Ölöp kanöñga melaim gihibi yengöreñ anman. “Mewö jiiga möta “Ölöp anmam,” jiyök.

¹⁴ Jiiga kewö jii mörök: “Gi mönö anda darumunurupki aka lama kambunini engeka denöwö maljei, miangö keu kösohotñi mi memba lilingöba kaba jinöñga mötmam. “Mewö jii möri Hebron örueñeyök (ruerueñeyök) melaim wañgiiga anda mala Sekem gölmenöñ angorök.

¹⁵ Sekem gölmenöñ angota gölme köröñe köna jaruba lañ anda maliga azi kunñan miwikñaiaba eka kewö qesim wañgiyök: “Gi wani yuaia jaruba maljan?”

¹⁶ Qesim wañgiiga kewö melenök: “Ni darumunurupni yengöra jaruzal. Yeñön denikeangöreñ mala lamaurupñini galöm köl engizei, mi ölöp jinöñga mötmam.”

¹⁷ Mewö meleniga kewö jiyök: “Yeñön lök gölme ki mosöta anget. Dotan mire anbingöra jigetka möral. “Mewö jiiga möta darumunurupñi yengö könañine enguatanöba mala Dotan miri kösutñe anda miwikñaim engiyök.

¹⁸ Miwikñaim engiba kösutñine qahö angorökmö, tikep endu kaiga darumunñan i eka tokoba Josef qebingö angönañ alget. ¹⁹ Angönañ ala nanñinök kewö eraum-mötket: “Eket, gaun ehok azi miangön mönö endu kaza. ²⁰ Ayop, mönö kagetka anda qein kömuiga qamötni o lömñi kunöñ gilin geiga kewö jibin: ‘Sömbup kalñan mönö i qei kömuyök.’ Gaunñangö ölnan denöwö asuhumawi, mi mönö miangö andöñe ekin.”

²¹ Mewö eraum-mötketka Rubenöñ mi möta Josef böröñineyök meköba malmalñi jöhömangöra möta kewö jiyök: “I mönö kude qeinga kömuma.” ²² Toroqeba kewö jii mötket: “Sepñi mönö kude mokome. Gölme qararañkölkölñe o löm ki kinjawi, i ölöp miangöreñ gilgetka gemapmö, böröñinan mönö yangö silene kude misiriba qeme. “Rubenöñ Josef böröñineyök meköba angön köla wañgita iwiñangöreñ lilingöba anbitköra möta keu mewö jiyök.

* 37:11: Apo 7.9

²³ Mewö jii möta kingetka Josefnöŋ darumunurupŋi yeŋgöreŋ kaŋgorök. Kaŋgoriga malukuŋi köröpŋi ekjeritŋambuk böröŋi köröpŋi wöta kayöhi, mi laŋ öröba munjurata qeköget. ²⁴ Mi qeköba munŋini qeraköba memba anda o lömnöŋ gilgetka geyök. O löm mi oŋi qahöpmö, gwamönŋa kinök.

²⁵ Mewö aka nene nemingö eta tatket. Eta tata jeŋini uget aniga Ismael könagesögö kölköl-örörö azi tosatŋan Gilead miri mosöta kamelŋini totnöŋ totnöŋ al eŋgiba awatan kagetka eŋgeket. Yeŋön kamel qakŋine gipmi bakötök, sile mirimirigö kelökŋi aka marasin ip tokuŋi qetŋi mör gipit mi algetka bisiba Ijpt kantrinöŋ anbingöra kaget.

²⁶ Mewö eŋgeka Judanöŋ darumunurupŋi kewö jii mötket: “Nini munini qein kömuiga sepŋaŋgö keuŋi köyatiba asambötŋin ewö, miaŋön mönö denöwö bauköm neŋgibawak? ²⁷ Yaŋön nanini munini aka nanini sepkitipnini akzawaŋgöra mönö böröninan silene kude misiriba qebinmö, ölop kagetka anda Ismael azi mienöŋ i söŋgörüŋi memegöra eŋgibin. “Mewö jiiga darumunurupŋan mi möta urumohot aka imbi kölget.

²⁸ *Mewö aketka Midian gölmegö Ismael könagesögö kölköl-örörö azi mienöŋ kaba kaŋgota eŋgoŋgitpingö aket. Mewö aketka munŋini Josef mi o lömnöhök öröget koriga silwö kötŋi 20:nöŋ söŋgörüŋi memegöra al waŋgiget. Al waŋgigetka Ismael azi mienöŋ i bohonŋi memba waŋgita Ijpt kantrinöŋ anget.

²⁹ Angetka Rubenöŋ kungenök lilingöba o lömnöŋ kaiga Josefnöŋ miaŋgöreŋ kunbuk qahö kiniga eka wösöŋi juliga wösöbirikŋi kondela malukuŋi munjurarök. ³⁰ Malukuŋi munjurata munurupŋi yeŋgöreŋ lilingöba kaba kewö jiyök: “Morö gwabönöŋ mönö denike ayapköba sohoza? Yei! Miaŋgö keuŋan nöŋgö qakne öŋgöiga mönö denöwö akilenak?”

³¹ Mewö jiiga meme (noniŋ) aziŋi kun memba qeget kömuiga Josefköreŋ malukuŋi memba meme miaŋgö sepŋan kundumgöba membiliget. ³² Membiliba malukuŋi köröpŋi ekjeritŋambuk böröŋi köröpŋi mi memba mire anda iwiŋi kondela kewö jiget: “Nini ki miwikŋaizin. Mi nahöŋgi Josefköreŋa me qahö, mi ölop ek kewötman.”

³³ Mewö jigetka ek kewöta kewö jiyök: “Ki mi nahönaŋgöreŋ malukuya. Sömbup kalŋi kunŋan mönö yaijapaleleŋ qei kömuiga gwahörök. Ölna, Josef mi yöhöqöhötiiga borom-borom ahök.” ³⁴ Mewö jiba amburereŋ aka wösöbirikŋi kondela malukuŋi munjurata sileni gölmenöŋ membiliba nahönŋaŋgö nalö köröpŋi jingene köla sahöta malök. ³⁵ Mewö maliga nahönböratuŋi pakpak yeŋön kaba urukölalep mem waŋgibingö aketmö, yaŋön mi qetala tököba urukondumök möta kewö jiyök: “Qahö! Nöŋön mönö jingene köla sahöta mala kömumba uŋem mire nahönaŋgöreŋ gemam. “Mewö jiba Josefköra sahöta malök.

³⁶ Mewö maliga nalö miaŋgöreŋ Midian gölmegö kölköl-örörö azi yeŋön Josef waŋgita Ijpt kantrinöŋ aŋgota bohonŋi memegöra algetka Farao kingö jembonŋi kun qetŋi Potifar, kingö malmalŋaŋgö sikiriti yeŋgö suahö galömnina malöhi, yaŋön i söŋgörüŋi meiga welenqeŋeŋi omani ahök. Mewö.

38

Juda aka Tamar

¹ Nalö miaŋgöreŋ Judanöŋ darumunurupŋi eŋgömosöta yagömanŋe Adulam mire geba azi kun qetŋi Hira yambuk tata malök. ² Miaŋgöreŋ mala Judanöŋ Keinan azi kun qetŋi Sua yaŋgö böratŋi eka anömŋa meiga mohotŋe ahöyohot. ³ Mohotŋe ahöyohotka anömŋan gölöm ala morö nahön memba qetŋi Er qerök. ⁴ Mewö qeta kunbuk gölöm ala morö nahön kun memba qetŋi Onan qerök. ⁵ Miaŋgö bapŋe dumŋe kunbuk morö nahön kun memba yaŋgö qetŋi Sela qerök. Morö nahön mi Kezib mire mala miaŋgöreŋ meyök.

⁶ Mewö malgetka Judanöŋ nahönŋi mutukŋi Er yaŋgöra ambi kun qetŋi Tamar waŋgiiga anömŋa ahök. ⁷ Anömŋa ahökmö, Judagö nahönŋi mutukŋi Er yaŋön Kembugö

* 37:28: Apo 7.9

jeje bölöni aka memba malöhi, miangöra Kembunöni jim teköm wanjiiga kömuyök. ⁸ Kömuiga Judanöni nahönni Onangöra kewö jiyök: “Gi ölop datkahö malöni memba qambötöni akzanangö köna keunji wuatangöba yambuk ahöba datkahöra gwölönarök qiwiknaiman.”

⁹ Mewö jiyökmö, Onanöni gwölönarök mi yangö bujaya qahö aknawi, mewö möta silik kewö aka malök: Datnangöra gwölönarök qiwiknabapuköra yangö anöm malönambuk ahöba malöhi, nalö miangören nalö dop morö qiwiknawigö sile onji mi öne gölmenöni qokoba malök. ¹⁰ Silik mewö aka malöhi, mi Kembangö jeje bölöni ahök. Miangöra Kembunöni i mewöyök jim teköm wanjiiga kömuyök. ¹¹ Kömuiga Judanöni iranji Tamargöra kewö jiyök: “Gi mönö iwigahö mire lilingöba anda malöya mala malnonga nahöni Selanöni qariba ketani akagun gi gömima. “Keñgötöni kewö mötmöriba mewö jiyök: Selagö datyahötöni kömuyohotka yanön miangö dop mala mewöyök kömumbapuk. Mewö mötmöriba Tamargöra jiiga iwinangö mire lilingöba anda miangören tata malök.

¹² Miangören tata maliga nalö köröni teköiga Suagö boratni, Judagö anömni yanön kömuyök. Kömuiga jinjen köla sahöta mali teköiga Judanöni miri gölme qetöni Timna miangören azi tosatöni nanji lamaurupni yengö jupöni mitigeri, i engekangöra öngöyök. Adulam mirigö azi alanji Hira yambuk mohotöni miangören öngöyohot. ¹³ Öngöyohotka Tamargöra buzup kewö jigetka mörök: “Mötnöni, göhö azi irangan mönö lamaurupni yengö jupöni mitimangöra aka Timna miri gölmenöni anja.”

¹⁴ Mewö jigetka mörök. Judagö nahönni Selanöni lök qariba ketani aiga töndup i anömni aknapköra qahö wanjiyök. Miangöra Tamarnöni malö malmangö malukuji qeköba nörop kawösenöni nörop jeji esuhuba turum anguyök. Mewö aka Timna anangö könanöni anda taon qetöni Enaim miangören anggota kiripo nanju kösutöni tarök.

¹⁵ Tariga Judanöni kaba eka jemesoholöni esuhuyöhangöra i qahö ek kutuba mi köna ketani ambia mewö mötmöriyök. ¹⁶ Iranja taröhi, mi qahö möt kutuyöhangöra aka köna jite yangören anda kewö jiyök: “Ölop kanönga nöñön göbuk ahöbit. “Mewö jiiga möta kewö qesiyök: “Nömbuk ahömanangö töwanji mönö wani yuaia ningiman?”

¹⁷ Mewö qesiiga kewö jiyök: “Ni nani kambunöhök meme moröni gwaböni kun albi göhören kama. “Mewö jiiga kewö qesiyök: “Mi mutuk qahö kaba kanjoriga keugahö ölni aknawangö yuai kun mi ningiman me qahö?”

¹⁸ Mewö qesiiga kewö jiyök: “Nöngö keunangö ölni aknawangö yuai kun mi mönö wani yuaia gihibilek?” Mewö jiiga kewö melenök: “Köpep supapkan qetki mekötahömakzani, mi, miangö kösö wötöni aka öröpki börögan memba kinjani, mönö mia ningiman. “Mewö meleniga yuai mi wanjiba yambuk ahöiga gölöm alök. ¹⁹ Yambuk ahöba wahöta mirine anda nörop kawöseni lulunda qeköba malö malmangö malukuji mi kunbuk löngöta malök.

²⁰ Mewö maliga Judanöni nalö kunöni Adulam mirigö azi alanji Hira melaiba kewö jiyök: “Gi mönö meme (noni) moröni gwaböni memba anda ambi mi wanjionga nöngö keunangö ölni aknawangö yuaini mi melen gihiga memba kaman. “Nup mewö memapköra Hira melaiiga anökmö, Hiranöni ambi mi qahö miwiknaiyök. ²¹ Qahö miwiknaiba Enaim azi tosatöni kewö qesim engiba jiyök: “Jöwöwöl jikegö köna ketani ambinöni Enaim kiangören köna göraje taröhi, mi denike?” Mewö jiiga kewö melenja jiget: “Ambi mewöni kun mi kiangören qahö malök.”

²² Mewö jigetka Hiranöni öne lilingöba Judagören kaba jiyök: “Nöñön anda ambi mi qahö ehal. Miri miangö toji yanön mewöyök keu kewö jigetka möral: ‘Jöwöwöl jikegö köna ketani ambinji kun mi kiangören qahö malök.’ ”

²³ Mewö jiiga Judanöni kewö jiyök: “O alani, muat! Yanön yuai mi ölop memba malma. Yuai kun akirak, mönö gön köl netkigetka gamunöni turum netkibapuk. Nöñön meme moröni gwaböni ki mi ölop albiga anökmö, göñön ambi mi qahö miwiknainöni.”

²⁴ Mewö jiiga köiņ karöbutkö dop teköiga tosatņan Judagöra buzup keu kewö jigetka mörök: “Göhö irangi Tamarnöņ mönö serowilin aka gölöm ala malja. “Mewö jigetka Judanöņ mi möta Mosesgö köna keugö dop jimkutukutu kewö alök: “I mönö waņgita örörahöba könöpnöņ gilgetka geba jema.”

²⁵ I waņgita örörahöba angetka irannan Judagöra keu kewö aliga anök: “O irani, yuai kiengö toņan mönö nömeiga gölöm ala maljal. Miangöra köpöp supap ki, miangö kösö wötņi aka öröp ki mönö ek kewöta toņi miwikņaiman.”

²⁶ Keu mewö ali aniga möta nanņi yuaiņi mi ek kewöta kewö jiyök: “Yaņön keu mi ölna jiza. Nöņön i nahöni Selagö anömņi akņapköra qahö waņgial. Miangöra yaņön mönö ni noņgita ambi diņdiņi aka keu mi jiza. “Mewö jiba ambi miambuk kunbuk qahö ahöyök.

²⁷ Könaņgöp morö memangö nalöņan kam kuņguiga morö gösöņangö uruņe siwisiwi azi moröņi yahöt tarohot. ²⁸ Tarohotka morö memangö aiga kunöņ böröņi suluiga erök. Eriga anjö meme ambinöņ mi eka möt kösö pisikņi pötpöt memba böröņe jöhöba kewö jiyök: “Yaņön mutuk asuhuza.”

²⁹ Mewö jiyökmö, morö mianöņ böröņi kunbuk öröi öngöiga alañan mutuk asuhuyök. Yaņön asuhuiga anjö meme ambinöņ kewö jiyök: “O mönö mewö aka könagi munjurata asuhuzan. “Mewö jiiga qetņi Perez qetket. (Perez Könaņi munjuratza.) ³⁰ Miangö andöņe alañangö böröņe möt kösö pisikņi pötpöt ahöyöhi, yaņön asuhuiga qetņi Zera qetket. (Zera pisikņi pötpöt) Mewö.

39

Josef aka Potifargö anömņi

¹ Nalö sutņe miangören Ismael könagesögö kölköl-örörö azi yeņön Josef waņgita Ijpt kantrinöņ aņgota bohonņi memegöra alget. Algetka Ijpt azi kun qetņi Potifar, Farao kingö jembonņi kun aka malmalņangö sikiriti yeņgö suahö galömnina malöhi, yaņön i söņgöröņi meiga welenqeqeņi omanı ahök.

² Mewö aka maliga Kembunöņ Josefpuk kiniga yuai pakpak aka memba malöhi, miangören mönö töhötmöriam miwikņaiyök. Yaņön toņi Ijpt azi yaņgö mire malök.*

³ Mewö maliga Kembunöņ Josefpuk kinda kondot waņgiiga yuai pakpak böröņan memba malöhi, mianöņ mönö töhötmöriamņambuk ahök. Mewö aiga toņan mi ehök. ⁴ Toņan mi ehi ölop dop köliga yaņgö jeņe eksihim miwikņaiiga jiiga nanņi malmalņangö galömņi ahök. Potifarnöņ Josef kuņgum waņgiiga miriņangö yuai pakpak galöm köliga sukinap buņaņi pakpak yaņgö böröņe aliga köyan köla malök. ⁵ Miriņangö yuaiņi aka sukinap buņaņi mi pakpak Josefnöņ galöm kölmapköra böröņe ala malöhi, Kembunöņ nalö miangörenök könahiba Ijpt azi miangö miri yuaiņi mi Josefköra aka kötuetsköba malök. Potifargö miriņe aka nupņe öröyulaiņi pakpak ahöyöhi, mi mönö kötumötuet qakņe ahöyök. ⁶ Mewö ahöiga Potifarnöņ öröyulaiņi ahöm waņgiyöhi, mi pakpak Josefkö böröņe al teköba kinda nanņak i me wai miangö waimanjatņi kun qahö mörök. Yaņön nene nemangöra mohot mötkurumkurum aka malök. Josefkö silenı öndölböndöl qariiga kaisoņgolomņan eksihimņambuk ahöiga malök.

⁷ Mewö maliga nalö tosatņi teköiga Potifargö anömņan Josef eka eksihimņi möta kewö jiyök: “Gi mönö kanöņga nömbuk ahöbit.”

⁸ Mewö jiyökmö, yaņön mi tököba toņangö anömņi kewö jii mörök: “Qahö! Mötnöņ, toni nanņak miriņe öröyulai ahözawaņgö waimanjatņi qahö ahakzapmö, sukinap buņaņi pakpak mi mönö nöņön galöm köla malmangöra nöņgö böröne al teköiga ahöza.

⁹ Mewö ahöiga miri kiangö uruņe i aka ni netkö kukösumniran mönö öröröņ ahöza. Göņön anömņi akzanaņgöra gi aņgön köl niņgiyökmö, yuai tosatņi kun mi nöņgöra qahö aņgön kölök. Miangöra nöņön denöwögöra aka ahakmeme bölöņi kötökņi mewöņi mi aka mianöņ Anutu qetala siņgisöndok akilenak?” ¹⁰ Mewö jii möta keu mewöņi mi wehön

* 39:2: Apo 7.9

dop Josefköra jiba malökmö, yañon töndup mi qetala mala yañgö ahöahö dumnöñ anda yambuk ahöbitkö imbi qahö kölöc. Mewö yambuk mohotje malbitkö mewöyök tököyök.

¹¹ Mewö tököba maliga wehön kunöñ mirigö welenqequeurupñi yengöreñök kunjan miri uruñe qahö maliga Josefnöñ nupñi jijiñi memamgöra miri uruñe öngöyök. ¹² Öngöiga ambi mianön Josefkö malukuñe qelanjiba memba kewö jiyök: “Gi mönö kanöñga nömbuk ahöbit. “Mewö jiyökmö, Josefnöñ malukuñi mi yañgö böröñe mosöta ölöñ köla diñdingöba sombemnöñ silenje erök. ¹³ Malukuñi yañgö böröñe mosöta ölöñ köla sombemnöñ eröhi, ambi mianön mi ehök.

¹⁴ Mi eka mirigö welenqequeurupñi engoholi kagetka yengöra kewö jiyök: “Mötket, apnan Hibru azi mi wañgita mirinine kayöhi, yañon mönö göngönahit ak neñgiba malja. Yañon nömbuk ahöbitköra nöngöreñ kotzappmö, nöñon qet gigilahözal. ¹⁵ Qet gigilahöbiga möta malukuñi nöngö wösöne mosöta ölöñ köla diñdingöba silenje geza.”

¹⁶ Mewö jiba Josefkö malukuñi kösutje ali ahöi Josefkö toñan lilingöba kamapkö mamböta tari kayök. ¹⁷ Kaiga kösohotñi mewöyöhök jii möriga kewö jiyök: “Hibru welenqeque azi mi wañgitonöñga neñgöreñ kayöhi, yañon mönö nömbuk göngönahit akñamgöra nöngöreñ kotza. ¹⁸ Kotzappmö, nöñon qet gigilahöbiga möta malukuñi nöngö wösöne mosöta ölöñ köla diñdingöba silenje geza.”

¹⁹ Mewö jiiga Josefkö toñan anömñan kösohot mewö jii möriga kewö jiyök: “Göhö welenqepegan mönö mewö ak niñgiza. “Mewö jii möta irimñi seholiiga uruñi könöp jeyök. ²⁰ Uruñi könöp jeiga jiiga Josef memba Farao kiñgö kösö mirinöñ azi galöm köñ engiba malgeri, mönö kösö miri miangöreñ alget geba ahöba malök. ²¹ Josefnöñ kösö miri miangöreñ malökmö, Kembunöñ Josefpuk kinda kötuetsköba ak kömum wañgiba mali kösö mirigö galöm bohonñan mi eka yañgöra eksihim mörök.* ²² Eksihim mörohəñgöra azi pakpak kösö mire tatkeri, mi Josefnöñ galöm köñ engimapköra yañgö böröñe al engiyök. Yuai pakpak miangöreñ aka memba malgeri, mi Josefnöñ jim kutum engiyöhəñgö dop aka memba malget.

²³ Kembunöñ Josefpuk kinda kötuetsköm wañgiba kondoriga yuai pakpak aka memba malöhi, mi töhötmöriamñambuk asuhuba ahöyök. Miangöra kösö mirigö galöm bohonñan Josefnöñ yuai pakpak denöwö galöm köla jim kutum engiba malöhi, miangö waimanjatñi kun qahöpmañöp möta malök. Mewö.

40

Josefnöñ azi yahöt yetkö gaunñirañgö könañi jiyök.

¹ Nalö tosatñi teköiga Ijptkö kiñ kembuñangö wain o qambigö galömñi aka bered ohohogö galömñi yetköñ ketañamñiri Ijptkö kiñi qetala köna siñgiyohot. ² Mewö ahotka Farao kiñnöñ jembonñi yahöt, wain o qambigö galömñi bohonñi aka bered ohohogö galömñi bohonñi yetköra aka irimñi seholiyök. ³ Irimñi seholiiga jiiga etkuangita kiñgö malmalñangö sikiriti yengö suahö galömñinañgö kösö mire yañgö böröñe al etkigetka geyohot. Josefnöñ kösö miri miangöreñök malök. ⁴ Sikiriti yengö suahö galömñinan Josef jim kutum wañgiiga i welen qem etkiba malök. Mewö maliga nalö tosatñi toroqeba kösö mire malget.

⁵ Mewö mala malgetka Ijpt kiñgö wain o qambigö galömñi aka bered ohohogö galömñi yetköñ sunjem mohot miangöreñök gaunñiri inanñök inanñök ehot. Gaunñirañgö könañi mi inanñök inanñök. ⁶ Mi ehotka Josefnöñ söñanöhök yetköreñ öngöba etkehi urueret aka bosoliba tarohot.

⁷ Mewö tarohotka Farao kiñgö jembon yahötñi yetköñ Josefkö ketañamñangö kösö mire yambuk mohotje tarohori, i kewö qesim etkiyök: “Inñiri merak denöwögöra jeme-soholñiri wösöbirikje uba tatzahot?”

* 39:21: Apo 7.9

⁸ Qesim etkiiga kewö melenḁa jiyohot: “Niri nanḁök nanḁök gauniri ekzitmö, mietkö könaniri mi danḁon jii mötpirak?” Mewö jiyohotka Josefnöḁ kewö jiyök: “Anutunöḁ mönö gaungö könanini jiji Tonji akzapmö, ölop töndup gaunḁiri jiyohotka mötmam.”

⁹ Mewö jiiga wain o qambigö galöm bohonnaḁ gaunḁi ehöhi, miangö kösohotḁi mi Josef kewö jii mörök: “Nöḁon gauni uruḁe wain ip kun mi nöḁgö wösöne kiniga ekzal. ¹⁰ Wain ipkö böröḁi karöbut kingetka könahiba sötni jula kota kuḁguzawi, nalö miangöreḁök juranḁi kota tuliga kaḁenḁi kaḁenḁi asuḁuba öligetka ölnaḁgö kötni pisiḁize. ¹¹ Pisiḁigetka ni Farao kiḁgö qambinḁi mi böröḁan memba kinda ölnaḁgö kötni memba mözöhölbiga onḁi Farao kiḁgö qambinöḁ geiga kiḁgö böröḁe aljal.”

¹² Mewö jii möta Josefnöḁ kewö jii mörök: “Gaungahö könanḁi mi kewö: Ip böröḁi karöbut mi wehön karöbutkö söpsöpḁi akza. ¹³ Wehön karöbut teköiga Farao kiḁnöḁ göhö nöropki mem wahöta pösat gihiba kunbuk nupke al gihima. Gi mutuk yaḁgö wain o qambigö galöḁḁa mala qambi Farao kiḁgö böröḁe ala malnöḁi, miangö dop mönö kunbuk aka malman.

¹⁴ Mewö malmanmö, sösoḁgai qakḁe malmani, nalö miangöreḁ mönö ni mötmöriba ak kömum niḁgiba nöḁgö kösohotni Farao kiḁgöra jinöḁga mötma. Mewö aka bauköm niḁḁinöḁga kösö miri ki mosöta etpileḁak. ¹⁵ Mötnöḁ, ni Hibuḁ könagesögö gölmenöhök ösum-mumu qakḁe yoḁgorö noaḁgiketka kaba kianaḁgöreḁ mewöyök yuai bölöḁi kun kösö miri kianaḁgö dutḁe al niḁgieraḁgö dop mi qahö ahal.”

¹⁶ Josefnöḁ mewö jii möriga bered ohohogö galöm bohonnaḁ alaḁaḁgö gaunḁaḁgö könanḁi ölopḁi jim asariyöhi, mi eka kewö jii mörök: “Nöḁon mewöyök gauni ekiga miangöreḁ bered könde karöbut nöḁgö nöropne kunduta kazal. ¹⁷ Kaba könde qakḁe eu tatzawi, miangöreḁ bered yuai nahöḁḁinambuk könanḁi könanḁi Farao kiḁgöra ahözapmö, neiḁi neiḁi yeḁon kaḁgota könde kunduta kazali, miangöreḁök mi nem teköze.”

¹⁸ Mewö jii möta Josefnöḁ kewö melenḁa jiyök: “Gaungahö könanḁi mi kewö: Könde karöbut mi wehön karöbutkö söpsöpḁi akza. ¹⁹ Wehön karöbut teköiga Farao kiḁnöḁ jiiga liḁḁipnöḁ geriba qetohom gihiba nöropki aka qamötki mem wahöta ipnöḁ möndögetka neiḁi neiḁi yeḁon kaḁgota busugi nem teköme.”

²⁰ Mewö melenḁa jiiga wehön karöbut teköiga Farao kiḁgö ahuahu nalöḁan kam kuḁguiga jembonurupḁi pakpak i nene lömbuaḁ ohoba enḁiyök. Mi ohoba enḁiba wain o qambigö galöm bohonnaḁi aka bered ohohogö galöm bohonnaḁi yetkö nöropḁiri mi jembonurupḁi yeḁgö jeḁine memba wahörök. ²¹ Wain o qambigö galöḁḁan mutuk nupḁi memba malöhi, mi toroqeba memapköra kuḁgum waḁḁiiga dumḁe kunbuk qambi mi Farao kiḁgö böröḁe ala malök.

²² Mewö malökmö, kiḁnöḁ bered ohohogö galöm bohonnaḁgö keuḁi jim teköiga Josefnöḁ gaunḁiraḁgö könanḁi jii mörohoraḁgö dop i liḁḁipnöḁ eriba qetohoba nöropḁi aka qamötki mi mem wahöta möndöget. ²³ Miangö andöḁe wain o qambigö galöm bohonnaḁ Josef qahö mötmörim waḁḁiyökmö, i ölum qeiga laḁ malök. Mewö.

41

Kiḁnöḁ gaunḁi ehiga Josefnöḁ könanḁiri jim asariyök.

¹ Yambu yahöt teköiga Farao kiḁnöḁ gaun kun kewö ehök: Yaḁon Nail o töwatḁaḁgö göraḁe kiniga ² bulmakau döḁḁi 7 ölop sorokḁi kelök busuḁinambuk mi o töwatḁi miangöreḁök kota jejepözaḁ sutḁine kinda tembam keuḁaḁ neget. ³ Mienḁgö andöḁine bulmakau tosati 7 sihitqarambuḁinanök kaisoḁgolomḁini piromḁi mi o töwatḁi miangöreḁök kota bulmakau mutukḁi mienḁgö kösutḁine anda o töwatḁaḁgö göraḁe kinget. ⁴ Bulmakau piromḁi sihitqarambuḁinanök mienöḁ bulmakau döḁḁi ölop sorokḁi kelök busuḁinambuk 7 mi gwahöt enḁiget. Farao kiḁnöḁ gaun mi eka miangöreḁök imbiḁi möta wahörök. ⁵ Wahöta gaunḁaḁgö kunbuk möta gem anda ahöba gaun kun kewö ehök:

Wit padi ip mohotkö kembraje ölni kötñi ketanji ketanji kañgeninambuk 7 ölop kötökñi mi loñkam gili eta kinget.

⁶ Miengö andöñine ölni kañgeninambuk 7 mi kunbuk loñkam gili eta kingetka gölme qararanjökölñangö luhut könöpñan mi engohotiriiga soholiba gilipitñi (ambetakñi) aket. ⁷ Ölni morömorö kañgeninambuk mi ölni kañgeninambuk kötñini ketanji ketanji kungukunñu mi gwahöt engiget. Farao kiññöñ miangöreñök imbiñi möta wahöriiga ölni qahöpmö, mi gauna ahök. ⁸*Miri asariiga Farao kiññöñ gaunñangö mötkurumkurum möta Ijpt kantrigö tiripqözölqözöl aka mötkutukutu azi pakpak öröm engii yanğö jemesoholñe kañgotket. Kañgotketka gaun ehöhanğö kösohotñi mi jii mötketmö, körek yeñön gaunñangö könañiri mi Farao kiñğöra jim asaribingö osiget.

⁹ Osigetka wain o qambigö galöm bohonñan kinda Farao kiñ kewö jii mörök: “O kiñ, nöñön köna siñgiali, miangö keuñan döлки urune kañgoriga mötmörizal. ¹⁰ Nalö kunöñ Farao kiññöñ jembonurupñi nengöra aka irimñi seholiiga nömemba malmalñangö sikiriti yeñgö suahö galömñangö kösö mire al niñgiyök. Ni aka bered ohohogö galöm bohonñi mi nömbuk nanñi kösö miriñe al netkiiga tarit.

¹¹ “Miangöreñ tata mala netkön suñgem mohot miangöreñök gauniri inanñök inanñök ehit. Gaunirañgö könañi mi inanñök inanñök. ¹² Gauniri ekziga Hibru azi gwabö kunöñ miangöreñ netpuk malök. Yanğön sikiriti yeñgö suahö galömñangö welenqeqeñi maliga niri gauniri yanğöra jizi mörök. Yanğön gaunirañgö könañiri mi inanñök inanñök jim asarim netkiyök. ¹³ Könañiri jii möriñangö dop ölni mönö törörök kewö asuhuyök: Nöñön nupni mutuk memba malali, Farao kiññöñ ni nup miangöreñ kunbuk al niñgiyökmö, alani bered ohohogö galömñangö keuñi jim teköiga liñgipñöñ eriba qetohoba nöropñi aka qamötki mi mem wahöta möndöget.”

¹⁴ Mewö jiiga Farao kiññöñ möta Josefnöñ jemesoholñe kañgotmapköra jim kutuba tosatñi melaim engiiga anda kösö mirigö dutñeyök zilañ wañgita kaget. Kagetka jiiga nörop jupñi mitigetka opo malukuñi uteköba Farao kiñğö jemesoholñe kañgorök. ¹⁵ Kañgoriga Farao kiññöñ Josefköra kewö jiyök: “Nöñön gaun kun ekiga köreknan miangö könañi jibingö osizemö, kunöñ göhö könagi kewö jiiga mötzal: ‘Kunñan göhöra gaunñi jii möta göñön miangö könañi ölop jim asarimakzan.’ ”

¹⁶ Mewö jiiga Josefnöñ Farao kiñğöra kewö melen wañgiyök: “O Farao kiñ, nöñön qahöpmö, Anutunöñ mönö gaunğahö könañi jim asariba keu ölopñi gihiiga urugan ölöwakña.”

¹⁷ Mewö melen wañgiiga Farao kiññöñ kewö jiyök: “Nöñön gauni ekzali, miangö uruñe nanak Nail o töwatñangö görañe kinjal. ¹⁸ Miangöreñ kinbiga bulmakau dömnji 7 ölop sorokñi busuñini kelökñinambuk mi o töwatñi miangöreñök kota jöjöpözan sutñine kinda tembam keuqañ neze. ¹⁹ Miengö andöñine bulmakau tosatñi 7 sihitqarambuñinanök kaisoñgolomñini piromñi kötökñi mi o töwatñi miangöreñök kotze. Nöñön bulmakau bölöñi kötökñi mewöñi mi nalö kunöñ Ijpt gölme pakpak kiangöreñ qahö engehal. ²⁰ Bulmakau sihitqarambuñinanök kaisoñgolomñini piromñi mienñön bulmakau dömnji busuñini kelökñinambuk 7 mutuk kotzei, mi gwahöt engize.

²¹ “Mi gwahöt engizemö, mi töndup kaisoñgolomñinan gwahöt engizeañgö dop utekutek qahö aiga engekzalmö, mutuk kaisoñgolomñinan piromñi kötökñi kota kinjei, yeñön mewöñanök tok kinje. Ni gaun mewö eka imbini möta wahötzal. ²² Wahöta kunbuk ahöba gaun kun kewö ekzal: Wit padi ip mohotkö kembraje ölni kötñi ketanji ketanji kañgeninambuk 7 ölop kötökñi mi loñkam gili eta kinje.

²³ “Miengö andöñine ölni kañgeninambuk tosatñi 7 mi sötni jula kota loñkam gili eta kingetka gölme qararanjökölñangö luhut könöpñan mi engohotiriiga soholiba moröñi aka gilipitñi (ambetakñi) akze. ²⁴ Ölni morömorö gilipitñi kañgeninambuk mi ölni

* 41:8: Dan 2.2

kanjeninambuk ölop sorokni mi gwahöt enjize. Nöñön gaun yahöt mi eka tiripqözölqözöl aziurupni jibi mötzemö, yeñön körek mietkö könañiri jim asarim niñgibingö osize.”

²⁵ Farao kiñnön mewö jiiga Josefnön keu kewö jiyök: “O Farao kiñ, göhö gaunyahötki mietkö könañiri mi mohok akza. Anutunön yuai könañep akñamgö mötzawi, yañön mi Farao kiñ göhöra indelja. ²⁶ Bulmakau dömnji 7 ölop sorokni mi yambu 7:gö söpsöpni akze. Wit padi ölni kanjeninambuk ölop kötökni 7 mi mewöyöhök yambu 7:gö söpsöpni akze. Könañiri mi öröröñ aka mohok akzahot.

²⁷ “Bulmakau sihitqarambuñinanök kaisongolomñini piromni 7 könañep kotzei, mi yambu 7:gö söpsöpni akze. Wit padi ölni kanjeninambuk 7 gölme qararañkölkölnañgö luhut könöpñan enghotiriiga soholiba gilipitni (ambetakni) akzei, mi bödi (buörö) mal-malgö yambu 7 miangö söpsöpni akze. ²⁸ Anutunön yuai könañep akñamgö mötzawi, yañön mi göhöra indela kondelja. Farao kiñgöra keu dölki mewö jizali, mi mönö mewögöra aka jizal. ²⁹ O kiñ, yambu 7:gö dop nene möriam keta bölökni asuhuba Ijpt gölme pakpak dop köla ahöma.

³⁰ “Mi ahömapi, yambu 7 miengö andöñine bödigö yambu 7 asuhuba ayuayuhu ketani kondoriga Ijpt kantrinön bölima. Mianñon asuhuiga nene möriam mutuk Ijpt gölmenön ahöyöhi, mi gölme dop yeñön ölum enjum teköma. ³¹ Bödi mi köhöikni kötökni ahömawanğöra aka gölme dop ambazip yeñön nene möriamgö yambuñi 7 mutuk Ijpt gölmenön ahöyöhi, miangö keuñi mi kunbuk qahö möta malme. ³² Anutunön gaun könañi mohot mi indimni yahöt gihii ekzani, mi könañi kewögöra: Anutunön keu mi lök jöhöba jim köhöiba alök. Mi jim köhöiba alöhi, mianğöra mianñon mönö zilañ asuhuma.

³³ “Mianğöra Farao kiñ göñön ölop mötkutukutu azi kun keu törörök kewörakzawi, mi möwölöhöba kuñgunöña Ijpt kantri ki galöm köla malma. ³⁴ Mewöñanök kiap bohonni bohonni kuñgum enjinöña gölme dop köla galömñina malme. Yeñön nene möriamgö yambuñi 7 miengö uruñine nene ölninambuk Ijpt gölmenön asuhumei, mianğöra jiiga mendengetka bahöñini 5 asuhugetka miengöreñök mohot mohot memba gawmangö köwenön tokoba malme.

³⁵ “Yeñön mönö kinda jimkutukutu algetka yambu ölopni 7 asuhumei, miengö uruñine nene ölnini körek pakpak tokoba kewöta malme. Mewö aka wit padi mi Farao kiñgö köwe miriñi miriñi mianğöreñ qezaköba malme. Mi taon dop gawmangö köwe miriñi miriñi mianğöreñ qezaköba galöm köla malgetka könañepkö neneña ahöma. ³⁶ Nene mewö tokoba malmei, mi mönö gawmangö köwe miri dop galöm kölgetka kahaimök ahöiga könañep bödigö yambu 7 Ijpt gölme dop asuhumawi, nalö mianğöreñ mi ölop memba mendennda memba malme. Mewö aketka kantrigö könagesö neñön bödi miangö nalöñe nenegö qahö kömumba gororongöbin. “Mewö.

Farao kiñnön Josef Ijptkö azi kembuya kuñguyök.

³⁷ Josefnön keu mewö jiiga Farao kiñ aka jembonurupni pakpak yeñön areñ mianğöra mötket dop köliga sihimni mötket.

³⁸ Mewö mötketka Farao kiñnön jembonurupni kewö jii mötket: “Azi kiangö uruñe bem yengö unañan kini maljawi, nini i ewö azi kun ölop qahö miwikñaabin.”

³⁹ Mewö jii mötketka Josefköra kewö jiyök: “Anutunön keu areñ pakpak ki indel gihizawi, mianğöra gi ewö mötkutukutu azi keu törörök kewötpawak, mi kun qahö malja. ⁴⁰ Mianğöra göñön mönö jakömbuak mirinañgö galömni bohonni aka malman. Göñön nöngö könagesöurupni pakpak jim kutum enjinöña yeñön mönö göhöreñ keu tem köla keugi bapñe malme. Nöñön jakömbuak dum tatatnön tarakzali, miyök mötmöriba mianğöra aka gi goñgita ketanañgi aka malmam.”*

⁴¹ Mewö jiba toroqeba kewö jiyök: “Mötnön, nöñön gi Ijpt kantri pakpak kiangö azi kembuya malmangöra kuñgum gihizal.” ⁴² Mewö jiba böro kesötñañgö jenjenji mianñon

* 41:40: Apo 7.10

supap köpew ewö qetnji mekötahöba malöhi, mi qeköba Josefko börö kesötne löngörök. Opo maluku eksihimjambuk opo tuatjan memenji mi löngöt wangiba sorom goulnöj memenji kun mi memba Josefko imbiñe kölok.*

⁴³ Mewö aka hos kare qetpuk soroknji nanñi karenangö qorembiñi mi yangöra jim teköiga miangörej öngöiga hosnöj örögetka anda kaba malök. Mewö anda maliga kingö sikiriti yarö azi kunöj mutuk anda göda qem wangibingöra kewö qeri qetketka malök: “Kezap! Mönö kesalget!” Mewö ak wangiba Ijpt kantri pakpakö azi kembuya kungum wangiyök. ⁴⁴ Farao kiñnöj Josefköra kewö jiyök: “Nönön Farao kiñ akzalmö, Ijpt kantri pakpak kiangörej kunñan kun mönö göhö jitki qetala böröñi me könani mi kude mem wahötma.”

⁴⁵ Mewö jiba Josefko qetnji dölökñi (Ijpt keunöj) Zafenat-Panea qerök. Mewö qeta Heliopolis taongö jike nup galöm qetnji Potifera yangö böratñi Asenat mi anömña akñapköra wangiyök. Mewö kantrigö azi kembuya aka Ijpt kantri ekñamgöra anda liliköyök. ⁴⁶ Josefnöj yambuñi 30 aiga miangörej Farao Ijptkö kiñi yangö jakömbuak nupñi könahiba meyök. Mi memba Farao kingö sitiñi mosöta Ijpt uruñe dop köla liliköba malök.

⁴⁷ Nene möriamgö yambuñi 7 miangö nalöñe gölmeñine nene önöñi qahö asuhum engiyök. ⁴⁸ Nene möriamgö yambuñi 7 kam kungugeri, miangö nalöñe Josefnöj jiiga nene könani könani Ijpt gölme asuhugeri, mi tokoba taonñine dop anda gawmangöra alget. Gölme köröñi taon dop liliköba tat angeri, miangörej nene ölni asuhugetka mi memba taonñine dop anda qenjarök köwe miriñine alget. ⁴⁹ Josefnöj jiiga wit padiñi padiñi mi qenjarök köwe miriñine önöñi qahö tokoba alget. Mi sakösiñ köwet jitne ahözawangö dop öngöba kinök. Nene möriam sesegilgil asuhuba toroqeba ahöyöhangöra nene toruñini mi toroqeba oyoñ bibihigetka lömböriiga osiba mosötket.

⁵⁰ Bödi nalöñan qahö kam kunguiga qeljiñe miangörej anömñi Asenatnöj Josefko nahönyahötñi yahöt etkömeyök. Asenat mi Heliopolis taongö jike nup galöm qetnji Potifera yangö böratña. ⁵¹ Nahönñi mutukñi asuhuiga Josefnöj keu kewö jiyök: “Anutunöj bauköm niñgiiga kahasililij waimanjatni pakpak aka iwinangö mirigö yuaini pakpak mi lök ölum nuñgui maljali, miangöra. “Mewö jiba nahönñangö qetnji Manase (Ölum nuñguza.) qerök. ⁵² Nahönñi könangepñi asuhuiga Josefnöj keu kewö jiyök: “Ni sihimbölönañgö gölmeñe malbiga Anutunöj ahumsehip niñgizawi, miangöra. “Mewö jiba qetnji Efraim qerök. (Efraim Ahumsehip niñgiza.)

⁵³ Nene möriam ketanangö yambuñi 7 Ijpt gölme dop köla kam kungugeri, mi ahöm kota teköget. ⁵⁴ Yambu mi tekögetka Josefnöj keu jiyöhangö dop bödigö yambuñi 7 mi könahiba kam kunguget. Bödi mi gölme tosatñi pakpak dop köla asuhuba ahöyökmö, Ijpt gölmenöj nene mi miri dop köweñine ahöyök.* ⁵⁵ Ijpt könagesö körek pakpak yeñön könahiba bödi möta Farao kingö qeta nene engimapköra uletket. Uletketka möta Farao kiñnöj körek yeñgöra kewö jiyök: “Inini mönö Josefkörej angetka yuai mi me mi akñegö jim kutum engimawi, mi mönö tem köla ahakñe.”*

⁵⁶ Bödinöj kantri jömukñi dop köla ahöba Ijptkö miriñi miriñi pakpak miangörej toroqeba gwötpuk lömböriyök. Mewö asuhuiga Josefnöj jiiga qenjarök köwe miriñi miriñi miangö nanñuñini öröba nene mi Ijpt yeñön söngöröñi memegöra alget. ⁵⁷ Bödi mi gölme pakpak dop köla lömböriba ahöyöhangöra ambazipnöj gölme dop miangörejök Ijpt kaba Josefkörej kanñota nene söngöröñi memba malget. Mewö.

42

Josefko daturupñan Ijpt gölmenöj anget.

* 41:42: Dan 5.29 * 41:54: Apo 7.11 * 41:55: Jon 2.5

¹ Ijpt miangörej nene ahöyöhi, keu mi Keinan gölme miangörej jigetka Jeikobnön möta nahönurupñi kewö jii mötket: “Inini mönö wuanöngöra silekmalak aka kuruk je angeka malje? ² Ijpt miangörej wit padi ahözawi, nöñön keu mewö möral. Nini qahö kömumba malmal toroqeba malbingöra inini mönö wahöta Ijpt geba miangörej nene tosatñi bohonñi memba kagetka nemba malbin.”*

³ Mewö jii möta Josefkö daturupñi 10 yeñön miriñini mosöta nene bohonñi memingöra Ijpt gölmenön anbingö aket. ⁴ Iwinini Jeikobnön Josefkö munñi Benjamingö qakñe ayuayuhu kun öngöbapuköra kengetñi möröhangöra i daturupñi yembuk qahö melaim wangiiga anget.

⁵ Keinan gölmenön bödi mi mewöñanök ahöyöhangöra Israelgö nahönurupñi yeñön Keinan azi tosatñan angeri, yeñö sutñine wit padi bohonñi memingöra mohotñe anget. ⁶ Angetmö, Josefnön Ijpt kantrigö azi kembunini tata malök. Yanön wit padi mi könagesöñi pakpak yeñön bohonñi memegöra aliga yangörej kangota malget. Miangöra daturupñan kageri, yeñön kangota miangörejök yangö wösöñe simin köla gölmenön bangöget. ⁷ Mewö bangögetka Josefnön daturupñi engeka möt kutum engiyökmö, könajamñi köyatim engiba kian azigö tandök ak engiba örömureim keu könöpñambuk jiba kewö qesim engiyök: “Inini mönö denikepköra kazeye?” Qesim engiiga kewö melenget: “Nini Keinan gölmenöhök nene söngöröñi memingöra kazin.”

⁸ Mewö melengetka Josefnön daturupñi möt kutum engiyökmö, yeñön i qahö möt kutum wangiget. ⁹ Qahö möt kutum wangigetka Josefnön mönöwök gaunñi yeñöra ehöhi, mi mötmötñe kangoriga mötmöröba jihip je sunini mitiba kewö jii mötket: “Yei! Inini mönö kegwek azia akze. Nini kantrinini denikeangörej göröken awörök aka yarö gilbingö lömbörizini, inini mi ek kewöta mötpingöra ki kaze.”*

¹⁰ Mi möta kewö melen wangiget: “Azi kembunini, mewö qahö. Welenqequeurupki nini mönö nene söngöröñi memingöra kazin. ¹¹ Nini körekanök azi mohotkö nahönurupñi akzin. Nini azi diñdiñi mala munen qahö jimakzin. Göhö welenqequeurupki neñön mönö gölme ek-kewötkö yarö azia qahö aka maljin.”

¹² Melen wangigetka “Qahö!” töhörej qeta kewö toroqeyök: “Nini kantrinini denikeangörej göröken awörök aka yarö gilbingö lömbörizini, inini mi ek kewöta mötpingöra ki kaze.”

¹³ Mi möta kewö melen wangiget: “Welenqequeurupki nini Keinan gölmegö aziñi mohotkö nahönurupña, darumun 12 akzin. Munini qöndökñan nalö kewöñe iwininambuk mire tariga kunñan qahö toroqeba malja.”

¹⁴ Mewö melen wangigetka kewö jim engiyök: “Mewö aiga inini ölna gölme ek-kewötkö yarö azia akzei, mi lök jibi mötze.

¹⁵ Mewö maljeangöra nöñön kewö esapköm engimam: Farao kiñnön jebuk maljawi, nöñön keu öl töhöññi miangö dop jöjöpañ keu kewö jim köhöizal: Munñini qöndökñan ki qahö kama ewö, inini mönö gölme ki qahö mosöta anme. ¹⁶ Inini keu ölni jize me qahö, nöñön mi esapkömangöra kewö jizal: Inini mönö sutñineyök kun melaigetka anda munñini qöndökñi wangita ki kamahot. Tosatñi inini mönö ki mamböta kösö mire tata malme. Mewö qahö akñe ewö, inini mönö ölna gölme ek-kewötkö yarö azia akze. Farao kiñnön jebuk malja ewö, nöñön keu öl töhöññi miangö dop jöjöpañ keu mi jim köhöizal.”

¹⁷ Mewö jim engiba jiiga kösö miriñe al engigetka wehön karöbutkö dop tatket. ¹⁸ Wehön karöbut aiga Josefnön kaba keu kewö jii mötket: “Jeñinambuk toroqeba malbingö mötze ewö, inini mönö yuai jimami, mi aketka nöñön ölop malmalñini jöhömam. Nöñön mewöyök inini ewö Anutugö jitñi ongitpilenbuköra kengetñi mörakzal. Miangöra inini mönö kewö akñe: ¹⁹ Inini azi diñdiñi munenini qahö malje ewö, darumun engörejök mönö kunñan kösö miri kiangörej toroqeba tariga tosatñi inini ölop wit padi memba miriñine lilingöba anme. Miangörej anda miriñine könagesöurupñinan bödi aka maljei,

* 42:2: Apo 7.12 * 42:9: Jen 37.5-10

mi nene engime. ²⁰ Inini mönö mewö anda munñini qöndökñi wangita nöngörenj kame. Kagetka keunjanängö ölñan mewö asuhuiga eka möt kutuba qahö engubi kömume. “Keunji mewö jiiga mönö miangö dop aket.

²¹ Yeñön nanñini Hibu keunöñ sutñine keu kewö eraum-mötket: “Nini munini silik ak wangiiini, miangö likepñi bölöñan mönö ölña qaknine öngöza. Yanön malmalñi jöhöba ak kömum wangibingöra uleta kuñgum neñgiiga kahasililinj ketanj ehinmö, yanö keunji möta mi qahö wuatangöin. Miangöra kahasililinj lömbötñambuk kianön neñgö qaknine öngöza.”

²² Mewö eraum-mötketka Rubenöñ kewö jiyök: “Nöñön kewö jibi mötket: ‘Inini azi gwabö mi silik bölöñi kude ak wangime.’ Mewö jialmö, inini nöngö keuni mi möta silekmalek aket. Mötket, nalö kewöñe yanö sepñangö keugö likepñan mönö qaknine öngöiga kahasililinj mötzin.”*

²³ Mewö eraum-mötketka Josefnöñ yembuk Ijipt keunöñ keu jiiga kunöñ mi melenök. Miangöra yeñön keunini jigetka ölöp möt asariyöhi, mi daturupñan qahö möt kutuget. ²⁴ Josefnöñ keunini möt asariba lilingöba sahörök. Sahöta kunbuk lilingöba engeka yembuk keu jiyök. Yembuk keu jiba Simeon sutñineyök memba jiiga yeñgö jeñine jöhöget. Mewö.

Josefkö daturupñan Keinan gölmenöñ lilingöget.

²⁵ Josefnöñ jimkutukutu kewö alök: “Welenqege inini mönö azi miengö toru gösöñine wit padi löngötketka numbuñe kotketka mohot mohot yeñgö moneñ esuñini mi totonine inannik inannik toruñine alme aka köna anangö nene semönñi mi tok engime. “Mewö jim kutum engiiga miangö dop ak engiget. ²⁶ Mewö ak engigetka wit padi toruñini mi donki qakñine ala mosöta anget. ²⁷ Anda mala gaun ahöbingöra miri kunöñ angota darumun yeñgörenök kunñan donkiñi gumohomangöra aka toru kösöñi pösata moneñ esuñi mi toru numbuñe nene qakñe kiniga ehök. ²⁸ Mi eka darumunñi kewö jii mötket: “Eket, nöngörenj moneñ mi mönö melenäda torune utketka kinja. “Mewö möta wösöñini juliga aurum tililingöba engeka kewö jiget: “Anutunöñ mönö wani yuaia ki ak neñgizawe?”

²⁹ Anda mala Keinan gölmenöñ iwiñini Jeikobkörenj angota yuai asuhum engiyöhi, miangö kösohotñi mi körek kewö jigetka mörök: ³⁰ “Kantri miangö azi kembuñi yanön örömureim keu könöpuk jiba gölme ek-kewötkö yarö azia akinak, miangö tandök ewö ak neñgiyök.

³¹ “Mewö ak neñgiyökmö, nini yanöra kewö jiin: ‘Nini azi diñdiñi muneñnini qahö mala gölme ek kewötpingöra aka qahö kazin. Qahöpmañöp! ³² Nini azi mohotkö nahönurupña, darumun 12 aka maljin. Kunñan qahö toroqeba maliga munini qöndökñan nalö kewöñe Keinan gölmenöñ iwininambuk mire tatta.’

³³ “Mewö jiinga gölme miangö azi kembuñan neñgöra keu kewö jiyök: ‘Inini azi diñdiñi me muneñi maljei, mi kewö kewöt engiba mötmam: Engörenöhök darumunñini kun i mönö mosötketka nömbuk ki tariga tosatñi inini ölöp wit padi memba lilingöba anme. Anda miriñine könagesöurupñinan bödi aka maljei, mi nene engime. ³⁴ Inini gölme ek-kewötkö yarö azia qahöpmö, azi diñdiñi muneñini qahö maljei, mi kewö kewöt engiba mötmam: Inini mönö anda munñini qöndökñi mi wangita nöngörenj kame. Mewö kagetka darumunñini melenj engibiga ölöp gölme kiangörenj angumnep-qangumnep aka malme.’ ”

³⁵ Mewö jiba toru gösöñineyök nene köwenine mokogetka moneñ esuñini moneñinambuk mi toruñine mohot mohot totonine kini miwikñaiget. Moneñ esuñini miwikñaiiba eka i aka iwiñini mohotñe auruba kenötkotkot mötket. ³⁶ Mewö mötketka iwiñini Jeikobnöñ kewö jii mötket: “Inini nahönurupni körek pakpak noangitpingö mötze: Josefnöñ qahö malja. Simeon nembuk qahö malja. Benjamin mi mewöñanök noangita wangita anbingö jize. Sihimbölö pakpak miangön mönö nöngö qakne öngöza.”

* 42:22: Jen 37.21-22

³⁷ Mewö jii möta Rubenön iwiñangöra keu kewö jiyök: “Ni Benjamin qahö wañgita lilingöba kaba gihimam ewö, gi ölop nani nahönyahötmi yahöt mi etkunönga kömumahot. Benjamin mi ölop nöngö böröne alnönga i mönö galöm köla anda mala wañgita lilingöba kaba gihimam.”

³⁸ Mewö jiyökmö, Jeikobnön melenäda jiyök: “Nahönyahötmi qöndökni yahöt yetkörenök datñan kömuiga munñan mohot malja. Inini könanön anbingö mötzei, miangören ayuayuhu kunñan yangö qakne öngöma ewö, inini mönö kondotketka wösöbirik öngöngöñan nöngö qakne öngöiga kömumba nörop jupni yangonambuknön unem mire gemam. Miangöra nöngö nahönan mönö nömosöta embuk qahö anma. “Mewö.

43

Josefko darumunurupñan lilingöba Ijpt anget.

¹ Keinan gölmenön bödi lömbötñambuk mi toroqeba ahöyök. ² Jeikobkö könagesöurupñan wit padi Ijpt kantrinöhök memba kageri, mi körek nem tekögetka qahöwahiga iwiñinan nahönurupni mi kewö jii mötket: “Inini mönö kunbuk lilingöba anda neneñamnini tosatni söngöröni meme.”

³ Mewö jii mötketka Judanön kewö jiyök: “Azi miañön mönö kapan köla neñgöra galöm meme keu köhöikni kewö jiyök: ‘Munñinan embuk qahö kama ewö, inini mönö nöngö jemesoholne kunbuk kañgotpingö osime.’ ⁴ Miangöra göñön munini melainönga nembuk kama ewö, neñön ölop gömosöta neneñamnini söngöröni membingöra anbin. ⁵ Azi miañön keu kewö jii mörin: ‘Munñinan embuk qahö kama ewö, inini mönö nöngö jemesoholne kunbuk kañgotpingö osime.’ Miangöra göñön Benjamin angön kölman ewö, nini qahö anbin.”

⁶ Mewö jiiga Israelnön kewö jiyök: “Inini mönö wanigöra munñini kun maljawi, keu mi azi miangö jiget möröhañgöra ni urulömböt ketani niñgize?”

⁷ Mewö jiiga kewö melenäda jiget: “Azi miañön nini aka könagesöurupnini engöra törörök qequesi könañi könañi neñgiba kewö jiyök, ‘Iwiñinan jebuk malja me qahö? Darumunñini kun malja me qahö?’ Mewö jiyöhañgöra qequesi mi neñön ölnanök jiba melenñin. Yangön könañgep munini wañgita kamegöra jibawak, mi mönö qeljine nalö miangören denöwö mötpinak?”

⁸ Mewö jigetka Judanön iwiñi Israelgöra kewö jiyök: “Miangöra azi gwabö mi nöngö böröne ala melainönga mohotne anbin. Mewö aknönga amqeba zilañ gömosöta könanön aninga nini, gi aka anöm-moröurupnini neñön qahö kömum gororongöbin. ⁹ Benjamingö malmalñangö sohoppni miangö keuñan mönö nöngö böröne ahöiga lilingöba kaba gihi-mamgö jim köhöizal. Nöñön i qahö wañgita lilingöba ki kaba göhö jemesoholge qahö alman ewö, miangö keu lömbötñan mönö nöngö qakne öngöiga göhö jege bisiba malbiga gölmenön malmalnan teköma. ¹⁰ Nalö köröpni eksekpeksek aka qahö mambötpinak ewö, neñön lök endu anda lilingöba ki kainga ambemni yahöt akawak.”

¹¹ Mewö jiiga iwiñini Israelnön kewö jii mötket: “Mewö akza ewö, inini mönö kewö akñe: Gölime kiangö töhötmöriamni ölop kötökni tosatni kewöni mi memba toru gösöñine löngöta anda azi mi kalema wañgime: Sile mirimirigö kelökni tosatni, moron onj tosatni, gipmi bakötök, marasin ip tokuñi qetni mör gipit, kömin, kuñgam aka saugö alañi almond miengö ölnini. ¹² Silwö moneñ walni toru gösöñinañgö numbuñine algetka memba kageri, mi aka miangö dop qakne toroqeba ala mindirigetka jañgöñan qariba 2:kö dop aiga mi memba lilingöba anda wañgime. Tosatñan köpösihira aka mi gösöñine alget me denöwö? ¹³ Munñini mewöyök wañgita zilañ wahöta azi miangören kunbuk lilingöba anget. ¹⁴ Anutu kukösum pakpakö Tonjan mönö azi miangö jeñe ak-kömukömuñi engiiga yangön darumunñini kun aka Benjamin mi embuk mire lilingöba kamegöra imbi kölma. Nöngö moröurupnan tönbirin akñe ewö, nöñön mönö öne töhön malmam.”

¹⁵ Mewö jiiga kalem yuai mi memba silwö monej memba kageri, miangö dop qakje toroqeba ala mindirigetka jaŋgöŋan qariba 2:kö dop ahök. Mi memba Benjamin mohotje waŋgita wahöta ösumŋinan Ijpt anda Josefkö jeje angotket. ¹⁶ Angotketka Josefnöŋ Benjamin mi yeŋgö sutŋine eka miangöreŋök miriŋgö galömŋi kewö jim kutum waŋgiyök: “Gi mönö azi ki enŋuaŋgita nani mire anda al enŋinöŋga tatme. Tatketka anda sömbup kun qeba ohoba silimgö neneŋi mözözmöŋönöŋga yeŋön ölop nömbuk mohotje nene nembin.” ¹⁷ Josefkö miriŋgö galömŋan jim kutum waŋgiyöhaŋgö dop azi mi enŋuaŋgiriga Josefkö mire anget.

¹⁸ Enŋuaŋgiriga Josefkö mire anda jönömŋini unduiga keŋgötŋini möta kewö mötmöriba sutŋine jiget: “Mutuk kaininga moneŋnini melenđa toru gösöŋine algetka memba anini, miangöra yeŋön mönö neŋuaŋgita kaba ki al neŋgigetka tatzin. Yeŋön mönö qeraköba neŋgum ureiba luhut al neŋgiba neŋgömegetka welenqeŋeurupŋi omani ahinga doŋkiurupnini kalöpköba anŋön köl enŋibepuk.” ¹⁹ Mewö jiba kinda Josefkö mirigö galömŋi yaŋgöreŋ öŋgöba angetka miri naŋguje kiniga yaŋgöra keu kewö jiget: ²⁰ “O ketaŋamnini, nini nalö mutukŋa nene bohonŋi memingöra ki kain. ²¹ Kaba nene bohonŋi memba kunbuk lilingöba anda könanöŋ miri kunöŋ anda ahöbingöra tata toru gösöŋinaŋgö kösöŋi pösata moneŋnini totonine mi köreŋanök gösöŋini nanŋök nanŋök numbuŋine nene qakje ahöiga ehin. Miangöra monej mia merak kunbuk melenđa memba kazin. ²² Silwö monej mi daŋön toru gösöŋine melenđa kunbuk alöhi, mi neŋön qahö mötzin. Neŋön mi aka silwö monej tosatŋi mi qakje juhuköba nene söŋöröŋi kunbuk memingöra gösöŋine ala memba kazin.”

²³ Mewö jigetka miri galömŋan kewö jiyök: “Waimanjat kude mötme. Nanŋini aka iwiŋinaŋgö Anutuŋan mönö kungö uruŋi kuŋguiga silwö monej mi toru gösöŋine aliga miwikŋaiget. Nöŋön enŋöreŋ silwö monej mi lök meal. Miangöra keŋgötŋini kude möta urubönjöh tatme. “Mewö jiba Simeon waŋgita yeŋgöreŋ kayohot.

²⁴ Kayohotka mohotje enŋuaŋgita Josefkö mire öŋgögetka könaŋini saŋgoŋmegöra o enŋiyök aka doŋkiŋini gwözözak neneŋini mianön gumohom enŋiyök. ²⁵ Yeŋön silimgö neneŋi Josefkö mire mohotje nemeaŋgö keuŋi mötket. Miangöra Josefnöŋ silimmöŋ miriŋe kaŋgotmapköra mamböta kalem yuaiŋini mi aukje areŋgöba tatket. ²⁶ Tatketka Josefnöŋ mire kaiga kalem yuaiŋini memba kaba miriŋe öŋgögeri, mi waŋgiba wösöŋe simin köla gölmenöŋ bamgöget. ²⁷ Bamgöba wahötketka jölöŋini jiba denöwö maljei, qesim enŋiba kewö jiyök: “Iwiŋini azi namŋaŋgö jigeri, yaŋön denöwö malja? Toroqeba jebuk malja me qahö?”

²⁸ Mewö jiiga kewö melenget: “Göhö welenqeŋegi, neŋgö iwininan mönö ölop malja. Mönö toroqeba jebuk malja. “Mewö melenđa göda qem waŋgiba simin köla gölmenöŋ bamgöget.

²⁹ Mewö aketka jeŋan ui anda kaiga munŋi Benjamin, nanŋi namŋaŋgö nahönŋi mi eka kewö qesim enŋiyök: “Munŋini qöndökŋaŋgö jigetka mörali, yaŋön mönö ki akza me denöwö?” Qesim enŋiba toroqeba kewö jiyök: “Nahöni, Anutuŋöŋ mönö ak kömum gihiiga malman.”

³⁰ Mewö jiba munŋi eka wösöŋi pöröraköiga jeŋi asöliiga sahötmamgö möta miangöreŋök wölaŋ lilingöba enŋömosöta ösumŋan miri uruŋi ölöŋi kunöŋ öŋgöba nanŋök mala sahörök. ³¹ Sahöt teköba je imbilŋi saŋgoŋda miri uruŋi ölöŋi mi mosöta kaba törörök mökösoŋda kinda nanŋi galöm köl anŋuba numbu nene kölmegöra jiyök. ³² Ijpt yeŋön Hibru ambazip yembuk mohotje nene nemingö mötketka imbilöŋloŋambuk akzawaŋgöra mi osimakze. Miangöra Josefkö neneŋi mi inanŋök köl waŋgigetka tari darumunurupŋi yeŋgö mi inanŋök köl enŋiget tatketka Ijpt ambazip yambuk nene nemingö kaba tatkeri, yeŋgö neneŋini mi inanŋök kölgetka tatket. ³³ Josefnöŋ jiiga darumunurupŋi mi ahugeranŋö dop areŋgöm enŋigetka mutukŋan qaikje tariga

bezupñinan qöndökñe tariga Josefnöñ mesohol köl engiba tarök. Mewö tata nannini angek kutuba welipköba tatket.

³⁴ Mewö tatketka Josefnöñ jiiga nanñi teibolnöhök nene tosatñi mendenä memba kaba köl engigetka munñi Benjamingöra ambemñi 5:gö dop toroqeba kölgetka neyök. Mewö memba Josefpuk közölömbuan ala awamñanök o köhöikñi memba sösöngai qakñe tatket. Mewö.

44

Josefnöñ darumunurupñi qambigö esapköm engiyök.

¹ Miangö andöñe Josefnöñ mirinangö galömñi jim kutum wangiba kewö jiyök: “Gi mönö azi miengö toru gösöñine wit padi mi sirimeangö dop löngötnönga numbuñine kotme. Mewöñanök mohot mohot yengö moneñ esuñini mi nanñök nanñök toto qeba toru gösöñinangö numbuñine alman. ² Munñini qöndökñi yangö toru gösöñangö numbuñe miangören nane qambi silwönöñ memeni mi wit padigö moneñi memba kayöhi, miambuk alman. “Mewö jim kutum wangiiiga miangö dop ahök.

³ Miri asariiga söñanök azi mi melaim engigetka donkiñini enguangita könanöñ anget. ⁴ Anda siti mosöta köröwen qahö angetka Josefnöñ mirinangö galömñi kewö jim kutum wangiyök: “Gi mönö zilañ wahöta azi mi enguatangöba anda miwikñaim engiba engeka kewö qesim engiman: ‘Azi kembunöñ ölöpnji ak engiiga inñini mönö wuanöñgöra miangö kitipñi bölöñi melen wangiba kaze?’ ⁵ Nöngö ketañamnan qambiñeyök kulun nemakzawi aka qambiñi mianön unji aka keu asa-asambötñangö könañi miwikñaimakzawi, inñini qambi mi mönö wuanöñgöra yongorö memba kaze? Inñini mönö silik mi bölöñi kötökña akze.’ ”

⁶ Josefnöñ mirinangö galömñi mewö jim kutum wangiiiga anda miwikñaim engiba keuñi mi jiyöhangö dop jii mötket. ⁷ Jii mötketka kewö melen wangiget: “Ketañamninan keu tandökñi mewöñi mi mönö wuanöñgöra jiza? Göhö welenqequeurupki neñön silik bölöñi mewöñi mi qahöpmahöp akzin. Mi yapmakek! ⁸ Mötnöñ, nini toru gösöñinangö numbuñine silwö moneñ esu miwikñainini, mi mewöyök Keinan gölmenöhök memba kaba gihiin. Nini mönö wuanöñgöra silwö me goul mi ketañamgahö mireyök yongorö membinak? ⁹ Welenqequeurupki neñgörenök kungö toru gösöñe silwö qambi mi miwikñaiman ewö, yañön mönö kömupkö buñaya aiga tosatñi neñön ketañamnini, göhö welenqeque omanñi aka malbin.”

¹⁰ Mewö melen wangigetka kewö jiyök: “Mewö mianön ölop. Jizeangö dop mi ölop akin. Kungö toru gösönöhök silwö qambi mi miwikñaimami, yañön mönö nöngö welenqeqeni omanñi akñapmö, tosatñi engö silenine keu qahö ahöiga ölop nanñinök mirinine anme.”

¹¹ Mewö jii möta körekñan gösöñini nanñök nanñök ösumok qeköba memba eta gölmenöñ ala numbuñinangö kösöñi pösatket. ¹² Pösatketka Josefkö mirinangö galömñam datñini mutukñangö toru gösöñeyök könahiba qezanä jaruba anda anda munñini qöndökñi Benjamingö toru gösöñe teteköñe eka qambi mi miangören miwikñaiyök. ¹³ Mi miwikñaiiga yeñön uruñini kot gwözöñniga wösöbirikñini kondela malukuñini munjukunjuratket. Mewö aka sukinapñini donki qakñine ala kunbuk lilingöba sitinöñ anget.

¹⁴ Juda aka darumunurupñi yeñön lilingöba Josefkö mire angetka yañön tok mirineyök tarök. Tariga wösöñe angota simin köla gölmenöñ bamgöget. ¹⁵ Bamgögetka Josefnöñ kewö jiyök: “Inñini mönö wani siliha mi akze? Azi ni ewöñan mönö ölop unju memba yuai yongorö megetka mi miwikñaimakzali, inñini mi qahö mötze me?”

¹⁶ Mewö jiiga Judanöñ kewö melenñök: “O ketañamni, nini mönö wani keuya göhöra jibinak? Nini keugö jaruzin. Neñön yuai bölöñi qahö ahini, mi kondel gihibinangö dop qahö. Anutunöñ mönö welenqequeurupki, neñgö pinjtkö keuñi indeli aukñe ahöza. Miangöra kungö toru gösöñeyök qambi mi miwikñaiizawi aka tosatñi neñön mewöyök mönö azi kembunangö welenqequeurupñi omanñi aka malbin.”

¹⁷ Mewö melenökmö, Josefnöñ kewö jiyök: “Nöñön yuai mewöñi mi qahö ak enjgimam. Mi saumban! Azi dagö toru gösöñe qambi mi miwikñaizawi, yañönök mönö nöñgö welenqeqeni aka malmappmö, tosatñi inñini ölop luai qakñe lilingöba iwiñinañgöreñ mire anme.”

Judanöñ Benjamingöra Josefulet wañgiyök.

¹⁸ Mewö jiiga Judanöñ Josefkö wösöñe anda keu kewö jiyök: “O azi kembuni, ölop imbi kölnöñga welenqeqegi nöñön keu tosatñi azi kembuni göhöra jibilenjak. Göñön Farao kiñ nanñambuk öröröñ akzanmö, töndup welenqeqegi nömbuk kazik kude ak niñgiman. ¹⁹ Azi kembuni göñön welenqeqeurupki nini mutuk kainga kewö qesim neñginöñ: ‘Enjö iwiñini aka darumunñini kun maljahot me qahö?’

²⁰ “Mewö qesim neñginöñga neñön azi kembuni göhöra kewö melenñin: ‘Neñgö iwinini azi namñi aka munini azi gwaböya kun mire tatzahot. Munini mianñön iwininan lök azi namñi aiga nalö mianñgöreñ asuhuyök. Namñan azi morö yahöt etkimeiga datñan kömuiga nanñök töhön malja. Yañön mönö iwiñangö wölböt (jojopañ) nahönñi akza.’ ²¹ Mewö melenñinga göñön welenqeqeurupki neñgöra keu kewö jinöñ, ‘Inñini mönö munñini mi wañgita nöñgöreñ ki kagetka i ölop nani jenan uba ekñam.’

²² “Mewö jinöñga neñön azi kembunini göhöra kewö melenñin: ‘Azi gwabö mi iwiñi mosötmangö osima. Iwiñi mosötpawak ewö, iwiñan mönö kömumbawak.’ ²³ Mewö melenñinmö, göñön welenqeqeurupki neñgöra keu kewö jim kutunöñ: ‘Munñini qöndökñan embuk ki qahö kama ewö, inñini mönö nöñgö jemesoholne kunbuk kude asuhume.’

²⁴ “Mewö jim kutunöñga mirinine lilingöba anda nöñgö iwini, göhö welenqeqegi yañgöra azi kembuni göhö keugi mi jiinga mörök. ²⁵ Mi jiinga möta iwininan könangep kewö jiyök: ‘Inñini mönö kunbuk anda neñgöra nene tosatñi söñgöröñi memba kame.’

²⁶ “Mewö jiyökmö, nini kewö jiin, ‘Neñön naninök anbingö osibin. Munini qöndökñan nembuk mohotñe anmapkö jiman ewö, mönö ölop anbin. Munini bezupñi qahö wañgita anbin ewö, neñön mönö azi mianñgö jemesoholñe asuhubingö osibin.’

²⁷ “Mewö jiinga nöñgö iwini göhö welenqeqegi yañön kewö jiyök: ‘Anömmi Reizölnöñ nahönyahötni yahöt etkimeyök. Mi nanñini ölop mötze. ²⁸ Datñan nömosöta anda sohoiga kewö jial, “Sömbup kalñan mönö yöhöqöhöi kömumbawak me denöwö?” Nalö mianñgöreñök könahiba i qahö ehal. ²⁹ Merak munñi ki mewöyök noañgita angetka könanöñ ayuayuhu kunñan yañgö qakñe öñgöma ewö, inñini mönö kondotketka wösöbirik öñgöñgöñan nöñgö qakne öñgöiga köñjiliñ möta kömumba nörop jupni yañgonambukñöñ uñem mire gemam.’”

³⁰ Judanöñ toroqeba keu kewö jiyök: “O azi kembuni, nöñön munini azi gwabö mi qahö wañgita anda iwini, göhö welenqeqegi yañgö mire angotpilenjak ewö, iwininan mönö ayuhubapuk. Yañön mönö uruñi pakpak nahönñi bezupñi yañgöreñ jöhöiga malmalñiri mohot maljahot. ³¹ Mianñgöra azi gwabö mi qahö wañgita aninga iwininan mi eka mönö kömup miwikñaibapuk. Göhö welenqeqeurupki neñgöreñ mewö asuhuiga nini mönö kondoringa wösöbirik öñgöñgöñan iwinini göhö welenqeqegi yañgö qakñe öñgöiga kömumba nörop jupñi yañgonñambukñöñ uñem mire gema. ³² Göhö welenqeqegi nöñön azi gwabönöñ qahö ayuhumapkö keuñi mi iwiñangöra jim jöhöba kewö jial: ‘I qahö wañgita göhöreñ lilingöba kamam ewö, mianñgö keu lömbötñan mönö göhö jege nöñgö qakne öñgöba ahöiga gölmenöñ malmalni mewö mal öñgöm tekömam.’ ³³ Mianñgöra göñön ölop jim tekönöñga nöñön azi gwabö yañgö salupñe azi kembuni göhö welenqeqegi omanñi aka ki malbiga yañön daturupñi yembuk lilingöba miriñine anme.

³⁴ “Azi gwabö mianñön nömbuk qahö kama ewö, nöñön mönö denöwö aka iwiñangöreñ anbilajak? Wösöbirik öñgöñgöñan iwiñangö qakñe öñgöbawak, nöñön mönö mi ekñamgö tököm köhöizal. Mianñgöra i mönö kude jöhöman.”

45

Josefnöŋ nanŋi könaŋi indelök.

¹ Judanöŋ mewö jüiga ambazip liliköm enŋgiba kinda enŋgeri, Josefnöŋ körek yeŋgö jeŋine toroqeba könaŋi köyatiba nanŋi galöm köl anŋgumangö lömböriba osiyök. Miangöra Josefnöŋ kewö silata qerök: “Enöŋ mönö körekŋanök nömosöta denget. “Mewö jüiga dengetka Ijpt azi kunŋan kösutŋine qahö kiniga Josefnöŋ nanŋi könaŋi mi darumunurupŋi yeŋgöra kewö indelök:”² Yaŋön amburereŋ aka ötömbepuk qei sahöriga Ijpt ambazip gumnöŋ malgeri, yeŋön mi möta Farao kiŋgö jakömbuak mire anda buzup keuŋi mi jigetka mötket.

³ Josefnöŋ sahöta kinda darumunurupŋi mi kewö jii mötket: “Ni Josef! Iwinan tok jebuk malja me qahö?” Mewö jii mötketmö, darumunŋan uruŋinan kot gwözöŋniga aurum tililingöba jeŋe öne kinda keu kun qahö mötmöriba melen waŋgibingö osiget. ⁴ Osiba kingetka Josefnöŋ yeŋgöra kewö jiyök: “Enöŋ mönö nöŋgö kösutne ki kaget. “Mewö jii kagetka kewö jiyök: “Ni Josef, darumunŋini bohoni memegöra algetka Ijpt kayali, mönö mia.

⁵ “Mönö uruköŋjiliŋ kude mötme. Anutunöŋ enöŋ kömumbepuköra ni mutuk melaim niŋgiiga qeljiŋe ki kabiga iŋini kaze. Ni bohoni memegöra al niŋgigetka ki kayali, miangöra mönö nanŋinaŋgöra irimsesewöl kude möt anŋgume. ⁶ Bödi kianöŋ lök yambu yahötkö dop gölme dop köla ahöza. Mi toroqeba kunbuk yambu 5:gö dop ahöiga nalö miangö uruŋe gölme qem kömöt qahö aka nene ölni qahö miwikŋaiba tokoba malbin.

⁷ “Anutunöŋ mönö köna wewelipköŋambuk wuatangöba enŋgö malmalŋinaŋgö bohonŋi jöhöiga toroqeba jebuk mala gwölönarök miwikŋaim enŋgiba gölme qakŋe malmegöra mötza. Miangöra aka ni mutuk melaim niŋgiiga qeljiŋe ki kabiga iŋini kaze. ⁸ Miangöra enöŋ qahö melaim niŋgiget tandök akzapmö, Anutunöŋ mönö ölna melaim niŋgiiga ki kayal. Yaŋön kuŋgum niŋgiiga Farao kiŋgö jembonŋi mutukŋi aka jakömbuak miriŋe wanat nup memakzei, körek yeŋgö ketaŋamŋina akzal. Mewö akiga Anutunöŋ Ijpt kantri jömukŋanök mi nöŋgö böröne aliga azi kembuŋina akzal.

⁹ “Iŋini mönö dölni wahöta ösumŋinan iwinangöreŋ lilingöba anda keu kewö jigetka mötma: ‘Göhö nahöŋgi Josef yaŋön keu kewö jiza: Anutunöŋ ni kuŋgum niŋgiba Ijpt kantri jömukŋanök nöŋgö böröne aliga azi kembuŋina akzal. Miangöra göŋön mönö nalö kude qem körimanmö, zilaŋ nöŋgöreŋ kaman. ¹⁰ Ki kaba ölop tatat dumdunggi Gosen gölmenöŋ möhamgöba nane kösutne malman. Gi aka isimoröurupki, göhöreŋ lama bulmakau kambuŋi kambuŋi aka öroyuai pakpak buŋagi ahözawi, mi mönö memba kölolohoba kame.

¹¹ “Bödi kianöŋ mönö kunbuk toroqeba yambu 5:gö dop ahöm öŋgöma. Nalö miangö uruŋe gi, mirigahö saiwaurupki me tinitosolomurupki tosatŋi yeŋgöreŋök kunŋan bödi mala nenegö mözöqözöröm aka kömum gororonöbapuk. Miangöra mönö Gosen gölmenöŋ kaba mala wani yuaigöra osimei, nöŋön mi enŋgiba malmam.’ Iwininaŋgöra keu mi mönö mewö jigetka mötma.*

¹² “Ni nanak ölna ki kinda enŋgöra keu jizali, mi ölop nanŋini jeŋinan nek kutuze aka muni Benjaminöŋ mewöyök ni nek kutuza. ¹³ Miangöra iŋini mönö iwinangöreŋ anda Ijpt kantrinöŋ qetbuŋa ketanŋi pakpak niŋgigetka maljali aka yuai pakpak ekeri, miangö kösohotŋi mi iwini jigetka mötma. Mi möriga mönö ösumok waŋgita eta ki kame.”

¹⁴ Mewö jiba böröŋi munŋi Benjamingö imbiŋe gili geiga sahöriga Benjaminöŋ mewöŋanök anŋöm waŋgiba sahörok. ¹⁵ Toroqeba böröŋi daturupŋi körek yeŋgö imbiŋine gili geiga sahöta numbuŋini yöhötim neyök. Miangö andöŋe darumunurupŋan yambuk keu eraum-mötket. ¹⁶ Josefkö darumunurupŋan kageri, miangö buzupŋan Farao kiŋgö

* 45:1: Apo 7.13 * 45:11: Apo 7.14

jakömbuak mire aniga Farao kiñ aka jembonurupni pakpak yeñon mi möta uruölöwak mötket.

¹⁷ Mewö möta Farao kiñnön Josefköra kewö jiyök: “Darumunurupki mönö jinönga kewö akñe: ‘Sukinapñini mönö donki qakñine ala kunbuk lilingöba miriñine Keinan gölme anme. ¹⁸ Anda iwiñini aka saiwaurupñini enġuangita lilingöba nöngören kame. Ki kagetka nöñon gölme ölop kötökni Ijpt kantri uruñeyök möwölöhöba enġibiga ölop miangö kelökni miwikñaiba nem söñgaip aka malme.’

¹⁹ “Mewöyök kewö jim kutum enġinönga akñe: ‘Ijpt kiangörenök mönö hosgö karenji tosatni memba anda anöm-moröurupñini miangören al enġiba iwiñini wañgita mohotñe ki kame. ²⁰ Miriñinañgö yuaini tosatni Keinan gölmenön mosötmei, miangö waimanjatni kude akñe. Nöñon miangö salupñe Ijpt kantri jömuk kiangö yuaini ölop kötökni mi enġibiga buñañini akña.’”

²¹ Farao kiñnön mewö jiiga Israelgö nahönurupñan miangö dop aket. Josefnön Farao kiñgö jimkutukutu keñi wuatangöba hosgö karenji tosatni enġiyök. Mewöyök köna anangö nene semön tosatni enġiyök. ²² Mi enġibagun daturupñi mohot mohot yeñgö opo malukuñini dölökni totonine enġiyökmö, munñi Benjamingöra opo maluku dölökni börö kun wañgiba moneñ silwö köt 300 wañgiyök. ²³ Iwiñañgöra Ijpt kantrigö yuai ölop sorokni jesöngö memba donki ten miengö qakñine aliga anget. Mewöñanök donki ambiñi ten miengö qakñine wit padi, bered aka nene tosatni iwiñañgö köna semöna aliga bisiba anget. ²⁴ Angetka Josefnön darumunurupñi melaim enġii anbingö aketka keu kewö jii mötket: “Inini könanön anda anġururuk kude akñe.”

²⁵ Mewö jiiga Ijpt mosöta anda Keinan gölmenön iwiñini Jeikobkören anġotket. ²⁶ Anġota iwiñañgöra keu kösohot kewö jiget: “Josefnön mönö toroqeba jebuk malja. Ijpt kantri jömukñanök mi yañgö böröñe ahöiga azi kembuñina aka malja. “Mewö jigetka keu mi qahö möt nariyöhañgöra uruñi toroqeba amöriiga tarök.

²⁷ Mewö tarökmö, Josefnön keu pakpak jiyöhi, mi jiget mörök aka hosgö karenji tosatni i wañgita Ijpt anmapköra ali kayöhi, iwiñini Jeikobnön mi eka kinda uru silenjan köleñni könöpkönöp ahök. ²⁸ Könöpkönöp aka kewö jiyök: “O mi alakña! Mi möt köhöizal. Nahöni Josefnön mönö toroqeba jebuk malja. Nöñon mönö anda i ekagun könañgep ölop kömumam. “Mewö.

46

Jeikobnön könaġesöurupñi yembuk Ijpt anget.

¹ Israelnön sukinap yuaini pakpak kölolohoba memba wahöta köna anök. Anda Berseba mire anġota kinda miangören iwiñi Aisakö Anutuñañgöra umjowöwöl ohoyök.

² Mi ohoba sunġem ahöiga jeñi melenñiga imut eka miangören Anutunön Israelgöra keu jiba qetñi “Jeikob, Jeikob!” qeriga “Ni ki,” jiba melenñök.

³ Melenñiga kewö jiyök: “Ni Anutu, göhö iwigahö bemñi. Gi Ijpt gemangö kenġotki kude mötman. Nöñon miangören kötuetköm gihibiga könaġesö kambu ketañi akñe. ⁴ Nöñon mönö göbuk Ijpt gemam aka mewöyök gwölönarökurupki miangörenök enġuangitpiga kunbuk lilingöba kame. Göñon kömunönga Josef nanñi böröñan mönö göhö je jupki kusui etma.”

⁵ Miangö andöñe Jeikobnön Berseba miri mosötpin jiiga Israelgö nahönurupñan iwiñini aka anöm-moröurupñini mi közözhom enġigetka hosgö karenön öñgöget. Farao kiñnön hosgö kare miangön enġömemba kamegöra jiba ali memba anget. ⁶ Sukinapñini aka miri sömbupñini pakpak Keinan gölmenön mala buña qeba memba malgeri, mi tok mohotñe memba anget. Jeikob aka gwölönarökurupñi pakpak miengön mewö Ijpt anget.*

⁷ Gwölönarökurupñi pakpak, isimoröurupñi azi aka ambi mi körek enġuangita Ijpt anget.

* 46:6: Apo 7.15

⁸ Israel qetņi alaņi Jeikob aka yaņgö gwölönarökurupņi Ijipt angeri, yeņgö qetņini kewö: Jeikobkö nahönņi mutukņi Ruben. ⁹ Rubengö nahönurupņi qetņini Hanok, Palu, Hezron aka Karmi. ¹⁰ Simeongö nahönurupņi qetņini Jemuel, Jamin, Ohad, Jakin, Zohar aka Saul. Saulgö namņi mi Keinan ambi kun. ¹¹ Liwaigö nahönurupņi qetņini Gerson, Kohat aka Merari.

¹² Judagö nahönurupņi qetņini Er, Onan, Sela, Perez aka Zera. (Er aka Onan yetkön lök Keinan gölmenöņ kömuyohot.) Perezkö nahönyahötņi mi Hezron aka Hamul. ¹³ Isakargö nahönurupņi qetņini Tola, Puwa, Jasub aka Simron. ¹⁴ Zebulungö nahönurupņi qetņini Sered, Elon aka Jalel. ¹⁵ Jeikobkö nahönurupņi anömņi Leanöņ Mesopotemia (Padan Aram) gölmenöņ engömeyöhi, yeņgö qetņini mewö. Böratņiri Daina mi mewöyök meyök. Jeikob aka Lea yetkö isimoröurupņiri mi mewö oyoņda mindirigetka 33 ahök.

¹⁶ Gadkö nahönurupņi qetņini Zefon, Hagi, Suni, Ezbon, Eri, Arodi aka Areli. ¹⁷ Asergö nahönurupņi qetņini Imna, Iswa, Iswi aka Beria. Nenninaņgö qetņi Sera. Beriagö nahönyahötņi qetņiri Heber aka Malkiel. ¹⁸ Labanöņ ambi qetņi Zilpa böratņi Leagö welen ambia malmapköra waņgiyöhi, yaņön Jeikobkö nahönurupņi mewö engömeyök. Jeikob aka Zilpa yetkö isimoröurupņiri mi mewö oyoņda mindirigetka 16 ahök.

¹⁹ Jeikobkö anömņi Reizölgö nahönyahötņi mi Josef aka Benjamin. ²⁰ Josefkö nahönyahötņi Ijipt kantrinöņ asuhuyohori, mi qetņiri Manase aka Efraim. Namņiri qetņi Asenat mi Heliopolis (On) taongö jike nup galöm qetņi Potifera yaņgö böratņa.* ²¹ Benjamingö nahönurupņi qetņini Bela, Beker, Asbel, Gera, Naman, Ehi, Ros, Mupim, Hupim aka Ard. ²² Jeikobkö nahönyahötņi Reizölnöņ etkömeyöhi, yetkö qetņiri mewö. Jeikob aka Reizöl yetkö isimoröurupņiri mi mewö oyoņda mindirigetka körekmakörek 14 ahök.

²³ Dangö nahönņi qetņi Husim. ²⁴ Naftaligö nahönurupņi qetņini Jaziel, Guni, Jezer aka Silem. ²⁵ Labanöņ ambi qetņi Bilha böratņi Reizölgö welen ambia malmapköra waņgiyöhi, yaņön Jeikobkö nahönurupņi mewö engömeyök. Jeikob aka Bilha yetkö isimoröurupņiri mi mewö oyoņda mindirigetka körekmakörek 7 ahök.

²⁶ Jeikobkö isimoröurupņi diņđiņi töhön yambuk Ijipt angeri, miengö jaņgöņini oyoņda mindirigetka körekņanök könagesö 66 aket. Nahönurupņi yeņgö anömņini mi jaņgö miangöreņ qahö toroqeket. ²⁷ Josefkö nahönyahötņi Ijipt kantrinöņ asuhuyohori, mi yahöt. Jeikobkö könagesöurupņi Ijipt angeri, miengö jaņgöņini mi mewö oyoņda mindirigetka 70 ahök. Mewö.*

Jeikob könagesöurupņi yembuk Ijipt aņgotket.

²⁸ Könanöņ anda mala Jeikobnöņ Juda mutuk melaiba kewö jiyök: “Gi mönö Josefköreņ anda Gosen gölmenöņ anangö könaņaņgöra qesim waņgiman. “Mewö jii möta anda kaiga Gosen prowinsnöņ aņgotket. ²⁹ Josefnöņ aņgotkeraņgö buzupņi möta jiiga hos karenöņ jöhöba mözözömgögetka qakņe öņgöba iwiņi Israelbuk aitoņgöbitkö Gosen gölmenöņ anök. Anda eka yaņgö jeņe aņgota böroņi imbiņe gili geiga aņgum waņgiba nalö köröņi titipepeņi memba urusahöt qeyök. ³⁰ Israelnöņ Josef kewö jii mörök: “Göņön toroqeba jebuk maljani, mi nanak gekzala nalö kewöņe ölop jöjöröba kömumam.”

³¹ Mewö jiiga Josefnöņ darumunurupņi aka iwiņaņgö könagesöņi kewö jii mötket: “Nöņön mönö Farao kiņgöreņ öņgöba keu kewö jibi mötma: ‘Darumunurupņi aka iwiņaņgö könagesöņi Keinan gölmenöņ malgeri, yeņön lök nöņgöreņ kaze. ³² Darumunurupņi mienöņ lama bulmakau galömņini aka mi galöm köl eņgiba maljeaņgöra kabingö aka lama kambuņini, bulmakau kambuņini aka sukinap öroyuainiņi pakpak mi eņguaņgita kaze.’ ³³ Miangöra Farao kiņnöņ eņgoholi jemesoholņe aņgotketka kewö qesim eņgima: ‘İniņi wani nuwa memakze?’

* 46:20: Jen 41.50-52 * 46:27: Apo 7.14

³⁴ “Mewö qesim enjiiga injini kewö melenj wangime: ‘Welenqequeurupki neñon mönö abu asaurupnini mutuk memba malgerangö dop moröröpnineyök lama bulmakau galöm kölköl nupni memba mala maljin.’ Mewö melenj wangigetka yanön ölop Gosen prowinsnönj tatat dumdumjini möhamgömegöra onj jiiga malme. Ijpt ambazip yeñon lama bulmakau galöm kölköl ambazip pakpak yengöra mötketka imbilonjoninambuk ahakze. “Josefnönj keunji mewö jii mötket.”

47

Josefnönj kingö jeñe korök.

¹ Josefnönj anda Farao kingöra kewö jiyök: “Nöngö iwi darumunurupni yeñon lama bulmakau kambunini aka sukinap öröyuainjini pakpak memba Keinan gölme mosöta kaba mala dölki Gosen gölmenönj kangota malje.” ² Yanön darumunurupni yengöreñök azi 5 enjuañgita Farao kingö jeñe öngöba kingetka engehök.

³ Engeka kewö qesim enjiyök: “Injini wani nuwa memakze?” Mewö qesim enjiiga kewö melenj wangiget: “Welenqequeurupki neñon iwiurupninan mutuk malgerangö dop lama bulmakau galöm kölköl nupni memba mala maljin.”

⁴ Mewö jiba toroqeba kewö jiget: “Keinan gölmenönj bödi lömbötñambuk ahözawangöra welenqequeurupki neñon lama bulmakau kambunini yengöra nene qahö miwikñainin. Miangöra neñon gölme kiangöreñ kusuk malbingöra kain. Mewö aiga welenqequeurupki ölop onj jiba jim teköm neñginöñga nini Gosen prowins miangöreñ tatat dumdumnini möhamgöbin.”

⁵ Mewö jigetka Farao kinñönj Josef kewö jii mörök: “Iwi darumunurupkan göhöreñ kaget. ⁶ Ijpt kantri ki aukñe göhö jege ahözawangöra ölop iwi darumunurupki gölme bahöñi kelökñi ölopñi miangöreñ al enjinöñga malme. Ölop Gosen prowinsnönj malme. Sutñine nup qetpuk meme azi tosatñi maljei, mi möt enjiman ewö, ölop nöngö mirigö sömbup kambuni mi yengö böröñine al enjinöñga galöm köl enjiba malme.”

⁷ Mewö jii möta Josefnönj iwiñi Jeikob Farao kingö jeñe wangita kaiga ehi Farao kin mi kötuatköm wangiyök. ⁸ Kötuatköm wangiga kewö qesim wangiyök: “Göhö yambugi dawik akza?”

⁹ Qesim wangiga kewö melenjök: “Nöñon yambu 130:gö dop gölmenönj liliköba mala kota maljal. Nöngö malmalnanjö yambuñi pakpak mi awamdökñi aka osikosinambuk aket. Iwiurupnan yambu sehisehñi gölmenönj liliköba malgeri, nöngö yambu qötönan yengöreñambuk dop mohot qahö akza.”

¹⁰ Mewö jiba Farao kin mi kunbuk kötuatköm wangiba jemesoholñeyök eta anök. ¹¹ Josefnönj iwi darumunñi mi Farao kinñönj jim kutuyöhangö dop Ijpt kantrinönj al enjiba Ijptkö gölme bahöñi kelökñi ölopñi kun mi Rameses prowins (Gosen) miangöreñ enjiyök. ¹² Josefnönj mewöyök iwi darumunurupni aka iwiñangö könagesöurupni pakpak mi neneñini anöm-moröurupñini malgeri, qötö miangö dop dopñine enjiba malök.

Bödi nalöñi lömbötñambuk.

¹³ Bödi ketanji mi lömbötñambuk ahöiga nenenönj gölme dop qahöwahiga Ijpt aka Keinan kantri mietkö könagesöñiran mönö nenegö kömum soholip aka malget.

¹⁴ Mewö mala Josefköreñ kaba wit padi söngöröñi megetka yanön monenj pakpak Ijpt aka Keinan kantri uruñe ahöyöhi, mi tokoba memba Farao kingö jakömbuak mirigö köweñe alök. ¹⁵ Ijpt könagesö aka Keinan könagesö yengöreñ monenj qahöwak teköiga Ijpt körek yeñon Josefköreñ kaba kewö jiget: “Monenñinan qahöwak teközawangöra göñon mönö nene neñgiman. Nene qahö neñgiman ewö, neñon mönö göhö jemesoholge kömumbin.”

¹⁶ Mewö jigetka Josefnönj kewö jiyök: “Monenñinan qahöwakzawangöra engöreñ lama aka bulmakau ahözei, mönö mi memba kaba niñgigetka nöñon nene enjiman.”

¹⁷ Mewö jiiga anda lama bulmakaunini enġuanġita kaba Josef waŋġiget. Yeŋön hosŋini, lamaanini, memenini, bulmakaunini aka doŋkiŋini mi enġuanġita kaba nenegö söŋgörona Josef waŋgiba nene memba malget. Lama bulmakaunini pakpak mi Josef waŋġigetka yaŋön nene enġiba mewö mianön yambu mohotkö uruŋe malmalŋini naŋgöiga qahö kömuget.

¹⁸ Qahö kömugetka yambu mianön teköyök. Teköiga yambu dölökŋe dumŋe kunbuk yaŋgöreŋ kaba kewö jiget: “Azi kembunini, monenini qahöwakzawaŋgöra könaŋamnini ölni mi göhö jege ölop qahö köyatibin. Neŋgöreŋ lama bulmakaunini mi mewöyök gihi- inga göhö buŋaya ak teköza. Nini mi pakpak azi kembunini gi gihim teköinaŋgöra nanini aka gölmenini miyök ahöm neŋgiza. Miangöra mönö wania kun gihibinak? ¹⁹ Nini mönö könaŋi wuanöŋgöra göhö jege töndup kömumbinak? Nanini kömuinga gölmeninan mönö wuanöŋgöra öne ahöba apopam köla bölibawak? Miangöra mönö nanini aka gölmenini bohonini memba mianön numbu nene neŋginöŋga nini ölop Farao kiŋgö welenqeŋe omaŋi ahinga gölmeninan mewöyök yaŋgö buŋaya akŋa. Neŋön toroqeba jebuk mala kömumbinbuköra mönö nene kötŋi neŋgiman. Neŋginöŋga gölme nup waŋgiinga öne qahö ahöba gönjaŋ akŋa.”

²⁰ Bödi köhöikŋi kötökŋi mianön Ijpt könagesö yembuk ahöyöhaŋgöra yeŋön körek mohot mohot nup gölmenini köröŋi mi bohoninaŋgöra algetka Josefnöŋ Ijpt gölme pakpak mi söŋgöroni meiga Farao kiŋgö buŋaya ak teköyök. ²¹ Josefnöŋ Ijpt könagesö miri dop kantrigö jabö teteköŋi uruŋe malgeri, mi pakpak enġömeiga gawmangö welenqeŋe omaŋi aka malget. ²² Farao kiŋnöŋ jike nup galöm yeŋgö fotnait töwaŋini enġiiga memba mianön malmalŋini naŋgöba malget. Mewö aiga neneninaŋgöra qahö lömböriiga gölmenini Josefnöŋ söŋgöroni memapköra qahö alget. Miangöra jike nup galöm yeŋgöreŋ gölme mienön mohot kiŋ Faraogö buŋaŋi qahö aket.

²³ Josefnöŋ könagesö yeŋgöra kewö jiyök: “Mötket, nöŋön nanŋini aka gölmenini söŋgöronini mem teköbiga Farao kiŋgö buŋaya akze. Miangöra nöŋön nene kötŋi enġibiga mi ölop memba gölmenöŋ kömötme. ²⁴ Kömötketka ölni asuhuiga mi mönö kewötketka kambu 5 asuhugetka mienġöreŋök mohot mohot mi Farao kiŋgöra ala waŋgiba malmemö, kambu 4 mi kunbuk gölmenöŋ kömötmeaŋgöra aka neneninaŋgöra ahöma. Mi nanŋini, anöm-moröurupŋini aka tosatŋi miriŋine maljei, mönö enġö nenenina ahöma.”

²⁵ Mewö jiiga kewö jiget: “Göŋön neŋgö malmalnini bödinöhök mekönöŋ. Miangöra azi kembuninaŋgö jeŋe ak-kömukömu miwikŋaibin ewö, neŋön ölop Farao kiŋgö welenqeŋe omaŋi aka malbin.” ²⁶ Josefnöŋ Ijpt yeŋgö gölmegöra jimkutukutu ali ahöba kota ki ohozali, nalö kewöŋe mewöyök toroqeba ahöza. Jimkutukutu mi kewö: Nene nupkö ölnini mi mönö mendengetka kambu 5 aiga mienġöreŋök mohot mohot mi Farao kiŋgö buŋaya akŋapköra ala malme. Jike nup galöm yeŋgöreŋ gölme mienön mohot Farao kiŋgö buŋaŋi qahö aket.

Jeikobnöŋ qamötŋaŋgöra Josef qesiiga oŋ jiyök.

²⁷ Israel yeŋön Ijpt gölmegö prowins qetŋi Gosen miangöreŋ tatat dundumŋini memba gölme aŋgön köla malget. Miangöreŋ mala ahumsehip aketka qötöŋinan gwötpuk qarivyök. ²⁸ Jeikobnöŋ malmalŋi yambu 17 mi Ijpt gölmenöŋ malök. Malmalŋi jömuŋaŋgö yambuŋi mi mindiriba 147 ahök.

²⁹ *Israelgö kömup nalöŋan dopdowiiga nahönŋi Josef jii kaiga kewö jii mörök: “Nöŋön göhö jege ak-kömukömu miwikŋaizal ewö, göŋön mönö dölki urukalem kondela keu kewö pöndaŋ wuatangöba mem yakömangö jiba börögi nöŋgö tambuni bapŋe ala kewö jim jöhöman: Nöŋön kömumbiga qamötŋi mi mönö Ijpt gölme kiangöreŋ kude löm kölman.

³⁰ Nöŋön kömumba iwi asani yembuk luhut memba ahömami, nalö miangöreŋ nöŋgö

* 47:29: Jen 49.29-32; 50.6

qamötni mi mönö Ijpt kantrinöhök memba anda iwi asani löm köl engigeri, yengö qaksirinine nesim kölman. “Mewö jiiga kewö jiyök: “Jizanaᅅgö dop mi ölop akᅅam.”

³¹ Mewö jiiga iwiᅅan kewö jiyök: “Keu mi mönö jöjöpaᅅ keunöᅅ jim köhöim niᅅgiman. “Mewö jiiga Josefnöᅅ mi jöjöpaᅅ keunöᅅ jim köhöiiga Jeikobnöᅅ mi möta bilipköba nöropᅅni memba geba öropᅅnaᅅgö kitipᅅ ala nariba Anutugö waikᅅni memba möpöseyök. Mewö.

48

Jeikobnöᅅ Manase aka Efraim kötuatköm etkiyök.

¹ Nalö tosatᅅni teköiga Jeikobnöᅅ kawöl miwikᅅaiiga keu mi Josefköra jigetka mörök. Mi möta nahönyahötᅅni yahöt Manase aka Efraim mi etkuᅅgita iwiᅅaᅅgöreᅅ anök. ² Aniga tosatᅅnaᅅ Jeikobköra kewö jigetka mörök, “Nahöᅅgi Josefnöᅅ mönö gi gekᅅamgöra kaza. “Israelnöᅅ keu mi möta ösumᅅni ahöyöhi, mi qezaköba ahöahö dumᅅeyök wahöta tarök. ³ Wahöta tata Josefköra kewö jiyök: “Anutu kukösum pakpakö Toᅅni yaᅅön Keinan gölmegö Luz miri miaᅅgöreᅅ nöᅅgöreᅅ asuhuba kötuatköm niᅅgiba

⁴ kewö jiyök: ‘Nöᅅön ahumsehip gihibiga gwölönarökurupki yengö qötöᅅninan mönö qariba qariba öᅅgöiga göᅅön könagesö kambuᅅi kambuᅅi gwötpuk yengö bömöᅅn jalöᅅnina akᅅan. Gwölönarökurupki könage asuhum öᅅgömei, nöᅅön gölme ki mi i buᅅa qem engibiga yengö buᅅaᅅnina teteköᅅni qahö ahöm öᅅgöma.’*

⁵ Anutunöᅅ mewö jiyök. Mutuk nöᅅön Ijpt gölmenöᅅ göhöreᅅ qahö kayalaᅅgöreᅅ anömᅅgan nahönyahötᅅni yahöt Ijpt kiaᅅgöreᅅ etkömeyöhi, yetköᅅn mönö nöᅅgö buᅅaya akᅅahot. Manase aka Efraim yetköᅅn mönö Ruben aka Simeon ewö nöᅅgö buᅅaya akᅅahot. ⁶ Mewö ahotka könᅅᅅp gölme mesiᅅda yetköra distrik yahöt etkime. Efraim aka Manase yetkö bapᅅire nahönböraturupki tosatᅅni asuhugerᅅ, mienöᅅn mönö nange buᅅaya akᅅe. Yeᅅön gölme bahöᅅni buᅅa qem aᅅgumei, mi mönö Efraim aka Manase yetkö distrik yahötᅅniri mietkö uruᅅe ahögetka bohon toᅅniri ahotka datyahötᅅniri yetkö nembö bapᅅire malme. ⁷ Nöᅅön Mesopotemia (Padan Aram) mosöta liliᅅgöba Keinan gölmenöᅅ kaba Efrata taon dopdowibiga anömni Reizölnöᅅ kömuiga wösöbirik ketanᅅi ahum niᅅgiyök. Kömuiga qamötᅅni mi Efrat anangö köna töwokᅅe löm kölal. Efrat mirigö qetᅅni alaᅅni mi Betlehem.’*

⁸ Israelnöᅅ mewö jiba Josefkö nahönyahötᅅni etkeka kewö qesim waᅅᅅiyök: “Azi moröᅅni yahöt ki daᅅön daᅅön?”

⁹ Qesim waᅅᅅiiga Josefnöᅅ iwiᅅaᅅgöra kewö jiyök: “Nöᅅgö nahönyahötᅅni Anutunöᅅ Ijpt kiaᅅgöreᅅ niᅅgiyöhi, i mönö mia. “Mewö jiiga Israelnöᅅ jiyök: “Nöᅅön kötuatköm etkimamaᅅgöra i ölop etkuᅅgitaᅅnonga nöᅅgö kösutne kamahot.” ¹⁰ Mewö jiiga Josefnöᅅ nahönyahötᅅni etkuᅅgita kösutᅅe kagetka böroᅅni giliga imbiᅅire geiga numbuᅅniri yöhötim neyök. Israelnöᅅ azi namᅅni aiga jeᅅi ömuᅅ köliga yuai kun ek kutumamᅅgö töᅅpin aka osiyök. ¹¹ Numbuᅅniri yöhötim namba Josefköra kewö jiyök: “Nöᅅön mutuk göhö jemesoholgi kunbuk gekᅅamgöra qahö al mamböta malalmö, Anutunöᅅ köna mesariga dölkᅅi nangi aka nahönyahötᅅni mewöyök eᅅgekzal.”

¹² Mewö jiiga Josefnöᅅ nahönyahötᅅni iwiᅅaᅅgö tambuᅅeyök etkömembra simin köla bamᅅgöba geyök.

¹³ Bamᅅgöba geba wahöta nahönyahötᅅni böroᅅnire memba etkuᅅgiriga nanᅅni iwiᅅaᅅgö wösöᅅne kayohot. Efraim mi böroᅅni ölnᅅan memba Israelgö böroᅅni qaniᅅe ala Manase mi böroᅅni qaniᅅan memba Israelgö böroᅅni ölnᅅe alök. ¹⁴ Mewö al etkiyökmö, Efraim munᅅni aiga asaᅅan töndup böroᅅni ölnᅅan böraᅅda yaᅅgö nöropᅅne alök. Manasenöᅅ Josefkö nahöᅅni mutukᅅni ahökmö, asaᅅan töndup böroᅅni qaniᅅan yaᅅgö nöropᅅne alök. Mewö aka

* 48:4: Jen 28.13-14 * 48:7: Jen 35.16-19

böröni maripom ewö al kutuba nöropñire alök. ¹⁵ Mewö ala tata Josef kötuetköm wanğiba kewö jiyök:

“Asani Abraham aka iwini Aisak yetkôn Anutugö jeñe anda kaba aka memba malohot. Nöñön asuha mala korali,

Anutunöñ mönö nalö miangöreñ pöndañ köyan köl niñgiba mala korök.

¹⁶ Suep garatanöñ ni bölöñi pakpak miangöreñök meköba anğön köl niñgiba malöhi, yañön mönö azi gwabö yahöt ki kötuetköm etkiba malma.

Ambazipnöñ yetkö qetñiri qetketka miangön mönö ni aka iwi asani Aisak aka Abraham nenğö qetbuñanini bisiba malmahot.

Yetkö könagesöñiran mönö gölme qakñe önöñi qahö sehiba malme.”

¹⁷ Mewö jiyökmö, Josefnöñ iwiñan böröñi ölnan Efraimgö nöropñe ali mi ehi dop qahö kölīga miangöra möt böliba iwiñanğö böröñi ölna memba Efraimgö nöropñeyök meköba Manasegö nöropñe almamğö ahök. ¹⁸ Mewö aka iwiñanğöra kewö jiyök: “Iwini, mewö kude aknöñ. Morö kianğön nahöni mutukñi akza. Miangöra börögi ölnan mönö yañğö nöropñe alnöñ.”

¹⁹ Mewö jiyökmö, iwiñan mi akñamğö qetala Josef kewö jii mörök: “Nahöni, mi ölop mötzal. Nöñön mi mötzal. Manasenöñ mewöyök qetbuñanambuk aiga yañğö gwölönarökurupñan mewöyök ahumsehip aka könagesö ketani akñemö, Efraimgö qetbuñan mönö Manasegöreñ qetbuña onğita ahöma. Yañğö gwölönarökurupñan mönö ahumsehip ketani aka könagesö kambuñi kambuñi gwötpuk aka malme.”

²⁰ Mewö jii möriğa silim miangöreñök kötuetköm etkiba kewö jiyök: “Israel yeñön mönö etkö qetñiri qeta könagesöñini kötuetköm enğiba kewö jime: Anutunöñ mönö oyaenğoyaen ak enğiğa enğön Efraim aka Manase ewö akñe. “Mewö jiba Manase mi Efraimgö nembö bapñe alök.*

²¹ Israelnöñ kötuetköm enğii teköiga Josefköra keu kewö jiyök: “Mötnöñ, nöñön kömumamğö akzalmö, Anutunöñ embuk mal onğöma. Yañön mönö enğuanğiriga iwi asaaurupñini yeñğö gölmenöñ lilingöba anme. ²² Miangöreñ anda sutñine gölme mesinğetka nöñön göhö gölmeği toroqeba Sekem gölme kelökñambuk mi gihizal. Nöñön kukundu gölme mi Amor könagesö yembuk bim qeba nani timbi aka bingö sou ketani miangön yeñğöreñök meal. Josef gi darumunurupki yeñğö bohonñini akzananğöra mi darumunurupki yeñğöra qahöpmö, göhö buñaya jim teköbi ahöma. “Mewö.

49

Jeikobnöñ nahönurupñi kötuetköm enğiyök.

¹ Miangö andöñe Jeikobnöñ nahönurupñi enğoholi kagetka keu kewö jiyök: “Inini mönö öröm tokogetka nöñön malmalñine könanğep denöwö asuhumawi, miangö kezapqetok keuñi indela jibi mötme.

² Jeikobkö nahönurupñi, inini mönö kaba tokoba iwiñini Israelgöreñ keu kezap ala mötket.

³ O Ruben, göñön nani nahöni mutukñi akzan.

Göñön nöngö ösum-mumuni aka ambi membiga ösumnañğö ölni mutukñi asuhunöñ.

Qetbuñagahö aködamunñi aka kukösumñi miangön mönö munurupki yeñğöreñ enğonğitza.

⁴ Luhutnöñ köwet siri kunduriga kalöpmalöp anda kamakzawi, göhö urugan mönö miangö dop wahöri kalöpköba lanğ anda kamakzan.

Göñön iwigi nöngö ahöahö dumne onğöba qömböñne qeba anömnambuk ahönöñga dum miangön mönö anğöjörakñambuk aka tölohoyök.

Miangöra göhö qetbuñagahö aködamunñan mönö munurupki qahö toroqeba enğonğita ahöma.

⁵ Simeon aka Liwai yetkôn darumuna akzahot.

* 48:20: Hib 11.21

Yetkö timbi lingip nupñiran mönö kegwek kahasililin kondorakza.

⁶ Yetkön irimsesewöl qakñe azi enguyohot kömugetka öne töhön sihimñangöra bulmakau aziñi mienjö köna börö yuaiñini lañ engum yandiyohotka porin aket.

Miangöra yetkön keu goro jöhömakzahori, nöñön miambuk urumohot qahö ahakzal. Totoko almahori, nöñön miangöreñ yetpuk qahö toroqeba tatmam.

⁷ Urukazikñiran könöpñambuk akzawañgöra i jim qesuahöm etkizal.

Urusingokñiran kanjamñambuk akzawañgöra i jim jörahöm etkizal. Nöñön könagesöñiri könden engibiga yeñön Jeikobkö gölme dop köla anme. Nöñön menden engibiga yeñön Israel sutñine lañ lalöpköba malme.

⁸ O Juda, göhö darumunurupkan gi möpöseim gihiba malme.

Göhö börögan mönö kerökurupki yeñgö imbi jölñine tatma.

Iwigahö nahönurupñi yeñön mönö göhöra geba simin köla malme.

⁹* O Juda, göñön laion gwaböñi ewö maljan.

O nahöni, gi böröjan suhuba sömbup qem nemala miangöreñök lilingöba kazan.

Yañön laion ewö silenji al kötöteiba laion ambiñi ewö eta köla ahömakza.

Körekñan i suahö aka utuba möndöbingö keñgötñini mörakze.

¹⁰ Kukösumgö aiwesökñi mi kunñan Juda yeñgö böröñineyök qahö enñuanñitma.

Azi kembugö öröpñan könañi sutñire kiniga kunñan mi qahö qeköma.

Nanñi aka gwölönarökurupñan jakömbuak dumñe tata mal öngögetka könañgep kunöñ asuhuiga könagesö kambuñi kambuñi yeñön yañgö jitiñi tem köla malme.

¹¹ Yañön donñiñi wain ip kempañe jöhöi kinma.

Donñiñi moröñi mi wain kösö sutñire gwaröhöiga ahöma.

Yañön oponji mi wain onñan sanñonma.

Malukuñi mi wain kötnañgö sepñe kusahöla közöhölma.

¹² Wain o neiga jeñan wain onji ewö pisihiba inñan kölma.

Juzu onji neiga jitiñan juzu onji ewö tuarima.

¹³ Zebulun könagesö yeñön köwet jitiñe malme.

Yeñgö gölmenöñ wañgeñi wañgeñi surumakñe.

Gölmeñinañgö jaböñi miññön mönö Saidon taonöñ göröken anda ahöma.

¹⁴ Isakar mi donñi sihitñi kotkotñi miangö dop akza.

Donñi qakñe dum tatatkö gösöñi yahöt mietkö sutñire al kötöteiba lokoliba sölonña ahömakza.

¹⁵ Lokoliba sölonña luhut memba ahöiga dum mirinji mi ölop dop köliga gölmeñan sihim kötokñi akña.

Mi eka andöñi yuai lömbötñi anñumamgöra sipköba geiga tosatñan welenqeçe nup memapköra kuñguba jöhöm wañgime.

¹⁶ Tosatñan Dangö könagesöurupñi mulumgöm engigetka Dan yañön mönö awörök aka keu diñdiñangöra bim qeba malma.

Dan kambu yeñön Israelgö kambu tosatñi i ewö aka malme.

¹⁷ Dan yañön qatö mokolen ewö könanöñ ahöba hosgö gwakötñe yöhöiga töwöratiba giliga qakñe tatmawañön mönö tala andöandö gölmenöñ gema.

¹⁸ O Kambu, göñön ni kösö gwarönöhök meköba anñön köl niñgimangöra uba mambörakzal.

¹⁹ Kegwek kahasililin kambu yeñön Gad könagesö engum ohoba malmemö,

Gad yeñön mönö melenña könañine enñuatañgöba nanñini engum ohoba malme.

²⁰ Asergö gölmenöñ nene möriam gwötpuk asuhumakña.

Kiñ yeñön nene nahömñinambuk nemakzei,

yañön mönö nene mewöñi mi gölmeñe kömöt sehiba miññön tosatñi bauköm engiba malma.

* 49:9: Jan 24.9; Ind 5.5

- ²¹ Teunöŋ sihimŋangö dop ösumŋan laŋ lalöpkömakzawi, Naftalinöŋ mönö miangö dop aka moröurupŋi engeksihimŋinambuk enġömembra malma.
- ²² Wain ip o jeŋangö kösutŋe kömötketka kötŋi gwötpuk kuŋguba böröŋi giliga anda sel qösököba yaigep anakzawi, Josefŋöŋ mönö miangö dop akza.
- ²³ Yangö kerökurupŋan timbi jaugemŋini memba urukönöp qakŋe Josefkö kambu mi enġuatangöba enġeriba enġum ohoba malme.
- ²⁴ Mewö malmemö, Jeikobkö bemŋi Anutu kukösumŋambuk yangö böröŋan mönö mem köhöim waŋgiiga
 yaŋön timbi töhötni qahö mosöta börö sihitŋi kakŋi qahö qeiga malma. Anutu yaŋön mönö urugö lama galömŋi aka Israelgö aŋgönkölköl Tonŋi akza.
- ²⁵ Iwigahö Anutuŋan mönö bauköm gihiba malma. Bem kukösum pakpakö Tonŋan mönö kewö kötuetsköm gihiiga malman: Kiegö kötumötuetŋan mönö könakembayök göhöreŋ eriga gölme dutŋi emuyangö oŋan göhöreŋ koriga nahönbörat aka sömbup gwötpuk miwikŋaim enġiba malman.
- ²⁶ Kunduŋi kundunŋi mienġö kötumötuetŋinan nalöŋi nalöŋi ambazip dop köl enġii mala kotket. Kunduŋangö sörokŋe yambu dop nene nupŋini memba malgetka nene möriam asuhui mala kotketmö, göhö iwigahö kötumötuetŋan mönö mi pakpak oŋgitza. Kötumötuet mienöŋ mönö Josefkö nörop qakŋe öŋgöme. Darumun sutŋine pom jembon tök-kutukutuŋi akzawangö malmalŋe mi pakpak mönö ahöm öŋgöme.
- ²⁷ Benjamin mi kiam kalŋi ewö akza. Söŋan dop böröŋaŋ suhuba sömbup enġuba nem gwahöt enġimakza. Silimnöŋ yuai kiom qemakzawi, mi sunġem dop mendenmakza. “Mewö.
- ²⁸ Israelgö kambu pakpak jaŋgöŋini 12 mi mewö. Iwiŋinan kötuetsköm enġiba keu mewö mewö jiiga mötket. Kötumötuetŋini murutŋi murutŋi mi nanŋök nanŋök mendenġa körek kötuetsköm enġiyök. Mewö.

Jeikobnöŋ kömuyök.

- ²⁹ Kötuetsköm enġiba kinda keu kewö jim kutum enġiyök: “Anutunöŋ mönö noaŋgiri nöŋön isik alaurupnan kömugeri, yembuk toroqemangö akzal. Nöŋgö qamötni mi mönö iwiurupni yeŋgö qöhöröŋine baŋet Hit azi Efrongö gölme köröŋe ahözawi, miangöreŋ löm köl niŋgime. ³⁰ Baŋet mi Keinan gölmenöŋ Makpela gölme köröŋe Mamre kösutŋe ahöza. Abrahamnöŋ gölme köröŋi baŋetŋambuk mi isikninaŋgö qaksiriŋi ahömapköra Hit azi qetŋi Efron yaŋgöreŋök söŋgöroŋi meyök.*
- ³¹ Abraham aka anömŋi Sara mi baŋet miangöreŋ löm köl etkiġet. Mewöyök Aisak aka anömŋi Rebeka mi miangöreŋ löm köl etkiġet. Nöŋön toroqeba Lea miangöreŋ löm köl waŋgial.* ³² Abrahamnöŋ gölme köröŋi baŋetŋambuk mi mutuk Hit yeŋgöreŋök bohonŋi meiga ahöza.” ³³ Jeikobnöŋ nahönurupŋi keu mewö jim kutum enġim teköba könayahötni öröi ahöahö dumnöŋ öŋgöiga nöŋ qeba kömuiga Anutunöŋ waŋgiri isik alaurupŋi yeŋgöreŋ toroqeyök. Mewö.*

50

Jeikob löm kölġet.

- ¹ Jeikobnöŋ kömuiga Josefŋöŋ luhuba iwiŋi kepolaköm waŋgiba lipköba anda imbiŋi gili geiga numbuŋi yöhötim neyök. ² Miangö andöŋe Josefŋöŋ doktaurupŋi jimkutukutuŋangö bapŋe malgeri, mi iwiŋangö qamötni sile mem köhököhöi kelöknöŋ mirimegöra

* 49:30: Jen 23.3-20 * 49:31: Jen 25.9-10 * 49:33: Apo 7.15

Jim kutum enjiyök. Jim kutum enjiiga yeñön Israelgö qamötñi mewö ak wanjiget. ³ Nup mi memba malgetka wehön 40 jömuk teköyök. Qamötñini kelöknöñ mirizema, miangö nupñi mi nalö köröpñi mewö memba maljema. Ijpt könagesö yeñön Jeikobköra wehön 70:gö dop jinjen köla sahöta malget.

⁴ Sahöta jinjen köla wösöbirik malgerangö nalöñi mianjön teköiga Josefnöñ Farao kingö jakömbuak mire nup memba malgeri, yeñgöra keu kewö jiyök: “Nöñön engö jeñine ak-kömukömu miwikñaijal ewö, injini mönö nöngö jitne memba Farao kingöra keu kewö jigetka mötma: ⁵ *Iwinan jebuk mala keu kewö jöhöba jöjöpañ keunöñ jim köhöimangöra jim kutum niñgiyök: ‘Nöñön kömumangö akzal. Ni nanangöra köt köteñ Keinan gölmenöñ esibi kinjawi, nöngö qamötñi mi mönö miangöreñ anda löm kölman.’ Miangöra ölop merak jinönga nöñön miangöreñ anda iwinangö qamötñi löm kölagun kunbuk lilingöba kamam.”

⁶ Mewö jii jigetka Farao kiñnöñ mi möta kewö jiyök, “Gi iwigahöra keu jöhöba jöjöpañ keunöñ jim köhöinöñi, miangö dop ölop anda iwigahö qamötñi löm kölman.”

⁷ Mewö jiiga Josefnöñ iwinangö qamötñi löm kölmangöra öngöyök. Farao kingö jembonurupñi qetbuñaninambuk pakpak, jakömbuak mirinangö aka Ijpt kantrigö jitne memeurupñi qetbuñaninambuk mi körek yambuk mohotje anget. ⁸ Josefkö mirigö saiwaurupñi körek pakpak, yangö darumunurupñi aka iwinangö könagesöurupñi yeñön mewöyök mohotje anget. Anöm-moröurupñini, lama, meme aka bulmakau kambuñi kambuñi miyök mönö engömosötketka Gosen gölmenöñ tatket. ⁹ Hosgö karenji karenji aka azi hos qakñine tatkeri, mi mewöyök anget. Mewö mindiriba kambu keta bölökñi anget.

¹⁰ Anda mala Jordan o kutuba likepñe toroqeba anda Atad mire wit padigö ölni aka kamböñi mendenja kewötkeri, miri gölme miangöreñ angota köhöikñanök jinjen köla silata sahöt böliba malget. Josefnöñ iwinangöra wehön 7:gö dop jinjen köla sahöta malök.

¹¹ Atad mire jinjen köla sahötketka gölme toni Keinan könagesö yeñön mi eka möta kewö jiget, “Ijpt yeñön jinjen sahötkö arenji öngöngöñi alje. “Mewö jigetka miri gölme miangö qetñi mi könahiba Abel Mizraim * qetket. Mi Jordan ogö wehön kotkotje ahöza.

¹² Jeikobnöñ nahönurupñi jim kutum enjiyöhi, yeñön miangö dop mewö ak wanjiget.

¹³ *Yeñön qamötñi anguba Keinan gölmenöñ anda Mamre kösutje Makpela gölme köröñe banjet ahözawi, miangöreñ anda löm kölget. Abrahamnöñ mutuhök gölme köröñi banjetnambuk mi qaksirinini ahömapköra Hit azi Efron yangöreñök söngöröñi meyök.

¹⁴ Josefnöñ iwinangö qamötñi löm köli teköiga nanñi, darumunurupñi aka tosatñi pakpak yambuk iwinangö qamötñi löm kölbängö angeri, mienjön kunbuk Ijpt gölmenöñ lilingöba kaget. Mewö.

Josefnöñ likepñi qahö melenmamgö kunbuk jiyök.

¹⁵ Josefkö darumunurupñan iwininan kömuiga mi eka tata kewö mötmöröba jiget: “Josefköra silik bölöñi pakpak ak wanjiini, yanjön miangöra urukondum möt neñgiba nalö kewöñe könahiba likepñi melen neñgibapak.” ¹⁶ Mewö jiba Josefköra keu jit kewö algetka anök, “Iwigan kömumangö aka neñgöra keu kewö jim kutuyök: ¹⁷ ‘Injini mönö Josefköra keu kewö jigetka mötma: Darumunurupkan silik bölöñi aka ayuhum gihibingö akeri, göñön mönö yeñgö siñgisöndokñini aka kahasilinini mi mosötman. Miangöra göñön ölop iwigahö Anutunangö welenqequeurupñi neñgö siñgisöndokñini mosötman. “Yeñön keu jit mi algetka Josefköreñ kaiga möta mönö qeta sahörök.

¹⁸ Miangö andöñe Josefkö darumunurupñan nanñinak kaba gölmenöñ tala wösöñe sipköba eta kewö jiget: “Mötnöñ, nini göhö welenqequeurupki omanji akzin.”

¹⁹ Mewö jigetmö, Josefnöñ melenja kewö jiyök: “Mönö keñgötñini kude mötme. Nöñön Anutugö salupñe qahö kinjal. ²⁰ Ölna, enjön silik bölöñan ayuhum niñgibingöra kapan

* 50:5: Jen 47.29-31 * 50:11: Abel Jinjen sahötkö arenji. Mizraim Ijpt. Hibru keu mewö. * 50:13: Apo 7.16

köla aketmö, Anutunöŋ mi möŋaiiga salupŋe yuai ölöŋŋi asuhumapköra kapaŋ köla ahök. Mewö aka kondota kuŋgum niŋgiiga könagesö gwötpuk eŋgö malmalŋini jöhöbiga miangö ölnan nalö kewöŋe aukŋe asuhiiga ek kutuzin. ²¹ Miangöra mönö keŋgötŋini kude mötket. Nöŋön mönö nanŋini aka anöm-moröurupŋini eŋgö malmalŋini körek nanŋöm eŋgiba malmam. “Mewö jiba bölöŋamŋinanŋö likepŋi qahö meleŋmamgö kunbuk jim köhöiba guŋböŋöŋöŋ ak eŋgiyök. Mewö.

Josefnöŋ kömuyök.

²² Josefnöŋ iwiŋaŋgö könagesöurupŋi yembuk toroqeba Ijpt gölmenöŋ malget. Josefnöŋ mal öŋgöiga yambuŋi 110 aiga kömuyök. ²³ Josefnöŋ isi amböurupŋi Efraimgöreŋök asuhugetka mi eŋgehök. Mewöyök Manasegö nahönŋi Makir yaŋgö nahönböraturupŋi asuhugetka Josefkö tambuŋe al eŋgigetka dohongöm eŋgiyök.

²⁴ Miangö andöŋe Josefnöŋ darumunurupŋi yeŋgöra keu kewö jii mötket, “Nöŋön kömumamgö akzalmö, Anutunöŋ mönö köyan köl eŋgiiga malme. Yaŋön inini gölme kiangöreŋök eŋguaŋgita gölme Abraham, Aisak aka Jeikob yeŋgö buŋaŋina akŋapköra jim teköba jöjöpaŋ keunöŋ jim köhöiyöhi, mönö miangöreŋ anda malme.”

²⁵ *Mewö jii mötketka Israelgö nahönurupŋan keu jim jöhöba jöjöpaŋ keunöŋ kewö jim köhöimegöra jim kutum eŋgiyök: “Anutunöŋ köyan köl eŋgii malgetka nöŋön kömumbiga nöŋgö sihitni mi mönö gölme kiangöreŋök aŋguba Keinan gölmenöŋ anme.” ²⁶ Mewö jiba yambuŋi 110 aiga kömuyök. Kömuiga Ijpt miangöreŋ qamötŋi mi sile mem köhököhöigö kelökŋan miriba qamöt bokisnöŋ algetka ahöyök. Mewö.

* 50:25: Eks 13.19; Jos 24.32; Hib 11.22

RUT

Rutkö sundutnji, Jöjöhö Walakñangö Buk jañgö 8

Zöm-asa-asari

Aiwi kembu yengö nalöñe Israel yengö malmalñini mihi öngöwa hetañanguk. Uruñini melengetka oyaenköyaen malgetnöñ, miangö andöñe silekmalek malgetka heta heta sohoiga lömböt uruñe simbisembel malget. Mala miangö andöñe uruñini melenget. Mewö mewö hala malget. Rutnöñ nalö miangörenñ luaikö könañi kundelök. Moab anbi yangön Israel aiwia meyök. Aiwi miangön komuiga Rutnöñ iranñi Israel anbi yanguk pöndañ öröröñ jöhöwa Israelkö Anutuñi törörök qekötahöwa malök. Mewö mala kantrinñi Moab mosota Israel uruñe kamba teteköñe apñi mutukñangö tinitosolomurupñi yengö sutñineyök aiwi dölökñi kun miwikñaiwa meyök. Yetkö gulinarökñiri kunöñ kiñ Deiwidkö amböñi halök. Deiwid yangön Israel yengö kiñini qetbuñani öngöñgöñi malök. Deiwidkö gulinarökñi kun mihi Jisös. Rutnöñ yambu 1110-1100 bifo Kraist malök.

Aiwi kembu buk miangö sundutnji mienön malmalkö könañi miewö kundelget: Anbazipnöñ Anutu andö qegetka nalö miangörenñ kahasilililñ köndenmöndenñ ketañan qakñine öngöget. Rutkö sundutñan köna miewö kundelja: Kian anbi yangön uruñi Israelkö Anutukörenñ melenja mötnarip könagesönöñ toroqeiga kötümötuetnöñ qakñe öngöiga oyaenköyaen halök.

Buk muyangö bahöñi bohonñi 3 miñgi miewö:

- 1) Naominöñ Rutkuk Betlehem lilingöyöwöt. 1.1-22
- 2) Rutnöñ Boazkuk aitongöyöwöt. 2.1-3.18
- 3) Boaznöñ Rut mihi anömña meyök. 4.1-22

Elimelek hala saiwaurupñi yengön Moab anget.

¹ Walahok Israel uruñe kiñ kun qahö maliga aiwi kembu yengön könagesö galim köl engiwa malget. Nalö miangörenñ bödi hikñaiwa balöñ patpat söp köla ahöyök. Bödi nalö miangörenñ Juda aiwi kunöñ anömñi hala nahönweitñi engangita taonñini Betlehem mosota kantri qetñi Moab miangörenñ anda dum tatatñini möhamgöwa kiana malget. ² Aiwi qetñi Elimelek, anömñi qetñi Naomi hala nahönweitñiri qetñiri Malon hala Kilion. Balöñini qetñi Efrata. Yengön taonñini Betlehem mosota Moab balöñnöñ anda miangörenñ malget. *

³ Miangörenñ malgetka Naomikö apñi Elimeleknöñ komuyök. Komuiga Naominöñ anbi malöya hala nahönweitñe malget. ⁴ Nahönweitñi yetköñ mala qariwa Moabkö anbi weit qetñiri Orpa hala Rut † ⁴ miewö malget: Tamar, Rahab, Rut hala Batseba. Mat 1,3-6 etkömeyöwöt. Etkömeyöwötka toroqemba Moab balöñnöñ yambu 10:gö söp mala kutket. ⁵ Mala kuta nahönweitñi weit Malon ‡ hala Kilion yetköñ mewöyök komuyöwöt. Komuyöwötka namönñiri Naomi yangön apmeröñi qahö nanñök malök. Mewö.

Naomi hala Rut yetköñ Betlehem lilingöyöwöt.

⁶ Naominöñ nanñök Moab kantrinöñ mala nalö kunöñ buzup keu miewö zöget mörök: 'Kembunöñ könagesöñi bauköm engiwa Israel miangörenñ numbu nene ölip miwikñaim engimamja.' Mewö möta Moab mosota Israel balöñe lilingöwa anmamgöra mem mözözöm hali iranweitñi yetkuk wahötket. ⁷ Wahöta köhöm balöñ malöhi, mihi mosota Juda balöñnöñ lilingöwa anmamgöra haliga iranweitñi yetkuk mohotñe könanöñ anget.

* **1:2:** Efrata mihi balöñ Betlehem liliköwa ahözawi, miangö qetñi. Rut 4:11; Jen 35:19; 1 Sml 16:18; Mai 5:2 † **1:3:** Rut keu miangö könañi mihi 'ala-ala'. Jisöskö ambösakonurupñi yengö sutñine anbi ‡ **1:5:** Malon keu miangö könañi mihi 'osumeret aiwi'

⁸ Könanöŋ andaga Naominöŋ iranweitŋi miewö etkezöyök: “Anbiweit, etkön mönö lilingöwa namönweitŋiri yetkö köhömnöŋ anda malmawöt. Etkön nöŋgö apmeröni komugeri hala ni nengöra ölipŋanök ala hal nengiwa malöwötka Kembunöŋ mönö miangö söp likepŋi melenäda ölipŋanök hal komum etkiiga malme. ⁹ Kembunöŋ ölip köna meiga inŋiri aiwi kunduk etkömimba malmal tatatŋiri yetkö köhömnöŋ miwikŋaiwa urusösöŋgai qakŋe malmawöt.” Mewö zömba numbuŋiri etköhötüm neyöknöŋ, yetkö amburereŋ hala silata sahörowöt.

¹⁰ Sahöta miewö zöyöwöt: “Qahöwi! Niri mönö gowuk lilingöwa göhö könagesö kiripki yengöreŋ anbin.”

¹¹ Mewö zöyöwötka melenäda miewö etkezöyök: “O iranweitni, mönö nöpaköra nonŋuk kambitkö halzawöt? Nöŋgön kunduk merö nahönweit membiga qariyöwötka etkömembawörak me? Mewö römöŋgöwawörak ewö, miangön qahö söpköza. Qahöpmahöp! Mönö dölmuhu lilingöwa anmawöt. ¹² Ni anbi namönŋi halzalanöra aiwi kunŋan qahö nömima. O iranweitni, etkön mönö lilingöwa köhömnire anöwöt. Ni kunduk aiwi memangö römöŋgöwa erap sunŋem aiwi kunguk ahöwa köriŋuk hala nahönweitni etkömembilenak ewö, tondup mihi lömböriza.

¹³ Merö mietköŋ qariyöwötka apweitŋira etkimangö mamböta malmawörak me qahöpto? Yetköra hala aiwi memekö könanŋiri jöhöm anŋuwa nalö köripŋi sutŋi mihi mönö in malmawötkuk. Miŋgi qahö söpköza. O iranweitni, mewö qahö. Kembunöŋ birinŋi böraŋda qeköm niŋgiiga apnan komuiga miangöra malmalninan lömböriiga nöŋgön etköra wösöjiniŋni mötzal.”

¹⁴ Mewö zöiga dumŋe kunduk silata sahörowöt. Sahörowöt teköiga Orpanöŋ iranŋangö yaizözökŋi zömba numbuŋi yöhötim nempa elenäda köhömnire anök. Orpanöŋ anöknöŋ, Rutnöŋ kapaŋ köla sele köpaŋe mösölatiyök. ¹⁵ Mewö mösölatiiga Naominöŋ miewö ezöyök: “Mötnöŋ, kasungan anja. Yangön nanŋi bemŋi hala nanŋi anbazip kiripŋi yengöreŋ anja. Gi mönö mewöŋanök elenäda köhömage anöŋ.”

¹⁶ *Mewö zöyöknöŋ, Rutnöŋ tondup miewö melenök: “Ni gi gomosotmamgö de kapaŋ köla zöman. Ölip zönöŋga gowuk anbit. Gi denike denike anmani, nöŋgön mönö mewöyök gowuk miangöreŋ anmam. Gi denike denike malmani, nöŋgön mönö mewöyök miangöreŋ malmam. Göhö anbazip kiripki miŋgi mönö nöŋgö anbazip kiripna halgetka göhöreŋ Anutu mihi mönö nöŋgöreŋ Anutuya hali malmam.

¹⁷ Gi denikeangöreŋ komumani, nöŋgön mönö mewöyök miangöreŋ mohok komumbi löm köl niŋgimeköra mötzal. Keu mihi miewö zöm köhöimam: Komup mohotnöŋ mönö mendeŋ netkima. Iwai mörötŋi kunöŋ mendeŋ netkima ewö, Kembunöŋ ölip miangö likepŋi melenŋiga nöŋgö qakne öŋgöma.”

¹⁸ Mewö zömba yanguk anmamgö köhöikŋanök kapaŋ köliga ekta möt qitiwa miangö keuŋi kunduk qahö zöyöknöŋ,

¹⁹ mohotŋamŋire anda mala Betlehem taonöŋ kauröwöt. Kauröwötka taongö anbazip patpat yengön i etkeкта sösoŋgai ketanŋi möta tokoget. Anbi yengön qeta Naomikö yaizözökŋi miewö zöget: “Hei! I halakŋa Naomiya me denöwö? Oe oe oe!”

²⁰ Mewö zögetka Naominöŋ miewö zöyök: “Nöŋgö qetni Naomi miŋgi in de qetme. Ni urusösöŋgai anbia qahö. Anutu kukosum Touŋan mönö kondot niŋgiiga urukombuk möta malzal. Miangöra nöŋgö qetni Mara qetketka söpköma. § ²¹ Nöŋgöreŋ iwai kombunŋi ahöiga mutuk taon muhu mosota analnöŋ, erap Kembunöŋ nanŋiriga biribörak lilingöwa omaŋe kazal. Kembu kukosum Touŋan keuni kewöta mem kirehöm niŋgiiga könjilin qakŋe malzal. Miangöra qetni Naomi mihi in de qetme.” Mewö.

²² Naomi hala iranŋi Rut, Moab anbi miangön Moab mosota Betlehem taonöŋ kayöwöri, nalö miangöreŋ anbazipnöŋ könahiwa padikö alaŋi bali miŋgi nupŋine koholget.

* **1:16:** Rut 2.11-12; 2 Kiŋ 2.2-6 § **1:20:** Qet weit mihi Hibru keu könanŋiraŋguk. Naomi urusösöŋgai. Mara urukombuk.

2

Rutnōj Boazkō nupnōj bali qendaṅnōk.

¹ Naomikō apṅi Elimelekō isik uruṅe tinitosolomṅi aiwi qetbuṅaṅṅuk kun qetṅi Boaz malök.

² *Nalō kunōṅ Moab anbi Rut yaṅgōn iranṅi Naomikō muewō ezöyök: “Ölip zöm tekönōṅga nōṅgōn nup kunōṅ anda anbazip bali ipṅi kohola iriremōnṅi mosoramjei, mihi qendaṅda tokomam. Ni ölip aiwi kungō jeṅe eksihim miwikṅaiwiga ‘Oṅ!’ zōiga ölip yaṅgō andōṅe anda mihi tokomam.” Mewō zōiga Naominōṅ zöyök: “O bōratni, ölip anman.”

³ Mewō zōiga mosota nup kun dahōreṅ nuwa, mihi qahō mötaga tondup laṅ anda kinda bali koholgetka yengō andōṅine anda ipṅi mohok mohok qeqelanṅaṅ heta ahōgeri, mihi qendaṅda qendaṅda anök. Nup körinṅe anōhi, mihi Boaz, iranṅi Elimelekō isiknōhök kun yaṅgōreṅ nuwa ahöyök.

⁴ Yaṅgōn dölmuhu Betlehemök kauta nup anbazipṅi engeikta yaizözökṅini muewō zöyök: “Bōṅjōṅ! Kembunōṅ enguk malma.” Mewō zōiga melenṅda muewō qetket: “Kembunōṅ mönō kötuetkōm gihima.”

⁵ Mewō qetketka Boaznōṅ nup galimṅi muewō qesiyök: “Anbi mihi dahōn?”

⁶ Mewō qesiiga muewō melenṅnök: “Anbi mihi köriwengōra. I Naomiguk Moab kantrinōhök kayōwöt. ⁷ Yaṅgōn sōṅan hōmandinṅe kamba qesim niṅgiiga ölip zōmbiga nup anbazip yengō kōnaṅine engohorata bali ipṅi qendaṅda tokoza. Nup pōndaṅ memba malzawa döldimuhu koumnōṅ endu anda luhut memba tatza.”

⁸ Mewō melenṅniga Boaznōṅ Rutkōra muewō zöyök: “Bōratni mötnōṅ, nōṅgōn keu goroya kun gihimam: Gi nup muhu de mosota tosatṅi yengō nupṅine qahō anda bali memba tokoman. Mönō nōṅgō welenqeqe anbiurupni yenguk mohotṅe muyaṅgōreṅ qendaṅda malman. ⁹ Ni nup aiwiurupnan gömisiriwekukōra soṅgo halzal. Nup denike denike anda padi koholmei, gi mönō mianṅgō jegalim hala yengō andōṅine anda anbi yenguk malman. Ougaṅgō mötman ewō, welenqeqe yengōn ou köwōraṅṅenōṅ huzei, ölip mianṅgōreṅ anda ou neman.”

¹⁰ Mewō zōiga Rutnōṅ mihi möta balōṅnōṅ gewa bangōwa Boazkōra muewō zöyök: “Ni denōwōkōra kian mala tondup göhō jeṅe halkomukomu miwikṅaiwiga mewō köyan köl niṅgizan?”

¹¹ Mewō zōiga muewō melenṅnök: “Nōṅgōn göhō ambamemegaṅgō sundutṅi mihi körek zōgetka mötzal. Göhōn apkan komuiga irangi ölip galim köla mala kutnōṅ. Göhōn namōnmamgi hala hikṅaiṅaiṅai kantrigi mihi mosota anbazip walak qahō möt nenginōṅi, nengō sutṅine kamba malzan. ¹² Göhōn saiwaurupki ölipṅi hal enginōṅga Anutu Israel nengō Kembuninan mönō mianṅgō tōwaṅi gihima. Kuruknōṅ ginginṅan merōurupṅi kölközizip hal engimamjawi, mianṅgō söp göhōn Anutukō aumṅe malmamgōra muhu kanōṅ.”

¹³ Mewō zōiga Rutnōṅ muewō melenṅnök: “Ketaṅamni, ni göhō nup meme anbiurupki yengō söp qahōpnōṅ, göhōn tondup ölipṅi hal niṅgizan. Göhōn keu nuṅgunōṅga seleni pōsatza.” Mewō melenṅnök.

¹⁴ Numbu nene nalōṅan kaiga Boaznōṅ Rutkōra muewō zöyök: “Ölip muhu kamba bered muṅgu memba kasaknōṅ kundumgōwa neman.” Mewō haliga nup anbazip yenguk tariga Boaznōṅ bali ohomṅitiqitiṅi mihi waṅgiyök. Mihi waṅgiiga neiga tomenṅi juliga nene tosatṅi mosota tarök. ¹⁵ Tata wahōta anda toroqemba bali ipṅi qendaṅniga Boaznōṅ nup aiwiurupṅi muewō zöm qitim engiyök: “Yaṅgōn bali ipṅi mihi bōran mienṅgō sutṅine mianṅgōreṅ mewöyök qendaṅda tokoma ewō, inṅini mönō keu töhöreṅ de zöm waṅgime. ¹⁶ Mewō qahōpnōṅ, bali ipṅi tosatṅi mihi bōraṅṅineyök mewöyök hörōwa halget heriga kamba nanṅaṅgōra mem tokoma. Inṅini i de zöm waṅgime.”

* 2:2: Lew 19.9-10; Dut 24.19

¹⁷ Mewö zöm qitim engiiga Rutnön bali ipni qendaŋda tokoi öngöiga hölni hala kamböni menden etkimamgö sapak kerinanguknön humba qörörengöwa gösiiga hölni gösö karömbötkö söp (36 lita) haliga köhöm siŋsiŋgöwa kayök. ¹⁸ Mewö haliga bali hölni mihi memba taonön lilingöwa kamba dawik qendaŋda malöhi, mihi iranŋi kundel waŋgiyök. Miangö andöŋe nene söpŋe memba tosatŋi mosoröhi, mihi mewöyök ujeta waŋgiyök.

¹⁹ Mihi waŋgiiga miewö qesim waŋgiyök: “Gi erap denike anda bali qendaŋda memba malzan? Dahö nup uruŋe nup memba malzan? Aiwi galim köl gihizawi, Anutunön mönö i kötuetköm waŋgima.” Mewö zöiga dahö nupnön nup memba malöhi, yaŋgö sundutŋi Naomiköra zömba miewö zöyök: “Ni erap aiwi kunguk nup memba malzali, yaŋgö qetŋi mihi Boaz.”

²⁰ *Mewö zöiga Naomikö elemŋi heriga miewö zöi mörök: “Kembunön mönö Boaz kötuetköm waŋgima. Kembunön hal komum nengimamgö keu jöhöyöhi, miangö söp mönö pöndaŋ apmeröurupnan komugeri hala nini erap muhu malzini, nengöra halko-mukomuŋi qahö jöhöwa malza.” Toroqemba keu miewö zöyök: “Aiwi mihi nanini tinitosolomnina hala isikninangö sohopŋi meme aiwia. Miangöra yaŋgön mönö ölip galim köl nengima.”

²¹ Mewö zöi möta Moab anbi Rutnön miewö zöyök: “Keu kun toroqeba miewö zöi mötzal: ‘Gi mönö nöŋgö nup meme anbazip yenguk nömtik malnöŋga nöŋgöreŋ bali patpat mihi kohol teköme.’”

²² Mewö zöiga Naominön miewö zöyök: “O böratni, mihi ölip. Gi tosatŋi yengö nup koriŋine anöŋga silik kirekŋi hal ghiwekuk. Miangöra gi ölip Boazkö nup meme anbi yenguk anda nup memba malman.” ²³ Mewö zöiga Rutnön Boazkö nup meme anbi yengö kösutŋine nömtik mala hölni qendaŋda tokowa maliga bali hala wit mietkö koholkohol nalöniran teköyök. Teköiga toroqemba iranŋi Naomiguk malöwöt. Mewö.

3

Rut hala Boaz yetkön bali nupnön aitonöyöwöt.

¹ Nalö tosatŋi teköiga Naominön iranŋi Rutkö miewö zöyök: “O böratni, ni ölip aiwi kun batököwa miwikŋaiwiga galim köl ghiiga yaŋguk sösoŋgai qakŋe köhömgö nangöhök tatman. ² Gi nup meme anbi yenguk mösölatiwa malnöŋi, yengö galimŋini Boaznön mönö nanini tinitosolomnina halza. Mötnön, yaŋgön erap suŋgem baliqeŋe sombemnön gewa bali hölni hala kamböni menden etkimamgöra sapak kerinanguknön humba qörörengöwa kewötma.

³ Miangöra gi mönö dölmuhu ou ariwa selegi kelök umköhöwakŋanguknön miriwa opo sirigi löngöta baliqeŋe sombemnön geman. Emu gemanön, mutuk tikep malnöŋga numbu nenenŋi hala ougisipŋi nem dariga miangö andöŋe ölip yaŋgö jeŋe hikŋainöŋga geikma. ⁴ Gawöngö möta heta denike höl köla ahömawi, mönö miŋgi ekta miangöreŋ anman. Kölközizip gihimapköra qesimani, miangö kaisöpsöpŋi mönö miewö halman: Gi yaŋgö qöhöröŋe anda könaŋe göröken esu kitipŋi menön wahöriga gewa ahöman. Mewö ahönöŋga miwikŋaim ghiwa denöwö halmani, mihi gezöiga mötman.”

⁵ Iranŋan mewö zöiga Rutnön miewö melenök: “Keu patpat zözani, nöŋgön mihi ölip hal datmam.”

⁶ Mewö melenöda baliqeŋe sombemnön gewa iranŋan zöm qitim waŋgiyöhaŋgö söwök miewö hal teköyök: ⁷ Boaznön suŋgem numbu nenenŋi hala ougisipŋi nem dari kip selenŋi mem kolihiga wahöta bali kirip kungö göräŋe gewa gawön ahöyök. Miangöreŋ ahöiga Rutnön ölöŋ zaŋ qemba anda könaŋe göröken esu kitipŋi mei wahöriga miangöreŋ gewa ahöyök. ⁸ Ahöiga suŋgem hömbiwiŋe iwai kungöra outupŋe tiiga imbiŋi möta elenöda anbi kun könaŋe ahöyöhi, mihi miwikŋaiwa ekta hauruyök.

* 2:20: Lew 25.25

⁹ Hauruwa qesim wanjiyök: “Gi dahön?” Qesim wanjiiga miewö melenök: “O ketanjamni, ni Rut, göhö welenqeçe anbia. Göhön nangi isikanjö sohopni meme aiwia halzan. Mianjöra Juda engö ambamemenini wuatängöwa ni ölip galim köl niñgiwa esugan turum niñgiman.”

¹⁰ Mewö melenniga miewö zöyök: “O böratni, Kembunöñ mönö kötuetköm gihima. Gi ölip aiwi wanapni me pomni sukinapni nanguk yengö andönjine anbanaknöñ, mewö qahö halzan. Gi walahok isikurupni ölip nangöm enjiwa malnöña erap mihi ongiita silik ölip sorokni halzan. ¹¹ O böratni, gi mönö torok de hala böñjön malman. Gi anbi ölip sorokni halzani, miñgi taongö anbazip körekñan ölip mötze. Mianjöra gi ikö me waikö qesim niñgimani, nöngön mihi ölip hal teköm gihimam. ¹² *Ni göhö tinitosolomgi hala galim köl gihimamangö söp halzal. Keu miñgi höñapnön, aiwi kunöñ nöngö isikanjö sohopni meme aiwi bohonni halza. Nöngön yangö qerembenji miyök malzal. ¹³ Mewököra ölip sungem muhu miewö ahöman. Sohop meme aiwi bohonñan uran bohongi memangö zömbawak ewö, mihi ölipnön, bohongi memangö qahö mötma ewö, nöngön ölip bohongi memam. Keu mihi jöhöwa Kembukö qetne jöjöpañ keunöñ zöm köhöizal. Mianjöra ölip böñjön ahönöñga söñan halma.”

¹⁴ Boaznöñ mewö zömba anbi kunöñ baliqeçe sombemnöñ yangören heröhi, kunñan mihi mötpakuköra mörök. Mianjöra Rutnöñ Boazkö könañe heta ahöyöknöñ, wangerañ suluiga nalö mianjörenok kunñan i qahö ek qitiiga ölöñ anmapköra wahörök. ¹⁵ Wahöriga Boaznöñ miewö zöyök: “Mönö malukugi selegeyök meköwa mererengöwa memba kinöñ.” Mewö zöiga meköwa memba kiniga bali kötni 25 kilogramö söp kewöta moko geyök. Geiga memba köbibihwiwa Rutkö hawötne haliga hanjuwa lilingöwa taonöñ anök.

¹⁶ Rutnöñ mewö taonöñ anda irannangören angoriga miewö qesiyök: “O böratni, denöwö mala kazan?” Mewö qesiiga Boaznöñ yangö iwai patpat halöhi, mianjö sundutni zöi mörök.

¹⁷ Möriga miewö toroqemba zöyök: “ ‘Gi irannangören biribörak de anman,’ zömba bali munju niñgiza.”

¹⁸ Mewö zöiga Naominöñ miewö zöyök: “O böratni, aiwi mianön erap in luhut qahö memapnön, keugi galim köla maliga mihi mindingöget teköiga mianjö andöñe ölip tata luhut mema. Mianjöra gi mönö ösöñ mamböta tata keugi denöwö zögetka hikñaimawi, mihi mötman.” Mewö.

4

Boaznöñ Rut anöñña meyök.

¹ Boaznöñ taongö kiripo nangune anda qenjarök sombemnöñ heta tarök. Tariga isikanjö sohop meme aiwiköra keu zöyöhi, yangön kamba ongitmamgö haliga yangöra miewö qerök: “O alani, gi ölip muhu kamba heta tatman.” Mewö qeriga kamba mianjören heta tarök. ² Tariga Boaznöñ taonöhok jötne meme aiwi 10 engömiiga kagetka tatmeköra zöiga mohotne heta tatket.

³ Tatketka Boaznöñ isikanjö sohop meme aiwiköra miewö zöyök: “Nalö miewöñe Naominöñ Moab kantri mosota lilingöwa kayöhi, yangön datnini Elimelekören balön kitipni mihi bohonni memeköra halza. ⁴ Mianjöra nöngön miewö römöngözal: Göhön keu mihi mötmangöra göhöra zözal. Göhön isiknirangö sohop meme aiwia halnöñga nöngön göhö qerembenji halzal. Sohop meme aiwi möröttni kun qahö malja. Mianjöra göhön mihi bohonni memangöra kungum gihizal. Göhön miñgi bohonni memangö sihimni mötman ewö, mihi ölip bohonni memanöñ, mihi tököman ewö, ölip mihi mewöyök zönöñga mötmam. Mihi ölip aiwi muhu tatzei, yengö jeñine zöman. Mihi könagesö kiripnangö jötne meme munju yengö jeñine zöman.” Boaznöñ mewö zöiga aiwi alanñan miewö zöyök: “Nöngön mihi ölip bohonni memam.”

* 3:12: Rut 2.20

⁵ Mewö zöiga Boaznöñ zöyök: “Göhön Naomikörej balöñ körinji miñgi söñgööröñi memani, nalö miangörej mönö Moab anbi Rut, aiwi komuyöhangö malöñi miñgi mohok bohonñi meman. Mewö hala aiwi komuyöhangö qetñan mönö birisamot balöñ miangörej ahömapköra mihi galim köla malman.”

⁶ Mewö zöiga sohop meme aiwi bohonñan miewö melenök: “Mewö haliga nöngön mihi bohonñi memangö osizal. Rutnöñ nani nahönböratni yenguk mohotñe birisamotni mendengetka mohot mohot yengön balöñ kitipñi merömerö miyök buña qem anguwekuk. Nöngön mewö halmangö osizal. Miangöra göhön ölip mihi söñgööröñi menöñga nangi buñaya halma.” Mewö melenök.

⁷ *Walahok Israel uruñe kunñan balöñ iwai bohonñi meiga buñaji haliga miangö keuñan köhöimapköra yengön silik miewö hala malget: Keu zöm teköwa jöjöhö halget teköiga yetkörejök kunöñ köna esuñi qeköwa alañi wañgizapma. Israel yengön iwai bohonñi memekö keuñan teköyöhi, mihi silik mewö miangön kundelzema.

⁸ Miangöra aiwi miangön Boazköra miewö zöyök: “Göhön mihi ölip söñgööröñi menöñga buñaji halma.” Mewö zömba köna esuñi qeköwa Boaz wañgiyök. ⁹ Mihi wañgiiga Boaznöñ jötñe meme aiwi hala könagösö patpat yengöra miewö engezöyök: “Nöngön Elimelek, Kilion hala Malon yengörej iwai patpat miñgi Naomikörejök söñgööröñi mezal. Inini mihi erap jeqawa suluwa ölip nañgöwa zömeangö söp halze. ¹⁰ *Nöngön Moab anbi Rut, Malongörej malöya i mewöñanök bohonñi membi nöngö anömma halma. Mewö hala aiwi komuyöhangö qetñan birisamot balöñ miangörej ahömapköra mihi galim köla malmam. Qetñan mewö qahö ayapkömapnöñ, gulinarökurupñan Elimelekö qetñi ölum enguwakököra mihi ölip taon ofiskö bukñöñ ahöm öngöma. Inini mihi erap jeqawa suluwa ölip nañgöwa zömeangö söp halze.”

¹¹ *Boaznöñ mewö zöiga jötñe meme aiwi hala könagesö taongö kiripo nañgure sombemnöñ tatkeri, yengön körek miewö zöget: “Nini mihi jeqawa suluwa nañgöwin. Kembunöñ ölip anömgi göhö köhömgé kamawi, i kötuatköm wañgiiga yañgön Reizöl hala Lea yetkö söp halma. Yetköñ Jeiköbkö nahönböratuñi kombunji engömeyöwötka Israel könagesöñinan hikñaiyök. Göhön ölip Efrata balöñnöñ jötñe meme aiwi pomñi hala Betlehem taonöñ qetbuñagañguk malman. ¹² *Kembunöñ anbi malö ramikñi miangörejök gulinarök gihimawi, göhörej könagesö yengön mönö Juda hala Tamar yetkö nahönñiri Perez yañgö saiwakö söp hala malme.” Mewö.

Boazkö gulinarökurupñi yengö qet areñ

¹³ Mewö hala Boaznöñ Rut wañgita köhömgé anda anömña meiga Kembunöñ kötuatköm wañgiiga köri hala nahönña meyök. ¹⁴ Nahönña meiga anbi yengön Naomiköra miewö zöget: “Nini Kembu möpöseizin. Yañgön erap isikañgö sohop meme aiwia gihizawa yañgön ölip galim köñ gihawa malma. Merö miangön mönö Israel uruñe qetbuñagañguk halma.

¹⁵ Göhö irangan jöpaköm gihimamja. Göhö nahönurupki 7 malweak ewö, yañgön mönö i patpat engongita bauköm gihiwa malök. Yañgön erap isiga gihiiga yañgön mönö malmalgi kölöñaiwa uruöliwam qem gihiwa malma. Könañgep anbi namönñi halnöñga yañgön ölip galim köñ gihiiga malman.” ¹⁶ Mewö zögetka Naominöñ merö mihi memba dohongöwa galim köñ wañgiwa malök.

¹⁷ Anbi kösutñe malgeri, yengön miewö zöget: “Naomikörejök isi nahönña hikñaiza.” Mewö zömba qetñi Obed qetket. Obedkö nahönñi Jesi, isiñi kiñ Deiwid.

¹⁸ Qet areñ muhu mei Perezkörejök könahiwa kinda Deiwidkörej öngöza: Perezkö nahönñi Hezron, ¹⁹ Hezrongö nahönñi Ram. Ramgö nahönñi Aminadab. ²⁰ Aminadabkö nahönñi Nason. Nasongö nahönñi Salmon. ²¹ Salmongö nahönñi Boaz. Boazkö nahönñi Obed. ²² Obedkö nahönñi Jesi. Jesikö nahönñi kiñ Deiwid. Mewö.

* **4:7:** Dut 25.9 * **4:10:** Dut 25.5-6 * **4:11:** Jen 29.31 * **4:12:** Jen 38.27-30

Jona Jonagörej kezapqetok keu Jim-asa-asahi

Buk kianön kezapqetok keu murutni akzap. Mi Jonagörap denöwe asuhuyöhi, miangöt kösohotni akzap. Anutunöj keu kewö jim kutum wanjiyök: Gi mönö Asiria kantrigöt siti bohonni qetni Niniwe miangörej anda urukunjugunju nup meman. Asiria yejön kahasililini ketauni ahöiga Israel yejön kerök miengörap kömumbepukörap kenjötni möta malget. Anutunöj Jona mewö jim kutum wanjiyökmö, yanön mi esapköba qetala Anutugöt koleknöj miangörej anmamgöt tököyök. Mi kewögörap tököyök: Anutunöj siti mi ayuhumangöt galöm meme keu jiyökmö, yanön miangöt dop ölja aknapkö qahöp möt köhöiyök.

Jonanöj tököba qetaliga lömböt öngöngöni qakne öngögetka miangöt andöje nanji imbi-imbi memba et ala tem köla anök. Anda urukunjugunju nup meiga Niniwe sehisehni yejön urunini öljap melenget. Miangörap Anutugöt urunan amöriiga qahöp ayuhum engiyök. Miangörap Jonagöt urunan böliba kömbuhiba nanjak kömumangöt mörök. Kiñ kunöj yambu 782-753 bifo Kraist galömjina maliga Jonanöj nalö miangörej nupni meyök. Miriñi Gat Hefer mi Nazaret kösutje, 5 kilomita anangö dop. Niniwe mi köröwen, 500-600 kilomita anangö dop.

Könanjep Israel yejön nanjinak kezapqetok ambazip yejörej keu möta kude tem kölgetka Anutunöj jiiga Asiria yejön kaba enguba enguangötketka mewö nanjini kinkinini mi mosötket. Buk kianön Anutugöt könanji yahöt kewö kondeljab: Körek nejön Anutugöt jitsihitni törörök tem kölbinangöt dop akzin. Mewö qahöp akzin ewö, lömbötnöj mönö öljap qaknine öngömap. Könanji bohonni kun mi ak-kömükömu aka urujöpak. Yanön nanji kerök kambuni Asiria yejöt singisöndokni mewöyök mosöta ayuayuhunöhök meköm engimapköt kapan kölakzap. Likepni bölöni qaknine öngöbapuköt möt köhöiba urunini melenjbingöt kunjum nenjimakzap.

Buk kiangöt bahöni bohonni 4 mi kewö:

- 1) Anutunöj Jona oholiga yanjisen ahök. 1.1-17
- 2) Jonanöj urunni melenja söranöhök lolohoyök. 2.1-10
- 3) Jonanöj Niniwe könagesö urunini kunjuyök. 3.1-10
- 4) Urunini melengetka Anutunöj ak kömum engiyök. 4.1-11

Jonanöj Kembu qetala mömölaköyök.

¹ *Israel miangörej Kembugörej keu mi Amitaigöt nahönni Jona yanjörej kewö asuhuyök: ² “Asiria kantrigöt siti ketauni Niniwe mi wehön kotkotje ahöza. Yejön bau jegömöl aka bölöjamni memba malakze. Miangöt keu mi nöngöt jemesoholne öngöiga mötzal. Miangörap göjön möp wahöta eu anda nöngöt buja keuni jiba miangön urunini kunjuman.”

³ Mewö jiyökmö, Jonanöj möp Kembugöt jemesoholneyök ölöj köla wehön gegene göröken anmamgörap wahörök. Wahöta miri qetni Jopa (Jaffa) miangörej geba wange kun miwiknaiba “Ölöp yembuk Tarsis mire Spein kantrinöj anmam,” jiba köna söngöröni memba wangenöj öngöyök. Mewö öngöba Kembugöt jemesoholneyök mömölaköba anök.

⁴ Mewö anökmö, Kibunöj möp luhut köhöikni melaii köwetnöj anda qeiga siridim-bom ketauni asuhuiiga wangenöj miangörap jömgömangöt ahök. ⁵ Mewö aiga wange börö azi yejön kenjötni möta nanjini bemurupninangöt dop nanjök nanjök köuluköm engiget. Mewö aka wangenöj amgömapkörap miangöt inap yuaini mi körek gilgetka

* 1:1: 2 Kiñ 1 4.25

köwetnön gem teköyökmö, Jonanön wange dutnangöt uruñe geba mianğoreñ öl köla gaun lömbötñi ahöyök.

⁶ Mianğoreñ ahöiga wange galömnjan yangöreñ kaba kewö jiyök: “Gi möp wuanöngörap ki gaun ahözane? Möp wahöta nangi bemgi qeta köulukönönga yanön mötmörim neñgiiga kude ayuhubinak.” Mewö jiyök.

⁷ Mewö jiiga sutñine kewö jiget: “Ayop möp kaget! Nini möp unju qeba azi dagöt siñgisöndokörap ayuayuhu ki neñgöt qaknine öngözawi, mianğöt könañi mewö miwikñaibin.” Mewö jiba unju qegetka Jonanön asuhuyök. ⁸ Asuhuiga jiget kaiga kewö qesim wanjiget: “Ayuayuhu ki mi dagöt siñgisöndokörap aka neñgöt qaknine öngözawi, gi möp mianğöt könañi jinönga mörin. Gi wanat nuwa memakzan? Gi waniñeyök kazan? Göhöreñ kantri mi waniñe aiga göhöreñ könagesöurupki mi waniñe malje?”

⁹ Mewö qesim wanjigetka kewö melenök: “Ni Israelgöt Hibru azia akzal. Ni Kembu, Suepkö Anutuñi waikñi memba möpöseimakzal. Yanön köwet aka gölme örönñi miwikñaim etkiyök. ¹⁰ Yanön börö osikosibuk niñgiiga nöñön mi tököba Kembugöt jemesoholñeyök ölöñ köla kazal.”

Mewö melenniga azi yeñön mi möt yaköba gwötpuk awöwöliba kewö jiba jim wanjiget: “Yei! Gi möp wuanöngörap mewö akzane?” ¹¹ Köwet mi toroqeba bölim köhöiba ahöyök. Mianğörap yeñön kewö qesim wanjiget: “Nini möp denöwewö ak ghiinga köwetnön giñ qebawak?”

¹² Mewö qesim wanjigetka yeñörap kewö melenök: “Siridimbom ketauñi kianön möp nöngörap aka engöt qakñine öngöba qezawi, nöñön mi ölöp mötzal. Mianğörap inini möp nömmimba köwetnön gilgetka gemam. Gilget gebiga köwetnön ölöp giñ qemap. Mewö jizal.”

¹³ Mewö jiiga börö azi yeñön töndup wange kunbuk gölme oronñe angotmapköröp lökuatnön nanğöbingöt qeba qegetmö, köwetnön bölim teköyöhangörap aka mi osiget. ¹⁴ Osiba Israelgöt Kembuñi yangöt qeta köuluköba kewö jiget: “O Kembu, gi nangak keu jitkahöt dop mi wuatangöba yuai ki akzan. Mewögörap Kembu, azi kianön kömumapköröp aiga mianğörap nini kude ayuhum neñgiman. Sepnangöt keuñi mi neñgöt qaknine kude alnönga öngömap. Keu mi öñap.”

¹⁵ Mewö köuluköba anda Jona memba gilgetka köwetnön geyök. Geiga köwetkö kukñan ösumok bököiga giñ qeyök. ¹⁶ Giñ qeiga azi yeñön Kembugörap euam awöwöliba naluk ketauñi ala Kembu jöwöwöl ohom wanjiba keuñini kewö jöhöget: “Nini möp Kembugöt keuñi tem köla kude qetalbin.”

¹⁷*Jonanön köwetnön geiga Kembunön söra ketauñi kun melaiiga anda Jona gwahörök. Gwahoriga söra mianğöt uruñe sungem silim karöbut ahöba malök. Mewö.

2

Jonanön gajugaju kömgokñe ahöba köuluköyök.

¹ Jonanön söra uruñe ahöba Kembu Anutuñi köuluköm wanjiba kewö jiyök: ² “Nöñön wahöjalñ uruñe Kembu köuluköm gihibiga göñön ölöp keuni mötzan.

Ni unjem senjom kömgokñe ahöba uleralga göñön ölöp uletni mötzan. ³ Göñön köwet röndum ketauñe tötal niñginönga gezal.

Göñön köwet söñsöñaunangöt dutñe tuapkönön eralga göulu ketauñan esuhum niñgizap.

Göhöreñ qölqöl-söutsöt pakpak mi musulungöm niñgizap.

Göhöreñ siri pakpak mi qeba turuba nem ulahöm niñgizap. ⁴ Mia möta kewö mötmörizal:

Göñön ni göhöt jemesoholgeyök közöl niñginönga maljal. Mi töndup nöñön möp kunbuk göhöreñ jöwöwöl jike kömbukñe göröken jenan ubi anma. Mi kunbuk kude ekileñahak kun. ⁵ O aka omanjaret mi nöngöt qakne öngöba turum niñgim teközap.

Röndumnöhök möp liliköm niñgim teközap.

* **1:17:** Mat 1 2.40

Köwetköt kumburereñi mianjôn möp nöröp jupni köpeiba esuhuzap. ⁶ Ni kundunangöt röndañ könañangöt dop yuhuyangöreñ eral. Röndañgöt botñi mianjôn möp nöngöt qakne jöhöm qözöñda jöhöm qözöñ köhöizap.

Yuhu maljalmö, o Kembu Anutuni, göñön möp neka röndañ dutñeyök kunbuk öröm niñginöñga malmalnöñ kotmam. ⁷ Nöngöt malmalnan qahöwakñamgöt aiga nöñön nalö miangöreñ Kembu, gi mötmörim gihibiga köuluknan öñgöba göhöt Suep jike kömbukñe euyangöreñ öñgöba göhöreñ añgotmap. ⁸ Ambazip kopa-bemlopion omanji göda qem engimakzei, yeñön mewö aka kalem möriam Tonji gi andö guhumakze. ⁹ Andö mewö guhumakzemö, nöñön möp möpömöpösei löñet omsa köla naluk ala jöwöwöl ohom gihimangöt mötzal.

Nöñön yuaigöt keuñi jim jöhözali, miangöt dop möp ak sorokömakñam.

O Kembu, gi mohotnöñ nöngöt malmalnangöt bohoni jöhömangöt köhöizan. Keu mi öñap.”

¹⁰ Mewö köuluköm teköiga Kembunöñ möp söra mi jim kutum wañgiiga kaba kota Jona loñniga gölme oronñe erök. Mewö.

3

Jonanöñ Anutugöt nup mi Niniwe uruñe meyök.

¹ Gölme oronñe eriga Kembugöreñ keu ki mi kunbuk Jonagöreñ asuhuyök: ² “Göñön möp wahöta siti ketauñi Niniwe miangöreñ anda buña keu gihimami, mi jiba uruñini kuñguman.” ³ Keu mewö asuhuiga Jonanöñ wahöta Kembugöt keu jit tem köla Niniwe anök. Niniwegöt dopñi mi kewö: Gi görañeyök könahiba anda malnöñga wehön karöbut teköiga likepñe endu añgotman. ⁴ *Jonanöñ könahiba siti uruñe anda maliga wehön mohot teköiga buña keu qeta kewö jiyök:

“Wehön 40 kun ahözap. Mi teköiga Niniwe siti kianjôn möp meleni gemap.”

⁵ Keu mewö qeta jiiga Niniwe könagesö yeñön Anutugöreñ keu möt nariba uruñini melenja nene siñgi malbingöt nalö ala jim köhöiget. Mi jim köhöiba ambazip ketauñi moröñi yeñön lökñanök imbi melenjöt samot meget silenine öñgöiga kau ariget.

⁶ Mewö aketka miangöt buzup keuñi mi Niniwegöt kiñ (praim minista) yangöreñ añgorök. Añgoriga möta jakömbuak dum tatatñeyök eta malukuñi köteköba samot memba at-turuba kau utuba ariba tarök. ⁷ Tata jim kutukutu kewö aliga Niniwe siti dop köl teköba anök: “Inini möp kiñ aka jembonurupñi yeñgöreñ jim kutukutu ki mötme: Kunñan kun möp nene kuluj kude nemap. Ambazip me bau kuruk-lama bulmakau-inini nene kuluj kun nemegöt kude möt engime. ⁸ Nene siñgi mewö mala samot mem teköba Anutu köhöikñanök sahöt köuluköm wañgiba nanjök nanjök könañamñini bölöñi aka ambazip ayuayuhu böröñini töwötpuk meget ahözawi, mi möp andö qem teköba mosötme.

⁹ Mewö ahinga Anutugöt uruñan kunbuk eriga wösöñi möt neñgiba kukñangöt könöpñi qeraköba siñgisöndoknini mosötpawak. Mi mosöriga kude ayuhubinak. Mewö jizin.”

¹⁰ Mi möt asahiba könañamñini bölöñi andö qeba uruñini melenjetka Anutunöñ ahak-memeni mi eka wösöñi möt engiba mötmötñi lilingöiga siñgisöndokñinangöt likepñi melenj engimapkö ahöhi, mi mosörök. Uruñan mewö eriga kude mem bölim engiyök. Mewö.

4

Jonanöñ tembula irimñi seholidyök.

¹ Mewö asuhuyökmö, Jonanöñ miangörap urubölö ketauñi möta irimñi seholidyök.

² *Irimñi seholidyiga Kembu ulet wañgiba kewö jiyök: “Aek Kembu, gi ak-kömukömugöt bemñi mala ölop neñgehorimakzan. Göhöreñ kuki mi öñsöñ aiga kalem möriamgi mi

* 3:4: Mat 1 2.41; Luk 1 1.32 * 4:2: Eks 34.6

önöñji qahöp ahöza. Mewö urugi zölañ amöröiga wösögi möta könagesö kun mem bölöm enjimangöt kude mörakzan. Mia nane gölmenöñ mala lök möt yaköba jiali, mia ölum guhuza me qahöp? Könañi mewögörap aka nalö miangöreñ Tarsis anmam jiba ösumok mömölaköba anda malal. ³ *Merak malmalgöt tököba kömupköt möralga ölöwakzap. Miangörap Kembu, göñön möp malmalni dölki noañoñtöñ. Keu mi ölnap.”

⁴ Mewö ulerökmö, Kembunöñ kewö melenj wañgiyök: “Jona, gi ak-kömukömugörap irimsesewöl mötzani, mi dop köljap me qahöp?”

⁵ Mewö jiiga Jonanöñ siti mosöta eta wehön kotkotñe göröken anda köna töwokñe endu koum qeba miangöt aumñe tarök. Tata sitigörap mewö me mewö asuhumawi, mi ekñañgörap uba tarök.

⁶ Mewö tarökmö, Kembu Anutunöñ Jona uruölöwak ak wañjimangörap jiiga ölnölun kun asuhuba köriba kota Jonagöt nöropñi aum köl wañgiyök. Aum köl wañgiiga ölnölungörap uruölöwak ketañi möta tarök. ⁷ Tata sunjem kun ahöiga miri gianjiiga miangöreñ Anutunöñ taröñ kun melaiiga kaba ölnölun mi yöhöröngöiga sinñi soholiyök. ⁸ Wehönöñ koriga Anutunöñ jiiga luhut könöpñambuk kötökñi mi miri jeñi kotkotñeyök qeiga wehön jeñan nöropñe qei qei uruñi öngöba duhuiga kömumangöt möt teköba köuluköba kewö jiyök: “Nöñön malmalgöt tököba kömupköt möralga ölöwakzap. Keu mi ölna.”

⁹ Mewö jiyökmö, Anutunöñ Jonagörap kewö jiyök: “Gi ölnölungörap irimgi seholizawi, mi dop köljap me qahöp?” Mewö jiiga kewö melenj wañgiyök: “Irimni seholizawi, mi möp dop köljawa. Nöñgöt irimsesewölmi mi ketañi aiga urunan kude amörimap. Miangörap ölop kömumam. Keu mi ölnap.”

¹⁰ Jonanöñ mewö jiiga Kembunöñ kewö jiyök: “Gi ölnölungöt böröñi kun kude memba mi kunde galöm kölnöñga köriyök. Mi sunjem mohotkö uruñe asuhuyök aka sunjem mohotkö uruñe soholiba kömuyök. Töndup göñön nangak yuai omanñi mewöñi miangörap sahöta waimanjat mötzan.

¹¹ Mewö aiga nöñön möp denöwögörap siti ketañi kiangöt könagesöñi yeñgörap waimanjat kude mötpileñak? Miangöt uruñe morö namande 1 20.000 (handöt twenti tausen) jañgö mi öngöta maljei, mi ölopñañgöt aka bölöñañgöt könañiri kude möt kewöt etkimakzei aka bau kuruk yuai mi tok gwötpuk malje. Mi ambazip ketañi yembuk mohok mem bölim enjibilenbukörap nöñön möp sihimnan Niniwe engehoral.” Mewö.

* 4:3: 1 Kiñ 19.4

Matyu

Ölöwak Buña Matyunöŋ ohoyök.

Jim-asa-asari

Matyu qet miangö könaŋi mi Kembugöreŋ kalem. Qetŋi alaŋi Liwai. Rom gawmangö takis meme azia malök. Nup mi memba maliga Jisösnöŋ kaba oholiga uruŋi melenđa gwarek 12 yeŋgö sutŋine malök.

Ölöwak Buña ki Jisösgö könaŋi nanŋe Juda könagesö yeŋgöra jim asarim eŋgimangöra aka ohoyök. Keu kötŋi bohonŋi kewö, “Jisös Kraistnöŋ Amötqeŋe Tonini aka Kiŋnini akza.” Juda ambazip yeŋgöra keu mi qahö dop köli uruŋinan bölü qaköget. Miangöra Matyunöŋ Jisös nupŋaŋgö könaŋi mi aukŋe jim asariba törörök kusum eŋgiyök. Jöhöjöhö Walŋe amötqeŋegö jöhöjöhö keu (promis) ahözawi, mi pakpak mönö Jisösgöra aka aukŋe ahum kuwuleiba ölnambuk ahök. Amötqeŋe Tonŋi mi Hibu keunöŋ Mesaia aka Griŋ keunöŋ Kraist.

Jisösnöŋ urugö nup bahöŋi karöbut memba malök: Yaŋön Ölöwak Buña ambazip kusum eŋgiba uruŋini mianön kuŋguba kawölŋini mem ölöwaka malök. Mewö memba aniga aŋgöletot asuhugetka mala maripom ipnöŋ öŋgöba kömuiga löm kölgetka kunbuk wahörök. Mewö mianön Anutu bemtohoŋaŋgö könaŋi kondel neŋgiyök. Mewö aiga nini letota Anutugö nahönböraturupŋi akingö könaŋi asuhuyök. Jisösgö lesön bohonŋi 5 mi kewö: 1) Boŋ 5-7, 2) Boŋ 10, 3) Boŋ 13, 4) Boŋ 18 aka 5) Boŋ 24-25

Buk kiangö bahöŋi bohonŋi 7 mi kewö:

Jisösgö ambösakonurupŋi aka ahuahuŋi 1.1-2.23

Jon O-melun azinöŋ urugö nup meyök 3.1-12

Jisös o melun meiga Satanöŋ esapköyök 3.13-4.11

Jisösnöŋ Galili uruŋe qenjarök nup meyök 4.12-18.35

Jisösnöŋ Galili mosöta Jerusalem anök 19.1-20.34

Sonda qöndökŋi Jerusalem mala kömuyök 21.1-27.66

Kömupnöhök wahöta mala Suepnöŋ öŋgöyök 28.1-20

Jisös Kraistkö ambösakon yeŋgö qet areŋ

Luk 3.23-38

¹ Jisös Kraistkö ambösakon yeŋgö qet areŋini kewö: Abrahamgö gwölönarökŋi kun Deiwid. Deiwidkö gwölönarökŋi kun Jisös.

² Abrahamgö nahönŋi Aisak. Aisakö nahönŋi Jeikob. Jeikobkö nahönurupŋi Juda aka yaŋgö darumunurupŋi. ³ Judagö nahönyahötŋi Perez aka Zera, namŋiri Tamar. Perezgö nahönŋi Hezron. Hezrongö nahönŋi Ram. ⁴ Ramgö nahönŋi Aminadab. Aminadabkö nahönŋi Nason. Nasongö nahönŋi Salmon. ⁵ Salmongö nahönŋi Boaz, namŋi kantri kungö ambiŋi Rahab. Boazgö nahönŋi Obed, namŋi kantri kungö ambiŋi Rut. Obedkö nahönŋi Jesi. ⁶ Jesigö nahönŋi kiŋ Deiwid. Deiwidkö nahönŋi Solomon, namŋi mutuk Uriagö anömŋa malök. Juda kiŋ pakpak mi Deiwidkö gwölönarökurupŋi aka malget.

⁷ Solomongö nahönŋi Rehoboam. Rehoboamgö nahönŋi Abiya. Abiyagö nahönŋi Asa. ⁸ Asagö nahönŋi Jehosafat. Jehosafatkö nahönŋi Jehoram. Jehoramgö nahönŋi Usia. ⁹ Usiagö nahönŋi Jotam. Jotamgö nahönŋi Ahaz. Ahazgö nahönŋi Hezekia. ¹⁰ Hezekiagö nahönŋi Manase. Manasegö nahönŋi Amon. Amongö nahönŋi Josia. ¹¹ *Josiagö nahönurupŋi Jekonia aka yaŋgö darumunurupŋi. Nalö miangöreŋ Babilon yeŋön Israel könagesö eŋguaŋgitetka Babilon anda kösö mire malmal ewö tandök welenqeŋeŋina malget.

* 1:11: 2 Kiŋ 24.14-15; 2 Hist 36.10; Jer 27.20

¹² Babilon kösö mire malmal ewö tandök mala mianğörej Jekoniagö nahönñi Sealtiel asuhuyök. Sealtielgö nahönñi Jerubabel. ¹³ Jerubabelgö nahönñi Abiud. Abiudkö nahönñi Eliakim. Eliakingö nahönñi Azor. ¹⁴ Azorgö nahönñi Jadok. Jadokö nahönñi Akim. Akimgö nahönñi Eliud. ¹⁵ Eliudkö nahönñi Eleazar. Eleazargö nahönñi Matan. Matangö nahönñi Jeikob. ¹⁶ Jeikobkö nahönñi Josef, Mariagö apñi. Marianöñ Jisös meiga qetñi Kraist Amötqeqe Tonji qerakzin.

¹⁷ Nalö Abrahamğörejök könahiba mala kotketka Deiwid asuhuyöhi, isik miengö jañgö areñi mi 14. Kunbuk kiñ Deiwidkoreñök könahiba mala kotketka Israel könagesö enğuanğitketka Babilon anda kösö mire malmal ewö tandök malgeri, isik miengö jañgö areñi mi mewöyök 14. Babilon kösö mire malmal ewö tandök malgeri, nalö mianğörejök könahiba mala kotketka Kraist asuhuyöhi, isik miengö jañgö areñi mi mewöyök 14.

Jisös Kraist mi kewö asuhuyök:

Luk 2.1-7

¹⁸ *Jisös Kraist asuhuyöhanğö kösohotñi kewö: Yanğö namñi Maria mi Josefbuk buñabuña mala mindimindiri qahö aka malohotka nalö mianğörej Uña Töröñan mem letot wañgiiga köröbuk mali könani mewö miwikñaiget. ¹⁹ Mewö miwikñaigetka azi buñani Josef yanön malmal diñdiñi malöhanğöra Mariagö könani aukñe asuhui gamuñambuk akapuköra tököyök. Mewö tököba uruñan i ölöñ mosötmanğö mötmöt areñi alök.

²⁰ Mewö mötmöriba ahöiga Kembangö garata kunñan gaunöñ asuhum wañgiba kewö jiyök, “Josef Deiwidkö gwölönarökñi, Uña Töröñan mönö Maria letot wañgiiga köröñambuk malja. Mianğöra gi mönö i örönöñ mirige kaba anömgi akñapkö keñgötki kude mötman.

²¹ *Marianöñ mönö morö nahön mema. Azi mianön könagesöñi siñgisöndokñineyök amöt qem enğiiga solanime. Mianğöra göñön qetñi Jisös qetman.” Mewö jiyök.

²² Kembangöñ kezapqetok azi kun sölölohöiga keu kun jiyöhi, mianön öñambuk akñapköra yuai pakpak mi asuhuyök. Kezapqetok keu mi kewö, ²³ * “Ambi seram jömukñi kunöñ gölöñambuk aka morö azia meiga qetñi Imanuel qetme.” Qet mianğö könani kewö, “Anutunöñ nembuk malja.”

²⁴ Josefnöñ imbiñi möta wahöta Kembangö garatanöñ jim kutum wañgiyöhi, mönö mianğö dop aka Maria anömñi akñapköra wañgita miriñe anök. ²⁵ *Anda malohotmö, nalö sutñe mianğörej mohotñe qahö ahöyohot anda nahönñi meiga Josefnöñ qetñi Jisös qerök. Morö meiga mianğö andöñe awanöm malohot. Mewö.

2

Mötkutukutu azi wehön kotkotñeyök kaget.

¹ Jisösnöñ kiñ kembu Herodkö nalöñe Judia prowinsgö taon qetñi Betlehem asuhuyök. Asuhuyöhi, nalö mianğörej sengelaugö mötmöt azi wehön kotkotñeyök Jerusalem sitinöñ kaget. ² Kaba kewö qesiget, “Juda enğörej kiñ kembu akñawi, morö mi asuhuba denike ahöza? Nini wehön kotkotñe mala yanğörej undi asuhui eka könani mewö möta waikñi memba möpöseibingöra kazin.”

³ Mewö qesigetka kiñ kembu Herod aka Jerusalem könagesö yambuk malgeri, yeñön körek pakpak keu mi möta auruget. ⁴ Aurugetka kiñ Herodnöñ keu ala könagesögö jike nup galöm bohönñi aka Köna keugö böhi pakpak köl öröm enği kaget. Kaba tokogetka kewö qesim enğiyök, “Amötqeqe Tonji Kraistnöñ mönö denike asuhumapköra jigetka ahöza?”

⁵ Qesim enğiiga kewö melen wañgiget, “Yanön mönö Judia prowinsgö taon qetñi Betlehem mianğörej asuhuma. Mianğö keuñi mi kezapqetok azi Maikanöñ kewö ohoi ahöza,

⁶ *O Betlehem könagesö Judia gölmenöñ maljei, enğö sutñineyök kembu ketani asuhuba

* 1:18: Luk 1.27 * 1:21: Luk 1.31 * 1:23: Ais 7.14 * 1:25: Luk 2.21 * 2:6: Mai 5.2

nani Israel könagesö mindingöba köyan köl neŋgima. Mianğöra inini Juda gölmegö jıtŋememe yeŋgö sutŋine malgetka qetbuŋaŋinan eretŋi qahöpmağöp akza.’ ”

⁷ Mewö melen waŋgigetka mötkutukutu azi mi ölöŋ eŋgoholi kagetka kewö qesim eŋgiyök, “Undiŋi mönö wani nalönöŋ asuhui könahiba eket?” Mianğö könaŋi törörök mötmamgö möta mewö qesim eŋgiyök. ⁸ Mianğö keuŋi möta melaiba kewö jim kutum eŋgiyök, “Inini mönö Betlehem anda morö mi törörök qesiba miwikŋaiba mianğöreŋök buzup keu algetka nöŋgöreŋ kama. Nöŋön mi möta mewöŋanök anda i waikŋi memba möpöseim waŋgimam.”

⁹ Kiŋnöŋ mewö munen jiba jim kutum eŋgiiga möta könanöŋ anget. Anda undi wehön kotkotŋe mala ekeri, mianğön nöropŋine mutukmutuk ani mötötei-geŋ Betlehem anda miri morö nahön ahöyöhi, mönö mianğöreŋ kinök. ¹⁰ Undi mi kini eka sösoŋgai keta bölökŋi aket. ¹¹ Sösoŋgai aka miri uruŋe öŋgöba morö aka namŋi Maria etkeket. I etkeka simin köla sipköba waikŋi memba möpöseim waŋgiget. Möpöseim waŋgiba bayanğösöŋini qeanda mianğöreŋök goul, jiniŋ paura aka sanda qetŋi mör mi uzeta kalem waŋgiget.

¹² Sunğem kun ahöget-ka Anutunöŋ gaun kondela kiŋ Herodköreŋ kunbuk anbepükö qetal eŋgiyök. Mianğöra köna kungenök nanŋini miri gölmeŋine lilingöba anget. Mewö.

Herodköra asamböta Josef anöm-moröŋi Ijpt anget.

¹³ Mötkutukutu azi mienğön angetka Josefnöŋ gaun ehiga Kembugöreŋ garata kunŋan asuhum waŋgiba kewö jii mörök, “Herodnöŋ morö qei kömumapkö jarum waŋgima. Mianğöra mönö wahöta morö aka namŋi etkuangita ölöŋ köla Ijpt kantrinöŋ anme. Mianğöreŋ anda malgetka bian nanak kamegö nalö jimami, mianğöreŋ mönö lilingöba kame.”

¹⁴ Mewö jii möta wahöta sunğem mianğöreŋök morö nahön aka namŋi etkuangita Ijpt anget. ¹⁵ *Ijpt anda malgetka kiŋ Herodnöŋ kömuiga nalö mianğöreŋök lilingöba kaget. Mutuk Kembunöŋ kezapqetok azi Hosea sölölohöiga keu kewö jii ahöza, “Nöŋön nahöni oholbiga Ijpt gölme mosöta kayök.” Kezapqetok keu mianğön mönö mewö asuhuiga öljambuk ahök. Mewö.

Morö azi Betlehem gölmenöŋ enğuget kömuget.

¹⁶ Mötkutukutu azi mienğön Juda gölme ölöŋ mosöta angetka Herodnöŋ mianğö könaŋi eka “Tilipköm niŋgiget,” jiba irimŋi gwötpuk seholiiga jimkutukutu kewö alök, “Yarö azi, inini Betlehem aka gölme pakpak mi liliköba ahözawi, mönö mianğöreŋ anda azi morö (yara) yambuŋini yahöt aka mianğö bapŋe akzei, mi körek enğuget kömume.” Mötkutukutu azi undi asuhuyöhaŋgö nalögöra törörök qesim eŋgiiga jiget möröhi, mianğö dop morö azi yambuŋinaŋgöra jimkutukutu mi alök.

¹⁷ Kezapqetok azi Jeremaianöŋ keu kun jii ahözawi, mianğön mönö mewö asuhuiga öljambuk ahök. Keu mi kewö,

¹⁸ * “Silat mi Betlehem kösutŋeyök miri qetŋi Rama mianğöreŋök mötketka sahöt gigi-lahöze. Reizöl ambigö gwölönarökurup yeŋön moröurupŋini qahöwaketka ururen meze. Mianğöra sahötketka urukölalep mem eŋgibingö aketka urukondumök mörakze.” Mewö.

Ijpt mosöta Josef anöm-moröŋi Nazaret lilingöget.

¹⁹ Josefnöŋ Ijpt maliga kiŋ Herodnöŋ kömuiga mianğöreŋök Kembugöreŋ garata kunŋan gaunöŋ asuhum waŋgiba ²⁰ kewö jiyök, “Morö qeget kömumapkö mönögeri, yeŋön lök kömuget. Mianğöra mönö wahöta morö aka namŋi etkuangita lilingöba Israel gölmenöŋ anme.” ²¹ Mewö jiiga Josefnöŋ wahöta morö aka namŋi etkuangita lilingöba Israel gölmenöŋ anget.

²² Könanöŋ anda keu kewö mörök, “Herodkö nahönŋi Arkelausnöŋ iwiŋanğö salupŋe Judia prowins galöm köla malja.” Mewö möta mianğöreŋ anmamgö keŋgötŋi mörök.

* 2:15: Hos 11.1 * 2:18: Jer 31.15

Möta mali Anutunöŋ gaunöŋ Galili prowinsnöŋ anmegö jim kutum wanŋiiga wahöta miangöreŋ anget. ²³*Galili prowinsnöŋ aŋgota taon qetŋi Nazaret miangöreŋ malget. Mewö malgetka kezapqetok azi yeŋön Amötqeqe Tonangöra keu jigeri, mianön ölnambuk ahök. Keu mi kewö, “Yaŋgö qetŋi mi Nazaret azi qeta malme.” Mewö.

3

Jon O-melun azinöŋ Jisösgö köna mesarök.

Mak 1.1-8; Luk 3.1-18; Jon 1.19-28

¹ Yambu tosatŋi teköiga Jon O-melun azinöŋ kaba Judia prowinsgö gölme qararaŋkölkölŋe liliköba ambazip uruŋini Buŋa keunöŋ kuŋguba kewö jiba malök, ²*“Suep Tonan bemtohoŋi almawaŋgö nalöŋan lök kam kuŋguza. Miangöra mönö uruŋini melenŋa miangöreŋ aŋgotket.” ³*Jongöra kezapqetok azi Aisaianöŋ keu kun kewö jiba ohoyök, “Kolek garata kunöŋ gölme qararaŋkölkölŋe qeta maliga anda jölŋi kewö mötme, ‘Kembunöŋ kamawo! Miangöra mönö jöjöröba könaŋi mesatket. Mönö uruŋini mindiŋgöba könaŋi köl diŋgiba qölöleiget.’”

⁴*Jongöreŋ maluku mi kamel jupŋan memenŋi aiga kambaŋe örigit sömbup silenjan memenŋi mi jöhöba malök. Nenenamŋi mi gawöt jinam aka arökŋaŋgö moroŋ oŋi. Mi pakpak kezapqetok azi Elaija (Elia) yaŋgö dowa. ⁵ Jonöŋ nupŋi meiga ambazip kambuleleme yeŋön Jerusalem siti aka Judia prowinsgö miri tosatŋi pakpak miengöreŋök yaŋgöreŋ öröba kaget. Mewöŋanök Jordan o likeplikap miri pakpak tat angeri, miengöreŋök kaget. ⁶ Kaba kaŋgota siŋgisöndokŋini jim miwikŋaigetka Jonöŋ i Jordan o töwatŋe o melun mem enŋiyök.

⁷*Mem enŋiyökmö, Farisi (Köna keugö kapaŋkölköl) aka Sadyusi (Jike nupkö kapaŋkölköl) ambazip gwötpukŋan o melun mem enŋimapköra kagetka enŋeka yeŋgöra kewö jiyök, “O qatö moröŋi, iŋini uruŋini qahö melenŋetka Anutugö irimŋan seholiiga likepŋi melenŋ enŋimangö akza. Mi ölöŋ kölbingsö goro keuŋi mi mönö danön jii möta sömbuŋini möta ki kaze? ⁸ Miangöra mönö ölnanök uruŋini melenŋme. Bölöŋamŋineyök liliŋgögetka ölni asuhui mi mönö ahakmemenŋinan aukŋe kondela malme.

⁹*“Uruŋine möndömöndö keu kewö jibingsö kude mötmörime, ‘Neŋön mönö Abrahamgö gwölönarökŋa malinga Anutunöŋ qahö ayuhum neŋgima.’ Mewö jiba töptöpŋine qe-makzemö, ölni mi qahö ahakze. Nöŋön miangöra kewö jibi mötket, Anutunöŋ köt ki ölop jim kutum enŋiiga letota Abrahamgö gwölönarökurupŋi aka Anutu möpöseimakŋemö, iŋini denöwö?”

¹⁰*“Uruŋini qahö melenŋme ewö, Anutunöŋ mönö iŋini ip ewö teŋgöri etpingö akze. Ip pakpak kötŋi ölopŋi qahö kuŋgumakzei, mi mönö köli etket könöpnöŋ gili geme. Ip mewöŋi kölmangö kesinŋi lök jitŋi saŋe ala ip könaŋe ali jöjöröba ahöza. Anutunöŋ mönö bölöŋamŋinaŋgö likepŋi melenŋ enŋima.

¹¹ “Nöŋön iŋini uruŋini melenŋmeangöra o töhönöŋ melun mem enŋizalmö, nöŋgö andöne azi kukösumŋi köhöikŋi kun kama. Yaŋgö kukösumŋi öŋgöŋgöŋan mönö nöŋgöreŋ onŋitma. Yaŋön azi öŋgöŋgöŋi akŋawaŋgöra nöŋön yaŋgö köna esuŋi bauköba gösönöŋ löŋgöta teŋgömamgö qötötangömam. Yaŋön mönö Uŋa Töröŋi uruŋine ali könöp bölamŋan köl könjörat enŋiiga mewö mianön melun mem enŋima.

¹² “Yaŋön ölni aka kamböŋi mendeŋ etkimangö sapakŋi memba kaŋgota uba qöröreŋgöba kewötma. Kewöta wit kötŋi tokoba köweŋe almapmö, kamböŋi aka gwau-gulapŋi mi mönö usuŋniga könöpnöŋ geba teteköŋi qahö jema.” Mewö.

Jonöŋ Jisös o melun mem wanŋiyök.

Mak 1.9-11; Luk 3.21-22

* **2:23:** Mak 1.24; Luk 2.39; Jon 1.45 * **3:2:** Mat 4.17; Mak 1.15 * **3:3:** Ais 40.3 * **3:4:** 2 Kinj 1.8 * **3:7:** Mat 12.34; 23.33 * **3:9:** Jon 8.33 * **3:10:** Mat 7.19

13 Nalö mianğoreñ Jisösnöñ Galili prowins mosöta Jordan o töwatñe Jongöreñ kaba o melun mem wañgimapköra qesiyök. 14 Qesiyökmö, Jonöñ qetal wañgiba kewö jiyök, “Göñön ölop ni o melun mem niñgibanakmö, göñön siñgisöndok qahö aka mönö denöwögöra nöñgöreñ kazan?”

15 Mewö jiiga Jisösnöñ kewö melenök, “Nalö kewöñe mi ölop akñan. Mewö akziga mianön Anutunöñ ahakmeme diñdiñi wuatangöbingö keu jiyöhi, mianğö ölni asuhuiga dop kölma.” Mewö jiiga Jonöñ möri dop kölga urumohot ahök.

16 Urumohot aka o melun mem wañgi teköiga mianğoreñök onöhök koriga kewö asuhuyök: Suepnöñ añañiiga Jisösnöñ uba ehiga Anutugö Uña Töröñan melenđa kembö nei ewö aka Jisösgö qakñe eta meyök. 17 *Eta meiga Suepnöhök qet kun kewö asuhuyök, “Yañön mönö nani wölböt nahöna aiga köröni ölöwahiga eknahöm ak wañgizal.” Mewö.

4

Satanöñ Jisös esapköba malök.

Mak 1.12-13; Luk 4.1-13

1 *Mianğö andöñe Uña Töröñan Jisös kuñgum wañgiiga gölme qararañkölkölñe Bölöñañgö Toñan esapköm wañgimapköra aka anök. 2 Mianğoreñ anda suñgem asak 40 Anutugöra nene siñgi mala nenegö kömuyök. 3 Nenegö kömuiga öme bohonñini qetñi esapesap Toñi yañön asuha kewö jiyök, “Gi Anutu Nahöña akzan ewö, mi mönö kondela köt ki jim kutunöña letota beret aketka neman.”

4 *Mewö jiyökmö, Jisösnöñ keu kewö melenök, “Qahö! Buña Kimbinöñ keu kun kewö ohoget ahöza, ‘Nenenöhök ambazip malmal qahö neñgimazapmö, Anutugö jitñeyök keu kamakzawi, mi pakpak tem kölinga mianön mönö gumohom neñgiiga köhöiba maljin’.”

5 Mewö jiiga Bölöñañgö Toñan Jisös wañgita Jerusalem siti töröñe anda jöwöwöl jikegö boñe euyangöreñ öngöba ali kinök. 6 *Mewö kiniga kewö jii mörök, “Gi Anutugö Nahöña akzan ewö, mönö kianğoreñök luhuba emu geman. Buña Kimbinöñ keu kun kewö ohoget ahöza, ‘Anutunöñ göhöra aka garataurupñi jim kutum enñgiiga ölop kököbihigetka geba kötnöñ könage qahö guhum qizit akña.’

Mianğöra geba kude ayuhuman.”

7 *Mewö jiiga kewö melenök, “Qahö! Buña Kimbinöñ keu kun mewöyök kewö ahöza, ‘Gi mönö Kembugi Anutu kude esapköm wañgiman.’ ”

8 Mewö jiiga Bölöñañgö Toñan kunbuk wañgita kundunñi köröp tiñtiñi kunöñ öngöba gölme pakpak yeñgö kantri tohoñi tohoñi aka miengö inap yuaiñini aködamunñinambuk pakpak kondel wañgiyök. 9 Kondel wañgiba kewö jiyök, “Göñön simin köl niñgiba waikni memba möpöseim niñgiman ewö, nöñön öroyuai pakpak ki mönö tököm gihibi buña qem anguba galöm köl engiman.”

10 *Mewö jiiga Jisösnöñ kewö jii mörök, “Qahö! Satan gi mönö kesalnöñ. Buña Kimbinöñ keu kun kewö ohoget ahöza, ‘Gi mönö Kembugi Anutu, ia mohot simin köl wañgiba waikni memba möpöseiman’.”

11 Mewö jiiga Bölöñañgö Toñan mianğoreñök Jisös mosöta kesalök. Mewö aiga garata yeñön kaba Jisös bauköm wañgiget. Mewö.

Jisösnöñ könahiba Galili uruñe urugö nup meyök.

Mak 1.14-15; Luk 4.14-15

12 *Mianğö andöñe Jon O-melun azi kösö mire * alget tari Jisösnöñ mi möta Judia prowins mosöta Galili anök. 13 *Anda prowins mianğoreñ miriñi Nazaret mosöta

* 3:17: Jen 22.2; Sum 2.7; Ais 42.1; Mat 12.18; 17.5; Mak 1.11; Luk 9.35 * 4:1: Hib 2.18; 4.15 * 4:4: Dut 8.3

* 4:6: Sum 91.11-12 * 4:7: Dut 6.16 * 4:10: Dut 6.13 * 4:12: Mat 14.3; Mak 6.17; Luk 3.19-20 * 4:12:

Kiñ Herodnöñ ambi kun ölöñ meiga Jon O-melun azinöñ i mianğöra jim wañgiiga irimñi sehölili jiiga opotöröp yeñön

Jon jöhöba kösö mire alget tarök. * 4:13: Jon 2.12

Kaperneam anda malök. Kaperneam siti mi Zebulun aka Naftali gölmenöñ Galili o anğö qöhöröñe ahöza. ¹⁴ Mianğöreñ mala nupñi meiga Anutunöñ keu kun kezapqetok azi Aisaia sölölohöiga jiyöhi, mianjön öñambuk ahök. Keu mi kewö,

¹⁵ **“Ambazip Zebulun gölmenöñ aka Naftali gölmenöñ Jordan likepñe malgetka sutñine köna namñi köwetnöñ göröken anda kinjawi aka Juda qahöpmö, kambu tosatñan Galili prowinsnöñ maljei,*

¹⁶ *könagesö mienjön söñaupnöñ mala asakñi ketañi ekñe. Kömupnöñ ambazip aum köl enğiiga pandaman gölmenöñ maljei, yengöra mönö miri wañgaran suruma.”*

¹⁷ **Jisösnöñ Kaperneam mala nalö mianğöreñök könahiba Buña keuñi jim asariba ambazip uruñini kuñguba kewö jiba malök, “Suep Toñan bemtohoñi almawañgö nalöñan mönö kam kuñguza. Mianğöra mönö siñgisöndok malmalñini mosöta uruñini melenget.” Mewö.*

Jisösnöñ gwarekurupñi mutukñi enğoholök.

Mak 1.16-20; Luk 5.1-11

¹⁸ Mewö jiba liliköba mala Galili o anğögö gorañe mötöteiba anda darumun yahöt Saimon qetñi alañi Pitö aka munñi Andru etkehök. Yetkön söra örörö azia mala mösakñiri o anğönöñ söra öröbitköra gila malohot. ¹⁹ Jisösnöñ etkeka kewö jiyök, “Aziyahöt, iñiri mönö ni nuatañgöba kayohotka kusum etkibi ambazip söra ewö öröm enğimakñahot.”

²⁰ Mewö jiiga mianğöreñök mösakñiri mosöta könahiba Jisös wuatañgöba anohot.

²¹ Jisösnöñ yetpuk borom kun toroqeba anda kunbuk darumun yahöt Zebedigö nahönyahötñi Jeims aka Jon etkehök. Yetkön iwiñiri Zebedibuk wañgenöñ tata mösakñini möhamgöba jöhöba malgetka engeka etkoholök. ²² Mewö engeka etkoholiga mianğöreñök wahöta wañge aka iwiñiri mosöta könahiba Jisös wuatañgöba andöñe anohot. Mewö.

Jisösnöñ ambazip kusum enğiba mem ölöwak enğiyök.

Luk 6.17-19

²³ **Jisösnöñ anda Galili prowins uruñe lökñanök liliköba köuluk miriñine öngöba bemtohoñgö Ölöwak Buñañi jim asariba uruñini kuñguba kusum enğiba malök. Mewö aka sutñine ambazip kawöl aka jepajerepe könañi könañi enğöhöi malgeri, mi mem ölöwak enğiba malök.*

²⁴ Mewö memba maliga Jisösgö qetbuñañan sehiba Siria kantri dop köl teköba anök. Mewö ani mi möta kawöl ambazip pakpak enğuañgita yañgöreñ kaget. Tosatñan uzi kawöl aka jepajerepe könañi könañi enğöhöi malget. Tosatñan ömewörömenöñ uruñine geiga töñöt me kölköljinjinbuk malget. Tosatñan tala eta enğuiga bözok mitiba semben auba malget. Tosatñan sileninañgö likepñi kömukömuñi malget. Mewö mewöñi mienjön Jisösgöreñ kagetka mem ölöwak enğiyök.

²⁵ Mewö ak enğiiga ekerañgöra ambazip könagesö ketañi yeñön Jisösgö andöñe wuatañgöba kaget. Kambu ketañi ketañi mi Galili prowins aka Ten Taon distriknöhök kaget. Kambu tosatñan Jerusalem siti aka Judia prowinsgö miri tosatñeyök kaget. Kambu tosatñan Jordan o likepñeyök kaget. Mewö.

5

Jisösnöñ kundunje kindi kusum enğiyök.

¹ Jisösnöñ ambazip kambu ketañi engeka kundunje öngöba tariga gwarekurupñan kañgota liliköm wañgiget. ² Liliköm wañgigetka könahiba ambazip kambuñi kambuñi kusum enğiba kewö jiyök.

Denike yeñön simbawoñ akze?

* 4:15: Ais 9.1-2 * 4:17: Mat 3.2 * 4:23: Mat 9.35; Mak 1.39

3 “Denike yeñon Anutugö jeñe etqeçenji tandök mötzei, yeñon Suepkö bemtohoñi buña qem angumeañgöra mönö simbawon akze.

4 *Denike yeñon jinçen köla sahötzei, Anutunöñ i urukölalep ençimapköra mönö simbawon akze.

5 *Denike yeñon guñböñjönjön malakzei, Anutunöñ gölme ki mi yeñgöra ençii buñañina akñapköra yeñon mönö simbawon akze.

6 *Denike yeñon Anutugö jeñe solanibingöra kapan köla mi nene aka ogö ewö kömumba qemjen qeba maljei, Anutunöñ mönö sihimñini mi gumohom ençima. Miangöra yeñon mönö simbawon akze.

7 Denike yeñon tosatñi ak kömum ençimakzei, Anutunöñ i ak kömum ençimapköra yeñon mönö simbawon akze.

8 *Denike yeñgö uruñinan sarakñi akzawi, yeñon ölop Anutu ekñe. Miangöra yeñon mönö simbawon akze.

9 Denike yeñon luai qemakzei, yeñgö qetñini mi Anutugö nahönböraturupñi qetme. Miangöra yeñon mönö simbawon akze.

10 *Anutunöñ keuñini jim teköi solanizeañgöra sesewerowero ak ençimakzei, yeñon Suepkö bemtohoñi buña qem angume. Miangöra yeñon mönö simbawon akze.

11 *Ambazipnön inçini nöngöra aka uruqeçe keu töhöreñ jim ençiba sesewerowero aka keu bölöñi könañi könañi silençine ala munenmunen jimakzei, ençon mönö simbawon akze.

12 *Mötket, Anutunöñ töwañini öngöñgöñi Suep mire ali ahözawañgöra mönö gönköirañ ala sösoñgai aka malme. Mi kewögöra: Kezapqetok ambazip mutuk malgeri, mi sesewerowero tandökñi mewöñanök ak ençigetka ençon yeñgö andöñine asuhuba yembuk örörön malje.” Mewö.

Inçini gölmegö sihi aka kiwa ewö akze.

Mak 9.50; Luk 14.34-35

13 Jisösnön jiyök, “Inçini gölme ambazip yeñgö howe tandök akzemö, howe nahömñan piahima ewö, mi mönö denöwö möhamgöinga kunbuk nahömñambuk akawak? Miangö könañi kun qahö. Toroqeba yuai kungöra qahö dop kölmappmö, mi nesak ewö gilget geiga ambazipnön mi könañinan tiahöme.

14 * “Inçini gölmeñi gölmeñi yeñgö kiwa tandök ewö aka malje. Siti kun kunduçe öngöba meget tatzawi, miangön tölapñe tatmamgö osimakza. 15 *Kunñan kiwa ohotiriba kumbut bapñe qahö almapmö, kiwagö dum tatatñe ali tatma. Mewö tata asariiga ambazip miri uruñe maljei, mönö körek yeñgö jeñini kuñguiga asakñi ehakñe.

16 * “Mewöñanök mönö ençgö asakñini kondelgetka ambazip sutñine asariiga ehakñe. Amba-zipnön ahakmemençini ölopñi eka miangöra Iwiñini Suep mire maljawi, mönö i möpöseiba malme.” Mewö.

Jisösnön Köna keugö könañi kusum ençiyök.

17 “Nöñon Mosesgöreñ Köna Keu aka kezapqetok ambazip yeñgö Buzup Kimbiñini mi qeapkömamgöra aka qahö kaba maljal. Mewö lañ kude mötmörime. Nöñon qeapkömamgöra qahöpmö, keu mi tem köl teköbi miengö ölninan pöndañ asuhumapköra aka kaba maljal. 18 *Nöñon keu ölni kun kewö jibi mötket, Mosesgö Köna keunöhök kulem moröñi morö közömñi kun me kirifi ohohogö jönbölanñi mohok-kun mi qahö kötökñi ayapkömapmö, keu pakpak mi mutuk ölninambuk asuhugetka Suep gölme yetkön görön qemahot.

* 5:4: Ais 61.2 * 5:5: Sum 37.11 * 5:6: Ais 55.1-2 * 5:8: Sum 24.3-4 * 5:10: 1 Pitö 3.14 * 5:11: 1 Pitö 4.14 * 5:12: 2 Hist 36.16; Apo 7.52 * 5:14: Jon 8.12; 9.5 * 5:15: Mak 4.21; Luk 8.16; 11.33 * 5:16: 1 Pitö 2.12 * 5:18: Luk 16.17

19 “Miangöra kunñan Köna keugö jimkutukutu morörökñi miengörenök keu kun koyonaniba ambazip mewö kusum engimakzawi, yañon Suepkö bemtohone angoriga qetñi morörökñi bezup qetme. Mewö qetmemö, kunñan mi tem köla wuatangöba ambazip mewö kusum engimakzawi, yañon Suepkö bemtohon uruñe angoriga qetñi ketanjamnini qetme.

20 “Nöñon miangö dop kewö jibi mötket: Engö ahakmemeñini solanñi mianñon mönö Köna keugö böhi aka Farisi (Köna keugö kapankölköl) yengö silikñini tandök ewö örörön akapuk. Silikñinan yengö silikñini gwötpuk qahö ongitma ewö, enñon mönö Suepkö bemtohon uruñe qahö angotme.” Mewö.

Yom kazik aka enguget kömukömuqö könañi.

21 *Jisösnöñ toroqeba jiyök, “Enñon möpñeyök keu kun kewö jiget mötzema, ‘Ambazip kun kude qeget kömuma aka kunñan kazikñi qei kömumawi, i mönö distrikö keu jakeñe algetka keuñi jim teköme.’

22 “Mewö jiget mötketmö, nöñon keu mi kewö jim tuaribi mötme: Kunñan alañambuk angururuk aka irimñan sehooli yom kazik akzawi, i mönö mewöyök distrikö keu jakeñe al wanñiget keuñi jim tekömeangö dop akza. Mewöñanök kunñan alañi jijiwilit keunöñ jim böliba ‘Gi uruqahö akzan,’ jizawi, i mönö kantrigö jike kaunsöl yengö jeñine al wanñiget keuñi jim tekömeangö dop akza. Kunñan alañi lösö keunöñ jim böliba ‘Gi angöjörakabuk akzan,’ jizawi, yañon mönö könöp sianöñ gemawangö dop akawak.

23 “Miangöra göñon kalem naluki memba kaba altanöñ almamgö aknönnga miangören keu kewöñan mötmötke kanñotpawak: Alagahö uruñe keu ahöi yañon kazik ak gihimangö mötza. Keu mewöñi mötmöriman ewö, 24 kalemgi mi mönö alta wösöñe ala mutuk alagahören anda yambuk keuñiri jim solaniba urumohot aka miangö andöñe kunbuk kaba kalem naluki Anutugöra alman.

25 “Kerökan silege ala keu jakeñe öröm gihimangö aiga komitigören anda köna namñe miangören mönö kapan köla imbi mohot aka keuñiri jim solanimahot. Mewö qahö akñahot ewö, kerökan ölop örörahöm gihiga (jas, majistreit) jimtekötekö tonangö jeñe angotnönnga möta jii opotöröpkö böröñe genönnga kösö mire al ghibapuk. 26 Nöñon keu ölni kewö jibi mötnöñ, Gi miangören töwagi pakpak almanangö dop qaköba tatman. Toiyagi kondikñi mewöyök al teköbagun mönö töwagi memba etman.” Mewö.

Sero yonñorögö könañi

27 * “Keu kun kewö jiget mötzema, ‘Sero yonñorö kude akñan.’ 28 Mewö jiget mötketmö, nöñon keu mi kewö jim tuaribi mötme: Kunñan serogö sihim kömbönañi qakñe ambi uba ekzawi, yañon lök uruñan yambuk sero yonñorö akza.

29 * “Jegi ölnan sinñisöndok akñangö kölgorom ak gihima ewö, mi mönö qözöla gilmön anma. Sile kitipki kunñan ayuhui mewö Suepnöñ öngönöñga dop kölmappmö, silegi jömukñi malnönnga gil gihigetka könöp sianöñ geba ayuhubanbuk. 30 *Börögi ölnan sinñisöndok akñangö kölgorom ak gihima ewö, mi mönö yandiba gilmön anma. Sile kitipki kunñan ayuhui Suepnöñ öngönöñga dop kölmappmö, silegi jömukñi mala könöp sianöñ geba ayuhubanbuk.” Mewö.

Awanöm anñömosötmosötkö könañi

31 * “Keu kun kewö jiget ahöza, ‘Kunñan anömñi mosötmawi, yañon mönö anñömosötmosöt papia ohoba anömñi wanñima.’ 32 * Mewö jiget ahözappmö, nöñon kewö jibi mötme: Kunñan anömñi qesabulum aiga mosötpawakmö, könañi kungöra anömñi mosöt-mawi, mewö mianñon mönö anömñan qesabulum akñapkö kondota sinñisöndokö

* 5:21: Eks 20.13; Dut 5.17 * 5:27: Eks 20.14; Dut 5.18 * 5:29: Mat 18.9; Mak 9.47 * 5:30: Mat 18.8; Mak 9.43 * 5:31: Dut 24.1-4; Mat 19.7; Mak 10.4 * 5:32: Mat 19.9; Mak 10.11-12; Luk 16.18; 1 Kor 7.10-11

keuṅambuk akṅa. Mewö aiga azi kunbuk meiga azi dölökṅi mianṅön mönö mewöyök qesabulum akṅa.” Mewö.

Keuṅini jöjöpaṅ keunöṅ kude jim köhöime.

33 * “Keu kun mi mewöyök möpṅeyök kewö jiget mötzema, ‘Keuṅini jöjöpaṅ keunöṅ jim köhöigeri, mi mönö kude oṅgitme. Kembangöra yuai akingö keuṅini jöjöpaṅ keunöṅ jim jöhögeri, mi mönö wuatangögetka öṅṅambuk akṅa.’

34 * “Mewö jiget mötketmö, nöṅön keu mi kewö jim tuaribi mötme: Keuṅini mönö jöjöpaṅ keunöṅ qahöpmahöp jim köhöime. Suep mi Anutugö jakömbuak dumṅi akzawangöra aka keu kewö kude jime, ‘Keu öṅṅi qahö jimam ewö, Suep Toṅṅan ölop likepṅi melenṅi qakne öṅgöma.’

35 * “Gölme mi Anutugö könaṅṅö döṅṅi akzawangöra aka keu kewö kude jime, ‘Keu öṅṅi qahö jimam ewö, gölmenöṅ ölop tiṅgita turum niṅgima.’ Jerusalem mi Kiṅ Tök-kutukutuṅṅö sitiṅi akzawangöra aka keu kewöṅi mi mewöyök kude jime, ‘Keu öṅṅi qahö jimam ewö, Kiṅ Ketani yaṅön ölop qemasolokepṅṅö likepṅi melenṅi qakne öṅgöma.’

36 Gi nörop jupki injaṅi menöṅ tuatṅi akṅapkö osiman aka nörop jupki tuatṅi menöṅ injaṅi akṅapkö osiman. Mianṅöra keu kewö kude jiman, ‘Keu öṅṅi qahö jimam ewö, Anutunöṅ ölop nöropṅi qeiga jupṅṅṅö mundaṅṅan uteköma.’ 37 Jöjöpaṅ keu kude jimemö, oṅ-keugöra mönö ‘Oṅ!’ jime aka qahö-keugöra ‘Qahö!’ jime. Keu diṅṅiṅi mianṅöreṅ keu yuai toroqemei, mi mönö Bölöṅṅö Toṅṅan sölölohöm eṅṅi asuhuma.” Mewö.

Jinöṅ jibi aknöṅ aki mi kude akṅe.

Luk 6.29-30

38 * “Keu kun kewö jiget mötzema, ‘Kunṅan jegi qösökömawi, gi mönö kitipṅi melenṅa yaṅö jeṅi qösököman. Kunṅan jitki kumburatimawi, gi mönö kitipṅi melenṅa yaṅö jitṅi kumburatiman.’

39 “Mewö jiget mötketmö, nöṅön keu mi kewö jim tuaribi mötme: Kunṅan bölöṅi ak eṅṅimawi, i mönö kude qetala tuarenjoṅ ak wangime. Mewö qahöpmö, nuṅgulumgi öṅṅi qekötahöma ewö, mönö nuṅgulumgi likepṅi mewöyök qekötahömapköra melenṅman.

40 Kunṅan ‘Sileötangi memam,’ jiba keunöṅ al gihimangö mötza ewö, mönö mosöta malukugi qakṅi mewöyök wanginöṅga buṅa qem aṅguma.

41 “Mewöyök kunṅan gösöṅi kilomita (mail) mohotkö dop siriba anmangö kuṅgum gihima ewö, mönö ölop tem köla kilomita (mail) yahötkö dop siriba yambuk anman.

42 Kunṅan göhöreṅ yuai kungöra qesim gihimawi, mi mönö wangiman. Kunṅan ‘Yuai niṅṅinöṅga kitipṅi bianṅ melenṅman,’ jiba qesim gihimawi, i mönö andö kude qeman.” Mewö.

Kazikurupki mönö urugan jöpaköm eṅṅiman.

Luk 6.27-28, 32-36

43 * “Keu kun kewö jiget mötzema, ‘Ambazip kösutṅine mala alaurupṅini akzei, mi jöpaköm eṅṅimakṅemö, kazikurupṅini mönö melenṅa kazik ak eṅṅiba malme.’

44 “Mewö jiget mötketmö, nöṅön keu mi kewö jim tuaribi mötme: Inṅini mönö kazikurupṅini jöpaköm eṅṅiba kinda sesewerowero ak eṅṅimakzei, yeṅgöra mönö köuluköba malme. 45 Mewö ahakṅe ewö, mewö mianṅön Iwiṅṅinan Suep mire maljawi, mönö yaṅö könaṅi kondela nahönböraturupṅi aka malme. Yaṅö könaṅi kewö: Yaṅön wehöṅṅi qahö aṅṅön köliga kota ambazip ölopṅi aka bölöṅi mewöyök mem asarim eṅṅiba kie aliga ambazip diṅṅiṅi aka goṅṅoṅi yeṅgö nupṅini mewöyök mem kelörakza.

46 “Eṅön mönö niṅṅinöṅ gihibigö tandökṅi oṅṅita Anutugö könaṅi kondela ahakṅe. Takis tilipqilipṅinambuk megetka sisitṅini memakzei, yeṅön alaurupṅinan jöpaköm eṅṅigetka i melenṅa jöpaköm eṅṅimakze. Mi urumelenṅö silikṅi qahö. Inṅini yeṅgö

* 5:33: Lew 19.12; Jaṅ 30.2; Dut 23.21 * 5:34: Jei 5.12; Ais 66.1; Mat 23.22 * 5:35: Ais 66.1; Sum 48.2 * 5:38: Eks 21.24; Lew 24.20; Dut 19.21 * 5:43: Lew 19.18

silik miyök wuatangöba ahakne ewö, Anutugören tosa kun qahö ahuiga yanön mönö silikninanğö likepni qahö enğıga töwa kun qahö buña qem angume. Mianğöra mönö ambazip körek pakpak jöpaköm enğiba malme.

⁴⁷ “Urumelenğö kopa ambazipnön mewöyök sutnıne jölönini jim anguba maljemö, mi urumelenğö aiwesökni qahö. İnini yenğö dop alaurupnini enğö sutnıneyök jölönini jim angumakne ewö, mewö mönö kopa ambazip ewö akze. Kopa ambazip yenğö siliknini mönö onğita qetpuk sorokni aka malme? ⁴⁸ *Enğö Suep Iwininan aködamun sorokni akzawi, enön mönö mianğö dop aködamun sorokninambuk aka malme.” Mewö.

6

Mözöqözörön ambazip mi kalem enğimakne.

¹ *Jisösnön kewö kusum enğıyök, “Mönö kewögöra galöm mem anguba malme: Ahakmemejnini solanji diñdini mi ambazipnön eka enğöra mötket öngömapköra aka kude ahakne. Mewö ahakne ewö, enğö Iwinini Suepnön maljawanön mönö silikninanğö likepni qahö enğıga töwa qahö buña qem angume.

² “Mianğöra ‘Mözöqözörön ambazip kalem enğimam,’ jiba mi qenjaröknön kömam tömunbuk uba kolek almegöra kude aknan. Urumelenğö silesile ambazip yenön ambazipnön miwidimöm (mem biwim) enğimegöra möta köuluk mire aka köna namne anda ambazip enğeka mewö ahakze. Nönön keu öl töhönni kun kewö jibi mötme, Yenön mönö silikninanğö töwanı pakpak lök buña qem angugetka Suep Toñan mi qahö toroqema.

³ “Gönön mewö kude aknanmö, ‘Mözöqözörön ambazip kalem enğimam,’ jiba börögi ölñan denöwö akzawi, börögi qanıñan mi kude mötma. * ⁴ Kalemgi mianön tölapne ahöiga Iwigan ahakmeme tölapni ehakzawi, yanön mönö töwa gihima.” Mewö.

Köuluk nupkö könanı kewö:

Luk 11.2-4

⁵ * “Mianğöra Anutugö köulukömei, mi mönö urumelenğö silesile ambazip yenğö dop kude akne. Yenön ambazipnön enğeknegöra möta sihimninan köuluk mire aka köna soñanön kinda köulukömakze. Nönön keu öl töhönni kun kewö jibi mötme, Yenön mönö silikninanğö töwanı pakpak lök buña qem angugetka Suep Toñan mi qahö toroqema.

⁶ “Gönön mewö kude aknanmö, ‘Anutugö köulukömam,’ jiba mönö nangi miri urunı moröne öngöba nanıu köla Iwigi tölapne maljawi, i köuluköm wanğiman. Mewö aknönıa Iwigan ahakmeme tölapni ehakzawi, yanön mönö töwa gihima.

⁷ “Köulukömei, mianğören mönö urumelenğö kopa ambazip yenğö tandök ewö † keu oyonđewetdewet mi kude jiba malme. Yenön keu jit sehisehıñi jıgetka Anutunön mianğöra aka kezap ala möt enğimapkö mötmörımakze. ⁸ Mönö kewögöra yenğö dop kude aka malme: İnini wani yuaigöra osıba mözöqözörön akzei, Iwininan mi qahö köulukögetka qeljıne lök mötza. ⁹ Mönö kewö köulukömakne:

“Nenğö Iwinini, gi Suepnön maljan. Göhö qetki mönö törönı ahöma.

¹⁰ Mönö galöm köl nenğınönıga bemtohonğahö ölñi asuhuma.

Göhö jıtsıhitki Suepnön tem kölakzei, mewöñanök mönö gölmenön asuhuma.

¹¹ Merakö nenenı mönö dopnine nenğiman.

¹² Tosatñi yenğören tosa nenğören ahözawi, nini mi mosöt enğızın ewö, gi mönö mianğö dop nenğö tosanini sanğınman.

* **5:48:** Lew 19.2; Dut 18.13 * **6:1:** Mat 23.5 * **6:3:** Börögi qanıñan mi kude mötma, keu mianğö könanı kewö: Mi mönö tölapne aknönıa wölböt alagan mewöyök mi kude mötma. Anutunön sölölohöm gıhiıga nup ölöpni amgeba memakzani, mi mönö nangak ölum guhumakza. * **6:5:** Luk 18.10-14 † **6:7:** Kian kantri yenön Anutu qahö möt wanğıba bemñini murutñi murutñi köuluköba keu omanı oyonđewetdewet mi lanı jıba malje.

¹³ Esapesapnön et nenjubapuköra mönön angön köl nenjiba Bölönji Tonjangö böröneyök ‡ meköm nenjiman. (Gi nangak bemtohon Tonji, kukösum Tonji aka asakmararan Tonji mi nalönji nalönji mala kota malnön aka tetekönji qahö mal öngöman. Mi ölña.)

¹⁴ *Inini ambazip yenjö sinjisöndokjini mosötme ewö, engö Suep Iwiñinan mönön mewöyök engö sinjisöndokjini mosötma. ¹⁵ Mosötmapmön, ambazip yenjö sinjisöndokjini qahö mosötme ewö, engö Iwiñinan mönön mewöyök engö sinjisöndokjini qahö mosötma.” Mewö.

Nenegö sinji malmal mi kewö ahakñe:

¹⁶ “Nenegö sinji malmei, miangören mönön urumelenjö silesile ambazip ewö kukbosole kude aka malme. Yenön Anutugöra nene sinji malakzei, ambazipnön mi ekñegöra aka zolon örögetka jemesoholñinan mölmölimakza. Nönön keu öl töhöñji kun kewö jibi mötme, Yenön mönön silikñinanjö töwanji pakpak lök buña qem angugetka Suep Tonjan mi qahö toroqema.

¹⁷ “Gönön mewö kude akñanmön, Anutugöra nenegö sinji mala miangören mönön sinim jupuknön me saipenön jemesoholgi sanjon da nörop jupki qeba malman. ¹⁸ Mewö aka nenegö sinji malnön ga ambazipnön qahöpmön, Iwigi tölapñe maljawanön mi ekña. Mewö aknön ga Iwigan ahakmeme tölapñi ehakzawi, yanön mönön töwa gihima.” Mewö.

Söngörönji ketanji yuai mi mönön Suepnön tokome.

Luk 12.33-34

¹⁹ * “Moneñ inap yuai mi mönön gölmenön ahöm enjimapköra kude tokome. Mewö tokogetka miangören jijilukut kezaplonjonön mi yöhötigetka kahawet töromnön (ros, ufen) mem böliiga kegwek-kahasililij yenön miri qesinda öngöba yongorö memakze.

²⁰ “Gölmenön qahöpmön, Anutugö jitsihitñi tem kölgetka qetbuñanjan qarimapköra mönön kapan kölme. Mewö aketka guli dötnamñini qainñi kun mi Suep mire ahöiga gurem jijilukutnön mi qahö yöhötigetka kahawet töromnön (ros, ufen) mi qahö mem bölime. Kegwek-kahasililij yenön eu qahö öngöba miri qesinda qahö yongorö meme. ²¹ Yuaigöra aködamunñi memba mötnön öngözawi, mianön miri kungen ahöiga gönön mönön urugi mewöyök miangören qekötahöba malman.” Mewö.

Silegö asakñi mi kewö:

Luk 11.34-36

²² “Göhö jegi mi uru silegahö kiwanji akza. Miangöra kawöl kunön jegi qahö mem böliza ewö, mianön mönön unön asarim teköi Anutugö asakñan ölop uruge mem asariiga malmalgi pakpak asakñe malman.

²³ “Asakñe malmanmön, sihim kömbönañi bölöñan me yuai kunñan jegi mem böliba asakñi közambötza ewö, mianön silegö malmalgi pakpak mewöyök mem söñauiga pandaman uruñe jipjap malman. Mewö aiga söñaupnön urugahö asakñi közamböri söñauza ewö, nangi pandamanön mönön Yei! keta bölökñi wewelipñambuk akza.” Mewö.

Anutu me moneñ möt nariman?

Luk 16.13; 12.22-31

²⁴ “Kunñan kembu yahöt welen qem etkimamgö osimakza. Kunñan mewö akñamgö mötzawi, yanön mönön kun kazik ak wanjiba kun uruñan jöpaköma. Kungören qekötahöba kun jijiwilit ak wanjima. Miangöra enön Anutu aka moneñ inap mi mindiriba welen qem etkibingö osime.” Mewö.

Anutu möt nariba waimanjat kude akñe.

‡ **6:13:** “Bölönji Tonjangö böröneyök meköm nenjiman,” tosatñan keu mi kewö melenje: bölöneyök meköm nenjiman.

* **6:14:** Mak 11.25-26 * **6:19:** Jei 5.2-3

²⁵ “Mewö aiga nöñön kewö jibi mötket: Inini gölmenöñ malmeanğö waimanjatñi mi kewö jiba kude akñe, ‘Mönö wani yuainöñ gumohom anğubinak aka wanatnöñ sileninağö löngötpinak?’ Jeñinambuk maljei, mianön bohonñi aiga nenenöñ mönö mianğö nemböñe akza. Sileninambuk maljei, mianön bohonñi aiga opo sörönöñ mönö mianğö nemböñe ahöza. Mönö mi mötmörime.

²⁶ “Könakemba neiñi neiñi mönö enğekñe. Mienön nene kötni qahö qesin gilakze. Padi ölni qahö yandiba köwe miriñine qahö tokomakze. Mi qahöpmahöp aiga enğö Suep Iwiñinan mönö töndup i gumohom enğimakza. Inini nei yeñğö dop qahöpmö, enğö söñğöröñinan mönö nei söñğöröñini enğonğita öñğöñğöñi akza me qahö? Mönö mi mötmöriget anök.

²⁷ “Enğöreñök kunjan waimanjat aka mewö mianön gölmenöñ malmawanğö nalöñi mi sömañi mohotkö dop mem toroqema me qahö? Mi qahöpmahöp! § ²⁸ Opo söröñinağöra mönö denöwögöra waimanjat akze? Mi qahö dop kölja. Sombemğö jariñ jurañi qarimakzei, mönö mi uba enğekñe. Mienön opo söröñinağöra möt qahö loñgalakze aka nup tosatñi qahö memakze.

²⁹ *³⁰ “Mi töndup nöñön kewö jibi mötme, Kiñ Solomonöñ goul silwöñi qeraköba asonbilikñambuk malökmö, yanğö malukuñi mi kiteñ soranjiñ me jura kungö dop eksihimñambuk qahö ahöyök. ³⁰ Sombemğö jariñ jurañi töhön merak kösutnine ahöi uran kölgetka eri qezaköba gila ohoget jemapmö, mi töndup Anutunöñ mi ölöpñanök meñölömakza. Mianğöra yanön inini mewöyök ölop esuhum enğima. Inini jariñ juranğö dop qahö. Anutunöñ köyan köl enğimamğö möta mianğöra sihimñi öñğöñğöñi mörakza. O ambazip, mötnariñinan mönö wuanöñğöra öne töhön morörökñi akza?

³¹ “Mewö aiga inini mönö malmalinanğö waimanjat aka mötkurumkurum kude ahakñe. Mi aka lömböriba kewö jibepuk, ‘Nini mönö wani nene aka wani oya nembinak?’ aka ‘Wani yuainöñ silenini esuhubinak?’

³² “Mi kewögöra: Urumelenğö kopa yeñön yuai pakpak mi buña qem anğubingö kapan köla urukönöp ahakze. Inini yuai pakpaköra mözöröñğöba osimakzei, enğö Suep Iwiñinan mönö mi möt teköza. ³³ Mianğö urukönöp kude akñemö, mutuk mönö Anutugö bemtohoñnöñ anğota yanğö jeñe solanibingö kapan kölme. Uruñini mianğöreñ alget ahöiga yanön mönö galöm köl enğiba yuai mewöñi pakpak mi mewöñanök enğima.

³⁴ “Mewö aiga inini mönö uran malmeanğö waimanjatñi kude ahakñe. Urangö waimanjatñi mi urangöra. Silim mohot mohotkö waimanjatñini mönö nanñök nanñök bisiinga dopñine akña.” Mewö.

7

Jimtekötekö toñi ewö kude akñe.

Luk 6.37-38, 41-42

¹ Jisösnöñ toroqeba kewö jiyök, “Anutunöñ keuñini kewöta jim teköi etpepuköra mönö tosatñi yeñğö keuñini kude kewöta jim teköme. ² *Mianğö könanji kewö: Inini tosatñi yeñğö keuñini kewöta jim tekömei, Anutunöñ mönö dop mohot mianönök nanñini keuñini kewöta jim teköma. Inini tosatñi yeñğöra jimkutukutu ala memba öñğöba eta kewöt enğimakzei, Anutunöñ mönö mianğö dop nanñini ak enğii öñğöba erakñe.

³ “Gi alagahö jeñe gödöwöröt morörökñi ekzanmö, nangi jege ip sahötñi ketanji ahözawi, mia mönö wuanöñğöra kude ek kutuzan? ⁴ Me denöwögöra aka amqeba alagahöra kewö jizan, ‘Alani mötnöñ, ni ölop jegeyök gödöwöröt itaköbi etma?’ Mewö amqeba jizanmö, ip sahötñi ketanji mi nange jege ahöza.

§ **6:27:** Tosatñan jabö 27 mi kewö melenđa jize: Enğöreñök kunjan waimanjat aka mewö mianön silenini wan fitğö dop toroqeba mem körimamğö osima. * **6:29:** 1 Kiñ 10.4-7; 2 Hist 9.3-6 * **7:2:** Mak 4.24

⁵ “O gi urumelenğö silesile azia, gi mönö mutuk nange jegeyök ip sahötñi (tametñi) ketañi memba gilman. Mi mem gilagun törörök ek kutuba alagahö jeñeyök gödöwöröt morörökñi mi ölop itakönönga etma. ⁶ Yuaigöra mötketka tök-kutukutuñi qainñi kun akzawi, mi mönö kiam kude engime. Guli damandan qeçenñi mi mönö bau wösöñine kude gilget anma. Mewö akñe ewö, yeñön mönö mi kónañinan tiahöm engiba dumñe melenđa nanñini engöhöba yöhöqöhötüm engibepuk.” Mewö.

Mönö qesiba jaruba Anutugö nanğunje qeba malme.

Luk 11.9-13

⁷ “Mönö Anutu köuluköme. Köulukögetka kewöta engima. Urugö yuaigö Anutugören böröjan memba jarume. Mi jarugetka kondeliga miwikñaime. Kinda nanğunöñ qeme. Qegetka nanğunñi öröm engima. ⁸ Kunñan Anutu köulukömakzawi, yañön mönö likepñi buña qem anğuma. Yuaigö jarumakzawañön mönö mi miwikñaima. Nanğunöñ qemakzawañgöra mönö nanğu öröm wañgima.

⁹ “Mötket, ambazip engörenök danñön kewö akawak: Nahönñan bisketköra qesiiga köt wañgima? ¹⁰ Me nahönñan söragöra qesiiga qatö wañgima?

¹¹ “Mewö aiga inñini ambazip bölöñi aka töndup kalem ölopñi ölopñi nahönböraturupñini engibingö dop akze ewö, engö Iwiñini Suep mire maljawañön mönö kalemñi denöwö anğön kölbawak? Yañgö uruñangö ahakmemenñi mi neñgongita tandökñi kun akza. Mianğöra inñini yuai ölopñangöra köuluköba qesim wañgime ewö, yañön mönö sihimñan mi engima.

¹² * “Mianğöra ambazipnöñ yuai pakpak nanñinañgö ak engimegö mörakzei, mianğö dop mönö nanñini mewöyök i ak engimakñe. Mewö aketka Mosesgö Köna Keu aka kezapqetok ambazip Buzup Kimbi keuñini mianñön mönö ölninambuk aketka mindimindiri kónañan aukñe asuhuma.” Mewö.

Mönö kiripo nanğu giwikñi kutuba anme.

Luk 13.24

¹³ “Könöp sianöñ gebingö kónañi mi amqeçenñi aka numbuñangö nanğunñi mi ketañi. Ambazip sehisehiñan nanğu mi kutuba köna mi mötöteiba anme. Mianğöra inñini mönö kiripo nanğu giwikñi kutuba mianğö uruñe anme.

¹⁴ “Malmal köhöikñe anğotpingö kónañi mi pökpökñi (pipitñi) osukosubuk aiga numbuñangö nanğunñi mi giwikñi. Ambazip awamdökñan nanğu mi miwikñaima.” Mewö.

Ipkö kónañi mi ölni eka möt kutume.

Luk 6.43-44

¹⁵ “Kezapqetok ambazip takapulakanñi yeñön lamagö sile ewö esuñini löngöta engören kamakzemö, uruñinan ubibi kiam kalñi ewö akze. Mianğöra inñini mönö yeñgöra aka tihitñini möta galöm mem anğuba malme. ¹⁶ Nupñinañgö ölni eketka kónañini kondeli ölop möt kutume. Nejoñ kötni mi jömnöñ asuhumakza me qahö? Warun kötni mi koururuknöñ (köwörörök) asuhui tokomakzin me qahö? Qahö.

¹⁷ “Mianğö dop ip ölopñi pakpak mienñön ölni ölopñi kuñgumakzemö, ip bölöñan mönö kötni bölöñi kuñgumakza. ¹⁸ Ip ölopñan ölni bölöñi kuñgumamgö osiza aiga ip bölöñan kötni ölopñi kuñgumamgö osiza.

¹⁹ * “Ip pakpak ölni ölopñi qahö kuñgumakzei, mi mönö galömñan kutuba memba könöpnöñ giliga geme. ²⁰ * Mianğö dop ambazip mienğö nupñinañgö ölni eketka kónañini kondeli ölop möt kutume.” Mewö.

Gwarek ölnangö kónañi

Luk 13.25-27

* 7:12: Luk 6.31 * 7:19: Mat 3.10; Luk 3.9 * 7:20: Mat 12.33

21 “Nöngö Suep Iwinangö jitsihitni tem kölakzawañon mönö yangö bemtohoñon angotma. Gwötpuk yeñon nöngöra ‘Kembuni, Kembuni!’ qeta jimakzemö, körek yeñon Suepkö bemtohoñon qahö angotme.

22 “Jimtekötekögö nalö ketani miangörej gwötpuk yeñon kaba nöngöra kewö jime, ‘O Kambu Kambu, neñon mönö göhö qetke yuai asuhumapkö kezapqetok keu qeljine jiba malin. Neñon mönö göhö qetkahö ösumnöñ ömewöröme enguatañgöba malin. Göhö qetkan mönö nam köl neñgiiga anğöletot ösum-mumuñinambuk gwötpuk memba malin. Mi ölum guhuza me?’ 23 *Mewö jigetka nalö miangörej könañini aukne kewö jibi mötme, ‘Nöñon inini nalö kunöñ qahö möt enğial. Iwilele ahak ambazip, inini mönö nömosöta kesalget.’” Mewö.

Miri memegö mötkutukutu ölöñji aka piromni

Luk 6.47-49

24 “Mewö aiga denike yeñon keu jitni jizali, mi möta miangö dop tem köla memakzei, nöñon körek yeñon könañamni kondela mötkutukutu azigö dop ala kewö jimam, Yañon miriñi jamöñjiñ köt qakne meyök. 25 Mewö meiga kie uru nalöñe kie römbum yöhöba eriga göulu luhuiga luhut ketani qeiga o göulu köhöikni gila miri selne kuñguyökmö, miri mi jamöñjiñ köt qakne mei kinöhañgöra aka qahö kusuyök.

26 “Denike yeñon keu jitni jizali, mi möta miangö dop qahö tem köla memakzei, nöñon körek yeñon könañamni kondela azi mötkutukutuñi piromnañgö dop ala kewö jimam, Yañon miriñi sak kösahet qakne meyök. 27 Mewö meiga kie uru nalöñe kie römbum yöhöba eriga o luhuiga luhut ketani qeiga o göulu köhöikni gila miri selne kuñgui kusuiga goromororöñgöba erök.” Mewö.

Ambazipnöñ Jisösgö kukösumnañgöra welipköget.

28 *Jisösnöñ keu mi jim teköiga ambazip kambuñi kambuñi yeñon mötketka kusum enğiyöhi, tandök miangöra auruba welipköget. 29 Yañon yeñon Köna keugö böhiurupñinañgö tandök qahö kusum enğiyökmö, kukösum Toñi akzawañgö dop ambazip kusum enğiiga möta tandök miangöra welipkögetka nemböñini teköyök. Mewö.

8

Jisösnöñ uzikuku azi kun mem solaniyök.

Mak 1.40-45; Luk 5.12-16

1 Jisösnöñ kundunji mi mosöta eri könagesö kambulelembe ketanan andöñe wu-atañgöget. 2 Mewö kagetka miangörej uzikuku azi kunöñ kaba simin köla Jisösgö wösöñe geba kewö jiyök, “O Kambu, göñon sihimgan mem ölöwak niñgimangö mötzan ewö, mönö ni ölöp mem solanim niñgiman.”

3 Mewö jiiga böröñi böranda silenji misiriba jiyök, “Nöñon mi aknañgö mötzal. Gi mönö solaniman.” Mewö jiiga uzikukuñi mi miangörejök solani ölöwahök. 4 *Solaniiga kewö jim kutum wañgiyök, “Mötnöñ, kianañgö buzup keuñi mi kun kude jinöñ mötme. Qahöpmö, mönö jike nup galömgörej anda silegi kondel wañgiman aka Mosesgörej jimkutukutuñi wuatañgöba solani-zanañgö saiwap nalukni ala jöwöwöl ohoman. Mi ohonöñ ehiga ambazipnöñ könañamgi möt kutume.” Mewö.

Jisösnöñ suahö galöm kungö nup aziñi mem ölöwahök.

Luk 7.1-10

5 Jisösnöñ Kaperneam taonöñ kañgoriga Rom suahö galöm kunñan yañgörej kaba köuluköba kewö jiyök, 6 “O Kambu, nöngö nup azinañgö silenji likepñan kömukömuñi aiga sihimbölö kanjamñambuk möta mire ahöza.”

* 7:23: Sum 6.8 * 7:28: Mak 1.22; Luk 4.32 * 8:4: Lew 14.1-32

⁷ Mewö jiiga kewö jii mörök, “Nöñön mönö anda i mem ölöwakñam.” ⁸ Mi möta kewö melenđa jiyök, “O Kembu, ni mewöröpñan malbiga nöngö miri boñan goalöñmapkö gamuni mötzal. Mianğöra keu jitkanök jinöñga welen azinan ölöwakña.

⁹ “Mi kewögöra: Ni nanak mewöyök galömnangö kukösum bapñe al niñgigetka maljal. Nöngö bapne yarö azi malgetka mi jim kutum engimakzal. Yeñgöreñök kungöra ‘Anman,’ jim kutubi yañön anma. Kungöra ‘Kanöñ,’ jim kutubi yañön kama aka welen azini kungöra ‘Nup ki meman,’ jibiga yañön mi mema.”

¹⁰ Jisösnöñ keu mi möta welipköba ambazip wuatangöba kageri, yeñgöreñ lilingöba kewö jiyök, “Nöñön keu öñji kun kewö jibi mötme: Israel könagesö sutñine mewöyök mötnarip ketañi mewöñi mi kungö uruñe qahö miwikñaijal.

¹¹ * “Nöñön keu kewö jibi mötme: Ambazip kambulelemenöñ mönö wehön kotkotñeyök aka wehön gegeneyök kaba Suepkö bemtohoñ uruñe kañgota Abraham, Aisak aka Jeikob yembuk nene sösoñgai aka malme. ¹² *Yeñön mewö malmemö, bemtohoñgö nahönböraturup mi mönö engömosöta aköm engigetka pandamanöñ yaigep geme. Mianğöreñ malmei, yeñön mönö sahöt gigilahöba irimñini yöhözömgögetka qetñi qeri malme.”

¹³ Mewö jiba suahö galömgöra kewö jiyök, “Gi mönö mirige anman. Mötnaripkahö dop mönö asuhum gihima.” Mewö jiiga welen azinjan mönö aua mianğöreñök ölöwahök. Mewö.

Jisösnöñ kawöl ambazip gwötpuk meiga ölöwaket.

Mak 1.29-34; Luk 4.38-41

¹⁴ Jisösnöñ Pitögö mire anda Pitögö suhunñan silekönöp kawöl yöhöi ahöiga ehök. ¹⁵ I eka böröñe misiriiga silekönöpñan mosöri wahöta könahiba Jisös nene ohoba gumohom wangiyök.

¹⁶ Mewö malgetka miri söñauiga mianğöreñ ambazipnöñ alaurupñini ömeñinambuk mi gwötpuk enğuanğita yañgöreñ kaget. Kagetka ömewöröme mi keuñan jiba közöl enğiiga kota anget aka kawöl ambazip pakpak mi mem ölöwak engiyök. ¹⁷ *Mewö mianñön Anutunöñ keuñi kezapqetok azi Aisaiagö uruñe ali jii ahözawi, mianñön öñjambuk ahök. Keu mi kewö, “Yañön mönö neñgö uzi kawölnini meiga qakñe öñgöiga bisiyök.” Mewö.

Jisös wuatangöbingö möndömöndö keuñi

Luk 9.57-62

¹⁸ Jisösnöñ ambazip kambu ketañi liliköm wangiget enğeka nalö mianğöreñ gwarekurupñi yembuk o angö kutuba likep angotpingö jim kutuyök. ¹⁹ Köna keugö böhi kunñan Jisösgöreñ kaba kewö jii mörök, “Böhi, gi denike denike anmani, nöñön mönö mianğöreñ gi guatangöba kamam.”

²⁰ Mi möta Jisösnöñ kewö jii mörök, “Arökñangö kiam yeñön köteñine ahögetka könakemba nei yeñön öngot jajöñini memba malakzemö, Suep gölmegö azi öññan mönö denike anda nööröpñi wani qömböñnöñ nariba luhut membawak?”

²¹ Mewö jii gwarek yeñgöreñök kunöñ kewö jii mörök, “Mi ölöpmö, iwinan kömumangö aiga mutuk jinöñga anda galöm kölbö kömui löm kölbögun.” ²² Mewö jiyökmö, Jisösnöñ melenđa jiyök, “Mosötnöñ, köhömuñi yeñön qamötniñi köhömuñi mi ölop löm kölmemö, göñön mönö kaba ni nuatangöman.” Mewö.

Jisösnöñ jiiga raidimbom göröñ qeyök.

Mak 4.35-41; Luk 8.22-25

²³ Jisösnöñ anda wañge uruñe öñgöiga gwarekurupñan wuatangöba yambuk mothne anget. ²⁴ Angetka raidimbom ketañan ömtöröp (töröpñanök) o angönöñ asuhuba gilök. Giliga sirinöñ wañge uruñe geiga numbuñe qemangö ahökmö, Jisösnöñ gaun

* 8:11: Luk 13.29 * 8:12: Mat 22.13; 25.30; Luk 13.28 * 8:17: Ais 53.4

ahöyök. ²⁵ Gaun ahöiga gwarekurupñan anda möndöba jiget, “Hei Kembu, mönö bauköm nenjinöñ. Nini anğönöñ ayuhubingö akzin.”

²⁶ Mewö jigetka melenđa kewö jim enğiyök, “O inini mötnaripñini morörökñi, mönö wuanöñgöra kenğöt mötmöt azia akze?” Mewö jiba wahöta luhut aka siri jim qetal etkiiga sirinöñ nöñ qeba ahöyök. ²⁷ Mewö aiga awöwöliba qesiba jiget, “Yei! Azi kia mönö denöwöñan malja. Yanñon mönö luhut aka köwet jim kutum etkiiga jitñi tem köl wanğizahot.” Mewö.

Ömenöñ bau uruñine gegetka azinöñ ölöwahot.

Mak 5.1-20; Luk 8.26-39

²⁸ Mewö asuhuiga o anğö kutuba likepñe Gadara yeñgö gölmenöñ anğorök. Mianğöreñ anğota azi ömenjirambuk yahöt yetkön qaksirinöhök kaba Jisös miwikñaiyohot. Yetkön irimsesewöl azi urukönöpñirambuk ahotka kunñan köna mianğöreñ anmamgö osiyök. ²⁹ Yetkön Jisös miwikñaiya silata kewö qet gigilahöyohot, “Aek! Gi Anutugö Nahönñi akzan. Gi mönö denöwö ak nenğimamgöra kazan? Sihimbölö mötmöt nalöñan qahö kam kuñguiga qeljiñe mi könöpñambuk ak nenğimamgö ki kazan me?”

³⁰ Mianğöreñök köröwen qahöpmö, kösutñine mianğöreñ bau kambu ketañi kun gwözözak uruñe kulunđa malget. ³¹ Mianğöra ömenöñ kewö jiba Jisös ulet wanğiget, “Göñon nini közöl nenğiman ewö, mönö melaim nenğinöñga ölop bau kambu miengö uruñine gebin.”

³² Ulet wanğigetka Jisösnöñ “Mönö anda geget,” jiba jim kutuyök. Mewö jim kutuiga mianğöreñök azi uruñireyök kota anda bau uruñine geget. Gegetka bau kambu körek yeñon mönö luhuba nembönembönöñ anda jororongöba o anğönöñ geba nemulahöba kömuget.

³³ Kömugetka bau galöm yeñon ölöñ unjurata taonöñ anda keu buzupñini pakpak jiget. Azi ömenjirambuk yetkoreñ yuai asuhuyöhi, mianğö buzupñi mewöyök jiget mötket. ³⁴ Jiget möta taon ambazip pakpak yeñon mosöta Jisös miwikñaiya ekingö kaget. Kaba eka Jisösnöñ yeñgö mindimindiri sel gölme mosöta anmapkö ulet wanğiget. Mewö.

9

Jisösnöñ azi sile likepñi kömukömuñi möhamğöyök.

Mak 2.1-12; Luk 5.17-26

¹ Jisösnöñ wanğe uruñe öñgöba kunbuk o anğö kutuba likepñe anğota nanñe taonöñ kayök. ² Nalö mianğöreñ azi tosatñan alanini sile likepñi kömukömuñi tumbulahöpnöñ ahöyöhi, mi kululunöñ ala anğuba kaget. Mewö kaba Anutu möt narim wanğigeri, Jisösnöñ yeñgö tandökñini mi ehi dop köliga kawöl azigöra kewö jiyök, “Nahöni, nöñon siñgisöndoki mosötzal. Mönö köhöiba ewebibigabuk saitiñgit malman.”

³ Mewö jiiga Köna keugö böhi tosatñan kinda uruñinan kewö mötmöriget, “Azi kianñon mönö Anutu ilita mepaqepaik akza.”

⁴ Mewö mötmörigetmö, Jisösnöñ mötmötñini mi möt kutuba kewö jiyök, “Inini mönö wuanöñgöra keu bölöñi uruñinan mötmörize? ⁵ Nöñon ‘Siñgisöndoki mosötzal,’ jizali, keu mianñon mönö awamñanök jijiña. Kunñan mewö jiiga tosatñan keu mianğö ölni qahö ekñe. Mianğöra mi keu awamñanğö dop. Nöñon keu kun kewö jimamgö mötzal, ‘Mönö wahöta anöñ.’ Keu mi mönö lömbötñambuk jijiña akza. Mewö jibiga ölni ahuma me qahöwi, mianñon mönö aukñe asuhui ekñe.

⁶ “Mötket, gölmenöñ siñgisöndok mosötmosötkö kukösumñi mi Suep gölmegö azi ölnanğöreñ ahözawi, inini mianğö könañanğöra janjun malbepuk. Mianğöra keu lömbötñi mi azi kianğöra jibi ölni eket.” Mewö jiba azi sile likepñi kömukömuñanğö jeñe eka jiyök, “Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamñi mi mönö mewöyök denöwögöra omanñi akawak?”

⁷ Mewö jiiga mianğörejök wahöta miriñe anök. ⁸ Mewö asuhuiga ambazip kambu yeñön mi eka welipköba Anutu möpöseim wañgiyet. Gölme azigöra kukösum mewöñi wañgiyöhañgöra Anutu möpöseiget. Mewö.

Jisösnöñ Matyu (Liwai) oholök.

Mak 2.13-17; Luk 5.27-32

⁹ Jisösnöñ mianğörejök anda takis ofis oñgitmamgö aiga mianğörej azi qetñi Matyu tariga eka jii mörök, “Gi mönö nöngö andöne kanöñ.” Mewö jii möta wahöta takis nup mosöta Jisösgö andöñe anök.

¹⁰ *Anda Matyugö mire anda nene namba tatkeri, nalö mianğörej takis meme azi tilipqilipñinambuk aka siñgisöndok azi gwötpukñan kaba Jisös aka yangö gwarekurupñi yembuk tata nene mohotñe neget. ¹¹ Mewö negetka Farisi (Köna keugö kapañkölköl) yeñön mi eka Jisösgö gwarekurupñi kewö jim engiget, “Aek! Engö böhiñinan mönö wuanöñgöra takis meme tilipqilipñinambuk aka siñgisöndok ambazip yembuk tata nene neza? Mi qahö dop kölja.”

¹² Mewö jim engigetka Jisösnöñ likepñi kewö jii mötket, “Sile unditundit ambazipnöñ doktagöra qahö ak engimakzapmö, kawöl ambazipnöñ mönö doktagörej anakze. ¹³ *Nöñön siñgisöndok ambazip engoholmamgöra kaba maljalmö, ambazip nanñinañgö mötketka solanñi akzei, i qahö. Mianğöra keu kiangö könañi mönö anda kusum añguba mötme, ‘Nöñön jöwöwöl ohobingö qahöpmö, ak kömum añgubingö sihimñi mötzal.’” Mewö.

Nene siñgi malmalgö keuñi

Mak 2.18-22; Luk 5.33-39

¹⁴ Nalö mianğörej Jon O-melun azigö gwarekurupñi yeñön Jisösgörej kaba kewö qesiget, “Neñön aka Farisi (Köna keugö kapañkölköl) yeñön Anutugöra nene siñgi gwötpuk malahakzin. Nangi gwarekurupkan mönö wuanöñgöra nene siñgi qahö malje?”

¹⁵ Mewö qesigetka kewö meleñnök, “Ölña, nini wani nalönöñ nene siñgi malakzin? Ambi meme nalöñe azigö andöurupñan könöpñi algetka ambigö sepkitipurupñan yuai mi tökömakze me qahö? Nöñön nani gwarekurupni yeñgö azi buñaya aka yeñgö sutñine köisirik tatzal. Tatpiga yeñön mianğöra aijölöñ söñgaiba tata siñgi malbingö osimakze. Osimakzemö, Anutunöñ noañgiri kömumbiga yeñön mönö nalö mianğörej ölop siñgi malakñe.

¹⁶ (“Inini malmal walñi aka sösongai Buña dölokñi mi mindirim etkibingö osime. Mianğö keu pasetñi mi kewö jibi mötket:) Löñgölöñgöt walñi jurariga kunöñ opo dölokñi qahö sañgonşañgonñi mitiba mianñön opo su jöhanñi qahö ala umğörejgömakza. Opo su jöhanñi dölokñi mewöñan mönö waziba löñgölöñgöt walñi öröiga kunbuk tiñgiriga kinimñan qariba böliqölibapuk.

¹⁷ “Mewöñanök kunöñ wain o dölokñi mi jobö me toru walñi lama silenjan memenji mianğörej qahö kusuiga gemakza. Mewö akawak ewö, wain o dölokñan mönö qariba toru qesiñniga jula mokoiga gölmenöñ eta sohoiga toruñan böliqölibepuk. Mianğöra wain o dölokñi mi toru dölokñeyök mokoin geiga dop kölma. Möwö ahinga mietkön ölöwakñahot. (Mewöñanök o ölopñi mi gina gisagisahöñe qahö umakzin. Mewö ubinak ewö, mianñön mönö jula kisipisirik eriga namba kawöl nengöhöbapuk. Mewö akapuköra o ölopñi mi gina ölopñe umakzin. Inini mewöyök malmal walñi aka Ölöwak Buña dölokñi mi mindirim etkibingö osime.) Mewö.”

Jairusnöñ böratñangöra Jisös köuluköyök.

Mak 5.21-43; Luk 8.40-56

¹⁸ Jisösnöñ keu mi jii mötketka keu galöm kunñan kañgota Jisösgö wösöñe geba simin köla kewö köuluköm wañgiyök, “Nöñgö böratnan mönö döлки kömuzapmö, mönö kaba

* 9:10: Luk 15.1-2 * 9:13: Mat 12.7; Hos 6.6

börögan sileje misirinönga guliba toroqeba malma.” ¹⁹ Köuluköm waŋgiiga wahöta gwarekurupŋi yembuk i wuatangöba anget.

Kawöl ambi kunöŋ Jisösgö malukuŋi misiriyök.

²⁰ Angetka miangören sutŋine ambi kun malök. Yaŋön (yara) yambu 12 miangö dop köinöŋ ehiga nalö dop kawöl yöhöiga malök. Ambi mianön Jisösgö andöŋe kaba malukuŋangö kitip suŋi misiriyök. ²¹ Mi misiriba nanŋangöra kewö jiyök, “Nöŋön i oseimangö möt lömböriba malukuŋeyök borom kun misiribileŋak ewö, mönö ölop ölöwakŋam.”

²² Mewö jiba misiriiga Jisösnöŋ miangörenök lilingöba i eka kewö jii mörök, “Böratni, mötnaripkan mönö mem ölöwak gihiza. Mönö köhöiba ewebibigabuk saitŋgit malman.” Mewö jii möta aua miangörenök ölöwahök.

Jisösnöŋ Jairusgö böratŋi mem guliyök.

²³ Toroqeba angetka Jisösnöŋ keu galömŋangö mire öngöba ambazip jinŋen köla awölop ugeri aka ambazip kambu göju gilgeri, mi engeka kewö jim kutum enŋiyök, ²⁴ “Mönö yaigep anget. Ambi moröŋan qahö kömuzapmö, gaunök ahöza.” Mewö jim kutum enŋiiga mötketka gönahit ewö aiga gön köl waŋiget.

²⁵ Gön köl waŋigetmö, ambazip kambu ketani mi jiiga yaigep angetka ambi moröŋangö ahöahö miri uruŋe öngöba böröŋe meiga wahörök. ²⁶ Wahöriga miangö buzup keuŋan sehiba mindimindiri sel mi körek dop köla anök. Mewö.

Jisösnöŋ jegömöl azi yahöt mem ölöwak etkiyök.

²⁷ Jisösnöŋ miri gölme mi mosöta anmamgö ani jegömöl azi yahötŋan wuatangöba andöŋe kaba kewö qerohot, “Deiwickö gwölönarökŋi, gi mönö ak kömum netkiman.”

²⁸ Mewö qerohotka miri kungö uruŋe öngöiga jegömöl azi yetköŋ Jisösgören kayohotka kewö qesim etkiyök, “Jeŋiri mem tohomangö kukösumŋi nöngören ahözawi, mi möt narizahot me qahö?” Qesim etkiiga kewö melen waŋgiyohot, “Kembuniri, mi ölop möt narizit.” ²⁹ Mewö melen waŋgiyohotka je dapötŋire misiriba jiyök, “Mötnaripŋirangö dop mönö asuhuma.”

³⁰ Mewö jiiga jeŋiran tohoyök. Mewö asuhuiga galöm meme keu köhöikŋi al etkiba kewö jiyök, “Mörohot, kiangö buzupŋi mi kun kude jiyohot mötme.” ³¹ Mewö jiyökmö, yetköŋ mosöta anda miangö buzupŋi jim sehiyohotka mindimindiri sel mi körek dop kölok. Mewö.

Jisösnöŋ mötök azi kungö keuŋi möhamgöyök.

³² Jeŋiri tohoi anohotka töŋöt azi keu jijiŋi qahö mi waŋgita Jisösgören kaget. ³³ Kagetka Jisösnöŋ ömeŋi közöli mötök azinöŋ keu jiiga ambazip kambu yeŋön mi eka welipköba jiget, “Tandök kewöŋi mi Israel uruŋe mönöwök nalö kungen qahö ehin. Qahö. Dölki je murutŋa ekzin.”

³⁴ *Mewö jigetmö, Farisi (Köna keugö kapaŋkölköl) yeŋön jiget, “Yaŋön mönö öme yeŋö kembuŋinangö ösumnöŋ ömewöröme enŋuatangömakza.” Mewö.

Jisösnöŋ könagesö yeŋgö wösöŋi mörök.

³⁵ *Jisösnöŋ anda miri aka taon dop liliköba ambazip köuluk miriŋine kusum enŋiba bemtohongö Ölöwak Buŋa jim asariba mianön uruŋini kuŋguba uzi kawöl aka jepajerepe könaŋi könaŋi mem ölöwak enŋiba malök. ³⁶ *Mewö mala ambazip kambuŋi kambuŋi enŋehiga lama galömŋini qahö tandök simbisembel aka ilingösöŋ qeŋgalaŋga malgetka yeŋgöra wösöŋi mörök.

* **9:34:** Mat 10.25; 12.24; Mak 3.22; Luk 11.15
22.17; 2 Hist 18.16; Eze 34.5; Mak 6.34

* **9:35:** Mat 4.23; Mak 1.39; Luk 4.44

* **9:36:** Jan 27.17; 1 Kin

³⁷ *Mewö engekka gwarekurupni kewö jii mötket, “Anutugö nupnön nene ölni gwötpuk öliba ahözapmō, mi tokobingö nup meme ambazipnön mönō awamdökni malje. ³⁸ Miangöra nene öliölinangö Kembujan nup meme ambazip melaim engimapkōra mönō köulukōba malme. Köulukōm wangetka nup ambazip ashuba ölni mi mem tokome.” Mewö.

10

Aposol 12 yengö qetjini

Mak 3.13-19; Luk 6.12-16

¹ Jisösnön gwarekurupni 12 engoholi yangören kagetka ömewöröme közöl engimegö kukösumni al engiyök. Mewöyök uzi kawöl qemjem-mamjen könañi könañi mem ölöwaknegö kukösumni al engiyök. ² Melaimelai azi aposol 12 miengö qetjini kewö: mutukni yanön Saimon, qetni kun Pitö qetket aka yangö munni Andru. Miangö andöñe Jeims aka munni Jon, iwiñiri qetni Zebedi.

³ Filip aka Bartolomyu, Tomas aka Matyu takis meme azi, Jeims Alfiusgö nahönni aka Lebeus qetni kun Tadius, ⁴ Saimon Zelot-politik azia * aka Judas Iskariot. Kariot azi mianön könanjen Jisös mamalolo mem wangetka.

Jisösnön gwarekurupni 12 melaim engiyök.

Mak 6.7-13; Luk 9.1-6

⁵ Jisösnön azi 12 mi melaim engiba kewö jim kutum engiba jiyök, “Inini kian kantrigö ambazip yengören kude anme. Mewöyök Samaria prowins yengö taonñini kunön kude anme. ⁶ Miangören kude anmemö, Israel könagesögö lama sohogeri, mönō yengören anme. Mi nup mutukni. ⁷ *Denike denike anmei, miangören mönō Buña keu kewö jiba jim asarime, ‘Suepkö bemtohoñan mönō dowe kazawa miangö uruñe angotme.’

⁸ “Ambazip kawölñinambuk mönō mem ölöwak engiba kömukömuñi mi mem gulim engiba malme. Uzikuku ambazip mönō mem solanim engigetka öme wöröme közöl engiba malme. Anutunön yuai kalema engiyöhi, mi mönō toroqeba kalema engiba malme.

⁹ “Köna anmeangöra soujeni goul me silwö me ain kopönön memenji mi mönō irimuñganine kude jöhöme. ¹⁰ *Ambazipnön nup meme ambazip malmalñini nangömeangö dop akze. Miangöra köna anmeangö yuaini ki mi kude memba anme: gösö qahö, maluku semönñi qahöpmö, mohot meme, köna esu qahö, öröp qahö.

¹¹ “Anda taon me miri denike denike angotmei, miangören mönō danön azi ipni qetbuñanambuk akzawi, miangöra qesigetka miri engime, mönō miangörenök mala nup memba taon mi mosöta köna anme. ¹² Miri kunön öngöba luainön yembuk ahömapkö jime. ¹³ Mi jigetka luainini angön kölmeangö dop akze ewö, luaininan mönō yengö qakñine öngömapmö, mi angön kölmeangö dop qahö akze ewö, luaininan mönō lilingöba nanñine kama.

¹⁴ *“Anda mala miri kunön angotketka qahö köl öröm engiba keunini qahö mötketka nesampurekñini mönō kewö jiba kondel engime, ‘Nini engö gölmenön kainga sölbuham köna tambönine mekötahözawi, mi mönō tim tönjöraringa nanñine lilingöba gema.’ Mewö jiba ölop miri me taon mi mosöta toroqeba anme. ¹⁵ *Nönön keu ölni kun kewö jibi mötme: Anutunön nalö ketane qemasolokepñinangö likepni meleni taon miangö qakñe öngömawi, dop mianön mönō Sodom aka Gomora gölme yengö dop ongita toroqem engima.” (Sodom Gomora yanön bölöni kanjamñambuk memba urunini qahö melengetka Anutunön könöpnön könden engiyök.) Mewö.

* **9:37:** Luk 10.2 * **10:4:** Nesönöl pati Zelot yanön Rom gawman tuarenjon aka nanñine kinkin mbingöra tuaköpek memba malget. * **10:7:** Luk 10.4-12 * **10:10:** 1 Kor 9.14; 1 Tim 5.18 * **10:14:** Apo 13.51 * **10:15:** Mat 11.24; Jen 19.24-28

Anda nup megetka sesewerowero asuhuma.

Mak 13.9-13; Luk 21.12-17

16 **“Mötket, lama yeñön aröknañgö kiam kalñi yeñgö sutñine gegetka luhuba engöhöbepuk, nõñön injini miangö tandök ewö melaim engibi anme. Miangöra mõnõ mokoleñ † ewö mötkutukutu qakñe galöm mem anguba mala kembö ewö ambazip böñjõñi köpösihitkö keuñini qahö malme. 17 *Ambazipnõñ injini öröba keu jakeñine al engiba köuluk miriñine keu nupñini memba ihilek wahiñambuknõñ taukõm engime. Miangöra ambazip mewõñi yeñgöra mõnõ galöm mem anguba malme.*

18 *“Tosatñan nõngöra aka enguangitketka kantriñi kantriñi yeñgö kiñ kembu aka premiõ yeñgö jemesoholñine kinme. Mewö kinda nõngö kõnañamni nañgöba jigetka azi ipñi mi aka kian kantri kõnagesõ yeñön mi mötme. 19 Mi mötmemõ, keu jakeñe al engigetka kinmei, nalõ miangöreñ wani keuya denöwö jibinak, miangö waimañjatñi kude mötme. Keu jime, mi Uña Törõñan aua miangöreñök engima. 20 Nanñine uruñineyök keu kude jimemõ, Iwiñinañgö Uña Törõñan mõnõ uruñini sölölöhöiga keu jime.*

21 *“Urumelenñgö kopa kunõñ darumunñan uruñi melenñö-hañgöra aka i mamalolo meiga keu jakeñe algetka qeget kömuma. Mewöyök iwi kunõñ nahönböratñi mamalolo meiga kömuma aka nahönbörat yeñön iwinamurupñini qetal engiba jigetka enguget kömume. 22 *Nõngö qetnañgöra aka kantriñi kantriñi yeñön körek kazik al engigetka malmemõ, kunñan kapañ köla nalõ tekömawañgö dop köhöiba böñ qeba kinmawi, yañön mõnõ oyaenñkoyaen buña qem anguma.*

23 *“Taon kunõñ sesewerowero ak engime, mi mõnõ kök ala taon kunñan anme. Nõñön keu ölni kun kewö jibi mötme: Injini Israel taonñi taonñi qahö liliköm tekögetka Suep gölmegö azi ölnan mõnõ lilingöba kama. 24 *Gwarek kunñan böhiñi oñgita mötmötñambuk qahö akza aka welenqeçe kunñan ketañamñi oñgita nupkö mötmöt qahö memba malja.*

25 *“Gwareknõñ böhiñi ewö mötmötñambuk aiga dop kölma aka welenqeqenõñ ketañamñi ewö nupkö mötmöt memba maliga dop kölma. Miri uruñi kungö saiwa galömñi jim böliba qetñi Katakömulat ‡ qetket ewö, yañgö saiwaurupñi yeñgö qetñini mõnõ amqeba awamñanök mewö qerakñe.” Mewö.*

Dagöra kenñgötñini mötketka dop kölma?

Luk 12.2-7

26 *“Ambazipnõñ yuai önun meget ahözawi, mi pakpak mõnõ lulungetka aukñe ahuma. Mewõñanök keu asambötket ahözawi, mi pakpak mõnõ indelgetka möt kutume. Miangöra ambazip yeñgöra kenñgötñini kude möta malme. 27 Nõñön keu sõñaupnõñ ölöñ jimami, mi mõnõ asakñe jime. Keu sañep algetka kezapñine gei mötmei, mi mõnõ sombemnõñ aukñe jime. Miangöra mõnõ keuñinañgö galöm memba malme.”*

Dagöra kenñgötñini möringa dop kölma.

28 *“Tosatñan sileñini qem kömumbeakmõ, uñañini qem kömumbingö osime, yeñgöra kenñgötñini kude möta malme. Mi qahöpmõ, yuai mutukñi ki: Kunñan kukösum memba uña aka sile mohot ayuhum etkiiga kõnöp sianõñ gemahori, yañgöra mõnõ kenñgötñini möta malme. 29 Tosatñan bekösöm (jöröm, ulisit) yahöt moneñ kötñi mohot-töpnõñ sõngörõñi memegöra alakzemõ, etkerigetka Iwiñinan oñ qahö jiiga yetköreñök mohotnõñ gölmenõñ qahö etma.*

* **10:16:** Luk 10.3 † **10:16:** Mokoleñ aka raskol yeñön aukñe bim qegetka zilañ miwikñaiba jöhöm engibeak. Miangö dop lömböribapuköra gwarek neñön maslim, komyunist aka tosatñi yeñgö sutñine qetnini misinari mi aukñe qahö jimakzin. Mötkutukutu mi ölöpnõ. * **10:17:** Mak 13.9-11; Luk 12.11-12; 21.12-15 * **10:21:** Mak 13.12; Luk 21.16 * **10:22:** Mat 24.9, 13; Mak 13.13; Luk 21.17 * **10:24:** Luk 6.40; Jon 13.16; 15.20 * **10:25:** Mat 9.34; 12.24; Mak 3.22; Luk 11.15 ‡ **10:25:** Juda yeñgöreñ Katakömulat qetñi Belzebul. Mi ömewöröme yeñgö ketañamñini. Matyu 9.34 miangöreñ Jisösgöra qet bölöñi mi qetket. Miangö dop Jisösgö alaurupñi neñgöra qet bölöñi kõnañi kõnañi qerakñe. * **10:26:** Mak 4.22; Luk 8.17

³⁰ “Anutunöŋ köyan köl enġiba nöröp juŋŋini pakpak mewöyök oyon teköba jaŋgöŋini mötza. ³¹ Ambazip enġö söŋgöŋöŋini mi bekösöm ulisit gwötpuk enġonġita öŋgöŋöŋi akza. Mianġöra kenġötŋini mönö kude möta malme.” Mewö.

Kraist jim miwikŋaime me qaŋ kölme?

Luk 12.8-9

³² “Mewö aiga kunŋan ni ambazip jeŋine jim miwikŋaim niŋimawi, nöŋön mönö mewöŋanök i Iwini Suep mire maljawaŋgö jeŋe jim miwikŋaimam. ³³ *Mewömö, kunŋan ni ambazip jeŋine qaŋ köl niŋimawi, nöŋön mönö mewöŋanök Iwini Suep mire maljawaŋgö jeŋe qaŋ kölмам.” Mewö.

Jisösgöra luai qahöpmö, kazik asuhuma.

Luk 12.51-53; Luk 14.26-27

³⁴ Jisösnöŋ toroqeba kewö jiyök, “Kewö kude mötmörime: Jisösnöŋ luai qemamgöra aka gölmenöŋ erök. Nöŋön luai qemamgöra qahöpmö, nöŋgöra aka jula denġetka bimgö sou ketaŋan aume.

³⁵ * “Mi kewögöra jizal: Nöŋgö Buŋa keunan ambazip uruŋini kuŋgui melenġeraŋgöra kewö asuhuma, ‘Iwi morö yetköŋ jula kerök-kerök ahotka nam morö yetköŋ tötal aŋguyohotka iranŋan iranŋi qetala julmahot. ³⁶ Ambazip nanŋini saiwauruŋŋinan mönö kerökurupŋini akŋe.’

³⁷ “Kunŋan ni göragöra al niŋgiba iwiŋi me namŋi jeġep ala jöpakömawi, yaŋön mönö nöŋgören qahö dop kölma. Kunŋan ni göragöra al niŋgiba nahönŋi me böratŋi jeġepŋe ala jöpakömawi, yaŋön mönö nöŋgören qahö dop kölma. ³⁸ *Sisitŋini meġetka kunŋan ni nuataŋgöba sihimbölä möta maripomnöŋ kömumamgö qahö jöjörömawi, yaŋön mönö nöŋgören qahö dop kölma.

³⁹ * “Kunŋan nanŋi malmal siyoŋsayoŋi qahö mi miwikŋaimawi, yaŋgö malmalŋan mönö sohoma. Kunŋan nöŋgöra aka malmalŋi köleŋniga sohomawi, yaŋön mönö oyaenġoyaen malmal miwikŋaima.” Mewö.

Anutunöŋ nupŋinaŋgö töwaŋi enġima.

Mak 9.41

⁴⁰ * Jisösnöŋ jiyök, “Kunŋan iŋini miriŋe köl öröba köyan köl enġimawi, yaŋön mönö ni köl öröm niŋgima. Kunŋan ni köl öröm niŋimawi, yaŋön melaim niŋgiyöhi, mönö i miriŋe köl öröm waŋgima. ⁴¹ Kunŋan kezapqetok ambazip kun kezapqetok nupŋaŋgöra aka miriŋe köl öröba köyan kölmawi, yaŋön mönö kezapqetok ambazipkö töwaŋi buŋa qem aŋguma. Kunŋan ambazip solanŋi kun solanŋi akzawaŋgöra aka miriŋe köl öröba köyan kölmawi, yaŋön mönö ambazip solanŋaŋgö töwaŋi buŋa qem aŋguma.

⁴² “Kunŋan morö kienġörenök kungöra nöŋgö gwarekni akzawaŋgöra aka o amöŋŋi qambiŋambuk nemapköra waŋgimawi, Anutunöŋ mönö mianġö töwaŋi melenġa waŋgima. Nöŋön keu ölni kun kewö jibi mötme: Nanġöm enġime, mienöŋ mönö töwa meme.” Mewö.

11

Jongö gwarekyahöŋŋi Jisösgören kayohot.

Luk 7.18-35

¹ Jisösnöŋ gwarekurupŋi 12 keu mewö kusum enġii teköiga miri mi mosöta toroqeba Galili prowinsgö taon tosatŋe anda Buŋa keu kusum enġiba mianöŋ uruŋini kuŋguba malök.

² Nalö mianġören Jon O-melun azinöŋ kösö mire tata Kraistnöŋ nup mewö meyöhi, mi möta gwarekyahöŋŋi melaim etkii Jisösgören anohot. ³ Kewö qesim waŋgimahotköra

* **10:33:** 2 Tim 2.12 * **10:35:** Mai 7.6 * **10:38:** Mat 16.24; Mak 8.34; Luk 9.23 * **10:39:** Mat 16.25; Mak 8.35; Luk 9.24; 17.33; Jon 12.25 * **10:40:** Mak 9.37; Luk 9.48; 10.16; Jon 13.20

melaim etkii anda jiyohot, “Mem ölöwak azi kamapköra mambörakzini, göjñon mia akzan me azi kun bian kamapköra mambötpin?”

⁴ Mewö qesim wanjiyohotka kewö melenñök, “Yuai eka mötzahori, miangö kösohotñi mönö anda Jon kewö jiyohot mötma: ⁵ *Jegömöl yeñon jeñini uba eketka lokon yeñon köna anda kagetka uzikuku yeñon solanigetka kezapduhup yeñon keu mötketka kömuget yeñon guliba wahötketka etqegeñi yeñgöra Ölöwak Buña jim asaribiga mörakze. ⁶ Mewö asuhui eketka kungö uruñan qahö bölii andö nuñgumawi, yañon mönö simbawoñ akza.”

⁷ Mewö jiiga Jongö gwarek yetkñon anohotka Jisösnöñ könahiba Jongö könañi ambazip kambu yeñgöra kewö jim asariyök, “Injini gölme qararañkölkölñe miangöreñ wania ekingöra anget? Luhutnöñ jehot uwutapköba metali anjañbanjañ ahakzawi, injini azi mewöñi ekingöra anget me? ⁸ Me wanat yuaia ekingöra anget? Azi malukuñi aködamunñambuk löngöta malöhi, mi ekingöra me? Mötket, ambazip malukuñini eksi-himñinambuk löngörakzei, mienñon mönö kiñ yeñgö jakömbuak miriñine malje. Mi gölme qararañkölkölñe qahö.

⁹ “Me wanat yuaia ekingöra anget? Kezapqetok azi kun ekingöra me? Ölna, nöñon kewö jibi mötket: Azi ekeri, yañon mönö kezapqetok ambazip pakpak engongita tandökñi kun akza. ¹⁰ *Yañgö könañi mi mönöwök kewö ohoget ahöza, ‘Mötnöñ, nöñon kolekni garata kun melaibiga qeljiñe anda ambazip uruñini mindiñgöba göhö könañi mesariga göñon mönö yañgö andöñe gölmenöñ emu geman.’

¹¹ “Keu mewö ahözapmö, nöñon keu ölni kun kewö jibi mötket: Ambinöhök morö pakpak asuhugeri, yeñgö sutñine Jonöñ mönö körek engongita qetbunañambuk kinja. Kinjapmö, Suepkö bemtohoñ uruñe angota Anutugö qetbunañi miwikñaimakzei, yeñgö sutñine eretñi kondikñi yañon mönö Jon ongitza.

¹² * “Jon O-melun azinöñ Buña keu jiiga nalö miangöreñök könahiba Suepkö bemtohoñi könöpnambuk tuarenjoñ aka yarö gilakzemö, töndup ösumñan anda qarimakza. Könöpnambuk yarö gilakzeañon mönö bemtohoñ mi nanninañgöra öröba buña qem anñumakze. ¹³ Bemtohoñgö könañi mi Mosesgöreñ Köna keunöñ aka kezapqetok ambazip körek yeñgö Buzup Kimbiñine ohogetka oyoñda mala koringa Jonöñ asuhuba ölni aukñe indelök. ¹⁴ *Keu ki möt anñon kölbingsö mötze ewö, Elaija (Elia) asuhumawañgö dop ahöhi, Jonöñ mönö mia akza. ¹⁵ Kunñan urukezapñambuk maljawawi, yañon mönö keu mi kezap ala möt kutuma.

¹⁶ “Ambazip merak gölmenöñ maljei, mi mönö wanatpuk dop al engibileñak? Yeñon namande ewö akze. Mienñon maket sombemnöñ tata keu gön gila lañ qeta kewö jimakze, ¹⁷ ‘Nini awölop uinga injini liñet gwawet qahö unduget. Nini jinñeñ kölinga injini qahö toroqeba sahötket.’

¹⁸ “Miangö könañi kewö: Jon O-melun azinöñ kaba nene siñgi mala wain o qahö neiga yañgöra jimakze, ‘Öme kunöñ uruñe geiga malja.’

¹⁹ “Suep gölmegö azi ölnan kaba nene nem söñgaip aiga yañgöra kewö jimakze, ‘Mötket, yañon bau numbu tandök közöjeriba wain o gwötpuk namba takis tilipqilipñinambuk aka bölöñi meme yeñgö alañina malja!’ Anutugö mötkutukutu köl gulimakzei, yeñgö ahakmemeninañgö ölnan mönö mötkutukutu-ñinan dop köljawi, mi kondelakza.” Mewö.

Jisösnöñ taon 3 yeñgöra Yei wösöbirik! jiyök.

Luk 10.12-15

²⁰ Miangö andöñe Jisösnöñ könahiba taon tosatñi tembul engiyök. Taon tosatñi miangöreñ anñoletotñi kukösumñinambuk sehisehiñi meiga asuhugetmö, töndup uruñini qahö melenget. Miangöra i tembula kewö jim engiyök, ²¹ * “O Korazin toñi, nöñon

* **11:5:** Ais 35.5-6; 61.1 * **11:10:** Mal 3.1 * **11:12:** Luk 16.16 * **11:14:** Mal 4.5; Mat 17.10-13; Mak 9.11-13

* **11:21:** Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4

engöra Yei! jiba sahötzal aka Betsaida toni, engöra mewöyök Yei! jiba sahötzal. Nöjön yengören anbiga keuni jibi sösönihii angöletotni kukösumñinambuk asuhugetmö, uruñini töndup qahö melenget. Angöletot mi kian gölmenöñ Taiö aka Saidon sitinöñ asuhubeak ewö, yeñön mönö nalö köröpñi uruñini melenbingö kaisöpsöpñi kondela dodohonöñ angömiriba kau ariba sahötpeak.

²² “Sahötpeakmö, nöjön kewö jibi mötme: Anutunöñ könañgep Korazin aka Betsaida yengö keuñini jim teköba likepñi meleni sihimbölö mötmei, nalö ketanji mianjören mi mönö Taiö aka Saidon yengö sihimbölö dopñi ongita mötme.

²³ * “Aka Kaperneam toni, Anutunöñ inini ölop mem wahöt engii Suep mire öngöbeak me qahöpto? Qahöpmaöp! Inini mönö kömupkö senjom mire kölölohoba geme. Nöjön yengören anbiga keuni jibi sösönii angöletotni kukösumñinambuk asuhugetmö, uruñini töndup qahö melenget. Angöletot mi Sodom taonöñ asuhubeak ewö, taon mianjöñ mönö nalö kewöñe mewöyök toroqeba kinbawak.

²⁴ * “Kinbawakmö, nöjön kewö jibi mötme: Anutunöñ könañgep Kaperneam engö keuñini jim teköba likepñi meleni sihimbölö mötmei, nalö ketanji mianjören mi mönö Sodom gölme yengö sihimbölö dopñi ongita mötme.” Mewö.

Lömbötñinambuk enjöñ mönö nöngören kaba luhut meget.

Luk 10.21-22

²⁵ Nalö mianjören Jisösnöñ keu kewö jiyök, “O Iwini, göjön Buña keugi mötkutukutu ambazip mötmöt ketanji megeri, yengören asambötnöñmö, ambazip nahönbörat ewö nanñinañgöra mötketka gukmaulem akzei, mi mönö yengören indelnöñga möt asarize. Mianjöra nöjön Suep gölmegö Kembuñi gi möpöseim gihizal. ²⁶ O Iwini, gi nangak mewö asuhumapköra mötnöñ dop köli ölöwahök.

²⁷ * “Iwinan mönö yuai pakpak jim kutuiga nöngö buñaya ahök. Iwinan Nahönñangö könañi nanñök möt yaköiga kunöñ mi qahö mötza. Mewöyök Nahönñan Iwinangö könañi möt yaköiga kunñan mi qahö mötza. Mewöyök kunñan Iwinangö könañi qahö möt yaköiga Nahönñanök mi mötza aka ambazip möwölöhöm engiba yengöra mi indelmawi, yeñön mönö Iwi möt wañgime.

²⁸ “Nup memba urulömbötñinambuk maljei, inini mönö körek nöngören kagetka uru-awam engibi luhut meme. ²⁹ * Nöngö temni mönö awötñine ala angugetka Buñani kusum engibi mi möt soroköba malme. Nöjön uruni memba et ala guñböñjönjöñ azia akzalanjöra ölop uruawam engibi luhut miwikñaime. ³⁰ Nöngö temni meget anguinga dopñine akza aiga lömböt engibi bisimei, mianjöñ mönö awamñi akza.” Mewö.

12

Jisösnöñ Sabat kendongö Kembuñi akza.

Mak 2.23-28; Luk 6.1-5

¹ * Mianjö andöñe Sabat kendon kunöñ Jisösnöñ wit padi nup köröñi ketanji kutuba anök. Aniga gwarekrupñan wösöñini enguiga wit ölni mohot mohot könahiba böronñinan misiba neget. ² Negetmö, Farisi (Köna keugö kapañkölköl) tosatñan mi eka Jisös kewö jiget mörök, “Mötnöñ, göhö gwarekurupkan mönö Sabat kendongö nup meme sonjöñi ongitze?”

³ * Mewö jigetka kewö melenök, “Kin Deiwidnöñ yarö aziurupñi yembuk liliköba wösöñini enguiga yuai akeri, mi lök oyonget me qahö? ⁴ * Yanjöñ mönö Anutugö opo seri jikenöñ öngöba beret kömbukñi Anutugö jemesoholñe altanöñ alget tariga ösumñan walöñniga qekögeri, mi mönö meiga neget. Beret kömbukñi mosötmosötñi mi jike nup galöm yeñönök nezema. Yanjöñ aka yanjö sunjgurumurupñan mi nembepüköra sonjö

* **11:23:** Ais 14.13-15; Jen 19.24-28 * **11:24:** Mat 10.15; Luk 10.12 * **11:27:** Jon 3.35; 1.18; 10.15 * **11:29:** Jer 6.16 * **12:1:** Dut 23.25 * **12:3:** 1 Sml 21.1-6 * **12:4:** Lew 24.9

ahöyökmö, mi töndup neget. ⁵ *Mewöñanök jike nup galöm yeñön Sabat kendonöñ jöwöwöl jikenöñ kinda nup memba nup memegö soñgoñi oñgita töndup keuñinambuk qahö ahakze. Keu mi Köna keunöñ oyonget me qahö?

⁶ “Mi oyonget, mewö mötzalmö, nöñön kewö jibi mötme: Ki kinjawi, yañön mönö jöwöwöl jike oñgita öngöñgöñi akza. ⁷ *Buña Kimbigö keu kun kewö ahöza, ‘Nöñön jöwöwöl ohomegöra qahöpmö, sutñine ak kömum añgumegöra mötzal.’ Inini keu mianğö könañi mötpeak ewö, ambazip pinjtkö keunini qahö neñgö keunini mönö lañ qahö jim teköbeak.

⁸ “Mi kewögöra jizal: Suep gölmeğö azi ölnan mönö Sabat kendongö Kembuñi akza.” Mewö.

Jisösnöñ azi böröñi sösröngöñi mem ölöwahök.

Mak 3.1-6; Luk 6.6-11

⁹ Jisösnöñ miri mi mosöta köuluk miriñine öngöyök. ¹⁰ Mianğoreñ azi böröñi sosoholiñi kun tarök. Ambazipnöñ Jisös keu jakeñe al wañgibingöra kewö qesim wañgiget, “Azi Sabat kendonöñ möhamgöba Köna keu oñgitpin me qahö?”

¹¹ *Qesim wañgigetka kewö melenök, “Eñgöreñök dañön kewö akza: Azi kungö lamanñi mohok-kunñan Sabat kendonöñ lömnöñ gema ewö, yañön mi qahö memba öröiga kotma?”

¹² Azigö bohonñan mönö lamagö bohonñi gwötpuk oñgitzawi, mönö mi mötmörime. Mianğöra Sabat kendonöñ nup ölöpnñi memba mewö Köna keu qahö oñgitpin.”

¹³ Mewö melenđa azi mianğö jiyök, “Gi mönö börögi qötöteinöñ.” Mewö jüiga qötöteiiga mutuk ahöhi, mianğö dop ölöwaka böröñi alañğö dop ahök. ¹⁴ Mewö asuhuiga Farisi (Köna keugö kapañkölköl) yeñön yaigep anda totoko ala Jisös denöwö aka qein kömumapkö keu jim jaruget. Mewö.

Anutugö nup meme azi tök-kutukutuñi kewö:

¹⁵ Jisösnöñ keuñini mi ek kutuba mianğöreñök miri mi mosöta kungen anök. Aniga gwötpukñan yañgö andöñe wuatañgöba angetka yeñgö sutñine kawöl ambazip pakpak mem ölöwak eñgiyök. ¹⁶ Mi mem ölöwak eñgiba könañi aukñe jibepüköra köhöikñanök qetal eñgiyök. ¹⁷ Mewö aiga Anutunöñ kezapqetok azi Aisaia sölölohöiga keu kun jiyöhi, mianñön mönö mewö ölnambuk ahök. Keu mi kewö jii ahöza,

¹⁸ * “Eket, ki mönö nöñgö nup azini aiga i möwölöhöm wañgial. Nöñön wölböt alani yañgöra mötppi ölöwahiga urunan yañgöra söñgaimakzal. Nöñön Uñani Töröñi yañgö uruñi dop kölmakpära melaibi geiga yañön keu diñdiñanök jim tekömakzalañgö Buñañi indela jim sehiiga kantriñi kantriñi yeñgöreñ anma.

¹⁹ Yañön añgururuk qahö aka keu töhöreñ qahö qerakña. Ambazip kunñan yañgö qet kourukñi mi rowoñqeqe könanöñ qahö mötma.

²⁰ Jehot qölökögeri, yañön mi qahö qesiñma. * Lambegö wikñan jem kutuba sanjöp aiga bölamñan jem bökbök ahakzawi, yañön mönö mi qahö qömbököma. Mewö nupñi memba ambazipnöñ keu diñdiñi wuatañgömegöra bim qeba maliga keu mianñön luhut aliga köirañ alme.

²¹ Kantriñi kantriñi yeñön mönö yañön bauköm eñgimapköra mamböta jörömqörömñini yañgö qetñe ala malme.” Mewö.

Jisösnöñ öme yeñgö ösumñini oñgita qei etza.

Mak 3.20-30; Luk 11.14-23

²² Ömenöñ azi kun töñöt aka numbuñi jöhöiga jeñan gömölii mötök malöhi, mi wañgita Jisösgöreñ kaget. Jisösnöñ i mem ölöwahiga ömenan kota mosöri nesilamñan lolohoiga

* **12:5:** Jañ 28.9-10 * **12:7:** Mat 9.13; Hos 6.6 * **12:11:** Luk 14.5 * **12:18:** Ais 42.1-4 * **12:20:** Jehot aka lambegö wikñi mi ambazipköra jiza. Ambazipnöñ kun qeba jañgauranga ak wañgigetka mötnariñan pömsöm qemapkö akzawi, Jisösnöñ i mem ölöwakña.

kunbuk keu jiba uba ehök. ²³ Uba ehiga ambazip kambu pakpak yeñön mi eka auruba Jisösgöra jiget, “Azi kianön mönö Deiwidkö gwölönarökni akza me?”

²⁴ *Mewö jigetmö, Farisi (Köna keugö kapañkölköl) yeñön mi möta kewö jiget, “Azi kianön kungö ösumnöñ qahöpmö, öme yeñgö Kembuñini Katakömulat yangö ösumnöñ ömewöröme enğuatañgömakza.”

²⁵ Mewö jigetmö, Jisösnöñ urumötmötñini möt teköba kewö jii mötket, “Kantri denike yeñgö galömurupñinan sutñine anğururuk aka julmei, yeñön mönö ayuhum anğugetka kantriñinan böliba sahopñanök aka qeqelañlan ahöma. Mewöyök siti me miri kungö könagesö yeñön sutñine anğururuk aka julmei, yeñön mönö galömkölköl nupñini memba kinbingö osime.

²⁶ “Mötket, Satanöñ mönö alañi Satan kun wuatangöbawak ewö, yeñön mönö sutñine anğururuk aka julbeak. Mewö aiga gawman nupñini memingö osigetka ömetohöñinan mönö denöwö kinbawak?”

²⁷ “Mötket, nöñön Katakömulatkö ösumnöñ ömewöröme közöl engibileñak ewö, engö alaurupñinan mönö dagö ösumnöñ mi közöl engibeak? Miangöra yeñön mönö keuñini ölni me qahö, mi kewöta jim teköme. † ²⁸ Mi jim tekömemö, Anutugö ösumñan nöñgö börö kesötñi sölölohöi öme enğuatañgömakzal ewö, Anutugö bem-tohoñan mönö engöreñ kam kuñguza. ²⁹ Kunñan azi köhöikñangö köna böröñi mutuk qahö jöhöma ewö, yeñön mönö denöwö miriñe öñgöba qezanda sukinapñi membawak? Mutuk i jöhöi tarigun mönö ölop miriñeyök öroyuaiñi pakpak wañgita memba anma. (Miangö dop nöñön mewöyök Satan jöhöba andöñe ömeñi enğuatañgömakzal.)

³⁰ *Kunñan nömbuk qahö maljawi, yeñön mönö qetal ningim�akza. Kunñan ambazip nöñgö qetne tokomegöra qahö öröm engim�akzawi, yeñön mönö mendeñ engim�akza. ³¹ Miangöra nöñön keu kun kewö jibi mötme: Ambazip siñgisöndok aka mepaqepaik pakpak ahakzei, mi Anutunöñ ölop mosörakzapmö, kunñan Uña Töröñi ilita mepaikömawi, miangö siñgisöndokñi Anutunöñ mönö nalö kunöñ qahö mosötma. Saumbañ!

³² *Kunñan Suep gölmegö azi ölni qetala keu jima ewö, Anutunöñ mi ölop mosötmapmö, kunñan Uña Töröñi qetala keu yuai jimawi, yangö siñgisöndokñi mi Anutunöñ gölmenöñ malmawañgö dop me kömup andöñe miangöreñ qahö mosötma.”

Ipkö könañi mi ölni eka kewöta möt kutume.

Luk 6.43-45

³³ *Ipkö könañi mi ölni eka kewöta mötzin. Miangöra mönö ip galöm kölgetka ölöwaka ölni ölopñi kuñgumakña me ip mem böligetka ölni bölöñi kuñgumakña. ³⁴ *Azi uruñan yuai kokolak qei ahözawi, mia mönö numbuñan aukñe jimakza. Miangöra qatögö moröñi inini, nanñinak bölöñi aka mönö denöwö keu ölopñi jibeak? ³⁵ Azi ölopñangö uru köweñe ölopñangö möriamñi ahözawi, yeñön mönö ölopñi mi aukñeyök jimakza. Azi bölöñangö uru köweñe bölöñangö möriamñi ahözawi, yeñön mönö bölöñi mi aukñe jimakza.

³⁶ “Mewö jimakzapmö, nöñön keu ölni kun kewö jibi mötme: Ambazipnöñ soñgo walöñda keu jit omani omani jimei, yeñön mönö keu pakpak miangö könañi mi jimtekötekögö nalö ketañe Anutugöra jim asarigetka kewötma. ³⁷ Miangö könañi kewö: Anutunöñ mönö keu jitki kewöta miangö dopkeugi jim teköi solaniman me keugabuk aka lömböt miwikñaiman.” Mewö.

Böhi tosatan angöletököra kapañ köla uletket.

Mak 8.11-12; Luk 11.29-32

* **12:24:** Mat 9.34; 10.25 † **12:27:** Nanñini silegalömurupñinan Anutugö qetñi öme mi Katakömulatkö kukösumnöñ közöl engigetka nöñön mi Anutugö ösumnöñ közöl engim�akzal. Ööröñ qahö kinjinañgöra dañön keu munenji wuatangömakza? Yeñön me nöñön? * **12:30:** Mak 9.40 * **12:32:** Luk 12.10 * **12:33:** Mat 7.20; Luk 6.44

* **12:34:** Mat 3.7; 23.33; 15.18; Luk 3.7; 6.45

38 *Nalö miangöreñ Farisi (Köna keugö kapankölköl) aka Köna keugö böhi tosatñan Jisösgöra kewö jiget, “Böhi, gi ölop anğöletot kun menöñga mi ekingö mötzin.”

39 *Mewö jigetka kewö melenj enğiyök, “Ambazip merak gölmenöñ maljei, mi kambu bölöñi aka serowilin ahakze. Yeñön Anutugö aiwesökñanğöra kapan kölakzemö, aiwesök kun kezapqetok azi Jonagöra lök asuhuyök. Anutunöñ aiwesök murutñi kun qahö al enğima. 40 *Jonanöñ sunğem silimñi karöbut köwet sömbupkö (gajugaju) gölömñe malöhi, miangö dop Suep gölmegö azi ölnan mewöyök sunğem asak karöbutkö dop gölme uruñe ahöma.

41 *“Jonanöñ Niniwe ambazip sutñine anda Anutugö keunöñ uruñini kunğui möta miangöreñök uruñini melengetmö, mötket, nöñön sutñine asuhaba kinda Jonagö ahakmemenji onğita ahakzal. Mewö ahakzalmö, inini töndup nesampurek ak niñgimakze. Miangöra Niniwe ambazipnöñ jimtekötekögö nalö ketane ambazip kambu ki kinjei, embuk öröröñ kömupnöñök wahöta enğö qöhöröñine mohotñe kinme. Mohotñe kinda Niniwe yeñön keu kewö enğö silenine alme, ‘Inini Suep gölmegö azi ölni nesampurek ak wañgigetka Anutunöñ likepñi melenj enğii sihimbölä öngöñgöñi mötme.’ Niniwe yeñön mewö jigetka ahakmemenjanan nanñini könañamñini indelgetka gamuñini mötme.

42 *“Könañamñinanğö kaisöpsöpñi kun kewö: Anutunöñ mönöwök mötkutukutu öngöñgöñi ketani mi kiñ Solomon wañgiiga Saut görökenök kantri kungö qin ambinöñ Solomongö mötkutukutuñi mötmamgö sihimñi mörök. Sihimñi möta gölme gorañeyök wahöta köna köröp tiñtiñi kaba mala Solomongö mötmötñi mörök.

“Mi mörökmö, mötket, nalö kewöñe nöñön sutñine asuhaba kinda Anutugöreñ mötkutukutu öngöñgöñi memba kazali, mi Solomongö mötkutukutuñi onğitza. Onğitzapmö, inini töndup nesampurek ak niñgiba tönpin kingetka qahö dop kölja. Miangöra Anutunöñ könañgep ambazip körek pakpak öröm enğii keuñini jim tekömapköra jeñe anğotmei, nalö miangöreñ Saut kantrigö qin ambi miangön mönö mewöyök anğotma. Yañön ambazip kambu ki kinjei, embuk öröröñ kömupnöñök wahöta enğö qöhöröñine mohotñe kinma. Mohotñe kinda keu kewö enğö silenine alme, ‘Inini Jisös nesampurek ak wañgigetka Anutunöñ likepñi melenj enğii sihimbölä öngöñgöñi mötme.’ Yañön mewö jüiga silikñi kewöta nanñinanğöra gamuñini mötme.” Mewö.

Öme yeñön azi uruñe lilingöbingö kapan kölje.

Luk 11.24-26

43 “Ömenöñ azi uruñeyök kota gölme qararañkölkölñe anda lañ liliköba mala luhut memamgö miri jaruba kun qahö miwikñaima. 44 Mi qahö miwikñaiaba osiba kewö jima, ‘Mirini mosöta kazali, miangöreñ mönö kunbuk lilingömam.’ Mewö jiba lilingöba miriñi usuñda meñölöi ahöyöhi, mi gwamönñi ahöi miwikñaima.

45 “Mewö miwikñaiaba anda öme tosatñi 7 enğuanğitma. Öme 7 mi nanñi onğita bölöñi kötökñi akze. Yañön mi enğuanğiriga kaba miri mi öngöba miangö uruñe malme. Mewö aiga azi miangö könañi mutuk kilenkilen ahökmö, könañgep böliqölim teköma. Ambazip kambu bölöñi ki merak gölmenöñ maljei, enğöreñ mewöyök mewö asuhuma.” Mewö.

Jisösgö nam-munurupñi

Mak 3.31-35; Luk 8.19-21

46 Jisösnöñ toroqeba ambazip kambu yeñgöra keu jiba maliga nam-munñan kaba yaigep kinda yambuk keu jibingö mötket. 47 Mötketka kunñan kewö jii mörök, “Mötnöñ, göhö nam-mungan mönö yaigep kinda göbuk keu jibingö mötze.”

48 Keu mi jii mörökmö, yañgöra melenja kewö jiyök, “Nöñgö namni dañön? Nöñgö munurupni mi dañön?” 49 Mewö jiba böröñi gwarekurupñi yeñgöreñ göröken börañda jiyök, “Eket, nöñgö namni aka munurupni ölni mönö ki.” 50 Denike yeñön nöñgö Suep

* 12:38: Mat 16.1; Mak 8.11; Luk 11.16 * 12:39: Mat 16.4; Mak 8.12 * 12:40: Jon 1.17 * 12:41: Jon 3.5

* 12:42: 1 Kiñ 10.1-10; 2 Hist 9.1-12

Iwinanğö jitsihitni tem kölakzei, körek mienjön mönö nöngö namni aka nenmunurupni akze.” Mewö.

13

Qesin qesin azigö dopkeu.

Mak 4.1-9; Luk 8.4-8

¹ Nalö mianğöreñök Jisösnöñ miri mi mosöta o anğö jitne geba tarök. ² *Tariga ambazip kambulembenöñ yanğöreñ anda tokogetka wanğenöñ öngöba tarök. Tariga ambazip kambu pakpak yeñön anğö göreñe saknöñ tokoget.

³ Mewö tokogetka dopkeu gwötpuk jii mötketka kewö jiyök, “Mötket! Azi kunñan nene kötni qesin gilmamğöra nupnöñ anök. ⁴ Anda qesin giliga kötni tosatñan köna jitne geba kölget. Geba kölgetka (warawen) neñi neñi kanğota mi nem teköget.

⁵ “Kötni tosatñan köt jamönjiñnöñ geba kölget. Geba köla mianğöreñ gölme gwötpuk qahö miwikñaget. Gölme dutni qahö ahöyöhanğöra korapni zilañ kotket. ⁶ Kotketmö, wehönöñ kota enğuba jem kutum enğiiga jalöñini qahöpköra soholiba gororönğöget.

⁷ “Kötni tosatñan siriuret wahiñinambuknöñ geba kölget. Geba kölgetka mienjön kota gem turuba böbölohot mem enğiget. ⁸ Mewö pömsöm qeyökmö, kötni tosatñan gölme ölopne geba kölget. Geba köla tosatni miengö kötnini 100 asuhuget. Tosatñan kötnini 60, tosatñan 30 mianğö dop ahum sehiget. ⁹ Kunñan urukezapñambuk malja ewö, yanñön mönö dopkeu ki kezap ala möt kutuma.” Mewö.

Jisösnöñ wanigöra dopkeu jiyök.

Mak 4.10-12; Luk 8.9-10

¹⁰ Mewö jiiga gwarekurupñan kaba Jisös kewö qesim wanğiget, “Gi mönö wuanöngöra ambazip yeñgö ‘Keu jimam,’ jiba dopkeunöñ ala jimakzan?” ¹¹ Qesim wanğigetka kewö melenđa jiyök, “Mi kewögöra: Suepkö bemtohone anğota malbingö keu tölapni mi enğöra aukne jibi möt kutuzemö, yeñgöra mi mewö qahö.

¹² * “Mianğö könañi kewö: Kunñan mötkutukutuñambuk maljawi, Anutunöñ mönö mi toroqem wanğiiga köl guliba möriamñambuk malmappmö, kunñan mötkutukutuñi qahö maljawi, Anutunöñ mönö mötmötñi moröñi ahözawi, mi mewöyök qeköba wanğitma.

¹³ “Ambazip yeñgö keu jimam jiba kewögöra dopkeunöñ ala jimakzal: Yeñön nanñini jeñinan yuai ekagun könañi töndup qahö ek kutume. Nanñini kezapñinan keu törörök mötagun könañi töndup qahö möt asarime. ¹⁴ *Kezapqetok azi Aisaianöñ qeljine keu kun jiba ohoyöhi, mianñön ambazip mewöñi yeñgöreñ ölnambuk ahakza. Keu mi kewö, ‘Keu möt bibihibagun könañi töndup kude möt asarime. Yuai ek bibihibagun könañi töndup kude ek kutume.

¹⁵ Ambazip kambu kienğö uruñinan mönö köhöikni gwözönđa ahöza. Kezapñinan keu möt bibihiba jeñini kömaziliköba (kömazilihiwa) malje. Mewö qahö akeak ewö, mönö jeñinan yuai ek kutuba kezapñinan keu möta uruñinan könañi möt asariba uruñini melengetka nöñön i ölop mem ölöwak enğibileñak.’

¹⁶ * “Keu mewö ahözappmö, enğö jeñinan yuai ek kutuzawanğöra mönö simbawon akze. Kezapñinan keu möt kutuzawanğöra mönö simbawon akze. ¹⁷ Nöñön keu öl töhönñi kun kewö jibi mötket: Kezapqetok ambazip aka Anutugöreñ ambazip solanñi gwötpukñan inñini yuai ki ekzei, mi ekingö awöwenğöba malgetmö, qahö eket. Inñini keu ki mötzei, yeñön mi mötpingö awöwenğöba malgetmö, qahö mötket.” Mewö.

Jisösnöñ dopkeugö könañi jiyök.

Mak 4.13-20; Luk 8.11-15

* 13:2: Luk 5.1-3 * 13:12: Mat 25.29; Mak 4.25; Luk 8.18; 19.26 * 13:14: Ais 6.9-10 * 13:16: Luk 10.23-24

18 “Qesiñ gilgil azigö dopkeu jizali, mianğö könani mi kezap ala mötme. 19 Nene kötni qesiñ giliga kona jitne geba kölöhi, mi kewö: Kunjan bemtohoñgö Buja keuñi möta könani qahö möt asariiga Bölöñangö Toñan kaba uruñe kötni kömötteri, mi çeköma. 20 Nene kötni qesiñniga köt jamönjiñnönğ geba kölöhi, mi ambazip söpsöpñi kun. Yeñön Buja keu möta mi mianğöreñök sösoñgai qakñe möt añgön kölakze.

21 “Mewö ahakzemö, uruñine jalöñi qahö ahöm enğimapmö, nalö töröptökñi miyök kin köhöiba malme. Buja keugöra aka kahasililiñ me sesewerowero asuhuiga nalö mianğöreñök mönö tala enğuma. 22 Nene kötni qesiñniga siriuret wahiñinambuknönğ geba kölgeri, mi kewö: Yeñön Buja keu mötketka uruñine gezapmö, gölmenönğ mal-malgö waimanjatñi aka moneñ inap memegö urukönöpñi ahuba lömbörim enğimakza. Qetbuñanambuk akingöra köpösönğögetka sihim kömböñani bölöñi tosatñan mewöyök uruñine dumgöba Buja keu böbölohot mem wañgize. Mewö aiga öñini qahö gilipitñi (ambetakñi) akñe.

23 “Nene kötni gölme ölopñe qesiñniga geba kölgeri, mi ambazip kewöñi: Yeñön Buja keu kezap ala möta möt asariba pöñan kinda öñini miwikñaimakze. Tosatñan keu jit mohotnöñök kötni 30 miwikñaimakze. Tosatñan öñini 60, tosatñan keu köt mohot mohot miengö öñini 100 mem sehiba miwikñaimakze.” Mewö.

Dorowetkö söpsöp keu

24 Jisösnönğ söpsöp keu kun kewö jii mötket, “Suepkö bemtohoñangö könani mi azi kewöñangö dop ala jimam. Yeñön nupñe anda nene kötni ölopñi qesiñ gilök. 25 Qesiñ gilökmö, sunğem ahögetka mianğöreñ kerök azinjan kaba wit padi sutñine mianğöreñ dorowetkö kötni qesiñ gila mosöta anök. 26 Wit padi kötnan jula wahöta öñgöba öñi asuhuyöhi, nalö mianğöreñ dorowetnönğ mewöyök aukñe asuhuyök.

27 “Mianjön aukñe asuhuiga welenqeçeurupñan mi eka nup toñangöreñ kaba kewö jigetka mörök, ‘Ketanannini, nupke nene köt ölopñi qesiñ gilnönğ me qahö? Dorowetkö kötni mi mönö denikeyök mianğöreñ geba asuñuza?’

28 “Mewö jigetka möta kewö jii mötket, ‘Kerök azinönğ mi qesiñ gilök.’ Mewö jii möta welenqeçe yeñön kewö jiget, ‘Nini ölop anda dorowet mi qözöla tokobingö mötzan me qahö?’ 29 Mewö jigetmö, kewö jii mötket, ‘Qahö! İnini dorowet qözöla tokoba mianğöreñ padi tosatñi mi mewöyök qözölbepuk.

30 “Mönö mosötkeka mohotñe qariba wahörohotkun öñi meme nalöñan kam kuñguiga nalö mianğöreñ nöñön padi misimisi ambazip yeñgöra kewö jibi mötme: Mönö mutuk dorowet memba tokoba ohomegöra börangöba kösönönğ jöhöme. Mi jöhöbagun mönö wit padi öñi mi tokoba memba kaba nöñgö köwe mire alme.’ ” Mewö.

Nejon kötnangö dopkeu

Mak 4.30-32; Luk 13.18-19

31 Jisösnönğ dopkeu kun kewö toroqeba jii mötket, “Suepkö bemtohoñi mi kewö: Azi kunjan nejon (nemuya) kötni memba nanñe nup gölmeñe anda alök. 32 Kötni mi morö közözömñi. Mi nene köt pakpak miengö eretñini akzapmö, jula wahöta yöha pakpak enğonğita qariba ip akña. Mewö aka kiniga könakemba neñi neñi kañgota aipñini ip mianğö böroñe alakze.” Mewö.

Yistkö dopkeu

Luk 13.20-21

33 Jisösnönğ dumñe kunbuk söpsöpkeu kun kewö jii mötket: “Suepkö bemtohoñi mi yist me flaua mem qariqarigö dop kewö akza: Ambi kunönğ ‘Beret ohomam,’ jiba yist memba flaua amae (dis) karöbut mianğöreñ mindiriba melenqelen aka anda anda tari köreñanök qariyök.” Mewö.

Jisösnönğ denöwögöra söpsöpkeuñi keuñi jiyök?

Mak 4.33-34

³⁴ Jisösnöñ keu pakpak mi könagesö yengöra söpsöp keunöñ jiyök. Söpsöpkeu qahö mewö keu kun qahö jii mötket. ³⁵ *Mewö aiga Anutunöñ kezapqetok azi kun sölölohöiga keu kun jiyöhi, mianjön öljambuk ahök. Yanjön keu mi kewö jii ahöza, “Nöngö numbunan mönö amqeiga söpsöp keunji keunji jimam. Anutunöñ gölme miwikñaiiga asuhuyöhi, nalö mianjörenjök keu tölapñe ahöi mala korini, nöñjön mönö keu mi aukñe jim indelmam.” Mewö.

Dorowetkö söpsöpkeugö könañi

³⁶ Jisösnöñ söpsöp keu mi jim teköba ambazip kambu ketanji engömosöta miri uruñe öngöyök. Öngöiga gwarekurupñan yangören kaba kewö qesiba jiget, “Dorowet nene nupnöñ asuhuyöhi, gi mönö söpsöp keu mianjö könañi jim asarim nengiman.”

³⁷ Mewö jigetka kewö melenja jiyök, “Suep gölmegö azi öljän mönö nene köñji ölpñji ölpñji qesinj gilakza. ³⁸ Nene nup mi gölmegö kantri pakpak. Nene köñji ölpñji mi bemtohongö nahönbörat engöra jizal aka dorowet mi azi bölöñangö nahönbörat yengöra jizal. ³⁹ Keröknöñ mi qesinj gilöhi, mi Bölöñangö Toñangöra jizal. Padi misimisi nalöñi mi gölmegö nalöñan tekömawanjö nalö ketanji mi. Padi misimisi ambazip mi Suep garata yengöra jizal.

⁴⁰ “Dorowet tokoba könöpnöñ ohoget jemawi, mianjö dop mönö gölmegö nalöñan tekömawanjö nalö ketanje asuhuma. ⁴¹ Suep gölmegö azi öljän mönö garataurupñi melaim enjiiga kaba keu areñ bölöñi pakpak Kraistkö bemtohoñ uruñe siñgisöndok akingö kondorakzawi, mi qeapköba mindinjöme aka bölöñi meme ambazip pakpak mi qözöla qezaköm enjime. *

⁴² “Mewö mindinjindinj aka ambazip mi gil enjigetka owen imarurubuk jeba ahözawi, mianjörenj geme. Mianjörenj gemeañjön mönö sahöt gigilahöba irimñini yöhözömgögetka qetñi qeri malme. ⁴³ Nalö mianjörenj ambazip solanñi mienjön mönö wehön tandök aka Iwiñinangö bemtohoñ uruñe asariba mal öngöme. Kunñan urukezapñambuk maljawi, yanjön mönö keu mi kezap ala möt kutuma.” Mewö.

Guli dötnam mesamesambötñangö söpsöpkeu

⁴⁴ “Suepkö bemtohoñi mi guli damandanj söngöröñi öngöngöñi mianjö dop kewö akza: Mi nupnöñ mesambötket ahöiga azi kunñan mi miwikñaiiba anjön köla kunbuk gölmenöñ mesambörök. Mesamböta mianjöra söñgaiba anda sukinapñi pakpak bohonñi memegöra ali monenja kaiga mianjön nup gölme mi bohonñi meyök.” Mewö.

Sorom köñangö dopkeu

⁴⁵ “Suepkö bemtohoñi mi stua azigö dop ala söpsöp keu kun kewö jimam: Yanjön sorom köñji ekjeritñambuk jaruba malök. ⁴⁶ Jaruba mala sorom köñji mohot söngöröñi ketanji miwikñaiiba anda sukinapñi pakpak bohonñi memegöra ali monenja kaiga mianjön sorom köñji mi bohonñi meyök.” Mewö.

Mösak örörögö söpsöpkeu

⁴⁷ “Suepkö bemtohoñi mi mösakö dop ala söpsöpkeu kun kewö jimam: Mi o anjönöñ gilget geiga söra tandökñini könañi könañi gegetka engömeme tokoyök. ⁴⁸ Tokoi kokolak qeiga ambazipnöñ mi örogetka körökñe koriga eta tata söra ölpñji kewöta sakapnöñ tokogetmö, bölöñi mi gilgetka anök. ⁴⁹ Keu mianjö dop mönö gölmegö nalöñan tekömawanjö nalö ketanje asuhuma. Suep garata yenjön kaba ambazip bölöñi mi solanñi mienjörenjök kewöt enjime. ⁵⁰ Kewöt enjiba ambazip bölöñi mi gil enjigetka owen imarurubuk jeba ahözawi, mianjörenj geme. Mianjörenj gemeañjön mönö sahöt gigilahöba irimñini yöhözömgögetka qetñi qeri malme.” Mewö.

* **13:35:** Sum 78.2 * **13:41:** Keu areñ (ideology) bölöñi yauenj mötmöt, komyunist, maslim aka mötmöt areñ tosatñi mi ambazip jöhöm enjiget qakögetka malmalñinan böliba sohomakzawi, garata yenjön mönö mi pakpak qeapköba mindinjöme.

Keu kötñi walñi aka dölökñi

⁵¹ Jisösnöñ söpsöp keu mi jim teköba kewö qesim engiyök, “Keu pakpak jizali, mi möt asarize me qahö?” Qesim engiiga melenđa “On!” jiget. ⁵² “On!” jigetka kewö jii mötket, “Miri toñan miriñangö köweñeyök inap yuai walñi aka dölökñi uzeta alakza. Mianğö dop Köna keugö böhi pakpak Suep bemtohoñgö gwarekurupñi akeri, yeñön mönö mewöyök uruñinañgö köweñineyök keu aködamunñinambuk dölökñi aka keu ölop sorokñi walñi uzeta jimakze.” Mewö.

*Nazaret yeñön Jisös andö qeget.**Mak 6.1-6; Luk 4.16-30*

⁵³ Jisösnöñ dopkeu mi jim teköba miri gölme mi mosöta anök. ⁵⁴ Anda malqarip taonñe anğota köuluk miriñine öngöba Buña keu kusum engiyök. Kusum engiiga auruba welipköba kewö jiget, “Yei! Kezapjupjup! Yanñön mötkutukutu ki aka anğöletot kukösumñinambuk mi mönö denikeyök meza? ⁵⁵ Azi ki mönö miri kianğö mitimqege azigö nahönña. Namñañgö qetñi Maria aka munurupñi Jeims, Josef, Saimon aka Juda. Mi ölop mötzin. ⁵⁶ Nenurupñan mönö körek sutnine ki malje. Mianğöra yuai pakpak ki mönö denikeyök memba kaba akza?”

⁵⁷ *Nazaret yeñön mewö jigetka uruñinan böliiga mianğöreñ qaköget. Qakögetmö, Jisösnöñ kewö jii mötket, “Kezapqetok azi mi nanñi taonöñ aka nanñi mire jijiwilit ak wañgimakzemö, miri tosatñe mewö qahö.” ⁵⁸ Mewö jiiga mötnariñinan qahö asuhuiga yañgiseñinañgöra aka anğöletot kukösumñinambuk mi mianğöreñ gwötpuk qahö meyök. Mewö.

14*Jongö jölñi kutugetka kömuyök.**Mak 6.14-29; Luk 9.7-9*

¹ Nalö mianğöreñ gölme bahöñangö (Galili prowinsgö) kiñ Herod yañön Jisösgö qetbuñañi mörök. ² Mi möta welen-qeçeurupñi yeñgöra kewö jiyök, “Mi mönö Jon O-melun azia. Yanñön mönö kömupñöhök wahöta nupñi meiga anğöletot kukösumñinambuk asuhumakze.” Waimanjat möta mewö jiyök.

³ *Mi kewögöra jiyök: Herodnöñ munñi Filipkö anömñi Herodias ölon meiga Jon O-melun azinöñ kiñ jim wañgiiga opotöröp melaime engiiga anda Jon memba jöhöba kösö mire al wañgiget. ⁴ *Jonöñ Herodköra keu kewö jiyök, “Gi qambötiki memba mala Köna keu oñgitzan.” ⁵ Mewö jiiga Herodnöñ Jon qeget kömumapkö mörökmö, könagesö yeñön Jongöra mötketka kezapqetok azia malöhi, mianğöra könagesö yeñgöra keñgötñi mörök.

⁶ Keñgötñi mörökmö, Herodkö ahuañu nalöñan kaiga ketaurupñan tokoba tatketka Herodiasgö böratñan yeñgö jeñine danis aliga Herodnöñ mianğö eksihimñi gwötpuk mörök. ⁷ Mianğöra ambi seram mianñön wani yuaigöra qesibawak, kiñnöñ mi tököm wañgimamgö keu jöhöba keu mi jöjopañ keunöñ jim köhöiyök. ⁸ Mewö jim köhöiiga namñan ambi seram mi kuñgum wañgiiga kewö jiyök, “Mönö qesinöñga Jon O-melun azigö jölñi yandigetka nöropñi memba ki kaba köndenöñ niñgima.”

⁹ Mewö jiiga kiñgö uruñan kömbuhiiga wösöbirik mörökmö, jöjopañ keuñan jöhöi ketaurupñan mi mötketka yeñgö jemesoholñine etpapuköra möta nöropñi wañgimegöra jim kutuyök. ¹⁰ Mewö jim kutuba opotöröpñi kun melaiba jiyök, “Gi mönö kösö mire anda Jongö jölñi yandiba nöropñi memba kaman.” ¹¹ Mewö jiiga Jongö nöropñi köndenöñ ala memba kaba ambi seram mi wañgiiga memba anda namñi wañgiyök. ¹² Jongö gwarekurupñan mianğö buzupñi möta anda qamötñi memba qaksirigö köt köteñnöñ ala löm kölget. Löm köla anda keu mi Jisös jiget mörök. Mewö.

* 13:57: Jon 4.44 * 14:3: Luk 3.19-20 * 14:4: Lew 18.16; 20.21

Jisösnöñ azi 5000 nene gumohom enjgiyök.

Mak 6.30-44; Luk 9.10-17; Jon 6.1-14

¹³ Jisösnöñ Jongö kösohotñi möta miri mi mosöta wañgenöñ öngöba gölme kötikñi kunöñ nanñinök malbingöra anget. Ambazip kambu yeñön miangö buzupñi möta taon aka miriñini mosöta Jisösgö andöñe wuatangöba gölme köna anget. ¹⁴ Angetka Jisösnöñ wañgenöhök eta ambazip kambuleleme engeka yeñgöra wösöñi mörök. Wösöñi möta sutñine kawöl engehöi malgeri, mi mem ölöwak enjgiyök.

¹⁵ Mewö aka mali mare aiga gwarekurupñan Jisösgöreñ kaba kewö jiget, “Böhi, nini gölme kötikñi kiangöreñ malinga wehön jeñan teköba gemangö akza. Miangöra gi ölop ambazip kambu ki melaim enjinöñga miriñi miriñi miengöreñ anda numbu nenenini söñgöronñi memba neme.”

¹⁶ Mewö jigetmö, Jisösnöñ kewö jii mötket, “Yeñön ölop kiangöreñ tatme. Enñön mönö nanñinak i nene gumohom enjgime.” ¹⁷ Mewö jii möta jiget, “Nini beret 5 aka söra yahöt miyök memba maljin.” ¹⁸ Mewö jigetka jiyök, “Mönö mi memba kaba niñgime.”

¹⁹ Mewö jiba ambazip kambu mi kegwañ lulplupnöñ eta tatmegöra jim kutum enjiiga tatket. Tatketka beret 5 aka söra yahöt mi memba Suenöñ ui öngöiga kötuetköba beret mindipköba gwarekurupñi enjiiga ambazip kirip dop mendenña enjiget. ²⁰ Mendenña enjigetka ambazip körekmakörek memba nem timbireñ aket. Nem timbireñ aka nene ki-tipñi kitipñi mosötkeri, mi gwarek yeñön qezakögetka sakap 12 miangöreñ geba kokolak qeyök. ²¹ Azi beret negeri, yeñgö jañgöñini mi 5000. Ambi nahönbörat yeñgö jañgöñini mi qahö meget. Mewö.

Jisösnöñ o angö qakñe tiba tiba anök.

Mak 6.45-52; Jon 6.15-21

²² Neget teköiga Jisösnöñ miangöreñök gwarekurupñi jim kutum enjgiba kewö jiyök, “Inini mönö wañgenöñ öngöba qeljine o angö kutuba likepñe anme. Nöñön ölop nalö sutñe ambazip kambu ki melaim enjibagun kamam.” ²³ Ambazip melaiba enjgubula kundune öngöba nanñök mala köuluköyök. Köuluköba mali mare aiga kundune nanñik kötikñi tarök. ²⁴ Tariga wañgeninan lök o angö bibine köröwen aniga luhutnöñ angerangöreñök gila kaiga sirinöñ wañgenöñ giliga kekwilik anda kayök.

²⁵ Mewö ahiga miri awöranögöiga (3-6 kilok) miangöreñ Jisösnöñ o angö qakñe tiba tiba gwarekurupñi yeñgöreñ kayök. ²⁶ Kaba o angö qakñe tiba tiba kaiga gwarekurupñan mi eka keñgötporiñ aka “Köwet Songoriñnöñ kaza,” jiba sömbuñini möta qeta silatket.

²⁷ Qeta silatketmö, Jisösnöñ miangöreñök keukeu jiba kewö jii mötket, “Alaurupni, mönö ewebibiñinambuk saitñgit malme. Nanak kazal. Keñgötñini kude mötme.” ²⁸ Mewö jii möta Pitönöñ melenña kewö jii mörök, “Göñön Kembuya akzan ewö, mönö ölop jinöñga nöñön o qakñe tiba tiba göhöreñ kamam.”

²⁹ Jisösnöñ mi möta “Ölop kanöñ,” jiyök. Mewö jiiga Pitönöñ wañge mosöta o angö qakñe tiba tiba könahiba Jisösgöreñ anök. ³⁰ Könahiba anökmö, luhutnöñ gwötpuk gili mi eka keñgötporiñ aka könahiba o uruñe geba kewö qerök, “Kembu, bauköm niñginöñ.” ³¹ Qeriga Jisösnöñ miangöreñök böröñi böröñda Pitögö böröñe memba kewö jiyök, “Mötnariipki morörökñi. Mönö wuanöngöra uruyahöt akzan?”

³² Mewö jiba bauköm wañgii wañgenöñ öngöyohotka luhutnöñ nöñ qeba göröñ alök. ³³ Göröñ aliga azi wañgenöñ tatkeri, yeñön waikñi memba möpöseim wañgiba kewö jiget, “Alakña, gi Anutugö nahönña.” Mewö.

Jisösnöñ Genesaret mala mem ölöwak nup meyök.

Mak 6.53-56

³⁴ O angö kutuba likepñe Genesaret mire angota wañge mosöta saknöñ geget. ³⁵ Saknöñ gegetka miri miangö ambazipnöñ Jisös möt kutum wañgiget. Möt kutum wañgiba keu algetka miri pakpak kösutñe tatkeri, miangöreñ aniga buzupñi möta kawöl ambazip

körek enġuanġita Jisösgören kaget. ³⁶ Kagetka kinda Jisös malukuġanġo suġe misiribingö ulet waġgiba malġet. Misirigeri, körek yeġön mönö ölöwak teköget. Mewö.

15

Ambösakon yeġön keu kusum sohoget.

Mak 7.1-13

¹ Mianġö andöġe Farisi (Köna keuġö kapanġölköl) aka Köna keuġö böhi tosatġan Jerusalem sitiyök Jisösgören kaba kewö qesim waġgiget, ² “Göhö gwarekurupkan wuanöġgöra köna walöġda ambösakoninanġö silikġini qeze? Yeġön mönö böröġini sanġonġa dom-amöt qahö qeba töndup könahiba nene neze?”

³ Mewö qesim waġgigetka kewö jii mötket, “Nannġinak mönö wuanöġgöra ambösakoninanġö silikġini wuatāġöbingöra köna walöġda Anutugören jöjöpāġ keu qeze?”
⁴ *Mianġö keuġi kun kewö: Anutunöġ kewö jim kutuyök, ‘Iwinamġi mönö göda qem etkimakġan,’ aiga ‘Kunġan iwiġi me namġi qesuahömawi, i mönö qegetka kömuma.’

⁵ “Mewö jim kutuyökmö, iġini keu mi onġita kewö jimakze, ‘Kunġan iwiġanġöra me namġanġöra kewö jima: Wösöni mötzal. Nöġgö nanġönanġö yuaini buġa qem anġubanak, mi lök Anutugö saiwap naluköra kewöta albi ahöza. Kunġan mewö jiba iwiġi me namġi göda qem waġġimawaġö dop qahö akza.’

⁶ “Mewö jiba silikġini walġanġöra aka Anutugö jöjöpāġ keuġi utalgetka omanġi aka pömsöm qemakza. Mi qahö dop köġja. ⁷ O urumelengö silesile ambazip, kezapqetok azi Aisaianöġ mönö enġö könanamġini törörök qelġiġe indela kewö jii ahöza,

⁸ *‘Ambazip kambu kianġön mönö numbu jġġinan ölöġnanök göda qem niġġimakzemö, uruġinan nönöġgan ak niġġiba kungen algetka köröwen ahöza.

⁹ Mewö ahöiga nöġgö waikni öne töhön memba möpöseim niġġimakze. Köna keu kusum enġibin, jiba salupġe ambazip yeġö jimkutukutuġini mi numbu o alakze.’” Mewö melenġ enġiyök.

Azi uru mi denöwö tölohoba lantiza?

Mak 7.14-23

¹⁰ Jisösnöġ ambazip kambu kunbuk enġoholi kagetka kewö jii mötket, “Iġini mönö keu ki kezap ala möt asarime. ¹¹ Yuai azigö numbuġeyök uruġe gemakzawi, mianġön qahö tölohom waġġimakzapmö, nanġi numbuġeyök keu erakzawi, mianġön mönö tölohom waġġimakza.”

¹² Mewö jii mötketka gwarekurupġan kaba kewö qesiget, “Farisi (Köna keuġö kapanġölköl) yeġön keu mi mötket enġui uruġinan bölizawi, mi mötzan me qahö?”

¹³ Qesigetka kewö melenġök, “Nöġön warök pakpak nöġgö Suep Iwinan qahö kömörohġi, mi mönö jalöġinambuk qözölmam. ¹⁴ *Muat, i mönö enġömosötme. Yeġön ‘Jegömöl ambazip enġuanġitpin,’ jimakzemö, nanġini jeġinan mönö gömöliza. Jegömöl kunġan jegömöl alanġi kun böröġe memba waġġitma ewö, yetkön mönö mohotġe lömnöġ geba etkuma.”

¹⁵ Mewö melenġniga Pitönöġ jiyök, “Dopkeu mianġö könanġi mönö jim asarinöġ mörin.”

¹⁶ Mewö jġiga Jisösnöġ jiyök, “O alaurupni, iġini mewöyök toroqeba mötmötġini ölöġġi qahö akze me? ¹⁷ Yuai pakpak azi numbuġeyök uruġe gemakzawi, mi köġgokġe geba yaigep erakza. Mi möt kutuze me qahö?”

¹⁸ *“Mi erakzapmö, keu uru könöġġeyök kota numbuġeyök erakzawi, mianġön mönö tölohom waġġimakza. ¹⁹ Ambazip uru könöġġineyök yuai kewöġi asuġuba korakza: Keu bölöġi mötmöriba suġa jinanġ memba ambazip enġuget kömumegö mörakze. Qesabulum aka serowilin akingö mörakze. Yoġgorö membingö mörakze. Jitnöġ alal keu munenġi jibingö mörakze. Andöqeqe keu yöhösanġ jiba Anutu mepaiköbingö mörakze. ²⁰ Yuai

* 15:4: Eks 20.12; 21.17; Dut 5.16; Lew 20.9 * 15:8: Ais 29.13 * 15:14: Luk 6.39 * 15:18: Mat 12.34

mewöñan mönö ambazip tölohom engimakzapmö, böröñini qahö sanjon da nene nemakzei, mianjon azi kun qahö tölohomakza.” Mewö.

Kenan ambi kunñan kapan köla köuluköyök.

Mak 7.24-30

²¹ Jisösnöñ Genesaret gölme mosöta siti qetñiri Taiö aka Saidon mietkö distrik qetñi Fonisia miangö uruñe anök. ²² Aniga Kenan ambi, gölme miangö toni kunñan kaba Jisös uleta kewö qeta jiyök, “Kembu, Deiwidkö gwölönarökñi, mönö ak kömum niñgiman! Ömenöñ böratni kölköljinjin ak wañgiiga sihimbölö ketani mörakza.”

²³ Qeta jiyökmö, Jisösnöñ keu kun qahö melenök. Mewö aiga gwarekurupñan kaba kewö kuñgum wañgiba jiget, “Ambi mi sahöta qeta könanine kazawañgöra mönö bauköm wañginöñga anma.” ²⁴ Mewö jigetka melenök, “Iwinan Israel könagesögö lama sohoso-honji miyöhök amöt qem engimamgöra aka melaim niñgiiga kazal.” ²⁵ Mewö melenniga ambi mianjon kösutñe kaba simin köl wañgiba jiyök, “Kembu, mönö bauköm niñginöñ!”

²⁶ Mewö jiyökmö, Jisösnöñ kewö melen wañgiyök, “Qahö, morö yeñgö miriñineyök beret memba kiam enjiinga qahö dop kölbapuk. Juda nini kianurup engö qetñini kiam qerakzin. Nöñön mutuk Juda ambazip bauköm engibiga kantri tosatñi enjon mönö kiamgö dop mamböta malme.”

²⁷ Melen wañgiyökmö, ambinöñ jiyök, “Kembu, mi ölop mötzalmö, kiam moröñi yeñön mönö mewöyök toninañgö tebolnöñök nene boromñi eriga nemakze.” ²⁸ Mewö jiiga Jisösnöñ kewö jii mörök, “O ambi, göhö mötnaripki mi ketani. Miangöra ulet niñgizanañgö ölni mönö asuhuma.” Mewö jii möta böratñan aua miangöreñök ölöwahök. Mewö.

Jisösnöñ kawöl ambazip sehiseñi meiga ölöwaket.

²⁹ Jisösnöñ gölme mi mosöta kaba Galili o añgögö jitñe kañgota kundunje öngöba eta tarök. ³⁰ Tariga ambazip kambulelembenöñ yañgöreñ kaba ambazip kewöñi enjuañgitket: Simalokon aka jegömöl ambazip, tosatñi köna böröñini heramheramgöñi, tosatñi keuñini mötökñi aka kawöl tosatñi gwötpuk engöhöi malgeri, mi enjuañgita Jisösgö köna kösutñe al enjigetka mem ölöwak enjyök.

³¹ Mem ölöwak enjiiga ambazip keuñini mötökñi yeñön keu jigetka köna böröñini heramheramgöñi yeñön ölöwaka diñjigetka simalokon yeñön köna tiba anda kagetka jeñini döndöngöñi yeñön je uba eketka ambazip kambu yeñön mi eka welipköba Israel neñgö Anutunini möpöseiget. Mewö.

Jisösnöñ azi 4000 nene gumohom enjyök.

Mak 8.1-10

³² Jisösnöñ gwarekurupñi engoholi yañgöreñ kagetka kewö jii mötket, “Nöñön ambazip kambu kiangöra wösöni mötzal. Yeñön nöñgöreñ kaba wehön karöbut lök mala kotketka neneñini qahöwahiga ekzal. Könanöñ anda mala kemañe jeñini gili tirinbirin akepuköra i öne melaim engimamgö töközal. Miangöra i nene gumohom engimamgö mötzal.”

³³ Mewö jii gwarekurupñan melen da kewö jiget mörök, “Gölme qararañkölkölñe kiangöreñ neñön mönö denikeyöhök numbu nene gwötpuk miwikñaiba ambazip kambulelembe ki gumohom engibinak?” ³⁴ Mi möta Jisösnöñ kewö qesim enjyök, “Engöreñ beret dawik ahöza?” Qesim enjiiga “Beret 7 aka söra moröñi tosatñi ahöza,” jiget. ³⁵ Jigetka Jisösnöñ ambazip kambu mi gölmenöñ geba tatmegöra jim kutum enjiiga geba tatket.

³⁶ Geba tatketka beret 7 aka söra mi memba Anutugö saiwap jiba mindipköba gwarekurupñi enjiiga yeñön mi ambazip kambu dop toto qem enjiget. ³⁷ Toto qem enjigetka memba nem timbireñ-göget. Nem timbireñgöba nene kitipñi mosötket geyöhi, mi sakap 7 miangöreñ qezakögetka numbuñe qeyök. ³⁸ Azi nene negeri, yeñgö jañgöñini mi 4000. Amba nahönbörat yeñgö jañgöñini mi qahö meget. ³⁹ Jisösnöñ ambazip kambu melaim enjiiga angetka nanñi wañgenöñ öngöba Magadan gölmenöñ anök. Mewö.

16

Böhi tosatñan anğöletot ekingöra kapañ kölget.

Mak 8.11-13; Luk 12.54-56

¹ *Farisi (Köna keugö kapañkölköl) aka Sadyusi (Jike nupkö kapañkölköl) tosatñan Jisösgöreñ kaba keugö bötaknöñ örömap-köra esapköm wañgiba kewö qesiget, “Mönö jinöñga Suepnöhök anğöletot kun asuhuiga ekin.” ² Mewö jigetka kewö melenök, “Wehön gemangö ahiga miangöreñ kewö jimakze, ‘Suepnöñ pisihiizawañgöra uran wehön ölöpnji akña.’

³ “Mewöyök söñanök kewö jimakze, ‘Suepnöñ pisihiiga kousunöñ töwizawañgöra mön kie luhut gilma.’ Mewö mewö jiba suepkö tandökñi eka kie wehögö könañi ölop kewörakzemö, nalö maljini, miangö aiwesökñi kewötpingö qahö mötze. Mi qahö dop kölja. ⁴ *Ambazip kambu bölöñi gölmenöñ mala qesabulum ahakzei, yeñön Anutugö aiwesökñi asuhumapköra kapañ kölakzemö, Anutunöñ kezapqetok azi Jonagö aiwesökñi lök enğiiga aiwesök tosatñi qahö toroqeba kondel engima.” Mewö jiba engömosöta kungen anök. Mewö.

Farisi aka Sadyusi yeñön wösökömbuk ewö akze.

Mak 8.14-21

⁵ Jisösnöñ gwarekurupñi yembuk o anğö kutuba likepñe anğota semön membingö ölüm enğuyöhi, mi eket. ⁶ *Mi eketka Jisösnöñ kewö jii mötket, “Inini Farisi aka Sadyusi pati yahöt yeñgö wösökömbukñini aka gipñi kakñi mietköra mönö galömñini meme. Mi ölöpnjanök qahö kewöta andö qegetka mietköñ mönö yist ewö qariba mem bölim enğimahot.”

⁷ Jiiga keu pasetñi mi qahö möt asariba sutñine kewö eraum mötket, “Nini beret qahö memba kazin. Miangöra jiza me denöwö?” ⁸ Mi eraum mötket kezapñe geiga kewö jii mötket, “O inini mötnaripñini morörökñi, wuanöñgöra ‘Beret qahö mezin,’ jiba nanñini eraum mötze? ⁹ *Nöñgö könañamni mi wuanöñgöra qahö möt kutuze? Nöñön beret 5 mi 5000 yeñgöra mindipköbiga miangö kitipñi qezakögetka könde dawiknöñ geba numbune qeyök? Mi ölüm enğuz me qahö?”

¹⁰ * “Mewöyök beret 7 mi 4000 yeñgöra mindipköbiga miangö kitipñi qezakögetka sakap dawiknöñ geba kokolak qeyök? Mi ölüm enğuz me qahö? ¹¹ Ni beretköra keu qahö jizali, mi denöwö aka qahö möt kutuze? Nöñön beretköra qahöpmö, Farisi aka Sadyusi pati yeñgö wösökömbukñini aka gipñi kakñi kewöta andö qemegöra jizal.” ¹² Mewö jiiga miangöreñök keuñangö könañi kewö möt asariget, “Aha! Plaua mem qariqari yistkö galöm mem anğubingöra qahö jiyökmö, Farisi pati aka Sadyusi pati yeñgöreñ keu lolonqalonji andö qebingöra jiyök.” Mewö.

Pitönöñ Jisösgö könañi jim miwikñaiyök.

Mak 8.27-30; Luk 9.18-21

¹³ Jisösnöñ Sisaria Filipai taongö kösutñe anda miangöreñ gwarekurupñi kewö qesim enğiyök, “Ambazipnöñ Suep gölmegö azi ölni nöñgöra denöwö jimakze? Ni niñia akzal?” ¹⁴ *Jiiga melenđa kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi Jeremaia me kezapqetok azi walñi yeñgöreñök kun akzan.’ ”

¹⁵ Mewö jigetka kewö qesim enğiyök, “Aka nanñinak nöñgöra denöwö jize? Ni niñia akzal?” ¹⁶ *Qesim enğiiga Saimon Pitönöñ melenđa jii mörök, “Gi Amötqeqe Tonji Kraist aka malmal Tonji Anutugö Nahönñi akzan.”

* **16:1:** Mat 12.38; Luk 11.16 * **16:4:** Mat 12.39; Luk 11.29 * **16:6:** Luk 12.1 * **16:9:** Mat 14.17-21 * **16:10:** Mat 15.34-38 * **16:14:** Mat 14.1-2; Mak 6.14-15; Luk 9.7-8 * **16:16:** Jon 6.68-69

¹⁷ Mewö jiiga Jisösnöñ melenđa kewö jii mörök, “O Saimon Jonagö nahönñi, gölme azi sep busuñambuk kunñan qahöpmö, nöñgö Iwini Suep mire maljawı, yañön mönö keu mi göhöreñ indelök. Mianğöra göñön mönö simbawoñ akzan. ¹⁸ Nöñön kewö jibi mötman: Gi Pitö (nanine keunöñ jamönñiñ) aknöñga nöñön jamönñiñ mianğö qakñe urumelenñ könagesönañgö tandöñi albi nañgöm enñinöñga uruñini möhamgöba köhöiba kinme. Göñön i galöm köl enñinöñga kömup Toñan i senjom mirigö kiripo nañguñe öröm enñimamgö osima. Ömewöröme tosatñi yeñgö kukösumñinan mewöyök i köndenđa luhut al enñibingö osime.

¹⁹ * “Nöñön Suep bemtohoñangö ki moröñi yahöt gihimam. Gi gölmenöñ siñgisöndok jöhönöñga mianñön mönö Suep mire mewöyök jöhöjöhöñi ahöma. Gi gölmenöñ siñgisöndok mosöta pösatnöñga mianñön mönö Suep mire mewöyök pösatpösatñi ahöma.” ²⁰ Mewö jiba Amötqeçe Toñi Kraist ahöhi, mi aukñe jiget kunñan mötpepuköra gwarekurupñi yeñgöra soñgo köhöikñi al enñiyök. Mewö.

Jisösnöñ kömumamgö keuñi jiyök.

Mak 8.31-9.1; Luk 9.22-27

²¹ Nalö mianğöreñgök Jisösnöñ könahiba gwarekurupñi yeñgöra keu kewö indelök, “Nöñön Jerusalem anda sihimbölö gwötpuk mötman. Kantrigö jitñememe, jike nup galöm aka Köna keugö böhi yeñön nuñgugetka kömumam. Kömumbiga wehön karöbut aiga kömupnöñhök wahötmam.”

²² Jisösnöñ mewö jiiga Pitönöñ öröm wañgiba görañe anda könahiba qetala kewö jim wañgiyök, “O Kambu, mi nalö kunöñ asuhum gihibapuköra Anutunöñ mönö sel jöhöm gihima.” ²³ Qetal wañgiiga lilingöba Pitö kewö jim wañgiyök, “Gi keu mötmörizani, mi Anutugöreñ keuya qahöpmö, gölme ambazip aka Satangö sihima. Gi nöñgö köna utumamgö mötnöñga urunan böliza. Mianğöra Satan, gi mönö dölkı nöñgö jemesoholneyök kesalnöñ!” Mewö.

Kraist wuatangöbingö söñgööröñi

²⁴ * Nalö mianğöreñ Jisösnöñ gwarekurupñi keu kewö jii mötket, “Kunñan nöñgö andöne kamamgö mötzawi, yañön mönö nanñi urusilenangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawanğö dop mökösoñđa ni nuatanğöba kama. ²⁵ * Kunñan malmalñi nanñangöra anğön köla nanñi imbi-imbi maljawı, yañön mönö malmalñi ölni jöhöi sohoma. Sohomapmö, kunñan gölmegö malmalñi nöñgöra aka kölenđa tököm niñgimawi, yañön mönö malmal ölnangö könañi miwikñaiba köhöiba malma.

²⁶ “Kunñan gölmenñi gölmenñi miengö öröyuainñi pakpak köl öröiga buñañi an teköiga uruñangö malmalñi mem sohoba silebile mala kömuiga Anutunöñ keuñi jim teköiga uñañan ayuhuiga qahö dop kölma. Sukinapñi mianñön mönö urusösöñgai qahö ak wañgima. Qahöpmahöp. Körek neñön mönö bohonini jöhöm anğubingö osibin.

²⁷ * “Suep gölmegö azi ölnan könañgep Suep garata töröñi yembuk ki etketka Iwiñangö asakmararañi eka aurume. Nalö mianğöreñ mohot mohot neñgö ahakmemenini kewöta likepñi mianğö dop neñgima. ²⁸ Nöñön keu ölni kun kewö jibi mötme: Kianğöreñ kinjei, enğö sutñineyök tosatñan Suep gölmegö azi ölnan kinñ aka asuhumawi, mi ek kutume. Jebuk mala kömupkö sihimbölöñi qahö mötketka asuhum tiñgiriga mi ekñe.” Mewö.

17

Jisösgö sileñe letotqetot ahök.

Mak 9.2-13; Luk 9.28-36

¹ * Wehön 6 teköiga Jisösnöñ Pitö, Jeims aka Jeimsgö munñi Jon enğuanğita nanñinök

* **16:19:** Mat 18.18; Jon 20.23 * **16:24:** Mat 10.38; Luk 14.27 * **16:25:** Mat 10.39; Luk 17.33; Jon 12.25 * **16:27:** Mat 25.31; Sum 62.12; Rom 2.6 * **17:1:** 2 Pitö 1.17-18

kundunji köröpñi kunöñ öngöba kötikle malget. ² Malgetka jemesoholñine kiniga Jisösgö sile tandökñan letota murutñi ahök. Jemesoholñan wehön jenji ewö kölkölbilibilikñambuk asariiga malukuñan tuat lalamñi aka asakñambuk ahök.

³ Mewö aiga eketka Moses aka Elaija yetkön asuhum engiba Jisösbuk keukeu jiget. ⁴ Jigetka Pitönöñ könahiba keu jiba Jisösgöra kewö jiyök, “Kembu, nenñon kiangören uruölöwak mötzin. Miangöra sihimgan mötzan ewö, nöñon ölop koum karöbut qemam. Göhö kun, Mosesgö kun aka Elaijagö kun.”

⁵ *Mewö jiba kiniga unuñunñ tuat lalamñi asakmararañambuk kunöñ eta aumñan esuhum engiiga miangö uruñeyök qet kun kewö eriga mötket, “Azi ki mi nani wölböt nahöna. Nöñgö urusihimni ketanñan mönö yangören ahöza. Mönö yangö keunji möta malme.” ⁶ Gwarek yeñon keu mi möta jönömñini undui sipköba gölmenöñ eta kenjötnini gwötpuk mötket.

⁷ Mewö mötketka Jisösnöñ yengören kaba silenini oseiba kewö jii mötket, “Mönö wahötket. Kenjötnini kude mötme!” ⁸ Keu mi möta uba wahöta tosatñi qahö engekemö, Jisösnöñ nanñök kiniga eket. Mewö.

Jon O-melun-azi mi Elaijagö salupñi akza.

⁹ Kunduñeyök etketka Jisösnöñ sörokñi miangören kewö jim kutum engiyök, “Inñini yuai ekzei, miangö buzupñi mi ambazip kun kude jiget mötme. Suep gölmegö azi ölnan kömupnöhök wahöriga miangö andöñe mi ölop jim asariba malme.”

¹⁰ *Mewö jim kutum engiiga gwarekurupñi karöbut yeñon Jisös kewö qesim wangiget, “Köna keugö böhi yeñon keu kewö mi wuanöñgöra jimakze, ‘Kezapqetok azi Elaijanöñ mönö mutuk Suepnöhök eriga Amötqeqe Toñan miangö andöñe asuhuma?’ ”

¹¹ Qesim wangigetka melenña kewö jiyök, “Elaijanöñ mutuk eta asuhuba malmal pakpak möhangöma. Keu mi ölnapmö, ¹² *nöñon kewö jibi mötme: Elaijanöñ lök eta asuhuyökmö, i eka könañi qahö möt kutugetmö, ambazipnöñ i nanñini sihimñini wu-atangöba lañ ak wangiget. Mewönanök Suep gölmegö azi ölni mewöyök lañ ak wangigetka Juda yengö böröñine geba sihimbölo mötma.” ¹³ Elaijagöra mewö jiba ölna Jon O-melun azigöra keu jii mötkeri, gwarek yeñon mi mewö möt asariget. Mewö.

Jisösnöñ öme wuatangöi morönöñ ölöwahök.

Mak 9.14-29; Luk 9.37-43

¹⁴ Jisös aka gwarek karöbut yeñon kunduneyök eta ambazip kambu yengören kagetka azi kunöñ Jisösgö kösutñe kaba simin köl wangiba kewö jii mörök, ¹⁵ “Kembu, göñon mönö nahöni ak kömum wangiman. Kawölnöñ yöhöiga tala eta qeiga bözok mitiba semben auba sihimbölo gwötpuk mörakza. Nalö gwötpuk tala könöpnöñ me onöñ gemakza. ¹⁶ Nöñon i wangita gwarekurupki yengören kazalmö, yeñon i mem ölöwak wangibingö osize.”

¹⁷ Mewö jiiga melenñ wangiba jiyök, “Yei, gölmegö yangisenñ aka misimkaulup ambazip, mönö nalö dawik embuk mala qatön engubiga Anutu qahö möt narigetka sihimbölo mötmam? I mönö wangita nöñgören ki kaget.” ¹⁸ Wangita kagetka Jisösnöñ öme mi jim wangii mosöta ani morönöñ nalö miangörenök ölöwahök.

¹⁹ Ölöwahiga gwarekurupñan mi eka nanñinök Jisösgören kaba tata kewö qesim wangiget, “Nenñon mönö wuanöñgöra mi naninök wuatangöbingö osizin?”

²⁰ *Qesim wangigetka kewö jii mötket, “Mötnaripñinan morörökñi akzawangöra mi wuatangöbingö osize. Nöñon keu ölni kun kewö jibi mötme: Mötnaripñinangö ölni mi neñon kötnangö dop ahöbawak ewö, enñon ölop kundunji kiangö Toñangöra kewö jim kutubeak, ‘Gi mönö kundunji mi meköba wahöta anda likepñe endu alman.’ Mewö jiba möt narigetka miangö dop aiga endu anma. Anutu möt narigetka inahöm engiiga yuai

* **17:5:** Jen 22.2; Dut 18.15; Sum 2.7; Ais 42.1; Mat 3.17; 12.18; Mak 1.11; Luk 3.22 * **17:10:** Mal 4.5 * **17:12:** Mat 11.14 * **17:20:** Mat 21.21; Mak 11.23; 1 Kor 13.2

kungöra qahö qaköbeak.” ²¹ (Öme tandökni mewöni mi mönö köuluköba nene sinji mala wuatangöbin. Yuai murutni kun ahinga qahö kota anma. Mewö.)

Jisösnöni kömumangö Bunani jiiga yahöt ahök.

Mak 9.30-32; Luk 9.43b-45

²² Jisösnöni gwarekurupni yembuk mohotne Galili prowins uruñe liliköba könanöni angetka Jisösnöni keu kötni kewö jii mötket, “Anutunöni Suep gölmegö azi ölni mi gölme ambazip yengö böröni al wanji gema. ²³ Geiga i qegetka kömuma. Kömuiga wehön karöbut aiga mönö kömupnöhök wahötma.” Gwarekurupnan mi möta uruñinan lömböriiga wösöbirik mötket. Mewö.

Jisösnöni jöwöwöl jikegö takisni alök.

²⁴ *Jisösnöni gwarekurupni yembuk Kaperneam taonöni kangotketka jöwöwöl jikegö takis meme azi yeñon Pitögören kaba kewö qesim wanjiget, “Engö böhinjan jöwöwöl jikegö takisni alma me qahö?”

²⁵ Qesim wanjigetka “On!” jiyök. Miangö andöni Pitönöni miri uruñe öngöiga Jisösnöni keu mutukni kewö qesim wanjiyök, “Saimon, gi denöwö mötmörizan? Denike yeñon kölköl-örörögö töwanji aka takis tosatni mi gölmegö kin azi kembu yengöra alakze? Kantri toni neñon me kian yeñon mi algetka tokomakze?”

²⁶ Mewö qesim wanjiiga melenja “Kian yeñon,” jiyök. Mewö jiiga Jisösnöni kewö jii mörök, “Mewö aiga kantri toni neñon mi albinangö dop qahö akzin. ²⁷ Mewö akzinmö, takis qahö alinga azi miengö uruñinan bölibapuköra mönö anda kösö kawiki o angönöni gilman. Gila söra mutukni öröba memani, mönö miangö numbuñi mesaköba moneñ kötni miangören miwikñaiman. Moneñ kötni mi azi yahöt netkö takisnirangö dop. Mönö mi memba engiba mianön nöngö aka nangi takisniri alman.” Mewö.

18

Gwarek sutjine danön mutukni akza?

Mak 9.33-37; Luk 9.46-48

¹ *Nalö miangören gwarek yeñon Jisögören kaba kewö jiget, “Suepkö bemtohon uruñe danön öngöngöni akza?” ² Mewö jigetka namande moröni kun qeri kaiga sutjine ali kinök. ³ *Kiniga kewö jiyök, “Nöñon keu ölni kun kewö jibi mötme: Uruñini qahö melenja nahönbörat ewö qahö akne ewö, inini mönö nalö kunöni Suepkö bemtohonöni qahö angotme.

⁴ Miangöra kunjan nanji memba et ala morö kiangö dop akñawi, yanön mönö Suepkö bemtohon uruñe öngöngöni akza. ⁵ Kunjan namande kewöni kun nöngö qetne köl öröba köyan kölmawi, yanön mönö ni köl öröm niñgima.” Mewö.

Singisöndökö kölgorom mönö qetal engime.

Mak 9.42-48; Luk 17.1-2

⁶ Jisösnöni toroqeba kewö jiyök, “Morö kewöni möt narim niñgizei, kunjan yengörenök kun kölgorom ak wanjiiga singisöndök akñawi, azi mianön mönö lömböt öngöngöni miwikñaima. Anutunöni lömböt miangö likepni denöwö wanjiiga dopne akawak? Kemun jamönjin jölne jöhöba köwet röndumnöni gilget mulumgöi gebawak, mianön mönö awamni ahum wanji tandök akawak.

⁷ “Singisöndökö supatitikan mönö awamnanök asuhumakza. Miangöra gölme ambazip engöra Yei wösöbirik! mötzal. Kunjan supatitik angön kölmangö osimakzappö, kun danön tosatni kölgorom ak engiiga singisöndök aknei, yanöra mönö Yei! jiba sahötzal. Sihimbölö öngöngönan mönö yanö qakne öngöma.

* 17:24: Eks 30.13; 38.26 * 18:1: Luk 22.24 * 18:3: Mak 10.15; Luk 18.17

8 **“Börögan me könagan siŋgisöndok akŋangö kölgorom ak gihima ewö, mönö yandim gilman. Yandim gilagun börötak me könatohot mala malmal köhöikŋi miwikŋaiba oyaenŋkoyaen akŋanmö, köna börö yahötpuk malnöŋga könangep könöp sianöŋ gil gihigetka gebanbuk. Sia könöpŋi mi teteköŋi qahö jema.*

9 **“Mewöŋanök jegan siŋgisöndok akŋangö kölgorom ak gihima ewö, mönö qözöla gilman. Qözöla gilagun je-ilik mala malmal köhöikŋe aŋgota oyaenŋkoyaen akŋanmö, je yahötpuk malnöŋga könöp siagö könöpŋöŋ gil gihigetka gebanbuk.” Mewö.*

Lamanöŋ sohöyöhi, miangö dopkeu

Luk 15.3-7

10 *“Ambazip moröŋi kiengöreŋök kun memba et al waŋgibe-puköra mönö galömnjini meme. Nöŋön keu kewö jizal: Yeŋgö kölközizip garataurupŋinan mönö Suep miri miangöreŋ nöŋgö Suep Iwinangö kösutŋe mala jemesoholŋi sundan ehakze. Miangöra jijiwilit kude ak engime. 11 (Suep gölmegö azi ölnan mönö ambazip sohosohöŋi mem letot engii oyaenŋkoyaen akŋegöra erök.)*

12 *“Keu kiangöra denöwö mötmörize? Azi kungö lamaurupŋi 100 malgetka miengöreŋök kunŋan sohoba janjuŋ aniga toŋan denöwö akŋa? Yaŋön mönö 99 mi kundunŋe engömosöta anda mohot janjuŋ anöhi, miangö jaruba anma. 13 Jaruba anda mala miwikŋaiba ewö, nöŋön keu ölni kun kewö jibi mötme: Yaŋön 99 janjuŋ qahö angeri, miengöra nalö miangöreŋ gwötpuk qahö söŋgaimapmö, mohot miangöra öŋöŋi qahö söŋgaiba malma. 14 Miangö dop engö Iwiŋini Suep mire maljawaŋön mönö ambazip moröŋi kiengöreŋök kunŋan sohoba könöp sianöŋ gebapuköra mörakza.” Mewö.*

Alagan siŋgisöndok ak gihiga kewö akŋan:

15 **“Urumelenŋ alagan siŋgisöndok ak gihima ewö, gi mönö yaŋgöreŋ anda mesohol köl waŋgiba köna siŋgiyöhi, mi kondel waŋgiman. Mewö aknöŋga keugi möta bapŋe anma ewö, göŋön mönö alagi luhut al waŋginöŋga kunbuk urumohot aka malmahot. 16 *Mewö aknöŋga keugi möta miangö bapŋe qahö anma ewö, göŋön mönö toroqeba ala mohot me yahöt etkuaŋgita yaŋgöreŋ anme. Mewö Buŋa Kimbigö keu kiangö dop akŋan, ‘Keu pakpak mi ambazip yahöt karöbutŋan nanögöba jigetka köhöima.’*

17 *“Mewö aketka keuŋini möta miangö bapŋe qahö anma ewö, göŋön mönö urumelenŋ könagesögö jittjememe yeŋgöra jinöŋga yambuk eraum mötme. Eraum mötmemö, yeŋgö keu bapŋe mewöyök qahö anma ewö, mi mönö aukŋe jigetka jabö ahui urumelenŋö kopa ewö ak waŋgiba malman. Takis tilipqilip-ŋinambuk megetka sisitŋini memakzei, miangö tandök ewö i mönö mosötnöŋga yaigep malma.”*

Siŋgisöndokö jöhöjöhöŋi aka pösatpösatŋi

18 **“Nöŋön keu öln töhöŋŋi kun kewö jibi mötme: Eŋön siŋgisöndok gölmenöŋ jöhömei, mi pakpak mönö Suep mire mewöyök jöhöjöhöŋi ahöma aka siŋgisöndok gölmenöŋ mosöta pösatmei, mi pakpak mönö Anutunöŋ mosöri Suep mire mewöyök pösatpösatŋi ahöma.*

19 *“Toroqeba keu kewö jibi mötme: Gölmenöŋ engöreŋök yahötŋan keu mi me mi miangöra urumohok aka köuluköbitkö keu jöhömahori, mi nöŋgö Iwini Suep mire maljawaŋön mönö etkiiga buŋa qem aŋgumahot. 20 Mi kewögöra: Ambazip yahöt me karöbutŋan nöŋgö qetne igen me waigen tokomei, nöŋön mönö miangöreŋ yeŋgö sutŋine malman.” Mewö.*

Welenqeŋe ak-kömökömuŋi qahöpkö söpsöp keu

21 **Nalö miangöreŋ Pitönöŋ Jisösgöreŋ kaba keu kewö jii mörök, “Kembu, alanan siŋgisöndok ak niŋgimakzawi, nöŋön mi indimŋi dawikö dop mosötpiga dop kölma? Indimŋi 7 mi gwötpuk. Miangö dop mosötpiga dop kölma me qahö?” 22 Jisösnöŋ mi möta*

* 18:8: Mat 5.30 * 18:9: Mat 5.29 * 18:15: Luk 17.3 * 18:16: Dut 19.15 * 18:18: Mat 16.19; Jon 20.23

* 18:21: Luk 17.3-4

kewö melenj wanjiyök, “Indimni 7 qahöpmö, 70 taims 7 * mi mosötnönga dop kölma. Nöñön göhöra mewö jizal. ²³ Mianjö könanji mi kewö jim tuarimam. Suepkö bemtohoñi mi kin azi kembugö dop albi kewö akza: Kinñöñ welenqequeurupñi engohola moneñini galöm kölgeri, mianjö areñ papianji kondelget mindiñgömapköra kapan kölök.

²⁴ “Mewö könahiba moneñanjö kösohotñi kewöta mindiñgögetka mianjöreñ azi kun wanjita kagetka yanjö jeñe kinök. Tosañi 10 milyön kina mi yanjöreñ ahöyök. ²⁵ Mi ahöyökmö, tosanji mi mekömamgöra moneñi qahö dop köli osiyöhanjöra aka ketanjanñan kinda kewö jim kutuyök, ‘Sukinapñi ahözawi, mi pakpak mönö söngöröñi memegöra alme. I aka anöm-moröñi i mewöyök mönö söngöröñini memegöra algetka moneñ kaiga mianjön tosanji mi meköme.

²⁶ “Mewö jim kutuiga welenqequeñan wösöñe eta simin köla sipköba kewö ulet wanjiyök, ‘Gi mönö urukönöp kude aka mökösoñda mamböt niñginönga göhöreñ tosagi pakpak mi ölop meköm gihimam.’ ²⁷ Mewö ulet wanjiiga ketanjanñan welenqequeñanjöra wösö mötmöt aka tosanji mi kutuba mosöta pösari erök. ²⁸ Erökmö, yaigep anda mianjöreñ welenqeque alañi kun miwikñaiba ehök. Yanjö tosanji mi silim 100:kö töwanji (Kina500,-) mianjö dop yanjöreñ ahöyök. I eka memba jölñi köhöikñanök mözöhöla kewö jiyök, ‘Nöñgöreñ tosa göhöreñ ahözawi, mi mönö meköm niñgiman me?’

²⁹ “Mewö jiiga welenqeque alañan wösöñe eta simin köla sipköba kewö ulet wanjiyök, ‘Gi mönö urukönöp kude aka mökösoñda mamböt niñginönga göhöreñ tosagi mi ölop meköm gihimam.’

³⁰ “Mewö jiyökmö, yanjön mi tököba anda jii memba jöhöba kösö mire alget tari tosanji mekögetka etma. ³¹ Yuai mi asuhiiga welenqeque alaurupñan tandök mi eka uruñinan kömbuhiiga wösöbirik möta anda mianjö kösohotñi mi körek ketanjanñanjöra jigetka mörök.

³² “Mi möta ketanjanñinan welenqeque mutukñi mi qeri jeñe kanjoriga kewö jii mörök, ‘Gi nup meme azi bölöñi! Gi tosagi kutuba mosötmamgö qesim niñginönga nöñön mi pakpak mosöt gihizal. ³³ Nöñön gehoriba ak kömum gihibiga göñön mewöyök mianjö dop welenqeque alagi ak kömum wanjinönga dop kölbowak.’

³⁴ “Ketanjanñan mewö jiiga irimni seholiiga welenqeque mianjö keunji jim teköba kösö mirigö galöm yengö böröñine al wanjiiga sihimbölö gwötpuk möta tatma. Mianjöreñ tata tosanji kinjöreñ ahöyöhi, mi pakpak meköm teköiga etma. ³⁵ Söpsöp keu kianjö ölnji kewö: Inini mohot mohot alañanjö siñgisöndokñi uruñinan qahö mosötme ewö, nöngö Suep Iwinan mönö mewöyök keu mianjö dop ak engima.” Mewö.

19

Awanöm anjömosötmösötkö keunji

Mak 10.1-12

¹ Jisösnöñ keu mi jim teköbagun Galili prowins mosöta Jordan o kutuba likepñe anda mötöteiba eta kunbuk o mi kutuba Judia prowinsnöñ kayök. ² Kaiga ambazip kambulelembenöñ wuatanjöba kagetka mianjöreñ mem ölowak engiyök.

³ Mem ölowak enjiiga Farisi (Köna keugö kapankölköl) tosatñan yanjöreñ kaba keugö bötaknöñ örömapkö esapköm wanjiba kewö qesim wanjiget, “Azinöñ könanji i me waigöra anömñi mosötmawi, mi Köna keu ongitma me qahö?”

⁴ *Qesim wanjigetka melenja kewö jiyök, “Miwimiwikñai Toñan lök könakönahineyök i ‘azi aka ambi malmegöra miwikñaim engiyök.’ Buña keu mi oyonget me qahö?”

⁵ *Miwikñaiba kewö jiyök, ‘Mianjöra azinöñ mönö iwinamñi etkömosöta anömñanjöreñ anda qekötahöiga yetkön sile mohot aka malmahot.’ Keu mi oyonget me qahö? ⁶ Mewö

* **18:22:** 70 taims 7 = 490. Mianjö dop alagahö siñgisöndokñi mi mönö qösösök mosötman.

* **19:4:** Jen 1.27; 5.2

* **19:5:** Jen 2.24

aka toroqeba yahöt qahö akzahotmö, sile mohot aka malmahot. Anutunöñ azi aka ambi mindirim etkiyöhi, ambazip kunöñ mönö i kude mendenj etkima.”

⁷ *Mewö jii möta kewö jiget, “Azinöñ angömosötmosöt papia ohoba anömñi ölop mosötma. Mosesnöñ mönö wuanöñgöra keu mewö jim kutum nenjii ahöza?” ⁸ Mewö jigetka kewö jim enjyök, “Mosesnöñ mönö uruköhöikñinanöñgöra aka anömñi mosötmapkö keu mewö jim kutuyökmö, könakonahinjeök mewö qahö ahöyök. ⁹ *Nöñön kewö jibi mötme: Anömñan qesabulum qahö ahiga töndup wuatangöba ambi kun memawi, yanön mönö sero yongorö akña. Kunñan ambi mosötmosötñi memawi, yanön mönö sero yongorö akña.”

¹⁰ Jisösnöñ mewö jiiga gwarek yeñön jiget, “Awanöm sutñire angömosötptkö sonjo mewö ahöza ewö, mönö awanöm qahö ahinga dop kölma.”

¹¹ Mewö jigetmö, Jisösnöñ kewö meleşnök, “Miangö keuñi kusum enjizali, ambazip köreñan mi nanñinanöñgöra angön köla miangö dop ölop qahö akñemö, Anutunöñ keu mi ambazip tosatñi yeñgöra enjyöhi, yeñönök mönö miangö dop akñe. ¹² Miangö könani kewö: Tosatñan nam körö uruñe ahuba miangöreñök könahiba awanöm akingö qahö mötze. Tosatñan ambazipnöñ sileñini yandiba * kondot enjigetka awanöm akingö dop qahö akze. Tosatñan Suep bemtohoñangöra aka awanöm qahö akingö keuñi jim jöhöba keuñini mi wuatangömakze. Kunñan keu mia me mia möt angön köla wuatangömangö dop akzawi, yanön mönö miangö dop akña.” Mewö.

Jisösnöñ nahönbörat kötuetköm enjyök.

Mak 10.13-16; Luk 18.15-17

¹³ Nalö miangöreñ tosatñan nahönbörat morömorö enjuangita Jisösnöñ böröñi nöropñine ala köulukömapköra yanöñgöreñ kagetmö, gwarek yeñön ambazip mi jim qetal ak enjiget. ¹⁴ Mewö aketka Jisösnöñ kewö jiyök, “Nahönbörat moröñi mi ölop enjyösötketka nöngöreñ kame. Suepkö Tonjan ambazip mewö mia bemtohoñi buña qem enjima. Miangöra i kude jöhöm enjime.” ¹⁵ Mewö jiba böröñi nöropñine ala enjyösöta kungen anök. Mewö.

Jisösnöñ azi pomñi kungö qambañ keu jiyök.

Mak 10.17-31; Luk 18.18-30

¹⁶ Nalö kungen azi kunöñ Jisösgöreñ kaba kewö qesim wanjyök, “Böhi, nöñön ahakmeme ölopñi denöwö aka malmal köhöikñangö buña qem angubilenak?” ¹⁷ Qesim wanjiiga kewö jii mörök, “Ahakmeme ölopñi denöwö, wuanöñgöra mewö qesim niñgizan? Mohot-kunñan mönö ölopñi akza. Malmal köhöikñe angotmamangö mötman ewö, mönö jöjöpañ keu tem köla malman.”

¹⁸ *Mi möta kewö jii mörök, “Wani jöjöpañ keugöra jizan?” Jisösnöñ mi möta jiyök, “Mönö ki, ‘Ambazip kun kude qenöñ kömuma, Sero yongorö kude akñan, Yongorö kude meman, Jitnöñ alal keu kude jiman, ¹⁹ *Iwinangi mönö göda qem etkimakñan, aka ‘Nangi jöpaköm angumakzani, miangö dop mönö ambazip pakpak jöpaköm enjimakñan.’ ”

²⁰ Mewö jiiga azi gwabönöñ kewö jiyök, “Mi pakpak mönö tem köla mala kotzal. Wanigöra kunbuk osizal?” ²¹ Mewö jiiga Jisösnöñ jiyök, “Gi aködamungabuk malmangö mötman ewö, mönö anda sukinapki söngöröñi memegöra alnöñ moneñ kaiga ambazip wanapñi enjiman. Mewö aknöñga sukinapki ketani (guli masapu, milyön Kina ewö) mi Suep mire ahöm gihima. Mewö aka ni nuatangöba kaman.”

²² Mewö jiyökmö, gwabönöñ keu mi möta sukinapñi gwötpuk ahöyöhanöñgöra aka wösöbirik möta jeni asöliiga öne mosöta anök. Mewö. ²³ Mosöta aniga Jisösnöñ gwarekurupñi kewö jii mötket, “Nöñön keu ölni kun kewö jibi mötme: Yei! Ambazip pomñi yeñön

* **19:7:** Dut 24.1-4; Mat 5.31 * **19:9:** Mat 5.32; 1 Kor 7.10-11 * **19:12:** Azi kötni kölkölgöra jiza. * **19:18:** Eks 20.13-16; Dut 5.17-20 * **19:19:** Eks 20.12; Dut 5.16; Lew 19.18

mönö Suepkö bemtohoññöñ angotpingö lömböriba kupuk-kapak akñe. ²⁴ Mi kewö jim tuarimam: Sömbup ketanji kamel mi kondi kinimñe ölop qahö angotma. Miangö dop ambazip pomñi yeñön Anutugö bemtohoñ uruñe angotpingö lömböriba qaköme.”

²⁵ Mewö jii möta gwarek yeñön aurum tililingöba kewö jiget, “Opoñ! Ambazip danñön mönö Suepkö buñaya akawak?” ²⁶ Mewö jigetka Jisösnöñ uba engeka kewö jiyök, “Ambazipnöñ mi esapköba osiba qakömakzemö, Anutunöñ mönö yuai pakpak ölop ahakza. Yanñön yuai kun aka memangö qahö osiba qakömakza.” Mewö.

Jisösgö nup memegö töwanji

²⁷ Pitönöñ keu mi möta melenja kewö jiyök, “Mötnöñ, neñön mönö yuai pakpak mosöta gi guatangöba kain. Miangö likepñi mönö wani yuaia membin?” ²⁸ *Mewö jiiga Jisösnöñ kewö jii mötket, “Nöñön keu ölni kun kewö jibi mötme: Yuai pakpak kölönaiiga Suep gölmegö azi ölnan jakömbuak dumñe tari asakmararañan asarimawi, nalö qainñi kun miangöreni ni nuatangöba kageri, enñön mönö mewöyök jakömbuak dum 12 miangöreni tata Israel kambu 12 yeñgö keuñini kewöta jim teköme.

²⁹ “Kunñan nöngö qetnangöra aka yuai kun mosöröhi, - mi jike miriñi, darumunñi, nenbehötñi, iwinamñi, nahönböratñi me nup kisiñi - mi engömosoriga Anutunöñ mönö miangö likepñi ongita meleni wañgiiga sehima. Mewö sehiiga malmal köhöikñi teteköñi qahö buña qem ançuma. ³⁰ *Mewö asuhumapmö, mutukñi engörenök gwötpukñan dagibezupñi aketka dagibezupñi yeñgörenök gwötpukñan mutukñi akñe.” Mewö.

20

Wain nup meme ambazip yeñgö dopkeu

¹ Jisösnöñ jiyök, “Suepkö bemtohoñi mi kewö: Gölme tonji kunöñ söñanök wahöta yaigep anda azi tosatñi engeka wain nupñe monen nup memegöra qesim engiyök. ² Qesim engiiga ‘Ölop,’ jigetka silim mohotkö töwanini (Kina 5) engimapkö urumohot aketka melaim engiiga wain nupñe anget.

³ “Angetka 9 kilok miangö dop aiga kunbuk toroqeba anda azi tosatñi maket sombemñe önewat kingetka engehök. ⁴ Engeka kewö jii mötket, ‘Inini mönö mewöyök nöngö wain nupne anda nup megetka töwanini dopñeyök engimam.’

⁵ “Mewö jiiga wain nupñe anget. Angetka 12 kilok aiga kunbuk anök aka mare 3 kilok miangö dop dumñe kunbuk yaigep anda mewöñanök ahök. ⁶ Mewö aka mare 5 kilok miangö dop yaigep aniga azi tosatñi dumñe kunbuk öne lañ kingetka engehök. Engeka kewö qesim engiyök, ‘Inini mönö wuanöngöra silim köröp ki öne malje?’

⁷ “Mewö qesim engiiga kewö melenget, ‘Kunñan monen nup membingöra qahö qesim nenngiza. Miangöra öne ki kinjin.’ Melengetka kewö jii mötket, ‘Inini mönö mewöyök nöngö wain nupne anda nup meget.’ ⁸ *Nup megetka mare aiga wain nup tonjan nup galömnji öröba kewö jii mörök, ‘Gi mönö nup meme azi engohola töwanini engiman. Mare qöndökñi kazei, yeñgörenök könahiba ençiba anda söñanök kazei, yeñgöreni teköman.’

⁹ “Mewö jiiga mare 5 kilok nupnöñ kageri, yeñön kançotketka silim mohotkö töwanji (Kina 5) mi mohot mohot engiiga meget. ¹⁰ Mutuk nupnöñ kageri, yeñön kançota töwanini ongita memegöra mötmörigetmö, i mohot mohot mewöyök silim mohotkö töwanji (Kina 5) engiiga meget. ¹¹ Töwa mohot miyök memba könahiba gölme tonjangöra uruñinan ihururuk möta jimongot ak wañgiba kewö jiget, ¹² ‘Nini wehöngöra nöngöp ariba nupkö lömbötñi bisizinmö, azi mi dölok-kun nup memegöra qesim ençizan. Yeñön aua mohot-kungö dop nup mezemö, göñön töndup yeñgöra mötmörinöñga nembuk öröröñ akze. Mi qahö dop kölja.’

* **19:28:** Mat 25.31; Luk 22.30 * **19:30:** Mat 20.16; Luk 13.30 * **20:8:** Lew 19.13; Dut 24.15

¹³ “Mewö jigetmö, yeŋgöreŋök kungöra kewö melenđa jiyök, ‘Alani, ni göbuk keu jiba silim mohotkö töwa (Kina 5) gihimamgö urumohot akzit. Mianğö dop töwa miyöhök gihibiga dop kölja. Mönö mi mötmöriman. ¹⁴ Urugi mianğöra bölibapukmö, mönö nangi töwagi memba anman. Azi dölök-kun nup memegöra qesim enğizali, yeŋgöra mewöyök töwa gihazali, mönö miyök enğimamgö mötzal.

¹⁵ “Nani moneŋnöh nani sihimnaŋgö dop akiga dop kölja me qahö? Nöhön ekbonep qahö akiga urugan auiga jegi bosoleiza me?” ¹⁶ *Jisösnöh keu mi jim teköba kewö jiyök, “Mianğö dop qöndökŋi yeŋön mutukŋi aketka mutukŋi yeŋön qöndökŋi akŋe.” Mewö.

Jisösnöh kömumamgö keuŋi jiiga karöbut ahök.

Mak 10.32-34; Luk 18.31-34

¹⁷ Jisösnöh Jerusalem sitinöh öngöbingöra gölme köna angetka gwarekurupŋi 12 mi öröm enğiba göraŋe anda kewö jii mötket, ¹⁸ “Mötket, nini Jerusalem öngöbin. Mianğöreŋ kunŋan Suep gölmegö azi ölni mamalolo mem waŋgiiga jike nup galöm aka Köna keugö böhi yeŋgö böröŋine gema. Yeŋön kömumapkö keuŋi jim teköba ¹⁹ kian gawman yeŋgö böröŋine al waŋgime. Al waŋgigetka mepaiköba ihilek wahinambuknöh tauköm waŋgime. Tauköm waŋgiba maripomnöh qegetka kömuma. Kömumba wehön karöbut aiga kömupnöhök wahötma.” Mewö.

Jeims Jon namŋiran yuaigöra ulerök.

Mak 10.35-45

²⁰ Nalö mianğöreŋ Zebedigö nahönyahöt yetkö namŋiran nahönyahötŋi yetpuk Jisösgöreŋ kaba simin köl waŋgiba yuai qainŋi kungöra uletmamgö jiyök. ²¹ Mewö jiiga qesim waŋgiyök, “Gi wani yuai akŋamgö mötzan?” Qesim waŋgiiga kewö jiyök, “Göhön ölop jim kutunöŋga nöŋgö nahönyahötŋi kietkön mönö göhö bemtohoŋnöh eu öngöba kunöh börögi ölnje aka kunŋan börögi qaniŋe tata yuai pakpak galöm kölbeak.”

²² Mewö jiyökmö, Jisösnöh melenđa kewö jiyök, “Inini mianğö könaŋi qahö möt yaköba uletze. Nöhön qambi kakŋambuk nemami, iniri mi ölop nemba sihimbölö mötmahot me qahö?” Mi möta “Ölop nembit,” jiyohot. ²³ Jiyohotka kewö jii mörohot, “Mi ölnja! Nöhön qambi kakŋambuk nemami, iniri mi mewöŋanök nemahotmö, nöŋgö böröni ölnje me qaniŋe daŋön tatmahori, nöŋön keu mi jim kutumamaŋgö dop qahö. Nöŋgö Iwinan dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

Galöm ölnan mönö welenqeqeya akza.

²⁴ Darumun yahöt yetkön mewö ulerohotka alaurupŋi 10 yeŋön mi möta urubölö aket. ²⁵ *Mewö aketmö, Jisösnöh enğoholi kagetka kewö jii mötket, “Gölmegö kantriŋi kantriŋi miengö jembonŋinan mönö azi kembu tandök ak enğimakze. Yeŋgö ketaŋamŋinan mönö keu jim kutuba mindiŋgöm enğiba kukösumŋini kondelakze. Inini könaŋini mi ölop mötze. ²⁶ *Enğö sutŋine silik mewö ahöbapukmö, kunŋan enğö sutŋine ketaŋamŋini akŋamgö mötzawi, yaŋön mönö welen qem enğiba malma.

²⁷ “Mewöyök kunŋan enğö sutŋine mutukŋi malmamgö mötzawi, yaŋön mönö enğö nembö bapŋine mala welenqeqeŋini omaŋi akŋa. ²⁸ Suep gölmegö azi ölnan mönö mewöyök silik mewöŋi kondela nannŋi welen qem waŋgimegöra aka qahö kayök. Qahöpmö, mönö welen qem enğiba ambazip sehisehiŋi yeŋgö sohopŋini memamgöra aka eta malmalŋi kölenđa mosötma.” Mewö.

Jisösnöh jegömöl azi yahöt mem ölöwak etkiyök.

Mak 10.46-52; Luk 18.35-43

²⁹ Jisösnöh gwarekurupŋi yembuk Jeriko siti mosötpingö aketka ambazip kambulelemenöh enğuatanağöba andöŋine kaget. ³⁰ Mewö kagetka jegömöl azi yahöt köna

* **20:16:** Mat 19.30; Mak 10.31; Luk 13.30 * **20:25:** Luk 22.25-26 * **20:26:** Mat 23.11; Mak 9.35; Luk 22.26

jitne tarohot. Tarohotka “Jisösnöñ neñgongitmamgö akza,” jiget möta kewö qerohot, “Kembu Deiwidkö gwölönarökñi, mönö ak kömum netkinöñ!”

³¹ Mewö qerohotka ambazip kambu yeñon keu bök tatmahotköra qetal etkigetmö, yetköñ mönö kapan köla kewö qerohot, “Kembu Deiwidkö gwölönarökñi, mönö ak kömum netkinöñ!” ³² Mewö qerohotka Jisösnöñ dörök ala yangöreñ kamahotköra qeri kayohotka kewö qesim etkiyök, “Alayahötni, nöñon wani yuai ak etkimamgöra mötzahot?”

³³ Mewö qesim etkiiga kewö jiyohot, “Kembu, niri jeniri kunbuk ubitköra mötzit.”

³⁴ Mewö jiyohotka Jisösnöñ yetköra wösöñi möta jeniri misirii miangöreñök tohoiga uba Jisös wuatangöba andöñe anohot. Mewö.

21

*Jisösgöra köirañ kölgetka Jerusalem öngöyök.
Mak 11.1-11; Luk 19.28-40; Jon 12.12-19*

¹ Jisösnöñ gwarekurupñi yembuk Jerusalem siti dopdowiba Oil ip kundunje Betfage mirinöñ kaget. Kaba gwarekyahötñi yahöt melaim etkimamgöra aka ² kewö jii mörohot, “Miri wösöñire tatzawi, mönö miangöreñ anmahot. Anda miangöreñ angota donki ambiñi kösönöñ jöhöget kinjawi aka donki moröñi mi miangöreñök miwikñaim etkimahot. Mi mönö pösat etkiba memba nöngöreñ kamahot.

³ “Pösarohotka kunñan keu kun jiiga kewö jimahot, ‘Kembu-niran mönö miangöra osiza.’ Mewö jiyohotka donki mi zilañ al etkiiga ki kamahot. ⁴ Anutunöñ keu kun kezapqetok azi kungö urunje ali jiyöhi, mianön ölnambuk akñapköra mewö asuhuyök. Keu mi kewö,

⁵ * “O Jerusalem ambazip Zaion kundunji liliköba maljei, yengöra mönö kewö jigetka mötme, ‘Mötket, engö kin kembuninan mönö engöreñ asuhuma. Yanön gunböñjönjön aka donki qakñe tata kama. Donki lömböt bisimakzawanjö moröñi miangö qakñe tata kama.’ ”

⁶ Jisösnöñ gwarekyahötñi melaim etkiiga anda keu jiyöhangö dop ahot. ⁷ Yetköñ donki ambiñi moröñambuk etkömembra kayohot. Kayohotka malukuñini qeköba donki qakñire algetka Jisösnöñ moröñangö qakñe öngöba tarök.

⁸ Mewö tata aniga ambazip kambulembeñan göda qeba malukuñini qeköba köna namñe tumbulgetka tosatñan ip urunje anda böröñi qezunjata köna namñe tumbulget.

⁹ *Tumbulgetka ambazip kambu jeñe köl öröba angeri aka andöñe wuatangöba kageri, yeñon kewö jiba qetket, “Hosana! Anutu möpöseizin. Deiwidkö gwölönarökñi owe owe! Kembangö qetñe kamawi, Anutunöñ mönö i kötuetköma. Hosana! Qetbunagi möpöseininga euyangöreñ öngöza! Owe owe!”

¹⁰ Mewö qetketka Jerusalem sitinöñ öngöba sitigö ambazip körekñan auruba göjupmajup aka kewö qesiget, “Azi ki mönö ninja?”

¹¹ Qesigetka ambazip kambulembe yeñon kewö melenget, “Yanön mönö kezapqetok azi Jisös, Galili prowinsgö Nazaret mirigöra.” Mewö.

*Jisösnöñ jöwöwöl jike jim kömbuhiyök.
Mak 11.15-19; Luk 19.45-48; Jon 2.13-22*

¹² Jisösnöñ jöwöwöl jikegö tohon urunje anök. Miangöreñ ambazip engehiga inap bohonñi memegöra algetka söngöröñi megeri, yanön mi pakpak közöl enjiiga etket. Moneñ utekutek ambazip yengö jakenjini metali anget. Mewöyök kembö bohonñini memegöra algeri, miengö dum tatatñini mi tok tötaliga anget. ¹³ *Mewö aka kewö jii mötket, “Aisaianöñ keu kun kewö ohoi ahöza, ‘Nöngö jikenan mönö köulukö mirinjana

* 21:5: Zek 9.9 * 21:9: Sum 118.25, 26 * 21:13: Ais 56.7; Jer 7.11

akñapkö qetme.' Keu mi ahözapmö, inini mi utekögetka kegwek-kahasililin yengö banjet ewö akza."

¹⁴ Mewö aiga jegömöl aka simalokon ambazip jöwöwöl jikenöñ yangören kagetka mem ölöwak engiyök. ¹⁵ Mewö asuhuyökmö, jike nup galöm aka Köna keugö böhi yeñön anğöletot meyöhi, mi eket aka nahönbörat jöwöwöl jikenöñ qeta "Hosana! Deiwidkö gwölönarökñi owe owe!" jigeri, mi engeka urubölö aket.

¹⁶ *Urubölö aka kewö jim wañgiget, "Morö mi keu qetzei, mi mötzan me qahö?" Jim wañgigetka kewö melen engiyök, "Ölöp mötzal. Inini nalö kungen Buña keu ki oyonget me qahö, 'Göñön mönö nahönbörat aka morösepsep juzu nemakzei, mi kusum enğinöñga nangi törörök möpöseim gihimakze.' "

¹⁷ Mewö jiba enğömosöta siti mosöta mare aiga Betani anda ahöyök. Mewö.

Jisösnöñ fig ip kun qesuahöiga ululungöyök.

Mak 11.12-14, 20-24

¹⁸ Ahöba söñanök wahöta kunbuk sitinöñ anda nenegö kömuyök. ¹⁹ Nenegö kömumba köna jitre fig ip * kun eka mianğö könañe anök. Anökmö, ölni qahö miwikñaiiga sinñanök kiniga ehök. Mewö eka ip mi kewö jim wañgiyök, "Göñön mönö nalö kunöñ ölgü kunbuk kude kuñguman." Mewö jim wañgiiga fig ip mianğön mönö mianğörenök ululungöyök.

²⁰ Ululungöiga gwarekurupñan mi eka auruba kewö jiget, "Fig ipnöñ mönö denöwö ösumok ululungöza?" ²¹ *Jigetka Jisösnöñ kewö melenök, "Nöñön keu ölni kun kewö jibi mötme: Mötnarip töp memba uruyahöt qahö akeak ewö, fig ipköra yuai asuhuzawi, inini miyök qahö akeakmö, ki mewöyök ölöp akeak: Kunduñi kiangö toñangöra kewö jim kutubeak, 'Mönö kunduñi ki qeköba wahöta anda köwetnöñ alman.' Mewö jim kutuba Anutu möt nariiga mönö mianğö dop ahuma. ²² Wani yuaigöra qesiba köulukömei, mi pakpak buña qem anğubingö möt narigetka mönö buñanini akña." Mewö.

Jitñememe yeñön Jisösgö kukösumñangö qesiget.

Mak 11.27-33; Luk 20.1-8

²³ Jisösnöñ jöwöwöl jikegö tohon uruñe anda ambazip kusum enğiiga jike nup galöm aka kantrigö jitñememe tosatñi yeñön yangören kanğotket. Kanğota kewö qesim wañgiget, "Gi kiangören yuai akzani, mi mönö dañön jim kutum gihiiga ahakzan? Mianğö kukösumñi mi dañön gihiyök?"

²⁴ Qesim wañgigetka kewö melen engiyök, "Nöñön mewöyök keu kun qesim enğimam. Mi melen niñgime ewö, nöñön mewöyök dañön kukösum niñgiiga yuai ki ahakzali, mi jibi mötme. ²⁵ Jonöñ ambazip o-melun mem enğiba malöhi, yañön mianğö kukösumñi mi denikeyök meyök? Suep Toñan wañgiyök me gölme toñan wañgiget?" Mewö qesim enğiiga sutñine eraum möta kewö jiget, " 'Kukösumñan Suepnöhök asuhuyök,' mewö jibin ewö, yañön mönö kewö jima, 'Inini mönö wuanöñgöra Jon qahö möt narim wañgiget?' Mi qahö dop kölja.

²⁶ "Me 'Gölme ambazipnöhök asuhuyök,' jibin ewö, neñön mönö ambazip kambu yengöra kenğötnini möta osibin. Könagesö pakpak yeñön mönö Jongöra 'Kezapqetok azia akza,' jiba malje." ²⁷ Keu mewö kewöta Jisösgöra kewö melenget, "Mi qahö mötzin." Mewö melengetka Jisösnöñ kewö jii mötket, "Mewö aiga nöñön mewöyök yuai ki ahakzalanğö kukösumñi dañön niñgiyök, mi qahö jibi mötme." Mewö.

Kungö nahönyahöt yetkö söpsöpkeu

²⁸ Jisösnöñ söpsöpkeu kun kewö jiyök, "Inini keu kiangöra denöwö mötmörize? Azi kun nahönyahötñi yahöt malget. Nalö kunöñ iwiñiran nahöññi kungören anda kewö jiyök, 'Nahöni, gi ölöp merak nöñgö wain kösö nupne anda nup meman.'

* **21:16:** Sum 8.2 * **21:19:** Fig mi sambu ipkö alañi kun. Mi nupñine kömötketka kötni nahömninambuk asuhugetka gwötpuk nemakze. * **21:21:** Mat 17.20; 1 Kor 13.2

29 “Mewö jiiga kewö melenök, ‘Ni töközal.’ Mewö jiyökmö, könangep keuji miangö möt böliba elenda anda nup meyök. 30 Miangö andöne iwiniran nahönji kungören anda nahönji mutukjangö jiyöhi, keu miyök jii mörök. Mi möta keu kewö jiba melenök, ‘On! Ketajamni, ölop anmam.’ Mewö jiyökmö, töndup qahö anök.”

31 Jisösnöj mewö jiba qesim engiyök, “Yahöt yetkörenök danön mönö iwinirangö jitni tem kölok?” Mewö qesim engiiga kewö melenget, “Nahönji mutukji yanön.” Mewö melengetka kewö jii mörök, “Nöhön keu öl töhönji kun kewö jibi mötme: Takis meme ambazip tilipqilipjinambuk aka köna ketaji ambi yejön mönö injini engongita mutuk Anutugö bemtohon uruñe öngöme.

32 **“Keu miangö könaji kewö: Jon O-melun azinöj engören kaba Anutugö jene solanibingö könaji kondeliga injini yangö keuji mi qahö möt narigetmö, takis meme ambazip tilipqilipjinambuk aka köna ketaji ambi yejön mönö i möt narim wangiget. Yejön i möt narim wangigeri, injini mi eka töndup könangep mewöyök nanjini qahö möt bölim anguba elenda i qahö möt narim wangiget.”* Mewö.

Wain kösö nup galöm bölöji mienjö dopkeu

Mak 12.1-12; Luk 20.9-19

33 *Jisösnöj jiyök, “Dopkeu kun kewö mötme: Gölme toni kunöj wain kösö nup kun köla kömörök. Köla kömöta selji memba liliköyök. Mem liliköba kötnöj wain jout ketaji kötnöj meyök. Miangören waingö ölni ala könanöj tözöhölget onan lalanöj geyök. Wain jout ketaji mi kötnöj memba wain yongorö membepuköra galöm meme jake köröpji köweñambuk meyök. Yuai pakpak mem teköba wain nup galöm tosatni miwikñaim engiba kewö jiyök, ‘Mönö nup memba öljangö bahöni nanjini memba bahöni toni ni ningime.’ Mewö jiba nup mi böröjine ala engömosöta kantri kunöj anda malök.

34 “Mala mali ölni öliyöhangö nalöni (yambu 5) töriiga miangören welenqeqeurupji kun melaim engiiga galöm yengören anda wain nup öljangö bahöni wangimegöra jiget. 35 Jigetmö, galöm yejön i engömembra jöhöba tosatni kömbinöj sepgwörörök enguba tosatni enguget kömugetka tosatni kötnöj gila enguget kömuget. 36 Miangö andöne welenazi tosatni toroqeba melaim engiiga gwötpuk aketmö, i mewöñanök öröm ureim mem engiget.

37 “Mewö aketka wain nup toñan keu jaruba jiyök, ‘Nani nahöni mönö göda qem wangime me denöwö?’ Mewö jiba qöndökji mi nahönña melaiiga yengören anök. 38 Anökmö, wain nup galöm yejön nahönji eka sutjine kewö eraum möta jiget, ‘Yanön mönö börösamotjangö toni akña. Ayop, mönö memba qein kömuiga wain kösö nupñan mönö nanine buñanina akña.’

39 “Mewö jiba memba jöhöba gilgetka nup yaigepñe geiga qeget kömuyök. 40 Wain nup toñan mi möta kaba nup galöm mi mönö denöwö ak engima?”

41 Jisösnöj mewö qesiiga kewö jiget mörök, “Galöm bölöji mi mönö köndenja yayapalelen mem engima aka nup galöm dölokji miwikñaim engiba wain kösö nupñi yengö böröjine alma. Yejön ölni ölimawangö nalöne bahöni törörök wangimakñe.” 42 *Jisösnöj mi möta kewö jii mötket, “Buña Kimbigö keu ki nalö kungen oyonget me qahö, ‘Miri meme yejön köt tandö kun andö qeba öne mosötket taröhi, mianön mönö tandö kömbönanji aiga miwikñaijet. Mianön tingiriga mirinöj gororongöba eta kölma. Kembunöj tandö mi kuñguiga jeninan ehinga qetbuñabuk aiga welipkömakzin?”

43 “Miangöra kewö jibi mötme, Anutunöj mönö bemtohonji enguangita ambazip kambu kun engiiga yejön miangö ölni ölop kuñgumakñe. 44 Kunñan tandö bohönji miangören tötöngata eta qemawi, mi mönö silenji kutumutumapmö, ain tandö mianön jöla tala kungö qakñe eta kölmawi, mi mönö körek qözömözö-zangöma.”

45 Jisösnöj mewö jiiga jike nup galöm aka Farisi (Köna keugö kapankölköl) yejön dopkeuji mi möta könaji möt asariba kewö jiget, “Mi mönö nengöra jiza.” 46 Miangöra i

* 21:32: Luk 3.12; 7.29-30 * 21:33: Ais 5.1-2 * 21:42: Sum 118.22-23

memba jöhöbingö mötketmö, ambazip kambu yeŋgöra keŋgötŋini möta osiget. Ambazip kambu yeŋön Jisösgöra mötketka kezapqetok azia ahök. Mewö.

22

Maren lömbuaŋgö söpsöp keu

Luk 14.15-24

¹ Jisösnöŋ kunbuk könahiba söpsöp keunöŋ keu kewö jiyök, ² “Suepkö bemtohoŋi mi kiangö dop akza: Kiŋ azi kembunöŋ nahönŋaŋgöra maren lömbuaŋ areŋgöba mözözömgöyök. ³ Mözözömgöba welenqeŋeurupŋi melaim eŋgiba kewö jiyök, ‘Nöŋön ambazip tosatŋi maren lömbuaŋnöŋ kamegö mötzal. Inini mönö yeŋgöreŋ kolek anda kamegö jiget mötme.’ Mewö jii anda jigetmö, ambazip mienöŋ mi möta kabingö tököba taŋqaŋ aket.

⁴ “Miaŋgö andöŋe welenqeŋeurup tosatŋi kunbuk melaim eŋgiba kewö jiyök, ‘Ambazip kamegöra jiali, mönö yeŋgöreŋ anda kewö jime: Mötket, nöŋön lömbuaŋgö neneŋamni lök mözözömgöbiga tatza. Nöŋgö bulmakau aziŋi aka bulmakau tosatŋi gumohom eŋgiinga kelökŋinambuk akeri, mi eŋguba ohom qeraköinga yuai pakpak lök jöjöröba ahöza. Inini mönö maren lömbuaŋnöŋ kaget.’

⁵ “Mewö jii angetka ambazip mienöŋ keu miaŋgö kezap qahö algetmö, nöŋöŋgan aka laŋ anget. Tosatŋan nene nupŋine angetka tosatŋan kölköl-örörö nupŋine anget.

⁶ Tosatŋan kiŋgö welen-qeŋeurupŋi qelanjiba eŋgömemba öröm ureim ak eŋgiba eŋguget kömuget. ⁷ Kömugetka kiŋgö irimŋi seholiiga yarö kambuŋi melaim eŋgiiga anda kinda eŋguget kömukömu azi mi köndeŋ eŋgiba taon miriŋini mi ohogetka jeyök.

⁸ “Miaŋgö andöŋe kiŋnöŋ welenqeŋeurupŋi yeŋgöra kewö jiyök, ‘Maren lömbuaŋ mözözömgöinga jöjöröba tatzapmö, ambazip kamegöra jiali, yeŋön mönö sösoŋgainöŋ kakagö dop ölöŋŋi qahö akze. ⁹ Miaŋgöra inini mönö köna soŋanöŋ aka miri sombemŋi sombemŋi miaŋgöreŋ anda ambazip mi me mi miwikŋaim eŋgimei, i mönö maren lömbuaŋnöŋ kamegöra jiba kapaŋ köla kuŋgum eŋgime.’

¹⁰ “Mewö jiiga welenqeŋeurupŋan mosöta könaŋi könaŋi miaŋgöreŋ anda ambazip mi me mi miwikŋaim eŋgigeri, mi körek pakpak öröm tokom eŋgiget. Ambazip ölöŋŋi aka bölöŋi mewöyök mi mewö kagetka maren lömbuaŋ mirinöŋ kokolak qeiga tebol liliköba tatket. ¹¹ Tebol liliköba tatketmö, kiŋnöŋ i eŋgekŋamgöra kaba miaŋgöreŋ azi kun maren lömbuaŋgö maluku tuatŋi qahö köli geiga ehök. ¹² Azi mi eka kewö jii mörök, ‘Alani, gi maren lömbuaŋgö malukuŋi qahö löŋgöta töndup denöwögöra miri kiangö uruŋe kazan?’ Mewö jiiga azi miaŋön keuŋi bököiga ölöŋ tarök.

¹³ * “Mewö tariga kiŋnöŋ welenqeŋeurupŋi kewö jim kutum eŋgiyök, ‘Mönö azi mi memba köna böröŋi jöhöba yaigep gilgetka pandamanöŋ gema.’ Miaŋgöreŋ malmeaŋön mönö sahöt gigilahöba irimŋini yöhözömgögetka qetŋi qeri malme. ¹⁴ Keu miaŋgö dop Anutunöŋ ambazip sehisehiŋan kamegöra jiyökmö, awamdökŋi yeŋön keu mi möt aŋgön köla kaba Anutunöŋ kambu möwölöhöm eŋgiyöhi, mönö yeŋgö sutŋine kaŋgotme.” Mewö.

Takis alalgö Jisös esapköm waŋgiget.

Mak 12.13-17; Luk 20.20-26

¹⁵ Miaŋgö andöŋe Farisi (Köna keugö kapaŋkölköl) yeŋön anda eraum möta Jisös qesiba keugö bötaknöŋ öröi gwaröhöm waŋgibingö areŋi alget. ¹⁶ Mewö areŋ ala gwarekurupŋi aka premiö Herodkö pati-alaurupŋi tosatŋi melaim eŋgigetka Jisösgöreŋ kaba kewö qesiba jiget, “Böhi, göŋön azi ölni akzani, nini mi mötzin. Göŋön ambazip tosatŋi qahö eŋgek soriba tosatŋi qahö qepureim eŋgimakzanmö, dop mohotnöŋ kewöt neŋgimakzan. Miaŋgöra kuŋgum gihigetka qahö goŋgiba ketanŋi qahö esuhum eŋgimakzanmö, Anutugöreŋ köna mi keu ölnaŋgö dop kusum neŋgimakzan. Göŋön Anutugöreŋ keu diŋdiŋi

* **22:13:** Mat 8.12; 25.30; Luk 13.28

mianjön öngöngöni eretji mohot pakpak jim qindiñ ak nenjimakzan. ¹⁷ Mianjöra keu kianjöra denöwö mötmörizan, mi jinöñ mötpin. Nini sisa-kingöra takis ala mianjön Mosesgö Köna keu siñgibin me qahö?”

¹⁸ Mewö qesigetka areñini muneni möt kutuba kewö jii mötket, “O urumelenjö silesile azi, injini mönö wuanöngöra keugö bötaknöñ al niñgibingö esapköm niñgize? ¹⁹ Ölop takis alalgö moneñi kun kondel niñgigetka eki.” Mewö jiiga silwö moneñ (Kina 5) kun memba kaget.

²⁰ Kagetka kewö qesim enñiyök, “Dagöreñ imut aka qet mi ki ohoget ahöza?” ²¹ “O mi sisa-kingöreñ,” mewö melenđa jiget. Jigetka kewö jii mötket, “Mewö aiga yuai sisa-kingö imutñambuk buñañi akzawi, mi mönö yangöra al wañgime. Yuai kun Anutugö buñaya akzawi, mi mönö Anutugö buña qeme.” ²² Mewö jii möta yangöra gwötpuk welipköba mosöta yaigep anget. Mewö.

Kömupnöhök wahötwahötkö Jisös esapköm wañgiget.

Mak 12.18-27; Luk 20.27-40

²³ *Sadyusi (Jike nupkö kapankölköl) yeñön ‘Kömugeri, yeñön kude wahötme,’ jiba malget. Nalö mianjöreñ yeñgöreñök tosatñan Jisösgöreñ kaba kewö qesim wañgiba jiget, ²⁴ *‘Böhi, Mosesnöñ kewö jim kutum enñiyök ahöza, ‘Azi kun ambi meiga nahönbörat qahö ahui kömuiga munñan ölop malöñi memba mala gwölönarök qiwikñaim wañgiiga datñangö qet bisiba malma.’ ²⁵ Mötnöñ, nalö kunöñ darumun 7 malget. Datñini mutukñan ambi memba mala gwölönarökñi qahö öne mala kömuyök. Kömuiga munñan malöñi mi meyök.

²⁶ “Memba mala kömuiga munñi kunñan malöñi mi meyök. Meiga mianjö andöñe munñi kunöñ ambi miyök meyök. Mewöña mewö darumun 7 pakpak yeñön ambi mohok miyök memba gwölönarök qahö mala kömum teköget. ²⁷ Kömum tekögetka qöndökñi malöñini mi mewöyök kömuyök. ²⁸ Göñön ‘Kömugeri, yeñön guliba wahötme,’ jizanmö, nini mi qahö möt narizin. Mötnöñ, azi 7 pakpak mi öröröñ wahötpeak ewö, ambi mohok mi anömñina meget malöhanjöra aka mönö dagö anömña akawak?”

²⁹ Mewö qesigetka Jisösnöñ melenđa kewö jii mötket, “Injini keu jim sohoze. Urumelenjö Buña Kimbiñi aka Anutugö kukösumñi qahö möt kutuzeañjöra mönö janjuñ ahakze. ³⁰ Ölna, kömupnöhök wahöta nalö mianjöreñ awanöm qahö akñemö, garata yeñön Suep mire maljeañjö tandök aka malme.

³¹ “Mötket! Kömugeri, yeñön guliba wahötmegö keuñi Anutunöñ enjöra jiyöhi, injini mi lök oyonget me qahö? Keu mi kewö, ³² *‘Nöñön Anutu Abrahamgö Kembu, Aisakö Kembu aka Jeikobkö Kembuya mala kota maljal.’ Anutunöñ kömukömuñi yeñgö Kembuñini qahöpmö, malmal köhöikñi maljei, mönö yeñgö Kembuñina malja.” ³³ Jisösnöñ mewö ambazip kambu kusum enñii möta welipköget. Mewö.

Jöjöpañ keu bohonñi yahöt mi denöwö?

Mak 12.28-34; Luk 10.25-28

³⁴ Sadyusi (Jike nupkö kapankölköl) yeñön Jisös qesim wañgigetka melenđa jim soroköiga keu bök akeri, mi Farisi (Köna keugö kapankölköl) yeñön möta kaba tokoget. ³⁵ *Yeñgöreñök böhi kun Köna keu törörök möt kutuyöhi, yeñön kaba Jisös bötak ala kewö qesim wañgiyök, ³⁶ “Böhi, Mosesgö Köna keu uruñe wani jöjöpañ keu mi bohonñi ketañi akza?”

³⁷ *Qesim wañgiiga melenñök, “Bohonñi ketañi mi kewö, ‘Gi urugi jömukñi, uñagi jömukñi aka mötmötki jömukñi mianjön mönö Kembu Anutugi jöpaköba malman.’

³⁸ Mianjön jöjöpañ keu bohonñi aka mutukñi akza. ³⁹ *Jöjöpañ keu mianjö alañi

* 22:23: Apo 23.8 * 22:24: Dut 25.5 * 22:32: Eks 3.6 * 22:35: Luk 10.25-28 * 22:37: Dut 6.5 * 22:39: Lew 19.18

kewö, 'Nangi jöpaköm anğumakzani, mewöñanök mönö ambazip pakpak jöpaköm enğiba malman.' ⁴⁰ Jöjopañ keu yahöt mi mönö Mosesgö Köna keu aka kezapqetok ambazip yengö Buzup Kimbi pakpak miengö bohonñina akza." Mewö.

Kraist mi kiñ Deiwidkö Kembuni aka gwölönarökñi.

Mak 12.35-37; Luk 20.41-44

⁴¹ Farisi (Köna keugö kapañkölköl) yeñön kaba tokogetka Jisösnöñ kewö qesim enğiyök,

⁴² "Inini Kraistköra denöwö mötze? Yañön mönö dagö nahönña akza?" Mewö jiiga melenđa jiget, "Mönö kiñ Deiwidkö gwölönarökña akza."

⁴³ Jigetka jiyök, "Mewö akzapmö, denöwö aka Uña Töröñan Deiwid sölölohöm wañgiiga yangöra 'Nani Kembuni,' qeta kewö jiyök,

⁴⁴ *'Anutunöñ kinda nöngö Kembuni kewö jii mörök, Göñön mönö kaba nöngö böröni ölñe tatnöñga nöñön nalö sutñe kerökurupki tim tötala luhut al enğiba göhö köna tambö gwaröñe al enğimam. Nalö mi kam kuñgumawañgö dop mönö asak-mararañöñ ki tatman.'

⁴⁵ Deiwidnöñ nannak mewö jiba qetñi 'Nöñgö Kembuni' jiza. Kembuni jiba mönö denöwö aka yangö gwölönarökñi mohot akawak?"

⁴⁶ Mewö jiiga miangö kitipñi kunöñ kun melenmamgö osiba keu böc kinget. Sömañi miangöreñök körek yeñön Jisös kunbuk keu kungö qesim wañgibingö kölköldömdöm aka mosötket. Mewö.

23

Urumelenğö silesile malmalgö galöm meme keu

Mak 12.38-39; Luk 11.43, 46; 20.45-46

¹ Nalö miangöreñ Jisösnöñ ambazip kambuleleme aka gwarekurupñi yengöra kewö jii mötket, ² "Köna keugö böhi aka Farisi (Köna keugö kapañkölköl) yeñön Mosesgö jakömbuaknöñ tata Köna keugö könañi kukösum qakñe kusum enğimakze. ³ Miangöra keu pakpak jim kutum enğimakzei, mi mönö tem kölmemö, ahakmemeñini mi kude wuatangöme. Yeñön keu jitñinan jim asarimakzemö, nanninak mi qahö wuatangömakze. Miangöra mönö i ewö kude ahakñe.

⁴ "Yeñön keuñi keuñi jim kutuba miangö köñjöñ lömbötñi ambazip awötñine alagun algetka mi tem kölbingö lömbörüga jarañbarañ ahakzemö, nanninak i kesötñini moröñi kunöñ bauköm enğibingö wösömötmötñini kun qahö ahöza.

⁵ *"Yeñön ahakmemeñini pakpak ambazipnöñ engekeñegöra aka memakze. Baiböl keu köt (memori wös) irimunga bokisñini mem qariba aukñe kondela Buña mötmötñinañgöra aiweliköm anğumakze. Malukuñinañgö suñe aködamungö biretñi ketañi ketañi memba möndömakze. * ⁶ Yeñön közölömbuañnöñ dum tatat mutukñe jegep tatpingö mörakze aka köuluk mire qaikñe eu tatpingö sihimñi mörakze. ⁷ Maketnöñ me könanöñ ambazip engeketka jölöñini jimegö möta 'O ketañamnini,' qetñini mewö qetmegöra sihimñini mörakze.

⁸ "Yeñön mewö ahakzemö, mohok-kun yañön enğö Böhiñini aiga inini körekñan yangö urumelenğ alaurupñi akze. Miangöra enğö qetñini böhinini qetmegöra kude mötme. ⁹ Mohok-kun yañön Iwiñini akza. Yañön Suep mire maljawañgöra gölme azi kungöra nengö iwinini qet mewö kude qetme. ¹⁰ Kraist mohok-kun nöñön enğö ketañamnini akzal. Miangöra enğö qetñini ketañamnini qetmegöra kude mötme.

¹¹ *"Mewö qahöpmö, enğö sutñine bohonñi akzawañön mönö welen qem enğiba malma. ¹² *Mewö malmapmö, kunñan nannı uruñi memba öngömawi, Anutunöñ mönö

* **22:44:** Sum 110.1 * **23:5:** Mat 6.1; Jan 15.38; Dut 6.8 * **23:5:** Baiböl memori wös irimungañi mi (Dut 6.8) koropeñ me jenjen ewö jöhömalget. Malukuñinañgö suñe aködamungö biretñi mötnöñ memba möndömalgeri, mi Anutugö ambazip öl töhöñni akerangö aiwesökñi ahök. * **23:11:** Mat 20.26-27; Mak 9.35; 10.43-44; Luk 22.26

* **23:12:** Luk 14.11; 18.14

i memba et al wanğima. Kunğan nanñi uruñi memba etmawi, Anutunöñ mönö i memba öngöba al wanğima.”

Jisösnöñ Farisi yeğöra wöziköba Yei! jiyök.

Mak 12.40; Luk 11.39-42, 44, 52; 20.47

¹³ “O Köna keugö böhi aka miangö kapañkölköl ambazip! Inini urumelenğö silesile ambazip aketka lömböt qakñine öngözawağöra mönö wöziköba Yei! jizal. Ambazip Suepkö bemtohoñ uruñe aņgotpepukö nanğunji köla jöhömakze. Nanñinak miangö uruñe qahö aņgotze aka tosatñan miangö uruñe aņgotpingö akzei, inini i jöhöba aņğön köl enğimakze.

¹⁴ O Köna keugö böhi aka miangö kapañkölköl ambazip! Inini urumelenğö silesile ambazip aketka lömböt qakñine öngözawağöra mönö wöziköba Yei! jizal. Inini malö yeğöreñ miri yuai bidañda gagabe köla enğuaņgirakze aka qetbuñañini asuhumapköra aka köuluk köröpñi köuluköba töptöpñine qemakze. Miangöra Anutunöñ keuñini jim teköba likepñi öngöñğöñi melenñi enğö qakñine öngöma.

¹⁵ “O Köna keugö böhi aka miangö kapañkölköl ambazip! Inini urumelenğö silesile ambazip aketka lömböt qakñine öngöza-wağöra mönö wöziköba Yei! jizal. Inini kunöñ Juda ambazip kun akñapköra kapañ köla köwetñi köwetñi kutuba gölmeñi gölmeñi lilikömakze. Mewö aketka kunğan Juda neğö ahakmemenöñ qekötahömawi, i mönö kusum sohom waņgigetka könöp siagö buñaya kun akña. Nanñini ewö qahöpmö, indimñi yahöt nanñini enğonğita böliqölima.

¹⁶ “Jeñinan gömöliiga ambazip böröñine memba enğuaņ-girakzei, lömböt enğö qakñine öngözawağöra mönö wöziköba Yei! jizal. Inini keu kewö jimakze, ‘Kunğan jöwöwöl jikegö qetñe keuñi jöjopañ keunöñ jim köhöima ewö, miañön qahö köhöimapmö, kunğan jöwöwöl jikegö yuai goulnöñ memenñi miangö qetñe jöjopañ keuñi jima ewö, jöjopañ keu miañön mönö jöhöm wağgima.’

¹⁷ “O jegömöl ambazip mötkutukutuñini piromñi! Yuai goulnöñ memenñi aka jöwöwöl jike yahöt mietköreñök wani yuainöñ öngöñğöñi akza? Goulnöñ nanñak kömbukñi qahö akzapmö, jöwöwöl jikenöñ algetka miañön mönö mi mem kömbuhiza.

¹⁸ “Keu kun kewö jimakze, ‘Kunğan altagö qetñi qeta keuñi jöjopañ keunöñ jim köhöima ewö, miañön qahö köhöimapmö, kunğan naluk kötin altanöñ ahözawi, miangö qetñi qeta jöjopañ keuñi jima ewö, jöjopañ keu miañön mönö jöhöm wağgima.’

¹⁹ “O jegömöl ambazip! Naluk kötin aka alta mietköreñök wani yuainöñ öngöñğöñi akza? Naluknöñ nanñak eretñi akzapmö, altanöñ algetka miañön mönö naluk mem kömbuhiza. ²⁰ Miangöra kunğan altagö qetñe keuñi jöjopañ keunöñ jim köhöimawi, yañön alta aka yuai pakpak altanöñ ahözawi, mönö miangö qetñe keuñi jim köhöima.

²¹ “Kunğan jöwöwöl jikegö qetñe keuñi jöjopañ keunöñ jim köhöimawi, yañön mönö jike miangö aka miangöreñ mal köhöizawağö qetñe keuñi jim köhöima. ²² *Mewöyök kunğan Suepkö qetñe keuñi jöjopañ keunöñ jim köhöimawi, yañön Anutugö jakömbuak dum aka miangöreñ tatzawağö qetñe keuñi jim köhöima.

²³ * “O Köna keugö böhi aka miangö kapañkölköl ambazip! Inini urumelenğö silesile ambazip aketka lömböt qakñine öngözawağöra mönö wöziköba Yei! jizal. Inini nene pakpak mendenñda bahöñi 10 miangöreñök mohot Anutugö buñaya qemakze. Gipñi, raki aka kiap kösö köt mi mewöyök mendenñda tenöhök mohot mi Anutugö buña qemakze. Naluk mi törörök alakzemö, Köna keugö kötni bohonñi ki mönö onğita mosörakze: Gi ambazip sutñine ahakmeme diñdini wuatangöba ak kömum aņguba keu pöndañ wuatangöba malman. Keu bohonñi mi mönö kapañ köla wuatangöba malme aka keu morömorö mi mewöyök kude onğita mosötme. ²⁴ Jeñinan gömöliiga ambazip böröñine memba enğuaņgirakzei, inini söp obuk nembepuköra onñini saiyanöñ kewörakzemö, sömbup ketañi kamel mi lañ gwahörakze. ²⁵ O Köna keugö böhi aka miangö kapañkölköl ambazip!

* 23:22: Ais 66.1; Mat 5.34 * 23:23: Lew 27.30

Inini urumelenğo silesile ambazip aketka lömböt qakñine öngözawañğora mönö wöziköba Yei! jizal. Inini amöt qem añgubingöra qambi aka al nenegö silenji sañgoñ yakömakzemö, dogo jimamonñini qahö galöm köla yuai lañ göröngöba membagun megetka nepaqepalok mianñon uruñini kokolak qei malje.

²⁶ “O jegömöl azi Köna keugöra kapañ kölakzani, gi mönö mutuk qambigö uruñi sañgoñnonga silenjan mewöyök sarakñi akña. ²⁷ *O Köna keugö böhi aka mianğö kapañkölköl ambazip! Inini urumelenğo silesile ambazip aketka lömböt qakñine öngözawañğora mönö wöziköba Yei! jizal. Inini qaksirigö maripomñi sañgoñgetka tuatñi akeak, mönö mianğö dop akze. Silenjanan eksihimñinambuk tandök akzemö, qaksirigö uruñe qamöt sihit aka yuai imbilonñambuk mianñon kokolak qei ahöza.

²⁸ “Mianğö dop eñon mewöyök ambazip jeñine ölña diñdiñi tandök asuhumakzemö, urumelenğo silesile tandök aka qewölonñon mönö uruñini kokolak qei malje.”

Bölöñi memenañğö likepñi

Luk 11.47-51

²⁹ “O Köna keugö böhi aka mianğö kapañkölköl ambazip! Inini urumelenğo silesile ambazip aketka lömböt qakñine öngözawañğora mönö wöziköba Yei! jizal. Inini kezapqetok ambazip yeñğö qaksirinöñ simen koum memakze aka ambazip solanñi yeñğö köt köteñini meñölömakze. ³⁰ Mewö aka kewö jimakze, ‘Neñon ambösakonini yeñğö nalönöñ malbinak ewö, mönö yembuk qahö toroqeinga kezapqetok ambazip yeñğö sepñinan mönö neñğö qakñine qahö öngöbawak.’

³¹ “Mewö jiba mianñon nanñinak kezapqetok ambazip engugeri, yeñğö isiurupñina akzei, mönö keu mi nañğöba jiba dangunu ewö kinje. ³² Mianğöra ambösakonñinan siñgisöndok könahiba akeri, mianğö dop inini mönö toroqeiba körek ak teköme.

³³ * “O soramen, inini mönö qatö moröñi ewö akze. Anutunöñ keuñini jim teköi könöp sianöñ gebepuköra mönö denöwö unjuritpeak? Mi mönö osime. ³⁴ Mianğöra mötket, nöñon kezapqetok aka mötkutukutu ambazip aka Köna keugö böhi melaim engibi engöreñ kame. Kagetka yeñğöreñök tosatñi i enguget kömume aka tosatñi maripom qakñe al engime. Tosatñi köuluk miriñine örörahöm engiba keuñini jim teköba ihileknöñ tauköm engiba közöl engigetka taonñi taonñi mianğöreñ anakñe.

³⁵ * “Azi solanñi Abelğö sepñan eriga mianğöreñök könahiba enguba kota mala Zekaraia jöwöwöl jike kömbukñi aka jöwöwöl alta mietkö sutñire qeget sepñi eri mianğöreñ teköyök. Ambazip solanñi yeñğö sepñini gölmenöñ mokomalgeri, sep pakpak mianğö kitipñan mönö engö qakñine öngöma. ³⁶ Nöñon keu ölñi kun kewö jibi mötme: Sepñinanğö kitipñi pakpak mi mönö ambazip merak maljei, engö qakñine öngöi Anutunöñ likepñi melen engii mötme.”

Jisösnöñ Jerusalem könagesö jöpaköm engiyök.

Luk 13.34-35

³⁷ Jisösnöñ jiyök, “O Jerusalem Jerusalem, inini kezapqetok ambazip enguget kömugetka Anutunöñ ambazip melaim engii engöreñ kamakzei, mi kötnöñ kumbuköm engimakze. Poi namñan moröurupñi ginginñi bapñe ala köjöjohom engimakzawi, nöñon mönö mianğö dop nalöñi nalöñi göhö könagesöurupki kötala tokom engimangö möta malalmö, inini mi tököba mala kotket. ³⁸ *Mötket, Anutunöñ mönö jike miriñini andö qeiga sahopñanök ahöma.

³⁹ * “Mewö ahömapmö, nöñon kewö jibi mötket, inini ni kunbuk qahö nekñe. Könañgep nalö kun kam kuñgui mianğöreñ neka kewö jime, ‘Kembugö qetñe kam neñgizawi, Anutunöñ mönö i kötuatköm wañgima.’ Mewö.”

* 23:27: Apo 23.3 * 23:33: Mat 3.7; 12.34; Luk 3.7 * 23:35: Jen 4.8; 2 Hist 24.20-21 * 23:38: Jer 22.5

* 23:39: Sum 118.26

24

Jöwöwöl jikenöŋ köndenmöndenə asuhuma.

Mak 13.1-2; Luk 21.5-6

¹ Jisösnöŋ jöwöwöl jike mosöta eriga gwarekurupŋan yangören kaba jöwöwöl jikegö tohoŋ uruŋe miri tatkeri, mi Jisös kondel wanġiget. ² Kondel wanġigetka melenġa kewö jii mötket, “Miri pakpak mi ölop engekzemö, nöŋön keu ölna kewö jibi mötket: Mi mönö köndenġetka mirigö köt kun mi köt kungö qakŋe qahö ahömapmö, qeqelanġan aka sahoŋŋanök ahöma.” Mewö.

Kahasililiŋ aka sesewerowero asuhuma.

Mak 13.3-13; Luk 21.7-19

³ Jisösnöŋ Oil ip kunduŋe anda tariga gwarekurupŋan nanŋinöhök yangören kaba kewö qesim wanġiget, “Böhi, keu jizani, miangö ölni mönö wanat nalönöŋ asuhum tiŋgitma aka göŋön kanöŋga gölmegö nalöŋan tekömamgö akŋawi, miangö aiwesökŋan mönö denöwö asuhum? Mia ölop jinöŋ mörin!”

⁴ Mewö qesim wanġigetka melenġa kewö jiyök: “Kunŋan isimkakalek aiga janjuŋ anbepeköra mönö galömŋini memba malme. ⁵ ‘Ambazip gwötpukŋan asuhuba nöŋgö qetne kewö jime, ‘Nöŋön Amötqeqe Toŋi Kraist akzal’. Mewö jiba ambazip gwötpuk tilipköm enġime. ⁶ Inini yarö miengö buzupŋini aka ötoŋini asuhugetka mörakŋe. Mi möta jönömŋini undubapüköra mönö galömŋini meme. Yuai mewöŋi mi mutuhök asuhumapkö jijiŋa. Mi asuhumapmö, gölmegö nalöŋan mönö miangörenök zilaŋ qahö teköma.

⁷ “Kantri kunŋan kantri kun enġubingöra wahötme. Ambazip kambu kunŋan kambu kun yembuk aröŋ anġubingöra wahötme. Gölmengi gölmengi miangören bödiŋi bödiŋi (buöröŋi buöröŋi) asuhume aka kenöŋ ketanġi ketanġi mi qözöla memba gölme melenġi gemakŋa. ⁸ Yuai pakpak mi ambi köröbuknöŋ masi könahiba enġumakzawaŋgö dop. Gölmegö nalöŋan mönö miangö dop könahiba tekömamgö akŋa.

⁹ * “Mewö akŋapmö, nalö miangören tosatŋan inini uruŋini melenġeraŋgöra aka gawman yengö böröŋine al enġigetka sihimbölö ak enġiba enġuget kömume. Kantri pakpak yenöŋ nöŋgöra aka kazik ak enġimakŋe. ¹⁰ Nalö miangören gwötpukŋan mötnariŋini mosöta anġönaŋ memba kazik ak anġume. ¹¹ Kezapqetok ambazip takapulakanġi gwötpukŋan asuhuba ambazip gwötpuk kilik-kaluk ak enġigetka janjuŋ anakŋe.

¹² “Iwilele Toŋan sehiba ambazip galöm köl enġimawaŋgöra aka urumelen ambazip sehisehiŋi yengö uruŋinan amöriiga urukalemŋinan söörauma. ¹³ * Kunŋan kapan köla köhöiba böŋ qeba kinda maliga gölmegö nalöŋan tekömawi, yanöŋ mönö oyaenköyaen buŋa qem anġuma. ¹⁴ Anutugö bemtohoŋaŋgö Ölöwak Buŋa ki mönö mutuk gölmegö kantriŋi kantriŋi pakpak miangören jim sehigetka könagesö dop nanġönaŋgö keuŋi mötketkun gölmegö nalöŋan miangö andöŋe teköma.” Mewö

Jerusalem sitigö köndenmöndenə uru-önönŋambuk

Mak 13.14-23; Luk 21.20-24

¹⁵ * “Kezapqetok azi Danielnöŋ köndenmöndenə uru-önön-ŋambukö keuŋi jii ahöza. Keu miangö dop tosatŋan kaba köndenmöndenə aka yuai anġöjörakŋambuk mi jöwöwöl jike töröŋe alget kiniga ekŋei, - keu ki oyoŋmawaŋön mönö ölop kezap ala möt kutuma-¹⁶ nalö miangören Judia prowinsnöŋ malmei, enöŋ mönö misiŋgöba öröba kunduŋe anme. ¹⁷ * Miri kösutŋe sombemnöŋ malmawaŋön mönö eta gösö yuaiŋi memamgöra miri uruŋe kude öŋgöma. ¹⁸ Nupnöŋ anda malmawaŋön mönö mewöyök malukuŋi memamgöra liliŋgöba mirinöŋ kude anma.

* **24:9:** Mat 10.22 * **24:13:** Mat 10.22 * **24:15:** Dan 9.27; 11.31; 12.11 * **24:17:** Luk 17.31

19 “Yei! Ambi gölömbuk aka morö juzunöŋ yeŋön nalö mianğöreŋ denöwö ösumŋinan anbeak? 20 Mianğöra yuai mi kie uru me Sabat kendongö nalöŋe kude asuhumapköra köuluköme.

21 **“Mi kewögöra: Nalö mianğöreŋ kahasililiŋ keta bölökŋi asuhuma. Kahasililiŋ dopŋi mewöŋi mi mönöwök nalö kungen kude asuhuba ahöyök. Anutunöŋ yuai pakpak miwikŋaiyöhi, nalö mianğöreŋök könahiba nalö kianğöreŋ mala kota nalö sutŋe kun kude asuhuyök. Mönöwök qahö asuhuyök aka könaŋgep nalö kunöŋ kunbuk qahö ahuma. Mianğöra mönö köuluköba malme. 22 Kembunöŋ wahöjalinŋ nalö mi qahö mem töribawak ewö, ambazip körekŋan mönö ayuhum teköbeakmö, ambazip nanŋaŋgöra möwölöhöm enğiyöhi, yeŋgöra aka wehön mienğö qötöŋini mem törima.*

23 *“Nalö mianğöreŋ kewö jime, ‘Mötket! Kraistnöŋ ki malja,’ me ‘Eket! Amötqeŋe Toŋan endu kinja.’ Kunŋan mewö jima ewö, mi mönö kude möt narime. 24 Mi kewögöra: Amötqeŋe toŋi munenŋi aka kezapŋetok ambazip takapulakanŋi asuhuba aŋgöletot aka aiwesök ketanŋi ketanŋi megetka letotme. Mewö letotketka Anutunöŋ ambazip nanŋaŋgöra möwölöhöm enğiyöhi, i mewöyök enjololonŋ mem enğimegö esapköba kapanŋi kölgetka janjuŋ akepek. Enön ölöpŋanök galömŋini memba malgetka mi osibeak. 25 Mötket! Nöŋön yuai pakpak mi qahö asuhuiga qeljine lök jibi mötze.”*

Suep gölmegö azi ölnan mönö asuhum tinğitma.

Mak 13.24-27; Luk 21.25-28

26 **“Mianğöra ‘Amötqeŋe Toŋan mönö gölme apopamkölkölŋe malja,’ mewö jiget mötme ewö, mianğöreŋ mönö kude anme. Me ‘Mötket! Kraistnöŋ mönö miri mianğö uruŋe asuhuba tatzawi,’ mewö jiget möta mi kude möt narime. 27 Mi kewögöra: Suep gölmegö azi ölnan kunbuk kamawi, nalö mi mönö wölbilikö dop kewö akŋa: Mi wehön kotkotŋeyök zilaŋ biliksik ala likepŋe wehön gegeŋe dop köla asariba ani ekzini, yaŋön mönö mianğö dop asuhuma.*

28 **“Sömbup gisakŋan kungen ahöiga, manu köraraknöŋ mianğöreŋ öröba tokomakzei, mianğö dop asuhuma.” Mewö*

Suep gölmegö azi ölnan asuhuma.

Mak 13.24-27; Luk 21.25-28

29 **“Wahöjalinŋ nalö mianğön teköiga mianğöreŋök wehön jeŋan injan köliga köiŋnön ömunŋ köлма. Senğelau yeŋön suepnöhök teköba etme aka suepnöŋ uturuköiga mianğö öröyuainŋi mi tatatŋini mosöta enjololonŋ aketka sohoma.*

30 **Nalö mianğöreŋ Suep gölme azi ölnaŋgö aiwesökŋan suepnöŋ asuhuiga ekŋe. Nalö mianğöreŋ gölmegö könagesö pakpak yeŋön jinğenŋ köla sahötme. Sahöta Suep gölmegö azi ölni yaŋön suepkö kousu qakŋe kaŋgori ekŋe. Kukösumŋi ketanŋan saköl-diŋdiŋambuk aukŋe asuhuiga asakmararanŋi ekŋe. 31 Kaŋgori eketka tömunŋi qainŋi kun ugetka ötöŋi köhöikŋi mötketka Suep garataurupŋi melaim enğiiga yeŋön ambazip Anutunöŋ nanŋaŋgöra möwölöhöm enğiyöhi, i gölme göraŋi likeplikep euke emuke mianğöreŋök kölolohoba enğuaŋgitme.” Mewö*

Geröp ipkö dopkeu

Mak 13.28-31; Luk 21.29-33

32 *“Inini geröp ip eka tandökŋi mötmöriba dopkeu ki mötme. Böröŋan lök oŋambuk aiga sinŋini yoŋgoigetka mi eka möta kewö jimakze, ‘Wehön nalöŋan mönö dopdowiza.’*

33 *Enön mewöŋanök aiwesök mianğö dop asuhuiga eka möt asariba könaŋi kewö jime, ‘Jisösnöŋ mönö nanğunöŋ dopdowiza.’*

* 24:21: Dan 12.1; Ind 7.14 * 24:26: Luk 17.23-24 * 24:28: Luk 17.37 * 24:29: Ais 13.10; 34.4; Eze 32.7;
Joel 2.10, 31; 3.15; Ind 6.12-13 * 24:30: Dan 7.13; Zek 12.10-14; Ind 1.7

³⁴ “Nöjön keu ölni kun kewö jibi mötket: Ambazip ki merak gölmenöj maljei, yejön qahö kömugetka yuai pakpak jizali, mi mönö yejgö malmal nalöjine asuhuma. ³⁵ Suep gölmenöj ayapkömahotmō, nöngö Buña keunan mönö nalö kunöj qahö ayapkōma.” Mewö.

Jisös kamawaᅅgö nalöjini mi kunᅅan qahö mötza.

Mak 13.32-37; Luk 17.26-30, 34-36

³⁶ “Suep gölmegö azi ölnan kamapmō, dawinöj kam kuᅅgumawi, miangö wehönni me aua nalöjini mi kunᅅan kun kude mötza. Suep garatanöj mi qahö mötze. Anutugö Nahönnan mewöyök mi qahö mötza. Iwinöj nanjök mi mötza. ³⁷ *Mönöwök Noagö nalöje ambazipnöj malmalᅅini qemasolokep qakᅅe mala ayuhugeri, miangö dop mönö Suep gölmegö azi ölnan kunbuk kamawaᅅgö nalöje asuhuma.

³⁸ “O göulu ketanᅅan qahö kaiga qelᅅije miangörej ambazip nene lömbuan ala o köhöikᅅi nemba ambi kenam bohönᅅangö alget anda kaiga aᅅgömeget. Ahakmeme mewö aka memba qemasolokep malgetka Noanöj waᅅge uruᅅe öᅅgöyöhi, silim miangörej teköyök.

³⁹ *Teköiga wanat yuai asuhumawi, mi qahö mötketka o göulu ketanᅅan kaba jinonᅅi qahö ayuhum eᅅgiyök. Könaᅅep Suep gölmegö azi ölnan kunbuk kamawi, nalö miangörej ambazipnöj mewöᅅanök qemasolokep aka mala ayuhume.

⁴⁰ Nalö miangörej azi yahöt nupnöj malohotka yetkörejök kun waᅅgita kun mosötme.

⁴¹ Mewöᅅanök ambi yahöt tawenᅅ urasiba (bunahöba) tatmahori, yetkörejök kun waᅅgita kun mosötme.

⁴² “Kembunöj kamawaᅅgö nalöjini me auanᅅi qahö mötzeanᅅöra mönö uruguliguli aka malme. ⁴³ *Gwölö malbingö keu ki mönö möt kutume: Sunᅅem aiga keᅅwek-kahasililiᅅ azinöj wani nalönöj me auanöj kamawi, miri tonᅅan mi mötpawak ewö, yaᅅön mönö gwölö mala miriᅅi ölöpnᅅanök galöm meiga qesinᅅa öᅅgömangö osima. ⁴⁴ Inᅅini ‘Suep gölmegö azi ölnan nalö kiangörej qahö kaᅅgotma,’ jiba mötmöriᅅetka yaᅅön mönö nalö miangörejök kaᅅgotma.” Mewö.

Nup azinöj silekmaᅅek mala ayuhuyök.

Luk 12.41-48

⁴⁵ “Mewö aiga nup meme ambazip sutᅅjine danᅅön tiᅅ kutuba tosatᅅi eᅅᅅonᅅitza? Tosatᅅan sörorauᅅa nup mosötketka kunᅅan mötkutukutu ölöpnᅅangö qakᅅe kapanᅅ köla pöndaᅅ memakzawi, yaᅅön mönö simbawonᅅ akza. Miri tonᅅan ahakmemenᅅi kewöta eka kungen anda miriᅅangö öroyuainᅅi mi böröje ali galöm akᅅa. Galöm aka welenᅅeᅅeuprupᅅi jiyöᅅangö dop köyan köla nalö diᅅdiᅅe gumohom eᅅgimakᅅa. ⁴⁶ Mewö köyan köᅅ eᅅgiba maliga tonᅅan lilingöba kaba mewö eka mönö simbawonᅅ jima.

⁴⁷ “Nöjön keu ölni kun kewö jibi mötket: Tonᅅan simbawonᅅ jiba sukinapᅅi pakpakö galömᅅi kuᅅgum waᅅgima. ⁴⁸ Kuᅅgum waᅅgimapmō, nup meme okonᅅi yaᅅön uruᅅan mötmöriba kewö jima ewö, ‘Kembunᅅangö kaka nalöᅅan mönö köröpᅅi ahöza.’ ⁴⁹ Mewö jiba könahiba nup meme ambazipurupᅅi eᅅgum ureiba közölömbuanᅅ ala söᅅgaiba o köhöikᅅi nemba uruᅅi sohoiga eᅅololonᅅ silekmaᅅek aka malma.

⁵⁰ “Mewö mala nalö kunöj kembuᅅi kaᅅgotmapköra qahö mambötᅅmawi, mönö miangörej kaᅅgotma. Nalögöra ikmaok inᅅululuᅅ mali mönö aua miangörej kaᅅgota ⁵¹ qeba yayiapaleᅅenᅅ mem waᅅgiba jim kutuiga urumelenᅅö silesile ambazip ewö könöp sianöj geba sihimbölö mötma. Mewö möta sahöt gigilahöba irimᅅjini yöhözöᅅmᅅögetka qetᅅi qeri malme.” Mewö.

25

Ambi seram tengö söpsöp keu

¹ *Jisösnöj jiyök, “Kunbuk kamami, nalö miangörej Suepkö bemtohoᅅan kewö akᅅa:

* **24:37:** Jen 6.5-8 * **24:39:** Jen 7.6-24 * **24:43:** Luk 12.39-40 * **25:1:** Luk 12.35

Maren lömbuan nalöje ambi seram jömukñi tenñan ‘Azi buñabuk aitonğöbin,’ jiba kiwanjini memba könanöñ anget. ²Yenğöreñök 5 mi mötkutukutuñinambuk aketmö, tosatñi 5 yenğö mötkutukutuñini mi piromñi. ³Mötkutukutuñini piromñi yenön kiwanjini megetmö, könöp (kuwiñ) kelökñi * qahö memba anget. ⁴Mötkutukutuñinambuk yenön kiwanjini aka kuwiñ kelök kirinñini mewöyök memba anget. ⁵Angetka azi buñanöñ zilañ qahö kaiga mambötketka nalö köriyöhanğöra körek yenğö jeñini böñböñ meiga nöropñini eri sipköba gaun ahöget.

⁶“Gaun ahögetmö, sunğem bibiñe kunöñ tömun qeri qet kewö mötket, ‘Mötket, azi buña kazawo! Mönö yanğöreñ anda aitonğöme.’ ⁷Qet mi möta ambi seram ten mi körekñan wahöta kiwanjini memba möhamğöba ohotiriget. ⁸Ohotirigetka mötkutu-kutuñini piromñi yenön mötmöt ambi yenğöreñ kaba kewö jiget, ‘Nenğö kiwaninan böközawañğöra eñön mönö kuwiñ kelökñi tosatñi nenğime.’

⁹“Mewö jigetka mötkutukutuñinambuk yenön melenđa kewö jiget, ‘Qahö. Mi inini aka nini dopnine qahö. Mianğöra mönö stuanöñ anda nanñini kuwiñ kelökñini söngöröñi meme.’

¹⁰“Mewö jigetmö, kuwiñ kelökñi bohonñi memingöra anda könanöñ malgetka azi buñanöñ mönö mianğöreñök kañgorök. Amba seram jöjöröba kingeri, yenön anda yambuk aitonğöba maren lömbuan miri uruñe öngögetka nañguni kölget. ¹¹* Amba seram stuanöñ angeri, yenön mewöyök könañgep kañgota nañgu qeba kewö qetket, ‘Kembu Kembu, mönö nañgu metal nenğinöñ!’

¹²“Mewö qetketmö, kewö melenđa jiyök, ‘Qahö. Ni inini qahö möt engizal. Keu ölña mi jizal.’ ” ¹³Jisösnöñ söpsöp keu mewö jiba gwarekurupñi yenğöra keu kewö jii mötket, ‘Inini ni kamamañğö nalöñi me auañi kude mötzeañğöra mönö uruguliguli aka malme.” Mewö.

Moneñ esu galöm kölgerañğö söpsöpkeu.

Luk 19.11-27

¹⁴*“Mönö dopkeu kianğö dop asuhuma: Azi kun miriñi mosöta köröwen kantri kunñan anmamğö möta welenqeçeurupñi engoholi kagetka moneñ sukinapñi galöm kölmeğöra jim kutum engiba böröñine alök. ¹⁵Nup memeniñi kewöta ölñi dawik asuhumawañğö dop möta nup meme azi kungöra moneñ esu 5 (Kina 5000,-) wañgiba kun moneñ esu yahöt (Kina 2000,-) wañgiba kun mohok-kun (Kina 1000,-) wañgiyök. Mewö galöm kölmeğöra mendenj engiba engömosöta anök.

¹⁶“Azi Kina 5000,- meyöhanön mianğöreñök anda kölköl-örörö nup meiga moneñ sehiiga esu 5 kunbuk meyök. ¹⁷Mewöhanök Kina 2000,- meyöhanön anda kölköl örörö nup meiga moneñ sehiiga esu yahöt kunbuk meyök.

¹⁸“Mewö meyohotmö, azi moneñ esu mohok-kun (Kina 1000,-) meyöhanön mönö mosöta anda gölme esiba azi kembuñanğö moneñi löm köla asambörök. ¹⁹Nalö köröpñi teköiga welenqeçe yenğö azi kembuñinan lilingöba kaba ‘Nup megerañğö kösohotñini möta kewötmam,’ jiba köl öröm enğiiga kaget.

²⁰“Mewö kagetka azi Kina 5000,- meyöhanön jeñe kañgota esu 5 kunbuk toroqeba memba kaba kewö jiyök, ‘Ketañamni mötnöñ, gönön moneñ esu 5 niñginöñi, nöñön mianğö kölköl öröröñi membi sehiiga esu 5 kunbuk asuhiiga memba kazal.’

²¹“Mewö jiiga azi kembuñan kewö melenj wañgiyök, ‘Mi ölöp. Gi nup meme azi ölöpñi memburik-qemburiki qahö. Gi yuai awamñi memba mi kapañkapañ aka galöm köla malnönğa sehiyök. Mianğöra nöñön yuai gwötpuk göhö böröge albi mianğö galömña malman. Ölöp kaba azi kembugi nöñğö miri uruñe kañgota mohotñe sösoñgai aka malbin.’ ²²Azi Kina 2000,- meyöhanön mewöhanök kañgota kewö jiyök, ‘Ketañamni

* **25:3:** Könöp (kuwiñ, qiwiñ) kelökñi mi Oil ipkö kötni mözözamğögetka kelökñi mi asuhuyök. Miri söñauiga ip sunje opo köpeiba kelök mianğöreñ kundumğöba kiwa ohotiriba könanöñ angetka 15 minitkö dop jeyök. * **25:11:** Luk

13.25 * **25:14:** Luk 19.11-27

mötnöŋ, göŋön moneŋ esu yahöt niŋginöŋi, nöŋön miangö kölköl-öröröŋi membi sehiiga esu yahöt kunbuk asuhuiga memba kazal.’

²³ “Mewö jiiga azi kembuŋan kewö melenŋ waŋgiyök, ‘Mi ölop. Gi nup meme azi ölopŋi memburik-qemburiki qahö. Gi yuai awamdökŋi memba mi kapankapan aka galöm köla malnöŋga sehiyök. Miangöra nöŋön yuai gwötpuk göhö böröge albi miangö galömŋa malman. Ölop kaba azi kembangü nöŋgö miri uruŋe kaŋgota mohotŋe sösöŋgai aka malbin.’

²⁴ “Miangö andöŋe azi moneŋ esu mohok-kun (Kina 1000,-) meyöhaŋön kaŋgota kewö jiyök, ‘Ketaŋamni mötnöŋ, nöŋön könaŋamgi kewö möt yaköyal: Azi kembunan mönö azi köhöikŋi köŋöpŋambuk akza. Nangak nene kötŋi qahö qesiŋ gilnöŋga miangöreŋ mönö töndup ölni sounöŋ yandiba memangö mörakzan. Padi kötŋi qahö esiŋ geiga miangöreŋ mönö töndup ölni qezakömangö mörakzan.

²⁵ “Mewö möt yaköba keŋgötŋi möta anda göhö moneŋ esugi mi gölmenöŋ asambötpiga ahöyök. Eknöŋ, moneŋ esu niŋginöŋi, miyöhök mönö törörök ki.’ ²⁶ Mewö jiba mi waŋgiyökmö, azi kembuŋan melenŋda kewö jim waŋgiyök, ‘Gi injarere aka welenqeŋe bölöŋi akzan! Gi könaŋamni möt yakönöŋ: Nanak nene kötŋi qahö qesiŋ gilbiga miangöreŋ mönö töndup ölni sounöŋ yandiba memangö mörakzal. Nanak padi kötŋi qahö esibi geiga miangöreŋ töndup ölni qezakömangö mörakzal. Nöŋgö tandökŋi mewö möt yaköbagun mönö wuanöŋgöra ak sohoba malnöŋ?’

²⁷ “Gi nöŋgö moneŋni benknöŋ alnöŋga dop kölbawak. Benknöŋ alnöŋga qariiga lilingöba kayali, nalö kiangöreŋ mi ölop suŋambuk membilenak.’ ²⁸ Toroqeba tosatŋi yeŋgöra jiyök, ‘Inini mönö qölzöm injarere azi miangö moneŋ esuŋi mi waŋgita kun esu 10 miwikŋaiyöhi, mönö i waŋgime.’

²⁹ * “Dopkeu kiangö könaŋi kewö: Denike yeŋgöreŋ yuai ahözawi, körek yeŋgöra mönö toroqeba engiget sehiiga kelenmaleleŋ ahöm engima. Mewö sehimapmö, kungöreŋ yuai kun qahö ahözawi, yaŋgöreŋ yuai mi mönö mewöyök waŋgitketka öne töhöntöhön malma.

³⁰ * “Ayop, welenqeŋe azi omaŋi nupŋangö ölni qahö i mönö yaigepŋe gilgetka söŋaupnöŋ gema. Miangöreŋ geba sahöt gigilahöba göboŋini yöhözömgögetka qetŋi qeri malme.” Mewö.

Jimtekötekögö nalö ketaŋe kewö asuhuma:

³¹ * “Suep gölmegö azi ölnan kinda Suep garata pakpak enŋuaŋgita mohotŋe kamei, nalö miangöreŋ Suepkö asakmararaŋan asuhuiga yaŋön Kiŋ Kembangö jakömbuak dumnöŋ tatma. ³² Tata jiiga gölmegö ambazip kambu pakpak qezaköm engigetka yaŋgö jene asuhume. Asuhugetka lama galömŋan lamaurupŋi meme (noniŋ) yeŋgöreŋök mendenŋ engizawi, miangö dop i mendeqendenŋ ak engima. ³³ Mi ak engiba jiiga lama mi böröŋi ölni aka meme (noniŋ) mi qaniŋe al engime.

³⁴ “Mewö al engigetka Kiŋ Kembunöŋ böröŋi ölni kinmei, yeŋgöra kewö jima, ‘Nöŋgö Iwinan kötuatköm engii malgeri, inini mönö kaget. Iwi Anutuninan gölme pakpak miwikŋaim engiyöhi, nalö miangöreŋök lök engöra bemtohoŋ mözözömgöba mei jöjöröba ahöba kotzawi, inini mönö kaba mi buŋa qem aŋguba malme.

³⁵ ‘Mi kewögöra jizal: Nöŋön yakanangö kömumba malbiga inini nene niŋgiba malget. Nöŋön ögöra qemjeŋ qeba malbiga inini o niŋgiba malget. Nöŋön kian aka malbiga inini köl öröm niŋgigetka miriŋine öŋgöba malal. ³⁶ Nöŋön sile esunaŋgöra osiba malbiga inini opo kereŋ niŋgiba malget. Nöŋön kawöl nöhöi ahöbiga inini galöm köl niŋgiba malget. Nöŋön kösö mire malbiga inini ni nekingöra miangöreŋ kaba malget.’

³⁷ “Mewö jiiga ambazip solanŋi yeŋön kewö melenŋ waŋgiba jime, ‘Kembu, gi mönö wani nalönöŋ yakagahö kömunöŋ geŋa gumohom gihiba malin? Mönö wani nalönöŋ ögöra qemjeŋ qeba malnöŋga geŋa o gihiba malin? ³⁸ Mönö wani nalönöŋ kiana kanöŋga

* 25:29: Mat 13.12; Mak 4.25; Luk 8.18 * 25:30: Mat 8.12; 22.13; Luk 13.28 * 25:31: Mat 16.27; 19.28

geka köl öröm gihiinga mirinine öngönönga malin? Mönö wani nalönöñ sile esugahöra osiba malnönga geke opo kereñ gihibe malin?

³⁹ ‘Mönö wani nalönöñ kawöl göhöi ahönönga geke me kösö mire malnönga möta gi gekingöra göhöreñ kaba malin?’ ⁴⁰ Mewö jigetka Kiñ Kembunöñ melenđa kewö jii mötme, ‘Nönön keu ölni kun kewö jibi mötme: Inini nani urumelen alaurupni etqeqeni kiengörenök kungöra yuai kun akeri, mi pakpak mönö ni ak niñgiba malget.’

⁴¹ “Mewö jiba miangö andöñe böröñi qaniñe kinmei, yeñgöreñ melenđa kewö jima, ‘Twinan qesuahöm engii malgeri, inini mönö nömosöta kesalget. Könöp sia teteköñi qahö jem öngömawi, mönö miangöreñ anda geme. Anutunöñ mi Bölöñangö Tonji aka yangö garataurupni yeñgöra mözözömgöba meköiga jöjöröba ahöza. ⁴² Mi kewögöra jizal: Nönön yakanangö kömumba malbiga inini nene qahö niñgiba malget. Nönön ogöra qemjen qeba malbiga inini o qahö niñgiba malget.

⁴³ ‘Nönön kian aka kabiga inini qahö köl öröm niñgigetka miriñine qahö öngöba malal. Nönön sile esunangöra osiba malbiga inini opo kereñ qahö niñgiba malget. Nönön kawöl nöhöi ahöyal aka kösö mire malalmö, inini ni nekingöra miangöreñ qahö kaba malget.’

⁴⁴ “Mewö jiiga yeñön mewöyök melen wañgiba kewö jime, ‘Kembu, gi mönö wani nalönöñ yakagahö kömunöñ me ogöra qemjen qeba malnöñ me kiana malnöñ me sile esugahöra osiba malnöñ me kawöl göhöi ahönöñ me kösö mire malnönga nini gi qahö welen qem gihibe malin?’

⁴⁵ “Mewö jigetka melenđa kewö jii mötme, ‘Nönön keu ölni kewö jibi mötme: Inini urumelen alaurup etqeqeni kiengörenök kungöra yuai kun qahö akeri, mi pakpak mönö ni qahö ak niñgiba malget akza.’

⁴⁶ * “Mewö jii mötketka likepni melen engii qakñine öngöiga aköm engii anda sihimbölö nalö teteköñi qahö möta mal öngöme. Mewö mal öngömemö, solanñi yeñön oyaenköyaen malmal mi nalö teteköñi qahö mal öngöba malme.” Mewö.

26

Jisös qein kömumapkö anğönañ alget.

Mak 14.1-2; Luk 22.1-2; Jon 11.45-53

¹ Jisösnöñ keu pakpak mi jim teköba gwarekurupni kewö jii mötket, ² * “Silim yahöt teköigun Pasowa kendonñi kam kuñguma. * Inini mi ölop mötze. Kam kuñguiga Suep gölmegö azi ölni mi kian gawman yeñgö böröñine algetka maripomnöñ qegetka kömuma.”

³ Nalö miangöreñ jike nup galöm aka kantrigö jitreñememe yeñön tokoba jike nup galöm bohonñi qetñi Kaiafas yangö jakömbuak miriñe tatket. ⁴ Miangöreñ tata denöwö möndöñninga Jisös ölöñ memba qeget kömumbawak, miangö könanñi jaruba kewötket. ⁵ Jaruba kewöta kewö jiget, “Ambazip irimñini sehöliiga karimñi karimñi asuhubepuköra mi sösonğai kendon nalöñe akingö osibin.” Mewö.

Ambi kunöñ Jisös o umköhöwakñambuknöñ miriyök.

Mak 14.3-9; Jon 12.1-8

⁶ Jisösnöñ Betani mirinöñ mala Saimon kun uzikukuñi mem solaniyöhi, yangö mire öngöba tarök. ⁷ * Miangöreñ nene memba tariga ambi kunöñ köt-kirin kun memba yangöreñ kayök. Kirin mi nöluk tuat-tuat qetñi alabastö miangön memenja. Mia o umköhöwakñambuk miangön kokolak qeqenja. Yangön mi bohonñi ketanjan memba kaba onñ Jisösgö nöropñe mimbiliba miriyök.

⁸ Miriiga gwarekurupñan mi eka urubölö aka kewö jiget, “Mi mönö wuanöngöra mewö ayuhuzawi? ⁹ O kelökñambuk mi bohonñi memegöra ali monen öngöñgöñan asuhuiga mi ambazip wanapñi enğiiga dop kölbawak.”

* **25:46:** Dan 12.2 * **26:2:** Eks 12.1-27 * **26:2:** Pasowa mi nanine keunöñ Ak-kömükömu kendon. Keu miangö könanñi: neñgehoriba neñgonğirök. Eksodus 12.15 * **26:7:** Luk 7.37-38

¹⁰ Jisösnöñ urumötmötñini mi ek kutuba kewö jii mötket, “Ambi kianğö uruñi mi wuanöñğöra mem bölize? Yanñon silik ölopñi ak soroköm niñgiiga dop kölja. ¹¹ *Ambazip wanapñi mi nalöñi nalöñi sutñine malmemö, nöñon engö sutñine nalö dop qahö mamam.

¹² “Nöñon kömumbi löm köl niñgimeañğöra aka kelök mianñon sileni nömiriza. ¹³ Nöñon keu ölni kun kewö jibi mötket: Ölöwak Buña ki kantri igen waigen jim sehigetka anmawi, mianğöreñ ambi kianñon yuai ak niñgizawi, mianğö buñañi mohok jiget sehiiga yanğöra mötmöriba malme.” Mewö.

Judasnöñ Jisös mamalolo mem wanğimamğö urumohot ahök.

Mak 14.10-11; Luk 22.3-6

¹⁴ Nalö mianğöreñ gwarekurupñi 12 yanğöreñök kun qetñi Judas Iskariot yanñon jike nup galöm yanğöreñ anda ¹⁵ *kewö qesim engiyök, “Nöñon Jisös mamalolo mem wanğiba böröñine albiga eñon töwa wania niñgibeak?” Qesim engiiga silwö monen kötñi 30 oyoñda böröñe alget. ¹⁶ Aua mianğöreñök könahiba Jisös nalö kungen mamalolo mem wanğimamğö köna möt jaruba köinbiñğöba malök. Mewö.

Jisösnöñ gwarek yembuk Pasowa lama neget.

Mak 14.12-21; Luk 22.7-13, 21-23; Jon 13.21-30

¹⁷ Beret yistñi qahö mianğö kendon silim mutukñe (Seqononöñ) gwarek yetkön Jisösgöreñ kaba kewö qesim wanğiyohot, “Böhi! Nini miri denikeañğöreñ anda pasowa lama mözözömgöm gihiziga neman? Sihingi denöwö ahöza?”

¹⁸ Qesim wanğiyohotka kewö melenñök, “Injiri Jerusalem sitinöñ öngöba azi kun mötzali, i miwikñaiba kewö jiyohotka mötma, ‘Böhinöñ jiza: Nöngö nalönan mönö † dopdowiza. Nöñon göhö mire kaba gwarekurupni yembuk Pasowa lama membin.’ ” ¹⁹ Gwarek yetkön Jisösnöñ jim kutum etkiyöhi, mianğö dop aka Pasowa lama mözözömgöyohot.

²⁰ Mare aiga miri söñauiga Jisösnöñ gwarekurupñi 12 yembuk miri mianğöreñ kanğota öngöba dum kösutñe tata nene mendenđa neget. ²¹ Nene negerañğöreñ Jisösnöñ kewö jii mötket, “Nöñon keu ölni kun kewö jibi mötket: Engöreñök kunñan mönö mamalolo mem niñgima.” ²² Mewö jii möta mianğöreñök uruñinan wösöbirik ketañi aiga könahiba nanñök nanñök qesim wanğiba jiget, “Kembu, mönö nöngöra jibanbuk?”

²³ *Qesim wanğigetka kewö melenñök, “Nömbuk beret kuluñnöñ kundumğözawi, mönö yanñon. ²⁴ Suep gölmeğö azi ölnan mönö yanğöra keu ohoget ahözawanğö dop ölna gölme mosöta anmapmö, kunñan i mamalolo mem wanğimawi, yanğöra mönö Yei! jiba sahötzal. Mianğö likepñi kanjamñambuknöñ mönö yanğö qakñe öngöma. Azi mi nam körö uruñeyök qahö asuhubawak, mianñon mönö amqem wanğibawak.” Mewö.

²⁵ Mewö jiiga Judas mamalolo mem wanğimawanñon kewö melenđa jiyök, “Böhi, mi mönö nöngöra jibanbuk?” Jisösnöñ kewö jii mörök, “Jizani, mönö mewö!” Mewö.

Kembubuk semön qöndökñi neget.

Mak 14.22-26; Luk 22.14-20; 1 Kor 11.23-25

²⁶ Nene nempa tata Jisösnöñ beret memba kötuetköba mindipköba engiba kewö jiyök, “Ki nani busuni. Ki memba neget.”

²⁷ Mewö jiba wain qambi memba saiwap jiba engiba kewö jiyök, “Injini körek qambi kianğöreñök neget. ²⁸ *Ki nani sepni. Mi Anutunöñ ambazip yembuk jöhöjöhö areñ aiga köhöimapköra sepni mokoget geiga ambazip gwötpuk yanğö siñgisöndökñini mosötma. ²⁹ Nöñon keu kun kewö jibi mötket: Nöñon wain kösögö ölni ki kianğöreñ kunbuk toroqeba qahö nemam. Könañgep Iwinanğö bemtohoñ uruñe eu taringa közölömbuan almawi, wehön mianğöreñ mönö wain o qainñi kun mia nemam.”

* **26:11:** Dut 15.11 * **26:15:** Zek 11.12 † **26:18:** Anutunöñ Jisös kömumawanğö nalöñi alöhi, mianğöra jiza.

* **26:23:** Sum 41.9 * **26:28:** Eks 24.8; Jer 31.31-34

³⁰ Mewö jiiga sösöngai linjet köla mosöta anda Oil ip kunduje öngöget.

Pitönöŋ Jisös qaŋ kölmapkö jii mörök.

Mak 14.27-31; Luk 22.31-34; Jon 13.36-38

³¹ *Öngöba Jisösnöŋ kewö jii mötket, “Kezapqetok azi kunöŋ keu kun kewö ohoi ahöza, ‘Nöŋön galömŋini qebiga lama kambujan denme.’

Miangö dop enön körek sunjem kiangöreŋ uruŋini nöŋgöra aka böliiga nömosöta buratime.

³² *Buratigetka nuŋgumemö, nöŋön mönö kömupnöhök wahöta mutuk Galili prowinsnöŋ anda miangöreŋ asuhum enjimam.”

³³ Mewö jiiga Pitönöŋ melenäda kewö jii mörök, “Yeŋön körek uruŋini göhöra aka böliiga gömosöta buratime ewö, nöŋön mönö töndup nalö kunöŋ qahö gömosötman.” ³⁴ Jiiga Jisösnöŋ jii mörök, “Nöŋön keu ölni kun kewö jibi mötnöŋ: Kuruknöŋ qahö qeriga göŋön merak sunjem qaŋ köl niŋginöŋga indimŋi karöbut akŋa.”

³⁵ Mewö jiyökmö, Pitönöŋ kewö jii mörök, “Böhi! Mewö qahöpmö, ni nuŋgugetka göbuk mohotŋe kömumbirak, mi töndup nöŋön gi qahö qaŋ köl gihimam.” Gwarek tosatŋi pakpak mewöyök keu miyöhök jiget. Mewö.

Jisösnöŋ Gezemane arönöŋ köuluköyök.

Mak 14.32-42; Luk 22.39-46

³⁶ Mewö eraum möta anda yembuk arö kun qetŋi Gezemane miangöreŋ angotket. Angota Jisösnöŋ gwarekurupŋi kewö jii mötket, “Nöŋön endu anda köuluköbiga inini ölop nalö sutŋe ki nanŋinök tatme.” ³⁷ Mewö jiba Pitö aka Zebedigö nahönyahöŋi yahöt etkuaŋgita angetka Jisösnöŋ könahiba wösöbirik möriga köŋjiliŋan köna böröŋi qeköyök.

³⁸ Nalö miangöreŋ kewö jii mötket, “Nöŋgö urunan mönö kondum köla kotzawangöra aka wösöbirik mötpiga kömukömuŋi ak niŋgiza. Inini ölop kiangöreŋ tata nömbuk guli malbin.”

³⁹ Mewö jiba nanŋök borom kun toroqeba anda simin köla sipköba kewö köuluköba jiyök, “Iwini, gi yuai kun qahö mölölömbizan. Miangöra sihimgi ahöza ewö, sihimbölogö qambiŋi kianön mönö nöŋgö qakne öngöbapuköra noaŋgitman. Noaŋgitman me qahö, mi mönö nangi jit keugahö dop asuhuma. Mi nöŋgö sihimgö dop qahö.”

⁴⁰ Mewö jiba lilingöiga gwarekurupŋi karöbut yeŋön gaun ahöget engeka Pitögö kewö jii mörök, “Inini aua mohot-töp nömbuk guli malbingö kude köhöize me? ⁴¹ Uruninan guli malbingö sihimŋi mörakzinmö, sileninan lölöwöröŋi akza. Miangöra esapesapnöŋ et enjubapuköra mönö köuluköba guliguli malme.”

⁴² Mewö jii möriga kunbuk engömosöta anda indimŋi yahöt aiga kewö köuluköba jiyök, “Iwini, sihimbölogö qambi kianön qahö noŋgitma ewö, mi ölop nemam-mö, mi mönö nangi jitkahö dop asuhuma.”

⁴³ Köuluköba lilingöiga jeŋini böŋböŋ meyöhaŋgöra kunbuk gaunök ahöget engehök.

⁴⁴ Kunbuk engömosöta likep anda keu miyöhök kunbuk jiba köuluköiga indimŋi karöbut ahök. ⁴⁵ Gwarek yeŋgöreŋ lilingöba kaba kewö jii mötket, “Inini toroqeba luhut memba gaunök ahöbingö mötze me? Mötket! Kunöŋ Suep gölmegö azi ölni mamalolo mem waŋgiiga bölöŋi meme yeŋgö böröŋine öngöma. Miangö aua nalöŋan lök kam kuŋguza.

⁴⁶ Mönö wahötketka anin! Mamalolo mem niŋgimawi, yaŋön mönö dowe ki kaza.” Mewö.

Jisös qeraköba memba jöhöget.

Mak 14.43-50; Luk 22.47-53; Jon 18.3-12

⁴⁷ Jisösnöŋ mewö jiba kiniga miangöreŋ gwarekurupŋi 12 yeŋgöreŋök kun qetŋi Judas yaŋön kambu ketanŋi kun jitŋe mem enjiiga kaŋgotket. Jike nup galöm aka kantrigö jitŋememe yeŋön i melaim enjigetka bingö sou ketanŋi aka liŋgipŋini memba kaŋget.

⁴⁸ Mamalolo memaŋgö ahöhi, yaŋön mutuk yembuk aiwesök keu kewö jöhöba jii mötket, “Nöŋön azi numbuŋi yöhötim nemami, yaŋön mönö mia akza. Mönö i memba jöhöme.”

⁴⁹ Mewö jiba kaba miangörenök Jisösgörej angota “Böhi, bönjön!” jiba numbuñi yöhötüm neyök. ⁵⁰ Yöhötüm neiga Jisösnönj kewö jii mörök, “Alani, gi wuanöngöra kazani, mi mönö zilañ akñan.” Mewö jiiga azi kambu yeñön Jisösgörej kangota qelanjiba memba jöhöget. ⁵¹ Jöhögetka Jisösbuk malgeri, yeñgörenök kunñan böröñan bimgö sou ketanji öröba jike nup galöm bohonñangö welenqegeñi qeba kezapñi köteköi erök.

⁵² Jisösnönj mi eka kewö jii mörök, “Mönö mosötnönj! Bimgö sou ketanji körök memei, i mönö körek bimgö sou ketanjan engui kömume. Miangöra mönö sougi kupinñe qenönj geyök! ⁵³ Nönjön Iwini köuluköbiga ölop bauköm ningimawi, mi mötzan me qahö? Köuluköm wangibileñahi, yañön mönö miangörenök garata yarö kambu ‡ 12 ongita melaim enñii kaba bauköm ningibeak. ⁵⁴ Bauköm ningibeak ewö, Buña Kimbigö keunñan mönö denöwö ölnambuk akawak? Buña Kimbi keugö dop yuai kianñön mönö asuhumapkö dop jijiña akza.”

⁵⁵ *Nalö miangñörenök Jisösnönj yarö kambu yeñgöra kewö jii mötket, “Ni kegwek-kahasiliñ azia qahöpmö, töndup nönjöra mewö möta bimgö sou ketanji aka lingip memba nömemba jöhöbingöra kangotze. Nönjön wehön dop jöwöwöl jikenönj embuk tata kinda Buña keu kusum enñiba malbiga qahö nömiget. ⁵⁶ Mewömö, yuai pakpak ki mönö kezapqetok ambazipnönj keu ohogeri, mienñön ölnambuk akñapköra asuhuza.” Jisös jöhögetka gwarek yeñön körek Jisös mosöta buratiba unjurata anget. Mewö.

Jikegö jitñememe yeñön Jisösgö keu nup meget.

Mak 14.53-65; Luk 22.54-55, 63-71; Jon 18.13-14, 19-24

⁵⁷ Yarö azi Jisös memba jöhögeri, yeñön i wangita jike nup galöm bohonñi qetñi Kaiafas yangö mire anget. Angetka Köna keugö böhi aka kantrigö jitñememe yeñön miangörenj kaba tokoget. ⁵⁸ Angetka Pitönönj sikepsikep enñuatangöba miangörenj angota jakömbuak mirigö kiripo uruñe öngöyök. Öngöba teteköñe denöwö asuhumawi, mi ekñangöra welenqege azi yeñgö sutñine tarök.

⁵⁹ Mewö tarökmö, jike nup galöm aka jike kaunsöl kambu yeñön Jisösgö silenönj alal keu denöwö möndöba nanñöinga qeget kömumapkö jim jaruget. ⁶⁰ Jaruba kinda gwötpukñan wahöta kinda keu munenji Jisösgö silene ala nanñöba jigetmö, töndup könanji kun qahö miwikñaiget. Qahö miwikñaigetmö, teteköñe azi yahöt kangota ⁶¹ *kewö jiyöhot, “Azi kianñön kewö jiiga mörit, ‘Ni ölop Anutugö jöwöwöl jikenji köndenñbiga gölmenönj eriga wehön karöbutkö uruñe mi kunbuk mem wahöta kunñumam.’ ”

⁶² Mewö jiyohotka jike nup galöm bohonñan wahöta Jisös qesim wangiba kewö jiyök, “Yeñön göhö silege keu ala nanñözei, miangö likepñi kun jiman me qahö?” ⁶³ Qesim wangiiiga Jisösnönj yuai bölönji kun qahö ahökmö, töndup keunji bök kinök. Keunji bök kiniga jike nup galöm bohonñan kewö jii mörök, “Nönjön Anutu malmal Tonangö qetñe kewö qesiba kunñum gihizal: Gi Anutugö Nahönñi Kraist akzan me qahö, mi törörök jiba jöjöpñ keunönj jim köhöinönnga mötpin.”

⁶⁴ *Mewö jiiga kewö jiyök, “Jizani, mönö mia. Miamö, nönjön körek enñgöra kewö jibi mötket: Nalö kewöñeyök könahiba Suep gölmegö azi ölnan mönö Kukösum Tonangö börönji ölnje tata suepkö kousu qakñe eri ekñe.”

⁶⁵ *Keu mi jiiga jike nup galöm bohonñan malukuñi munjurata kewö jiyök, “Yei, iwinangö jitñi! Mönö Anutu mepaiköza. Tosatñan keunji nanñömegöra kunbuk qahö qesim enñibin. Anutu mepaiközawi, mi dölki nanñinak möt teköze. ⁶⁶ Miangöra denöwö mötmörize?” Mewö qesim enñiiga kewö jim teköget, “Yañön mönö kömupkö buñaya akña.”

‡ **26:53:** Rom yeñgörenj lijön me yarö kambu kun mi yarö azi 6000 miangö dop aka maljema. Miangöra yarö kambu 12 miengö janñöñini mi Suep garata 72.000 miangö dop. * **26:55:** Luk 19.47; 21.37 * **26:61:** Jon 2.19 * **26:64:** Dan 7.13 * **26:65:** Lew 24.16

⁶⁷ *Mewö jim teköba jeñe söutkölap söutköm miriba böröñinan misiba mesoholñe qekötahöget. Tosatñan nunğulumñe qekötahöba ⁶⁸ kewö jiget, “Gi kezapqetok azi Kraist akzanangöra dañön guhuzawi, mönö yangö qetñi qetnön mörin.” Mewö.

Pitönöñ Jisös qañ köläk.

Mak 14.66-72; Luk 22.56-62; Jon 18.15-18, 25-27

⁶⁹ Mewö asuhuiga Pitönöñ yaigep kiripo uruñe sombemnön tarök. Tari welenqeçe ambi kunñan yangöreñ kaba kewö jiyök, “Gi mewöyök Galili azi Jisösbuk mohotñe malnön.” ⁷⁰ Mewö jiyökmö, körek yeñgö jeñine qañ köla kewö jiyök, “Keu jizani, mi köndatzal.” ⁷¹ Mewö jiba kiripo nangunje geiga welenqeçe ambi kunñan i eka azi kösutñe kingeri, mi kewö jii mötket, “Azi kianñön mönö mewöyök Nazaret azi Jisösbuk malök.”

⁷² Mewö jiiga kunbuk qañ köla jöjöpañ keunön jim köhöiba kewö jiyök, “Nönön azi mi qahö möt wañgizal.” ⁷³ Nalö borom kun teköiga azi kösutñe kingeri, yeñön Pitögöreñ kota kewö jiget mörök, “Alakña! Göñön mewöyök yeñgöreñök kun akzan! Galili keu jöl jizani, mianñön mönö mewöyök mi kondeliga mötzin.” ⁷⁴ Mi möta könahiba nanñi qesuahöm anguba jöjöpañ keunön jim köhöiba jiyök, “Ni azi mi qahö möt wañgizal! Munen jibilenak ewö, Anutunön mönö likepñi melen niñgima.” Mewö jiiga mianğöreñök kuruk qerök.

⁷⁵ Kuruk qeri möta Jisösnön keu kewö jii möröhi, mi mötmöriyök, “Göñön mutuk indimñi karöbut qañ kölä niñginönğa kuruknön qetma.” Keu mi mötmöriba wösönji julmamgö aiga yaigep geba sahöt böliyök. Mewö.

27

Jisös wañgita Pailötkö böröñe alget.

Mak 15.1; Luk 23.1-2; Jon 18.28-32

¹ Miri gianjiiga amandine jike nup galöm pakpak aka kantrigö jitñe meme (70) yeñön tokoba Jisös qeget kömumapkö keunji eraum mötket. ² Eraum mötket teköiga Jisös jöhöba wañgita Rom premiö Pailötkö böröñe alget. Mewö.

Judasnön imbi auyök.

Apo 1.18-19

³ *Jisös qeget kömumawangö keunji jim tekögetka Judas mamalolo wañgiyöhanön mi möta möt bölim anguba silwö moneñ köt 30 wañgigeri, mi memba jike nup galöm aka kantrigö jitñememe yeñgöreñ anda melenğa engiba kewö jiyök, ⁴ “Nönön singisöndok aka azi köpösihitñi qahö mi mamalolo mem wañgibiga qeget kömuma.” Mewö jiyökmö, yeñön jiget, “Mi neñgöreñ yuaia qahö! Mi mönö nangi manjara!” ⁵ Mewö jiget möta silwö moneñ köt mi memba gil tipköiga jöwöwöl jike uruñe anök. Aniga nanñi mosöta anda imbi auyök.

⁶ Jike nup galöm bohonñi yeñön moneñ köt mi memba kewö jiget, “Moneñ ki mönö azi sepñangö bohonña. Mianğöra mi jöwöwöl jikegö moneñ köwenön albingö dopñi qahö. Mewö aka Mosesgö Köna keu oñgitpinbuk.”

⁷ Mewö jiba eraum möta moneñ mianñön gwakömnön kimbut meme azi kungöreñ gölme körönji kun bohonñi megetka kian ambazip yeñgö qaksiriñina ahök. ⁸ Mianğöra aka gölme körönji mianğö qetñi mi nalö kewöñe mewöyök toroqeba ‘Gölme körönji sepñambuk,’ qerakze.

⁹ *Kezapqetok azi Jeremaianön keu qeljine jiyöhi, mianñön mönö ölnambuk ahök. Keu mi kewö, “Yeñön Israel könagesögö jitñememeni aka azi mi söngörönji memegöra kewöta algetka silwö moneñ köt 30 ahöhi, mi meget. Mi azigö bohonña.

* 26:67: Ais 50.6 * 27:3: Apo 1.18-19 * 27:9: Zek 11.12-13

¹⁰ Yeñon mi memba mianjon gwakömnön kimbut meme azi kungören gölme köröni kun bohonni meget. Mi mönö Kembunön jim kutum niñgiyohañgö dop mewö meget.” Mewö.

Pailötnön Jisös qesim wañgiyök.

Mak 15.2-5; Luk 23.3-5; Jon 18.33-38

¹¹ Nalö miangören Jisösnön Pailötkö jeñe kiniga kewö qesim wañgiyök, “Ölña, gi Juda yeñgö kiña akzan me qahö?” Qesim wañgiiga Jisösnön melenña jii mörök, “Mönö nangak jizani, mewö.” ¹² Jike nup galöm aka kantrigö jitmeme (70) yeñon keu gwötpuk Jisösgö sileña ala jigetmö, töndup keu kitipni kun qahö melenök.

¹³ Keu bök kiniga Pailötnön Jisös kunbuk qesim wañgiba jiyök, “Mötnön! Yeñon keu gwötpuk göhö silege ala nañgöba jizei, mi mötzan me qahö?” ¹⁴ Mewö jiyökmö, Jisösnön bölöni kun qahö ahökmö, töndup keu miengö likepni kun qahö melenök. Keu bök kiniga premiönön gwötpuk welipköyök. Mewö.

Pailötnön Jisös kömumapkö jim teköyök.

Mak 15.6-15; Luk 23.13-25; Jon 18.39-19.16

¹⁵ Rom premiönön yambu (yara) dop pasowa sösongai nalöña kösö mireyök azi mohok sihimñañgö dop qetni qeta qesigeri, mi pösat engizapma. ¹⁶ Nalö miangören azi kun qetni Barabas qetkeri, yañon kösö mire tarök. I bölöñañgöra miwidimgetka malök.

¹⁷ Mewö aiga tokogetka kewö qesim engiyök, “Barabas me Jisös, qetni Kraist qerakzei, yetkörenök niñia pösat engibi etmapköra mötze?” ¹⁸ Galöm yeñon Jisösgöra körögisigisi mötkeñañgöra aka i premiögö böröña al wañgiget. Mi möta sihimñañgö mewö qesim engiyök.

¹⁹ Mi mörökmö, jimtekötekögö jakömbuak dum tatatña tariga anömñan buzup keu kun kewö ali kayök, “Ni merak sungem gaun kun eka miangören azi miangöra aka sihimbölo gwötpuk mötzal. Miangöra azi solanña mi mönö lömböt kude wañgiman.”

²⁰ Keu mewö kayökmö, jike nup galöm aka kantrigö jitmeme yeñon ambazip kambu uruesiesi mem engiba kewö jiget, “Mönö Barabas pösata Jisös maripomnön qemegöra jiman. Mewö qesim wañgime.”

²¹ Mewö jigetka premiönön melenña qesim engiyök, “Azi yahöt mietkörenök mönö niñia pösat engibi etmapköra mötze?” Mewö qesim engiiga “Barabas!” jiget. ²² Mewö jigetka Pailötnön kewö qesim engiyök, “Mewö jizeñañgöra Jisös, qetni Kraist qerakzei, nöñon i mönö denöwö ak wañgibileña?” Mewö qesim engiiga yeñon körek qetket, “Mönö maripomnön qeget jiman!”

²³ Mewö qetketka premiönön jiyök, “Mi wuanöñgöra? Yañon mönö wani bölöña ahök?” Mewö jiyökmö, yeñon mi möta kapan köla toroqeba qet gigilahöba kewö qetket, “Mönö maripomnön qeget jiman!” ²⁴ *Mewö qetketka kezap-ölök aketka göjupmajupnön kunbuk qariiga Pailötnön mi eka möta bim karim asuhubapuköra o memba böröni ambazip kambu jeñine sañgonña kewö jiyök, “Azi kiangö sepni mokoget gemawi, mianjon mönö nöngö qakne qahöpmö, mönö nanñini qakñine öñgöma.”

²⁵ Mewö jüiga ambazip kambu körek pakpak yeñon kewö melenget, “Sepñañgö likepñan mönö nini aka nahönböratnini neñgö qaknine öñgöma!” ²⁶ Mewö melengetka Pailötnön Barabas pösat engii erökmö, Jisösyä jüiga ihilek wahinambuknön qeyöyaköba qeget. Mewö qegetka maripomnön qemegöra Rom yarö azi yeñgö böröñine alök. Mewö.

Jisös kukulömbuan ak wañgiget.

Mak 15.16-20; Jon 19.2-3

²⁷ Böröñine aliga Rom premiögö yarö azi yeñon Jisös wañgita premiögö jakömbuak mirigö kiripo uruñe angotket. Angota yarö kambu lökñanök öröm engigetka kaba tokoba Jisös liliköm wañgiget. ²⁸ Liliköm wañgiba nanñi sile esunji köteköba maluku pisikni

* 27:24: Dut 21.6-9

gugakgugak kun löngöt waŋgiget. ²⁹ Löngöt waŋgiba sötman kösö limbiŋda ila ewö nöropŋe kölget geyök. Geiga jehot kun böröŋi ölŋe ala simin köl waŋgiba göngönahit ak waŋgiba kewö jiget, “Owe owe, Juda yeŋgöreŋ kiŋ, owe!”

³⁰ Titipepe mewö aka sötkölap qeba jehot öröpŋi waŋgita mianön nöropŋe qeget. ³¹ Mepaqepaik mewö ak waŋgim teköba maluku pisikŋi gugakgugak mi qeköba nanŋe sile esu kunbuk löngöt waŋgiba maripomnöŋ qebingöra waŋgita anget. Mewö.

Jisös maripomnöŋ qeget.

Mak 15.21-32; Luk 23.26-43; Jon 19.17-27

³² Anda köna namŋe azi kun qetŋi Saimon miwikŋaiget. Yaŋön Afrika siti qetŋi Sairini miangö aziŋa. Miwikŋaiba kuŋgum waŋgigetka Jisösgö maripomŋi memba aŋguyök.

³³ Jisös mewö waŋgita gölme kun qetŋi Golgota mi nanine keunöŋ Nöröpsihit, miangöreŋ anda aŋgotket. ³⁴* Aŋgota wain o aka marasin qetŋi mör mi mindiriba lolonqalon memba nemapköra waŋgigetmö, Jisösnöŋ mi esapköba memba möta tököyök.

³⁵* Tököiga kinda maripomnöŋ qeget. Qeget kiniga kiawen meget qötöŋi ahuiga miangö dop Jisösgö sile esuŋi sutŋine mendenŋa meget. ³⁶ Mi memba tata Jisös jegalöm ak waŋgiget. ³⁷ Nöröpŋe eu qegeraŋgö könaŋi kewö ohoba qeget, ‘Juda yeŋgö kiŋ kembuŋina ki.’ ³⁸ Kegwek-kahasililiŋ azi yahöt mi yambuk maripomnöŋ etkuget. Kun böröŋi ölŋe, kun qaniŋe likeplikep mewö etkuget.

³⁹* Ambazip oŋgita anda kaba kukulömbuanŋ aka jelikit aka nörop köla kewö jiget, ⁴⁰* “Yei! Gi mönö jöwöwöl jike ölop köndenöŋga gölmenöŋ eriga wehön karöbutkö uruŋe kunbuk mem wahöt kuŋgumangö jinöŋ. O, gi azi qetpuk! Gi Anutugö Nahönŋa akzan ewö, mönö ölop nangi bauköm aŋguba maripomnöhök etman.”

⁴¹ Jike nup galöm, Köna keugö böhi aka kantrigö jitmeme yeŋön mewöyök mepaqepaik ak waŋgiba kewö jiget, ⁴² “Tosatŋa bauköm eŋgiba malökmö, nanŋi bauköm aŋgumangö osiza. Yaŋön Israelgö kiŋ akza ewö, mönö dölkö maripomnöhök eri eka mi möt naribinak. ⁴³* Yaŋön Anutu möt narim waŋgiba ewebibiŋambuk mala nanŋaŋgöra ‘Anutugö Nahönŋi akzal’ jiiga mörin. Ayop, Anutunöŋ i nalö kewöŋe meköm waŋgimangö mötza me qahöwi, mi ölop ekin.” Mewö jiget. ⁴⁴ Kegwek-kahasililiŋ azi yambuk maripomnöŋ etkugeri, yetkön mewöŋanök uruqeqe keu töhöreŋ jim waŋgiyohot. Mewö.

Jisösnöŋ kömuyök.

Mak 15.33-41; Luk 23.44-49; Jon 19.28-30

⁴⁵ Silim bibiŋi 12 kilok aiga miangöreŋök söŋaupnöŋ eta gölme pakpak dop köla ahöiga anda aua karöbutkö dop ahök. ⁴⁶* Jisösnöŋ 3 kilok miangöreŋ nanŋe keunöŋ kewö qet ketani qerök, “Eloi, eloi, lama sabaktani?” Mi nanine keunöŋ: Anutuni, Anutuni, mönö wuanöŋgöra andö nuŋguzan?

⁴⁷ Mewö qeriga azi kösutŋe kingeri, yeŋgöreŋök tosatŋan mi möta jiget, “Mönö Elaijagöra qetza.” ⁴⁸* Miangöreŋök yeŋgöreŋök kunŋan ösumŋan anda mömöndö kun kahali tandök mi memba wain o asölŋambuknöŋ kundumgöba ip göröm kitipŋe jöhöba suruba Jisös numbuŋe eu ali neyök. ⁴⁹ Neyökmö, tosatŋan jiget, “Mönö mosötketka nanŋök kinök. Elaijanöŋ kaba meköi etma me qahöpto, mönö mi ekin.”

⁵⁰ Mewö aketka Jisösnöŋ kunbuk qet ketani qeta söŋgöro ösum kondikŋi öröba kömuyök.

⁵¹* Kömuiga miangöreŋök jöwöwöl jikegö uruŋe opo * kinöhi, mianön euyök bibiŋe jurata eta yahöt ahök. Mewö eriga gölmenöŋ kenöŋ ketanjan meiga köt ketani ketani mesiŋnök. ⁵² Qaksirigö köt köteŋi miengö numbuŋinan nanŋök aŋaŋigetka ambazipŋi sarakŋi kömugeri, yeŋgöreŋök gwötpukŋan guliba wahötket. ⁵³ Wahöta qaksirigö köt

* 27:34: Sum 69.21 * 27:35: Sum 22.18 * 27:39: Sum 22.7; 109.25 * 27:40: Mat 26.61; Jon 2.19 * 27:43: Sum 22.8 * 27:46: Sum 22.1 * 27:48: Sum 69.21 * 27:51: Eks 26.31-33 * 27:51: Opo mi jöwöwöl jikegö oleni kömbukŋi aka oleni töröŋi kötökŋi mietkö sutŋire kinök.

kötenjini mosöta Jisösnöñ kömupnöhök wahöröhi, miangö andöñe Jerusalem siti töröñi miangörenj kaba ambazip gwötpuk asuhum enjigetka enjeget.

⁵⁴ Suahö galöm aka yarö azi yambuk Jisösgö jegalöm memba malgeri, yeñön kenöñ meiga yuai tosotji pakpak asuhuyöhi, mi eka auruba jönömñini gwötpuk unduiga kenjötporiñ aka kewö jiget, “Yañön mönö ölña Anutugö Nahönña akza.”

⁵⁵ *Ambi gwötpukñan sikep kinda yuai mi mewöyök eket. Yeñön Jisös wuatangöba Galiliyök kaba welen qem wangiba malget. ⁵⁶ Yeñgö sutñine Magdalagö Maria aka Maria Jeims aka Joses yetkö namñiri aka Zebedigö nahönyahöt yetkö namñiri. Mewö.

Jisösgö qamötñi löm kölget.

Mak 15.42-47; Luk 23.50-56; Jon 19.38-42

⁵⁷ Mare aiga Arimatia azi pomñi kun qetñi Josef kayök. Yañön mewöyök Jisösgö gwarekñi kun ahök. ⁵⁸ Yañön Pailötgörenj anda Jisösgö qamötñi memangö qesiyök. Qesiiga suahö azinöñ mi Josef wangimegö jim kutum enjiyök.

⁵⁹ Jim kutum enjiiga Josefnöñ anda Jisösgö qamötñi memba eta opo tuatñan esuhuyök. ⁶⁰ Esuba memba qaksirinöñ anda nanñi kötenj dölokñi kötnöñ urorohogetka kinöhi, qamötñi mi miangörenj alök. Mewö ala köt ketanji kun metaliga kötenj numbuñi közipköiga mosöta anök. ⁶¹ Magdalagö Maria aka Maria alanji kun yetköñ miangörenj köt kötenj mesohol köla tarohot.

Yarö azi qaksiri galöm meget.

⁶² Sabat kendon tatatköra yuai mözözömgöba ahöba wahöta miangörenj jike nup galöm aka Farisi (Köna keugö kapañkölköl) yeñön Pailötkörenj anda tokoba kewö jiget, ⁶³ *“(Ketanjamnini, enjololongö urukungukungu azi mianön jebuk malöhi, nalö miangörenj kewö jii mörin, ‘Nönön wehön karöbut teköiga kunbuk guliba wahötmam.’ Neñön keu mi mötmörizin.

⁶⁴ Miangöra göñön ölop yarö aziurupki jinöñ möta qaksirinöñ anda mi törörök jegalöm memba malgetka wehön karöbut teköiga mosötme. Mewö qahö galöm membeak ewö, gwarekurupñan mönö anda qamötñi ölöñ memba asamböta ambazip kewö jiget mötpeak, ‘Jisösnöñ mönö kömupnöhök wahörök.’ Mewö jigetka tilipqilip enjololöñ keu kondikñi kianön mönö enjololöñ keu mutukñi ongiriga böliqölibapuk.” ⁶⁵ Mewö jigetka kewö jii mötket, “Yarö azi ki mönö ölop enjuañgita anda al enjigetka qaksiri kötenj numbuñi mi törörök galöm köl soroköme.”

⁶⁶ Mewö jii möta qaksirinöñ anda köt kötenjangö numbuñe köt ketanji algetka közipköba kinöhi, mi supañji ala yarö azi al enjigetka jegalöm köhöikñi meget.

28

Jisösnöñ kömupnöhök wahörök.

Mak 16.1-10; Luk 24.1-12; Jon 20.1-10

¹ Sabat kendon tatket teköiga Sonda söñanök wahöta miri gianjiiga Magdalagö Maria aka alanji Maria kun yetköñ qaksirigö köt kötenj ekitkö anohot. ² Anohotka miangörenjök kenöñ ketanji kewögöra meyök: Kembangö garata kunöñ Suepnöhök eta qaksirinöñ kaba numbuñe köt ketanji qetali ani qakñe tarök. ³ Garatagö kaisongolomñi mi wöl ewö aiga malukuñi mi kousu ewö tuat lalamñi ahök.

⁴ Mewö asuhuiga yarö azi qaksiri galöm megeri, yeñön yangöra awöwöliba jönömñini undui kömum töriget. ⁵ Mewö aketka garatanöñ ambi yahöt yetköra keu kewö jiyök, “Jisös maripomnöñ qegeri, injiri yangöra jaruzahot, mi mötzal. Miangöra mönö kenjötnjiri kude mötmahot. ⁶ Nanñak jiyöhanjö dop mönö kömupnöhök wahötza. Miangöra ki qahö ahöza. Mönö kaba dum ahöyöhi, salupñi mi ekñahot.

* 27:55: Luk 8.2-3 * 27:63: Mat 16.21; 17.23; 20.19; Mak 8.31; 9.31; 10.33-34; Luk 9.22; 18.31-33

⁷ “Mi eka ösumok gwarekurupni yengören anda buzup keu ki jiyohot mötme, Jisösnön kömupnöhök wahötza. Mötket, yanön mönö qeljine mutuk Galili prowinsnön anma. Injini ölop miangören anda i ekne. Mötket, nöñon mi lök jibi mötze.”

⁸ Mewö jiiga zilañök qaksiri mosöta kenjötnjiri möta töndup önöñi qahö söñgaiba buzup mi memba gwarekurupni jiyohot mötmegöra ösumnjiran anohot. ⁹ Ösumnjiran anohotka Jisösnön i könanön asuhum etkiba “Söñanjiri!” jiyök. Mewö jiiga kösutne anda sipköba könañe meraköba waikñi memba möpöseim wangiyohot. ¹⁰ Möpöseim wangiyohotka kewö jii mörohot, “Kenjötnjiri kude mötmahot. Mönö anda munurupnan Galili anmegö keu jiyohotka miangören anda ni nekne.” Mewö.

Qaksiri galöm meme yeñon kösohotñi jiget.

¹¹ Ambiyahöt yetkän köna anohotka qaksirigö köt köten galöm meme yarö azi tosatñan sitinön kaba jike nup galöm engeka yuai pakpak asuhuyöhi, miangö kösohotñi jiget mötket. ¹² Yeñon mi möta Juda yengö jitñememeurupñini öröm engigetka mohotne totoko ala Jisös wahötwahötkö keu asamböttingö keu aren miwikñaiba moneñ keta bölökñi mi yarö azi engiget.

¹³ Mi engiba kewö jim kutum engiget, “Injini mönö keu kewö jime: Nini sungem gaun ahöinga gwarekurupñan ölöñ kaba qamötni yongorö memba anget. ¹⁴ Keu mewö jigetka keu miangön premiögö kezapne gei mötma ewö, lömböt engö qakñine öngöbapuköra neñon mönö uruñi mölöwöriba memba eta alinga waimanjat qahö malme.”

¹⁵ Mewö jim kutum engigetka miangö dop aka moneñ memba anda nup keuñini wuatangöget. Mewö aketka Juda yeñon keu mi sutñine jim sehigetka möta malgetka anda nalö kewöñe mewöyök mi toroqeba jiget mörakzin. Mewö.

Misin nup membingö jimkutukutuñi

Mak 16.14-18; Luk 24.36-49; Jon 20.19-23; Apo 1.6-8

¹⁶ *Gwarekurup 11 yeñon Jerusalem mosöta Galili prowinsnön anda Jisösnön kundune anmegöra jiyöhi, miangören öngöget. ¹⁷ Miangören öngöba Jisös eka waikñi memba möpöseim wangigetmä, tosatñan yangöra uruyahöt aket. ¹⁸ Möpöseim wangigetka yengören kaba kewö jiiga mötket, “Suepkö aka gölmegö kukösum pakpak mi Anutunön niñgiiga nöngören ahöza.

¹⁹ * “Miangöra injini mönö gölme dop anda ambazip kambu pakpak kewö engömegetka nöngö gwarekurupni akne: I mönö İwi, Nahön aka Uña Töröñi nengö qetnine o melun mem engime ²⁰ aka nöñon keu wuatangömegöra jim kutum engiali, mi pakpak tem kölmegöra mönö kusum engiba malme. Mötket, nöñon mönö nalöñi nalöñi embuk mala anda malbiga gölmegö nalöñan teköma.” Mewö.

* 28:16: Mat 26.32; Mak 14.28 * 28:19: Apo 1.8

Mak Ölöwak **Buᅇa Maknöᅇ ohoyök.** **Jim-asa-asari**

Mak namᅇi qetᅇi Maria, iwiᅇi qetᅇi qahö mötzin. Jerusalem siti toᅇi malget. (Aposol 12.12) Nanᅇi kösohotᅇi kun qetᅇi qahö qeta boᅇ 14.51-52 mianᅇöreᅇi ohoi ahöza. Pitönöᅇi bauköm waᅇgiiga uruᅇi melenᅇniga Buᅇa kusum waᅇgiyök. Waᅇgiiga numbutᅇi Barnabas aka Pol yetpuk liliköba misin nup memba anda Pol mosöta deᅇnohot. Deᅇnohotka toroqeba nup memba mala Buᅇa kösohot mohok mohok qezaköba mindiriba kian kantri yeᅇgöra Grik keunöᅇi ohoyök. Jisösgö keuᅇi mi Arameik. Mi “Eli eli lama lama sabaktani,” mianᅇö dop.

Jisösnöᅇi urugö nupᅇi denöwö memba Anutugö Nahönᅇi aka ambazip bauköm enᅇgiba malöhi, Maknöᅇi keu mi jim asariba ohoyök. Jisösgö nupᅇi bohönᅇi karöbut: Buᅇa kusum enᅇgiyök, ömewöröme közöl enᅇgiyök aka siᅇgisöndok mosöta kawölᅇi kawölᅇi mem ölöwahök.

Buk kianᅇö bahöᅇi bohönᅇi 6 mi kewö:

Keu mutukᅇi: Jon aka Jisös 1.1-13
Qenjarök nup Galili uruᅇi meyök 1.14-9.50
Galili mosöta Jerusalem anök 10.1-52
Jerusalem Sonda mohot mala kömuyök 11.1-15.47
Jisösnöᅇi kömupnöᅇök wahörök 16.1-8
Wahöta asuhuba Suepnöᅇi öᅇgöyök 16.9-20

¹ Amötqeqe Toᅇi Jisös Kraist mi Anutugö Nahönᅇi akza. Nöᅇön yaᅇgö Ölöwak Buᅇaᅇi könahiba ohozal.

*Jonöᅇi Jisösgö köna mesarök.
Mat 3.1-12; Luk 3.1-18; Jon 1.19-28*

² *Anutunöᅇi Suep uruᅇi Nahönᅇaᅇgöra keu kun jiiga kezapqetok azi Aisaianöᅇi mi ohoiga yaᅇgö Buzup Kimbinöᅇi kewö ahöza, “Mötnöᅇi. Nöᅇön kolek garatani kun melaibiga qeljiᅇe anda ambazip uruᅇini mindiᅇgöba göhö könagi mesariga göᅇön yaᅇgö andöᅇe gölmenöᅇi geman.”

³ * “Kolek garata kunöᅇi gölme qararaᅇkölkölᅇe qeta maliga anda qetᅇi kewö mötme, ‘Kembunöᅇi kamawo! Mianᅇöra mönö jöjöröba könaᅇi mesatket. Mönö uruᅇini mindiᅇgöba könaᅇi qölöleiget’.”

⁴ Keu mianᅇö dop azi kun qetᅇi Jon asuhuyök. Qetᅇi alaᅇi O-melun azi. Asuhuba gölme qararaᅇkölkölᅇe mala kinda Buᅇa keuᅇi kewö jiba malök, “Iᅇini mönö uruᅇini melenᅇetka nöᅇön o melun mem enᅇgimam. Mewö aketka Anutunöᅇi siᅇgisöndokᅇini saᅇgoᅇda mosötma.” ⁵ Mewö jiba maliga Judia prowinsgö miriᅇi pakpak aka Jerusalem siti yeᅇön kambuᅇi kambuᅇi köla öröba Jongöreᅇi kaget. Kaba kaᅇgota siᅇgisöndokᅇini jim miwikᅇaigetka Jonöᅇi i Jordan o töwatᅇe o-melun mem enᅇgiyök.

⁶ *Jongöreᅇi silepöke mi kamel jupᅇan memeni aiga kembraᅇe öriᅇit sömbup silenᅇan memeni mi jöhöba malök. Nenenamᅇi mi gawöt jinam aka arökᅇaᅇgö moroᅇi onᅇi, mia namba malök. Mi pakpak kezapqetok azi Elaija (Elia) yaᅇgö dowä. ⁷ Jonöᅇi keu kewö jim asariba malök, “Nöᅇgö andöne azi kukösumᅇi köhöikᅇi kun kama. Yaᅇgö kukösumᅇi öᅇgöᅇöᅇan mönö nöᅇgöreᅇi onᅇitma. Yaᅇön azi öᅇgöᅇöᅇi akᅇawaᅇgöra nöᅇön yaᅇgö köna esuaᅇaᅇgö kösöᅇi bauköba pösatmamᅇö qötötamaᅇmam. ⁸ Nöᅇön o töhönöᅇi melun mem enᅇgizalmö, yaᅇön mönö Uᅇa Töröᅇan melun mem enᅇgima.” Mewö.

* 1:2: Mal 3.1 * 1:3: Ais 40.3 * 1:6: 2 Kiᅇ 1.8

*Jonön Jisös o melun mem wanjiyök.**Mat 3.13-17; Luk 3.21-22; 4.1-13*

⁹ Nalö miangören Jisösnön Galili prowinsgö miri Nazaret miangörenök Jongören kaiga Jordan o töwatne o-melun mem wanjiyök. ¹⁰ Mem wanjiiga onöhök koriga miangörenök Suepnön añañaiga Jisösnön uba ehiga Uña Töröni melenäda kembö nei ewö aka Jisösgö qakne eta meöyk. ¹¹ *Mi ehiga Suep mireyök keu kun kewö asuhuyök, “Göjön mönö nani wölböt nahöni aknönnga köröni ölöwahiga geknahöm ak gihizal.” Mewö.

*Satanön Jisös esapköba malök.**Mat 4.1-11; Luk 4.1-13*

¹² O melun mem wanjiiga miangörenök Uña Törönan Jisös kuñgum wanjiiga gölme qararankölkölne anök. ¹³ Anda wehön 40 miangö dop miangören maliga öme bohonjini Satan yanön esapköm wanjiba malök. Sömbup kalni miengö sutjine maliga Suep garata yenön bauköm wanjiba malget. Mewö.

*Jisösnön gwarekurupni mutukni enggholök.**Mat 4.12-22; Luk 4.14-15; 5.1-11*

¹⁴ Könañgep Jon kösö mire alget tariga Jisösnön nalö miangören Galili prowinsnön lilingöba anök. Anda Anutugö Ölöwak Buñani jim asariba malök. ¹⁵ *Jim asariba kewö jiyök, “Anutunön bemtohoñi almawangö nalönan mönö dopdowiza. Anutunön nalö aliga mala malgetka dölki akza miangöra mönö urunjini melenäda Ölöwak Buña möt nariget.” ¹⁶ Jisösnön mewö jiba liliköba mala Galili o anögö görañe mötöteiba anda söra örörö azi yahöt ekehök. Qetjiri Saimon, munji qetji Andru. Yekjön mösakñiri o anjönön söra öröbitköra gila malohot. ¹⁷ Jisösnön etkeka kewö jiyök, “Aziyahöt, injiri mönö ni nuatangöba kayöhotka kusum etkibi ambazip söra ewö öröm engimakhahot.” ¹⁸ Mewö jiiga miangörenök mösakñiri mosöta könahiba Jisös wuatangöba anöhot. ¹⁹ Jisösnön yetpuk borom kun toroqeba anda Zebedigö nahönñi Jeims aka munji Jon ekehök. Yetkön mewönanök wanjenön tata mösakñiri möhamgöba jöhöba malohot. ²⁰ Malohot ekeka miangörenök etkoholök. Etkoholiga iwinjiri Zebedi aka moneñ nup aziurupni wanjenön engömosöta könahiba Jisös wuatangöba andöñe anohot. Mewö.

*Jisösnön öme kun wuatangöyök.**Luk 4.31-37*

²¹ Mewö mohotne anda Kaperneam sitinön angotketka Sabat kendon aiga Jisösnön miangörenök köuluk mirinjine öngöba Buña kusum engiyök. ²² *Köna keugö böhi ewö qahöpmö, kukösum ahöm wanjiyöhangö dop kusum engiba ahakmemenangö dop akñegöra jiyök. Miangöra könagesö yenön mi eka auruba welipköget.

²³ Köuluk mirinjine miangören nalö miangörenök azi kun ömenambuk tariga öme mianön qetji kewö qerök, ²⁴ “O Jisös, Nazaret asia! Gi wania ak neñgimangö akzane? Mönö ayuhum neñgimangöra kazan me? Ni könañamgi möt kutuzal. Gi Anutugören azi Tök-kutukutuñi mi akzan.”

²⁵ Mewö qeriga Jisösnön tembula kewö jim wanjiyök, “Gi mönö keugi bököiga azi ki mosöta kesalnön.”

²⁶ Mewö jim wanjiiga ömenön azi mi utuköba urepköm wanjiba qet bölöbölö qeta kota mosöta anök. ²⁷ Aniga körekñan nemböñini teköiga welipköba qesim anguba kewö jiget, “Yei! Ki mönö wani yuaia? Ki mötmöt dölökñi kukösumñambuk. Yanön ömewöröme mewöyök jim kutum engiiga jitni tem kölje.”

²⁸ Mewö asuhuiga Jisösgö qetbuñanan köñöpuk sehiba miri kösutne tat angeri, miangören anda anda Galili prowins pakpak dop kölok. Mewö.

* **1:11:** Jen 22.2; Sum 2.7; Ais 42.1; Mat 3.17; 12.18; Mak 9.7; Luk 3.22 * **1:15:** Mat 3.2 * **1:22:** Mat 7.28-29

Jisösnöñ kawöl ambazip gwötpuk meiga ölöwaket.

Mat 8.14-17; Luk 4.38-41

²⁹ Jisösnöñ Kaperneam yanğoreñ köuluk miri mosöta miangöreneñök Jeims Jon yetpuk Saimon aka Andru yetkö mire öngöget. ³⁰ Miangöreneñ öngögetka Saimongö suhunjan silekönöp kawöl yöhöi ahöyök. Ahöiga buzupñi mi ösumok Jisös jiget mörök. ³¹ Jiget möta yanğoreñ anda böröñe memba kököbiiga wahörök. Wahöriga silekönöpñan mosöriga nene ohoba gumohom enğiyök.

³² Gumohom enğiiga mare aiga wehön jeni geiga miangöreneñ Kaperneam tonji yeñön kinda ambazipñi ambazipñi kawöl ömenjambuk mi körek enğuanğita Jisösgöreneñ kaget.

³³ Kaperneam taonöhök kambulelembenöñ kaba Saimongö miri nanğune tokoget.

³⁴ Tokogetka kinda ambazip kawöl könañi könañi enğöhöyöhi, mi gwötpuk mem ölöwak enğiyök. Mewöyök ömewöröme yeñön Jisösgö könañi mötkeñğöra Jisösnöñ numbuñini muhungöba gwötpuk enğuatangöyök. Mewö.

Amöt böröñi Galili körek dop kölök.

Luk 4.42-44

³⁵ Jisösnöñ gaun ahöiga miri wanğarañ suruiga wahöta miri yaigepñe geba görañe anda nanğök tin kutuba miangöreneñ köuluköyök. ³⁶ Köuluköiga Saimon aka alaurupñi yambuk malgeri, yeñön zilañ könañe anget. ³⁷ Anda miwikñaiba kewö jiget mörök, “Ambazip körekñan mönö göhöra jaruze.”

³⁸ Mewö jigetka möta kewö jiyök, “Miri tosatñi tosatñi liliköba tat anjei, ekze. Nöñön Buña keu miri dop jim sehimangöra eta maljal. Miangöra mönö miri liliköba anbin.”

³⁹ *Mewö jiba anda Galili prowins körek liliköba köuluk miriñine Buña keu jiba ömenji ömenji mi enğuatangöba malök. Mewö.

Jisösnöñ uzikuku azi kun mem solaniyök.

Mat 8.1-4; Luk 5.12-16

⁴⁰ Jisösnöñ taon kunöñ maliga uzikuku azi kunjan kaba simin köla Jisösgö wösöñe geba kewö köuluköm wanğiyök, “Göñön sihimgan mem ölöwak niñgimangö mötzan ewö, mönö ni ölop mem solanim niñgiman.”

⁴¹ Mewö jiiga yanğöra wösöñi möta böröñi böranda silenji misiriba jiyök, “Nöñön mi akñangö mötzal. Gi mönö solaniman.” ⁴² Mewö jiiga uzikukuñi mi miangöreneñök solanii ölöwahök. ⁴³ Solaniiga galöm meme keu köhöikñi wanğiba miangöreneñök “Ölop anman,” jiyök. ⁴⁴ *Goro mi kewö jiiga mörök, “Mötnöñ. Kiangö buzup keuñi mi kun kude jinöñ mötme. Qahöpmö, mönö jike nup galömgöreneñ anda silegi kondel wanğiman aka Mosesgöreneñ jimkutukutu wuatangöba solanizanangö saiwap nalukñi ala jöwöwöl ohoman. Mi ohonöñ ehiga ambazipñöñ könañangi möt kutume.”

⁴⁵ Jisösnöñ mewö jiyökmö, yanön anda töndup könahiba keu buzupñi mi gwötpuk jiba maliga sehiyök. Sehiiga Jisösnöñ taonñi taonñi miangöreneñ aukñe kunbuk anmamgö osiyök. Osiba taon andöñine miri gwamönñi miangöreneñök malök. Miangöreneñ maliga miri dop miangöreneñök ambazipñi ambazipñi mi yanğoreñ kaget. Mewö.

2

Jisösnöñ azi sile likepñi kömukömuñi möhamgöyök.

Mat 9.1-8; Luk 5.17-26

¹ Mewö liliköiga nalö tosatñi teköiga Jisösnöñ lilingöba kunbuk miriñe Kaperneam kayök. Kaiga “Mire malja,” jiget mötket. ² Ambazip gwötpukñan mi möta tokoba yanğö miri nanğu söndakñe gwözöñda sombemñe kokolak qeget. Kokolak qegetka Jisösnöñ kinda Buña keu jiiga mötket. ³ Mötketka miangöreneñ azi kun sile likepñi kömukömuñi, mi wanğita yanğoreñ kaget. Azi 4:ñan i kululunöñ ala anğuba kaget. ⁴ Kagetka gwözöñda

* 1:39: Mat 4.23; 9.35 * 1:44: Lew 14.1-32

kingeranğöra aka Jisösgö kösutne anda albingö osiget. Osiba miri qakne öngöba Jisösgö bohonneyök bo esim lulunget. Lulungetka kinimni ahuiğa miangören kawöl azi mi kululunambuk kösönöñ jöhöba algetka geiyök. ⁵ Mewö geiga Anutu möt narim wanğigeri, Jisösnöñ yengö tandökni mi ehi dop köliga kawöl azigöra kewö jiyök, “Nahöni! Nöñön sinğisöndoki mosötzal.”

⁶ Mewö jiiga Köna keugö böhi tosatñan sutñine tata urunjan kewö mötmöriget, ⁷ “Azi kianön denöwögöra mewö jiza. Mönö Anutu ilita mepaqepaik akza. Anutu mohotñan sinğisöndokni mosörakzapmö, azi kunñan mi qahö.”

⁸ Urunjan mewö mötmörigetka Jisösnöñ miangörenök urunjan mi möt kutuba kewö jii mötket, “Inini mönö wuanöngöra keu mewöni urunjan mötmörize? ⁹ Nöñön ‘Sinğisöndoki mosötzal,’ kawöl azigö mewö jizali, keu mianön mönö awamñanök jijiña. Kunñan mewö jiiga tosatñan keu miangö ölni qahö ekne. Miangöra mi keu awamñangö dop. Nöñön keu kun kewö jimangö mötzal, ‘Mönö wahöta tumbulahöpki memba anöñ.’ Keu mi mönö lömbötñambuk jijiña akza. Mewö jibiga ölni ahuma me qahöwi, mianön mönö aukne asuhui ekne. ¹⁰ Mötket, gölmenöñ sinğisöndok mosötmosötkö kukösumni mi Suep gölmegö azi ölnangören ahözawi, inini miangö könañangöra janjun malbepuk. Miangöra keu lömbötñi mi azi kianğöra jibi ölni eket,” Mewö jiba azi sile likepni kömukömuñangö jeñe eka jiyök, “Nöñön göhöra jizal: Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamni mi mönö mewöyök denöwögöra omañi akawak?” ¹¹ Mewö jiba azi sile likepni kömukömuñi kewö jii mörök, “Nöñön göhöra jizal: Gi mönö wahöta tumbulahöpki memba mirige anöñ.”

¹² Jiiga mönö wahöta miangörenök tumbulahöpni memba ambazip pakpak yengö jeñine yaigepne anök. Mewö aniga köreñan welipköba Anutu möpöseiba kewö jiget, “Yei! Tandök kewöni mi mönöwök nalö kungen qahö ehin. Qahö. Dölki je murutña ekzin.” Mewö.

Jisösnöñ Matyu (Liwai) oholök.

Mat 9.9-13; Luk 5.27-32

¹³ Jisösnöñ kunbuk Kaperneam mosöta anğönöñ geba sak qöhöröñe anda malök. Maliga ambazip kambulelembenöñ yangören kagetka Buña keu kusum engiyök. ¹⁴ Anda takis ofis onğitmangö aiga miangören azi qetni Liwai Alfiusgö nahönñi tariga eka jii mörök, “Gi mönö nöngö andöne kanöñ.” Mewö jiiga möta wahöta takis nup mosöta Jisösgö andöne anök.

¹⁵ Anda Liwaigö mire anda nene memba tatkeri, nalö miangören takis meme azi tilipqilipñinambuk aka sinğisöndok azi gwötpukñan kaba Jisös aka yangö gwarekurupni yembuk tata nene mohokne neget. Gwötpukñan mönö Jisös wuatangöba malget.

¹⁶ Jisösnöñ takis meme tilipqilipñinambuk aka sinğisöndok ambazip tosatni yembuk tata nene negeri, mi Farisi (Köna keugö kapañkölköl) aka yengören böhi tosatñan eka Jisösgö gwarekurupni kewö jim engiget, “Aek! Yanön mönö wuanöngöra takis meme tilipqilipñinambuk aka sinğisöndok ambazip yembuk tata nene neza? Mi qahö dop kölja.”

¹⁷ Mewö jim engigetka Jisösnöñ likepni kewö jii mötket, “Sile unditundit ambazipnön doktagöra qahö ak engimakzapmö, kawöl ambazipnön doktagören anakze. Nöñön sinğisöndok ambazip engoholmamgöra kaba maljalmö, ambazip nanñinangö mötketka solanñi akzei, i qahö.” Mewö.

Nene sinği malmalgö keunji

Mat 9.14-17; Luk 5.33-39

¹⁸ Nalö miangören Jongören gwarekurupni aka Farisi (Köna keugö kapañkölköl) yeñön nene sinği malgetka tosatñan Jisösgören kaba kewö qesiget, “Jon O-melun azigö gwarekurupni neñön Anutugöra nene sinği malahakzin. Farisi (Köna keugö

kapaŋkolköl) yeŋgö gwarekurupŋinan mewöŋanök aka malje. Nangi gwarekurupkan mönö wuanöŋgöra Anutugöra ŋiŋgi qahö malje?”

¹⁹ Mewö qesigetka kewö melenök, “Ölŋa! Nini wani nalönöŋ nene ŋiŋgi malakzin? Ambi meme nalöŋe azigö andöurupŋan könöpŋi algetka ambigö sepkitipurupŋan yuai mi tökömakze me qahö? Nöŋön nani gwarekurupni yeŋgö azi buŋaya aka yeŋgö sutŋine köisirik tatzal. Tatpiga yeŋön miangöra aijölöŋ söŋgaiba tata ŋiŋgi malbingö osimakze. ²⁰ Osimakzemö, Anutunöŋ noaŋgiri kömumbiga yeŋön mönö nalö miangöreŋ ölop ŋiŋgi malakŋe.

²¹ (Inini malmal walŋi aka söŋŋai Buŋa dölökŋi mi mindirim etkibingö osime. Miangö keu pasetŋi mi kewö jibi mötket:) Löŋgölöŋgöt walŋi jurariga kunŋan opo dölökŋi qahö saŋŋoŋsaŋŋoŋi mitiba mianön opo su jöhanŋi qahö uhum memba umgöreŋgömakza. Mewö akawak ewö, opo su jöhanŋi dölökŋan mönö waziba löŋgölöŋgöt walŋi öröiga kunbuk tiŋgiriga kinimŋan qariba böliqölibapuk. ²² Mewöŋanök kunŋan wain o dölökŋi mi jobö me toru walŋi lama silenŋan memenŋi miangöreŋ qahö kusuiga gemakza. Mewö akawak ewö, wain o dölökŋan mönö qariba toru qesiŋniga jula mokoiga gölmenöŋ eta sohoiga toruŋan böliqölibepuk. Miangöra wain o dölökŋi mi toru dölökŋeyök mokoin geiga dop kölma. (Mewöŋanök o ölopŋi mi gina gisagisahöŋe qahö umakzin. Mewö ubinak ewö, mianön mönö jula kisipisirik eriga nemba kawöl neŋgöhöbapuk. Mewö akapüköra o ölopŋi mi gina ölopŋe umakzin. Inini mewöyök malmal walŋi aka Ölöwak Buŋa dölökŋi mi mindirim etkibingö osime.) Mewö.”

Jisösnöŋ Sabat kendongö Kembuŋi akza.

Mat 12.1-8; Luk 6.1-5

²³ *Miangö andöŋe Sabat kendon kunöŋ Jisösnöŋ wit padi nup köröŋi ketanŋi kutuba anök. Aniga gwarekurupŋan wösöŋini enŋuiga wit ölpŋi mohot mohot könahiba böröŋinan misiba neget. ²⁴ Mewö negeraŋgöra Farisi (Köna keugö kapaŋkolköl) tosatŋan Jisös kewö jiget mörök, “Mötnöŋ, yeŋön mönö wuanöŋgöra Sabat kendongö nup meme ŋoŋŋoŋi oŋgitze?”

²⁵ *Mewö jigetka kewö melenök, “Kiŋ Deiwidnöŋ yarö aziurupŋi yembuk liliköba wösöŋini enŋuiga nenegöra osiba yuia akeri, mi lök nalö kunöŋ oyöŋget me qahö?”

²⁶ *Yaŋön mönö Anutugö opo seri jikenöŋ öŋgöba beret kömbukŋi Anutugö jemesoholŋe altanöŋ alget tariga ösumŋan walöŋniga qekögeri, mi mönö memba neyök. Beret kömbukŋi mosötmosötŋi mi jike nup galöm yeŋönök nezema. Tosatŋan mi nembepüköra ŋoŋgo ahöiga töndup neyök. Nemba aziurupŋi tok enŋiiga mohotŋe neget. Nalö miangöreŋ azi qetŋi Abiatar yaŋön jike nup galöm bohonnaŋgö nup memba malök.”

²⁷ Mewö jiba kewö jii mötket, “Anutunöŋ Sabat kendon mi ambazip ölöwakŋegöra ali ahöza. Mia ambazipnöŋ laŋ jim kutumegöra aka qahö. ²⁸ Mewö aiga Suep gölmeŋgö azi ölpŋan mönö Sabat kendongö Kembuŋi mewöyök akza.”

3

Jisösnöŋ azi böröŋi söŋöŋgöŋi mem ölöwahök.

Mat 12.9-14; Luk 6.6-11

¹ Jisösnöŋ kunbuk köuluk mire öŋgöiga miangöreŋ azi böröŋi sosoholiŋi kun tarök. ² Miangöreŋ azi böröŋi sosoholiŋi kun tarök. Ambazipnöŋ Jisös keu jakene al waŋgibingöra “Azi mi Sabat kendonöŋ möhamgöma me qahö?” jiba Jisös je galöm memba tatket. ³ Megetka Jisösnöŋ azi böröŋi sosoholiŋi mi kewö jii mörök, “Mönö wahöta jenine kinöŋ.” ⁴ Mewö jiba kewö jii mötket, “Köna keu wuatanaŋgöba Sabat kendonöŋ yuai ölopŋi

* 2:23: Dut 23.25 * 2:25: 1 Sml 21.1-6 * 2:26: Lew 24.9

me bölöñji akin? Ölop kungö bohonñi jöhöbin me mosöringa kömuma? Wanat kun meinga dop kölma?” Mewö jii möta göröñ alget.

⁵ Keuñini göröñ tatketka lilingöm purik engehi uruñinan köhöikñi gwözöñnöhañgöra wösöbirik aka kukjejenöñ engehök. Mewö engeka azi miangö jiyök, “Gi mönö börögi qötöteinöñ.” Mewö jiiga böröñi qötöteiba kunbuk ölöwahök. ⁶ Ölöwahiga Farisi (Köna keugö kapañkölköl) yeñön yaigep anda miangörenök premiö Herodkö pati alaurup yembuk totoko ala “Jisös denöwö qein kömuma?” jiba keu nup meget. Mewö.

Jisösnöñ kawöl ambazip mem ölöwak engiyök.

⁷ Mewö megetka Jisösnöñ gwarekurupñi enguangita o angö jitñe anget. Angetka Not prowins qetñi Galili miangörenök ambazip kambuleleme yeñön könañe wuatangöba anget. Judia prowins miangörenök mewöyök yangören kaget. ⁸ Siti bohonñi qetñi Jerusalem, Saut prowins qetñi Aidumia aka Jordan o likepñeyök Wehön Kotkotñe yeñön aka Wehön Gegeñe görökenök taon qetñiri Taiö aka Saidon liliköba maljei, yeñön mohok kambulelemenöñ öröba kaget. Jisösnöñ angöletot ketañi ketañi memba malöhi, miangö buzupñi möta mindiqindiriba kañgotket. ⁹ *Mewö kañgota utal wañgibepuköra Jisösnöñ gwarekurupñi kewö jii mötket, “Ölököm niñgibepuköra inini mönö wañge kun miwikñaiba nöñgöra dowe alget tarök.” ¹⁰ Mewö jii möta ambazip sehisehñi mem ölöwak engiba malök. Miangöra qemjem-mamjen aka sile lölömböröñinambuk pakpak yeñön silene misiribingöra liliköba gwötpuk aum metala utal wañgiget. ¹¹ Ömeñi ömeñi yeñön Jisös eka jemesoholñe gölmenöñ geba kewö qetket, “Gi Anutugö Nahönñi akzan!”

¹² Mewö qetketka Jisösnöñ qetal engiba könöñamñan aukñe asuhubapuköra songo köhöikñi al engiyök. Mewö.

Jisösnöñ gwarekurupñi möwölöhöm engiyök.

Mat 10.1-4; Luk 6.12-16

¹³ Könañgep Jisösnöñ kundunje öñgöba miangören nanñi sihimñangö dop azi engoholiga yangören kaget. ¹⁴ Kagetka azi 12 mi yambuk malmegöra al engiba Buña keuñi jim sehimegöra melaim engiyök. ¹⁵ Melaim engiba ömewöröme közöl engimegö kukösumñi engiyök.

¹⁶ Mewö aka azi 12 ki kewö al engiyök: Pitö, Jisösnöñ qet mi Saimon wañgiyök. ¹⁷ Jeims aka munñi Jon, iwiñiri qetñi Zebedi. Jisösnöñ yetkö qetñiri kun Boanerges qerök. Mi nanine keunöñ Pöndandañgö Nahönyahötñi. ¹⁸ Andru, Filip, Bartolomyu, Matyu, Tomas, Jeims Alfiusgö nahönñi, Tadius, Saimon Zelot-politik azia* ¹⁹ aka Judas Iskariot. Kariot azi miangön könañgen Jisös mamalolo mem wañgiyök. Mewö.

Jisösnöñ öme yeñgö kukösumñini ongiita qei etza.

Mat 12.22-32; Luk 11.14-23; 12.10

²⁰ Jisösnöñ mi al engiba kunduneyök eta nanñi miriñe kayök. Mire kaiga ambazip kambu ketañi kunbuk kañgota tokogetka mönö miangöra tosolomñi yembuk nene nemingö osiget. ²¹ Osigetka sepkitipurupñan mi möta “Uruñi lök sohoza!” jiget. Jiba geba wañgitpingöra anget.

²² *Angetka Köna keugö böhi Jerusalemök kageri, yeñön jiget, “Satangö Katakömulatnöñ mönö uruñe geiga malja. Yañön öme yeñgö kembuñinañgö ösumnöñ ömewöröme enguatangömakza.”

²³ Mewö jigerangöra Jisösnöñ engoholi kagetka dopkeunöñ kewö jii mötket, “Satanöñ mönö denöwö alañi Satan kun wuatangöbawak? ²⁴ Kantri kungö galömurupñinan sutñine angururuk aka julme ewö yeñön mönö galömkölköl nupñini memba kinbingö osime. ²⁵ Mewöyök miri kungö könagesö yeñön sutñine angururuk aka julme ewö, mönö

* **3:9:** Mak 4.1; Luk 5.1-3 * **3:18:** Nasönöl pati zelot yeñön Rom gawman tuarenjon aka nanñine kinkin memingöra tuaköpek memba malget. * **3:22:** Mat 9.34; 10.25

galömkölköl nupñini memba kinbingö osime. ²⁶ Mewöyök Satangö könagesö yeñön sutñine anğururuk aka tuarenjon ak anğubeak ewö, galömkölkölñinanğö ösumñan eriga bemtohonñinan mönö qahöwaktamğö akza.

²⁷ Kunñan azi köhöikñanğö köna böröñi mutuk qahö jöhöma ewö, yañön mönö miriñe öngöba qezanğda sukinapñi memamğö osima. Mutuk i jöhöi tarigun mönö ölop miriñeyök öröyuaiñi pakpak wañgita memba anma. (Mianğö dop nöñön mewöyök Satan jöhöba andöñe ömenji enğuatamğömakzal.) Mewö.

Singisöndok mosötmosötñi qahö

²⁸ Nöñön keu ölni kun kewö jibi mötme, “Ambazip ketanji moröñi singisöndok ahakzei, mi Anutunöñ mosörakza. Lömbötñambuk me awamñi mepaqepaik akeak mönö mi Anutunöñ sanğon enğima. ²⁹ *Sanğon enğimapmö, Kunñan Uña Töröñi ilita mepaikömawi, mianğö singisöndokñi Anutunöñ mönö nalö kunöñ qahö mosötma. Saumban! Singisöndok mianğön mönö qakñe öngöiga nalö teteköñi qahö Anutugö jeñe keuñambuk malma.” Mewö jiyök. ³⁰ “Ömenöñ uruñe geyöhawa malja,” Jigeranğöra aka mewö kusum enğiyök. Mewö.

Jisösgö nam-munurupñi.

Mat 12.46-50; Luk 8.19-21

³¹ Mewö eraum mötketka nam-munñan kaba yaigep kinda yeñğöreñ etmapkö keu alget yañğöreñ anök. ³² Aniga ambazip kambu yeñön liliköm wañgiba tata kewö jiget mörök, “Mötnöñ! Göhö nam-mungan mönö yaigep kinda göhöra qesize.”

³³ Jigetka melenğda kewö jii mötket, “Nöngö namni mi danğon aka munurupni danğon?”

³⁴ Jisösnöñ mewö jiba ambazip liliköm wañgiba tatkeri, i uba enğeka kewö jiyök, “Eket nöngö namni aka munurupni mönö ki. ³⁵ Anutugöreñ jitsihitñi tem kölahakzei, mienğön mönö nöngö namni aka nen-munurupni akze.” Mewö.

4

Qesiñ gilgil azigö dopkeu

Mat 13.1-9; Luk 8.4-8

¹ *Jisösnöñ kunbuk o anğö jitñe geba könahiba kusum enğiyök. Kusum enğiiga ambazip kambulembenöñ yañğöreñ anda tokogetka wañgenöñ öngöba o anğö qakñe anda tarök. Tariga ambazip pakpak yeñön anğö görane saknöñ tokoget. ² Mewö tokogetka dopkeu gwötpuk jiba kusum enğiyök. Kusum enğiba kewö jiyök.

³ “Mötket! Azi kunñan nene kötni qesiñ gilmanğöra nupnöñ anök. ⁴ Anda qesiñ giliga kötni tosatñan köna jitñe geba kölget. Geba kölgetka (warawen) neiñi neiñi kanğota mi nem teköget. ⁵ Kötni tosatñan köt jamönjiñnöñ geba kölget. Geba köla mianğöreñ gölme gwötpuk qahö miwikñaiget. Gölme dutñi qahö ahöyöhanğöra korapñi zilañ kotket. ⁶ Kotketmö, wehönöñ kota enguba jem kutum enğiiga jalöñini qahöpköra soholiba gororonğöget. ⁷ Kötni tosatñan siriuret wahinambuknöñ mianğöreñ geba kölget. Geba kölgetka mienğön kota qem turugetka böbölohot mem enğiget. Mewö aka ölni qahö kuñguget. ⁸ Kötni tosatñan gölme ölopñe geba kölget. Geba köla korapñini jula wahöta ipñinanğö ölniñi ölopñi asuhuget. Tosatñan kötnini 30, Tosatñan kötnini 60, tosatñan 100 mianğö dop ahum sehiget.” ⁹ Mewö jiba jim teköyök, “Kunñan urukezapñambuk malja ewö, yañön mönö dopkeu ki kezap ala möt kutuma.” Mewö.

Jisösnöñ wanigöra dopkeu jiyök.

Mat 13.10-17; Luk 8.9-10

¹⁰ Kambu ketanji yeñön denğda angetka Jisösnöñ nanñök tarök. Nanñök tariga gwarekurupñi 12 aka tosatñi liliköm wañgigeri, mi mohotñe dopkeu kiengö könanñinanğöra qesim

* 3:29: Luk 12.10 * 4:1: Luk 5.1-3

wanġiget. ¹¹ Qesim wanġigetka kewö melenġa jiyök, “Anutugö bemtohoġe anġota mal-bingö keu tölapġi mi enġöra aukġe jibi möt kutuzemö, yaigep maljei, yenġöra mi pakpak mönö dopkeunöhök asuhumakza. ¹² *Mewö asuhuiga ‘Nanġini jeġinan yuai ekagun könaġi töndup qahö möt kutume. Nanġini Kezapġinan keu törörök mötagun könaġi töndup qahö möt asarime. Mi möt asaribeak ewö, mönö ölop uruġini melenġetka Anutunöġ siġgisöndokġini mosötpawak.’ ”

Jisösnöġ dopkeugö könaġi jiyök.

Mat 13.18-23; Luk 8.11-15

¹³ Jisösnöġ toroġeba kewö jii mötket, “Dopkeu miangö könaġi kewö. Mi kude möt asarize ewö, dopkeu tosatġi pakpak jimami, mi mönö denöwö möt asaribeak? ¹⁴ Dop Keu miangö könaġi kewö: Qesiġgil azinöġ Buġa keu qesiġda gilja. ¹⁵ Nene kötġi köna jitġe geba kölġeri, mi kewö: Buġa keu qesiġ gilgetka ambazip uruġine gezapmö, mi mötketka Satanöġ miangöreġök kaba keu uruġine qesiġget geyöhi, mi qeköba enġuanġirakza. ¹⁶ Nene Kötġi qesiġniga köt jamönjiġnöġ geba kölġeri, mi mewöyök ambazip söpsöpġi kun. Yenöġ Buġa keu möta miangöreġök sösoġgai qakġe möt anġön kölakze. ¹⁷ Mewö ahakzemö, uruġine jalöġi qahö ahöm enġimappmö, nalö töröptökġi miyök kin köhöiba malme. Buġa keugöra aka kahasililiġ me sesewerowero asuhuiga nalö miangöreġök mönö tala enġuma. ¹⁸ Nene kötġi qesiġniga siriuret wahinambuknöġ geba kölġeri, mi kewö: Yenöġ Buġa keu mötketka uruġine geza. ¹⁹ Gezappmö, gölmenöġ mal-malgö waimanġatġi aka moneġ inap memegö urukönöpġi ahuba lömbörim enġimakzal. Qetbuġanambuk akingö köpösöġġetka sihim kömbönaġi bölöġi tosatġan mewöyök uruġine dumgöba Buġa keu böbölohot mem wanġize. Mewö aiga ölni qahö gilipitġi (ambetakġi) akġe. ²⁰ Nene kötġi gölme ölopġe qesiġniga geba kölġeri, mi ambazip kewöġi: Yenöġ Buġa keu kezap ala möta möt anġön köla pöndaġ kinda ölni miwikġaimakze. Tosatġan keu jii mohoknööhök kötġi 30 miwikġaimakze. Tosatġan ölni 60, tosatġan keu köt mohot mohot miengö ölni 100 mem sehiba miwikġaimakze.” Mewö.

Lampe mi asakġi nenġimappköra ahöza.

Luk 8.16-18

²¹ *Jisösnöġ keu kun kewö jiyök, “Kunġan lambe me kiwa memba ohotiriba kimbut me dum bapġe alma me qahö? Mi waniġe alma? Mi mönö miangö dum tatatnöġ aukġe alma. ²² *Mewöġanök yuai kun asambötket ahözawi, mi mönö aukġe asuhum tiġitmapköra ahöza. Yuai kun köl turuġet ahözawi, mi mönö lulunġet kötulmapköra aka ahöza. ²³ Kunġan urukezapġambuk malja ewö, yanöġ mönö dopkeu ki kezap ala möt kutuma.” Mewö.

Denöwö diwelopmen ahuza?

²⁴ *Jisösnöġ keu kewö jii mötket, “Keu mötzei, mi mönö möt anġön köla urukönimġine ala köl guliba malme! (Mewö malgetka uruġini diġiiga mötmötġinan qariiga möt kömume.) Inġini tosatġi yenġö keuġini kewöta jim tekömei, Anutunöġ mönö jimkutukutuġini mohot miangö dop nanġini keuġini kewöta jim teköma. Dop mi mönö onġita likepġi melenġenġima. ²⁵ *Miangö könaġi kewö: Kunġan mötkutukutuġambuk maljawi, Anutunöġ mönö mi toroġem wanġiiga malmappmö, kunġan mötkutukutuġi qahö maljawi, Anutunöġ mönö mötmötġi moröġi ahözawi, mi mewöyök qeköba wanġitma. Mewö.

Buġa keu kötġi mi korapġambuk.

²⁶ Jisösnöġ dopkeu kun kewö jiyök, “Anutugöreġ bemtohoġi mi kianġö dop: Azi kunġan nuwe anda nene kötġi qesiġda gilma. ²⁷ Qesiġda gila anda sunġem silim ahöba

* 4:12: Ais 6.9-10 * 4:21: Mat 5.15; Luk 11.33 * 4:22: Mat 10.26; Luk 12.2 * 4:24: Mat 7.2; Luk 6.38

* 4:25: Mat 13.12; 25.29; Luk 19.26

wahöta ahöba wahöriga nene kötñangö korapñi jula korakze. Denöwö jula korakzei, mi nanñak qahö möt kutuza. ²⁸ Gölmenöñ nanñök nam köli ölni asuhumakza: Mutuk ipñi, könangep ölni aka miangö andöñe ölnangö kötñi mi körek asuhuba qarim teköme. ²⁹* Ölni qarim teköba öliiga ölni memegö nalöñi aiga welenqequeurupñi melaim enjiiga souñini kapenkapenñöñi jitñinambuk memba ölni membingöra nupñe anme.” Mewö.

Nejoñ kötñangö dopkeu

Mat 13.31-32, 34; Luk 13.18-19

³⁰ Jisösnöñ dopkeu kun kewö jiyök, “Anutugö bemtohoñi mi wanatpuk dop albinak me wanat söpsöp keu jiba jim asaribinak? ³¹ Mi nejoñ kötñangö dop kewö akza: Kötñi mi morö közözömñi. Mi gölmegö nene köt pakpak miengö eretñini akza. Mewö aiga nup gölmenöñ esize. ³² Esizemö, jula wahöta yöha pakpak enjonñgita qariba böröñi ketañi gili anje. Mewö gili angetka könakembagö neiñi neiñi miengön aipñini miangö aumñe alakze.” Mewö.

Jisösnöñ dopkeu gwötpuk jiyök.

³³ Jisösnöñ dopkeu mewöñi mewöñi mi gwötpuk jiba mala Buña keu jiiga mötket. Möt kutugerangö dop mi jiiga möta malget. ³⁴ Nalö dopkeuñi pakpak mi dopkeunöñ jiba malök. Keuñi kun öne kude jiyökmö, gwarekurupñi yembuk nanñinök malgetka keu pakpak miengö könani mi jim asarim enjiba malök. Mewö.

Jisösnöñ jiiga raidimbom göröñ qeyök.

Mat 8.23-27; Luk 8.22-25

³⁵ Wehön miangören mare aiga Jisösnöñ gwarekurupñi kewö jii mötket, “Mönö mosöta angö kutuba likepñe angotpin.” ³⁶ Mewö jiiga ambazip kambu enjömosöta Jisös wangigetka wangenöñ tari anget. Wange tosatñi mi mewöyök yembuk awatan anget. ³⁷ Angetka raidimbom ketanñan ömtöröp (töröpñanök) giliga sirinöñ wange uruñe gegetka wange numbuñe qemangö ahök. ³⁸ Mewö aiga Jisösnöñ wange teteköñe tata qömböñnöñ nariba gaun ahöyök. Gaun ahöiga gwarekurupñan anda möndöba jiget, “Hei böhi! Nini angönöñ ayuhubingöra akzin. Miangö waimañatñi kun mötzan me qahö?”

³⁹ Mewö jigetka imbiñi möta luhut aka siri kewö jim qetal etkiyök, “Mönö bököba öne ahönöñ!” Mewö jiiga luhutnöñ döngöiga sirinöñ nöñ qeba ahöyök. ⁴⁰ Mewö aka kewö jim enjiyök, “Inini mönö wuanöñgöra kenñöt mötmöt azia akze? Denöwögöra aka Anutu qahö möt narize? Sömbuñini mönö öne mötze.”

⁴¹ Jiiga awöwöliba qem sömbuñini möta eraum mötket, “Yei, azi kia mönö denöwöñan malja? Yanñon mönö luhut aka köwet jim kutum etkiiga jitñi tem köljahot?” Mewö.

5

Ömenöñ bau uruñine gegetka azinöñ ölöwahot.

Mat 8.28-34; Luk 8.26-39

¹ Mewö asuhuiga angö kutuba likepñe Gerasin yengö gölmenöñ angotket. ² Angota körökñe öngögetka Jisösnöñ wange mosöriga miangörenök azi ömenambuk kun mi qaksirinöhök kaba kinda Jisös miwikñaiyök. ³ Azi mi qaksirinöñ mala qamöt köteñi esiba urorohoget ahögerangören ahöm malök. Azi körekñön könaböröñi tapep (munñamunña) kösönöñ jöhöbingö osiba malget. ⁴ Indimñi gwötpuk könani tapep kösönöñ jöhöba börötakñi qeba malgetmö, börö takñi kusula köna kösöñi titikutuba maliga körekñan i galöm köl osiget. ⁵ Osiba sunñem asak dop sundan qaksirigö köt köteñnöñ me kundunje lanñan ahöba malök. Mewö mala silata qeta silenñi kötnöñ qem kutumutuba malök.

⁶ Jisösnöñ tikep kaiga eka ösumñan kaba gölmenöñ kösutñe geba simin kölök. ⁷⁻⁸ Simin köliga Jisösnöñ ömeñi mi kewö jim wangimangöra ahök, “Öme bölöñi! Gi mönö azi ki mosöta anöñ!” Mewö jimangöra aiga qet bölöbölö ketañi qeta jiyök, “Aek! Gi Jisös, Anutu

* 4:29: Joel 3.13

öngöngöñangö Nahönñi akzan. Gi denöwö ak niñgimangöra kazan? Nöhön Anutugö jemesoholñe ulet gihizal: Gi keu jöhöba jöjöpñ keunöñ jim köhöiba mönö sihimbölo köñöpñambuk kude ak niñginöñ.”

⁹ Mewö jiiga kewö qesiyök, “Gi qetki niñi?” Qesiiga jiget, “Nini gwötpuk maljinangöra qetnini Lijön jizin.” Mi nanine keunöñ Kerök kambu ketani. ¹⁰ Mewö jiba kapan köla kewö ulet wañgiget, “Gi neñguatanğöbanak, mewö mönö gölme kianğöreñök kude melaim neñgiman.”

¹¹ Kösutñine kundunñi marömñe miangöreñ bau kambu ketani kun gwözözak uruñe kulunđa malget. ¹² Miangöra ömenöñ kewö jiba Jisös ulet wañgiget, “Göhön melaim neñginöñga nini ölop bau miengö uruñine gebin.” ¹³ Jigetka “Mönö anda geget,” jiba jim kutum enñiiga azi uruñeyök kota anda bau uruñine geget. Gegetka miangöreñök bau kambu 2000 miangö dop mi mönö luhuba nembönembönöñ anda jororonğöba o angönöñ geba nemulahöba kömuget.

¹⁴ Kömugetka bau galöm yeñön öloñ unjurata taon aka miri morömorö miangöreñ anda keu buzupñi jiget. Jiget mötketka ambazip sesegilgil yeñön yuai asuhuyöhi, mi ekingöra kaget. ¹⁵ Kaba Jisösgöreñ kangota eketka azi öme kambuñambuknöñ malöhanöñ mönö opo sileötañi törörök jöhöba tata uruñi amöriiga imbi mötmötñi pakpak asuhuiga eka awöwöliget. ¹⁶ Kingetka bau mi denöwö geba kömugeri aka azi ömenambuk yangöreñ yuai asuhuyöhi, mi ekeranöñ kösohot yahöt mi jiget mötket.

¹⁷ Möta kinda Jisösnöñ mindimindiri sel gölmeñini mosöta anmapkö ulet wañgiget.

¹⁸ Ulet wañgigetka mosöta wañgenöñ öngömangöra ahiga azi ömenambuk malöhanöñ kaba Jisösbuk mohotñe anda malmangöra qesiyök.”

¹⁹ Qesiyökmö, Jisösnöñ qetal wañgiba kewö jii mörök, “Gi mönö mirige anda tinitosolomurupki engeka Kembunöñ angöletot ketani aka ak-kömum gihiyöhi, miangö kösohotñi jinöñga mötme.”

²⁰ Mewö jiiga mosöta anda Jisösnöñ angöletot ketani ketani ak wañgiyöhi, miangö keunñi könahiba Ten-taon distrik uruñe jim sehiiga körekñan welipköget. Mewö.

Jairusnöñ böratñangöra Jisös köuluköyök.

Mat 9.18-26; Luk 8.40-56

²¹ Jisösnöñ wañgenöñ öngöba lilingöba angö kutuba likepñe kaiga ambazip kambu gwötpukñan yangöreñ kaba tokogetka angö jitñe kinget. ²² Kingetka köuluk mirigö keu galöm kun qetñi Jairus yanöñ kaba Jisös eka wösöñe geba simin köl wañgiyök. ²³ Simin köl wañgiba kapan köla köuluköba kewö jiyök, “Böratni moröñan mönö kömumangö akza. Mönö kaba börogi qakñe alnöñga ölöwaka toroqeba malma.”

²⁴ Mewö jiba Jisös wañgiriga mohotñe anohotka ambazip kambulelembe yeñön andönire anda ölöqölököba liliköm etkiba anget. Mewö.

Kawöl ambi kunöñ Jisösgö malukuñi misiriyök.

²⁵ Angetka miangöreñ sutñine ambi kun malök. Yanöñ (yara) yambu 12:gö dop köiñnöñ ehiga nalö dop kawöl yöhöiga malök. ²⁶ Mewö mala sihimbölo gwötpuk möriiga sile galöm gwötpukñan yangö nup megetka baukbauk kun kude miwikñaiba malök. Yanöñ sile galöm ambazip yeñgö töwañinangöra monen inapñi körek gila malökmö, kawölñi miangön mönö mem bölim wañgiiga malök. ²⁷⁻²⁸ Mewö mala Jisösgö buzupñi möta kewö jiyök, “Nöhön i oseimangö möt lömböriba malukuñeyök borom kun misiribileñak ewö, mönö ölop ölöwakñam.” Mewö jiba ambazip kambu sutñine Jisösgö andönje anda malukuñe misiriyök.

²⁹ Misiriiga sepñi miangöreñök jöpköiga qemjem-mamjenan qahöwahiga silenjan ölöwahiga mörök. ³⁰ Ölöwahiga Jisösnöñ miangöreök ösumñi kun kutuba anöhi mi möta ambazip kambu sutñine lilingöba jiyök, “Dañön malukuni misiriza?”

³¹ Mewö jiiga gwarekurupñan kewö jiget mörök, “Ambazip kambunöñ ölököba liliköm gihiba goseize. Mi eka denöwö ‘Dañön nömisiriza?’ jizan?”

³² Mewö jigetmö, Jisösnöñ kunbuk “Dañön mi akza?” jiba mi miwikñaimangöra lilingöba uba engehök. ³³ Engehiga ambi silene angöletot asuhuyöhi, yañön mi möta miangöra kenjötni möta jönömñi unduiga kaba Jisösgö wösöñe geba simin köla könañi pakpak jiiga mörök. ³⁴ Jisösnöñ mi möta kewö jii mörök, “Böratni, mötnaripkan mönö mem ölöwak gihiza. Qemjem-mamjenñan mönö qahöwahiga ölop urubönjöññöñ anman.” Mewö.

Jisösnöñ Jairusgö böratñi mem guliyök.

³⁵ Keu mewö jiba kiniga köuluk mirigö keu galömñangö mireyök kunñan welen kaba Jairusgöra jiyök, “Böratki kömuza! Miangöra böhigö qakñe lömböt toroqeba kude alman.”

³⁶ Jiiga Jisösnöñ keu miangö nönöñgan aka köuluk mirigö keu galömñi kewö jii mörök, “Kenjötki kude mötnöñ! Mönö ni möt narim niñginöñ.” ³⁷ Mewö jiba ambazip tosatñi engömosöta Pitö, Jeims aka Jeimsgö munñi Jon miyök enñuanñiri i wuatangöba anget. ³⁸ Anda köuluk mirigö keu galömñangö mire angotketka ambazip kambu göju megetka engehök. Gwötpukñan jingey köla köhöikñanök sahöta amburereñ meget. ³⁹ Engeka mire öngöba kewö jii mötket, “Inini mönö wuanöñgöra göju memba sahötze? Morö mianñon qahö kömuzapmö, gaunök ahöza.”

⁴⁰ Mewö jii mötket gönahit ewö aiga gön köl wañgigetmö, yañön i körek enñuanñigöba morögö iwinamñi aka tosatñi yambuk malgeri, miyök enñuanñiriga morönöñ ahöyöhañgöreñ öngöget. ⁴¹ Öngögetka börat mi böroñe memba yañgöra jiyök, “Talita kum.” Mi nanine keunöñ Ambi moröñi, ni göhöra jizal: Mönö wahötnöñ!

⁴² Mewö jiiga ambi (yara) yambuñi 12 mianñon mönö miangöreñök wahöta kinda anda kayök. Mewö aiga eka kesötnini yöhözömgöba welipköget. ⁴³ Welipkögetka miangö buzupñi kun jiget mötpepukö jiba songo köhöikñi al enñiyök. Al enñiba ambi moröñi numbu nene wañgiget nemapkö jiyök. Mewö.

6

Nazaret yeñön Jisös andö qeget.

Mat 13.53-58; Luk 4.16-30

¹ Mi asuhuiga Jisösnöñ Jairusgö miri gölme mosöriга gwarekurupñan wuatangöba yambuk anda Jisösgö malqarip taonön angotket. ² Sabat kendonöñ kaiga köuluk mire öngöba Buña keu könahiba kusum enñiyök. Kusum enñiiga möta ambazip gwötpukñan auruba welipköba kewö jiget, “Yei, kezapjupjup! Yuai pakpak ki mönö denikeyök möta jiza? Mötkutukutuñi mi mönö dañön kusum wañgiiga jiza? Aka angöletot kukösumñinambuk mewöñi mi mönö dañön inahöi böroñan meiga asuhuze? ³ Azi ki mönö miri kiangö mitimqege azia. Mariagö nahöññi aka Jeims, Josef, Juda aka Saimon yeñgö datñina. Nenurupñan mönö sutnine ki malje.” Nazaret yeñön mewö jigetka uruñinan böliiga miangöreñ qaköget.

⁴ *Qakögetka Jisösnöñ kewö jii mötket, “Kezapqetok azigö sepkitip aka tinitosolomurupñan mönö nanñi taonöñ jijiwilit ak wañgimazemö, miri tosatñi miangöreñ mewö qahö.

⁵ Mewö akerangöra Jisösnöñ kawöl ambazip mohot mohot böroñi qakñine ala mem ölöwak enñiyökmö, angöletot kukösumñinambuk tosatñi memamgö osiyök. ⁶ Mewö ahiga mötnaripñinan qahö asuhuiga yañgiseñinañgöra aka auruyök. Auruba Nazaret mosöta kösutñe miriñi miriñi liliköba Buña keu kusum enñiba malök. Mewö.

Jisösnöñ gwarekurupñi 12 melaim enñiyök.

Mat 10.5-15; Luk 9.1-6

* 6:4: Jon 4.44

⁷ Jisösnöj gwarekurupñi 12 mi engoholi kagetka könahiba yahöt yahöt pakpak melaim engiyök. Melaim engiba ömewöröme közöl engimegö kukösumñi engiyök. ⁸ *Mi engiba kewö jim kutum engiyök, “Köna anmeangöra öröpñini memba anme. Yuai tosatñi kun kude meme. Köna naleme qahö, gösö qahö me soujeni mi irimunganine kude jöhöme. ⁹ Köna esu ölop könañine jöhöba maluku semönñi qahöpmö, mohot meme.” ¹⁰ Mewö jiba kewö jii mötket, “Anda miri denike denike angotmei, mönö miangörenjök mala nup memba taon mi mosöta köna anme. ¹¹ *Anda mala miri kunöj angotketka qahö köl öröm engiba keunini qahö mötketka nesampurekñini mönö kewö jiba kondel engime, ‘Nini engö gölmenöj kainga sölbuham köna tambönine mekötahözawi, mi mönö tim tönjöraringa nanñine lilingöba gema.’ Mewö jigetka könañamñini solanñi möt kutugetka ölop miri me taon mi mosöta toroqeba anme.”

¹² Mewö jiiga mosöta anda ambazip urunini melenmegö Buña keunji jim sehiba malget. ¹³ *Mala öme gwötpuk enguatanjöba kawöl ambazip gwötpuk kelöknöj engömiriba mem ölöwak engiget. Mewö.

Kinj Herodnöj kenjötni mörök.

Mat 14.1-12; Luk 9.7-9

¹⁴ *Jisösgö qetbuñan sehiba kinj Herodkö kezapne gei mörök. Ambazipnöj kewö jiget, “Jon o melun azinöj mönö kömupnöhök wahöta nupñi meiga angöletot kukösumñinambuk asuhumakze.”

¹⁵ Mewö jigetmö, tosatñan kewö jiget, “Mi mönö Elaija (Elia)” Tosatñan toroqeba jiget, “Mi kezapqetok azi walñi yengörenjök kun.”

¹⁶ Mewö jigetmö, kinj Herodnöj mi möta kewö jiyök, “Jon o melun azi nöñon jibi jölñi kutugeri, yanön mönö kömupnöhök wahöta malja.” Waimanjat möta Mewö jiyök.

Jongö jölñi kutugetka kömuyök.

¹⁷ *Mi kewögöra jiyök: Herodnöj munñi Filipkö anömñi Herodias ölon meiga Jon o melun azinöj kinj jim wanjiiga opotöröp melaim engiiga anda Jon memba jöhöba kösö mire al wanjiget. ¹⁸ Jonöj Herodköra keu kewö jiyök: Gi qamböt ki memba mala Köna keu ongitzan.”

¹⁹ Mewö jiiga Herodiasnöj Jon kazik ak wanjiba qeget kömumapkö mörökmö, miangö könañi kun qahö miwikñaiyök. ²⁰ Qahö miwikñaiba Jonöj azi solanñi aka sarakñi töröñi ahöhi, mi möta sel jöhöba kölközizip ak wanjiba Jongöra kenjötni möta malök. Mewö mala Jongö jitneyök keu möröhi, mi urunji kunjugetka keu gwötpüköra uruyahöt ahök. Mi töndup töndup Jongö keunji mötmangö sihim mörök.

²¹ Mewö aiga Herodiasnöj Jon qemangö könañi qahö miwikñaiba maliga miangö nalöñi ölopñi kewö kam kunjuyök: Kingö ahuahu nalöñan kaiga közölömbuan ala jembon aka suahö galömurupñi aka Galili prowinsgö jitmeme bohonñi mi köl öröm, engiiga kaba tatket. ²² Kaba tatketka Herodiasgö boratñan miri miangö urune kangota danis aliga Herod aka yambuk tebol liliköba tatkeri, yenön miangö eksihimñi gwötpuk mötket. Mewö mötketka kinñöj ambi serangöra kewö jiyök, “Böratni! Wani yuaigöra sihimgi mötzani, mi ölop qesinönga tököm gihimam.” ²³ Mewö jiba keu mi jöjopañ keunöj jim köhöiba kewö jii mörök, “Wani yuaigöra qesim ningimani, mi mönö ölop gihimam. Yuai mi me mi me prowins galöm kölakzali, mi tok ölop endenda likepñi kun gihibiga galömñi akñan.”

²⁴ Mewö jii möta yaigep anda namñi kewö qesim wanjiyök, “Namni, ni mönö Kinñöj wani yuaiya ningimapköra qesimam?”

Mewö qesim wanjiiga kewö melenök, “Möno jinönga Jon O-melun azigö jölñi yandi-getka nöropñi memba kaba ningiman.”

* **6:8:** Luk 10.4-11 * **6:11:** Apo 13.51 * **6:13:** Kemb 5.14 * **6:14:** Mat 16.14; Mak 8.28; Luk 9.19 * **6:17:** Luk 3.19-20

²⁵ Mewö melenjiga miangörenjök miri uruñe kiñkiñgöba kiñgörenj öngöba kewö qesiba jiyök, “Kewöni! Nönjön sihimnan kewö mötzal: Gönjön mönö jimkutunönjga Jon O-melun azigö jölñi yandiba nöropñi memba kaba köndenönj algetka mia döldöpki niñgiman.”

²⁶ Mewö jiiga kiñgö uruñan kömbuhiiga wösöbirik mörökmö, jöjöpaj keuñan jöhöi ketaurupñan mi mötketka yeñgö jemesoholjine etpapuköra qequesiñi andö qemamgö möt lömböriba tököyök. ²⁷ Tököba miangörenjök opotöröpñi kun melaiba jiyök, “Gi mönö anda Jongö jölñi yandiba nöropñi memba kaman.” ²⁸ Mewö jiba melaiiga kösö miri gwaröñe anda jölñi yandiba nöropñi memba kaba köndenönj ala ambi seram mi wanjiiga namñi wanjiyök. ²⁹ Jongö gwarekurupñan miangö buzupñi möta anda qamötñi memba qaksirigö köt kötenñönj ala löm kölget. Mewö asuhuyöhangöra kiñ Herodnönj könanjep Jisösgöra jiyök, “Jonönj mönö kömupnöhök guliba wahöta malja.” Mewö.

Jisösnönj azi 5000 nene gumohom enjgiyök.

Mat 14.13-21; Luk 9.10-17; Jon 6.1-14

³⁰ Melai melai azi Aposol yeñön Jisösgörenj kaba tokoba yuai memba ambazip kusum enjgigeri, miangö kösohotñi pakpak jiget mörök. ³¹ Jiget möriaga ambazip totñönj totñönj qösösök kaba anda aketka silenini köñganjiiga nene nemingö nalö qahö ahöyök. Miangöra Jisösnönj gwarekurupñi kewö jii mötket, “Injini mönö kaba gölme kötikñe nan-inök malbingöra anda borom kun luhut meme.” ³² Mewö jiiga enjgömosöta wanjenönj öngöba gölme kötikñi kungen nanñinök malbingöra anget.

³³ Angetka ambazipñönj mi eka gwötpukñan miangö buzupñi möta taon aka miri dop miengörenjök gölme köna kiñkiñgöba mutuk anda miangörenj angotket. ³⁴ *Angotketka Jisösnönj wanjenöhök eta ambazip kambu ketanji engehiga lama galömnini qahö tandök ilingösönj lañ malgetka yeñgöra wösöñi mörök. Wösöñi möta könahiba Buña keu könanji könanji kusum enjgiyök. Mewö.

Jisösnönj azi 5000 nene gumohom enjgiyök.

³⁵ Mewö aka maliga miri jeñan teköba gemamgö ahiga gwarekurupñan Jisösgörenj kaba kewö jiget, “Böhi! Nini gölme kötikñi kianjörenj malinga miri lök söñaumamgö akza.

³⁶ Miangöra gi ölop ambazip ki melaim enjinönjga miri aka koum dowe dowe tat anjei, miangörenj anda numbu nenenini söñgöronji memba neget.

³⁷ Mewö jigetmö, kewö melenja jii mötket, “Enjön mönö nanñinak i nene gumohom enjgime.” Mewö jiiga jiget, “Neñön mönö denöwö akinto? Nup meme nalö 200:kö töwanji (Kina 1000,-) ahöza. Moneñ mia memba anda nene beret söñgöronji memba gumohom enjgibingöra jizan me?”

³⁸ Mewö qesim wanjigetka jiyök, “Nanñine nene beret dawik ahöza? Mi anda eket.” Mewö jiiga gösöñini qeanda jiget, “Beret 5 aka söra yahöt mia memba maljin.”

³⁹ Mewö jigetka Jisösnönj ambazip kambu kewö jim kutum enjgiyök, “Ambazip pakpak, injini mönö denja nene nemingö kambu morömorö tokoba luplup görökñe geba tatket.”

⁴⁰ Mewö jim kutum enjiiga kambuñi kambuñi dowe dowe denja tatket. Kirip tosatñi 100 aka tosatñi 50 mewö mewö tokoba tat anget. ⁴¹ Tat angetka beret 5 aka söra yahöt mi memba Suepnönj ui öngöiga kötuetsköba beret mindipköba gwarekurupñi enjiiga ambazip kirip dop mendenja sutñine alget. Söra yahöt mi mewöyöhök kambu pakpak yeñgöra mendenjök. ⁴² Mendenjiga ambazip körekmakörek memba nem timbirenj aket. ⁴³ Nem timbirenj aka nene kitipñi kitipñi mosötkeri, mi gwarek yeñön qezakögetka sakap 12 miangörenj geba kokolak qeyök. Mewöyök söra kitipñi mi mem kiripköget. Mewö. ⁴⁴ Azi beret negeri, yeñgö jañgöñini mi 5000.

Jisösnönj o anjgö qakñe tiba tiba anök.

Mat 14.22-33; Jon 6.15-21

* **6:34:** Jan 27.17; 1 Kiñ 22.17; 2 Hist 18.16; Eze 34.5; Mat 9.36

⁴⁵ Neget teköiga Jisösnöñ mianğöreñök gwarekurupñi jim kutum engiba kewö jiyök, “İñini mönö wañgenöñ öngöba qeljiñe o aņgö kutuba likepñe Betsaida mire anme. Nöñön ölop nalö sutñe ambazip kambu ki melaim engibagun kamam.” ⁴⁶ Mewö jiba yaizökzök jim engiba engubula kundunje öngöba köuluköyök. ⁴⁷ Köuluköba mali mare ahiga nanñik kötikñi kundunje maliga wañgeninan aņgö bibiñe anök. ⁴⁸ Ani lökuatnöñ qeba qem bibihiba nañgöget aniga luhutnöñ angeraņgöreñök gila kai lömböriiga bömbömgöget. Miri awörañgöiga (3-6 kilok) mianğöreñ Jisösnöñ mewö engeka o aņgö qakñe tiba tiba gwarekurupñi yeñgöreñ Kaba engoņgitmamgö ahök. ⁴⁹ O aņgö qakñe tiba tiba kaiga eka “Köwet Soņgoriñnöñ kaza!” jiba könahiba qeta silatket. ⁵⁰ Qeta silata körek i eka keñgötporiñ aketmö, Jisösnöñ mianğöreñök keukeu jiba kewö jii mötket,

“Alaurupni! Mönö ewebibiñinambuk saitiñgit malme. Nanak kazal. Keñgötñini kude mötme.” ⁵¹ Mewö jiba yeñgöreñ wañgenöñ öngöiga luhutnöñ nöñ qeba göröñ alök. Göröñ aliga jönömñini undui önöñi qahö auruget. ⁵² Mutuk beret mem sehiba gumohom enğiyöhi, mianğö könañi qahö möt asarigetmö, uruñinan gwözöñniga tok auruba tatket. Mewö.

Jisösnöñ Genesaret mala mem ölölowak nup meyök.

Mat 14.34-36

⁵³ O aņgö kutuba likepñe Genesaret mire aņgota wañge mosöta saknöñ geget. ⁵⁴ Wañge mosöta Saknöñ gegetka ambazipnöñ Jisös mianğöreñök möt kutum wañgiget. ⁵⁵ Möt kutum wañgiba keu algetka kiñkiñgöba mindimindiri sel gölmeñine miri dop liliköget. Lilikögetka möta könahiba kawöl ambazip kululunöñ angum engiba Jisösnöñ miri denike malöhañgö dop enğuañgita kaget. ⁵⁶ Miri dop, taon, miri me koum kungö uruñe anöhañgö dop kawöl ambazip enğuañgita sombemñine al enğiget. Al engiba silene me Jisös malukuñangö suñe misiribingö ulet wañgiba malget. Misirigeri, körek yeñön mönö ölöwak teköget. Mewö.

7

Ambösakon yeñön keu kusum sohoget.

Mat 15.1-9

¹ Köna keugö kapañkölköl aka mianğö böhi tosatñi Jerusalem sitinöhök kageri, yeñön Jisösgöreñ kaba tokoget. ² Nalö mianğöreñ Jisösgö gwarekurup tosatñan böröñini kude sañgoñda dom amöt qahö qeba nene negetka engeka uruñini böliyök.

³ Farisi (Köna keugö kapañkölköl) aka Juda ambazip tosatñi pakpak yeñön ambösakon yeñgö silikñini wuatangöba malget. Mianğöra böröñini mutuk sañgoñ soroköbagun nene nemalget. ⁴ Mewöyök nupnöñök me maketnöñök kamei, mutuk o utuba arim tönjoratagan nene misimalget. Mewöyök kiwi qambi, közökimbut aka jout pakpak mi sañgoñda amöt qemalget. Silik mewöñi mewöñi mi gwötpuk wuatangöba malget.

⁵ Mianğöra Köna keugö kapañkölköl aka mianğö böhi yeñön Jisös kewö qesim wañgiget, “Göhö gwarekurupkan wuanöngöra ambösakoninañgö silikñini qahö wuatangöba böröñini domamöt qahö qeba töndup nene neze.”

⁶* Mewö qesim wañgigetka kewö jii mötket, “O urumelenğö silesile ambazip, kezapqetok azi Aisaianöñ mönö enğö könañamñini törörök indela Buzup Kimbi kun kewö ohoi ahöza,

‘Ambazip kambu kianñön mönö numbu jitñinan ölopñanök göda qem niñgimakzemö, uruñinan nöñöñgan ak niñgiba kungen algetka köröwen ahöza.

⁷ Mewö ahöiga nöñgö waikni öne töhön memba möpöseim niñgimakze.

Köna keu kusum enğibin, jiba salupñe ambazip yeñgö jimkutukutuñini mi numbu o alakze.’

* 7:6: Ais 29.13

⁸ Aisaianön mewö ohoyök. Inini mönö miangö dop Anutugören jöjöpan keu andö qeba ambösakonñinanngö silikñi wuatangömakze. Mi qahö dop kölja.”

⁹ Mewö jiba kewö jiyök, “Nanñini silikñini walñi wuatangöbingöra mönö ölöpnanök Anutugören jöjöpan keu qeapkömakze. ¹⁰ *Miangö keuñi kun kewö: Mosesnön kewö jim kutuyök, ‘Iwinamgi mönö göda qem etkimakñan,’ aiga ‘Kunñan iwinji me namñi qesuahömawi, i mönö qegetka kömuma.’ ¹¹ Mewö jim kutuyökmö, inini keu mi ongita kewö jimakze, ‘Kunñan iwinamñi yetköra kewö jima. Wösöni mötzal. Nöngö nangönanngö yuaini buña qem anjubahorak, mi lök Anutugö danje tahaya albi ahöza. Mi saiwap naluköra kewöta albi ahöza. ¹² Kunñan mewö jiiga dop kölma.’ Mewö jiba jöhöm wanngigetka iwinamñi yetköra baukbauk kun qahö toroqeba etkimakña. Mi qahö dop kölja. ¹³ Yei! Mewö aka nanñini ahakmemenñinanngö silikñini jim kutuba mianjön Anutugören jöjöpan keu utala omanji aka pömsöm qemakza. Inini yuai mewöñi gwötpuk ahakze.” Mewö melej enjyök. Mewö.

Azi uru mi denöwö tölohoba lantiza?

Mat 15.10-20

¹⁴ Jisösnön ambazip kambu kunbuk engoholi kagetka kewö jii mötket, “Inini mönö körek keu ki kezap ala möt asarime. ¹⁵ Azi yaigepneyök yuai uruñe gemakzawi, mianjön mönö tölohöm wanngimangö osimakzadmö, nanñi urukönömneyök keu kota erakzawi, mianjön mönö tölohöm wanngimakza. ¹⁶ Kunñan kezapñambuk malja ewö, yanjön mönö keu ki kezap ala möt kutuma.” Mewö.

¹⁷ Jisösnön mewö jiba ambazip kambu engömosöta anda miri kunön öngöyök. Öngöba tariga gwarekurupñan dopkeu miangö könanangöra qesiget. ¹⁸ Qesigetka kewö jii mötket, “O alaurupni, inini mewöyök mötmötñini ölöpnji qahö akze me? Nene yuai azi yaigepneyök uruñe gemakzawi, mi tölohöm wanngimangö osimakza. Mi möt kutuze me qahö? ¹⁹ Mi urukönömñe qahö gemakzadmö, kömgokñe geba yaigep erakza.” Jisösnön keu mewö jiba mianjön “Numbu nene pakpak mem sarahim teköyök.”

²⁰ Jisösnön toroqeba kewö jiyök, “Azi urukönömneyök keu kota erakzawi, mianjön mönö tölohöm wanngimakza. ²¹ Ambazip uru könömñineyök yuai kewöñi asuhuba korakza: Keu bölöñi mötmöröba serowilin akingö mörakze. Yongorö memba suna jinan memba ambazip enguget kömumegö mörakze. ²² Qesabulum akingö mörakze. Membagu memböngö nepaqepalok köpösöngömakze. Bidaña gatmisimisi, jiliwitiñ aka isimkakalek akingö mörakze. Lösö jiba urupik akingö mörakze. Kezapjupjup aka körogisigisi akingö mörakze. Söngöröqök mala andöqeqe keu yöhösan jiba Anutu mepaiköbingö mörakze. Jakbak-öranjöran aka uruqahö ahakze. ²³ Yuai bölöñi pakpak mianjön mönö ambazip uru könömñineyök kota ambazip tölohöm enngimakza.” Mewö.

Kenan ambi kunñan kapan köla köuluköyök.

Mat 15.21-28

²⁴ Jisösnön wahöta Genesaret gölme mosöta siti qetñiri Taiö aka Saidon mietkö distrik qetñi Fonisia miangö uruñe anök. Anda miri kunön öngöba buzupñi kunñan mötpapuköra numbuñini muhungöyökmö, töndup tölapñe malmangö osiyök. ²⁵ Osiiga miangörenök ambi kun böratñi moröñan ömenambuk maliga Jisösgö buzupñi möta yanjören kaba könanje geba simin kölök. ²⁶ Ambi mi Judaya qahöpmö, Grik keu jiba malök. Iwinamñan Siria prowinsgö Fonisiagöra. Yanjön böratñanngö uruñeyök öme közölmakpöra ulet wanngiyök. ²⁷ Ulet wanngiiga kewö jii mörök, “Juda nini mutuk nanine nahönböraturni gumohom enngiinga bikñi ennguma. Miangöra morö yengö miriñineyök beret memba kiam enngiinga qahö dop kölmapuk. Juda nini kianurup engö qetñini kiam qerakzin. Nöñön mutuk Juda ambazip bauköm enngibiga kantri tosatñi enjön mönö kiamgö dop mamböta malme.”

* **7:10:** Eks 20.12; 21.17; Lew 20.9; Dut 5.16

²⁸ Mewö jii möta kewö melenök, “Kembu, mi ölop mötzalmö, kiam moröni yenön mönö mewöyök morö yengören nene boromni tebol bapne eriga nemakze.”

²⁹ Mewö meleniga Jisösnöni kewö jii mörök, “Keu mewö jizanağöra ölop möt gihizal. Öme mianön mönö dölki börtatki mosöta anja. Mianğöra ölop anman.”

³⁰ Mewö jii möta mirine ani ömenöni börtatni mosöriğa dumne ahöiga ehök. Mewö.

Jisösnöni azi kun möhamgöyök.

³¹ Jisösnöni kunbuk Taiö siti gölme mosöta Saidon sitinöni anda onğita mösököba Tentaon gölmeğö bibini onğita Galiligö o anğö kösutne kayök. ³² Kaiga kezapduhup azi kun keuni qahöwaktapköra ahöhi, mi wanğita Jisösgören kaget. Kaba böröni nöropne almapköra qesim wanğiget. ³³ Qesim wanğigetka azi mi wanğita ambazip kambu mosöta kungen anohot. Anda Jisösnöni börö suapni kezapne ala kinda kunbuk nanıi börö suapne söutköba nesilamne misiriyök. ³⁴ Misiriba suepnöni ui onğöiga osongombuk köuluköba nanne keunöni “Efata,” nanine keunöni Tohonöni! mewö jiyök.

³⁵ Mewö jiiga kezapyahötñan tohoyohotka nesilamnan lolohoiga keuni ölopñanök jiyök. ³⁶ Jiiga Jisösnöni mianğö buzupni ambazip jiget mötpeuköra qetal enğiyök. Qetal enğiba kapan köliga yenön mi kapan köla jim sehiba malget. ³⁷ Jim sehiba malgetka ambazipnöni kamböni welipköba kewö jiget, “Yuai pampak ölopñanök ahakza. Kezapduhup kezapni metohoiga mötketka ambazip mötökni yengö nesilamni pösariga keu jimakze.” Mewö.

8

Jisösnöni ambazip 4000 nene gumohom enğiyök.

Mat 15.32-39

¹ Nalö mianğören ambazip kambu ketanan dumne kunbuk tokoget. Nenenini qahö malgeranğöra Jisösnöni gwarekurupni enğoholi yangören kagetka kewö jii mötket, ² “Nönön ambazip kambu kiengöra wösöni mötzal. Yenön nöngören kaba wehön karöbut lök mala kotketka nenenini qahöwahiga ekzal. ³ Yengörenök tosatnan köröwenök kaba malgetka nöñön ‘Ölop mirinine anme,’ jibi nene qahö negetka öne melaim enğibiga könanöni anda mala kemañe jeni gili tirinbirin akepu.”

⁴ Mewö jiiga gwarekurupnan melenğa kewö jiget mörök. “Gölme qararanğölkölne kianğören kunñan mönö denikeyöhök numbu nene mewöni mi mönö miwikñaiba kambu ki gumohom enğibawak?”

⁵ Mewö möta kewö qesim enğiyök, “Enğören beret dawik ahöza?” Qesim enğiiga “Beret 7 ahöza,” jiget.

⁶ Jigetka Jisösnöni ambazip kambu mi gölmenöni geba tatmegöra jim kutum enğiiga geba tatket. Geba tatketka beret 7 mi memba Anutugö saiwap jiba mindipköba gwarekurupni enğiba ambazip kambu dop sutñine almegöra jiyök. Mewö jiiga mianğö dop alget. ⁷ Yengören söra möromö tosatni mewöyök ahöyök. Mi tok memba kötuettköba ambazip kambu dop sutñine toto gem enğimegöra jim kutuyök. ⁸ Jim kutuiga enğiget memba nem timbirengöget. Nem timbirengöba nene kitipni mosötket geyöhi, mi sakap 7 mianğören qezakögetka numbu qeyök. ⁹ Azi nene negeri, yengö janğöni mi 4000. Negetka melaim enğiiga mirinine anget. Mewö.

Böhi tosatnan anğöletot ekingöra kapan kölget.

Mat 16.1-4

¹⁰ Angetka mianğörenök gwarekurupni yembuk wanğenöni onğöba distrik qetni Dalmanuta mianğören anget. ¹¹ *Farisi (Köna keugö kapanğölköl) tosatnan mianğören kaba Jisösbuk könahiba jitnakölik aket. Keu bötaknöni örömapköra esapköm wanğiba kewö kapan

* 8:11: Mat 12.38; Luk 11.16

köla qesiget, “Mönö jinönga Suepnöhök anğöletot kun asuhuiga ekin.” ¹² *Mewö jigetka uruñan lömböriiga osonğombuk qeiga jiyök, “O ambazip nalö kewöñe gölmenöñ maljei, inini mönö wuanöngöra Anutugö aiwesök asuhumapköra kapan kölakze? Nöñön keu ölni kun kewö jibi mötme: Anutunöñ aiwesök mewöñi mi qahö memba kondel engima. Ombañ saumbañ!”

¹³ Mewö jiba engömosöta kunbuk gwarekurupñi yembuk wañgenöñ öngöba anğö kutuba likepñe anğotket. Mewö.

Farisi aka Herod yeñön wösökömbuk ewö akze.

Mat 16.5-12

¹⁴ Miangöreñ anğota semön membingö ölum enğuiga beret mohot-töp mia wañgenöñ memba tatket. ¹⁵ *Tatketka Jisösnöñ kewö jim kutum enğiyök, “Inini Köna keugö kapankölköl (Farisi) yeñgö wösökömbukñini aka Herodkö gipmi kakñi mietköra mönö galömnini meme. Mi ölöpñanök qahö kewöta andö qegetka mietkön mönö yist ewö qariba mem bölim enğimahot.”

¹⁶ Jiiga keu pasetñi mi qahö möt asariba sutñine kewö eraum mötket. “Beretnini qahöpköra jiza me denöwö?”

¹⁷ Mi eraum mötket kezapñe geiga kewö jii mötket, “Wuanöngöra beretnini qahö jiba eraum mötze? Nöñgö könañamni mi wuanöngöra qahö möt kutuze? Mi tok qahö möt asarize me? Urukezapñinan gwözöñda tatza me? ¹⁸ *Jeñini ahözapmö, töndup qahö ek kutuze me? Kezapñini ahözapmö, töndup qahö möt asarize me? Yuai asuhuyöhi, mi ölum enğuza me qahö? ¹⁹ Nöñön beret 5 mi 5000 yeñgöra mindipköbiga miangö kitipñi qezakögetka könde dawiknöñ geba numbuñine qeyök?” Qesim enğuiga “Könde 12,” jiget.

²⁰ Jigetka toroqeyök, “Nöñön beret 7 mi 4000 yeñgöra mindipköbiga miangö kitipñi qezakögetka sakap dawiknöñ geba kokolak qeyök?” Qesim enğuiga sakap 7 jiget.”

²¹ Jigetka jii mötket, “Miangöra könañamni mi mönö tok qahö möt asarize me?” Mewö

Jegömöl azi kun jeñi metohoyök.

²² Jisösnöñ gwarekurupñi yembuk Betsaida taonöñ kaget. Miangöreñ kaba jegömöl azi kun wañgita Jisösgöreñ kañgota böröñan misirimapkö köuluköm wañgiget. ²³ Köuluköm wañgigetka jegömöl azi mi böröñe memba wañgita miri yaigepñe anohot. Anda söutnezit jeñe ala böröñi nöropñe ala qesim wañgiyök, “Yuai kun ekzan me qahö?”

²⁴ Qesim wañgiiga jeñi ui öngöiga jiyök, “Ambazip engekzalmö, mi ip tandöktandök aketka imutimutñanök engekiga anda kaba kinje.”

²⁵ Mewö jiiga kunbuk böröñan jeyahötni misiriiga tohoyohotka törörök uiga asarim sölölöngöiga yuai pakpak ölöpñanök ek teköyök. ²⁶ Ek teköiga melaim wañgiba kewö jii mörök, “Gi miri kungen kude anmanmö, diñdiñanök nangi mirige anman.” Mewö.

Pitönöñ Jisösgö könañi jim miwikñaiyök.

Mat 16.13-20; Luk 9.18-21

²⁷ Jisösnöñ Betsaida mosöta gwarekurupñi yembuk Sisarea Filipai taongö kösutñe anget. Könanöñ anda gwarekurupñi kewö qesim enğiyök, “Ambazipnöñ nöngöra denöwö jimakze? Ni ninia akzal?”

²⁸ *Jiiga melenđa kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yeñgöreñök kun akzan.’

²⁹ *Mewö jigetka kewö qesim enğiyök, “Aka nanñinak nöngöra denöwö jize? Ni ninia akzal?” Qesim enğuiga Pitönöñ kewö melenñök, “Gi Anutugöreñ Amötqeqe Toñi Kraist akzan.”

* **8:12:** Mat 12.39; Luk 11.29 * **8:15:** Luk 12.1 * **8:18:** Jer 5.21; Eze 12.2; Mak 4.12 * **8:28:** Mak 6.14-15; Luk 9.7-8 * **8:29:** Jon 6.68-69

³⁰ Mewö jiiga könañi aukñe jiget kunñan mötpapuköra soñgo köhöikñi al enñgiyök.

Jisösnöñ kömumangö keuñi jiyök.

Mat 16.21-28; Luk 9.22-27

³¹ Jisösnöñ gwarekurupñi könahiba kewö kusum enñgiyök, “Suep gölmegö azi ölnan mönö sihimbölö gwötpuk mötma. Kantrigö jitmeme, jike nup galöm aka Köna keugö böhi yeñon mönö andö qeba qegetka kömuma. Kömui wehön karöbut teköiga kömupnöhök wahötma.” ³² Jisösnöñ keu mi qahö köyatiba aukñe jiiga Pitönöñ miangörenök öröm wañgiba gorañe anda könahiba qetal wañgiyök. ³³ Qetal wañgiiga lilingöba gwarekurupñi uba engeka Pitö qetala kewö jim wañgiyök, “Gi keu mötmörizani, mi Anutugören keuya qahöpmö, gölme ambazip aka Satangö sihima. Miangöra Satan, gi mönö döki nöngö jemesoholneyök kesalnöñ.” Mewö.

Kraist wuatangöbingö söngöröñi.

³⁴ *Jisösnöñ ambazip kambu aka gwarekurupñi enñgoholi kagetka keu kewö jii mötket, “Kunñan nöngö andöne kamangö mötzawi, yañon mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawangö dop mökösoñda ni nuatangöba kama. ³⁵ *Kunñan malmalñi nanñangöra anñon köla nanñi imbi-imbi maljawi, yañon mönö malmalñi ölni jöhöi sohoma. Sohomapmö, kunöñ gölmegö malmalñi mi ni aka nöngö Ölöwak Buñanangöra aka kölenña tököm niñgimawi, yañon mönö malmal ölnangö könañi miwikñaiba köhöiba malma. ³⁶ Kunñan gölmenñi gölmenñi miengö öryuainñi pakpak köl öroi buñanñi an teköiga uruñangö malmalñi mem sohoba silebile mala kömuiga Anutunöñ keuñi jim teköiga uñanñan ayuhuiga qahö dop kölma. Sukinapñi miangön mönö urusösöngai qahö ak wañgima. Qahöpmahöp! ³⁷ Körek neñon mönö bohonini jöhöbingö osibin. ³⁸ Ambazip kambuñi kambuñi nalö kewöñe gölmenöñ qesabulum aka siñgisöndok tosatñi aka malakze. Kunñan yeñgö sutñine nöngö qetni aka Buña keuni memba et aljawi, mi Suep gölmegö azi ölnan mewöyök ehöröñ kölma. Yañon könañgep Suep garata töröñi yembuk ki etiketka Iwiñangö asakmararañi eka aurugetka yañon azi me ambi mewöñi mönö ehöröñ köl wañgima.” Mewö.

9

¹ Mewö jiba kewö jii mötket, “Nöñon keu ölni kun kewö jibi mötme: Kiangören kinjei, enñgö sutñineyök tosatñan Anutunöñ bemtohoñi kuñguiga kukösumñan asuhumawi, mi ek kutume. Jebuk mala kömupkö sihimbölöñi qahö mötketka asuhum tiñgiriga ekñe.” Mewö.

Jisösgö sileñe letotqetot ahök.

Mat 17.1-13; Luk 9.28-36

² *Wehön 6 teköiga Jisösnöñ Pitö, Jeims aka Jon enñgungita ambazip enñgömosöta nanñinök kundunñi köröpñi kunöñ öngöba kötikñe malget. Miangören malgetka jemesoholñine kiniga Jisösgö sile tandökñan letota murutñi ahök. ³ Malukuñan tuat lalamñi asakmararañambuk ahök. Gölmenöñ opo tuatñi saipenöñ (omo bliz) sañgonmakzei, mönö mi onñgita tuariyök. ⁴ Mewö aiga Elaija aka Moses yetköñ asuhum enñgiba Jisösbuk keukeu jiget. ⁵ Jigetka Pitönöñ könahiba keu jiba Jisösgöra kewö jiyök, “Ketanamnini! Neñon kiangören uruölöwak mötzin. Miangöra neñon ölop koum karöbut qebin: Göhö kun, Mosesgö kun aka Elaijagö kun.” ⁶ Gwarek yeñon jönömñini gwötpuk unduiga Pitönöñ “Denöwö jimam,” jiba keu jaruyök.

⁷ *Keu jaruba kiniga unuñunuj tuat lalamñi asakmararañambuk kunöñ eta aumñan esuhum enñgiiga miangö uruñeyök qet kun kewö eriga mötket, “Azi ki nani wölböt nahöna

* **8:34:** Mat 10.38; Luk 14.27 * **8:35:** Mat 10.39; Luk 17.33; Jon 12.25 * **9:2:** 2 Pitö 1.17-18 * **9:7:** Mat 3.17; Mak 1.11; Luk 3.22

akza. Mönö yangö keunji möta malme.”⁸ Keu mi möta könöpkuk lilingöm purik um jaruba tosatni kunbuk qahö etkeketka Jisösnöj nanjök yembuk kinök. Mewö.

Jon O-melun azi mi Elaijagö salupni akza.

⁹ Kunduneyök etketka Jisösnöj sörokni miangörej kewö jim kutum engiyök, “Inini yuai ekzei, miangö buzupni mi mönö ambazip kun kude jiget mötme. Suep gölmegö azi öljan kömupnöhök wahöriga miangö andöje mi ölop jim asariba malme.”

¹⁰ Mewö jim kutum engiiga gwarekurupni karöbut yejön keu mi urunine angön köla “kömupnöhök wahötwahötkö” könanji mi nanjini qesim anguba eraum mötket. ¹¹ *Eraum möta Jisös kewö qesim wangiget, “Köna keugö böhi yejön mönö keu kewö jimakze, ‘Kezapqetok azi Elaijanöj mönö Suepnöhök mutuk eta asuhuma.”

¹² Qesim wangigetka melenja kewö jiyök, “Elaijanöj mutuk eta asuhuba malmal pakpak möhamgöma. Keu mi ölja akzapmö, keu kun ki mönö wuanöngöra ohoget ahöza: Suep gölmegö azi öljan mönö sihimbölö gwötpuk möriga jijiwilit ak wangime.” ¹³ Keu yahöt mi ahözahotmö, nöjön kewö jibi mötme: Elaijanöj lök eta asuhuyökmö, yangöra Buja keu ohoget ahözawangö dop ambazipnöj i nanjini sihimjini wuatangöba lan ak wangiget.” Mewö.

Jisösnöj öme wuatangöi morönöj ölöwahök.

Mat 17.14-21; Luk 9.37-43

¹⁴ Jisös aka gwarek karöbut yejön kunduneyök eta gwarekurupni tosatni yangören kaba yuai kewö eket: Köna keugö böhi tosatjan kinda yembuk jitnakölik aka goranora keu jigetka ambazip jesöngöjan liliköba engeka kinget. ¹⁵ Mewö kinda ambazip kambu pakpak yejön Jisös eka miangörejök auruba kinjingöba kösutje anda jölöj jiget. ¹⁶ Jölöj jigetka kewö qesim engiyök, “Inini wanatköra yembuk jitnakölik aka goranora keu jize?”

¹⁷ Qesim engiiga kambuneyök azi kunöj melenja kewö jii mörök, “Böhi! Nöngö nahöni ömenöj numbuji muhungöba töjöt mem wanggiiga wangita göhörej kazal. ¹⁸ Mi miangörej me miangörej memba mendawöla öröm giliga eta qeba numbuneyök qölqöl söutsöt eriga irimji yöhözömgöba silenjan sölöpkömakza. Mewö ahiga kaba göhö gwarekurupki ulet engiba öme mi wuatangömegö jizalmö, yejön osize.”

¹⁹ Mewö jiiga melenj wangiba jiyök, “Gölmegö yangisenj ambazip yei! Mönö nalö dawik embuk mala qatön engubiga Anutu qahö möt narigetka sihimbölö mötmam. I mönö wangita nöngörej kaget.

²⁰ Mewö jiiga wangita yangören kaget. Kagetka ömenöj Jisös eka miangörejök morö utuköba urepköm wanggiiga wölöhariba tala gölmenöj qeba poranjpora mitiba semben auba ahöiga numbuneyök qölqöl söutsöt kota erök. ²¹ Jisösnöj mi eka iwinji kewö qesim wangiyök, “Nalö dawikö dop yuai ki lök asuhum wanggiiga kotza?” Qesim wanggiiga jiyök, “Mi lök morörökneyök asuhum wangiyök.

²² Mi mem bölim wangimangöra nalö tosatje könöpnöj, nalö tosatje onöj metal wanggiiga nalö gwötpuk geba qebayök kinahakza. Mewömö, miangö kukösumni kun göhörej ahöza ewö, mönö ak kömumba bauküm netkiman.”

²³ Mewö jiiga jiyök, “‘Kukösumni göhörej ahöza ewö,’ jizan. Anutugö kukösumjan mönö yuai kungöra qahö qakömakza. Anutu möt narizawanön mönö yuai pakpak ölop ahakja.”

²⁴ Mewö jiiga iwinjan miangörejök qeta jiyök, “Anutu möt narizalmö, mötnaripnan lölöwöröni akza. Mötnaripni mönö mem köhöiman.”

²⁵ Jiiga ambazip jesöngöjan ösumjanan kaba kingetka eka miangöra öme mi kewö jim wangiyök, “Gi töjöt aka kezapduhupkö ömeni, nöjön jim kutum gihizal: Gi mönö azi ki mosöta kota anda kunbuk kude lilingöba kaman.”

* 9:11: Mal 4.5; Mat 11.14

²⁶ Jim wanjiiga qeta silata morö mi utuköba könöpuk urepköm wanji wölöhariiga utala kota anök. Kota aniga qeba qamöt tandök aka ahöiga gwötpukñan mi eka “Wösöñi alja!” jiget. ²⁷ Mewö jigetmö, Jisösnöñ böröñe memba köbibiiga wahöta kinök.

²⁸ Mewö kiniga Jisösnöñ miri uruñe öngöiga gwarekurupñan nanñinök tata kewö qesim wanjiget, “Neñön mönö wuanöñgöra mi naninök wuatangöbingö osizin?”

²⁹ Qesim wanjigetka kewö jii mötket, “Öme tandökñi mewöñi mi mönö köuluköba nene sinji mala wuatangöbin. Yuai murutñi kun ahinga qahö kota anma.” Mewö.

Jisösnöñ kömumangö Buñani jiiga yahöt ahök.

Mat 17.22-23; Luk 9.43b-45

³⁰ Jisösnöñ gwarekurupñi yembuk miri gölme mi mosöta anda Galili prowins uruñe liliköba denike malgeri, mi kunñan mötmapkö tököyök. ³¹ Mia tököba gwarekurupñi kusum engimangöra ölöñ anget. Könanöñ anda keu kötni kewö jii mötket, “Anutunöñ Suep gölmegö azi ölni mi gölme ambazip yengö böröñine al wanji gema. Geiga i qegetka kömuma. I qeget kömui wehön karöbut teköiga miangöreñ mönö kömupñöhök wahötma.”

³² Keu kötni mewö jii mötketmö, mi qahö möt kutuget aka könanñi denöwö, mi qesibingö kölköldömdöm aket. Mewö.

Gwarek sutñine danön mutukñi akza?

Mat 18.1-5; Luk 9.46-48

³³ Mewö anda Kaperneam taonöñ kanjotket. Miangöreñ kangota nanñi miri uruñe öngöba gwarekurupñi kewö qesim engiyök, “Inñi Könanöñ kaba wani keuya eraum mötze?”

³⁴ *Yeñön könanöñ kaba ‘Danön öngöngöñi akza’ mia nanñinök eraum möta kaget. Miangöra qesim enjiiga keu böc tatket. ³⁵ *Keu böc tatketka Jisösnöñ geba tata gwarekurupñi 12 engoholi kagetka kewö jii mötket, “Kunñan mutukñi malmangö mötza ewö, yanön mönö körek engö nembö bapñine eta qöndökñi aka tosatñi pakpak welen qem engimakña.” ³⁶ Mewö jiba namande moröñi kun memba sutñine ali kinök. Kiniga böröñan memba tambuñe ala kewö jii mötket, ³⁷ * “Kunñan namande kewöñi kun nöngö qetne miriñe köl öröba köyan kölmawi, yanön mönö ni köl öröm niñgima. Kunñan mewö ak niñgizawi, yanön niyök qahöpmö, danön melaim niñgiyöhi, mönö i mewöyök köl öröm wanjiima.” Mewö.

Jisösnöñ gwarekurupñi mindiñgöm engiyök.

Luk 9.49-50

³⁸ Jonöñ Jisös kewö jii mörök, “Böhi! Nini azi kun neñgö andönine qahö kayöhi, yanön göhö qetnöñ ömewöröme közöl enjiiga ehin. Yanön nembuk qahö liliköba maljawangöra nini i qetal wanjiin.”

³⁹ Mewö jiiga Jisösnöñ jiyök, “I kude qetal wanjime. Kunñan nöngö qetni qeta angöletot mezawi, yanön mönö miangö andöñe nöngö andöqeke keu awamñanök jimangö osima.

⁴⁰ *Kunñan qahö qetal neñgimazawi, yanön mönö neñgö areñnöñ malja. (Miangöra nöngö alaurupni tosatñi mi kude qetala angösirip meme.) ⁴¹ *I mönö nanñöm enjigetka Anutunöñ töwanini enjima. Kunñan Kraistkö qetne yanö buñani akzeangöra aka o qambi nemegö enjimawi, Anutunöñ mönö miangö töwanñi melenña wanjiima. Nöñön keu ölni kun kewö jibi mötme: Nanñöm enjime, mienñön mönö töwa meme.” Mewö.

Sinjisöndökö kölgrom mönö qetal enjime.

Mat 18.6-9; Luk 17.1-2

* 9:34: Luk 22.24 * 9:35: Mat 20.26-27; 23.11; Mak 10.43-44; Luk 22.26 * 9:37: Mat 10.40; Luk 10.16; Jon 13.20 * 9:40: Mat 12.30; Luk 11.23 * 9:41: Mat 10.42

⁴² Jisösnöŋ keu kewö jiyök, “Morö kewöŋi möt narim niŋgizei, kunŋan yeŋgöreŋök kun kölgorom ak waŋgiiga siŋgisöndok akŋawi, azi mianöŋ mönö lömböt öŋgöŋgöŋi miwikŋaima. Anutunöŋ lömböt mianöŋö likepŋi denöwö waŋgiiga dopŋe akawak? Kemuŋ jamönŋiŋ jölŋe jöhöba köwet röndumnöŋ gilget mulungöi gebawak, mianöŋ mönö awamŋi ahum waŋgi tandök akawak. ⁴³ *Mianöŋö böroŋan siŋgisöndok akŋangö kölgorom ak gihima ewö, mönö yandim gilman. Yandim gilagun börotak mala malmal köhöikŋi miwikŋaiba oyaenŋkoyaen akŋanmö, böro yahötpuk mala könaŋep könöp sianöŋ gebanbuk. Sia könöpŋi mi nalö kunöŋ qahö bököma. ⁴⁴ Mianöŋöŋ ‘Döhöŋini enöghöm pilikuta mala qahö kömume aiga könöpŋinan nalö kunöŋ kude bököma.’

⁴⁵ Mewöyök könaŋan siŋgisöndok akŋangö kölgorom ak gihima ewö, mönö yandim gilman. Yandim gilagun könatohot mala malmal köhöikŋi miwikŋaiba oyaenŋkoyaen akŋanmö, köna yahötpuk malnöŋga könöp sianöŋ gil gihigetka gebanbuk. ⁴⁶ Mianöŋöŋ ‘Döhöŋini enöghöm pilikuta mala qahö kömume aiga könöpŋinan nalö kunöŋ kude bököma.’

⁴⁷ *Mewöŋanök jegan siŋgisöndok akŋangö kölgorom ak gihima ewö, mönö qözöla gilman. Qözöla gilagun je-ilik mala Anutugö bemtohoŋnöŋ aŋgota oyaenŋkoyaen akŋanmö, je yahötpuk malnöŋga könöp sianöŋ gil gihigetka gebanbuk. ⁴⁸ *Mianöŋöŋ ‘Döhöŋini enöghöm pilikuta mala qahö kömume aiga könöpŋinan nalö kunöŋ kude bököma.’

⁴⁹ Könöp sia mianöŋöŋ ambazip körek mi howe sihi kölköl ewö könöpŋnöŋ enöghogetka sihimbölöŋi mötme.

⁵⁰ *Howe mi ölöŋŋi akzapmö, howegö sihimŋi mosötma ewö, mi mönö denöwö möhamögetka nahömŋi kunbuk ahubawak? Inini mewöŋanök urumohot malmalgö nahömŋi mosötpepuk. Mianöŋöŋ Suep howeŋini mosötpepuköra mönö galömŋini memba sutŋine luai qem aŋguba malme.” Mewö.

10

Awanöm aŋgömosötmosötkö keuŋi

Mat 19.1-12; Luk 16.18

¹ Jisösnöŋ wahöta Kaperneam miri mosöta Jordan o kutuba likepŋe anda mötöteiba eta kunbuk o mi kutuba Judia prowinsnöŋ kayök. Kaiga ambazip kambulelembenöŋ kunbuk yaŋgöreŋ tokogetka akmalöhi, mianöŋö dop kunbuk kusum enöghiyök.

² Kusum enöghiyöga Farisi (Köna keugö kapaŋkölköl) tosatŋan yaŋgöreŋ kaba keugö bötaknöŋ örömapkö esapköm waŋgiba kewö qesim waŋgiget, “Azinöŋ anömŋi mosötmawi, mewö mianöŋö Köna keu onöghitma me qahö?”

³ Qesim waŋgigetka melenŋa kewö jii mötket, “Mosesnöŋ mianöŋö keuŋi denöwö jim kutum enöghiyöga ahöza?”

⁴ *Mewö jii möta kewö jiget, “Azinöŋ aŋgömosötmosöt papia ohoba anömŋi ölöŋ mosötma. Mosesnöŋ mewö jim kutui ahöza.”

⁵ Mewö jigetka kewö jim enöghiyök, “Yaŋöŋ mönö uruköhöikŋinanöŋöra aka jimkutukutu mewö ohom enöghiyök. ⁶ *Ohom enöghiyökmö, Anutunöŋ könakönahine yuai pakpak miwikŋaiyöhi, nalö mianöŋöŋök ‘Azi aka ambi malmegöra miwikŋaim enöghiyök.’ ⁷ *Mianöŋöŋ aŋzinöŋ mönö iwinamŋi etkömosöta anömŋanöŋöŋ anda qekötahöiga ⁸ yetköŋ sile mohot aka malmahot. Mewö aka toroqeba yahöt qahö akzahotmö, sile mohot aka malmahot. ⁹ Anutunöŋ azi aka ambi mindirim etküyöhi, ambazip kunŋan mönö i kude menden etkima.”

¹⁰ Jisösnöŋ mewö jiba miri uruŋe öŋgöiga gwarekurupŋan keu mianöŋöra kunbuk qesim waŋgiget. ¹¹ *Qesim waŋgigetka kewö jii mötket, “Azi kunöŋ anömŋi wuatöŋöba ambi

* **9:43:** Mat 5.30 * **9:47:** Mat 5.29 * **9:48:** Ais 66.24 * **9:50:** Mat 5.13; Luk 14.34-35 * **10:4:** Dut 24.1-4; Mat 5.31 * **10:6:** Jen 1.27; 5.2 * **10:7:** Jen 2.24 * **10:11:** Mat 5.32; 1 Kor 7.10-11

kun memawi, yañon mönö qesabulum sero yoñgorö akña. ¹² Mewöyök ambi kunöñ apñi wuatangöba azi kun memawi, yañon mönö qesabulum sero yoñgorö akña.” Mewö.

Jisösnöñ nahönbörat kötuatköm engiyök.

Mat 19.13-15; Luk 18.15-17

¹³ Ambazip tosatñan nahönbörat morömorö enguangita Jisösnöñ engömisirimapköra yañgöreñ kagetmö, gwarek yeñon ambazip mi jim qetal engiget. ¹⁴ Mewö aketmö, Jisösnöñ mi eka uruñi böliiga kewö jii mötket, “Nahönbörat moröñi mönö engömosötketka nöñgöreñ kame. Anutunöñ ambazip mewö mia bemtohoñi buña qem engima. Miangöra i kude jöhöm engime. ¹⁵ *Nöñon keu ölni kun kewö jibi mötme, “Kunñan Anutugö bemtohoñi mi nahönbörat ewö buña qahö qem angumawi, yañon mönö miangö uruñe angotmamgö osima. ¹⁶ Mewö jiba tambuñe ala dohongöm engiba böröñi nöropñine ala kötuatköm engiyök. Mewö.

Jisösnöñ azi pomñi kungö qambañ keu jiyök.

Mat 19.16-30; Luk 18.18-30

¹⁷ Jisösnöñ könahiba köna anmamgö ahiga azi kunöñ ösumñan yañgöreñ kayök. Kaba wösöñe geba simin köla kewö qesim wañgiyök, “Böhi ölöpnji, nöñon mönö denöwö aka malmal köhöikñañgö buña qem angubilenak?”

¹⁸ Qesim wañgiiga kewö jii mörök, “Nöñgöra ‘Böhi ölöpnji,’ mi wuanöñgöra jizan? Anutu mohotñan ölöpnji akza. Azi kunñan i ewö ölöpnji qahö akza. ¹⁹ *Gi jöjöpañ keu ki möt teközan,

‘Ambazip kun kude qenöñ kömuma. Sero yoñgorö kude akñan. Yoñgorö kude meman. Jitnöñ alal keu kude jiman. Kalöpköba yoñgorö kude meman. Iwinamgi mönö göda qem etkimakñan.’ ”

²⁰ Mewö jii möta kewö jiyök, “Böhi, mi pakpak mönö gwaböneyök tem köla mala kotzal.”

²¹ Mewö jiiga Jisösnöñ uba eka urukönömñan jöpaköm wañgiba kewö jii mörök, “Mohot kungöra kewö osizan: Gi mönö anda sukinapki pakpak söñgöronji memegöra alnöñ moneñ kaiga ambazip wanapñi engiman. Mewö aknöñga sukinapki ketañi (guli masapugi milyön kinagi ewö) ketañi mi Suep mire ahöm gihima. Mewö aka ni nuatangöba kaman.” ²² Jisösnöñ mewö jiyökmö, sukinapñi gwötpuk ahöyöhañgöra aka keu mi möta uruñi bosoleiiga wösöbirik aka jeñi asöliiga öne mosöta anök.

²³ Mosöta aniga Jisösnöñ ui anda kaiga gwarekurupñi kewö jii mötket, “Yei! Ambazip moneñ inapñinambuk yeñon mönö Anutugö bemtohoñnöñ angotpingö lömböriba kupuk-kapak akñe.”

²⁴ Mewö jiiga gwarek yeñon mi möta welipkögetmö, Jisösnöñ toroqeba kewö jii mötket, “Gupanurupni, ambazip denike yeñon moneñ inapñini möt narimakzei, yeñon mönö Anutugö bemtohoñ uruñe angotpingö lömböriba kupuk-kapak akñe. ²⁵ Mi kewö jim tuarimam: Sömbup ketañi kamel mi kondi kinimñe ölop qahö angotma. Miangö dop ambazip pomñi yeñon Anutugö bemtohoñ uruñe angotpingö lömböriba qaköme.”

²⁶ Mewö jii möta aurum tililingöba nanñinañgöra kewö jiget, “Opoñon! Ambazip dañon mönö Suepkö buñaya akawak?”

²⁷ Mewö jigetka Jisösnöñ uba engeka kewö jiyök, “Ambazipnöñ mi esapköba osiba qakömakzemö, Anutunöñ mewö qahö ahakza. Anutunöñ mönö yuai pakpak ölop ahakza. Yañon yuai kun aka memangö qahö osiba qakömakza.” Mewö.

Jisösgö nup memegö töwanji

²⁸ Pitönöñ keu mi möta melenða Jisös kewö jii mörök, “Mötnöñ, neñon mönö yuai pakpak mosöta gi guatangöba kain.”

* 10:15: Mat 18.3 * 10:19: Eks 20.12-16; Dut 5.16-20

²⁹ Mi möta Jisösnöñ kewö jiyök, “Nöñön keu ölni kun kewö jibi mötme: Kunñan nöñgö aka Ölöwak Buñagöra aka yuai kun mosöröhi, - mi jike miriñi, darumunñi, nenbehötñi, iwinamñi, nahönböratñi me nup kisiñi - mi engömosöriga Anutunöñ mönö miangö likepñi ongita meley wañgiiga sehima. ³⁰ Kunñan yuai mi mosöröhi, Anutunöñ mönö salupñe mi 100:kö dop toroqeba wañgiiga nanñi buñaya akña. Gölmegö malmalnöñ sesewerowero uruñe malmapmö, jike miri, darumun, nenbehöt, iwinam, nahönbörat aka nup kisi mi mönö salupñe ahum wañgima aka nalö könañgepñe malmal köhöikñi teteköñi qahö buña qem añguma. ³¹ *Mewö asuhumapmö, mutukñi engöreñök gwötpukñan dagibezupñi aketka dagibezupñi yeñgöreñök gwötpukñan mutukñi akñe.” Mewö.

Kömumangö keuñi jiiga karöbut ahök.

Mat 20.17-19; Luk 18.31-34

³² Jisösnöñ gwarekurupñi yembuk Jerusalem sitinöñ öñgöbingöra gölme köna anget. Jisösnöñ mutuk aniga gwarekurupñan andöñe anda welipköget aiga ambazip andöñine kageri yeñön mönö keñgötñini mötket. Mewö aketka Jisösnöñ gwarekurupñi 12 mi kunbuk öröm engiba könahiba kusum engiyök. Yañgöreñ yuai asuhumawi, keu mi jim asariba kewö jiyök, ³³ “Mötket, nini Jerusalem öñgöbin. Miangöreñ kunñan Suep gölmegö azi ölni mamalolo mem wañgiiga jike nup galöm aka Köna keugö böhi yeñgö böröñine gema. Yeñön kömumapkö keuñi jim teköba kian gawman yeñgö böröñine al wañgime. ³⁴ Al wañgigetka mepaiköba söutkölap qeba ihilek wahiñambukñöñ tauköm wañgime. Tauköm wañgiba qegetka kömuma. Kömumba wehön karöbut teköiga kömupnöñök wahötma.” Mewö.

Jeims Jon yetköñ yuaigöra ulerohot.

Mat 20.20-28

³⁵ Jisösnöñ mewö jiiga Jebedigö nahönyahötñi Jeims aka Jon yetköñ yañgöreñ anda kewö jiyohot, “Böhi, niri yuai kungöra ulet gihiziri mi ak netkimangö mötzit.”

³⁶ Jiyohotka qesim etkiyök, “Inñiri wani yuai ak etkimangöra mötzahot?”

³⁷ Qesim etkiiga kewö jiyohot, “Göñön ölop jim kutunöñga niri göhö asakmararañöñ eu öñgöba kunöñ börögi ölni aka kunñan börögi qaniñe tata yuai pakpak galöm kölbina.”

³⁸ *Mewö Jiyohotmö, Jisösnöñ kewö jii mörohot, “Inñiri miangö könañi qahö möt yaköba uletzahot. Nöñön qambi asöñambuk nemami, inñiri mi ölop nemba sihimbölo mötmahot me qahö? Jöm nöñgwambukñöñ melun mem niñgimei, inñiri mi memahot me qahö?”

³⁹ Jii möta jiyohot, “Mi ölop membit.”

Jiyohotka kewö jii mörohot, “Mi ölna! Nöñön qambi asöñambuk nemami, inñiri mi mewöñanök memahot aiga jöm nöñgwambukñöñ melun mem niñgimei, mianñön mönö inñiri mewöyök melun mem etkime. ⁴⁰ Mem etkimemö, nöñgö böröni ölni me qaniñe dañön tatmahori, nöñön keu mi jim kutumamañgö dop qahö. Anutunöñ dum yahöt mi denike yetköra mözözömgyöhi, mi mönö yetköra etkiiga nömbuk tata galöm kölmahot.” Mewö.

Galöm ölnan mönö welenqeqeya akza.

⁴¹ Jeims Jon yetköñ mewö ulerohotka alaurupñi 12 yeñön mi möta könahiba urubölo aket. ⁴² *Mewö aketmö, Jisösnöñ engoholi kagetka kewö jii mötket, “Gölmegö kantriñi kantriñi miengö jembonñinan galöm köl engibingö jizei, yeñön mönö azi kembu tandök ak engimakze. Yeñgö ketañamñinan mönö keu jim kutuba mindingöm engiba kukösumñini kondelakze. Inñini könañini mi ölop mötze. ⁴³ *Engö sutñine silik mewö ahöbapukmö, kunñan engö sutñine ketañamñini akñamgö mötzawi, yañön mönö welen qem engiba malma. ⁴⁴ Mewöyök kunñan engö sutñine mutukñi malmamgö mötzawi, yañön mönö körek engö nembö bapñine mala welenqeqeñini omani akña. ⁴⁵ Suep gölmegö azi ölnan mönö mewöyök silik mewöñi kondela nanñi welen qem wañgimegöra aka qahö kayök.

* **10:31:** Mat 20.16; Luk 13.30 * **10:38:** Luk 12.50 * **10:42:** Luk 22.25, 26 * **10:43:** Mat 23.11; Mak 9.35; Luk 22.26

Qahöpmö, welen qem engiba ambazip sehisehini yenjö sohopnini memamgöra aka eta malmalnj kölenja mosötma.

Bartimeus jeni gömöliiga mem ölöwahök.

Mat 20.29-34; Luk 18.35-43

⁴⁶ Jisösnöj gwarekurupni yembuk Jeriko sitinöj kaget. Kaba siti mi mosötpingö aketka ambazip kambulembenöj enguatangöba andöjine kaget. Mewö kagetka jegömöl azi qetnji Bartimeus, Timeusgö nahönni yanön monej aka nene wangimegö ulet engiba köna jitje tarök. ⁴⁷ Tariga “Nazaret-azi Jisösnöj kaza!” jiget möta könahiba kewö qerök, “Jisös Deiwidkö gwölönarökni, mönö ak-kömum ningiman!”

⁴⁸ Mewö qeriga gwötpukjan bök tatmapköra qetal wangigetmö, yanön mönö kapan köla qerök. “Deiwidkö gwölönarökni, mönö ak-kömum ninginöj!”

⁴⁹ Qeriga Jisösnöj dörök ala kewö jiyök, “Ölöp qetketka ki kama.” Mewö jiiga jegömöl azi mi qeta kewö jiget mörök, “Göhöra qeza. Mönö mötkurumkurum mosöta wahöta kaman.”

⁵⁰ Mi möta malukunji qeköba gila pöranj wahöta kinda Jisösgöreñ anök.

⁵¹ Aniga kewö qesim wangiyök, “Alani, nöjön wani yuai ak gihimamgöra mötzan?” Mewö qesim wangiiiga jegömöl azinöj jiyök, “Ketanamni, ni jeni kunbuk umamgöra mötjal.”

⁵² Mewö jiiga Jisösnöj kewö jii mörök, “Mötnaripkan mönö mem ölöwak gihiza. Mönö ölöp anman.” Mewö jii möta jeñan miangöreñök tohoiga uba andöjine Jisös wuatangöba anök. Mewö.

11

Jisösgöra köirañ kölgetka Jerusalem öngöyök.

Mat 21.1-11; Luk 19.28-40; Jon 12.12-19

¹ Jisösnöj gwarekurupni yembuk Jerusalem siti dopdowiba Betfage aka Betani miri yahöt kösutjire kaba Oil ip kunduje öngöba gwarekyahötñi yahöt melaim etkimamgöra aka ² kewö jii mörohot, “Miri wösöjire tatzawi, mönö miangöreñ anohot. Anda miangöreñ añgota doñki moröñi kösönöj jöhöget kinjawi, mi miangöreñök miwikñaimahot. Doñki mi dölökña, azi kunjan qakñe qahö tatatña. Mi mönö pösata memba ki kamahot. ³ Pösarohotka kunjan ‘Wuanöngöra mewö akzahot?’ jiba qesim etkiiga kewö jimahot, ‘Kembuniran mönö miangöra osiba jiiga kazira zilañ melenjiga kunbuk ki kama.’

⁴ Mewö jiba melaim etkiiga anda doñki moröñi miri towokñe miri kungö nanjune kösönöj jöhöget kiniga miwikñaiba pösarohot. ⁵ Pösarohotka azi tosatñi miangöreñ kingeri yenön kewö qesim etkiget, “Hei, wania akitköra doñki moröñi pösatzahot?”

⁶ Mewö qesim etkigetka Jisösnöj jiyöhangö dop jiyohot möta “Ölöp memba anmahot,” jiget. ⁷ Jigetka memba Jisösgöreñ kayohotka malukunini qeköba doñki moröñangö qakñe algetka öngöba tarök. ⁸ Mewö tata aniga ambazip jesöngöñan göda qeba malukunini qeköba köna namñe tumbulgetka tosatñan gölme köröñe anda ip sinñi mitiba tumbulget. ⁹ *Tumbulgetka ambazip jeñe köl öröba angeri aka andöñe wuatangöba kageri, yenön kewö jiba qetket, “Hosana, owe owe! Anutu möpöseizin. Kembugö qetñe kamawi, Anutunöj mönö i kötuetköm wangima. ¹⁰ Kiñ Deiwidnöj kantri tohoñ kunguba galöm köl engiyöhi, nalö mewöñan mönö kunbuk kam neñgiza. O Anutu mönö kantri tohoñnini kötuetköman. Hosana! Qetbuñagi möpöseininga euyangöreñ öngöza. Owe Owe!”

¹¹ Mewö qetketka Jerusalem sitinöj öngöba jöwöwöl jikegö tohoñ uruñe anök. Miangöreñ liliköba yuai pakpak ehi mare ahiga eta gwarekurupni ¹² yembuk jike mosöta Betani mire anda ahöget. Mewö.

* **11:9:** Sum 118.25-26

Jisösnöñ fig ip kun qesuahöiga ululungöyök.

Mat 21.18-19

¹² Ahöba söñanök wahöta gwarekurupñi yembuk Betani miri mosöta angetka Jisösnöñ nenegö kömuyök. ¹³ Nenegö kömumba ui aniga fig ip kun* sinñambuk kini ehök. Eka “Sinñangö uruñe ölni tari miwikñaiba nembilenjak,” jiba fig ipkö könañe anök. Anökmö, ölnangö nalöñan qahö töriyöhanğöra sinñanök kini ehök. ¹⁴ Mewö eka ip mi kewö jim wanğiyök, “Kunñan ölni kunbuk kude nema.”

Mewö jim wanğiya keu mi gwarekurupñan mötket. Mewö.

Jisösnöñ jöwöwöl jike jim kömbuhiyök.

Mat 21.12-17; Luk 19.45-48; Jon 2.13-22

¹⁵ Anda mala Jerusalem sitinöñ öngögetka Jisösnöñ jöwöwöl jikegö tohoñ uruñe anök. Mianğoreñ ambazip engehiga inap bohonñi memegöra algetka söngöröñi megeri, mi könahiba közöl enğiiga etket. Moneñ utekutek ambazip yengö jakenini metali anget. Mewöyök kembö bohonñini memegöra algeri, miengö dum tatatñini mi tok tötaliga anget.

¹⁶ Sombem kömbukñi kutuba yuai siriba anğotkanğotkö könañi jöhöyök. ¹⁷ *Mewö aka kusum enğiba kewö jii mötket, “Aisaianöñ keu kun kewö ohoi ahöza, ‘Nöngö jikenan mönö gölmeñi gölmeñi pakpak yengö köulukö miriñina akñapkö qetme.’ Keu mi ahözapmö, injini mi utekögetka kegwek-kahasililiñ yengö banjet ewö akza.”

¹⁸ Mewö jii möta ambazip kambu pakpak yeñön mianğöra nemböñini teköiga welipköget. Mianğöra jike nup galöm aka Köna keugö böhi yeñön mi möta Jisösgöra kenğöñini möta eraum möta kewö jiget, “Mönö denöwö jiinga qegetka kömumbawak?”

¹⁹ Mare ahiga Jisösnöñ gwarekurupñi yembuk siti mosöta yaigep anda ahöget. Mewö.

Fig ipnöñ ululungöiga eket.

Mat 21.20-22

²⁰ Ahöba söñanök wahöta könanöñ anda fig ip mi onğitpingö aketka jalöñambuk ulungöba kini eket. ²¹ Kiniga Pitönöñ Jisösgöreñ keu mötmöriba kewö jii mörök, “Ketanamni eknöñ, fig ip qesuahönöñi, mi mönö ululungöba kinja.”

²² Jii möta Jisösnöñ kewö melenök, “Anutugö mötnarip mönö töp memba malme.”

²³ *Nöñön keu ölni kun kewö jibi mötme, “Kunñan keuñangö ölni ahumapkö uruyahöt qahö aka kundunñi kianğö toñangöra kewö jim kutubawak, ‘Mönö kundunñi ki qeköba wahöta anda köwetnöñ alman.’ Mewö jim kutuba Anutu möt nariiga ölni mönö mianğö dop ahuma. ²⁴ Mianğöra nöñön kewö jibi mötme: Wani yuaigöra qesiba köulukömei, mi pakpak lök buña qem anğuzin, mewö möt narigetka mönö buñanini akña. ²⁵ *Injini kinda Anutu köulukögetka kunñan alañangö pinjtköra urubölö akña ewö, pinjit mi mönö mosötme. Mewö akñe ewö, enğö Iwiñini Suep mire maljawanön mönö mewöñanök enğöreñ singisöndok mosötma. ²⁶ (Injini tosatñi yengöreñ singisöndok qahö mosötme ewö, enğö Iwiñini Suep mire maljawanön mönö mewöñanök enğöreñ singisöndok qahö mosötma.)” Mewö.

Jitñememe yeñön Jisösgö kukösumñangö qesiget.

Mat 21.23-27; Luk 20.1-8

²⁷ Jisösnöñ gwarekurupñi yembuk kunbuk Jerusalem sitinöñ öngöget. Öngöba jöwöwöl jikegö tohoñ uruñe anda kaiga jike nup galöm, Köna keugö böhi aka kantrigö jitñememe tosatñi yeñön yanğöreñ kanğotket. ²⁸ Kanğota kewö qesim wanğiget, “Gi kianğöreñ yuai akzani, mi mönö danğön jim kutum gihiiga ahakzan? Mi memamgö kukösumñi mi danğön gihiyök?”

* **11:13:** Fig mi sambu ipkö alañi kun. Mi nupñine kömötketka kötni nahömninambuk asuhugetka gwötpuk nemakzema. * **11:17:** Ais 56.7; Jer 7.11 * **11:23:** Mat 17.20; 1 Kor 13.2 * **11:25:** Mat 6.14-15

²⁹ Qesim wanjigetka kewö melenj enjgiyök, “Nöhön mewöyök keu kun qesim enjimam. Mi melenj ninjigetka nöñön mewöyök danön kukösum ninjiiga yuai ki ahakzali, mi jibi mötme. ³⁰ Jonön ambazip o-melun mem enjgiba malöhi, yanön miangö kukösumnji mi denikeyök meyök? Suep Toñan wanjigiyök me gölme toñan wanjiget? Mi jiget mötmam.”

³¹ Mewö melenj enjiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yanön mönö kewö jima: Injini mönö wuanöñgöra Jon qahö möt narim wanjiget? Mi qahö dop kölja. ³² Me ‘Gölme ambazipnöhök asuhuyök,’ jibinak? Mi qahö dop kölja.” Ambazip körekñan Jongöra ‘Ölña kezapqetok azia akza,’ jigeranğöra aka ambazip kambu yengöra kenğötñini möta mi jibingö osiget. ³³ Miangöra “Mi qahö mötzin,” melenget. Mewö melengetka Jisösnöñ kewö jii mötket, “Mewö aiga nöñön mewöyök yuai ki ahakzalanğö kukösumnji danön ninjigiyök, mi qahö jibi mötme.” Mewö.

12

Wain kösö nup galöm bölöñi mienğö dopkeu

Mat 21.33-46; Luk 20.9-19

¹ *Jisösnöñ könahiba ambazip dopkeunöñ kewö jii mötket, “Azi kunöñ wain kösö nup kun köla kömörök. Köla kömöta selñi memba liliköyök. Mem liliköba wain jout ketanji kötnöñ meyök. Miangöreñ waingö ölni ala könanöñ tözöhölget onan lalanöñ geyök. Wain jout ketanji mi memba wain yonğorö membepuköra galöm meme jake köröpñi köweñambuk meyök. Yuai pakpak mem teköba wain nup galöm tosatñi miwikñaim enjgiba kewö jiyök, “Mönö nup memba ölnanğö bahöñi nanñini memba bahöñi tonji ni ninjime.” Mewö jiba nup mi böröñine ala enğömosöta kantri kunöñ anda malök. ² Mala mali ölni öliyöhanğö nalöñi (yambu 5) töriiga miangöreñ welenqeqeñi kun melaim wanjiiga galöm yengöreñ anda wain nup ölnanğö bahöñi wanjimeğöra jiyök. ³ Jiyökmö, galöm yeñön i memba jöhöba kömbinöñ qeba wuatangögetka böröñi börak lilingöyök. ⁴ Miangö andöñe welen azi kun melaii yengöreñ aniga nöropñi qesinda gamu qem wanjiget. ⁵ Miangö andöñe welen azi kun kunbuk melaiiga ani qeget kömuyök. Mewöñanök azi tosatñi gwötpuk melaim enjiiga tosatñi kömbinöñ sepgwörörök enğuba tosatñi enjuget kömuget. ⁶ Mewö aketka wain nup toñan keu jaruba jiyök, ‘Nani wölböt nahöni mohok mi tok malja. I mönö göda qem wanjime me denöwö?’ Mewö jiba qöndökñi mi nahönña melaiiga yengöreñ anök. ⁷ Anökmö, kaiga eka sutñine kewö jiget, ‘Yanön mönö börösamotñanğö tonji akña. Ayop, mönö memba qein kömuiga wain kösö nup kianön mönö nanine buñanina akña.’ ⁸ Mewö jiba memba jöhöba qeget kömuiga qamötñi nup yaigepñe gilget geyök.

⁹ Wain nup toñan mi möta mönö denöwö akña? Yanön mönö nanñak kaba nup galöm mi könden enjgima aka nup galöm dölokñi miwikñaim enjgiba wain kösö nupñi yengö böröñine alma. ¹⁰ *Buña Kimbigö keu ki lök oyonget me qahö?

‘Miri meme yeñön köt tandö kun andö qeba öne mosötket taröhi, miyanön mönö tandö kömbönañi ahiga miwikñaiget. Miyanön tinğiriga mirinöñ mönö gororonğöba eta kölma.

¹¹ Kembunöñ tandö mi kuñguiga jeninan ehinga qetbuñabuk ahiga welipkömakzin.’ ”

¹² Jisösnöñ mewö jiiga galöm yeñön keu miangö könani möt asariba kewö jiget. “Dopkeu mi mönö neñgöra jiza.” Miangöra i memba jöhöbingö mötketmö, ambazip kambu yengöra kenğötñini möta osiba mosöta anget. Mewö.

Takis alalgö Jisös esapköm wanjiget.

Mat 22.15-22; Luk 20.20-26

¹³ Juda jitnememe yeñon Farisi aka premiö Herodkö pati alaurup tosatni melaim engiba kewö jiget, “Inini mönö Jisösgöreñ anda qesiba keugö bötaknöñ öröi gwaröhöm wangime.” Mewö jigetka Jisösgöreñ kaget. ¹⁴ Jisösgöreñ kaba kewö jigetka mörök, “Böhi, göñon azi ölni akzani, nini mi mötzin. Göñon ambazip tosatni qahö engek soriba tosatni qahö qepureim engimakzanmö, dop mohotnöñ kewöt nengimakzan. Miangöra kuñgum gihigetka qahö goñgiba ketani qahö esuhum engimakzanmö, Anutugöreñ köna mi keu ölnangö dop kusum nengimakzan. Göñon Anutugöreñ keu diñdini mianön öngöngöñi eretni mohot pakpak jim qindini ak nengimakzan. Miangöra nini sisa-kingöra takis ala mianön Mosesgö Köna keu siñgibin me qahö? Mi alinga dop kölja me qahö?”

¹⁵ Mewö jiget möta areñini muneni mi möt kutuba kewö jii mötket, “Inini wuanöngöra keugö bötaknöñ al niñgibingö esapköm niñgize? Ölop silwö monen (Kina 5) kun memba kaget eki.”

¹⁶ Mewö jiiga mi memba kagetka kewö qesim engiyök. “Dagöreñ imut aka qet mi ki ohoget ahöza?” “Mi sisa kingöreñ!” Mewö melenja jiget.

¹⁷ Jigetka kewö jii mötket, “Mewö ahiga yuai sisa-kingö imutnambuk bunani ahözawi, mi mönö yangöra al wangime. Yuai kun Anutugö bunaya ahözawi, mi mönö Anutugö bunya qeme.” Mewö jii möta yangöra gwötpuk welipköget. Mewö.

Kömupnöhök wahötwahötkö esapköm wangiget.

Mat 22.23-33; Luk 20.27-40

¹⁸ *Sadyusi (Jike nupkö kapankölköl) yeñon “Kömugeri yeñon kude wahötme,” jiba malget. Yeñgöreñök tosatnan Jisösgöreñ kaba kewö qesim wangiget, ¹⁹ * “Böhi, Mosesnöñ kewö jim kutum nengiyök ahöza,

‘Azi kun ambi meiga nahönbörat qahö ahui kömumba malöñi öne mosöriga munjan ölop malöñi memba gwölönarök qiwikñaim wanggiiga datnangö qet bisiba malma.’

²⁰ Mötnöñ! Nalö kunöñ darumun 7 malget. Datnini mutukñan ambi memba mala gwölönarökñi qahö öne mala kömuyök. ²¹ Kömuiga munjan malöñi mi memba mala mewöyök gwölönarökñi qahö öne kömuyök. Kömuiga munni kun yangö bapne mianön ambi miyöhök memba mala öne kömuyök. ²² Mewöña mewö darumun 7 pakpak yeñon ambi mohot miyöhök memba gwölönarök qahö mala kömum teköget. Körek kömugetka qöndökñi malöñini mi mewöyöhök kömuyök. ²³ Göñon Kömugeri yeñon guliba wahötme, jizanmö, nini mi qahö möt narizin. Mötnöñ! Azi 7 pakpak mi öröröñ wahötpeak ewö, ambi möhot mi anömñina meget malöhangöra aka mönö dagö anömña akawak?”

²⁴ Mewö qesigetka Jisösnöñ melenja kewö jii mötket, “Inini keu jim sohoze. Urumelenjö Bunya Kimbiñi aka Anutugö kukösumni qahö möt kutuzeangöra mönö janjun ahakze. ²⁵ Ölna, kömupnöhök wahöta nalö miangöreñ awanöm qahö aknemö, garata yeñon Suep mire maljeangö tandök aka malme. ²⁶ *Mötket! Kömugeri, yeñon guliba wahötmegö keuni mi Mosesgö Buknöñ kewö ahöza: Sötman köhösonöñ könöp bölam ahuba qahö jem kutuyöhi, inini kösohot mi oyonget me? Anutunöñ miangöreñ Moses kewö jii mörök,

‘Nöñon Anutu Abrahamgö Kembu, Aisakö Kembu aka Jeikobkö Kembuya mala kota maljal.’

²⁷ Isik bömön karöbut yeñon Anutubuk mala mal köhöiba öngöme. Anutunöñ köhömuñi yeñgö Kembuñini qahöpmö, malmal köhöikñi maljei, mönö yeñgö Kembuñina akza. O Sadyusi (Jike nupkö kapankölköl pati) inini mönö keu gwötpuk möt sohomakze.” Mewö melenjök.

Jöjöpañ keu bohonni yahöt mi denöwö?

Mat 22.34-40; Luk 10.25-28

²⁸* Jisösnöñ Sadyusi (Jike nupkö kapankölköl) yembuk eraum möta jim soroköba melen engiyöhi, mi Köna keugö böhi azi kunöñ mörök. Mewö möta jeñe kañgota kewö qesim wañgiyök, “Jöjöpañ keu pakpak miengöreñök bohonñi ketañi mi denöwö?”

²⁹* Qesim wañgiiga melenök, “Bohonñi ketañi mi kewö, ‘Israel könagesö mötket! Anutu mi Kembunini. Yañön Kembu mohot ahiga bem alañi kun qahö.

³⁰ Miangöra urugi jömukñi, uñagi jömukñi, mötmötki jömukñi aka kuki jömukñi, mianjön mönö Kembu Anutugi jöpaköba malman.”

³¹* Jöjöpañ keu miangö alañi kewö, ‘Nangi jöpaköm añgumakzani, mewöñanök mönö ambazip pakpak jöpaköm enjiba malman.’

Jöjöpañ keu kunñan mönö keu yahöt mi qahö etkonñgita.”

³²* Köna keugö böhigöra mewö melenñiga jiyök, “Böhi! Gi törörök keu öñangö dop jizan. Anutunöñ mohot akza. Bem alañi kun qahö. ³³* Gi urugi jömukñi, mötkutukutugi jömukñi aka kuki jömukñi, mianjön Anutu jöpaköba malman. Aka nangi jöpaköm añgumakzani, mewöñanök mönö ambazip pakpak jöpaköm enjiba malman. Jöjöpañ keu yahöt mi bohonñi ketañi akzahot. Mi tem kölmani, mianjön mönö jöwöwöl pakpak aka naluk kötin tosatñi enñonñgita.” ³⁴ Mewö jiiga Jisösnöñ urumötmötñi möri dop köliga kewö jii mörök, “Gi Anutugö bemtohonñöñ añgotmamgö dopdowizan.” Mewö eraum möröhotka körek yeñön Jisös toroqeba qesim wañgingö kölköldömdöm aka mosötket. Mewö.

Kraist mi kiñ Deiwidkö kembuñi aka gwölöñarökñi.

Mat 22.41-46; Luk 20.41-44

³⁵ Jisösnöñ jöwöwöl jikenöñ kinda Buña keu kusum enjiba kewö qesim engiyök, “Kraistnöñ kiñ Deiwidkö gwölöñarökñi akzawi, Köna keugö böhi yeñön keu mi denöwögöra jimakze? ³⁶* Deiwidnöñ nanñak Uña Töröñan sölölohöm wañgiiga kewö jiyök, ‘Anutunöñ kinda nöngö Kembuni kewö jii mörök: Göñön mönö kaba nöngö böröni öñe tatnöñga nöñön nalö sutñe kerökurupki tim tötöla luhut alenñgiba göhö köna tambö gwaröñe al enñimam. Nalö mi kam kuñgumawañgö dop mönö asakmararaññöñ ki tatman.’

³⁷ Deiwidnöñ nanñak mewö jiba qetñi ‘nöngö Kembuni’ jiza.’ Kembuni jiba mönö denöwö aka yañgö gwölöñarökñi mohot akawak?” Mewö jiiga ambazip kambu ketañi yeñön Jisösgö keuñangö sihimñi möta kezap alget. Mewö.

Urumelenñgö silesile malmalgö galöm meme keu.

Mat 23.1-36; Luk 20.45-47

³⁸ Jisösnöñ kusum enjiba toroqeba kewö jiyök, “Inini mönö Köna keugö böhi yeñgöra galöm memba malme. Yeñön maluku köröpñi löngöta anda kaba kondel angubingö mörakze aka maketnöñ me könanöñ ambazip enñigetka jölöñini jimegö mörakze. ³⁹ Köuluk mire qaikñe eu tatpingö sihimñi mörakze, aka közölömbuaññöñ dum tatat mutukñe jegep tatpingö mörakze. ⁴⁰ Yeñön malö yeñgöreñ miri yuai bidañda gagabe köla enñuanñgirakze, aka qetbuñañini asuhumapköra köuluk köröpñi köuluköba töptöpñine qemakze. Miangöra Anutunöñ keuñini jim teköba likepñi öñgöñgöñi melenñi qakñine öñgöma.” Mewö.

Ambi malö kunöñ naluk kötin öññi alök.

Luk 21.1-4

⁴¹ Jisösnöñ jöwöwöl jikenöñ naluk dundum andöñe tariga ambazipnöñ moneñ miangöreñ alget geiga uba enñehök. Ambazip pomñi sukinapñinambuk gwötpuk yeñön kañgota kina moneñ lömbötñambuk alget geyök. ⁴² Alget geiga malö wanapñi kunöñ kañgota souje kötni yahöt, mi toiya tosatñi miangö dop ali geyök. ⁴³ Jisösnöñ mi eka

* 12:28: Luk 10.25-28 * 12:29: Dut 6.4-5 * 12:31: Lew 19.18 * 12:32: Dut 4.35 * 12:33: Hos 6.6

* 12:36: Sum 110.1

gwarekurupni köl öröm engiba kewö jii mötket, “Nöñön keu ölni kun kewö jibi mötme: Malö wanapni kianön naluk aljawi, mi mönö tosatni pakpak yeñön yuai dundumnöñ alget gezawi, miangö dopni ongita alja. ⁴⁴ Körek yeñön moneñ gwötpuk ahöm engiiga kitipñanöhök aljemö, ambi kianön mönö köruebörue maljawangö dop yuaini pakpak al teköba öne töhön malma.” Mewö.

13

Jöwöwöl jikenöñ köndermönder asuhuma.

Mat 24.1-2; Luk 21.5-6

¹ Jisösnöñ jöwöwöl jike mosöta eriga gwarekurupni yeñgöreñök kunñan kewö jii mörök, “Böhi eknöñ! Jikegö tohoñ uruñe miriñi miriñi mi mönö wewelipñambuk. Mi kötnöñ memba meñölögetka ölöpbölöpni kinja.”

² Jisösnöñ mi möta keu kewö meleñnök, “Jikegö tohoñ uruñe miri ketani ki engekzanmö, mi mönö köndergetka mirigö köt kun mi köt kungö qakñe qahö ahömapi, qeqelañlan aka sahoñanök ahöma.”

Kahasiliñ aka sesewerowero asuhuma.

Mat 24.3-14; Luk 21.7-19

³ Mewö jiiga Oil ip kundune öngöba likepne endu jöwöwöl jikenöñ kinöhi, mi eka tatket. Miangöreñ tata Pitö, Jeims, Jon aka Andru yeñön Jisös nanñök öröba kewö qesim wangiget, ⁴ “Böhi! Keu jizani, miangö ölni mönö wanat nalönöñ asuhum tiñgitma aka yuai pakpak mi könahiba asuhum tekömawi, miangö aiwesökñan mönö denöwö asuhuma? Mia ölop jinöñ mörin.”

⁵ Mewö qesim wangigetka könahiba kewö jii mötket, “Kunñan isimkakalek aiga janjun anbepeköra mönö galömñini memba malme. ⁶ “Ambazip gwötpukñan asuhuba nöngö qetne kewö jime, ‘Nöñön Kraist akzal.’ Mewö jiba ambazip gwötpuk tilipköm engime. ⁷ Inini yarö miengö buzupñini aka ötöñini asuhugetka mörakñe. Mi möta jönömñini kude undumakña. Yuai mewöñi mi mutuhök asuhumapkö jijiña. Mi asuhumapi, gölmegö nalöñan mönö miangöreñök zilañ qahö teköma. ⁸ Kantri kunöñ kantri kun engubingöra wahötme. Ambazip kambu kunöñ kambu kun yembuk aröñ angubingöra wahötme. Gölmeñi gölmeñi miangöreñ kenöñ ketani ketani qözöla memba gölme meleñni gemakña. Mewöyök bödiñi bödiñi (buöröñi buöröñi) asuhuba öngöba ahöma. Yuai mewöñi mi ambi köröbuknöñ masi könahiba engumakzawangö dop. Gölmegö nalöñan mönö miangö dop könahiba tekömangö akña.

⁹ *Mewö akñapmö, inini ölop galömñini mem anguba malme. Ambazipnöñ inini öröba keu jakeñe al engiba köuluk mireñini keu nupñini memba kömbinöñ engume. Tosatñan nöngöra aka enguangitketka kantriñi kantriñi yeñgö kin kembu aka premiö yeñgö jemesoholñine kinme. Mewö kinda nöngö könañamni nanñgöba jigetka mötme. ¹⁰ Ölöwak Buña ki mönö mutuk gölmegö kantriñi kantriñi pakpak yeñgöra jim sehim tekögetkun gölmegö nalöñan miangö andöñe teköma. ¹¹ Öröba enguangita keu jakeñe al engigetka kinmei, nalö miangöreñ keu denöwö jibinak, miangö waimanjatni qeljiñe kude mötme. Uña Töröñan aua miangöreñök keu engimawi, mönö mia jime. Nanñine uruñinañgöra keu qahö jimemö, Uña Töröñan mönö uruñini sölölohöiga keu jime. ¹² Urumelengö kopa kunöñ darumunñan uruñi meleñnöhangöra aka i mamalolo meiga keu jakeñe algetka qeget kömuma. Mewöyök iwi kunöñ nahönböratni mamalolo meiga kömuma aka nahönbörat yeñön iwinamurupñini qetal engiba jigetka enguget kömume. ¹³ *Kantri pakpak yeñön nöngö qetnañgöra aka kazik ak engigetka malmemö, kunñan kapan köla köhöiba böñ qeba kinda maliga gölmegö nalöñan tekömawi, yañön mönö oyaenkyoayen buña qem anguma. Mewö.

* **13:9:** Mat 10.17-20; Luk 12.11-12 * **13:13:** Mat 10.22

*Jerusalem sitigö köndermönder uru-önönjambuk**Mat 24.15-28; Luk 21.20-24*

14 **“Könanjep tosatjan kaba köndermönder aka yuai angjöörakjambuk jikenöñ qahö alalgö dop mi altanöñ ala kiniga ekñei, - keu ki oyoñmawanöñ mönö ölop kezap ala möt kutuma - nalö miangörej Judia prowinsnöñ malmei, enöñ mönö misingöba öröba kunduje anme. 15 *Miri kösutñe sombemnöñ malmawanöñ mönö eta yuaini memamgöra miri uruñe kude öngöma. 16 Nupnöñ anda malmawanöñ mönö mewöyök malukuñi memamgöra lilingöba mirinöñ kude anma. 17 Yei! Ambi gölömbuk aka morö juzunöñ yeñön nalö miangörej denöwö ösumñinan anbeak. 18 Miangöra yuai mi kie luhut nalöñe kude asuhumapköra köuluköme. 19 *Nalö miangörej kahasililinj keta bölöknji asuhuma. Kahasililinj dopñi mewöñi mi mönöwök nalö kungen kude asuhuba ahöyök. Anutunöñ yuai pakpak miwikñaiyöhi, nalö miangörejök könahiba nalö kiangörej mala kota nalö sutñe kun qahö asuhuyök. Mönöwök qahö asuhuyök aka könanjep nalö kunöñ qahö ahuma. Miangöra mönö köuluköba malme. 20 Kembunöñ wahöjalinj nalö mi qahö mem töribawak ewö, ambazip körekñan mönö ayuhum teköbeakmö, ambazip nanñangöra möwölöhöm engiyöhi, yeñgöra aka wehön miengö götöñini mi mem törima.*

21 Nalö miangörej kewö jime, ‘Mötket! Kraistnöñ ki malja.’ aka ‘Eket! Amötqeçe Tonjan endu kinja.’ Kunñan mewö jima ewö, mi mönö kude möt narime. 22 Mi kewögöra: Amötqeçe toni munenji aka kezapqetok ambazip takapulakanji asuhuba angöletot aka aiwesök jemurutñi megetka letotme. Mewö letotketka Anutunöñ ambazip nanñangöra möwölöhöm engiyöhi, i mewöyök enjololon mem engimegö esapköba kapan kölgetka janjun akepek. Enöñ ölopñanök galömnini memba malgetka mi osibeak. 23 Nöñön yuai pakpak mi kude asuhuiga qeljine lökñanök jibi mötze. Mi mutuk jizalanğöra mi mönö uruñine ala galömnini mem anguba malme. Mewö.

*Suep gölmegö azi ölnjan mönö asuhum tinğitma.**Mat 24.29-31; Luk 21.25-28*

24 **Wahöjalinj mi teköiga nalö miangörejök wehön jeñan injan köliga köiñnöñ ömuñ kölma. 25 *Senğelau yeñön suepnöhök teköba etme aka suepnöñ uturuköiga miangö öroyuaini mi tatatñini mosöta enjololon aketka sohoma. 26 *Nalö miangörej Suep gölmegö azi ölnji yanöñ kousu qakñe kanğori ekñe. Kukösumñi ketanjan saköl-diñdiñambuk aukñe asuhuiga asakmararanji ekñe. 27 Kanğota Suep garataurupñi melaim engiiga yeñön ambazip Anutunöñ nanñangöra möwölöhöm engiyöhi, i gölme göranji likeplikkep, euke emuke miangörejök kölolohoba enguanğitme. Mewö.*

*Geröp ipkö dopkeu**Mat 24.32-35; Luk 21.29-33*

28 Inini geröp ip eka tandökñi mötmöriba dopkeu ki mötme. Böröñan lök onambuk aiga sinñan yoñgoigetka mi eka möta kewö jimakze, ‘Wehön nalöñan mönö dopdowiza.’ 29 Enöñ mewöñanök aiwesök miangö dop asuhuiga eka möt asariba könanji kewö jime, ‘Jisösnöñ mönö nanñunöñ dopdowiza.’ 30 Nöñön keu ölnji kun kewö jibi mötket: Ambazip ki merak gölmenöñ maljei, yeñön qahö kömugetka yuai pakpak jizali, mi mönö yeñgö malmal nalöñine asuhuma 31 Suep gölmenöñ göröñ qemahotmö, nöñgö Buña keunan mönö qahö ayapköma.’ Mewö.

*Jisös kamawanğö nalöñi mi kunñan qahö mötza.**Mat 24.36-44*

32 **Suep gölmegö azi ölnjan dawinöñ kamawi, miangö wehönñi me aua nalöñi mi kunñan kun qahö mötza. Suepnöñ garata yeñön mi qahö mötze. Anutugö Nahönñan*

* 13:14: Dan 9.27; 11.31; 12.11 * 13:15: Luk 17.31 * 13:19: Dan 12.1; Ind 7.14 * 13:24: Ais 13.10; Eze 32.7; Joel 2.10, 31; 3.15; Ind 6.12 * 13:25: Ais 34.4; Joel 2.10; Ind 6.13 * 13:26: Dan 7.13; Ind 1.7 * 13:32: Mat 24.36

mewöñanök mi qahö mötza. Iwinöñ nanñök mi mötza. ³³ Nalö dawinöñ asuhumawi, mi qahö mötzeangöra enñön mönö alöm memba uruguliguli malme. ³⁴ *Mi dopkeu kiangö dop ahöza: Azi kunöñ miriñi mosöta kantri kungen anök. Anmangöra aka galömurupñi yuai pakpakñangöra jim kutum engiba nanñu kiñi böröñine ala kukñi engiyök. Kukñi engiba welenqeçeurupñi mohok mohok nup keu engiyök. Engiba mala nanñu galömñi mewöyök uruguliguli malmapköra jim kutum wanñiyök. ³⁵ Miri tonñan dawinöñ lilingöba kamawi, mi qahö mötze. Mare me sunjem ömbibine kama me? Wanñaran suruiga kama me? Wehön gianñiiga kama me? Miangö dop inñini mi qahö mötzeangöra mönö uruguliguli malme. ³⁶ Könöpuk wölan kaiga enñön gaun ahögetka mewö miwikñaim engibapuk. ³⁷ Inñini mönö uruguliguli malme. Keu mi gwarekurupñi engöra jizali, mi mewöyök alaurupñi körek pakpak engögöra jizal: Inñini mönö urugwölögwölö malme.” Mewö.

14

Jisös qein kömumapkö angöñan alget.

Mat 26.1-5; Luk 22.1-2; Jon 11.45-53

¹ *Pasowa kendon * aka beret yistñi qahö miangö kendonñi töriyohot. Wehön yahöt teköiga miangöreñ könahibitkö ahotka jike nup galöm aka Köna keugö böhi yeñön tokoget. Tokoba denöwö möndöñninga Jisös ölöñ memba qeget kömumbawak, miangö könani jaruba kewötket. ² Jaruba kewöta kewö jiget, “Ambazip irimñini seholiiga karimñi karimñi asuhubepuköra mi sösonñgai kendon nalöñe akingö osibin.” Mewö jiget.

Ambi kunñan Jisös o umköhökambukñöñ miriyök.

Mat 26.6-13; Jon 12.1-8

³ *Jisösnöñ Betani mirinöñ mala Saimon kun uzikukunñi mem solaniyöhi, yanñö mire öngöba tarök. Miangöreñ nene nempa tariga ambi kunñan köt kirin kun memba yanñöreñ kayök. Kirin mi nöluk tuat-tuat qetñi alabastö mianñön memenja. Mia o umköhökambuk ölni qetñi nad mianñön kokolak qeba tarök. Yanñön mi bohonñi ketanñan memba kaba nöluk jölñi kutuba onñi Jisösgö nöropñe mimbiliba miriyök. ⁴ Miriiga azi tatkeri, yanñöreñök tosatñan urubölö aka nanñinök kewö eraum mötket, “Nad o mi mönö wuanöñgöra mewö ayuhuzawi? ⁵ Nad o kelökñambuk mi bohonñi memegöra albawak ewö, ölop silim 300:kö töwanñi (Kina 1500,-) onñgita yöhötibawak. Mi ambazip wanapñi engiiga dop kölbawak.” Mewö jiba ambi mi jim wanñiget.

⁶ Jim wanñigetka Jisösnöñ kewö jii mötket, “Ambi ki kude jim wanñime. Wuanöñgöra urunñi mem bölice? Yanñön silik ölopñi ak soroköm niñgiiga dop kölja. ⁷ *Ambazip wanapñi mi nalöñi nalöñi sutñine malgetka ölopñi ak engibingö möta mi ölop nalö dop akñemö, nöñön engö sutñine nalö dop qahö malmam. ⁸ Yanñön mi nanñi akakmemenñangö dop ak niñgiza. Nöñön kömumbi löm köl niñgimeangöra ölop qeljine sileni kelökñöñ nömiriza. ⁹ Nöñön keu ölni kun kewö jibi mötket: Ölöwak Buña ki kantri igen waigen jim sehigetka anmawi, miangöreñ ambi kianñön yuai ak niñgizawi, miangö buñanñi mohok jiget sehiiga yanñöra mötmöriba malme.” Mewö.

Judasñöñ Jisös mamalolo mem wanñimangö urumohok ahök.

Mat 26.14-16; Luk 22.3-6

¹⁰ Gwarekurupñi 12 yanñöreñök kun qetñi Judas Iskariot yanñön Jisös mamalolo mem wanñimangöra aka jike nup galöm yanñöreñ anök. ¹¹ Yanñöreñ anda keunñi jiiiga mi möta urunñinan ölöwahiga söngöröñi monenñ wanñibingöra keu jöhöget. Keu jöhögetka Jisös nalö kungen mamalolo mem wanñimangö köna möt jaruba köinñingöba malök. Mewö.

* **13:34:** Luk 12.36-38 * **14:1:** Eks 12.1-27 * **14:1:** Kantri qetñi Ijipt miangöreñ Kembugö garatanöñ enñehoriba enñongirök, kendon miangö qetñi Nei keunöñ Pasowa. Eksodus 12.15 * **14:3:** Luk 7.37-38 * **14:7:** Dut 15.11

Jisösnöŋ gwarekyembuk Pasowa lama neget.

Mat 26.17-25; Luk 22.7-14, 21-23; Jon 13.21-30

¹² Beret yistnji qahö miangö kendon silim mutukŋe (Seqononöŋ) pasowa lama kun qeba ohozema. Miangöra Jisösgö gwarekurupŋan jiget, “Böhi, nini miri denikeangöreŋ anda pasowa lama mözözömgöm gihiba nembin? Sihimgi denöwö ahöza?”

¹³ Mewö jigetka gwarekyahötŋi yahöt kewö jiba melaim etkiyök, “Injiri Jerusalem sitinöŋ öngöyohotka azi kun o kumbut kunduta kaiga miwikŋaimahot. Miwikŋaiba i ölop wuatangöba anmahot. ¹⁴ Anohotka mire öngöiga miangö tonji kewö jiyohot mötma, ‘Böhinöŋ kewö jiza: Ölop miri uruŋi kun niŋginöŋga miangöreŋ öngöba gwarekurupni yembuk pasowa lama nembin.’ ¹⁵ Mewö jiyohotka tonjan möta miri qakŋe eu öngöba uruŋi ketanji kun kondel etkima. Miangöreŋ dum tatat yuai mözözömgöget ahöza. Mi kondel etkiiga miangöreŋ lama qeba ohomahot.”

¹⁶ Mewö jiiga gwarekyahötŋan mosöta sitinöŋ öngöba Jisösnöŋ keu jiyöhi, miangö dop miwikŋaiba kinda lama qeba ohom mözözömgöyohot.

¹⁷ Miri söŋauiga Jisösnöŋ gwarekurupŋi ¹² yembuk miri miangöreŋ kaŋgotket. ¹⁸ *Kaŋgota öngöba dumnöŋ tata nene negetka Jisösnöŋ kewö jii mötket, “Nöŋön keu ölni kun kewö jibi mötket: Engöreŋök kun nömbuk nene nemba tatzawanön mönö mamalolo mem niŋgima.”

¹⁹ Mewö jiiga uruŋinan wösöbirik aiga könahiba nanŋök nanŋök qesim waŋgiba jiget, “Nöŋöra jibanbuk?”

²⁰ Qesim waŋgigetka kewö jii mötket, “¹² engöreŋök kun nömbuk beret kuluŋnöŋ kundunğözawi, yaŋön. ²¹ Suep gölmegö azi ölnan mönö yaŋgöra keu ohoget ahözawaŋgö dop gölme mosöta anma. Anmapmö, mamalolo mem waŋgimawi, yaŋgöra Yei wösöbirik! jizal. Anutunöŋ mönö likepŋi öngöŋgöŋi melen waŋgima. Azi mi nam köröuruŋeyök qahö ahubawak, mianön mönö amqem waŋgibawak.” Mewö.

Kembubuk semön qöndökŋi neget.

Mat 26.26-30; Luk 22.14-20; 1 Kor 11.23-25

²² Nene nemba tata Jisösnöŋ beret memba kötuetsköba mindipköba engiba kewö jiyök, “Ki nani busuni. Ki memba neget.”

²³ Mewö jiba wain qambi memba saiwap jiba engiiga körekŋan qambi kiangöreŋök neget. ²⁴ *Negetka kewö jii mötket, “Ki nani sepni. Ki Anutunöŋ ambazip yembuk jöhöjöhö areŋ aiga köhöimapköra sepni mokoget geiga ambazip gwötpuk amöt qem engima. ²⁵ Nöŋön keu ölni kun kewö jibi mötket: Nöŋön wain kösögö ölni kiangöreŋ kunbuk toroqeba qahö nemam. Könaŋgep Anutugö bemtohoŋ uruŋe eu taringa közölömbuan almawi, wehön miangöreŋ mönö wain o qainŋi kun mia nemam.”

²⁶ Mewö jiiga söŋŋgai liŋet köla mosöta anda Oil ip kundunje öngöget. Mewö.

Pitönöŋ Jisös qaŋ kölmapkö jii mörök.

Mat 26.31-35; Luk 22.31-34; Jon 13.36-38

²⁷ *Öngöba Jisösnöŋ kewö jii mötket, “Kezapqetok azi kunöŋ keu kun kewö ohoi ahöza, ‘Nöŋön galömnini qebiga lama kambuŋan denme.’

Miangö dop enön körek uruŋini böliiga nömosöta buratime.

²⁸ *Buratigetka nuŋgumemö, nöŋön mönö kömupnöhök wahöta mutuk Galili prowinsnöŋ anda miangöreŋ asuhum engimam.”

²⁹ Mewö jiiga Pitönöŋ kewö jii mörök, “Yeŋön körek uruŋini böliiga gömosöta buratime ewö, nöŋön mönö töndup mewö qahö akŋam.”

³⁰ Jiiga Jisösnöŋ jii mörök, “Nöŋön keu ölni kun kewö jibi mötnöŋ: Kuruknöŋ indimŋi yahöt qahö qeriga göŋön merak sungem qaŋ köl niŋginöŋga indimŋi karöbut akŋa.”

³¹ Mewö jiyökmö, Pitönöŋ kapan köla köhöiköhöi ahök, “Böhi! Mewö qahöpmö, ni nunjugetka göbuk mohotŋe kömumbirak, mi töndup nöŋön gi qahö qaŋ köl gihimam.” Gwarek tosatŋi pampak mewöyök keu miyöhök jiget. Mewö.

Jisösnöŋ Gezemane arönöŋ köuluköyök.

Mat 26.36-46; Luk 22.39-46

³² Mewö eraum möta anda arö kun qetŋi Gezemane miangöreŋ aŋgotket. Aŋgota gwarekurupŋi kewö jii mötket, “Nöŋön endu anda köuluköbiga iŋini ölop nalö sutŋe ki tatme.” ³³ Mewö jiba Pitö, Jeims aka Jon enġuaŋgita anget. Angetka Jisösnöŋ könahiba köŋjiliŋ kanjamŋambuk möriga köna böröŋi qeköyök. ³⁴ Mewö aka kewö jii mötket, “Nöŋgö urunan mönö kondum köla kotzawaŋgöra aka wösöbirik mötpiga kömukömuŋi ak niŋgiza. Iŋini ölop kiangöreŋ tata nömbuk guli malbin.”

³⁵ Mewö jiba nanŋök boromkun toroqeba anda simin köla sipköba sihimbölä nalöŋi mi Iwiŋaŋgö jitŋaŋgö dop oŋgitmapköra köuluköyök. ³⁶ Köuluköba jiyök, “Aba Iwini, gi yuai kun qahö mölölömbizan. Miangöra sihimbölogö qambiŋi ki mönö noaŋgitman. Noaŋgitpanak, mi nöŋgö sihimgö dop qahöpmö, mönö nangi jitkahö dop asuhuma.”

³⁷ Mewö jiba liliŋgöiga gwarekurupŋi karöbut yeŋön gaun ahöget eŋgeka Pitögö kewö jii mörök, “Saimon, gi gaun ahözan me? Gi aua mohot-töp guli malmamgö kude köhöizan me? ³⁸ Uruninan guli malbingö sihimŋi mörakzinmö, sileninan lölöwöröŋi akza. Miangöra esapesapnöŋ et enġubapüköra mönö köuluköba guliguli malme.”

³⁹ Mewö jii möriga kunbuk enġömosöta anda keu miyöhök kunbuk jiba köuluköyök. ⁴⁰ Köuluköba liliŋgöiga jeŋini böŋböŋ meyöhaŋgöra kunbuk gaunök ahöget eŋgehök. Gaunöhök wahöta keu melenbingö janjuŋ aket.

⁴¹ Jisösnöŋ ani indimŋi karöbut aiga liliŋgöba kaba kewö jii mötket, “Iŋini toroqeba luhut memba gaunök ahöbingö mötze me? Mötket! Kunöŋ Suep gölmegö azi ölni mamalolo mem waŋgiiga bölöŋi meme yeŋgö böröŋine öŋgöma. Miangö aua nalöŋan lök kam kuŋguza. Enġö gaun ahöahö nalöŋinan mönö teköza. ⁴² Mönö wahötketka anin. Mötket! Mamalolo mem niŋgimawi, yaŋön mönö dowe ki kaza.” Mewö.

Jisös qeraköba memba jöhöget.

Mat 26.47-56; Luk 22.47-53; Jon 18.3-12

⁴³ Jisösnöŋ mewö jiba kiniga miangöreŋök gwarekurupŋi 12 yeŋgöreŋök kun qetŋi Judas yaŋön kambu kun jitŋe mem enġiiga kaŋgotket. Jike nup galöm, Köna keugö böhi aka kantrigö jitŋememe yeŋön i melaim enġigetka bimgö sou ketanŋi aka liŋgipŋini memba kaget. ⁴⁴ Mamalolo memamgö ahöhi, yaŋön mutuk yembuk aiwesök keu kewö jöhöba jii mötket, “Nöŋön azi numbuŋi yöhötüm nemami, i eka ‘Möno mi!’ jiba memba jöhöba törörök galöm köla anme.”

⁴⁵ Mewö jiba kaba miangöreŋök Jisösgöreŋ aŋgota “O Böhini!” jiba numbuŋi yöhötüm neyök. ⁴⁶ Yöhötüm neiga eka Jisös qelanjiba memba jöhöget. ⁴⁷ Jöhögetka kösutŋe kingeri, yeŋgöreŋök kunŋan bimgö sou ketanŋi öröba jike nup galöm bohonŋaŋgö welenqeqeŋi qeba kezapŋi köteköi erök. ⁴⁸ Jisös jöhögetka keu kewö jii mötket, “Ni kegwek-kahasiliŋ azia qahöpmö, töndup nöŋgöra mewö möta bimgö sou ketanŋi aka liŋgip memba nömemba jöhöbingöra kaŋgotze. ⁴⁹ *Nöŋön wehön dop jöwöwöl jikenöŋ embuk kinda Buŋa keu kusum enġiba malbiga qahö nömigetmö, yuai ki mönö Buŋa Kimbigö keuŋan ölnambuk akŋapköra asuhuza. ⁵⁰ Jisös jöhögetka gwarek yeŋön körek Jisös mosöta buratiba unjurata anget. Mewö.

Sepguli kunöŋ unjurata anök.

⁵¹ Azi gwabö kunöŋ bindoŋi tuatŋanök köpeiba Jisösgö andöŋe wuatangöba anök. Oponŋi tosatŋi qahö löŋgöta aniga i esapköba meget. ⁵² Membaliŋgö osiba bindoŋi qekögetka aukŋamŋe unjurata anök. Mewö.

* 14:49: Luk 19.47; 21.37

Jikegö jitnememe yeñon Jisösgö keu nup meget.

Mat 26.57-68; Luk 22.54-55, 63-71; Jon 18.13-14, 19-24

⁵³ Jisös jöhöba wangita jike nup galöm bohonnañgö mire anget. Angetka jike nup galöm pakpak, kantrigö jitnememe aka Köna keugö böhi yeñon miangörej anda tokoget.

⁵⁴ Angetka Pitönöñ sikepsikep enjuatangöba jike nup galöm bohonnañgö mire angota jakömbuak mirigö kiripo uruñe öngöyök. Öngöba welenqeçe azi yeñgö sutñine tata könöp kösutñe jömörök. ⁵⁵ Mewö tarökmö, jike nup galöm aka jike kaunsöl kambu yeñon Jisösgö silenöñ alal keu denöwö nañgöinga qeget kömumapkö jim jarugetmö, könöñi kun qahö miwikñaiget. ⁵⁶ Jaruba kinda gwötpukñan keu munenji silenje ala nañgöba jigetmö, keuñinan könöñi mohok qahö ahök.

⁵⁷ Mewö aiga tosatñan wahöta kinda keu munenji silenje ala nañgöba kewö jiget, ⁵⁸ **“Yañon kewö jiiga mörin, ‘Nöñon jöwöwöl jike börönöñ memenji ki köndenbiga gölmenöñ eriga wehön karöbutkö uruñe jike qainñi kun börönöñ memenji qahö mi mem wahöta kuñgumam.’ ”* ⁵⁹ Mewö jigetmö, töndup keuñinan könöñi mohok qahö ahök.

⁶⁰ Mewö aiga jike nup galöm bohonnañ wahöta mesohol köl enjiba kinda Jisös qesim wangiba kewö jiyök, *“Yeñon göhö silege keu ala nañgözei, miangö likepñi kun jiman me qahö?”*

⁶¹ Qesim wangiiga yuai bölöñi kun qahö ahökmö, töndup likepñi kun qahö melenja keuñi bök kinök. Keuñi bök kiniga jike nup galöm bohonnañ kunbuk kewö qesim wangiyök, *“Anutu möpöseim wangimakzini, gi yangö Nahönñi Kraist akzan me qahö?”*

⁶² *Qesim wangiiga *“On!”* jiba kewö jii mötket, *“Suep gölmegö azi ölnan mönö kukösum Tonangö böröñi ölnje tata suepkö kousu qakñe eri ekñe.”*

⁶³ Keu mi jiiga jike nup galöm bohonnañ malukuñi munjurata kewö jiyök, *“Yei, iwinangö jitñi! Tosatñan keuñi nañgömegöra kunbuk qahö qesim enjibin.* ⁶⁴ *Anutu mepaiközawi, mi mönö nanñinak möt teköze. Miangöra denöwö mötmörize?” Mewö qesim enjiiga yeñon körek Jisös kömupkö buñaya akñapköra jim teköget.

⁶⁵ Mewö jim teköba tosatñan könahiba söutkölap miriba jemesoholñi esuhuba böröñinan misiba qeba kewö jiget mörök, *“Dañon guhuzawi, mi ölop jinöñ mörin.”* Jikegö kiripo galöm (sikiriti) yeñon mewöyök Jisös memba nuñgulumñe qekötahöget. Mewö.

Pitönöñ Jisös qañ kölök.

Mat 26.69-75; Luk 22.56-62; Jon 18.15-18, 25-27

⁶⁶ Nalö miangörej Pitönöñ kiripo uruñe sombemnöñ malök. Emu maliga jike nup galöm bohonnañgö welenqeçe ambiñi kunñan miangörej kañgorök. ⁶⁷ Kañgota Pitönöñ könöp kösutñe jömöri ehiba kewö jiyök, *“Gi mewöyök Nazaret azi Jisös miambuk malnöñ.”*

⁶⁸ Mewö jiyökmö, Pitönöñ qañ köla kewö jiyök, *“Keu jizani, mi qahö möta köndatzal.”* Mewö jiba kiripo nañgunje geiga kinda kuruk qerök.

⁶⁹ Nañgunöñ geiga welenqeçe ambi kunñan i miangörej kunbuk eka azi kösutñe kingeri, i könahiba kewö jii mötket, *“Azi kianñon mönö yeñgöreñök kun akza.”*

⁷⁰ Mewö jii mötketmö, yañon kunbuk qañ kölök. Qañ köliga nalö borom kun teköiga azi kösutñe kingeri, yeñon kunbuk Pitögöra kewö jiget, *“Göñon Galili azia kun akzanangöra mönö alakña, yeñgöreñöhök kun akzan.”*

⁷¹ Mi möta könahiba nanñi qesuahöm anguba jöjöpañ keunöñ jim köhöiba jiyök, *“Azi keuñi jizei, mi qahö möt wangizal. Munenji jibilenjak ewö, Anutunöñ mönö likepñi melen niñgima.”*

⁷² Mewö jiba kiniga miangöreñök kuruk qeri yahöt ahök. Kuruk qeriga Jisösgö keu kewö jii möröhi, Pitönöñ mi mötmörüyök, *“Göñon indimñi karöbut qañ köl niñginöñga kuruknöñ qeri indimñi yahöt akña.”* Keu mi mötmöriba wösöñi julmamgö aiga sahöt bölüyök. Mewö.

* 14:58: Jon 2.19 * 14:62: Dan 7.13 * 14:64: Lew 24.16

15

Jisösnöñ premiö Pailötkö jeñe kinök.

Mat 27.1-2, 11-14; Luk 23.1-5; Jon 18.28-38

¹ Miri gianjiiga amandinje jike nup galöm, kantrigö jitñememe (70), aka Köna keugö böhi aka jike kaunsöl pakpak yeñon kot öngöngöñi miangö totoko ala Jisösgö keu jim teköget. Jim tekögetka Jisös jöhöba wañgita premiö Pailötkö böröñe alget. ² Rom premiö yañon Jisös kewö qesim wañgiyök, “Ölña, gi Juda yeñgö kiña akzan me qahö?” Qesim wañgiiga Jisösnöñ melenđa jii mörök, “Mönö nangak jizani, mewö.”

³ Jike nup galöm yeñon keu gwötpuk Jisösgö silene ala jiget. ⁴ Jigetka Pailötnöñ Jisös kunbuk qesim wañgiba jiyök, “Mötnöñ! Yeñon keu gwötpuk göhö silege ala jizei, göñon miangö likepñi kun jiman me qahö?”

⁵ Mewö jiyökmö, Jisösnöñ bölöñi kun qahö ahökmö, töndup keu kitipñi kunbuk qahö melennök. Keu bök kiniga premiönöñ welipköyök. Mewö.

Pailötnöñ Jisös kömumapkö jim teköyök.

Mat 27.15-26; Luk 23.13-25; Jon 18.39-19.16

⁶ Yambu (yara) dop pasowa sösongai nalöñe premiönöñ kösö mireyök azi kun qetñi qeta qesigeri, mi pösat engizapma. ⁷ Nalö miangöreñ azi kun qetñi Barabas qetkeri, yañon kösö mire tarök. Yañon kegwek-kahasiliñ azi tosatñi yembuk karim gila azi kun qeget kömuyöhi, miangöra kösö mire al engiget. ⁸ Mewö aiga könagesö yeñon premiögö miri sombemñe eu öngöba kinda könahiba akñalöhangö dop akñapkö qesim wañgiget. ⁹ Qesim wañgigetka melenđa kewö jii mötket, “Nöñon Juda engöreñ kiñ pösatpi etmapkö mötze me?” ¹⁰ Jike nup galöm yeñon Jisösgöra körögisigisi mötkerañgöra aka i premiögö böröñe al wañgiget. Mi möta sihimñinañgö mewö qesim engiyök.

¹¹ Qesim enjiiga jike nup galöm yeñon ambazip kambu uruesiesi mem engiba kewö jiget, “Mönö Jisös mosöta Barabas pösatman! Mewö qesim wañgime.” ¹² Mewö jigetka kunbuk melenđa qesim engiyök, “Mewö jizeangöra Juda engöreñ kiñ qetñi mewö qerakzei, nöñon mönö i denöwö ak wañgibileñak?”

¹³ Mewö qesim enjiiga kunbuk qetket, “Mönö maripomnöñ qeget jiman!”

¹⁴ Mewö qetketka Pailötnöñ kewö jii mötket, “Mi wuanöngöra? Yañon mönö wani bölöña ahök?” Mewö jiyökmö, yeñon mi möta kapan köla toroqeba qet gigilahöba kewö qetket, “Mönö maripomnöñ qeget jiman!”

¹⁵ Mewö qetketka Pailötnöñ ambazip kambu sihimñinañgö dop akñamgö möta Barabas pösat engii erökmö, Jisösyia jiiga ihilek wahinambuknöñ qeyöyaköba qeget. Mewö qegetka maripomnöñ qemegöra Rom yarö azi yeñgö böröñine alök. Mewö.

Jisös kukulömbuan ak wañgiget.

Mat 27.27-31; Jon 19.2-3

¹⁶ Yarö azi yeñon Jisös wañgita premiögö jakömbuak mirigö kiripo uruñe angotket. Angota yarö kambu lökñanök öröm engigetka miangöreñ kaget. ¹⁷ Kaba maluku pisikñi gugakgugak mi Jisösgö silene löngöt wañgiba sötmän kösö limbiñda ila ewö nöropñe kölget geyök. ¹⁸ Mewö geiga könahiba waikñi memba jölöñi jiget, “Owe owe, Juda yeñgöreñ kiñ, owe!” ¹⁹ Titipepe mewö aka jigetka jehotnöñ nöropñe qeba söutkölap qeba simin köl wañgiba sipköba möpöqöpösei munenji mem wañgiget. ²⁰ Mepaqepaik mewö ak wañgim teköba maluku pisikñi gugakgugak mi qeköba nanñe sile esu löngöt wañgiba maripomnöñ qebingöra wañgita anget. Mewö.

Jisös maripomnöñ qeget.

Mat 27.32-44; Luk 23.26-43; Jon 19.17-27

21 *Anda köna namje azi kun qetnji Saimon miwiknaget. Yanön Afrika siti qetnji Sairini miangö aziña aka Aleksander aka Rufus yetkö iwinjira. Yanön nupnöhök kanjoriga kunjum wangigetka Jisösgö maripomnji memba anguyök. 22 Jisös mewö wangita gölme kun qetnji Golgota mi nanine keunöñ nöröp sihit, miangören anda angotket. 23 Angota wain o aka marasin qetnji mör mi mindiriba lolonqalon memba wangigetmö, Jisösnöñ mi tököyök. 24 *Tököiga kinda maripomnöñ qeget. Qeget kiniga kiawen meget qötöñi ahuiga Jisösgö sile esunji mohok mohok sutnjine miangö dop mendenä meget. 25 Söñan 9 kilok miangören maripomnöñ qeget. 26 Maripomnöñ qeba nöröpñe eu qegerangö könañi kewö ohoba qeget, “Juda yeñgö kiñ kembuñina ki.” 27 Kegwek-kahasililiñ azi yahöt mewöyök yambuk maripomnöñ etkuget. Kun böröñi ölñe kun qaniñe likeplikep mewö etkuget. 28 *(Anutugören Buña Kimbinöñ keu kewö ohoget ahöza, “I kewöta kegwek-kahasililiñ azi ewö mötmöröiba yeñgö sutnjine alget.” Keu mianön mewö ölñambuk ahök.)

29 *Ambazip onjita anda kaba kukulömbuan aka jelikit aka nöröp köla kewö jiget, “Yei! Gi mönö jöwöwöl jike ölöp könderñöñga gölmenöñ eriga wehön karöbutkö uruñe kunbuk mem wahöt kunjumangö jinöñ. O, gi azi qetpuk! 30 Mönö nangi bauköm anguba maripomnöñ etman.”

31 Jike nup galöm aka Köna keugö böhi yeñön mewöyök sutnjine mepaqepaik ak wangiba jiget, “Tosatña bauköm engiba malökmö, nanñi bauköm angumangö osiza. 32 Yanön Amötqege Toñi Kraist aka Israelgö kiñ akza ewö, mönö döлки maripomnöñ eri eka mi möt naribinak.” Mewö jiget.

Azi yambuk maripomnöñ etkugeri, yetkөн mewöyök uruqege keu töhöreñ jim wangiyohot. Mewö.

Jisösnöñ kömuyök.

Mat 27.45-56; Luk 23.44-49; Jon 19.28-30

33 Silim bibinji 12 kilok aiga miangören söñaupnöñ eta gölme pakpak dop köla ahöiga anda aua karöbutkö dop ahök. 34 *Jisösnöñ 3 kilok miangören nanñe keunöñ kewö qet ketanji qerök, “Eloi, eloi, lama sabaktani?” Mi nanine keunöñ: Anutuni, Anutuni mönö wuanöñgöra andö nuñguzan?

35 Mewö qeriga azi kösutñe kingeri, yeñgörenök tosatñan mi möta jiget, “Mötket! Mönö Elaijagöra qetza.” 36 *Yeñgörenök kunöñ ösumñan anda mömöndö kun kahali tandök mi memba wain o asölñambuknöñ kundumgöba ip göröm kitipñe jöhöba suruba Jisös numbu susuñe eu ali neiga jiyök, “Möno mosötketka nanñök kinök. Elaijanöñ kaba meköi etma me qahöpto, mönö mi ekin.”

37 Mewö aketka Jisösnöñ qet ketanji qeta wösöñi nöñ qeiga kömuyök.

38 *Kömuiga miangörenök jöwöwöl jikegö uruñe opo kinöhi, mianön mönö euyök bibinje jurata eta yahöt ahök. 39 Suahö galömnöñ maripom mesohol köla kinda Jisösnöñ wösöñi nöñ qeiga kömuyöhi, mi eka kewö jiyök, “Azi kianön mönö ölña Anutugö nahönña akza.”

40 *Ambi tosatñan mewöyök sikep kinda yuai mi eket. Yeñgö sutnjine Magdalagö Maria aka Maria Jeims dubatñi aka Joses yetkö namñiri aka Salome yeñön mohotñe kinget. 41 Yeñön Jisösnöñ Galili prowinsnöñ maliga miangören i wuatangöba welen qem wangiba malget. Mewöyök ambi tosatñi gwötpuk Jisösbuk Jerusalem sitinöñ öñgöba kageri, yeñön mewöñanök kösutñe kinget. Mewö.

Jisösgö qamötñi löm kölget.

Mat 27.57-61; Luk 23.50-56; Jon 19.38-42

42 Sabat kendon tatatköra yuai mözözömgögetka Sabat kendonöñ könahimangöra dop-dowiiga mare aka kayök. 43 Neñgogie miangören Arimatia toñi, azi qetbuñambuk

* 15:21: Rom 16.13 * 15:24: Sum 22.18 * 15:28: Ais 53.12 * 15:29: Sum 22.7; 109.25; Mak 14.58; Jon 2.19

* 15:34: Sum 22.1 * 15:36: Sum 69.21 * 15:38: Eks 26.31-33 * 15:40: Luk 8.2-3

qetņi Josef yaņön kayök. Yaņön mewöyök Anutu bemtohoņangö ölņi asuhumapköra mamböta malök. Yaņön Juda yeņgö jike kaunsöl kambugö jitņememe kun aka Sabat kendonöņ könahimangö ahöraņgöra aka keņgötņi yaköriba Pailötköreņ anda Jisösgö qamötņi memangö qesiyök. ⁴⁴ Qesiiga “Ölņa kömuza me qahöpto?” jiba mötmöriba suahö galömņi jii kaiga “Jisösnöņ nalö köröpņi me töröpņi kömuza,” jiba qesim waņgiyök. ⁴⁵ Qesim waņgiiga buzup keuņi möta Jisösgö qamötņi Josef jim teköm waņgiyök. ⁴⁶ Jim teköm waņgiiga opo tuatņi söņgöröņi memba anda qamötņi maripomnöhök qeköba memba eta oponöņ esuhuyök. Esuha memba qaksirinöņ anda kötnöņ köteņ uroro-hogetka dum ahöyöhi, miangöreņ alök. Ala köt kötaņi kun metaliga köteņ numbuņi közipköyök. ⁴⁷ Denike alöhi, mi Magdalagö Maria aka Maria Josesgö namņi yetkön kinda ehot. Mewö.

16

Jisösnöņ kömupnöhök wahörök.

Mat 28.1-8; Luk 24.1-12; Jon 20.1-10

¹ Sabat kendon tatket teköiga miangöreņ Magdalagö Maria, Maria Jeimsgö namņi aka Salome yeņön “Jisösgö qamötņi anda miribin.” jiba jiniņ jimoroņ umköhöwakņambuk söņgöröņi meget. ² Memba ahöba Sonda söņanök wahöta miri gianņi wehön jilinbölaņ kori qaksirinöņ anget. ³ Anda eraum möta jiget, “Qaksirigö numbuņe köt ketanı tatzawi, mi mönö daņön qetalma?” ⁴ Mewö jiba ugetka ani kewö eket: Köt keta bölökņi mi lök qetalget anda ahöyök. ⁵ Qaksirigö köt köteņ numbuņi mewö aņaņiba kiniga uruņe öņgöget. Öņgögetka ölņine göröken azi gwabö kun malukuņi köröpņi tuatņi tariga eket. Mewö eka gwötpuk awöwöliget.

⁶ Awöwöligetmö, kewö jii mötket, “Mönö keņgötņini kude mötme. Inini Nazaret azi Jisösgöra jaruze. I maripomnöņ qegetmö, mönö guliba wahörök. Miangöra ki kude ahöza. Eket! Dumņi ki, miangöreņ suluget ahöyök. ⁷ *Miangöra mönö anda Pitö aka gwarekurupņi pakpak buzup kewö jiget mötme, ‘Yaņön mönö qeljiņe mutuk Galili prowinsnöņ anma. Inini mewöyök miangöreņ anda keuņi jiyöhangö dop i ekņe.’”

⁸ Mewö jüiga auruba jönömņini unduiga köt köteņök eta ösumņinan anget. Sömbuņini mötkeraņgöra keu kun kude jigetmö, keuņini bököyök. Mewö.

Jisösnöņ Magdalagö Mariagöreņ asuhuyök.

Mat 28.9-10; Jon 20.11-18

⁹ Jisösnöņ Magdalagö Maria yaņgö uruņeyök öme 7 eņguataņgöiga malök. Jisösnöņ kömupnöhök wahöta Sonda söņan amandinöņ mutuk Maria mi asuhum waņgiyök. ¹⁰ Asuhum waņgiiga alaurupņan Jisösbuk mala kota nalö miangöreņ jiiņgeņ köla sahötkeri, Marianöņ mönö yeņgöreņ anda buzupņi jii mötket. ¹¹ Mötketmö, Jisösnöņ guliba mali Marianöņ ehöhi, mi qahö möt nariget. Mewö.

Jisösnöņ alayahötņi yetköreņ asuhuyök.

Luk 24.13-35

¹² Miangö andöņe alayahötņan Jerusalem siti mosöta miri kunöņ anbitköra könanöņ anohotka Jisösnöņ kaisoņgolomņan melenņiga asuhum etkiyök. ¹³ Yetkön mewöyök anda buzupņi mi alaurupņi jiyohot mötketmö, yeņön mi mewöyök qahö möt nariget. Mewö.

Jisösnöņ gwarekurupņi asuhum eņgiyök.

Mat 28.16-20; Luk 24.36-49; Jon 20.19-23; Apo 1.6-8

¹⁴ Könaņgep gwarekurupņi 11 mienöņ tokoba nene namba tatketka yeņgöra mewöyök asuhuyök. Asuha uruköhöikņinaņgöra tembula kömupnöhök wahöriga ekerañön buzupņi jiget möta mi qahö möt narigeri, miangöra i jim eņgiyök. ¹⁵ *Jisösnöņ kewö

* 16:7: Mat 26.32; Mak 14.28 * 16:15: Apo 1.8

jii mötket, “Inini mönö kantri dop anda gölmeni gölmeni liliköba ambazip mal anjeangö dop Ölöwak Buñani jim asarigetka mötme. ¹⁶ Kunñan Anutu möt nariiga o melun mem wangigetka uruñi melemawi, yañön mönö letota Suepkö buñaya akña. Kunñan qahö möt nariba yangisen malmawi, Anutunöñ mönö yangö keuñi jim teköiga könöp siagö buñaya akña. ¹⁷ Möt narim niñgiba malmei, mi aiwesök mem enjibiga könañamñini kewö asuhuma: Yeñön nöngö qetne ömewöröme enjuatangöme. Kantri tosatñi yeñgö keuñini jime. ¹⁸ Mokoleñ böröñinan memba wahötme. Möröm warabe o yuai negetka miañön mönö qahö mem bölim enjima. Böröñini kawöl ambazip qakñine algetka ölöwakñe.” Mewö.

Jisösnöñ Suep mire öngöyök.

Luk 24.50-53; Apo 1.9-11

¹⁹ *Kembu Jisösnöñ keuñi mewö jii mötketka Anutunöñ wangiriga Suepnöñ öngöba Anutugö böröñi ölñe tata malja. ²⁰ Eu maljapmö, gwarekurupñan mosöta miri gölme dop anda Buña keuñi jim sehiba malget. Mewö malgetka Kembunöñ yembuk nup memba inahöm enjiiga anjölötöt asuhugetka keuñinan köhöiyök. Mewö.

* 16:19: Apo 1.9-11

Luk Ölöwak Buña Luknöŋ ohoyök. Jim-asa-asari

Urumelen yeŋön miti dölökŋi qahö memba kazei, dokta Luknöŋ mi azi öngöŋgöŋi Tiofilusgöra kondelmamgöra aka Ölöwak Buña ki ohoyök. Luk yaŋön Jisösgö gwarekŋi 12 yeŋgöreŋök kun qahöpmö, Grik azia aka kawöl ambazip mem ölöwak nupnöŋ malök. Luknöŋ Jisösgö könaŋi yahöt kewö kondel neŋgiza: 1) Anutunöŋ Amötqeqe Tonŋ melaimamgö keu jöhöiga Israel yeŋgöra asuhuyök, 2) Yaŋön mönö kantriŋi kantriŋi mem ölöwak neŋgimamgöra kayök. Kembangö Uŋaŋan Jisös oholiga “ambazip etqeqeŋi yeŋgöra Ölöwak Buña” jim asariyök. Ambazip yuai könaŋi könaŋi miangöra osigeri, Jisösnöŋ yeŋgöra waimanjat möta bauköm eŋgiba malök. Luknöŋ kösohot mewöŋi sehisehiŋi areŋgöba ohom teköyök. Luknöŋ sösoŋgaigö kösohotŋi gwötpuk ohoyök. Jisösnöŋ mutuk gölmenöŋ erök aka teteköŋe miangöreŋ gölme mosöta Suepnöŋ öngöyök. Miangöra sösoŋgai sehisehiŋi mi boŋ 1-2 aka boŋ 24 miangöreŋ ahöza. Jisösnöŋ Suepnöŋ öngöiga Buña nup mem sehigetka mötnariŋ kambunöŋ qariba qariba anök. Luknöŋ miangö kösohotŋi mi buk qetŋi “Aposol nup meme” miangöreŋ ahöi ahöza.

Luknöŋ Ölöwak Buña ohoyöhi, miangö keu bohonŋi mi kewö dop köla ali ahöza: Köuluk nup megetka ölni asuhuyök, Uŋa Töröŋan ambazip sölölohöm eŋgii malget, Ambi yeŋön Jisösbuk nup gwötpuk nanŋöba meget, Anutunöŋ siŋgisöndokŋini mosöta malök.

Buk kiangö bahöŋi bohonŋi 8 mi kewö:

Buk kiangö könaŋi Luknöŋ ohoyök boŋ 1.1-4

Jon O-melun azi aka Jisös asuhiba qariyohot 1.5-2.52

Jon O-melun azinöŋ Anutugö nup meyök 3.11-20

Jisös o melun mem waŋgiiga esapesap miwikŋaiyök 3.21-4.13

Jisösnöŋ qenjarök nupŋi Galili prowinsnöŋ meyök 4.14-9.50

Galili mosöta köna anda Jerusalem aŋgorök 9.51-19.27

Jerusalem aŋgota sonda qöndökŋi malök 19.28-23.56

Wahöta asuhum eŋgiba Suepnöŋ öngöyök 24.1-53

Matyu Mak Jon yeŋön kösohot tosatŋi qahö ohogeri, mi Luknöŋ nanŋök ohoi bahöŋi 2 aka 6 miangöreŋ ahöza. Kösohot tosatŋi mi kewö: Garata yeŋön liŋet kölget, Lama galöm yeŋön Jisös asuhuiga kaba eket, Jisösnöŋ moröröpŋe jöwöwöl jikenöŋ öngöyök, Samaria azinöŋ gurusep azi ak kömum waŋgiyök aka nanŋi imbi-imbi azinöŋ siŋgisöndokŋi geba sohoyöhi, miangö dopkeu.

Luknöŋ kimbi Tiofilusgö ohoyök.

¹ Kezapqetok ambazipnöŋ Amötqeqe Tonŋ ahumapkö keu jigetka miangö ölni sutnine asuhuyöhi, ambazip gwötpukŋan miangö kösohotŋi könahiba ohoget. ² Yuai ölni mi sutnine asuhuiga tosatŋan mi könakönahineyök könahiba kota nanŋine jeŋinan eka möt yakögeri, yeŋön miangö dop miangö buzupŋi toroqeba jim sehigetka kezapnine geba nanine buŋaya ahök. Ambazip mewöŋi yeŋön Buña mi könahiba papianöŋ ohoba areŋgöget ahöza.

³ Nöŋön mewöyök yuai pakpak asuhiba koröhi, mi törörök qesim eŋgibi könaŋeyök könahiba jigetka möt kutuzal. O Tiofilus nöŋön göhöra mötŋi öngöŋgöŋi akzan. Nöŋön göbuk keu eraum mötŋi kömöti ölöwahiga Jisösgö kösohotŋi mi körekŋanök areŋgöba ohozal. ⁴ Buña keu ölni kusum gihigetka mötzani, göŋön miangö könaŋi oyoŋda körekŋanök möt kömuman. Mewö.

Jon asuhumapkö keuji Geibrielnöj jiyök.

⁵*Judia prowinsgö kin qetnji Herod yangö nalöne azi kun qetnji Zekaraia malök. Yanön jike nup galöm mala Abaiagö nup arenönöj kinök. Anömni qetnji Elisabet yanön mewöyök jike nup galöm Arongö gwölönarökni kun ahök. ⁶Yekjön Anutugö jeje malmal diñdini mala Kembangö jöjöpän keu aka jimkutukutuñi pakpak törörök wuatangöba köpösihitkö keunjiri qahö malohot. ⁷Malohotmö, Elisabetnön köpingöra gwölönarökñiri qahö mala ambazip namñi ahot.

⁸Nalö kunöj Abaiagö nup areñ nalöñan kaiga Zekaraianöj jike nup galöm nup memapköra Anutugö jemesoholne kanğorök. ⁹Kanğoriga jike nup galöm yeñön aiakanjini wuatangöba sutñine nup mendenđa Zekaraia mekögetka Kembangö altanöj öngöba jiniñ wörönñambuk ohoyök. ¹⁰Jiniñ wanafu ohoho nalöñan kam kuñguiga yanön yuai wörönñambuk mi ohoiga ambazip kambu pakpak yeñön jöwöwöl jike yaigepne mamböta Anutu köuluköba malget.

¹¹Jiniñ ohoiga wörönñan pukpuköba miri uruñi dop köliga miangörej Kembangö garata kunöj altanöj eu asuhum wanğiba böröñi öljne göröken kinök. ¹²Kiniga Zekaraianöj eka auruba kenğötñi mörök. ¹³Kenğötñi mörökmö, garatanöj kewö jii mörök, “Zekaraia, gi kenğötki kude mötnöj. Anutunöj köuluki lök mötza. Mianğöra anömngan gölöm ala morö nahöna mema. Mi meiga göñön qetnji Jon qetman.

¹⁴Nahönñi asuhuiga urugan yangöra ölöwahiga söngainönga ambazip gwötpukñan sösongai akne. ¹⁵*I nam körö uruñe tariga Uña Töröñan miangörejök könahiba uruñi kokolak qeiga qariba wain me o köhöikni mi qahö nemba Kembangö qöhöröje azi öngöngöñi aka malma.

¹⁶Mewö mala Israel ambazip gwötpuk urumelen enjiiga Kembunini Anutugörej lilingöme. ¹⁷*Anutugö Uñañan kezapqetok azi Elaija inahöiga kukösum qakne nup meyöhi, yanön mönö miangö dop mutuk qeljiñe aniga Kembunöj andöñe kama. Yanön anda könagesö uru kuñgum enjiiga Kembunöj kamapköra jöjöröba kinme. Iwi aka nahönbörat jula dengetka uru kuñgum enjiiga kunbuk mindirim anğume aka qegetal ambazip mi diñdini yeñgö mötmöt arenönöj anğotme.”

¹⁸Suep garatanöj mewö jiiga Zekaraianöj jiyök, “Anömni netkön ambazip namñi akzirangöra keugan mönö dewöwö öljambuk akawak?”

¹⁹*Mewö jiiga melenök, “Ni Geibriel. Nöñön Anutugö mesoholne kinbi melaim niñgii buzup ölöpñi ki memba kaba jibi mötzan. ²⁰Nöngörej keu jit öljambuk asuhumawi, göñön mi jibi qahö möt narizanağöra keugan mönö qahöwahiga mötök malman. Mewö malnönga buzup keu kianğö öljni asuhumapkö nalöñan kam kuñguiga miangörej nesilamgan lolohoi keu kunbuk jiman.”

²¹Nalö sutñe miangörej ambazipnön mamböt mala Zekaraianöj jöwöwöl jikenöj nalö köröp tiñtiñi kinöhanğöra mötkurumkurum aket. ²²Mewö aka tatketka yaigep eta keu jimangö osiiga möt asariba kewö jiget, “Yanön jöwöwöl jikenöj kinda jeñi melenñi Suepnöhök imut kun ekza.” Mewö jigetka böröñanök kaisöpsöp al enğiba mötök aka malök.

²³Mewö mala jike nup meme nalöñan teköiga lilingöba miriñe anök. ²⁴Wehön tosatiñi teköiga Elisabetnön gölöm ala köiñ 5 miangö dop mire asamböta kewö jiba tata malök, ²⁵“Moröni qahöpköra ambazipnön memba eta al niñgigetka Kembunöj mesohol köl niñgiba miangö lömbötñi memba gila ak kömum niñgiza.” Mewö.

Jisös asuhumapkö keuji Geibrielnöj jiyök.

²⁶Elisabetnön gölöm alöhanğö köiñi 6 aiga Anutunöj garatanñi qetnji Geibriel melaiiga Galili prowinsgö miriñi kun qetnji Nazaret miangörej erök. ²⁷*Eta ambi seram jömukñi

* 1:5: 1 Hist 24.10 * 1:15: Jan 6.3 * 1:17: Mal 4.5-6 * 1:19: Dan 8.16; 9.21 * 1:27: Mat 1.18

qetņi Maria yaņgöreņ anök. Yaņön azi qetņi Josef yaņgö ambi buņaya malök. Josefnöņ kiņ Deiwidkö gwölönarökņi kun ahök. ²⁸ Garatanöņ Mariagöreņ anda kewö jiyök, “O Maria, silingi ölöpņi. Kembunöņ kalem möriam gihiba göbuk kinma.”

²⁹ Mewö jiyökmö, Marianöņ jölöņ miangöra gwötpuk auruba kōnaņi jaruba mötkurumkurum ahök. ³⁰ Mötkurumkurum aiga kewö jii mörök, “Maria, Anutunöņ kalem möriam gihiiga yaņgö jeņe dop köljan. Miangöra keņgötki kude mötnöņ. ³¹ *Mötnöņ, göņön gölöm ala morö nahōna meman. Memba qetņi Jisös qetman. ³² *Jisös yaņön qariba azi qetbuņañambuk aiga qetņi ‘Öņgöņgöņi ketañgö Nahönņi,’ qetketka malma. Mewö mali Kembu Anutunöņ amböņi kiņ Deiwidkö jakömbuak dum waņgiiga salupņe ambazip galöm köl eņgiba malma. ³³ Jeikobkö kōnagesö yeņgö kiņa aka teteköņi qahö galöm köl eņgiba malma. Bemtohoņi miañön mönö nalö kunöņ kude qahöwakņa.”

³⁴ Garatanöņ mewö jiiga Marianöņ jii mörök, “Yei! Ni azigö kōnaņi qahö mötzal. Miangöra keu jizani, miangö ölni mönö denöwö asuhuma?”

³⁵ Mewö jii möta meleņnök, “Uņa Töröņan mönö aum köl gihiiga Anutu öņgöņgöņi ketañgö ösumņan dop köla turum gihima. Miangöra morö memani, yaņön töröņi aiga ambazipnöņ qetņi ‘Anutugö Nahönņi,’ jiba qerakņe. ³⁶ Mötnöņ. Tinigi Elisabet yaņön mewöyök ‘Köpin mala morö memangö osiza,’ jigetmö, tōndup ambi namņi aka nalö kewöņe morö nahöngö gölömņambuk aiga kōiņi 6 akza. ³⁷ *Anutunöņ yuai kun akņangö jiba mi qahö qaköba osimakza.”

³⁸ Mewö jiiga Marianöņ jiyök, “Mötnöņ, nöņön Kembugö welenqeçe ambia akzal. Miangöra keu jizani, miangö dop ölöp ahum niņgima.” Mewö jiiga Suep garatanöņ mosöta anök. Mewö.

Marianöņ Elisabetköreņ kusuk anda ehök.

³⁹ Marianöņ mi möri nalö köröpņi qahö aiga wahöta zilaņ jöjöröba gölme kundune öņgöba Judia prowinsgö taon kunöņ anök. ⁴⁰ Anda Zekaraiagö mire öņgöba anömnı Elisabet eka söņgaiba jölöņi jiyök. ⁴¹ Jölöņi jiiga miangöreņök möri morö nahönöņ körö uruņe luhuba öņgöba eri Uņa Töröņan Elisabetkö uruņi kokolak qeyök.

⁴² Kokolak qeiga qet ketani qeta kewö jiyök, “O alani, Anutunöņ kötümötuetņi öņgöņgöņi al gihiiga ambi sutnine malman aka morö memani, i mewöņanök kötuetköm waņgima. ⁴³ Denöwögöra Kembunangö namņan kaba neiga mewö asuhum niņgiza? ⁴⁴ Mötnöņ, gi jölöņni jinöņga keu jölgi kezapne gei morönöņ urune mewöyök sösoņgai qakņe luhuba öņgöba etza. ⁴⁵ Kembunöņ buzup keuņi jiiga möta miangö ölni asuhumawi, mi möt narizanaņgöra göhö mötpi simbawoņ akzan.” Mewö.

Marianöņ sösoņgai liņet kölök.

⁴⁶ *Marianöņ keu mi möta kewö jiyök, “I-ia! Nöņgö urukönömnan mönö önöņi qahö Kembu möpöseiza.

⁴⁷ Nöņgö uņanan Anutu, Amötqeçe Toni yaņgöra söņgaiba köiraņ kölja.

⁴⁸ *Nöņön welenqeçe ambi etqeçeņi maljalmö, Anutunöņ tōndup mesohol köla ak kömum niņgiza.

Mötnöņ, ambazip kambuņi kambuņi merak kōnahiba asuhumei, yeņön mönö nöņgöra ‘Simbawoņ!’ jiba möpöseim niņgiba malme.

⁴⁹ Kukösüm Toņan mönö aņgöletot öņgöņgöņi mem niņgii maljal.

Yaņgö qetņi mi Töröņi.

⁵⁰ Ambazip merak gölmenöņ maljei aka kōnaņep ahum sehimei, yeņgö sutņine gwöt isik denike yeņön Anutugö jitņi oņgitpinbukö keņgötņini mötmei, yaņgö ak-kömukömuņan mönö yembuk pōndaņ ahöma.

* **1:31:** Mat 1.21 * **1:32:** 2 Sml 7.12, 13, 16; Ais 9.7 * **1:37:** Jen 18.14 * **1:46:** 1 Sml 2.1-10 * **1:48:** 1 Sml 1.11

51 Anutunöŋ böröŋan aŋgöletot memba mianöŋ kukŋi kondel neŋgiiga ehin.

Ambazip nanŋini miwidimgöba söŋgöroqök malgeri, yaŋön mönö i köndenŋ enŋiiga sim-bisembel aka malget.

52 *Kiŋ kembuŋi kembuŋi jakömbuak dumŋine tata ambazip galöm köl enŋiba malgeri, yaŋön i mianŋörenök qeköba utal enŋiiga etket. Etketmö, etqeŋeŋi ia mönö mem wahöta al enŋiyök.

53 Ambazip yuaigö jaŋkötataŋ malgeri, miengö uruŋini mönö yuai ölöŋŋi ölöŋŋi mianöŋ kokolak qeyökmö, ambazip pomŋi mi melaim enŋiiga böröŋini börak öne anget.

54-55 *Yaŋön ambösakonurupnini meköba enŋömeiga Israel aketka nini toroqeba Anutugö welenqeŋeuruŋi maljin.

Anutunöŋ mönöwök jöjöpäŋ keuŋi kewö jim jöhöm neŋgiyök, ‘Nöŋön Abraham aka yaŋgö gwölönarökuruŋi teteköŋi qahö mal öŋgöba malmei, i ak kömum enŋiba malmam.’

Mewö jiba keuŋi mi qahö ölum qei mala korök.

Qahöpmö, yaŋön mönö keu jitŋi mi wuatangöba mala merak bauköm neŋgimamgöra kaza.”

Marianöŋ mewö jiyök.

56 Marianöŋ köiŋ karöbut mianŋö dop Elisabetpuk mala kunbuk miriŋe liliŋgöyök. Mewö.

Jon O-melun azinöŋ asuhuyök.

57 Elisabetkö morö meme nalöŋan kam kuŋguiga morö nahöna meyök. 58 Morö nahöna meiga miri kösutŋe malgeri aka tinitosolomuruŋi yeŋön Kembunöŋ ak-kömukömu öŋgöŋgöŋi kondel waŋgiyöhi, mi möt asariba yambuk mohotŋe sösoŋgai aket.

59 *Sösoŋgai aka wehön 7 teköiga wahöta anda Anutugö aiwesökŋi morö silene yandimegöra tokoget. Tokoba iwiŋaŋgö qetŋi Zekaraia mi wakaŋ mem waŋgibingöra jiget. 60 Jigetmö, namŋan jiyök, “Mi qahöpmahöpmö, qetŋi mönö Jon qetpin.”

61 Jiiga kewö jiget mörök, “Jon qetzanmö, göhö tinitosolomgi yeŋgörenök kunŋaŋgö qetŋi mi qahö ahöza.” 62 Mewö jiget möri kinda iwiŋan yaŋgö qetŋi qetmapkö qesiba böröŋinan kaisöpsöp alget.

63 Kaisöpsöp algetka tafegöra qesii waŋgigetka mianŋören kulem kewö ohoyök, “Qetŋi mi Jon.” Mewö ohoiga mianŋöra körek aurum tililiŋgöget. 64 Aurum tililiŋgögetka mianŋörenök numbuŋi amgöiga nesilamŋi lolohoiga keu jiba Anutu möpöseiyök.

65 Möpöseiyiga miri alauruŋini pakpak yeŋön qemsömbuŋini gwötpuk mötket. Mötketka yuai asuhuyöhi, mianŋö buzupŋi eraum mötketka sehiba Judia kunduŋi gölme pakpak dop kölöc.

66 Buzupŋi eraum mötketka körekŋan mi möta urukönömŋine ala aŋgön kölget. Kembunöŋ kukösumŋi moröseŋep qakŋe mokoï malöhi, mianŋö könaŋi möt asariba kewö jiget, “Morö kianöŋ qariba mönö wani yuaia kun denöwö akŋa?” Mewö.

Zekaraianöŋ kezapqetok keu jiyök.

67 Mewö jigetka Uŋa Töröŋan iwiŋi Zekaraiaŋgö uruŋi kokolak qeiga kezapqetok keu kewö jiyök,

68 “Nini Israel neŋgören Kembu Anutu möpöseibin. I-ia!

Yaŋön mönö könagesöuruŋi mesohol köl neŋgiba sohopeni memamgöra jöjöröba kama.

69 Anutunöŋ welen aziŋi kiŋ Deiwidkö könagesö neŋgö sutninyök azi kukösumŋambuk kuŋgui wahöta Amötqeŋe Tonina akŋa.

70 Möpŋaŋgö möpŋeyök kezapqetok ambazipuruŋi tök-kutukutuŋi i sölohöm enŋii keu jit kewö jiba malget,

* 1:52: Job 5.11; 12.19 * 1:54-55: Jen 17.7 * 1:59: Lew 12.3

⁷¹ ‘Nöñön mönö kerökurupnini yeñgö ösumñini qebi eriga bohonñini jöhömam. Denike yeñön kazik ak engime, nöñön mönö körek yeñgö böröñineyök meköba sel jöhöm engimam.’

⁷² Keu mewö jiba bömöñurupnini ak kömum engiba yembuk jöhöjöhö areñ qainñi kun jöhöyöhi, mi mötmöriba wuatangöiga amötqeqegö ölni asuhuma.

⁷³ Jöhöjöhö keu mi bömöñini Abrahamgöra jiba jöjöpañ keunöñ jim köhöii ahöza.

⁷⁴ Jöhöjöhö keu miangö ölni kewö:

Yañön nini kerökurupnini yeñgö böröñineyök meköm neñgiiga yeñgöra keñgötnini qahö möta welenni qem wañgiba malbin.

⁷⁵ Yañön keunini jim teköi solaniba yañgö jeñe sarakñi aka malmalnini ölülu mewö mala kömumbin.

⁷⁶ *O gömokni Jon, göñön qariba mala qeljine mala ambazip uruñini mindingöba mewö mianñön Kembugö könañi mesatnönga kama.

Miangöra qetki ‘Anutu öngöngöñi ketanañgö kezapqetok azia,’ mewö qetketka malman.

⁷⁷ Mewö mala amötqeqegö könañi mi Anutugö könagesöurupñi kusum enginönga mi möt kutuba uruñini melengetka Anutunöñ singisöndokñini sañgonñda mosötma.

⁷⁸ Anutuninan uruñan jöpaköba ak kömum neñgimakza.

Mewö aka mesohol köl neñgiba undiñi euyangörenök ali gilikbilik akza.

Mewögöra neñön mönö wañgarañ surui aukñe asaribingö akzin.

⁷⁹ *Nini pandamanöñ jipjap taringa kömupkö kondotkondot Toñan aum köl neñgimakzapmö, wehön jilinjölañ kota qaknine kuñguba mem asarim neñgima.

Mem asarim neñgiiga luaigö könañi aukñe asuhui eka miangören angota tiba kinbin.” Zekaraianöñ mewö jiyök.

⁸⁰ Morö Jon yañön qariba wahöriga Uña Töröñan inahöm wañgiiga Anutugö kolek azi köhöikñi ahök. Mewö aka gölme qararañkölkölñe mala mali nalöñan kam kuñguiga Israel könagesö yeñgö jeñine aukñe asuhuba qenjarök nupñi könahiba meyök. Mewö.

2

Jisös Betlehem taonöñ ahuyök.

Mat 1.18-25

¹ Jon O-melun azinöñ ahuiga nalö miangören sisa kiñ Ogastus yañön Rom sitinöñ gölmeñi gölmeñi galöm köl engiyök. Galöm köl engiba takis könahiba memegöra gawmangö jimkutukutu aliga gölmeñi gölmeñi pakpak yeñön tokogetka kuskus (sensus azi) yeñön qetñini papianöñ ohoba areñgöget.

² Areñ nup mi nalö mutukña meget. Megeri, nalö miangören azi qetñi Qirinius yañön Siria prowinsgö premiö mala galöm köl engiyök. ³ Ogastusnöñ jimkutukutu aliga ambazip körek pakpak yeñön öröba anda qetñini areñnöñ ohomegöra nanñini ahuañu miri bohonñini dop anget.

⁴ Galili prowinsgö taon qetñi Nazaret miangören azi qetñi Josef malök. Yañgö amböñi mi kiñ Deiwid. Kiñ Deiwidkö taonñi qetñi Betlehem mi Judia prowinsnöñ ahöyök. Miangöra Josefnöñ Nazaret mosöta öngöba geba Betlehem anök. ⁵ Anmam jiiga nalö miangören ambi buñani qetñi Marianöñ gölöñambuk malök. Maliga i auangita qetñiri ohomegöra mohotñe anohot.

⁶ Anda Betlehem angorohotka Mariagö morö meme nalöñan kam kuñguyök. ⁷ Kam kuñguiga qenjarök ahöahö mire angota miangö uruñe tñi qahö miwikñaiyohot. Miangöra bau bulmakau miriñe öngöba tarohot. Tata miangören nahöñni mutukñi memba oponöñ esuhuba bulmakau joutñe ali geba ahöyök. Mewö.

* 1:76: Mal 3.1 * 1:79: Ais 9.2

Lama galöm yeñön Suep garata engeketa.

⁸ Betlehem taon gölme miangören azi tosatnan sunjem dop gölme köröñi miangören anda lama kambuñini galöm köl enjiba malget. ⁹ Mewö malgetka sunjem miangören Kembugö garata kunñan kösutñine asuhum enjiyök. Asuhum enjiiga Kembugö asakmararañan liliköm enjiba asariiga qem sömbuñini möta jönömñini unduyök. ¹⁰ Jönömñini unduyökmö, Suep garatanöñ jii mötket, “Mönö kezap alget. Nöñön sösongai Buña ketañi ambazip körek pakpak yeñgöra memba kazal, mi indel enjimam. Miangöra jönömñini kude unduma. ¹¹ Buña mi kewö: Engö Amötqeçe Tonjanan döлки ahuza. Yañön kin Deiwidkö taonöñ asuhuba Kembu qetñi Kraist akza. ¹² Keu miangö aiwesökñi kewö: Inini anda morö sepsep oponöñ esuhuba bulmakau joutñe alget ahözawi, mi miwikñaime.”

¹³ Garatanöñ mewö jiiga miangörenök garata kambu ketañan Suepnöhök kañgota yambuk aitonğöba Anutugö möpömpösei liñet köla kewö jiget,

¹⁴ “Anutugö qetbuñani möpöseininga Suepnöñ euyangören öngöza. Yañön ambazip nanñangöra meköm enjiyöhi, yeñgöra körö ölöwak möta gölmenöñ luai al enjiza.” Mewö.

Lama galöm yeñön anda Jisös eket.

¹⁵ Garata yeñön enğemosöta Suepnöñ lilingöba öngögetka lama galöm yeñön naninak kewö jiget, “Ayop, Betlehem miangören yuai ahuiga Kembunöñ miangö keunji jii mötzini, nini mönö mia anda ekin.”

¹⁶ Mewö jiba ösumñinan anda Maria Josef aka morösesep bulmakau joutñe ahöyöhi, miwikñaiba eket. ¹⁷ Eka kinda garatanöñ morögöra keu jii möta kageri, mi indela jim asariget. ¹⁸ Jim asarigetka mötkeri, yeñön körek pakpak auruba welipköget.

¹⁹ Welipkögetmö, Marianöñ keu pakpak mi uru könömñe ala dungöba jöhöba könani mötmöriba malök. ²⁰ Welipkögetmö, yuai pakpak Suep garatanöñ jiyöhanğö dop asuhuyöhi, mi lama galöm yeñön eka möta miangöra Anutugö sösongai liñet köla möpöseiget. Möpöseiba mosöta lilingöba anget. Mewö.

Morö qetñi Jisös qetket.

²¹ *Jisös ahui Sonda mohot miangö dop teköiga Anutugö aiwesökñi silene yandibingö nalöñi kaiga qetñi Jisös qetket. Suep garatanöñ qet mi mutuk qeta wañgiigun nalö miangörenök namñangö gölöm uruñe ahuyök. Mewö.

Jisös wañgita Anutugö buñaya alget.

²² *Mosesgö Köna keunöñ keu kewö ahöza, “Ambinöñ morö nahönñi mutukñi memba silim 40 kounmñe mali teköiga söro gulunji köl könjorat wañgiba inini mönö jöwöwöl jikenöñ öngöba morö mi Anutugö jene algetka yañgö buñaya akña.” Miangöra nalö mi kam kuñguiga Josef Maria yetkön keu mi tem köla Jisös wañgita Kembugö buñaya akñapköra Jerusalem öngöyohot.

²³ *Kembugö Köna keunöñ keu kewö ohoget ahöza, “Morö nahön pakpak sep mutuk mokozei, mi mönö Kembugö buñaya akñapköra qem teköba mem sarahime.” Yetkön keu mi wuatangöyohot. ²⁴ Mewöyök Kembugö Köna keunöñ jimkutukutu keu ahözawañgö dop kembö me kembö supsup nei yahöt mi jöwöwöl ohomahotköra Jerusalem sitinöñ öngöba anohot.

²⁵ Nalö miangören azi kun qetñi Simeon Jerusalem malök. Yañön uruñi jömu Anutugören qekötahöba urumelenğö kölguliguli aiga Uña Töröñan yambuk kiniga Amötqeçe Tonjan Israel uruñe asuhumapköra mamböta malök. ²⁶ Mamböta maliga Uña Töröñan keu kewö indeli mörök, “Gi Kembugö Amötqeçe Tonji Kraist ahui mutuk ekagun kömupkö sihimbölöñi mötman.” ²⁷ Iwinamñan Mosesgö Köna keu wuatangöba Jisös wañgita jöwöwöl jikenöñ öngöyohot. Öngöyohotka Uña Töröñan Simeon sölölohöi nalö miangörenök

* 2:21: Lew 12.3; Luk 1.31 * 2:22: Lew 12.6-8 * 2:23: Eks 13.2, 12

mewöyök jikenöŋ öngöyök. ²⁸ Öngöba morö mi eka memba dohongöba Anutu möpöseiba kewö jiyök,

Simeongö sösöŋgai liŋet

²⁹ “O Kambu, merak welen azigan ölop anda uruluainöŋ mala kömuma.

³⁰ Göhö keugahö dop Amötqeŋe Tonji melainöŋ asuhuiga i nani jenan eka simbawon mötzal.

Miangöra ölop anda kömumam.

³¹ Göjön amötqeŋegö könaŋi mözözömgöba kantri pakpak yengöra indel enginöŋga mi eka möt kutume.

³² *Göjön Amötqeŋe Tonjanö asakŋi indelnöŋga kian kantri yengö uruŋini kuŋguiga asarime

aka qetbuŋagan nangi könagesögi Israel nenö sutnine mewöyök qarima.”

Simeongö kezapqetok keu

³³ Simeonöŋ morögöra keu mewö jiiga iwinamŋan möta köŋkuŋ aka welipköyohot.

³⁴ Welipköyohotka kötuatköm engiba namŋi Maria kewö jii mörök,

“Mötnöŋ, Anutunöŋ morö ki kuŋguba ali Israel ambazip sehisehiŋan i andö qeba eta enŋugetka

gwötpukŋan uruŋini melenŋa ölöwakŋe.

Anutunöŋ nanŋak i ali aiwesök aiga gwötpukŋan i tuaköpek jim wanŋime.

³⁵ Tuaköpek jim wanŋigetka urumötmötŋini asa-asambötŋan mewö aukŋe asuhuma.

Nangi urugan mewöyök wösöbirik aiga mianöŋ sou zuluk alalŋi ewö urugi kuŋguba qesiŋma.” Mewö.

Ana ambigö kezapqetok keu

³⁶ Jerusalem miangöreŋ kezapqetok ambi namŋi kun qetŋi Ana malök. Yanö isikŋi qetŋi Aser, iwiŋi qetŋi Fanuel. Ambi mianöŋ seramŋe azi memba mali yambu (yara) 7 mohotŋe malohot. ³⁷ Malohotka apŋi kömui malö aka mala kori nalö miangöreŋ yambuŋi 84 ahök. Yanöŋ nalö dop jöwöwöl jikenöŋ öngöba mi silim kun qahö mosörökmö, sunŋem asak Anutugöra nene ŋiŋi mala köuluköba waikŋi memba möpöseiba malök.

³⁸ Yanöŋ nalö miangöreŋök kaŋgota morö mi eka Anutu möpöseiyök. Anutunöŋ Jerusalem ambazip sohopŋini memapköra mamböta malgeri, körek yengöra morö mianöŋ könaŋi jim asarii mötket. Mewö.

Jisösbuk Nazaret lilingöget.

³⁹ *Josef Maria yetköŋ Kambunöŋ areŋi jim kutuiga Köna keunöŋ ahözawi, mi körek ahot teköiga Galili prowinsnöŋ lilingöba taonŋiri Nazaret miangöreŋ anohot. ⁴⁰ Morönöŋ qariba wahöta köhöiba mötkutukutuŋi ahuba kokolak qeiga Anutugö kalem möriamŋan qakŋe öngöi kinök.

Jisös yaraŋi 12 aiga jöwöwöl jikenöŋ öngöget.

⁴¹ *Jisös iwinamŋan yambu (yara) dop ak-kömukömu* kendon nalöŋe Jerusalem siti öngöba anjahotma. ⁴² Mewö mala Jisös yambu (yara)ŋi 12 aiga silikŋini ahakzeangö dop nalöŋi kam kuŋguiga mewöyök öngöba anget. ⁴³ Anda mala kendon nalö mianöŋ teköiga lilingöba miriŋire anohot. Anohotmö, morö gwabö Jisösnöŋ Jerusalem tari iwinamŋan mi qahö möt kutuyohot. ⁴⁴ “Yanöŋ ambazip kambu yembuk anja,” jiba silim mohotkö dop köna anda sepkitip aka alaurupŋiri yengö uruŋine qeta jaruyohot. ⁴⁵ Qeta jaruyohotmö, qahö miwikŋaiba kunbuk lilingöba Jerusalem anda jaruyohot.

* **2:32:** Ais 42.6; 49.6; 52.10 * **2:39:** Mat 2.23 * **2:41:** Eks 12.1-27; Dut 16.1-8 * **2:41:** Anutunöŋ Ijip miangöreŋ Israel ambazip enŋehoriba enŋonŋiröhi, ak-kömukömu kendon mianöŋ qetŋi kun Pasowa.

⁴⁶ Jaruba malohotka silim karöbut teköiga jöwöwöl jikenöŋ öngöba miangöreŋ miwikŋaiyohot. Miwikŋaiyohotka azi ketani yeŋgö sutŋine tarök. Tari kusum wanŋigeri, mi möta qesim enŋiba tarök. ⁴⁷ Tata Buŋa keugö könaŋi törörök möt asariba diŋdiŋanök melenŋiga körek pakpak yeŋön mi möta welipköget. ⁴⁸ Iwinamŋan eka auruba namŋan jii mörök, “Nahöni, gi denöwögöra mewö ak netkizan? Mötnöŋ, niri iwigabuk göhöra waimanŋat möta qeta jaruba malit.”

⁴⁹ Mewö juiga kewö melenŋ etkiyök, “Inŋiri mönö wuanöŋgöra ni göraim niŋgizahot? Ni Iwinanŋö mire tatpi dop kölja, mi mötzahot me qahö?” ⁵⁰ Mewö melenŋ etkiyökmö, yetköŋ keu jiyöhi, miangö könaŋi mi qahö möt asariyohot.

⁵¹ Qahö möt asariyohotmö, töndup wahöta yetpuk lilingöba Nazaret taonöŋ anda iwinamŋi tem köl etkiba malök. Jisösnöŋ keu jiyöhi, namŋan mi pakpak möta urukönömŋe ala jöhöba anŋön kölök. ⁵² *Jisösnöŋ mala qarui yambu (yara)ŋi öngöiga mötkutukutuŋi asariba sehiiga Anutunöŋ kalem möriamŋi wanŋii köhöiba ambazip aka Anutu yeŋgö jeŋine dop köl enŋiyök. Mewö.

3

*Jon O-melun azinöŋ Buŋa keu jiyök.
Mat 3.1-12; Mak 1.1-8; Jon 1.19-28*

¹ Zekaraiagö nahönŋi Jon yaŋön nupŋi könahiyök. Nalö miangöreŋ sisa kiŋ qetŋi Taiberius yaŋön Rom sitinöŋ mala gölmeŋi gölmeŋi mindiriba yambu (yara) 15 azi kembu aka toroqeba galöm köl enŋii malget. Galöm köl enŋimamgöra gölmeŋi gölmeŋi Israel liliköba ahözei, mi meŋgetka bahöŋi 4 aiga miengö kiŋini 4 mi kewö kuŋguget:

Pontius Pailöt, Herod, Filip aka Lisantias. Pontius Pailöt mi Judia prowinsgö premiöŋina malök. Kiŋ Herodnöŋ Galili prowins galöm köl enŋiyök aka datŋi Filipnöŋ Ituria aka Trakonitis prowins yahöt miengö kembunŋina malök aka Lisantias yaŋön Abilene gölme memba malök.

² Jike nup galöm bohonŋini yahöt malohot, qetŋiri Anas aka Kaiafas. Nalö miangöreŋ Zekaraiagö nahönŋi Jon yaŋön gölme qararanŋkölkölŋe maliga Anutugöreŋ Buŋa keu asuhuiga mörök. ³ Anutugö Buŋa möta anda Jordan o töwatŋanŋö kösutŋe miri dop liliköba malök. Liliköba mala Buŋa keunöŋ uruŋini kuŋguba kewö jiba malök, “Inŋini mönö uruŋini melenŋgetka nöŋön o melun mem enŋimam. Mewö aketka Anutunöŋ ŋiŋgisöndokŋini ŋanŋonŋa mosötma.”

⁴ *Miangö keuŋi mi kezapqetok azi Aisaianöŋ ohoi yaŋgö Buzup Kimbinöŋ kewö ahöza,
“Kolek garata kunŋan gölme qararanŋkölkölŋe qeta maliga anda qetŋi kewö mötme,
‘Kembunöŋ kamawo! Miangöra mönö jöjöröba könaŋi mesatket. Mönö uruŋini mindiŋgöba könaŋi qölöleiget.

⁵ Köna örue pakpak mönö qem tigetka diŋdiŋi akŋa.

Kunduŋi wanŋaŋi pakpak mi mönö qeköba köl qölöleigetka köröŋi akŋa.

Köna mösökqösökŋambuk mi mönö möhamgögetka diŋgime.

Luhutnöŋ köna misiiga simbiŋsambaŋ tatzawi, mi mönö kutuba mesatketka solanima.

⁶ Anutunöŋ oyaenŋoyaenŋ Tonŋi melaii kaiga gölmeŋi gölmeŋi pakpak yeŋön mi eka ek kutume.”

⁷ *Jonöŋ miangö dop uruŋini kuŋguiga ambazip kambuŋi kambuŋi yeŋön o melun mem enŋimapköra yaŋgöreŋ kagetka enŋeka yeŋgöra kewö jiyök, “O qatö moröŋi, inŋini uruŋini qahö melenŋgetka Anutugö irimŋan sehöliiga likepŋi melenŋ enŋimamgö akza. Mi ölöŋ kölbingö goro keuŋi mi mönö danŋonŋ jii möta sömbunŋini möta ki kaze?”

* 2:52: 1 Sml 2.26; Qam 3.4 * 3:4: Ais 40.3-5 * 3:7: Mat 12.34; 23.33

8 **“Miangöra mönō ölnanök uruñini melenme. Bölönamñineyök lilingögetka ölni asuhui mi mönō ahakmemenjanan aukñe kondela malme. Uruñine möndömöndō keu kewō kude mötmörime, ‘Neñön mönō Abrahamgö gwölönarökña malinga Anutunöñ qahö ayuhum neñgima.’ Mewö töptöpñine qemakzemö, ölni mi qahö ahakze. Nöñön miangöra kewö jibi mötket: Anutunöñ köt ki ölop jim kutum enñiiga letota Abrahamgö gwölönarökurupñi aka Anutu möpöseimakñemö, inñini denöwö?”*

9 **“Uruñini qahö melenme ewö, Anutunöñ mönō inñini ip ewö tenğöri etpingö akze. Ip pakpak ölni ölopñi qahö kuñgumakzei, mi mönō köli etket könöpnöñ gili geme. Ip mewöñi kölmamgö kesinñi lök jitñi sañe ala ip könane ali jöjöröba ahöza. Anutunöñ mönō bölönamñinanğö likepñi melen enñgima.”*

10 Mewö jüiga ambazip kambuñi kambuñi yeñön kewö qesiba jiget, *“Mewögöra nini mönō denöwö ahinga dop kölma?”*

11 Qesiba jigetka kewö melenök, *“Kunñan maluku yahöt memba maljawi, yañön mönō mietköreñök kun mi malukuñi qahö i wangima aka denike yeñön nenenjambuk maljei, yeñön mönō mewöyök nenenjini qahö yeñgöra menden enñgime.”*

12 **Takis meme azi tosatan mewöyök o melun mem enñimapkö kaba qesim wangiget, “Böhi, neñön mönō denöwö ahinga dop kölma?”* 13 Qesim wangigetka jii mötket, *“Gawmanöñ takisgö jim kutum enñii ahözawi, dop mi mönō qahö onğita meme.”*

14 Yarö azi tosatan mewöyök qesim wangiget, *“Niniato? Neñön denöwö ahinga dop kölma?”* Qesim wangigetka kewö jii mötket, *“Kungöreñ monengöra kuñguba upetkupet aka kiom kude kölmemö, nanñini töwanjini memakzei, miambuk mönō urumohok aka ösöñ malme.”* 15 Ambazip pakpak yeñön *“Jonöñ Amötqeqe Tonñ Kraist akapuk,”* jiba uruñinan mewö mötmöriget. Miangö könani mötpingö kezapñini köröpñi aket.

16 Mewö aketka Jonöñ körek yeñgöra kewö jiyök, *“Nöñön o töhönöñ melun mem enñizalmö, azi kukösumñi köhöikñi kun kama. Yangö kukösumñi öngöñgöñan mönō nöngöreñ onğitma. Yañön azi öngöñgöñi akñawanğöra nöñön yangö kona esunangö kösöñi bauköba pösatmamgö qötötangömam. Yañön mönō Uña Töröñi uruñine ali könöp bölamñan köl könjörat enñiiga mewö miangön melun mem enñgima.* 17 Yañön ölni aka kamböñi menden etkimamgö sapakñi memba kangota uba qörörengöba kewötma. Kewöta wit kötni tokoba köweñe almapmö, kamböñi aka gwaugulapñi mi mönō usuñniga könöpnöñ geba teteköñi qahö jema.”

18 Keu mewöñi mewöñi gwötpuk toroqeba jiba uruñini kuñguba Ölöwak Buña ambazip kambu yeñgöra jim asariba malök. 19 **Malökmö, gölme bahöñangö kin Herod yañön datñangö anömñi qetñi Herodias mi ölöñ meyök aka bölöñi könani könani aka malöhi, miangö sapñi Jonöñ qeba munjurariga jim wangiyök.* 20 Jim wangiba bölönamñi kun toroqeba aka Jongöreñ nupñi tözöpköba suahö galömñi jii Jon memba kösö mire alget. Mewö.

Jonöñ Jisös o melun mem wangiyök.

Mat 3.13-17; Mak 1.9-11

21 Jonöñ ambazip pakpak o melun mem enñgiba Jisös mewöyök o melun mem wangiyök. Mem wangii köuluköiga miangöreñök Suepnöñ añañiyök. 22 **Añañiiga Uña Töröñan melenđa kembö nei ewö aka Jisösgö qakñe erök. Mewö eriga Suepnöhök qet kun kewö asuhuyök, “Göñön mönō nani wölböt nahöna aknöñga köröni ölöwahiga geknahöm ak gihizal.”* Mewö.

Jisösgö isikurupñi yeñgö qet areñini

Mat 1.1-17

* 3:8: Jon 8.33 * 3:9: Mat 7.19 * 3:12: Luk 7.29 * 3:19: Mat 14.3-4; Mak 6.17-18 * 3:22: Jen 22.2; Sum 2.7; Ais 42.1; Mat 3.17; Mak 1.11; Luk 9.35

²³ Jonöŋ Jisös o melun mem waŋgiiga yambu (yara)ŋi 30 mianğö dop aiga amötqeŋe nupŋi könahiba memba malök. Memba maliga Josefğö nahönŋa akzawi, ambazipnön mewö mötmöriget. Jisös iwiŋi Josef, asaŋi qetŋi Heli. ²⁴ Jisös amböŋi qetŋi Matat, sukumŋi qetŋi Liwai. Liwai iwiŋi Melki, asaŋi Janai, amböŋi Josef, ²⁵ sukumŋi Matatias. Matatias iwiŋi Amos, asaŋi Nahum, amböŋi Esli, sukumŋi Nagai. ²⁶ Nagai iwiŋi Mat, asaŋi Matatias, amböŋi Semen, sukumŋi Josek. Josek iwiŋi Joda, ²⁷ asaŋi Joanan, amböŋi Resa, sukumŋi Zerubabel. Zerubabel iwiŋi Sealtiel, asaŋi Neri,

²⁸ amböŋi Melki, sukumŋi Adi. Adi iwiŋi Kosam, asaŋi Elmadam, amböŋi Er, ²⁹ sukumŋi Josua. Josua iwiŋi Eliezer, asaŋi Jorim, amböŋi Matat, sukumŋi Liwai. ³⁰ Liwai iwiŋi Simeon, asaŋi Juda, amböŋi Josef, sukumŋi Jonam. Jonam iwiŋi Eliakim, ³¹ asaŋi Melea, amböŋi Menna, sukumŋi Matata. Matata iwiŋi Neitan, asaŋi Deiwid, ³² amböŋi Jesi, sukumŋi Obed. Obed iwiŋi Boaz, asaŋi Salmon, amböŋi Nason,

³³ sukumŋi Aminadab. Aminadab iwiŋi Admin, asaŋi Arni, amböŋi Hezron, sukumŋi Perez. Perez iwiŋi Juda, ³⁴ asaŋi Jeikob, amböŋi Aisak, sukumŋi Abraham. Abraham iwiŋi Tera, asaŋi Nahor, ³⁵ amböŋi Serug, sukumŋi Reu. Reu iwiŋi Peleg, asaŋi Eber, amböŋi Sela, ³⁶ sukumŋi Kainan. Kainan iwiŋi Arpaksad, asaŋi Siem, amböŋi Noa, sukumŋi Lamek. ³⁷ Lamek iwiŋi Metusela, asaŋi Enok, amböŋi Set, sukumŋi Adam. Adam mi Anutunöŋ mei ahuyök. Mewö. ³⁸ (-)

4

Satanöŋ Jisös esapköba malök.

Mat 4.1-11; Mak 1.12-13

¹ Jonöŋ Jisös o melun mem waŋgiiga Uŋa Töröŋan uruŋi kokolak qei Jordan onöhök liliŋğöiga waŋgita gölme qararaŋkölkülŋe anök. ² Anda mianğöreŋ mali Bölöŋi Toŋan esapköm waŋgii wehön 40 teköyök. Nalö 40 mianğöreŋ nene kun qahö nemba mali teköiga neneŋaŋğö kömuyök.

³ Yakaŋaŋğö kömuiga Bölöŋi Toŋan jii mörök, “Gi Anutugö nahönŋa akzan ewö, mi mönö kondela köt ki jim kutunöŋga letota beret aketka neman.”

⁴ *Jii möta melenök, “Qahö, Buŋa Kimbinöŋ keu kewö ohoget ahöza, ‘Nenenöhök ambazip malmal qahö neŋgimakza.’ ”

⁵ Meleniŋa waŋgita kundunŋi köröpŋi kunöŋ öngöba gölmegö kantriŋi kantriŋi pakpak mi zilaŋ kondel waŋgiyök. ⁶ Kondel waŋgiba jii mörök, “Nöŋön kantri pakpak mi galöm köl eŋgimangö kukösumŋi aka inap yuainangö aködamunŋi mi nöŋgö böröne alalŋa ahöza. Mianğöra mi nani sihimnangö dop niŋia waŋgimam jiba ölop waŋgimam. Mianğöra yuai pakpak ki mönö göhö böröge almam. ⁷ Mianğöra gi waikni memba möpöseim niŋgiman ewö, mi pakpak mönö göhö buŋaya ak teköma.”

⁸ *Mewö jii möta kewö melenök, “Qahö, Buŋa Kimbinöŋ keu kewö ohoget ahöza, ‘Gi mönö Kembang Anutu waikŋi memba möpöseiba ia mohot welen qem waŋgiba malman.’ ”

⁹ Meleniŋa Jisös waŋgita Jerusalem sitinöŋ anda jöwöwöl jikegö boŋe euyangöreŋ öngöba kewö jii mörök, “Gi Anutugö nahönŋa akzan ewö, mönö kiangöreŋök luhuba emu geman. ¹⁰ *Buŋa Kimbinöŋ keu kun kewö ohoget ahöza, ‘Anutunöŋ garataurupŋi jim kutum eŋgiiga ölopŋanök galöm köla sel jöhöm gihime,’ ¹¹ *aka keu kun kewö, ‘Yeŋön böröŋine ala nöŋögölim gihigetka geba kötnöŋ könage qahö guhum qizit akŋa.’ ” Mianğöra geba kude ayuhuman.

¹² *Mewö jiyökmö, Jisösnöŋ kewö melen waŋgiyök, “Qahö! Anutunöŋ jiza, ‘Gi mönö Kembang Anutu kude esapköm waŋgiman.’ ”

¹³ Bölöñi Tonjan esapesap pakpak mi Jisös ak wanji teköiga mosöta anök. Mewö.

Jisösnöñ könahiba amötqeqe nup meyök

Mat 4.12-17; Mak 1.14-15

¹⁴ Jisösnöñ gölme qararankölkölñi mosöri Uña Töröñangö ösumñan yambuk kiniga Galili prowinsnöñ lilingöyök. Lilingöiga keu buzupñan sehiba miri gölme liliköba tat angeri, mi pakpak dop köla anök. ¹⁵ Dop köli mirinji mirinji liliköba köuluk mirinji Öngöba Buña keu kusum enjiyök. Kusum enjiiga mötkeri, körek yeñön mönö söñgaiba möpöseim wanjiget. Mewö.

Nazaret yeñön Jisös andö qeget.

Mat 13.53-58; Mak 6.1-6

¹⁶ Jisösnöñ lilingöba malqarip taonñi Nazaret miangöreñ anök. Sonda kendonöñ kaiga ahakzawangö dop köuluk mire Öngöba Buña Kimbi oyoñ enjimangö wahörök. ¹⁷ Wahöri kezapqetok azi Aisaiagö Buzup Kimbi wanjigetka kötula keu kembangan kewö ohoget ahözawi, mi miwikñaiyök:

¹⁸ **“Kembugö Uña Töröñan nöngö urune geba nup memegö kelök supapñi*

köl niñgiba ambazip etqeqeñi yeñgöra Ölöwak Buña jim asarimakzal. Yanñön melaim niñgiiga keu kewö jim sehimakzal:

Bölöñan gwaröhöm enji maljei, Anutunöñ mönö i pösata meköm enjiiga malme.

Anutunöñ jegömöl ambazip jeñini mem tohoiga kunbuk uba ekñe.

Taikpaik memba eta alget maljei, Anutunöñ mönö i meköm enjiiga siyoñsayoñi qahö malme.

¹⁹ *Kembunöñ amötqeqegö yambu ölopñi ali kam kungumawi, nöñön miangö kolekña kaba mi jim asarimakzal.”*

²⁰ *Keu mewö oyoñda köpöp supap mi köpeiba galöññi wanjiba eta tarök. Tariga köuluk mire tatkeri, yeñön körek je qisilmisilñi qahö dörötköba ehiget. ²¹ Ehigetka könahiba kewö jii mötket, “Buzup Kimbigö keu ki oyoñbi kezapñine gei mötzei, miangö öñan mönö merak asuhuza.”*

²² *Mewö jii mötketka kalem möriam keunji keunji numbuñeyök eriga körekñan mi möta welipköba jim soroköm wanjiba keu miangö jiji-kilik-kilikñi mi kewö jiget, “Azi ki Josefgö nahönña me?”*

²³ *Jigetka kewö jii mötket, “Inini nalöñi nalöñi keu köñi ki jimakze, ‘Mem ölöwak azi gi mönö nangi mem ölöwak anguman.’ Inini keu köñi mi dölkö nöngöra jibingö mötze, mi mötzal. Mi jiba kewö jibeak, ‘Gi Kaperneam taonöñ anda angöletot Öngöngöñi menöñga buzupñi möriini, miangö dop mönö nangi miri kiangöreñ mewöyök meman.’ ” ²⁴ *Mewö jiba jiyök, “Nöñön keu öñi kun kewö jibi mötme: Kezapqetok ambazip kunöñ mönö nanñi malqarip taonöñ qahö dop kölja.*

²⁵ **“Nöñön keu ölbölñi kun kewö jibi mötme: Elaijagö (Elia) nalöñe Anutunöñ Suep nanñi köli yambu (yara) karöbut aka köiñ 6 miangö urune kie qahö yöhöiga bödi ketanji ahuiga gölme pakpak dop kölok. Nalö miangöreñ ambi malö gwötpuk Israel urune malget. ²⁶ *Gwötpuk malgetmö, Anutunöñ Elaija yeñgöreñök kungöreñ anmapkö qahö melaiyökmö, kian gölme Saidongö miri qetñi Sarefat miangöreñ ambi malö mohot-töp yanñgöreñ melaiiiga anök. ²⁷ *Kezapqetok azi Elisagö nalöñe uzikukunöñ Israel azi gwötpuk turum enjiiga malgetmö, yeñgöreñök kunñan kun qahö solaniyök. Qahöpmö, kian gölme Siriagö azi qetñi Naman yanñön mohot-kun mönö Elisagö keunji möt nariba solaniba ölöwahök.”*

²⁸ *Jisösnöñ mewö jiiga köuluk mire tatkeri, yeñön körek keu mi möta irimñini seheliiga urupik aket. ²⁹ Urupik aka wahöta Jisös közöla taon yaigepñe wuatangöba taon mi*

* 4:18: Ais 61.1-2 * 4:24: Jon 4.44 * 4:25: 1 Kinj 17.1 * 4:26: 1 Kinj 17.8-16 * 4:27: 2 Kinj 5.1-14

kundunangö sem kösutne meget kinöhi, miangörenj aköget gemapköra anget. ³⁰ Angetmö, sutnjine qendenjanda engömosöta anök. Mewö.

Kaperneam taonöj öme kun közölök.

Mak 1.21-28

³¹ Jisösnöj Galili prowins urunje Kaperneam sitinöj eta angota Sabat kendonöj ambazip kambu kusum engiyök. ³² *Kusum engiiga keujan kukösumjambuk aiga jiyök. Miangöra könagesö yejön mi eka auruba welipköget.

³³ Köuluk miri miangörenj azi kun ömenjambuk tarök. Tariga ömenjan teringöba silata qetnji kewö qerök, ³⁴ “Aek! Jisös, Nazaret azia! Gi wania ak nenjimangö akzane? Mönö ayuhum nenjimangöra kazan me? Ni könanjamgi möt kutuzal. Gi Anutugörenj azi Tök-kutukutuñi akzan.”

³⁵ Mewö qeriga Jisösnöj tembula kewö jim wanjiyök, “Gi mönö keugi bököiga azi ki mosöta kesalnöj.” Mewö jim wanjiiga ömenöj azi mi memba gili tala sutnjine gölmenöj geiga miziqizikñi qahöpmahöp aka kota mosöta anök.

³⁶ Aniga körekñan nemböjini teköiga welipköba sutnjine eraum möta kewö jiget, “Yei! Keu ki mönö wani keuya? Yanön kuk aka ösum-mumu qakñe ömewöröme jim kutum engiiga tem köla kota anje.” ³⁷ Mewö asuhuiga Jisösgö qetbuñanan sehiba miri pakpak kösutne tat angeri, miangörenj anda gölme mi dop kölök. Mewö.

Jisösnöj kawöl ambazip gwötpuk meiga ölöwaket.

Mat 8.14-17; Mak 1.29-34

³⁸ Jisösnöj wahöta Kaperneam köuluk miri mi mosöta Saimon Pitögö mire öngöyök. Öngöiga Saimongö suhunñan sile könöp öngöngöñi yöhöi ahöyök. Ahöiga yangöra aka Jisös köuluköm wanjiiget. ³⁹ Köuluköm wanjiigetka anda sipköba geba sile könöp jim kutum wanjiiga mosöriiga miangörenjök wahöta nene ohoba gumohom engiyök.

⁴⁰ Wehön jeni teköba geiga miangörenj ambazip denike yejön alaurupñini kawöl könanji könanji mianön engöhöi ahögeri, mi körek enjuañgita Jisösgörenj kaget. Kagetka böröñi körek yeñgö qakñine inañjik inañjik aliga ölöwak teköget. ⁴¹ Ömewöröme yejön mewöyök ambazip gwötpuk yeñgö uruñineyök kota silata kewö qetket, “Gi Anutugö nahönñi akzan.”

Jisösnöj Amötqeqe Tonji Kraist akzawi, yejön mi mötkerañgöra Jisösnöj jim engiba numbuñini muhungöba enjuañgöyök. Mewö.

Amötqeqe nupñi Galili dop kölök.

Mak 1.35-39

⁴² Jisösnöj gaun ahöiga miri wanjaran suruiga wahöta nanjik tirin (tin) kutuba geba görañe kunöj anök. Anökmö, ambazip yejön göraim wanjiba anda miwikñaiba kude engömosöta anmapköra esapköba angön köl wanjiiget. ⁴³ Angön köl wanjiigetmö, kewö jii mötket, “Nönön Anutu bemtohonñangö Ölöwak Buñani mi taon tosatñi yeñgöra mewöyök jim asarim engibi dop kölma. Anutunöj mönö miangöra melaim niñgiyök.”

⁴⁴ Mewö jiba anda Galili prowins liliköba köuluk mirinje Buña keunöj uru kuñgum engiba malök. Mewö.

5

Jisösnöj gwarekurupñi mutukñi engöholök.

Mat 4.18-22; Mak 1.16-20

¹ *Nalö kunöj Jisösnöj Genesaret o angö jitne kiniga ambazipnöj kambu köla Anutugö Buña keu mötpingö ölöqölököba liliköm wanjiiget. ² Liliköm wanjiigetka kinda wanje yahöt köwet görañe tarohotka etkehök. Söra örörö yejön wanje mi mosöta geba mösakñini

* **4:32:** Mat 7.28-29 * **5:1:** Mat 13.1-2; Mak 3.9-10; 4.1

kusahöla sanjonget. ³ Wanje kun mi Saimongörena. Jisösnöñ miangören öngöba toni kewö qesim wanjiyök, “Göñön mönö nanjönönga borom kun noanğita onöñ göröken anma.” Qesim wanjiiga nanjöiga anda wanjenöñ tata ambazip kambu kusum enjiyök.

⁴ Kusum enjim teköba Saimongöra jiyök, “Göñön mönö wanje ki nanjönönga o anğö bibiñe aniga alaurupki yembuk mösakñini söragöra gilgetka gema.”

⁵ *Jiiga Saimonöñ melenök, “Ketanamni, nini sunğem köröp mösak gil bibihiba öñi kun qahö mezin. Qahöpmö, göñön jim kutuzanangöra mönö tøndup anda gilin gema.”

⁶ *Mewö meleni jiyöhanğö dop aketka söranöñ awamñi qahö mösakñine gegetka buratibingö aket. ⁷ Mewö aketka alaurupñini wanje kunöñ malgeri, yengöra kaba bauköm enğimegö börökaek kölgetka kaget. Kagetka wanje yahöt mi söranöñ kokolak qegetka nemulahöm taköyohot.

⁸⁻⁹ Söra öngöñgöñi mewö memba eka miangöra körekñan welipköget. Welipköba Saimon Pitönöñ mi eka Jisösgö wösöñe geba simin köla jiyök, “O Kembu, ni singisöndok azia akzalanğöra mönö nömosöta anöñ.” ¹⁰ Saimongö alayahötñi Jeims aka Jon Zebedigö nahönyahötñi yetkөн mewöyök nemböñiri teköiga welipköyohot. Saimonöñ keuñi jiyökmö, Jisösnöñ kewö melenök, “Möno kenğotki kude mötman. Gi kianğö andöñe ambazip mi söra ewö öröba enğömemba malman.”

¹¹ Mewö jiiga wanjenini öröba kota saknöñ ala öryuainini pakpak mosöta Jisösgö andöñe wuatangöba anget. Mewö.

Jisösnöñ uzikuku azi kun mem solaniyök.

Mat 8.1-4; Mak 1.40-45

¹² Jisösnöñ taon kunöñ maliga miangören azi kun silenji uzikukunöñ mem bölim teköiga tarök. Tata Jisös eka kösutñe simin köla geba kewö köuluköm wanjiyök, “O Kembu, göñön sihimgan mem ölöwak niñgimangö mötzan ewö, mönö ni ölop mem solanim niñgiman.”

¹³ Mewö jiiga böröñi börañda silenji misiriba jiyök, “Nöñön mi akñamgö mötzal. Gi mönö solaniman.” Mewö jiiga uzikukuñi mi miangörenök solaniyök. ¹⁴ *Solaniiga kewö jim kutum wanjiyök, “Mötnöñ kianğö buzup keuñi mi kun kude jinöñ mötme. Qahöpmö, gi mönö jike nup galömgören anda silegi kondel wanğiba Mosesgören jimkutukutuñi wuatangöba solanizanangö saiwap nalukñi ala jöwöwöl ohoman. Mi ohonöñ ehiga ambazipnöñ könañamgi möt kutume.”

¹⁵ Mewö jiyökmö, mi tøndup Jisösgö qetbuñani sehiba miri dop asariba anök. Anöhanğö dop ambazip kambuñi kambuñi yeñön keuñi mötpingö aka kawölñini mem ölöwakñapkö yangören kaba tokoget. ¹⁶ Kagetmö, Jisösnöñ enğömosöta gölme qararanğölkölñe anda mala köuluköyök. Mewö.

Jisösnöñ azi sile likepñi kömukömuñi möhamgöyök.

Mat 9.1-8; Mak 2.1-12

¹⁷ Jisösnöñ wehön kunöñ Buña keu kusum enjiiga Farisi (Köna keugö kapañkölköl) aka Köna keugö böhi tosatñan Galili aka Judia prowinsgö miriñi miriñi aka Jerusalemök kaba ambazip kambu sutñine tatket. Kembugö kukösumñan Jisös nam köl wanjiiga ambazip kawölñini mei ölöwaket.

¹⁸ Nalö miangören azi tosatñan alañini sile likepñi kömukömuñi mi kululunöñ ala anğuba kaget. Kaba kutuba Jisösgö kösutñe miri uruñe öngöba albingö esapköget. ¹⁹ Esapkögetmö, ambazip kambunöñ ölököba kingeranğöra pañpanğöba miri uruñe öngöbingö köna kun qahö miwikñaiba memba miri qakñe öngöget. Öngöba bo kötnöñ memenji mi esim lulungetka kinimñi ahui kawöl azi kululunambuk kösönöñ jöhöba miangören algetka ambazip sutñine Jisösgö wösöñe geyök. ²⁰ Mewö geiga Anutu möt

* 5:5: Jon 21.3 * 5:6: Jon 21.6 * 5:14: Lew 14.1-32

narim wanğigeri, Jisösnöŋ yeŋgö tandöknini mi ehi dop köliga kawöl azigöra kewö jiyök, “Alani, nöŋön siŋgisöndoki mosötzal.”

²¹ Mewö jiiga Köna keugö böhi aka Farisi yeŋön mi möta könahiba kewö jiba mötmöriget, “Azi ki niŋja? Yaŋön mönö Anutu ilita mepaqepaik akza. Anutu mohotŋan siŋgisöndoknini mosörakzapmö, azi kunŋan mi qahö.”

²² Mewö mötmörigetmö, Jisösnöŋ uruŋini ek kutuba kewö jii mötket, “Tosatŋi iŋini uruŋinan wuanöŋgöra keu jizali, miangöra gwötpuk mötmörize? Mi qahö dop kölja. ²³ ‘Nöŋön siŋgisöndoki mosötzal, jizali, keu miangön mönö awamŋanök jijiŋa. Kunŋan mewö jiiga tosatŋan keu miangö ölni qahö ekŋe. Miangöra mi keu awamŋaŋgö dop. Nöŋön keu kun kewö jimamamgö mötzal, ‘Mönö wahöta anöŋ.’ Keu mi mönö lömbötŋambuk jijiŋa akza. Mewö jibiga ölni asuhuma me qahöwi, miangön mönö aukŋe asuhui ekŋe.

²⁴ Mötket, gölmenöŋ siŋgisöndok mosötmosötkö kukösumŋi mi Suep gölmegö azi ölnaŋgöreŋ ahözawi, iŋini miangö könaŋaŋgöra janjuŋ malbepuk. Miangöra keu lömbötŋi mi azi kiangöra jibi ölni eket.” Mewö jiba azi sile likepŋi kömukömuŋi yaŋgöra jiyök, “Nöŋön göhöra jizal: Gi mönö wahöta tumbulahöpki memba mirige anöŋ. Keu lömbötŋi mi ölnambuk akŋa ewö, keu awamŋi mi mönö mewöyök denöwögöra omaŋi akawak?”

²⁵ Mewö jiiga miangöreŋök jeŋine wahöta tumbulahöpŋi ahöyöhi, mi memba Anutu möpöseiba mosöta miriŋe anök. ²⁶ Mewö asuhuiga ambazip köreŋan welipköba sömbuŋini möta Anutu möpöseiba jiget, “Ye! Merak yuai qetpuk soroha ekzin.” Mewö.

Jisösnöŋ Matyu (Liwai) oholök.

Mat 9.9-13; Mak 2.13-17

²⁷ Miangö andöŋe Jisösnöŋ Kaperneam mosöta anda takis ofis oŋitmamgö aiga miangöreŋ takis meme azi qetŋi Liwai tariga eka jii mörök, “Gi mönö nöŋgö andöne kanöŋ.” ²⁸ Mewö jii möta nupŋi pakpak mosöta wahöta Jisösgö andöŋe anök.

²⁹ Anda Jisös miriŋe köl öröba yaŋgöra közölömbuan ketanŋi mözözömgöyök. Mözözömgöba takis meme tilipqilipŋinambuk aka alaurupŋi tosatŋi öröm enğiiga kambu ketanŋi köla yembuk tata nene neget. ³⁰ *Mewö negetka Farisi (Köna keugö kapaŋkölköl) aka yeŋgöreŋ böhi yeŋön mi eka jimöŋgot aka Jisösgö gwarekurupŋi kewö jim enğiget, “Aek! Iŋini mönö wuanöŋgöra takis meme tilipqilipŋinambuk aka siŋgisöndok ambazip yembuk tata nene aka o neze? Mi qahö dop kölja.”

³¹ Mewö jim enğigetka Jisösnöŋ likepŋi kewö jii mötket, “Sile unditundit ambazipnöŋ doktagöra qahö ak enğimakzapmö, kawöl ambazipnöŋ mönö doktagöreŋ anakze. ³² Nöŋön siŋgisöndok ambazip uruŋini melenmegö enğoholmamgöra kaba maljalmö, ambazip nanŋinaŋgö mötketka solanŋi akzei, i qahö.”

Nene siŋgi malmalgö keuŋi

Mat 9.14-17; Mak 2.18-22

³³ Ambazip tosatŋan Jisösgöreŋ kaba qesiget, “Jon O-melun azigö gwarekurupŋi neŋön nalö gwötpuk Anutugöra nene siŋgi mala köuluk totoko köröpŋi alakzin. Farisi (Köna keugö kapaŋkölköl) yeŋgö gwarekurupŋinan mewöŋanök aka maljemö, nangi gwarekurupkan mönö pöndaŋ nene aka o nemakze.”

³⁴ Mewö qesigetka kewö melenök, “Ölna! Nini wani nalönöŋ nene siŋgi malakzin? Ambi meme nalöŋe azigö andöurupŋan könöpŋi algetka ambigö sep kitipurupŋan yuai mi tökömakze me qahö? Nöŋön nani gwarekurupŋi yeŋgö azi bunaya aka yeŋgö sutŋine köisirik tatzal. Tatpiga siŋgi malbingö jigetka yeŋön aijölöŋ söŋgaiba tata siŋgi malbingö osimakze. ³⁵ Osimakzemö, Anutunöŋ noaŋgiri kömumbiga yeŋön mönö nalö miangöreŋ ölop siŋgi malakŋe.

* 5:30: Luk 15.1-2

³⁶ “Inini malmal walñi aka sösöngai Buña dölökñi mi mindirim etkibingö osime. Mianğö dopkeu pasetñi kun mi kewö jibi mötket: Löngölöngöt walñi jurariga kunöñ löngölöngöt dölökñi mitiba opo su jöhanñi mianjön qahö ala uhum görengömakza. Mewö akawak ewö, opo su jöhanñi dölökñan mönö walñambuk öröröñ qahö aka mi öröba munjurariga böliqölibapuk.

³⁷ “Mewöñanök kunöñ wain o dölökñi mi jobö me toru walñi lama silenjan memenji mianğoreñ qahö kusuiga gemakza. Mewö akawak ewö, wain o dölökñan mönö qariba toru qesiniga jula mokoiga gölmenöñ eta sohoiga toruñan böliqölibepuk.

³⁸ “Mianğöra wain o dölökñi mi toru dölökñeyök mokoin geiga dop kölma. (Mewöñanök kunöñ o ölöpnji mi gina gisagisahöñe qahö umakzin. Mewö ubinak ewö, mianjön mönö jula kisipisirik eriga nemba kawöl neñgöhöbapuk. Mewö akapüköra o ölöpnji mi gina ölöpnje umakzin. Inini mewöyök malmal walñi aka Ölöwak Buña dölökñi mi mindirim etkibingö osime.) ³⁹ Kunñan wain o walñi möpöseiba nemba malakzawi, yañön wain o dölökñi nemangö sihimñi qahö möta olan alakza.” Mewö.

6

Jisösnöñ Sabat kendongö Kembuñi akza.

Mat 12.1-8; Mak 2.23-28

¹ *Mianğö andöñe Sabat kendon kunöñ Jisösnöñ wit padi nup köröñi ketanji kutuba anök. Ani gwarekurupñan wösöñini enğuiga wit ölnji mohot mohot böröñinan misiba sömanđa neget. ² Mewö negeranğöra Farisi (Köna keugö kapañkölköl) tosatñan mi eka kewö jiget, “Inini mönö wuanöngöra Sabat kendongö nup meme soñgoñi oñgitze?”

³ *Mewö jigetmö, Jisösnöñ kewö melenök, “Kiñ Deiwidnöñ yarö aziurupñi yembuk liliköba wösöñini enğuiga yuai akeri, mi lök oyonget me qahö? ⁴ *Yañön mönö Anutugö opo seri jikenöñ öngöba beret kömbukñi Anutugö jemesoholñe altanöñ alget tariga ösumñan walöñniga qekögeri, mi mönö meiga neget. Beret kömbukñi mosötmosötñi mi jike nup galöm yeñönök nezema. Yañön aka yañgö sunğurumurupñan mi nembepüköra soñgo ahöyök mi töndup neget.”

⁵ Mewö jiba kewö jii mötket, “Suep gölmegö azi ölnjan mönö Sabat kendongö Kembuñi akza.” Mewö.

Jisösnöñ azi böröñi sösöröngöñi mem ölöwahök.

Mat 12.9-14; Mak 3.1-6

⁶ Jisösnöñ Sabat kendon kunöñ köuluk mire öngöba Buña kusum enğiyök. Mianğoreñ azi kun böröñi ölnji soholiiga tarök. ⁷ Köna keugö böhi aka Farisi (Köna keugö kapañkölköl) yeñön Jisös eka keu jakeñe al wañgibingö könañi jaruba “Azi mi Sabat kendonöñ möhamgöma me qahö?” jiba je galöm memba tatket. ⁸ Tatketmö, Jisösnöñ mötmötñini mi möt kutuba azi böröñi sosoholiñi mi kewö jii mörök, “Mönö wahöta jenine kinöñ.” Mewö jiiga wahöta kinök.

⁹ Kini Jisösnöñ jii mötket, “Köna keu wuatangöba Sabat kendonöñ yuai ölöpnji me bölöñi akin? Ölöp kungö bohonñi jöhöbin me mosöringa ayuhuma. Wanat kun meinga dop kölma? Mi qesim enğibi jiget.” ¹⁰ Mewö jiba körek pakpak lilingöm purik engeka azi mianğö jiyök, “Gi mönö börögi qötöteinöñ.” Mewö jiiga böröñi qötöteiiga kunbuk ölöwahök.

¹¹ Ölöwahökmö, galöm yeñön irimñini gwötpuk seholiiga “Jisös denöwö ak wañgibin?” jiba nanñini eraum mötket. Mewö.

Gwarekurupñi 12 möwölöhöm enğiyök.

Mat 10.1-4; Mak 3.13-19

* 6:1: Dut 23.25 * 6:3: 1 Sml 21.1-6 * 6:4: Lew 24.9

¹² Nalö mianğoreñ Jisösnöñ kundunje köulukömangö öngöba sunğem köröp mi Anutu köuluköm wangiba mali miri alök. ¹³ Miri gianjiiga gwarekurupñi engohola yengörenök 12 möwölöhöm engiba melaimelai azi aposol qet mi engiyök.

¹⁴ Qetñini kewö qerök: Saimon, Jisösnöñ qetñi Pitö wangiyök, yangö munñi Andru aka Jeims, Jon, Filip, Bartolomyu, ¹⁵ Matyu, Tomas, Jeims Alfiusgö nahönñi aka Saimon qetñi kun Tuaköpek azi qetket.* ¹⁶ Judas Jeimsgö nahönñi aka Judas Iskariot. Kariot azi mianön könangen mamalolo azia ahök.

Jisösnöñ kawöl ambazip mem ölöwak engiyök.

Mat 4.23-25

¹⁷ Jisösnöñ aposolurupñi yembuk kunduneyök eta gölme köröñe anda kinget. Kingetka gwarek kambuñi ketañi aka ambazip kambulembe yeñon yangöra tokoba mambötket. Yeñon “Buñani jii möringa kawölnini mem ölöwakña,” jiba mianğöra Judia prowins pakpak, Jerusalem siti aka köwet jitneyök Taiö aka Saidon taon mianğoreñök kaba tokoget. ¹⁸ Ömewörömenöñ kölköljinjin mem engiyöhi, yeñon mewöyök kaba ölöwaket. ¹⁹ Kukösumñan yangörenök kutuba yengören öngöiga körek ölöwak engiyök. Mianğöra ambazip körekñan Jisös misiribingö jaram tiget. Mewö.

Simbawon aka kezapjupjup ahakö keunji

Mat 5.1-12

²⁰ Jisösnöñ gwarekurupñi uba wahöta engeka kewö jiyök, “Anutugö bemtohon mi wanapñi engö buñaya. Mianğöra wanapñi inñini mönö simbawon akze.

²¹ Nalö kewöñe nenegö ewö kömumba qemjen qeba maljei, Anutunöñ mönö sihimñini mi gumohom engima. Mianğöra inñini mönö simbawon akze. Nalö kewöñe sahötzei, enön mönö sösöngai aka gön kölme. Mianğöra wösöbirik maljei, inñini mönö simbawon akze.

²²* “Ambazipnöñ inñini Suep gölmegö azi ölnangöra aka kazik aka yaköriba sileñe ala uruqeçe keu töhören jim engiba kiam sekbölö ewö qetñini kutumei, inñini mönö simbawon akze.

²³* Ambösakonurupñinan mianğö dop kezapqetok ambazip yengöra ak engiba malget. Mötket! Anutunöñ töwanini öngöngöñi Suep mire ali ahöza. Mianğöra mewö ak engigetka nalö mianğoreñ mönö söngai koiran kölme.

²⁴ Inñini simbawon maljemö, pomñi sukinapñinambuk inñini malmal siyonsayonji qahö maljei, mi teköma. Mianğöra nöñon engöra wöziköba ‘Yei!’ jizal.

²⁵ Nalö kewöñe nem timbireñ maljei, inñini mönö wösöñini ali (buörö) bödi malme. Mianğöra nöñon engöra wöziköba ‘Yei!’ jizal. Nalö kewöñe sösöngai aka gön köljei, inñini mönö amburereñ aka sahötme. Mianğöra nöñon engöra wöziköba ‘Yei!’ jizal.

²⁶ “Ambösakonurupñinan kezapqetok ambazip takapulakanji jim möpöseim engiba malget. Ambazip pakpak mianğö dop ak engigetka nöñon engöra wöziköba ‘Yei!’ jizal.” Mewö.

Kerökurupki mönö jöpaköm engiman.

Mat 5.38-48; 7.12a

²⁷ “Bölöñi ak engimemö, inñini keuni möta maljei, nöñon engöra kewö jibi mötme: mönö kerökurupñini uruñinan jöpaköm engiba malme. Denike yeñon kazik ak engizei, i mönö ölopñanök ak engiba malme.

* **6:15:** Nasönöl pati zelot yeñon Rom gawman tuarenjon aka nanñine kinkin membingö tuaköpek memba malget.

* **6:22:** 1 Pitö 4.14 * **6:23:** 2 Hist 36.16; Apo 7.52

28 “Denike yeñön qesuahöba jinjerereñ ak engize, i mönö köl tömbiba kötuetköm engime. Örom ureim ak engize, yeñgöra mönö Anutugö köuluköme.

29 “Kunñan nuñgulumgi likepñi qekötahöliiga likepñi mewöyök melen wañgiman. Kunñan qakñangö malukugi goañgiriga göñön mönö dutñangö oponi mohokne memangö möri mi kude añgön kölman.

30 “Yuaigö ulet gihigetka mi mönö körek yeñgöra engiman. Kunñan göhö inap yuaigi meiga mi mönö melen gihimapkö kude kapan köla qesiman. 31 *Ambazipnöh yuai nanñinanğö ak engimegö mörakzei, miangö dop mönö nanñini mewöyök i ak engimakne.

32 “Gölmegö siñgisöndok ambazipnöh alaurupñinan jöpaköm engigetka kitipñi melenđa jöpaköm engiba möpöseim añgumakze. İnini miangö dop gölmegö tandökñi wuatangömakze ewö, Anutugöreñ tosa qahö ahuiga mönö denöwö inini möpöseim engibawak? Alaurupñini aka kerökurupñini mi mönö mohotne jöpaköm engigetka töwa enjiiga oyaenkoyaen akne.

33 “Gölmegö siñgisöndok ambazipnöh alaurupñinan yuai ölopñi ak engigetka kitipñi melen engiba ala ak añguba möpöseim añgumakze. İnini miangö dop aka gölmegö tandökñi wuatangömakze ewö, Anutugöreñ tosa qahö ahuiga inini qahö möpöseim engima.

34 “Gölmegö siñgisöndok ambazipnöh moneñ yuai mi siñgisöndok ambazip tosatñi yeñgöra engiba kitipñi miyök melen engimegöra kapan kölakze. Mi gölmegö ahakmemeya. İnini tosatñan tosañini melen engimegö al mambötetka Anutunöh mönö denöwö möpöseim engibawak? Tosatñan tosañini qahö melen engigetka Anutunöh mönö kitipñi mi melenđa töwa engima.

35 “Inini mönö Suep Toñangö ahakmemeya aka memba malme. Gölme ambazipnöh bölöñi aka saiwap qahö jimakzemö, Anutunöh töndup i ölopñi ak engimakza. Miangöra inini mönö kerökurupñini uruñinan jöpaköba ölopñanök ak engiba moneñ yuai engiba miangö likepñi kun melenđa engimegöra kude al mambötme. Mewö aka malgetka töwanınan sehiba öngöñgöñi aiga Anutu öngöñgöñangö nahönböraturupñi aka malme.

36 “Suep Iwiñinan körek pakpak ak kömum engimangö mötzawi, inini mönö miangö dop ambazip pakpak ak kömum engiba malme.” Mewö.

Jimtekötekö toñi ewö kude akne.

Mat 7.1-5

37 “Ambazip tosatñi yeñgö keuñini mi kude kewöta jim teköme. Mi qahö jim teköm engigetka Anutunöh mönö nanñini mewöyök qahö jim teköm engima. İnini tosatñi yeñgö siñgisöndokñinanğö likepñi mi qahö melen engime. Mi qahö melen engigetka Anutunöh mönö nanñini siñgisöndokñinanğö likepñi mi mewöyök qahö melen engima. İnini mönö tosatñi yeñgö siñgisöndokñini mosötme. Mi mosötetka Anutunöh nanñini siñgisöndokñini mewöyök sañgonđa mosötma.

38 “Inini ambazip tosatñi yeñgöra yuai ak engigetka Anutunöh mönö miangö dop kewöta yuai mi melenđa engöra ak engima. Miangöra inini mönö yuai kalema engimakne. Mewö engigetka Anutunöh mönö mewöñanök kalema engimakne. Ölña, Anutunöh ekbonep qahö möta bauköm engimakne. Anutunöh kewöta inini engigeri, miangö dopñi jömuk memba kiwinöh moko i numbuñe kori utuköi qöröran aiga mulumgöi gei toroqeba qakne moko i dopñi onğita qeqelanlan eri, mi mönö gösöñine löngöt engima.” Anutugö könani mewö.

Ambazipnöh nanñini könani eka mötme.

39 *Jisösnöh dopkeu kun kewö jii mötket, “Jegömöl ambazip kunöh jegömöl alañi kun ölop böröñe memba wañgitma me qahö? Mewö anbahorak mönö mohotne lömnöh geba etkubawak. 40 *Gwareknöh böhiñi qahö onğitza. Böhiñinan mötmöt pakpak törörök kusum enji mi möt kömumei, körek yeñön mönö böhiñini ewö akne.

* 6:31: Mat 7.12 * 6:39: Mat 15.14 * 6:40: Mat 10.24-25; Jon 13.16; 15.20

41 “Gi wuanöngöra alagahö jeje gödöwöröt morörökñi ekzanmö, nangi jege ip sahötñi ketanji ahözawi, mia denöwö kude ek kutuzan? 42 Nangi jege ip sahötñi ketanji ahözawi, mi qahö ek kutuba denöwögöra alagahö kewö jibanak, ‘Alani mötnöñ! Jege euke gödöwöröt geba tatzawi, mi ölop itaköbi etma.’ O urumelenögö silesile azi, gi mönö mutuk nange jegeyök ip sahötñi (tapötñi) ketanji mi memba gilman. Mi mem gilagun törörök ek kutuba alagahö jeje gödöwöröt geba tatzawi, mi ölop itakönöngga etma.” Mewö.

Ipkö könanji mi ölnji eka kewöta möt kutume.

Mat 7.16-20; 12.33-35

43 “Ip ölopñi kunjan ölnji bölöñi qahö kuñgumakza. Mewöñanök ip bölöñi kunjan ölnji ölopñi qahö kuñgumakza. 44 *Jau köñji mi jömnöñ asuhuiga membingö osimakzin aka muli ölnji mi koururuknöñ asuhuiga qeköbingö osimakzin. Mianögö dop ipkö ölnji eka kewöta könanji möt kutume.

45 * “Azi uruñan yuai kokolak qei ahözawi, mia mönö numbuñan aukñe jimakza. Mianögöra azi ölopñanögö uru köweñe ölopñanögö möriamñi ahözawi, yañön mönö ölopñi mi aukñeyök jimakza. Azi bölöñanögö uru köweñe bölöñi ahözawi, yañön mönö bölöñi mi aukñe jimakza.” Mewö.

Miri tandö köhöikñi aka lölöwöröñi

Mat 7.24-27

46 “Inini nöngöra ‘Kembu Kembu!’ qet mi mönö wuanöngöra qerakzemö, nöñön yuai memegö jimakzali, mi qahö tem köla memakze.

47 “Denike yeñön nöngöreñ kaba keuni möta tem köla mezei, nöñön yeñgö könanjamñini kondela dopkeunöñ jimam. 48 Yañön mitim qe qe azi kianögö dop akza: Azi mianön ‘Miri memam,’ jiba löm köröpñi esiba geba tandöñi köt jamönjin qakñe kuñgum köhöii kinök. Mewö kiniga kie uru nalöñe o göulu köhöikñi gila miri kemañe kuñguyökmö, ölopñanök mem muhungöi kinök. Mianögöra kusumangö qem bibihiiga köhöiba kinök. 49 Qem bibihiyökmö, kunöñ keuni möta qahö tem köla mezawi, yañön mönö mitim qe qe azi kianögö dop akza: Yañön ‘Miri memam,’ jiba tandö qahö esim kömöta gölme qakñe kut bim miyök ala meyök. Mei kiniga kie uru nalöñe o göulu köhöikñi gila miri kemañe kuñguiga miri mi mianögöreñök kusuiga goromororöngöba erök.” Mewö.

7

Jisösnöñ suahö galöm kungö nup aziñi mem ölöwahök.

Mat 8.5-13

1 Jisösnöñ ambazip kambu sutñine mala Buña keñji pakpak mi jii mötketka engömosöta Kaperneam taonöñ kañgorök. 2 Mianögöreñ Rom suahö galöm kungö nup aziñan kawöl yöhöi kömumangö ahök. Galömñan yañgö möri öngöngöñi ahök.

3 Mianögöra Jisösgö buzupñi möta Juda yeñgö jitñememe tosatñi melaim enjiiga Jisösgöreñ anda kewö qesiget, “Mönö kaba welen aziñi mem ölöwakñan.” 4 Anda Jisösgöreñ angota kapan köla köuluköba jiget, “Ketanjamnini, suahö galöm mianön mönö bauköm wañgimanañgö dop ölop sorokñi akza. Mianögöra mönö kanöñ.” 5 Mötnöñ, yañön Juda ambazip kambu neñgöra ak wañgiiga ‘Köuluk mirinini membin,’ jiinga kian yañön moneñ ali meget.”

6 Mewö jiget möta yembuk anök. Anökmö, suahö galömgö mirinji dopdowii yañön alaurupñi melaim enjiba Jisösgöra keu kewö alök, “O Kembu, ni mewörökñi malbiga nöngö miri boñan gualöñmapkö gamuni mötzal. Mianögöra mönö qahö aum kömumba kaman. 7 Ni nanañgö mötpi eretñi akzawañgöra göhöreñ kamangö dop kude mötzalmö, keu jitkanök jinöngga welen azinan ölöwakña. 8 Mi kewögöra: Ni nanak mewöyök galömnañgö kukösum bapñe al niñgiget maljal. Nöngö bapne yarö azi malgetka mi jim

* 6:44: Mat 12.33 * 6:45: Mat 12.34

kutum engimakzal. Yengörenök kungöra ‘Anman’ jim kutubi yanön anma. Kungöra ‘Kanön’ jim kutubi yanön kama aka welen azini kungöra ‘Nup ki meman,’ jibiga yanön mi mema.”

⁹ Jisösnön keu mi möta suahö galömgöra welipköba ambazip kambu wuatängöba kageri, yengören lilingöba kewö jiyök, “Nönön kewö jibi mötme: Israel könagesö sutnine mewöyök mötnarip ketanji mewöni mi kungö uruñe qahö miwikñaial.”

¹⁰ Mewö jiiga suahö galömgö kolekaziurupñan lilingöba mire angota welen azi miwikñaiba eketka ölöwaka tarök. Mewö.

Jisösnön malö kungö nahönji mem guliyök.

¹¹ Miangö andöñe Jisösnön taon qetñi Nain miangören aniga gwarekurupñi aka ambazip kambulembenön wuatängöba anget. ¹² Miangören taon kiripo nanğunji dopdowiiga qamöt kun anguba kaget. Malö kungö nahönña mohok-kunñan kömuiga taongö ambazip kambu ketanjan tokoba löm kölbingö kaget.

¹³ Kembunön malö mi eka wösöñi möta jii mörök, “Kude sahötman.” ¹⁴ Mewö jiba anda bokis anguba kageri, mi jii dörök algetka bokis misiriba kewö jiyök, “Azi gwabö, mönö wahötnön. Nönön göhöra mewö jizal.” ¹⁵ Mewö jiiga qamöt mianön guliba wahöta könahiba keu jiyök. Keu jiiga Jisösnön namñambuk anmapkö wangiyök.

¹⁶ Ambazip pakpak yeñon mi eka qem sömbuñini möta Anutu möpöseiba jiget, “Kezapqetok azi ketanji kunön mönö sutnine asuhuba malja.” Tosatñan jiget, “Anutunön könagesöñi mesohol köl nenñii maljin.”

¹⁷ Yangö keu buzupñi mi sehiba Judia prowins pakpak dop köla gölmenji gölmenji likeplikep miangören an teköyök. Mewö.

Jongö gwarekyahötñi Jisösgören kayohot.

Mat 11.2-19

¹⁸ Jon O-melun azinön kösö mire tariga gwarekurupñan yuai pakpak mi asuhuyöhi, miangö kösohotñi jiget mörök. ¹⁹ Jiget möta gwarekñi yahöt etkoholi kayohotka Kembugören anda kewö qesim wangimahotköra melaim etkiyök, “Mem ölöwak azi kamapköra mamböringa gönön mia akzan me azi kun bian kamapköra mambötpin.”

²⁰ Melaim etkiiga Jisösgören angota jiyohot, “Jon O-melun azinön kewö qesim gihibitköra melaim netkiiga kazit, ‘Mem ölöwak azi kamapköra mamböringa gönön mia akzan me azi kun bian kamapköra mambötpin.’ ”

²¹ Jisösnön nalö miangörenök ambazip gwötpuk uzi kawöl izekwaizek (ijenwaijen) aka ömeñinambuk mi mem ölöwak engiyök aka jegömöl ambazip gwötpuk jeñini metohoi uba eket. ²² *Jongö gwarek yahötñan angota qesim wangiyohotka kewö melenök, “Yuai eka mötzahori, miangö kösohotñi mönö anda Jon kewö jiyohot mötma: Jegömöl yeñon uba eketka lokon yeñon köna anda kagetka uzikuku yeñon solanigetka kezapduhup yeñon keu mötketka kömuget yeñon guliba wahötketka etqeqeñi yengöra Ölöwak Buña jim asaribiga mörakze. ²³ Mewö asuhui eketka kungö uruñan qahö bölii andö nunñumawi, yanön mönö simbawon akza.”

²⁴ Mewö jiiga Jongö gwarek yetkön anohotka Jisösnön könahiba Jongö könañi ambazip kambu yengöra kewö jim asariyök, “Injini gölme qararanjölköñe miangören wania ekingöra anget? Luhutnön jehot uwutapköba metali anjanbanjan ahakzawi, injini azi mewöni ekingöra anget me?

²⁵ “Me wanat yuaia ekingöra anget? Azi malukunji aködamunñambuk löngöta malöhi, mi ekingöra me? Mötket, ambazip malukunji kulemñi ek sihimñambuk löngöta anda kaba siyonñsayonji qahö maljei, mienön mönö kin yengö jakömbuak mirinñe malje. Mi gölme qararanjölköñe qahö.

* 7:22: Ais 35.5-6; 61.1

²⁶ “Me wanat yuaia ekingöra anget? Kezapqetok azi kun ekingöra me? Ölña, nöñön kewö jibi mötket: Azi ekeri, yañön mönö kezapqetok ambazip tosatñi engongita tandökñi kun akza. ²⁷ *Yañgö könani mi mönöwök kewö ohoget ahöza, ‘Mötnöñ, nöñön kolekni garata kun melaibiga qeljine anda ambazip uruñini mindingöba göhö könagi mesariga göñön mönö yañgö andöñe gölmenöñ emu geman.’ ²⁸ Keu mewö ahözapmö, nöñön kewö jibi mötket: Ambinöhök morö pakpak engömegetka asuhugeri, yengö sutñine Jonöñ mönö körek engongita qetbuñañambuk kinja. Kinjapmö, Anutugö bemtohoñ uruñe angota Anutugö qetbuñani miwikñaimakzei, yengö sutñine eretñi kondikñi yañön mönö Jon ongitza.”

²⁹ *Ambazip könagesö pakpak aka yengö sutñine takis meme yeñön mohokñe Jongö Buñani mötkeri, yeñön jim köleñda “Aha! Anutugö köna diñdiñi jim asariza,” jiba uruñini melengetka Jonöñ o melun mem engiyök. ³⁰ Mewö engiyökmö, Farisi aka Köna keugö böhi yeñön Anutugö areñi qahö tem köla Buñani andö qeba silekmalek aketka Jonöñ o melun qahö mem engiyök.

³¹ “Ambazip merak gölmenöñ maljei, mi mönö wanatpuk dop al engibileñak? Yengö silikñini mi denöwö? ³² Yeñön namande ewö akze. Mienöñ maket sombemnöñ tata keu gön gila lañ qeta kewö jimakze, ‘Nini awölop uinga inini liñet gwawet qahö unduget. Nini jinñeñ kölinga inini qahö toroqeba sahötket.’ ³³ Miangö könani kewö: Jon O-melun azinöñ kaba nene siñgi mala wain o qahö neiga inini yañgöra jimakze, ‘Öme kunöñ uruñe geiga malja.’

³⁴ “Suep gölmegö azi ölñan kaba nene nem söñgaip aiga eñön jimakze, ‘Mötket, yañön bau numbu tandök közöjeriba wain o gwötpuk nempa takis tilipqilipñinambuk aka bölöñi meme yengö alañina malja.’ ³⁵ Körek pakpak Anutugö mötkutukutu köl gulimakzei, yengö ahakmemeninañgö ölñan mönö mötkutukutuñinan dop köljawi, mi kondelakza.” Mewö.

Singisöndok ambinöñ Jisösgö könani kelök miriyök.

³⁶ Farisi (Köna keugö kapankölköl) azi yengöreñök kunñan Jisös mi nanñi miriñe kaba nene nemapkö köl öroyök. Köl öroi anda miriñe öngöba nene dumñe tarök. ³⁷ *Taon miangöreñ singisöndok ambi kun malök. Yañön Jisös Farisi azigö mire öngöba tata nene neyöhi, miangö buzupñi möta kelök umköhökambuk mokoiki köt kirin kun kokolak qeyöhi, mi memba öngöba kayök. Kirin mi nöluk tuat-tuat qetñi alabastö mianön memena.

³⁸ Öngöba kaba Jisösgö könane geba tata könahiba sahöri imbilñan tiñgita geba könane miriyök. Miriiga nörop jupñan keren memba kutui öroniiga könani numbuñan yöhötim nempa kelök umköhökambuknöñ miriyök. ³⁹ Miriyökmö, Farisi azinöñ Jisös köl öroyöhi, yañön mi eka uruñan kewö mötmöriyök, “Ambi ki singisöndokñambuha. Azi kianön kezapqetok azia malbawak ewö, yañön mönö ambi könane misirizawañgö könani möt kutubawak.”

⁴⁰ Jisösnöñ mi möt kutuba kewö melenñda jiyök, “Saimon, nöñön keu kun jimamgö mötzal.” Jiiga jiyök, “Böhi, ölop jinöñ mötpi.”

⁴¹ Jiiga Jisösnöñ kewö jii mörök, “Ambazip yahötñan benknöñ anda tosa albitkö moneñ galömñangö qesiyohot. Kunöñ silim 500:kö töwañi (Kina 2500,-), kunöñ silim 50:gö töwañi (Kina 250,-) miangö dop tosa albitkö qesiyohot. Qesiyohotka miangö dop etkiyök. ⁴² Etkiba könangep tosañiri misimahot jiiga moneñiri qahöwahiga osiyohot. Osiyohotka benk galömñan tosañiri qeköba kutuba mosöt etkiyök. Mosöt etkiiga yetköreñök dañön i uruñan gwötpuk jöpaköm wañgimakza?”

⁴³ Mewö qesiiga Saimonöñ kewö melenñök, “Nöñgö mötmötnöñ tosa ketañi kutuba mosöt wañgiyöhi, yañön.” Mewö melenñiga jiyök, “Gi keu törörök kewöta jizan.”

* 7:27: Mal 3.1 * 7:29: Mat 21.32; Luk 3.12 * 7:37: Mat 26.7; Mak 14.3; Jon 12.3

⁴⁴ Mewö jiba ambigören lilingöba kewö jii mörök, “Ambi ki eknöŋ. Nöŋön mirige kotpiga göŋön könani saŋgoŋmamgö o kun qahö niŋgizanzmö, ambi kianŋön mönö könani imbilŋan miriba nörop juŋŋan kereŋ memba kutui öröniza. ⁴⁵ Göŋön numbuni qahö yöhötüm nezanmö, ambi kianŋön mönö mire kotpiga miangörenök kapaŋ köla könani yöhötüm nempa malja. ⁴⁶ Göŋön nöropni kelök kude mirizanzmö, ambi kianŋön mönö kelök umköhöwaktambuknöŋ könane nömiriza. ⁴⁷ Miangöra nöŋön kewö jibi mötnöŋ: Anutunöŋ ambi kiangö siŋgisöndokŋi gwötpuk mi mosöta saŋgoŋniga miangöra uruŋan ni gwötpuk jöpaköm niŋgiza. Kunöŋ siŋgisöndok boromdökŋi ahiga Anutunöŋ siŋgisöndokŋi morörökŋi mosöriga yaŋön uruŋan borom kun miyök jöpaköm niŋgimakza.”

⁴⁸ Mewö jiba ambi mi kewö jii mörök, “Nöŋön göhö siŋgisöndoki saŋgoŋda mosötzal.”

⁴⁹ Mewö juiga azi mohotŋe nene nempa tatkeri, yeŋön könahiba nanŋinök kewö jiget, “Siŋgisöndok saŋgoŋda mosötzawi, yaŋön mönö niŋi asia akŋamgö mötza?”

⁵⁰ Mewö jigetmö, Jisösnöŋ ambigöra jiyök, “Mötnariŋkan mönö amöt qem gihiza. Ölop luainöŋ anman.” Mewö.

8

Ambi tosatŋan Jisös nanŋöba anget.

¹ Miangö andöŋe Jisösnöŋ liliköba taonŋi taonŋi aka miriŋi miriŋi miangören anda Anutugö bemtohoŋgö könaŋi jim asariba Ölöwak Buŋa keunöŋ ambazip uruŋini kuŋguba malök. Gwarekurupŋi 12 yeŋön yambuk mohotŋe anget. ² *Mewöyök ambi tosatŋan yambuk anget. Ambi mi mutuk kawöl engöhöi ömenöŋ kölkölŋiŋiŋ mem engii malgetka Jisösnöŋ mem ölöwak engiyök. Ambi mi kewö: Maria qetŋi kun Magdalagö ambia qetket. Jisösnöŋ yaŋgö uruŋeyök öme 7 közöl engii kota anget. ³ Ambi kun qetŋi Joana. Yaŋgö aŋŋi qetŋi Kuza yaŋön kiŋ Herodkö jakömbuak miri miangören gawmangö monen galömŋa malök. Ambi kun qetŋi Susana, Yeŋön aka ambi tosatŋi gwötpuk yeŋön nanŋini monen inapŋinan Jisös aka gwarekurupŋi könanöŋ galöm köla nanŋöm engiget. Mewö.

Qesiŋqesiŋ azigö dopkeu

Mat 13.1-9; Mak 4.1-9

⁴ Ambazipnöŋ taon dop miangörenök öröba Jisösgören kaba kambulembenöŋ tokogetka Jisösnöŋ dopkeu kun kewö jiyök:

⁵ “Azi kunöŋ nene kötŋi qesiŋ gilmanŋö anök. Anda qesiŋniga kötŋi tosatŋan köna jitŋe geba kölget. Geba kölgetka ambazipnöŋ tim tökötahögetka könakemba (warawen) neiŋi neiŋi kaŋgota mi nem teköget. ⁶ Kötŋi tosatŋan köt jamönŋiŋnöŋ geba kölget. Geba köla miangören gölme oŋambuk qahö miwikŋaiba korapŋi kota soholiba gororoŋgöget.

⁷ “Kötŋi tosatŋan siri uret wahinambuknöŋ geba kölget. Geba kölgetka mienöŋ öröröŋ kota engoŋgita qem turuba böbölohot mem engiget. ⁸ Kötŋi tosatŋan gölme ölopŋe geba kölget. Geba köla jula wahöta ölniŋi ölopŋi asuhaba handötkö dop ahum sehiget.”

Keu mi jim teköba qet ketanŋi kewö qerök, “Kunŋan urukezapŋambuk malja ewö, yaŋön mönö dopkeu ki kezap ala möt kutuma.” Mewö.

Jisösnöŋ denöwögöra dopkeugö könaŋi jiyök.

Mat 13.10-17; Mak 4.10-12

⁹ Mewö juiga gwarekurupŋan dopkeu kiangö könanangöra Jisös qesim wanŋiget. ¹⁰ *Qesim wanŋigetka jiyök, “Anutugö bemtohoŋe aŋgota malbingö keu tölapŋi mi engöra aukŋe jibi möt kutuzemö, tosatŋi yeŋgöra mia dop keunöŋ jibi mörakze. Mewö möta nanŋini jeŋinan yuai ekagun könaŋi töndup qahö ek kutume. Nanŋini kezapŋinan keu törörök mötagun könaŋi töndup qahö möt asarime.”

* **8:2:** Mat 27.55-56; Mak 15.40-41; Luk 23.49 * **8:10:** Ais 6.9-10

*Jisösnöj dopkeugö könañi jiyök.
Mat 13.18-23; Mak 4.13-20*

11 “Dopkeu mianğö könañi kewö: Köt qesiñ giljawi, mi Anutugöreñ Buña keu. 12 Nene köñji köna jítje geba kölgeri, mi kewö: Ambazip tosatñan Buña keu mötzmö, mi mötketka Bölöñi Tonjan kaba uruñini melenđa Suepkö buña akepuköra keu köñji mi uruñineyök qeköba enğuanğirakza. 13 Nene köñji qesiñniga köt jamönjiñnöñ geba kölgeri, mi ambazip söpsöpñi kun. Yeñön Buña keu möta mi sösongai qakñe möt anğön kölakzemö, uruñine geba jalöñini qahö megeranğöra nalö töröptökñi miyök möt nariba malgetka esapesapkö nalöñe mönö tala enğuma.

14 “Nene köñji qesiñniga siriuret wahiñinambuknöñ geba kölgeri, mi kewö: Yeñön Buña keu mötketka uruñine gezapmö, gölmenöñ malmalgö waimanjatñi aka monen inap memegö urukönöpñi ahuba lömbörim enğimakza. Qetbuñanambuk akingöra köpösönğögetka sihim kömbönañi bölöñi tosatñan mewöyök uruñine dumgöba Buña keu böbölohot mem wañgize. Mewö aiga öñini qahö gilipitñi akñe. 15 Qahöpmö, nene köñji gölme ölopñe geba kölgeri, mi ambazip kewöñi: Yeñön Buña keu kezap ala mötketka uruñini ölopñi geñmoñi qahö mianğöreñ geiga sohobapukö mökösönđa 8kapan köla galöm kölgetka öñini ölopñi ölopñi miwikñaimakze.” Mewö.

*Yuai asa-asambötñi pakpak mi aukñe ahuma.
Mak 4.21-25*

16 * “Kunñan lambe me kiwa ohotiriba kimbutnöñ kude köl turuma me dum bapñe qahö alma. Mi qahöpmö, mi mianğö dum qakñe ali tatma. Tata asariiga tosatñan miri uruñe öngöbingö mötzei, yeñön mianğö asakñi eka ölop öngöme.

17 * “Mewöñanök urunine yuai kun asambötket tölapñe ahözawi, mi mönö aukñe asuhum tiñgitma. Yuai kun köl turuin ahözawi, mi mönö luluñgetka kötula ahöma.

18 * “Mianğöra Anutugö keu mötzei, mi mönö urukönömñine ala mötmöriba köl guliba malme. Kunñan mötkutukutuñambuk maljawi, Anutunöñ mönö mi toroqem wañgii qarimapmö, kunñan mötkutukutuñi qahö maljapmö, ‘Miambuk maljal,’ jizawi, Anutunöñ mönö mötmötñi moröñi mi mewöyök qeköba wañgitma.” Mewö.

*Jisösgö nam-munurupñi.
Mat 12.46-50; Mak 3.31-35*

19 Jisösnöñ mewö jiba maliga nam munñan i ekingö kagetmö, ambazip kambu ketanjan öloköba gwözönğerañğöra kösutñe anbingö osiget. 20 Osiba kingetka kunñan kewö jii mörök, “Göhö nam-mungan mönö yaigep kinda gi gekingö mötze.”

21 Jii mörökmö, Jisösnöñ kewö melenđa jii mötket, “Ambazip ki Anutugö Buña keu möta tem köla köl gulimakzei, mienñön mönö nöñgö namni aka munurupni akze.” Mewö.

*Jisösnöñ jüiga raidimbom göröñ qeyök.
Mat 8.23-27; Mak 4.35-41*

22 Wehön kunöñ Jisösnöñ gwarekurupñi kewö jii mötket, “Mönö mosöta o anğö kutuba likepñe anğotpin.” Mewö jüiga wañgenöñ mohotñe öngöba o anğö qakñe anget. 23 Anda opo seri möröreñğögetka luhutnöñ nañğöiga angetka Jisösnöñ gaun ahöyök. Ahöiga luhut raidimbom o anğönöñ gila siri kunduriga wañge uruñe geyök. Geba numbuñe qemamgö aiga ayuhubingö aket.

24 Ayuhubingö aka gwarekurupnan anda möndöba jiget, “Kembu Ketanjanini, mönö nini anğönöñ ayuhubingö akzin.” Mewö jigetka imbiñi möta luhut aka o anğögö sirinji kewö jim qetal etkiiga ösumñiran eriga nöñ qeba ahöyök.

* 8:16: Mat 5.15; Luk 11.33 * 8:17: Mat 10.26; Luk 12.2 * 8:18: Mat 25.29; Luk 19.26

²⁵ Mewö aiga jii mötket, “Engö mötnaripņini mi denike?” Mewö jiyökmö, yeņön awöwöliba qem sömbuņini möta jiget, “Yei, azi kia mönö denöwöņan malja? Yaņön mönö luhut aka köwet siri jim kutum etkiiga jitņi tem köl waņgizahot.” Mewö.

Ömenöņ bau uruņine gegetka azinöņ ölöwahök.

Mat 8.28-34; Mak 5.1-20

²⁶ Jisösnöņ gwarekurupņi yembuk toroqeba opo seri möröreņgögetka luhutnöņ naņgöi anda o aņgö kutuba Galili prowins likepņe Gerasa gölmenöņ aņgotket. ²⁷ Mianğöreņ aņgota saknöņ öņgöi azi ömeņambuk kun mi taonöhök kaba Jisös miwikņaiyök. Azi mi qaksirinöņ mala qamöt köteņi esiba urorohoget ahögeraņgöreņ ahöm malök. Nalö köröpņi opo maluku qahö löņgöta miri kungö uruņe qahö ahömalök.

²⁸⁻²⁹ Ömenöņ nalö köröpņi öröm ureim waņgiiga azi gwötpukņan bөрö takņi qeba könaņi tapepnöņ (munğamuņga) jöhöba galöm köla malgetmö, tapepņi öroi tiņgitqinğiriga ömenöņ kuņguiga gölme qararaņkölköļņe anda laņ malök. Mianğöra Jisösnöņ ömeņi mi kewö jim kutum waņgimamğöra ahök, “Öme bölöņi, gi mönö kota azi ki mosöta anöņ.” Mewö jimamğö aiga Jisös eka silata gölmenöņ kösutņe geba qet gigilahöba kewö qerök, “Aek Jisös, gi Anutu öņgöņgöņaņgö nahöņņi akzan. Gi mönö denöwö ak niņgimamğöra ki kazan. Nöņön ulet gihizal: Gi sihimbölö könöpņambuk kude ak niņginöņ.”

³⁰ Mewö jiiga kewö qesiyök, “Gi qetki niņi?” Ömewöröme gwötpuk uruņe geba malgeraņgöra “Qetnini lijön jizin” jiget. Mi nanine keunöņ Kerök kambu ketañi. ³¹ Mewö jiba Jisös kewö ulet waņgiget, “Gi neņguataņgöba öme löm dutņi qahö mianğöreņ gebingöra kude jim kutum neņgiman.”

³² Kösutņine kunduņi marömņe mianğöreņ bau kambu ketañi kun gwözözak uruņe kulunđa malget. Mianğöra ömenöņ kewö jiba ulet waņgiget, “Gi ölop jinöņga nini bau miengö uruņine gebin.” Ulet waņgigetka “Mönö anda geget.” Jiba jim kutum enğiyök. ³³ Jim kutum enğiiga azi uruņeyök kota anda bau uruņine geget. Gegetka bau kambu yeņön mönö luhuba nembönembönöņ anda jororoņgöba o aņgönöņ geba nemulahöba kömuget.

³⁴ Mi asuhuiga bau galöm yeņön mi eka taon aka miri morömorö mianğöreņ ölöņ unjurata anda keu buzupņi mi jiget mötket. ³⁵ Jiget möta ambazip sesegilgil yeņön yuai asuhuyöhi, mi ekingöra kaget. Kaba Jisösgöreņ kaņgota azi uruņeyök ömenöņ kotkeri, yaņön könaņe tariga miwikņaiget. Opo sileötañi törörök jöhöba uruņi amöriiga imbi mötmötņi pakpak asuhuiga eka awöwöliget. ³⁶ Azi ömeņambuk malöhaņön denöwö ölöwahöhi, mi jeņinan ekerañön jiget mötket.

³⁷ Möta gwötpuk awöwöliba qem sömbuņini mötket. Mianğöra Gerasa gölmegö ambazip kambu pakpak yeņön Jisösnöņ engömosötmakğöra ulet waņgiget. Ulet waņgigetka lilingöba anmamğö waņgenöņ öņgömamğö ahök. ³⁸ Öņgömamğö aiga azi uruņeyök ömenöņ kotkeri, yaņön kaba Jisösbuk mohotņe anda malmamğöra qesiyök. Mewö qesiyökmö, Jisösnöņ qetala melaim waņgiba kewö jiyök,

³⁹ “Gi mönö lilingöba mirige anda Anutunöņ aņgöletot ketañi ketañi ak gihiyöhi, mianğö kösohotņi jinöņga mötme.” Mewö jiiga anda Jisösnöņ aņgöletot ketañi ketañi ak waņgiyöhi, mianğö keuņi mi taon uruņe liliköba miri dop jim sehiyök. Mewö.

Jairusnöņ bөрatņaņgöra Jisös köuluköyök.

Mat 9.18-26; Mak 5.21-43

⁴⁰ Ambazip pakpak Jisösgö mambötketka lilingöba kaiga kambu köla söņgaiba öröm waņgiget. ⁴¹ Köuluk mirigö keu galöm kun qetņi Jairus yaņön kaba Jisösgö wösöņe geba simin köla miriņe kamapğöra köuluköm waņgiyök. ⁴² Moröurupņi qahöpmö, bөрatņi mukmorö mohok yambuņi (yara) 12:gö dop mala kömumamğö ahök. Jisös köl öröm waņgigetka aniga ambazip kambunöņ likeplikep ölököba utal waņgiget. Mewö.

Kawöl ambi kunöŋ Jisösgö malukuŋi misiriyök.

⁴³ Utal waŋgiba angetka mianğoreŋ sutŋine ambi kun malök. Yaŋön yambu (yara) 12 mianğö dop köiŋnöŋ ehiga nalö dop kawöl yöhöiga malök. Yaŋön sile galöm yeŋğö töwaŋini moneŋ inapŋi pakpak gil maliga sile galöm körekŋan mem ölöwakingö osiget.

⁴⁴ Ambi mianğön Jisösgö andöŋe anda malukuŋaŋğö kitip suŋi misiriiga mianğoreŋğök sepŋi jöpköyök.

⁴⁵ Jisösnöŋ qesiba jiyök, “Daŋön nömisiriza?” Mewö jiyökmö, ambazip körekŋan mi qaŋ kölgetka Pitönöŋ jiyök, “Ketaŋamni, ambazip kambunöŋ ölököba utal aŋguba kaba goseize.”

⁴⁶ Jiiga Jisösnöŋ jiyök, “Qahö, kunŋan nömisiriga ösumni kun ani mötzal.” ⁴⁷ Mewö jiiga ambinöŋ “Könaŋamni lök asuhuza,” jiba jönömŋi unduiga kaba Jisösgö wösöŋe simin köla kawölŋaŋğö könaŋi aka misiriba mianğoreŋğök ölöwahöhi, mianğö könaŋi aukŋe jiiga ambazip kambu körekŋan mötket. ⁴⁸ Mötketka Jisösnöŋ kewö jii mörök, “Böratni, mötnariŋkan mönö mem ölöwak gihiza. Ölöp urubönjönöŋ anman.” Mewö.

Jisösnöŋ Jairusgö böratŋi mem guliyök.

⁴⁹ Keu mewö jiba kiniga köuluk mirigö keu galömnäŋğö mireyök kunŋan welen kaba Jairusgöra jiyök, “Böratkan kömuza! Mianğöra böhigö qakŋe lömböt toroqeba kude alman.”

⁵⁰ Jiyökmö, Jisösnöŋ keu mi möta köuluk mirigö keu galömŋi kewö jii mörök, “Keŋğötki kude mötman! Mohok-kun akŋan. Mönö ni möt narim niŋginöŋga böratkan ölöwakŋa.”

⁵¹ Mewö jiba yaŋğö mire anda ambazip tosatŋi eŋğömosöta Pitö, Jon, Jeims aka morö böratkö iwinamŋi iyök eŋğuaŋgiri nanŋinök miri uruŋe öŋğöget. ⁵² Öŋğögetka ambazip körekŋan jinğen köla sahöta amburereŋ megetmö, Jisösnöŋ jiyök, “Yaŋön qahö kömuzapmö, gaunök ahöza. Mianğöra mönö sahöt mosötme.”

⁵³ Mewö jiiga gönahit ewö aiga “Mönö kömuza!” möta gön köl waŋgiget. ⁵⁴ Gön köl waŋgigetmö, börat mi böröŋe memba qeta jiyök, “Böratni, mönö wahötnöŋ.” ⁵⁵ Mewö jiiga uŋaŋan liliŋğöiga mianğoreŋğök wahöta kinök. Kiniga numbu nene waŋgiget nemapkö jiyök. ⁵⁶ Iwinamŋan mi eka welipköyohotmö, Jisösnöŋ yuai asuhuyöhi, mianğö buzupŋi kun jiget mötpepukö soŋgo al eŋgiyök. Mewö.

9

Jisösnöŋ gwarekurupŋi 12 melaim eŋgiyök.

Mat 10.5-15; Mak 6.7-13

¹ Jisösnöŋ gwarekurupŋi 12 mi eŋğoholi tokogetka ömewöröme pakpak közöl eŋgimegöra aka uzi kawöl mem ölöwakŋegöra kukösumŋi ösum-mumuŋambuk al eŋgiyök. ² Kukösum eŋgiba kewö jiba melaim eŋgiyök, “Iŋini mönö anda Anutugö bemtohoŋaŋğö könaŋi ambazip jim asarim eŋgiba kawöl ambazip mem ölöwak eŋgiba malme.” ^{3*} Melaim eŋgiba jii mötket, “Iŋini köna anmeaŋğöra yuaini kun qahö memba anme, öröp qahö, gösö qahö, köna nalem qahö, soujeŋi qahö. Maluku semönŋi qahöpmö, mohok meme.

⁴ “Anda mire denike denike aŋgotmei, mönö mianğoreŋğök mala nup memba taon mi mosöta köna anme ⁵ Anda mala miri kunöŋ aŋgotketka qahö köl öröm eŋgiba keuŋini qahö mötketka nesampurekŋini mönö kewö jiba kondel eŋgime, ‘Nini eŋğö gölmenöŋ kainga sölbuham köna tambönine mekötahözawi, mi mönö tim tönjöraringa nanŋine liliŋğöba gema.’ Mewö jigetka könaŋamŋini solanŋi möt kutugetka ölöp taon mi mosöta toroqeba anme.”

⁶ Mewö jiiga mosöta anda miriŋi miriŋi liliköba miri dop Ölöwak Buŋa jim asariba kawöl ambazip mem ölöwak eŋgiba malget. Mewö.

* 9:3: Luk 10.4-11; Apo 13.51

Herodnön Jisösgöra lalalulu siksauk ahök.

Mat 14.1-12; Mak 6.14-29

⁷ *Yuai pakpak asuhuyöhi, miangö qetbuñan sehiba gölme bahöñangö (Galili prowinsgö) kiñ Herodkö kezapñe geiga mörök. Ambazip tosatñan kewö jiget, “Jon O-melun azinön mönö kömupnöhök wahöta malja.” Miangöra kiñnön keugö jaruba lalalulu siksauk ahök. ⁸ Ahökmö, tosatñan jiget, “Elaijanön kunbuk asuhuba malja.” Tosatñan toroqeba jiget, “Kezapqetok azi walñi yeñgöreñök kunön mönö guliba wahöta malja.” ⁹ Mewö jigetmö, kiñ Herodnön kewö jiyök, “Jon O-melun azi mi nöñon jibi jölñi kutugetmö, kungö keuñi mewö jiget mötzali, mi mönö danön?” Mewö jiba Jisös ekñamgö kapañ köla jörömqröm ahök. Mewö.

Jisösnön azi 5000 nene gumohom engiyök.

Mat 14.13-21; Mak 6.30-44; Jon 6.1-14

¹⁰ Melaimelai azi aposol yeñon Jisösgöreñ lilingöba yuai aka megeri, miangö kösohotñi pakpak jiget mörök. Jiget möta enguanqita ambazip qenjarökñini mosöta taon qetñi Betsaida miangö kösutñe nanñinök kötikñe malbingö anget. ¹¹ Angetmö, ambazip kambu yeñon mi möta Jisös andöñe wuatangöba anget. Anda Jisösgöreñ kagetka köl öröm enqiba Anutu bemtohoñangö könañi jim asariba kawöl ambazip mem ölöwak engiyök.

¹² Mewö aka mali wehön jeñan teköba gemangö ahök. Mewö aiga gwarek 12 yeñon kaba Jisös kewö jiget mörök, “Nini gölme kötikñi kiangöreñ maljinangöra gi ölop ambazip kambu ki melaim enqinöñga miri koum dowe dowe tat anjei, miangöreñ anda ahöahö miri aka nene miwikñaiame.”

¹³ Mewö jigetmö, kewö jii mötket, “Enön mönö nanñinak i nene gumohom enqime.” Mewö jiiga melenqet, “Nini beret sahötñi 5 aka söra yahöt miyök memba maljin. Miangöra denöwö akinto? Nini ölop anda ambazip kambu ki pakpak yeñgöra nene söñgörüñi membinak me? ¹⁴ (Yeñon azi 5000:gö dop malje.)” Mewö melenqetka gwarekurupñan kewö jii mötket, “Enön mönö ambazip enqöra jiba menden enqigetka kambu dop 50:gö dop nene nemingö tokoba eta tatme.”

¹⁵ Jiiga mewö aka menden enqigetka ambazip körekñan eta kambuñi kambuñi tat anget. ¹⁶ Tat angetka beret 5 aka söra yahöt mi memba suepnön ui öngöiga kötuetsköyök. Kötuetsköba beret mindipköba gwarekurupñi enqiiga ambazip kirip dop menden da sutñine alget. ¹⁷ Sutñine algetka körekmakörek memba nem timbireñ aket. Nene kitipñi kitipñi mosötkeri, mi gwarek yeñon qezakögetka sakap 12 miangöreñ geba kokolak qeyök. Mewö.

Pitönön Jisösgö könañi jim miwikñaiyök.

Mat 16.13-20; Mak 8.27-30

¹⁸ Nalö kunön Jisösnön nanñök gölme kungen köuluköiga gwarekurupñan yambuk malgetka qesim enqiba kewö jiyök, “Ambazipnön nöñgöra denöwö jimakze? Ni ninia akzal?”

¹⁹ *Jiiga melenqda kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yeñgöreñök kunñan kömupnöhök wahöta maljan.’ ”

²⁰ *Mewö jigetka kewö qesim engiyök, “Aka nanñinak nöñgöra denöwö jize? Ni ninia akzal?” Qesim enqiiga Pitönön melenqda jii mörök, “Gi Anutugöreñ Amötqeqe Tonji Kraist akzan.” Mewö.

Jisösnön kömumangö keuñi jiyök.

Mat 16.20-28; Mak 8.30-9.1

* **9:7:** Mat 16.14; Mak 8.28; Luk 9.19 * **9:19:** Mat 14.1-2; Mak 6.14-15; Luk 9.7-8 * **9:20:** Jon 6.68-69

²¹ Mewö jiiga könañi aukñe jiget kunñan mötpepuköra sonjo köhöikñi al enjiyök. Mewö.
²² Jisösnöñ jiyök, “Suep gölmegö azi ölnan mönö sihimbölö gwötpuk mötma. Kantrigö jitñememe, jike nup galöm aka Köna keugö böhi yeñon mönö andö qeba qegetka kömuma. Kömumba wehön karöbut aiga kömupnöhök wahötma.” Mewö.

Kraist wuatangöbingö söngöröñi

²³ *Jisösnöñ ambazip pakpak yeñgöra keu kewö jii mötket, “Kunñan nöngö andöne nuatangöba kamangö mötzawi, yeñon mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawangö dop mökösoñda ni nuatangöba kama.

²⁴ * “Kunñan malmalñi nanñangöra angön köla nanñi imbi-imbi maljawi, yeñon mönö malmalñi ölni jöhöi sohoma. Sohomapmö, kunñan gölmegö malmalñi nöngöra aka köleñda tököm niñgimawi, yeñon mönö malmal ölnangö könañi miwikñaiba köhöiba malma.

²⁵ “Kunñan gölmeñi gölmeñi miengö öröyuaini pakpak köl öröiga buñañi an teköiga uruñangö malmalñi mem sohoba silebile mala kömuiga Anutunöñ keuñi jim teköiga könöp sianöñ geba uñañan ayuhuiga qahö dop kölma. Sukinapñi mianñon mönö urusösöngai qahö ak wangima. Qahöpmañöp!

²⁶ “Kunñan nöngö qetni aka Buña keuni memba eta aljawi, i Suep gölmegö azi ölnan mewöyök ehöröñ kölma. Yeñon könañep Suep garata töröñi yembuk ki etketka yeñgö, nanñangö aka Iwiñangö asakmararañini eka aurume. Nalö mianñoreñ azi me ambi mewöñi mönö ehöröñ köl wangima. ²⁷ Nöñon keu ölni kun kewö jibi mötme: Kiangöreñ kinjei, engö sutñineyök tosatñan Anutugö bemtohoñan asuhumawi, mi ek kutume. Jebuk mala kömupkö sihimbölöñi qahö mötketka asuhum tiñgiriga mi ekñe.” Mewö.

Jisösgö sileñe letotqetot ahök.

Mat 17.1-8; Mak 9.2-13

²⁸ *Keu mi jiiga wehön 8:kö dop teköiga Jisösnöñ Pitö, Jon aka Jeims enñuanñita kundune öngöba Anutu köuluköyök. ²⁹ Köuluköiga mianñoreñ jemesoholñangö kaisongolomñan letota tandökñi murutñi ahök. Malukuñan tuat lalamñi aka kölköl-bilikbilikñambuk asariyök. ³⁰ Mianñoreñök eketka azi yahötñan asuhuba Jisösbuk keu keu jiget. Mi Moses aka Elaija. ³¹ Asakmararañ uruñe asuhuba Jisösbuk keu kewö eraum mötket, “Anutunöñ Jisös sihimbölö möta kömumapkö melaiiga eta zilañ Jerusalem sitinöñ aniga areñ mianñon ölnambuk ak teköma.”

³² Mewö eraum mötketmö, Pitönöñ alayahötñi yetpuk jeñinan lömböriiga gaun ahöget. Ahögetmö, gaunöhök imbiñini möta jeñini uba Jisösgö asakmararañi aka azi yahöt yambuk kinohori, mi engeket. ³³ Engeketka kinda Jisös mosötpitkö ahotka Pitönöñ Jisösgöra jiyök, “Ketañamnini, neñon kiangöreñ uru ölöwak mötzin. Mianñöra neñon ölop koum karöbut qebin: Göhö kun, Mosesgö kun aka Elaijagö kun.” Pitönöñ mewö jiyökmö, nanñi keuñangö könañi mi qahö möt kutuyök.

³⁴ Mewö jiba kiniga unuñunuñ kunöñ eta aumñan esuhum enñiiga kousu uruñe mala awöwöliba jönömñini unduyök. ³⁵ *Jönömñini undui kingetka kousu uruñeyök qet kun kewö eriga mötket, “Azi ki mi nani nahöna. I ambazip amöt qem enñimangöra möwölöhöm wangial. Mönö yeñgö keuñi möta malme.”

³⁶ Qet mianñon eri möta gwarek yeñon mianñoreñök uba Jisösnöñ nanñök kini eket. Kundune yuai ekeri, mianñö buzupñi mi nalö mianñoreñ kude jiba keu bök malgetka kunñan kun qahö mörök. Mewö.

* 9:23: Mat 10.38; Luk 14.27 * 9:24: Mat 10.39; Luk 17.33; Jon 12.25 * 9:28: 2 Pitö 1.17-18 * 9:35: Ais 42.1; Mat 3.17; 12.18; Mak 1.11; Luk 3.22

Jisösnöñ öme wuatangöi morönöñ ölöwahök.

Mat 17.14-21; Mak 9.14-29

³⁷ Ahöba wahötketka Jisösnöñ gwarekurupni karöbut yembuk kunduneyök eta sörökne ambazip kambuleleme engeget. ³⁸ Engegetka ambazip kambunöhök azi kunjan qeta kewö jiyök, “Böhi, nöngö nahöni mukmoröya akzawangöra mönö kaba i ekjan. Miangöra köuluköm gihizal. ³⁹ Mötnöñ, öme kunöñ i memba mendawöli miangöreñök qet gigilahöi utuköm wangii wölöhariiga numbuñeyök qölqölsöutsöut erakza. Öme mianön öröm ureim wangiba nalö gwötpuk qahö mosörakza. ⁴⁰ Mewö aiga göhö gwarekurupki öme mi wuatangömegö ulet engizalmö, yeñön mi osize.”

⁴¹ Mewö jiiga Jisösnöñ melen wangiba jiyök, “Yei, gölmegö yangisen aka misimkaulup ambazip, nöñön mönö nalö dawik embuk mala qatön engubiga Anutu qahö möt narigetka sihimbölö mötmam? Nahöngi mönö wangita ki kanöñ.”

⁴² Morö mi wangita kaiga nalö miangöreñ mewöyök ömenöñ morö utuköba urepköm wangiiiga wölöhariyök. Mewö ahökmö, Jisösnöñ öme mi jim wangii mosöri morö mem ölöwaka iwinji wangiyök. ⁴³ Anutugö kukösumni ketanjan mewö asuhuiga körekjan mi eka nemböñini teköi welipköget. Mewö.

Jisösnöñ kömumangö buñani jiiga yahöt ahök.

Mat 17.22-23; Mak 9.30-32

Jisösnöñ yuai pakpak mi meyöhi, miangöra ambazip körekjan welipkögetka Jisösnöñ nalö miangöreñ gwarekurupni keu kötni kewö jii mötket, ⁴⁴ “Keu ki mönö kezap ala mötme: Anutunöñ Suep gölmegö azi ölni mi gölme ambazip yeñgö böröñine al wangii gema.” ⁴⁵ Keu kötni mi jii mötketmö, mi qahö möt kutuget. Anutunöñ mi köl turui tölapne ahöiga mi qahö möt asariget aka könani denöwö, mi qesibingö kölköldömdöm aket. Mewö.

Gwarek sutñine danön mutukñi akza?

Mat 18.1-5; Mak 9.33-37

⁴⁶ *Gwarek neñgöreñök ‘Danön öngöngöñi akza?’ jiba keu mi mötmöriget. ⁴⁷ Mi mötmörigetmö, Jisösnöñ urumötmötñini möt kutuba namande moröñi kun memba qöhöröñe ali kinök. ⁴⁸ *Kiniga kewö jii mötket, “Körek engöreñök kunjan eretñi kondökñi akzawi, yanön mönö öngöngöñi akza. Miangöra kunjan namande ki nöngö qetne miriñe köl öröba köyan kölmawi, yanön mönö ni köl öröm niñgima. Kunjan ni köl öröm niñgimawi, yanön melaim niñgiyöhi, mönö i mewöyök köl öröm wangima.” Mewö.

Kunöñ keröki qahö, yanön mönö alagi akza.

Mak 9.38-40

⁴⁹ Nalö miangöreñ Jonöñ könahiba keu kewö jiyök, “Ketanamni, azi kunjan göhö qetnöñ öme közöl enjiiga ehin. Yanön nembuk qahö liliköba maljawangöra nini i qetal wangiiin.”

⁵⁰ Mewö jiyökmö, Jisösnöñ kewö jii mörök, “I kude qetal wangime. Kunjan qahö qetal engimakzawi, yanön mönö engö areñnöñ malja. (Miangöra inini mönö nöngö alaurupni tosatñi mi qetala angösirip mem engibepuk.)” Mewö.

Samaria miri kun yeñön Jisös andö qeget.

⁵¹ Jisösnöñ Suepnöñ öngömangö ahök. Miangö nalöni törizawangöra Jisösnöñ kinda “Jerusalem sitinöñ anmam,” jiba jim köhöiba könahiba könanöñ anök. ⁵² Anda kolek qeljñe aliga mutuk anget. Könanöñ anda mala Samaria prowinsgö miri kunöñ angota “Jisösgöra mözöqözözöm akingöra kazin,” jiget. ⁵³ Jiba angetka anökmö, “Ni Judia prowinsnöñ Jerusalem jike göröken anmam” jiiga miangöra miri angön köla yaizökzök qahö jiget. ⁵⁴ *Mewö aketka gwarekyahötñi Jeims aka Jon yekñön mi eka jiyohot,

* 9:46: Luk 22.24 * 9:48: Mat 10.40; Luk 10.16; Jon 13.20 * 9:54: 2 Kinj 1.9-16

“O Kambu, Suepnöhök könöp eta engohoi qahöwakeak, mewö köuluköbingö mötzan me qahö?”

⁵⁵ Mewö jiyohotmö, Jisösnöñ lilingöba tembula jim etkiyök. ⁵⁶ Mianğöreñök toroqeba miri kunöñ anget. Mewö.

Jisös wuatangöbingö möndömöndö keunji

Mat 8.18-22

⁵⁷ Könanöñ angetka azi kunñan kaba Jisösgöra jiyök, “Gi denike denike anmani, nöñön mönö mianğöreñ gi guatangöba kamam.”

⁵⁸ Mi möta Jisösnöñ kewö jii mörök, “Arökñangö kiam yeñön köteñine ahögetka könakemba nei yeñön aipñini memba malakzemö, Suep gölmegö azi öljän mönö denike anda nöropñi wani qömböññöñ nariba luhut membawak.”

⁵⁹ Jisösnöñ azi kungöra jiyök, “Gi kaba ni nuatangöman.” Jiyökmö, kewö melenök, “Kambu, mi ölöpmö, iwinan kömumangö aiga mutuk jinöñga anda galöm kölbi kömui löm kölbigun.”

⁶⁰ Mewö jiyökmö, Jisösnöñ melenöda jiyök, “Mosötnöñ! Köhömuñi yeñön qamötni köhömuñi mi ölop löm kölmemö, göñön mönö anda Anutu bemtohoñangö könañi jim asarim engiba malman.”

⁶¹ *Kunbuk azi kunñan kangota jiyök, “Kambu, nöñön gi guatangömangö sihimni mötzalmö, mötnöñ, gi ölop jinöñga mutuk mire anda tinitosolomurupni yaizökzökñini jibigun.”

⁶² Jiyökmö, Jisösnöñ melenök, “Kunöñ gölme mesinmesinğö kinöñ mi hos andöñe jöhöba böröñan kinöñ supñe memba kini aniga dumñe lilingöba andöñe uzawi, yeñön mönö Anutugö bemtohoññöñ angota nupñi memawangö dop qahö akza.” Mewö.

10

Jisösnöñ gwarek 72 melaim engii anget.

Mat 9.37-38; 10.7-16

¹ Mianğö andöñe Kambunöñ gwarek tosatñi 72* mi möwölöhöm engiyök. Nanñak “Taonñi taonñi mirinji mirinji anmam,” jiba mianğöreñ yahöt yahöt meköba mutuk melaim engiyök. ²*“Melaim engimam,” jiba kewö jii mötket, “Anutugö nupñöñ nene öljni gwötpuk öliba ahözapmö, mi tokobingöra nup meme ambazip nini awamdökñi maljin. Mianğöra mönö nene öliölinangö Kambuñi köuluköm wangigetka nup meme ambazip melaim engiiga öljni mem tokome.

³*“Injini mönö anme. Mötket, lama yeñön arökñangö kiam kalñi yeñgö sutñine gegetka luhuba engöhöbepuk, nöñön injini mianğö tandök ewö melaim engibi anme. ⁴*Injini moneñ irimunga me gösö kun me köna esu mi kude memba anme. Anda könanöñ ambazip engeka jiji-kilik-kilik yaizökzök kude akñe.

⁵ “Anda miri kunöñ öngöba mutuk kewö jime, ‘Anutunöñ miri kianğöreñ luai ali böñjöñ malme.’ ⁶ Mewö jigetka kunñan luai angön kölmangö dop akzawi ewö, luaininan mönö yangö qakñe öngömapmö, kunñan mi qahö angön kölma ewö, luaininan mönö lilingöba nanñini qakñine öngöma. ⁷*Miri öngömei, mönö mianğöreñök mala nup meme. Ambazipñöñ nup meme ambazip malmalñini nangömeanğö dop akze. Mianğöra yeñön nene aka o engime, mi mönö neme. Miri tosatñe lanlan kude ahöme. Miri suen kude anda kame.

⁸ “Taon mianğöreñ me mianğöreñ angotketka köl öröba nene engime, mia mönö neme. ⁹ Nemba tosatñan mianğöreñ kawöl engöhöi ahöme, i mönö mem ölowak engime. Mewö aka kewö jiget mötme, ‘Anutugö bemtohoñan mönö dowe kaiga mianğö uruñe angotme.’

* **9:61:** 1 Kin 19.20 * **10:1:** Tosatñan oyoñda 70 jize. Tosatñan 72 jize. * **10:2:** Mat 9.37-38 * **10:3:** Mat 10.16 * **10:4:** Mat 10.7-14; Mak 6.8-11; Luk 9.3-5 * **10:7:** 1 Kor 9.14; 1 Tim 5.18

10 *Mewö aknemö, taon kunöŋ angotketka andö engumei, mianğoreŋ mönö maketnöŋ me sombemnöŋ anda kewö jiget mötme,

11 ‘Nini engö taonöŋ kainga sölbuham yuai köna tambönine mekötahözawi, mi mönö tim tönjöraringa nanjine lilingöba gema. Gemapmö, keu ki mönö möt yaköme: Anutugö bemtohoŋan mönö kösutjine asuhuza.’ 12 *Nöŋön kewö jibi mötket: Anutunöŋ nalö ketanje qemasolokepŋinanğö likepŋi melenjine taon mianğö qakŋe öngömawi, dop mianğön mönö Sodom yeŋğö sihimbölö dopŋi oŋgita toroqem engima.”†

Jisösnöŋ taon 3 yeŋğöra ‘Yei wösöbirik!’ jiyök.

Mat 11.20-24

13 *‘‘O Korazin toŋi, nöŋön engöra ‘Yei!’ jiba sahötzal aka Betsaida toŋi, engöra mewöyök ‘Yei!’ jiba sahötzal. Nöŋön yeŋğoreŋ anbiga keuni jibi sösonihii anğöletotni kukösumŋinambuk asuhugetmö, uruŋini tøndup qahö melenjet. Anğöletot mi kian gölmenöŋ Taiö aka Saidon sitinöŋ asuhubeak ewö, yeŋön mönö nalö köröpŋi uruŋini melenjingö kaisösöpŋi kondela dodohonöŋ anğömiriba kau ariba sahötpeak.

14 ‘‘Sahötpeakmö, Anutunöŋ könaŋep Korazin aka Betsaida yeŋğö keuŋini jim teköba likepŋi melenjine sihimbölö mötmei, nalö ketanji mianğoreŋ mi mönö Taiö aka Saidon yeŋğö sihimbölö dopŋi oŋgita mötme. 15 *Aka Kaperneam toŋi, Anutunöŋ inini ölop mem wahöt engii Suep mire öngöbeak me qahöpto? Qahöpmaöhö! Inini mönö kömupkö senjom mire kölölohoba geme.

16 *‘‘Kunŋan keuŋini mötmawi, yaŋön mönö nöŋğö keuni mötma. Kunŋan andö engumawi, yaŋön mönö ni andö nuŋgumapmö, kunŋan ni andö nuŋgumawi, yaŋön melaim niŋgiyöhi, mönö i andö qema.’’ Mewö.

Gwarek 72 yeŋön lilingöba söŋgaiget.

17 Gwarek 72‡ yeŋön mala lilingöba kaba söŋgaiba kewö jiget, ‘‘Kembu, nini göhö qetke öme wöröme jim kutum engiinga yeŋön mewöyök keunini bapŋe anda tököba anget.’’

18 Mewö jigetka Jisösnöŋ melenjök, ‘‘Nöŋön Satan kakögetka Suepnöhök luhuba wöbilik ewö aköba gei ehal. 19 *Mötket, nöŋön kukösum engibiga inini ölop kitim soramen, skorpion (nendaŋ kömbukŋi pomemba) aka kerökŋinanğö ösum-mumuŋi jitŋambuk pakpak tiget eriga luhut alme. Mianğöra yuai kunŋan qahö engum mizit ak engima.

20 ‘‘Mianğöra ömewöröme yeŋön keuŋini bapŋe anjemö, tøndup engöreŋ sösongai bohonŋi mi mianğöra kude söŋgaim. Engö qetŋini Suep mire ohoget Anutugö bukŋöŋ ahözawi, mianğöra mönö önöŋi qahö söŋgaim.’’ Mewö.

Jisösnöŋ söŋgaiba Anutu möpöseiyök.

Mat 11.25-27; 13.16-17

21 Nalö mianğoreŋ Uŋa Töröŋan Jisös inahöm waŋgiiga söŋgaiba keu kewö jiyök, ‘‘O Iwini, göŋön Buŋa keugi mötkutukutu ambazip mötmöt ketanji megeri, yeŋğoreŋ asambötnöŋmö, ambazip nahönbörat ewö nanjinanğöra mötketka gukmaulem akzei, mi mönö yeŋğoreŋ indelnöŋga möt asarize. Mianğöra nöŋön Suep gölmegö Kembuŋi gi möpöseim gihizal. O Iwini, gi nangak mewö asuhumapköra mötnöŋ dop köli ölöwahök.

22 *‘‘Iwinan mönö yuai pakpak jim kutuiga nöŋğö buŋaya ahök. Iwinan Nahönŋanğö könaŋi nanjök möt yaköiga kunŋan mi qahö mötza. Mewöyök kunŋan Iwiŋanğö könaŋi qahö möt yaköiga Nahönŋanök mi mötza aka ambazip möwölöhöm engiba yeŋğöra mi indelmawi, yeŋön mönö Iwi möt waŋgime.’’

* 10:10: Apo 13.51 * 10:12: Jen 19.24-28; Mat 11.24; 10.15 † 10:12: Sodom yeŋön bölöŋi kanjamŋambuk memba mala uruŋini qahö melenjetka Anutunöŋ könöpnöŋ könden engiyök. * 10:13: Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4 * 10:15: Ais 14.13-15 * 10:16: Mat 10.40; Mak 9.37; Luk 9.48; Jon 13.20 ‡ 10:17: Tosatŋan oyoŋda 70 jize. Tosatŋan 72 jize. * 10:19: Sum 91.13 * 10:22: Jon 3.35; 10.15

²³ Jisösnöñ mewö jiba gwarekurupñi yeñgöreñ lilingöba nanñinök ölöñ kewö jii mötket, “Inini yuai ek kutuzei, denike yeñön mi ek kutuzei, yeñön mönö jeñinanğöra aka simba-won akze. ²⁴ Mianğö könañi kewö: Nöñön keu kewö jibi mötket, Kezapqetok ambazip aka kiñ azi kembu gwötpukñan inini yuai ki ekzei, mi ekingö awöweñgöba malgetmö, mi qahö eket. Inini keu ki mötzei, yeñön mi mötpingö awöweñgöba malgetmö, mi qahö mötket.” Mewö.

Jöjöpañ keu bohonñi yahöt mi denöwö?

Mat 22.34-40; Mak 12.28-31

²⁵ *Köna keugö böhi kunñan wahöta Jisös bötak ala kewö qesim wañgiba jiyök, “Böhi, nöñön denöwö aka malmal kömbönañi teteköñi qahö buña qem añgubilenjak?” ²⁶ Jiiga Jisösnöñ kewö melenđa qesiyök, “Mosesgö Köna keunöñ keu denöwö ohoget ahöza? Mianğö könañi denöwö?” ²⁷ *Qesiiga melenđa jiyök, “ ‘Gi urugi jömukñi, uñagi jömukñi, kuki jömukñi aka mötmötki jömukñi mianñön mönö Kembu Anutugi jöpaköba malman,’ aka ‘Nangi jöpaköm añgumakzani, mewöñanök mönö ambazip pakpak jöpaköm eñgiba malman.’”

²⁸ *Jiiga Jisösnöñ melenñök, “Törörök melenjan. Mi tem köla malmal kömbönañanğö buñaya akñan.” ²⁹ Mewö melenñökmö, Köna keugö böhinöñ ‘Mi tem köla solanñi akzal,’ mewö mötmöriba könañamñi kondelmamgö möta Jisösgöra jiyök, “Ambazip sutñine mala korali, yeñgöreñök mönö dagöra jizan? Ninja qahö jöpaköm wañgubilenjak?”

Samaria azinöñ gurusep azi ak-kömum wañgiyök.

³⁰ Mewö jiiga Jisösnöñ melenđa jiyök, “Azi kunñan Jerusalem siti mosöta Jeriko mire geba könanöñ kegwek-kahasililin yeñgö böröñine gei meget. Memba inap yuaiñi wañgita oponi qeköba gurusep qeba gila angetka kömumamgö aka ahöyök. ³¹ Ahöba mamböriğa jike nup galöm kunñan köna miyök anda eka ek siriba köna likepñeyök anda oñgita anök. ³² Aniga mamböri jike nup azi (Liwait) kunñan mianğöreñ kañgota eka mewöñanök ek siriba oñgita anök. ³³ *Anökmö, Samaria prowinsgö azi§ kunñan köna miyök anda ahöyöhi, mianğöreñ añgota eka wösöñi möta ehoriyök.

³⁴ “Ehoriba kösutñe geba uziñi kelök aka wain oñan miriba esuhuyök. Uziñi esuhuba memba kököbihiba doñkiñi qakñe ala wañgita qenjarök ahöahö mire anda ala köyan köl wañgiyök. ³⁵ Köyan köl wañgiba ahöba wahöta söñanök silim yahötkö töwañi (Kina 10,-) uzeta qenjarök mirigö toñi wañgiba jiyök, ‘Azi ki mönö köyan köl wañgiba malnöñga moneñ gihizali, mi kude dop köla oñgitma ewö, mi mönö lilingöba kaba mianğöreñ toroqeba gihimam.’ ³⁶ Azi karöbut könañamñini mewö kondelget. Azi kegwek-kahasililin yeñgö böröñine geyöhi, yanğö alañi dañön ahök? Yeñgöreñök dagöra mötnöñ, i uru kalem ak wañgiyök?”

³⁷ Qesim wañgiiga melenñök, “Ak kömum wañgiyöhi, yañön.” Mewö melenñiga Jisösnöñ jii mörök, “Gi mönö anda mewöñanök aka malman.” Mewö.

Jisösnöñ Marta Maria yetpuk kusus tarök.

³⁸ *Jisösnöñ gwarekurupñi yembuk könanöñ angetka Kembunjan miri kunöñ añgorök. Añgoriga ambi kun qetñi Marta yañön köl öröm wañgii miriñe öñgöyök. ³⁹ Martagö munñi qetñi Maria malök. Yañön Kembu eka könañi kösutñe eta tata Buña keu jiyöhi, mi kezap ala mörök. ⁴⁰ Mörökmö, Martanöñ lömbuan nupnöñ öroi anda kaba mökösusu aka Jisösgöra jiyök, “Kembu, munan nömosöri nanök welen nup membi mötnöñ dop kölja me qahö? Mianğöra mönö Maria jinöñga kaba bauköm niñgima.”

⁴¹ Jiiga Kembunöñ melenđa jii mörök, “Marta Marta, gi yuai könañi könañi mianğöra waimanjat möta mötkurumkurum aka könöpñambuk aka kinjan. ⁴² Mewö kinjanmö,

* 10:25: Mat 22.35-40; Mak 12.28-34 * 10:27: Lew 19.18; Dut 6.5 * 10:28: Lew 18.5 * 10:33: 2 Hist 28.15

§ 10:33: Juda yeñön Samaria ambazip jijiwilit ak eñgizema. * 10:38: Jon 11.1

waimanjat mohok kun memba mem köhöininga dop kölma. Nini yuai sehise-hinji miangöra qahö osizin. Marianöŋ kewöta urugö likepŋi möhamgöm anġumamgö möwölöhöba simbawoŋ akza. Malmalgö bahöŋi ölopŋi mi kunŋan kun kude waŋgitma.” Mewö.

11

Jisösnöŋ köulukö könaŋi kusum enġiyök.

Mat 6.9-13; 7.7-11

¹ Jisösnöŋ miri kunöŋ köuluköba mali teköiga gwarekurupŋi yeŋgöreŋök kunŋan kewö jiyök, “Kembu, Jon O-melun azinöŋ gwarekurupŋi köulukö könaŋi kusum enġiyöhi, gi mönö mewöŋanök nini kusum neŋgiman.”

² Jiiga Jisösnöŋ kewö jii mötket, “Inini köuluköbin jiba kewö jime: Iwi, göhö qetkan mönö töröŋi ahöma. Mönö galöm köl neŋginöŋga bemtohoŋgahö ölni asuhuma. (Göhö jitsihitki Suepnöŋ tem kölakzei, gölmenöŋ mönö mewöŋanök asuhuma.)

³ Gi wehön dop nene dopnine neŋgiman.

⁴ Tosatŋan bölöŋi ak neŋgigeri, nini körek yeŋgö siŋgisöndokŋini mosötzin ewö, gi mönö neŋgöreŋ siŋgisöndok saŋgoŋ neŋgiman.

Gi esapesapnöŋ eta neŋgubapuköra anġön köl neŋgiba Bölöŋi Toŋaŋgö böröŋeyök meköm neŋgiman.”*

⁵ Jisösnöŋ toroqeba kewö jii mötket, “Enġöreŋök kunŋan suŋgem bibiŋe alaŋaŋgö mire anda möndöba kewö jima, ‘Alani, beret karöbut niŋginöŋga likepŋi bian melenġihibi. ⁶ Alani kunŋan könanöŋ mala nöŋgöreŋ kaŋgoriga nenenamni qahöpköra gumohom waŋgimamgö jaruzal.’ ⁷ Mewö jii alaŋan miri uruŋeyök kewö melenġa jima, ‘Gi gaun gwölö ak neŋgizan. Ni naŋguŋi lök köl köhöibiga nahönböratuŋan nömboŋ tumbulahöpnini tumbula gaun ahözin. Miangöra wahöta mi gihimamgö osizal.’ ⁸ Mewö jimapmö, nöŋön jibi mötket: Miri toŋan alaŋi akzawaŋgöra aka qahö wahöta waŋgimapmö, mi töndup kapaŋ köla jiba kinjawaŋgöra mi ölop wahöta qesizawaŋgö dop körek waŋgima.

⁹ “Nöŋön miangö likepŋi kewö jibi mötket: Mönö Anutu köuluköme. Köulukögetka enġima. Anutuġöreŋ mönö yuaigö böröŋaŋ memba jarume. Mi jarugetka kondeliga miwikŋaime. Kinda naŋgunöŋ qeme. Qegetka naŋgu tal enġima. ¹⁰ Kunŋan Anutu köulukömakzawi, yaŋön mönö likepŋi buŋa qem anġuma, yuaigö jarumakzawaŋön mönö mi miwikŋaime. Naŋgunöŋ qemakzawaŋgöra mönö naŋgu öröm waŋgima.

¹¹ “Iwiurup enġöreŋök daŋön kewö akza: Nahönŋan söragöra qesiiga salupŋe qatö waŋgima. ¹² me kuruk kötnaŋgö qesiiga skorpion (nendaŋ kömbukŋi pomemba) waŋgima? ¹³ Mewögöra inini ambazip bölöŋi akze aka töndup kalem ölopŋi ölopŋi mi nahönböratuŋan enġibingö mötze ewö, Suep Iwinöŋ mönö kalemŋi denöwö anġön kölbawak? Yaŋgö uruŋaŋgö ahakmemenji mi neŋgongita tandökŋi kun akza. Miangöra Uŋa Töröŋaŋgöra köuluköba qesim waŋgime ewö, yaŋön mönö sihimŋan i melaiiga uruŋine gema.” Mewö.

Jisösnöŋ öme yeŋgö ösumŋini onġita qei etza.

Mat 12.22-32; Mak 3.20-27

¹⁴ Ömenöŋ azi kun töŋöt aka numbuŋi jöhöiga mötök maliga Jisösnöŋ ömeŋi mi wu-atangöiga kota mosöri nesilamŋan lolohoiga kunbuk keu jiyök. Keu jiiga ambazip kambu yeŋön mi eka welipköget. ¹⁵ *Welipkögetmö, yeŋgöreŋök tosatŋan kewö jiget, “Yaŋön mönö öme yeŋgö kembuŋini Katakömulat yaŋgö ösumnöŋ ömewöröme enġuataŋgömakza.”

¹⁶ *Mewö jigetka tosatŋan Jisös keugö bötaknöŋ örömapköra esapköm waŋgiba kewö

* **11:4:** Tosatŋan keu mi kewö melenġa jimakze: bölöŋeyök meköm neŋgiman. * **11:15:** Mat 9.34; 10.25 * **11:16:** Mat 12.38; 16.1; Mak 8.11

qesiget, “Gi mönö jim kutunönga Suepnöhök anğöletot kun asuhuiga ekin.” ¹⁷ Qesigetmö, yañön uru mötmötñini möt teköba kewö jii mötket, “Kantri denike yeñgö galömurupñinan sutñine anğururuk aka julmei, yeñön mönö ayuhum anğugetka kantrinjanan böliba sahoppnanök ahöma. Mewöyök miri kungö könagesö yeñön julmei, mirinjanan mönö qeqlanlan ahöma.

¹⁸ “Mötket! Satangö könagesö yeñön mewöyök sutñine anğururuk aka julbeak ewö, yeñön mönö gawman nupñini membingö osigetka ömetohonjanan mönö denöwö kinbawak? Injini nöngöra kewö jize: Yañön Katakömulatkö ösumnöñ ömewöröme enğuatangömakza. ¹⁹ Mewö jizemö, mötket, nöñön Katakömulatkö ösumnöñ ömewöröme közöl enğibileñak ewö, enğö alaurupñinan mönö dagö ösumnöñ mi közöl enğibeak? Mianğöra yeñön mönö keuñini ölni me qahö, mi kewöta jim teköme.† ²⁰ Mi jim tekömemö, Anutugö ösumñan nöngö börö kesötñi sölölohöi öme enğuatangömakzal ewö, Anutugö bemtohoñan mönö enğöreñ kam kuñguza.

²¹ “Azi köhöikñan timbi liñgipñambuk miri gölmeñi galöm meiga sukinapñan mönö kahaimök ahöma. ²² Mewö ahömapmö, azi köhöikñi kötökñan luhuba kaba qeba luhut al wañgiba timbi liñgipñi nariyöhi, mi körek wañgita qezanña sukinapñi memba anda alaurupñi mendeñ enğima.

²³ * “Kunñan nömbuk qahö maljawi, yañön mönö qetal ningimakza. Kunñan ambazip nöngö qetne tokomegöra qahö öröm enğimakzawi, yañön mönö mendeñ enğimakza.” Mewö.

Öme yeñön azi uruñe lilingöbingö kapan kölje.

Mat 12.43-45

²⁴ “Ömenöñ azi uruñeyök kota gölme qararançölkölñe anda lan liliköba mala luhut memangö miri jaruba kun qahö miwikñaiba ölan yöhöiga kewö jima, ‘Mirini mosöta kazali, mianğöreñ mönö kunbuk lilingömam.’ ²⁵ Mewö jiba lilingöba mirinji usuñda meñölöi ahöyöhi, mi mewöñanök ahöi miwikñaima. ²⁶ Mewö miwikñaiba anda öme tosatñi 7 enğuanğitma. Öme 7 mi nanñi onğita bölöñi kötökñi akze. Yañön mi enğuanğiriga kaba miri mi öngöba mianğö uruñe malme. Mewö aiga azi mianğö könañi mutuk kileñkileñ ahökmö, könañgep bölüm qölim teköma.” Mewö.

Denike yeñön simbawoñ akze?

²⁷ Jisösnöñ keu mewö jiba mali ambazip kambu sutñineyök ambi kunñan qeta Jisös kewö jii mörök, “Gömokni, ambinöñ gölöm ala gömimba juzu gumohom gihiyöhi, nöñön yañgö mötñi simbawoñ akza.” ²⁸ Mewö jiyökmö, Jisösnöñ kewö meleñnok, “Mi jizanmö, nöñön kewö jimam: Ambazip Anutugö keugöra kezap ala möta tem köla köl gulimakzei, yeñön mönö simbawoñ akze.” Mewö.

Böhi tosatñan anğöletököra kapan köla uletket.

Mak 8.11-12; Mat 12.38-42

²⁹ * Ambazip kambunöñ tokogetka qariiga Jisösnöñ toroqeba keu kewö jiyök, “Ambazip merak gölmeñi maljei, mi kambu bölöña. Yeñön Anutugö aiwesökñañgöra kapan kölakzemö, aiwesök kun kezapqetok azi Jonagöra lök asuhuyök. Anutunöñ aiwesök murutñi kun qahö al enğima. ³⁰ * Keu mianğö könañi kewö: Anutunöñ mönöwök Jona melaiiga Niniwe yeñgö sutñine anda Anutugö aiwesökñi ahök. Mianğö dop Suep gölmegö azi ölnan mewöyök ambazip kambu kianğö sutñine asuhuba uruñini meleñmegöra kuñgum enğiba aiwesökñina akña.

³¹ * “Könañamñinañgö kaisösöpñi kun kewö: Anutunöñ mönöwök mötkutukutu

† **11:19:** Nanñini sile galömurupñinan Anutugö qetñi qeta töndup öme mi Katakömulatkö kukösumnöñ közöl enğigetka nöñön mi Anutugö ösumnöñ közöl enğimakzal. Öroröñ qahö kinjanagöra dañön ölni aka dañön keu muneñi wuatañgömakzawi, mi ambazipnöñ kewöta jim teköme. * **11:23:** Mak 9.40 * **11:29:** Mat 16.4; Mak 8.12 * **11:30:**

Jona 3.4 * **11:31:** 1 Kin 10.1-10; 2 Hist 9.1-12

öngöngöni ketani mi kin Solomon wangiiga Saut görökenök kantri kungö qin ambinöy Solomongö mötkutukutu ni mötmamgö sihimni mörök. Sihimni möta gölme göraneyök wahöta köna köröp tinjini kaba mala Solomongö mötmötni mörök. Mi mörökmö, mötket, nalö kewöne nöñön sutjine asuhuba kinda Anutugöreñ mötkutukutu öngöngöni memba kazali, mi Solomongö mötkutukutu ni öngitza. Öngitzapmö, injini töndup nesampurek ak niñgiba tönpin kingetka qahö dop kölja.

“Miangöra Anutunöy könañep ambazip körek pakpak öröm engii keunini jim tekömapköra jeñe angotmei, nalö miangöreñ Saut kantrigö qin ambi miangön mönö mewöyök angotma. Yanön ambazip kambu ki kinjei, embuk öröröy kömupnöhök wahöta engö qöhöröyine mohotje kinma. Mohotje kinda keu kewö engö silenine alma, ‘Injini Jisös nesampurek ak wangigetka Anutunöy likepni melen engii sihimbölö öngöngöni mötme.’ Yanön mewö jiiga silikni kewöta nanñinañgöra gamunini mötme.

³² * “Jonanöy Niniwe ambazip sutjine anda Anutugö keunöy urunini kungui möta miangöreñök urunini melengetmö, mötket, nöñön sutjine asuhuba kinda Jonagö ahakmemeñi öngita ahakzal. Mewö ahakzalmö, injini töndup nesampurek ak niñgimakze.

Miangöra Niniwe ambazipnöy jimtekötekögö nalö ketane ambazip kambu ki kinjei, embuk öröröy kömupnöhök wahöta engö qöhöröyine mohotje kinme. Mohotje kinda Niniwe yeñön keu kewö engö silenine alme, ‘Injini Suep gölmegö azi ölni nesampurek ak wangigetka Anutunöy likepni melen engii sihimbölö öngöngöni mötme.’ Niniwe yeñön mewö jigetka ahakmemeñinan nanñini könañamñini indelgetka gamunini mötme.” Mewö.

Kiwa mi asakni neñgimapköra ahöza.

Mat 5.15; 6.22-23; Mak 4.21-23

³³ * “Kunñan lambe me kiwa ohotiriba köwe wangömne me kimbutnöy qahö almapmö, mi mönö miangö dum tatatnöy alma. Mewö ali tosatñan miri urune öngöbingö mötzei, yeñön miangö asakni eka ölop öngöme. ³⁴ Göhö jegi mi uru silegahö kiwanj akza. Miangöra kawöl kunöy jegi qahö mem böliza ewö, miangön mönö tohoba asarim teköi Anutugö asakñan ölop uruge mem asariiga malmalgi pakpak asakne malman. Asakne malmanmö, sihim kömbönañi bölöñan me yuai kunñan jegi mem böliba asakni közambötza ewö, miangön silegö malmalgi mewöyök mem söñauiga pandaman urune jipjap malman.

³⁵ “Mewö aiga mötnöy, söñaupnöy urugahö asakni közamböri söñaubapaköra mönö tihitki möta galöm mem anguman. ³⁶ Mewö aknönga Anutugö asakñan urugi körek dop köli wangömni kun qahö söñauza ewö, göhö silegan mönö mewöyök ason-kilik-kilikñambuk aka jemesoholgan asariza. Kiwa ketanjan silege kunguba kölköl-bilikbilikñambuk mem asarim gihizawi, malmalgi mönö miangö dop Anutugö asakne al teköba malman.” Mewö.

Urumelenjö silesile tandököra ‘Yei!’ jiiga 6 ahök.

Mat 23.1-36; Mak 12.38-40; Luk 20.45-47

³⁷ Jisösnöy keu mi jim teköi Farisi (Köna keugö kapañkölköl) azi kunöy kewö jiba köl öröm wangiyök, “Gi ölop nöngö mire öngöba tata nene nembin.” Mewö jiiga anda öngöba nene nemamgö tarök. ³⁸ Mutuk böröñi qahö sanjonja eta tarökmö, Farisi azinöy silik mi eka welipköyök. ³⁹ Welipköiga Kembunöy kewö jii mörök, “O Farisi injini mönö ölna amöt qem angubingöra qambi aka al nenegö silenji sanjon yakömakzemö, nanñini uruninan mönö tölohoza. Mi dogo jimamon aka qewöloñ miangön kokolak qei malje.

⁴⁰ “O injini, urunini qahö. Kunöy silenji pakpak miwikñaiyöhi, yanön mönö urunji mewöyök miwikñaiyök me qahö? Injini mönö wuanöngöra uru likepñangöra tanqan akze? Mi qahö dop kölja. ⁴¹ Miangöra yuai kiwi al nenenöy tatzawi, mi mönö kalema ambazip

* 11:32: Jona 3.5 * 11:33: Mat 5.15; Mak 4.21; Luk 8.16

wanapni engime. Mewö aketka Anutunöj amöt qem engii engören yuai pakpak mönö sarakni ahöma.” Mewö.

42 **“O Farisi ambazip, lömböt qakñine öngözawañgöra mönö wöziköba ‘Yei!’ jizal. Inini nene pakpak mendenä bahöni 10 miangörenök mohot Anutugö buñaya qemakze. Gipni, supe aka yöha könañi könañi mi mewöyök menjenä tenöhök mohot mi Anutugö buña qemakze. Naluk mi törörök alakzemö, Köna keugö kötni bohonni ki mönö ongita mosörakze: Gi Anutu uru könömgan jöpaköm wañgiman aka ambazip sutñine ahakmeme diñdiñi wuatangöba malman. Keu bohonni mi mönö kapan köla wuatangöba malme aka keu morömorö mi mewöyök kude ongita mosötme.*

43 *“O Farisi, lömböt qakñine öngözawañgöra mönö wöziköba ‘Yei!’ jizal. Inini köuluk mire dum tatat mutukñe jegep tatpingö sihimni mörakze. Maketnön me könanön ambazip engeketa jölönini jimegö mörakze. 44 O inini, lömböt qakñine öngözawañgöra wöziköba ‘Yei!’ jizal. Inini qaksiri qetñini qahö miangö dop akze. Ambazipnön qamöt wörönñambuk denike ahözawi, mi qahö möta qakñine lanlan tiba yuai dönqizinñambuk oseiba tölohomakze.” Mewö.*

45 *Jisösnön keu mewö jiiga Köna keugö böhi yengörenök kunñan möta melenä kewö jiyök, “Böhi, gi keu mewö jiba nini mewöyök gamu qem nenñizan.”*

46 *Mewö jiyökmö, Jisösnön keu kewö jiyök, “O Köna keugö böhi, engö qakñine mewöyök lömböt öngözawañgöra wöziköba ‘Yei!’ jizal. Inini keunji keunji jim kutuba miangö könjön lömbötñi ambazip qakñine alagun algetka mi tem kölbingö lömböriiga jarañbarañ ahakzemö, nanñinak i kesötñinan borom kun bauköm engibingö wösömötmötñini kun qahö ahöza.*

47 *“O inini, lömböt qakñine öngözawañgöra mönö wöziköba ‘Yei!’ jizal. Inini kezapqetok ambazip yengö qaksirinön simen kouw memba menjölömakzemö, nanñini amböskonñinan mönö i enguget kömuget. 48 Nanñini amböskonñinan kezapqetok ambazip enguget kömugetka inini yengö qaksirinine kouw memba simen alakze. Mewö aka miangön amböskonñini yengö ahakmemegöra imbi köla keunini nanngöba jiba dangunu ewö kinje.*

49 *“Miangöra Anutu, mötkutukutu Tonji yanön kewö jiza, ‘Nönön kezapqetok ambazip aka aposol melaim engibi engören kame. Kagetka yengörenök tosatni i enguget kömume aka tosatni sesewerowero ak engime.’*

50 *“Anutunön Suet gölme miwikñaim etkiyöhi, nalö miangörenök könahiba kezapqetok ambazip engugetka sepñini mokoget eri, miangö sep kitipni pakpak mi ambazip merak maljei, mönö engö qakñine öngöi sihimbölö mötme. 51 *Abelgö sepñan eri miangörenök könahiba enguba kota mala Zekaraia jöwöwöl alta aka jöwöwöl jike kömbukni mietkö sutñire qeget sepñi eri miangören teköyök. Nönön keu kewö jibi mötme: Sepñinañgö kitipñan mönö ambazip merak maljei, engö qakñine öngöiga sihimbölö mötme.*

52 *“O Köna keugö böhi inini, lömböt qakñine öngözawañgöra mönö wöziköba ‘Yei!’ jizal. Inini Anutugö mötmöt mendingö nanñu ki moröni mi ambazip enguanñgita anñön köl engimakze. Nanñinak miangö uruñe qahö anñotket aka tosatñan miangö uruñe anñotpingö akzei, inini i jöhöba anñön köl engiba malget.”*

53 *Jisösnön keu mewö jiba mosöta ani Köna keugö böhi aka Farisi yanön könahiba keu könöpnambuk jim wañgiba keu könañi könañi jimapkö qeqesi gwötpuk al wañgiget.*

54 *Al wañgigetka numbuñeyök keu kun qiwitipköiga miangön köpeiba keugö bötaknön örömapköra mönöget. Mewö.*

12

*Urumelenñö silesile malmalgö galöm meme keu
Mat 10.26-27*

* 11:42: Lew 27.30 * 11:51: Jen 4.8; 2 Hist 24.20-21

¹ *Jisösnöñ keuñi jiiga nalö sutñe mianğoreñ ambazip tausenni tausenni yanğoreñ tokoba ölöqölököba utakutal anğuba kinget. Mewö aka kingetka könahiba gwarekurupñi kewö jii mötket, “Yuai mutukñi ki: Inini mönö Farisi (Köna keugö kapanğököl) yengö urumelenğö silesile ahakmemeñinağöra galömnini meme. Mi wösö kömbukñi ewö akza. Mi qahö mosötme ewö, mianğön mönö yist ewö qariba mem bölim engima.

² * “Ambazipnöñ yuai önun meget ahözawi, mi pakpak mönö kötulgetka aukñe ahuma. Mewöñanök keu asambötket ahözawi, mi pakpak mönö indelgetka möt kutume. ³ Mianğöra mönö keuñinağö galöm memba malme. Inini keu söñaupnöñ ölöñ jimei, mi mönö asakñe jigetka mötme. Inini miri uruñe wanğömñi kungen sañepnöñ kezapñine jimei, mi sobemñöñ aukñe jim asarime.” Mewö.

Dagöra keñğötnini mörin dop kölma.

Mat 10.28-31

⁴ “Alaurupni nöñön engöra kewö jibi mötme: Tosatñan silenini qem kömumba mianğö andöñe yuai kun toroqeba akingö osimei, yanğöra mönö keñğötnini kude möta malme. ⁵ Mi qahöpmö, dagöra keñğötnini mötketka dop kölmaxi, nöñön mi kondel engimam. Kun danğön kukösum memba engui kömugetka tötal engii könöp sianöñ gemei, yanğöra mönö keñğötnini möta malme. Engöra keu mi kunbuk jizal: yanğöra mönö keñğötnini möta malme!

⁶ “Tosatñan bekösöm (jöröm, ulisit) 5 mi toiya yahötñan söngöröñi memegöra alakzemö, Anutunöñ miengöreñök mohok-kungö qahö ölüm qeyök. ⁷ Anutunöñ köyan köl engiba nörop jupñini pakpak mewöyök oyon teköba janğöñini mötza. Ambazip engö söngöröñini mi bekösöm ulisit gwötpuk engonğita öngöngöñi akza. Mianğöra keñğötnini mönö kude möta malme.” Mewö.

Kraist jim miwikñaim me qañ kölme?

Mat 10.32-33; 12.32; 10.19-20

⁸ “Nöñön keu kun jibi mötket: Kunñan ni ambazip jeñine jim miwikñaim niñgimawi, Suep gölmegö azi ölnan mönö mewöñanök i Anutugö garataurup yanğö jeñine jim miwikñaima. ⁹ Mewömö, kunñan ni ambazip jeñine qañ köl niñgimawi, nöñön mönö mewöñanök i Anutugö garataurup yanğö jeñine qañ kölmaxi.

¹⁰ * “Kunñan Suep gölmegö azi ölni qetala keu jimawi, Anutunöñ mi ölop mosötmapmö, kunñan Uña Töröñi ilita mepaqepaik akñawi, yanğö sinğisöndokñi mi Anutunöñ qahö mosötma.

¹¹ * “Ambazipnöñ inini öröba keu jakeñine al engigetka köuluk miriñine me kiap premiö aka kantriñi kantriñi miengö kiñ kembu yanğö jemesoholñine kinmei, nalö mianğoreñ keuñinağö likepñi wani keuya denöwö jibinak mianğö waimanjatñi kude mötme. ¹² Mi kewögöra: Inini keu jimei, mi Uña Töröñan aua mianğöreñök kusum engiiga jime.” Mewö.

Nepaqepalok azi pomñanğö dopkeu

¹³ Ambazip kambu sutñineyök azi kunñan Jisösgö jiyök, “Böhi, iwiniran kömuiga gi mönö datnağö jinönga iwinirağoreñ börösamotñi mendennda niñgima.”

¹⁴ Mewö jiyökmö, Jisösnöñ kewö melen yanğiyök, “O azi, danğön etkö jimtekötekö tonjiri akñanğöra kuñgum niñgiyöha gölmenjiri mendenbilenjak?” ¹⁵ Mewö jiba keu kewö toroqeyök, “Inap ainemalukuñinan awamñanök me kelenmalelen ahöbawak, malmalñinağö könañi mi mianğoreñ qahö ahöza. Malmalñini qahö kewöta moneñ sukinapnöñ möndöme ewö, mönö ayuhume. Mianğöra membagan mendingö nepaqepalok (gridi) pakpaköra mönö galömnini memba malme.”

¹⁶ Mewö jiba dopkeu kun kewö jii mötket, “Azi pomñi kun malök. Yanğön gölmeñe nene nupñi meiga töhötmöriam ketañi asuhuyök. ¹⁷ Mi asuhuiga uruñan kewö mötmöriaba

* **12:1:** Mat 16.6; Mak 8.15 * **12:2:** Mak 4.22; Luk 8.17 * **12:10:** Mat 12.32; Mak 3.29 * **12:11:** Mat 10.19-20; Mak 13.11; Luk 21.14-15

jiyök, ‘Nöngö köwe mirini mi morörökñi. Mianğöra padi gösöñi gösöñi, koñ kambuñi kambuñi, sehoñ böranñi böranñi mi mönö denikeağöreñ tokobilenak? Mönö denöwö akñamto?’¹⁸ Mewö jiba jiyök, ‘Mönö kewö akñam: Ni köwe mirini köndenña salupñe köwe miri ketañi ketañi memam. Mi memba nene töhötmöriamni aka sukinapni pakpak mönö mianğöreñ qezaköbi tatma.’¹⁹ Mianğöreñ tariga nananğöra kewö jimam: O gi simbawoñ! Töhötmöriamgi mönö awamñi qahö ahöm gihiza. Mianğöra mönö nene nem sönggaiba yambuñi yambuñi siyoñsayoñi qahö luhut memba ösöñ malman.’²⁰ Mewö jiyökmö, Anutunöñ kewö jii mörök, ‘O gi, urugi qahö! Nöñön nalögi ala jim teköba unagi sunğem kianğöreñök goağgitpiga kömuman. Kömunöñga öroyuai pakpak buña qem ağguba malnöñi, mi mönö dagö buñaya akñapto?’

²¹ “Kunñan nananğöra ainemaluku guli dötnam yuai tokomakzapmö, Anutugö qöhöröñe urugö töhötmöriamñi qahö ahöm wağgizawi, yanğöra mönö lömböt ketañi mewö asuhuma.” Mewö.

Anutu möt nariba waimanjat kude akñe.

Mat 6.25-34

²² Jisösnöñ gwarekurupñi kewö jii mötket, “Mewö asuhumapmö, nöñön enğöra kewö jibi mötket: İnini gölmenöñ malmeağö waimanjatñi mi kewö jiba kude akñe: Nini mönö wanat yuainöñ gumohom ağgubinak aka wanatnöñ sileninağö löngötpinak?²³ Sileninağgö maljei, mianğön bohonñi aiga opo kereñnöñ mönö mianğö nembö bapñe ahöza. Jeñinambuk maljei, mianğön bohonñi aiga nenenöñ mönö mianğö nembö bapñe ahöza.

²⁴ “Mönö koekoe nei enğekñe: Mienöñ nene kötni qahö qesinğilakze. Padi ölni qahö yandiba köwe mirinine qahö tokomakze. Yöha sihinini mi qeköm nemi mirinöñ qahö alakze aka Anutunöñ mi töndup i gumohom enğimakza. Ambazip enğö söngöröñini mi nei söngöröñini enğonğita öngöba ahöza. Mönö mi mötmöriget anök.

²⁵ “Enğöreñök kunñan waimanjat aka mewö mianğön gölmenöñ malmawağö nalöñi mi sömañi mohotkö dop mem toroqema me qahö? Mi qahöpmahöp!”*

²⁶ “Mewö aiga yuai morörökñi mewö akingö osime ewö, yuai tosatñi pakpaköra mönö denöwögöra waimanjat akeak?²⁷ *İnini mönö jariñ jurañi aködammunñinambuk mi enğekñe: Mienöñ opo söroñinağöra möt qahö loğgalakze. Nup yuai tosatñi kun qahö memakze aka mi töndup kewö jibi mötket: Kiñ Solomonöñ goul silwöñi qeraköba malukuñi asoñ-bilikbilikñambuk löngöta malökmö, yanğö malukuñi mi kiteñ soranjinğö dop eksihimñambuk qahö ahöyök.

²⁸ “Jariñ jurañi töhön mi merak gölmenöñ kösutnine ahöi uran kölgetka eri gila qezaköba ohoget jema. Mi töndup Anutunöñ jurañi mewöñi kun mi tok ölopñanök meñölömakza. Mianğöra yanğön inini mewöyök ölop esuhum enğima. İnini jariñ jurañi mianğö dop qahö akze. Anutunöñ köyan köl enğimamğö mötzawi, sihimñi mianğön mönö yuai pakpak enğonğita öngöza. O ambazip, mötnariñinan mönö wuanöngöra morörökñi akza?

²⁹ “Mewö aiga inini mewöyök malmalñinağöra mötkurumkurum kude akñe. Mi aka lömböriba kewö jibepuk, ‘Nini mönö wani nene aka wani o nembinak?’ Mewö jiba uruñini mianğöreñ kude ala urueret aka urukönöpuk miwikñaibepuk.³⁰ Kantri dop urumelenğö kopa yeñön yuai mewöñi pakpak buña qem ağgubingö kapañ köla urukönöp ahakze. Mi ahakzemö, inini nene opo yuaigöra mözöröngöba osizei, Iwiñinan mönö mi möt teköza.³¹ Mianğö urukönöp kude akñemö, mönö Anutugö bemtohoñnöñ ağgotpingö kapañ kölme. Uruñini mianğöreñ alget ahöiga yanğön mönö galöm köl enğiba yuai mewöñi mi mewöñanök toroqem enğima.” Mewö.

* **12:25:** Tosatñan kewö melenña jize: Enğöreñök kunñan waimanjat aka mewö mianğön silenñi wan fitkö dop toroqeba mem körimamğö osima. * **12:27:** 1 Kiñ 10.4-7; 2 Hist 9.3-6

Bunanini Suepnöy me gölmenöy tokoinga dop kölja?

Mat 6.19-21

³² “O kambuni morörökni, Iwiñinan bemtohon al engimamgö mötzawanğöra mönö kenğötnini kude möta malme. ³³ Gölmegö moneñ inapni mi kapañ köla qeraköbepuk. Mianğöra yuai ahöm engizawi, mi mönö söngöröñağö ala moneñ öröba bahöni ambazip wanapni kalemñinağöra engime. Mewö aketka qetbunañini guli dötnam ewö mi Suep mire ahöba sehiba kude qahöwakña. Moneñ gösöñini qainni kun mi Suep mianğöreñ qahö bölime. Gurem jijilukut aka yongorö meme yeñön mönö eu öngöba yuai mem bölibingö osime.

³⁴ “Yuaigöra aködamunni memba mötnöy öngözawi, mianön miri kungen ahöiga göñön mönö urugi mewöyök mianğöreñ qekötahöba malman.” Mewö.

Urugwölö mala nup megetka dop kölma.

³⁵ * “Inini mönö Anutugö nupni membingöra jöjöröba opo söronini jöhöm yaköba aködamunñinambuk kinda uruñinağö kiwanan ohotirigetka jeiga malme. ³⁶ *Mi kianğö dop: Miri toni kun mi ambazip amemegö lömbuañnöy kaba söngaibingöra öröm wañgigetka anök. Mianğöreñ ani moröurupñan mire tata lilingömapköra jeñinan yaigep uba ‘Kiñsiñ-pañsan!’ jiba kapañ köla mambötze. Mamböta malgetka yañön nalö mianğöreñ me mianğöreñ kañgota nañgunöy qebawak, yeñön mönö mianğöreñök nañgu örögetka kotma. Inini mönö morö mienğö dop aka jöjöröba malme.

³⁷ “Kembunöy lilingöba kaiga nup memeurupni tosatñan urugwölö malgetka mewö miwikñaim engimawi, yeñön mönö simbawon akze. Nöñön ölña kewö jibi mötket: Yañön kañgota tokom engiba nene dumnöy ali tatketka nene gumohom engimamgö jöjöröm añauba welen qem engima. ³⁸ Yañön ömbibiñe me miri awörañgöiga mianğöreñ lilingöi tosatñan urugwölö malgetka miwikñaim engimawi, yeñön mönö simbawon akze.

³⁹ * “Gwölö malbingö keu ki mönö ölöp mötmörime: Sunğem aiga kegwek azinöy wanat nalönöy me auanöy kamawi, miri tonjan mi mötpawak ewö, yañön mönö gwölö mala miriñi ölöp galöm meiga qesiñda öngömamgö osima. ⁴⁰ Inini ‘Suep gölmegö azi ölñan nalö kianğöreñ qahö kañgotma,’ jiba mötmörime, yañön mönö nalö mianğöreñök kañgotma. Mianğöra inini mewöyök jöjöröba malme.” Mewö.

Nup azinöy silekmalek mala ayuhuyök.

Mat 24.45-51

⁴¹ Jisösnöy keu mewö jii Pitönöy qesiyök, “Kembu, gi dopkeu ki mi neñgöra me ambazip tosatni pakpak yeñgöra mohok jizan?”

⁴² Mewö qesii Kembunöy jiyök, “Nup meme ambazip sutñine dañön tiñ kutuba tosatni engonğitza? Tosatñan söörauba nup mosötketka kunñan mötkutukutu ölöpñağö qakñe kapañ köla pöndañ memakzawi, yañön mönö simbawon akza. Miri tonjan ahakmemeni kewöta eka kungen anda miriñağö öroyuaini mi yañgö böröñe ali galöm akña. Galöm aka welenqeçeurupni jiyöhañgö dop köyan köla nalö diñdiñe gumohom engimakña. ⁴³ Mewö köyan köl engiba maliga tonjan lilingöba kaba mewö eka mönö simbawon jima.

⁴⁴ “Nöñön keu ölñi kun kewö jibi mötket: Tonjan simbawon jiba sukinapni pakpakö galömni kuñgum wañgima. ⁴⁵ Kuñgum wañgimapmö, nup meme okonni yañön uruñan mötmöriba kewö jima ewö, ‘Kembunağö kaka nalöñan mönö köröpni ahöza.’ Mewö jiba könahiba nup meme ambazipurupni engum ureiba közölömbuañ ala söngaiba o köhöikni nemba uruñi sohoiga enjololon silekmalek aka malma. ⁴⁶ Mewö mala nalö kunöy Kembunji kañgotmapköra qahö mambötmawi, mönö mianğöreñ kañgotma. Nalögöra ikmaok inululun mali mönö aua mianğöreñ kañgota qeba yayiapaleñ mem wañgiba jim kutuiga qeçetal ambazip ewö könöp sianöy geba sihimbölä mötma.

* 12:35: Mat 25.1-13 * 12:36: Mak 13.34-36 * 12:39: Mat 24.43-44

⁴⁷ “Nup meme kunjan Kembuṅgö jitsihitji möt yaköyökmö, keu arenji jiyöhanḡö dop qahö jöjöröm aṅguba nupni memba malöhi, Kembuṅjan miangö likepni jiiga jöhöba ihileknöṅ ambemni gwötpuk qeaköba qeme. ⁴⁸ Mewö qememö, nup meme azi kunjan Kembuṅgö jitsihitji qahö möt yaköba yuai aka meiga likepni ölop jiget ihileknöṅ qemeangö dop akzawi, Kembunöṅ miangö likepni jiiga amqeqeni qeme. Anutunöṅ kungöra yuai gwötpuk waṅgiyöhi, yaṅön mönö mi mem sehiiga ölni gwötpuk ahumapköra al mambötma. Anutunöṅ kungöra yuaigö warökni sehisehiṅi al waṅgiyöhi, yaṅön mönö mi mem sehiiga ölni sehisehiṅi ahui melen waṅgimapköra qesima.” Mewö.

Jisösnöṅ könöp bölam memba eri deṅnök.

Mat 10.34-36

⁴⁹ “Nöṅön gölmenöṅ könöp ala ubi jemapköra etpiga urusihimni miangö bölamjan lök jeyöhanḡöra ahöza. ⁵⁰ *Ahözapmö, mi ‘Ala umam,’ jibi sihimbölo gwötpuk mi nöṅgö qakne öṅgöba mösölumgöm niṅgimangö akṅa. Anutunöṅ mewö miangön melun murutni mem niṅgima. O ni wahöjalin ketari möta malbi mem niṅgi miangören teköma. ⁵¹ Kewö mötmöribepuk: Jisösnöṅ luai qemangöra aka gölmenöṅ erök. Nöṅön kewö jibi mötket: Nöṅön luai qemangöra qahöpmö, nöṅgöra aka jula deṅgetka köṅ jabö ahuma.

⁵² “Mi kewögöra jizal: Nöṅgö Buṅa keunan ambazip uruṅini kuṅgui melenḡeraṅöra nalö kewöṅeyök könahiba kewö asuhuma: Miri kungö uruṅe ambazip 5 yeṅön sutṅine aṅgururuk aka julme. Likep karöbut yeṅön yahöt yetpuk aṅgururuk aketka likep yahöt yetköṅ karöbut yembuk jujul aka malme. ⁵³ *Iwi morö yetköṅ jula kerök-kerök ahotka nam morö yetköṅ tötal aṅguyohotka iranṅan iranṅi qetala julmahot.” Mewö.

Nalö maljini, mi möt kewötme.

Mat 16.2-3

⁵⁴ Jisösnöṅ toroqeba ambazip kambu yeṅgöra kewö jii mötket, “Wehön geḡeṅe miri böuleiba kousu töwiiga inṅini mi eka miangörenök ‘Kie kama,’ jimakze. Mewö jigetka kama. ⁵⁵ Saut görökenök luhut giliga eka möta kewö jimakze, ‘Miri könöpṅambuk akṅa.’ Jigetka miangö dop akṅa. ⁵⁶ O urumelenḡö silesile ambazip, inṅini suep gölmegö tandökṅiri eka kie wehönḡö könaṅiri ölop kewörakzemö, nalö ki maljini, miangö könaṅi qahö kewöta möt kutugetka qahö dop kölja.” Mewö.

Aṅgururukṅini mindiṅgögetka solanima.

Mat 5.25-26

⁵⁷ “Inṅini ‘Yuai diṅdiṅi mi denöwö akin,’ jiba miangö könaṅi mi denöwögöra aka nanṅinak qahö kewöta jim tekömakze? Mi qahö dop kölja. ⁵⁸ Kerökan silege ala keu jakeṅe öröm gihimangö aiga jimtekötekö galömgören anda köna namṅe miangören mönö kapan köla imbi mohok aka keuṅiri jim solanimahot. Mewö qahö akṅahot ewö, kerökan ölop örörahöm ghiṅga (jas, majistreit) jimtekötekö toṅangö jeṅe aṅgotnönḡa möta jii opotöröpkö böröṅe genönḡa kösö mire al gihibapuk. ⁵⁹ Nöṅön kewö jibi mötnöṅ, Gi miangören töwagi pakpak almanangö dop qaköba tatman. Toiyagi kondikṅi mewöyök al teköbagun mönö töwagi memba etman.” Mewö.

13

Uruṅini melenḡet me kömumba ayuhuget.

¹ Nalö miangörenök tosatṅan kaṅgota Jisös kösohot kewö jiget mörök, “Galili ambazip tosatṅan Jerusalem jikenöṅ jöwöwöl ohogetka premiö Pailötnöṅ jiiga suahö galömurupṅan miangören öṅgöba eṅgum kömugetka sepṅini eta lama bulmakau sepṅinambuk lolonqalon ahök.”

² Mewö jigetka melenḡa kewö jii mötket, “Inṅini miangöra kewö mötmöribepuk: Galili ambazip mienön Galili ambazip tosatṅi pakpak eṅgongita siṅgisöndok aka malḡeraṅöra

* 12:50: Mak 10.38 * 12:53: Mai 7.6

sihimbölö mi mötket. ³ Mewö qahöpmö, nöñön kewö jibi mötket: Inini uruñini qahö melenme ewö, inini körekñan mönö mewöyök ayuhum teköme. ⁴ Me miri qetñi Siloam miangöreñ miri köröpñi kunñan eta köla ambazip 18 turum engii kömugeri, inini yengöra kewö mötmöribepuk: Yeñön Jerusalem könagesö tosatñi pakpak engongita singisöndok aka keuñinambuk malget. ⁵ Qahöpmö, nöñön kewö jibi mötket: Inini uruñini qahö melenme ewö, inini körekñan mönö mewöyök ayuhum teköme.” Mewö.

Muli ip gorosonñangö dopkeu

⁶ Jisösnöñ dopkeu kun kewö jiyök, “Azi kunñan muli ip kömöri nupñe kota kini miangö ölni jarumangö anökmö, kun qahö miwikñaiyök. ⁷ Qahö miwikñaiya nup galömñangöra jiyök, ‘Mötnöñ, nöñön muli ip kiangö ölni yambu (yara) karöbutkö dop kaba jaruyalmö, kun qahö miwikñaiyal. Miangöra mi mönö wuanöngöra toroqeba gölmegö kelökñi önewat öroi sihitñanök akapuk. Miangöra mi mönö köla gilnöñ anma.’ ⁸ Toñan mewö jiyökmö, galömnöñ melennda jii mörök, ‘O azi kembuni, mi ölop mosötnöñga yambu (yara) ki kunbuk kinma. Nöñön nalö sutñe kiangöreñ kinöñnöñ gölme esiba kundupköba isonbasoñ ala liliköbi kelökñambuk akña. ⁹ Nöñön mewö akiga yambu (yara) andöñe miangö ölni ölop ahubawak. Mi qahö ahuma ewö, mi ölop kölman.’ ” Mewö.

Jisösnöñ Sabat kendonöñ ambi kun mem ölöwahök.

¹⁰ Jisösnöñ Sabat kendonöñ köuluk miri kunöñ öngöba Buña keu kusum engiyök. ¹¹ Miangöreñ ambi kun tarök. Ömenöñ yambu (yara) 18 miangö dop mem löwörim wanñiiga könisemñi milipköiga qötöteimangö osiba tata malök. ¹² Jisösnöñ ambi mi eka oholi kaiga kewö jii mörök, “Ambi, eksekpeksek kawölgañ mönö gömosöri ölöwakzan.” ¹³ Mewö jiba böröñi nöropñe ali miangöreñök qötöteiba Anutu möpöseim wanñiyök.

¹⁴ *Möpöseim wanñiyökmö, Jisösnöñ Sabat kendonöñ ambi mi mem ölöwahöhi, köuluk mirigö galömñan mi eka miangöra möri bölii keu könahiba ambazip kambu yengöra jiyök, “Nup memegö nalö 6 ahözawi, miangöreñ mönö kaba mem ölöwak engimapköra jime. Mi Sabat kendonöñ qahö.”

¹⁵ Mewö jiyökmö, Kembunöñ melennda kewö jiyök, “O urumelengö silesile ambazip! Inini pakpak bulmakau aziñini me donñini mi Sabat kendonöñ mireyök pösata enguanñitketka onöñ anda nemakze me qahö? Engöreñök kunöñ mi qahö angön köl engimakza. ¹⁶ Mötket! Ambi kianñön Abrahamgö gwölönaröha aiga Satanöñ jöhöm wanñii yambu (yara) köröpñi 18:gö dop maliga nöñön kösöñi mi Sabat kendonöñ pösatpi dop köl engiza me qahö?” ¹⁷ Mewö jiiga tuarenjoñurupñi pakpak yeñön gamuñini mötket aka ambazip kambu pakpak yeñön angöletot wewelipñambuk meyöhi, mi pakpak eka möta söñgaiget. Mewö.

Nejoñ kötnangö dopkeu

Mat 13.31-32, 34; Mak 4.30-32

¹⁸ Jisösnöñ dopkeu kun kewö jiyök, “Anutugö bemtohoñangö könañi mi denöwö? Mi wanatpuk dop albilenak? ¹⁹ Mi nejoñ kötnangö dop kewö akza: Azi kunñan mi memba nupñe anda esiiga wahöta qariba ip ahök. Ip aiga könakemba neiñi neiñi mienñön aipñini ip miangö böröñe alget.” Mewö.

Yistkö dopkeu

Mat 13.33

²⁰ Jisösnöñ dumñe kunbuk dopkeu kun kewö jiyök, “Anutugö bemtohoñi mi wanat yuaibuk dop albilenak? ²¹ Mi yist me flaua mem qariqarigö dop kewö akza: Ambi kunñan ‘Beret ohomam,’ jiba yist memba flaua könde karöbut miangöreñ mindiriba melenqelen aka anda anda tari körekñanök qariyök.” Mewö.

* **13:14:** Eks 20.9-10; Dut 5.13-14

Mönö nanju giwikne jaram tiba angotme.

Mat 7.13-14, 21-23

²² Jisösnöñ anda taonñi taonñi aka miriñi miriñi miangöreñ Buña kusum engiba anda mala Jerusalem sitinöñ göröken anök. ²³ Ani kunñan kewö qesim wangiyök, “Kembu, uruñini melenget Anutunöñ amöt qem engii letotmei, mi ambazip awamdökña me denöwö?” Qesim wangii kewö jii mötket,

²⁴ “Inini mönö nanju giwikne angotpingö jaram tiba aum-mörime. Nöñön kewö jibi mötket: Ambazip gwötpukñan Anutugö bemtohoñ uruñe angotpingö esapkömömö, mi osime. ²⁵ Könañgep miri tonñan wahöta nanju köligun inini nalö miangöreñ könahiba yaigep kinda nanjunöñ qeba kewö jime, ‘Kembu, mönö nanju öröm nenñinöñ.’ Mewö jigetka melennda kewö jii mötme, ‘Ni qahö möt engizal. Inini denikegöra, mi qahö mötzal.’ ²⁶ Mewö jiiga inini miangöreñök könahiba kewö jime, ‘Neñön mönö göbuk köisirik tata nene nein. Göñön mönö liliköba nenñö sombemñöñ Buña kusum nenñinöñ.’ ²⁷ *Mewö jimemö, yanñön keu kewö jima, ‘Inini denikeangöra, ni qahö möt engizal. Miangöra kewö jibi mötket: Bölöñi meme pakpak, inini mönö nömosöta kesalget.’

²⁸ **“Kesalgetka miangöreñ Abraham, Aisak, Jeikob aka kezapqetok ambazip pakpak yeñön Anutugö bemtohoñ uruñe kingetka engekñemö, nanñini aköm engigetka yaigep kinme. Könañini mewö miwikñaiba sahöt gigilahöba irimñini yöhözömgögetka qetñi qeri malme. ²⁹ Ambazipñi ambazipñi mi wehön kotkotñeyök aka gegeneyök aka likeplikap Not Saut miangöreñök kaba Anutugö bemtohoññöñ angota dum tatatñini memba nene nem söñgaip aka malme. ³⁰ *Mewö malmemö, mötket! Qöndökñi yeñgöreñök tosatñan mutukñi akñe aka mutukñi yeñgöreñök tosatñan qöndökñi akñe.” Mewö.

Kiñ Herodnöñ kiam soñ miangö dop akza.

Mat 23.37-39

³¹ Nalö miangöreñök Farisi (Köna keugö kapañkölköl) tosatñan Jisösgöreñ kaba kewö jiget, “Kiñ Herodnöñ guhui kömumangö mötza. Miangöra mönö miri ki mosöta anman.”

³² Jigetka kewö melenñ engiyök, “Inini mönö arökñangö kiam soñ mi kewö jiget mötma, ‘Mötnöñ! Nöñön merak aka uran ömewöröme enñuatangömam aka kawöl ambazip mem ölöwak engiba malmam. Anmami, uruwale mönö miangöreñ angota nupni mekömam.’

³³ “Kezapqetok ambazip sehisehiñi mi Jerusalem sitinöñ enñugetka kömuget. Miri tosatñe qahö toroqeba enñuget kömumakze, miangö tandöktandök ahöza ekzal. Miangöra nöñön merak aka uran uruwale köna anda malmam. Jerusalem angotpiga nuñguget kömumam ewö, mönö yeñgöreñ aiakañina mi toroqeba akñe.” Mewö.

Jisösnöñ Jerusalem sitigöra sahörök.

Mat 23.37-39

³⁴ Jisösnöñ jiyök, “O Jerusalem Jerusalem, inini kezapqetok ambazip enñuget kömugetka Anutunöñ ambazip melaim engii engöreñ kamakzei, mi kötnöñ kumbuköm enñimakze. Poi namñan moröurupñi ginginñi bapñe ala köjöjohom enñimakzawi, nöñön miangö dop nalöñi nalöñi göhö könañösöurupki suhuba tokom enñimangö möta malalmö, inini mi tököba mala kotket. ³⁵ *Mötket! ‘Anutunöñ mönö jike miriñini andö qeiga sahopñanök ahöma.’ Mewö ahömapmö, nöñön kewö jibi mötket, inini ni kunbuk qahö nekñemö, könañgep nalö kun kam kuñgui miangöreñ neka kewö jime, ‘Kembugö qetñe kam nenñizawi, Anutunöñ mönö i kötuatköm wangima.’ Mewö.”

14

Jisösnöñ kawöl azi kun mem ölöwahök.

* 13:27: Sum 6.8 * 13:28: Mat 22.13; 25.30 * 13:28: Mat 8.11-12 * 13:30: Mat 19.30; 20.16; Mak 10.31

* 13:35: Sum 118.26; Jer 22.5

¹ Jisösnöñ Sabat kendon kunöñ Farisi (Köna keugö kapañkölköl) yeñgö jitnememe kungö miriñe öngöba nene neyök. Nemba tari tosatñan galöm memba ektiget. ² Mianğöreñ yangö jemesoholñe kawöl azi kun köna böröñi onöñ ölököba qarü tarök. ³ Jisösnöñ i eka könahiba Köna keugö böhi aka Farisi mi qesim eñgiba kewö jiyök, “Sabat kendonöñ azi mem ölöwak wañgiba mewö mianñon Köna keu oñgitpin me qahö?”

⁴ Mewö jiyökmö, yeñon göröñ qeba tatket. Tatketka böröñan azi mi misiriba mem ölöwaka melaii anök. ⁵ *Ani kewö jii mötket, “Eñgöreñök kungöreñ morö me bulmakau aziñi mi Sabat kendonöñ o lömnöñ gema ewö, mi mönö ösumok örögetka kotma. Dañon mi qahö öröi kotpawak?” ⁶ Mewö qesim eñgii mianğö likepñi melenbingö lömböriba numbuñini muhungöba böc tatket. Mewö.

Jisösnöñ sile mem-öñgö-öñgö mi qetalök.

⁷ Farisi (Köna keugö kapañkölköl) azinöñ ambazip nenegöra köc öröm eñgiyöhi, yeñon dum qaikñe eu meköba tatkeri, Jisösnöñ mi eka mianğöra dopkeu kun kewö jii mötket, ⁸ * “Kunñan gi amembitkö lömbuanğöreñ köc öröm gihii mianğöreñ anda dum jegenñeyök qahö memba tatman. Mewö akñan ewö, tosatñi köc öröm eñgiyöhi, yeñgöreñök kunñan gi goñgita qetbuñañambuk akapuk.

⁹ “Yañon kañgoriga lömbuan toñan göhöreñ kaba kewö jibawak, ‘Gi dum ki mosötnöñga öñgöñgöñi yañon tatma.’ Mewö jima ewö, gi mönö wahöta bapñe emu eta dum memba tata gamugi senjombuk mötpanbuk. ¹⁰ Mewö qahöpmö, kunöñ köc öröm gihimawi, gi ölop dum siminñe emu anda tatman. Mewö tatnöñga lömbuan toñan kota geke jima, ‘Alani, gi ölop kaba dum jegenñe eu anda tatman’. Mewö jiiga göñon ambazip göbuk tata nene nezei, mönö körek yeñgö jeñine qetbuñagabuk akñan. ¹¹ *Mi kewögöra: Nanñini uruñini memba öñgömei, Anutunöñ i körek memba et al eñgima. Kunñan nanñi uruñi memba etmawi, Anutunöñ mönö i memba öñgöba al wañgima.”

¹² Farisi (Köna keugö kapañkölköl) azinöñ ambazip köc öröm eñgii lömbuanñöñ tatketka Jisösnöñ lömbuan toñi liliñgöba eka kewö jii mörök, “Gi silimgö me sunğemgö lömbuan kun ohoba mianğöreñ nangi alaurupki me darumunurupki mi kude köc öröm eñgiman. Tinitosolomurupki me miri kasunñanğö ambazip pomñi qetbuñañinambuk mi kude köc öröm eñgiman. Mewöñi lömbuanğöra köc öröm eñginöñi, i mewöñanök köc öröm gihiba tosa gi mi meköm gihiget teköma. Mewö akñan ewö, Anutunöñ mönö mianğö töwañi qahö gihima.

¹³ “Mewö qahöpmö, lömbuan mözözömgöba ohomani, gi mönö ambazip etqeqeñi mia köc öröm eñgiman. Ambazip wanapñi, simalokon aka jegömöl akzei, mönö mia eñgoholnöñga dop köcölma. ¹⁴ Mi köc öröm eñginöñga yeñon tosa meköm gihibingö osigetka gi mianğöra simbawoñ aka malman. Tosañini mi öne ahöi malnöñga solañi yeñon kömupñöhök wahötketka nalö mianğöreñ Anutunöñ nanñak mi göhöra meköm gihima.” Mewö.

Lömbuan ali möndömöndö keu jiba tököget.

Mat 22.1-10

¹⁵ Jisösnöñ mewö jiiga nene memba tatket yeñgöreñök kunñan mi möta kewö jii mörök, “Kunöñ Anutugö bemtohoñ uruñe añgota nene memba tatmawi, nöñon yangöra simbawoñ jizal.”

¹⁶ Mewö jiiga kewö melenñök, “Azi kunñan sunğemgö lömbuan ketañi mözözömgöba ohoba ambazip gwötpuk öröm eñgiget kamegöra jiyök. ¹⁷ Lömbuan nalöñi kam kuñgui welenqeqeñi kun melaii köc öröm eñgimangö jiyöhi, yeñgöreñ anda jii mötket, ‘Yuai pakpak lök mözözömgöingä ahöza. Mianğöra mönö ölop kame.’ ¹⁸ Jii mötketmö, mi möta yeñon körekmakörek könahiba yuai tosatñe möndöba tököget. Mutukñan jiyök, ‘Ni arö kun söñgöroñi mealanğöra mianğöreñ anda ekñamgö mötzal. Mianñon jöhöm niñgiza. Mianğöra

* 14:5: Mat 12.11 * 14:8: Qam 25.6-7 * 14:11: Mat 23.12; Luk 18.14

ölöp anda jinönga möta kude möt bölim ningima.’¹⁹ Kunjan jiyök, ‘Ni bulmakau aziñi 10 söngöröñini meali, mi kösönöñ ilikñine jöhöbi kinöñ örögetka anda nup esapköba qeba qindipkömam. Mianjön jöhöm ningizawañgöra ölöp jinönga möta kude möt bölim ningima.’²⁰ Kunjan toroqeba kewö jiyök, ‘Ni ambi urandöpki bohonñi mealañgöra kamangö osizal.’

²¹ “Mewö jigetka welenqeqenöñ lilingöba azi kembuñgöra buzup mi jii mörök. Möta uruñi könöp jeiga welenqeqenñ kewö jim kutum wañgiyök, ‘Gi mönö wolañ taongö köna namñe aka sombemnöñ anda ambazip etqeqenñ, wanapñi, köna böröñini titiñgitñi, jegömöl aka simalokon ambazip mi mönö enjuañgitnönga lömbuañ miri uruñe ki kame.’²² Jiyöhañgö dop ak teköba kaba kewö jiyök, ‘Kembuni, jim kutum ningizawañgö dop akzalmö, dum tiñi tok ahöza.’

²³ “Mewö jiiga azi kembunöñ jiyök, ‘Gi mönö könanöñ aka rowoñqeqenine anda ambazip tat anjei, mi kapañ köla kuñgum enjinönga lömbuañ miri uruñe kañgota kokolak qeme.’²⁴ Nöñön kewö jibi mötket: Ambazip mutuk köl öröm enjimangö jiali, yeñgöreñök kunjan kun nöñgö lömbuañnöñ qahö kañgota nempa nahömñi mötma.’ ” Mewö.

Jisösgö gwarek malmalgö könañi

Mat 10.37-38

²⁵ Jisösnöñ ani ambazip kambu ketañi yeñön wuatangöba angetka lilingöba kewö jii mötket,²⁶ * “Kunjan nömbuk kaba malmam jiba ni görögöra al ningiba iwinamñi, anömmoröñi, darumunñi, nenbehötñi aka nanñi malmalñi mewöyök jegep ala jöpakömakzawi, yañön mönö nöñgö gwarekni akñamgö osima. ²⁷ *Sisitñini megetka kunjan ni nuatañgöba sihimbölö möta maripomnöñ kömumangö qahö jöjörömawi, yañön mönö nöñgö gwarekni akñamgö osima.

²⁸ “Enjögöreñök kunjan miri köröpñi memangö mötza ewö, yañön mönö mutuk eta tata monenñi miri mem tekömawañgö dop akza me qahö, miangö könañi kewöta ek kutuma. ²⁹ Mewö qahö aka miri tandöñi kömöta mi mem tekömangö köhököhöiñi qahö ahöm wañgiiga mosöri öne kiniga ambazip pakpak mi eka könahiba jiji-ilit jiba mepaik wañgibepuk. ³⁰ Mewö ak wañgiba kewö jibepuk, ‘Azi mi könahiba miriñi meyökmö, mi mem tekömangö qahö köhöiyök.’ Miangö dop Jisös wuatangöman me qahö, mi törörök kewöta möt kutuman.” Mewö

³¹ Jisösnöñ keu mi toroqeba kewö jiyök, “Mewöyök kiñ azi kembu kunjan kiñ kunbuk aröñda ‘Bim qemam,’ jiba denöwö akña? Yañön zilañök kerök qahö al wañgimapmö, mutuk jembonurupñi öröm tokom enjii tata qambañ keu kewö eraum mötme, ‘Nanine aziurupnini 10.000 maljin aiga likepñe kerökurupnini mi 20.000 malje. Azi kembuñinan i enjuañgita kaget engeka ölöp köhöiba enjubin me qahöpto?’ ³² ‘Qahö köhöibin,’ jime ewö, yañön kerök kiñnöñ köröwen tariga miangöreñök jitñememeurupñi melaim enjii yañgöreñ anda luai qebingö goro eraum mötme. ³³ Mewöyök enjögöreñök kunjan yuai pakpak ahöm wañgizawi, mi jegep almawañön mönö nöñgö gwarekni akñamgö osima. Miangöra mönö nia jegep al ningigetka dop kölma.” Mewö.

Howe nahömñi qahö mi yuaia omanñi kötökñi.

Mat 5.13; Mak 9.50

³⁴ “Howe mi ölöpñi akzapmö, sihimñi mosötma ewö, mi mönö denöwö möhamgöinga kunbuk sihimñambuk akawak? ³⁵ Nesak omanñi mi gölme kelökñambuk akñapköra tokoba isonbason alakzinmö, howe nahömñi qahö mi yuai kungöra qahö dop kölma. Qahö! Mi mönö önewat gölmenöñ gilinga geba öne töhöntöhön ahöma. (Gi mewöñanök nöñgö gwarekni aka kemañe kutuba nömosötman ewö, mönö yuai omanñi akñan.) Kunjan kezapñambuknöñ malja ewö, yañön mönö keu mi möt kutuma.” Mewö.

* 14:26: Mat 10.37 * 14:27: Mat 10.38; 16.24; Mak 8.34; Luk 9.23

15

*Lamanöŋ sohöyök, miangö dopkeu**Mat 18.12-14*

¹ *Takis tilipqilip aka megeri aka siŋgisöndok ambazip tosatŋi mi jesöŋgöŋan Jisösgö Buŋaŋi mötpingö kaget. ² Mewö kagetmö, Farisi aka Köna keugö böhi yeŋön Jisösgöra uruŋinan böliiga irikuruk keu kewö jiget, “Azi mianön siŋgisöndok ambazip eŋgimemba yembuk tata nene neza.” ³ Mewö jigerangöra Jisösnöŋ dopkeu kun kewö jii mötket,

⁴ “Eŋgöreŋök kungö lamaurupŋi 100 malgetka miengöreŋök kunŋan sohoba janjuŋ aniga toŋan denöwö akŋa? Yaŋön mönö 99 mi gölme qararaŋkölkölŋe eŋgömosöta anda mohot janjuŋ anöhi, miangö jaruba anda mala miwikŋaiiga teköma. ⁵ Miwikŋaiba urusösöŋgai aka awötŋe ala kama. ⁶ Mire kaba alaurupŋi aka tosatŋi kösutŋe malmei, mi eŋgoholi tokogetka kewö jii mötme, ‘Lamani sohöyöhi, mi lök miwikŋaizalangöra mönö nömbuk sösöŋgai akin’ ⁷ Nöŋön kewö jibi mötme: Miangö dop siŋgisöndok azi mohotŋan uruŋi melenŋmawi, yaŋgöra Suep mire sösöŋgai ketaŋi asuhuma. Ambazip 99 nanŋine jeŋine solanŋi diŋdiŋi aka uruŋini melenŋbingö qahö möta maljei, yeŋgöra sösöŋgai mewöŋi qahö asuhuma.” Mewö.

Moneŋ kötŋi sohöyök, miangö dopkeu

⁸ “Mewöyök ambi kunŋan silwö moneŋ kötŋi 10 memba maliga miengöreŋök mohokŋan geba sohoiga denöwö akŋa? Yaŋön mönö kiwa ohotiriba kapan köla miri usunŋa jaruma. Jaruba mala miwikŋaiiga teköma. ⁹ Mi miwikŋaiba ambi alaurupŋi aka ambi tosatŋi kösutŋe maljei, mi eŋgoholi tokogetka kewö jii mötme, ‘Nöŋgöreŋ soujeŋi mohotŋan sohöyöhi, mi miwikŋaizalangöra mönö nömbuk sösöŋgai aki.’ ¹⁰ Miangö dop nöŋön kewö jibi mötme: Siŋgisöndok ambazip kunŋan uruŋi melenŋniga Anutugö garataurupŋi yeŋön miangöra sösöŋgai öŋgöŋgöŋi akŋe.” Mewö.

Nanŋi imbi-imbi azinöŋ kumkanjam aka imbiŋi melenŋök.

¹¹ Jisösnöŋ toroqeba kewö jiyök, “Azi kungö nahönyahötŋi yahöt malohot. ¹² Munŋan iwiŋangöra kewö jiyök, ‘Iwini, gi mönö moneŋ sukinapki mendeŋda nöŋgö bahöŋi niŋgiman.’ Mewö jiiga öröyuaini pakpak dopŋire mendeŋda etkiyök. ¹³ Mi etkiiga nahöŋi moröŋan sömaŋi yahöt karöbut mala inap yuaini pakpak mi kölölohoba memba kantri kungen anök. Miangöreŋ anda nanŋi imbi-imbi aka köna ketaŋi ambi yembuk kiam bau ewö söŋaup malmal mala moneŋ inapŋi gil teköyök.

¹⁴ “Yuai pakpak gil teköiga bödi (buörö) ketaŋi asuhuba gölme pakpak mi dop kölök. Yaŋön nalö miangöreŋ könahiba öngöpŋi aka osiyök. ¹⁵ Osiba kantri miangö toŋi kungöreŋ anda nupköra qesim waŋgiiga melaii yaŋgö bau selŋe geba bau galömŋina malök. ¹⁶ Miangöreŋ mali bau yeŋön sokop kötŋi neget eka ‘Ölöp mi nemi gölömnö dop kölbawak,’ jiyökmö, mi mewöyök kunŋan qahö waŋgiyök.

¹⁷ “Mewö mala uruŋi ahuiga kewö jiyök, ‘Iwiŋangö nup ambazip wanat awamŋi yeŋön nup megetka söŋgöŋöŋi eŋgii nene nem timbireŋ aka maljemö, nöŋön kiangöreŋ uzukörörap aka bödi mala kömumamgö akzal. ¹⁸ Ni mönö wahöta iwiŋangöreŋ lilingöba anda kewö jibi mötma, ‘Iwini, ni siŋgisöndok memba mianön gi aka Suep Toŋi qetal etkiba qetki mem böliäl. ¹⁹ Miangöra göŋön kunbuk nöŋgöra ‘Nahöni,’ jimanangö dop qahö akzal. Gi ölöp jinöŋga welenqeqega kun akŋam.’

²⁰ “Mewö jiba wahöta iwiŋangöreŋ anök. Anda mala miri dopdowii iwiŋan tikep endu kinda ehi kaiga wösöŋi pöröraköiga ehoriba ösumŋan diŋdiŋgöba anda imbiŋe gili geiga numbuŋi yöhötim namba ‘Nahöni, owe owe!’ jiyök. ²¹ Mewö ahökmö, nahönŋan jiyök, ‘Iwini, ni siŋgisöndok memba mianön gi aka Suep Toŋi qetal etkiba qetki mem böliäl. Miangöra göŋön kunbuk nöŋgöra ‘Nahöni,’ jimanangö dop qahö akzal.’

* 15:1: Luk 5.29-30

²² “Mewö jii iwiñan miangöreñök welenqeçeurupñi kewö jii mötket, ‘Inini mönö ösumok maluku aködamunñambuk kun memba kaba löngöt wañgiget. Ila jalö imbiñe köla meñölöm wañgiba köna esu könañe löngöt wañgiget. ²³ Mewöyök selnön anda bulmakau dömñi kelökñambuk kun memba kaba qeba ohogetka namba sösöngai albin. ²⁴ Nahöni ki kömum taköyöhañön mönö kunbuk guliba kaza. Yañön lök sohoigun Anutunön kunbuk miwikñaiiga asuhum tiñgitza.’ Mewö jiiga könahiba sösöngai alget.

²⁵ “Sösöngai algetmö, datñan nupnön mala lilingöba miri dopdowiba miangöreñ liñet gwawet köla unduba söñgaigeri, miangö kourukñi mörök. ²⁶ Mi möta welen morö kun qeri kaiga ‘Mi denöwögöra akze?’ jiba qesim wañgiyök. ²⁷ Qesim wañgiiga kewö jiyök, ‘Mungan lilingöba kaiga iwigan i kunbuk meiga unditundit aiga miangöra jiiga bulmakau dömñi kelökñambuk qeba ohoba söñgaize.’

²⁸ “Mewö jiiga irimñi seholiiga mire öngömamgö tököyök. Tököyökmö, iwiñan mi möta yaigep eta uruluai keu ösön jiba mölöwörim wañgiyök. ²⁹ Mölöwörim wañgiyökmö, yañön melennda kewö jiyök, ‘Iwini, nöñön yambu gwötpuk welengi qeba mala jimkutukutugi nalö kunön qahö ongita malalmö, töndup göñön nalö kunön meme (noniñ) morönj kun alaurupni yembuk sösöngai albingöra qahö niñginön. ³⁰ Qahö niñginönmö, nahöngi kianön köna ketani ambi yembuk mala monen inapki ayuhuba kanjoriga göñön mönö yañgöra aka jinönga bulmakau dömñi kelökñambuk qeba ohoze.’

³¹ “Jiiga iwiñan kewö jii mörök, ‘Nahöni, gi nalö dop nanambuk malakzan. Miangöra nani buñani pakpak mi mönö göhö buñaya mohok akza. ³² Mohok akzapmö, mungi kianön kömum taköyöhañön kunbuk guliba kaza. Yañön lök sohoiga Anutunön kunbuk miwikñaiiga asuhum tiñgitza. Miangöra döлки nene sösöngai alinga dop kölja.’ ” Mewö.

16

Sukinap galöm tilipqilipñambukö dopkeu

¹ Jisösnön gwarekurupñi keu kun kewö jii mötket, “Azi pomñi kungö sukinap galömñi kun malök. Tosatñan kaba azi pomñi mi luasö keu jiget mörök, ‘Yañön göhöreñ monen inapki köndennda lañ gila malja.’ ² Mi möta galöm mi jii kaiga jim wañgiyök, ‘Ni göhöra buña bölönj jiget mötzal. Gi nöngö miri aka sukinapni kunbuk galöm kölmanangö dop qahö akzan. Miangöra mi denöwö galöm köla malnön, miangö löpötñi jim asarim niñgiman.’ ³ Mewö jiiga uruñan kewö mötmöriyök, ‘Miri tonjan galömkölköl nupni noangiri denöwö akñamto? Ösumni qahö dop köljawañgöra gölme esimamgö osizal aka ulet azi malmamgö gamuni mötzal. ⁴ Yañön galömkölköl nupni noangitmawi, nöñön nalö miangöreñ denöwö akiga tosatñan miriñine köl öröba köyan köl niñgibeak? Aha! Köna kun mötmörizal.’

⁵ “Mewö jiba ambazip tonjan tosa al engiyöhi, mi pakpak nanñik nanñik öröm engiiga kaget. Mutukñan kaiga yañgöra kewö jiyök, ‘Tonangöreñ tosa göhöreñ dawik ahöza?’ ⁶ Mewö qesiiga jiyök, ‘Oil dram 100 meal.’ Mewö jiiga kewö melenök, ‘Gi tosa papiagi memba ki tata ösumok uteköba 50 ohonönga ahöma.’ ⁷ Mewö jiba azi kun qesim wañgiyök, ‘Aka gi? Göhöreñ tosa dawik ahöza?’ Qesiiga kewö jiyök, ‘Wit flaua mi 21.000 kilogram meal.’ Mewö jiiga jiyök, ‘Gi tosa papiagi memba miangöreñ 16.800 kilogram mewö ohonönga ahöma.’

⁸ “Mewö aiga miri tonjan möta jim-ölöwak keu kewö jiyök, ‘Galömnan tilipqilip qakñe yuai ahöhi, mi mötkutukutu ölöpnj kondelja.’ ” Kambu Jisösnön kösohot mewö jiba toro-qeba jiyök, “Söñaupkö ahakmeme wuatangömakzei, yeñgö mötkutukutuñini mi ambazip tosatñi merak maljei, mi tilipqilip ak engimeangö dop ahözapmö, Anutugö asakñe maljei, yeñgö mötkutukutuñini mi miangö bapñe akza.

⁹ “Miangöra kewö jibi mötket: Tosatñan gölmegö monen inapnön ambazip tilipköm engimakzemö, enñön mönö miangön memba alaurup miwikñaim enjime. Mi miwikñaim

engigetka gölmegö yuainöñ qahöwakñawi, Anutunöñ mönö nalö mianğöreñ köl öröm engiiga malmal köhöikñi mire anğota teteköñi qahö malme.

¹⁰ “Kunñan yuai morörökñi memba kapan köla törörök galöm köljawi, yañön mönö yuai ketanji mewöyök törörök galöm kölma. Kunñan yuai morörökñi galöm köla kitik-katuk akzawi, yañön mönö yuai ketanji mi mewöyök galöm kölmapkö jiinga kitik-katuk akña.

¹¹ Gölmegö moneñ inapñi böröñine algetka mi pöndañ qahö galöm kölgetka ölni qahö asuhuyök ewö, kunñan mönö yuai buñañi öngöñgöñi ölni mi böröñine qahö alma. ¹² Inini tosatñi yeñğöreñ yuai mi pöndañ qahö galöm kölgetka ölni qahö asuhuyök ewö, nanñini uruñinañgö buña ölni mi dañön kun engibawak?

¹³ * “Welenqeçe kunñan kembu yahöt welen qem etkimamgö osimakza. Kunñan mewö akñamgö mötzawi, yañön mönö kun kazik ak wañgiba kun uruñan jöpaköma. Kungöreñ qekötahöba kun jijiwilit ak wañgima. Mianğöra eñön Anutu aka moneñ inap mi mindiriba welen qem etkibingö osime.” Mewö.

Monengö urukönöp akepekö goro keu

Mat 11.12-13; 5.31-32; Mak 10.11-12

¹⁴ Farisi (Köna keugö kapankölköl) yeñön monengö nahöm gwötpuk ahöm engii malgerağöra Jisösnöñ keu pakpak mi jiyöhi, mi möta je misiba ilit wañgiget. ¹⁵ Ilit wañgigetka kewö jii mötket, “Farisi eñön mönö ambazip jeñine solanñi tandök kondel engibingö könöpuk ahakzemö, Anutunöñ uruñinañgö könañi möt kutum teköza. Ambazip jeñine yuai kungöra mötketka öngöñgöñi akzawi, mi Anutunöñ ehi imbilonlonambuk ahakza.

¹⁶ * “Bemtohonğö könañi mi Mosesğöreñ Köna keunöñ aka kezapqetok ambazip yeñgö Buzup Kimbiñine ohogetka oyoñda mala koringa Jonöñ asuha ölni aukñe indelök. Nalö mianğöreñök könahiba keu mi jim sehiba Anutugö bemtohone anğotmegöra ambazip uruñini kuñgumakzin. Ambazip körekñan mönö jaram tiba kapan köla bemtohon mianğö uruñe anğotpingö ahakze. ¹⁷ * Suep gölmenöñ göröñ qemahotkö dop akzahotmö, Köna keugö kulem jönbölanñi mohok-kun mi nalö kungen qahö kötökñi ayapköma. Mewö.

¹⁸ * “Azi kunñan anömñi mosöta ambi kun memawi, yañön mönö qesabulum akña. Azi kunñan ambi apñan mosöröhi, mi memawañön mönö mewöyök qesabulum akña.” Mewö.

Azi pomñi aka Lazarus

¹⁹ “Azi pomñi kun malök. Yañön opo maluku gugakgugak pisikñi aködamunñambuk löngöta mala nalö dop nene söngaip aka siyoñsayoñi qahö malök. ²⁰ Mewö malökmö, yañgö miri nanğunji kösutñe azi wanapñi kun qetñi Lazarus ahöba malök. Uzi nömböñöñ sileñi dop köla tarök. ²¹ Wösöñi aliga gwarönöñ ahöba azi pomñañgö tebolnöhök nene irip boromñi eri mia nemamgö mörök. Möta ahöiga kiam yeñön kañgota uzi nömböñi bözöba malget.

²² “Mewö mala wanapñi yañön kömuyök. Kömui Suep garata yeñön wañgita öngöba Abrahamgö qöhöröñe alget tarök. Azi pomñi yañön mewöñanök kömuiga löm kölget. ²³ Löm kölgetka kömupkö senjom mire geiga jem sölöngöi sihimbölo ketanji möta ui öngöiga Lazarus Abrahamgö qöhöröñe köröwen endu tari etkehök. ²⁴ Etkeka silata qeta jiyök, ‘O iwini Abraham, mönö wösögi möt niñgiman. Ni könöp bölamnöñ nohoi kiangöreñ wahöjalij öngöñgöñi möta kinjal. Mianğöra mönö Lazarus melainöñ anda kesöt suñan onöñ kusahöla kaba nesilamne mirii amörima.’

²⁵ “Mewö jiyökmö, Abrahamnöñ meleñnök, ‘Nahöni, mönö ki mötmörinöñ anök. Göñön gölmenöñ malmal sösongainambuk lök malnöñ teköyökmö, Lazarusnöñ gölmenöñ malmalñi qemjem-mamjeñ aka malök. Mewö malökmö, nalö kewöñe urukölalep ak wañgiinga tatzapmö, göñön sihimbölo möta wahöjalij qakñe kinjan. ²⁶ Mewö maljin

* 16:13: Mat 6.24 * 16:16: Mat 11.12-13 * 16:17: Mat 5.18 * 16:18: Mat 5.32; 1 Kor 7.10-11

aiga toroqeba kewö jizal: Anutunöñ nini aka injini sutnine mendenäda jabö al köhöii ahöza. Miangöra tosatñan jabö qösököba neñgöreñök engöreñ kanğotpingö mötpeak, mi mönö osime. Mewöyök likep endu maljei, enñon mewöyök neñgöreñ yuhu kanğotpingö qaköme.’ ²⁷ Mewö jiiga kewö jiyök, ‘Iwini, mewö aiga kewö ulet gihizal: Göñon mönö Lazarus melainöñga iwinangö mire anma. ²⁸ Miri miangöreñ darumunurupni 5 maljei, yeñon mewöñanök senjom miri kiangöreñ eta sihimbölo ketani mötpepuk. Miangöra mönö jinöñga anda kezapqetok keu jii mötme.’

²⁹ “Mewö ulerökmö, Abrahamnöñ jiyök, ‘Qahö! Mosesgö Köna keu aka kezapqetok ambazip yeñgöreñ Buzup Kimbi mi yeñgö buñaya ahöza. Keu mia mönö kezap ala mötme!’ ³⁰ Mewö jiiga kewö jiyök, ‘O iwi Abraham, mewö qahöpmö, kömukömuñi neñgöreñök kunñan yeñgöreñ anbawak, mewö mönö uruñini melenbeak.’ ³¹ Jiiga Abrahamnöñ kewö jii mörök, ‘Yeñon Moses aka kezapqetok ambazip yeñgö keugöra kezap qahö alje ewö, mewöñanök kömukömuñi neñgöreñök kunñan wahöta keu jibawak, yeñon mönö töndup Anutu qahö möt narim wañgibeak.’ ” Mewö.

17

Singisöndökö kölgorom mönö qetal engime.

Mat 18.6-7, 21-22; Mak 9.42

¹ Jisösnöñ gwarekurupñi keu kewö jii mötket, “Bölöñangö supatitikñan mönö awamñanök asuhumakza. Kunöñ supatitik angön kölmangö osimakzappmö, kun dañon tosatñi kölgorom ak engiiga singisöndök akñei, yañgöra mönö wöziköba ‘Yei!’ jizal. Sihimbölo öñgöñgöñan mönö yañgö qakñe öñgöma. ² Yañon ambazip moröñi yeñgöreñök kun kölgorom ak wañgiiga singisöndök akñawi, azi miangön mönö lömböt öñgöñgöñi miwikñaima. Anutunöñ lömböt miangö likepñi denöwö wañgiiga dopñe akawak? Kemuñ jamönñiñ jölñe jöhöba köwet röndumnöñ gilget mulungöi gebawak, miangön mönö awamñi ahum wañgii tandök akawak.

³ * “Miangöra mönö nanñini galömnini mem anguba malme. Alagi kunñan singisöndök akzawi, i mönö jim mindiñ ak wañgiman. Jim mindiñ ak wañginöñga möt bölim anguba wösöñi mötma ewö, gi mönö singisöndökñi mosöt wañgiman. ⁴ Wehön kungö uruñe singisöndök 7 ak bölim gihiba indimñi 7 göhöreñ lilingöba kewö jima, ‘Alani, ni singisöndök akzalañgöra möt bölim anguzal.’ Mewö jima ewö, gi mönö singisöndökñi mosöt wañgiman.” Mewö.

Mötnaripkö ölni mi kukösumñambuk.

Mat 17.20; 21.21; Mak 11.23

⁵ Aposol yeñon Kembugöra jiget, “Mötnaripnini mönö toroqeba mem köhöiman.” ⁶ Mewö jigetka Kembunöñ melenök, “Mötnaripñinangö ölni mi neñon kötnangö dop ahöbawak ewö, enñon ölop nömozup ip* kiangöra kewö jim kutubeak, ‘Gi mönö jöla jalögabuk wahöta luhuba köwetnöñ geba nangi kömöta kinman.’ Mewö jiba möt narigetka ip miangön mönö keuñini tem kölma.” Mewö.

Welenqeqe ölopñi mi denöwö?

⁷ “Engöreñök kungö nup azinöñ bulmakau memba nupnöñ anda kinöñ öröi gölme mesinma me lama galömnina malma. Mala mire kanğori miangöreñ toñan kewö jii mötma me qahöpto, ‘Gi mönö mire kota tata nenegi neman.’ ⁸ Mewö qahö! Yañon mönö kewö jima: ‘Gi mönö o ariba möhangöm anguba sunğemgö neneñamni ohoba ala niñginöñ nemam. Miangö andöñe nangi neneñamgi ohom neman.’ ⁹ Mewö jim kutum wañgiiga nup aziñan jiyöhangö dop nupñi mem teköi dop köliga galömnian miangöra möpöseim wañgima me qahö? Qahö! ¹⁰ Engö könanñini mi mewöñanök ahöza. Galömnianan

* **17:3:** Mat 18.15 * **17:6:** Jisösnöñ mulberi ip kun kondelök. Ip mi nömozup ewöya, kötni köuruk (köwörörök) kötni ewö neneña.

yuai pakpak jim kutum enjyöhi, injini mi ak teköba miangören kewö jime, ‘Nini nup ambazip töhöna maljin. Galömninan yuaigöra jiyöhi, mönö miyök memba kazinangöra möpömöpösei jarubingö osizin.’ ” Mewö.

Jisösnöñ azi 10 silenini mem solaniyök.

¹¹ Jisösnöñ Jerusalem sitinöñ anmamgöra Galili aka Samaria prowins yahöt mietkö sutñire köna ahöyöhi, miangören anök. ¹² Könanöñ anda miri kunöñ angoriga azi 10 silenini uzikukunambuk yeñön miwikñaiba eka tikep endu kinget. ¹³ Kinda köhöikñanök qeta jiget, “Ketanamnini Jisös, mönö neñgöra ak kömum gihima!”

¹⁴ *Qeta jigetka engeka kewö jii mötket, “Injini mönö jike nup galöm yeñgören anda silenini kondel enjime.” Mewö jiiga tem köla könanöñ angetka sileninan miangören solaniba ölöwahök. ¹⁵ Ölöwahökmö, 10 yeñgörenök kunñan silenini solanii eka lilingöba kaba Anutu köhöikñanök qeta möpöseiyök. ¹⁶ Möpöseiba Jisösgö könañe geba sipköba simin köla ‘Saiwap!’ jiyök. Azi mi Samaria azia. Juda yeñön Samaria prowinsgö ambazip yeñgöra mötketka eretñi ahakzapma.

¹⁷ Saiwap! jiiga Jisösnöñ melenña jiyök, “Mi ölop akzanmö, azi pakpak 10 enjö sileninan lök solanim teköyök me? Azi 9 mienön mönö denike malje? ¹⁸ Kian azi göñön nangik lilingöba kaba Anutu möpöseizanmö, azi 9 yeñön mönö anda nönönñan akze.” ¹⁹ Mewö jiba kewö jii mörök, “Mötnaripkan mönö mem ölöwak gihiza. Miangöra ölop wahöta anman.” Mewö.

Anutugö bemtohoñi mi denöwö asuhuma?

Mat 24.23-28, 37-41

²⁰ Farisi (Köna keugö kapañkölköl) yeñön Jisös kewö qesim wangiba jiget, “Anutugö bemtohoñi mi mönö wanat nalönöñ asuhuma?” Jiget möta melenña kewö jiyök, “Anutugö bemtohoñan mönö jeninan ekinangö dop qahö asuhuma. ²¹ Mötket! Anutugö bemtohoñi mi sutñine uruñine asuhuba ahöza. Miangöra mi kiangören me enduyangören ahözawi, mewö jibingö osimakzin.”

²² Jisösnöñ gwarekurupñi kewö jii mötket, “Könañep nalö kun kam kunjumawi, miangören Suep gölmegö azi ölnangö nup meme wehöññi miengörenök kun ekingö ak enjimapmö, mi kunbuk ekingö osime. ²³ Nalö miangören kewö jiget mötme, ‘Mötket! Amötqege Toñan mönö endu malja. Mötket! Mönö ki asuhuza.’ Mewö mewö jigetka i ekingöra miangören ösumok kude luluhuba anme. ²⁴ Mi kewögöra: Suep gölmegö azi ölnan kunbuk kamawi, nalö mi wölbilikö dop kewö akña: Mi suep likepñeyök zilañ biliksik ala asariba likepñe dop köla anjawi, yañön mönö miangö dop asuhuma. ²⁵ Könañep mewö asuhumapmö, mutuk ambazip nalö kewöñe gölmenöñ maljei, yeñön azi mi yaköriba andö qem wangigetka sihimbölö ketanji mötma.

²⁶ * “Mönöwök Noagö nalöñe ambazipnöñ malmalñini qemasolekep qakñe mala ayuhugeru, miangö dop mönö Suep gölmegö azi ölnan kunbuk kamawangö nalöñe mewöyök asuhuma. ²⁷ * Noagö nalöñe nene lömbuan ala o köhöikñi nempa ambi kenam bohonñangö alget anda kaiga anjömeget. Ahakmeme mewö aka memba qemasolekep malgetka Noanöñ wangñe uruñe öngöyöhi, silim miangören teköyök. Teköiga o göulu ketanñan kaba ambazip jinonñi qahö löm köñ enjii o nemulahöba kömuget.

²⁸ * “Lotkö nalöñe mewöyök qemasolekep malgetka mewöñanök asuhuyök. Ambazipnöñ nene lömbuan ala o jawat nempa nup köñ kömöta jike mirinñini memba qeköm nemi ala yuai bohonñi memegöra algetka yuai tosati bohonñi memba malget. ²⁹ Mewö aka memba malgetmö, Lotnöñ Sodom miri mosöta aniga wehöñ miangörenök könöp aka köt sömsöm könöpñambuk mi mönö kie ewö suepnöhök eta ambazip jinonñi

* 17:14: Lew 14.1-32 * 17:26: Jen 6.5-8 * 17:27: Jen 7.6-24 * 17:28: Jen 18.20-19.25

qahö engohoi kömuget. ³⁰ Könaŋgep Suep gölmegö azi ölnan kunbuk asuhumawi, nalö miangören ambazipnön mewöŋanök qemasolokep aka mala ayuhume.

³¹ “Silim miangören sombemnön malmawaŋön mönön inap yuaini memamgöra miri uruŋe kude öngöma me nupnön anda malmawaŋön mönön mewöŋanök miriŋe kude lilingöba kama. ³² Lot anömnan melenđa andöŋe uba kömumba köt ahöhi, mönön mi mötmörime. ³³ *Kunŋan malmalŋi siyonsayoŋi qahö nanŋaŋgöra aŋgön köla nanŋi imbi-imbi malmamgö mötzawi, yaŋgö malmalŋan mönön sohomapmö, kunŋan malmalŋi nönögöra aka köleŋniga sohomawi, yaŋön mönön malmal ölnaŋgö könaŋi miwikŋaiba oyaenŋkoyaen malma.

³⁴ “Nönön kewö jibi mötket: Sungem miangören azi yahöt dumnön mohotŋe ahöyohotka yetköreŋök kun waŋgita kun mosötme. ³⁵ Mewöyök ambi yahöt mi mohotŋe tawen urasiba (bunahöba) tatmahori, yetköreŋök kun waŋgita kun mosötme.” ³⁶ (Azi yahöt nupnön malohotka yetköreŋök kun waŋgita kun mosötme.)

³⁷ Jisösnön mewö jiiga gwarekurupŋan melenđa jiget, “O Kembu, mi denikeangören asuhuma?” Mewö jigetka kewö jii mötket, “Sömbup gisakŋan kungen göröken ahömawi, manu köraraknön mönön miangören öröba tokomakzei, mönön miangö dop asuhuma.” Mewö.

18

Malönön kapan köla uleriga azi ketanjan bauköyök.

¹ “Inini mönön nalö dop Anutu köuluköba qemalokolip qahö aka malme.” Jisösnön mewö jiba miangö dopkeuŋi kewö jii mötket, ² “Taon kunön keu jimtekötekö azi kun malök. Yaŋön ambazip yengö keugöra gamuŋi qahö möta nanŋi imbi-imbi mala Anutugö jitŋi oŋgitpilenbuköra keŋgötŋi qahö mörök. ³ Taon miangören malö ambi kun malök. Yaŋön sundan dop keu jimtekötekö azi miangören anda kewö jiba malök, ‘Kunŋan nömbuk aŋgururuk akzawaŋgöra göŋön ölop bauköm niŋgibanak.’

⁴ “Mewö jiiga nalö köröpŋi mi möta andö qeba malökmö, könaŋgep uruŋan kewö jiyök, ‘Nönön ambazip yengö keugöra gamuni qahö möta nani imbi-imbi mala Anutugö jitŋi oŋgitpilenbuköra keŋgötŋi qahö mötzal. ⁵ Mewö maljalmö, malö kianön mönön keu söksök pöndaŋ jim niŋgiba kamakzawaŋgöra ölan nöhöiga ölop bauköm waŋgibiga keuŋi teköma. Qahö bauköm waŋgibileŋak ewö, yaŋön mönön qösösök kaiga qeriqerini mötpilenbuk.’ ”

⁶ Kembunön kösohot mi mem teköba jiyök, “Jimtekötekö azi goŋgoŋan keu jiyöhi, mönön miangöra kezap ala könaŋi mötmöriget. ⁷ Anutunön ambazip nanŋaŋgöra möwölöhöm enŋiyöhi, yeŋön sungem asak bauköm enŋimapköra köulukögetka Anutunön mönön yengö keuŋini kewöta jim teköi ölöwakŋe. Bauköm enŋimamgö jiba taŋŋan qahö aka nalö qahö könjörari öngöma. Mi qahöpmahöp! ⁸ Nönön kewö jibi mötket: Anutunön mönön nalö kude köriiga keuŋini kewöta jim teköi ölöwakŋe. Wölaŋ bauköm enŋimakzapmö, mi töndup Suep gölmegö azi ölnan lilingöba kaba ambazip kewöt enŋimawi, nalö miangören mötnariŋ ölni miwikŋaima me qahöpto?” Mewö.

Farisi aka takis meme yetkö köulukŋiri

⁹ Ambazip tosatŋan nanŋinaŋgö mötket öngöiga solanŋi diŋdiŋi akzin jiba tosatŋi mötketka eretŋi ahök. Jisösnön i enŋeka dopkeu kun kewö jii mötket, ¹⁰ “Azi yahötŋan jöwöwöl jikenön öngöba köuluköyohot. Kunön Farisi aka kunŋan takis meme asia.

¹¹ “Farisi (Köna keugö kapankölköl) yaŋön kinda nanŋök kewö köuluköyök, ‘O Anutu, ambazip tosatŋan uruŋini goŋgiiga kalöpmalöp aka sero yonŋorö ahakze, ni yengö dop qahö maljal me takis meme endu kinjawı, ni yaŋgö dop mewöyök qahö maljal. Miangöra saiwap jim gihizal. ¹² Nönön sonda dop sömaŋi yahöt nenegö siŋgi malakzal. Nönön moneŋ inapni pampak mendenđa 10:nöhök mohok Anutugö buŋaya qemakzal.’

* **17:33:** Mat 10.39; 16.25; Mak 8.25; Luk 9.24; Jon 12.25

13 “Mewö köuluköyökmö, takis meme yañon wañgömñi kunöñ kinda Suepnöñ eu umangö gamuñi möta böröñan jeñi esuhuba kewö köuluköyök, ‘O Anutu, singisöndok azi ni mönö ak kömum niñgiman.’ 14 *Nöñon kewö jibi mötme: Yañon mönö Anutugö jeñe solaniba miriñe lilingöyökmö, Farisi (Köna keugö kapankölköl) yañon mewö qahö. Denike yeñon nanñini uruñini memba öngömei, Anutunöñ mönö i körek memba et al engimapmö, kunñan nanñi uruñi memba etmawi, Anutunöñ mönö i memba öngöba al wañgima.” Mewö.

Jisösnöñ nahönbörat kötuatköm engiyök.

Mat 19.13-15; Mak 10.13-16

15 Ambazip tosatñan nahönbörat morömorö mewöyök enguañgita Jisösnöñ böröñan engimisirimapköra yañgöreñ kaget. Kagetmö, gwarek yeñon mi eka jim qetal ak engiget. 16 Mewö aketmö, Jisösnöñ nahönbörat mi kök öröm engii kagetka kewö jiyök, “Nahönbörat moröñi mi ölop engömosötketka nöngöreñ kame. Anutunöñ ambazip mewö mia bemtohoñi buña qem engima. Mianğöra i kude jöhöm engime. 17 Nöñon keu ölni kun kewö jibi mötme: Kunñan Anutugö bemtohoñi mi nahönbörat ewö buña qahö qem anğumawi, yañon mönö mianğö uruñe anğotmamğö osima.” Mewö.

Jisösnöñ azi pomñi kungö qambañ keu jiyök.

Mat 19.16-30; Mak 10.17-31

18 Galömkölköl azi kunñan Jisösgöreñ kaba kewö qesim wañgiyök, “Böhi ölopñi, nöñon mönö denöwö aka malmal köhöikñangö buña qem anğubilenak?”

19 Qesim wañgiiga kewö jii mörök, “Gi nöngöra ‘Böhi ölopñi’, mi wuanöngöra jizan? Anutu mohotñan ölopñi akza. Azi kunñan i ewö ölopñi qahö akza. 20 *Gi jöjöpañ keu ki möt teközan, ‘Sero yoñgorö kude akñan, Ambazip kun kude qenöñ kömuma, Yoñgorö kude mema, Jitnöñ alal keu kude jimañ, Iwinamgi mönö göda qem etkimakñan.’ ”

21 Mewö jiyökmö, galömkölköl azinöñ kewö jiyök, “Mi pakpak mönö gwaböneyök tem köla mala kotzal.” 22 Jii Jisösnöñ möta kewö jii mörök, “Mohot-kungöra kewö osizan. Gi mönö anda sukinapki pakpak söngöröñi memegöra alnöñ moneñ kaiga menđenda ambazip wanapñi engiman. Mewö aknöñga sukinapki ketañi (guli masapu, milyön kina ewö) mi Suep mire ahöm gihima. Mewö aka ni nuatanğöba kamañ.” 23 Mewö jiyökmö, azi mianğon kindiñbirik malöhanğöra aka keu mi möta wösöbirik aka jeñi asöliiga öne mosöta anök.

24 Wösöbirik ahöhi Jisösnöñ mi eka kewö jiyök, “Yei! Ambazip moneñ inapñinambuk yeñon mönö Anutugö bemtohoñonöñ anğotpingö lömböriba kupuk-kapak akñe. 25 Mi kewö jim tuarimam: Sömbup ketañi kamel mi kondi kinimñe ölop qahö anğotma. Mianğö dop ambazip pomñi yeñon Anutugö bemtohoñ uruñe anğotpingö lömböriba qaköme.”

26 Keu mi jii mötkeri, yeñon kewö jiget, “Oponon! Ambazip dañon mönö Suepkö buñaya akawak?” 27 Mewö jigetka kewö melenök, “Ambazipnöñ mi esapköba osiba qakömakzemö, Anutunöñ mönö yuai pakpak ölop ahakza. Yañon yuai kun aka memamğö qahö osiba qakömakza.”

Jisösgö nup memegö töwanji

28 Pitönöñ keu mi möta melenđa kewö jiyök, “Mötnöñ, neñon mönö miri gölmenini mosöta gi guatanğöba kain.” 29 Mewö jiiga Jisösnöñ kewö jii mötket, “Nöñon keu ölni kun kewö jibi mötme: Kunñan Anutugö bemtohoñanğöra aka yuai kun mosöröhi, - mi miri gölmenji, anöm-moröñi, darumunñi me iwinamñi - mi engömosöriğa 30 Anutunöñ mönö salupñe toroqeba onğita likepñi melen wañgiiga mi gölmegö malmalnöñ mema aka malmal könanğepñe malmal köhöikñi teteköñi qahö buña qem anğuma.”

* 18:14: Mat 23.12; Luk 14.11 * 18:20: Eks 20.12-16; Dut 5.16-20

Jisösnöŋ kömumamgö keuŋi jiiga karöbut ahök.

Mat 20.17-19; Mak 10.32-34

³¹ Jisösnöŋ gwarekurupŋi 12 mi öröm enġii kagetka kewö jiyök, “Mötket, nini Jerusalem öngöbin. Kezapqetok ambazipnöŋ Suep gölmegö azi ölnangöra keu pakpak ohogeri, mi mönö ölnambuk ak teköma. ³² Kunöŋ i mamalolo mem waŋgiiga kian gawman yengö böröŋine gema. Yeŋön jijiwilit aka mepaiköba keu töhöreŋ jim waŋgiba söutkölap qeme. ³³ Söutkölap qeba ihilek wahinambuknöŋ tauköm waŋgiba qeget kömuma. Kömumba wehön karöbut aiga kömupnöhök wahötma.”

³⁴ Mewö jiyökmö, gwarek yeŋön keu mi qahöpmahöp möt asariget. Keu jiyöhi, mi asa-asambötŋe ahöiga mi qahö möt kutuget. Mewö.

Jisösnöŋ jegömöl azi kun mem ölöwahök.

Mat 20.29-34; Mak 10.46-52

³⁵ Jisösnöŋ anda Jeriko mire dopdowiiga jegömöl azi kunŋan nene moneŋ waŋgimegöra uleta köna jitre tarök. ³⁶ Tariga ambazip kambu könanöŋ onġita angetka kourukŋini möta “Wanat yuai asuhuza?” jiba qesim enġiyök.

³⁷ Qesim enġiiga kewö jiget, “Jisös, Nazaret azinöŋ mönö könanöŋ kaba goŋgitmamgö akza.”

³⁸ Jigetka kewö qerök, “Jisös, Deiwidkö gwölönarökŋi! Gi mönö ak-kömum niŋgiman!”

³⁹ Mewö qeriga ambazip mutuk angeri, yeŋön bök tatmapköra qetal waŋgigetmö, yaŋön kapaŋ köla qet gigilahöyök, “Deiwidkö gwölönarökŋi! Gi mönö ak-kömum niŋgiman!”

⁴⁰ Qet gigilahöiga Jisösnöŋ dörök ala kewö jim kutuyök, “I mönö böröŋe memba nöngöreŋ kame.” Jiiga memba dowe kaŋgotketka kewö qesim waŋgiyök,

⁴¹ “Alani! Gi mönö wani yuai ak gihimamgöra mötzan?” Qesim waŋgiiga jiyök, “Kembu! Ni jeni kunbuk umamgöra mötza!”

⁴² Jiiga Jisösnöŋ kewö jii mörök, “Mönö jegi unöŋ. Mötnaripkan mönö mem ölöwak gihiza.”

⁴³ Mewö jiiga miangöreŋök jeŋi tohoiga törörök uba Anutu möpöseiba Jisös wuatangöba andöŋe anök. Ambazip pakpak yeŋön yuai mi eka Anutu möpöseiget. Mewö.

19

Zakiusnöŋ uruŋi melenök.

¹ Jisösnöŋ Jeriko taonöŋ kaŋgota kutuba anmamgö ahök. ² Miangöreŋ azi kun qetŋi Zakius malök. Yaŋön azi pomŋi aka takis meme yengö jitnememenina malök. ³ Yaŋön Jisösgö kaisongolomŋi ekŋamgö ak waŋgiyökmö, azi töröptökŋangöra ambazip kambu sutŋine kinda kökörüba osiyök. ⁴ “Jisösnöŋ ki kaba neŋgoŋgitma,” jiget möta ekŋamgöra ösumök anda ambazip enġonġita sikamore ip* qakŋe öngöba tarök. ⁵ Tari Jisösnöŋ miangöreŋ aŋgota jeŋan ui öngöi eka yaŋgöra kewö jiyök, “Zakius, gi mönö ösumök etnöŋ. Ni merak göhö mire kabi mohotŋe tatpít.”

⁶ Mewö jiiga ösumök eta söŋgaiba köl öröm waŋgiiga miriŋe anohot. ⁷ Anohotka ambazip körekŋan mi eka irikuruk aka kewö jiget, “Mönö wuanöngöra siŋgisöndok azi mewöŋangö mire öngöba tatza?”

⁸ Mewö jigetmö, Zakiusnöŋ ambazip sutŋine aukŋe wahöta kinda Kembugöra kewö jiyök, “Kembu mötnöŋ, nöŋön ainemalukuni bibiŋe mendeŋda likepŋi ambazip wanapŋi yengöra enġimam aka denike yengöreŋ öroyuai kun dop onġita tilipqilip aka waŋgirali, mi mönö ambemŋi 4:gö dop toroqeba melenäda enġimam.”

⁹ Mewö jiiga Jisösnöŋ yaŋgö könaŋangöra kewö jiyök, “Anutunöŋ merak miri kiangö toni amöt qem waŋgi letotza. Yaŋön mewöyök Abrahamgö gwölönarökurupŋi yengö

* 19:4: Sikamore mi köwu ewöya, kötŋi neneŋa.

sutņine malja. ¹⁰ *Suep gölmegö azi öljān mönō ambazip sohogeri, mi jaruba amōt qem enġimamgōra aka erök.” Mewō.

Monej esu 10 mendeŋda enġiyök, mianġö dopkeu.

Mat 25.14-30

¹¹ *Jisōsnōj kaba Jerusalem siti dopdowiba keuņi jii ambazip mi mötkeri, yeņōn kewō mötmōriġet, “Anutugō bemtohoņāngō öljān zilaņ asuhuma.” Mewō mötmōriġeraņgōra Jisōsnōj dopkeu kun kewō jiyök, ¹² “Azi qetbuņāmbuk kunņān kewō jiyök, ‘Ni mirini mosōta kantri kunōj körōwen anbiga mianġoreņ ni kiņ kembu kuņġum niņġigetka mala liliņġöba kamam.’ ¹³ Mewō gölme körōwen anmamgō jiba nup aziurupņi 10 enġoholi kagetka monej esu 10 mendeŋda enġiba kewō jiyök, ‘Nōņōn anda mala biaņ liliņġöba kamam. Enōn nalō sutņe kianġoreņ monej kianōn kölköl-örörō nup memba mem sehime.’ ¹⁴ Mewō jiba anökmō, könagesōurupņān kazik ak waņġiba kewō jiget, ‘Nini azi kianōn nanine azi kembu aka galōm köl neņġimapkō töközin.’ Mewō jiba welen azi tosatņi melaim enġiget andōņe anda buzup mi jiget mörök.

¹⁵ “Mewō mörökmō, töndup kantri anök, mianġoreņ yeņōn i azi kembu kuņġum waņġigetka nanņi prowinsnōj kunbuk liliņġöba kayök. Kaba nup aziurupņi monej esu enġiyōhi, mi jiiga yaņġö jeņe kaņġotket. Mohot mohot yeņōn kölköl-örörō nup memba monej mem sehigetka dawik asuhuyōhi, mi kondelġet ekņamgōra qesim enġiyök. ¹⁶ Nup azi mutukņān jeņe kaņġota jiyök, ‘Kembu, nōņōn monej esugi mem sehibiga toroqeba kunbuk esu 10 miwikņaijal.’

¹⁷ “Mewō jiiga kewō jii mörök, ‘Mi ölöp. Gi nup meme azi ölöpņi. Gi yuai morörökņi memba mi kapaņkapaņ aka galōm köla malnōnga sehiyök. Mianġōra nōņōn taon gölme 10 mindiriba göhö börōge albi yeņġö galōmņina malman.’ ¹⁸ Mewō jiiga nup azi alāņan jeņe kaņġota kewō jiyök, ‘Kembu, nōņōn göhö monej esugi mem sehibiga toroqeba kunbuk esu 5 miwikņaijal.’ ¹⁹ Mewō jiiga yaņġōra mewōyök kewō jii mörök, ‘Mi ölöp. Nōņōn taon gölme 5 mindiriba göhö börōge albi yeņġö galōmņina malman.’

²⁰ “Kunbuk kunņān kaņġota jiyök, ‘Kembu eknōj. Göhö monej esugi ki. Mi oponōj esuhuba lolongōbi ahōyök. ²¹ Göņōn azi könöpņāmbuk akzanaņgōra aka göhöra keņġōtni möta malal. Gi nangak inap yuai köwenōj qahō alnōj, mia töndup memamgō mörakzan. Gi nangak nene kötni qahō kömötnōnga asuhuyōhi, mianġö öljā mi töndup yandiba memamgō mörakzan.’

²² “Mewō jiiga melenġa kewō jim waņġiyök, ‘Gi nup azi bölōņi. Nangak keu jizani, nōņōn mianġö dop kewōt gihiba likepņi melenġ gihimam. Ni azi könöpņāmbuk akzal. Nanak yuai köwenōj qahō ala mi memamgō mörakzal. Nanak nene kötni qahō kömöta mianġö öljā mi töndup yandiba memamgō mörakzal. Mi ölöp möta malnōj. ²³ Gi könani mewō mötagun mönō wuanōņgōra monej esuni mi benknōj qahō alnōnga qarivyök. Mi kölköl-örörō nupņōj albanak ewō, mianōn mönō sehiġa nōņōn kaba suņāmbuk membilenġak.’

²⁴ “Mewō jiba azi kösutņe kingeri, mi kewō jii mötket, ‘Inini mönō yaņġö börōņeyök monej esuņi mi waņġita esu 10 miwikņaiyōhi, i waņġime.’ ²⁵ Jii möta kewō jiget, ‘Kembu, yaņġoreņ monej esu 10 mi lök ahōza!’ ²⁶ *Mewō jigetka melenġa jiyök, ‘Nōņōn kewō jibi mötket: Ambazip yuai ahōm enġizawi, yeņġōra körek mönō mi toroqem enġigetka sehimapmō, kungoreņ yuai kun qahō ahōzawi, morörökņi mia mönō mewōyök waņġitketka öne töhōn malma.’ ²⁷ Mewō jizalmō, kerökurupņān nōņōn kiņ kembu aka galōm köl enġimamgō tökögeri, i mönō enġuaņġita kagetka enġeka jim kutubi enġuġetka kömume.’” Mewō.

Jisōsgōra köiraņ kölġetka Jerusalem öņġöyök.

Mat 21.1-11; Mak 11.1-11; Jon 12.12-19

* **19:10:** Mat 18.11 * **19:11:** Mat 25.14-30 * **19:26:** Mat 13.12; Mak 4.25; Luk 8.18

²⁸ Jisösnöŋ keu mi jim teköba mosöta Jerusalem sitinöŋ öngömangöra mutuk anök. ²⁹ Anda Betfage aka Betani miri yahöt kösutjire kaba kundunji qetnji Oil ip kundunji qerakzei, miangören öngöba gwarekyahötjni yahöt melaim etkiyök. Melaim etkimangö aka ³⁰ kewö jiyök, “Miri wösöŋjire tatzawi, mönö miangören anmahot. Anda miangören angota donki moröŋi kösönöŋ jöhöget kinjawi, mi miwikŋaimahot. Donki mi dölökŋa, azi kunöŋ qakŋe qahö tatatŋa. Mi mönö pösata memba ki kamahot. ³¹ Pösarohotka kunŋan ‘Mi wanigöra pösatzahot?’ jiba qesim etkiiga kewö jimahot, ‘Kembuniran miangöra osiza.’”

³² Mewö melaim etkiiga anda jiyöhanöŋ dop miwikŋaiyohot. ³³ Miwikŋaiba donki moröŋi pösatpitkö ahotka tonan jiget, “Hei! Donki moröŋi mi wanigöra pösatzahot?”

³⁴ Jigetka kewö melenohot, “Kembuniran miangöra osiza.” ³⁵ Mewö jiba memba Jisösgören kaba malukuŋini qeköba donki qakŋe tumbula jigetka Jisösnöŋ öngöba tarök. ³⁶ Mewö tata aniga ambazip kambu yeŋön göda qeba opo malukuŋini qeköba köna namŋe tumbulget.

³⁷ Tumbulgetka anda Jerusalem dopdowiba Oil ip kundunjanöŋ sörökŋe geiga gwarek kambu pakpak yeŋön könahiba söŋgaiba angöletot pakpak kukösum qakŋe mei ek-eri, miengöra qet ketanji qeta Anutu möpöseim wanŋiba ³⁸ *kewö jiba qetket, “Anutu möpöseizin. Kiŋ Kembangö qetŋe kamawi, Anutunöŋ mönö i kötuetköma. Luaigi aka qetbuŋagi möpöseininga Suepnöŋ euyangören öngöza. Owe owe!”

³⁹ Mewö qetketka Farisi (Köna keugö kapaŋkölköl) tosatŋan ambazip kambu sutŋine kinda kewö jim wanŋiget, “Böhi, mönö gwarekurupki jim enŋinöŋ.” ⁴⁰ Mewö jim wanŋigetka kewö melenök, “Nöŋön kewö jibi mötme: Yeŋön göröŋ kinbeak ewö, köt yeŋön mönö silata qetpeak.” Mewö.

Jisösnöŋ Jerusalem sitigöra sahörök.

⁴¹ Jisösnöŋ Jerusalem dopdowiba siti mi eka sahörök. ⁴² Sahöta kewö jiyök, “Engören luai denöwö ahubawak! Inini miangö könaŋi wehön kianören möt kutugetka dop kölbawakmö, nalö kewöŋe mi jeŋini qahö tohozawangöra aka tölapŋe ahöza. ⁴³ Miangö könaŋi kewö: Nalö kun kam kuŋgumawi, miangören kerök yeŋön kaŋgota kiripo köhöikŋan siti ki kuŋgum liliköba likeplikep eu emu kinda gwan ala kahasililin ak enŋime. ⁴⁴ Anutunöŋ mesohol köla enŋoholiga inini nalö bohonŋi mi qahö möt kutuba nesampurek aka Anutu andö qeba laŋ mala kotzei, miangöra kerök yeŋön köndenmönden enŋigetka mirigö köt kun mi köt kungö qakŋe qahö kinmapmö, siti kianön mönö qeqelanlaŋ ahöma. Yeŋön jike mirinŋini köndennda moröurupŋini siti uruŋe maljei, mi enŋum ureime.” Mewö.

Jisösnöŋ jöwöwöl jike jim kömbuhiyök.

Mat 21.12-17; Mak 11.15-19; Jon 2.13-22

⁴⁵ Jisösnöŋ keu mi jim teköba jöwöwöl jikegö tohon uruŋe anda inap bohonŋi memegöra algeri, mi könahiba közöl enŋiiga etket. ⁴⁶ *Közöl enŋiba kewö jii mötket, “Aisaianöŋ keu kun kewö ohoi ahöza, ‘Nöngö jikenan mönö köulukö mirinŋina akŋa.’ Keu mi ahözapmö, inini mi utekögetka kegwek-kahasililin yeŋgö baŋet ewö akza.”

⁴⁷ *Jisösnöŋ nalö dop jöwöwöl jikenöŋ öngöba Buŋa keu kusum enŋiba malök. Mewö malökmö, jike nup galöm aka Köna keugö böhi yeŋön tokoba kantri jike kaunsöl yembuk eraum möta kewö jiget, “Mönö denöwö jiinga qegetka kömumbawak?” ⁴⁸ Mewö jigetmö, ambazip kambu pakpak mienön yambuk qekötahöba Buŋaŋi kezap ala mötket. Miangöra “Mönö denöwö akinak?” jiba köna kun qahö miwikŋaiget. Mewö.

* 19:38: Sum 118.26 * 19:46: Ais 56.7; Jer 7.11 * 19:47: Luk 21.37

20

Jitnememe yeñon Jisösgö kukösumñangö qesiget.

Mat 21.23-27; Mak 11.27-33

¹ Jisösnöñ jöwöwöl jikenöñ öngöba ambazip kambu kusum engiba Ölöwak Buña jim asarim engiba malök. Nalö kunöñ mewö aiga jike nup galöm aka Köna keugö böhi yeñon kantrigö jitnememe tosatñi yembuk Jisösgö jeñe kañgotket. ² Kañgota kewö qesim wañgiget, “Gi kianğoreñ yuai akzani, mi mönö dañon jim kutum gihiiga ahakzan? Mianğö kukösumñi mi dañon gihiyök? Mi jinöñga mötpin.”

³ Qesim wañgigetka kewö melenğ engiyök, “Nöñon mewöyök qesim engibi mi jiget mötmam. ⁴ Jonöñ ambazip o-melun mem engiba malöhi, yañon mianğö kukösumñi mi denikeyök meyök? Suep Toñan wañgiyök me gölme toñan wañgiget?”

⁵ Mewö melenğ enğıga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañon mönö kewö jima, ‘Mewö aiga inñini i mönö wuanöñğöra qahö möt narim wañgiget? Mi qahö dop kölja.’ ⁶ Könagesö pakpak yeñon Jongöra ‘Kezapqetok azia akza,’ jiba mi köhöikñanök möt nariba malje. Mianğöra ‘Gölme ambazipnöhök asuhuyök,’ jibin ewö, yeñon mönö irimñini seholiiga kötnöñ neñgume.” ⁷ Keu mewö kewöta kewö melenğet, “Kukösumñan denikeyök ahuyöhi, nini mi qahö mötzin.”

⁸ Mewö melenğetka Jisösnöñ kewö jii mötket, “Mewö aiga nöñon mewöyök yuai ki ahakzalangö kukösumñi dañon niñgiyök, mi qahö jibi mötme.” Mewö.

Wain kösö nup galöm bölöñi, miengö dopkeu

Mat 21.33-46; Mak 12.1-12

⁹ *Jisösnöñ könahiba ambazip dopkeunöñ kewö jii mötket, “Azi kunñan wain kösö nup köla kömörök. Köl kömöta nup galöm tosatñi miwikñaim engiba jiiga nupñi memba öñangö bahöñi nanñini memba bahöñi tonji wañgimeğöra böröñine alök. Böröñine ala engömosöta kantri kunöñ anda nalö köröpñi malök.

¹⁰ “Mala mali öñi öliyöhangö nalöñi (yambu 5) töriiga mianğoreñ welenqeqeñi kun melaim wañgiiga galöm yeñğoreñ anda wain nup öñangö bahöñi wañgimeğöra jiyök. Jiyökmö, nup galöm yeñon i kömbinöñ qeba wuatangögetka böröñi börak lilingöyök. ¹¹ Mianğö andöñe welenazi kun melaim wañgiiga anökmö, i mewöyök kömbinöñ qeba gamu qem wañgiba wuatangögetka böröñi börak lilingöyök. ¹² Lilingöiga nup toñan welenazi kun kunbuk melaii aniga ambemñi karöbut ahökmö, i mewöyök sepgwörörök qeba nup yaigepñe gilget geyök.

¹³ “Mewö aketka wain nup toñan keu jaruba jiyök, ‘Mönö denöwö akñamto? Nani wölböt nahöni mönö melaibiga ani i eka göda qeme me denöwö?’ ¹⁴ Mewö jiba nahöñi melaiiga anökmö, wain nup galöm yeñon i eka sutñine kewö eraum möta jiget, ‘Yañon mönö börösamotñangö tonji akña. Ayop, i mönö qein kömuiga wain kösö nup kianñon mönö nanine buñanina akña.’ ¹⁵ Mewö jiba gilgetka nup yaigepñe geiga qeget kömuyök. Wain nup toñan mi möta mönö denöwö ak engima?

¹⁶ Yañon mönö nanñak kaba nup galöm mi köndenğ engima aka nup galöm dölökñi miwikñaim engiba wain kösö nupñi yeñğö böröñine alma.” Jisösnöñ dopkeu mewö jii möta jiget, “Mi qahö dop kölja. Yapmakek!” ¹⁷ *Jigetmö, Jisösnöñ i törörök enğeka kinda kewö jiyök, “Buña Kimbigö keu kun kewö ahöza, ‘Miri meme yeñon köt tandö kun andö qeba öne mosötket taröhi, mianñon mönö tandö kömbönañi aiga miwikñaiget.

Mianñon tingiriga mirinöñ mönö gororongöba eta kölma.’ Keu mianğö könañi denöwö?

¹⁸ Mianğöra kewö jibi: Kunñan tandö bohonñi mianğoreñ töttöngata eta qemawi, mi mönö silenñi kutumutumapmö, ain tandö mianñon jöla tala kungö qakñe eta kölmawi, mi mönö körek qözömözözangöma.”

* 20:9: Ais 5.1 * 20:17: Sum 118.22

¹⁹ Jisösnöŋ mewö jiiga Köna keugö böhi aka jike nup galöm yeŋön keu miangö könaŋi möt asariba kewö jiget, “Dopkeu mi mönö neŋgöra jiza.” Miangöra i nalö miangöreŋök memba jöhöbingö mötketmö, ambazip kambu yeŋgöra keŋgötŋini möta osiget. Mewö.

Takis alalgö Jisös esapköm waŋgiget.

Mat 22.15-22; Mak 12.13-17

²⁰ Juda jitŋememe yeŋön Jisösgö jeŋalöm meget. Mewö memba keuŋi kun qiwitipköi keugö bötaknöŋ öroi gwaröhöm waŋgimegöra aka azi tosatŋi melaim eŋgiget yaŋgöreŋ kaget. Opotöröp aka premiö yeŋgö böröŋine al waŋgibingö möta Buŋa keu ölopŋi jiji tandök aka qesiba keuŋaŋgö kezap alget.

²¹ Areŋ mewö ala qesiba kewö jiget, “Böhi, nini göhö könaŋi mötzin. Göŋön keu diŋdiŋi jiba kusum neŋgimakzan. Göŋön ambazip tosatŋi qahö eŋgek soriba tosatŋi qahö qepureim eŋgimakzanmö, dop mohotnöŋ kewöt neŋgimakzan. Mewö aka Anutugöreŋ köna mi keu ölnaŋgö dop kusum neŋgimakzan. ²² Miangöra nini sisa-kiŋgöra takis ala mianön Mosesgö Köna keu siŋgibin me qahö?”

²³ Mewö jigetmö, Jisösnöŋ isimkakalek areŋini möt kutuba kewö jii mötket, ²⁴ “Ölop silwö monerŋ (Kina 5) kun kondel niŋgigetka eki. Dagöreŋ imut aka qet mi miangöreŋ ohoget ahöza?” “O, mi sisa-kiŋgöreŋ,” mewö melenŋda jiget.

²⁵ Jigetka kewö jii mötket, “Mewö aiga yuai sisa-kiŋgö imutŋambuk buŋaŋi akzawi, mi mönö yaŋgöra al waŋgime. Yuai kun Anutugö buŋaya akzawi, mi mönö Anutugö buŋa qeme.” ²⁶ Jisösnöŋ mewö jiyöhaŋgöra ambazip kambu yeŋgö jeŋine keugö bötaknöŋ al waŋgibingö osiba keuŋaŋgöra welipköba keu bök kinget. Mewö.

Kömupnöhök wahötwahötkö Jisös esapköm waŋgiget.

Mat 22.23-33; Mak 12.18-27

²⁷ *Sadyusi böhi pati yeŋön “Kömugeri, yeŋön kude wahötme,” jiba malget. Yeŋgöreŋök tosatŋan Jisösgö jeŋe kaŋgota kewö qesim waŋgiba ²⁸ *jiget, “Böhi, Mosesnöŋ kewö jim kutum neŋgiyök ahöza, ‘Azi kun ambi meiga nahönbörat qahö ahui kömuiga munŋan ölop malöŋi memba mala gwölönarök qiwikŋaim waŋgiiga datŋaŋgö qet bisiba malma.’

²⁹ “Mötnöŋ! Nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. ³⁰ Kömuiga munŋan malöŋi mi meyök. ³¹ Miangö andöŋe munŋi kunŋan ambi miyök meyök. Mewöŋa mewö darumun 7 pakpak yeŋön ambi mohok miyök memba gwölönarök qahö mala kömum teköget. ³² Kömugetka tekögetka qöndökŋi malöŋini mi mewöyök kömuyök. ³³ Göŋön ‘Kömugeri yeŋön guliba wahötme,’ jizanmö, nini mi qahö möt narizin. Mötnöŋ, azi 7 pakpak mi öröröŋ wahötpeak ewö, ambi mohok mi anömŋina meget malöhaŋgöra aka mönö dagö anömŋa akawak?”

³⁴ Mewö jigetka Jisösnöŋ kewö melenŋök, “Nalö kewöŋe gölme kiaŋgöreŋ ambazip awanöm aka malahakze. ³⁵ Mi malahakzemö, ambazip uruŋini melenŋetka Anutunöŋ eka möri dop köliga kömupnöhök wahöta miri gölme kun euyangöreŋ aŋgota malmei, yeŋön miangöreŋ qahö amime.

³⁶ “Miangö könaŋi kewö: Mötnarip ambazip guliba kömupnöhök wahötmei, yeŋön Anutugö nahönböratuŋi akze. Yeŋön Suep garata tandök ewö aka kunbuk qahö kömumemö, teteköŋi qahö mal öŋgöme. ³⁷ *Mötket! Kömugeri, yeŋön guliba wahötmegö keuŋi mi Mosesnöŋ mewöyök naŋgöba jiyök. Ip köhösnöŋ könöp bölam ahuba qahö jem kutuyöhi, yaŋön mi eka kösohotŋi ohoi miangöreŋ keu kewö ahöza, ‘Nöŋön Anutu Abrahamgö Kembu, Aisakö Kembu aka Jeiköbkö Kembuya mala kota maljal.’ ³⁸ Isik bömön karöbut yeŋön Anutubuk mala mal köhöiba öŋgöme. Körek köhöiba maljei, yeŋön mönö malmalŋini Anutugöra malje. Miangöra Anutunöŋ köhömuŋi yeŋgö Kembuŋini qahöpmö, malmal köhöikŋi maljei, mönö yeŋgö Kembuŋina akza.”

* 20:27: Apo 23.8 * 20:28: Dut 25.5 * 20:37: Eks 3.6

³⁹ Jisösnöñ mewö melenjiga Köna keugö böhi tosatñan melenjida kewö jiget, “Böhi, mi törörök jizan.” ⁴⁰ Mewö jiba keu kun kunbuk qesim wanjibingö kölköldömdöm aka mosötket. Mewö.

Kraist mi kiñ Deiwidkö Kembuni aka gwölöñarökñi.

Mat 22.41-46; Mak 12.35-37

⁴¹ Jisösnöñ keu kun kewö jii mötket, “Kraistnöñ Kiñ Deiwidkö gwölöñarökñi akzawi, tosatñan keu mi denöwögöra jimakze? ⁴² *Deiwidnöñ nanñak keu kewö jiiga Sumbara (Buña liñet, sam) Kimbinöñ ahöza, ‘Anutunöñ kinda nöñgö Kembuni kewö jii mörök, Göñön mönö kaba nöñgö böröni ölñe tatnöñga

⁴³ nöñön nalö sutñe kerökurupki tim tötala luhut al enjiba göhö köna tambö gwaröñe al enjimam.

Nalö mi kam kuñgumawanjögö dop mönö asakmararañnöñ ki tatman.’

⁴⁴ Deiwidnöñ mewö jiba qetñi ‘Nöñgö Kembuni’ jiza. ‘Kembuni’ jiba mönö denöwö aka yanjögö gwölöñarökñi mohot akawak?” Mewö.

Urumelenjögö silesile malmalgö galöm meme keu

Mat 23.1-36; Mak 12.38-40; Luk 11.43

⁴⁵ Jisösnöñ gwarekurupñi yengöra keu kewö jiiga ambazip kambu pakpak mi mötket, ⁴⁶ “Köna keugö böhi yengöra mönö galömjini memba malme. Yeñön maluku köröpñi löñgöta anda kaba kondel anjubingö mörakze. Maketnöñ me könanöñ ambazip enjeketka jölöñini jimegö mörakze. Mewöyök köuluk mire qaikñe eu tatpingö sihimñi mörakze aka közölömbuanñöñ dum tatat mutukñe jegep tatpingö mörakze. ⁴⁷ Yeñön malö yengöreñ miri yuai bidanña gagabe köla enjguanñirakze aka qetbuñanñini asuhumapköra köuluk köröpñi köuluköba töptöpñine qemakze. Mianjögöra Anutunöñ keuñini jim teköba likepñi öñgöñgöñi melenjini qakñine öñgöma.” Mewö.

21

Ambi malö kunñan naluk kötin ölñi alök.

Mak 12.41-44

¹ Jisösnöñ kinda ui ani ambazip pomñi yeñön nalukñini mi naluk dundumñe alget geyök. ² Alget geiga ambi malö wanapñi kunñan kaba souje kötni pisikñi yahöt ali geyöhi, mi mewöyök ehök. ³ Mi eka kewö jiyök, “Nöñön keu ölñi kun kewö jibi mötket: Malö wanapñi kianñön naluk aljawi, mi mönö tosatñi pakpak enjogñita alja. ⁴ Mianjögö könanñi kewö: Körek yeñön moneñ ketanñi ahöm enjiiga kitipñanöhök aljemö, ambi kianñön köruebörue maljawanjögö dop yuainñi pakpak al teköba öñe töhöñ malma.” Mewö.

Jöwöwöl jikenöñ köñdeñmöñdeñ asuhuma.

Mat 24.1-2; Mak 13.1-2

⁵ Jerusalem jöwöwöl jike mi köt eksihimñambuk aka kalemñi kalemñi Anutugöra algeri, mianñön meñölögetka aködamunñambuk ahöyök, gwarek tosatñan mi eka eraum mötketka Jisösnöñ keu kewö jii mötket, ⁶ “Miri ki enjekzei, mi mönö köñdeñgetka mirigö köt kun mi köt kungö qakñe qahö ahömapmö, qeqelanñan aka sahopñanök ahöma.”

Kahasiliñ aka sesewerowero asuhuma.

Mat 24.3-14; Mak 13.3-13

⁷ Mewö jiiga möta qesim wanjiget, “Böhi, keu jizani, mianjögö ölñi mönö wanat nalönöñ asuhum tiñgitma aka asuhumamgö akñawi, mianjögö aiwesökñan mönö denöwö asuhuma?”

⁸ Qesim wanjigetka kewö jiyök, “Kunñan isimkakalek aiga janjuñ anbepeköra mönö galömjini memba malme. Ambazip gwötpukñan asuhuba nöñgö qetne kewö jime,

* 20:42: Sum 110.1

‘Nöñön Kraist akzal,’ aka, ‘Nalönön mönö töriza.’ Mewö jimemö, enjön mönö yengö andöñine kude anme. ⁹ Yarö aka karimñi karimñi asuhugetka ötöñini mötmemö, jönömñini kude unduma. Yuai mi mutuhök asuhumapkö jijina. Mi asuhumapmö, gölmegö nalöñan mönö miangöreñök zilañ qahö teköma.”

¹⁰ Mewö jiba toroqeba kewö jii mötket, “Kantri kunöñ kantri kun engubingöra wahötme. Ambazip kambu kunöñ kambu kun yembuk aröñ angubingöra wahötme. ¹¹ Gölmeñi gölmeñi miangöreñ kenöñ ketani ketani qözöla memba gölme meleni gemakña. Mewöyök bödiñi bödiñi (buöröñi buöröñi) asuhuba öngöba ahöma. Kawöl köhöikñi köhöikñi mienön asuhugetka sesegilgil kömumakñe. Suepnöñ aiwesök ketani jemurutñi murutñi engeka kenget kotkot akñe.” Mewö.

Ölöwak Buñagöra kerök asuhuma.

Mat 24.9-14; Mak 13.9-13

¹² “Yuai pakpak mi asuhumemö, mutuk qeljine tosatñan inini uruñini melengerangöra aka engömembra jöhöba sesewerowero ak engime. Tosatñan öröm engiba köuluk miriñine keu nupñini memba jim tekögetka kösö miriñi miriñi miangöreñ al engime. Tosatñan nöngö qetnangöra aka enguangitketka kantriñi kantriñi yengö kin kembu aka premiö yengö jemesoholñine kinme. ¹³ Mewö kinda nöngö könañamni nangöba jigetka mötme. ¹⁴*Keu jakenje al engigetka kinmei, nalö miangöreñ keu denöwö jibinak, miangö waimanjatñi qeljine kude mötme. Keu mi mönö urukönömñine algetka ahöma.

¹⁵ “Mi kewögöra: Nöñön embuk kinda mötkutukutu engiba numbuñini mem amqemam. Uruawamñanök malgetka tuarenjoñurupñini yengöreñök kunñan mötkutukutu mi qetala keuñini qeapköba memba et al engibingö osima. ¹⁶ Nanñini iwinam, darumun, tinitosolom aka alaurupñini yeñön mewöyök angönañ mem engigetka engöreñök tosatñi engugetka kömume. ¹⁷ Kantri pakpak yeñön nöngö qetnangöra aka kazik ak engigetka malme.

¹⁸ “Mewö malmemö, nöñön köyan köñ engibi nööröñinangö jupñi kunñan qahö sohoma. ¹⁹ Inini kapan köla köhöiba böñ qeba kinda mianön mönö luhut ala oyaenköyaen malmal buña qem angume.” Mewö.

Jerusalem sitigö köñdenmönñen uru-önönñambuk

Mat 24.15-21; Mak 13.14-19

²⁰ “Könañgep yarö kambu yeñön kangota Jerusalem siti liliköba gwan almei, inini mi eka miangöreñ kewö mötmörime, ‘Siti bohonñi köñdenmönñenmegö nalöñan mönö kam kuñguza.’ ²¹ Nalö miangöreñ Judia prowinsnöñ malmei, enjön mönö misingöba öröba kundunje anme. Sitenöñ malmei, enjön mönö siti mosötme. Siti yaigepñe mire malmei, enjön mönö sitinöñ kude anme.

²²*“Mi kewögöra: Buña Kimbinöñ kezapqetok keu ohoget ahözawi, mi pakpak mönö öñambuk akña. Keu miangö dop Anutunöñ nalö miangöreñ siñgisöndokñinangö likepñi melenja qakñine ali öngöma. ²³ Anutunöñ Israel köñagesö siñgisöndokñinangöra irimñi seholiiga kazikñi kondel engiiga gölmenöñ kahasililiñ keta bölökñi asuhuma. Ambi gölömbuk aka morö juzunöñ yeñön mönö nalö miangöreñ denöwö ösumñinan anbeak? Miangöra Yei! jizal.

²⁴ “Köñdenmönñen miangöreñ ambazip tosatñi mi bimgö sou ketanñan engugetka kömume. Tosatñi kösö gwaröhöm engiba enguangitketka kantri pakpak yengö sutñine angotme. Angotketka kian kantri yeñön kangota Jerusalem tiamgöba malme. Mewö malgetka Anutunöñ nalöñini tohot qei tatzawi, mianön kam kuñguiga mosötme.” Mewö.

Suep gölmegö azi öññan mönö asuhum tinñitma.

Mat 24.29-31; Mak 13.24-27

* **21:14:** Luk 12.11-12 * **21:22:** Hos 9.7

25 *²⁵“Wehön aka köiñ jenire aka sen gelau mianğoreñ aiwesök murutñi murutñi asuhume. Köwetnöh siri qegetka ötöh ketañi ahumakzawağöra gölmegö kantri pakpak yeñön tötbörömñini kaiga wahöjalıñ möta malme. ²⁶ Mewö malgetka suepnöh uturuköiga mianğö öröyuaini mi tatatñini mosöta enololon aketka sohoma. Mianğöra gölmenji gölmenji mianğoreñ lömböt bölöñi kötökñi asuhumapköra mamböt-torok mala keñgötñini möta uruñini duhuiga jegilgil akñe.

27 *²⁷“Nalö mianğoreñ Suep gölmegö azi ölni yañön kousu qakñe kağori ekñe. Kukösumñi ketañan saköl-diñdiñambuk aukñe asuhuiga asakmararañi ekñe. ²⁸ Mewö kağotmapmō, yuai mi könahiba asuhumei, eñön mönō nalö mianğoreñ Suepnöh öngöbingö nalöñinan törimawağöra nöropñini uba wahöta uruñini qezaköba awösamkakak kinme.” Mewö.

Geröp ipkö dopkeu

Mat 24.32-35; Mak 13.28-31

²⁹ Jisösnöh dopkeu kun kewö jii mötket, “Inini geröp aka ip tosatñi mi eka tandökñini mötme. ³⁰ Ip mi sinñan yongoigetka mi eka mianğö könañi nanñinak möt asariba kewö jimakze, ‘Wehön nalöñan lök dopdowiza.’ ³¹ Eñön mewöñanök keu jizali, mianğö ölnan asuhuiga eka möt asariba könañi kewö jime, ‘Anutugö bemtohoñan mönō dopdowiza.’

³² “Nöhön keu ölni kun kewö jibi mötket: Ambazip merak gölmenöh maljei, yeñön qahö kömugetka yuai pakpak jizali, mi mönō yeñgö malmal nalöñine asuhuma. ³³ Suep gölmenöh göröh qemahotmō, nöñgö Buña keunan mönō qahö ayapköma.” Mewö.

Urugwölö mosöta köhömuñi malbinbuk.

Mat 24.42-44; Mak 13.33-37

³⁴⁻³⁵ “Nalö ketañi mianğön ambazip körek gölmenöh maljei, yeñgö qakñine mewö asuhuma. Mianğöra mianğön wölañök kaba simba ewö qeraköm enğibapuk. Mianğöra gölmenöh malmalgö waimanjatñan qakñine öngöiga közölömbuan ala o köhöikñi negetka enololon aiga uruñinan lömböribapuköra mönō galömñini mem aña guba malme.

³⁶ “Mianğöra mönō nalö dop urugwölö mala köuluköba malme. Mewö malgetka ösum enğiiga yuai pakpak mi asuhumawi, mianğö uruñeyök kök ala mönō Suep gölmegö azi ölnağö jemesoholñe awösamkakak kinme.” Mewö.

³⁷ *³⁷“Nalö mianğoreñ Jisösnöh wehön dop jöwöwöl jikenöh kinda Buña kusum enğiiga miri mare aiga mosöta kundunji qetñi Oil ip kundunji qerakzini, mianğoreñ öngöba ahömalök. ³⁸ Mewö maliga ambazip kambu pakpak yeñön wehön dop söñanök jöwöwöl jikenöh öngöba Buñañi jii mötpingöra yağoreñ kamalget. Mewö.

22

Jisös qein kömumapkö añağönañ alget.

Mat 26.1-5; Mak 14.1-2; Jon 11.45-53

¹ *¹“Mewö malgetmō, beret yistñi qahö mianğö sösongaini, qetñi kun Pasowa kendon jimakzin, mi törüyök.* ² Törüiga mianğoreñ jike nup galöm aka Köna keugö böhi yeñön ambazip kambu yeñgö keñgötñini mötkerağöra aka nanñinök tokoba “Denöwö ahangä qeget kömumbawak,” jiba köna jaruba mötmöriget.

Judasnöh Jisös mamalolo mem wañgimamgö urumohok ahök.

Mat 26.14-16; Mak 14.10-11

³ Nalö mianğoreñ Satanöh Judasgö uruñe geyök. Judas mi Jisösgö gwarekurupñi 12 yeñgöreñök kun. Kariot mireyök kayöhangöra qetñi kun Iskariot qetket. ⁴ Yañön jike nup galöm aka jikegö kiripo galöm bohonñi yeñgöreñ anda Jisös mamalolo memba böröñine almamgö keuñi jiyök. ⁵ Yeñön mi möta “Ayop!” jiba uruñinan ölöwahiga söngöröñi monen

* **21:25:** Ais 13.10; Eze 32.7; Joel 2.31; Ind 6.12-13 * **21:27:** Dan 7.13; Ind 1.7 * **21:37:** Luk 19.47 * **22:1:** Eks 12.1-27 * **22:1:** Pasowa mi nanine keunöh neñgehöriba neñgongirök. Eksodus 12.15

wanjibingö keu jöhöget. ⁶ Keu jöhögetka Judasnöŋ Jisös ölöŋ mamalolo memba böröŋine almangö köna möt jaruba köinbingöba malök. Mewö.

Jisösnöŋ gwarek yembuk Pasowa lama neget.

Mat 26.17-25; Mak 14.12-21; Jon 13.21-30

⁷ Beret yistŋi qahö miangö kendon silim kunöŋ Pasowa lama qeba ohozema. Nalö mianöŋ kam kuŋguyök. ⁸ Jisösnöŋ Pitö aka Jon kewö jiba melaim etkiyök, “Injiri anda Pasowa lama mözözömgöyohotka nembin.”

⁹ Mewö jiiga qesim wanjiyohot, “Mi denikeangöreŋ anda mözözömgöbit?”

¹⁰ Qesim wanjiyohotka kewö melenök, “Mörohot! Injiri sitinöŋ angorohotka azi kun o kimbut kunduta kaiga miwikŋaimahot. Miwikŋaiba i wuatangöba anda mire öngömawi, miangöreŋ öngömahot. ¹¹ Öngöba miri toni kewö jiyohot mötma, ‘Böhinöŋ göhöra jiza: Ala mirigi denike? Neŋön ölop miangö uruŋe kaba gwarekurupni yembuk Pasowa lama nembin?’ ¹² Mewö jiyohotka möta miri qakŋe eu öngöba uruŋi ketanŋi kun kondel etkima. Miangöreŋ dum tatat yuai mözözömgöget ahöza. Mi kondel etkiiga miangöreŋ lama qeba ohomahot.”

¹³ Mewö jii anda Jisösnöŋ keu jiyöhi, miangö dop miwikŋaiba kinda lama qeba ohom mözözömgöyohot. Mewö.

Kembubuk semön qöndökŋi neget.

Mat 26.26-30; Mak 14.22-26; Jon 13.21-30; 1 Kor 11.23-25

¹⁴ Nene nalöŋan kaiga Jisösnöŋ aposolurupŋi yembuk nene nemingö eta tatket.

¹⁵ Tatketka kewö jii mötket, “Nöŋön Pasowa lama ki embuk nemingö gwötpuk ak niŋgiba malök. Nene ki nembagun mönö sihimbölö mötmam. Miangö nalöŋan töriza.

¹⁶ Mi törizawangöra kewö jibi mötket: Nöŋön Pasowa lama kiangöreŋ kun toroqeba qahö nemam. Könaŋep nene semön kiangö ölnan aukŋe asuhumawi, mi Anutugöreŋ bemtohoŋ uruŋe euyangöreŋ nemam.”

¹⁷ Mewö jiba wain qambi memba kötuetsköba kewö jiyök, “Mönö ki memba nanŋinak anguba neme. ¹⁸ Nöŋön kewö jibi mötket: Ni wain kösögö ölni kiangöreŋ kunbuk toroqeba qahö nemam. Kunbuk nemami, mi Anutugöreŋ bemtohoŋ asuhum teköiga miangöreŋ nemam.”

¹⁹ Mewö jiba beret memba kötuetsköba mindipköba engiba kewö jiyök, “Ki nani busuni. Ki engöra aka tököm engizal. Nemba ni mötmörim niŋgiba malme.” ²⁰ *Mi engii negetka mewöŋanök wain qambi memba kewö jiyök, “Qambi ki mi jöhöjöhö areŋ dölokŋi akza. Nöŋön amöt qem engimangöra aka seŋni mokoba kömumam. Sep mianöŋ mönö Anutugöreŋ jöhöjöhö areŋi mem köhöima.

²¹ * “Mewö akzapmö, mötket, mamalolo mem niŋgimawanöŋ mönö mohotŋe ki nene memba tatzit. ²² Ölna, Anutunöŋ jim kutuyöhi, Sup gölmegö azi ölnan mönö miangö dop gölme mosöta anma. Anmapmö, mamalolo mem wanjimawi, yangöra mönö wöziköba ‘Yei!’ jizal. Anutunöŋ mönö likepŋi öngöŋgöŋi melen wanjima.”

²³ Mewö jiiga gwarekurupŋan könahiba sutŋine eraum qesim anguba jiget, “Nengöreŋök mönö daŋön mamalolo mem wanjibawak?” Mewö.

Gwarek yeŋön sutŋine goranora aket.

Mat 20.25-27; Mak 10.42-44

²⁴ * “Gwarek nengöreŋök galöm bohonŋi mi daŋön akza?” mewö jigetka miangöra mewöyök sutŋine goranora asuhuyök. ²⁵ *Mi asuhuiga Jisösnöŋ kewö jii mötket, “Gölmegö kantriŋi kantriŋi miengö kiŋinan mönö azi kembu tandök aka galöm köl engimakze. Yeŋgö pom jembonŋinan mönö keu jim kutuba könagesöŋini mindiŋgöm engigetka welenŋini

* 22:20: Jer 31.31-34 * 22:21: Sum 41.9 * 22:24: Mat 18.1; Mak 9.34; Luk 9.46 * 22:25: Mat 20.25-27; Mak 10.42-44

qeba 'Azi ölopñi!' jiba möpöseim engimakze. ²⁶ *Mewö ahakzemö, enön miangö dop kude akñe. Engö sutñine kunñan ketanjanñini akzawanñon mönö eretñangö dop aka malma. Galöm bohonñan mönö welenqege ewö aka malma.

²⁷ *"Kunöñ tata nene neiga kunñan nene köl wanñiba anda kamakzawi, yetkörenjök öngöñgöñi mi danñon? Ölna, 'Tata nene nezawanñon mönö öngöñgöñi akza.' Mewö jiget mörakzinmö, nöñon engö sutñine welenqege ewö aka maljal.

²⁸ "Mewö malbi esapköm niñgigetka wahöjalinñ wahösömbu uruñe angotpiga inñini töndup kapan köla nömbuk qekötahöba mala kotze. ²⁹ Iwinan jim kutum niñgiiga nöñon yangö bemtohoñi kukösum qakñe galöm kölakzal. Miangöra nöñon toroqeba jim kutum engibiga inñini mewöyök kukösum qakñe ambazip kiñ ewö galöm köl engimakñe. ³⁰ *Miangöra inñini ölop nöñgö bemtohoñne angota nene dumni liliköba tata o aka nene nemba malme aka azi kembu tatatnöñ tata Israel ambazip kambu 12 yeñgö keuñini kewöta jim teköm engime." Mewö.

Pitönöñ Jisös qañ kölmakö jii mörök.

Mat 26.31-35; Mak 14.27-31; Jon 13.36-38

³¹ Jisösnöñ jiyök, "O Saimon Saimon! Mötnöñ! Kölkömöt azinöñ wit padi kötni joutnöñ ala uturuköiga kamböñi denña erakzawi, Satanöñ mönö miangö dop enön löwöriba yangö böröñe gemegöra uturuköba esapesap al engimamgö kapan köla jöjöröza. ³² Jöjörözapmö, göhö mötnaripkan sörauba pömsöm qebapuköra nöñon göhöra köuluköba malal. Miangöra nalö kungen urugi melenña nöñgören kamani, miangören mönö mötnarip alaurupki nanñöba mem köhöim engiman."

³³ Mewö jiiga Saimonöñ melenñök, "Kembu, nöñon göbuk kösö mire anbitkö aka mohotñe kömumbitkö jöjöröba maljal."

³⁴ Mewö jiyökmö, Jisösnöñ jii mörök, "Pitö, nöñon kewö jibi mötnöñ: Kuruknöñ merak qahö qeriga göñon mutuk ni möt niñgimamgö qañ kölnöñga indimñi karöbut akña.

Gösö aka bimgö sou ketanji miyök memba anme.

³⁵ *Jisösnöñ gwarekurupñi kewö qesim engiyök, "Nöñon inñini mutuk gösö qahö, moneñ gösö qahö, köna esu qahö mewö melaim engibi angeri, miangören yuai kungöra osiget me qahö?" Qesim enñiiga "Yuai kungöra qahö osiin," jiget.

³⁶ Jigetka kewö toroqeba jiyök, "Mutuk mewö aketmö, nalö kewöñe kungören gösö aka moneñ gösö tunji ahözawi, mi ölop memba tengöba malma. Bimgö sou ketanji mi kungören qahö ahöza, yanñon mönö malukuñi bohonñi memegöra ala moneñ miwikñaiba sou mi bohonñi mema. ³⁷ *Nöñon miangöra kewö jibi mötket: Anutugö keu nöñgöra jigeri, mi körek pakpak köhöim teköma. Miangö nalöñan mönö kam kunñumamgö akza. Buña keu kun kewö ohoget ahöza, 'Yanñon bölöñi meme yeñgö kambuñine ahöma, jiget.' Miangöra jizal: Keu miangö ölni mi nöñgören asuhum teköma."

³⁸ Mewö jiiga gwarekurupñan jiget, "Kembu eknöñ, bimgö sou ketanji yahöt ki ahözahot." Mewö jigetka "Mi dop kölja," jiba melenñ engiyök. Mewö.

Jisösnöñ Gezemané arönöñ köuluköyök.

Mat 26.36-46; Mak 14.32-42

³⁹ Jisösnöñ miri mosöta silikñi wuatangöba Oil ip kundunje öngöiga gwarekurupñan andöñe anget. ⁴⁰ Öngöba miangören angota kewö jii mötket, "Esapesapnöñ et engubapuköra mönö köuluk nup meme."

⁴¹ Mewö jiba engömosöta köt gilin anakzawi, miangö dop anda simin köla köuluköyök ⁴² Köuluköba kewö jiyök, "Iwini, göñon urusihimgi mötzan ewö, sihimbölögö qambiñi kianñon mönö nöñgö qakne öngöbapuköra noañgitman. Noañgitman me qahö, mi mönö

* **22:26:** Mat 23.11; Mak 9.35 * **22:27:** Jon 13.12-15 * **22:30:** Mat 19.28 * **22:35:** Mat 10.9-10; Mak 6.8-9; Luk 9.3; 10.4 * **22:37:** Ais 53.12

nangi jit keugahö dop asuhuma. Mi nöngö sihimgö dop qahö.”⁴³ Mewö köuluköiga garata kunjan Suepnöhök asuhuba mem köhöim wanjiyök. ⁴⁴ Mem köhöim wanjiiga könjilin öngöngöni möta mönö kapan köla uruji qezaköba köuluköyök. Köuluköiga nöngöpni mi sep jöjöl ewö tingita gölmenöy etket.

⁴⁵ Köuluköm teköba wahöta gwarekurupni yengören anök. Anda miwiknaiba engehi wösöbiriknön mem et engii söroräuba gaun ahöget. ⁴⁶ Ahögetka jiyök, “Mönö wuanöngöra gaunök ahöze? Mönö wahöta esapesapnön et engubapuköra köuluköget.” Mewö.

Jisös qeraköba memba jöhöget.

Mat 26.47-56; Mak 14.43-50; Jon 18.3-11

⁴⁷ Jisösnön mewö jiba kiniga miangören azi kambu kangotket. Gwarekurupni 12 yengörenök kun qetni Judas yanön jitnemem engiba Jisösgören kangota numbuji yöhötüm neyök. ⁴⁸ Yöhötüm neyökmö, Jisösnön kewö jii mörök, “Judas, gi numbuni yöhötüm memba mewö mianön Suep gölmegö azi ölni mamalolo mem wanjizan me?”

⁴⁹ Mewö aiga tosatjan Jisös liliköm wanjiba kingeri yenön yuai asuhumangö ahi mi eka jiget, “Kembu, nini bimgö sou ketanjan enguin me?” ⁵⁰ Mewö jiba yengörenök kunjan jike nup galöm bohonnaqgö welenqeqeni qeba kezapni ölni köteköi erök.

⁵¹ Erökmö, Jisösnön melenäda “Mönö mosötket!” jiba welenqeqegö kezapni yandiyöhi, mi misiriiga ölöwahök.

⁵² Ölöwahiga kinda jike nup galömurup, jikegö kiripo galöm bohonna aka kantrigö jitnememe yenön Jisös membingö kangotkeri, mi kewö jii mötket, “Ni kegwek-kahasililin azia qahöpmö, töndup nöngöra mewö möta bimgö sou ketanji aka lingip memba kangotze.

⁵³ *Nönön wehön dop jöwöwöl jikenön embuk malbiga injini börönini böranda ni qahö nömiget. Mi qahöpmö, döлки sönjaupkö ösumnan luhut ala aukne asuhuiga engö nalöninan kam kunguza.” Mewö.

Pitönön Jisös qaŋ kölö.

Mat 26.57-58, 69-75; Mak 14.53-54, 66-72; Jon 18.12-18, 25-27

⁵⁴ Mewö aiga yarö azi yenön Jisös memba jöhöba wanjita jike nup galöm bohonnaqgö mire anget. Angetka Pitönön andönine sikepsikep enguatängöba anök. ⁵⁵ Miangören anda jakömbuak mirigö kiripo uruje geba sombem bibiŋe könöp ohoba mohotne tatket. Pitönön mewönanök yengö sutŋine tarök. ⁵⁶ Tari welenqeqe ambi kunjan Pitönön könöp kösutne tari ehiba kewö jiyök, “Azi kianön mönö mewöyök yambuk malök.”

⁵⁷ Mewö jiyökmö, Pitönön qaŋ köla kewö jiyök, “Ambi, ni i qahö möt wanjizal.”

⁵⁸ Mewö jiba tari kude köriiga azi kunjan eka jiyök, “Gi mewöyök yengörenök kun akzan.” Mewö jiyökmö, Pitönön melenök, “Alani, ni qahö.”

⁵⁹ Aua mohotkö dop teköiga kunjan keu mi kunbuk kapan köla jiyök, “Azi kianön mewöyök ölna yambuk malök. Yanön mönö Galili azia akza.”

⁶⁰ Mewö jiyökmö, Pitönön melenök, “Azi, keu jizani, mi köndatzal.” Mewö jiba kiniga miangörenök kuruk qerök.

⁶¹ Qeriga Kembunön lilingöba Pitö uba ehiga miangörenök keuni kewö jiyöhi, mi mötmöriyök, ‘Gi merak indimni karöbut qaŋ köl niŋginönga kuruknön qetma.’ ⁶² Keu mi mötmöriba wösöni julmamgö aiga yaigep geba sahöt böliyök. Mewö.

Jisös jim gönahit ak wanjiget.

Mat 26.67-68; Mak 14.63-65

⁶³ Yarö azi Jisös memba jöhögeri, yenön mepaqepaik ak wanjiba kinda qeapköget.

⁶⁴ Qeapköba jemesoholni esuhuba qesiba jiget, “Gi kezapqetok azia akzannaqgöra danön guhuzawi, mönö yanö qetni qetnön!” ⁶⁵ Mewö jiba gwötpuk terenqerenäda ilita jim qetal wanjiget. Mewö.

* 22:53: Luk 19.47; 21.37

Jikegö jitnememe yeñön Jisösgö keu nup meget.

Mat 26.59-66; Mak 14.55-64; Jon 18.19-24

⁶⁶ Jim qetal wañgiba malgetka miri gianjiiga kantrigö jitnememe aka jike nup galöm aka Köna keugö böhi yeñön tokoba Jisös wañgita Juda yeñgö jike kaunsöl kambu yeñgö jeñine alget.

⁶⁷ Miangören algetka jiget, “Göñön Amötqeqe Tonji Kraist akzan ewö, mi mönö aukne pan jinönga mötpin.” Mewö jigetka melenök, “Mi jibi mötpeaha kun, mi mönö qahö möt narime. ⁶⁸ Me qesim engibileñaha kun, mi mönö qahö melen ningime. ⁶⁹ Mewö mötzalmö, nalö kewöneyök könahiba Suep gölmegö azi ölni yañön mönö Anutu, kukösum Tonjangö böröñi ölnje tata malma.”

⁷⁰ Mewö jiiga miangörenök körekñanök kewö jiba qesiget, “Ölna, gi Anutugö nahönña akzan me qahö?” Mewö qesigetka kewö melen engiyök, “Mi akzalanjö keunji mönö nanjinak jize.” ⁷¹ Melen engiiga jiget, “Nanñak unemunem (gunemgunem) keunji mönö nanji numbuñan jiiga möt teközin. Miangöra tosatñan keunji nanjömegöra mönö wuanöngöra kunbuk qesim engibinak?” Mewö.

23

Jisösnöñ premiö Pailötkö jeñe kinök.

Mat 27.1-2, 11-14; Mak 15.1-5; Jon 18.28-38

¹ Mewö jiiga kambu körek yeñön wahöta Jisös wañgita premiö Pailötkören anget.

² Yangören anda könahiba silene keu ala undenda kewö jiget, “Azi kiangö könaji kewö eka mörin: Yañön ambazip kuñgum engiiga enololon aka karim asuhumakze. Nini Sisa kingö takis kude almegöra songo alakza. Nanjangöra ‘Ni Amötqeqe Tonji Kraist aka kin akzal,’ jimakza.”

³ Mewö jigetka Pailötnöñ kewö qesim wañgiyök, “Ölna, gi Juda yeñgö kiña akzan me qahö?” Qesim wañgiiga Jisösnöñ melennda jiyök, “Mönö nangak jizani, mewö.”

⁴ Pailötnöñ jike nup galöm aka ambazip kambu yeñgöra kewö jii mötket, “Nöñön azi kiangö pinjitni kun qahö miwikñaisal.”

⁵ Mewö jii möta kunbuk kapan köla kuñguba jiget, “Yañön mönö ambazip kambu kuñgum engiba Buñaji Galili prowinsnöñ könahiba kusum engiba gölme dop köla kaba Judia prowins kiangören mewöyök mi jim sehimakza.”

⁶ Mewö jiget möta qesim engiba jiyök, “I Galili azia me akza qahö?” ⁷ Mewö jiiga “Mönö mi!” jiget möta Herodnöñ Galili aka prowins tosatni mindiriba galöm köl engiba nalö miangörenök Jerusalem sitinöñ kaba malöhi, miangöra Pailötnöñ Jisös Herodkören wañgita anget. Mewö.

Jisösnöñ kin Herodkö jeñe kinök.

⁸ Herodnöñ Jisösgö kösohotni möta lök nalö köröpñi ekñamgö sihimni möta malöhangöra i eka uruñan gwötpuk ölöwahök. Jisösnöñ angöletot kun meiga ekñamgö al mamböta malök. ⁹ Miangöra qeçesi gwötpuk Jisös qesim wañgiyök. Mi qesim wañgiyökmö, Jisösnöñ likepni kun qahö jii mörök.

¹⁰ Jike nup galöm aka Köna keugö böhi yeñön kinda silenöñ alal keu könöpñambuk jim wañgiget. ¹¹ Herodnöñ yarö aziurupni yembuk Jisös memba et ala jijiwilit aka mepaqepaik mem wañgiget. Mewö aka maluku aködamunñambuk kun löngöt wañgiget kini melaiiga kunbuk premiö Pailötkö jeñe anök. ¹² Mutuk Pailöt aka Herod yetkön kerök-kerök ak anguba malohora nalö miangören ala-ala ahot. Mewö.

Pailötnöñ Jisös kömumapkö jim teköyök.

Mat 27.15-26; Mak 15.6-15; Jon 18.39-19.16

¹³ Jisösnöñ kaiga premiö Pailötnöñ jike nup galöm aka galömkölköl aziurupni aka ambazip kambu öröm engii tokoget. ¹⁴ Tokogetka kewö jii mötket, “Inini azi ki kewö

jiba nõngörej wangita kaze, ‘Yañon ambazip kambu kuñgum enjiiga enjololon ahakze.’ Mötket! Inini keu silene aljei, nõñon miangö kõnañi engö jeñine kewöta kewö miwikñaizal: Inini azi kiangö silene keu aljei pakpak, miangön pinjitñi qahö akza. ¹⁵ Herodnõñ keu mewõñanök jiba melaiiga kunbuk neñgörej kaza. Mötket, yañon yuai pinjitñambuk kun qahö ahök. Miangöra kõmupkö buñaya akñapkö osima. ¹⁶ Miangöra nõñon jibi yarö azi yeñon ihileknöhök qegetka pösatpi etma.” ¹⁷ (Pailötnõñ yambu (yara) dop Pasowa sösõngai nalõne kõsö mireyök azi mohok pösat engimaljapma.)

¹⁸ Mewö jiiga yeñon kõrebörek silata qeta jiget, “Ia mõnö yapmakek! Barabas mõnö pösat neñginõñ.” ¹⁹ Barabas miangön sitinõñ karim gila malgeri, yeñgö galõmñina aka azi kun qei kõmuyõhi, miangöra kõsö mire alget tarök.

²⁰ Pailötnõñ Jisös pösatmamgö möta keu kunbuk jiyök. ²¹ Jiyökmö, yeñon qetala örañbörañ misiba qet gigilahöget, “Maripomnõñ qeget! Maripomnõñ qeget!”

²² Qet gigilahögetka yañon keu indimñi karöbut kewö jiyök, “Yañon mõnö wani bölõña ahök? Nõñon yañgörej pinjit kun kude miwikñaibiga kõmupkö buñaya akñawangö dop qahö akza. Mewö aiga nõñon jibi yarö azi yeñon ihileknöhök qegetka pösatpi etma.”

²³ Mewö jiyökmö, yeñon jakbak memba kapan kõla toroqeba qet gigilahöba qetket, ‘Jisös maripomnõñ qeget kõmuma.’ Mewö qeta Pailötköreñ keu mi qeapköget. ²⁴ Qeapkögetka Pailötnõñ keuñini bapñe anda keu kapan kõla jigeri, miangö öññi ahumapkö jim teköyök. ²⁵ Jim teköba Barabas etmapkö kapan kõlgerañgöra i pösari erök. I karim qeba malgeri, yeñgö galõmñina aka azi kun qei kõmuyõhi, miangöra kõsö mire alget tarök. Mi pösari erökmö, Jisös sihimñinañgö dop jaunğaurañga ak wangimegöra börõñine alök. Mewö.

Jisös maripomnõñ qeget.

Mat 27.32-44; Mak 15.21-32; Jon 19.17-27

²⁶ Pailötnõñ Jisös börõñine aliga wangita kõna namñe anda Afrika siti qetñi Sairini miangö azi kun qetñi Saimon miwikñaiget. Yañon nupnöhök kañgoriga jim kutum wangiba Jisösgö maripomñi wangita yañgö awötñe algetka añguba wuatangöba anök.

²⁷ Mewö aniga ambazip kambu ketañi yeñon lulunđa andõñe wuatangöba anget. Yeñgö sutñine ambi tosatñan mewöyök jinğen kõla sahöta anget.

²⁸ Sahöta angetka Jisösnõñ lilingöba engeka kewö jiyök, “O Jerusalem ambi, inini mõnö nõngöra kude sahötket. Nõngöra qahöpmö, nanñini aka nahönböraturupñini miangöra mõnö sahötme. ²⁹ Mötket! Kõnañep nalö kun kai miangörej kewö jime, ‘Ambi köpin mi simbawon. Gölöm qahö ala morö kude megeri, mi simbawon akze. Nahönbörat juzu enğiba qahö dohongögeri, mi simbawon.’ ³⁰ *Nalö miangörej ambazipnõñ kõnahiba kundunji Toñi yeñgöra kewö uletme, ‘Inini mõnö kundunji mi jigetka teköba qaknine öngöme.’ Aka sem siagö Toñi mi kewö ulet enğime, ‘Inini mõnö bañetñine asamböt neñgime.’

³¹ “Nõñon Anutugöreñ ip gwölögwölö akzal aka nõngöra töndup kewö ak niñgize. Inini ip köhömunji siñgisöndokñinambuk kõnöp sihit qeba kinje. Miangöra Anutunõñ likepñi melen enjiiga kõnõpnõñ amqeqeñanök enğohotiriiga sihimbölö öngöñgöñi mötme.”

³² Bölõñi meme yahöt mi mewöyök Jisösbuk mohotñe etkubingöra etkuangita anget.

³³ Anda gölme qetñi Nöröpsihit qetzei, miangörej añgota Jisös maripomnõñ qeget. Qeba bölõñi meme yahöt mi mohotñe kun öññe kun qaniñe likeplikep mewö etkuget. ³⁴ *Mewö aketmö, Jisösnõñ jiyök, “Iwini, yeñon yuai akzei, miangö kõnañi qahö möt kutuzeañgöra siñgisöndokñini mõnö mosöt enğiman.”

Qeget kiniga Jisösgö sile esunğangöra kiawen megetka qötõñi ahui miangö dop mendenđa meget.

* 23:30: Hos 10.8; Ind 6.16 * 23:34: Sum 22.18

³⁵ *Mewö aketka ambazip kambu yeñon kinda mi uba eket. Eketmö, Juda jitnememe yeñon mewöyök mepaqepaik mem wañgiba kewö jiget, “Anutunöñ möwölöhöm wañgii Amötqeçe Toñi Kraist akza ewö, tosatñi bauköm eñgiba malohañon mönö nannj bauköm añguma.”

³⁶ *Yarö azi yeñon mewöyök keu gönahit jiba ilita kösutñe anda wain o asölñambuk kusahöla memba öñgöba wañgiba ³⁷ kewö jiget, “Gi Juda yeñgöreñ kiñ kembuya akzan ewö, mönö ölop nangi bauköm añguman.”

³⁸ Nöröpñe eu kulem kun kewö ohoget kinök, “Juda yeñgö kiñ kembuñina ki.”

³⁹ Kegwek-kahasililiñ azi yahöt mohotñe möndögetka kingeri, yetköreñök kunñan uruqeçe keu töhöreñ Jisös jim wañgiba kewö jiyök, “Gi Amötqeçe Toñi Kraist akzan ewö, mönö nangi bauköba niri mewöyök bauköm netkinöñ.”

⁴⁰ Mewö jiyökmö, alañan jim wañgiba kewö jiyök, “Gi gödaqeçe qahö. Gi Anutugöra mewöyök keñgötki qahö mötzan me? Yeñon jim teköba sihimbölo öröröñ neñgigetka bisizin. ⁴¹ Niri ölna pinjit ahirañgöra likepñi dopñe melenña ak netkigetka sihimbölo mötzit. Mi mötzitmö, azi kianañon bölonji kun qahö aiga ia töndup ayuhuze.” ⁴² Mewö jiba jiyök, “Jisös, gi bemtohoñgahö uruñe añgotmani, miangöreñ mönö ni mötmörim niñgiman.”

⁴³ Jiiga kewö jiyök, “Nöñon keu ölna jibi mötnöñ: Göñon mönö merak nömbuk oy-aenkyoaen mire öñgöba malman.” Mewö.

Jisösnöñ kömuyök.

Mat 27.45-56; Mak 15.33-41; Jon 19.28-30

⁴⁴ Silim bibiñi 12 kilok aiga wehön jeñi böuleiiga söñaupnöñ eta gölme pakpak dop köla ahöiga anda aua karöbutkö dop ahök. ⁴⁵ *Nalö miangöreñ jöwöwöl jike uruñe opo kinöhi, miangön mönö euyök bibiñe jurata eta yahöt ahök. ⁴⁶ *Jisösnöñ nalö miangöreñ köhöikñanök qeta kewö jiyök, “Iwini, nöñon uñani göhö böröge aljal.” Mewö jiba söñgöro ösum kondikñi öröba kömuyök.

⁴⁷ Kömuiga yuai asuhuyöhi, suahö galömnöñ mi eka Anutu möpöseiba kewö jiyök, “Yañon mönö ölna azi solañña akza.”

⁴⁸ Ambazip kambu pakpak mi ekingö kaba tokogeri, yeñon yuai mi asuhui eka wösöñini juliga nörop gila mohot mohot miriñine anget. ⁴⁹ *Angetmö, ambazip pakpak Jisös möt wañgigeri, yeñon sikep kinda i uba eket. Ambi tosatñan Jisös wuatangöba Galiliyök kageri, yeñon mewöyök kinda mi eket. Mewö.

Jisösgö qamötñi löm kölget.

Mat 27.57-61; Mak 15.42-47; Jon 19.38-42

⁵⁰⁻⁵¹ Juda yeñgöreñ taon qetñi Arimatia miangöreñök azi ölopñi qetbuñañambuk qetñi Josef yañon mewöyök kayök. Yañon Anutu bemtohoñangö ölni asuhumapköra mamböta malök. Yañon Juda yeñgö jike kaunsöl kambugö jitnememe mala Jisösgö keu jim jöhöba akeri, miangö urumohok qahö ahök.

⁵² Yañon Pailötköreñ anda Jisösgö qamötñi memamgö qesiyök. ⁵³ Qesiba öñgöba qamötñi maripomnöhök qeköba memba eta opo tuatñan esuhuyök. Esuhuba memba qaksirinöñ anda köt köteñ kun urorohoba qamöt kun miangöreñ qahö algeri, Jisösgö qamötñi mi miangöreñ alök. ⁵⁴ Sabat kendon tatatkö yuaiñi mözözömgögeri, miangö wehön jeñi gemamgö ahök.

⁵⁵ Gemamgö aiga ambi Jisösbuk Galiliyök kageri, yeñon Josefgö könañe qaksirinöñ anda yañon Jisösgö qamötñi memba köt köteñnöñ alöhi, mi eket. ⁵⁶ *Miangöreñök liliñgöba mire anda jiniñ suamburup umköhöwakñambuk aka kelök qösösökñambuk

* 23:35: Sum 22.7 * 23:36: Sum 69.21 * 23:45: Eks 26.31-33 * 23:46: Sum 31.5 * 23:49: Luk 8.2-3

* 23:56: Eks 20.10; Dut 5.14

Jisösgö qamötne miribingö mözözömgöget. Mözözömgögetmö, Mosesnön Köna keunön Sabat kendongöra jim kutui ahöyöhi, mi wuatangöba luhut memba ösön tatket. Mewö.

24

Jisösnön kömupnöhök wahörök.

Mat 28.1-10; Mak 16.1-8; Jon 20.1-10

¹ Sabat kendon tatket teköiga Sonda sönanök miri gianjiiga ambi yeñön wahöta jiniñ jimorön umköhökambuk mözözömgögeri, mi memba qaksirinön anget. ² Anda kunjan qaksirigö numbuñe köt ketanji qetali ani eket. ³ Mi eka köt köteñ uruñe öngögetmö, Kembu Jisösgö qamötñi qahö miwikñaiget. ⁴ Miangöra mötkurumkurum möta kingetka azi yahöt malukuñiri tuatñi kölköl-bilikbilikñambuk yetkөн wösöñine kinohotka etkeket.

⁵ Mi etkeka awöwöliba gölmenön geba dapkögetka kewö jiyohot mötket, “Jebuk mal köhöizawi, i mönö denöwögöra kömukömuñi yeñgö sutñine jaruze? ⁶ *Yañön ki qahö ahözapmö, mönö guliba wahötza. Galili prowinsnön mala keu jii mötkeri, mi mönö mötmörime: ⁷ Yañön kewö jiyök, ‘Kunön Suep gölmegö azi ölni mamalolo mem wanjiiga bölöñi meme yeñgö böröñine geiga maripomnön qeget kömumba wehön karöbut aiga guliba wahötma.’”

⁸ Mewö jiyohotka keuñi mi mötmötñine angoriga mötmöriget. ⁹ Mewö mötmöriba qaksirinöhök lilingöba kaba yuai pakpak asuhuyöhi, miangö buzup keuñi mi gwarek 11 aka tosatñi pakpak yeñgöra jiget mötket. ¹⁰ Keu mi jigeri, mi Magdalagöra Maria, Joana aka Maria Jeimsgö namñi aka ambi tosatñi yembuk malgeri, yeñön mi kaba aposol yeñgöra jiget mötket.

¹¹ Buzup keu mi jiget mötketmö, keu jigeri, mi keu omanji tandök ahöhi, mewö mötmöriba mi qahö möt nariget. ¹² Qahö möt narigetmö, Pitönön wahöta ösumjan qaksirinön anda köt köteñ uruñe ui aniga opo esu miyök miangöreñ tari ehök. Mi eka yuai asuhuyöhi, mi nanñök mötmöriba welipköba mire lilingöyök. Mewö.

Gwarek yahötñan Emeus könanön anohot.

Mak 16.12-13

¹³ Wehön miangöreñök Jisösgö gwarekurupñi yeñgöreñök yahötñan Jerusalem siti mosöta miri qetñi Emeus sewen mail miangöreñ anbitkö anohot. ¹⁴ Könanön anda yuai asuhuyöhi, mi pakpak nanñirök eraum mörohot. ¹⁵ Mi eraum möta könanji jim lömböriba anohotka Jisösnön nanñak kösutñire angota mohotñe anget. ¹⁶ Angetmö, jeñiri közamböri i qahö ek kutuyohot. ¹⁷ Qahö ek kutuyohotka kewö jiyök, “Inji nanñirök wani keuya könanön eraum möta kazahot?” Mewö jiiga dörok mitiba wösöbirik jeje uba eka kinohot.

¹⁸ Eka kinda yetköreñök kun qetñi Kliopas yañön kewö qesim wanjiyök, “Pasowa kendonön yuai asuhuyöhi, mi Jerusalem ambazip körekñan mötze. Gi mohotñan kiana aka mi qahö mötzan me?”

¹⁹ Qesim wanjiiga “Mi wania?” jiiga möta kewö jiyohot mörök, “Nazaret azi Jisösgöra yuai asuhuyök mi. Yañön kezapqetok azia mala Anutu aka ambazip pakpak yeñgö jeñine ahakmeme kukösumñambuk aka keu köhöikñi jiba malök. ²⁰ Mewö maliga yeñgö jike nup galömnini aka galömkölköl aziurupninan i wanjiita premiögö böröñe algetka kömumapkö jim teköi maripomnön qeget kömuyök. ²¹ Yañön Israel könagesönini kösönöhök pösata sohoppnini memapköra al mamböta jörömqöröm aka malinmö, Yei! i mönö qeget kömuyök. Yuai mi asuhuiiga mala koringa merak sömanji karöbut lök akza.

²² “Mi qahö dop köliga merak yeñgöreñök ambi tosatñan keunön kunguba welipköm neñgiget maljin. Yeñön sönan amandñe qaksirinön anda, ²³ qamötñi qahö miwikñaiba lilingöba kewö jize, “Nini Suep garata yahötkö jemelen imut ehinga yetkөн ‘Jisösnön guliba malja,’” jiyohotka mötzin. ²⁴ Keu mi möta azi nembuk maljei, yeñgöreñök

* **24:6:** Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

tosatjan qaksirinönj anda ambi yeñön keu jizei, mianğö dop ahöiga ekze. Löm gwamönñi ekzemö, nanñi qahö ekze.”

²⁵ Keu mi möta kewö jii mörohot, “Yei! İñini kezapqetok yeñön keu jigeri, mi pakpak mönö wuanöngöra ölanbölan aka ajojohoba gawönjeje mala qahö möt narize?

²⁶ Amötqeçe Tonji Kraistnönj sihimbölo mewöñi mötagun nanñi asakmararan uruñe öngöma. Mianğö dop ohoget ahöza me qahö?” ²⁷ Mewö jii mörohotka Moses aka kezapqetok ambazip pakpak yeñön keu jigeri, mianğöreñök könahiba nanñanğöra keunji pakpak ohoget ahözawi, mianğö könani jim asarim etkiyök.

²⁸ Jim asarim etkiba anda miri anbitkö jiba anohori, mi dopdowiba mianğöreñ toroqeba anmamgö mörök. ²⁹ Mewö mörökmö, yetkön kapan köl wangiba kewö jiyohot, “Miri mare aiga wehön jeñan lök gemamgö akza. Mianğöra ölop netpuk tata ahöman.” Mewö jiyohotka yetpuk mire öngöba tatket. ³⁰ Tata yetpuk nene nemingö aka beret memba kötuetköba mindipköba etkimamgö aiga yuai kewö asuhuyök:

³¹ Mianğöreñök jeñiran tohoiga ek kutuyohotka at atop (jیاتاتون) köliga kunbuk qahö ehot. ³² Mewö aiga nanñirök kewö eraum mörohot, “Köna namje Buña Kimbigö keu jiba könani jim asarim netkizawi, nalö mianğöreñök mönö urunire könöp jezawangö dop mötztit.”

³³ Mewö jiba mianğöreñök wahöta Jerusalem sitinönj lilingöba angota gwarekurupñi 11 aka alaurup yembuk tokoba tatkeri, mi miwikñaim enğiyohot. ³⁴ Miwikñaim enğiyohotka kewö jiget mörohot, “Kembunönj mönö ölna wahöta Saimongöreñ asuhum wangiza.”

³⁵ Mewö jigetka nanñirak könanönj yuai asuhuyök aka beret mindipköyöhi, nalö mianğöreñ uruniri tohoiga möt kutuyohot, mianğö kösohotñi mem enğiyohot. Mewö.

Jisösnönj gwarek kambunji asuhum enğiyök.

Mat 28.16-20; Mak 16.14-18; Jon 20.19-23; Apo 1.6-8

³⁶ Gwarekurupñi yeñön keu mi eraum möta tatketka mianğöreñök Jisösnönj nanñak sutñine asuhuba kindi kewö jiyök, “Alaurupni, luainönj embuk ahöma!”

³⁷ Mewö jiiga kenğötporin aka jönömñini undui “Öme imura ekzin,” mewö mötmöriget.

³⁸ Mewö mötmörigetmö, kewö jii mötket, “İñini denöwögöra auruba mötmöt mewöñi uruñine ahuza? ³⁹ Ni nanak ki maljal. Mi nanñinak köna böröni uba eka mötme. Öme imut mi bususihitñini qahö. Ni bususihitnambuk kinbi nekze. Mönö nömisisriba nek kömume.”

⁴⁰ Mewö jiba köna böröñi kondel enğiyök. ⁴¹ Kondel enğiyökmö, mi sösöngainjanğöra töndup qahö möt nariba welipköba tatketka kewö qesiba jiyök, “Neneñamñini kun ki tatza me qahö?” ⁴² Mewö jiiga söra jeñeni mianğö kitipñi kun wangiget. ⁴³ Wangigetka memba neiga eket.

⁴⁴ Neiga eketka kewö jii mötket, “Ni embuk mala nalö mianğöreñ keu jibi mötkeri, mianğö ölni nalö kianğöreñ asuhui ekze. Nönön kewö jiba malal: Nöngö keu mi Mosesgö Köna keu aka kezapqetok azi yeñgö Buzup Kimbi aka Sumbara (Buña linjet) buknönj ohoget ahözawi, mi pakpak mönö ölnambuk ak teköma.”

⁴⁵ Mewö jii mötketka mianğöreñök Buña Kimbigö könani möt kutumegöra uruñini metohoyök. ⁴⁶ Metohoba kewö jii mötket, “Keu kewö ohoget ahöza: Kraistnönj sihimbölo möta kömumba sömañi karöbut aiga kömupnöhök wahötma. ⁴⁷ Mianğöra enñön mönö Jerusalem sitinönj könahiba Buña keu nöngö qetne jim asariba kantri pakpak dop köla anda uru kuñgum enğimakñe. Denike yeñön uruñini melenñei, Anutunönj mönö yeñgö sinğisöndokñini mosöta sanğonma.

⁴⁸ “Keu mi ölnambuk ahök aka akñawi, inñini mi asuhui eka nanğöba jiba dangunu ewö kinme. ⁴⁹ *Mötket! İwinan kalem enğimapkö keu jöhöyöhi, nönön i melaibiga uruñine gema. Euyangöreñök kukösum albi qakñine öngöma. İñini siti kianğöreñ mianğöra mamböta tata malme.” Mewö.

* 24:49: Apo 1.4

*Jisösnöŋ Suep mire öngöyök.
Mat 16.19-20; Apo 1.9-11*

⁵⁰*Jisösnöŋ keuŋi jim teköba gwarekurupŋi enġuaŋgita anda Betani miri kösutŋe aŋgota miangören böroŋi mem wahöta kötuatköm enġiyök. ⁵¹Kötuatköm enġiiga miangörenök Anutunöŋ waŋgiriga enġömosöta Suepnöŋ öngöyök. ⁵²Öngöiga sösongai ketani möta sipköba waikŋi memba möpöseim waŋgiba Jerusalem lilingöget. ⁵³Lilingöba sundan dop jöwöwöl jikenöŋ mala Anutu möpöseim waŋgiba malget. Mewö.

* 24:50: Apo 1.9-11

Jon

Ölöwak Buña Jonöŋ ohoyök.

Jim-asa-asari

Jonöŋ nanŋi qetŋi Ölöwak Buña kiangöreŋ aukŋe qahö ohoyökmö, nanŋangöra kewö jiza, “Gwarek Jisösnöŋ uruŋan jöpaköm waŋgiyök.” (19.26) Jonöŋ urujöpak urukalemgö keuŋi kapan köla jimakza. Jonöŋ Ölöwak Buña ki mi ambazipnöŋ keu kewö möt kutumegöra (20.31) ohoyök, “Jisös Kraist mi gölme aziyöhök qahö malökmö, ölna Anutugö Nahönŋi aka Amötqeŋe Toŋi akza. Inŋini mönö i möt köhöiba mewö mianön malmal köhöikŋi miwikŋaime.” Jisösnöŋ mutuk Iwigöreŋ mala keu jitŋa malök. (1.1) Mewö mala gölme azia aka ösum-mumuŋi aka mötmötŋi mi aiwesök aŋgöletot memba mianön kondelök. Mi kondela bemtohongö könaŋi jim asariiga tosatŋan uruŋini melengetka tosatŋan töndup yaŋgiseŋ aket.

Jisösnöŋ kewö akza, jiyök: Amötqeŋe Toŋi (4.26), malmalgö nene wötŋi (6.35), miri gölme euyaŋgö buŋaya (8.23), bem koŋkoŋ (8.58), gölme pakpakö asakŋi (9.5), naŋgu (10.7), lama galöm ölöŋi (10.11), Anutugö Nahönŋi (10.36), Kembu aka Böhi (13.13), kömupnöhök wahötawahöt Toŋi aka malmal kömbönaŋi Toŋi (11.25), köna, keu ölni aka malmal köhöikŋi (14.6), wain ip ölni (15.1), kulem namŋi mutukŋi aka teteköŋi A aka Z (Ind 1.8), Mutukŋi aka Qöndökŋi (Ind 1.17) aka mewö mewö.

Jisösnöŋ gwarekurupŋi ölna jöpaköm eŋgiba malöhi, goro keu qöndökŋan (Boŋ 13-17) mi törörök kondelja. Keu mi nahömŋambuk. Kömupnöhök wahötagun Pitö mem köhöimapköra kewö qesiyök: “Ni jöpaköm niŋgizan me qahö? Mewö akzan ewö, mönö alaurupni köyan köl eŋgiman.”

Buk kiangö bahöŋi bohönŋi 6 mi kewö:

Keu mutukŋi 1.1-18

Jon O-melun azi aka gwarekurup mutukŋi 1.19-51

Jisösnöŋ qenjarök nup meyök 2.1-12.50

Teteköŋe Jerusalem kaba mala kömuyök 13.1-19.42

Guliba wahöta alaurupŋi asuhum eŋgiyök 20.1-31

Galili kaba gwarekurupŋi asuhum eŋgiyök 21.1-25

Anutugö numbu jitŋi malmalŋambuk.

¹ Könakönahiŋe möpŋaŋgö möpŋeyök keu jit malök. Yaŋön malmalgö könaŋi naŋgöba jiba kota malök. Keu jit yaŋön Anutugö qöhöröŋe mala korök aka nanŋak bem Anutuyöhök ahök. ² Keu jit yaŋön könakönahiŋe Anutugö qöhöröŋe malök. ³ Yaŋgö qöhöröŋe mala bauköm waŋgiiga yuai pakpak ahuyök. Yuai kun qahö bauköm waŋgibawak, mi mönö qahö ahubawak. ⁴ Keu jit yaŋön malmal bömöŋŋanök ahök. Yaŋgöreŋ malmal köhöikŋi mianön ambazip mem asarim eŋgiiga eka mala kotket. ⁵ Asakŋan panaman uruŋe asarimakzapmö, söŋaupnöŋ malgeri, yeŋön asakŋaŋgö könaŋi mi qahö möt asariba mala kotket. Mewö.

⁶⁻⁷ * Anutunöŋ ambazip körek pakpak asakŋi möt narimegöra möta kolek azi qetŋi Jon melaiiga asuhuyök. Asuhuba kaba asakŋaŋgö könaŋi indela naŋgöba jiba malök. ⁸ Jonöŋ nanŋak asakŋi mi qahö aka malökmö, yaŋön mönö asakŋaŋgö könaŋi mi naŋgöba jiba malök. ⁹ Asak ölbölŋi yaŋön ambazip gölme dop mem asarim neŋgimakzawi, yaŋön gölmenöŋ asuhumangö ahök.

¹⁰ Yaŋön könakönahiŋe gölmeŋi gölmeŋi miangö öröyuiŋi pakpak mi nam köl eŋgiiga ahuget. Ahugetka nanŋak sutŋine mala korökmö, gölme ambazipnöŋ töndup i qahö

* 1:6-7: Mat 3.1; Mak 1.4; Luk 3.1-2

möt kutum waŋgiba tönpin malget. ¹¹ Mewö tönpin malgetka nanŋi miri gölmeŋe kaiga könagesöurupŋan zikzik tököba nesampurek aka andö qem waŋgiget. ¹² Mewö aketmö, denike yeŋön köl öröm waŋgiba qetbuŋaŋi möta möt narigeri, yaŋön mönö körek yeŋgöra köna mesari kewö asuhuyök: Nanŋak nam köla kukösum enŋiiga ahuahu dölökŋi ahuba Anutugö nahönböraturupŋi aket. ¹³ Anutugö jitsihitŋan mönö nam köl enŋiiga asuhuget. Gölmee azinöŋ jit sihitŋi wuatangöba anömŋambuk keu jöhöiga gölöm ala morö meiga asuhuzawi, yeŋön köna mewö mianŋön Anutugö nahönböraturupŋi qahö aket. Mewö.

¹⁴ Keu jit yaŋön azi silebuk aka sutnine anda kaba malök. Mewö maliga aködamunŋi uba eka malin. Iwiŋan Nahönŋi mohok-kungöra aködamunŋi pakpak ala aum köl waŋgiiga qainŋi kun maljawi, yaŋön mönö mianŋö dop kalem möriamŋan uruŋi kokolak qeiga aködamunŋambuk aka nalö dop keu öl töhöŋŋi jiba malök.

¹⁵ Jonöŋ azi mianŋö könaŋi naŋgöba kewö qeta jiba malök, “Nöŋön kungöra keu jiba malali, yaŋön mönö mia akza. Kewö jiba malal: Nöŋgö andöne azi kun kamawi, nöŋön qahö asuhubiga yaŋön mutuk malök. Mianŋöra yaŋgö qetbuŋaŋan mönö ni nonŋita öŋgöŋgöŋi akza.” Jon O-melun azinöŋ mewö jiba malök.

¹⁶ Kalem möriamŋan azi mianŋö uruŋi kokolak qeiga aködamunŋambuk malöhi, yaŋön mönö mianŋö dop kötuetsköm neŋgiba malök. Kötumötuetŋi mi nalöŋi nalöŋi mokoiga körek neŋgö qaknine öŋgöi malin. ¹⁷ Mosesnöŋ Köna keunini nam köli asuhuyökmö, Jisös Kraistnöŋ keu ölni indel teköba Anutugö kalem möriamŋi nam köli aukŋe asuhuyök. ¹⁸ Gölmee azi kunŋan Anutu nalö kunöŋ qahö ehök. Nahönŋi mohok-kunŋan Iwigö wösöŋe mala kota malöhi, yaŋön mönö gölmenöŋ eta könaŋi indel neŋgii mörin. Mewö.

Jon O-melun azinöŋ nanŋi könaŋi jim asariyök.

Mat 3.1-12; Mak 1.1-8; Luk 3.1-18

¹⁹ Juda jitŋememe yeŋön jike nup galöm aka jöwöwöl jikegö welenqeŋe tosatŋi Jerusalem sitinöhök melaim enŋigetka Jongöreŋ kaget. Kaba qesim waŋgiba jiget, “Gi wani azia akzan? Könaŋamgi denöwö?” Mewö jigetka könaŋamŋi indela jii mötket.

²⁰ Könaŋamŋi qahö qan kölökmö, aukŋe kewö jim miwikŋaiyök, “Nöŋön Amötqeŋe Tonŋi Kraist qahö akzal.”

²¹ *Mewö jiiga kapan köla qesim waŋgiget, “Gi mönö azi niŋia akzan? Gi Elaija (Elia) akzan me qahö?” Qesim waŋgigetka “Qahö!” jiyök. “Gi kezapqetok azi kun akzan me qahö?” Mewö qesigetka “Mewö qahö!” melenök.

²² Melenŋiga qesiget, “Gi niŋia akzan? Melaim neŋigetka kazini, yeŋgöra mönö denöwö melenŋa jiin mötme? Gi nangi könaŋi denöwö jim asariman?”

²³ *Qesigetka kewö jii mötket, “Kezapqetok azi Aisaianöŋ keu kun kewö jii ahöza, ‘Ni garata aka gölmee qararaŋkölkölŋe mala kewö qerakzal: Kembunöŋ kamawo! Mianŋöra inŋini mönö uruŋini mindiŋgöba könaŋi mesata möhamgöget.’ Ni mianŋö kolek garataŋi akzal.”

²⁴ Azi melaim enŋigetka Jongöreŋ kageri, mi Farisi (Köna keugö kapankölköl) azia aket. ²⁵ Yeŋön kunbuk kewö jiba qesim waŋgiget, “Gi Amötqeŋe Tonŋi Kraist qahö akzan aka Elaija (Elia) me kezapqetok azi yeŋgöreŋök kun qahö akzani, mianŋöra mönö wuanöŋgöra ambazip o melun mem enŋimakzan?”

²⁶ Qesim waŋgigetka kewö melen enŋiyök, “Nöŋön o töhöŋöŋ enŋömirimakzalmö, azi kun inŋini qahö möt kutuzei, yaŋön lök sutŋine kinja. ²⁷ Azi kun nöŋgö andöne kamapköra jiba malali, yaŋön mönö mi. Yaŋön kaiga ketaŋamni aka malma. Mianŋöra nöŋön yaŋgö kösutŋe anda wayangösöŋi teŋgöba köna esuŋaŋgö kösöŋi pösatmamgö qötötangömam.”

²⁸ Jonöŋ Jordan o likepŋe miri qetŋi Betani mianŋöreŋ mala ambazip o melun mem enŋigiba malök. Yuai mi mönö mianŋöreŋ asuhuyök. Mewö.

* **1:21:** Dut 18.15, 18; Mal 4.5 * **1:23:** Ais 40.3

Jonöŋ Jisösgöra “Anutugö lama moröŋi,” jiyök.

²⁹ Mi asuhuiga miri gianjiiga Jonöŋ Jisös tikep kaiga eka jiyök, “Eket, azi mi Anutugören lama moröŋi. Yaŋön mönö gölmeŋi gölmeŋi neŋgö siŋgisöndoknini köl könjörari solanibin. ³⁰ Nöŋön kungöra keu jiba malali, yaŋön mönö mia akza. Kewö jiba malal: Nöŋgö andöne azi kun kamawi, nöŋön qahö asuhubiga yaŋön lök mutuhök malök. Miangöra yaŋgö qetbuŋaŋan mönö ni noŋgita öŋgöŋgöŋi akza. ³¹ Nöŋön i mutuk qahö möt kutuyalmö, Anutunöŋ könaŋamŋi Israel ambazip neŋgöra indeli mötpingöra mötza. Mi möta ni melaim niŋgiiga kaba o melun mem eŋgimakzal.”

³² Jonöŋ mewö jiba dangunu ewö kinda naŋgöba kewö jiyök, “Uŋa Töröŋan mönö Suepnöhök eta kembö nei ewö yaŋgö nöropŋe eta köla tari ehal. ³³ Nöŋön i mutuk qahö möt kutuba malalmö, kunöŋ ambazip o melun mem eŋgimangöra melaim niŋgiyöhi, yaŋön kewö jii möral, ‘Uŋa Töröŋan kungö nöropŋe eta köla tari ekŋani, yaŋön mönö Uŋa Töröŋi ambazip uruŋine ala melun mem eŋgima.’ ³⁴ Nöŋön mi ehalangöra aka könaŋamŋi kewö naŋgöba jizal, ‘Yaŋön Anutugö Nahönŋi akza’.” Mewö.

Jisösnöŋ gwarekurupŋi mutukŋi eŋgoholök.

³⁵ Mewö jiiga miri gianjiiga Jonöŋ kunbuk o jitŋe miangörenök aniga gwarekurupŋi yeŋgörenök yahötŋan yambuk mohotŋe kinget. ³⁶ Kingetka Jisösnöŋ miangören eŋgongita anöhi, i törörök uba ehiba jiyök, “Azi mi ehot. Yaŋön mönö Anutugören lama moröŋi ewö akza.”

³⁷ Mewö jiiga gwarek yahöt yetkön keu mi möta Jisösgö andöŋe anohot. ³⁸ Anohotka Jisösnöŋ lilingöba andöŋe kayohori, i etkeka kewö qesim etkiyök, “Injiri niŋia jaruba kazahot?” Mi möta jiyohot, “Ketaŋamniri! Gi miri denike ahöba maljan?” (Juda yeŋön ‘Ketaŋamniri’ keu mi böhigöra jiget.)

³⁹ Mewö jiyohotka melenök, “Mönö kaba ehot!” Mewö meleniga wehön möŋjaiiga 4 kilok miangö dop ahök. Wehön möŋjaiiga miangören mohotŋe anda miri denike ahöba malöhi, mi eket. Mi eka miangören yambuk malohotka miri söŋauba ŋungem aiga mosöta kayohot.

⁴⁰ Jonöŋ keu jiiga gwarek yahötŋan möta Jisösgö andöŋe anohori, yetkörenök kungö qetŋi Andru, datŋi qetŋi Saimon Pitö. ⁴¹ Andru yaŋön mutuk datŋi Saimon miwikŋaiba kewö jii mörök, “Niri Amötqeŋe Toŋi mönö miwikŋaizit.” Amötqeŋe Toŋi mi Grik keunöŋ Kraist. ⁴² Mewö jiba datŋi waŋgita Jisösgören anohot. Anohotka Jisösnöŋ Saimon törörök uba ehiba jiyök, “Gi Saimon, Jongö nahönŋi akzanmö, nöŋön qetki Sifas qetpi ahöma.”* Mewö.

Jisösnöŋ Filip aka Natanael etkoholök.

⁴³ Miri gianjiiga Jisösnöŋ Galili prowinsnöŋ anmamgö möta anda könanöŋ azi qetŋi Filip miwikŋaiba kewö jii mörök, “Gi mönö ni nuatanöba kaman!” ⁴⁴ Filipnöŋ Andru aka Pitö yetpuk miriŋini mohok. Taonŋini qetŋi Betsaida.

⁴⁵ Filipnöŋ azi qetŋi Natanael miwikŋaiba kewö jii mörök, “Mosesnöŋ azi kungöra Köna keunöŋ ohoba kezapqetok yeŋön toroqeba ohoget ahözawi, nini mönö azi mia miwikŋaizin. Azi mi qetŋi Jisös, iwiŋi qetŋi Josef, miriŋi qetŋi Nazaret.”

⁴⁶ Natanaelnöŋ mi möta welipköba jiyök, “O Nazaret! Mi miri qandakŋa. Yuai ölopŋi kun mönö miangörenök asuhumawaŋgö dop qahö.” Mewö jiiga Filipnöŋ jii mörök, “Mönö kaba nangak ek kutuman!”

⁴⁷ Mewö jii möta Jisösgören kaba asuhuiga eka yaŋgöra keu kewö jiyök, “Eket! Azi kianön mönö Israel azi ölni akza. Uruŋe munen geŋmoŋi kun qahö.”

* **1:42:** Sifas mi Grik keunöŋ Pitö, nanine keunöŋ köt jamönŋiŋ.

⁴⁸ Mewö jiiga Natanaelnöŋ qesim waŋgiba jiyök, “Gi mönö denöwö aka ni möt kutum niŋgizan?” Mewö jiiga Jisösnöŋ melenđa jiyök, “Gi fig ip† könaŋe tatnöŋga gek kutuyal. Mutuk gek kutubiga Filipnöŋ miangö bapŋe geka goholök.”

⁴⁹ Mewö jiiga Natanaelnöŋ melenđa jii mörök, “O Ketaŋamni, gi mönö ölna Anutugö Nahönŋi akzan. Gi Israel nenğöreŋ azi Kembuya maljan!”

⁵⁰ Mewö jiiga Jisösnöŋ melenđa jiyök, “Ni mutuk kewö jizal, ‘Gi fig könaŋe tatnöŋga gek kutuyal.’ Mewö jim miwikŋaizalaŋğöra ölop möt narim niŋgizan. Anutugöreŋ kukösum ki eka mötzani, mi mönö yuai kötoŋdökŋi akza. Ölni ketaŋi mi mönö bian eka möta malman.”

⁵¹ *Mewö jiba toroqeba jii mörök, “Nöŋön keu öl töhöŋŋi kun kewö jibi mötnöŋ: Könaŋep nöŋgö gwarekurupni aketka kutum enğuasöriğa imut kewö ekŋe: Suep naŋgunöŋ taliga Anutugö garataurupŋan asuħuba Suep gölmegö Azi Ölni yambuk nariba yaŋğöreŋ eta öŋgöba aketka enğekŋe.” Mewö.

2

Jisösnöŋ o mem letoriga wain ahök.

¹ Jisösnöŋ Filip aka Natanael etkoholiga silimŋi karöbut teköi malgetka kunöŋ ambi memegö maren lömbuan ali tokoget. Mi Galili prowinsgö miri qetŋi Kana miangöreŋ alget. Jisösgö namŋan miangöreŋ mohotŋe ani malget. ² Jisös aka yaŋgö gwarekurupŋi mi mewöyök öröm enğigetka lömbuanöŋ mohotŋe malget. ³ Miangöreŋ malgetka wain onöŋ qahöwahiga Jisös namŋan nahönŋaŋğöra jiyök, “Yeŋğöreŋ wain o qahöwakza.”

⁴ Mewö jiiga kewö jii mörök, “Namni, mi denöwö akŋamğöra jizan? Jim kutum niŋgizan me? Nöŋgö aŋğöletot meme nalönan mönö qahö kam kuŋguiga maljal.”

⁵ Mewö jii möta welenqeçe yeŋğöra kewö jiyök, “Yaŋön yuai kungöra jim kutum enğimawi, mi iŋini ölop akŋe.”

⁶ Juda yeŋön amöt qem aŋgubingöra Köna keuŋini wuatangöba böröŋini saŋgoŋmaljema. Miangö dop miri miangöreŋ köuraŋen ketaŋi 6 tarök. Köuraŋen mohot mohot mi o gina 8 me 12 mianön geba kokolak qenahaŋgö dopŋan tatket.

⁷ Jisösnöŋ mi eka kewö jii mötket, “Iŋini mönö o uba kaba mokogetka köuraŋen ki kokolak qeget.” Mewö jii möta jiyöhaŋgö dop aket. ⁸ Köuraŋen mi kokolak qegetka kewö jim kutum enğiyök, “Mönö o qakŋi tosatŋi uba anda lömbuan galöm waŋgime.” Jim kutum enğiiga memba anget.

⁹ Uba angetmö, galömnöŋ o letota wain ahöhi, mi memba möta denikeyök memba kageri, mi qahö möt asariba auruyök. Auruyökmö, welenqeqenöŋ o ugeri, yeŋön mi möta jigetka galömnöŋ maren toŋi oholi kayök. ¹⁰ Kaiga kewö jii mörök, “Maren nalöŋe körek pakpak yeŋön wain o ölopŋi mi mutuk memba kaba enğimakze aka mi memba enğololon aketkun wain o nahömŋi qahö mi könaŋep enğimakze. Göŋön wain o ölopŋi mi mutuk aŋğön köla qahö enğiba dölni nalö onğita memba kazan. Mi silik murutŋi kun akzan.”

¹¹ Jisösnöŋ aŋğöletot mutukŋi ki mi Galili prowinsgö miri qetŋi Kana miangöreŋ meyök. Mi memba mewö mianön kukösumŋi indeliga asuhuyök. Mi asuħuiga gwarekurupŋan möt narim waŋget.

¹² *Közölömbuanöŋ malget teköiga Jisös, yaŋgö nam-munŋi aka gwarekurupŋi yeŋön miriŋine Kaperneam anget. Miangöreŋ anda sömaŋ tosatŋi toroqeba malget. Mewö.

Jisösnöŋ jöwöwöl jike jim kömbuhyök.

Mat 21.12-13; Mak 11.15-17; Luk 19.45-46

† **1:48:** Fig mi sambu ewöya. Mi nupŋine kömötketka köŋŋi nahömŋambuk asuħuiga mi nalö gwötpuk nezema. * **1:51:** Jen 28.12 * **2:12:** Mat 4.13

13 *Nalö mianğören Juda neñğören ak-kömukömu kendon nalöñan dopdowiyök. Anutunöñ mönöwök neñgehoriña neñğonğiröhi,* mianğöra söñgaibingö aketka Jisösnöñ mewöyök miriñi mosöta Jerusalem sitinöñ öñğöyök. 14 Sitinöñ öñğöba jöwöwöl jikegö tohoñ uruñe anda yuai kewö miwikñaiyök: Ambazip bulmakau aziñi, lama aka kembö nei mi bohonñi memegöra alget aka tosatñan monen utekutek albingöra tatkeri, mi enğehök.

15 Mi enğeka kösönöñ tapep (munğamunğa) möñjönđa mianön enğohotiriba enğuyök. Enğuba ambazip mi körek közöl enğiba lama bulmakaunambuk jöwöwöl jikenöhök enğuatangöyök. Utekutek ambazip yeñğö souje kötñini metaliga mokoba eriga tebolñini metali anget. 16 Kembö bohonñini memegöra algeri, ambazip mi kewö jim enğiyök, “Yuai mi mönö memba kesala yaigep anget. Inñini nöñğö Iwinanğö jöwöwöl jikenñi ki mönö wuanönğöra utekögetka kölköl-örörö miri ewö akza?”

17 *Mewö jiiga Buña keu kun gwarek yeñğö mötmötñine kanğoriga mötmöriget. Keu mi kewö ohoget ahöza, “Nöñğö urunan göhören jike mi kömbukñi ahömapköra kapan kölbige mianön urune newañ köñöp ewö jeiga waimanjat mianön kawöl miwikñaimakzal.”

18 Mi közöl enğiiga Juda jitñememe yeñön tembula wahöta Jisöğören kanğota kewö qesim wañgiget, “Gi mönö wani anğöletot kun aknönğa kukösumgi ehinga dop köl neñgiigun kimbi mewönñi akanak?”

19 *Mewö qesim wañgigetka kewö melen enğiyök, “Inñini jöwöwöl jike ki köndengetka gölmenöñ eriga nöñön mi wehön karöbutkö uruñe memba wahöta kuñgumam.”

20 Melen enğiiga kewö jiget, “Yambu (yara) 46:gö uruñe jöwöwöl jike ki memba mala mem tekögetka asuhaba kinja aiga göñön mi wehön karöbutkö uruñe mönö denöwö aka memba wahöta kuñgubanak?”

21 Mewö jigetmö, Jisösnöñ jikegö keu mi nanñi silenangö söpsöpña ala jiyök. 22 Jisösnöñ könanğep kömupnöhök wahoriga söpsöp keu jiyöhi, mi nalö mianğören gwarekurupñi yeñğö mötmötñine kanğori ölop möt asariget. Mi mötmöriba Jisösnöñ keu jiyöhi, mi aka Buña keu ohogeri, mi pakpak möt nariget. Mewö.

Jisösnöñ ambazip könanamni möt teköza.

23 Jisösnöñ Jerusalem sitinöñ ak-kömukömu kendongö nalöñe mala anğöletot kukösumñambuk meyöhi, mi ambazip gwötpukñan eka qetñi möt nariba yanğören lapingöget. 24 Lapingögetmö, Jisösnöñ ambazip pakpak yeñğö könanamñini möt kutum teköyök. Mewögöra ambazip pakpak qahö möt narim teköm enğiba keuninanğö bapñe qahö anda malök. 25 Ambazip uruñine keu yuai ahöyöhi, Jisösnöñ kunñan ambazip uruñinanğö könanñi mi indela kondel wañgimawanğö dop qahö ahök. Mönö nanñak mi ölop möt kutum teköyök. Mewö

3

Jisösnöñ Nikodemus urumelenğö könanñi kusum wañgiyök.

1 Juda könagesögö jike kaunsöl sutñine jitñememe azi kun qetñi Nikodemus malök. Yanön Farisi (Köna keugö kapankölköl) kambunöñ kinök. 2 Yanön sunğem kunöñ Jisöğören kanğota kewö jii mörök, “Ketanamni, gi anğöletot memakzani, mi azi kunñan Anutu yambuk qahö kiniga nanñök memamgö osimakza. Mianğöra gi Anutunöñ nam köl gihiiga böhi akzan, mewö mötzin.”

3 Mewö jiiga kewö jiba melen wañgiyök, “Nöñön keu öl töhöññi kun kewö jibi mötnöñ: Kunñan Anutugörenöñ ahuahu dölokñi qahö ahuma ewö, yanön mönö Anutugö bemtohoñe anğota ekñamgö osima.”

* 2:13: Eks 12.1-27 * 2:13: Anutunöñ Ijpt mianğören Israel ambazip neñgehoriña neñğonğirök, mianğö sösoñğainñi mi Nei keunöñ Pasowa. Eksodus, Mekömekö 12.15 * 2:17: Sum 69.9 * 2:19: Mat 26.61; 27.40; Mak 14.58; 15.29

⁴Melen wanğiiga kewö jiyök, “Kunñan lök ahuba ambazip namñi aka malagun ahuahü dölökñi mönö denöwö ahubawak? Yanñon mönö nam körö uruñe anğori kunbuk gölöm ala memamgö osima.”

⁵Mewö jiiga kewö melenñök, “Nöñon keu öl töhöññi kun kewö jibi mötnöñ: Kunñan o melun mem wanğigetka Uña Töröñan uruñe geiga mewöñi mianñon ahuahü dölökñe qahö ahuza ewö, mewöñi mianñon mönö Anutugö bemtohoñ uruñe anğotmamgö osima. ⁶Gölmegö iwinam enğoreñök morö ahuzawi, mi gölme moröya. Uña Töröñan inahöba nam köliga morö asuhumakzawi, mi mönö Suepkö moröya.

⁷“Mewögöra injini ahuahü dölökñi Anutugöreñök qahö ahume, mianñon mönö qahö dop kölja. Keu mi jibiga mianğöra mönö kude auruman. ⁸Luhutnöñ nanñi imbi-imbi lanğiliga ötöñi mörakzanmö, mi denikeyök kaba gilakza aka denike gila anakzawi, gi mianğö könañi qahö möt asarizan. Uña Töröñan ambazip nam köl enğiiga ahuahü dölökñe ahugeri, körek yeñgö könañinan mönö luhut mianğö dop akza.”

⁹Mewö melenñiga Nikodemusnöñ köñkuñ aka kewö jiyök, “Mi ahakö dop qahö.”

¹⁰Mewö jiiga Jisösnöñ jiyök, “Gi Israel könagesö kusum neñgimakzan aka töndup keu mianğö könañi qahö möt asarizan. Mi kude dop kölja. ¹¹Nöñon keu öl töhöññi kun kewö jibi mötnöñ: Neñon wania möt kutuzini, mi jiba indelakzin aka wania jeninan eka mötzini, mi nanğöba jimakzin. Mewö ahakzinmö, enñon töndup Buña keunini mi qahö möt anğon kölakze.

¹²“Gölmegö yuaini jenöñ ehekñi mianğö keuñi jibiga möta qahö möt narim niñgize ewö, nöñon Suepkö yuaini qahö ehekñi mianğö könañi jibiga mötmei, mi mönö denöwö möt naribeak? ¹³Gölmegö azi kunñan Suepnöñ qahö öñgöyökmö, Suep gölmegö Azi ölnan Suep mire mala eta asuhuyöhi, yanñon mönö lilingöba Suepnöñ öñgöma.

¹⁴*“Anutunöñ Moses gölme qararanğölkölñe jim kutui kopö ainöñ mokoleñ imutñi memba tohotnöñ kösököi kinöhi, mianğö dop Suep gölmegö Azi Ölni mi kösökögetka öñgöba kinma. ¹⁵Ambazip i möt narim wanğizei, yeñon körek pakpak malmal köhöikñi miwikñaiba malmegöra aka eu öñgöma.

¹⁶“Mianğö könañi kewö: Ambazip i möt narim wanğizei, yeñgöreñök kunñan ayuhubapuköra Anutunöñ gölme dop önöñi qahö jöpaköm neñgiyök. Neñon körek letota malmal köhöikñanğö buñaya akingöra mönö Nahöññi mohotsirik mi neñgiyök. ¹⁷Ambazip gölme dop mal anjini, Anutunöñ Nahöññi neñgö keunini jim tekömapköra aka qahöpmö, Nahöññan amöt neñguiga kantri dop letota oyaenğoyaen akingöra aka melaiiga gölmenöñ erök.

¹⁸“Ambazip kunñan Nahöññi möt narizawi, Anutunöñ yanğö keuñi jim teköiga qahö ayuhumapmö, kunñan Jisös qahö möt narim wanğizawi, Anutunöñ yanğö keuñi lök jim teköiga malja. Anutugö Nahöññi mohotsirikö qetñi qahö möt narizawanğöra aka könöp siagö buñaya akña. ¹⁹Anutunöñ gölme ambazip keunini jim tekömakzawi, mianğö könañi kewö: Asakñan lök gölmenöñ eta asuhuyökmö, ambazipnöñ ahakmeme bölöñi bölöñi aka memba malget. Mewö mala Anutugö asakñi tököba uruñini söñauptök ahakmemenöñ lanğöhöba mala kotket.

²⁰“Körek pakpak ahakmeme bölöñi ahakzei, yeñon Anutugö asakñi tököba andö qemakze. Anutunöñ ahakmemenini bölöñi bölöñi mi indela jim enğiiga gamuñini mötpepuköra keñgötñini mörakze. Mi möta asakñanğö uruñe qahö anğorakze. ²¹Qahö anğorakzemö, kunñan kun keu ölni wuatanğöba maljawi, yanñon ölop asakñanğö uruñe kanğotma. Anutunöñ sölölohöm wanğiiga ahakmemeni aka memba malöhi, mianğöra ahakmemeni mianñon aukñe asuhumapköra mötza.” Mewö.

Jon O-melun azinöñ Jisösgö könañi jim miwikña iyök.

* 3:14: Jan 21.9

²² Jisösnöñ mewö jim teköba kinda gwarekurupñi enġuañgita Jerusalem siti mosöta Judia prowinsgö miri andöñe anget. Mianġöreñ anda gwarekurupñi yembuk sonda tosatñi toroqeba yembuk mala ambazip o melun mem enġiba malök. ²³ Jisösnöñ mewö malökmö, Jonöñ mewöyök miri qetñi Salim mianġö kösutñe malök. Miri qetñi Ainon mianġöreñ o jök ahöyök aka ambazipnöñ Jongöreñ kañgota o melun mem enġimapkö qesigetka amqeba mem enġiba malök. ²⁴ *Nalö mianġöreñ Jon mi kösö mire qahö algetka tarök.

²⁵ Juda yeñön amöt qem anġubingöra böröñini sañgoñmaljema. Mewögöra Jongö gwarekurupñi yeñön Juda azi kunbuk keu mianġö goranora aka könahiba jitnakölik jiget. ²⁶ Mewö jigetka lömböriiga Jongöreñ kaba kewö jiget mörök, “Ketañamnini mötnöñ, azi Jordan o likepñe göbuk maliga nangak könañamñi nañgöba jinöñi, yañön ambazip o melun mem enġiiga jesöñgöñan mönö yañgöreñ anakze.”

²⁷ Jonöñ mi möta kewö meleñnok, “Anutunöñ azi kungöra yuai kun Suepnöhök qahö al wañgibawak ewö, yañön mönö mi buña qem anġumangö osiza. ²⁸ *Yambuk mala kewö jial, ‘Ni Amötqeqe Tonji Kraist qahö akzalmö, Anutunöñ melaim niñgiiga mutuk kazala yañön andöne kama.’ Nöñön keu mi jiali, inñi mi ölop nanñinak nañgöba jiba malbeahanġö dop akze. ²⁹ Mianġö keuñi dop ala kewö jimam: Azi kunñan ambi buñañambuk aka ambi memangöra sösöñgai keu jim sehiba malja. Mewö maliga azi alañan kösutñe kinda sösöñgai keuñanġö jölñi möta yañgöra önöñi qahö söñgaimakza. Mianġö dop nöñön Jisösgö alañi aka yañgöra söñgaibiga sösöñgai mianñön döлки uruni kokolak qeiga maljal. ³⁰ Jisösgö qetbuñañan qarim sehiiga nöñgöreñan mönö waziiga dop köлма.” Mewö.

Jisösnöñ Suepnöhök eröhanġö könañi jiyök.

³¹ “Dañön euyañgöreñök eröhi, yañön ambazip körek pakpak enġoñgita öñgöñgöñi akza. Kunñan gölmenöñ asuhuba gölmegö buñaya akza aka gölmenöñ malmalgö keuñi jimakza. Suepnöhök eta kayöhanñön mönö körek pakpak enġoñgita öñgöñgöñi akza. ³² Yañön yuai eka möt kutuba malöhi, mianġö könañi jiba nañgöba dangunu ewö kinja. Mewö kinjapmö, nañgönañgö keuñi mi ambazip kunñan kun qahö möt anġön kölja.

³³ “Ambazip kunñan nañgönañgö keuñi möt anġön köljawi, yañön Anutu ölbölñi akzawañgö keuñi mem köhöiiga pöwöwömñi akña. ³⁴ Anutunöñ kolek aziñi melaiba Uñañi Töröñi musa qakñe qahöpmö, kelenmaleleñ wañgimakza. Mianġöra kolek aziñan mönö Anutugö keu töhöññi indela jimakza. ³⁵ *Iwinöñ Nahöññi uruñan jöpaköm wañgimakzawañgöra aka yuai pakpak buña qem wañgiba böröñe ali ahöza.

³⁶ “Ambazip kunñan Nahöññi möt nariba uruñi melenjawawi, yañön mönö kunbuk letota malmal köhöikñañgö buñaya akza. Kunñan Nahöññañgö keuñi qahö tem kölakzawi, Anutugö irimsesewölñan mönö yañgö qakñe öñgöba pöndañ kini malmal köhöikñañgö könañi qahö ek kutuba önewat lañ malja.” Mewö

4

Jisösnöñ Samaria ambi kunbuk keu eraum mörohot.

¹ Jisösnöñ mewö ambazip kusum enġiiga gwarekurupñi aketka o melun mem enġiba mewö mianñön Jon O-melun azi luhut ala malöhi, keu mi Farisi (Köna keugö kapañkölköl) yeñgö kezapñine gei mötket. Yeñön mi mötkeri, buzup mi jiget sehiba Kembugö kezapñe gei mörök. ² Jisösnöñ nanñak ambazip qahö o melun enġiyökmö, yañön jiiga gwarekurupñan mi aket. ³ Mi möta Judia prowins mosöta lilingöba kunbuk Galili prowinsnöñ göröken anget. ⁴ Köna mewö anda Samaria prowins onġita anget.

* **3:24:** Mat 14.3; Mak 6.17; Luk 3.19-20 * **3:28:** Jon 1.20 * **3:35:** Mat 11.27; Luk 10.22

⁵* Onḡita anda Samaria prowinsḡo taonḡi kun qetḡi Sikar miangḡoreḡ anḡorök. Sikar taon mi Jeikobnḡ ḡölme bahḡi kun nahḡnḡi Josef waḡḡiyöhi, miangḡo kösutḡe ahöza. ⁶ Jeikobkö o lömḡi diginḡambuk mi Sikar taonḡ ahöza. Jisösnḡ kḡna kayöhaḡḡora aka silenḡi lömböriiga silim bibiḡe o lömḡi miangḡoreḡ anḡota kösutḡe eta tarök.

⁷ O löm kösutḡe tariga Samaria ambi kunḡo o umangḡo kayök. Kaiga Jisösnḡ eka kewö jii mörök, “Gi ölop o ninḡinḡḡa nembilenḡak.” ⁸ Nalö miangḡoreḡ gwarekurupḡan nene bohonḡi membingḡora i mosöta taonḡ angetka nanḡirök kinohot.

⁹* Juda ambazipnḡ Samaria prowins qepureim enḡiba yembuk köisirik qahö maljema aka pake mohot mianḡön o qahö uzema. Mewöḡora nanḡirök kinohot miangḡoreḡ ambinḡo kewö jii mörök, “Gi Juda azia aiga ni Samaria ambiapmḡ, denöwöḡora ‘O ninḡinḡḡa nembilenḡak,’ jiba qesim ninḡizan?”

¹⁰ Jisösnḡ qeḡesi mi möta kewö melenḡ waḡḡiyök, “Gi Anutu kalemḡḡḡo kḡnaḡi möt kutunḡḡa dop kölbawak. Daḡön ‘O ninḡinḡḡa nembilenḡak,’ jiba qesim gihizawi, yanḡo kḡnaḡi möt asaribanak ewö, i mönö qesinḡḡa malmalgö onḡi gihibawak.”

¹¹ Mewö jiiga kewö jii mörök, “O ketaḡamni, o umangḡo pakegi kun qahö ahöza aka o löm kianḡön mönö diginḡambuk akza. Miangḡora malmalgö oḡora jizani, mi mönö denikeyök miwikḡainḡḡa ahubawak? ¹² Isik bömöni Jeikob yanḡön o lömḡi ki nenḡiyök. Yanḡön mutuk nanḡak aka yanḡo andḡe nahönurupḡan ki kaba o uba nemba maljema aka bulmakau kambuḡi kambuḡi o enḡigetka nemba maljema. Gi Jeikob onḡita öḡḡöḡöḡi aka ambazip o mem sehim enḡimangḡo jizan me?”

¹³ Mi möta Jisösnḡ kewö melenḡnök, “Ambazip körekḡan o ki nembagun mönö kunbuk oḡo kömumba nemingö mörakḡe. ¹⁴ Mewö malmemö, nöḡön kungöra o waḡḡimami, yanḡön mi nembagun nalö kunḡo oḡo kunbuk qahö kömuma. Mewö qahöpmö, o waḡḡimami, mi mönö yanḡo uruḡe letota malmalgö o jeni jöpjöpkḡi qahö aiga malma. Mewö mali mönö uzumḡöba malmal köhöikḡi tetekḡi qahö waḡḡimakḡa.”

¹⁵ Mewö melenḡniga ambinḡo jiyök, “O ketaḡamni, gi mönö o mia ninḡinḡḡa nemi. Mi nembagun nalḡi nalḡi kunbuk oḡo qahö kömumbilenḡak aka o umangḡora ki kḡnasöksök qahö tibilenḡak.”

¹⁶ Mi jiiga kewö jim kutum waḡḡiyök, “Gi mönö anda apki waḡḡita ki kamahot.”

¹⁷ Mewö jim kutum waḡḡiiga “Ni apni qahö,” jiba melenḡnök. Melenḡniga kewö jii mörök, “Gi ‘Apni qahö,’ keu mi törörök jizan. ¹⁸ Gi ölna azi 5 enḡömembra malnḡo aka merak kun memba maljani, yanḡön mönö ḡöhö apki qahö akza. Keu jizani, mi öl töhöḡḡa.”

¹⁹ Ambinḡo mi möta kewö jii mörök, “Ketaḡamni, gi mönö kezapḡetok azi qainḡi kun akzan. Nöḡön tandöki mewö gek kutum gihizal. ²⁰ Nenḡo ambösakonurupḡninan kundunḡi kondela kianḡoreḡ öḡḡöba sipköba köuluköba malgetmḡ, Juda enḡön kewö jimakze, ‘Samaria enḡön mönö Jerusalem sitinḡo öḡḡöba jöwöwöl jikenḡo sipköba köulukögetka dop kölna.’”

²¹ Mi möta Jisösnḡ kewö jim kutuyök, “O ambi, nalö kun kam kuḡguma. Inḡini nalö miangḡoreḡ Iwi waikḡi memba möpöseibingöra kundunḡi kianḡoreḡ me Jerusalem miangḡoreḡ qahö öḡḡöba malme. Gi keu mi ölop möt narinḡḡa dop kölna. ²² Samaria inḡini Anutugö kḡnaḡi törörök qahö möt kutuba töndup yanḡo waikḡi laḡ memba möpöseimakze. Amötqeqegö kḡnaḡi mi Juda nenḡo sutnine aukḡe asuhuba ahöza. Miangḡora Juda nenḡön Anutuninanḡo kḡnaḡi möt kutuba waikḡi memba möpöseininga dop kölna.

²³ “Töndup nalö kun kewö asuhuma: Nalö miangḡoreḡ Unḡa Töröḡan ambazip sölölohöba inahöm enḡiiga keu ölni wuatḡöba Iwi waikḡi memba ölna möpöseiba malme. Iwininan ambazip mewöḡi jarum enḡiba asuhumegöra sihimḡi möta malja. Nalö murutḡi mianḡön mönö lök kam kuḡguba dölni ahöza. ²⁴ Anutunḡo Unḡaya akza. Miangḡora Unḡa miangḡo

* 4:5: Jen 33.19; Jos 24.32 * 4:9: Esra 4.1-5; Neh 4.1-2

waikni memba möpöseimakzei, yeñon mönö Uña Töröñan sölölohöba inahöm enjiiga keu ölni wuatangöba möpöseiba malme.”

²⁵ Jisösnöñ mewö jim kutuiga ambinöñ jii mörök, “Amötqeçe Tonji qetñi Kraist qetzei, yañon kamangö akza, mi mötzal. Yañon kamawi, nalö miangöreñ mönö keu pakpak indel neñgiiga mötpin.”

²⁶ Jisösnöñ keu mi möta könañi kewö indelök, “Göbuk ki kinda keu eraum mötziri, nöñon mönö mia akzal.” Mewö.

Gwarek yeñon kaba yetpuk toroqeget.

²⁷ Könañamñi indeliga gwarek yeñon miangöreñök lilingöba kaget. Kaba ambibuk eraum mörohot, mi eka welipkögetmö, kunöñ kewö qahö qesiyök, “Gi denöwögöra yambuk keukeu jizahot?” me “Wanigöra ak gihiza?” Mewö qesibingö mötketmö, körekñan ölöñ tatket.

²⁸ Ölöñ tatketka ambinöñ o pakeni mosöta taonöñ anda ambazip yeñgöra kewö indela jii mötket, ²⁹ “Mötket! Nöñon azi kun miwikñaibiga yuai pakpak aka malali, miangö könañi indela jii mötzal. Miangöra yañon mönö Amötqeçe Tonji Kraist akapuk. Mönö nanñinak kaba azi mi ekñe.” ³⁰ Keu mi möta taon mosöta öröba Jisösgöreñ anget.

³¹ Gwarek yeñon nalö sutñe miangöreñ Jisös qesim wañgiba kewö jiget, “Ketañamnini, ölop nene nenöñ.”

³² Mewö jigetmö, kewö jiyök, “Nöñon neneñamni qainñi kun memba maljali, inñini miangö könañi qahö möt kutuze. Qahö!”

³³ Mi möta nanñini qesim anguba kewö jiget, “Kunñan nene kun memba kaba wañgiza me denöwö?”

³⁴ Mewö jigetka kewö jii mötket, “Melaim niñgiiga kayali, nöñon yañgö jitñi tem köla nupñi mem sorokömakzali, miangön mönö nöngö neneñamni akza. ³⁵ Inñini keu kewö jibepuk, ‘Köñ 4 kunbuk ahöiga ölömi-izi-izi nalöñan töröma.’ Mötket, nöñon miangöra kewö jizala kezap alget: Nup boni ketanji miangö ölninan lök öliiga meme nalöñinan kam kuñguza. Inñini mönö jeñini uget aniga mi uruñine ek kutume. ³⁶ Tosatñan mutuk keu kötni qesinñda gila malgetka ölnan nalö kewöñe asuhuiga tosatan mi lök tokoba töwanñini megetka ambazipñi ambazipñi malmal köhöikñangö buñaya ahakze. Mewö asuhuiga ölni meme yeñon qesinñ gilgil ambazip yembuk mindiriba mohotñe söñgaiba simbawon mötze.

³⁷ ‘Kunöñ kötni qesinñ giliga kunöñ ölni mezawi,’ keu mewö jimakzei, mi keu ölna. Mi Anutugö nup memegö könañi indelja. ³⁸ Nöñon inñini melaim enjibiga nup qainñi kunöñ nanñinak yuai kötni qahö kömötkeri, mönö nup miangöreñ anda ölni meme. Tosatan mutuk silenñini qeba nup memba malgetka enñon yeñgö könañine anda nup megerangö ölni miwikñaiba memakñe. Mewö melaim enjizal.” Mewö

Samaria ambazip gwötpukñan uruñini melenget.

³⁹ Samaria ambinöñ keu kewö nañgöba jiyök, “Nöñon azi kun miwikñaibiga yuai pakpak aka malali, yañon mönö miangö könañi indela jii mötzal.” Mewö jiyöhangöra Samaria ambazip gwötpukñan Sikar taon miangöreñ uruñini melenñda Jisös möt narim wañgiget. ⁴⁰ Möt narim wañgiba yañgöreñ kaba yembuk toroqeba malmapköra kapan köla qesigetka silim yahötkö dop toroqeba miangöreñ malök.

⁴¹ Mewö mala keu jiba malöhangöra aka gwötpukñan Jisös möt nariba toroqem wañgigetka kambuñini qariyök. ⁴² Toroqem wañgiba ambigöra kewö jiget, “Azi kianñon ölna gölmenñi gölmenñi neñgöreñ Amötqeçe Tonina akza. Neñon mi göhö keugörök qahö toroqeba möt narizinmö, mi naninak kezap ala möta möt kutuzin.” Mewö.

Jisösnöñ jembon azi kungö nahöñni mem ölöwahök.

⁴³ Jisösnöj Samaria maliga silim yahöt teköiga engömosöta Galili prowinsnöj anök.
⁴⁴ *Jisösnöj nannak nalö kunöj keu kun kewö nanğöba jiyök, “Kezapqetok ambazip kunñan nanje miri gölmenöj maliga yağöra qahö mötket öngöiga göda qahö qem wağimakze.”

⁴⁵ *Mewö jiyökmö, töndup nalö miangörej nanje Galili prowinsnöj kağoriga miangörej mewöyök tosatñan jölöñi jiget. Yeñön ak-kömükömu kendongöra Jerusalem sitinöj öngöba Jisösnöj kendon nalöje angöletot meyoñi, mi pakpak eka mötket. Miangöra nalö miangörej ölop köl öröm wağiget.

⁴⁶ *Galili prowins yeñön köl öröm wağigetka miri qetñi Kana mutuk o meiga letota wain ahöhi, miangörej kunbuk kayök. Taon qetñi Kaperneam miangörej kiñ kembangö jembonñi kun malök. Yağö nahönñan kawöl yöhöiga ahöyök.

⁴⁷ Ahöba kömumangö ahök. Miangöra Jisösnöj Judia prowins mosöta Galili uruñe kayöhi, yañön miangö buzupñi möta Jisösgörej anda kewö qesim wağiyök, “Gi ölop kaba nahöni mem ölöwak wağiman.” ⁴⁸ Qesim wağiiga kewö jii mörök, “Inini ni öne qahö möt narim niñgimeangö dop akzei, mi qahö dop kölja. Nöñön angöletot aiwesök membi ekagun mönö amqeba ni möt narim niñgiba uruñini melenbeak.”

⁴⁹ Mewö jii mörökmö, jembonöj kewö jiyök, “Ketañamni, nahönan kömumbapuköra mönö ösumok kaman.”

⁵⁰ Mewö jiiga melenj wağiyök, “Nahöngan mönö ölöwaka malma. Miangöra mönö ölop lilingöba anman.” Mewö melenj wağiiga yañön mi möt nariba lilingöba anök. ⁵¹ Anda könanöj maliga welenqequeurupñan kaba miwikñaiba kewö jiget mörök, “Nahöngan lök ölöwaka malja.”

⁵² Mi möta qesim engiba jiyök, “Wani nalönöj könahiba ölöwahök?” Mewö jiiga jiget mörök, “Uran mare wan kilok miangörej sile könöpñi mosörök.” ⁵³ Mi möta mötmötñi kewö ahuba asariyök: Aha! Jisösnöj “Nahöngan mönö ölöwaka malma,” jiyöhi, mönö aua miangörejök ölöwahök. Keu mi möt asariba i aka saiwaurupñi pakpak yeñön uruñini melenja Jisös möt narim wağiget.

⁵⁴ Jisösnöj Judia mosöta Galili prowins uruñe kaba angöletot kun ki meiga yahöt ahök. Mewö.

5

Jisösnöj Betesda o angö jitñe azi kun mem ölöwahök.

¹ Könañgep nalö kunöj Juda yeğö kendon ketañi kun töriiga Jisösnöj Jerusalem sitinöj öngöyök. ² Jerusalem sitigö selnöj nanju kun mi lama yeğöra ahöyök. Miangö kösutñe o angö kun qetñi Hibru keunöj Betesda qetkeri, mi ahöyök. Miangö görañe luhut miri köröpñi ketañi 5 tatket. ³ Luhut miri 5 miangö uruñe kawöl ambazip kambu ketañi ahözema. Tosatñan jeñini gömölii tatket. Tosatñan simalokon aka tatket. Tosatñan likepñini kömükömuña tatket.*

⁴ Nalö tosatñe Kembangörej garata kunöj eta o angönöj timjaliiga unduzapma. Onöj unduiga nalö miangörejök kunñan mutuk angönöj geiga kawölñi mi me mi miangön ölöwahakzapma. Miangöra mamböta tatket. ⁵ Miangörej azi kun yambu (yara) 38 miangö dop kawöl yöhöiga ahömalök. ⁶ Miangörej ahöiga Jisösnöj kağota eka lök nalö köröp tiñtiñi kawöl yöhöi ahöba malöhi, mi möta kewö qesim wağiyök, “Gi ölöwakñangö ak gihiza me qahö?”

⁷ Qesim wağiiga kewö melenj wağiyök, “O Kambu, onöj unduba ötöj qeiga alani dañön noañgita o angönöj anda al niñgibawak? Alani mewöñi kun qahö malja. Nanak

* **4:44:** Mat 13.57; Mak 6.4; Luk 4.24 * **4:45:** Jon 2.23 * **4:46:** Jon 2.1-11 * **5:3:** Mötmöt ambazip tosatñan kewö mötmörimakze: Könakönahine jabö 3:gö kitipñi teteköñi aka jabö 4 mi kewö ohoget ahöyök: Yeñön o angönöj gwözöñda undumapkö mamböta tatzema.

anmamgö möta esapköba malali, nalö miangörenjök tosatni yeŋgörenjök kunöŋ ni nonŋita anda gemalget.”

⁸ Melen waŋgiiga Jisösnöŋ jii mörök, “Gi mönö wahöta tumbulahöpki memba anöŋ.”

⁹ Mewö jii möta miangörenjök ölöwaka tumbulahöpŋi memba anök. Anökmö, yuai mi Sabat kendonöŋ asuhuyök. ¹⁰ *Miangöra Juda yeŋön azi ölöwahöhi, yaŋgöra kewö jiget mörök, “Merak Sabat kendon akza. Miangöra tumbulahöpki memba aŋgunöŋga qahö dop kölja.”

¹¹ Mi möta kewö meleni mötket, “Möhamgöm niŋgizawaŋön mönö kewö jim teköm niŋgiza, ‘Gi mönö tumbulahöpki memba anöŋ’.”

¹² Mi möta kewö qesim waŋgiget, “Azi daŋön göhöra ‘Tumbulahöpki memba anöŋ,’ jiza?”

¹³ Qesim waŋgigetmö, Jisösnöŋ mem ölöwahiga ambazip kambu ketanjan ölökögetka yeŋgö sutŋineyök sömuniba anök. Miangöra daŋön mi ak waŋgiyöhi, mi qahö möta tönpin kinök.

¹⁴ Miangö andöŋe jöwöwöl jike tohon uruŋe öŋgöiga Jisösnöŋ miangören miwikŋaim waŋgiba qaŋban keu kewö jii mörök, “Mötnöŋ, gi lök ölöwakzan. Miangöra ayuayuhu törösait bölöŋi kötökŋi kun asuhum gihibapüköra mönö siŋgisöndok kunbuk kude aka malman.”

¹⁵ Azi ölöwahöhi, yaŋön Jisös ek kutuba anda Juda jitŋememe yeŋgöra kewö jii mötket, “Azi mem ölöwak niŋgiyöhi, yaŋgö qetŋi Jisös.” ¹⁶ Mi möta Jisösnöŋ Sabat kendonöŋ nup mewöŋi meyöhi, Juda jitŋememe yeŋön miangöra aka sesewerowero ak waŋgiba malget. ¹⁷ Mewö malgetmö, Jisösnöŋ kewö melen eŋgiyök, “Nöŋgö Iwinan sundan dop nup memakza aiga nöŋön mewöŋanök mi memakzal.”

¹⁸ Mewö melen eŋgiba ambazip Sabat kendongö keu tosatŋi toroqeba algetka Jisösnöŋ mi ahakmemeŋan qeapköba yeŋgö jeŋine siŋgisöndok ahök. Siŋgisöndok mi toroqeba Anutugöra ‘Iwini’ jiba Anutu tandök ewö maljawangö dop aka nanŋi mem öŋgöyök. Juda ambazip yeŋön yuai yahöt miangöra aka möt kömbuhiba kapan köla Jisös qebingö jim köhöiget. Mewö.

Malmal gulimapkö kukösumŋi mi Jisösgören ahöza.

¹⁹ Mewö aketmö, Jisösnöŋ keu kewö jii mötket, “Nöŋön keu ölä töhöŋŋi kun kewö jibi mötket: Nahönöŋ nanŋi uruŋangö yuai kun qahö memakzapmö, Iwinöŋ yuai memakzawi, Nahönŋan mönö mewöŋanök memakza. Miangöra Iwinöŋ yuai meiga ehakzawi, yaŋön mönö miyök memakza. ²⁰ Iwinöŋ Nahönŋi urunöŋ jöpaköm waŋgiba mala nanŋak nup memakzawi, mi pakpak kondel waŋgimakza. Miangöra aŋgöletot eka maljei, mi yuai eretŋi. Miangö ölni mi könaŋgep kondel eŋgiiga eka nemböŋini teköi welipköba malme.

²¹ “Kun kewögöra welipköme: Iwinöŋ ambazip kömukömuŋi eŋgömindiga gulimakze. Nahönŋan mönö miangö dop mewöŋanök ambazip köhömuŋi niŋia gulimegö mötzawi, mi eŋgömindiga gulimakze. ²² Mewöŋanök Iwinöŋ kungö keuŋi qahö jim tekömakzapmö, jimtekötekö nupkö kukösumŋi pakpak mi kewögöra Nahönŋangö böroŋe ali ahöza:

²³ “Ambazip Iwi göda qem waŋgimakzei, miangö dop körekŋan Nahönŋi göda qem waŋgimegöra mötza. Iwinöŋ Nahönŋi melaim waŋgiyök. Miangöra kunŋan Nahön qahö göda qem waŋgizawi, yaŋön mönö Iwi mewöyök göda qahö qem waŋgiza.

²⁴ “Miangöra nöŋön keu ölä töhöŋŋi kun kewö jibi mötket: Kunŋan nöŋgören Buŋa keu möta mötmöriba ni melaim niŋgiyöhi, i möt narim waŋgiza ewö, yaŋön mönö malmal köhöikŋangö buŋaya akza. Nöŋön keuŋi jim teköbiga köhöp siagö buŋaya qahö akŋa. Kömup köhöikŋangö likepŋi mosöta jabö kutuba malmal köhöikŋangö likepŋe aŋgota mal öŋgöma.

* 5:10: Neh 13.19; Jer 17.21

²⁵ “Nöñön keu öl töhöññi kun kewö jibi mötket: Nalö kun kama aka nöñgöra aka lök kam kuñguza. Nalö mianğöreñ singisöndok aka uru köhömuñi akzei, yeñön Anutugö Nahönñan keu qeri mötme. Mi möta tem kölmeanñön mönö guliba köhöiba malme. ²⁶ Mi kewögöra: Iwinöñ nanñak malmal köhöikñi kondorakzawi, mianğö dop malmal gulim köhöimapkö kukösumñi mi Nahönñi wañgii yañön mewöyök ambazip mem gulim engimakza. ²⁷ Yañön Suep gölmegö Azi Ölni maljawañgöra aka Iwinöñ ambazip keuñini jim tekömapkö kukösumñi mewöyök yañgö böröñe ali buñañi ahök.

²⁸ “Nöñön keu kötni jizali, mianğöra mönö kude aurume. Nalö kun kam kuñgumawi, mianğöreñ körek pakpak qaksirinöñ ahözei, yeñön mewöyök qet qetmawi, mi mötme. ²⁹ *Qetñi mi möta wahöta aukñe asuhugetka ahakmeme ölöpnñi aka malgerañön malmal köhöikñe öngömemö, ahakmeme bölöñi aka malgeri, nöñön yeñgö keuñini jim teköbiga kömup köhöikñañgö buñaya akñe. ³⁰ Nöñön nani urunañgö yuai kun nanak aka memamgö osizal. Ni Iwigö jitñe mörakzali, mönö mianğö dop ambazip keuñini jim teköm engimakzal. Nani imbinañgö dop lañ qahö memakzalmö, melaim niñgiyöhi, mönö yañgö keuñi wuatañgömakzal. Mianğöra jimtekötekö keuni jimakzali, mi mönö dopñeyök asuhumakza.” Mewö.

Tosatñan Jisösgö könañamñi nañgöba jiget.

³¹ “Nöñön nani könañamni nañgöba jibileñak ewö, keuni mianñön ölöp qahö köhöibawak. ³² Alani kunöñ nöñgö könañamni nañgöba jimakza. Yañön nöñgöra keu jimakzawi, mianñön mönö köhöiba ölnambuk akza, mi mötzal. ³³ *Inini jitñememe melaim engigetka Jongöreñ kagetka keu ölnañgö dop nöñgö könañamni indela jiba nañgöyök.

³⁴ “Jiba nañgöyökmö, nöñön gölme azigö nañgönañgö keuñi mi möta qahö mötpi öngöza. Qahö öngözapmö, Jongö nañgönañgö keugöra jimakzali, mi mönö inini nalö kewöñe letotketka Anutunöñ bohonñini jöhömapköra aka jimakzal. ³⁵ Jonöñ kiwa ketañi aka ölöpnñanök jeba asariyökmö, inini nalö köröpñi qahöpmö, töröptökñanök yañgö asakñe lañ söñgaibingö sihimñi mötket.

³⁶ “Jonöñ könani töröptökñanök jiiga mötketmö, kunöñ mi nañgöba jimakzawi, yañgö keuñan mönö Jongöreñ nañgönañgö keu ongitza. Nani Iwinan nupñi al niñgii membüga ölni asuhumakza. Ölni mianñön mönö könañamni kewö nañgöba indelakza: Iwinöñ mönö melaim niñgii jitñe memañi akzal. ³⁷ *Iwinöñ melaim niñgii erali, yañön könañamni nañgöba jiba malök. Inini nalö kunöñ yañgö keu kourukñi qahö mötket aka kaisongolomñi qahö eket. ³⁸ Yañön niñia melaiiga eröhi, inini i qahö möt narim wañgize. Mianğöra yañgö keuñan mönö engö uruñine qahö kinja.

³⁹ “Inini malmal köhöikñañgö könañi mi Buña Kimbinöñ ahöm engiza, mewö mötmöröba mi oyoñda uru könömñine ala Suepkö buñaya akingö mötze. Mewö mötze, kimbiñi kimbiñi pakpak mienñön mönö nöñgö könañamni nañgöba indelakze. Mi möt yaköze me qahö? ⁴⁰ Nañgönañgö keu gwötpuk ahözapmö, inini malmal köhöikñi buña qem añgubingöra nöñgöreñ kabingö tökömakze.

⁴¹ “Gölme ambazipnöñ qetbuña niñgigetka qarimapköra qahö mambötzal. Mi niñgigetka mötpi qahö öngöi maljal. ⁴² Mewö maljalmö, engö könañamñini mi kewö ahöza, mi mötzal: Inini uruñini Anutugöreñ qahöpmahöp jöhöba urukalem qahö ak wañgiba malje. ⁴³ Nöñön Iwinañgö qetñi qeta kabiga inini andö qem niñgimakzemö, kunöñ nanñi qetñi qeta kamawi, inini mönö i ölöp möt añgön köla köl öröm wañgime.

⁴⁴ “O inini nanñini möpösem añguba qetbuñañini qarimapkö mötket öngöza. Öngözapmö, bem mohotñan Anutu ölni akzawi, yañön qetbuña engimapköra qahö kapan kölje. Mewö aködamunñinambuk añjegöra qahö jaram tiba kinje. Mianğöra denöwö ni möt narim niñgibeak? Mi mönö osibeak.

* 5:29: Dan 12.2 * 5:33: Jon 1.19-27; 3.27-30 * 5:37: Mat 3.17; Mak 1.11; Luk 3.22

⁴⁵ “Nöñön inini ‘Iwigö jemesoholne keu jakeñe al engimam,’ mewö mötmöríbepuk. Inini Mosesgö keugö jörömqöröm al wañgiba Suep mire öñgöbingö mamböta maljemö, Anutugö jeñe angotketka Mosesnön nanñak Anutugö keu jakeñe ala jim aum engiiga gamuñini mötme.

⁴⁶ “Mi kewögöra: Mosesnön nöngö könañamni jim asariba Buña Kimbinön ohoi ahöza. Miangöra Moses möt narim wañgibeak ewö, mönö nia möt narim niñgibeak. ⁴⁷ Mewömö, Mosesgöreñ kimbua qahö möt nariba tem köljeañgöra mönö nöngö keuni mi denöwö möt naribeak? Mi kupuk-kapakñambuk akapuk.” Mewö.

6

Jisösnön azi 5000 nene gumohom engiyök.

Mat 14.13-21; Mak 6.30-44; Luk 9.10-17

¹ Miangö andöñe Jisösnön Galili o anğö, qetñi kun Taiberias o anğö qetkeri, mi kutuba likepñe anğorök. ² Kawöl ambazip möhamgöm engii anğöletot asuhui ekerañgöra aka ambazip kambu jesöngöñan Jisösgö andöñe wuatañgöba kaget. ³ Jisösnön gwarekurupñi engömeiga kundunje öñgöba tatket.

⁴ Nalö miangöreñ Juda neñgöreñ ak-kömukömu kendonön törüyök.* ⁵ Jisösnön je ui aniga ambazip kambu jesöngöñan yañgöreñ kañgotkeri, i engeka Filipköra jiyök, “Nini nene denikeyök bohonñi meinga kambu mewöñan nem timbireñ aketka dop kölbaşak?” ⁶ Yuai akñamgö ahöhi, mi nanñak mörökmö, keu mi Filip esapköm wañgiba jiyök.

⁷ Mewö jiiga kewö melenök, “Nene beret silim 200:kö töwañi (Kina 1000,-) mianön bohonñi memba mendenninga körek yeñön kitipñanöhök nembeak aka töndup qahö dop köl engibawak.”

⁸ Mewö jiiga gwarekurupñi yeñgöreñök kun qetñi Andru, Saimon Pitögö munñan kewö jii mörök, ⁹ “Azi moröñi kun kiangöreñ malja. Yañgöreñ bali† beret 5 aka söra yahöt ahözapmö, ambazip sehisehiñi kewö kagetka yeñgöra mi qahö dop kölma.”

¹⁰ Jisösnön jiyök, “Inini mönö ambazip kambu ki jiba menden engigetka nene nemingö eta tatme.” Gölme miangöreñ kegwan luplup gwötpuk ahöyök. Miangöra azi jañgöñini 5000:gö dop yeñön gölmenön eta tatket.

¹¹ Eta tatketka Jisösnön beret mi memba saiwap jiba ambazip tatkeri, menden da engiyök aka söra mi mewöyök menden da sihimñinan jigeranğö dop engiyök. ¹² Menden da engiiga memba nem timbireñ aketka Jisösnön gwarekurupñi kewö jii mötket, “Nene kitipñi ayuhubapüköra mi mönö qezaköget.” ¹³ Mewö jiiga möta bali beret 5 miangöreñök memba kitipñi kitipñi mosöt ket taröhi, mi qezakögetka sakap 12 miangöreñ geba kokolak qeyök.

¹⁴ Jisösnön anğöletot mewö mei asuhuiga ambazipnön eka welipköba jiget, “Keza-pqetok azi gölmenön asuhumapkö jigeri, yañön mönö ölña mia akza.” ¹⁵ Mewö jiba Jisösgöra köirañ ala kiñ kembuñini akñapkö mötmöriget. Mötmöriba kaba liliköm wañgiba walimgöba kiñ kuñgum wañgibingö aket. Mewö möt kutuba engek tököba engömosöta kunbuk kundunje öñgöba nanñök malök. Mewö.

Jisösnön o anğö qakñe tiba tiba anök.

Mat 14.22-33; Mak 6.45-52

¹⁶ Neget teköiga mare aiga Jisösgö gwarekurupñi yeñön o anğögö jitñe geget. ¹⁷ Geba wañgenön öñgöba gölme mi mosöta o anğö kutuba likepñe Kaperneam mire göröken anget. Angetka miri söñaum teköiga Jisösnön töndup yeñgöreñ qahö asuhuyök. ¹⁸ Angetka luhut köhöikñanök giliga o anğönön könöpuk kunduta öñgöba erök.

* **6:4:** Anutunön mönöwök neñgehoriba neñgoñgiröhi, Juda yeñön miangöra yambu (yara) dop nalö ala söñgaimakze. Nei keunön qetñi Pasowa jize. Eksodus 12.15 † **6:9:** Bali mi padi, wit, out aka sehoñ miangö alañini kun.

¹⁹ Öngöba eriga lökuatnön qeba nanjöba 5 me 6 kilomita miangö dop angetka Jisösnön o angö qakne tiba tiba wanje kösutje kaiga eka auruba kenjötporin aket. ²⁰ Mewö mötketka kewö jii mötket, “Nanak kazal. Kenjötnini kude mötme.” ²¹ Mewö jii möta Jisösnön wanjenön öngömapkö jigetka öngöyök. Öngöiga wanjeninan miangörenök ösumok enguanjita gölme görañe anbingö akeri, miangören angotket. Mewö.

Ambazip yeñon Jisösgöra um jarum bibihiget.

²² Miangören angotketka miri gianjiiga ambazip kambu ketanji yeñon o angö likepne toroqeba mala kewö mötmöriget, “Uran wanje mohotjan tari ehinga Jisösnön gwarekurupni yembuk wanjenön qahö öngöba anök. Jisös umbula nanjinök anget. Wanje murutni kun qahö ehin. Miangöra Jisösnön kunbuk ki malja.”

²³ Mewö mötmöriba tosatjan kewö jiget, “Wanje mohotnön angetmö, ölna, Taiberias taonök wanje tosatni kaget. Wanje mi Kembunön beretköra saiwap jiiga nempa tarini, mönö gölme miangö kösutje kagera Jisösnön wanje miengörenök kunön öngöba anök me denöwö?” ²⁴ Ambazip kambu yeñon mewö jiba Jisös aka gwarekurupni miangören qahö miwikñaim engiget. Mewö eka möta mewöñanök wanjenön öngöba Kaperneam taonön anda Jisös jaruget. Mewö.

Jisösnön malmal köhöikñangö neneñi akza.

²⁵ Ambazipnön Jisös jaruba o angö likepne yuke göröken miwikñaiba eka kewö jiget mörök, “O Ketanjanini, gi mönö wani nalönön ki kazan?”

²⁶ Mewö jigetka kewö melen engiyök, “Nönön keu öl töhöñni kun kewö jibi mötket: Inini angöletot membi ekerangöra aka ni qahö jarum niñgizemö, nene beret kötuetköbi nempa nem timbiren akeri, mönö miangöra ni nuatangöba ki kaze. ²⁷ Nene ayapkömawi, mi miwikñaibingöra urukönöp kude aka malmemö, urugö neneñan malmal köhöikñi engimakzawi, mönö mia buña qem angubingöra kapan köla malme. Iwi Anutunön mun gem silimbanni Suep gölmegö Azi Ölni wanjiiga kukösumñan walörniga ölop urugö nene engiiga oyaenköyaen akñe. Mewö aka mal köhöiba kömumba toroqeba teteköñi qahö malme.”

²⁸ Mewö melen engiiga kewö qesim wangiget, “Anutugö sihimñangö dop ahakmeme tandökñi mönö denöwö ahinga dop kölbawak?”

²⁹ Qesim wangigetka kewö melenök, “Anutunön azi melaim wangiyöhi, inini i möt narim wangiba malme. Ahakmeme miangön mönö Anutu sihimñangö dop akza.”

³⁰ Mewö meleniga kewö qesim wangiget, “Mewö aiga gi kunbuk wani angöletot kukñambuk kun menönga eka möt narim gihibinak? Gi mönö wani yuai kun Mosesnön ahök, miangö dop aka meman? ³¹ *Buña Kimbi kun kewö ohoget ahöza, ‘Yañon Suepnöhök nene beret engiiga neget.’ Keu miangö dop nanine ambösakon yeñon gölme qararankölkölñe anda mala nene qetñi mana nempa malget aka gi mönö könanamgi Moses onjita denöwö kondelbanak?” ‡

³² Qesim wangigetka Jisösnön kewö jii mötket, “Inini miangö könanji ölop qahö möt kutuze. Nönön keu öl töhöñni kun kewö jibi mötket: Mosesnön angöletot Tonji qahö ahök. Yañon nene beret mi Suepnöhök qahö engii negetmö, nani Iwinan mönö Suepnöhök beret ölbölñi engimakza. ³³ Anutugö nene beret mi mönö Suepnöhök eta asuhuba gölme dop ambazip malmal köhöikñi engimakza.”

³⁴ Mewö jii möta kewö jiget mörök, “O Kambu, gi nalö dop nene beret mi neñginönga nempa malbin.”

³⁵ Jisösnön mi möta jiyök, “Nönön malmal köhöikñangö neneñi akzal. Kunñan nöngören kazawi, yañon nem timbiren aka wösöñi nalö kunön qahö alma. Kunñan ni möt narim

* **6:31:** Eks 16.4, 15; Sum 78.24 ‡ **6:31:** Gölme qararankölkölñe Anutunön söñan dop söñangö yuai amötñi, jöhanñi tuatñi aka awamñi juzu paura ewö ali gölmenön ahöi eka yaigep sombemñon anda qezaköba koumñine kaba beret lölöwöröñi memba nezema. Eks 16.13-36

niŋgimakzawi, yaŋön ogöra qahö kömuma. ³⁶ Mewö aigun iŋini ni nek teköba tøndup qahö möt narim niŋgize. Mi mönö lök jibi mötze. ³⁷ Aka tøndup Iwinöŋ ambazip tosatŋi niŋgimakzawi, yeŋön mönö körek nöŋgöreŋ kame. Kunŋan nöŋgöreŋ kamawi, nöŋön mönö i qahö yakörimam.

³⁸ “Nöŋön Suepnöhök eta nani imbinanğö dop yuai laŋ aka memba malmamğöra qahö asuhuyal. Mewö qahö. Melaim niŋgiyöhi, mönö yaŋğö jitkë dop nup memba malmamğöra eral.

³⁹ “Melaim niŋgiyöhi, yaŋğö jitsihitŋan kewö ahöza: Yaŋön ambazip nöŋğö böröne al enğiiga maljei, nöŋön mi pakpak köyan köl enğiba malbiga yeŋğöreŋök kunŋan kun qahö sohoba ayuhuma. Qahö ayuhugetka nöŋön i nalö ketane enğömindiba mem gulim enğimam.

⁴⁰ “Iwinanğö jitsihitŋan kewö ahöza: Tosatŋan Nahönŋi eka möt narim waŋgizei, yeŋön körek nalö kewöŋe letota malmal köhöikŋi buŋa qem aŋguba malme. Mewö mal kömugetka nöŋön i nalö ketani mianğöreŋ enğömindiba mem gulim enğimam.”

⁴¹ Jisösnöŋ mewö jiiga keu kötŋi kun kewö ahök, “Nöŋön malmalğö nene ölni aka Suepnöhök eta asuhuyal.” Mewö jiyöhanğöra aka Juda jitŋememe yeŋön möt böliba uruŋinan ihururuk jiba jim waŋgiget. ⁴² Jim waŋgiba jiget, “Azi ki Jisös, Josefko nahönŋa. Yaŋğö iwinamŋi mi ölop möt etkizimö, mönö denöwögöra ‘Suepnöhök eta asuhuyal,’ jiza?”

⁴³ Mewö jigetka möta kewö melenök, “Uruŋinan mönö kude ihururuk jiba jim niŋgime. ⁴⁴ Iwi ni melaim niŋgiyöhi, yaŋön ambazip qahö öröm enğiza ewö, enğöreŋök kunŋan nöŋgöreŋ kamamğö osima. Öroi kabawak ewö, nöŋön i mönö nalö ketane enğömindiba mem gulim waŋgimam.

⁴⁵ * “Kezapqetok yeŋğöreŋ kimbinöŋ keu kewö ohoget ahöza, ‘Anutunöŋ i körek pakpak kusum enğii mötme.’ Iwinöŋ ambazip kusum enğii keu möta urukönömŋine ala maljei, yeŋön mönö körekŋanök nöŋgöreŋ kame. ⁴⁶ Ambazip kunŋan Iwi qahö eka malja. Iwiğöreŋök eröhi, yaŋön mohot kun mönö i eka malja. ⁴⁷ Nöŋön keu öl töhöŋŋi kun kewö jibi mötket: Kunŋan ni möt narim niŋgizawi, yaŋön mönö malmal köhöikŋi buŋa qem aŋguba mal öŋğöma.

⁴⁸ “Nöŋön malmal köhöikŋanğö nene ölni akzal. ⁴⁹ Mötket! Enğö ambösakonuruŋinan gölme qararanğölkölŋe anda mala nene qetŋi mana namba malgetmö, tøndup kömumba gisahöget. ⁵⁰ Yeŋön kömugetmö, nene beret nalö kewöŋe Suepnöhök eta maljawi, kunŋan mi namba mala qahö kömum köhöima.

⁵¹ “Nene beret malmalŋambuk Suepnöhök eröhi, mi nöŋön akzal. Kunŋan nene mi namba malmawi, yaŋön mönö teteköŋi qahö köhöiba malma. Nene waŋgiba malmami, mi nöŋğö busuni. Gölmeŋi gölmeŋi yeŋön köhöiba malmegöra mi al enğimam.”

⁵² Jisösnöŋ mewö meleniiga Juda jitŋememe yeŋön sutŋine urukönöpŋöŋ jim qesim aŋguba jiget, “Yei! Azi kianön mönö denöwö aka busuŋi neŋgiiga nembinak?”

⁵³ Mi möta jigetka kewö jii mötket, “Nöŋön keu öl töhöŋŋi kun kewö jibi mötket: Iŋini Suep gölmeğö Azi ölnanğö sepŋi aka busuŋi qahö neme ewö, malmal köhöikŋi mianön mönö enğö uruŋine qahö ahöma. ⁵⁴⁻⁵⁵ Nöŋğö sepnan o ölni akza aka nöŋğö busunan nene ölni akza. Mianğöra kunŋan nöŋğö sep busuni nemakzawi, yaŋön mönö letota malmal köhöikŋanğö buŋaya aka mal öŋğöma. Mewö mal kömuiga nöŋön i nalö ketane mindiba mem gulim waŋgimam.

⁵⁶ “Kunŋan nöŋğö sep busuni nemakzawi, yaŋön mönö nömbuk qekötahöba kinakza aka nöŋön yambuk kinakzal. ⁵⁷ Iwinöŋ Malmal Toŋi aka melaim niŋgiba wötni aka nam köl niŋgiiga köhöiba maljal. Mewöŋanök kunŋan ni nem niŋgimakzawi, nöŋön mönö mewöŋanök yaŋğö wötni aka nam köl waŋgibiga ölop köhöiba malma. ⁵⁸ Nene ölni Suepnöhök eröhi, mi nöŋön akzal. Enğö ambösakonuruŋinan Anutugö nene namba

* 6:45: Ais 54.13

mala kömugetmö, nalö kewöñe engörejök kunñan beret ki nemba malmawi, yañön mönö teteköñi qahö köhöiba malma.”

⁵⁹ Jisösnöñ Kaperneam taongö köuluk miriñe kinda keu mi jim kusum engiyök. Mewö.

Gwarek gwötpukñan uruñini böliiga Jisös mosötket.

⁶⁰ Jisösgö gwarekurupñi yengörejök gwötpukñan keu mi möta jiget, “Keu jit jizawi, miñön mönö keu köt ewö lömbötñambuk akza. Mi möringa uruninan lömböriba bölim teköza. Miñgöra mi kunbuk mötpingö ölan neñgöhöiga i mönö mosötpin.”

⁶¹ Gwarek yeñön Jisösgö keugöra möt böliba uruñinan ihururuk jiba jim wañgigetka Jisösnöñ mi uruñan enñuanñita möta kewö jii mötket, “Keu jizali, mi möt böliize me qahö?

⁶² Keu miñgöra möt böliize ewö, könañgep mönö denöwö asuhubawak? Suep gölmegö Azi öñan mutuk miri mala koröhi, euyangörej kunbuk lilingöba öngöi ekñe ewö, nalö miñgörej mönö denöwö mötme?

⁶³ “Uña Töröñi yañön ambazip mem gulim enñimakza. Inñini gölme ambinöhök ahuba busuñinambuk akzemö, ahuahu dölökñe qahö ahuba nanñini ösumñinan öne letota Suepkö buña ahak mi qahöpmahöp. Uña Töröñan malmal köhöikñi enñizawi, nöñön keu kötñi mi jim tuaribi möta malget. ⁶⁴ Mewö möta malgetmö, engörejök tosatñan töndup ni qahö möt narim niñgiba malje.” Denike yeñön qahö möt narim wañgigeri aka dañön könañgep mamalolo mem wañgimawi, Jisösnöñ mi könakönahineyök möta korök. Miñgöra mewö jiyök.

⁶⁵ Mewö jiba toroqeba jiyök, “Miñgöra nöñön kewö jibi mötme: Nöngö Iwinan ambazip kun qahö inahöm wañgiza ewö, yañön mönö nöngörej kamamgö osima.”

⁶⁶ Keu miñgöra aka gwarek yengörejök gwötpukñan poraiba ziriñziriñ aka mosöta yambuk qahö toroqeba anda kaget. ⁶⁷ Miñgöra Jisösnöñ gwarek 12 miñgöra kewö jiyök, “Inñini mönö mewöñanök nömosöta anbingö mötze me qahö?”

⁶⁸ *Mewö jiiga Saimon Pitönöñ meleñnök, “O Kembu, nini mönö dagörej anbinak? Malmal köhöikñangö Buña keuñi mi mönö göhörej ahöza. ⁶⁹ Göñön Anutugörej azi sarakñi akzani, nini mi möt nariba möt asariba maljin.”

⁷⁰ Mewö meleñniga Jisösnöñ möta jiyök, “Nöñön azi 12 inñini möwölöhöm enñial aka engörejök kunöñ mönö bölöñangö bohonñi akza.” ⁷¹ Judas Saimon Iskariotkö nahönñi yañön gwarek 12 yengö sutñine mala könañgep mamalolo mem wañgiyök. Jisösnöñ keu mi yañgöra möta jiyök. Mewö.

7

Jisösnöñ munurupñi yembuk keu eraum mötket.

¹ Juda jitñememe yeñön Jisös qebingö kapan kölgerangöra Judia prowins uruñe anda kamamgö tököyök. Miñgöra Judia mosöta Galili prowins uruñe anda liliköba maliga köiñ tosatñi teköyök. ² *Mi teköiga Juda yengörej kendon kun qetñi koumkoum miangö nalöñan töriyök.*

³ Miñgöra Jisösgö munurupñan kewö jiget mörök, “Gi kiangörej mala anñöletot memakzani, mi gwarekurupkan mewöyök ek kutumegöra gi mönö gölme ki mosöta Judia anöñga dop kölma. ⁴ Kunñan nanñak aukñe asuhumamgö mörakzawi, yañön yuai kun tölapñe qahö memakza. Anñöletot mewöñi memakzanangöra mönö ambazip kambuñi kambuñi yengö jeñine anda asuhuba könañamgi indelman.” ⁵ Munurupñan qahö möt narim wañgiba tönpin malgerangöra aka mewö lañ jiget.

* **6:68:** Mat 16.16; Mak 8.29; Luk 9.20 * **7:2:** Lew 23.34; Dut 16.13 * **7:2:** Juda yengörej yambu jeñi qeçe sösongai kendonñi mi yambu (yara) dop kewö alget: Wain nupñine anda ip sinñi memba koumkoum qeba miangörej ahöba wehön 8 söñgaiba kendon tata malget. Wehön kondikñe sösongai öñgöñgöñi alget. Mönöwök gölme qararankölkölñe yambu (yara) 40 miangö dop opo koumñine ahöba kaba malgeri, mi mötmöriba söñgaiget. Lew 23.33-36,39-43; Dut 16.13-15

⁶ Mewö jigetka kewö jii mötket, “Urugö nup aukne memamgö nalönan qahö kam kunguiga maljalmö, engö nalönanan mönö sundan dop anmeanjö dop ahöza. ⁷ Gölme ambazipnöñ kazik ak engibingö osimakzemö, nöñön yengö ahakmemeñini bölöñi indela nanjöba jibi mötzeangöra mönö ni kazik ak niñgimakze. ⁸ Anmamamgö nalönan mönö qahö kam kunguza. Mianjöra nöñön sösongai kendon kianjöreñ qahö öngömam. Nöñön mire tatpiga injini ölop endu anda öngöba söngaimé.” ⁹ Keu mewö jii mötketka Galili prowins urune toroqeba malök. Mewö.

Jisösnöñ koumkoum sösongainöñ malök.

¹⁰ Jisösgö munurupñan koumkoum kendongöra angetmö, nanñak mire tata könangep aukne qahöpmö, tolapköba anda Jerusalem öngöyök. ¹¹ Juda yengö jitnememurupñinan sösongai nalöne Jisösgö jeñi jaruba qesiqesi aka kewö jiget, “Azi mi denike?”

¹² Ambazip kambu yeñön sutñine Jisösgöra sañep keu gwötpuk jiget. Tosatñan “Azi mi ölop sorokñi,” jigetmö, tosatñan kewö jiget, “Qahö! Yanñön mönö ambazip kambu enjololon ak engiiga kahapmahap ahakze.” ¹³ Mewö mewö lañ jigetmö, Juda jitnememe yengöra kenjöñini möta malgerangöra kunñan yanjö keuñi aukne qahö jiyök. Mewö.

Jisösnöñ nanñi könanji ambazip kusum engiyök.

¹⁴ Kendon sösongai bibine malgetka Jisösnöñ jöwöwöl jike tohon urune öngöba könahiba ambazip kusum engiyök. ¹⁵ Kusum engiiga Juda yeñön welipköba kewö jiget, “Azi ki mötmöt jake öngöngöñe qahö öngöba töndup Buña Kimbigö könanji denöwö möt soroköza?” Mewö jiba welipköget.

¹⁶ Welipkögetka kewö jii mötket, “Mötmöt Buña jimakzali, nöñön mianjö Tonji qahö akzal. Nanak qahöpmö, melaim niñgiyöhi, nöñön mönö yanjö mötmötñi memba kaba jimakzal. ¹⁷ Ambazip kunñan Anutugö jitsihitñangö dop aka memamgö mötzawi, yanñön mötmöt jibiga mianjö Tonji dañön akza, mi möt kutuma. Anutunöñ Buñanji nöñgö urune ali asuhuza me nani imbinangö keu lañ jimakzal?”

¹⁸ “Kunñan nanñi imbine mötmöriba keu jimakzawi, yanñön nanñak qetbuñañambuk akñangö mötza. Mewö mötzapmö, melaimelai azi kun tonñan qetbuñañambuk akñapköra kapan köljawi, yanñön mönö jitnememe ölbölñi geñmoñi qahö akza. ¹⁹ Mosesnöñ Köna keu al engii mi ahöza me qahö? Mi ahözapmö, engöreñök kunñan mi qahö tem köla wuatangömakza. Injini mönö wuanöngöra kapan köla ni nungubingö mötmörize?”

²⁰ Mewö jii möta ambazip kambu yeñön kewö melenget, “Ömewörömenöñ mönö uruge geba kinja. Dañön kapan köla gi guhumangö mötmöriza?”

²¹ Mewö melengetka jii mötket, “Nöñön angöletot mohot membiga injini körek pakpak auruba köñkun akze. ²² *Mosesnöñ silenine Anutugö aiwesök yandibingöra jim kutum engiyöhi, o Mosesnöñ mi mutuk qahö jim kutuyökmö, amböskonurupñinan mi könahiba memba malgetka silik mi neñgöreñ kaiga Sabat kendonöñ mewöyök azi silenini yandimakze.

²³ *“Nini Mosesgö Köna keu walöñnin siñgisöndok ahubapuköra köhöikñi mötzin. Mi mötzinmö, keu mi qetala Sabat kendonöñ mewöyök azi silenini yandiba töndup nanñini qahö jim anguba silebile malje. Mewö maljemö, nöñön azi jömukñi Sabat kendonöñ mem ölöwak wanñiali, mianjöra mönö wuanöngöra mi yom jim niñgize? ²⁴ Injini ambazip silenini miyöhök eka mewö mianñön bahösöhamök kewöta keu lañ jim tekömakzei, mi mönö mosötme. Mi mosöta urunñini törörök möt kewöta keu öñanök jim teköme.” Mewö.

Jisösnöñ Amötqeçe Tonji akza me qahö?

²⁵ Jerusalem tonji yengöreñök tosatñan kewö jiget, “Azi kapan köla qebingö mötmörize, yanñön mönö mia me? ²⁶ Eket, yanñön ambazip jeñine aukne keu jüiga qahö jim wanñize. Mewögöra azi kianñön Amötqeçe Tonji Kraist akzawi, keu mi öñña galömkölköl azi yengö

* 7:22: Jen 17.10; Lew 12.3 * 7:23: Jon 5.9

kezapņine geiga mōtze me qahō? ²⁷ Amōtqeçe Toņi Kraistnōņ kamapkōra jiba kota malgeri, yaņōn ‘Denikeyōk asuhumawi, mi kunōņ kun qahō mōtma,’ jizemō, azi kianjōn denikeyōk asuhuyōhi, mi mōnō ōlōp mōtzin.”

²⁸ Mewō eraum mōtketka Jisōsnōņ jōwōwōl jikegō tohoņ uruņe kinda imbiņi memba wahōta kusum eņgiba keu kewō jiyōk, “Inini nōņgōra kewō jize, ‘Azi mi mōt waņgiba miriņi denikegō mi ōlōp mōtzin.’ Nani kukōsum qakņe qahō asuhuba kinjal. Melaim niņgiyōhi, yaņōn melaimelai Toņi ōlņi aiga i qahō mōt kutum waņgiba malje. ²⁹ Yaņōn melaim niņgiiga yaņgōreņōk eralaņgōra i ōlōp mōt waņgizal.”

³⁰ Mewō jiiga i memba jōhōbingō mōtketmō, nalōņan qahō kam kuņguyōhaņgōra aka kunņan silene qahō meyōk. ³¹ Mewō mōtketmō, ambazip kambu yeņgōreņōk gwōtpukņan mōt narim waņgiba kewō jiget, “Kraistnōņ kamawi, yaņōn mōnō azi ki oņgita aņgōletot memba malma me denōwō? Mewō tandōk akza.” Mewō.

Jisōs memba jōhōmegōra naņgu galōm melaim eņgigetka kaget.

³² Ambazip kambu yeņōn Jisōsgōra mewō goranora jiba jitnakōlik akeri, mi Farisi (Kōna keugō kapaņkōlkōl) yeņōn mōtket. Mi mōta jike nup galōm yembuk kinda naņgu galōm (sikiriti) tosatņi melaim eņgigetka memba jōhōbingō kaget. ³³ Kagetka Jisōsnōņ kewō jiyōk, “Nōņōn embuk nalō tōrōptōkņi toroqeba malmam. Mi malagun eņgōmosōta melaim niņgiiga erali, mōnō yaņgōreņ liliņgōba ōņgōmam. ³⁴ Ōņgōbiga gōraim niņgiba malmemō, ni qahō miwikņaim niņgime. Nōņōn miri malmami, inini miangōreņ kabingō osime.”

³⁵ Mewō jiiga Juda jitņememe yeņōn sutņine kewō erauget, “‘Nini miwikņaim waņgibingō osibin,’ jiza. Miangōra mōnō denikeaņgōreņ ōņgōmamgōra jiza? Juda ambazip tosatņan deņda kantri tosatņe anda Grik yeņgō sutņine maljei, mōnō yeņgōreņ anda Grik ambazip kusum eņgimamgō mōta jiza me? ³⁶ Keu kewō jiza, ‘Gōraim niņgiba malmemō, ni qahō miwikņaim niņgime,’ aka keu kun kewō jiza, ‘Nōņōn miri malmami, inini miangōreņ kabingō osime.’ Keu yahōt mietkō kōnaņiri denōwō?”

Malmal kōhōikņaņgō oņan mōnō jeņi tohoba kaņgotma.

³⁷ *Mewō eraugetmō, kendon sōņgaigeri, miangō wehōn qōndōkņi ketañi mianjōn kam kuņguiga Jisōsnōņ kinda kōhōikņanōk qeta kewō jiyōk, “Kunņan ogōra kōmuzawi, yaņōn mōnō nōņgōreņ kaba nema. ³⁸ *Buņa Kimbigō keu kun kewō ohoget ahōza, ‘Kunņan ni mōt narim niņgizawi, yaņgō uruņeyōk malmal kōhōikņaņgō oņan mōnō tohoba saksakōba kaņgorakņa.’ ”

³⁹ Mewō jiyōkmō, keu mi Uņa Tōrōņaņgōra aka kewō jiyōk, “Denike eņōn ni mōt narim niņgizei, inini mōnō Uņa Tōrōņi buņa qem aņguba malme.” Anutunōņ Jisōs gōlmenōņ malōhaņgō dop Suepkō asakmararaņi qahō al waņgiiga malōk. Miangōra Uņa Tōrōņi qahō melaigi eta uruņine geiga ōne malget. Mewō.

Ambazip sutņine jujul ahui malget.

⁴⁰ Jisōsnōņ mewō jiiga ambazip kambu yeņgōreņōk tosatņan keu mi mōta kewō jiget, “Azi kianjōn mōnō ōlņa kezapqetok azi asuhumapkō jigeri, mōnō mia akza.”

⁴¹ Tosatņan jiget, “Yaņōn Amōtqeçe Toņi Kraist akza.” Mewō jigetmō, tosatņan qetala jiget, “Kraistnōņ mōnō denōwō Galili prowinsnōhōk kabawak? Mi qahō dop kōlja.

⁴² *Buņa Kimbinōņ kewō jiza, ‘Kiņ Deiwidnōņ Judia prowinsgō taon morōņi Betlehem miangōreņ malōhi, Kraistnōņ miangōreņōk asuhuba Deiwidkō gwōlōnarōkurupņi yeņgōreņōk kunņan akņa.’ ”

⁴³ Mewō mewō laņ jigetka ambazip kambu yeņōn Jisōsgōra aka jula deņget. ⁴⁴ Yeņgōreņōk tosatņan memba jōhōbingō mōtketmō, kunņan silene qahō meyōk. Mewō.

Juda galōm yeņōn Jisōs qahō mōt narim waņgiget.

* 7:37: Lew 23.36 * 7:38: Eze 47.1; Zek 14.8 * 7:42: 2 Sml 7.12; Mai 5.2

⁴⁵ Jöwöwöl jikegö kiripo galöm (sikiriti) yeñön lilingöba jike nup galöm aka Farisi (Köna keugö kapañkölköl) yeñgöreñ kagetka kewö jim enğıget, “İnini wuanöñgöra i qahö memba kaze?”

⁴⁶ Jim enğıgetka kewö melenget, “Azi mianön keu jimakzawi, kunñan nalö kunöñ keu tandökñi mewöñi qahö jiyök.”

⁴⁷ Mewö melengetka Farisi (Köna keugö kapañkölköl) yeñön qesiba jim enğıget, “İnini tok enjololon ak enğı malje me? ⁴⁸ Galömkölköl azi neñgöreñök kunñan mönö i qahö möt narim wañgiyök. Aka Farisi (Köna keugö kapañkölköl) neñgöreñök kunöñ kun uruñi yañgöreñ göröken melenök me qahö? ⁴⁹ Mewö qahöpmahöpmö, ambazip kambu Mosesgö Köna keu qahö möt kutuba Jisösgö keu möta kopa keu lañ jimakzei, yeñgöra muat! Anutunöñ mönö i qesuahöm enğıga ayuhume.”

⁵⁰ *Mewö jim enğıgetka azi qetñi Nikodemus mutuk Jisösgöreñ kaiga qambañ wañgiyöhi, yañön mewöyök yeñgöreñök kun aka sutñine tata kewö jii mötket, ⁵¹ “Azi kunöñ siñgisöndok ahöhi, mi qahö qesiinga jiiga möta töndup kewöringa dop kölja me qahö? Qahö kewöta keuñi öne jim teköbin ewö, mönö naninak Köna keunini qebin me? Mi qahö dop kölma.”

⁵² Mewö jii möta kewö melen wañgiyet, “Gi mewöyök Jisös ewö melenđa Galili qandak azia akzan me? Galili prowinsnöhök kezapqetok azi kun qahö asuhumawi, mi mötzin. Mewö mi nangak Buña Kimbi oyonđa könañi jaruba möt kutuman.” ⁵³ Mewö jitnakölik aka jula denđa miriñine anget. Mewö.

8

Ambi kunöñ serowilin aiga miwikñajaget.

¹ Miriñine angetmö, Jisösnöñ anda Oil ip kundunje öngöyök. ² Öngöba ahöba miri gianjiiga söñanök kunbuk lilingöba jöwöwöl jikenöñ öngöiga ambazip kambu pakpak kaba liliköm wañgiyetka eta tata kusum enğıyök.

³ Kusum enğıga Köna keugö böhi aka Farisi (Köna keugö kapañkölköl) yeñön ambi kun wañgita yañgöreñ kaget. Ambi mianön sero yonğorö ahiga mianğöra memba jöhögeri, mi wañgita kambu jeñine alget. ⁴ Jeñine ala Jisösgöra jiget, “Böhi, ambi kianön qesabulum ahiga mönö mianğöreñök miwikñajaba memba kazin. ⁵ *Mosesnöñ Köna keu ala mianğöreñ ambi mewöñi mi kötnöñ gila qeinga kömumapköra jim kutum neñgiyöha ahöza. Mewö ahözapmö, göñön yañgöra denöwö jiman?”

⁶ Mewö jiba mianğöreñ möndöba Jisös keugö bötaknöñ öroi qaköiga qebingö könañi ahui keu jakeñe albingöra jiget. Mewö jigetka sipköba eta böröñan kulem kun gölmenöñ ohoyök.

⁷ Ohoyökmö, toroqeba kapañ köla qesim wañgiyetka hök ala wahöta diñdiñi kinda kewö jii mötket, “Enğöreñök kunñan siñgisöndok kun qahö aka maljawi, yañön mönö ölop köt mutukñi memba gila qema.” ⁸ Mewö jii mötketka kunbuk sipköba eta kulem kunbuk gölmenöñ ohoyök.

⁹ Jisösnöñ keu jiyöhi, mianön enğömemba jöhöiga nanñini siñgisöndokñini gamuñambuk akeri, mi Anutunöñ kondeliga nanñini uruñinan nañgöba jiiga isikusukñini qahöwahök. Mianön qahöwahiga keu göröñ kingetka bohonñinan mutuk enğömosöta aniga yañgö nemböñan andöñe aniga tosatñi mohot mohot yeñön mömölaköba körek an teköget. Qöndökñan aniga Jisösnöñ zoñ kunguba tari ambinöñ nanñök yambuk kinök. ¹⁰ Jisösnöñ hök ala wahöta diñdiñi kinda ambi eka kewö jii mörök, “Ambi, keu jakeñe al gihibingö jizei, yeñön mönö denike gi sök ni sök anjeje? Yeñgöreñök kunöñ kinda gi kömumangö keuñi qahö jim teköza me?”

* 7:50: Jon 3.1-2 * 8:5: Lew 20.10; Dut 22.22-24

11 Jii möta melenök, “O Kambu, kunöŋ qahö jim teköm niŋgiza!” Mewö meleniga jii mörök, “Nöŋön mewöyök gi qahö jim teköm gihizal. Gi mönö dölki könahiba siŋgisöndok kunbuk kude aka malman.” Mewö.

Gölme dop neŋgö asaknini mi Jisös.

12 *Jisösnöŋ keu kunbuk suariba kewö jii mötket, “Nöŋön ambazip gölmeŋi gölmeŋi tat anjei, eŋgö asaknini akzal. Kunŋan ni nuatangöba kamawi, yaŋön mönö söŋaupnöŋ jipjap qahö qeba malmappmö, malmal köhöikŋaŋgö asakŋi miangö uruŋe malma.”

13 *Mewö jiiga Farisi (Köna keugö kapaŋkölköl) yeŋön kewö jiget mörök, “Nanganök könaŋamgi naŋgöba jim asarimakzani, mianön mi qahö dop köl köhöiza. Qahö!”

14 Mewö jiget möta kewö jii mötket, “Nöŋön denikeyök eta kayali aka denike anda öŋgömami, mi möt teközal. Miangöra nanak könaŋamni naŋgöba jim asarimakzali, keu mi mönö ölop dop köl köhöiza. Mi köhöizapmö, iŋini nöŋgö könani mi ölna qahö möt kutuze.

15 Eŋön ambazip sileŋini miyöhök eka mewö mianön bahösapsap kewöt eŋgiba keuŋini laŋ jim tekömakzemö, nöŋön ambazip kungö keuŋi qahö jim tekömakzal.

16 “Ni nanök qahö maljalmö, Iwi melaim niŋgiyöhi, yaŋön mönö nömbuk kini maljit. Miangöra kungö keuŋi jim teköbilenak ewö, mi mönö diŋdiŋanök kewöta dopŋe jim teköbilenak. 17 *Yahötŋan keu kun urumohot aka naŋgöba jiyohotka dop köl köhöimakza. Keu mi eŋgö Köna keuŋine mewöyök ohoget ahöza.

18 “Nöŋön nani könaŋamni naŋgöba jimakzal aka Iwi melaim niŋgiyöhi, yaŋön mewöyök nöŋgö könaŋamni naŋgöba jimakza. Miangöra yahöt akziga mianön ölop dop köla köhöim teköza.”

19 Jisösnöŋ mewö jii möta kewö qesim waŋgiget, “Göhö Iwigi mi denike malja?” Qesim waŋgigetka melenök, “Iŋini ni aka Iwini netkö könaŋamniri qahö möta malje. Iŋini nöŋgö könaŋamni möt kutubeak ewö, mönö nöŋgö Iwini mewöyök möt waŋgibeak.”

20 Jisösnöŋ jöwöwöl jikegö naluk dum kösutŋe kinda ambazip kusum eŋgiba keu mi jiyök. Mi jiyökmö, nalöŋan qahö kam kuŋguyöhaŋgöra aka kunŋan i qahö memba jöhöyök. Mewö.

“Denike öŋgömami, iŋini miangöreŋ öŋgöbingö osime.”

21 Jisösnöŋ keu kun kewö toroqeba jii mötket, “Nöŋön eŋgömosöta anda malbiga iŋini ni göraim niŋgiba malme aka siŋgisöndok akeri, miangöreŋ qekötahöba kinda kömum köhöime. Miangöra denike öŋgömami, iŋini miangöreŋ öŋgöbingö osime.”

22 Juda jitŋememe yeŋön mi möta jiget, “Kewö jiza, ‘Denike öŋgömami, iŋini miangöreŋ öŋgöbingö osime.’ Keu mi denöwö? Imbi aumangöra jiza me?”

23 Mewö jigetka jii mötket, “Iŋini gölme kiangö toni aka maljemö, nöŋön miri gölme euyangö buŋaya akzal. Eŋön gölmeŋöŋ ahuba gölme kiangö buŋaya aka maljemö, nöŋön mutuhök gölme kiangöreŋ qahö ahuyal. 24 Qahö ahuba malmalgö könaŋi nalö dop mala korali, nöŋön mönö mia akzal. Nöŋgöra mewö qahö möt narize ewö, mönö siŋgisöndok akeri, mi qahö mosötpiga miangöreŋ qekötahöba kinda kömum köhöime. Könaŋi miangöra aka kewö jibi mötze, ‘Iŋini siŋgisöndok akeri, mönö miangöreŋ qekötahöba kinda kömum köhöime’. Keu mi ölna.”

25 Keu mi möta kewö qesim waŋgiget, “Gi mönö niŋia akzan?” Qesim waŋgigetka melenök, “Könaŋamni lök indelbiga mötzei, nöŋön mönö mia akzal. 26 Nöŋön eŋgöra keu gwötpuk ölop toroqeba jibilenak aka siŋgisöndok gwötpuk akeri, miangö keuŋi ölop jim teköbilenakmö, melaim niŋgiyöhi, yaŋön mönö nöŋgö melaimelai Toni ölni akza. Yaŋön keu jiiga yaŋgöreŋök möta kota maljali, nöŋön mönö keu mi aukŋe jibiga gölmeŋi gölmeŋi yeŋön mörakŋe.”

27 Mewö melenökmö, Iwigöra keu suariba jiyöhi, yeŋön mi qahö möt asariget.

28 Jisösnöŋ toroqeba kewö jii mötket, “Nöŋön malmalgö könaŋi nalö dop mala korali,

* 8:12: Mat 5.14; Jon 9.5 * 8:13: Jon 5.31 * 8:17: Dut 19.15

mönö mia akzal. Mianğö könani mi könangep ölop möt asarime. Nöñon yuai kun nani ösumnan me nani imbinanğö dop qahö ahakzalmö, Iwinan keu kusum ningiba malöhi, mönö mianğö dop keu jitni ki jimakzal. Keu kötni yahöt mianğö könani mi könangep möt asarime. Injini Suep gölmegö Azi Ölñi kösökögetka eu öngöba kömumawi, nalö mianğören mi ölop möt asarime.

²⁹ Melaim ningiyöhi, yanön mönö nömbuk kini maljit. Ahakmeme möri dop köl wangimakzawi, nöñon mönö sundan mia ahakzal. Mianğöra yanön qahö nömosöriğa nanök qahö maljal.”

³⁰ Keu mewö jiyöhanğöra aka ambazip gwötpukñan uruñini melenđa Jisös möt narim wangiget. Mewö.

Abrahamğö gwölönarökurup munenji aka Jisös.

³¹ Jisösnöñ Juda ambazip tosatñan möt narim wangigeri, yengöra keu kewö jii mötket, “Nöñgö Buña keunan uruñine geiga mianğören qekötahöba kinje ewö, mönö ölña nöñgö gwarekurupni akze. ³² Mewö mala keu ölñanğö könani möt kutugetka Buña keu ölñan injini bölöñanğö kösönöhök pösat enğiiga solanji (fri) aka malme.”

³³ *Mewö jii möta melenđa kewö jiget, “Nini Abrahamğö gwölönarökurupñi mala könagesö walñi akzin. Mewögöra azi kunöñ kösö gwarö mem nenğiiga maljinanğö jizani, mi qahö. Nini mönö nalö kunöñ etqeçenji mewö qahö aka malin. Aiga gi denöwögöra aka kewö jizan, ‘Kösönöhök pösat enğiiga solanji aka malme?’ Keu mi qahö dop kölja.”

³⁴ Mewö jigetka kewö melenj enğiyoç, “Nöñon keu öl töhöñni kun kewö jibi mötket: Singisöndok akzei, körek yeyön singisöndokö welenqeçe omanji töwa qahö aketka mianğö kösöñan köpeim enğimakza. ³⁵ Köpeim enğimakzapmö, welenqeçenöñ tonanğö miri uruñe nalö dop qahö mal öngöma. Nanñi Nahönñan ölop miriñe nalö teteköñi qahö malma.

³⁶ “Nahönñan bölöñanğö kösönöhök pösat enğiiga solanime ewö, enön mönö ölña kösö gwarö qahö solanji (fri) aka malme. ³⁷ Injini Abrahamğö gwölönarökurupñi maljei, mötzalmö, bölöñan uruñini gwözönjawanğöra nöñgö Buña keunan mösösönihim enğiba kondondönğöba erakza. Könani mianğöra mönö kapan köla ni nuñgubingö mötze. ³⁸ Nöñon Iwinanğö qöhöröñe mala yuai eka mala koralı, mianğö keuña jimakzal. Enön mewöyök iwiñinan keu jii mötkeri, mianğö dop ahakze.”

³⁹ Jisösnöñ mewö melenj enğiiga kewö jiget mörök, “Abrahamnöñ mönö nanine iwiambönini akza.” Mewö jiget möta jiyök, “Injini Abrahamğö gwölönarökurupñi akeak ewö, mönö yanğö ahakmemenji wuatangögetka dop kölbawak. ⁴⁰ Mianğö tandökñi kewö akza: Nöñon Anutugö jitneyök keu möta mianğö dop keu ölbölñi mi jibi mörakze. Nalö kewöñe injini kapan köla azi ni nuñgubingö mötzemö, Abrahamnöñ mewö qahö ahök. ⁴¹ Nanñini iwiurupñinanğö ahakmeme miyök wuatangöba malje.” Mewö jiiga jiget mörök, “Serowilinöñ qahö ahuba iwi qahö (bastet) mi qahö akzinmö, Iwininambuk maljin. Anutunöñ mohok-kun nanñak iwi ak nenğiza.” Mewö.

“Bölöñi Tonanğö buñaya akze,” jiyök.

⁴² Jisösnöñ kewö jii mötket, “Anutunöñ nanñak iwi ak enğibawak ewö, nöñon yanğörenöç eta asuhuyalanğöra mönö ölop ni uru jöpaköm ningibeak. Nani ösumnöñ nam köliga qahö asuhuyalmö, Anutunöñ melaim ningiiga eta maljal. ⁴³ Keu jimakzali, mi wuanöngöra möt asaribingö lömbörimakze? Nöñgö keunan uruñini undenjawanğöra mi möt kutubingö olan qeba zikzik tökömakze. Mewögöra mi möt asaribingö osimakze?”

⁴⁴ “Mönö iwiñini Bölöñi Tonanğö buñaya akze. Sihim kömböñanñinan mönö iwiñinanğö sihimñi bölöñi wuatangöbingöra ahöza. Yanön könakönahineyök ambazip enğuget kömukömu azia aka kota malja. Keu ölñan uruñe qahö kinjawanğöra aka keu ölñi onğita lolonqalolon kinja. Munen jiji azia aka munen jijigö iwiñi akzawanğöra munen jimakzawi, mi mönö nanñi uruñanğöra jimakza.

* 8:33: Mat 3.9; Luk 3.8

⁴⁵ “Yañön munen jimakzapmö, nõñön keu ölñi jimakzal aigun inini ni qahö möt narim niñgimakze. ⁴⁶ Inini körekñan nõngö könani kewö kondelbingö osize: Yañön siñgisöndok aka keuñambuk malja. Könañamni mewö jaruzemö, nõñön keu ölñi jimakzali, mi mönö wuanöñgöra qahö möt narim niñgize?”

⁴⁷ “Kunñan Anutugö buña akzawi, yañön mönö Anutugöreñ keu kezap ala mörakza. Inini Anutugö buña qahö akzeañgöra aka keu mi qahö möta möt asarimakze.” Mewö.

Jisösnöñ nanñangöra denöwö jim miwikñaiyök?

⁴⁸ Jisösnöñ Juda ambazip yeñgö könani indeliga likepñi melenña kewö jiget mörök, “Gi Samaria prowinsgö lolonqalon azia aknõnga ömewörömenöñ uruge geiga maljan. Mewö jiba dopñe jizin me qahöwi, mi ölop nangak jinöñ mörin.”

⁴⁹ Mewö möta kewö melenñök, “Ömenöñ urune qahö geiga maljal. Ni Iwinanök göda qem wañgiba maljal aigun töndup eñön gamu qem niñgimakze. ⁵⁰ Mewö ahakzemö, nanak qetbuñanambuk akñamgö jaram qahö timakzal. Mohot kunñan mewö akñamgö bimñi qeba malja. Azi yañön mohot kewöt niñgiba ‘Dop köljan,’ jiba jim teköm niñgimakza. ⁵¹ Nõñön keu öl töhönñi kun kewö jibi mötket: Kunñan nõngö Buña keuni tem köla wuatangömakzawi, yañön mönö nalö kunöñ kömup köhöikñangö buñaya qahö akña.”

⁵² Mewö melenñiga Juda jitñememe yeñön Jisös kewö jiget mörök, “Abraham aka kezapqetok ambazip yeñön kömuget aigun göñön töndup kewö jinõnga siksauk akza, ‘Kunñan nõngö Buña keuni tem köla wuatangömakzawi, yañön nalö kunöñ kömup köhöikñangö buñaya qahö akña.’ Mewö jizanañgöra gi öme kunöñ uruge geiga maljan. Mi döлки ölop möt asarizin. ⁵³ Neñgö bömönini Abraham kömuyöhi, göñön mönö i ongita yangö ketañamñi akzan me? Kezapqetok yeñön mewöyök kömuget. Gi nangahöra mötnöñ öngöiga ‘Ketañi niñia akzal?’ jiba mötzan?”

⁵⁴ Mewö jiget möta kewö melenñök, “Nanañgöra mötpi öngöiga Anutugö aködamunñi mi nana buña qem añgubilenjak ewö, qetbuñani mi mönö nesak akawak. Iwinan nanñi aködamunñi niñgiyöhanñgöra aka qetbuñanambuk aka maljal. Eñön yangöra ‘Neñgö bem Anutunini akza,’ jize. ⁵⁵ Eñön könani mi ölop qahö möt kutumakzemö, nõñön i ölop möt wañgizal. ‘I qahö möt wañgizal,’ jibilenjak ewö, mönö inini ewö tilipqilip azi akilenjak. Ni azi mewöñi qahö akzalmö, i ölop möt wañgizal aka yangö keuñi tem kölakzal. ⁵⁶ Engö bömönñini Abrahamnöñ ni gölmenöñ eta malmangöra mamböta nalö mi ekñamgöra uru sösongai aka malök. Nalö kewöñe Suepnöñ mal köhöiiga nõñön asuhubiga nõngö nalöni eka miangöra söñgaiyök.”

⁵⁷ Mewö melenñiga Juda jitñememe yeñön kewö jiget mörök, “Yambugi (yara) 50 qahö ongita miangö bapñe maljan aka ‘Abraham ehal,’ jinõnga qahö dop kölja.”

⁵⁸ Mi möta jii mötket, “Nõñön keu öl töhönñi kun kewö jibi mötket: Abrahamnöñ qahö asuhuiga nõñön lök nalö miangöreñ malal.”

⁵⁹ Mewö jii möta kötnöñ gila qebingöra köt umburañgöba megetmö, Jisösnöñ tölapköba jöwöwöl jikegö tohoñi mosöta ölöñ köla anök. Mewö.

9

Jisösnöñ jegömöl azi kun mem ölöwahök.

¹ Jisösnöñ toroqeba köna anda azi kun nam köro uruñeyök jegömöl asuhuyöhi, mi ehök. ² Mi ehiga gwarekurupñan qesim wañgiba jiget, “Ketañamnini, yañön mönö dagö siñgisöndoköra aka jegömöl mewöñi asuhuyök? Nanñi siñgisöndoköra me iwinamñi yetkö siñgisöndoköra?”

³ Jigetka kewö melenñök, “Nanñak siñgisöndok kun qahö ahök aiga iwinamñan siñgisöndok qahö ahotmö, Anutugö kukösumñan yangö malmalñe aukñe asuhumapköra mewö ahuyök. ⁴ Wehönöñ asariba ahözawañgöreñ mönö melaim niñgiyöhanñgö nuwa

töp memba malbin. Sunjem akɲawi, miangöreɲ körek nup membingö osibin. ⁵ *Nöñön gölmenöɲ malmamaɲgö dop gölmenji gölmenji engö asakɲini aka asariba malmam.”

⁶ Mewö jiba gölmenöɲ söutköi geiga gwakötak melenɲa jegömöl azigö jene timbilyök. ⁷ Timbiliba kewö jim kutuyök, “Gi mönö Siloam o aɲgönöɲ anda jegi saɲgoɲman.” (Siloam qet mi nanine keunöɲ Melaimelai azi.) Mewö jim kutuiga anda jeni saɲgoɲni tohoiga ui asariiga lilingöba miriɲe kayök.

⁸ Mewö kaiga alaurupɲan kösutɲe malgeri aka tosatɲan mutuk nene yuaigöra ulet engiba mali ekeri, yeɲön i eka jiget, “Jegömöl azi nenegö uleta tata malöhi, yaɲön azi mia me?”

⁹ Tosatɲan jiget, “Yaɲön mönö mia.” Tosatɲan jiget, “Qahö, kaisoɲgolomɲi i ewö akzapmö, yaɲön qahö.” Mewö mewö jigetka nannak jiyök, “Nöñön mönö ia akzal.”

¹⁰ Mewö jiiga kewö qesiget, “Jegi mönö denöwö aknönɲa tohoza?”

¹¹ Qesigetka kewö melenɲa jene timbiliba jim kutuba kewö jiyök, ‘Gi mönö Siloam o aɲgönöɲ anda jegi saɲgoɲman.’ Mewö jiiga o miangöreɲ anda jeni saɲgoɲbi tohoiga ubi asariyök.”

¹² Mewö melenɲa engiiga kewö qesiget, “Azi mi denike malja?” Qesim waɲgigetka “Qahö mötzal,” jiyök. Mewö.

Farisi yeɲön jeni tohoyöhaɲgöra qeqesi alget.

¹³ Azi jegömöl malöhi, yaɲön “Qahö mötzal,” jiiga ambazipnöɲ i waɲgita Farisi (Köna keugö kapaɲkölköl) yeɲgöreɲ anget. ¹⁴ Jisösnöɲ söutɲan gwakötakupuk melenɲa jene timbiliba metohoyöhi, mi mönö Sabat kendon nalöɲe meyök. ¹⁵ Miangöra Farisi yeɲön mewöyök kewö qesim waɲgiget, “Jegi mönö denöwö aknönɲa tohoza?” Qesim waɲgigetka kewö melenɲa engiyök, “Azi miangön mönö söutɲan gwakötakupuk melenɲa jene timbiliiga anda jemesoholni saɲgoɲda jeni ubi asariza.”

¹⁶ Mewö melenɲa engiiga Farisi yeɲgöreɲök tosatɲan jiget, “Azi miangön Sabat kendon köteközawi, miangöra mönö Anutugöreɲ azia qahö akza.” Tosatɲan jiget, “Mewö qahö! Azi goɲgoɲni kunɲan mönö denöwö aka aɲgöletot mewöɲi memamgö köhöibawak?” Mewö mewö jiba nannini jula denget.

¹⁷ Mewö dengetka jegömöl azi miangöreɲ kunbuk lilingöba jiget, “Jegi metohoyöhi, yaɲgöra mönö denöwö jiman?” Mewö jigetka “Kezapqetok azia akza,” jiyök.

¹⁸ Mewö jiiga jeni ölna gömöliyöha tohoiga uyöhi, Juda jitɲememe yeɲön mi qahö möt nariget. Qahö möt nariba uruyahöt kinda iwinamɲi öröm etkigetka kayohot. ¹⁹ Kayohotka kewö qesim etkiget, “Azi ki etkö nahönɲira me qahö? ‘Jegömöl asuhuyök,’ jizahotmö, denöwö aka mönö dölkɲi jeni uba ekza?”

²⁰ Qesim etkigetka kewö melenɲahot, “Azi ki netkö nahönira akza aka jegömöla asuhuyök, mi ölop mötzit. ²¹ Mewö mötzitmö, denöwö aka dölkɲi jeni uba ekzawi, mi qahö mötzit. Daɲön jeni metohoi uzawi, niri mewöyök qahö mötzit. Gömokɲi qahö, lök qariba töwatɲi jörak alalɲa aka mötkutukutuɲambuk akza. Miangöra mönö nannangö qesigetka könaɲi ölop jima.”

²² Juda jitɲememe yeɲgöra kengetɲiri möta mewö jiyohot. Yeɲön sutɲine keu kewö jöhöba urumohot aka kinget, “Kunɲan Jisös Amötqeqe Toɲi Kraist akzawi, mewö jim miwikɲaima ewö, i mönö köuluk miri kambunöhök közöl waɲgibin.” ²³ Keu miangöra aka kewö jiyohot, “Gömokɲi qahö, lök qariza. Miangöra mönö nannɲi qesim waɲgime.”

²⁴ Miangöra azi jegömöl malöhi, mi kunbuk öröget kaiga kewö jiget mörök, “Azi mi siɲgisöndok azia akza, mi mötzin. Miangöra mönö Anutugö qetbuɲaɲi möpöseinöɲa aködammunɲambuk ahi dop kölma.”

²⁵ Mi möta kewö melenɲök, “Siɲgisöndok azia akza me qahö, nöñön mi qahö mötzal. Mohot kewöyök mötzal: Nöñön jegömöl malalmö, dölkewöɲe kunbuk ölop uba ekzal.”

* 9:5: Mat 5.14; Jon 8.12

²⁶ Mewö melenjiga kewö qesim wanjiget, “Wani yuaia ak gihiza? Jegi mönö denöwö metohoza?”

²⁷ Qesim wanjigetka kewö melenj engiyök, “Nöñön lök melenj engizalmö, enñon keu jizali, mi qahö mötze. Wuanöngöra mi kosikñi kunbuk jibi mötpingö kapanj kölje? Enñon mönö mewöyök yangö gwarekurupñi akingö mötze me?”

²⁸ Mewö melenj engiiga mepaqepaik aka uruqege keu töhörenj kewö jim wanjiget, “Gi mönö yangö gwarekña akzanmö, neñon Mosesgö gwarekurupña maljin. ²⁹ Anutunöñ Mosesya Buña keu wanjii mötzinmö, azi mianñon mönö igen me waigenök asuhuyöhi, mi qahö mötzin.”

³⁰ Mewö jigetka keu kewö jii mötket, “Yañon denikeyök asuhuyöhi, inñini mianñöra tok kök qeba tönpin akzeañöra mi welipközal. Ölña welipközalmö, töndup nöngö jeni metohoiga ölop uba ekzal. ³¹ Ambazip gonjonñi yeñon Anutu köulukögetka qahö möt engimakza, mi mötzin. Mi mötzinmö, kunñan Anutu göda qem wanjiba dingiba keu jitñi tem köla wuatangömakzawi, yangö köulukñi mönö kezap ala mörakza. ³² Kun jegömöl asuhuiga kunöñ kaba jeñi metohoyöhi, kösohot mewöñi mi mutuhök qahö möta malin. Suep gölmenöñ asuhuyohot, nalö mianñoreñök könahiba kota mala merak mianñoreñ kösohot mewöñi kun qahö mörin. ³³ Anutugöreñök qahö kabawak ewö, yañon mönö yuai mewöñi memangö osibawak.”

³⁴ Mewö jii möta kewö jim wanjiget, “Iwinamgan sinjisöndokpuk gölöm alohotka sinjisöndok pakpak miambuk ahuba qarinoñañon merak ninia kusum neñgimangö mötzan. Mi qahö dop kölja.” Mewö jim wanjiba közölgetka gumnöñ erök. Mewö.

Urujenöñ gömöliiga ilingösöñ jipjap malmal.

³⁵ Közölgetka gumnöñ eröhi, keu mianñon Jisösgö kezapñe gei möta azi mi miwikñaiba kewö jii mörök, “Gi Anutugö Nahonñi möt narim wanjizan me qahö?”

³⁶ Mi möta kewö qesiba melenjök, “O Ketañamni, azi mi dañon? Mi jinöñ mötagun i ölop möt narim wanjimam.”

³⁷ Melenjiga kewö jim kutum wanjiyök, “Gi kewö uba neknöñ. Göbuk keu jizali, azi mia mönö nöñon akzal.”

³⁸ Mi möta jiyök, “O Kembu, ni möt narim gihizal.” Mewö jiba sipköba köuluköm wanjiyök.

³⁹ Jisösnöñ jiyök, “Nöñon ambazip kewöta keunini jim tekömangöra aka eta gölmenöñ asuhuyal. Nöngöra aka tosatñan jegömöl akzei, yeñgö jeñini tohoiga ölop uba ek kutume. Tosatñi jeñini ölopñi maljei, yeñon nöngöra aka bau jegömöl aka malme.”

⁴⁰ Mewö jiiga Farisi tosatñan kösutñe mianñoreñ kinda keu mi möta kewö qesiget, “Wae! Nini tok jegömöl azia akzin me? Neñgöra jizan me?”

⁴¹ Mewö qesigetka kewö jii mötket, “Inñini ‘Jegömöl akzin,’ jibeak ewö, mönö sinjisöndok qahö ahöm engibawakmö, nalö kewöñe ‘Ölop ek kutuzin,’ mewö jimakzeañöra aka sinjisöndokñinan mönö ahöm köhöim engima.” Mewö.

10

Lama aka galömñini ölopñi.

¹ Jisösnöñ galöm meme keu kewö jiyök, “Nöñon keu öl töhöññi kun kewö jibi mötket: Tosatñan lama tohoñ uruñe öngöbingöra nanñunöhök qahöpmö, sel walöñda gezei, yeñon mönö kegwek aka yoñgorö meme ambazip akze. ² Kunñan nanñunöñ gezawi, yañon lama miengö galömñina akza. ³ Yañon kañgoriga nanñu galömñan eka nanñu öröm wanjiiga eta qeriga lama yeñon keu jölñi ölop möt kutumakze. Galömñinan nanñi lamaurupñi engohola qetñini qeta enñuanñiriga tohoñini mosöta ölop yaigepñe anakze.

⁴ “Nanñi lamaurupñi pakpak enñuanñiriga tohoñini mosöta yaigepñe angetka yañon jitreñememeñini aka mutuk aniga keu jölñi möt kutuzeañöra andöñe wuatangöba anakze.

⁵ Nanjini galömjini ölop wuatangömakzemö, kian kunjan kaiga i qahöpmahöp wuatangöme. Kian yengö keu jölnjini qahö möt kutuzeangöra mönö zirinjirin aka yangöra kök ala denme.”

⁶ Jisösnöj keu tölapni mi jii mötketmö, keuangö könanj qahö möt asariba köjkuj qeget. Mewö.

Jisösnöj lama galöm ölopni akza.

⁷ Köjkuj qegetka toroqeba engöra kewö jiyök, “Nöjön keu öl töhönni kun kewö jibi mötket: Nöjön lama tohongö nanjuji akzal. ⁸ Nöjögö andöne kambu galöm pakpak mutuk kageri, yenjön kegwek aka yongorö meme ambaziwa aket. Mewö akerangöra lama yenjön i qahö möt kutum engiba malget.

⁹ “Nöjön mohot lama tohongö nanjuji akzal. Denike enjön Anutubuk köhöiba malbingö jiba nömbuk qekötahöba maljei, nöjön mönö amöt qem engibiga letotme. Mewö aka lama tohoj uruje öngöba eta yaigep anda nene gölmeni möriamjambuk miwikjaimakje. ¹⁰ Yongorö meme yenjön wuanöngöra kamakze? Yenjön yongorö memba nenjuba ayuhum nenjibingöra kamakze. Yuai murutji akingöra qahö. Nöjön mewö qahö akzal. Nöjön injini malmal köhöikni miwikjaiba oyaenjoyaen aka malmegöra kaba maljal.

¹¹ “Nöjön lama galöm ölopni akzal. Lama galöm ölopnan mönö lamaurupni yengöra aka malmalni kölenja engima. ¹² Kunjan lama tonji qahö aka bohon memegörök kaba lan galöm köl engimakzawi, mi kewö: Kiam kaljan kaiga eka lamaurup engömosöta unjurata aniga kiam kaljan lama engöhöba kiom enguba mendenj engima. ¹³ Yenjön yaigewök kaba bohon memegörök ‘Lama galöm köl engimam,’ mi jitnöj jiba lama engöra waimanjat qahö möta nesampurek qakje mala lan unjurata anma.

¹⁴⁻¹⁵* “Nöjön lama galöm ölopni akzal. Iwinan ni möt ninggiiga nöjön Iwini möt wangiba maljal. Miangö dop nöjön nani lamaurupni möt engibiga yenjön ni möt ningimakze. Nöjön malmalni lamaurupni engöra aka kölenja mosötmam. ¹⁶ Nöjögorenj lama kambu tosatji mi mewöyök ahuba malme. Yenjön lama tohoj kiangö tonji qahö maljemö, töndup nöjögö keu jölmi mörakje. Nöjön i mewöyök enguangitpiga miangö dop anda kamakje. Könanjep kambuji kambuji mienjön mindiriba kambu mohot aketka galöm mohotjan galöm köl engiiga malme.

¹⁷ “Iwinöj kewögöra aka ni urunöj jöpaköm ningimakza: Nöjön malmalni mosöta kunbuk guliba mal öngömam. Mi Iwigö jeje dop kölja. ¹⁸ Malmalni kunjan qahö noangitmapmö, mi nanak kölenja mosötmam. Iwinan jim kutum ninggiiga nanak malmalni kölenja mosötmam aka miangö andöne kunbuk guliba mal öngömam. Kukösum mewöni mi nöjögorenj ahöza.”

¹⁹ Jisösnöj keu mi jiyöhanjögöra aka Juda jitjememe yengö sutjine goranora kunbuk asuhuyök. ²⁰ Yengörenjök gwötpukjan kewö jiget, “Ömewörömenöj uruje geyöhawa mala kahapmahap akza. Mönö wuanöngöra keuji mötpinak? Muat mosötpin.”

²¹ Tosatjan jiget, “Keu mewöni mi kölköljinjin azigö keu ewö qahö. Ömewörömenöj mönö jegömöl ambazip yengö jejnini denöwö metohobawak?” Mewö erauget.

Juda jitjememe yenjön Jisös andö qeget.

²² Mönöwök jöwöwöl jike köl könjörata nanjuji öröget. Mi yambu (yara) dop mötmöriba kendongö söngaibingöra* Jerusalem tokoget. Nalö mianjön kam kujguiga kömunjan kie uru nalö amötji ahök.

²³ Jisösnöj jöwöwöl jikegö tohoj uruje kinj Solomongö sombem söranjambuk qetkeri, miangörenj anda liliköyök. ²⁴ Anda liliköiga Juda jitjememe yenjön kaba liliköm wangiba

* **10:14-15:** Mat 11.27; Luk 10.22 * **10:22:** Kendon qetji Hanuka mi Disemba 25 könahiba wehön 8 miangö dop tata söngaiget. Miri pakpak kiwa ohotiriget asariiga ip sinji tokoba linjet köla sösongai aket.

kewö qesim wanjiget, “Könañamgi köyatinönga mönö nalö dawik toroqeba mamböttingö mötzan? Gi Amötqeqe Tonji akzan me qahö, mi mönö aukne jinönga mötpin.”

²⁵ Mewö jim qesim wanjigetka kewö melenj engiyök, “Nöñön lök jibiga mötketmö, injini nöngö keuni mi qahö möt narize. Nöñön Iwinanğö qetne angöletot ahakzali, mianjön mönö könañamni indela nanğöba kondelakze. ²⁶ Mi nanğöba kondelakzemö, injini nöngö lama kambu uruñe qahö maljeanğöra aka keuni qahö möt narimakze.

²⁷ “Nöñön mönö lamaurupni möt engibiga yeñön mewöyök nöngö keu jölmi möta ni nuatanğömakze. ²⁸ Nöñön malmal köhöikñi engibiga letota nalö kunöñ qahö kötökñi ayuhume. Kunñan kun i nöngö böröneyök qahö öröba köndenj engima. ²⁹ Nöngö Iwinan i nöngö böröne al engiyöhi, yanñön körek enğonğita öngöñğöñi ketanji akza. Mianğöra körekñan i nöngö Iwinanğö böröneyök öröba köndenj engibingö osime. ³⁰ Ni aka Iwi netkön mönö mohot aka maljit.”

³¹ Jisösnöñ mewö jiiga Juda jitnememe yeñön kunbuk gölmenöhök köt umburanğöba memba mianjön gila qebingö aket. ³² Mewö aketmö, kewö jim engiyök, “Iwinöñ nam köl niñgiiga angöletot ketanji gwötpuk aka membiga ekeri, mienğöreñök mönö wania kun mötmöröba ni kötnöñ gila nuñgubingö mötze?”

³³ *Jim engiiga Juda yeñön melenja jiget, “Neñön angöletot ketanji aknönanğöra aka qahö kötnöñ gila guhubingö akzinmö, Anutu mepaqepaik ak wanğizananğö likepñi ak gihibin. Gi gölme azia aigun silegi öne mem öngöba Anutu tandök akñamğö jizan.”

³⁴ *Mewö jigetka Jisösnöñ melenj engiyök, “Buña Kimbinöñ Köna keu kun kewö ohoget ahöza, ‘Anutu nöñön jial: Injini mönö nöngö bemurupni akze.’ ³⁵ Buña Kimbigö keu mi mönö pömsöm qahö qemapmö, pöwöwöm ahöma. Mianğöra Anutunöñ keunji ali kaba ambazip buñanina ahöhi, Anutunöñ yeñö qetñini ‘bemurup’ mewö qet engiyök. ³⁶ Ambazip omanji mewö qet engiyökmö, Iwinöñ azi mem sarahiba melaiiga gölmenöñ eröhi, enñön mönö denöwö aka yanğöra kewö jize, ‘Gi Anutu mepaqepaik ak wanğiba maljan.’ Nöñön ‘Anutugö nahönñi akzal,’ keu mewö jibiga enñön mönö wuanöñğöra mi mötket qahö dop kölja? Injini Anutugöreñ Buña keu mi qeze me?”

³⁷ “Nup memakzali, mi eketka Iwinanğö ahakmemegö dop qahö ahakza ewö, mönö kude möt narim niñgime. ³⁸ Iwinanğö ahakmemegö dop aka memba maljal ewö, könañamni mewö eka mönö möt narim niñgime. Mi keunanğöra aka qahö möt naribeak ewö, mönö angöletotnanğöra aka töndup möt narim niñgime. Iwinöñ nömbuk qekötahöba kinja aka nöñön Iwibuk qekötahöba kinjali, injini mianğö könañi möt sölöngöba asarimeğöra jizal.”

³⁹ Jisösnöñ mewö jiiga kunbuk memba jöhöbingö mötketmö, börö bapñineyök unjurata eta anök.

⁴⁰ *Enğömosöta Jordan o töwatñi kutuba kunbuk likepñe anda Jonöñ mutuk o melun mem engiba malöhi, mianğöreñ angota nalö tosatñi toroqeba mianğöreñ malök. ⁴¹ Mianğöreñ maliga ambazip gwötpukñan yanğöreñ kangota eka kewö jiget, “Jonöñ angöletot mohot kun qahö meyökmö, keu pakpak azi kianğöra jiyöhi, mi mönö keu ölña jiba malök.” ⁴² Kanğotkeri, yeñöreñök gwötpukñan uruñini melenja möt narim wanjiget. Mewö.

11

Jisösgö alañi Lazarusnöñ kömuyök.

¹ *Betani taongö azi kun qetñi Lazarus mianjön kawöl yöhöi ahöyök. Maria aka Marta darumun yetkön Betani taon mianğöreñök malohot. ² *Maria mianjön Kambu o köhöwakñambukñöñ miriba nörop jupñan könañi kereñ meyök. Lazarus kawöl yöhöi ahöyöhi, mi yanğö nenña. ³ Lazarusnöñ kawöl yöhöi ahöiga nenyahötñan buzup keu

* 10:33: Lew 24.16 * 10:34: Sum 82.6 * 10:40: Jon 1.28 * 11:1: Luk 10.38-39 * 11:2: Jon 12.3

kewö alohotka Jisösgöreñ anök, “Kembu mötnöñ, alagi yanğö ak gihimakzawi, yanğön mönö kawöl yöhöi ahöza.”

⁴ Buzup mi anökmö, Jisösnöñ mi möta kewö jiyök, “Kawöl mianğön azi alani kömumapköra aka qahö asuhum wanğii ahöza. Mianğöra qahöpmö, Anutugö Nahönñan i mem ölöwaka mianğöra Suepkö aködamunñambuk aiga ambazipnöñ könañi mi ek kutuba Anutu möpöseigetka qetbuñan asarim sehima. Kawöl mi mianğöra aka asuhum wanğiyök.”

⁵ Jisösnöñ Marta, yanğö munñi aka nennjiri Lazarus yengöra ak wanğiiğa malök. ⁶ Mewö malökmö, töndup kawölñanğö buzupñi möta miri malöhi, mianğöreñök sömañ yahöt toroqeba malök. ⁷ Mi mali nalö mi teköiga gwarekurupñi yengöra kewö jii mötket, “Nini mönö Judia prowinsnöñ lilingöba anbin!”

⁸ Mewö jiğa melenget, “Ketanamnini, Juda yengön uruwale kapan köla kötnöñ gila guhubingö mötket. Mianğöra kunbuk Judia lilingöba anmangö jizani, mi qahö dop kölja.”

⁹ Mewö melengetka Jisösnöñ keu kewö jiyök, “Wehöngö auanñi 12 ahözei, kunñan mianğö asakñe köna anmawi, yanğön mönö yuai kunñan qem mizit qahö ak wanğima. Gölmegö asakñan asarim wanğiiğa ölop eka anma. ¹⁰ Ölop anmappmö, kunñan kiwanñi qahö ahöm wanğiiğa sunğem jipjap anmawi, yanğön mönö qem mizit miwikñaima.” ¹¹ Keu mi jibagun kewö jii mötket, “Alanini Lazarusnöñ gaunwat ahözappmö, nöñön anda gaunöhök möndöbi wahötma.”

¹² Keu mi möta kewö jiget mörök, “Kembu, ölna gaun ahöza ewö, mönö ölop ahöba ölöwakña.”

¹³ Jisösnöñ Lazarus kömuyöhanğö keu sainñi jiyökmö, gwarek yengön ‘Gauna ahöza,’ jiyöhi, mianğö möt bibihiba keu könañi qahö möt kutuget. ¹⁴ Qahö möt kutugeranğöra Jisösnöñ aukñeyök jim miwikñaiğa jiyök, “Lazarusnöñ kömuyöha ahöza. ¹⁵ Nöñön yambuk qahö malbiga kömuyöhanğöra nöñön anda mem gulibiga wahöri eketka mötnaripñinan asuhum köhöima. Mewö aiga engöra söñgaiba ‘Simbawon akñe!’ jizal. Mönö wahötketka yanğöreñ anin.”

¹⁶ Mewö jim miwikñaiğa Tomas qetñi kun Siwisiwi qetkeri, yanğön gwarek alaurupñi yengöra kewö jii mötket, “Nini ölop mohotñe mianğöreñ anin. Andagun yambuk kömuin.” Mewö.

Malmal Tonan nenyahötñi urunñiri qesawöliyök.

¹⁷ Lazarusnöñ kömumba wehön 4 lök qaksirinöñ ahöi teköiga Jisösnöñ kanğoriga buzupñi mewö jiget mörök. ¹⁸ Betani taon mi Jerusalem siti mosöta 3 kilomita anangö dop dowe ahöyök. ¹⁹ Mianğöra Juda ambazip gwötpukñan Marta Maria nennjiri kömuyöhanğöra ‘Songon etkekin,’ jiba kaba tatket.

²⁰ Tatketka Martanöñ “Jisös kaza,” jiget möta miri mosöta könanöñ anda miwikñaiyökmö, Marianöñ mire tarök. ²¹ Könanöñ miwikñaiğa kewö jii mörök, “Kembu, gi kianğöreñ malbanak ewö, nenan mönö qahö kömumbawak. ²² Qahö kömumbawakmö, göñön nalö kewöñe mewöñanök Anutugö yuai kungöra köuluköman ewö, mi pakpak ölop miwikñaim gihiğa asuhuma, mewö mötzal.”

²³ Keu mi möta Jisösnöñ jii mörök, “Göhö nengan mönö guliba wahötma.”

²⁴ Mi möta Martanöñ jiyök, “Gölmegö nalö teteköñe kömukömuñi yengön wahötmei, yanğön mönö nalö ketanñi mianğöreñ guliba wahötmawi, mi möt yaközal.”

²⁵ Mewö jiğa Jisösnöñ jii mörök, “Kömupnöhök wahötwahötkö Tonñi mi nöñön akzal. Nanak Malmal köhöikñanğö Tonñi akzal. Mianğöra kunñan ni möt narim niñgizawi, yanğön kömumappmö, töndup toroqeba mal köhöiba malma. ²⁶ Kunñan kun gölmenöñ mala möt narim niñgiza ewö, yanğön mönö nalö kunöñ qahö kömum köhöima. Qahö! Keu mi möt narizan me qahö?”

²⁷ Martanöŋ keu mi möta jiyök, “O Kembu, mi möt narizal. Göŋön Anutugö Nahönŋi akzan. Amötqeŋe Tonŋi Kraist gölmenöŋ asuhumapkö jigeri, göŋön mönö mia akzan. Mewö möt narizal.” Mewö.

Jisösnöŋ sahöri imbilŋan erök.

²⁸ Martanöŋ keu mewö jiba miriŋe lilingöba anda munŋi Mariagöra keu ölöŋ jiiga göraŋe kaiga jiyök, “Böhinöŋ kaba könanöŋ kinda göhöra endu anda ekŋangöra jiza.”

²⁹ Mewö jiiga Marianöŋ keu mi möta miangörenök i mosöta Jisösgören anök. ³⁰ Anökmö, Jisösnöŋ miri sombemnöŋ qahö kaŋgoriga endu Martanöŋ köna namŋe miwikŋaiba ehöhi, miangörenök kinök. ³¹ Juda ambazip yeŋön Mariabuk miri uruŋe uru qesawölökö tatketka Marianöŋ zilaŋ wahöta gumnöŋ eta aniga eka kewö mötmöriba jiget, “Yaŋön mönö qaksirinöŋ anda sahötma.” Mewö jiba yaŋgö andöŋe wuatangöba anget.

³² Marianöŋ anda Jisös kinöhaŋgören aŋgota eka könaŋe sipköba eta kewö jii mörök, “O Kembu, göŋön ki malbanak ewö, nenan mönö qahö kömumbawak.”

³³ Mewö jiba silata qeta sahöriŋa Juda ambazip yambuk kaba naŋgöba mohotŋe sahötkeri, Jisösnöŋ mi eka wösöŋi pölpölgöiga jeŋi asöliiga köna böröŋi jönömŋambuk unduyök. ³⁴ Jönömŋambuk undui qesim enŋiyök, “I denike alget ahöza?” Qesim enŋiiga jiget mörök, “Kembu, kewö kaba eknöŋ!”

³⁵ Mewö jigetka Jisösnöŋ sahörök. ³⁶ Sahöriŋa Juda ambazip yeŋön eka jiget, “Yei! Mönö alaŋangöra önöŋi qahö ak waŋgii malök.”

³⁷ Mewö jigetmö, tosatŋan keu mi qeba kewö jiget, “Jegömöl ambazip jeŋini metohoba malök ewö, mönö ölöŋ Lazarus jiiga qahö kömumbawak me?” Mewö.

Jisösnöŋ Lazarus mem guliiga kömupnöhök wahörök.

³⁸ Mewö laŋ jigetka Jisösgö wösöŋi kunbuk pölpölgöiga jeŋi asöliiga qaksirinöŋ anök. Qaksirinöŋ anda yuai kewö ehök: Köŋ köteŋ urorohoba qamötŋi miangö uruŋe ala naŋguŋi köŋ ketanŋan köŋ közipkögetka tarök. ³⁹ Mi eka kewö jiyök, “Mönö köŋ qililingögetka anök.” Mewö jiiga azi kömuyöhaŋgö nenŋi Marta yaŋön kewö jii mörök, “O Kembuni, sömaŋ 4 ahözawaŋgöra lök wörönŋambuk akza.”

⁴⁰ Jisösnöŋ mi möta Martagöra kewö jiyök, “Gi möt narim ningibanak ewö, Anutugö kukösumŋan aködämunŋambuk asuhuiga ekanak. Mutuk keu mewö jibiga mötnöŋ me qahö?”

⁴¹ Mewö jiiga köŋ qililingöget aniga Jisösnöŋ eu ui öngöiga kewö jiyök, “Iwi, gi köulukni mötzanaŋgöra aka ‘Pipsaiwap!’ jim gihizal. ⁴² Gi nalö dop köulukni mörakzani, mötzalmö, göŋön melaim niŋginöŋga gölmenöŋ erali, ambazip kambu liliköm niŋgiba ki kinjei, yeŋön mi möta möt narimegöra aka keu ki jizal.”

⁴³ Mewö jiba imbiŋi memba wahöta ketanŋanök qeta kewö jiyök, “Lazarus, gi mönö wahöta kaŋgotnöŋ!” ⁴⁴ Mewö qeriga azi kömukömuŋi yaŋön guliba wahöta kayök. Köna böröŋi opo kawukŋambuknöŋ esuha jemesoholŋi opo jöhanŋan köpeiba jöhöget ahöi dundunŋambuk kayök. Mewö kaiga Jisösnöŋ jiyök, “Mönö dundunŋi pösatketka ölöŋ anma.” Mewö.

Juda galöm yeŋön Jisös kömumapkö aŋgönaŋ geget.

Mat 26.1-5; Mak 14.1-2; Luk 22.1-2

⁴⁵ Juda ambazip Mariagören aŋgota Jisösnöŋ yuai aiga asuhuiga ekeri, yeŋgörenök gwötpukŋan uruŋini melenŋa Jisös möt narim waŋgiget. ⁴⁶ Möt narim waŋgigetmö, tosatŋan Farisi (Köna keugö kapaŋkölköl) yeŋgören anda Jisösnöŋ yuai ahöhi, miangö kösohotŋi jiget mötket.

⁴⁷ Mi jiget mötketka jike nup galöm aka Farisi yeŋön jike kaunsöl jitŋememe öröm enŋiget tokogetka kewö jiget, “Azi mianöŋ aŋgöletot kukösumŋambuk sehisehiŋi memakza-waŋgöra i mönö denöwö ak waŋgiiga dop kölbawak? ⁴⁸ Wakosoraŋ aka yuai kun qahö ak waŋgiiga toroqeba mewö aka malma ewö, mönö ambazip körek pakpak i möt narim

wanğibeak. Mewö aketka Rom gawman yeŋgö irimñini seholiiga kaba nanini jöwöwöl jikenini aka ambazip kambu ki nenguanğitketka öne töhöñ malbinbuk.”

⁴⁹ Mewö jiget tatketka yeŋgöreñök kun qetñi Kaiafas yañön yambu (yara) miangöreñ jike nup galöm bohonñi aka nup mia memba malök. Yañön wahöta goro keu kewö jii mötket, “Inini uru mötmötñinañgö kinimñi tok qahö tohoza. ⁵⁰ Inini keu ki ölop qahö kewötze: Nini ambazip kambu körekñanök ayuhuinga lömböt keta bölökñi akapuk. Miangöra azi mohotñan Juda kambu neŋgö aip selnini ala sohpnini memba kömuiga dop kölma.”

⁵¹ Yañön keu mi nanñi imbiñe qahö ahuiga jiyökmö, yambu (yara) miangöreñ jike nup galöm bohonñi malöhañgöra aka nanñak keuñangö könani qahö möta kezapqetok keu jiyök, “Jisösnöñ ambazip kambu neŋgöra aka kömui dop kölma.” Keu mi ölna jiyök. ⁵² Juda ambazip kambu neŋgöröhök qahö kömuyökmö, Anutugöreñ urumelen könagesö gölme dop denqenda mal anjini, nini mewöyök mindirim neñgiiga urumelen kambu mohok aka malbingöra kömuyök. Kömumapkö keuñi mi qeljine jiyök.

⁵³ Wehöñ miangöreñök könahiba jitñememe yeñön tokoba mewö eraum möta Jisös kömumapkö keuñi jim köhöiba areñi alget. ⁵⁴ Miangöra Jisösnöñ toroqeba Juda yeŋgö sutñine aukñe qahö anda kaba malök. Mewö qahöpmö, eñgömosöta gölme qararanökölñangö görane anök. Miangöreñ anda taon qetñi Efraim miangöreñ angota gwarekurupñi yembuk nanñinök malget.

⁵⁵ Juda neŋgöreñ ak-kömukömu kendonöñ töriyök.* Miangöra Juda ambazip gwötpukñan miri dop miriñini mosöta köl könjorat ak anğubingöra möta Jerusalem sitinöñ öngöget. ⁵⁶ Jisös jaruba mala jöwöwöl jikegö tohoñ uruñe kinda eraum möta kewö qesim anğuget, “Jisösnöñ sösoñgai kendongöra ki kama me qahöpto? Denöwö mötze?”

⁵⁷ Mewö qesim anğugetmö, jike nup galöm aka Farisi yeñön jimkutukutu keu kewö algetka sehiyök, “Kunñan Jisösgö ahöm tatatñi eka mötmawi, yañön mönö neŋgöreñ kaba buzupñi jii möta anda memba jöhöbin.” Mewö.

12

Marianöñ Jisös o köhöwakñambuknöñ miriyök.

Mat 26.6-13; Mak 14.3-9

¹ Anutunöñ mönöwök neñgehoriba neñgoñgiröhi, miangö ak-kömukömu kendonñan* töriba sömañi 6 teköiga miangöreñ kam kuñgumamgö ahök. Jisösnöñ nalö miangöreñ miri qetñi Betani miangöreñ anök. Mutuk azi qetñi Lazarus mem gulli kömupnöhök wahöta malöhi, mönö yañgö mire anğorök. ² Miangöreñ anğoriga Jisös göda qem wanğibingöra miri kunöñ nene ohoba mözözömgöget. Martanöñ ohom tönden köl eñgiyökmö, azi Jisösbuk mohotñe tata nene negeri, Lazarusnöñ yeŋgö sutñine tarök.

³* Mewö tatketka Marianöñ kelök kirin kun lömbötñi 500 gram mi memba Jisösgöreñ kayök. Kirin mi o umköhöwakñambuk ölni qetñi nad bohonñi öngöñgöñi ketani mianön kokolak qequeña. Yañön mi memba kaba simin köla Jisös könañe mimbiliba miriba nörop jupñan kereñ meyök. Mewö aiga miri uruñe tatkeri, mi ogö wöronñan pukpuköba dop köla ahöiga mötket.

⁴ Mewö asuhuiga Jisösgö gwarek yeŋgöreñök kun qetñi Judas Iskariot, könañep Jisös mamalolo meyöhi, azi mianön qetala kewö jiyök, ⁵ “O köhöwakñambuk mi mönö wuanöngöra bohonñi memegöra qahö alök? Iwinañgö jitñi! Mi albawak ewö, mönö silim 300:kö töwañi (Kina 1500,-) miangö dop yöhötibawak. Mia ambazip wanapñi eñgiinga dop kölbawak.” ⁶ Mewö jiyökmö, keu mi ambazip wanapñi yeŋgöra waimanjat möröhañgöra aka qahö jiyök. Yeŋgöra aka qahöpmö, yoñgorö meme azia mala moneñ

* **11:55:** Kendon qetñi Nei keunöñ Pasowa jize. Anutunöñ mönöwök Israel ambazip neñgehoriba neñgoñgiröhi, miangöra yambu dop nalö ala söngaimakzema. Eksodus 12.15 * **12:1:** Eksodus 12.15 * **12:3:** Luk 7.37-38

gösö kutukutulanjini galöm köli monen alget geiga miangörenjök kitipni nanñangöra memba malök. Mönö miangöra aka mi jiyök.

⁷ Mewö jiiga Jisösnönj jiyök, “Inini ambi ki mönö kude jim wangime. Nönön kömumbiga löm köl niñgimeangö nalöni törizawangöra ölop sileni o umköhöwakñambuknönj nömüriza.

⁸ *Ambazip wanapni mi mönö nalö dop sutñine malakzemö, nönön embuk nalöni nalöni qahö malmam.” Mewö.

Lazarus qebingö keu jöhöba anjonañ alget.

⁹ Jisösnönj Betani mire malöhi, mi Juda ambazip kambu gwötpukñan möta miangörenj kaget. Jisösgöröhök qahö kagetmö, Lazarus kömupnöhök mem gulii wahöröhi, i mohot ekingö likeplikep öröba kanjotket. ¹⁰ Mewö kanjotketmö, jike nup galöm yeñon Lazarus mewöyök qein kömumapkö keu jöhöget. ¹¹ Juda ambazip gwötpukñan Lazarusgöra aka Betani anda urunjini melenja Jisös möt nariget. Miangöra keu mewö jöhöget. Mewö.

Jisös köirañ kölgetka Jerusalem öngöyök.

Mat 21.1-11; Mak 11.1-11; Luk 19.28-40

¹² Mewö aketka ahöba wahöta miangörenj ambazip kambulembenönj ak-kömukömu kendongöra Jerusalem sitinönj kanjota malgeri, yeñon buzup keu kewö mötket, “Jisösnönj Jerusalem kamangö könanönj kaza.” ¹³ *Keu mewö möta umji börönj memba könanönj miwikñaibingö anda kewö jiba qetket,

“Hosana, owe owe! Anutu möpöseizin. Kembangö qetne kamawi, Anutunönj mönö kötuatköma! Israel nenjö Kinj Kembunini owe owe!”

¹⁴ Jisösnönj donki morönj kun miwikñaiba miangö qakñe öngöba tarök. Mi kezapqetok keu kun kewö ohoget ahözawangö dop asuhuyök,

¹⁵ * “O Jerusalem ambazip Zaion kundunji liliköba maljei, injini mötket, engö Kinj Kembuninan mönö kama.

Donki morönjanjö qakñe tata kama. Miangöra kenjötñini mönö kude mötme.”

¹⁶ Jisösgö gwarekurupñan yuai asuhuyöhi, miangö könanj mutuk qahö möt kutugetmö, könanjep ölop möt asariget. Jisösnönj Suepnönj öngöba asakmararañambuk malöhi, keu mi nalö miangörenj mötmöröba kewö jiget, “Aha! Keu mi mönö Jisösgöra ohoget ahöza aka ambazipnönj keu miangö dop ak wangigetka öljambuk ahök.”

¹⁷ Ambazip Jisösbuk Betani malgeri, yeñon dangunu ewö kinda buzupni jim sehiget. Jisösnönj Lazarus qeriga kömupnöhök guliba wahöta qaksirigö köt kötenj mosöta kanjoriga ambazip kambunönj ekeri, yeñon Jisösgö könanj nanjöba jiba jim asariget. ¹⁸ Jisösnönj anjötetot mi meyöhi, keu mi mötkerangöra aka ambazip kambunönj luluñda köl öröm wangibingö anget.

¹⁹ Mewö angetka Farisi (Köna keugö kapañkölköl) yeñon nanjinök eraum möta kewö jiget, “Mötket. Gölmenji gölmenji ambazip yeñon mönö luluñda öröba yangö andöñe anakze aka nini keu nup miyök mem bibihiinga ölni kun qahö asuhuza.” Mewö.

Grik ambazip tosatñan Jisös jaruget.

²⁰ Juda ambazip ak-kömukömu kendongöra Jerusalem sitinönj öngöba Anutu waikñi memba möpöseigeri, yeñö sutñine Grik ambazip tosatñi mohotñe malget. ²¹ Yeñon gwarek qetñi Filip yangörenj kaget. Filipnönj Galili prowinsgö taon qetñi Betsaida miangö azia malök. Grik yeñon yangörenj kaba qesiba kewö jiget mörök, “Ketanajmini, nini sihimninan Jisös ekingö mötzin.”

²² Mewö jiget möta Andrugörenj anda keu mi jii mörök. Jii möta mohotñe anda Jisös jiyohot mörök. ²³ Keu mi möta melenja kewö jiyök, “Suepkö asakmararañan Suep gölmegö Azi Ölni yangörenj kunbuk asuhum kutuiga asarimawi, miangö nalöñan mönö töriza. ²⁴ Nönön kömupnanjö söpsöp keu öl töhöñni kun kewö jibi mötket: Sehoñ kötni

* 12:8: Dut 15.11 * 12:13: Sum 118.25, 26 * 12:15: Zek 9.9

gölmenöŋ qahö geba julma ewö, mönö öne miyök ahöma. Mewö öne ahömapmö, geba julma ewö, korapŋan mönö jula öndölböndöl wahöri ölni gwötpuk söhöma.

²⁵*“Miangö dop denike yeŋön malmalŋini nanŋinanŋöra anŋön köla nanŋini imbi-imbi siyonsayonŋi qahö malbingö ak enŋimakzawi, yeŋö malmalŋinan mönö sohoma. Mewö sohomapmö, kunŋan kun nanŋi malmalŋi göragöra ala nia jegep al niŋgimawi, yaŋön mönö malmal ölni öndölböndölŋambuk miwikŋaiba köhöiba teteköŋi qahö mal öngöma. ²⁶ Kunŋan ni welen qem niŋgimangö jizawi, yaŋön mönö ni nuatangöba mali dop köлма. Weleni qemakzawi, mönö ni anda kaba malmamaŋöreŋ mewöyök nömbuk malma. Kunŋan nömbuk mala weleni qem niŋgimakzawi, Iwinöŋ mönö i göda qem waŋgii malma.” Mewö.

Jisösnöŋ kömumba gulimawaŋgö keu saiŋi jiyök.

²⁷ Jisösnöŋ jiyök, “Wösöni döлки kot gwözöŋniga amqam aka maljal. Denöwö jibilenjak? Keu jaruzal. O Iwi, gi ölop aua nalö kewöŋaŋgö köŋjiliŋöhök meköm niŋgiman. Töndup kewögöra mewö qahö köulukömam: Aua kiaŋgö sihimbölöŋi mi mökösoŋda bisimangöra aka nangak qakne aljan. ²⁸ O Iwi, gi mönö nangi aködamungi al niŋgiba qetbuŋagi mem qariman.” Mewö köuluköiga Suepnöhök keu kewö asuhaba erök, “Nöŋön aködamuni lök al gihiba mewö qetbuŋani mem qarial aka toroqeba mem qaribiga sehiba anma.”

²⁹ Keu mi asuhuiga ambazip kambu kinget yeŋön mi möta jiget, “Wöl pöndaŋ qetza.” Tosatŋan jiget, “Suep garata kunŋan yaŋgöra keu jiiga kourukŋi mötzin.”

³⁰ Mewö mewö jigetka kewö jii mötket, “Kouruk mi nöŋgöra aka qahö asuhuzapmö, mi enŋöra aka asuhaba. ³¹ Nalö kewöŋe gölmeni gölmeni ambazip ahakmeme bölöŋi wuataŋgömakzei, yeŋö kewötkewöt nalöŋinan mönö mesohol köl enŋiza. Anutunöŋ yeŋö keuŋini jim teköba likepŋi melen enŋiiga qakŋine öngömapkö akza. Nalö kewöŋe Anutunöŋ Bölöŋaŋgö Kembuŋi gölme dop galöm köl enŋimakzawi, mönö i közöliga yaigep etmapkö akza. ³² Yaŋön etmapmö, nöŋgöra kewö asuhuma: Ambazipnöŋ gölmenöhök nömemba könakemba kösököm niŋgigetka öngöba kinbiga köna ahuiga ambazip gölme dop öröm enŋibiga lulunŋa nöŋgöreŋ kaba kambu köla kinme.” ³³ Mi kömup denöwöŋi kömumawi, miangö keu saiŋa mewö jii mötket.

³⁴*Ambazip kambu yeŋön mi möta kewö jiget mörök, “Nini Köna keu oyoŋda kewö mötzin, ‘Kraistnöŋ qahö kömumba teteköŋi qahö mal öngöba malma.’ Göŋön wuanöŋgöra kewö jizan, ‘Suep gölmegö Azi Ölni gölmenöhök memba kösökögetka könakemba öngöba kinma.’ Suep gölmegö Azi Ölni mi daŋön?”

³⁵ Mi möta melen enŋiyök, “Asakŋan nalö töröptökŋi kunbuk sutŋine asariba malma. Söŋaupnöŋ qakŋine öngöba turum enŋii miangö buŋaŋi akepuköra mönö asakŋe anda kaba malme. Asakŋan ahöm enŋimawaŋgö dop mönö asakŋe malme. Daŋön panamanöŋ jipjap anda kamakzawi, mönö denike anŋotmawi, mi qahö mötza. ³⁶ Miangöra asakŋan nalö dawik embuk malmawi, nalö miangöreŋ mi mönö urunöŋ möt anŋön köla malme. Asakŋaŋgö könagesö aka malmegöra mönö asakŋi mi möt nariba malme.” Jisösnöŋ keu mewö jiba enŋömosöta tölapköba anök. Mewö.

Juda ketani yeŋgö uruköhöikŋinan qahö löwöriyök.

³⁷ Jisösnöŋ anŋöletot gwötpuk memba maliga Juda yeŋön mi jeŋinan eketmö, töndup i qahö möt narim waŋgiba silebile malget. ³⁸*Mewö malgetka kezapqetok azi Aisaiagöreŋ keu kun mi ölnambuk asuhuyök. Yaŋön keu mi kewö ohoyöha ahöza, “O Kembu, neŋön Buŋa keu jim asariba uruŋini kuŋgum enŋimakzinmö, daŋön mi möt naribawak? Kembunöŋ kukösumŋi mi mönö dagöra indeli möt asarima?”

* **12:25:** Mat 10.39; 16.25; Mak 8.35; Luk 9.24; 17.33 * **12:34:** Sum 110.4; Ais 9.7; Eze 37.25; Dan 7.14 * **12:38:** Ais 53.1

³⁹ Amötqeqe Toñi môt narim wañgibingö lömbörriba osigeri, Aisaianöñ mianğö könañi mōta keu kun qeljiñe kewö jiba ohoyōha ahōza,

⁴⁰ **“Nanñini jeñinan yuai eka könañi ek kutubepuk me uruñinan keu könañi môt asaribepuk. Mi môt asariba uruñini melenjebepuk. Uruñini melenjgetka mem ölöwak enğibilenjbuk. Yañön mewö asuhubapukōra ambazip jeñini mem gömöliba uruñini gwözöñniga malje.”*

⁴¹ Jisösnöñ Suepkö asakmararaññöñ asariba mali Aisaianöñ mewö eka könañi jim asariba keu mi jiyök.

⁴² Jitñememe aka galömkölköl azi yeñgöreñök gwötpukñan mewöyök Jisös môt narigetmō, Farisi (Kōna keugö kapañkōlköl) yeñön köuluk miri kambunöhök közöl enğibepukōra mi aukñe qahö jim miwikñaiget. ⁴³ Ambazipñöñ möpöseim enğimegōra kapañ kölgemō, Anutunöñ möpöseim enğimapkōra mi qemasolokep aket. Mewö.

Jisösgö keuñan ambazip kewōta keunini jim tekōma.

⁴⁴ Tosatñan mewö aketmō, Jisösnöñ keu qeta kewö jiyök, *“Kunñan môt narim niñgizawi, yañön niyök qahö môt narim niñgizapmō, kunöñ melaim niñgiyōhi, i mewöyök môt narim wañgiza. ⁴⁵ Kunñan ni neka mönō melaim niñgiyōhi, i mewöyök ehakza. ⁴⁶ Ambazip kun ni môt narim niñgizawañön mönō sōñaupñöñ qekōtahōba malbapuk. Mianğōra nöñön eta asuhuba gölmeñi gölmeñi enğö asakñina aka maljal.*

⁴⁷ *“Nöñön eta asuhuba gölmeñi gölmeñi enğö keuñini jim tekōmamgōra aka qahö kayalmō, ambazip gölme dop amöt qem enğibiga nalö kewōñe letota Suepkö buñaya akñegōra aka kayala maljal. Mianğōra ambazip nöñgö Buña keuni mōta qahö tem köla wuatañgōmakzei ewö, nöñön yeñgö keuñini qahö jim tekōmam. ⁴⁸ Denike yeñön jijiwilit ak niñgiba Buña keuni qahö môt anğön köljei, yeñgö jim tetekōñinan mönō kewö asuhuma: Nöñön Buña keu jibi mōtkeri, keu mianğön mönō nalö ketañe keuñini jim tekōiga sihimbölöñini mianğö dop mōtme.*

⁴⁹ *“Kōnañi kewōgōra mewö asuhuma: Nöñön Buña keu jiba malali, mi keu omanñi qahö. Mi nani imbineyök qahö asuhuiga jiba kota malal. Mewö qahöpmō, Iwi melaim niñgiyōhañön nanñak keu jit denöwö jimami, mianğö jim kutum niñgiiga jiba kota maljal. ⁵⁰ Iwigöreñ jimkutukutu mianğön mönō inñini malmal köhöikñe al enğimakza, mi mōtzal. Mianğōra Iwinan mi jimamgö jim kutum niñgiyōhi, mönō mianğö dop Buña keu jimakzal.”* Mewö.

13

Jisösnöñ gwarek yeñgö könañini sanğonñök.

¹ Ak-kömukōmu kendonöñ* törüiga Jisösnöñ könañi kewö môt yaköyök, *‘Gölme mosōta Iwinanğöreñ öngömamañgö nalöñan mönō töriza.’* Mewö môt yakōba nanñi alaurupñi gölmenöñ malgeri, mi uruñan jöpakōm enğiba mala tetekōñe mianğöreñ mewöyök uru jöjöpñi mi kondel enğiyök.

² Kömumawañgö nalöñan kam kuñgumamgö aiga nalö kunöñ sunğemgö nene nemingö tokoba mohotñe tatketka yuai kewö asuhuyök: Saimon Iskariotkö nahönñi qetñi Judas i Satanöñ lök sölölohöyök. Jisös mamalolo ak wañgimapkö keuñi mi sanjap alı uruñe geiga mōta tarök. ³ Jisösnöñ nanñi könañi mi kewö môt kutuyök, *‘Iwinöñ yuai pakpakö kukösumñi mi nöñgö böröne aliga Anutugöreñök eta mala kunbuk yañgöreñ öngömamgö akzal.’*

⁴ Könañi mewö môt kutuba nene nempa tatkeranğöreñök wahōta malukuñi kötekōba nupkö opo jōhanñi kun memba kemañe köpeiba jōhöyök. ⁵ Mi jōhöba o joutnöñ mokoi geiga könahiba gwarekurupñi yeñgö könañini sanğonñök. Sanğon tekōba opo jōhanñi

* **12:40:** Ais 6.10 * **13:1:** Anutunöñ mönöwök Israel ambazip neñgehoriba neñgonğirōhi, kendon mianğö qetñi Nei keunöñ Pasowa jize. Eksodus 12.15

(tauöl) kembera köpeiba jöhöyöhi, mianjon könanini kutuyök. ⁶ Saŋgoŋda anda Saimon Pitögö könaŋe kaŋgoriga kewö jii mörök, “O Kambu gi welenqeŋe etqeŋeŋi qahö. Göjön nönögö könani saŋgoŋnönŋa qahö dop kölma.”

⁷ Mewö jii möta kewö melenök, “Yuai dölki akzali, göjön miangö könaŋi nalö kewöŋe qahö möt kutuzanmö, könaŋepnön mi ölop möt asariba malman.”

⁸ Melenniga kewö kapan köla jiyök, “Gi mönön nönögö könani nalö kunön qahöpmahöp saŋgoŋman.” Mewö jiiga kewö jiyök, “Nöjön gi qahö saŋgoŋ gihimam ewö, gi mönön nönögö gwarekni toroqeba malmangö osiman.”

⁹ Mewö jiiga Saimon Pitönön pörösöl ala auruba melenök, “Kambu, mewögöra gi könananök qahöpmö, böröni aka nöropni mi mohotŋe saŋgoŋman.”

¹⁰ Mewö melenniga kewö jii mörök, “Kunŋan o ariba kaiga könaŋi tok saŋgoŋninga töwötŋi qahö sarakŋi ak teköma. Inini körek lök sarakŋi ak teközemö, mohotnöhök sarakŋi qahö akza.” ¹¹ Daŋön mamalolo ak waŋgimangö ahöhi, Jisösnön mi möta miangöra kewö jiyök, “Inini körek sarakŋi qahö akze.”

¹² *Könanini saŋgoŋ teköba malukuŋi kunbuk löngöta eta tari negetka kewö qesim enŋiba jiyök, “Nöjön yuai ak enŋizali, inini miangö könaŋi möt asarize me qahö? ¹³ Inini nönögöra ‘Böhi!’ aka ‘Kambu!’ mewö noholakze aka nöjön mi ölna akzal. Miangöra mi dopŋe jimakze. ¹⁴ Nöjön enŋö Kambu Böhiŋini aka welenqeŋe eretŋangö silik memba könanini saŋgoŋjal ewö, inini mönön mewöŋanök memba et al aŋguba weleqeŋe aka könanini saŋgoŋ aŋguba malgetka dop kölma. Mi mönön nupŋina.

¹⁵ “Nöjön aka kondel enŋizali, inini mönön miangö dop naŋgöba welen qem aŋguba malme. Mewö malmegöra miangö silikŋi nöjön merak kondel enŋibiga ekze. Mi mötmöröba miangö tandökŋi wuatangögetka dop kölma. ¹⁶ *Nöjön keu öl töhöŋŋi kun kewö jibi mötket: Welenqeŋenön eretŋi aiga toŋan öngöŋgöŋi akza. Gwareknön böhiŋi onŋita öngöŋgöŋi akŋangö osima. Mewöyök azi kembu kunön garatŋi melaiiga kolek anda nup memakzawi, yaŋön mönön kembuŋangö bapŋe malakza. ¹⁷ Inini keu kötni mi merak möt kutuze. Mewögöra silememe mosöta alaurupŋini nembö bapŋine anda malme ewö, nöjön mönön enŋöra ‘I-ia simbawoŋ!’ jimam.” Mewö.

Kunön mamalolo ak waŋgimangö qelŋe jiyök.

Mat 26.20-25; Mak 14.17-21; Luk 22.21-23

¹⁸ * “Keu jizali, mi mönön inini lökŋanök qahö enŋömeza. Nöjön niŋia möwölöhöba enŋömeali, enŋö könaŋamŋini mönön ölop möt kutuzal. Mewö maljalmö, Buŋa Kimbi kun mianjon ölnambuk aiga dop kölma. Keu mi kewö, ‘Kunön nönögoren nene mohotŋe neziri, yaŋön mönön kelewele aka gwakötŋan tötal niŋgiba nuŋgumangö jöjöröza.’†

¹⁹ “Ni ölni könaŋep asuhumawangö keuŋa mutuk jizal. Miangöra ölni asuhumawi, inini nalö miangoren nönögö könani möt asariba kewö jime, ‘Aha! Malmalgö könaŋi nalö dop mala kota malöhi, yaŋön mönön mia akza.’ Mewö jiba möt narim niŋgimegöra nöjön keu mi qelŋe aukŋe jibiga mötze.

²⁰ * “Nöjön keu öl töhöŋŋi kun kewö jibi mötket: Nöjön ambazip kun melaibi nup memangöra kaiga kunŋan i köl örözawi, yaŋön mönön ni tok köl öröm niŋgima. Mewöŋanök ni köl öröm niŋgizawaŋön mönön melaim niŋgiyöhi, mönön i mewöyök köl öröm waŋgima.”

²¹ Jisösnön keu mewö jiba wösöŋi kot gwözöŋda jul takömangö ahiga keu indela kewö jiyök, “Nöjön keu öl töhöŋŋi kun kewö jibi mötket: Enŋorenök kunŋan ni mamalolo mem niŋgima.”

²² Mewö jiiga gwarekurupŋan nanŋini kuŋkaliliŋ uba aŋgehiba nanjök nanjök kewö mötmöriget, ‘Mönön dagöra jizapto?’ Mewö mötmöröba uruyahöt tönpin tatket. ²³ Tönpin

* **13:12:** Luk 22.27 * **13:16:** Mat 10.24; Luk 6.40; Jon 15.20 * **13:18:** Sum 41.9 † **13:18:** Gwakötŋan tötal niŋgiba nuŋgumangö jöjöröza, keu mi Israel yenŋoren dopkeu kun. Könaŋi kewö: Yaŋön uruŋan qetala utaköm niŋgiza.

* **13:20:** Mat 10.40; Mak 9.37; Luk 9.48; 10.16

tata nene negetka Jisösgö wölböt gwarekñan yaŋgö qöhöröneyök tarök. ²⁴ Yaŋön tariga Saimon Pitönöñ nöröpñan gwarek mi söpsöp ak waŋgiba kewö jii mörök, “Keu mi dagöra jizawi, mi qesiba jinöñ mötpi.”

²⁵ Mewö jii möta lapingöba Jisösgö töptöpñe naŋgöba kewö qesiyök, “Kembu, azi mi daŋön?”

²⁶ Mewö qesiiga melen waŋgiyök, “Beret kitipñi kuluñnöñ kundumgöba kun waŋgimami, yaŋön mönö mi.” Melen waŋgiba beret kitipñi memba kuluñnöñ kundumgöba Judas waŋgiyök. Judasgö iwiñi qetñi Saimon Iskariot. ²⁷ Beret kitipñi mi waŋgiiga Satanöñ miangörenök Judasgö uruñe geyök. Miangöra Jisösnöñ i jim kutum waŋgiba kewö jiyök, “Yuai akñani, mi mönö zilañ akñan.” ²⁸ Keu mewö jiyökmö, mi wuanöngöra jii möröhi, mi gwarek tosatñan mohokñe tata nene negeri, yeŋgörenök kunñan kun qahö möt asariyök. ²⁹ Gwarek tosatñan miangöra kewö mötmöriget, “Judasnöñ moneñ gösögö galömña malöhi, miangöra kendon nalöñe yuai osibini, mi bohonñi memapköra melaiza me ambazip wanapñi moneñ yuai kun memba eŋgimapköra jiza.”

³⁰ Judasnöñ keu mi ölop möt asariba beret kitipñi mi memba miangörenök mosöta yaigep aniga sungem ahök. Mewö.

Jisösnöñ jöjöpñ keu dölokñi jim kutuyök.

³¹ Judasnöñ mosöta yaigep aniga Jisösnöñ kewö jiyök, “Dölki Anutunöñ aködamunñi Suep gölmegö Azi Ölñi al teköm waŋgiiga yaŋön Anutugö qetbuñañi mem qarai asuħuza.

³² Yaŋön Anutugö qetbuñañi mem qariba Anutubuk qekötahözawaŋgöra Anutunöñ mönö mewöñanök yaŋgö qetbuñañi mem qarima. Mi nalö qahö körii mem qaraiiga asakmararañan asuħum tiŋgiri mal öñgöma.

³³ *³³“O gömokurupni, nöñön nalö töröptökñi kunbuk embuk malmam. Mi mala eŋgömosötpiga könaŋep jarum niŋgiba malme. Juda yeŋgöra kewö jibi mötket, ‘Ni miri anmami, iñini miangören kabingö osime.’ Keu miyöhök dölkö eŋgöra mewöyök jizal.

³⁴ *³⁴“Nöñön jöjöpñ keu dölokñi jim kutum eŋgizal: Iñini mönö uruñinan jöpaköm aŋguba malme. Nöñön urukalem ak eŋgiba malali, iñini mönö miangö dop jöpaköba urukalem ak aŋguba malme. ³⁵ Sutñine uruñinan jöpaköm aŋguba malme ewö, ambazip körek yeñön eŋgeka könañamñini möt kutuba kewö jiba malme, ‘Aha! Mönö Jisösgö gwarekurupñi akze.’ ” Mewö.

Pitönöñ Jisös qaŋ kölmapkö keu qeljine jiyök.

Mat 26.31-35; Mak 14.27-31; Luk 22.31-34

³⁶ Saimon Pitönöñ Jisös kewö qesim waŋgiyök, “Kembu, gi denike anman?” Qesim waŋgiiga melenök, “Ni denike anmami, gi miangören nuataŋgöba kamangö osiman. Nalö kewöñe osimanmö, könaŋep mia ölop nuataŋgöba kaman.”

³⁷ Meleniiga kewö qesiyök, “Kembu, ni mönö wuanöngöra nalö kewöñe gi guataŋgöba kamangö osimam? Nöñön mönö malmalni göhöra aka köleñda mosötman.”

³⁸ Qesiiga kewö melenök, “Gi ölña malmalgi nöngöra aka köleñda mosötmamgö jizan me? Keu mi jitkanök jizan. Nöñön keu öl töhöññi kun kewö jibi mötnöñ: Merak kuruknöñ qetmamgö dopdowiiga göñön nalö miangören qaŋ köl niŋginöñga indimñi karöbut akña.” Mewö.

14

Jisösnöñ gwarekurupñi urukölalep mem eŋgiyök.

¹“Uruñinan mönö waimañat kude möta wösöbirik kude aka malme! Mönö Anutu möt narime aka ni mohok möt narim niŋgiba malme! ² Nöngö Iwinangö miri bohonñe miri

* 13:33: Jon 7.34 * 13:34: Jon 15.12, 17; 1 Jon 3.23; 2 Jon 5

uruñi sehisehiñi ahöze. Mi qahö ahöbeak ewö, mönö engöra keu kewö jibilenjak: Nöñön mönö miangörej öngöba engö dum miri mem möhamgömam.

³ “Nöñön mutuk anda öngöba engö dum miriñini mem möhamgömam-mö, nöñön miri malmami, iñini mewöyök nömbuk miangörej mohotje malbingö sihimñi mötzal. Miangöra nöñön mönö kunbuk lilingöba kaba enguanjitpiga euyangörej öngöme. ⁴ Nöñön miri denike anmami, iñini miangö könañi lök möt kutuze.” Mewö.

Iwigörej anangö köna mi Jisös.

⁵ Jisösnöñ mewö jiiga gwarek qetñi Tomas yañön kewö jiyök, “O Kembu, gi miri denike anmani, nini mi qahö mötzin. Miangöra miangö könañi mi mönö denöwö möt kutubinak?”

⁶ Mi möta kewö jii mörök, “Nöñön Köna akzal. Nöñön Keu ölni aka Malmal köhöikñi akzal. Kunñan Iwigörej angotmamgö möta nöngörej kama ewö, yañön mönö köna miwikñaima. Köna murutñi kun qahö ahöza. ⁷ Iñini ni ölna möt kutum ningibeak ewö, mönö nani Iwini mewöñanök möt kutum wangibeak. Iñini nalö kiangörejök könahiba nöngö Iwini lök eka möt wangize.”

⁸ Mewö jiiga Filipnöñ kewö jii mörök, “O Kembu, gi Iwi kondel neñginöñga neñön i uba ehinga dop köl neñgima.”

⁹ Mi möta Jisösnöñ jii mörök, “O Filip, ni nalö köröp tiñtiñi embuk pöndañ malbigun neka töndup könani qahö möt kutuzan me? Kunñan ni nek kutuyöhi, yañön mönö Iwini mewöyök eka malja. Miangöra gi mönö denöwögöra Iwi kondel neñginöñga ekingöra jizan?”

¹⁰ “Nöñön Iwibuk qekötahöba kinbiga Iwinöñ nömbuk qekötahöba kinjawi, mi möt narizan me qahö? Keu Buña jibiga mörakzei, nöñön keu mi nani uruneyök qahö memba jimakzal. Qahö! Nup memakzali, mi mewöyök Iwi nömbuk qekötahöba kinjawanön nam köl ningii ölni ahumakza. Miangöra nup memakzali, mi mönö yangö nuwa memakzal.

¹¹ “Nöñön Iwibuk qekötahöba kinbiga Iwinöñ nömbuk qekötahöba kinja. Iñini mönö mewö möt narim ningiget. Keu mi jitnöñ jibi möta qahö möt narim ningibeak ewö, mi mönö angöletotni ekzeangöra aka möt narim ningime. ¹² Nöñön keu ö! töhöññi kun kewö jibi mötket: Denike yeñön ni möt narim ningizei, yeñön mewöyök ni angöletot memba malali, miyöhök memakñe. Miyöhök memakñe aka nalö tosatje nöñön meali, miangö dopñi ongita mi memakñe. Nöñön Iwigörej öngöba malmamangöra aka angöletot öngöñgöñi ketañi megetka asuhume.

¹³ “Iwinan nöngöra aka qetbuñanambuk akñapkö mötzal. Miangöra aka Iñini nöngö qetne wani yuaigöra köulukömei, nöñön mönö mi akñam. Mewö akigun miangön Iwinangö qetbuñani jigetka qarimakña. ¹⁴ Iñini yuai kungöra nöngö qetne köuluköba qesim ningime ewö, nöñön mönö mi akñam. ¹⁵ Iñini uruñinan jöpaköm ningimakze ewö, mönö nöngö jöjöpañ keuni tem köla wuatangöba malme.” Mewö.

Jisösnöñ Uña Töröñi melaimangö jim jöhöyök.

¹⁶ “Nöñön Iwi köuluköm wangibiga yañön nam köiput Toñi kun engiiga eta nöngö salupni aka teteköñi qahö embuk mal öngöma. ¹⁷ Nam köiput Toñi mi Uña Töröñi. Yañön keu ölnangö Toñi akza. Uruñini qahö melenget yeñön i qahö ek kutuba qahö möt wangize. Miangöra yeñön i köl öröba möt angön kölbingö osimakzemö, Uña yañön lök embuk malja aka könañep uruñine geba embuk kinma. Miangöra i kiana qahöpmö, i ölop möt kutum wangize.

¹⁸ “Nöñön engömosötpiga gwani morö ewö qahö aka malme. Ni mönö engörej lilingöba kamam. ¹⁹ Nalö töröptökñi teköigun gölme ambazip omanñ yeñön ni kunbuk qahö neka malme. Yeñön qahöpmö, uruñini melengeri, eñön ni ölop nehakñe. Nöñön köhöiba maljalangöra iñini mewöñanök guliba köhöiba malme. ²⁰ Iwi, nani aka iñini, nini mohok aka maljin. Nöñön Iwinambuk qekötahöba kinbiga iñini nömbuk qekötahöba kingetka

nöñön embuk qekõtahöba kinjal. Miangö könañi mi Uña Töröñan uruñine gemawañgö nalöñe ölop möt asarime.

²¹ “Kunñan nani jöjöpaj keuni pakpak möt añañön köla tem kölakzawi, yañön mönö uruñan ni jöpaköm niñgimakza. Kunñan ni jöpaköm niñgiiga nöñgö Iwinan mönö i jöpaköm wañgimakza aka nöñön i jöpaköm wañgimakzal. Nöñön i jöpaköba könañamni indel wañgibiga möt kutuma.”

²² Jisösnöñ mewö jiiga Judas Iskariotkö wakañi Judas yañön kewö jiyök, “Kembu, gi denöwögöra könañamgi neñgöreñök indelman aka ambazip uruñini qahö melenjeri, yengöra mi köyatim engimamgö jizan?”

²³ Mewö jiiga kewö melenj wañgiyök, “Kunñan uruñan jöpaköm niñgimakza ewö, yañön mönö nöñgö Buña keuni tem köla wuatangöba malma. Mewö maliga Iwinan i jöpaköm wañgiiga Iwi netkön mönö yañgö uruñe geba pöndañ yambuk mohotñe malbin.

²⁴ Kunñan ni uruñan qahö jöpaköm niñgimakza ewö, i mönö nöñgö Buña keuni qahö tem köla wuatangöba malma. Keu jibi mörakzei, mi nani Buñaya qahöpmö, Iwi melaim niñgiyöhi, yañön mi niñgiiga jimakzal.

²⁵ “Nöñön keu pakpak mi embuk pöndañ malali, nalö miangöreñ kusum engiba malal.

²⁶ Mewö malalmö, Iwinöñ Uña Töröñi nöñgö qetne melaiiga eta nam köiput (aka tinjonjon) Tonñini akña. Yañön keu pakpak kusum engiba nöñön qambañ keu pakpak engiali, mi ölum engubapuköra köl gulim engimakña.

²⁷ “Nöñön luai engizal. Nane luai sorokni qainñi kun mi albi uruñine ahöma. Gölmönöñ ambazip yeñön luai qem añañmakzei, nöñön miangö tandök ewö kude qem engimakzalmö, mi ongita luai qainñi kun engimakñam. Miangöra uruñinan mönö wösöbirik kude aka kengötñini kude möta malme.

²⁸ “Nöñön keu kewö jibiga mötket, ‘Nöñön engömosöta öngöba mala kunbuk engöreñ lilingömam.’ Inñini uruñinan ni ölna jöpaköm niñgibeak ewö, keu jizali, miangöra ölop söñgaibeak. Iwinöñ nöñgö ketañamni akza. Miangöra ni ‘Iwinangöreñ öngömam,’ jizali, inñini mi möta ölop urusösöñgai miwikñaigetka dop kölbawak. ²⁹ Keu döлки jibi mötzei, miangö ölni bian asuhuma. Ölni asuhumawi, inñini nalö miangöreñ mi ölop mötmöriba möt narime. Miangöra mi nalö kiangöreñ qeljine jibi mötze.

³⁰ “Nalöni törizawañgöra embuk keu gwötpuk kunbuk jimamgö dop qahö mötzal. Bölöñañgö Kembuñan gölme dop galöm köl engimakzawi, yañön mönö kamamgö jöjöröza. Yañgö ösumñan mönö luhut qahö al niñgiba kondondongöma. Nöñgöreñ köna mi yañön jim kutumawañgö dop qahö ahöza. ³¹ Qahö ahözapmö, nöñön Iwi jöpaköm wañgimakzalañgöra yuai pakpak keu jim kutum niñgimakzawañgö dop ahakzal. Gölme ambazipnöñ nöñgö könañamni mewö jim kusum engigetka möt asarimegöra mötzal. Miangöra mönö mosöta wahöta kagetka anbin.” Mewö.

15

Jisösnöñ wain ip bömönñi, neñön böröñi akzin.

¹ Jisösnöñ gwarek yengöra kewö jiyök, “Nöñön wain ip öl sorokñi akiga nöñgö Iwinan wain nupkö tonji akza. ² Nöñön ip ewö qak börönambuk akzal. Ip böröni pakpak ölnini qahö miwikñaiba gilipitñi akzei, Iwinan mi kutum gil engima. Ip böröni pakpak nöñgöreñ tatketka ölnini ahum sirizei, Iwinan mi mönö köl köñjörat engima. Ahakmemegö ölni qarim kuwulem sehisehiñi miwikñaimegöra mönö mem solanim engima.

³ “Inñini Buña keu jibi mötketka mianñön lök mem solaniba köl köñjörat engii sarakñi aka malje. ⁴ Miangöra eñön mönö nömbuk qekõtahöba kinme. Mewö kingetka nöñön embuk kinmam. Wain böröñi kunñan ip kemañe qahö tata tala etza ewö, mi mönö nanñi nam köl añañguba ölni ahum wañgimapkö osima. Miangö dop inñini mewöñañök nömbuk qahö qekõtahöba kinje ewö, mönö nanñinök ahakmemegö ölni öne ahum wañgibingö osime.

⁵ “Ni waingö ipni akiga enön miangö böröni akze. Inini nömosöta nanñinök kinda yuai kun akingö osime. Miangöra kunñan nömbuk qekötahöba kiniga nöñön yambuk qekötahöba kinbiga yanñon mönö ahakmemegö ölni önöni qahö miwikñaiba siriba malma.

⁶ Denike yeñon nömbuk qahö qekötahöba kinje ewö, wain ip tonjan mönö i ip böröni ewö kutum engiba gili yaigep anme. Anda soholigetka memba tokoba könöpnöñ gili geba jeme.

⁷ “Yeñon jememö, likepni inini mönö nömbuk qekötahöba kinme. Mewö kingetka nöngö Buña keunan engö uruñine qekötahöba kinja ewö, inini i me wai buña qem angubingö mötzei, mi mönö Iwi köuluköm wanğigetka engima. ⁸ Inini nöngö gwarekurupni aka kingetka ahakmemenianğö ölni önöni qahö ahuba eta tatketka malme. Mewö memba malgeranğöra Iwinanğö qetñan mönö aködamunñambuk aka ahöma. ⁹ Iwinan ni jöpaköm niñgiba malöhi, nöñon mönö miangö dop mohot jöpaköm engiba malal. Inini mönö nöngö urukalem uruñe kinme. ¹⁰ Nöñon Iwinanğöreñ jöjöpən keu tem köla mala kota yanğö urukalem uruñe kinjal. Miangö dop enön nöngö jöjöpən keuni memba tem köla malme ewö, mönö ölop nöngö urukalem uruñe kingetka jöpaköm engiba malmam.

¹¹ “Nöñon uru sösoñgai al engibi engöreñ kutuiga uruñini kokolak qei ahöiga önöni qahö söñgaim sehiba malmegöra keu mi jibi mötze. ¹² *Nöngöreñ Köna keu mi kewö: Nöñon uru jöpaköm engiba malali, inini mönö miangö dop nanñini jöpaköm anguba malme. ¹³ Kunñan alaurupni yeñgöra aka nanñi malmalni tököba mosötmawi, mianñon mönö urukalem öñgöñgöni ketanji akza. Kunñan mi onğita jöpaköm engimamğö osima. Urukalem tosatñi mi mianğö eretñi.

¹⁴ “Nöñon yuai akñegöra jim kutum engimakzali, inini mianğö dop ahakze ewö, mönö nöngö alaurupni akze. ¹⁵ Welenqegegö könanji kewö: Galömñan nupni denöwö aka memakzawi, mi welenqegeñan qahö mörakza. Mianğöra engö qetñini ‘Welenqegeurupni,’ mewö qahö toroqeba engoholmam-mö, Iwinanğöreñök Buña keu mörali, mi pakpak mönö engöra indelbiga mötze. Mewögöra qetñini ‘Alaurupni,’ mewö engoholbiga dop kölja.

¹⁶ “O alaurupni, enön ni qahö möwölöhöm niñgigetmö, nöñon inini möwölöhöba kuñgum engibiga kinje. Mianğöra enön liliköba anda ölni kewö miwikñaiba pöndañ sirigetka ahöahöni ahi dop köлма: Nöngö qetni qeta yuai mi me mi mianğöra Iwi köulukömei, mi mönö engii buñañini akña. ¹⁷ Inini mönö sutñine jöpaköm anguba malme. Nöñon jöjöpən keuni mewö jim kutum engizal.” Mewö.

Urumelenğö kopanji yeñon inini kazik ak engime.

¹⁸ “Gölmenöñ uruñini qahö melenget yeñon kazik ak engime ewö, mönö keu kewö mi möt kutume: Yeñon mutuk ni mewöñanök kazik ak niñgiba malget. ¹⁹ Inini urumelenğö kopa kambunöñ malbeak ewö, kambu-urup mienñon mönö nanñini alaurupni urukalem ak engibeak. Mi ak engibeakmö, nöñon inini möwölöhöba yeñgö areñnöhök engömembiga murutñi aka malje. Yeñgöreñ ahakmeme bölöni mi andö qeba maljeanğöra aka kazik ak engimakze.

²⁰ * “Nöñon keu kun kewö jibi mötkeri, mi mönö urukönömñine ala mötmörime, ‘Welenqegeñon eretñi aiga tonjan ketanjamñi akza. Gwareknöñ böhiñi onğita öñgöñgöni akñamğö osima.’ Mianğö dop tosatñan ni sesewerowero ak niñgiba mala kotket ewö, tosatñi yeñon mönö nöngö undumurupni inini mewöñanök sesewerowero ak engiba malme. Yeñon nöngöreñ Buña keu möt angön köla malget ewö, inini nöngö keuni jim sehiba malgetka mönö mewöñanök ölop möt angön köla malme. ²¹ Mewö malmemö, ni melaim niñgiyöhi, yeñon i qahö möt wanğize. Mianğöra silebile qakñe yuai könanji könanji lan ak engime, mi mönö nöngö qetbuñanğöra aka asuhum engima.

* **15:12:** Jon 13.34; 15.17; 1 Jon 3.23; 2 Jon 5 * **15:20:** Mat 10.24; Luk 6.40; Jon 13.16

²² “Nöñön yeñgöreñ qahö eta Buña keu jibi mötpeak ewö, yeñön mönö köpösihitñinañgö gamuñi qahö möta malbeak. Mewö öne malbeakmö, nalö kewöñe siñgisöndokñini möt teköba köl turubingö osize. Möndömöndö keuñini mönö denöwö miwikñaibeak?
²³ Kunñan ni kazik ak niñgizawi, yañön mönö Iwini mewöñanök kazik ak wañgiza.
²⁴ Anğöletot öngöñgöñi ketañi meali, mi kunñan kun engö sutñine qahö memba malök. Nöñön mi qahö membilenak ewö, yeñön mönö köpösihitñinañgö gamuñi mi qahö möta malbeak. Tönpin malbeakmö, nalö kewöñe nöñön mi membiga ek teköbagun töndup ni aka Iwini mewöñanök öne töhön kazik ak netkiba malje.

²⁵ * “Mewö ak netkiba malgetka Buña keu kun öñambuk ahök. Mosesnöñ köna keu engiyöhi, miangöreñ keu mi kewö ohoget ahöza, ‘Yeñön öne töhön lañ kazik ak niñgiba malget.’ Keu miangön lök öñambuk ahök.

²⁶ Nöñön Iwigöreñ öngöba köiput Tonji melaibiga engöreñ kaba uruñine geba nañgöm engima. Uña Töröñi yañön keu öñangö Tonji akza. Yañön Iwigöreñök eta nöñgö könañamni nañgöba jim asarim engiba malma. ²⁷ Yañön mewö malma aka eñön mewöñanök nöñgö könañamni nañgöba jim asariba malme. Nöñön könahiba urugö qenjarök nup memba malali, eñön mönö könakönahiyeyök nömbuk mala kotket. Miangöra inñini mönö mi ölop jim asariba malme. Mewö.

16

Jisösgö gwarekurupñi bim engöhöi utal engime.

¹ Jisösnöñ toroqeba kewö jiyök, “Inñini tala eta engui janjuñ akepuköra nöñön keu mi qeljiñe jibi mötze. ² Uruñini qahö melenget yeñön mönö köuluk miri kambuñineyök utal engigetka yaigep eta malme. Könañgep nalö kun kam kuñgumawi, miangöreñ inñini nöñgöra aka engugetka kömume. Mewö enguba kewö jime, ‘Mewö miangön Anutugö welenni qeinga Anutugö uruñan ölöwakza.’ Körekñan mewö möt sohoba jime. ³ Yeñön Iwi aka ni netkö könañamniri qahö möt asarimakzeañgöra aka mewö ak engiba malme.

⁴ “Mewö tönpin malmemö, nöñön keu mi qeljiñe engöra jibi mötze. Miangöra nalö mi kam kuñguiga keu miangö öñi asuhumawi, inñini nalö miangöreñ ölop kewö jime, ‘Kraistnöñ kiangö buzup keuñi lök qeljiñe jii mörin.’ Nanak embuk malalañgöra aka keu mi nalö köröpñi ahöiga mutuk qahö jibi möta kotket.” Mewö.

Uña Töröñan nupñi kewö memakza:

⁵ “Nöñön nalö kiangöreñ melaim niñgii erali, mönö yañgöreñ öngömamgö akzal aigun engöreñök kunñan kun kewö qahö qesim niñgiza, ‘Gi denike anman?’ ⁶ Keu mewö jizali, eñön mi möta miangöra wösöbiriknöñ uruñini kokolak qei malje.

⁷ “Mewö maljemö, töndup nöñön miangö likepñi keu öñi kun kewö jibi mötket: Nöñön engömosöta lilingöba öngömami, miangö öñan asuhuiga mönö kewö mem ölöwak engima: Nöñön öngöba köiput Tonji melaibiga engöreñ eta uruñine gema. Nöñön qahö engömosöta öngöbilenak ewö, Tonji yañön mönö engöreñ etmamgö osima.

⁸ “Köiput Tonji yañön eta malmalgö könañi kewö kondel engiba malma: Gölme dop siñgisöndokñini indela kondeli Anutunöñ keuñini jim teköiga solanime me uruñini qahö melengetka keuñini jim teköba likepñi melen engima. Ambazipnöñ könañamñini mewö eka möt kutume. ⁹ Ni qahö möt narim niñgizeañgöra siñgisöndökö könañi indel engiiga möt kutume.

¹⁰ “Anutugö köna solanñi möt sohoba nöñgöra keu lañ jimakze. Miangöra yañön nöñgö könañamni indela kondel engiiga kewö möt kutum niñgime: Nöñön solanñi mala Iwinangöreñ lilingöba öngöbiga ni kunbuk qahö neka malme. ¹¹ Bölöñangö Kambuñi gölme dop galöm köl engimakzapmö, Anutunöñ yañgö keuñi lök jim teköyöha könöp siagö Tonji akña. Miangö dop körek neñgö keunini mewöyök jim teköma.

* 15:25: Sum 35.19; 69.4

12 “Nöñön ölop keu gwötpuk toroqeba jibilenakmö, mi nalö kewöñe jibiga usuñumburan aka köl gulibingö osibepuk. 13 Mi osibepukmö, keu ölnañgö Tonji, Uña Töröñi yañön eta uruñine geba keu sañep qei mötme. Mi nanñi imbiñangö dop lañ qahö jiba malmappmö, Anutugöreñ keu kezap ala mötzawi, yañön mönö miyök jimakña aka könañgep yuai asuhumawi, mi qeljiñe indela jima. Miangöra yañön engömemba keu ölni pakpak miangö o angöñe al engiiga keu ölnañgö köna tiba anme.

14 “Yañön mönö nane köwenöhök keu memba jim asariba uru kuñgum engiba malma. Miangöra mönö nöngö könani indeliga nöñön qetbuñanambuk ahakñam. 15 Iwinangöreñ yuai pakpak ahözawi, mi mönö nöngö böröne ali ahöza. Miangöra jizal, ‘Yañön mönö nane köwenöhök keu memba jim asariba uru kuñgum ak engiba malma.’ Keu mi mewö.”

Wösöbirik malgetka melenjiga urusösöngai mötme.

16 “Nalö töröpñi kun teköiga inini ni kunbuk qahö nekñe. Miangö andöñe nalö töröpñi kun teköigun mönö asuhum engibi ölop kunbuk nekñe.”

17 Mewö jiiga gwarekurupñi yengöreñök tosatñan nanñinök kewö eraum mötket, “Keu kewö jiza, ‘Nalö töröpñi kun teköiga inini ni qahö nekñe. Miangö andöñe nalö töröpñi kun teköigun mönö asuhum engibi ölop kunbuk nekñe,’ aka keu kun kewö jiza, ‘Ni Iwinangöreñ öngömam.’ Mewö jiiga mötzini, keu yahöt miangö könañi mi denöwö?” 18 Mewö eraum möta uzohola jiget, “Yañön ‘Nalö töröpñi teköigun,’ jizapmö, keu miangö könañi denöwö? Mi wuanöngöra jizawi, nini mi qahö möt asarizin.”

19 Mewö jiba qesim wañgibingö mötketka Jisösnöñ engek kutuba kewö jii mötket, “Keu kewö jizal, ‘Nalö töröpñi kun teköiga inini ni qahö nekñe. Miangö andöñe nalö töröpñi kun teköigun mönö asuhum engibi ölop kunbuk nekñe,’ Inini mönö keu miangö könañi jaruba eraum mötze me?”

20 “Nöñön keu öl töhöññi kun kewö jibi mötket: Nöñön anbiga inini jinñeñ köla sahötmemö, uruñini qahö melenget yeñön lañ börum memba sösöngai aka malme. Inini wösöbirik aka malmemö, wösöbirikñini mianñön mönö nöngöra aka melenja sösöngai aka malme. 21 Ambinöñ morö memangö nalöñi kam kuñguiga masö qeiga qemjen qakñe morö mezapmö, morö dölökñi memba kinda i eka sösöngainangöra mönö sihimbölöñi mi ölum qemakza. 22 Miangö dop inini mewöyök nalö kewöñe wösöbirikpuk maljemö, nöñön könañgep kunbuk asuhuba engekiga inini ölop urusösöngai buk malme. Urusösöngainini mi kunñan kun qahö enguañgitma.

23 “Nalö miangöreñ yuai kungöra ni qahö qesim niñgimemö, köulukñini Iwigöreñ algetka diñdiñanök ani amqei malme. Nöñön keu öl töhöññi kun kewö jibi mötket: Inini nöngö qetnöñ yuai kungöra Iwi köuluköm wañgime ewö, yañön mi mönö tököm engima. 24 Nömbuk mala kageri, inini nalö miangöreñ yuai kungöra nöngö qetne qahö köuluköba malget. Mönö Iwi köuluköba malme. Köulukögetka ölop melenj engima. Mi engiiga sösöngaininan asuhum sehiba uruñini kokolak qem teköi malme.” Mewö.

Jisösnöñ gölmeğö ahakmeme bölöñi mi luhut alakza.

25 “Keu jibi möta kamakzei, mi keu sainñambuk jibi möta malget. Könañgep nalö kun kam kuñgumawi, miangöreñ keu sainñi mi kunbuk qahö qeba jibi mötme. Qahöpmö, Iwinangö könañi mi aukñe jim asariba malmam. 26 Nalö miangöreñ inini nöngö qetni qeta Iwi köuluköba malme. Miangö könañi kewö: Inini köulukñini Iwigöreñ albingöra nöngöreñ kunbuk qahö kamakñemö, nanñinak Iwigöreñ diñdiñi köuluköba malme. Nöñön engö jit memba Iwigö qahö köulukömam.

27 “Iwinöñ nanñak uruñan jöpaköm engiba köulukñini kewögöra möta malma: Nöñön Anutugöreñök erali, inini nöngö könani mewö möt nariba pöndañ uruñinan jöpaköm niñgiba mala kotketka köna mewö ahuiga köulukñini möta malma. 28 Nöñön Iwi mosöta gölmenöñ eta mala gölme mosöta kunbuk lilingöba Iwinangöreñ öngömam.”

²⁹ Mewö jiiga gwarekurupñan jiget, “Mötnöñ, keu dölki jizani, mi sainji qahö qeba jizan. Mi mönö aukñeyök jinöñga ölop möt asarizin. ³⁰ Nini merak könañamgi kewö möt yaközin: Göñön mönö nanganök yuai pakpak möt tekönöñga kunñan kun qesiba kusum gihimapköra qahö osizan. Mianğöra gi Anutugöreñök etnöñi, nini mi ölop möt narizin.”

³¹ Mewö jigetka Jisösnöñ melenđa jiyök, “Merak ölop möt narim niñgizemö, ³² mötket, nalö tandökñi kun kama aka mianñön lök mesohol köla nanñunöñ kinja. Nalö mianñön kam kuñguiga enñön kenğötñini möta nömosöta dençeñda simbisembel aketka nanök malmam. Töndup nanöhök töhön qahö malmam-mö, Iwinan nömbuk malma. Iwinöñ nömbuk malmawanğöra aka nanöhök töhön qahö malmam. ³³ Enñön toroqeba gölmenöñ mala kahasililiñ qakñe möta malmemö, nömbuk qekötahöba luainöñ malmegöra möta keu qöndökñi ki jibi mötze. Keuyök qahö jizalmö, nöñön gölmegö ahakmeme bölöñi mi lök luhut ala wahijambanñi kusum teköbiga erök. Mianğöra mönö ewebibiñinambuk köhöiba saitiñgit malme.” Mewö.

17

Jisösnöñ nanñanğöra Iwi köuluköyök.

¹⁻² Jisösnöñ keu mewö jim teköba Suepnöñ göröken ui öñgöiga kewö köuluköyök, “Iwini, göñön gölme dop ambazip pakpak Nahöñgi nöñgö bapne al enñinöñga kukösum qakñe Kembu ak enñizal. Ambazipnöñ Nahöñgi nöñgö keuni ölop qahö andö qeba onğita malme. Göñön ambazip sutñineyök tosatñi meköba nöñgö böröne al enñiba kewö jim kutum niñginöñ, ‘Gi mönö i körek kusum enñinöñga malmal köhöikñi miwikñaiba malme.’ Nup mi mem teköbiga Nahöñgan qetbuñagi mem qarimapköra mönö aködamungi niñginöñ. Nöñgö nalöni mi dölki kam kuñguiga kinda mewö köuluközal.

³ “Malmal köhöikñanğö könañi mi kewö: Göñön mohot Anutu öñi akzan aka azi Jisös Kraist ni melaim niñginöñga erali, ambazipnöñ netkö könañamniri mewö möt kutume. Malmal kömbönañi mewö miwikñaime. ⁴ Nup al niñgiba ‘Meman,’ jiba jim kutum niñginöñi, nöñön mi tem köla memba mala meköyal. Aködamungabuk mala qetbuñagi gölmenöñ indel sehibiga aködamunñambuk ahök.

⁵ “O Iwi, nöñön gölme qahö asuhuiga Suep mire mianğöreñ göhö qöhörönge asakmararañbuk asariba malal. Asakmararañ miyöhök mönö dölki kunbuk al niñginöñga asuhum kutum niñgiiga kunbuk göhö qöhörönge asakmararañbuk asariba malmam.” Mewö.

Jisösnöñ gwarekurupñi yeñgöra aka köuluköyök.

⁶ “O Iwini, göñön gölme ambazip tosatñi kewöta nöñgö böröne al enñinöñi, nöñön göhö qetbuñagi mi yeñgöra indela kondela malal. Yeñön göhö buñaya aketka göñön i nöñgö böröne al enñinöñga yeñön göhö Buña keugi mi möt anğön köla malje. ⁷ Göñön yuai niñginöñga mi pakpak göhöreñök kamakzawi, yeñön mi nalö kewöñe lök möt kutuze. ⁸ Göñön keu Buña niñginöñi, nöñön mi gwarekurupni kusum enñibiga möt anğön köla malje. Ni gömosöta gölmenöñ erali, yeñön mi öñña möt yaköze. Göñön melaim niñginöñga asuhuyali, yeñön mi mewöyök möt narize.

⁹ “Ni yeñgöra aka köuluköm gihizal. Urumelengö kopa ambazip yeñgöra qahö köuluközalmö, könagesö nöñgö böröne al enñinöñga uruñini melenđa göhö buñaya akzei, mönö yeñgöra aka köuluköm gihizal. ¹⁰ Ambazip pakpak nöñgö buña akzei, yeñön mönö göhö buñaya akze aka ambazip göhö buñaya akzei, yeñön mönö nöñgö buña mewöyök akze. Nani aködamuni al enñibiga mianğö qakñe kinda ahakmemeñini aketka nöñgö qetbuñanan qarim sehimakña. ¹¹ Ni gölmenöñ malmalni teköiga göhöreñ kotmamgö akzalmö, yeñön toroqeba gölmenöñ malme. O Iwi Töröñi, göñön qetki niñginöñga mianğö ösumñan mönö sel jöhöm enñinöñga qahö julme. Netkön mohot aka maljiri, yeñön mianğö dop mohot aka malmegöra köuluközal.

12 *¹²“Nöñön yembuk gölmenöñ mala korali, nalö miangöreñ qetbuñagi niñginöñga miññön sel jöhöm engiba malal. Buña Kimbigö keu kunöñ ölnambuk akñapköra azi mohok-kunñan sohoba könöp siagö buñaya aka sihimbölä möta malma. Nöñön galöm köl engialangöra yengöreñök tosatñan qahö janjun aka sohoget. ¹³ Tosatñan qahö sohogetmö, nöñön dölkö gölmenöñ mala göhöreñ kamangöra kaba keu ki jizal: Nöñgö uru sösoñgainan mönö yengöreñ kutui megetka uruñini kokolak qeiga söñgaiba malme. Mewö asuhumapköra köuluközal. ¹⁴ Nöñön göhö Buña keugi kusum engibiga möta malje. Nöñön gölmegegö ahakmeme bölöñi mi qahö wuatangömakzali, yeñön mönö mewöyök mi qahö wuatangöba andö qemakze. Miangöra gölmenöñ uruñini qahö melenget yeñön mönö kazik ak engimakze.

¹⁵ “Nöñön gölmenöhök enguanğit mangöra qahö qesim gihizalmö, Bölöñi Tonangöreñök angön köla sel jöhöm engiba malmangöra köuluközal. ¹⁶ Nöñön gölmegegö ahakmeme bölöñi andö qeba mi qahö wuatangöbiga yeñön mewöyök mi andö qeba qahö wuatangömakze. ¹⁷ Keu ölni miññön mönö mem sarahim engiba malman. Göhö Buña keugan mönö keu ölä töhöññi akza. ¹⁸ Göñön melaim niñginöñga gölme ambazip sutñine anda nup memba malali, nöñön mewöñanök i melaim engibiga gölme ambazip yengö sutñine denđa anme. ¹⁹ O Iwini, yeñön keu ölnangö dop malmalñini körek tököm gihimegöra aka bauköm engiba nani malmalni jömkök tököm gihizal.” Mewö.

Jisösnöñ mötnariñ ambazip pakpak nengöra köuluköyök.

²⁰ “O Iwini, nöñön gwarekurupni yengörök aka qahö köuluközalmö, Buña keu jim sehigetka ambazip möt narim niñgime, mönö yengöra aka mewöyök köuluközal. ²¹ Iwi göñön nömbuk qekötahöba kinöñga nöñön mewöyök göbuk qekötahöba kinjal. Miangö dop yeñön mewöyök netpuk qekötahöba kinmegöra mötzal. Nangak melaim niñginöñga erali, gölme ambazipnöñ mi möt narimegöra aka yeñön körek pakpak mohot aka malmegöra köuluközal. ²² Naniri mohot aka maljiri, yeñön mewöñanök mohot aka malmegöra aka aködampung al niñginöñi, nöñön mi yengöra al engial.

²³ “Nöñön yembuk qekötahöba kinbiga göñön nömbuk qekötahöba kinjan. Miangö dop yeñön keuñini jöhöm teköba mohot aka malmegöra köuluközal. Mohot aka kingetka gölme ambazipnöñ könañamni kewö möt asarime: Göñön melaim niñginöñ etpiga jöpaköm niñgiba malnöñi, miangö dop i mewöyök jöpaköm engiba malnöñ.

²⁴ “O Iwini, göñön gölme qahö miwikñainöñi, qeljine nalö miangöreñ lök urugan jöpaköm niñgiba asakmararañ al niñginöñga mala koral. Könañep alaurup niñginöñi, nöñön yeñön mewöyök asakmararañ mi ekñegöra mötzal. Miangöra nöñön miri malmami, yeñön miangöreñ nömbuk mohotñe malbingö sihimñi mötzal.

²⁵ “O Iwi solanñi, gölme ambazip uruñini qahö melenğeri, yeñön gi qahö möt kutum gihiba mala kotketmö, nöñön gi ölöñanök möt kutum gihizal. Nangak melaim niñginöñi, nöñgö urumelen alaurupnan mi lök möt yaköze. ²⁶ Nöñön göhö qetki mi jim tuarim engibiga möta malget. Göñön urugan jöpaköm niñgiba malnöñi, urukalem miññön uruñine ahöi mötketka nöñön yembuk qekötahöba kinbi malmegöra mönö toroqeba qetki jim tuarim engiba malmam.” Mewö.

18

Jisös memba jöhöget.

Mat 26.47-56; Mak 14.43-50; Luk 22.47-53

¹ Jisösnöñ keu mi jim teköba gwarekurupñi engömeiga siti mosöta geba o qetñi Kidron kutuba likepñe angota arö kun ahöyöhi, miangöreñ anget. ² Jisös aka yanğö gwarekurupñi yeñön qösösök miangöreñ tokoba malget. Miangöra Judas mamalolo mem wañgimangö ahöhi, yanğön mewöyök arö mi ölöp mörök.

* 17:12: Sum 41.9; Jon 13.18

³ Jike nup galöm aka Farisi (Köna keugö kapañkölköl) yeñön jöwöwöl jikegö kiripo galöm (sikiriti) tosatñi melaim enjigetka Judasnöñ i aka gawmangö yarö azi kambu kun enjömeiga mohotñe kaget. Yeñön kiwa lambe aka timbi lingipñini memba bisiba arönöñ kaget. ⁴ Kagetka Jisösnöñ yuai pakpak mewö asuhum wañgimawi, mi lök möröhañgöra aka wahöta aukñe kaba kewö qesim enjiyök, “Inini dagöra jaruze?”

⁵ Qesim enjiiga kewö melenget, “Nini Jisös Nazaret tonji mia jaruzin.” Melengetka kewö jiyök, “Mia nöñön.” Judas mamalolo meme azi yañön mewöyök yembuk kinök.

⁶ “Mia nöñön,” Jisösnöñ keu mewö jiiga möta andöandö anda gölmenöñ tala eta enjuyök. ⁷ Mewö aketka kunbuk qesim enjiyök, “Inini mönö dagöra jaruze?” Qesim enjiiga jiget, “Jisös Nazaret tonji ia jaruzin.”

⁸ Jigetka melennök, “Mia nöñön, mi lök jibi mötze. Inini nia jarum ningize ewö, mönö azi ki ölop enjömosötketka öne anme.” ⁹ Mutuk köuluköba gwarekurupñi yeñgöra keu kun kewö jii mötket, “Ambazip nöñgö böröne al enjinöñga maljei, nöñön mi köyan köl enjiba malbiga yeñgöreñök kunöñ kun qahö sohoba ayuhuyök.” Keu mianön öñambuk akñapköra Jisösnöñ jitñememe yeñgöra keu mewö jiyök.

¹⁰ Mewö jiiga Saimon Pitönöñ bingö sou ketani memba malöhi, yañön mi kupinneyök öröba jike nup galöm bohonñangö welen aziñi qeba kezapñi öñe göröken köteköi erök. Welenqege azi mi qetñi Malkus. ¹¹ *Mewö asuhuiga Jisösnöñ Pitö kewö jim kutum wañgiyök, “Gi bingö sou ketani mi mönö kunbuk alnöñga kupinñe geyök. Iwinan sihimbölögö qambi o qöñambuk nöñgö bunaya qeyöhi, mi ölop möta mökösoñda mesohol kölmam.” Mewö.

Jisös wañgitketka Anasgö jeñe kinök.

¹² Suahö galömñinan jiiga yarö azi kambu aka Juda yeñgö nañgu galöm (sikiriti) yeñön Jisös memba jöhöget. ¹³ Jöhöba wañgita mutuk jike nup galöm qetñi Anas yañgö mire anget. Anasgö qinñi qetñi Kaiafas yañön jike nup galöm bohonñi aka yambu (yara) miangöreñ nup mi memba malök. ¹⁴ *Kaiafasnöñ mutuk Juda ambazip yeñgöra qambañ keu kewö jiyök, “Ambazip kambu jömuk ayuhum teköbinbuköra azi mohotñan neñgöra aka kömuiga dop köлма.” Mewö.

Pitönöñ Jisös könahiba qañ kölok.

Mat 26.69-70; Mak 14.66-68; Luk 22.55-57

¹⁵ Jisös memba angetka Saimon Pitö aka gwarek alañi kun yetkön andöñine anohot. Anohotka alañi mianön jike nup galöm bohonñi möt wañgiyöhañgöra aka ölop amqeba Jisös wuatangöba jakömbuak miri sel uruñe geyök.

¹⁶ Yañön geyökmö, Pitönöñ sel yaigepñe nañgunöñ kinök. Mewö kiniga gwarek alañan jike nup galöm bohonñi möt wañgiyöhi, yañön yaigepñe geba nañgu galöm ambi yambuk keu jii möta nañgu öröiga Pitö wañgita sel uruñe geyohot. ¹⁷ Gebitkö ahoñi, miangöreñ welenqege ambi sel nañguni galöm kölöhi, yañön Pitö eka kewö qesim wañgiyök, “Gi öñna mewöyök azi miangö gwarek yeñgöreñök kun akzan me?” Mewö qesim wañgii möta “Ni qahö!” jiyök.

¹⁸ Welen azi aka nañgu galöm (sikiriti) yeñön amötñangöra aka könöp jeba ururuñgöba ahöiga jömöta kinget. Mewö kingetka Pitönöñ mewöyök yeñgö sutñine anda könöp jömöta kinök. Mewö.

Jike nup galöm bohonñan Jisös qequesi al wañgiyök.

Mat 26.59-66; Mak 14.55-64; Luk 22.66-71

¹⁹ Jike nup galöm bohonñi Anas yañön Jisösgö qequesi al wañgiba kewö jiyök, “Gi ambazip denöwö kusum enjiba gwarekurupki niñi niñi enjömemba maljan?”

²⁰ Mewö jiiga kewö melen wañgiyök, “Ni nalö dop aukñe ambazipñi ambazipñi kusum enjiba malal. Juda köñagesö pakpak neñön jöwöwöl jikenöñ öñgöba köuluk mirininangö

* **18:11:** Mat 26.39; Mak 14.36; Luk 22.42 * **18:14:** Jon 11.49-50

dop tokomakzini, ni mönö mianğören kinda kusum enğiba malal. Buña keu tölapni kun qahö jial. ²¹ Nönön keu denöwö ambazip kusum enğiba malali, wuanöngöra ni mewö qesim ningizan? Nönön keu jibiga ambazip möta malgeri, yeñön mönö keunangö kötni möt teköze. Mianğöra i qesim enğinönga dop kölma.”

²² Mewö melenj wanğiyökmö, jikegö kiripo galöm (sikiriti) kunöñ kösutne kinda Jisös nunğulumne qekötahöba jiyök, “Jike nup galöm bohonnan qesim gihiiga gi keu silik mewöni mönö wuanöngöra melenj wanğizan? Gödaqegegi qahö.”

²³ Mewö jiiga kewö melenj wanğiyök, “Keu bölöña jibilenjak, mi mönö indelnönga dop kölmapmö, keu ölni jizal ewö, mönö wuanöngöra ni öne nunğuzan?”

²⁴ Mewö melenj wanğiga Anasnöñ Jisös melaiba jiiga tapepni (munğamunğa) tok böröñe tariga wanğita jike nup galöm bohonni Kaiafas yanğören anget. Mewö.

Pitönöñ Jisös qañ köliga yahöt karöbut ahök.

Mat 26.71-75; Mak 14.69-72; Luk 22.58-62

²⁵ Saimon Pitönöñ könöp jömöta kiniga tosatnan qesiba kewö jiget, “Gi ölna mewöyök yanğö gwarekurupni yeñğörenök kun akzan me qahö?” Mewö jigetka qañ köla “Ni qahö,” jiyök.

²⁶ Pitönöñ jike nup galöm bohonnanğö welen azini qeba kezapni qeköi eröhi, yanğö tinitosolomni welenqege ala ni kunöñ mi möta qesiba jiyök, “O gi mönö arönöñ yambuk mohokne malohotka gekzal me denöwö?”

²⁷ Mewö jiiga Pitönöñ kunbuk qañ köliga nalö mianğörenök kuruknöñ könahiba qeriga mörök. Mewö.

Jisösnöñ premiö Pailötkö jeñe kinök.

Mat 27.1-2, 11-14; Mak 15.1-5; Luk 23.1-5

²⁸ Miri gianjiiga söñanök Jisös Kaiafasgö mirinöhök wanğita eta Rom premiögö jakömbuak mire anget. Juda yeñön urunini tölöhoba kölköljinjinj akinbuköra waimanjat möta kewö jiget, * “Ak-kömukömu kendongö lama nemingö osibinbuk.” Mewö jiba möt lömböriba premiögö jakömbuak miri urune qahö öngöget. ²⁹ Mianğöra premiö Pailötnöñ yaigep eta enğeka kewö qesim enğiyök, “Azi kianön mönö wani pinjit aiga keu jim wanğiba wanğita kaze?”

³⁰ Qesim enğiga melenget, “Azi mianön kegwek me bölöni meme azi kun qahö akawak ewö, neñön mönö öne töhöni i wanğita göhö böröge qahö albinak.”

³¹ Mewö melengetka Pailötnöñ jii mötket, “Inini mönö nanñinak keu jakenine al wanğiba Köna keuninanğö dop kewöta keuni jim teköme.” Mewö jii möta jiget, “Neñön azi kun kömumapkö keuni jim teköbingö soñgo ahöi osizin.” ³² *Juda yeñön mewö jigetka Jisös nanñak kömup denöwöni kömumawi, keu mi indela jiiga mewö mianön ölnambuk ahök.

³³ Pailötnöñ Juda yeñö keunini möta kunbuk jakömbuak miri urune öngöba Jisös oholi kaiga kewö qesim wanğiyök, “Gi Juda enğören kinj kembunina akzan me qahö?”

³⁴ Mewö qesim wanğiga melenjda kewö qesiyök, “Keu mi mönö nangi urugeyök jizan me tosatnan nönğöra keu mewö jiba jitke algetka jizan?”

³⁵ Mewö qesiiga Pailötnöñ melenjök, “Yei! Ni mönö Juda azia aka Juda enğö keunini nanğömakzal me? Qahöpmahöp! Ni Rom premiö malbiga nangi ambazip kambu-urupki aka jike nup galöm yeñön mönö goanğita nönğö böröne al gihize. Göñön mönö wanat yuai aknöñ?”

³⁶ Mewö melenjiga jiyök, “Nönğö kinthoñni mianğö könanj mi gölme kianğören qahö ahöza. Nönön gölmegö kinthoñ kungö kinj kembuya akilenjak ewö, nönğö sunğurumurupnan mönö ölop wahöta nönğöra aka suahö akeak. Suahö aka nönön Juda

* **18:28:** Rom gawman yeñöra Juda yeñön kewö möt nariget: Nini Rom yeñö jakömbuak mire öngöinga urunini tölöhoi ösumnini eri kölköljinjinambuk aka ak-kömukömu kendongö lama töröni nemingö osibin. Mianğöra sombemnöñ yaigep malget. * **18:32:** Jon 3.14; 12.32

jitnememe yeŋgö böröŋine gebilenbuköra kapan köla bim qegetka nömembangö osibeak. Mi osibeakmö, nöŋgö kiŋ tohoŋnaŋgö könaŋi mi miri kungen ahöza. Ni gölme azi kembuya qahö akzal.”

³⁷ Keu mi jiiga Jisös kewö qesim waŋgiyök, “Gi töndup kiŋ kembu qainŋi kun akzani, mi ölna me qahö?” Mewö qesim waŋgii melenök, “Ni kiŋ kembu qainŋi kun akzali, mi nangak jizan. Nöŋön keu ölni naŋgöba jim tuarimangöra aka gölmenöŋ eta asuhuyal. Körek yeŋön keu ölnaŋgö likepŋe maljei, yeŋön mönö nöŋgö keuni kezap ala mörakze.”

Jisös kömumapkö jim teköget.

Mat 27.15-31; Mak 15.6-20; Luk 23.13-25

³⁸ Mewö melenŋiga Pailötnöŋ mepaqepaik aka qesiyök, “Keu ölni mi mönö wania kun?” Mewö qesiba kunbuk Juda yeŋgöreŋ geba söndaknöŋ kinda kewö jii mötket, “Nöŋön azi miangö pinjitŋi jaruba kun qahö miwikŋaizal.” ³⁹ “Kun qahö miwikŋaizalmö, ahakmemeni kun kewö ahöi mötze: Yambu (yara) dop ak-kömükömu kendon nalöŋe kösö mireyök azi mohot engöra pösatpi erakza, mi mötze. Miangöra Juda engö kiŋ kembuŋini ölop engöra pösatpi etpawak me qahö? Miangöra inŋini sihimŋinan denöwö mötze?”

⁴⁰ Mewö jii möta melenŋa kewö qetket, “Qahö, i qahöpmö, Barabas pösatnöŋga neŋgöreŋ etma!” Mewö qetketmö, Barabas yaŋön kegwek azia aka bim karim kun megeri, miangö bohoŋŋi ahök. Mewö.

19

Pailötnöŋ Jisös maripomnöŋ kömumapkö jim teköyök.

¹ Silata qetketka Pailötnöŋ Jisös waŋgita anda jiiga yarö azi yeŋön ihilek wahinambuknöŋ tauköba qeget. ² Yarö azi yeŋön tauköba mepaqepaik kewö ak waŋgiget: Yeŋön Jisös qeba kösö wahinambuk memba köpeiba ila möhamgöba nöropŋe kölget geiga maluku pisikŋi gugakgugakŋambuk mi köl waŋgigetka geyök. ³ Mewö aka kösutŋe arengöba kinda jiget, “Owe owe! Juda engö Kiŋ Kembuŋini, owe!” Mewö jiba nuŋgulumŋe gwötpuk qekötahöget.

⁴ Mewö mepaqepaik ak waŋgigetka Pailötnöŋ kunbuk yaigepŋe geba kewö jii mötket, “Mötket! Nöŋön azi mi kewöta pinjitŋi kun qahö miwikŋaizal. Miangöra i kunbuk waŋgitpiga engö jeŋine eriga könaŋi mewö möt kutuba ekŋe.” ⁵ Mewö jii mötketka Jisösnöŋ eta söndakŋe kini kewö eket: Tosatŋan kösö wahibuknöŋ ila köpeiba nöropŋe köla maluku pisikŋi gugakgugakpuk köl waŋgigetka kiniga Pailötnöŋ jii kewö mötket, “Azi ölni ki eket!”

⁶ Mewö jii mötketka jike nup galöm aka naŋgu galöm (sikiriti) yeŋön i eka keu wölwölbuk qeta jiget, “Maripomnöŋ qeget kömuma. Maripomnöŋ qeget kömuma.” Mewö jigetka Pailötnöŋ jitŋine memba kewö jii mötket, “Nöŋön pinjitŋi kun qahö miwikŋaizal. Miangöra inŋini mönö nanŋinök i memba maripomnöŋ qeget kömumbawak.”

⁷ Juda jitnememe yeŋön keu mi möta kapan köla kewö jiget, “Neŋgöreŋ Köna keu ahöza. Keu miangö dop kewöringa kömumawaŋgö dop akza. Nanŋi memba öngöba ‘Anutugö nahönŋi akzal,’ jimakza. Miangöra mönö kömupkö buŋaya aiga dop kölma.”

⁸ Mewö kapan köla jigetka Pailötnöŋ möta böŋŋi wahöriŋa jönömŋi undui keŋgötŋi mörök. ⁹ Mewö möta Jisös waŋgita kunbuk jakömbuak miri uruŋe öngöba kewö qesim waŋgiyök, “Gi denikegöra?” Qesim waŋgiyökmö, yaŋön kitipŋi kun qahö melenŋa keu bök kinök. ¹⁰ Keu bök kiniga kewö jii mörök, “Gi nöŋgöra keu kitipŋi kun melenŋan me qahö? Nöŋön jim teköbiga pösat gihime me maripomnöŋ guhugetka kömuman. Miangö kukösumŋi mi nöŋgöreŋ ahöza. Miangö könaŋi mötzan me qahö?”

¹¹ Mewö jii möta kewö melenŋ waŋgiyök, “Kunöŋ euyangöreŋök kukösum qahö al gihiyök ewö, gi mönö azi omaŋi mala yuai ak niŋgimangö osibanak. Miangöra azi kun daŋön ni göhö böröge al niŋgizawi, yaŋgö siŋgisöndokŋan mönö göhöreŋ pinjit oŋgita ketanŋi akza.”

¹² Mewö melen wanngiyöhanğora aka Pailötnöñ Jisös pösari etmapkö kapan kölök. Mewö kapan kölökmö, Juda yeñon qet gigilahöba kewö jiget, “Pösatnöñga etma ewö, mönö sisa kiñgö alañi qahö toroqeba aka malman. Kunöñ nanñangö möri öñgöiga ‘Kiñ kembuya akzal’ jizawi, yanñon mönö sisa kiñ tuarenjoñ ak wanngiza.”

¹³ Mewö jigetka keu mi möta jim kutuiga Jisös wanngita yaigep etket. Etketka premiö Pailötnöñ jake kun kötnöñ ala tömbulget ahöyöhi, miangören öñgöba keu jimtekötekögö dum tatatje eta tarök. Jake miangö qetñi Hibru keunöñ Gabata jimalget. Mi nanine keunöñ Jake Kötnöñ mem tömbultömbulñi. ¹⁴ Eta taröhi, Juda ambazipnöñ wehön miangören ak-kömukömu kendon tatpingöra jöjöröget. Wehön mi aiga silim bibiñi dopdowiiga Pailötnöñ dum tatatje tata Juda yeñgöra kewö jii mötket, “Eket, engö kiñ kembunini ki!”

¹⁵ Mewö jii möta qet gigilahöget, “Yapmakek! Yapmakek! Maripomnöñ qeget kömuma!” Qet gigilahögetka kewö jiyök, “Engö kiñ kembuninangö keuñi jim teköbiga maripomnöñ öñgömapköra jize me?” Mewö jiiga jike nup galöm yeñon melennda jiget, “Sisa kiñnöñ mohok kiñ kembunina akza. Neñgören kiñ kembu murutñi kun qahö ahöza!”

¹⁶ Mewö melennda jigetka Pailötnöñ Jisösgö keuñi jim teköba maripomnöñ qeget kömumapköra böröñine alök. Böröñine aliga yarö azi yeñon Jisös memba galöm kölget.

Jisös maripomnöñ qeget.

Mat 27.32-44; Mak 15.21-32; Luk 23.26-43

¹⁷ Galöm kölgetka nanñi maripomñi nanñak anguba siti kutuba yaigep geba gölme kun qetñi Nöröpsihit qerakzema, miangören anget. Nöröpsihit qet mi Hibru keunöñ Golgota qerakze. ¹⁸ Miangören anda maripomnöñ qeget aka yambuk azi yahöt likeplikep mohotje etkuba Jisös sutñire algetka kinget.

¹⁹ Mewö qegetka Pailötnöñ kulem ohoba jiiga maripomnöñ Jisösgö nöröpñe göröken eu ala qeget. Kulem mi kewö ohoi kinök, “Jisös Nazaret toñi, Juda yeñgö kiñ kembunina ki.” ²⁰ Jisös maripomnöñ qegeri, gölme mi siti kösutje ahöyök aka kulem mi keu karöbut, Hibru, Latin aka Grik keu miangön ohoget kinök. Miangöra Juda ambazip gwötpukñan ongita anda kaba eu uba kulem mi oyonget. ²¹ Mewö ohoiga Juda yeñgö jike nup galöm yeñon Pailöt kewö jiget mörök, “ ‘Juda yeñgö kiñ kembunina ki,’ mewö kude ohomanmö, kewö ohoman, ‘Nanñangöra Juda kiñ kembunina akzal, jiyök.’ ”

²² Mi möta Pailötnöñ keu kewö meleñnök, “Keu lök ohozalangöra mi mönö mewö ahöma.”

²³ Yarö azi yeñon Jisös maripomnöñ qebagun opo silepöke öröyuaini memba azi 4 sutñine mendennda 4 aiga totonine meget. Mewö megetka malukuñi ahöi megetmö, mi kewögöra ölop qahö mendenget: Mi körekñanök opo jöhanñi mohotñan memenja. Opo kitipñi kitipñi qahö mindiriba euyök liliklilik uhum megetka emu gegeni ahöyök. Miangöra mi bölibapuköra mendenbingö osiget. ²⁴ *Osiba eraum möta kewö jiget, “Mi mitiinga qahö dop kölma. Miangöra ölop miangö unji qeinga toñi ahuma.” Mewö jiba unji qegetka Buña keu kun öñambuk ahök. Keu mi kewö ohoget ahöza, “Yeñon opo silepökenni memba sutñine mendennda totonine memba malukunangö unji mönahot algetka kunöñ luhut alma.”

Yarö azi yeñon keu miangö dop aket.

²⁵ Jisös maripomnöñ qeget kiniga ambi kewöñan könañe kinget: Jisösgö nam nasöñi aka Klopas anömñi qetñi Maria aka Magdalagö ambi qetñi Maria. ²⁶ Jisösnöñ namñi aka wölböt gwarekñi kösutje kinohotka etkeka namñangöra kewö jiyök, “Namni, mönö nahöngi ki eka tönjoñgöba malman.”

* 19:24: Sum 22.18

²⁷ Mewö jiba gwarek mi kewö jii mörök, “Mönö namgi ki eka tönjonjöba malman.” Mewö jii möta Jisösgö namñi nalö miangörenjöc wañgiriga miriñe anda mohotñe malohot. Mewö.

Jisösnöñ maripomnöñ kinda kömuyök.

Mat 27.45-56; Mak 15.33-41; Luk 23.44-49

²⁸* Jisösnöñ nupñi pakpak mem teköyöhi, mi möta miangören Buña Kimbigö keu kunöñ ölnambuk akñapköra kewö jiyök, “Ni ogöra ak niñgiza.”

²⁹ Miangören qem nene kun wain o asölnambuk miangön kokolak qeba tarök. Mi tariga köwet mömündö kun kahali tandök mi memba wain onöñ kundumgöba songorep suñe qesamböta meget öngöiga numbuñe alget. ³⁰ Algetka wain o asölnambuk mi memba jiyök, “Mönö teköza.” Mewö jiba malmalñi mosötmangöra nöropñi wambelahöi eri imutñi koriga nöñ qeyök. Mewö.

Jisösgö marömñi liñgipnöñ utohoget.

³¹ Jisösnöñ nöñ qeiga Juda ambazipnöñ silim miangören ak-kömukömu kendon tatpingöra jöjöröget. Ak-kömukömu Sabat kendon mi kendon nalö ketañi ahök. Miangöra Juda jittjememe yeñön waimañat möta kewö jiget, “Qamöt mienön Sabat kendon nalöñe maripomnöñ kingetka qahö dop kölja.” Mewö jiba premiö Pailötköreñ anda kewö qesim wañgiget, “Gi ölop jinönga anda maripomnöñ engugeri, yeñgö töwat sihitñini kusugetka qamötñini meköin etme?” ³² Qesim wañgigetka jim teköiga yarö azinöñ kañgotket. Kañgota Jisösbuk maripomnöñ etkugeri, mi zilañ kömumahotköra mutuk yetkörenjöc kungö töwat sihitñi kusuba likep anda kungören mewöñanök aket.

³³ Mewö aketmö, Jisösgören kañgota eketka lök kömuyök. Mewö eka sihitñi qahö kusuget. ³⁴ Qahö kusugetmö, yarö azi yeñgörenjöc kunñan liñgip memba marömñi umburatiiga miangörenjöc sep aka o erök.

³⁵ Mewö aketka kunöñ yuai mi jeñan ehöhi, yañön mi nañgöba jiba ki ohoi ahöi döлки oyonje. Keu nañgöba jiba ohoi ahözawi, mi mönö keu ölna akza. Inini mewöyök mi möt narimegöra möta keu ölna jizawañgö dop mötza. ³⁶* Yuai mi asuhuyöhi, mi Buña Kimbigö keu kunöñ ölnambuk akñapköra asuhuyök. Keu mi kewö, “Yañgö sihitñi mönö kude kusume.”

³⁷* Aka Buña Kimbigö keu kun kewö ahöza, “Azi utohogeri, yeñön mönö yañgören göröken jeñini uba ekñe.” Inini keu yahöt miangöra aka mi möt narime. Mewö.

Jisösgö qamötñi köc köteñnöñ löm kölget.

Mat 27.57-61; Mak 15.42-47; Luk 23.50-56

³⁸ Miangö andöñe Arimatia taon toni qetñi Josef kayök. Yañön Jisösgö gwarekñi aka malökmö, Juda jittjememe yeñgöra keñgötñi möta mötnaripñi köyatiba malök. Yañön kaba premiö Pailötköreñ anda Jisösgö qamötñi mekömamgö qesim wañgiyök. Qesim wañgiiga möta jim teköiga kaba meköyök.

³⁹* Azi qetñi Nikodemus mutuk Jisösgören sungem kayöhi, yañön mewöyök kayök. Kaba qamöt mirimamgöra kelök köhöwaktambuk qetñi mör mi repa oñambuk melengeri, mi esu mohot lömbötñi 30 kilogö dop bohonñi memba kaba Josef bauköm wañgiyök. ⁴⁰ Bauköm wañgiba mohotñe Jisösgö qamötñi meköyohot. Meköba jiniñ wöronñi ölopñi memba qamöt silenje ala opo tuatñi miangön köpeiyohot. Juda ambazip neñön qamötñini mewö aka mözözömgöba löm köl enjizinma.

⁴¹ Jisös maripomnöñ qegeri, gölme miangö likepñe arö kun ahöyök. Arö miangören qaksirigö köc köteñ löm dölokñi kun urorohoget kinök. Miangören qamöt kun qahö

* 19:28: Sum 69.21; 22.15 * 19:36: Eks 12.46; Jan 9.12; Sum 34.20 * 19:37: Zek 12.10; Ind 1.7 * 19:39: Jon 3.1-2

algetka gwamönñi ahöyök. ⁴² Gwamönñi aka kösutñe ahöiga Juda ambazipnön ak-kömukömu kendon tatpingöra jöjörögetka nalöñini töriyök. Miangöra Jisösgö qamötñi memba miangöreñ ala löm kölohot. Mewö.

20

Jisösgö löm qaksirinjan gwamönñi ahök.

Mat 28.1-8; Mak 16.1-8; Luk 24.1-12

¹ Sabat kendon tatket teköiga Magdalagö Maria yañön Sonda söñanök wangaran suruiga qaksirinön anök. Anda je ui ani köt ketanji ehiga mianön lök köteñ urorohonji miangö numbuñeyök qetalget kaba ahöyök. ² Mewö eka miangöreñök mosöta ösumok anda Saimon Pitö aka Jisösgö wölböt gwarekñi yetköreñ kaba kewö jii mörohot, “Mönö Kembugö qamötñi qaksirinöhök memba anda denike alget ahözawi, mi qahö mötzin.”

³ Mewö jii möta mosöta qaksirinön anohot. ⁴ Mohotñe ösumok anohotmö, gwarek alañan ösumñan anda Pitö ongita mutuk qaksirinön angorök. ⁵ Angota köt köteñ urorohonji miangö uruñe qahö öngöba numbuñe öne kököriba ui aniga oponji köpeköpeñanök ahöiga ehök. ⁶ Mi ehiga Saimon Pitönön mewöyök andöñe kangota köt köteñ uruñe öngöba oponji köpeköpeñanök ahöi ehök. ⁷ Mi ehök aka nöropñi opo jahönñi kunön köpeiba esuhugeri, mi tosatñan kusuba silegö oponji miambuk qahö mindiriba kungen algetka nanjök tariga ehök.

⁸ Mewö ehiga gwarek alañan mutuk qaksirinön kangoröhi, yañön mewöyök köt köteñ uruñe öngöba yuai mi eka möt nariyök. ⁹ Jisös guliba kömupnöhhök wahötmawi, yetkön Buña Kimbigö keu mewöñi mi qeljine qahö möt asariba tönpin mala korohot. Mewö.

Jisösnön Magdalagö ambi Mariagöreñ asuhuyök.

Mat 28.9-10; Mak 16.9-11

¹⁰ Mala kota miangöreñök möt nariba lilingöba mirinire anohot. ¹¹ Yetkön anohotmö, Marianön nanjök qaksirigö köt köteñ numbuñe kinda sahörök. Mewö sahöta köteñ urorohonji miangö uruñe kököriba ui anök. ¹² Ui aniga Suep garata yahöt malukuniri tuat lalamñi etkehök. Jisösgö qamötñan ahöyöhi, yetkön mönö miangöreñ tarohot. Kunön nöropñi ahöyöhanğöreñ tariga kunön könañe tarök.

¹³ Mewö tata kewö jiyohot mörök, “Ambi, gi mönö wuanöngöra sahötzan?” Mi möta jiyök, “Kembunangö qamötñi memba anda denike alget ahözawi, mi qahö mötzal.”

¹⁴ Mewö jiba lilingöba Jisösnön kösutñe kiniga ehökmö, kaisongolomñi mi qahö ek kutuba tönpin kinök. ¹⁵ Tönpin kiniga Jisösnön kewö qesim wangiyök, “Ambi, gi mönö wuanöngöra sahötzan? Dagöra jaruzan?” Mewö qesim wangigga arö galömñan kinja me denöwö, mewö mötmöriba kewö jiyök, “O ketanjamni, gi qamötñi memba anguba kungen anda alnön ewö, mönö denike ahöza, mi jinönga möta anda memam.”

¹⁶ Mewö jiiga Jisösnön qetñi qeta “Maria!” jiyök. Mi qeta jiiga yangöreñ lilingöba Hibru keunön qeta “Raboni!” jiyök. Mi nanine keunön “Ketanjamni.”

¹⁷ Mewö jiiga kewö jii mörök, “Ni Iwinangöreñ qahö öngöba ki kinjal. Miangöra ni kude nömisirimanmö, nöngö munurupni yengöreñ anda buzup kewö jinön mötme: Nöñön mönö Iwi Anutuni aka engö Iwi Anutunini yangöreñ lilingöba öngömam.”

¹⁸ Mewö jii möta Magdalagö ambi Maria yañön lilingöba anda gwarekurupñi kewö jii mötket, “Nöñön Kembu ekiga keu mewö mewö jii mötzal.” Mewö.

Jisösnön gwarekurupñi asuhum engiyök.

Mat 28.16-20; Mak 16.14-18; Luk 24.36-49

¹⁹ Sonda miangöreñök miri söñauiga gwarek yeñön ömbibiñe tokoba Juda yengöra kenğötñini möta miri nanğunji köla ki namñi misiget geiga tatket. Mewö tatketka Jisösnön asuhuba sutñine kinda kewö jiyök, “Alaurupni, luainön embuk ahöma!” ²⁰ Mewö jiba böröyahötñi aka marömñi kondeliga Kembu eketka sösoñgainön urunini kokolak qeyök.

²¹ Kokolak qeiga toroqeba kewö jiyök, “Alaurupni, luainöñ embuk ahöma! Iwinöñ ni melaim niñgiiga nöñön inini mewöñanök melaim engizal.”

²² Mewö jiba nöropñine memba ösum engiba uwulamgöba jiyök, “Mönö Uña Töröñi meget. ²³ *Inini ambazip siñgisöndokñini mosöta sanjonje ewö, mi mönö Anutugö jeñe solanim teköza. Ambazip siñgisöndokñini qahö mosöta sanjonje ewö, mi mönö Anutugö jeñe qahö solaniza.” Mewö.

Jisösnöñ Tomas asuhum wanjiyök.

²⁴ Jisösnöñ gwarekurupñi mewö asuhum engiyökmö, gwarek 12 yengörenök kun qetñi Tomas, qetñi alañi Siwisiwi qetkeri, yanön nalö miangören sutñine qahö malök.

²⁵ Tomasnöñ kaiga gwarek tosatñan “Mönö Kembu ekzin,” jiget möta kewö jiyök, “Jenan birin löpötñi böröñe eka kesötñan marömñe misirimam ewö, mönö ölop möt narimam. Ni nanak mi qahö eka misiriba oseimam ewö, mönö keuyök jiget möta ölna mi qahö möt narimam.”

²⁶ Mewö jiiga sonda mohot teköiga gwarek yeñön Sonda miangören kunbuk mire qezaköba nanqu köla ki memba Tomasbuk mohotñe tatket. Mohotñe tatketka Jisösnöñ kunbuk asuhuba sutñine kinda kewö jiyök, “Alaurupni, luainöñ embuk ahöma!” ²⁷ Mewö jiba Tomasgöra jiyök, “Gi mönö börögi böranda böröyahötñi eka kesötñan marömne misiriman. Mewö aka yanñisen mosöta uruyahötñi yaköriba ni möt narim niñgiman.”

²⁸ Mewö jiiga kewö melenök, “O, gi nöngö Kembu Anutuna!”

²⁹ Mewö melenñiga kewö jii mörök, “Gi nekzanangöra ni ölop möt narim niñgizanmö, ambazip qahö neka töndup ni möt narim niñgimakzei, yeñön mönö simbawon akze.” Mewö.

Jonöñ Ölöwak Buña ki kewögöra ohoyök:

³⁰ Jisösnöñ nup ösum-mumu qakñe memba maliga anñöletot sehiseñi tosatñi mi gwarek yengö jeñini qakñe asuhugetmö, mi buk kiangören qahö ohoyal. ³¹ Keu tosatñi ohoyali, mi kewögöra ohoyal: Jisösnöñ Anutugö Nahönñi aka Amötqege Tonji Kraist akzawi, inini keu mi möt nariba mewö mianön Jisösgö qetbuñanangöra aka malmal köhöikñi buña qem anñume. Mewö aka malmegöra nöñön Ölöwak Buña papia ki ohobiga engören kaza. Mewö.

21

Jisösnöñ gwarek 7 yengören asuhiiga söra jök öröget.

¹ Könanñep Jisösnöñ kunbuk gwarek tosatñi yengören asuhuyök. Taiberias o anñö jitñe miangören kewö asuhum engiyök: ² Gwarek azi kewöñan mohotñe malget: Saimon Pitö, Tomas qetñi kun Siwisiwi qetkeri, Natanael azi mi Galili prowinsgö Kana taonöhök aka Zebedigö nahönyahötñi yahöt aka gwarek tosatñi yengörenök yahöt.

³ *Mohotñe malgetka Saimon Pitönöñ jii mötket, “Ni mönö söra örömangöra anmam.” Mewö jiiga tosatñan jiget, “Nini ölop göbuk mohokñe anbin.” Mewö jiba mosöta wanñenöñ öngöba anda sunñem miangören söra kun qahö öröget. ⁴ Söra qahö öröba öne malgetka miri lök gianñiga Jisösnöñ sakñöñ kinök. Kinökmö, yanñö kaisongolomñi mi qahö ek kutuget. ⁵ Jisösnöñ kinda engohola jiyök, “Alaurupni, söra kun öröze me qahö?” Jiiga melenñda “Qahö!” jiget.

⁶ *“Qahö!” jigetka kewö jim kutum engiyök, “Inini mönö mösakñini wanñe ölna göröken gilgetka eri ölop söra miwikñame.” Mi möta mösakñini gilgetka söra sehiseñi geba ölökögerangöra öröget kotmapkö osiiga öröm suksuköget.

⁷ Mewö aiga Jisösgö wölböt gwarekñi mianön Saimon Pitö kewö jii mörök, “Mi mönö Kembuya!” Mewö jiiga Kembugö qetñi möta opo bindonñanök jöhöba malöhangöra

* 20:23: Mat 16.19; 18.18 * 21:3: Luk 5.5 * 21:6: Luk 5.6

silepökenji köpeiba mianğörenök o anğönöñ luhuba geyök. ⁸ Yeñön sak qöhöröñe 100 mita mianğö dop kösutñe anda malget. Mianğöra Pitönöñ geba ani gwarek tosatñi yeñön wañge lökuatnöñ qem nangöba anda mösak sörañambuk örögetka wañge andöñe kayök.

⁹ Mewö kaba sak körikñe öngöba mianğören yeñi kewö eket: Könöp jeiga gapnöñ söra jejenji aka beret soñsoñ ahöyök. ¹⁰ Mi eketka Jisösnöñ kewö jii mötket, “Inini dölki söra örözei, mönö mianğörenök tosatñi memba ki kaget.”

¹¹ Mi jiiga Saimon Pitönöñ möta wañgenöñ öngöba mösak öröiga körikñe öngöyök. Öngöiga ölni 153 eket. Mösak mi söra ketanji sehisehiñi mienön kokolak qegetmö, mösaknöñ töndup qahö tingirök. ¹² Ölni mi eketka Jisösnöñ kewö jii mötket, “Mönö kaba söñangö nenenji neget!” Mewö jii möta kaba “Mi Kembunina,” mewö möt kutugetmö, gwarek yeñgörenök kunñan “Gi dañön?” mewö qesimangö urulömböt aka qahö qesiyök. ¹³ Qahö qesiyökmö, Jisösnöñ anda beret memba eñgiba söra mewöyök mendenja eñgiyök.

¹⁴ Jisösnöñ kömupnöhök wahöta gwarekurupñi asuhum eñgiyöhanğö indimñi karöbut mi ahök. Mewö.

Jisösnöñ Pitö kunbuk kunğuba mem köhöiyök.

¹⁵ Söñangö nenenji neget teköiga Jisösnöñ Saimon Pitögöra kewö jii mörök, “Saimon Jongö nahönñi! Alaurupki kienön ni uruñinan jöpaköm niñgimakzei, gi mönö i eñgongita gwötpuk jöpaköm niñgimakzan me qahö?” Mi möta kewö melenök, “O Kembu, ni göhöra ak niñgimakza. Gi wölböt alani akzan. Mi nangak ölop mötzan.” Mewö melenniga Jisösnöñ jii mörök, “Gi mönö nöñgö lamaurupni moröñi gumohom eñgiba malman.”

¹⁶ Mewö jii möri indimñi yahöt qesim wañgiyök, “Saimon Jongö nahönñi! Gi ölna jöpaköm niñgimakzan me qahö?” Mi möta kewö melenök, “O Kembu, ni göhöra ak niñgimakza. Gi wölböt alani akzan. Mi nangak ölop mötzan.” Mewö melenniga Jisösnöñ jii mörök, “Gi mönö nöñgö lamaurupni galöm köl eñgiba malman.”

¹⁷ Mewö jii möri indimñi karöbutñi qesim wañgiyök, “Saimon Jongö nahönñi! Gi mönö ölna wölbötkan (jojopangan) nöñgö ak gihimakza me qahö?” Mewö qesim wañgiiga urujöjöpakö qequesiñi mohot miyök qesiiga indimñi karöbut ahöhanğöra Pitönöñ wösöbirik möta melenja kewö jiyök, “O Kembu, gi yeñi pakpak ölop möt teközan. Gi wölböt alani akzan. Göñön mönö nangak mi ölopñanök mötzan.” Mewö jiiga Jisösnöñ jii mörök, “Gi mönö nöñgö lamaurupni gumohom eñgiba malman.”

¹⁸ “Nöñön keu öl töhönñi kun kewö jibi mötnöñ: Gi sepgulia mala nangak sileötanği jöhöba köna igen me waigen ‘anmam,’ jiba ak gihiyöhanğö dop ölop anda kaba malnöñ. Mewö mala malnöñmö, azi namñi akñani, nalö mianğören börögi börañnonga kunñan kaba opo silepökegi jöhöm gihiba köna kungen qahö anmangö mötmani, mönö mianğören goañgiriga anman.”

¹⁹ Jisösnöñ kezapqetok keu mewö jiba Pitö kömumawañgö keu saiñi indelök. Yeñön kömup tandökñi qainñi kun kömuiga Anutugö qetbuñanji qarimapköra mötmöröba mi jiyök. Keu mi jiba yañgöra jii mörök, “Gi mönö kaba ni nuatanğöba malman!” Mewö.

Jisösnöñ Pitöbuk gwarek kungö keuñi eraum mörohot.

²⁰ Pitönöñ Jisösbuk anda lilingöba Jisösgö wölböt gwarekñan andöñire kaiga ehök. Gwarek mianön ak-kömukömu lama negeri, mianğören nöropñan Jisösgö töptöpñe nariba jiyök, ‘Kembu, göhören mamalolo azi mi dañön?’ ²¹ Gwarek mianön könañire kaiga Pitönöñ i eka Jisös kewö qesim wañgiyök, “Kembu, gwarek kianğöra mönö denöwö asuhuma?”

²² Qesim wañgiiga kewö jii mörök, “Nöñön yañgö malmal arenji mewö me mewö albilenak, mi mönö göhören waimanjara qahö. Nöñön jibiga yañön qahö kömumba nöñön gölmenöñ lilingöba kamamañgö nalöñe toroqeba jebuk mal öngöbawak, keu mi yañgö keuya akawak. Gi mönö yañgö keuñi mosöta nangi malmalgi möhamğöba galöm köl anğuba nöñgö andöñe kaba ni nuatanğöba malman.”

²³ Keu mewö jiiga tosatjan lan möta jim sehigetka urumelen alaurup yengö sutjine keu mi kewö jim sohoget, “Gwarek mianjon qahö kömuma.” Mewö jim sohogetmö, Jisösnöñ jebuk teteköñi qahö mal öngömapköra qahö jiyökmö, keu kewö jiyök, “Nöñon yangö malmal areni mewö me mewö albilenak, mi mönö göhören waimanjara qahö. Nöñon jibiga yanjon qahö kömumba nöñon gölmenöñ lilingöba kamamanjö nalöñe toroqeba jebuk mal öngöbawak, keu mi yangö keuya akawak. Gi mönö yangö keunji mosöta nangi malmalgi möhamgöba galöm köi anguba malman.” Mewö.

Nanak mi pakpak jenan eka nanjöba ohom engizal.

²⁴ Gwarek mianjon yuai mi jenan eka mala miangö dop mi nanjöba jim asariba Ölöwak Buña ki ohoyök. Körek pakpak enjon gwarek miangö könanji mötzeangöra aka ölop tönguba kewö jiba malme, “Yanjon keu nanjöba jiyöhi, mianjon mönö keu öl töhöññi akza.”

²⁵ Jisösnöñ nup aka angöletot tosatji sehisehiji mi mewöyök aka memba malök. Miengö kösohotjini mohot mohot mi lökñanök törörök ohobinak ewö, mönö buk papia böranji böranji sehisehiji asuhugetka kantri dop papia köwe miri (laibreri) pakpak miangören alinga kokolak qeba ölököiga tiñi töndup qahö dop kölbawak. Mewö mötmörizal.

Aposol Nup Meme

Aposol yeñon Uña Töröñangö ösumnöñ nup meget.

Jim-asa-asari

Dokta Luknöñ buk qetñi “Kraistkö Ölöwak Buña” ohoba kösohotñi toroqeba buk qetñi “Aposol nup meme” ohoyök. Jisösnöñ gwarekurupñi mutukñi kusum engii Uña Töröñan sölölohöm engiiga Kraistkö keu buzupñi jim sehigeri, Luknöñ miangö kösohotñi aukñe almangöra möta kewö (1.8) ohoyök, ‘Yeñon mi Jerusalem sitinöñ könahiba Judia prowins dop köla Samaria prowinsnöñ anda toroqeba gölme görañe eu emu likeplikep angetka dop köl teköba anök.’ Mutuk Juda könagesö uruñe nup megetka uruñini melenña guligetka Kraistkö qeburuñ könahiba yöhöba sehiba anda anda kantriñi kantriñi dop köliga urumelen könagesö yeñgö bohonñini ahök. Kösohotñi oyonñei, Luknöñ yeñgö uruñini böñjön almangö kapan köla keu kötñi yahöt kewö ohom asariyök,

1) ‘Kraistkö alaurupñan Rom mindimindiri gawman mi tuarenjon qahö ak engiba malje. Yeñon mi memba et almegöra tuaköpek qahö akze. Tosatñan mewö mötpeak, mi böñji öne wahötmapuk.’

2) ‘Juda yeñon jike nup meget korembenji aiga ölni asuhumapköra mamböta malgeri, Jisösnöñ mönö ölni mi memba kaba engiyök.’ Keu kötñi mi.

Jisösgö Buña keuñi kuñguba jim sehiba zioz könahiba mem köhöigetka toroqeba aniga urumelen yeñgö kambuñinan qariyök. Miangö dop “Aposol nup meme,” kösohot mi juliga keu bahöñi bohonñi karöbut kewö akze: 1) Jisösnöñ Suep mire öngöiga gwarek yeñon Jerusalem malgetka Kraistkö Buña keuñan könahiba qeburuñ yöhöyök. 2) Yöhöba qariba Palestain gölmegö prowins tosatñe anök. 3) Kunbuk qariba kantriñi kantriñi Sutñire Köwet liliköba tat anjei, mi dop köla teteköñe siti bohonñi Rom anök.

“Aposol nup meme” miangö keu bohonñi mi Uña Töröñangö könañi aka nup memeni. Aposol aka mötnarip ambazip yeñon yambu dölokñangö (Pentekost) nalöñe Jerusalem köulukögetka Uña Töröñan ösumñambuk uruñine geyök. Uruñine geba sölölohöba mem köhöim engiiga denña kantri liliköba nup megetka ölni könañi könañi asuhuyök. Zioz ambazip aka yeñgö jitñememe yeñon Kraistkö Buña keu mi könakönañe denöwö jiba malgeri, Luknöñ miangö keuñi ohoiga mi ölop buk kiangören oyonña mötpin. Ambazip uruñini melenña mindiriba nañgöm anguba malgeri, yeñon Buña keugö kukösumñi möt kutugetka miri dop aukñe asuhuyök. Denöwö asuhuyöhi, Luknöñ miangö kösohotñi ohoba Uña Töröñangö kukösumñi kondel neñgiza.

Buk kiangö bahöñi bohonñi 4 mi kewö:

1. Buña keu nañgöba jibingöra jöjöröget 1.1-26
 - a) Jisösnöñ jimkutukutu ala Uña engimangö jiyök 1.1-14
 - b) Judas Iskariotkö salupñe Matias meköget 1.15-26
2. Jerusalem sitinöñ Buña keu nañgöba jiget 2.1-8.3
3. Judia aka Samaria Buña keu nañgöba jiget 8.4-12.25
4. Polnöñ misin nup memba malök 13.1-28.31
 - a) Misin nup liliköba megetka 1 ahök 13.1-14.28
 - b) Jerusalem totoko ala keu jöhöget 15.1-35
 - c) Misin nup liliköba megetka 2 ahök 15.36-18.22
 - d) Misin nup liliköba megetka 3 ahök 18.23-21.16
 - e) Pol Jerusalem, Sisaria aka Rom kösö mire tarök 21.17-28.31

Jisösnöñ zioz könahiyök.

1 *O Tiofilus!

Luk nõnõn kõsohotni mutukni ohoyali, miangõren Jisõsnõn nup kõnahiba memba lilikõba ambazip kusum engiba malõhi, miangõ kõsohotni pakpak arengõba albi eknõn. 2 Jisõsnõn nup memba melaimelai azi aposolurupni mowõlõhõba kusum engiba mala Unja Tõrõnanõgõ õsum qakne nup memegõra jim kutum engiyõk. Mi engiiga Anutunõn wangiri Suepnõn õngõyõk. Nõnõn kõsohotni ohoyali, mi miangõren ohom tekõyal. Merak miangõrenõk kõsohot mi toroqeba ohomam.

3 Jisõsnõn sihimbõlõ mõta kõmumba kõmupnõhõk wahõta wehõn 40 gõlmenõn toroqeba malõk. Nalõ miangõ urunje aposolurupni sõmanji gwõtpuk asuhum engiba Anutu bemtohoõnanõgõ kõnanji toroqeba jim asarim engiba malõk. Mewõ mala aiwesõk tandõk kõnanji kõnanji memba kondel engiyõk. Yenõn mi eka Jisõsnõn guliba maljawi, mi õlõp mõt yakõget. Aiwesõk ekeri, yenõn mi nanõgõba jiba dangunu ewõ kinje aka kunjan mi qeapõmamõ osima.

4 *Nalõ kunõn yembuk mohotne mala kewõ jim kutum engiba jiyõk, “Injini Jerusalem siti ki mõnõ zilaõ kude mosõtme. Iwinan ‘Kalem urunje al engimam,’ jiba keunji jõhõi jibi mõtkeri, mi mõnõ õlõambuk akne aiga enõn mõnõ miangõra mambõta malme. 5 *Mutuk Jonõn ambazip o tõhõnõn melun mem engiba malõkmõ, Anutunõn nalõ kude kõriiga Unja Tõrõnõ urunje ala miangõn melun mem engima.” Mewõ.

Jisõsnõn Suep mire õngõyõk.

6 Aposol yenõn nalõ kunõn tokogetka Jisõsnõn sutnjine asuhuiga kewõ qesim wangiget, “Kembu, gõnõn mõnõ nalõ kewõne me wani nalõnõn Israel kantrigõ tohoõni mi kunbuk kunõguba mem kõhõiman?”

7 Qesim wangigetka kewõ jii mõtket, “Iwinõn nanji kukõsum qakne yambu gwani aka aua nalõ arengõba ali ahõzawi, mi mõnõ enõn mõtmeangõ dop qahõ. 8 *Mi qahõpmõ, Unja Tõrõnan eta urunje gemawanõn mõnõ kukõsum engiiga letota nõngõ kõnani nanõgõba jiba malme. Mi Jerusalem sitinõn kõnahiba Judia prowins dop kõla Samaria prowinsnõn anda lilikõba toroqeba gõlme gõraõe eu emu likepliket angetka dop kõl tekõba anma.”

9 *Jisõsnõn keu mi jim tekõiga Anutunõn jenini qakne wangita wahõriga kusunõn eta esuhuiga euyangõren õngõiga ekingõ uget õngõba atatop (jiataton) kõliga jaruba kinget.

10 Mewõ õngõiga suepnõn eu ehõba kingetka miangõrenõk azi yahõt malukunõni tuat lalamni yetkõn kõsutnjine asuhuba kinohot. 11 Kinda kewõ jiyohot, “Galili azi injini mõnõ denõwõgõra suepnõn eu ubayõk kinje? Anutunõn Jisõs ki engõ sutnjineyõk wangita Suep mire eu õngõi ekzei, yanõn mõnõ tandõk mewõnanõk kunbuk lilingõba etma.” Mewõ.

Judas Iskariotkõ salupje Matias meget.

12 Mewõ jiyohotka aposol yenõn Jerusalem siti kõsutne kundunji qetnji Oil ip kundunji miangõrenõk lilingõba eta 1 kilomitagõ dop kaba sitinõn kangotket*. 13 *Jerusalem kangota miri urunji kun qakne tat malgeri, miangõren anda õngõget. Õngõgeri, yengõ qetnjini kewõ: Pitõ, Jon, Jeims aka Andru; Filip, Tomas, Bartolomyu aka Matyu; Jeims Alfusgõ nahõnõni, Saimon Zelot politik azia aka Judas Jeimgõ nahõnõni†. 14 Azi pakpak mienõn urumohot aka ambi yembuk kapanõ kõla kõulukõba malget. Yengõ sutnjine Jisõs munurupni aka namni Maria yenõn mewõyõk malget.

15 Kõulukõba mala wehõn kunõn mõtnarip ambazip jangõnjini 120 miangõ dop tokogetka Pitõnõn sutnjine wahõta keu kewõ jiyõk, 16 “Azi alaurupni! Jisõs memba jõhõgeri, Judasnõn yengõra kõna kondelõk. Unja Tõrõnan Judasgõ keu mi mutuhõk kinõ Deiwidkõ

* 1:1: Luk 1.1-4 * 1:4: Luk 24.49 * 1:5: Mat 3.11; Mak 1.8; Luk 3.16; Jon 1.33 * 1:8: Mat 28.19; Mak 16.15; Luk 24.47-48 * 1:9: Mak 16.19; Luk 24.50-51 * 1:12: Juda yenõn 1100 mita mi Sabat kendonõn qahõ õngita anjema. Miangõra Kõna keu qahõ õngita kaget. * 1:13: Mat 10.2-4; Mak 3.16-19; Luk 6.14-16 † 1:13: Zelot pati yenõn nanjini kinkin mbingõra Rom mindimindiri gawmanbuk tuakõpek aka urukõnõp aka malget.

uruŋe saŋep ali numbu jitŋan jiiga Sumbara buk (Buŋa Liŋet buk Sam) mianğoreŋ ohoget ahözawi, mianğon mönö ölnambuk ahuyök. ¹⁷Jisösnöŋ Judas möwölöhöi nanine kambunöŋ kun mali nupŋi memapkö kuŋgui melaimelai azi bohonŋi aposol ahök.

¹⁸*“Judasnöŋ ahakmeme bölöŋi aiga söngöröŋi waŋgiget memba mianğon gölme köröŋi kun bohonŋi meyök. Mi memba mianğoreŋ imbi auba nöropŋan melenđa gölmenöŋ kuŋguiga gölömŋi juliga irip kömonğokŋi datŋi munŋi mi körek usuba erök. ¹⁹Mewö ahiga Jerusalem ambazip pakpak mianğö buzupŋi möt teköba gölme mianğö qetŋi nanŋine keunöŋ Akeldama qetket. Mi nanine keunöŋ Sep Gölme köröŋi.”

²⁰*Pitönöŋ toroqeba kewö jiyök, “Sumbara (Sam) buk mianğoreŋ keu kun kewö ohoget ahöza,

‘Miriŋi mönö baloŋi gwamön kinma. Mi kunŋan toŋi qahö aka maliga miriyök kinma,’ aka keu kun kewö ahöza,

‘Kunöŋ ölop yaŋgö salupŋe galöm nup memba kinma.’

²¹⁻²²*“Mewögöra aka nini azi kun möwölöhöba kuŋguinga nembuk jitŋe meme aka dangunu ewö kinda Jisösnöŋ kömupnöhök wahöröhi, mianğö Buŋaŋi naŋgöba jiba mali dop kölma. Jonöŋ Jisös o melun mem waŋgiiga Kembunöŋ nalö mianğoreŋök qenjaröknoŋ anda nupŋi könahiba memba neŋgö gölmenöŋ liliköba anda kaba mali Anutunöŋ sut-nineyök waŋgita öngöyök. Azi nalö pakpak mianğoreŋ kambunine mohotŋe mala korini, mönö yeŋgoreŋök kun möwölöhöinga dop kölma.”

²³Pitönöŋ mewö jiiga azigö jaruba azi yahöt qetŋiri qetket. Kun qetŋi Josef, qetŋi alaŋi Barsabas aka qetŋi kun Jastus. Azi kungö qetŋi Matias. ²⁴Qetŋiri qeta kewö köuluköba jiget, “O Kembu, gi ambazip urunini körek pakpak möt kutuzan. Mianğöra gi azi kietköreŋök niŋia möwölöhözani, mi mönö kondel neŋgiman. ²⁵Judasnöŋ goŋgiba geŋmoŋ aka eta aposol nup mosöta bölöŋamŋaŋgö dop ayuhuba geyöhi, yaŋgö salupŋe azi kunöŋ mönö aposol aka kinda melaimelai azigö nup memba malma.”

²⁶Mewö jiba yetkö kiawen (kas, lot) algetka Matias asuhuyök. Asuhuiga aposol 11 yeŋgö sutŋine dum kun waŋgigetka kambuŋine toroqeyök. Mewö.

2

Uŋa Töröŋan eta gwarek uruŋine geyök.

¹*Jisösnöŋ kömuyöhi, nalö mianğoreŋök sonda 7 teköiga wehön 50* mianğoreŋ yambu jeŋi qeŋe nalöŋi kam kuŋguiga urumelen ambazip pakpak yeŋön tokoba kendon tatket.

²Tatketka mianğoreŋöhök Suepnöhök yuai kun biliksik eri kouruk ketanŋi asuhui mötket. Dimbomnöŋ köhöikŋanök qemakzawi, mönö mianğö tandök ewö asuhuba eta miri tatkeri, mi körek kokolak qeyök. ³Miri kokolak qeba yuai mianğon denqenđa sehiba könöp bölam tandök ewö nöropŋini qakŋe öngöi eket.

⁴Mewö asuhuiga Uŋa Töröŋan körek yeŋgö uruŋini kokolak qeiga gölme tosatŋe keu ahözawi, mi könahiba jiget. Uŋa Töröŋan sölölohöba keu saŋep alöhaŋgö dop aukŋe jiget.

⁵Juda ambazip tosatŋan Anutu göda qeba kantri könanŋi könanŋi suep bapŋe tat anjei, mianğoreŋ denđa anda mala Jerusalem lilingöba kageri, tosatŋi mewöŋi mewöyök sitinöŋ malget. ⁶Mewö mala kouruk ketanŋi mi möta ambazip kambu gwötpukŋan kaŋgota tokoget. Tokoba kingetka mötnarip ambazipnöŋ keu murutŋi murutŋi jigeri, mi pakpak möta nanŋak nanŋak möt asariba mianğöra aurumpurik aka köŋkuŋ aket.

⁷Köŋkuŋ aka welipköba jiget, “Mötket! Azi ki keuŋi keuŋi jizei, yeŋön mönö körek Galili ambaziwa akze me? ⁸Nini kantri murutŋi murutŋi mianğoreŋ ahuba kota malinga yeŋön mönö denöwö aka malqarip kantrininaŋgö dop keunini nanŋik nanŋik jigetka mötzin? ⁹Nini Partia ambazip, Midia ambazip aka Elam ambazip ki kinjin. Nini

* **1:18:** Mat 27.3-8 * **1:20:** Sum 69.25; 109.8 * **1:21-22:** Mat 3.16; Mak 1.9; 16.19; Luk 3.21; 24.51 * **2:1:** Lew 23.15-21; Dut 16.9-11 * **2:1:** 50 mi Grik keunöŋ Pentekost.

tosatñan Mesopotemia malin. Tosatñan Judia malje aka tosatñan Kapadosia gölmenöñ malget. Ambazip tosatñan Pontusgöra, tosatñan Eisia prowinsgöra akzin aka yeñön nanini keunine keu jigetka mötzin.

¹⁰ “Tosatñan Frigia gölme mosöta ki kaba malje. Tosatñan Pamfilia taon mosötket. Tosatñan Ijipt kantrinöñ malget. Tosatñan Sairini gölme likepñe Libia kantrinöñ malget. Tosatñi nini Rom sitiyoök kusukñanök ki kaba maljin. ¹¹ Nini tosatñan Juda ambazip ahuba maljin aka tosatñan kantri tosatñe ahuba könangep Juda ambazip ahin. Mewö kinjin aka yeñön keu jigetka nini keunini mohot mohot mi ölop möt kutuzin. Neñgöreñök tosatñan gölme jölanñi qetñi Krit mosöta köwet kutuba kaget. Tosatñan Arebia keu jize. Nini mewöñan maljinmö, yeñön söngaiba Anutunöñ angöletot öngöngöñi ahöhi, miengö könani mi nanine keunöñ nanjik nanjik jigetka mötzin.” ¹² Mewö jiba körek yeñön auruba lalalulu siksauk aka nanñini kewö jim qesim anguget, “Kiangö könani mönö denöwö?” Mewö qesim anguba keu jaruba tönpin kinget.

¹³ Tönpin kingetmö, tosatñan mepaqepaik aka kewö jiget, “Yeñön wain o nahömñambuk gwötpuk nempa enololoñ akze.” Mewö.

Pitönöñ Uña Töröñangö könani jim asariyoök.

¹⁴ Mewö jigetka Pitönöñ aposol 11 yembuk mohotñe wahöta kinda köhöikñanök qeta ambazip kambu yeñgöra kewö jii mötket, “Alaurup, Juda ambazip aka ambazip körek Jerusalem maljei, nöñön yuai asuhuzawangö könani jibi kezap ala mi mötket. ¹⁵ Inini tosatñan neñgöra kewö jize, ‘Yeñön o köhöikñi negetka uruñinan enololoñ akza.’ Mewö mötmörizemö, neñön mewö qahö akzin. Ki söñangö 9 kilokñi akza. Söñan mi o nene nalöya qahö. ¹⁶ Qahöpmö, kezapqetok azi Joelnöñ Buña keu kewö jiyöhi, mianön mönö ölnambuk akza,

¹⁷ *‘Anutunöñ jiza: Kembangö kaka nalöñan törimawi, nöñön nalö miangöreñ Uñani Töröñi mokobiga ambazip körek yeñgö qakñine öngöma. Öngöba sölölohöba kutum enguasöriaga kewö asuhuma:

Engö nahönböraturupñinan kezapqetok keuñi keuñi jimakñe.

Engö gwabö seramurupñinan jenini melenñi imutñi imutñi ehakñe.

Engö ambazip namñi yeñön gaunñi gaunñi ekñe.

¹⁸ Uñani Töröñi mokomami, mi azi aka ambi weleni qeba malmei, yeñgö qakñine mewöyoök öngöiga kezapqetok keu jimakñe.

¹⁹ Nöñön angöletot suepnöñ albiga uget eu öngöiga ekñe aka gölmenöñ aiwesök mi kewö ekñe:

Yuai sepnambuk, könöp öngöngöñi aka köwak köndumñambuk mi asuhume.

²⁰ Wehön jeñan pandaman meiga köiñöñ pisihiba sep ewö akña.

Mewö asuhuiga miangö andöñe Kembangöreñ nalö ketanñan kam kuñguma.

Wehön mi aködamun aka qetbuñanambuk.

²¹ Denike yeñgöreñök kunñan kun Kembangö qetñi qeta köulukömawi, yanön mönö amöt qem wanggiiga letotma.’ Joelnöñ mewö ohoi ahöza.

²² “O Israel ambazip, inini mönö kezap ala keu ki mötket: Anutunöñ Jisösgö malmal nalöñe sölölohöm wangii mali angöletot, aiwesök aka aiaka ösum-mumuñambuk mi engö sutñine gölmenöñ aukñe asuhuget. Inini mi ölop mötze. Anutunöñ yuai mi asuhum wangiba mewö mianön Nazaret azi miangö könani nanngöba jiba kondel engiba malök.

²³ *‘Anutunöñ mönöwök Jisösgö keuñi qeljine jöhöba möt kutuba kewö jiyöha ahöza, ‘Amötqeqe Tonñan mönö pinjit azi yeñgö böröñine etma.’

Keu miangö dop Anutunöñ Jisös qahö angön köli engö böröñine erök. Mewö eriga inini kömumapkö qetketka kian kantri gawman yeñön Mosesgöreñ Köna keu qahö möta töndup jim kutugetka böröñinan Jisös memba maripomnöñ qeget kömuyök. Kömuyökmö, sepnan

* **2:17:** Joel 2.28-32 * **2:23:** Mat 27.35; Mak 15.24; Luk 23.33; Jon 19.18

mönö engö qakñine öngöyöha ahöza. ²⁴*Jisösnöñ kömuyökmö, kömupkö kösö gwaröñe eri kömup Tonan i jöhöba nalö köröpñi galöm köl wanğimamgö osiyök. Mi Anutugöreñ qahö dop kölök. Mianğöra yañön i mem guliba kömupkö sihimbölöñeyök meköiga wahörök.

²⁵*Kiñ Deiwidnöñ Jisösgöra kewö jiyök ahöza,

‘Nöñön garañguruñ aka talbilenbuköra Kembunöñ böröni ölñe malja.

Yañön nalö dop qöhöröñne kiní imut ewönöñ eka maljal.

²⁶⁻²⁷ Mewö mala kömumam-mö, kömupkö uñem mire gebiga andö qahö nuñguman.

Göñön nangi wölböt azi sarakñi tök-kutukutuñi ni mönö meköm niñginöñga kömupkö lömnöñ ahöba qahö gisahömam.

Mianğöra urunan sösöñgai aiga numbu nesilamnan renduñ liñet köla maljal.

Silenan mewöyök guliba wahötmawanğöra al mamböta jörömqröm aka luhut memba ahöma.

²⁸ Göñön malmal köhöikñañgö köñañi kondel niñginöñga möt kutumam.

Nöñön göhö jemesoholge pöndañ malbiga göñön uruni sösöñgainöñ kokolak qeman.’

Deiwidnöñ Jisösgöra mewö jii ahöza.

²⁹ “O alaurupni! Pitö nöñön bem ambönini kiñ Deiwidkö köñañi mi awösamkakak qakñe aukñe kewö jim asarimam: Deiwidnöñ kömuiga löm kölgetka qaksiriñan merak sutnine ki ahöza. ³⁰*Deiwidnöñ kezapqetok azia aka malöhañön kewö mörök: Anutunöñ gwölönarökurupñi yengöreñök kun möwölöhöba kuñgui nanñi ewö azi kembugö dum tatatñe tatma. Anutunöñ keu mi jöhöba jöjopañ keunöñ jim köhöiba malök. ³¹ Kunñan tatmawi, mi qeljiñe eka mörök. Amötqeqe Tonñ Kraist yañön kömupnöhök wahötmawi, Deiwidnöñ mi möta kewö jiyök,

‘Kraistnöñ mala kömumapmö, kömupkö uñem mire geiga Anutunöñ i andö kude qei ahöma.

Yañgö silenñi mi kude mosöri qamötñan kömupkö lömnöñ qahö gisahöma.’

³² Anutunöñ Jisös mem gulii wahöriga mewö mianñön keu mi ölñambuk ahök. Nini körek mi je kötninan eka nañgöba jiba dangunu ewö kinjin. ³³ Jisösnöñ wahöta mala Anutunöñ wanğiri öngöba böröñi ölñe tatza. Mianğöreñ tata Iwinöñ Uña Töröñi melaimapkö jim jöhöyöhi, yañön (promis) mi möta i mokoí eriga ölñi merak ki asuhui eka mötze.

³⁴*Deiwidnöñ Suepnöñ kude öngöyök. Yañön nanñak keu kewö jii ahöza,

‘Anutunöñ Suep miri uruñe nani Kembunawañgöra kewö jim kutui mörök:

Göñön mönö kaba böröni ölñe asakmararañ kianğöreñ eta tata malman.

³⁵ Mewö tata malnöñga nöñön nalö sutñe kianğöreñ tuarenjoñurupki tim tötala luhut al engimam.

Luhut al engibiga yeñön tala geba sihimbölö möta sahöta köna döp ewö akñe.

Mewö aketka göñön ölöp wahöta yengö qakñine tiba söñgaiba malman.’

³⁶ “O Israel ambazip, iñini Jisös maripomnöñ qegetka kömuyökmö, Anutunöñ Jisös mi kuñguiga Kambu aka Amötqeqe Tonñ Kraist ak neñgiba malja. Israel kambu pakpak iñini mönö mianğö köñañi möt yaköme.”

³⁷ Pitönöñ mewö juiga ambazip kambunöñ möta uruñini qesiñni Pitö aka aposol tosatñi yengöra kewö jiget, “Azi alaurup, nini mönö dendenöwö ahin dop kölma?”

³⁸ Jigetka Pitönöñ kewö jii mötket, “Iñini mönö uruñini melenget. Mohot mohot uruñini melenğerañgö dop neñön mönö Jisös Kraistkö qetñe o mem melun mem engibin. Mi engiinga Anutunöñ siñgisöndokñini sanğonda mosöta Uña Töröñ kalemñi mi buña qem engima. ³⁹ Anutunöñ Uña mi engimamgö jim jöhöyöhi, keu mi mönö nanñini aka engö gwölönarökurupñini engöra aka jiyök. Engöra aka tosatñi köröwen mal angetka Anutu Kembuninan engoholmawi, yañön jöhöjöhö keu (promis) mi mönö körek engöra aka mewöyök jiba jöhöi ahöza.”

* **2:24:** Mat 28.5-6; Mak 16.6; Luk 24.5 * **2:25:** Sum 16.8-11 * **2:30:** Sum 132.11; 2 Sml 7.12-13 * **2:34:** Sum 110.1

⁴⁰ Pitönöŋ mewö jiba toroqeba qambaŋ keu tosatŋi gwötpuk mianöŋ uruŋini kuŋguba kewö jiyök, “Ambazip misimkaulup ki gölmenöŋ maljei, Anutunöŋ mi amöt qem enŋiiga letotmegö mötza. Yembuk sihimbölö miwikŋaibepuköra mönö uruŋini melenŋa ambazip goŋgoŋi mi jabö ala enŋömosötme.” ⁴¹ Pitönöŋ mewö jiiga ambazip jesöŋgöŋan keuŋi möt anŋön kölgetka o melun mem enŋiget. Mi mem enŋigetka könagesöŋine toroqetka jaŋgöŋinan wehön mianŋöreŋök 3000 mianŋö dop qariyök. Mewö.

Mötnarip yeŋön uru jöhöm anŋuba malget.

⁴² Uruŋini melenŋeri, yeŋön urumohok aka urunöŋ jöhöm anŋuba nalö dop anŋeka tokogetka aposol yeŋön Buŋa keu kusum enŋigetka beret mindipköba nempa köuluk nup memba malget. Pöndaŋ malmal mewöŋi malget.

⁴³ Mewö kinda Anutugö qetŋan bölibapuköra jönöm undu-undu aka malget. Mewö malgetka Anutunöŋ sölölohöm enŋiiga aposol yeŋön jitŋe memenini aka nup megetka anŋöletot aiwesök murutŋi murutŋi asuhuget. ⁴⁴ *Anutu möt narigeri, yeŋön körek malmalŋini mohotŋe mala sukinap (ainemaluku) yuaiŋini pakpak mindiriba mohotŋe memba malget.

⁴⁵ Mewö memba mala gölme sukinap yuaiŋini bohonŋi memegöra algetka söŋgöŋi enŋiget kayöhi, mi sutŋine mözöqözöröŋ aka osigeranŋö dop menden anŋuba malget. ⁴⁶ Mewö mindiriba mala qösösök (qörörök) urumohot aka nalö dop jöwöwöl jikenöŋ tokomalget. Beret mi miriŋini dop mindipköba nemalget aka numbu nenenini mi geŋmoŋini qahö söŋŋgai qakŋe tata nemalget. ⁴⁷ Aiakaŋini mewö aka Anutu möpöseiba malgetka ambazip pakpak yeŋön i enŋek soriba malget. Enŋek soriba malgetka kambuŋinan qariiga Kembunöŋ nalö dop ambazip tosatŋi uru melenŋ enŋiiga letota mindimindiri areŋine toroqet. Mewö.

3

Pitönöŋ lokon azi kun mem ölöwahök.

¹ Juda yeŋön mare dop 3 kilok köuluközema. Mare kunöŋ Pitö Jon yetköŋ köuluk nalö mianŋöreŋ jöwöwöl jikenöŋ öŋgöyohot. ² Öŋgöyohotka mianŋöreŋ azi kun nam körö uruŋeyök lokon asuhaba tat malöhi, mi anŋuba kaba jöwöwöl jikegö kiripo naŋuŋe alget. Alauruŋan silim dop kaba kululunöŋ anŋuba kiripo naŋu qetŋi Naŋu Eksihimŋambuk qetkeri, mianŋöreŋ alget tarök. Tata ambazip jikenöŋ öŋgögeri, yeŋön monenŋ kalem waŋgimegöra ulet enŋiba malök.

³ Mewö algetka tari Pitö Jon yetköŋ jöwöwöl jikenöŋ öŋgöbitkö ahotka etkeka i mewöŋanök kalemgo ulet etkiyök. ⁴ Ulet etkiiga jemesoholŋi uba eka Pitönöŋ kewö jii mörök, “Mönö niri netkeknöŋ!”

⁵ Mewö jii möta je kusumusulŋi qahö etkehiba yuai kun böŋöŋireyök niŋgimahotkö mambörök. ⁶ Etkehiga Pitönöŋ jiyök, “Nöŋgöreŋ silwö me goul monenŋ qahö ahözapmö, nöŋgöreŋ yuai kun ahözawi, mi ölop gihimam: Gi mönö Nazaret azi Jisös, Amötqeqe Tonji Kraistkö qetŋe wahöta anman!”

⁷ Mewö jiba böŋöŋi ölnje memba kököbihiiga wahörök. Wahöriŋa könaŋi aka gwaköt sihitŋi mönö mianŋöreŋök köhöiget. ⁸ Köhöigetka wahöta luhuba yetpuk jöwöwöl jikenöŋ öŋgöba mianŋöreŋ anda kaba serenŋeren unduba Anutu möpöseiyök. ⁹ Mewö anda kaba Anutu möpöseim waŋgiiga ambazip kambu pakpak yeŋön mi eket. ¹⁰ Mi eka kewö jiget, “Azi ki kalem waŋgimegöra jikegö kiripo Naŋu Eksihimŋambukö kösutŋe tata uleta malöhi, mönö mia.” Mewö jiba möt waŋgiba “Silenŋe wani yuaia asuhuzapto?” jiba auruba nemböŋini teköi welipköget. Mewö.

Pitönöŋ jöwöwöl jikenöŋ Buŋa keu jii mötket.

* 2:44: Apo 4.32-35

¹¹ Welipkögetka ulet azi mianjon sundan Pitö Jon yetpuk mohotje anda kaiga ambazip kambu körek pakpak yenjon ösumnjinan kösutjine kaba jöwöwöl jikegö tohon uruje öngöba kinj Solomongö sombem söranjambuknönj tokoba kinda ehiget.

¹² Mewö ehigetka Pitönönj engeka könahiba kewö jii mötket, “O Israel alaurupni, injini mönö wanigöra yuai ki eka auruze? Wanigöra niri uba netkehize? Azi kianjon ölöwaka köna anda kazawi, mi mönö netkö ösumnönj me Anutugö Buñaje pitirik maljirañgöra aka qahö. Mewö kude mötmörime. ¹³ *Nanine ambösakonini Abraham, Aisak aka Jeikob yengö bem Anutunönj mönö Nahönñi Jisös asakmararan wanggiiga jitjememenji öngöngönji ahiga ölni asuhuiga ekze. Injini Jisös mi memba galöm yengö börönjine algetka premiö Pailötnönj pösatmamgö keunji jöhöba jiyökmö, enjon Jisös mi yangö jene qan köla andö qem wangiget.

¹⁴ * “Injini azi diñdijni aka sarakñi mi andö qem wangiba azi qeçe azi kun pösatmapkö kapan köla qeta qesiget. ¹⁵ Mewö qeta qesiba mewö mianjon malmalgö Tonjan kömumapkö keunji jigetka kömuyök. Kömuyökmö, Anutunönj i mem guliiga kömupnöhök wahörök. Netkön mi jeninan eka nanjöba jiba yangö dangunu ewö kinjin. ¹⁶ Mewö kinda Jisösgö qetñi möt narim wangiba maljit. Azi ki eka möt wangizei, mi mönö qet miangö ösumnan mem köhöiiga kinja. Jisösnönj sölölohöm netkii mötnaripniran asuhui miangö qakñe kinda jim kutuziga köna gwakötñan ölöwak teköiga injini körek mi ekze.

¹⁷ “O alaurupni! Jisös kömumangö kapan kölgeri, enjon mi mönö gukmaulem qakñe aket, mi mötzal. Nanñini aka galömurupnjinan mewöyök yuai ak wangigeri, miangö könañi kude möt kutuba lañ aket. ¹⁸ Mewö aketmö, miangö likepñi Anutunönj kewö ahök: Anutunönj keunji mönöwök kezapqetok ambazipurupñi pakpak yengö jitñine aliga qeljine kewö jiba ohoget, ‘Anutugö Amötqeçe Tonji Kraistnönj mönö sihimbölö mötma.’ Miangöra injini mewö aketka Anutugö keu mianjon mönö mewö ölnjambuk ahök. ¹⁹ Miangöra mönö urunini melenja Anutugöreñ lilingöba kagetka singisöndokñini kutuba sanjonma.

²⁰ “Anutunönj oyaenköyaen Tonji akza. Injini öne lañ malbepüköra Anutunönj Jisös qeljine möwölöhöyök. Miangöra injini mönö urunini melenjetka Amötqeçe Tonji Kraist melaiiga engöreñ kaiga yambuk qekötahögetka malmalñinan guliiga oyaenköyaen nalöñinan kam kunjuma. ²¹ Anutunönj möpñangö möpñe könahiba keunji kezapqetok ambazipurupñi tök-kutukutuñi pakpak yengö jitñine aliga qeljine kewö jiba malget, ‘Anutunönj Amötqeçe Tonji anjon köl wangii Suep mire tata mali yuai pakpak kunbuk arengöba kölöñaimawi, mönö nalö miangöreñök melaiiga Suep mosöta etma.’ Jisösnönj keu miangö dop eta nenjöreñ kayök.

²² * Mosesnönj kewö jii mötket, ‘Kembu Anutunönj Juda kambu engö sutñineyök kezapqetok azi kun mem guliiga wahöta Moses ni ewö akña.

Yanjon ipñina kinda engöra keu jimawi, mönö mi pakpak kezap ala möta tem köla malme!

²³ * Kunñan kun kezapqetok azi miangö keunji qahö tem kölmawi, Anutugö könagesö enjon mönö yangö keunji jim teköba ayuhum wangime.’

²⁴ Kezapqetok ambazip Samuelgöreñök könahiba kota keu jigeri, mienjon mönö körekmakörek mewöyök kezapqetok keu nalö kewöñe ölnjambuk akzawi, mia qeljine jiba malget. ²⁵ * Anutunönj ambösakonurupnini yembuk jöhöjöhö areñi aka Abrahamgöra kewö jii mörök,

‘Göhö gwölönarökurupki yengöreñök kunñan ahuba wahötmawi, Anutu nönjon mönö yangöra aka gölmegö ambazip kambuñi kambuñi pakpak kötuatköm engibi oyaenköyaen akñe.’

Anutunönj jöhöjöhö keunji indeli kezapqetok ambazipnönj mi toroqeba jim köhöiba malgeri, mi mönö engöra aka ali ahöza. ²⁶ Anutunönj Nahönñi mem guli wahöri kötuatköm

* **3:13:** Eks 3.15 * **3:14:** Mat 27.15-23; Mak 15.6-14; Luk 23.13-23; Jon 19.12-15 * **3:22:** Dut 18.15, 18 * **3:23:** Dut 18.19 * **3:25:** Jen 22.18

enjimapköra melaiiga mutuhök enögoren erök. Miangöra mönö dölki urunini melenäda nannik nannik malmalninanğö köna bölöñi andö qeme. Mewö aka oyaenjkoyaen akne.” Mewö jiyök.

4

Pitö Jon yetkön jike kaunsöl kambunöñ kinohot.

¹ Pitö Jon yetkön ambazip kambu yengöra keu mewö jiyohotka jike nup galöm yeñön, jikegö kiripo galöm bohonñan aka Sadyusi (Jike nupkö kapankölköl) yeñön wahöta jenire kanğotket. ² Gwarekyahötñan ambazip kambu kusum enğiba kewö jiyohot, “Jisösnöñ kömupnöhök wahörök. Mianğö dop kömugeri, yeñön mewöñanök guliba wahötme.” Mewö jiyohotka urunini bölüiga yetkören kanğotket. ³ Kanğota etkömemba miri söñauyöhanğöra aka kösö mire al etkiba jiget, “Miri gianjiigun keu jakeñe al etkibin.”

⁴ Mewö jigetmö, Buña keuñiri mötkeri, yengörenök jesöngöñan urunini melenäda Jisös möt nariget. Möt narigeri, yengö janğöñinan qariiga 5000:gö dop aka malget.

⁵ Miri gianjiiga galömkölköl aziurupñini, Juda yengö jitñe memeurupñini aka Köna keugö böhi yeñön Jerusalem tokoget. ⁶ Tokoba jike nup galöm bohonñi qetñi Anas yanön sutñine tarök. Mewöyök Kaiafas, Jon, Aleksander aka jike nup galöm bohonñanğö saiwaurupñi tosatñi pakpak mi mohotñe tatket. ⁷ Tatketka Pitö Jon etkuangita jenine al etkiget kinohotka kewö qesim etkiget, “Etkön mönö denöwö ahot? Dagö qetñi qerohotka ösumñi etkualöñni letorök?”

⁸ Qesim etkigetka Uña Töröñan Pitögö urunij kokolak qei kinda kewö jii mötket, “Kantrigö galömkölköl azi aka jitñememeurupñini, mötket! ⁹ Niri lokon azi denöwö alabauk ak wangiziga könañi guliba ölöwahök, merak mewö qesim netkize. ¹⁰ Mianğöra mianğö likepñi mi ölop jibiga inini aka Israel ambazip könagesö pakpak mötme. Enjön Nazaret azi Jisös, Amötqeçe Tonini maripomnöñ qegetmö, Anutunöñ i mem guli kömupnöhök wahörök. Jisös qetñanğö ösumñan mönö azi ki möhamğöiga enğö jenine ölöwaka kinja.

¹¹ *Keu kun kewö,

‘Miri meme azinöñ köt tandö kun andö qeba mosötketmö,

Anutunöñ mi aliga ain tandö kömbönañi bohonñi akza.’

Ain tandö bohonñi mi Jisös.

¹² “Jisös mohotnöñ mönö amöt qem neñgiza. Qet kun köuluköinga mi osimemö, Jisösgö qetñan mönö dop kölja. Anutunöñ qet kun Suepkö bapñe qahö neñgiiga ahöza. Qahö! Qet mohot mi qeta letota Suepkö buñaya akin.”

¹³ Mewö jim teköiga tandökñiri eka kewö jiget, “Azi yahöt kietkön mötmöt mire qahö öngöba töndup keu köhöikñi köhöikñi jiba awösamakak kinda suahö ewö akzahot.” Mewö jiba köñkuñ aka welipköba könañiri möt kutuba jiget, “Alakña! Azi yahöt mietkön mönö Jisösbuk mala letorohot.” ¹⁴ Könañiri möt kutuba jiba lokon azinöñ ölöwaka yetpuk kinöhi, mi eka keuñiri qeapköbingö osiget. ¹⁵ Mi osiba jike kaunsöl kambu enğömosöta yaigep gemahotkö jim kutuget geyohotka nanninök keu jaruba goro aket.

¹⁶ Goro aka jiget, “Nini azi yahöt ki mönö denöwö ak etkibinto? Yetkön jim kutuyohotka anğöletot qainñi kun asuhuyöhi, mi Jerusalem körek pakpak yeñön möt teköze aka nini mi mewöyök qañ kölböngö osizin. ¹⁷ Mi osizinmö, mianğö keuñi ambazip sutñine kunbuk sehiba anbapüköra mönö ölop kewö jim kutum etkiinga dop kölma, ‘Injiri mönö Jisösgö qetnöñ keu kunbuk kude jimahot.’ Mewö jiba köhöikñanök jim qetal etkiinga sörauyohotka kunñan kun mi qahö möri teköma.”

¹⁸ Mewö jim jöhöba etkoholget öngöyohotka kewö jim kutum etkiget, “Injiri mönö Jisösgö qetnöñ keu kun kude toroqeba jiba ambazip kusum enjimahot.” Mewö jiba sonğö köhöikñi al etkiget. ¹⁹ Mewö jim kutum etkigetmö, Pitö Jon yetkön melenäda kewö jiyohot, “Netkön enğö jimkutukutunini tem kölbötköra Anutugoren keu memba et aljiğa omani

* 4:11: Sum 118.22

akapuk. Mi Anutugö jemesoholne dop kölja me qahöwi, mi mönö nanñinak kewöta jiba jöhöme! ²⁰ Mewö me mewö jiba jöhöbeakmö, netkôn yuai eka möriri, mi köyatiba keu bök malbirangö dop qahö.”

²¹ Mewö jiyohot mötketka ambazip körekñan angöletot asuhuyöhi, miangöra Anutu möpöseiget. Mewö möpöseigerangöra aka “Likepñi denöwö ak etkibinak?” jiba köna kun qahö miwikñaiget. Qahö miwikñaiba galöm meme keu köhöiba jim etkiba etkömosötketka erohot. ²² Angöletot asuhuiga lokon azi ölöwahöhi, mi (yara) yambuñi 40 lök ongita malök. Miangöra mönö Anutu gwötpuk möpöseiba malget. Mewö.

Mötnarip yeñon köuluköba kin köhöiget.

²³ Jike nup galöm bohonñi aka jitñememe yeñon Pitö Jon galöm meme keu jim etkiba etkömosötketka nanñiri alaurupñiri yeñoreñ lilingöba anohot. Anda keu pakpak jigeri, mi jiyohotka mötket. ²⁴ *Mi jiyohotka möta urumohot aka uruñini qezaköba jölnini memba wahöta Anutu kewö köuluköm wangiget, “O Kambu öngöngöñi ketani, göñon Suep, gölme, köwet aka yuai pakpak miengöreñ ahözawi, mi miwikñaim engiba Tonina akzan.

²⁵ *Göñon mönöwök nangi Uña Töröñi melainöñ eta nup azigi Deiwid, neñgö ambönini yangö numbuñe keugi ali göhö jitki memba kewö jiyök,

‘Urumeleñgö kopa yeñon mönö wuanöngöra göjuñi göjuñi memakze?

Kantriñi kantriñi yeñon mönö denöwögöra aka mötmöt omani omani mötmörimakze?

²⁶ Gölmegö kiñ kambuñi kambuñi yeñon gölmeninañgö dop wahörakze.

Pom jembonñi jembonñi yeñon mindiriba tokomakze. Mewö qeburuñ yöhöi Kambu aka yangö Amötqeçe Tonji qetal etkimakze.’

²⁷ *Ölña, keu miangö dop siti kiangöreñ asuhuyök. Gi Nahöngi Töröñi Jisös kungunönga Amötqeçe Tonina akza. Yeñon asuhuiga azi kambu yahöt Herod aka Pontius Pailöt yetkôn Rom gawman galöm aka nanine Israel isikurupnini yembuk mindiriba toto ala tuarenjoñ ak wangiget. ²⁸ Gi nangak ösumgi aka jitkahö dop yangöra yuai asuhumapkö keuñi jiba qeljine jöhöba arengönöñ. Yeñon yuai mi ak wangigetka keu areñ pakpak mi mewö öljambuk ahök.

²⁹ “O Kambu, nini gi welen qem ghiinga merak galöm meme keu neñgizei, gi mönö mi eka nanñöm neñginönga ölop göhö Buña keugi suahö ewö awösamkakak kinda jiba malbin.

³⁰ Göñon mönö börögi surunönga kawöl ambazip mi Nahöngi Töröñi Jisösgö qet ösumne ölöwakne aka angöletot aiwesök murutñi murutñi asuhumakne. Keu mi ölña.”

³¹ Mewö köulukögetka miri tokoba tatkeri, gölme mi memenjaliba utuköiga Uña Töröñan körek pakpak uruñini kokolak qeiga anda suahö ewö awösamkakak kinda Anutugö Buña keu jiba malget. Mewö.

Mötnarip ambazipnön uru jöhöm anguget.

³² *Urumeleñ kambu ketani yeñon urumohot aka mötmöt mohot aka malget. Yuai pakpak ahöm engiyöhi, mi göhöreñök me nöngöreñök, mewö qahö jigetmö, yuai pakpakñini mi mutulangöba mohot aiga malget. ³³ Mewö malgetka Anutugö ösumñan engualöñniga köhöigetka aposol yeñon jitñini memba dangunu ewö kinda Kambu Jisösnön kömupnöhök guliba wahöröhi, keu mi nangöba jiba malget. Mewö malgetka Anutunöñ kalem möriamñi ketani mokom engiiga ambazipnön göda qem engiget. ³⁴ Mewö malgetka miangö dop sutñine kunñan yuai kungöra qahö mözöröngöba osiba malök. Körek pakpak nene nupñi nupñi aka miriñi miriñi miengö tonji akeri, yeñon mi bohonñi memegöra alget. Mewö algetka söngöröñi monen kaiga mi memba kaget. ³⁵ Memba kaba aposol yeñgö böröñine algetka körek pakpak mözöröngöba osigerangö dop mi sutñine mendenja engiba malget.

* **4:24:** Eks 20.11; Neh 9.6; Sum 146.6 * **4:25:** Sum 2.1-2 * **4:27:** Mat 27.1-2; Mak 15.1; Luk 23.1, 7-11; Jon 18.28-29 * **4:32:** Apo 2.44-45

³⁶ Azi kun qetņi Josef, aposol yeņon qetņi Barnabas qetkeri, mi nanine keunon: Uru naņgonanņo azi, yaņon gölme jolanņi qetņi Saiprus mianņoreņ asuħuba qariba jike nup azia (Liwait) malök. ³⁷ Yaņon mewöyök nene nup gölmeņi bohonņi memegöra ali moneņ kaiga söņgöronņi mi memba aposol yeņoreņ kaba böröņine alök. Mewö.

5

Ananaias Safaira yetköreņ tilipqilip

¹ Mewö aka malgetmö, azi kun qetņi Ananaias anömņi qetņi Safaira yetkön nup gölmeņiranņo bahöņi bohonņi memegöra alohot. ² Alohotka söņgöronņi kaiga azinon moneņ bahöņi nanņanņöra anņon köla asamböri anömņan mi möt teköi bahöņi kun memba kaba aposol yeņö böröņine alök.

³ Böröņine alökmö, Pitönöņ kewö jiyök, “O Ananaias, gi mönö wuanöņgöra Satan qahö qetalnöņga urugi kokolak qeza? Yaņon urugi kokolak qeiga göņon esapköba Uņa Töröņi isimkakalek ak waņgiba nup gölmeņo moneņ bahöņi anņon köla asambötzan? ⁴ Gi mianņo tonņi aknöņi, nalö mianņoreņ mi nangi buņaya ahök me? Aiga nup gölmeņi bohonņi megetka söņgöronņi kayöhi, moneņ mi mönö göhö buņaya ahök me? Gi mönö wuanöņgöra urugan keu jöhöba yuai ki akzan? Gi muneņ jiba mewö mianņon ambazip qahö tilipköm neņgizanmö, Anutu nanņi mönö tilipköm waņgizan!”

⁵ Mewö jiiga keu mi möt sasauha tala gölmeņon geba kömuyök. Mewö kömuiga ambazip pakpak mianņo buzupņi möta sömbu mötmöt ketanņi aket. ⁶ Kömuiga azi gwabö yeņon kota qamötņi memba esuħuba anņuba anda löm kölget.

⁷ Aua karöbut teköiga anömņan yuai asuhuyöhi, mi qahö möta kayök. ⁸ Kaiga Pitönöņ anömņi Safaira kewö qesim waņgiyök, “Inņiri nup meme gölmeņiri bahöņi bohonņi memegöra alohotka moneņ kayöhi, mi mianņo dop me qahö? Mi jinöņga mötpi!”

Qesim waņgiiga kewö melenņök, “Moneņ mi ölņa mianņo dop kayök.”

⁹ Mewö melenņiga jim waņgiyök, “Inņiri mönö wuanöņgöra urumohok aka Kembugö Uņa Töröņi tilipköm waņgizahot? Mötnöņ, apkan kömuiga azinon memba anda löm köljei, yeņon mönö naņgu ki dopdowigetka kourukņi mötzan. Yeņon gi mewöyök esuħuba anņum gihiba anme.” ¹⁰ Mewö jiiga mianņoreņök tala Pitögö könaņe geba kömuyök. Kömuiga azi gwabö yeņon kota qamötņi miwikņaiba memba anņuba anda apņanņo qöhöröņe löm kölget. ¹¹ Löm kölgetka urumelen kambu jömukņi yeņon möta awöwöligetka buzupņi sehiiga körek pakpak mötketka sömbu mötmöt ketanņi aket. Mewö.

Aposol yeņon ambazip gwötpuk mem ölöwak eņgiget.

¹² Mewö aketka Anutugö kukösumņan aposol inahöm eņgiiga nup memba böröņini ambazip qakņine algetka Anutunöņ aiwesök anņoletot meiga sutņine gwötpuk asuħuget. Ambazip Jisös möt narigeri, körek yeņon jöwöwöl jikegö tohoņ uruņe öņgöba kiņ Solomongö sombem söranņambuknöņ tokoba kambu mohot aka malget.

¹³ Mewö tokoba malgetka ambazip tosatan keņgötņini möta zirinņirin aketka kunņan totokonņine qahö öņgöyök. Mewö qahöpmö, ambazip kambu yeņon göda gwötpuk qem eņgiba malget. ¹⁴ Mewö tokoba malgetmö, töndup ambazip sehisehiņi yeņon kambuņini toroqem eņgiba malget. Azi aka ambi kambuņi kambuņi yeņon Jisös möt nariba uruņini melenņetka kambuņinan qariba sehiyök. ¹⁵ Aposol yeņon nup mewö megetka ambazip sehisehiņan ölöwaket. Mewö ölöwakeranņöra aka tosatan kawöl ambazip eņguanņita kululu köla anņuba köna göraņe mewöyök dum möhamgöba möki tumbula mianņoreņ al eņgiba kewö jiget, “Pitönöņ kaba neņgoņgitmawi, imutimutņan mönö nalö mianņoreņ yeņoreņök kungö qakņe öņgöi ölöwakawak!”

¹⁶ Mewöyök taon aka miri Jerusalem siti liliköba tat anjei, mienņoreņök ambazip kambu gwötpukņan öröba kaget. Mewö kaba ambazip kawöl eņgöhöyöhi aka ömenon

töñöt memba* kölköljinjin ak engigeri, mi enğuangita kaba kañgotket. Kañgotketka körek yeñön ölöwaket. Mewö.

Garatanöñ aposol kösö mireyök enğuangiri etket.

¹⁷ Mewö aka malgetka jike nup galöm bohonjan aka yañgö sunğurumurupni Sadyusi (jike nupkö kapankölköl) pati nañgöm wañgigeri, körek yeñgö irimñini seholiiga urupik aket. ¹⁸ Urupik aka aposol engömembra jöhöba gawmangö kösö mire al engiget. ¹⁹ Al engigetmö, sunğem mianğöreñ ahögetka Kembugöreñ garata kunöñ kösö miri nañguni öröba enğuangita yaigep eta kewö jiyök, ²⁰ “Mötket! Inini mönö anda jöwöwöl jikenöñ öngöba ambazip jeñine kinda malmal dölökñañgö könañi pakpak aukne jigetka mötme.”

²¹ Mewö jii möta miri gianjiiga jöwöwöl jikenöñ öngöba kinda Buña keu kusum engiget. Mewö kinda kusum engigetka jike nup galöm bohonni aka alaurupñan nañgöm wañgigeri, yeñön añgota jike kaunsöl kambu aka Israel jitñememeurup köl öröm engigetka mohotne tokoget. Tokoba kinda opotöröp tosatni aposol enğuangitpingö melaim engigetka kösö mire anget. ²² Angetmö, i mianğöreñ qahö miwikñaim engiba öne lilingöba kösohotñini kewö alget, ²³ “Nini ölña kösö mire añgota nañguni köhöikni kötökni kölget kini wahip azinöñ nañgunöñ kingetka ehin. Mi ehinmö, nañguni öröba öngöba mianğöreñ azi kun qahö miwikñaizin.”

²⁴ Mewö jigetka jikegö kiripo galöm bohonni aka jike nup galöm bohonni yeñön keu mi möta uruñini lalalulu siksauk aiga jiget, “Opoñ! Merak mewö asuhuba könañgep kunbuk supapköiga denöwö akapuk!” ²⁵ Mewö jigetka kunñan kota kewö jii mötket, “Mötket, azi kösö mire al engigeri, yeñön mönö jöwöwöl jikenöñ kinda ambazip Buña keu kusum engize!” ²⁶ Mewö jii mötketka jikegö kiripo galöm bohonjan opotöröp engömeiga anget. Anda “Ambazipnöñ köt gila neñgubepuk!” jiba keñgötñini möta lolonñanök jöwöwöl jikenöñ öngöba aposol enğuangita kaget.

²⁷ Mewö enğuangita kaba jike kaunsöl kambu yeñgö jeñine alget kingetka jike nup galöm bohonjan kewö qesim engiyök, ²⁸ * “Inini Jisösgö qetne keu kun kude kusum engime! Neñön mewö jiba songo köhöikni al enğiinmö, keu mianğö ölñan mönö denöwö asuhuyök? Eñön mönö toroqeba kusum engiba mala Jerusalem siti ki Jisösgö keunöñ kokolak qegetka maljin. Aiga azi mianñön kömumba sepni mokoiga eñön neñgöra kewö jimakze, ‘Yañgö keuñan mönö Juda neñgö qakñine öngöyöha ahöza.’ ”

²⁹ Mewö jiyökmö, Pitö aka aposol tosatñan kewö melenget, “Neñön ambazip engö jimkutukutuñini tem kölbingöra aka Anutugöreñ keu andö qeinga qahö dop kölma. Qahö! ³⁰ Anutunöñ nanine amböskonurupninañgö bemñina akza. Inini Jisös ip kembane möndöba qegetka kömuyökmö, Anutunöñ i mem gulii wahörök. ³¹ Anutunöñ i mem guliba wañgita öngöi nannji böröñi ölñe ali tatza. Euyangöreñ tari Anutunöñ siñgisöndoknini mosöt neñgimangöra kuñgui Pom Kembunini aka Amötqeqe Tonini akza. Mewö aka Israel könagesö urumelen ak neñgimangö mötza. ³² Nini yuai mi eka keu pakpak mi nañgöba jiba dangunuñi aka kinjin. Uña Töröñan mewöyök keu mi nañgöba jimakza. Anutunöñ Uña Töröñi ambazip jitni tem köl wañgimakzei, mönö yeñgö uruñine ala buña qem engiza.”

³³ Pitönöñ keu mewö jiiga jike kaunsöl kambu yeñön mötketka uruñini sounöñ qesiñqesiñ ewö qesiñnök. Qesiñniga uruñini könöp jeiga aposol enğuget kömumegö mötket. Mewö.

Gamalielnöñ alaurupni jim mölöwörim engiyök.

³⁴ Mewö mötketmö, Farisi (Köna keugö kapankölköl) azi kun qetni Gamaliel yañön jike kaunsöl kambu yeñgö sutñine tarök. Yañön Köna keugö böhi azia mali ambazip pakpak göda qem wañgigetka jitñememenina ahök. Mewö aka wahöta aposol enğuangitketka yaigepne geba borom kun mambötmegöra jim kutuyök.

* **5:16:** Töñöt mi kewö: Ömenöñ numbuñi möwöngöiga keu bök malja. * **5:28:** Mat 27.25

³⁵ Mewö jim kutui gegetka jitnememe alaurupni kewö jii mötket, “Israel aziurup, injini azi ki denöwö ak engibeak, miangöra mönö ölpnanök galöm mem angume. ³⁶ Mutuk emune azi kun qetni Teudas yanön wahöta ‘Nönön ketañamñina akzal,’ jiiga merak (yara) yambu tosatni teköi maljin. Teudasnön mewö jiiga azi 400:gö dop yambuk örörön jöhöba mindiriba malgetmö, kunñan qei kömui tosatñan aziurupni imbi köl wangigeri, mi kunjum engigetka buratigetka qeburuninan pömsöm qeba qahöwahök.

³⁷ “Yanögö andöñe Galili azi kun qetni Judas asuhuyök. Yanön takis memegöra ambazip qetnini ohoba arengögeri, nalö miangören asuhuyök. Asuhuba ambazip mölöwörim enjiiga karim aknegöra sungurum alabaukurupni aket. Mewö aketmö, i mewöyök qegetka kömuyök aka tosatñan sungurumurupni imbi köl wangigeri, mi kunjum engigetka buratiget. ³⁸ Mewö aiga nönön kewö jibi mötket: Injini mönö azi kiengö silenine yuai lañ kude akñe. Yeñön nup ki megetka qeburun ahuzawi, mi gölme ambazipkö mötmöt areñneyök ahuzaw ewö, mi mönö sohoba pömsöm qeba qahöwakña. Miangöra i mönö engömosötketka etme. ³⁹ Mi qahöwakñapmö, Anutugö mötmöt areñnöhök ahubawak ewö, enön mönö qeburun mi jöhöbingö osime. Injini Anutu nanñi qetala tuarenjon ak wangiba malbepuk. Nanñini konañini mewö miwikñabepuköra mönö galömñini mem angume!”

⁴⁰ Gamalielnön mewö jiiga goro keunji angön köla wuatangöget. Mi wuatangöba aposol engoholget kotketka opotöröpköra jigetka raukapan (raurapan) mem engiget. Raukapan mem engigetka jike kaunsöl kambu yeñön aposol mi Jisösgö qetne keu kun toroqeba jibepukö sonjo köhöikni al engiba “Eta anme,” jiget.

⁴¹ Mewö jigetka jike kaunsöl kambu mosöta anget. Könanön anda kewö jiget, “Jisösgö qetkora aka qetbuñanini mewö mem sohozei, mi Anutunön mötza. Yanön nini sihimbölo mewöni mötpinanögö dop möta neñgehiga ölp dop kölja.” Mewö jiba uruninan miangöra ölöwahiga söñgaiget. ⁴² Söñgaiba nup toroqeba memba silim dop jöwöwöl jikenön öngöget aka miriñi miriñi miangören anda Buña keu kusum engiba malget. Jisösnön Amötqeqe Tonj Kraist akzawi, yeñön miangö Ölöwak Buñani jiba mianön ambazip urunini kunjuba malget. Mewö.

6

Nupbauk azi (dikon) 7 meköm engiget.

¹ Gwarek jangöñinan qariba öngöiga Juda ambazip kambu yahöt aka malget. Tosatñan kantri tosatneyök kaba Grik keu jiget aka tosatñan nanñine gölmenjine mala kota Arameik aka Hibru keu jiget. Mewö malgetka nalö miangören goranora (noragora) asuhuyök. Grik keu jigeri, yeñön kewö jigetka böliyök, “Aposol yeñön nalö dop nene inap menden neñgimakzemö, Grik keu ambi malö neñgö nene inap bahöñi mi bahösapsap neñgimakze. Örörön qahö misigetka qahö dop kölja.”

² Mewö jigerangöra aka aposol 12 yeñön gwarek kambu köl öröm engiget tokogetka kewö jiget, “Neñön silegö nup memba nene menden da engiba Anutugö Buña nupköra nalönini ölp qahö dop köli urugö nupninan etpapak. Mi kude dop kölja. ³ Mewögöra alaurupnini, mötket! Enön mönö nanñini sutñineyök nupbauk miwikñaim engime. Uña Töröñan azi urunini kokolak qeiga Anutunön mötkutukutunji qainñi kun al enji qetbuña ölpni memba kinjei, mönö azi mewöni 7 meköm engime. Mi meköm engigetka nup mi enjiinga mi galöm köla memba malme. ⁴ Yeñön mewö malmemö, naninak nalö jömukñanök köuluköba Anutugören Buña keu jegep kinda jim sehiba malbin. Nup miangören mönö pöndañ kinbin.”

⁵ Mewö jigetka kambu pakpak yeñön “Ölp dop kölja!” jiget. Mewö jiba azi qetni Stiwen meköget. Stiwen mi Anutu köhöikñanök möt narim wangiga Uña Töröñan urunji kokolak qei malök. Toroqeba azi kewö meköba möwölöhöm engiget: Filip, Prokorus, Nikanor, Timon, Parmenas aka Nikolas. Nikolas mi kian kantrigö siti qetni Antiokia

mianğoreñ ahuba könanğep Juda azia aka uruñi Kraistköreñ melenñök. ⁶ Mi meköba möwölöhöm enğigetka aposol yenğö jemesoholñine öngöm angetka böröñini nöröpñine ala köuluköba kötuetköm enğiget.

⁷ Anutugöreñ keu jim sehigetka töhötmöriamñambuk aiga gwarek yenğö jañğöñinan Jerusalem sitinöñ qariba sehiyök. Jike nup galöm yenğö kambunöhök sehisehiñi yeñön mewöyök uruñini melenđa Jisös möt nariget. Mewö.

Stiwen meraköba memba jöhöget.

⁸ Anutugö kalem möriamñi aka kukösumñi mianjön nupbauk azi Stiwengö uruñi kokolak qei kinda aiwesök angöletot ketanji ketanji mi ambazip sutñine mei asuhuget.

⁹ Mi asuhugetmö, Juda tosatñan wahöta Stiwen angötuarenjoñ ak wanğiget. “Lolohoba kageranğö köuluk miri kambu”^{*} yenğö sutñine Juda tosatñan Sairini aka Aleksandria Ijipt siti yahöt mianğoreñök lilingöba kaba kinget. Azi mewöñan mindiriba wahöta Silisia aka Eisia prowinsnöhök kageri, yenğö kambunöhök Juda azi tosatñi enğömemba mohotñe Stiwenbuk möndönđa goranora aka jitnakölik erauget.

¹⁰ Mewö jigetmö, Uña Töröñan Stiwen sölölohöi mötkutukutu ketanjanğö qakñe keuñi melenđa jiyöhi, mi Juda yeñön qeapköbingö osiba etket. ¹¹ Osiba eta mömölaköba anda azi tosatñi miwikñaiba kungum enğiba kaba kewö jiget, “Yañön mepaqepaik keu jiba mianjön Moses aka Anutu qetal etkii mörin.”

¹² Mewö jiba anda ambazip kambu, yenğö jitñememe aka Köna keugö böhi miengö urugege keu jigetka uruñini könöp jeyök. Könöp jeiga kölölohoba kaba Stiwen öröba meraköba memba jike kaunsöl kambu yenğö jeñine anget. ¹³ Anda azi tosatñi enğuanğitketka kota Stiwengö silenje keu muneñi ala kewö nanğöba jiget, “Azi kianjön mönö jöwöwöl jikenini aka Mosesğoreñ Köna keu tuarenjoñ aka qahö mosörakzapmö, mi toroqeba jimahakza. ¹⁴ Tuarenjoñ aka kewö jii mörin, ‘Jisös, Nazaret azinöñ mönö jöwöwöl jike ki köndeñniga qeqelanlan ahöma aka Mosesnöñ Köna keu neñgii ahözawi, mi uteköma.’ ”

¹⁵ Mewö jigetka jike kaunsöl kambugö totokonöñ tatkeri, yeñön köreknan Stiwen törörök ugetka kaisoñgolomñan Suep garata tandök ewö ahiga eka mötket. Mewö.

7

Stiwenöñ keu likepñi melenđa jii mötket.

¹ Stiwen keu jakeñe al wanğigetka kini jike galöm bohonñan kewö qesim wanğiyök, “Keu mi ölña me muneña?”

Stiwenöñ Abrahamğö kösohotñi jiyök.

² *Qesim wanğiiga likepñi kewö melenñök, “Aziurup, iwi darumuni, nöñön kewö jibi mötket: Nanine ambönini Abrahamnöñ Mesopotemia gölmenöñ maliga asakmararan Tonji Anutu yanön asuhum wanğiiga Mesopotemia mosöta Haran mirinöñ anda malök.

³ Anutunöñ kewö jii mörök,

‘Gi nangi miri gölmeği aka tinitosolomurupki enğömosöta gölme kun kondel gihimami, mönö mianğoreñ anda malman.’

⁴ *Mewö jii möta Kaldia gölme mosöta Haran gölmenöñ anda malök. Mianğoreñ mali iwiñan kömui Anutunöñ melaim wanğiiga inini nalö kewöñe ki maljei, mönö gölme kianğoreñ kaba könahiba tata malök. ⁵ *Gölme kianğoreñ tata maliga Anutunöñ gölme kitipñi borom kun köna tamböñanğö dop mi qahö buña qem wanğiyök. Gölme kianğö tonji qahöpmañöp qahöpmö, Abrahamğö gwölönarökñi qahö ahuiga Anutunöñ nalö mianğoreñök yanğö keu qeljine kewö jiba jöhöyök,

* **6:9:** Köuluk miri kambu kungö qetñi mi kewö asuhui qetket: Ambazip pomñi yeñön tosatñi bohonñini enğömegetka buñanñini aka tonjananğö welennini öne qeba mala (sleiw) böröñineyök lolohoba kageri, yeñön mönö nanñini köuluk miri kambuñini ala qetñini mi mewö qetket. * **7:2:** Jen 12.1 * **7:4:** Jen 11.31; 12.4 * **7:5:** Jen 12.7; 13.15; 15.18; 17.8

‘Nöñön gölme ki mi gi aka göhö andöge gwölönarökurupki ahumei, mönö engöra engibi miangö tonji akne.’

6 *Mewö jiba toroqeba keu kewö jiyök,

‘Göhö gwölönarökurupkan gölme kungen anda kian aka malme. Kian aka malgetka gölme miangö tonji yeñön jöhöm engigetka tonjinañgö welennini öne qeba malme. Mewö malgetka tulumgöm engigetka nup lömbötñi lömbötñi öne megetka söngöröñi qahö engigetka (yara) yambu 400:gö dop wahöjalin qakne malme.

7 *Mewö malmemö, nöñön könangep gölme ambazip welennini qeba malmei, mi keunöñ ala jim teköm engimam.’

Mewö jiba toroqeba jiyök,

‘Mewö asuhuiga gwölönarökurupkan gölme mi mosöta gölme kiangörej lilingöba kaba waikni memba möpöseim ningiba malme.’ Mewö.

Aisak, Jeikob aka Josefyengö kösohotñini jiyök.

8 *‘‘Anutunöñ Abrahamgöra mewö jiba aiwesök kewö aknegöra jii mörök, ‘Injini nömbuk jöhöjöhö aknegöra mönö nöngö aiwesök esöñini köla azi sileñine yandiba malme.’ Miangö dop Abrahamnöñ nahönñi Aisak ahuiga silim 8 aiga miangörej aiwesök mi sileñe yandiyök. Aisaknöñ nahönñi Jeikob qiwikñaiba aiwesök mi yandiyök aiga Jeikobnöñ nahönurupñi qiwikñaaim engiba miangö dop yandim engiyök. Jeikobkö nahönurupñi 12 yeñön Israel neñgöreñ ambösakonurupnina aket.

9 *‘‘Ambösakonurupninan munñini Josef mi andö qem wañgiba bohonñi memegöra algetka tosatñan söngöröñi memba wañgita Ijpt kantrinöñ anda algetka malök. Miangörej malökmö, Anutunöñ yambuk kinök. 10 *Yambuk kiniga köñjilin könañi könañi qakne öngöi möröhi, körek miengöreñök mönö meköm wañgiyök. Meköm wañgiba kalem möriamñi wañgii mötkutukutuñi ölöpñan asuhuyök. Mi asuhuiga Ijpt kantrigö farao kiñ yangö jeñe añgori ehi dop köliga azi kembu kuñgum wañgii Ijpt kantri aka farao kiñgö jakömbuak miri yuaini galöm köñ engiba malök. 11 *Galöm köñ engiiga bödi nalöñi kam kuñguiga Ijpt pakpak aka Kenan gölme mi dop kölöc. Miangöra ambazipnöñ kahasililin ketañi möta malget. Mewö mala nanine amböurupninan nene miwikñaibingö meme yangap meget.

12 *‘‘Mewö megetka ‘Ijpt gölme miangörej padi ahöza,’ mewö jigetka Jeikobnöñ mörök. Mewö möta nahönurupñi, nanini amböurupnini mi nalö mutukñi melaim engii miangörej anget. 13 *Mewö anda mala lilingöba iwiñinañgöreñ kaget. Könañep indimñi kun kunbuk angetka Josefnöñ könañamñi indeli mötket. Mötketka farao kiñnöñ mewöñanök tinitosolomñi engeka könañini möt kutuyök. 14 *Möt kutuiga Josefnöñ keu ala iwiñi Jeikob aka tinitosolomurupñi pakpak mi köñ öröm engii yangörej anget. Ambazip angeri, yeñgö jañgöñini mi 75 ahök.

15 *‘‘Jeikob mewö wañgitketka Ijpt gölmenöñ anök. Anda mala miangörej kömuyök. Amböurupninan mewöyök kömum teköget. 16 *Kömum tekögetka qamötñini memba añguba Kenan gölmenöñ lilingöba Sekem mire kaba löm köñ engiget. Mönöwök Abrahamnöñ Sekem (Sikem) mala gölme kun azi qetñi Hamor yangö gwölönarökurupñi yeñgöreñök moneñnöñ söngöröñi meyöhi, mönö miangö qaksirine köñ köteñ urorohoba miangörej al engiget.’’ Mewö.

Mosesnöñ Ijpt kantrinöñ ahuba mala korök.

17 *Stiwenöñ toroqeba kewö jiyök, ‘‘Anutunöñ mönöwök jöhöjöhö keu Abraham wañgiyöhi, mi öñambuk akñapkö nalöñi töriba dopdowiyök. Dopdowiyöhi, miangö

* 7:6: Jen 15.13-14 * 7:7: Eks 3.12 * 7:8: Jen 17.10-14; 21.2-4; 25.26; 29.31-35.18 * 7:9: Jen 37.11, 28; 39.2, 21 * 7:10: Jen 41.39-41 * 7:11: Jen 42.1-2 * 7:13: Jen 45.1, 16 * 7:14: Jen 45.9-10, 17-18; 46.27 * 7:15: Jen 46.1-7; 49.33 * 7:16: Jen 23.3-16; 33.19; 50.7-13; Jos 24.32 * 7:17: Eks 1.7-8

dop Israel yeñon Ijpt gölmenöñ ahum sehiba malgetka kambuñinan qariba öngöyök. ¹⁸ Qariba öngöiga farao kiñ kunöñ wahöta könahiba Ijpt galöm köl engiyök. Kiñ dölokñi mianön Josefgö könañi mi qahö möta malök. ¹⁹ *Yanğö könañi kude möta nanini könagesö mi isimkakalek qakñe tilipköba amböurupnini mulumgöm engii malget. Mewö malgetka kiñnön köhöiba Israel kewö jim kutum engiyök, 'Injini mönö morö azi sepsepñini memba yaigepñe anda onöñ gilgetka geba kömume.'

²⁰ * "wö jiiga nalö miangörenök morö kun qetñi Moses asuhuyök. Anutunöñ i eka möri dop kölok. Mosesnön ahuiga iwinamñan i köiñ karöbut miangö dop mirinire galöm köla malohot. ²¹ * Köiñ karöbut mi teköiga namñan wañgita yaigepñe anda köndenöñ o qakñe ala mosörök. Mosöta ani farao kiñgö böratñan miwikñaiba meiga nahönñi aiga galöm köl wañgii malök. ²² Mewö maliga Ijpt yeñgören mötmöt aka aiaka pakpak mi kusum wañgigetka miangö dop Ijpt yeñgören mötkutukutu azi ketañi ahök. Yanğon keuñi aka ahakmemenji mi ösum-mumu qakñe jiba aka malök.

²³ * "Mosesgö (yara) yambuñi 40 teköiga miangören Israel darumunurupñi yeñgö prowinsnön anda engekñamgö mötmöriba keuñi jöhöba anök. ²⁴ Anda Ijpt azinöñ Israel azi kun yambuk öne töhön anğururuk aka öröm ureim ak wañgiba qeyöhi, mi ehök. Mi eka anda Israel azi mi bauköm wañgiba andöñe anda likepñi melenđa Ijpt azi mi qeba qem kömuyök. ²⁵ Qem kömuiga Anutunöñ Mosesgören nariba Israel ambazip farao kiñgö böroneyök meköm enjimamgöra kukösum wañgii kayök. Yeñon Moses eka könañi mewö ölop möt asarize, mewö mötmöriyökmö, yeñon mi qahö möt asariba öne tönpin malget.

²⁶ "Miri gianjiiga kunbuk yeñgören ani Israel azi yahötñan auyohotka etkehök. Etkeka esapköba sutñire luai ahumapkö möta kewö jiyök, 'Azi yahöt, injiri darumuna. Nanniri mohot mianön mönö wuanöñgöra mewö ayuhum anğuzahot?' ²⁷ Mewö jiyökmö, azinöñ alañi mem bölim wañgiyöhañon mönö Moses könöpuk utala kewö jim wañgiyök, 'Gi mönö neñgören galöm aka jimtekötekö azia akzan me? Dañon mewö kuñgum gihiiga kinjan?' ²⁸ Gi uran Ijpt azi qenöñ kömuyöhi, mönö mewö ni nuñgumamgöra jizan me?'

²⁹ * Mewö qesim wañgiiga keu miangöra aka Ijpt kantri mosöta ölon köla Midian gölmenöñ anda kiana malök. Mewö mala ambi memba nahönyahötñi yahöt qiwikñaim etkii malget." Mewö.

Mosesnön gölme qararañkölkölñe yambu 40 malök.

³⁰ * Stiwenöñ keu toroqeba kewö jiyök, "Mewö malgetka (yara) yambu 40 teköiga miangören Mosesnön gölme qararañkölkölñe liliköba kundunji qetñi Sainai miangö könañe mali Suep garata kunñan asuhuyök. Mi ip köhöso kemañe könöp bölam asuha qahö jem kutuyöhi, miangören asuhum wañgiyök. ³¹ Mewö asuhum wañgiiga tandök miangöra welipköba könañi eka möt kutumamgöra kösutñe ani Anutugörenök keu kun kewö kai mörök, ³² 'Nöñon göhö amböskonurupki yeñgö Anutuñina akzal. Nöñon Abraham, Aisak, Jeikob yeñgö Kembuñina mala kota maljal.' Mewö jii möta jönömñi könahiba unduiga miangören göröken uba ekñamgö keñgötñi mörök.

³³ "Keñgötñi mörökmö, Kembunöñ kewö jii mörök, 'Gölme tiba kinjani, mi gölme kömbukña. Miangöra gi mönö köna esugi qeköman! ³⁴ Nöngö ambazip kambu-urupni Ijpt maljei, mi mulumgöm enjigetka sihimbölo qakñe aum-möriba malje. Nöñon mi eka maljal. Yeñon osongom engui sahöt uletzei, nöñon mi möt teközal. Nöñon yeñgö böronineyök meköm enjimamgöra etzal. Miangöra gi mönö döлки wahöta ki kanöñga melaim gihibiga Ijpt anman!' Mewö jiyök."

Mosesnön Israel enğuañgiri yambu 40 könanöñ malget.

* **7:19:** Eks 1.10-11, 22 * **7:20:** Eks 2.2 * **7:21:** Eks 2.3-10 * **7:23:** Eks 2.11-15 * **7:29:** Eks 18.3-4
* **7:30:** Eks 3.1-10

³⁵ *Stiwenön keu toroqeba kewö jiyök, “Yeñön Moses qañ köla köndat wañgiba kewö jiget, ‘Gi mönö galöm aka jimtekötekö azia akzan me? Dañön mewö kuñgum ghiiga kinjan?’ Mewö qañ köla jigetmö, Anutunön Moses mi melaim wañgiiga yeñgö pom kembuñina ahök. Suep garatanön ip köhösonön bölam jeyöhangöreñ asuhum wañgiyöhi, yañön mönö Anutugöreñ buzup keu mi memba kaba uruñi kuñgui mekömekö aziñina ahök. ³⁶ *Israel mekömekö aziñina aka ambazipurupñi mi aiwesök aᅅgöletot könañi könañi memba Ijipt kantrinöhök meköba enᅅuaᅅgiriga mosöta Köwet Pisikñi miangöreñ kaget. Emu kagetka miangöreñ aka gölme qararañkölkölñe mewöñanök toroqeba aiwesök aᅅgöletot murutñi murutñi mi (yara) yambu 40 miangö uruñe memba kondeli eka malget. ³⁷ *Mosesnön pom kembuñina mala Israel könagesö yeñgöra kewö jiyök, ‘Anutunön Juda kambu enᅅö sutñineyök kezapqetok azi kun möwölöhöba kuñguiga ni ewö akña.’

³⁸ *‘‘Israel yeñön gölme qararañkölkölñe kaba malgetka pom kembuñini aka nanine amböskonurupñini yembuk mala könagesöñini galöm köl enᅅiyök. Galöm köl enᅅiba kundunñi qetñi Sainai miangöreñ öñgöi Suep garata kunñan keu jii möta yambuk malök. Mewö mala Anutunön malmal köhöikñaᅅgö keuñi sundan jii möta malöhi, yañön keu mi miangö dop jiiga neñgö Buñaya ahök.

³⁹ ‘‘Yañön pom kembuñina malökmö, nanine amböskonini yeñön keuñi tem köl wañgingö ölan enᅅöhöiga andö qeget. Andö qeba utal wañgiba uruñini möñaiiga Ijipt kantrinön kunbuk lilingöbingö sihimñi mötket. ⁴⁰ *Mewö möta Mosesgö datñi Aron yañgöra kewö jiget, ‘Mosesnön pom kembunini aka Ijipt kantrinöhök meköba neᅅuaᅅgiriga kaini, yañön kundunñe öñgöba tandök denöwö akzawi, nini mi qahö mötzin. Mi qahö mötzinañgöra göñön ölop tandö lopionñ menöñga mienön jitmemenini aketka könañine toroqeba anbin.’

⁴¹ *‘‘Mewö jiba miangöreñök goul memba miangön lopionñ kun bulmakau moröñangö tandök meget. Mi memba jöwöwöl memba kaba al wañgiba lömbuañ ohoba yuai böröñinan megeri, miangö sösongai aka möpöseiget. ⁴² *Mewö aketmö, Anutunön mi eka ölan yöhöiga andö enᅅui Suepkö senᅅelau Tonñ waikñini memba möpöseim enᅅimegöra enᅅömosörök. Kezapqetok azi Amosnön keu kun ohoi Buzup Kimbinön ahözawi, mönö miangö dop kewö aket,

‘O Israel ambazip, inñini gölme qararañkölkölñe kaba (yara) yambu 40:gö dop mala nalö miangöreñ sömbup jöwöwöl ohoba naluk tosatñi memba kaba niñgiba malget me qahö?’

⁴³ Mi qahöpmö, enñön mönö bem qetñi Molok yañgö opo seri koumñi mi anᅅuget aka bem qetñi Refan yañgöreñ senᅅelau imutñi mi anᅅuba kaba malget.

Enñön imut lopionñ mi waikñiri memba möpöseim etkibingö meget buñañina ahök.

Miangöra aka nöñön mönö inñini közöl enᅅibi kerökurupñinan kaba enᅅuaᅅgikketka anda mala köröwen Babilon kantrigö andöñe öñgöba malme!’ ” Mewö.

Stiwenön opo seri jikegö keuñi jiyök.

⁴⁴ *‘‘Amböskonurupñini yeñön gölme qararañkölkölñe kaba mala Anutugö dangununñi kuñguba opo seri jike memba anᅅuba malget. Mi memba anᅅuba Anutunön jikenñi memegöra Moses jim kutum wañgiba söpsöp imutñi kondel wañgii ehöhi, mönö miangö dop meget kinök. ⁴⁵ *Mosesnön amböskonurupñini galöm köl enᅅiiga yeñön opo seri jike mi anᅅuba malget. Könañep Josuanön wahöta galöm köl enᅅii gwölönarökurupñinan jike mi buña qem anᅅuba toroqeba kaba mala kantri ki kañgotket. Kantri ki kañgotketka

* **7:35:** Eks 2.14 * **7:36:** Eks 7.5; 14.21; Jan 14.33 * **7:37:** Dut 18.15, 18 * **7:38:** Eks 19.1–20.17; Dut 5.1–33
* **7:40:** Eks 32.1 * **7:41:** Eks 32.2–6 * **7:42:** Amos 5.25–27 * **7:44:** Eks 25.9, 40 * **7:45:** Jos 3.14–17

Anutunöŋ gölme tonji kambuŋi kambuŋi enġuatangöi angetka gölmeŋini angön köla meget. Memba tata malgetka kin Deiwidnöŋ asuhuyök.

⁴⁶ *“Yaŋön asuha Anutu jemesoholŋe kalem möriamŋi miwikŋaiba kewö qesim waŋgiyök, ‘Anutu Jeikobkö bemŋi, göŋön ölop jinöŋga nöŋön jim kutubi nini göhöra jöwöwöl jike bohonŋi membin.’ ⁴⁷ *Mewö qesim waŋgiyökmö, Solomonöŋ jiiga Anutugöra jöwöwöl jike meget. ⁴⁸ Mi megetmö, Öngöŋgöŋi Ketani yaŋön azinöŋ miri böröŋinan megeri, mianġöreŋ qahö malja. Mianġö keuŋi kezapqetok azi kunŋan kewö ohoi ahöza,

⁴⁹ *Kembunöŋ jiza: Nöŋgöreŋ jakömbuak dum tatatni mi Suepnöŋ ahöiga gölme mi könanangö döŋŋi aiga mianġöreŋ tiba tatzal.

Inini mönö nöŋgöra miri tandökŋi denöwö megetka dop kölbawak?

Me miri denikeangöreŋ miwikŋaim niŋgigetka mianġöreŋ öŋgöba luhut memba mal-bileŋak?

⁵⁰ Yuai pakpak mi mönö nanak nani börönan miwikŋaim enġial mi mötze.’ ” Mewö.

Stiwenöŋ kaunsöl yeŋgö uruŋini kuŋguyök.

⁵¹ *“O qegetal ambazip, enġö uruŋinan mönö duhuiga kopa akze! Kezapŋinan köungöba qahö kötökŋi tohoza! Mi duhuzawangöra Anutugöreŋ keu qetala kezapjupjup ahakze. Ambösakonŋinan Uŋa Töröŋi tuarenjoŋ ak waŋgiba malgetka enön mönö yeŋgö dop toro-qeba mewöŋanök Uŋa Töröŋi sundan dop andö qemakze! ⁵² Enġö ambösakonurupŋinan kezapqetok ambazip awamŋi qahö sesewerowero ak enġiba malget. Yeŋgöreŋök danön mönö kahasililin qahö miwikŋaiyök? Yeŋön Azi Solanŋan asuhumapkö kezapqetok keuŋi jigetka i enġuget kömuget. Yeŋön kömugetka Azi Solanŋan nanŋak asuhuiga inini i mamalolo ak waŋgiba qeget kömuyök. ⁵³ Anutunöŋ garataurupŋi melaim enġiiga Suepnöhök eta Köna keu enġigetka Buŋaŋini ahökmö, enön mi qahö tem köla malget.” Mewö.

Stiwen kötnöŋ qeget kömuyök.

⁵⁴ Stiwenöŋ keu mewö jiiga jike kaunsöl yeŋön mötkeri, mi uruŋini sounöŋ qesiŋqesiŋi ewö qesiŋnök. Qesiŋniga uruŋini könöp jeiga ambarik (amdabö) yöhöba wahöta kinget. ⁵⁵ Mewö aketmö, Uŋa Töröŋan Stiwenöŋ uruŋi kokolak qeiga jeŋi Suepnöŋ göröken ui öŋgöiga Jisös Anutugö asakmararaŋ uruŋe euyangöreŋ Anutugö böröŋi ölŋe kini ehök. ⁵⁶ Jisös eka jiyök, “Mötket! Suepnöŋ aŋaŋiiga Suep gölmegö Azi Ölŋan mönö Anutugö böröŋi ölŋe kiniga ekzal.”

⁵⁷ Mewö jii möta qet gigilahögetka göju ketani wahöriga kezapŋini böröŋinan gwözöŋda körekŋan luhuba anda qeraköba meget. ⁵⁸ Mewö memba taon göraŋe örörahöba anda yaigepŋe ala kötnöŋ könahiba gila qeget. Mewö qegetka tosatŋan mi eka kinda malukuŋini qeköba mölohoba azi gwabö Solgö kösutŋe alget. ⁵⁹ Mewö aka kötnöŋ gila qebayök kingetka Stiwenöŋ Anutugö köuluköba kewö jiyök, “O Kambu Jisös, gi mönö uŋani memba angön kölman!” ⁶⁰ Mewö jiba siminŋan geba köla qet gigilahöba jiyök, “Kambu, siŋgisöndok ki akzei, mianġö lömbötŋi mönö yeŋgö qakŋine kude alman!” Mewö jiba nöŋ qeba kömuyök. Mewö.

8

Solnöŋ urumelen kambu sesewerowero ak enġii denġet.

¹ Stiwen qeget kömuyöhi, mi Solnöŋ mewöyök möri dop kölök. Nalö mianġöreŋök sesewerowero ketani ahuiga Jerusalem sitigö urumelen kambu kazik ak enġiget. Mianġöra yeŋön körekŋanök siti mosöta denġa Judia aka Samaria prowins yahöt mi dop köla angetka aposol yeŋönök kapan köla sitinöŋ malget. ² Ambazip Anutu göda qeba

* 7:46: 2 Sml 7.1-16; 1 Hist 17.1-14 * 7:47: 1 Kin 6.1-38; 2 Hist 3.1-17 * 7:49: Ais 66.1-2 * 7:51: Ais 63.10

waikni memba malgeri, yengörenök tosatnjan Stiwen kömuyöhangöra jinjen köla gwötpuk sahöta qamötñi memba anda löm kölget.

³ *Löm kölgetmö, Solnöñ urumelen könagesö janngauranga mem engiba miriñi miriñi liliköba öngöba urumelen azi aka ambi örörahöba engömemba gili etketka jiiga kösö mire al engiget. Mewö.

Filipnöñ Samaria sitinöñ Buña nup meyök.

⁴ Urumelen ambazipnöñ denja miri dop anda kaba liliköba malgeri, yeñön Ölöwak Buña jiba mianön ambazip uruñini kunguba malget. ⁵ Filipnöñ Samaria prowinsgö siti kunöñ geba Amötqeçe Tonji Kraistkö könañi jim asarim engii mötket. ⁶ Mia jim asarim engiba anğöletot meiga letotketka ambazip kambu yeñön mi eka keu jiyöhi, mi urumohot aka kezap ala möta anğön kölget.

⁷ Filipnöñ nup meiga Anutugö ösumñan öme gwötpuk mi ambazip uruñineyök enguatanğöyök. Enguatanğöiga qet bölöbölö qeta kota anget. Nup meiga ambazip sehisehiñi likepñini kömukömuñi aka lokon malgeri, mi ölöwaket. ⁸ Mewö aiga Samaria sitinöñ sösöngai öngöngöñi asuha ahöyök. Mewö.

Sile galöm azi Saimonöñ timbiqim bilim ahök.

⁹ Sösöngai ahöyökmö, Samaria siti miangören suña jinañ azi kun qetñi Saimon malök. Yañön (yara) yambu tosatñi qarösongo amötqeçe nup memba Samaria ambazip welipköm engiiga malget. Mewö malgetka “Azi öngöngöñi akzal,” jiba nanngöra möri öngöyök. ¹⁰ Ambazip öngöngöñi eretñi yeñön körek pakpak Saimongö keugöra kezap ala möta kewö jimalget, “Anutugö ösumñi qetñi ‘Kukösum ketañi,’ qetzei, mianön mönö azi miangö uruñe geiga ahöza.” ¹¹ Saimonöñ qarösongo amötqeçe nup mi nalö köröpñi memba ambazip welipköm engiiga malget. Mewö ak engiyöhangöra aka yanğören qekötahöba malget.

¹² Mewö malgetmö, Filipnöñ kaba Anutugö bemtohone anğotpingö Ölöwak Buñani aka Jisös Kraist qetnangö könañi mi jim asarim engiyök. Mi jim asarim engiiga ambazip gwötpukñan Buña keu möt nariba uruñini melengetka o melun mem engiyök. ¹³ Mewö aketka Saimonöñ mewöyök keu mi möt nariiga o melun mem wanğigetka Filipkö kösutñe kaba mala wuatanğöyök. Mewö aiga Filipnöñ anğöletot aiwesök ketañi ketañi mei asuhugetka mi eka welipköba malök. Mewö.

Uña Töröñan Samaria yengö uruñine geyök.

¹⁴ Samaria ambazipnöñ Anutugören Buña keu mewö möt anğön kölgeri, miangö buzupñan sehiba Jerusalem sitinöñ ani aposol yeñön mötket. Yeñön mi möta Pitö aka Jon meköba melaim etkigetka yengören anohot. ¹⁵ Anda anğota yengöra aka köuluköba Uña Töröñan uruñine gemapköra Kembu qesiyohot. ¹⁶ Könañi kewögöra qesiba köuluköyohot: Yeñön Kembu Jisösgö qetñe o melun mem engigetmö, Uña Töröñan yengörenök kungö uruñe qahö gei öne malget. ¹⁷ Miangöra köuluköba böröñiri nöropñine alohotka Uña Töröñan uruñine geiga meget. Mewö.

Saimonöñ Uña Töröñi söngöröñi memamgö jiyök.

¹⁸ Aposol yetkөн böröñiri ambazip nöropñine alohotka Anutunöñ miangö dop Uña Töröñi yengö uruñine aliga Saimonöñ mi eka moneñ memba kaba kewö jiyök, ¹⁹ “Injiri mönö kukösum mewöñi mi nia kun niñgiyohotka memba böröni denike yengö nöropñine almami, Uña Töröñan mönö yengö uruñine gema.”

²⁰ Mewö jiyökmö, Pitönöñ kewö jim wanğiyök, “Aek! Yapmakek! Göñön Anutugö kalemñi mi moneñnöñ söngöröñi memamgöra jizan. Miangöra gi mönö monengabuk könöp sianöñ geman. ²¹ Göhö urugan mönö Anutugö jeñe qahö diñgiza. Miangöra gi Buña keu kiangö ölni kun qahöpmahöp meman. ²² Bölöñamgeyök mönö urugi melenda Kembu

* 8:3: Apo 22.4-5; 26.9-11

köulukönönga yañon uru mötmötkahö sinjisöndokni mi mosötpawak. ²³ Göhö urugan mönö kömbuhiiga wösökömbuk ewö jula kokolak qem gihiza. Sinjisöndokan mönö kösö ewö köpeim gihiiga qaközan.”

²⁴ Pitönöñ mewö jiiga suña jinañ azi Saimonöñ kewö melen etkiyök, “Mönö nöngöra aka Kembugö köuluköyohotka keu jizahori, mianjö ölni kun qahö asuhum niñgibawak.”

²⁵ Aposol yetkөн Kembugö Buña keu mi siti mianjören nañgöba jiba jim asariba enjömosöta anohot. Könanöñ anda Samaria prowinsgö miriñi miriñi liliköba ambazip uruñini Ölöwak Buña keunöñ kuñgum enjiba mala Jerusalem sitinöñ lilingöba anohot. Mewö.

Filipnöñ Afrika azi kungöra Buña keu jii mörök.

²⁶ Kembugören garata kunñan Filipköra keu kewö jii mörök, “Gi mönö Jerusalem siti mosöta Saut göröken anman. Gölme qararañkölkölne köna isikni (walñi) Gaza taonöñ gemakzei, mönö mianjören anman.” ²⁷ Mewö jii möta Filipnöñ amqeba mosöta anök. Anda Afrika azi kunñan miriñe lilingöba ani könanöñ miwikñaiyök. Yañon Etiopia kantrigö kandasi qingö jembonñi öngöngöñi aka ambi kembugö jakömbuak miriñe moneñ aka inap yuaini galöm köla malök. Silenangö yuaigöra aka Juda azi akñamgö osiyökmö, töndup Anutugö waikni memba möpöseimangöra Jerusalem sitinöñ kayök.

²⁸ Kaba miriñe lilingömagöra hos karenöñ öngöiga hosnöñ örögetka könanöñ anök. Mianjören anda kezapqetok azi Aisaiagö buk kötula oyoñda tarök. ²⁹ Mewö aiga Uña Töröñan Filipköra sañep ala keu kewö jiyök, “Gi mönö hos kare mianjö qöhöröne anda mötöteiba anman.” ³⁰ Uña Töröñan mewö jiiga mianjörenök ösumñan kösutñe anök. Anda azinöñ kezapqetok azi Aisaiagö buk mianjö Buña keuñi oyoñni mörök. Möta kewö qesim wañgiyök, “Keu oyoñjani, mi ölop möt asarizan me qahö?”

³¹ Qesim wañgiiga jiyök, “Kunñan qahö jim asariiga nanak mi denöwö möt asari-bilenjak?” Mewö jiiga hos karenöñ öngöiga mohotñe tarohot. ³² *Buña Kimbi oyoñnöhi, mi kewö, “Azinöñ lama qem yandibingöra memba wañgitzei, yañon mönö mianjö dop ösöñ sororonjöba ahöyök.

Galömñan lama moröñangö jupñi fitanöñ mitiiga qöhöröne göröñ qeba tim gwiriñi qahö kinjawi, yañgö numbuñangö dop mönö qahö waumgöba añañiyök.

³³ Memba et al wañgigetka kunñan keu jakeñe keuñangö likepñi qahö nañgöba jiiga öne jim teköget. Gölmenöñ malmalñi mewö wañgitket. Gwölönarökurupñi qahö mewö kömuyök. Mianjöra kunñan qet areñi könañep qahö oyoñda jima.”

³⁴ Jembonöñ mi oyoñda Filip kewö qesim wañgiyök, “Kezapqetok azinöñ keu mi dagöra jiza? Mi nanñangöra me azi kungöra jiza? Gi ölop mianjö könañi jinöñ mötpi.” ³⁵ Qesim wañgiiga kezapqetok yengören Buzup Kimbinöhök könahiba Jisösgö Ölöwak Buña mi könañambuk jim asarii mörök. ³⁶ Mewö eraum möta könanöñ anda o kösutñe añgorohotka qin jembonñan jiyök, “Eknöñ, o töwatñi ki ahöza. Mianjöra gi ölop o melun mem niñgiman. Keu kunöñ angön köl gihiza me qahö?” ³⁷ (Mewö jiiga Filipnöñ jiyök, “Gi keu jibi mötzani, mi urugi jömuk Anutugören ala möt narizan ewö, mi ölop akñam.” Jiiga keu kewö melenök, “Jisös Kraistnöñ Anutugö Nahönñi akza, nöñon mi möt narizal.”

³⁸ Mewö melenja jim kutuiga hos kare jöhögetka mohotñamñire oe geba Filipnöñ o melun mem wañgiyök. ³⁹ Mi mem wañgiiga onöhök korohotka Kembugö Uña Töröñan Filip wañgiri öngöba sök aliga qin jembonñan i kunbuk qahö ehök. Qahö ehökmö, toroqeba sösongai qakñe miri gölmeñe Etiopia anök. ⁴⁰ Filipnöñ sök ala anda taon qetñi Asdod mianjören asuhui miwikñaiget. Mianjörenök toroqeba taonñi taonñi liliköba

* 8:32: Ais 53.7-8

miangörenj Ölöwak Buja keunöj ambazip urunini kuŋguba anda mala Sisaria taonöj kaŋgorök. Mewö.

9

Kembunöj Sol asuhum waŋgiiga urunji melenök.

Apo 22.6-16; 26.12-18

¹ Nalö sutne miangörenj Solnöj urukönöp qakne kinda uru silenji bölam tepköiga Kembangö gwarekurupnji engum ureim engiba malök. Mewö mala jike nup galöm bohonji yangörenj anök. ² Yangörenj anda kewö kuŋguba qesiyök, “Köna dölökni wuatangöba maljei, yengörenök tosatjan Damaskus sitinöj köröwen malje. Miangöra nöjön ölop endu anda jarum engiba kun miwiknaimami, i mönö jöhöba waŋgita Jerusalem sitinöj kamam. Damaskus sitinöj Juda neŋgö köuluk miri galöm kölakzei, yenön i angön köl engibepuköra mönö jimtekötekö kimbi ohoba niŋginönga memba anda kondel engimam.” Mewö jii ohoi memba anök.

³ Könanöj anda mala Damaskus siti dopdowimangö aiga yuai kun wölanj kewö asuhuyök: Asakmararanj kun Suepnöhök wölbilik ewö asuhuba eta liliköm waŋgiyök.

⁴ Liliköm waŋgii tala gölmenöj geba ahöba kouruk kun möriga keu kewö jii mörök, “Sol Sol, gi mönö wuanöngöra sesewerowero qakne al niŋgizan?”

⁵ Mewö jiiga Solnöj qesiba jiyök, “Kembu, gi danön?” Mewö jiiga melenök, “Ni Jisös sesewerowero qakne al niŋgimazani, ni mönö mi. ⁶ Mi akzalmö, ölop wahöta sitinöj anman. Miangörenj anda wani yuai aknani, kunjan miangö buzupnji jii mötman.”

⁷ Azi yambuk köna anda malgeri, yenön keunini qahöwahiga tömtömimba kinget. Yenön keu kouruk ölña mötketmö, azi kun qahö eket. ⁸ Keu melenniga Solnöj gölmenöhök wahörökmö, jeni uba yuai kun qahö eka jipjap kinök. Mewö kiniga böröje memba Damaskus sitinöj waŋgita anget. ⁹ Angetka wehön karöbut miangö dop jipjap mala o me nene kun qahö nempa öne malök. Mewö.

Ananiasnöj Sol o melun mem waŋgiyök.

¹⁰ Damaskus sitinöj Jisösgö gwarekni kun qetnji Ananias malök. Kembunöj kutum wasoriga imut ehiga “Ananias!” qerök. Qetnji qeriga jiyök, “O Kembu, ni ki maljal.”

¹¹ Mewö jiiga jii mörök, “Gi mönö wahöta köna qetnji Köna Diŋdiŋi jimakzei, miangörenj anman. Miangörenj anda Judasgö mire öngöba Tarsus azi qetnji Solgöra qesiman. Mötnöj, yanön ni köuluköm niŋgiba tatza. ¹² Köuluköba tata urunan imut kun kewö ehök: Azi qetnji Ananiasnöj mirinji uruje kaŋgota jeni kunbuk tohomapköra böröji nöropnje alma.”

¹³ Kembunöj keu mewö jii möta melenök, “O Kembu, ambazip gwötpuknan azi miangö kösohotnji lök jiget möral. Yanön Jerusalem sitinöj göhörenj könagesöurup saraknji mi gwötpuk engum ureim ak engiba malök. ¹⁴ Jike nup galöm bohonji yenön nam köla kukösum waŋgigetka Damaskus siti kiangörenj mewöyök nup miyök memangöra kayök. Ambazip göhö qetki qeta köulukömakzini, yanön mönö nini körek pakpak neŋgömempa jöhöm neŋgimangö mötza.”

¹⁵ Mewö melenökmö, Kembunöj jii mörök, “Nöjön azi mi meköm waŋgibiga qetni bisiba nöngöra bim qeba malma. Mewö mala gölmenji gölmenji liliköba Bujanijim sehiiga Israel aka kian kantri ambazipnöj mötme. Keu jakenji jakenji miangörenj örögetka azi kembu gwötpuk yengö jeni angota Bujanijim mötme. Miangöra mönö töndup anöj.

¹⁶ Yanön qetni bisiba miangöra sihimbölö gwötpuk mötma. Nöjön miangö arenji kondel waŋgimangö mötza.”

¹⁷ Mewö jii möta Ananiasnöj anda miri miangö uruje öngöba böröyahötni Solgö nöropnje ala jiyök, “Sol alani, köna namne kaŋgöga Jisösnöj asuhum gihiyöhi, Kembu miangö mönö melaim niŋgiiga kazal. Göhö jegan kunbuk tohoiga Uña Törönan urugi kokolak qemawangöra jiiga kazal.” ¹⁸ Mewö jiiga miangörenök yuai sönuetjambuk

tandök mianjón jeñeyök tala et teköi jeñi tohoiga ui asariiga wahörök. Wahöta jiiga o melun mem wanjiyök. ¹⁹ O melun mem wanjiiga nene nempa köhöiyök. Solnön köhöiba gwarek yeñgö sutñine Damaskus sitinön wehön tosatñi malök. Mewö.

Solnön Damaskus sitinön Buja nup meyök.

²⁰ Mala mianjörenök wahöta Juda yeñgö köuluk mirinji mirinji mianjören öngöba Jisösgö könani jim asariba ambazip urunini kunguba kewö jiyök, “Jisösnön mönö Anutugö nahönñi akza.”

²¹ Mewö jii möta körek yeñön auruba welipköba jiget, “Jerusalem sitinön qet mia qet köulukögeri, azi kianjón mi enjum ureiba malök me qahö? Mewöñanök kianjören kayöhi, mi mönö nini jöhöba neñguanji jike nup galöm bohonñi yeñgö böröñine al neñgimangöra kayök. Mianjöra mönö denöwö letota nanjak Anutugö keu miyök nanjöba jiza?”

²² Mewö jigetmö, Anutunön Sol ösum-mumu wanji kunbuk köhöiba malök. Köhöiba mala Juda ambazip Damaskus sitinön malgeri, yeñgö urunini kunguba kewö jiba malök, “Jisösnön ölna Anutugören Amötqeqe Tonji Kraist akza.” Keu mi jim köhöiba könani kondela maliga yeñön könkuñ aka keu mi qeapköbingö osiba malget.

²³ *Silim gwötpuk teköiga mianjören Juda yeñön tokoba keu nup memba Sol qeget kömumapkö anjónani alget. ²⁴ Anjónani algetmö, mianjö buzupñi mi Solgö kezapne gei mörök. Solnön Damaskus siti mosötmangö aiga mianjören qeget kömumapköra siti kiripo nanjune yangöra sunjem asak je galöm memba malget. ²⁵ Mewö memba malgetmö, gwarekurupñan sunjem kunön sakap (misak) ketani memba kösönön jöhöba Sol sakapnön ala siti selgö kinimneyök alget geba anök. Mewö.

Solnön Jerusalem kusukñanök anda malök.

²⁶ Solnön anda Jerusalem sitinön angota Jisösgö gwarekurup yembuk esapköba toroqeyökmö, körek yeñön Sol gwarek aka malöhi, mi qahö möt narigerangöra aka yangöra kenjöñini mötket. ²⁷ Kenjöñini mötketmö, azi qetñi Barnabas yanjón ala ak wanjiba köyan köla wanji aposol yeñgören anda kondela kösohotñi kewö jim asarim enjiyök, “Sol azi kianjón könanön kaiga Kembunön asuhum wanji ehiga keunji jii mörök aka könangep Jisösgö qetñi mi Damaskus sitinön jim asariba köhöikñanök uru kungum enjiba malök.”

²⁸ Kösohotñi mewö jim asarim enjiiga yembuk toroqeba Jerusalem siti urune liliköba awösamakak kinda Kembangö qetñi aukne qeta ambazip urukungukungu köhöikñi al enjiba malök. ²⁹ Mi al enjiba mala Juda ambazip Grik keu möta malgeri, yembuk eraum möta möndömkösök keu melenqelen ahökmö, yeñön Sol kapan köla qeget kömumapkö mötket. ³⁰ Mi esapkögetka alaurupñan Sol miwikñaiiba wanji Sisaria taonön anda kinda melaigetka nanjök toroqeba ahuahü taonñi qetñi Tarsus mianjören anök. Mewö.

Urumelen kambu yeñön luainön malget.

³¹ Solnön urunji melenjiga mianjö andöñe urumelen könagesö pakpak Judia, Galili aka Samaria prowins dop köla malgeri, yeñön luai miwikñaigetka Unja Töröñan i mem köhöiba nanjöm enjiiga malget. Mewö mutulanjöba Kembangö keunji ongitpinbuköra kenjöñini möta nup megetka urumelen könagesöñinan qarim sehiiga malget. Mewö.

Pitönön Lida azi kun mem ölöwahök.

³² Pitönön mirinji mirinji liliköba Jisösgö könagesö sarakñi engeka anda mala nalö kunön taon qetñi Lida mianjören anjörök. ³³ Angota mianjören azi kun qetñi Ainas miwikñaiyök. Likepñi kömukömunji aiga dumnöhök ahöba mali (yara) yambu 8 teköyök. ³⁴ Pitönön i miwikñaiiba kewö jiyök, “Ainas, Jisös Kraistnön gi mem ölöwak gihiza. Mianjöra mönö wahöta tumbulahöpki qezaköman.” Mewö jiiga mianjörenök wahörök.

* 9:23: 2 Kor 11.32-33

³⁵ Mewö asuhuiga Lida aka Saron ambazip pakpak yeñon i eka uruñini melenđa Kembangörenj qekötahöget. Mewö.

Pitönöñ Jopa anda Tabita mem guliyök.

³⁶ Jopa taonöñ gwarek ambi kun qetñi Tabita malök. (Qet mi Grik keunöñ Dorkas, nanine keunöñ teu, Inklis keunöñ deer.) Yanön nalö dop nup ölopñi ölopñi memba kalem sehisehiñi mendenđa ambazip etqeceñi bauköm enjgiba malök. ³⁷ Pitönöñ gölme miangörenj mali Tabitanöñ nalö miangörenj kawöl asuhum wanji kömuyök. Kömui qamötñi sanjonđa memba miri uruñi kunöñ öngöba alget.

³⁸ Lida mi Jopa taon kösutñe tarök. Miangöra Pitönöñ Lida malöhi, gwarek yeñon mi möta azi yahöt melaim etkigetka anda Pitö kewö qesim wanjiyohot, “Gi mönö zilañ kanöñga netpuk Jopa taonöñ anbin.” ³⁹ Qesim wanjiyohotka miangörenjök amqeba yetpuk anget. Anda angotketka qamöt miri uruñe ahöyöhanjoreñ wanjita öngöget. Öngögetka ambi malö pakpak Pitö liliköba sahöta Dorkasnöñ yembuk mala opo maluku uhum memba enjiyöhi, mi kondel wanjiget. ⁴⁰ Kondel wanjigetmö, Pitönöñ jii körek yeñon gem tekögetka simin köla köuluköyök. Köuluköm teköba qamöt mesohol köla kewö jiyök, “Tabita, mönö wahötnöñ.” Mewö jiiga jeñi uba Pitö eka wahöta tarök.

⁴¹ Tariga Pitönöñ böröñe memba kököbiihiiga wahöta kinök. Kiniga urumelenj alaurupñi aka ambi malö engehöli öngöget. Öngögetka kömupnöhök guliba wahöröhi, ambi mi jemesoholñine ali eket. ⁴² Miangö keu buzupñi mi Jopa uruñe miri dop ani möta ambazip gwötpukñan könahiba Kembu möt narim wanjiget. ⁴³ Pitönöñ Jopa miangörenj sömañi tosatñi toroqeba mala Saimongö mire tata ahöyök. Azi mi köna esu memegöra bulmakau silenji urasiba sanjonđa möhamgöba malök. Mewö.

10

Korniliusnöñ Pitö ohola uruñi melenjök.

¹ Taon qetñi Sisaria miangörenj suahö galöm kiannji kun qetñi Kornilius malök. Yanön yarö kambu bahöñi kun qetñi “Italigö yarö kambu” qetkeri, miangörenj yarö azi 100 yeñgö galömñina malök. ² Yanön saiwaurupñi pakpak yembuk Anutu göda qeba waikñi memba möpöseiba malget. Mewö malgetka Juda ambazip wanapñi yeñgöra kalem sehisehiñi enjgiba Anutu qösösök (qörörök) köuluköba malök. ³ Mare kunöñ 3 kilok miangö dop aiga Kembunöñ Kornilius kutum wasöriга imut kun ehök. Imut törörök eka miangörenj Anutugörenj garata kunñan miriñe öngöi ehök. Garata mianjön öngöba “Kornilius!” jiba qetñi qerök.

⁴ Mewö qeriga garata ehiba sömbuñi möta jiyök, “Ketanamni, wanigöra ki kazan?” Mewö jiiga melenjök, “Gi köuluköba malnöñga keugi Anutugörenj öngöiga möri ölöwakza. Gi ambazip wanapñi kalemñi kalemñi mendenj enjimakzani, mi Anutunöñ möta anjön köla göhöra mötmöriba melaim niñgiiga казал. ⁵ Miangöra mönö döлки kolek alnöñga Jopa taonöñ aniga azi qetñi Saimon, qetñi kun Pitö qetzei, ia wanjita kame. ⁶ Yanön sömbup silenanjö nup meme azi qetñi Saimon yanjö mire köwet jitñe miangörenj malja.”

⁷ Suep garatanöñ Korniliusgöra keu mewö jibagun mosöta anök. Mosöta aniga welenqeceñi yahöt etkoholi kayohot. Kayohotka yarö azi kun kösutñeyök kapañ köla Anutu göda qeba malohori, i mewöyök oholi kayök. ⁸ Kagetka garatagörenj keu mi körek jii mötketka melaim enji Jopa taonöñ anget. Mewö.

Kembunöñ Pitö kutum wasöriга imut ehök.

⁹ Azi yeñon könanöñ angetka miri gianji taon dopdowigetka silim bibiñe miangörenj Pitönöñ miri uruñi kun eu miangörenj öngöba kinda köuluköyök. ¹⁰ Kinda köuluköba nenegö kömumba yuai nemangö möta jii ohoget. Ohogetka nalö miangörenj Kembangö alburupñan qeiga tata imut kun kewö ehök: ¹¹ Suepnöñ ananjiga könde ketani kun erök. Könde mi opo tuatñi ketananjö tandök ewö ahök. Garata yeñon yuai miangö wanjömñi 4

mianğoreñ memba nanğöbeak, mianğö tandök ewö gölmenöñ erök. ¹² Yuai mianğö uruñe sömbup könañi könañi tatket. Sömbup tosatñan köna 4:ñan tiba anakze. Tosatñan wösönöñ ölöñgöba anakze. Mewöyök neiñi neiñi könakemba bölbölgöba anakzei, yuai mewöñi mewöñi mi könde mianğö uruñe mohotñe etket. ¹³ Etketka mianğoreñ qet kun asuhuba keu kewö jii mörök, “Pitö, gi mönö wahöta yuai ki qeba ohoba nenöñ.”

¹⁴ Mewö jii mörökmö, Pitönöñ jiyök, “O Kembu, mewö qahö kötökñi! Mi dönqizinñambuk. Ni nalö kunöñ yuai anğöjörakñambuk mi kude neal. Ni mianğöra imbilonñon mötzal.”

¹⁵ Mewö jiiga qet mianğön kunbuk asuhuba yanğöra jiyök, “Anutunöñ yuai jim könjörari ahözawi, göñön mianğö qetñi anğöjörakñambuk mewö qetnönğa qahö dop kölja.” ¹⁶ Yuai mewöñi mi kunbuk asuhui indimñi karöbut ahök. Indimñi karöbut aiga mianğoreñök könde mi kunbuk örögetka Suepnöñ öngöyök.

¹⁷ Pitönöñ imut mi eka mianğö könañanğöra köñkuñ aka mötmamgö möt bibihiba tarök. Mewö tariga nalö mianğoreñök Korniliusnöñ azi melaim engii kaba Saimongö miri jaruba mianğöra qeçesi aka miwikñaiba kanğota miri nanğunje kinget. ¹⁸ Miri nanğunje kinda kewö qeta qesiget, “Saimon qetñi alañi Pitö qetzei, yanğön miri kianğoreñ malja me qahö?”

¹⁹ Pitönöñ toroqeba imut mianğö könañanğöra möt bibihiba tariga Uña Törönjan kewö jii mörök, “Mötnöñ, azi karöbutñan kaba gi jarum gihize. ²⁰ Nönöñ azi mi melaim engibiga ki kaze. Mianğöra mönö dölki wahöta geba uruyahöt mosöta yembuk anman.” ²¹ Mewö jiiga Pitönöñ azi mianğoreñ geba jiyök, “Mötket, inini azi jaruzei, nönöñ mia akzal. Mönö denöwögöra kaze?”

²² Jiiga melenget, “Suahö galöm Kornilius mi azi diñdiñi akza. Yanğön Anutu waikñi memba möpöseiba mali Juda ambazip kambu körek yeñön göda öngöngöñi qem wanğimakze. Anutugö garata törönñi kunñan asuhum wanğiba kewö jim kutui mörök, ‘Gi mönö kolek ala Pitö köl öröm wanğinönğa mirige öngöba keu uruñeyök jimawi, mi kezap ala mötman.’ ” ²³ Mewö melengetka öröm engii miri uruñe öngögetka köyan köl engii köisirik tata ahöget. Ahögetka miri gianjiiga Pitönöñ wahöta yembuk anök. Jopa taon mianğoreñök ala tosatñi engömeiga yambuk mohotñe anget. Mewö.

Pitönöñ kian ambazip yembuk tokoget.

²⁴ Mohotñe anda sömañi mohot ahöba anda mala Sisaria taonöñ anğotket. Anğotketka Korniliusnöñ yeñgö mamböt aka malök. Mewö mala tinitosolom aka alaurupñi ölöññi mi köl öröm engii miriñe tokoba tatket. ²⁵ Anğota Pitönöñ mire öngömamgö aiga Korniliusnöñ wahöta eta jölöñi jiba könañe geba sipköm wanğiyök. ²⁶ Sipköm wanğiyökmö, Pitönöñ böröñe memba kököbihiiga wahöri kewö jiyök, “Mönö wahötnöñ, nia kun gölme aziyök akzal.”

²⁷ Mewö jii yambuk eraum möta miri uruñe öngöyohotka ambazip gwötpukñan tokoba tatkeri, mi engehök. ²⁸ Engeka kewö jii mötket, “Inini Juda ambazip neñgö könañamnini mötze. Juda nini ambazip kianñi engö mire öngöba embuk köisirik tatatkö songo ahöi osizin. Mi osizinmö, Anutunöñ keuñi kun kondel niñgiba kewö jiyök, ‘Göñön ambazip inñi wainñi yeñgö qetñini mi anğöjörak imbilonñonambuk mewö kude qetman.’ ” ²⁹ Mianğöra inini kolek ala köl öröm niñgigetka nönöñ qahö qetala kaba kanğotzal. Kanğota kewö qesizal: Inini mönö wuanönğöra kolek ala köl öröm niñgiget? Mi ölöñ jiget mötpi.”

³⁰ Mewö jiiga Korniliusnöñ melennök, “Ni mare kunöñ nalö kewöñe 3 kilok mianğoreñ mirine tata köuluk nup memba mala kotpi merak sömañi 4 akza. Köuluk nup memba malbiga mianğoreñök azi kun sileötani asakmararañambuk mianğön asuhuba wösöne kinök. ³¹ “Wösöne kinda kewö jiyök, ‘Kornilius, gi köuluköba malnönğa keugi Anutugöreñ öngöiga möri ölöwakza. Gi kalemñi kalemñi ambazip wanapñi mendenñ engimakzani, mi Anutunöñ möta anğön köla göhöra mötmöriba melaim niñgiiga kazal. ³² Mianğöra mönö

dölki kolek alnönnga Jopa taonön aniga azi qetnji Saimon, qetnji kun Pitö qetzei, ia wanğita kame. Yanğon sömbup silenğangö nup meme azi Saimon yanğö mire köwet jitnje malja.’

³³ “Mewö jiyöhanğöra aka nöñon miangörenök kolek albiga göhöreñ kaget. Göñon keuni möta kazanangöra uruni ölöwakza. Kembunön keu pakpak jimangö jim kutum gihiyöhi, göñon mi ölop jinön mötpin. Nini pakpak dölki miangöra tokoba Anutugö jemesoholne ki tatzin.” Mewö.

Pitönön Korniliusgö mire Buña keu jiyök.

³⁴ *Korniliusnön mewö jiiga Pitönön könahiba kewö jiyök, “Aha! Anutunön ambazip tosatnji qahö engek soriba tosatnji qahö qepureim engimakzapmö, dop mohotnön kewöt neñgimakza. Yanğö jeñe kunñan anğöjörakñambuk qahö akza. Nöñon mi dölki ölña möt kutuzal.

³⁵ “Mewö qahöpmö, ambazip kambuñi kambuñi körek yenğö sutñine denike yenğörenök kunñan Anutu waikñi memba möpöseiba aiakanan kóna diñdini wuatangözawi, yanğon mönö Anutugö jeñe dop kölja. ³⁶ Jisös Kraistnön ambazip körek neñgö Kembuya aka luai qem neñgimakzawi, Anutunön Buña keuñi mi Israel könagesö neñgören ali kayök. Buña mianñon kaiga nini miangö Ölöwak Buñañi jim asariba maljin. ³⁷ Jonön ambazip uruñini kuñguba kewö jiyök, ‘Inini mönö uruñini melengetka nöñon o melun mem engimam.’ Mewö jiiga miangö andöñe keu mi Galili prowinsnön könahiba jiget sehiba anda Judia prowinsnön anğota körek dop kölök. Inini mi lök mötze.

³⁸ “Anutunön Uña Törönji Nazaret azi Jisösgö uruñe mokoiga kukösum buña qem anğuba gölme dop liliköba malöhi, mi yambuk kiniga anda ambazip ak kömum engiyök. Bölönangö Toñan ambazip ösumñan jöhöba öröm engii gegeri, yanğon mi pakpak mem ölöwak engim teköyök. ³⁹ Yuai mi Juda neñgö gölmenön aka Jerusalem sitinön aka memba maliga ip kemañe ala qeget kömuyök. Nini mi pakpak eka nanğöba jiba dangunuñi aka kinjin. ⁴⁰ Kömumba ahöi sömañi karöbut aiga Anutunön mem gulii wahörök. Wahöta indimñi gwötpuk ambazip asuhum engiyök.

⁴¹ “Yanğon ambazip kambu pakpak yenğöra qahö asuhuyökmö, Anutunön mutuhök nini möwölöhöm neñgiiga Jisösnön kömupnöhök wahöta malöhi, nalö miangören yambuk keu eraum möta nene anğum nem malini, mönö neñgöra asuhuiga nini miangö keuñi nanğöba jiba kinjin. ⁴² Mewö kininga Jisösnön kewö jim kutum neñgiyök, ‘Anutunön kuñgum niñgiiga nöñon ambazip maljei aka kömugeri, yenğören jimtekötekö Toñina akzal. Miangöra enñon mönö nöngö kónañamni mi ambazip kambu dop yenğöra nanğöba jim asariba malme.’ ⁴³ Ambazip denike yenñon Jisös möt narim wanğiba qetnji qerakzei, Anutunön mönö qet mi möta yenğö siñgisöndokñini mosöta sanğonmakza. Yanğö kónañamñi mewö ahözawi, mi kezapqetok ambazip körek yenñon nanğöba jim asariba ohoget ahöza.” Mewö

Uña Törönjan kian ambazip yenğören erök.

⁴⁴ Pitönön keu mewö jibayök kiniga Uña Törönjan ambazip kezap ala mötkeri, yenğö uruñine geyök. ⁴⁵ Anutunön Uña Törön kalempni mi kian ambazip yenğö uruñine mewöyök mokoï geyöhi, mi Pitögö alaurupñan eka aurugət. Juda ambazip silenine Anutugö aiwesökñi yandigetka uruñini melenđa Jisös möt nariba Pitö wuatangöba kaba tatkeri, mienñon mönö auruba kewögöra welipköget: ⁴⁶ Yenñon kantri tosatnji yenğö keuñini murutñi murutñi könahiba jiba Anutu möpöseiget. Miangöra welipkögetka Pitönön kewö qesiba jiyök, ⁴⁷ “Yenñon Uña Törönji mi neñon ahin ewö anğon köla buña qem anğuzei, mi mötzin. Miangöra i ölop o melun mem enğiinga dop kölma. Mi ahinga danñon qetal neñgibawak?”

* 10:34: Dut 10.17

⁴⁸ Mewö jiba jim kutum enjiiga Pitögö alaurupñan kinda Jisös Kraistkö qetñe Kornilius saiwaurupñi o melun mem enjiget. O melun mem enjigetka Pitö anğön köl wañgigetka toroqeba silim tosatñi yembuk malök. Mewö.

11

Pitönöñ Jerusalem anda nupñanğö kösohotñi jiyök.

¹ Kian kantri yeñon mewöyök Anutugöreñ keu memba anğön kölgeri, miangö buzupñi mi aposol aka urumelen alaurup Judia prowins dop köla mala mötket. ² Miangöra Pitönöñ Jerusalem sitinöñ lilingöba öngöiga Juda silenine Anutugö aiwesök yandigetka uruñini melenğeri, yeñon jijiwilit (jelikit) aka jim wañgiget. ³ Jim wañgiba kewö jiget, “Kian kantri azi Anutugö aiwesökpkuk qahö maljei, gi mönö wuanöngöra anda yembuk köisirik tata nene nenöñ? Mi qahö dop kölja.” ⁴ Mewö jigetka könakönahineyök könahiba yuai asuhuyöhi, mi körek pakpak areñambuk jim asarim enğiba kewö jiyök,

⁵ “Nöñon Jopa sitinöñ mala köuluköbiga Kembangö alburupñan nunğuga tata imut kun kewö ehal: Suepnöñ anañiiga könde ketanji kun erök. Könde mi opo tuatñi ketanğö tandök ewö ahök. Garata yeñon yuai miangö wañgömñi 4 miangöreñ memba nañgöbeak, miangö tandök ewö nöngö kösutneyök eta ahöyök. ⁶ Eta ahöiga yuai miangö uruñe törörök ekiga sömbup könañi könañi miangöreñ tatket. Sömbup tosatñi mi gölmenöñ köna 4:ñan tiba anakze. Tosatñi kalñi könöpñinambuk akze. Tosatñan wösöñinan ölölöngöba anakze. Mewöyök nei könañi könañi könakemba bölbölgöba anakzei, yuai mewö mi könde miangö uruñe mohotñe etketka enğehal. ⁷ Enğekiga qet kun mewöyök asuhuba kewö jii möral, ‘Pitö, mönö wahöta yuai ki qeba ohoba nenöñ.’

⁸ “Mewö möralmö, nöñon kewö jial, ‘O Kembu, ni miangöra imbilonlon mötzal. Yuai dönqizin anğöjörakñambuk mewöñi mi nalö kungen nöngö numbunan qahö os-eyök. Miangöra mi mönö qahö kötökñi nemam.’ ⁹ Mewö jibiga qet miangön kunbuk Suepnöhök asuhuba kewö jiyök, ‘Anutunöñ yuai jim könjörari ahözawi, göñon miangö qetñi anğöjörakñambuk mewö kude qetman.’ ¹⁰ Yuai mewöñi mi indimñi karöbut asuhuyök. Mewö asuhuiga yuai pakpak mi kunbuk örögetka Suepnöñ lilingöba öngöyök. ¹¹ Öngöba atatop (jiataton) köliga nalö miangöreñök Korniliusnöñ Sisaria taonöhök azi karöbut melaim enğii nöngöreñ kageri, yeñon miri tarini, miangö nanğunje kinget.

¹² “Nanğunje kingetka Uñanöñ kewö jim kutum ningii möral, ‘Gi mönö uruyahöt yaköriba yembuk anman.’ Keu mi mötpiga urumelen alaurupni 6 yeñon mewöyök Jopa mosöta nömbuk Sisaria taonöñ anin. Sisaria anğota suahö galöm miangö mire öngöin. ¹³ Öngöinga keu kösohot kewö ak neñgiyök, ‘Garata kunñan nöngö mire asuhuiga ekiga kinda kewö jii möral: Gi mönö Jopa mire kolek ala azi qetñi Saimon, qetñi kun Pitö i wañgita kaget. ¹⁴ Yañon kaiga Buña keu jiiga gi aka saiwaurupkan mi möt nariba uruñini melenğetka körek amöt qem enjiiga letotme.’

¹⁵ “Kösohot mi ak neñgiiga nöñon könahiba Buña keu jial. Mi jibi mötketka Uña Töröñan könakönahine nengö urunine geyöhi, mönö miangö dop kezap ala mötketka yeñgö uruñine mohot geyök. ¹⁶ *Yañon geiga ekiga miangöreñök Kembangö keu kun nöngö mötmötnöñ kañgori mötmörial. Keu mi kewö, ‘Jonöñ o töhönöñ melun mem enğiyökmö, nöñon Uña Töröñi uruñine ala miangön melun mem enğimam.’ ¹⁷ Neñon Kembu Jisös Kraist möt narim wañginga Anutunöñ kalemñi neñgiyöhi aka yeñon möt narigetka Anutunöñ kalemñi miyök enğö uruñine mewöyök alök. Miangöra aka ni ewöñan mönö denöwö Anutu kukösum Tonji esapköba qetal wañgibileñak? Yañon mewö ak enjiiga nöñon anğön köl wañgimangö osial.”

¹⁸ Pitönöñ kösohotñi mewö jii möta uruñini amörii böñjöñ aiga Anutu möpöseiba kewö jiget, “Ölña, nini urunini melenğda malmal köhöikñanğö buñaya akzin mötzinmö,

* 11:16: Apo 1.5

Anutunöŋ köna mohot mi kian kantri ambazip yeŋgöra mewöyök al engii ahöza. Mi mönö dölki asariba möt kutuzin.” Mewö.

Kian kantrinöŋ urumelen kambu mutukŋi asuhuyök.

¹⁹ *Stiwen qeget kömuyöhanğöra aka kahasililiŋ asuhuiga urumelen ambazipnöŋ denđa liliköba anda kaget. Anda kagetka tosatŋan köwet jitŋe Fonisia gölmenöŋ anget. Tosatŋan köwet kutuba gölme jölanŋi qetŋi Saiprus miangören anget. Tosatŋan Siria prowinsgö sitiŋi qetŋi Antiokia anget. Mewö denđa angetmö, ambazip sutŋine Jisösgö Buŋa keu mi Juda ambazip yeŋgörök jigetka mötket. Kian kantri yeŋgöra mi qahö jiget.

²⁰ Qahö jigetmö, Saiprus aka Sairini azi tosatŋan yeŋgö sutŋine malget. Yeŋön kian gölmenöŋ qariba Antiokia sitinöŋ kaŋgota gölme toni yembuk Grik keunöŋ eraum möta Kambu Jisösgö Ölöwak Buŋa mi mewö Juda qahö yeŋgöra mewöyök jim asarim engiget.

²¹ Mi jim asarim engigetka Kembunöŋ yembuk mali ösumŋan ambazip uruŋini kuŋgum engii gwötpuk yeŋön Kambu Jisös möt nariba uruŋini melenđa yanğören qekötahögetka kambuŋini qariiga ketanŋi ahök.

²² Mewö aiga miangö buzupŋan anda Jerusalem könagesö yeŋgö kezapŋine gei mötket. Mi möta Barnabas melaigetka Antiokia sitinöŋ anök. ²³ Anda aŋgota Anutunöŋ kalem möriamŋi ambazip engii ölöwakeri, mi jeŋan eka möri öngöi söŋgaiba qambaŋi kewö jiyök, “Iŋini mönö körek pakpak uruŋini qezaköba köhöiba Kembubuk qekötahöba kinme.”

²⁴ Barnabasnöŋ azi ölöpŋi aiga Uŋa Töröŋan uruŋi kokolak qeiga uruyahöt andö qeba uruŋi jömuk mianğön Jisös möt narim waŋgiba malök. Miangöra ambazip gwötpukŋan uruŋini melenđa Kembangö kambunöŋ toroqegetka qariyök.

²⁵ Barnabasnöŋ Antiokia mosöta Sol jarumamğöra Tarsus taonöŋ anök. ²⁶ Anda miwikŋaiba waŋgiri Antiokia sitinöŋ kayohot. Kaba miangören mohotŋamŋire (yara) yambu mohot jömukŋanök mala zioz nup memba uruŋini melenğeri, mi kambuŋi kambuŋi köla kusum engiyohotka ambazip gwötpukŋan mötmöt memba urukönömŋine alget. Antiokia ambazipnöŋ mutukŋi könahiba gwarek qetŋini Kraistkö alaurup (kristen, Kraistkö buŋa) qeta malget. Mewö.

Kian kantrigö urumelen yeŋön Juda nanğöm engiget.

²⁷ Nalö miangören kezapqetok ambazip tosatŋan Jerusalem mosöta Antiokia sitinöŋ eta kaŋgotket. ²⁸ *Yeŋgörenök kun qetŋi Agabus mi wahöta Uŋa Töröŋan sölölohöi buzup keu kewö jii mötket, “Bödi ketanŋan asuha gölmenŋi gölmenŋi dop köla ahöma.” Mewö jiiga miangö dop sisa kiŋ qetŋi Klodius yanğö galömkölköl nalöŋe asuhuyök. ²⁹ Mi asuhuiga gwarek yeŋön mindiriba urumelen alaurupŋini Judia prowinsnöŋ malgeri, mi nanğöm engiba mindimindiri naluk ketanŋi alget anmapkö keu jöhöget. ³⁰ Keu mi jöhöget aka miangö dop ölna aket. Yeŋön moneŋ aka yuai tokoba Barnabas Sol yetkö böröŋire ala melaim etkigetka Jerusalem anda urumelen könagesö yeŋgö jitŋememurupŋini engeka engiyohot. Mewö.

12

Herodnöŋ Jeims qeba Pitö kösö mire alök.

¹ Nalö miangören kiŋ Herodnöŋ* urumelen könagesö sesewerowero mem engibingö möta jiiga urumelen ambazip tosatŋi engimemba jöhöm engiget. ² Kiŋnöŋ jiiga Jongö datŋi Jeims mi bingö sou ketanŋan qegetka kömuyök.

³ Mewö jii kömuiga Juda ambazip tosatŋan mi mötket ölöwahiga ehök. Mi eka miangöra toroqeba jiiga Pitö mewöyök memba jöhöget. Yuai mi beret yistŋi qahöpkö kendon

* 11:19: Apo 8.1-4 * 11:28: Apo 21.10 * 12:1: Kiŋ Herod Agripa I (mutukŋi) yanğön (yara) yambu 37-44 miangören Palestain pakpak galöm köl engiba malök.

nalöne jiiga asuhuyök. ⁴ *Miangöra kinönöj kewö jiyök, “Nönön ak-kömukömu kendon† teköiga Juda yenjö keu jakeje almam.” Mewö jiba jii kösö mire alget. Algetka yarö azi 16 yenjön sutnjine kambu 4 köla nalö utekutek aketka azi 4:nan sundan sunjem asak kinda galöm mem wangiba malget. ⁵ Pitö mewö galöm mem wangiba malgetka kösö mire ahöyökmö, urumelenön könagesö yenjön sundan dop yangöra aka Anutu kapan köla köuluköba malget. Mewö.

Suep garatanöj Pitö pösata wangita erök.

⁶ Köuluköba malgetka ak-kömukömu (Pasowa) kendon teköiga sunjem miangörenön yarö azi yahötjan Pitö tapep (munjamunga) yahötönöj jöhöm köhöiyohotka sutnjire gaun ahöyök aka wahibuk tosatjan nanju andöne kinda kösö miri galöm meget. Kin Herodnön miri gianjiiga Pitö wangita keu jakeje almamgö mötmöriba arenön ali gaun ahöget. ⁷ Gaun ahögetmö, Kembugö garata kunjan wölan asuha Pitö qöhöröne kini kösö mirigö urunji asarim teköi Pitögö nambulne qeba jiyök, “Mönö zilan wahötönöj.” Mewö jii tapep (munjamunga) yahötjan miangörenök Pitögö böröneyök öne sulohot. ⁸ Sulohotka garatanöj jii mörök, “Mönö opogi jöhöba köna esugi utnön.” Mi möta mewö ahök. Mi aiga toroqeba jii mörök, “Mönö malukugi kölnön geiga ni nuatangöba kaman.”

⁹ Mewö jii möta miri urunji mosöta wuatängöyök. I wuatängöba anökmö, garatanöj yuai ahöhi, mi ölna asuhuyök me qahö, yanön miangöra möri janjun ahök. Yanön gaun ahöba imut ehöhi, miangö tandöktandök möri ahök. ¹⁰ Miri urunji mosöta nanju mutukne galöm memba kinohori, mi etkonjita nanju kunön angota etkonjita öne kutuba anda kösö miri silenangö ain kiripone angorohot. Angorohotka nanju köhöikni ketani miangön mönön nanjök öne taliga yaigepne siti köna numbuje geyohot. Geba köna namni strit kun toroqeba anohotka garatanöj wölan Pitö mosöta sök alök.

¹¹ Sök aliga Pitögö urunji tohoiga kewö jiyök, “O Kembunön mönön garatani melaii kaba Herodgö böröneyök meköm ninjiza, mi mötzal. Juda ambazipnönön nongö silene yuai asuhumapköra mambötzei, yanön mönön yuai pakpak miangörenök bohoni jöhöza. Nönön dölki mi ölna möt kutuzal.”

¹² Mewö möt kutui asariiga Jongö namni Mariagö mirinön göröken anök. Jon miangö qetnji kun Mak qetket. Miri miangörenön ambazip gwötpukjan tokoba Anutu köuluköba malget. ¹³ Mewö malgetka Pitönön kaba söndaknön kinda nanjunön qeyök. Nanjunön qeiga welenqege ambi qetnji Roda yanön kaba “Gi danön?” jiba qesiyök. ¹⁴ Qesiba kinda Pitögö jölni möt kutuba “I-ia kazan!” jiba söngaiba luhuba nanju qahö öröba ösumjan miri urune öngöba jiyök, “Pitönön kaba nanjunön kinja.” ¹⁵ Jii möta yangöra “Urugi sohoi jizan,” jiget. Jigetmö, yanön bohön köla “Keu ölna jizal!” jiyök. Mewö jiiga jiget, “Mi mönön Pitögö garatanan kinja.”

¹⁶ Mewö eraum mötketmö, Pitönön nanju qebayök kiniga öröba eka aurugot. ¹⁷ Aurugotka börönan söpsöp ala ölöj almegö jiyök. Jiba Kembunön kösö mireyök wangiri yaigepne eröhi, kösohot mi jiyök, “Inini buzup ki mönön bisop Jeims aka urumelenön alaurup tosatni yenjöra jigetka mötme.” Mewö jiba engömosöta miri kungen anök. Mewö.

Pitönön kösö miri mosöriqa Herodgö irimni sehöliyök.

¹⁸ Miri gianjiiga yarö azi yenjön Pitö jaruba “Denike sömuniba sök ala anja?” jiba miangöra kahasililinön aka waimanjat ketani mötket.† ¹⁹ Herodnön mewöyök Pitö miwiknaimegö jii jarum bibihiba qahö miwiknaimetka azi wahibuk Pitögö galöm megeri, mi keu jakeje ala gwötpuk qesim engiba jim teköba enguangita engugot kömumegö jim kutum

* **12:4:** Eks 12.1-27 † **12:4:** Pasowa nanine keunön qetnji alanji mi walönsörak aka goukölköl. Israel ambazip yenjön Ijpt mala nanjunini sepnön mirigetka Anutugö garatanönön nenjehoriba nenjonjita morö mutuknjini qahö engui kömugot. ‡ **12:18:** Köso azinön ölöj kölbawak, azi wahibuk mi mönön engugotka kömuzema. Rom gawman nupkö arenji mewö. Miangöra kahasililinön aka waimanjat ketani mötket.

engiyök. Miangö andöne Judia prowins mosöta Sisaria taonöy geba miangören malök. Mewö.

Anutunöy kin Herod kitipni wanjii kömuyök.

²⁰ Fonisia prowinsgö taon qetjiri Taiö aka Saidon yejön nenegö nupjini memingö osiba kin Herodkö kantri yejögorenök nene yuainjini bohonji memba malget. Mewö malgetka Herodkö irimji seholiiga Taiö Saidon kerök ak engiba nene engimegö songo alök. Miangöra yejön mindiriba jitnememEURUPjini melaim engigetka kambu köla kin Herod ekingöra anget. Angetka jembonji qetji Blastus jakömbuak mirinangö galömjan i mutuk engehök. Engehiga jiget, “Nini keu jim solaniinga luai ahumapkö qesibingöra kazin.” Mewö jiba jim mölöwörim ak wanjigetka jiyök, “Ölöp keujini kötöngöba andöjine kinmam.”

²¹ Mewö jiiga kinöy keu melen engimangö nalö mem engiiga miangören tokogetka nanji silenji menjölöba kin azi kembangö malukuji köla eta jakömbuak dum tatatje tata yejögöra sösongai keu jiyök. ²² Jiiga ambazip kambu yejön möta kewö jiba qetket, “Keu mi Anutugoren keuya. Mi gölme azigö keuya qahö.” ²³ Mewö qetketmö, kinöy mewö aka Anutugö qetbujañi qañ köla qahö möpöseiba nanji möri öngöyök. Miangöra Kembangören SUEP garata kunjan miangörenök qei döhönöy yöhösi kömuyök. ²⁴ Mewö asuhuyökmö, Anutugoren Buja keu mi jiba malgetka töhötmöriamñambuk aka sehiyök.

²⁵ Antiokia siti yejön Barnabas aka Sol nanjonañgö misin nup kun§ etkigeri, yetkөн mi Jerusalem mala meköyohot teköyök. Mi teköiga Jon qetji kun Mak qetkeri, i wanjita mohotje Jerusalem mosöta Antiokia sitinöy lilingöba kaget. Mewö.

13

Barnabas Sol yetkөн misin nupkö könahiba anohot.

¹ Antiokia sitinöy tosatjan urujini melenä urumelen könagesö aketka jitnememejini kewöjan kezapqetok keu jiba kusum engiba malget: Qetjini Barnabas aka Simeon qetji kun Injañi (Grik keunöy Naijö) aka Lusius (Sairini gölmegöra), Manain (mi kembu gawönö Herod* yambuk öröröy mala qariyohot) aka Sol. ² Urumelen könagesö yejön Kembangö waikji memba möpöseiba nene sinji malgetka miangören Uja Töröjan kewö jiyök, “Nöjön Barnabas aka Sol nup qainji kun memahotköra etkoholal. Miangöra enön mönö i jim teköba melaim etkigetka anmahot.”

³ Mewö jiiga köulukömegöra nene sinji mala böröjini nöropjire algetka Kembangö ösumjan etkualöjniga melaim etkigetka anohot. Mewö.

Saiprus gölme jölanje anda nup meget.

⁴ Uja Töröjan mewö melaim etkiiga miri qetji Selusia miangören geyohot. Miangören geba wanjenöy öngöyohotka opo seri öröba mörörengögetka luhutnöy nanjöi anda gölme jölanji Saiprus miangö wehön kotkotje angotket. ⁵ Angotketka siti qetji Salamis miangören anda Juda ambazip yejögö köuluk mirinji mirinji miangören öngöba Anutugö Buja keu jiba uru kungum enjiyohot. Azi qetji Jon i mewöyök wanjirohotka yetpuk anda kaba alabaukñira malök. ⁶ Mewö mala gölme jölanji jömukji liliköba kutuba likepje wehön gegeje Pafos sitinöy angotket. Miangören angota Juda azi qetji Barjisös miwikñaget. Yanön sunja jinañ azia aka kezapqetok azi takapulakanji malök.

⁷ Sunja azi mi gölme jölanji miangö kiapji qetji Sergius Pol yangö mire tata malök. Kiap mianön mötkutukutu azia malök. Mewö mala Anutugoren Buja keu mötmangö sihimji ahöiga Barnabas Sol köl öröm etkii yangören kayohot. ⁸ Kayohotmö, Elimas, (sunja memegöra qetji Grik keunöy mewö jimalgeri,) yanön kiapnöy Anutu möt narim

§ 12:25: Antiokia yejögoren nanjonañgö monen mi memba anda Jerusalem urumelen könagesögö jitnememEURUP yejögö böröjine alohot. Miangöra qetji nanjonañgö misin nup kun jizin. Apo 11.30 * 13:1: Herod Antipas yanön (yara) yambu 4 B.K.-39 A.D. miangören Galili aka Perea prowins yahöt mi galöm köl engiba malök.

wanjibapuköra tuarenjon ak etkiba kiap urunji keunon enjololon memamgo esapkoyok. ⁹ Esapköiga Sol, qetnji alanji Pol qetkeri, Unja Töronjan yangö urunji kokolak qei Elimas törörök ek kutuyok.

¹⁰ Ek kutuba kewö jiyök, “Yei! Timbiqimibilim azi gi mönö Bölöni Tonangö moröya akzan! Satanon urugi isimkakaleknon kokolak qeiga silenon alal konañi konañi aka malakzan. Keu diñdini pakpakö kerokni aka Kembangoren kona diñdini möwöramgononga gonjimakzawi, mi mönö mosötman me? ¹¹ Miangöra mötnon! Kembunon mönö böröni qake aliga osumnan turum gihiiga jegi gömölii wehon asakni eknamgo osiman. Yanon nalö meyohangö dop mönö janjun aka malman.” Jii miangorenok söñaupnon qakne eta turui omun köla jipjap aka ilingöson anda kaba böröne memegö qesiba börönan mezañqezan ahök. ¹² Yuai mi asuhuiga kiapnon mi eka Kembangö Buña keu mötmönangöra welipköba möt narim wanjiyok. Mewö.

Pisidiagö Antiokia taonon misin nup meget.

¹³ Polnon nejakurupni yembuk Pafos miri mosöta wanjenon öngögetka opo seri öröba möröengögetka luhutnon nangöiga anda mala Pamfilia prowinsgo siti qetnji Perga miangoren angotket. Miangoren angota kinda Jonon etkömosöta elenda Jerusalem sitinon lilingöyök. ¹⁴ Lilingöyökmö, yetkon Perga siti mosöta toroqeba anda Pisidia prowinsgo taon qetnji Antiokia miangoren angorohot. Miangoren angota Sabat kendonon köuluk mirinone öngöba tarohot. ¹⁵ Tarohotka köuluk mirigö galöm yejon Mosesgo Köna keu aka kezapqetok yengoren Buzup Kimbi oyonnda welen algetka eta kewö qesim etkiget, “Azi alayahöt, etkoren keu kun könagesö urunini kunjubingöra ahöza ewö, mi mönö ölop jiyohot mötpin.”

¹⁶ Mewö jigetka Polnon wahöta börö misiba kewö jiyök, “Israel kianurup aka gölme toni nembuk Anutu waikni memba möpöseimakzei, injini mönö kezap ala mötket. ¹⁷ *Israel ambazip kambu nanine bemnini mi Anutu. Yanon bömönurupnini möwölöhöm engiiga amböskonurupninan Ijpt gölmenon anda kian aka malget. Anutunon nalö miangoren Israel ambazip kambu mi töhötmöriam engiiga sehiba qetbuñanambuk aket. Mewö aketka Anutunon angöletot aka kukösumni kondela mianon enguanjiri Ijpt kantri mosöta yaigep kaget.

¹⁸ * “Kaba mala gölme qararankölkölne kutuba kaba ahakmeme bölöni aka malgetka Anutugö irimnan seheliiga (yara) yambu 40:gö dop urubölö möta malök. ¹⁹ * Möta malökmö, töndup kaba mala Kenan gölmenon kangotket. Kangotketka miangoren ambazip kambu 7 közöla könden engiba gölmenini memba mendennda isikurupnini tone tone aknegö buña qem engiyök. ²⁰ * “Mewö asuhuiga (yara) yambu 450 miangö dop anök. Miangö andöne Anutunon jimtekötekögö azi kembuñi kembuñi kunjum engiyök. Mi kunjum engii mala kotketka Samuelnon asuhuyök. Yanon jimtekötekögö azi kembu qöndökni aka kezapqetok azia malök.

²¹ * “Samuelnon asuha mali nalö miangoren kin kembangöra uletketka Anutunon azi qetnji Sol engiyök. Sol yanon Benjamin isikurup yengorenok azi qetnji Kis yangö nahönna ahök aka (yara) yambu 40:gö dop kin kembuñina malök. ²² * Mi malökmö, Anutunon Sol uteköba salupne azi qetnji Deiwid kin azi kembuñini akñapköra möwölöhöba kunjuyök. Kunjuba konañamni jim asariba kewö jiyök, ‘Nönon Jesigö nahönni Deiwid miwikñaisal. Yangö urunji kewöta mötpi ölop dop köl ningiza. Yanon mönö ahakmemeñi pakpak miangoren nöngö jitni tem köla malma.’ ²³ Anutunon mönöwök Amötqeqe Tonji melaim neñgimapkö jiyöhi, jöhöjöhö keu miangö ölñan mönö kewö asuhuyök: Deiwidkö

* **13:17:** Eks 1.7; 12.51 * **13:18:** Janj 14.34; Dut 1.31 * **13:19:** Dut 7.1; Jos 14.1 * **13:20:** Kemb 2.16; 1 Sml 3.20 * **13:21:** 1 Sml 8.5; 10.21 * **13:22:** 1 Sml 13.14; 16.12; Sum 89.20

gwölönarökurupni yengörenök azi qetni Jisös asuhuiga Anutunöj i Israel kambu nenjö Amötqeçe Tonini aka malmapköra kunjguyök.

24 **“Jisösnöj qahö asuhuiga qeljije miangören Jonöj mutuk kaba kewö jiba malök, ‘Injini mönö urunini melenget. Urunini melengetka nöjön o melun mem engimam.’ Mewö jiba Israel ambazip kambu pakpak uru kunjgum engiba malök. 25 *Mewö malökmö, yanön mirililik nupni mem tekömamgö aka miangören kewö jii mötket, ‘Injini nöngöra denöwö mötmörize? Yuai mötmörizei, nöjön mia qahöpmö, mötket, nöngö andöne azi kun kama. Yanön kaiga nöjön yanjö qöhöröje eretni maljalangöra wayangösöni tengöba köna esu kösöni pösatmamgö qötötangömam.’*

26 *“O alaurupni, Abrahamgö gwölönarökurupni aka gölme toni enön nembuk Anutu waikni memba möpöseimakzei, Anutunöj amöt qem nengimapkö Buñani mi ali nengören kaza. 27 Miangö könañi kewö: Jerusalem toni aka galömurupnini yanön Jisösgö könañi qahö möt kutuget. Kezapqetok yengören Buzup Kimbi Sabat kendon dop oyonmakzemö, miangö könañi qahö möt asarimakze. Mewö tönpin maljemö, töndup galömkölköl aziurupninan Jisös kömumapkö keunji jim tekögetka kezapqetok ambazip yengören keu mi mewö miangön öljambuk ahök. 28 *Yenön Jisös kömupkö buña akñawangö dop keu könañi jaruba kun qahö miwikñaiba töndup “Yapmakek!” qetket. Qeta Pailötnöj jim teköi kömumapkö qeta uletket.*

29 **“Yanögöra keu pakpak ohoget ahözawi, yanön mönö miangö dop aketka ölni ahum teköiga Jisös ipnöhök meköba eta qaksirinöj anda köt köteñ uruñe alget. 30 Algetmö, Anutunöj i kömupnöhök mem guli wahörök. 31 *Wahöri yambuk Galili prowinsnöhök Jerusalem sitinöj kageri, yanögöra mönö silim gwötpuk miangören asuhum engiyök. Alaurupni asuhum engiyöhi, yanön nalö kewöje ambazip sutñine dangunu ewö kinda könañi nangöba jim asariba malje. 32 Anutunöj Juda amböskonurupnini yembuk yuai akñangö keu jim jöhöiga nini yanjö gwölönarökurupnini ahinga keu walñi miangö ölnan mönö nalö kewöje nenögöra kewö asuhuyök: Yanön Jisös mem guli wahöta malja. Miangöra nenön miangö Buña ölöpnji mi jim asarim engizin.*

33 **“Anutunöj Jisösgöra keu jii Deiwidnöj möri Sumbara (Buña liñet Sam) jangö yahöt miangören kewö ohoi ahöza, ‘Göñön nani nahöna akzani, nöjön mi merak ambazip engöra kondelbiga eka mötze.’ Yanön keu miangö dop Jisös mem guli wahörök.*

34 **Jisös mem guli kömupnöhök wahöta köhöiba mala könañep kunbuk qahö kömuma. Miangö keunji Anutunöj kewö jii ahöza, ‘Ni kalem möriamni kinj Deiwid wangiba malbiga sarakñi aka pöwöwöm köhöiba kinöhi, miangö dop mi mönö engöra tököm engimam.’*

35 **Deiwidnöj miangö keunji mi Sumbara (Buña liñet Sam) kun miangören mewöyök kewö ali ahöza,*

‘Nangahö wölböt azigi sarakñi i mönö qahö mosötnönga kömupkö lömnöj qahö gisahöma.’

36 *Nini kinj Deiwidkö könañi mötzin: Yanön malmalñi mala Anutugö jitni wuatangöba nup wangiyöhi, mi mem teköba nöj qeba kömuyök. Kömui amböskonurupni yanjö kösutñine löm kölgetka qamötñan ahöba gisahöba qahöwahök. 37 Deiwidnöj gisahöba qahöwahökmö, Anutunöj azi mem guli wahöröhi, yanön mönö qahö gisahöyök.*

38 *“Azi alaurupni, miangöra keu ki mönö mötket: Anutunöj Jisösgöra aka sinjisöndokñini mosöta sanğonma. Nenön miangö Buñani jim asarim engizin. 39 Mutuk ‘Moesgören Köna keu wuatangöba mewö miangön solanñi akin,’ jünmö, mi inöj wainöj qaköba osiba malin. Mewö malinmö, nalö kewöje denike yanön Jisös möt nariba*

* **13:24:** Mak 1.4; Luk 3.3 * **13:25:** Mat 3.11; Mak 1.7; Luk 3.16; Jon 1.20, 27 * **13:28:** Mat 27.22-23; Mak 15.13-14; Luk 23.21-23; Jon 19.15 * **13:29:** Mat 27.57-61; Mak 15.42-47; Luk 23.50-56; Jon 19.38-42 * **13:31:** Apo 1.3 * **13:33:** Sum 2.7 * **13:34:** Ais 55.3 * **13:35:** Sum 16.10

yambuk qekötahömei, Anutunöŋ mönö körek yeŋgö keuŋini jim teköiga solanime.
⁴⁰ Kezapqetok ambazipnöŋ keu jiba ohoget ahözawi, Anutunöŋ miangö dop likepŋi meleni qakŋine öngöbapuköra mönö galömnini mem aŋgume. Keu mewöŋi kun kewö,

⁴¹ *Nöŋön eŋgö malmal nalöŋe aŋgöletot qainŋi kun memam.

Kunŋan miangö keu buzupŋi jii mötpeak, mi ölni akŋapkö qahö möt naribeak.

Miangöra keu mi memba et ala jijiwilit ahakzei, inini mönö öne uba eka welipköba ayuhume.’ ”

⁴² Polnöŋ mewö jiiga Barnabasbuk köuluk miri mosöta erohotka tosatŋan kewö qesim etkiget, “Nini keu ki kunbuk mötpingö mötzin. Miangöra mi Sabat kendon euneanön ölop toroqeba jiyohot mötpinak.” ⁴³ Köuluk mireyök eta dengetka ambazip gwötpukŋan Pol aka Barnabas könaŋire etkuataŋgöget. Tosatŋan Juda ahuba malget aka tosatŋan kian kantrinöŋ ahuba könaŋep Juda ambazip aka malget. Yeŋön etkuataŋgögetka eraum möta qambaŋ keu kewö eŋgiyohot, “Anutunöŋ kalem möriam eŋgiyöhi, miangöreŋ mönö böŋ qeba kinme.”

⁴⁴ Sabat kendon kun kam kuŋguyöhi, miangöreŋ taon gölme miangö ambazipŋi mi kölolohoba “Anutugö Buŋa keu mötpin!” jiba kaŋgota tokoget. ⁴⁵ Kaŋgota tokogetka Juda yeŋön ambazip kambuŋi kambuŋi eŋgeka irimŋini seholim teköyök. Seholim teköiga Polgö keuŋi qemegö jitnakölik aka goranora (noragora) jiba mepaqepaik ak etkiget. ⁴⁶ Mewö ak etkigetka Pol Barnabas yetköŋ awösamkakak kinda köhöiba keu kewö jiyohot, “Anutunöŋ nup netkiiga Buŋaŋi mutuk Juda ambazip eŋgöra jiinga dop kölbawakmö, inini mi andö qeba laŋ kewö jize, ‘Nini malmal köhöikŋe aŋgotpingö dop qahö.’ Miangöra mötket, netköŋ mönö eŋgömosöta kian kantriŋi kantriŋi yeŋgöreŋ elenŋa anbit. ⁴⁷ *Kembunöŋ miangö keuŋi kewö jiba jim kutum neŋgiyök,

‘Nöŋön kuŋgum gihibiga kian kantri yeŋgö asakŋina aka amötqeqegö könaŋi jim asariba malnöŋga gölme göraŋi göraŋi dop köl teköi likeplikep eu emu yeŋön letota Suepkö buŋaya akŋe.’ ”

⁴⁸ Mewö jiyohotka gölme toŋi Juda qahö malgeri, yeŋön möta uruŋini ölöwahi Kembugöreŋ Buŋaŋi möpöseiget. Möpöseiba malmal köhöikŋaŋgö buŋa akŋegöra Anutunöŋ möt kewöt eŋgiyöhi, yeŋön miangö dop uruŋini melenŋa Jisösgö Buŋaŋi möt nariget.

⁴⁹ Möt narigetka Kembugö Buŋa keu jim sehigetka prowins pakpak mi dop köla anök. ⁵⁰ Ölop anökmö, Juda yeŋön taongö azi ipŋi aka ambi öngöŋgöŋi Anutu göda qeba malgeri, miengö uruŋini esiba kuŋguba Pol Barnabas mohotŋe sesewerowero ak etkiba miri gölmeneyök etkuataŋgöget. ⁵¹ *Anbitkö aka nesampurekŋini kondela kewö jiyohot, “Netköŋ eŋgö gölmenöŋ kaziga sölbuham köna tambönire ahözawi, mi mönö tim tönjöratziga nanŋine lilingöba gema.” Mewö jiyohotka könaŋamniri solanŋi möt kutugetka anda Galesia prowins uruŋe siti qetŋi Aikoniam miangöreŋ aŋgorohot. ⁵² Aŋgorohotmö, gwarekurup Antiokia taonöŋ malgeri, Uŋa Töröŋan yeŋgö uruŋini kokolak qei önöŋi qahö söŋgaiba malget. Mewö.

14

Aikoniam sitinöŋ uru kuŋgum eŋgiyohot.

¹ Pol Barnabas yetköŋ Aikoniam sitinöŋ aŋgota mewöŋanök Juda yeŋgö köuluk mire öngöba Buŋa keu jiyohot. Jiyohotka Juda aka kian kantri ambazip yeŋgöreŋök kambu sehisehiŋi yeŋön uruŋini melenŋa Jisös möt nariget. ² Möt narigetmö, Juda ambazip qahö möt narigeri, yeŋön gölme toŋi Juda qahö malgeri, miengö uruŋini esiba aposol urunöŋ gege ak etkimegöra uruŋini kuŋguget. ³ Kuŋgugetka töndup nalö köröpŋi miangöreŋ mala Kembu möt nariba awösamkakak kinda Buŋaŋi jiba malohot. Kembu kalem möriamŋaŋgö keuŋi jim asariyohotka keuŋiri nanŋöba ösumŋi böröŋire ali aiwesök

* **13:41:** Hab 1.5 * **13:47:** Ais 42.6; 49.6 * **13:51:** Mat 10.14; Mak 6.11; Luk 9.5; 10.11

angöletot meyo-hotka asuhuget. ⁴ Mewö asuhugetka taongö ambazipñan jula denget. Tosatñan Juda jitñememe yembuk öröröñ jöhögetka tosatñan aposol yetpuk toroqeba kinget.

⁵ Mewö arönda kingetka gölme toni aka Juda ambazip kianni yeñon wahöta jitñememurupñini yembuk urumohot aka melaimelai azi aposol mi “Kötnöñ gila etku-bin!” jiba mötmöriget. ⁶ Mewö mötmörigetka möta ölöñ köla tököba Likaonia prowinsnöñ anohot. Miangöreñ anda taon qetñiri Listra aka Derbe aka miri liliköm etkiba tat angeri, miangöreñ angorohot. ⁷ Miangöreñ anggota Ölöwak Buña jim asariba uru kuñgum engiba malohot. Mewö.

Listra taonöñ Pol Barnabasgöra bem qetket.

⁸ Listra taonöñ azi kun köna yahötñi kömukömunji malök. Mi nam körö uruñeyök lokon asuhuba nalö kungen köna qahö tiba öne tatmalök. ⁹ Polnöñ Buña keu jii möta tari uba könañamñi kewö eka mötmöriyök, “Yanğö uruñe mötnaripñi ahöm wanğiyöhanğöra aka ölöp ölöwakña,” mewö jiyök. ¹⁰ Mewö mötmöriba qet ketani qeta jii mörök, “Mönö wahöta kinöñ.” Mewö jii pörañ ala wahöta anda kaba kinök.

¹¹ Polnöñ mewö aiga ambazip kambu yeñon mi eka Likaonia keuñine kewö silata jiget, “Bem yetkön letota azi silebuk aka sutnine asuhuba nengöreñ eta maljahot.”

¹² Mewö jiba Barnabas qetñi bem bohonñini qetñi Zus qetket aka Polnöñ jitñe memba keu jiyöhanğöra aka bem qetñi Hermes qetket. ¹³ Mewö qetketka bem Zus yangö jöwöwöl jikenji taon wösöñe ahöyöhi, mianğö jike nup galömñan bulmakau aziñi enğuangita kayök. Mewö kaba ila kösatorom memba kaba taon kiripo nanğune kinda ambazip kambu yembuk jakenöñ ala jöwöwöl ohom etkibingö aket.

¹⁴ Mewö aketka aposolyahöt yetkön mi möta “Qahö dop kölja,” jiba qetala silepökenjiri munjurata ösumñiran ambazip kambu uruñe anda qerohot. ¹⁵ *Qeta kewö jiyohot, “Aziurup, inini mönö denöwögöra aka yuai mewöñi akze? Niri mewöyök inini ewö gölme azi töhöna akzit. Niri Anutugö Ölöwak Buña jim asarim engizit. Mianğöra inini mönö bem omani andö engume aka uruñini melenđa Anutu malmal Tonangöreñ qekötahöme. Anutu malmal Tonan Suep, gölme, köwet aka miengö uruñine yuai pakpak ahözawi, mi miwikñaim engii malje. ¹⁶ Gölmenji gölmenji pakpak yeñon mönöwök mala kotkeri, Anutunöñ i qahö angön köl engii nanñini imbiñinangö dop malmalñini ilingösöñ malget.

¹⁷ “Qahö angön köl engiyökmö, töndup tönpin jipjap qahö malget. Qahöpmö, Anutunöñ yuai ölöpñi ölöpñi ak engiba malök. Yanñon jüga kie yöhöi wehön qei töhötmöriamñan nalöñi nalöñi asuhui nem söngaip aka mewö mianñon uruñini kuñgum engii malget. Mewö malgetka nanñi könañi mötmegöra kalemñi mi kondel engiba mewö mianñon dangununji ali malget.” ¹⁸ Yetkön mewö jiba ambazip kambu jöwöwöl ohom etkibepuköra jarañbarañ tiba jim susuhum engiyohotka löwöriba mosötket. Mewö.

¹⁹ Listra yeñon Pol Barnabas etkömosötketmö, Juda ambazip tosatñan Antiokia taon aka Aikoniam siti mietkörenök kanğota ambazip kambu urunöñ gege ak engiget. Ak engiba yembuk öröröñ luhuba Pol kötnöñ qeba “Mönö kömuza!” jiget. Mewö jiba örörahöba taon andöñe eta mosötket ahöyök. ²⁰ Ahöyökmö, gwarek yeñon kanğota liliköm wanğigetka wahöta anda taonöñ öngöyök. Mianğöreñ öngöiga ahöyohot miri gianjiiga Barnabasbuk Derbe sitinöñ anohot.

Siriagö Antiokia sitinöñ lilingöba kayohot.

²¹ Derbe sitinöñ Ölöwak Buña jim asariba uruñini kuñgum engiyohotka gwötpukñan uruñini melenđa Jisösgö gwarekurupñi aket. Mewö aketka Derbe taon mosöta Listra Aikoniam aka Antiokia taon miengöreñ lilingöba anda enğehot. ²² Enğeka tata miri dop liliköba Jisösgö gwarekurup yeñö uruñini nanğöba mem köhöiyohot. Kambu möt narigeri, yambuk qekötahöba kinmegö qambañ keuñi engiba kewö jiyohot, “Nini mönö

* 14:15: Eks 20.11; Sum 146.6

iririkwarörök qakne (lömböt könani könani miwikñaiba) mala pañpañgöba Anutugö bem-tohoñnön eu angotpin.” ²³ Urumelen könagesö dop jitnememeurupñini möwölöhöba galöm malmegö könani kusum engiba kuñgum engiyohot. Kuñgum engiba Anutugöra nene singi mala gwarek kambu yeñgöra köuluköba Kembu möt narigeri, yañgö böröñe al engiyohot.

²⁴ Al engiba engömosöta Pisidia prowins kutuba anda Pamfilia prowinsnön angorohot.

²⁵ Miangören angota Perga sitinön tata Buña keu jiba uruñini kuñgum engiba Atalia taonön geyohot. ²⁶ Miangören geba wañgenön öngöyohotka opo seri öröba möröreñgögetka luhutnön nañgöi anda mala Antiokia sitinön angorohot. Antiokia urumelen könagesö yeñön i Anutugö kalem möriam uruñe misin nup memahotköra mutuk Anutugö böröñe al etkigetka engömosöta anohot. Anda liliköba nupñiri mi mem teköba kunbuk nanñire sitinön lilingöba kayohot.

²⁷ Miangören kaba urumelen könagesö köl öröm engiyohot. Köl öröm engiyohot tokogetka keu kösohotñiri kewö jiyohot, “Anutunön netpuk mala anğöletot ketani ketani aka memba malök. Yañön nam köl netkii nup meziga kian kantrinji kantrinji yeñön Jisös möt narimegöra nañgu öröm engii uruñini melenget.” ²⁸ Kösohotñiri mewö jiba gwarek kambu yembuk nalö köröpñi qem köriba tata malohot. Mewö.

15

Kian kantri yeñgöra aka zioznön julmamgö ahök.

¹ *Antiokia malohotmö, Judia prowinsnöhök ambazip tosatñan eta kaba könahiba urumelen ambazip kewö kusum engiget, “Inini Mosesgören Köna keugö dop Anutugö aiwesökñi silenine qahö yandime ewö, mewö mönö Suepkö buñaya akingö osime.”

² Mewö kusum engigeranğöra aka anğururuk ahuiga Pol Barnabas yetkön tuarenjon ak engiba könöpñambuk jim engiyohot. Jim engiyohotka urumohot qahö aka keu kewö jöhöba jiget, “Nini mönö Pol Barnabas aka jitnememe tosatñi melaim engiinga Jerusalem sitinön öngöba keu mi memba aposol aka Jerusalem urumelen könagesögö jitnememe yeñgören anda jime.”

³ Keu mewö jöhöba jigetka urumelen könagesö yeñön i melaim engigetka könanön anget. Anda mala Fonisia aka Samaria prowins yahöt mi kutuba könanön könagesönji könagesönji engekot. Engeka kian kantri tosatñi yeñön uruñini melenğeranğö buzupñi jiba urumelen kambu yeñgöra sösöñgai ketani al engiget. ⁴ Al engiba anda mala Jerusalem sitinön angotket. Angotketka aposol aka jitnememe yeñön urumelen könagesö yembuk köl öröm engiget. Köl öröm engigetka kösohotñini kewö jiget, “Anutunön nam köl neñgii misin nup meinga nembuk mala anğöletot ketani ketani aka memba malök.” ⁵ Kösohot mi jigetmö, Farisi (Köna keugö kapankölköl) kambunöhök urumelen azi tosatñan wahöta kewö jiget, “Kian kantri yeñön uruñini melenğeri, yeñgöra mönö kewö jim kutubin: Yeñön mönö Anutugö aiwesök silenine yandiba Mosesgören Köna keu pakpak wuatangöba malme.” Mewö.

Jerusalem totoko ala anğururuk keu mindiñgöget.

⁶ Mewö jigetka aposol aka jitnememe yeñön keu mi jim kewötpingö tokoget. ⁷ *Tokoba goranora (noragora) keu gwötpuk jiba jitnakölik aket. Mi aketka Pitönön wahöta kewö jii mötket, “Azi alaurupni, Anutunön mutuhök sutnine nup mendenđa möwölöhöm niñgiba nöngöra kewö jiyök, ‘Gi mönö kian kantrinön anda Ölöwak Buña keu jim asarim enğinöñga yeñön uruñini melenđa Kembu möt narime.’ Inini keu mi mötze. ⁸ *Anutunön ambazip pakpak urunini möt kutuzawañön könañamñi kondela Uña Törönji Juda ambazip neñgöra melaiiga eröhi, mianğö dop mönö kian kantri ambazip yeñgöra mewöñanök i melaii uruñine geyök.

* 15:1: Lew 12.3 * 15:7: Apo 10.1-43 * 15:8: Apo 2.4; 10.44

⁹ “Melaii geiga mewö mianjon Juda ambazip qahö engek soriba kantri tosatni qahö qepureim engiyök. Qahöpmö, yejon Anutu möt narigetka sinjisöndokjni mosöta urunini sanjoniga sarakni aket. ¹⁰ Miangöra injini mönö wuanöngöra Anutu esapesapnöj al wangibeak? Wuanöngöra gwarek dölokni yengö qaknine tem könjön toroqeba alinga angubeak? Tem könjön mewöni mi nanine ambösakoninan me naninak mewöyök angubingö dop qahö akmalin. ¹¹ Mewö qahöpmö, kewö möt narizin: Kembu Jisösgö kalem möriamnan mönö Anutu nam köl wanggiiga amöt qem nenjiiga Suepkö bunaya akin. Kian kantri yejon mewöyök köna mohot miyök wuatangöba letota Suepkö bunaya akingö möt narimakze.”

¹² Mewö jiiga kambu yejon löknanök keu jaruba bök tatket. Tatketka Pol Barnabas yetkön keu kösohotniri kewö jiyohot, “Anutunöj nam köl netkii kian kantrinöj anda sutnine misin nup meziga aiwesök angöletot ketani ketani asuhuget.” Mewö jiyohotka kezap ala mötket. Mewö.

Bisop Jeimsnöj keu jii mötket.*

¹³ Pol Barnabas yetkön kösohotniri jim teköyohot mötketka Jeimsnöj keu kewö jiyök, “Azi alaurupni, nöjön keu jibi kezap ala mötket. ¹⁴ Anutunöj nalö mutukni kian kantri ambazip mesohol köl engiba sutninyök ambazip nanngöra möwölöhöm enjiiga qetni bisiba könagesöni toroqeget. Anutunöj mewö aka könanamni kondel nenjiyöhi, Saimon Pitönöj miangö keunji jii mötzin. ¹⁵ Keu mewöni mi kezapqetok ambazip yejon mewöyök nanngöba jize. Yejon keu kun kewö ohoget ahöza,

¹⁶* Miangö andöje nöjön lilingöba kaba kin Deiwidkö kantri tohoji kunbuk memba wahötmam.

Yanön mutuk jakömbuak koumni qeba ambösakonini galöm köl enjiiga koumnan buratiba tingita erökmö, nöjön mi kunbuk möhamgöba kuñgubiga kantrinöj ölöwaka kinma.

¹⁷ Mi kewö asuhumapköra aknam: Ambazip kambu tosatni pakpak yejon Kembu jarume.

Kian kantri pakpak nani bunani akngöra engoholali, yejon Kembu ni göraim ningime. Kembu nöjön mewö jizal aka miangö dop kantrinini mem ölöwaknam.

¹⁸ Mewö ahakzali, mi mönö möpnanngö möpneyök möta kota malje.’

¹⁹ “Miangöra Jeims nöjön keu mi kewöta mötmötnan kewö möta jizal: Kian kantri ambazip urunini Anutugöreñ melenjei, nejon mönö lömböt könjön ketani yengö qaknine alinga qahö dop kölma. ²⁰* Mewö qahöpmö, yengöra kimbi kewö ohoinga dop kölma: Yejon sömbup busunji bem lopiongö naluk buja qeba könanine algetka ösumninan walöñnöhi, mi kude neme. Sero yongorö kude akne. Sömbup jölñi qeqenngö busunji aka sep mi kude neme. Yuai 4 mi mosötmegöra jim köhöibinak. ²¹ Mosesgö Köna keu mi mönö möpnanngö möpneyök miri dop jim asariba kota maljin. Mi Sabat kendon dop köuluk mirinine oyoñda mörakzin. Miangöra keu 4 mi ölop qahö mosötpin.” Mewö.

Jerusalem totokonöj kian kantri yengöra kimbi ohoget.

²² Jeimsnöj mewö jiiga aposol aka jitnememe yejon könagesö pakpak yembuk keu mi mötket dop kölök. Mötket dop kölga sutninyök azi tosatni möwölöhöm engiba Pol Barnabas yetpuk mohotne Antiokia sitinöj melaim engibingöra jiget. Mewö jiba azi qetni Judas qetni alani Barsabas aka Sailas möwölöhöm etkiget. Azi yahöt mi urumelen kambugö jitnememe azia ahot. ²³ Azi mi melaim etkibin jiba kimbi kun kewö ohoba böröñire alget,

“Mötnaripkö kian alaurupnini, Antiokia siti aka Siria aka Silisia gölmenöj maljei, nejon engö jölöjini jizin. Aposol nejon mötnarip könagesögö jitnememe yembuk engö

* **15:12:** Bisop, Grik keunöj episkopos, nanine keunöj jegalöm me inspekta. Yanön zioz nup pakpakö mindimindiri galömni akza. Jeims kianön Jisösgö gwarekni qahöpmö, Jisösgö munñi. * **15:16:** Amos 9.11-12 * **15:20:** Eks 34.15-17; Lew 17.10-16; 18.6-23

- urumelen alaurupnina akzin. Mewö embuk keu eraum mötpingöra kimbi al engizin.
- ²⁴ Nanine ambazip tosatni qahö jim kutum engiinga nanjinök nenngömosöta engören kaba urunini kunjuba keu murutni kekelolo engigetka uru mötmötñini siksauk aiga mörin.
- ²⁵ Miangöra nini körekñanök totoko ala urumohot ahin dop kölök. Dop kölīga azi yahöt meköba melaim etkiinga wölböt alayahöt Barnabas Pol yetpuk engören kame.
- ²⁶ Barnabas Pol yetkôn nanine Kembu Jisös Kraistkö qetñangöra aka malmalniri köleñnohotka tosatñan etkuget kömumbitkö ahot.
- ²⁷ Nini Judas Sailas melaim etkiinga kaba keu miyök toroqeba jitröñ jiyohotka mötme.
- ²⁸ Uña Töröñi aka nenñon keu kewögöra urumohot ahinga dop kölja: Engö qakñine lömböt könjöh qahö toroqeba albin. Keu bohonñi 4 miyök wuatangöme. Mi ongitketka julbinbuk.
- ²⁹ Keu 4 mi kewö: Sömbup busunji bem lopiongö naluk buña qeba könanjine algetka ösumñinan walöñnöhi, mi kude neme. Mewöyök sep me sömbup jölñi qeqeñangö busunji mi kude neme. Sero yongorö kude akñe. Yuai 4 mi mosöta andö qegetka urumohot ahinga Anutunöh kötuetaköm engiiga ölöwaka malme. Mönö uru böñjöh malme.” Mewö.

Keu memba angetka Antiokia siti yeñön söñgaiget.

³⁰ Kimbi mewö ohoba melaim engigetka anget. Köna anda geba Antiokia sitinöh angotket. Angota urumelen könagesö köl öröm engigetka tokoget. Tokogetka kimbi mi engigetka oyongget. ³¹ Mi oyonggetka miangöra amqeba urukölalep möta söñgaiget. ³² Judas Sailas yetkôn nanñirak kezapqetok azia mala gorö keu gwötpuk engiba urugö nangönanjö keu jiba mem köhöim engiyohot. ³³ Mem köhöim engiba nalö tosatni miangören toroqeba malohot. Malohot teköiga urumelen alaurup yeñön “Luaibuk anmahot,” jiba melaim etkiget. Jerusalem malohotka melaim etkigeri, Judasnöh mönö yengören lilingöyök. ³⁴ (-)†

³⁵ Pol aka Barnabas yetkôn toroqeba Antiokia sitinöh mala ambazip tosatni gwötpuk yembuk Kembugören Buña keu kusum engiba urunini kunjum engiba malget. Mewö.

Pol aka Barnabas yetkôn deñnohot.

³⁶ Mewö malgetmö, nalö tosatni teköiga Polnöh Barnabasgöra kewö jiyök, “Netkôn taon miri pakpak liliköba Kembugören Buña keu jim asariba maliri, mönö miangören lilingöba urumelen alaurupniran denöwö maljei, mi ölop anda eka mötpit.” ³⁷ Mewö jiiga Barnabasnöh Jon qetñi alañi Mak qetkeri, i mewöyök wañgita mohotñe anbingö mörök.

³⁸ *Mewö mörökmö, Jonöh mutuk Pamfilia taonöh löwöriba etkömosöta yetpuk toroqeba nup qahö meyök. Miangöra Polnöh i wañgita anbingö möri qahö dop kölök. ³⁹ Qahö dop kölīga angururuk aka uruniri könöp jeiga deñnohot. Deñda Barnabasnöh Mak wañgita geba wañgenöh öñgöyohotka opo seri öröba möröreñgögetka luhutnöh nanjöi gölme jölannji Saiprus miangören anohot. ⁴⁰ Anohotmö, Polnöh azi qetñi Sailas meköiga urumelen alaurup yeñön Kembugö böröñe al etkiba kalem möriamñan sel jöhöm etkimapköra jigetka mosöta anohot. ⁴¹ Anda mala Siria aka Silisia prowins yahöt mi kutuba liliköyohot. Liliköba Polnöh urumelen könagesöñi könagesöñi engeka mem köhöim engiba malök. Mewö.

16

Timotinöh Pol aka Sailas yetpuk toroqeyök.

† 15:34: Tosatñan toroqeba jabö v 34 kewö alje: Lilingöyökmö, Sailasnöh keunji jöhöba toroqeba miangören malök.

* 15:38: Apo 13.13

¹ Polnön liliköba anda mala taon qetñiri Derbe aka Listra miangören angorök. Listra angota miangören gwarek kun qetñi Timoti miwikñaiyök. Namñan Juda urumelen ambia ahökmö, iwiñan Grik azia. ² Polgö azi alaurupñan Listra aka Aikoniam malgeri, yeñon Timotigö könañi jim ölöwaka jiget mörök. ³ Mewö jiget möta wañgiri mohotñe anmamgö mörök. Mi mörökmö, Timotigö iwiñan Grik azia malöhi, mi körekñan möt teköget aka miri gölme miangören Juda ambazip gwötpuk malget. Miangöra yeñon Pol jim wañgibepuköra Timoti wañgita Anutugö aiwesökñi sileñe yandiyök. ⁴ Yandiiga anda taon aka miri dop angotkeri, miangören Jerusalem mindimindiri totokogö keuñi jiget. Aposol aka Jerusalem urumelen könagesögö jítñememe yeñon keu jöhöm köhöigeri, mi wuatangömegöra jim kutum engiget. ⁵ Mewö lilikögetka Jisösgö könagesöñi könagesöñi miri dop malgeri, yeñgö mötnariññinan köhöiyök. Mewö köhöiba Buña keu jigetka tosatñan uruñini melenñda wehön dop kam toroqetgetka kambuñinanğö jañğöñan qariba öñğöyök. Mewö.

Anutunöñ Pol gaunöñ kutum wasöriga Yurop anget.

⁶ Liliköba mala “Eisia prowinsnön anda Buña keu jim asaribin,” jigetmö, Uña Töröñan sonğo ala anğön köl engiyök. Miangöra yeñon toroqeba anda Frigia aka Galesia prowins yahöt mi öne kutuba etkoñgita anget. ⁷ Anda mala Misia gölme görañe angota Bitinia prowinsnön angotpingö mötketmö, Jisösgö Uña Töröñan miangören anmegö urumohot qahö ahök. ⁸ Urumohot qahö aiga mosöta anda Misia gölme öne kutuba köwet jítñe geba Troas taonöñ angotket. ⁹ Troas angota sunğem gaun ahögetka Anutunöñ Pol kutum wasöriga imut kun kewö ehök: Yurop azi kunñan Masedonia likepñe kinda ohola kewö jiba köuluköm wañgiyök, “Gi mönö köwet kutuba Masedonia gölmenöñ kaba bauköm neñgiman.”

¹⁰ Polnön jemelen imut mi ehiga nini miangö könañi kewö möt kutuba jiin, “Anutunöñ mönö neñgohola köwet kutuba Yurop uruñe anda Ölöwak Buña Masedonia prowinsnön jim asarim engibingöra jiza.” Mewö jiba miangörenök mosöta anbingö mötmöriba amqein. Mewö.

Filipai ambi Lidianöñ uruñi meleñnök.

¹¹ Neñon amqeba geba wañgenöñ öñğöinga opo seri öröba möröreñğögetka luhutnön nañğöi Troas siti mosöta anda diñdiñanök Samotres gölme jölanñe angorin. Angota ahöba miri gianjiiga toroqeba anda Neapolis sitinöñ angorin. ¹² Miangören angota wañgenöhök eta köna anda Filipai sitinöñ angorin. Rom ambazip yeñon mönöwök kaba Filipai siti mi memba miangören malmal tatatñini algetka Masedonia prowinsgö siti ketañi ahök.* Nini Filipai angota wehön tosatñi miangören malin.

¹³ Miangören mala Sabat kendonöñ siti kiripo yaigepñe anin. Miangören anda Juda yeñon o sakñe tokoba Anutu köulukömakzei, mewö mötmöriba geba rowonqeqe kunöñ anin. Anda ambi tokoba tatkeri, i engeka tata eraum möta Anutugören Buña keu yeñgöra jiinga mötket. ¹⁴ Mötkeri, yeñgö sutñine ambi kun qetñi Lidia malök. Yañon Taiataira sitinöhök Filipai kaba opo pisikñi gugakgugak aködamunñambuk tokoba bohonñi memegöra ala malök aka Anutu waikñi memba möpöseiba malök. Kembunöñ uruñi mem amqeiğa Polnön keu jiyöhi, miangöra sihimñan ahui kezap ala möta anğön kölök. ¹⁵ Anğön köli nanñi aka saiwaurupñi o melun mem engiinga qesim neñgiba kewö jiyök, “Inini nöñğöra ‘Kembu möt narizal,’ jize ewö, mönö ölop kaba nöñğö mire öñğöba tata nene namba ahöme.” Mewö jiba kapañ köla qesim neñgiyök. Mewö.

Pol Sailas yetkön kösö mire tarohot.

* **16:12:** Masedonia prowinsgö siti bohonñi mi Tesalonaika. Distrik mutukñanğö siti bohonñi mi Amfipolis aka siti keta bölökñi kun Filipai. Rom yeñon Filipai mi Itali ewö galöm köl engiget. Grik miri tonji yeñon nanñine gölmenöñ kian ewö aka malget.

¹⁶ Nini nalö kunöñ köuluk rowoñqeqeñe gebingö köna namñe aninga welenqeçe ambi kunöñ miwikñaim neñgiyök. Ambi mi andö lawönñambuk mala ambazip könañini aukñe jim miwikñaimangö mörök. Mi möta kezapqetok keu asambötñi jim miwikñaiaba mewö mianñon moneñ yuai mi gwötpuk öröba mali tourupñi yeñgö böröñine geyök. ¹⁷ Yañon Pol aka nini neñgeka neñgö andönine kaba kewö jiba qerök, “Azi kienñon Anutu öngöñgöñi ketañangö welenñi qeba Suepkö buñaya akingö könañi jim asarim eñgimakze.” ¹⁸ Mewö jiba sömañi gwötpuk qeta malök. Mi malökmö, Polnöñ tököba mianñora sihimbölo mörök. Mi möta nalö kunöñ lilingöba ömeñi kewö jim kutum wañgiyök, “Ni Jisös Kraistkö qetñe jizal: Gi mönö ambi kianñgö uruñeyök kota anöñ.” Mewö jim kutum wañgii mianñgöreñök kota mosöta anök.

¹⁹ Mi anökmö, ambi tourupñan mi möta moneñ yuai öröbingö könañi jöpköyöhi, mi miwikñaiaba irimñini seholyök. Irimñini seholyiga Pol Sailas etkömembra jöhöba maket sombemñe öröm etkiba galöm azi yeñgö jeñine etkuangita anget. ²⁰ Etkuangita anda keu jake galöm yeñgö jeñine al etkiba silenñire keu kewö ala jiget, “Nini siti kianñgöreñ luainöñ maljinmö, azi yahöt kietkön kaba enjololon ak neñgimakzahot. Yetkön Juda azia akzahot ²¹ aka Juda silikñini kusum neñgimakzahot. Nini Rom mindimindiri kantrigö tohoñ tonñi akzin. Mianñora nini silikñini mi ölop qahö möt anñon kölbini. Mi memba wuatangöbingö songo ahöi osizin.”

²² Silenñire keu mewö aka jim etkigetka ambazip kambu yeñon mewöyök wahöta mindiriba qetal etkim köhöiget. Qetal etkim köhöigetka galöm yeñon kuñgum eñgigetka sileötañiri öröba munjukunjuratket aka jim kutum eñgigetka arawambu kömbinöñ etkuget. ²³ Gwötpuk etkum teköba kösö mire al etkibingö etkuangita wahibukñon ölopñanök galöm mem etkimapkö jim kutum wañgiget. ²⁴ Mewö jim kutum wañgigetka möta etkömembra kösö miri bibiñe miri uruñi kunöñ anda könyahötñiri ip özöpañ† sutñire ala kösönöñ jöhöba miri uruñi mianñgö nañgunñi yahöt mi ki misigetka tarohot. Mewö.

Kösö miri galömñan uruñi melenñök.

²⁵ Pol Sailas yetkön mewö tarohot. Tata mala sungem bibiñi aiga mianñgöreñ Anutu köuluköba liñet köla möpöseiba malohotka kösö azi körekñan kezap ala mötket.

²⁶ Mewö aketka mianñgöreñök wölañ kenöñ (nañ) ketañi giliga kösö mirigö tandöñi pakpak anjañanñan kölget. Mewö kölgetka mianñgöreñök nañgu pakpak talgetka kösö azi pakpak yeñgö ain tapepñinan (munñamunña) lolohoba erök. ²⁷ Mewö asuhuiga kösö miri galöm yañon gaun uruñeyök wahörök. Wahöta kösö mirigö nañgunñi pakpak tal tekögeri, mi eka jiyök, “Kösö azinöñ an teköze me denöwö?” Mewö jiba mötmöriba jönömñi unduiga bingö sou ketañi mi kupinñeyök öröba nanñi aumangö ahök.‡ ²⁸ Nanñi aumangö ahökmö, Polnöñ paupañ teringöba kewö jiyök, “Nini körekñanök ki tatzin. Mönö nangi silegi öne kude ayuhuman.”

²⁹ Mewö jii möta kiwa wañgimegöra qesii wañgigetka ösumñan kösö miri uruñe anda jönömñi unduiga Pol Sailas yetkö kösutñire anda simin köl etkiyök. ³⁰ Simin köl etkiba kösö mireyök etkuangita eta kewö qesim etkiyök, “Azi ketañi yahöt, ni mönö denöwö akiga Anutunöñ amöt qem niñgiiga letotpilenak?”

³¹ Qesim etkiiga jiyohot, “Mönö urugi melenña Kembu Jisös möt narim wañginöñga gi aka saiwaurupkan mewöyök letota Suepkö buñaya akñe.” ³² Mewö jiyohotka miriñe angetka könyagesöurupñi pakpak yembuk tokogetka Anutugöreñ Buña keu jiyohot mötket. ³³ Jiyohot möta sunñgemgö aua mianñgöreñök etkuangita anda uziñiri sanñonñök. Sanñonñiga mianñgöreñök i aka saiwaurupñi pakpak mi o melun mem eñgiyohot. ³⁴ O melun mem eñgiyohotka etkuangiri nene mire öngöba nene ohoba ala etkiyök. Etkiba nanñi aka saiwaurupñi yeñon körek Anutu möt narigerañgöra sösonñgai aket. Mewö.

† 16:24: Ip özöpañnön könañiri yöhöraköiga osiba tarohot. Imutñi ekñan. ‡ 16:27: Kösö azinöñ ölöñ köliga galömñi mi keu jakeñe ala qegetka salupñe sihimbölo möta kömuzapma. Nanñi gamuñi möta aubawak, mewö amqeba kömumbawak.

Kösö mireyök közöl etkigetka erohot.

³⁵ Miri gianjiiga keu jake galöm (majistreit) yeñön opotöröp melaim engigetka kösö mire kaba kewö jiget, “Azi yahöt mi mönö pösat etkinönga etmahot.”

³⁶ Mewö jigetka wahibuknöñ kaba buzup mi Polgöra kewö jii mörök, “Majistreit galöm yeñön keu kewö alget kaza: Injiri mönö kösönjiri pösatpiga etmahot. Miangöra etköñ mönö dölki mosöta eta luainöñ anmahot.”

³⁷ Mewö jii mörökmö, Polnöñ opotöröp yeñgöra kewö jiyök, “Rom mindimindiri gawmanöñ sel jöhöm netkiba miangö (jimkutukutu) paspot netkigetka maljit. Miangöra yeñön keuniri qahö kewöta jim teköba töndup aukne ambazip jeñine öne lañ arawambu kömbinöñ netkuba kösö mire al netkiget. Mi gamuñambuk. Mewö al netkiget tatziga dölki denöwögöra melaim netkiget öne ölöñ etpirak? Mi qahö dop kölja. Niri qahöpmañöp etpitmö, yeñön mönö nanñinak kaba netkömegetka etpirak.”

³⁸ Polnöñ opotöröp yeñgöra mewö jiiga keu mi memba majistreit galöm yeñgöreñ anda jiget mötket. Mi möta Rom gawmangö (jimkutukutu) paspot memba malohori, mi möta auruba sömbuñini mötket. ³⁹ Sömbuñini möta kösö mire kaba ösöñ susuhuba kelök ala kuñgum etkigetka geyohot. Geyohotka Filipai siti mosötmahotkö ulet etkiget. ⁴⁰ Ulet etkigetka Pol Sailas yetköñ kösö miri mosöta Lidiagö mire anohot. Miangöreñ anda urumelenñ alaurupñiri engeka urugö nanñonangö keu jiba enñgömosöta anohot. Mewö.

17

Tesalonaika nup megetka sesewerowero aket.

¹ Anda mala Amfipolis aka Apolonia siti yahöt mi kutuba Tesalonaika sitinöñ angotket. Siti bohonñi miangöreñ Juda yeñön köuluk mirinini meget kinök. ² Polnöñ ahakmemeni aka malöhi, miangö dop köuluk mirinine öngöba Sabat kendon karöbut miangöreñ yembuk Urumelenñgö Buña Kimbi oyoñda könañi eraum möta malget. ³ Mewö mala Buña Kimbigö könañi jim asariba kewö jiyök, “Anutunöñ areñ ala Amötqege Tonjan sihimbölo möta kömumba kömupnöñök wahötmapkö jiyök.” Mewö jiba miangö könañi Buña Kimbinöhök kondela uruñini kuñguba kewö jiyök, “Azi Jisös jim asarim enñizali, yañön mönö Amötqege Tonji Kraist akza.”

⁴ Mewö jiiga Juda könagesö yeñgöreñök tosatñan möt nariba uruñini melenña Pol Sailas yetpuk toroqeba kinget. Grik ambazip tosatñan Anutu waikñi memba möpöseigeri, yeñgöreñök mewöyök kambu ketanji yeñön yembuk toroqeget aka ambi öngöñgöñi qetbuñanambuk yeñgöreñök gwötpukñan uruñini melenñet.

⁵ Uruñini melenñetmö, Juda ipñi yeñön uruñini seholiiga urunöñ mututqutut möta andöqege aket. Mi aketka injarere ambazip rowoñqeñenöñ lañ malgeri, yeñgöreñ anda azi goñgoñi tosatñi enñömeget. Mi enñömemba mindiriba ambazip kambu uruñini kuñguba öröm enñigetka tokoget. Tokoba lañ qetketka qeburuñ göjupmajup ahuiga siti dop köl teköyök. Lañ qeta luhuba azi qetñi Jeison yangö miri töungöba (töwöngöba) Pol Sailas ambazip kambu jeñine al etkibingöra jarum etkiget. ⁶ Jarum etkigetmö, qahö miwikñaim etkiba Jeison aka urumelenñ alaurup tosatñi jöhöm öröm enñgiba sitigö galömkölköl azi yeñgö jeñine angota kewö qetket, “Yei! Azi gölmeni gölmeni liliköba miri dop uru kuñgum enñigetka kahapmahap aka sohomakzei, yeñön mönö ki mewöyök kayohot. ⁷ Kiangöreñ kayohotka Jeisonöñ i etkömembra anñön köl etkiyök. Ambazip pakpak mienñön kewö jimakze, ‘Azi kun qetñi Jisös yañön kiñ kembunini akza.’ Mewö jiba Rom sisa kinñgö jimkutukutuñi qetala memba eta alakze.”

⁸ Mewö qetketka ambazip kambu aka galömkölköl azi yeñön mötketka uruñinan eta raidimbom ewö siksauk ahök. ⁹ Siksauk aiga Jeison aka urumelenñ alaurup tosatñi kuñguba qesim enñigetka moneñ ala meköm etkiba pösatketka eta anget. Mewö.

Berea angetka Baiböl stadi ala keuñiri kewötket.

¹⁰ Eta angetmö, urumelen alaurup yeñon Pol aka Sailas miangörenek melaim etkigetka mosöta sunjem miri qetji Berea miangörene anohot. Anda angota Juda yengö köuluk mirinjine öngöyohot. ¹¹ Köuluk mirinjine öngöba Buña keu jiyohori, mi sihim ketani möta möt angön kölget. Juda könagesö Berea malgeri, yeñon Tesalonaika könagesö engongita ölop sorokni aket. Keu törörök jiyohot me qahö, mi wehön dop Buña Kimbigö keunöy kewöta oyoñda eraum möta malget.* Silik ölopni mewöni wu-atañgöba Juda ambazip Tesalonaika malgeri, mi luhut al engiget. ¹² Buña keu jiyohotka Juda yengörenek jesöngöñan möt nariba uruñini melenget. Grik ambazip yengörenek mewöyök gwötpukñan Jisös möt narigetka sutjine ambi öngöngöni qetbuñaninambuk mi gwötpuk malget.

¹³ Jisös möt narigetmö, Polnöy Berea miangörene mewöyök Anutugörene Buña keu jim asariba malöhi, miangö buzupñan sehiba Tesalonaika anda Juda jitnememe yengö kezapñine geyök. Kezapñine gei möta wahöta Berea kaba mewöñanök ambazip uruñini esiba kuñguget. ¹⁴ Kuñgugetka urumelen alaurup yeñon mi möta miangörenek Pol melaigetka köwet jitne geyök. Geyökmö, Sailas Timoti yetkö toroqeba Berea malohot. ¹⁵ Azi Pol umbulgeri, yeñon toroqeba wañgita anda Atens sitinöy angotket. Angotketka kewö jim kutum engiiga mötket, “Injini mönö lilingöba Sailas aka Timoti jigetka ösumok nöngörene kamahot.” Keu mi möta mosöta anget. Mewö.

Polnöy Atens sitinöy mala nup meyök.

¹⁶ Polnöy Atens sitinöy tata Sailas Timoti yetkö mamböta mala liliköyök. Liliköba siti mi tandö lopionji lopionji mienön kokolak qegetka köna töwokne töwokne kingetka engeka awöwöliba tembula uruñi könöp jeyök. ¹⁷ Polnöy Juda yengö köuluk mirinjine öngöba Juda kian ambazip aka gölme tonji Anutu waikni memba möpöseigeri, yembuk kinda eraum mötket. Polnöy wehön dop rowonqeqe sombemñini dop anda ambazip miwikñaim engiba yembuk aitonqöba eraum mötket.

¹⁸ Eraum mötketka Epikuros aka Stoik mötmöt jake yahöt mietkörenek böhi tosatñan kaba Polbuk keu siñginji siñginji jiba goranora aka jitnakölik erauget.† Tosatñan toroqeba Polgö keuñi möta kewö jiget, “Mötmöt kitipni kitipni zezengek ewö usunja um jaruba lañ qezaköba mohot yahöt miwikñaim bibihiba memba kaza. Mi memba kaba sesekñai ewö lañ jizapmö, keuñangö ölni wania jimangö mötzawi, mi qahö mötzin.”

Polnöy Jisösgö Buñani jim asariba uruñini kuñguba kömupnöhök wahörök‡ jiyök. Miangöra tosatñan toroqeba kewö jiget, “Bem kianji memba kaba mietkö könañiri jim asariza, miangö tandök ewö akza, ekzin.”

¹⁹ Mewö lañlañ jigetka Pol wañgita maket sombem ketani Areopagus§ miangörene öngöba kaunsöl yengö jeñine alget kini kewö jiget, “Gi mötmöt areñ dölokni aukne kusum neñgimakzani, miangö könañi denöwö? Mi ölop jinöñga mötpin. ²⁰ Göñon kian kantri yengörene keu murutni memba kaba jinöñga kezapnine gei mötzin. Miangöra göhö keu areñgahö könañi mi törörök mötpingö mötzin.” ²¹ Atens tonji aka kian miangörene malgeri, yeñon pakpak öne lañlañ mala mötmöt keu dölokni dölokni ongitgongit aka jiba möta uruñini miangörene ala nalöñini ayuhuba malget. Mewö.

Polnöy Areopagus sombemñöy kinda keu jiyök.

²² Polnöy wahöta Areopagus sombem bibine anda kaunsöl yengö jeñine kinda kewö jiyök, “Atens aziurup, nöñon ki kaba yuai pakpak eka könañini kewö ahöi mötzal: Injini bemurupñini göda ölopni qeba möpöseim engiba malje. ²³ Nöñon liliköba engörene miri

* **17:11:** Berea yeñon Baiböl stadi ölopni alget. † **17:18:** Mötkutukutu böhi qetji Epikuros yañon uruölöwak mötpingö könañi kusum engiyök. Stoik mötmöt jake (akademi) miangö böhiñi qetji Zeno yañon sihim ölopni aka bölöñi qömbököba böñ qeba köhöiba kinbingö könañi kusum engiyök. ‡ **17:18:** Jisös aka Kömupnöhök wahötwahöt keu yahöt mi qahö möt asariba tönpin kinda kewö jiget, ‘Yañon mönö bem azi ambi yahöt yetkö qetjiri mewö qetza.’ § **17:19:** Areopagus miangö könañi mi yarögö bemni qetji Ares yañgö kundunja.

kömbukñi kömbukñi eka miengö sutñine alta kulemñambuk kun miwikñaijal. Mianğören kewö ohoget ahöi ehal, ‘Bem könañi qahö mötzini, yanğöra mein.’ Mianğöra inñini bem kun könañi qahö möta tøndup waikñi memba möpöseimakzei, nöñön mönö yanğö könañi indela jibi mötme.

²⁴ * “Bem Anutunöñ Suep gölme aka yuai pakpak mietkö uruñire ahözawi, mi miwikñaim enğiyök. Yanğön Suep gölmegö Kembuñja akza. Yanğön jöwöwöl jike börönöñ memenñi mianğören qahö tata malja. ²⁵ Yanğön nanñak malmalgö könañi akza. Mi aka neñön gölmenöñ malbinanğöra sile, uña (imut) aka yuai tosatñi pakpak neñgiiga söngörö ösum örömakzin. Mewö neñgimakzawañğöra aka nanñak nene me yuai kungöra qahö osiza. Mianğöra ambazip nini gumohom wañgibingö osizin. Nini böröñinan yuai qahö memba naluk al wañgiin ewö, yanğön mönö qahö kömuma. Yanğön azi tandök qahö malja. Qahö.

²⁶ “Yanğön mutuk azi mohot miwikñaiiga yanğörenök sehiba denđa gwala injañi aka sile tosatñi aka gölmenñi gölmenñi pakpak dop köla maljin. Yanğön nalönini pakpak törörök areñgöm neñgiiga mianğö dop maljin aka miri gölme denike denike ahöm tat ala maljini, mianğö gorañi aka aiwesökñi ala jim kutuiga mianğö dop maljin. ²⁷ Nini mönö Anutu nanñi möt jarum wañgibingöra yuai pakpak mi areñgöba al neñgiyök. Yanğön körek pakpak kösutnneyök maljapmö, tøndup mezañqezañ ala Anutu jaruba mala miwikñabin me qahö? ²⁸ Nanñini Grik mötmöt ambazipnöñ keu kötñi areñgöba ohogeri, yengörenök yahötñan mewöyök keu kötñi kun kewö jiyohot, ‘Ninia kun yanğö gwölönarökurupñi maljin.’

Azi mewöñi kunñan keu kötñi kun kewö ohoyök,

‘Yanğön mönö mem letot neñgiiga yanğö aumñe malmalnini malakzin, könanini anda kamakzin aka ahöm wahötnini ahakzin.’**

²⁹ Keu miengö dop nini mönö Anutugö gwölönarökurupñi mala kösutñeyök kinjin. Kösutñeyök kinjinmö, tøndup yanğö könañi möt sohoba janjuñ akinbuk. Imut ohoho azi yeñön mötmöt qakñe kinda bem kungö tandökñi mötmöröba goul, silwö me köt jamönjin memba urorohoba tandö lopionñi söhöba meñölöba memakzei, yanğön mönö mewö tandök qahö akza. ³⁰ Ambazipnöñ gukmaulem aka jipjap mala kotketka Anutunöñ nalö mianğören ahakmemenñini möt böliiga likepñi qahö melenđa malökmö, nalö kewöñe keuñi indela kewö jiza, ‘Ambazip körek pakpak mirinñini dop tat anjei, inñini mönö uruñini melenđa nöñğören kaget.’

³¹ “Anutunöñ nalö ketañi ali kam kunguma. Yanğön nalö mianğören ambazip gölmenñi gölmenñi pakpak mal anjei, mi tokom neñgiba keunini kewöta törörök jim teköma. Yanğön azi kun keunini jim tekömapköra möwölöhöba jimtekötekögö kukösumñi böröñe alök. Yanğön azi mi mem gulli kömupnöñök wahörögi mewö mianğön kukösumñi ketañi mi ambazip pakpak kondel neñgiiga eka mötzin. Azi kömupnöñök wahöröhi, yanğön mönö jimtekötekö Tonina akza.”

³² ‘Anutunöñ azi kun kömupnöñök mem gulli wahöröhi,’ tosatñan keu mi möta mepaqe-paiköget. Mewö aketmö, tosatñan kewö jiget, “Keu jizani, nini mi kunbuk mötpingö mötzin. Mianğöra gi ölop nalö kunöñ keu mi toroqeba jim tuariman.” ³³ Mewö aketka Polnöñ yengö sutñineyök wahöta enğömosöta anök. ³⁴ Anökmö, tosatñan kaba Jisös möt nariba yambuk toroqegget. Möt narigeri, yengö sutñine Areopagus kaunsöl kambu yengö jitñememe azi kun qetñi Dionisius malök. Mewöyök ambi ketañi kun qetñi Damaris aka tosatñan yetpuk toroqeba möt nariget. Mewö.

18

Polnöñ Korint sitinöñ ani uruñini melenget.

* **17:24:** 1 Kiñ 8.27; Ais 42.5; Apo 7.48 ** **17:28:** Mötmöt azi ketañi Pol yanğön mötmöt jakenñi jakenñi öngöba Grik yengören buk murutñi murutñi oyoñda möt kutuba mianğörenök keu kötñi kötñi amqeba memba aukñe jiyök.

¹ Yuai mi asuhuiga Polnön Atens siti mosöta Grik siti kun qetnji Korint mianğöreen anök. ² Korint anda Juda azi kun qetnji Aqila miwikñaiyök. Aqila yañön Eisiagö prowinsñi qetnji Pontus mianğöreen ahuba könangep mindimindiri siti Rom anda malök. Mianğöreen mali sisa kiñ qetnji Klodius yañön jimkutukutuñi kewö alök, “Juda ambazip inñini mönö körek pakpak Rom siti mosöta denme.” Mewö jiyöhangöra aka Itali kantri mosöta Grik geba nalö mianğöreen Korint kanğorök. Kanğoriga Polnön miwikñaiba i aka anömñi qetnji Prisila yetkören anök. ³ Malmalñiri nañgöbitköra opo koumñi koumñi meyohot. Polnön mewöyök opo seri koum meme asia. Mianğöra yetkören ani nupñini örörön ahöiga yetpuk mala ahöba opo seri koum nup mohotñe meget. ⁴ Memba malgetka Sabat kendon dop köuluk mire öngöba Juda aka Grik ambazip yembuk Jisösgö könañi erauba mesinđa uruñini melenmegöra kuñgum engiba malök.

⁵ Kuñguba mali alayahötñi Sailas Timoti yetkön Masedonia prowinsnöhök kanğorohotka Jisösgö Buñañi nalö dop jim asariba malök. Mewö mala Jisösnön Amötqeqe Tonji Kraist akzawi, mianğö könañi aukñe kondela keu mianñön Juda ambazip uruñini kuñguyök. ⁶ Uruñini kuñguyökmö, Pol tuarenjoñ aka uruqeçe keu töhöreen jim wañgigetka böröñan jeñine kuñguba sölburañi tönjörari eriga kewö jiyök, “Nöñön köpösihit qahö akiga inñini ayuhaba mianğö likepñi mi mönö nöngö qakne albingö osime. Mi nanñinak bisime. Inñini Buña keu qetalgetka nöñön ölop engömosöta merak kinda öngömawi, mianğöreen kian kantri ambazip yengöreen elenđa anmam.”

⁷ Mewö jiba engömosöta köuluk miri görañe azi kun qetnji Titius Jastus yangö mire öngöba malök. Yañön Juda asia qahöpmö, tondup Anutugö waikñi memba möpöseiba malök. ⁸ Görañe anökmö, köuluk mirigö galöm qetnji Krispus aka yangö anöm-moröñi yengön körek uruñini melenđa Kembu möt nariget. Mewöñanök Korint ambazip tosatñi Polgöreen keu mötkeri, yengöreenök gwötpukñan Jisös möt nariba uruñini melengetka o melun mem engiget.

⁹ Polnön sunğem kunön gaun ahöiga Kembunön kutum wasöriğa imut ehiga kewö jii mörök, “Gi keñgötki kude mötmanmö, Buña keu mönö köhöiba jiba malman. ¹⁰ Siti kianğöreen ambazip kambu gwötpuk yengön nöngö buñaya akze. Mianğöra nöñön göbuk malbiga kunñan yuai kun qahö könahiba mem bölim gihima.” ¹¹ Mewögöra Polnön nalöñi mem köriba yengö sutñine (yara) yambu mohot aka köiñ 6 mianğö dop mala Anutugöreen Buña keu kusum engimalök.

¹² Kusum engimalökmö, Rom yengön azi Galio kuñgugetka Akaia prowinsgö kiap gawönö malöhi, nalö mianğöreen Juda jitñememe yengön mindiriba Pol tuarenjoñ ak wañgiba öröba keu jakeñe al wañgiget. ¹³ Keu kewögöra al wañgiget, “Azi kianñön ambazip enjololöñ ak engimakza. Rom yengön jimkutukutuñini alget ahözawi, yañön ambazip köna mi qösököba Anutugö waikñi memba möpöseimegöra uru kuñgum neñgimakza.”

¹⁴ Keu mewö silene ala jigetka Polnön keu jimamgö aiga kiap gawönö Galio yañön Juda ambazip yengöra jiyök, “Juda ambazip engö sutñine kunñan azi qei kömumbawak me pinjit bölöñi kötökñi kun akawak ewö, mianğöra nöñön ölop keuñini kezap ala mötpileñak. ¹⁵ Mimö, engö sutñine mötnaripkö keu asuhuiga qet murutñi murutñi qeta anğururuk aka jimkutukutuñini denöwö akñei, mi mönö nanñini lömbötñina. Nöñön yuai mewöñi mi kewöta jim tekömamañgö dop qahö akzal.” ¹⁶ Mewö jiba keu jakeñeyök enğuatangöiga etket. ¹⁷ Eta nanñinök mindiriba mohotñe luhuba köuluk mirigö galöm qetnji Sostenes mi qeraköba memba kaba keu jakeñangö köna numbuñe ala qeget. Qegetka kiap gawönö Galionön mi eka mianğöra möriğa ölni kun qahö ahök. Mewö.

Polnön nanñi miriñe Antiokia sitinön liliñgöyök.

¹⁸* Polnön tondup toroqebe Korint sitinön silim gwötpuk malök. Mal teköba urumelen alaurupñi yaizözkök keuñini jiba engömosöta Prisila aka Aqila etkömembra köwetnön geba

* 18:18: Jan 6.18

wanğegöra mamböta tatket. Mutuk Anutugö jeñe kewö jiyök, “Nöñön Anutugö nupñi pöndañ kapan köla memam.” Keu mewö jiba mi jöjöpañ keunöñ jöhöba malök. Nalö mi teköiga köwetnöñ miri qetñi Senkria miangöreñ geba jöjöpañ keuñangöra jiiga nörop jupñi mitiget. Wanğe kun Siria prowinsnöñ anmamgö ahöhi, mi miwikñaiba miangöreñ öngöba opo seri öröba mörörengögetka luhutnöñ nangöi anget.

¹⁹ Anda Efesus taonöñ angota Polnöñ Prisila aka Aqila etkömosörökmö, nannak köuluk mire öngöba Juda yembuk Jisösgö könañi eraum mötket. ²⁰ Eraum möta kewö qesim wanğiget, “Gi ölop nalö köröpñi nembuk malman.” Mewö qesim wanğigetmö, Polnöñ miangö urumohot qahö ahök. ²¹ Miangöra yaizözkök kewö jiyök, “Anutunöñ miangö On! jima ewö, mönö ölop lilingöba engöreñ kamam.” Mewö jiba wanğe kunöñ öngögetka opo seri öröba mörörengögetka luhutnöñ nangöi Efesus mosöta anget.

²² Anda taon kun qetñi Sisaria miangöreñ angota wanğe mosöta gölme köna Jerusalem öngöyök. Öngöba lilingöba urumelen könañesö jölöñini jiyök. Mi jiba tata wahöta geba Antiokia sitinöñ anök. ²³ Antiokia sitinöñ anda mali sonda tosatñi teköiga engömosöta könanöñ anök. Könanöñ anda Galesia aka Frigia prowins yahöt mi onğita miri dop liliköba gwarek pakpak engeka köl gulim engii köhöiget. Mewö.

Apolosnöñ Efesus aka Korint nup meyök.

²⁴ Nalö miangöreñ Juda azi kun qetñi Apolos mi Efesus kayök. Apolos yañön Ijptkö taon qetñi Aleksandria miangöreñ ahuba mala mötmöt mire öngöi teköiga Buña Kimbi Walñangö keuñi ölopñanök möt kutuyök. Mi möt kutuba könañi jii keuñi tandökñi miangöra ambazip miri dop sihim gwötpuk möta söngaiget. ²⁵ Kembugö könañi wu-atangöbingö könañi kusum wanğigetka Anutugöreñ köñöp bölamñan uruñe jeyök. Jisösgö könañi törörök diñdiñ kusum engiba Jonöñ o melun mem engiyöhi, miangö könañi ölop möt sölöngöba jiyök. Mi jiyökmö, miangö likepñi kun mosörök. Uña Töröñan melun mem neñgizawi, mi qahö mörök.

²⁶ Yañön kaba köuluk miri uruñe könahiba keu ösum-mumuñambuk jiyök. Jiiga Prisila Aqila yetkön keuñi möta kinda wanğirohotka yetkö mire anget. Anda Anutugö könañi ölopñanök toroqeba jim asariba jiyohotka mörök. ²⁷ Apolosnöñ Grik kantrigö bahöñi qetñi Akaia miangöreñ anmamgö möriga Efesus urumelen alaurup yeñön kötöngöm wanğiget. Kötöngöm wanğiba Akaia gwarekurup yeñgöra kimbi kewö ohoget, “Azi ki mönö köl öröm wanğime.” Apolosnöñ kimbi mi memba Akaia prowinsnöñ anda ambazip Anutugö kalem möriamñi möt asariba uruñini melenğeri, mi gwötpuk bauköm engiyök. ²⁸ Bauköm engiba “Jisösnöñ Amötqeqe Tonj akza,” jiba miangö könañi mi Buña Kimbigö keuñi keuñi oyonda miangön kondel engii mötket. Juda yeñön keu mi möta jitnakölik aketka goranora (noragora) ahuyökmö, Apolosnöñ Anutugö kukösum qakñe kinda keuñini aukñe qeapköiga etket. Mewö.

19

Polnöñ Efesus mala nup meyök.

¹ Apolosnöñ Korint sitinöñ maliga Polnöñ Antiokia siti mosöta prowins tosatñi* onğita mala mala köwet görañe Efesus sitinöñ anğorök. Angota miangöreñ gwarek tosatñi miwikñaiba engehök. ² Engeka kewö qesim engiyök, “Injini möt nariba uruñini melenğeri, Uña Töröñan mönö nalö miangöreñ uruñine geyök me qahö?” Mewö qesim engiiga kewö melenğda jiget, “Uña Töröñan maljawı, nini miangö keuñi qahöpmahöp mörin.”

³ Melenğda jigetka kewö jiyök, “Injini mönö wani o melun mem engigerawa malje?” Mewö jiiga melenğet, “Nini Jonöñ o melungöra jiba malöhi, mönö mi mem neñgiget mein.”

* **19:1:** Gölme mi nalö kewöñe kantri qetñi Töki (Turkey) miangö uruñe ahöza.

⁴ *Mewö melengetka Polnön jiyök, “Jonön Jisösgöra keu jiba ambazip kambu urunini kunguiga kewö mötket, ‘Nöngö andöne azi kun kamawi, injini mönö i möt nariba urunini melenget.’ Mewö jii möta urunini melenjeri, Jonön i o melun mem engiba malök.”

⁵ Mewö jii mötketka Polnön Kembu Jisösgö qetne o melun mem engiyök. ⁶ Mem engiba böröni nöropñine aliga Unä Töröñan urunine geiga kantri tosatñangö keu murutñi murutñi könahiba jiba kezapqetok keu jiget. ⁷ Azi mi mindiriba 12 miangö dop malget.

⁸ Polnön köuluk mire öngöba kinda Anutugö bemtohoñangö könani eraum möta awösamakak kinda suahö ewö urunini kungui keunji qeapköbingö osiba malget. Mewö malgetka köiñ karöbut teköyök. ⁹ Qeapköbingö osigetmö, tosatñan yangisen aka qahö möt nariba Kembugören könani aukne jim böliba ambazip jeñine luasö jiba kinget. Mewö jiba kingetka Polnön kewöta menden engiba engömosöta gwarekurupñi enjuañgiriga tikep anget. Tikep anda azi qetñi Tiranus yangö qenjarök mötmöt jakenön silim dop (aua 5 tokoba) kusum enjiiga eraum-mötmöt aka malget. ¹⁰ Mewö aka malgetka Kembugö Buña keunjan sehiiga (yara) yambu yahöt teköyök. Mi teköiga Buña keu mi Eisia prowins uruñe miri tonji aka Juda ambazip pakpak yengö kezapñine gei möt teköget. Mewö.

Sewa nahönurupñan öme közölböngö osiget.

¹¹ Anutugö kukösumñan Polgören angoriga nup memba böröni ambazip nöropñine ali Anutunön angöletot murutñi murutñi meiga asuhuget. ¹² Mewö mali ambazip kawöl engöhöi malgeri, tosatñan Polgö sileneyök nöngöp mitimiti aka opo jöhanñi tosatñi mewöyök memba anda kaba qakñine algetka kawölñini engömosöri ömenjini kota angetka ölöwaket. ¹³ Juda sile galöm tosatñan liliköba öme enjuañangöba anda kaba malgeri, yeñön mewöñanök könahiba ömenön kölköljinjin mem engigeri, yengö qakñine Kembu Jisösgö qetñi qeta ösumñi köi öböngö esapköget. Esapköba kewö jiget, “Polnön Jisösgö qetñi qeta uru kungum neñgimakzawi, nöñön mönö Kembu miangö qetne öme kota kesalmegöra jim kutum engizal.” ¹⁴ Jisösgö qetñi mewö qetkeri, yengö sutñine Juda jike nup galöm bohonñi qetñi Sewa yangö nahönurupñi 7 yeñön mewöyök malget.

¹⁵ Yeñön ömewöröme kun mewö jim kutum wañgigetmö, yanön melenđa kewö jim engiyök, “Ni Jisös möt wañgizal aka Pol möt wañgizalmö, injini mönö niñia?”

¹⁶ Mewö jim engiba azi uruñe kinöhanön mönö luhuba qakñine öngöba qeraköba engömeyök. Mewö körek pakpak luhut ala yayapaleleñ mem engiba silenjini kutumu-tuba opo malukuñini munjukunjurariyök. Munjukunjurariga nanñik nanñik silenjine sepgwörörök eta kini tököba kesala miri uruñi mi mosöta silenjini gwamönñi aukne eta angaiget. ¹⁷ Mewö asuhuiga Juda kian aka gölme tonji Efesus malgeri, körek yeñön miangö buzupñi möta gwötpuk auruba awöwöliget. Awöwöligetka tosatñan Kembu Jisösgö qetñi kapan köla möpöseigetka aködamunñambuk ahök. ¹⁸ Möt nariba urunini melenjeri, yengörenök gwötpukñan anda siñgisöndokñini indela jim kölenget. ¹⁹ Tosatñan qarösongo amötqeqe memba malgeri, yengörenök gwötpukñan buk papiañini memba kaba tokoba ambazip pakpak yengö jeñine kinda aukne könöpnön gilget jeyök. Buk papia miengö söngörönjini oyonda mindirigetka mindimindiri jañgönjini mi silwö moneñ (Kina) 50.000 miangö dop ahök. ²⁰ Tandök mewö aketka Kembugö Buña keunjan mönö ösum-mumuñambuk sehiba köhöiba anök. Mewö.

Polnön nupñangö areñi alök.

²¹ Yuai pakpak mi asuhum teköiga Unä Töröñan Pol sölölohöm wañgii keunji jöhöba kewö jiyök, “Ni köwet kutuba Grik kantrigö likepñi yahöt Masedonia aka Akaia miangören liliköbi teköiga mosöta Jerusalem sitinön anmam.” Mewö jiba toroqeyök, “Miangören anda tata Jerusalem mosöta Rom siti mewöñanök anda ekñam.” ²² Mewö jiba neñakñi yahöt Timoti aka Erastus melaim etkiiga Masedonia anohotka nanñak toroqeba nalö tosatñi Eisia prowins uruñe malök. Mewö.

* 19:4: Mat 3.11; Mak 1.4, 7-8; Luk 3.4, 16; Jon 1.26-27

Efesus yeñon bim karim aket.

²³ Efesus sitinon Kembangoren kona wuatangögetka miangöra nalö miangören enololon göjupmajup keta bölökni asuhuyök. ²⁴ Silwö nup meme azi kun qetni Demetrius yanon silwö ohoiga kolkolgöiga qekötahöba bem ambi qetni Artemis yangö jöwöwöl jikegö dop imut morömorö memba malök. Mi meiga bohonni memba malgetka monen ongöngöni öröi kölköl-örörö alaurupnan mendenä meget. ²⁵ Megetka Demetrius aka kambu tosatnan nup mewöni memba malgeri, mi mohotne engoholi kaba tokogetka kewö jii mötket, “Azi alaurup, nini nup ki meinga bohonni ölopni asuhuba kamakza, mi mötzin. ²⁶ Mi mötzinmö, Pol azi mianon Efesus kiangören kangota ambazip urunini esiba ki aka Eisia prowins pakpak dop köla ambazip kambunji kambunji kungum engii janjun akzei, mi nalö kewöne ölop eka mötze. Yanon kewö jimakza, ‘Bem börönönj memenji mi bem ölnji qahö.’

²⁷ “Mewö jiba maliga nini kölköl-örörö nupnini memakzini, miangö qetni mem bölii jijiwilit akepukö urulömböt akza. Aka miyöhök qahöpmö, urulömböt kun kewö ahöza: Ambazip pakpak Eisia prowins urune aka gölmenji gölmenji pakpak miangören bem ambi ongöngöni Artemis waikni memba möpöseimakzei, yangö bem qetbunanji ketanjan ayuhuba osumnan etpapuk aka jöwöwöl jikenangö qetnan böliba ambazip jenine eta omanji akapuk. Urulömböt mewö ahöza. Miangöra waيمانjat möta keu ki jizal.”

²⁸ Demetriusnönj mewö jiiga sungurum alaurupnan mi möta irimnini seholiiga kewö jiba qet gigilahöget, “Efesus nengören Artemis mi ongöngöni!” ²⁹ Qet gigilahögetka enololon göjupmajup mianon sehiba sehiba siti körek dop kölok. Mewö aiga Masedonia azi yahöt qetniri Gaius aka Aristarkus Polgö sungurumyahötñi mi qeraköba etkömembra örörahöm etkiba qezakqezak mirinönj anda totoko alget. ³⁰ Totoko algetka Polnönj mewöyök ambazip kambulelembe yangö sutñine anmamgö mörökmö, urumelenj ambazipnönj i angön köl wanjiget.

³¹ Eisia prowinsgö galömkölköl azi tosatnan Polgö alaurupni akeri, yanon mewöyök kolek ala kewö ulet wanjiget, “Qezakqezak mirinönj totoko aljei, gi mönönangi miangören kude kondel engiman.” ³² Totoko algeri, miangören ambazip gwötpuknan kinda tokogerangö konanji kun qahö mötkerangöra nannik nannik lanlan qet gigilahöba siksauk enololon ketanji megetka sehiba anök. ³³ Mewö ani Juda yanon azi qetni Aleksander kunguba nangögetka kambu yanon öröba kona algetka qaikne eu ongöba kinök. Ongöba kinda ambazip jemesoholñine keu likepni meköba jimangö möta börö pözön misiba aiwesök mem engiyök.

³⁴ Aiwesök mem engiyökmö, Juda azia akzawi, mewö möt kutuba miangörenök numbunini mindiriba köreknan konahiba keu kewö qetket, “Efesus nengören Artemis mi ongöngöni!” Mewö qeta mala aua yahötkö dop silata qeta kinget.

³⁵ Qeta kingetka siti pomnan ambazip kambu urunine memba eta ali görönj algetka kinda kewö jiyök, “Efesus ambazip, nini nanine siti kiangören Artemis ongöngöni mi möpöseiba maljin. Nini yangörenj jöwöwöl jike aka köt imutni kömbukni Suepnöhök eröhi, mi galöm köla maljin. Keu mi inini körek ölop mötze. ³⁶ Mi kunnan qan kölmawangö dop qahö. Miangöra inini mönönj urunini ösönj memba eta ala bönjönj malme. Kezapjupjup yuai kun kude akne. ³⁷ Azi ki jöwöwöl jikenönj ongöba yuai kun qahö kiom qeba mem böliyohot. Bem ambinini qahö ilit wanjyohot. Inini tönkup i etkuangitketka ki kinjahot.

³⁸ “Demetrius aka yangö kölköl-örörö alaurupnan tosatni yembuk angururuk aka keu jim angubeak ewö, kiap mönönj ahöze aka keu jakegö totokonji totokonji mi keu mindingöbingöra alakze. Miangöra mönönj ölop miangörenj anda keu jakeñe al anguba arönj kingetka dop köлма. ³⁹ Inini yuai kun toroqeba jibingö mötpeak ewö, siti kiangö tonjan mönönj ölop könagesö öröm engiiga qenjarök sombemnönj tokoba keu kewöta jim teköme. ⁴⁰ Merak enololonj göjupmajup ketanji ki konanji qahöpmö, tönkup imbisölöm

asuhuzawi, mi Rom gawman yeñon möta kewö jibepuk, ‘Efesus yeñon Rom mindi-mindiri gawman qetala bim karim akze.’ Mewö jiba keu jakene al nenjibepuk. Mianjö urulömbötñi akza, mi mötzal. Keu jakene al nenjiba karim kianjö könananjöra qesim nenjibeak ewö, nini mönö likepñi gagabe köla jibinanjö dop qahö mötzin.”⁴¹ Efesus siti pomñan keu mewö jiba ambazip kambu könden enjiiga söörauba denja anget. Mewö.

20

Polnöh Masedonia aka Grik anda nup meyök.

¹ Efesus mianjören göjupmajup mianjön söörauba teköiga Polnöh gwarekurupñi engholi kagetka urugö nanjönangö keu qambañ enjiba yaizökzök jiba enjömosöta Masedonia prowinsnöh anök. ² Masedonia anda gölmenji gölmenji kutuba liliköba mianjören qambañ keu gwötpuk jiba mala Grik kantrinöh kayök. ³ Grik kaba köin karöbut malök. Mi mal teköiga wanje memba köwet kutuba Siria anmamgö mörök. Mewö mörökmö, Juda jitnememe yeñon könanöh qebingö anjönani algetka kezapñe gei mörök. Mi möta mianjöra Masedonia prowins kutuba gölme köna miriñe lilingömamgö keuni uruñan jöhöyök.

⁴ Keuni jöhöi sunğurumurupñi kewöñan yambuk anget: Berea azi qetñi Sopater Pirusgö nahönñi, Tesalonaika azi qetñiri Aristarkus aka Sekundus, Derbe azi qetñi Gaius, Timoti aka Eisia prowinsgö azi qetñiri Tikikus aka Trofimus. ⁵ Yeñon qeljiñe Troas anda mianjören nenjöra mamböta malget. ⁶ Troas anda malgetmö, Luk ni aka tosatñi neñon beret yistñi qahöpkö kendon mi Filipai sitinöh tarin. Mi tarin teköiga wangenöh öngöinga opo seri öröba mörörenjögetka luhutnöh nanjöi anda wehön 5 aiga Troas yengören anğorin. Troas anğota mianjören wehön 7 toroqeba malin. Mewö.

Polnöh nalö kondikñi Troas malök.

⁷ Wehön 7 malin teköiga Polnöh wehön 8 mianjören enjömosöta anmamgö mörök. Mi möta sunğem kondikñi Sondagie mianjören tokoba Jisös mötmöriba beret mindipköbingöra tarin. Mewö taringa Polnöh yembuk eraum möta keuni jim köriba mali mali sunğem bibiñi ahök. ⁸ Nini miri uruñi kungö qakñe eu öngöba tokoba taringa lambe gwötpukñan jeba asariget. ⁹ Tokoba taringa azi gwabö kun qetñi Yutikus yanön jengenanjöh tarök. Tari Polnöh keu jiba mali möri nalö köriiga gaunñanjö möta ahöba gwörörök öröba könakembayök tala imbiñi qahö möta miri uruñi karöbut onğita gölmenöh geba qeyök. Geba qeiga luhuba geba memba wahöringa kömuyöhi, ehin.

¹⁰ Mewö ehinmö, Polnöh geba kepölaköba jiyök, “Kunbuk söngörö ösum ala guliza. Mianjöra kude awöwöliget.” ¹¹ Mewö jiba kunbuk eröhanjören öngöba beret mindipköba neyök. Nemba yembuk nalö köröpñi keu jiba mala mala miri gianjiigun enjömosöta könanöh anök. ¹² Aniga azi gwabö mi wanğitketka guliba malöhi, mi eka urukölalep ketañi möta anget. Mewö.

Polnöh Troas mosöta Miletus anök.

¹³ Yeñon angetmö, Polnöh nanñak gölme köna anmamgö möta kewö jim kutum nenjiyök, “Inini mönö qeljiñe köwet köna miri qetñi Asos mianjören angetka aitongöba noanğitketka wangenöh öngöbin.” Mianjöra neñon mosöta wangenöh öngöinga opo seri öröba mörörenjögetka luhutnöh nanjöi anda Asos mianjören anğorin. ¹⁴ Asos anğota nembuk aitongöba Pol wanğiringa wangenöh öngöba miri qetñi Mitilini mianjören anin. ¹⁵ Mitilini anda mianjören opo seri kunbuk öröba mörörenjögetka luhutnöh nanjöi anda mala ahöba wahöta gölme jöhanni qetñi Kios mianjö kösutñe anğorin. Anğota toroqeba kutuba anda ahöba wahötagun miri qetñi Samos mianjören geba kunbuk anda ahöba wahöta miri qetñi Miletus mianjören kewögöra anğorin: ¹⁶ Polnöh “Yambu dölökñi (Pentekost) mi esapköba Jerusalem sitinöh tatmam,” jiba nalö ayuhubinbuköra

ösumok anbingö mörök. Miangöra Eisia prowinsnöḡ nalö köröpḡi ayuhubinbuköra möta waḡgenöḡ öḡgöba Efesus siti öḡgitpingö keuḡi jöhöi malin. Mewö.

Polnöḡ Efesus yeḡgöra keu kondikḡi jiyök.

¹⁷ Miletus aḡgoringa Polnöḡ Efesus yeḡgöra kolek ala urumelenḡ köḡnagesögö jitḡememeurup yeḡḡön eta kamegöra köḡl öröm eḡḡiyök. ¹⁸ Köḡl öröm eḡḡii miri qetḡi Miletus miangöreḡ kaḡgotketka eḡḡeka kewö jii mötket, “Nöḡḡön nalö mutukḡi Eisia prowinsnöḡ kayali, miangöreḡök köḡnahiba nalö pakpak embuk mala kota nup meali, iḡḡini miangö tandökḡi öḡöp möt yaköze. ¹⁹ Nöḡḡön Kembugö jeḡe uruni mem et al aḡḡum teköba nupḡi denöwö memba kota malali, iḡḡini mi öḡöp mötze. Nupḡi memba ambazip eḡḡöra sahöta imbilni eriga malal. Juda yeḡḡön uruḡini qahö melenḡeri, yeḡḡön nalö tosatḡi miangöreḡ silenöḡ alal aket aka nuḡḡubingöra areḡ asa-asambötḡi ala malget. Mi ala malgeraḡgöra aka esapesap murutḡi murutḡi miwikḡaiba sihimböḡö möta malal.

²⁰ “Nöḡḡön Buḡa keu mem öḡöwak eḡḡimakzawi, mi jim asarim eḡḡiba malal. Mi qeḡḡarökḡnöḡ tokoba aka miriḡi miriḡi miangöreḡ öḡḡöba kusum eḡḡiba malal. Nöḡḡön miangöra poraiba nup qahö mosöral. ²¹ Nup qahö mosöralmö, Juda kian aka göḡlme toḡi eḡḡöra mewöyök keu köḡḡi kewö naḡḡöba jiba malal, ‘Iḡḡini möḡö uruḡini melenḡa Anutugöreḡ qekötahöba Kembunini Jisös Kraist möt narim waḡgime.’ Iḡḡini mi pakpak öḡöp möt teköze.

²² “Mötket, merak Uḡa Töröḡan ni Jerusalem sitinöḡ anmamgö kuḡḡum niḡḡiza. Miangöreḡ anbi wani yuai asuhum niḡḡimawi, mi qahö mötzal. ²³ Mohok-kun kewö mötzal: Nöḡḡön taon denike denike anda malali, Uḡa Töröḡan miangöreḡ saḡep ala kewö naḡḡöba jii möta malal, ‘Gi möḡö kahasililiḡ möta malnöḡga kösö mire al gihigetka tatman.’ ²⁴ *Mewö jii möta malalmö, muat. Nöḡḡön toroqeba malbilenḡak me kömumbilenḡak, mi keu kun qahö ak niḡḡiza. Mi qahöpḡmahöpḡmö, Kembu Jisösnöḡ nup al niḡḡiyöhi, nöḡḡön möḡö mia mem yakömamgö möt köhöizal. Yaḡḡön nöḡḡöra kewö jiyök, ‘Anutunöḡ kalem möriamḡi ambazip eḡḡimamgö mötzawi, gi möḡö miangö Öḡöwak Buḡaḡi jim asariba malman.’ Miangöra göḡlmenöḡ malmami me kömumami, mi möḡö yuai omaḡi kötökḡi ak niḡḡiza. Ambazip mönahotkö aḡḡit akzei, kuḡḡan miangöreḡ kemaḡe kutuba luhut qahö alma. Nöḡḡön möḡö miangö dop nupḡi memba kemaḡe kutuba mosötḡipilenḡbuköra ösumni pakpakḡan kapaḡ köla anda malmam.

²⁵ “Mewö malmam-mö, mötket, nöḡḡön eḡḡö sutḡine anda kaba Anutu bemtohoḡaḡö köḡaḡi jim asaribi mötkeri, iḡḡini nöḡḡö jesöḡḡöröni mi kunbuk qahö ekḡe. Eḡḡöreḡök kuḡḡan kun qahö nekḡawi, merak mewö mötzal. ²⁶⁻²⁷ Miangöra nöḡḡön iḡḡini Anutugö jitḡi pakpak wuatḡögömegöra jiba uru kuḡḡum eḡḡiba malal. Mi möḡö qahö poraiba mosöral. Miangöra eḡḡöreḡök kuḡḡan kun siḡḡisöndokḡaḡgöra sohoba kömumba köḡöp siaḡöḡ gema ewö, iḡḡini möḡö ni jim niḡḡibingö osime. Nöḡḡön mi merak eḡḡöra aukḡe naḡḡöba jim köhöizal.

²⁸ “Kembunöḡ nanḡi sepḡi mokoba miangön köḡnagesöurupḡi bohönḡini meiga buḡaḡi ak teközei, iḡḡini möḡö i lama ewö galöm köla köyan köḡl eḡḡiba malme. Uḡa Töröḡi yaḡḡön nanḡak nup mi al eḡḡiyök. Miangöra iḡḡini möḡö nanḡini aka Kembugöreḡ lama kambu yeḡḡöra galömḡini mem aḡḡuba malme. ²⁹ Nöḡḡön anbiga miangö andöḡe ambazip kaḡjamḡinambuk mi kiam kaḡḡi ewö eḡḡö sutḡine asuhume. Yeḡḡön asuhuba lama kambu eḡḡöra qahö möta piakḡi aka laḡ kaba eḡḡöhöme, mi mötzal. ³⁰ Nanḡini sutḡineyök azi tosatḡan wahöta kinda Jisös gwarekurupḡan göraḡe anmegöra öröm eḡḡiba muneḡ keu jiba malme. ³¹ Miangöra iḡḡini möḡö uruguliguli mala keu ki uru köḡöḡḡine ala mötmörime: Nöḡḡön (yara) yambu karöbutkö dop suḡgem asak qambaḡ keuḡi keuḡi mi iḡḡini mohot mohot qösösök (qörörök) kusum eḡḡiba malbiga imbilni erök.

* 20:24: 2 Tim 4.7

³² “Nöhön merak injini Anutugö böröje al engiba kewö jizal: Yangö Buña keujan mönö kalem möriamni indela köyan köl engimakña. Anutunöj köhöiba urunini nangöba möhamgöiga ölop köhököhöi miwikñaiba mutulangömakña. Injini Anutubuk lapingögetka alaurupni pakpak tök kutum engiiga sarakni akzei, mönö yengö sutñine angota dum tatatñini memba oyaenköyaen aka malme. ³³ Ni engörenök kungö guli jalö me monen opo mi qahö buña qem angumangö möta malal. ³⁴ Ni aka sungurumurupnan yuaigöra osiba malini, mi mönö nani böröni kianön nup memba miwikñaiba malal.

³⁵ “Mi pakpak aka memba silik ölopni kondel engial. Injini mönö mewöñanök nup memba malme. Mewö mala ambazip löwöriba nup memegö osizei, mi ölop köyan köl engiba malme. Nup megetka ölni ahuiga Kembu Jisösgören keu ki mötmörime: Yanön nanjak keu kun kewö jiyök, ‘Inap yuai buña qem angugetka teköba pömsöm qeiga öne malmemö, tosatni yengöra yuai kalemñina engigetka Anutunöj likepni melenñiga oyaenköyaen akne.’ Mewö.”

³⁶ Polnöj keu mewö jiba eta simin köla körek yembuk Anutu köuluköyök. ³⁷ Köuluköiga körek yenön amburereñ aka urusahöt qeba angum wangiba numbuñi yöhötüm neget. ³⁸ Polnöj mutuk keu kun kewö jii mötket, “Injini nöngö jesöngöröni kunbuk qahö ekña.” Keu mewö möta miangöra wösöbirik öngöngöñi möta kinda wangita wangenöñ öngöba yaizökzök jiba umbulget. Mewö.

21

Polnöj Jerusalem anök.

¹ Yaizökzök jiba nengömosötketka opo seri öröba mörörengögetka luhutnöñ nangöi anda gölme jölanni qetñi Kos miangören göröken diñdiñanök anda angorin. Angota ahöba wahöta toroqeba gölme jölanni qetñi Rodos miangören anin. Miangörenök toroqeba Lisia prowinsgö mirinji qetñi Patara miangören angorin. ² Angota kinda wange kun Fonisia gölmenöñ anmamgö ahiga mi miwikñaiba miangören öngöinga opo seri öröba mörörengögetka luhutnöñ nangöi anin.

³ Anda mala gölme jölanni qetñi Saiprus miangö kösutñe kaba eka mösököba Saut görökenök ongita toroqeba luhutnöñ nangöiga Siria prowins göröken anin. Anda “Wangegö inapni mi Taiö taonöñ anda wangenöhök memba albin,” jigerangöra miangören anin. Miangören anda wange mosöta gein. ⁴ Geba gwarekurup miwikñaim engiba yembuk toroqeba wehön 7 malin. Miangören malinga Uña Töröñan sölölohöm engii Pol Jerusalem sitinöñ anbapuköra galöm meme keu jiget. ⁵ Mi jigetmö, nini wehön 7 mi yembuk malin teköiga engömosöta köna anin. Köna anbin jiinga yenön körek pakpak anöm-moröurupñinambuk nengubula taon mosöta sileñe kaget. Taon sileñe kaba köwet sakña eta simin köla Anutu köuluköin. ⁶ Köuluköba yaizökzöknini jim anguinga Jerusalem anbingöra wangenöñ öngöinga yenön mirinñine lilingöget.

⁷ Pol aka nini yangö sungurumurupñan mewö Taiö mosöta toroqeba anda miri qetñi Tolemes miangören angota wange mosörin. Wange mosöta urumelen alaurup jölöñini jiin aka yembuk wehön mohot malin. ⁸ *Mala ahöba wahöta engömosöta gölme köna anda Sisaria taonöñ kangorin. Jerusalem urumelen kambu uruñe urukungukungu azi (ewanjelis) sewen meköm engigeri,* yengörenök kun qetñi Filip yanön Sisaria malök. Neñön Sisaria kangota yangö mire anda tata ahöin. ⁹ Filipkö böraturupni 4 malget. Anutunöñ ambi seram miengö uruñine kezapqetok keu jijigö mötmöt kalem aliga malget.

¹⁰ *Neñön Sisaria taon miangören wehön gwötpuk toroqeba malin. Miangören malinga Juda prowinsnöhök kezapqetok azi kun qetñi Agabus erök. ¹¹ Nengören eta Polgören

* **21:8:** Apo 6.5; 8.5 * **21:8:** Aposol nup meme boñ 6 miangören azi 7 mi meköm engigetka nangönanjö nup aka ewanjelis nup mi mindiriba meget. * **21:10:** Apo 11.28

örigit memba mianjon nanni kona böröni jöhöba kewö jiyök, “Uña Töröjan kewö jiza, ‘Juda jitnememe yejon örigit kiangö toni mi Jerusalem sitinon kewö jöhöba kian kantrigö galöm† yejög böröjine alme.’ ” ¹² Mewö jii möta nini aka urumelen alaurup miangören malgeri, yejon mohot Polnön Jerusalem anhapuköra uleta qetal wanjiin. ¹³ Qetal wanjiinga kewö melenja jiyök, “Inini mönö denöwö akze? Sahöta keu jiba mewö mianjon uruni munjuritze. Nöjon Jerusalem anbi gwaröhöm niingimegöra jöjörözal aka miyök qahöpmö, Kembu Jisös qetjanögöra aka nunjugetka kömumbilenjak, nöjon mönö miangöra mewöyök jöjöröba kinjal.”

¹⁴ Mewö jiiga mölöwörim wanjibingö osiba urunini bönjön köliga kewö jiin, “Mi mönö Kembugö jitsihitjanögö dop asuhuma.”

¹⁵ Sisaria taonön malin nalö mi teköiga amgöba mözözmögöba engömosöta anda Jerusalem sitinon öngöin. ¹⁶ Sisaria miangörenök gwarek tosatjan mewöyök nenjögö köinini kaget. Kaget yejon kewö jiget, “Inini Saiprus azi qetji Nason yangö mire ahöba malme.” Mewö jiba nenjuangita yangö mire anin. Nasonön mutuhök urunji melenja Jisösgö gwarekji aka mala korök. Mewö.

Polnön Jerusalem sitinon kanjörök.

¹⁷ Nejon Jerusalem angoringa urumelen alaurup yejon nenjomemba söngaiba jölönjini jiget. ¹⁸ Jölönjini jigetka ahöba wahöta Polnön nembuk bisop Jeims ekingö möta anin. Aninga urumelen könagesögö jitnememe yejon körek pakpak miangören kanjögota tatket.

¹⁹ Tatketka Polnön jölönjini jiba kösohotji alök. Anutunön köiput aka nam köl nenjiiga kian kantri yejögö sutjine anda liliköba misin nup meinga ölni ahuyöhi, miangö kösohotji mesinda mohot mohot mi körekjanök jii mötket. ²⁰ Mi jii möta Anutu möpöseigetka azi ipni kunjan kewö jiyök, “Pol alanini, Juda ambazip tausenni tausenni yejon Jisös möt nariba urunini melenja töndup körek pakpak toroqeba Mosesgö Köna keu mi törörök wuatangöbingö kapan kölje. ²¹ Mewö kapan köljemö, göhö buzupki mi kewö lan jiget mötket, ‘Juda ambazip denja kian kantri yejögö sutjine anda maljei, göjon liliköba i kewö kusum engiba maljan, jimakze, “Inini mönö Mosesgö kona keu andö qeba Anutugören aiwesök mi azi morosepsep silenine kude yandime aka Juda ahakmeme tosatji mi kude wuatangöme.” ’

²² “Mi jimakzeangöra aka göjon kazani, yejon mi möta miangörenök öröba kambu ketani köla tokobeak. Miangöra nini waimanjat möta mönö denöwö ahinga dop kölbawak?

²³ *Miangöra nejon döлки keu göhöra jibini, göjon mönö miangö dop akjan. Azi 4:nan yuai akingö keunini Anutugören jiba jöjopa keunön jöhöget. ²⁴ Mi keunön jöhögetmö, monengöra osiba mamböta sutnine ki malje. Miangöra göjon mönö i engömemba yembuk köl könjörat ak anguba yejögöra aka naluk alnonga dop köli ölop nörop jupjini mitigetka keunini köhöima. Göjon mewö aka Mosesgö Köna keu tem köla wuatangöba maljani, körek pakpak göhö könanangi mi törörök eka möt asarime. Mi möt asariba göhöra keu jiget mötkeri, mi ölni kun qahö miwiknaigetka omani aiga kömuma. ²⁵ *Göhören keu kömumapmö, kian kantri yejon Jisös möt nariba urunini melenjeri, nejon yejögöra keu kewö jöhöba kimbi ohoba alin anök, ‘Sömbup busunji bem lopion yejögö naluk buja qeba könanine algetka ösumjanan walöjnöhi, mi mönö kude neme. Mewöyök sep me sömbup jöljini qejenji miangö busunji mi kude neme. Serowilin kude akje. Yuai kanjamnambuk 4 mi mönö mosöta andö qegetka dop kölma.’ ”

²⁶ Jitnememe yejon mewö jigetka Polnön azi 4 mi engömemba ahöba wahöta yembuk köl könjörat ak anguget. Ak angugetka jöwöwöl jikenön öngöba azi mohot mohot engöra naluk ala jöwöwöl ohogetka köl könjörat nalöjini tekömawi, miangö nalö buzupji jii mötket. Mewö.

† 21:11: Kian kantri yejögö böröjine alget, mi Rom gawman yejögöra jiza. * 21:23: Jan 6.13-21 * 21:25: Apo 15.29

Jöwöwöl jikegö tohon uruñe Pol memba jöhöget.

²⁷ Polnön mi jii mötketmō, silim 7 mi tekōmamgō aiga Juda tosatñi Eisia prowinsnöhök kageri, yeñon Pol jöwöwöl jikenön öngöi eket. Eka ambazip kambu körek uruñini kuñgum engiget wahöri Pol qeraköba meget. ²⁸ Qeraköba memba kewö qetket, “Israel ambazip, mönō baukōm neñgiget! Azi kianön mönō gölmenji gölmenji liliköba miri dop kusum engiba uruñini kewö kuñgum engimakza: Inini pakpak mönō Israel ambazip kambu qetala mem bölim neñgime. Nanine Köna keu mosöta jöwöwöl jikenine lan öngöba iwilele aka malme. Mewö kusum engiba malök aka merak Grik azi mi tok wañgita jöwöwöl jikenön öngöiga miri kömbukñi kianön mönō töwiba kölköljinjinambuk akapuk.” ²⁹ *Mi kewögöra qetket: Efesus azi Trofimus yañon mutuk siti könanön Polbuk ani etkeka kewö mötmöriget: Polnön i wañgiri mohotñe jöwöwöl jikenön öngöbahotpuk.

³⁰ Mewö qetketka ambazipnön enjololñ aka ösumñinan lulunña kaba tokoba göjupmajup aketka qeburun ketañi yöhöi siti körek dop kölok. Mewö aiga Pol qeraköba jöhöba jöwöwöl jikenöhök öröba yaigep eta miangörenök jikegö kiripo nañgunji pakpak mi miangörenök köla jöhöget. ³¹ Pol jöhöba qebingö kapan kölgetka buzupñi sehiba Rom yarö kambugö suahö galöm bohonñi yañgö kezapñe keu kewö geiga mörök, “Jerusalem pakpak yeñon karim aka bim qeze.” ³² Mewö möta miangörenök yarö azi kambu tosatñi suahö galömñinambuk enñuanñita luhuba yeñgören geget. Gegetka i engeka Pol qegeri, mi mosötket.

³³ Mosötketka suahö galöm bohonñan sutñine anda jim kutuiga Pol memba tapep (muñgamunña) yahötnön jöhöget. Jöhögetka kewö jiba qesim engiyök, “Azi ki ninja?” aiga “Wania aiga qeze?” ³⁴ Qesim engiyökmō, ambazip kambunöhök keu murutñi murutñi melenña lanlan qetket. Mewö lanlan qeta göju megerañgöra aka könanñi törörök mötmamgö osiyök. Mi osiba miangöra jim kutuiga Pol wañgita yarö azi yeñgö ain kiripo uruñe anget. ³⁵⁻³⁶ Wañgita angetka ambazip kambu ketañi yeñon könanñine enñuanñigöba kaba kewö qetket, “Mönö qeget kömuma. Yapmakek!” Mewö qetketka yarö azi yeñgö ain kiripo nañgunje angoriga könöpuk anda kaba göjupmajup ketañi akerañgöra aka gwötpuk lömböriyök. Miangöra yarö azi yeñon Pol memba anñguba anget. Mewö.

Polnön keuñangö likepñi könahiba melenña jiyök.

³⁷ Anñguba kaba yarö azi yeñgö sel uruñe öngöbingö aketka Polnön suahö galöm bohonñi kewö qesim wañgiyök, “Ni göhöra keu kun ölop jimam me qahö?” Qesim wañgiiga möta köñkuñ aka jiyök, “O, gi Grik keu mötzan me? ³⁸ Miangöra gi Ijipt azia akzan me qahö? Ijipt azi kunñan uruwale tuarenjon azi timbiñinambuk 4000 mi enjololñ ak enñiiga Rom gawman tuarenjon aka bim karim könahiba aka enñuanñiri gölme qararanñkölkölñe anget. Gi galöm azi mia akzan me qahö?”

³⁹ Mewö jiiga Polnön jiyök, “Ni Juda azia. Ni Silisia prowinsgö taon qetñi Tarsus mötzani, mönō miangören ahuba mala koral. Miangöra qesim gihibi: Gi ölop jinöñga nöñon ambazip kambu kiengöra keu jibi mötme.”

⁴⁰ Mewö jiiga “Ölop jiman,” jiiga Polnön döpnön kinda ambazip engöra börö misiyök. Börö misiiga göju mosöta keu bök kingetka Hibru keunön keu kewö jii mötket,

22

¹ Polnön kinda kewö jiyök, “Azi alaurupni, nöñon keugö likepñi jimami, mi mönō kezap ala mötket.” ² Hibru keunön keu jii möta keunini körek bököm teköi kingetka toroqeba jiyök,

³*“Ni Juda azia. Ni Silisia prowinsgö taon qetñi Tarsus miangören ahubiga Jerusalem siti kianñgören galöm köl niñgigetka mala qarial. Mala qariba kota böhi qetñi Gamaliel

* 21:29: Apo 20.4 * 22:3: Apo 5.34-39

yangö keu bapne tatpiga yanön Juda ambösakonurupnini yengören Kōna keu aka ahakmeme mi törörök kusum ningiiga miangö mötmötñi möta malal. Merak enön körek pakpak Anutugö keu bapne angota kapan köla yangöra bim qeba maljei, nöñon mönō miangö dop aka malal. ⁴ *Mewö mala ambazip Kembangö könani wuatangöba maljei, mi köndennda sesewerowero ak engibiga sihimbölö möta tosatñan kömuget. Nöñon ambazipñi ambazipñi enguançita tapepnöñ (munçamunça) jöhöba kösö mire al engial. ⁵ Jike nup galöm bohonñi aka jitnememe pakpak yanön mi ölop mötze aka yengören anda qesim ençiinga mi ölop nangöba jibeak. Yanön Juda azi ipñi Damaskus sitinöñ maljei, yangöra kimbi ohoba ningiget memba malal. Miangören ambazip Kembangö könani wuatangöba maljei, nöñon mönō mi mewöñanök 'Likepñi melen engimegöra gwaröhöm engiba Jerusalem ki enguançitman,' jiba könanöñ anal."

Polnön nanñi urumelenangö könani jiyök.

Apo 9.1-19; 26.12-18

⁶ "Könanöñ analmö, Damaskus siti dopdowibiga miangören yuai kun kewö asuhuyök: Silim bibiñe miangören asakmararañ ketani kun Suepnöhök wölbilik ewö asuhuba wolañ eta turum ningiyök. ⁷ Turum ningiiga tala gölmenöñ eta ahöbiga Suepnöhök keu kun kewö asuhui möral, 'Sol Sol, gi mönō wuanöñgöra sesewerowero qakñe al ningimakzan?' ⁸ Mi möta melenal, 'Kembu, gi danön?' Mewö melenbiga jiyök, 'Ni Nazaret azi Jisös, sesewerowero qakñe al ningimakzani, nia mönō mi.' ⁹ Azi nömbuk kaba kingeri, yanön asakmararañ mia eketmö, keu nöñgöra jiyöhi, miangö kourukñi kun qahö mötket. ¹⁰ Mewö jiiga nöñon qesiba jial, 'Kembu, mönō nöñon denöwö akñam?' Jibiga jiyök, 'Gi mönō dölki wahöta Damaskus sitinöñ anöñga Anutunöñ wani yuaia akñangö jimawi, mi kunñan jiiga mötman.' ¹¹ Asakmararañ miangön jeni qeiga janjuñ aka kinbiga azi nömbuk malgeri, yanön böröne memba noançitketka Damaskus sitinöñ anin.

¹² "Miangören azi kun qetñi Ananaias malök. Yanön Anutu göda qeba Mosesgören Kōna keu törörök wuatangöba malök. Miangöra Juda ambazip Damaskus malgeri, yanön körek gödani ölopñi ak wangiba malget. ¹³ Yanön nöñgören kaba kösutne kinda nöñgöra kewö jiyök, 'Sol alani, jegi mönō kunbuk tohoyök.' Mewö jiiga aua nalö miangörenök jeni tohoiga uba ehal. ¹⁴ Ekiga Ananaiasnöñ jiyök, 'Göñon ahakmeme diñdñi solanangö Toña eknöñga keu jitñan jii köñomñi mötnöñ. Nanine ambösakonini yengören Anutu yanön gi möwölöhöm gihiiga yangö jitsihitñi möt kutuman. ¹⁵ Gi wani yuai eka mötzani, mönō mi nangöba jiba yangö jitre memeni aka gölmeni gölmeni ambazip jeyine dangunu ewö kinda malman. ¹⁶ Mewögöra gi wuanöñgöra mambötzan? Mönō wahöta yangö qetñi qeta köuluköba jinöñga o melun mem gihiinga siñgisöndoki sançoñniga solanima.' Ananaiasnöñ mewö jiyök."

Misin nup kian kantri yembuk memangöra noholök.

¹⁷ "Damaskus siti mosöta Jerusalem sitinöñ lilingöba jöwöwöl jikenöñ köuluköbiga Kembangö alburupñan (ançumbemñan) nuñgui kinda imut kun ehal. ¹⁸ Imut miangören Jisös ekiga nöñgören kaba kewö jiba jii möral, 'Gi kantri kiangören nöñgö köñani aka Buña keuni mi kude jiba malman. Mi nangöba jinöñga nesampurek aka andö qeme. Miangöra Jerusalem siti ki mönō ösumok mosöta anman.'

¹⁹ "Mewö jiiga jial, 'Kembu, yanön köñanamni mötze. Nöñon mutuk liliköba ambazip gi möt narim gihizei, mi köuluk miriñi miriñi miangören öngöba miwikñaim engiba jöhöba ihilek wahiñambuknöñ tauköm engiba tosatñi kösö mire al engiba malal. ²⁰ *Göhören nupbauk azi Stiwenöñ köñagi nangöba jiiga qeget sepñi mokoi eri nöñon nalö miangören mewöyök kösutñine kinda imbi köla malukunñi galöm memba kinbiga qeget kömuyök.' ²¹ Mewö jibiga Kembunöñ nöñgöra jiyök, 'Nöñon melaim gihizalawa gi mönō köröwen kian kantri ambazip yengören anman.' Mewö."

* 22:4: Apo 8.3; 26.9-11 * 22:20: Apo 7.58

Romgö yarö azi yeñon Pol galöm kölget.

²² Polnön keu likepni jiyöhi, mi ambazip kambu yeñon kezap ala mötketmö, (Kem-bunön kian kantri ambazip yeñgöreñ anmamgö jiiga jiyöhi,) keu mi möta miangöreñök köhöiknanök silata jiget, “Yapmakek! Azi mewöni mi qeget kömuma. Mi gölmenön nembuk malmawangö dop qahö.” ²³ Mewö jiba qeta opo kereñ qeköba gila (könaninan börömböröm tiba) sömsöm urata könakemba lanlan gilget. ²⁴ Mewö aketka Rom engö suahö galöm bohonnan jim kutuiga yarö azi yeñon Pol wangita anda yarö azi yeñö ain kiripo uruñe alget. Kiripo uruñe algetka Juda yeñon i wanigöra aka göju memba qetzei, miangö könanji mötmangöra kewö jim kutuyök, “Inini mönö Pol memba ihilek wahiñambuknön qeba qesim wangigetka könanji aukne jii mötpin.” ²⁵ Mewö jim kutuyökmö, Pol memba jöhöba ihilek wahiñambuknön qebingö aketka Rom suahö galöm kunnan kösutne kini Polnön kewö jiyök, “Rom mindimindiri gawman yeñon sel jöhöm niñgigetka böröñine maljal. Nönön miangö (jimkutukutu) paspot memba maljal. Miangöra inini nongö keuni qahö möta kewöta lan jim teköba öne ihilek wahiñambuknön nunjumei, mi mönö Rom jimkutukutu tonji yeñö jeñine dop kölma me qahö?”

²⁶ Polnön mewö jiiga suahö galömnön möta miangöreñök suahö galöm bohonni yangöreñ anda buzup wangiba kewö jiyök, “Azi mianön mönö Rom gawmangö (jimkutukutu) paspot memba malja. Miangöra gi mönö denöwö aknan?”

²⁷ Mewö jiiga suahö galöm bohonnan Polgöreñ anda qesiba jiyök, “Gi ölna Rom gawmangö (jimkutukutu) paspot memba maljan me qahö? Mi jinön mötpi.” Jiiga Polnön melenök, “Ölna, nönön mi memba maljal.”

²⁸ Mewö melenniga jiyök, “Ni monen ketani gila Rom mindimindiri gawmangö (jimkutukutu) paspot bohonni membi niñgigetka maljal.” Jiiga Polnön jiyök, “Mi ölöpmö, nongö iwinan Rom gawmangöreñ paspot memba maliga nönön yangö nahönni ahuba miangöreñök qet mi memba maljal.”

²⁹ Mewö jiiga azi qesim wangibingö akeri, yeñon miangöreñök mosöta lilingöba anget. Polnön “Ni Rom gawmangö paspot memba maljal,” jiiga suahö galöm bohonnan mi möta Rom azia gwaröhöm wangiyöhanğöra aka awöwöliba sömbuñi mörök.* Mewö.

Polnön jike kaunsöl kambu yeñö jeñine kinök.

³⁰ Miri gianjiiga suahö galöm bohonnan wahöta Juda yeñon wuanöngöra Pol keunön al wangiba jigeri, miangö könanji törörök mötmangöra möta jike nup galöm bohonni aka jike kaunsöl kambu pakpak yeñon tokomegöra jim kutum engiyök. Mewö tokogetka jiiga Polgö tapepni (munğamuñga) pösatketka wangita eta yeñö jemesoholñine ali kinök. Mewö.

23

¹ Polnön kinda jike kaunsöl kambu mi uba engeka kewö jiyök, “Azi alaurupni, nönön ahakmemeni pakpak mi Anutugö jemesoholne aka memba malbiga yanön eka ‘Dop kölja,’ jiiga urunangö kezapnan möta ölöwaka kota mala merak ki kinjal.” ² Polnön mewö jiyökmö, jike nup galöm bohonni qetni Ananias yanön kösutne kingeri, i jim kutum engiiga nunğulumne qekötahöget. ³* Qekötahögetka Polnön jii mörök, “Anutunön mönö gi qekötahöm gihima. Göñon miri sel tuatnangö dop akzan. Sileni mundanön ohogetka tuatni akzapmö, uruñi sewön memba injanji akza. Göñon Mosesgö Köna keu memba mianön kewöt niñgiba keuni jim tekömangöra tatzanmö, töndup nangak Mosesgö Köna keu miyök qeba jim kutum enginönga nunğuze. Mi qahö dop kölja.”

⁴ Polnön mewö jiiga kösutne kingeri, yeñon jiget, “Gi Anutugöreñ jike nup galöm bohonni mepaqepaik aka gamu qem wangizan me?”

* **22:29:** Kun Rom gawmangö paspot memba malöhi, mi kösönön gwaröhöm wangibepukö songo ahöyök. Kunnan songo mi walöñök ewö, i mönö keunön al wangizema. Miangöra sömbuñi mörök. * **23:3:** Mat 23.27-28

⁵ *Mewö jigetka jiyök, “O alaurupni, yañön jike nup galöm bohonñi akzawi, mi qahö möta jizal. Buña Kimbigö keu kun kewö ahöza, ‘Gi mönö könagesö kambugahö azi kembuñi kude qesuahöman.’”

⁶ *Mewö jiyökmö, jike kaunsöl kambu yeñgörenök tosatñan Sadyusi (Jike nupkö kapañkölköl) pati qekötahögetka tosatñan Farisi (Köna keugö kapañkölköl) pati azia malget. Polnön mi möta miangöra jike kaunsöl kambu yeñgö jeñine keu kewö qerök, “Azi alaurupni, nönön Farisi azia akzal. Iwinan mewöyök Farisi pati azia. Kömukömuñi yeñön guliba wahötmei, nönön mewö asuhumapkö al mamböta jörömqöröm aka maljal. Mewö maljalañgöra aka keu jakeñe al niñgigetka kewöt niñgiba jize.”

⁷ Mewö jiiga miangörenök Farisi aka Sadyusi pati miengö sutñine añgururuk ahui jike kaunsöl kambu yeñön jula kambu yahöt aket. ⁸ *Sadyusi (Jike nupkö kapañkölköl) yeñön kewö jizema, “Ambazip kömukömuñi yeñön kude guliba wahötme. Suep garata qahö malje. Öme aka uña mi qahö malje.” Mewö jigetmö, Farisi (Köna keugö kapañkölköl) pati yeñön keu karöbut miangören qekötahöba miangö dop möt nariba kinjema. ⁹ Kambu yahöt mewö aka qetketka göju ketañi ahuiga Köna keugö böhi tosatñan Farisi kambu yeñgö sutñineyök wahöta könöñambuk terengöba kewö jiget, “Nini azi kiangö bölönamñi kun qahö miwikñaizin. Suep garata me uña kunñan keu kutum wasöta yañgö uruñe ali jibawak, mi mönö denöwö dop köl eñgibawak?”

¹⁰ Mewö jigetka añgururuk miangön kunbuk könöwiba qariyök. Qariiga awörañgöba Pol likeplikep örögetka anda kaiga mesiñ taköget. Mewö tandök ahök. Mewö aiga suahö galöm bohonñan miangö keñgötñi möta yarö kambu kun jim kutum eñgiiga geba Pol sutñineyök öröba wañgita yarö azi yeñgö ain kiripo uruñe alget.

¹¹ Algetmö, sungem miangören gaun ahöiga Kembunön Polgö qöhöröñe kinda kewö jiyök, “Mönö ewebibigabuk aka saitiñgit malman. Nöngö könañamni Jerusalem kiangören nañgöba jiba malnöñi, miangö dop mönö Rom sitinön mewöyök anda mi nañgöba jim asariba malman.” Mewö.

Pol qebingö añgönañ meget.

¹² Kembunön mewö jiyökmö, miri gianjiiga miangören Juda azi tosatñan ölöñ tokoba Pol kömumapkö añgönañ meget. Yeñön areñ mi alget aka mi jöjöpañ keunön jöhöm köhöiba kewö jiget, “Nini Pol kömumapköra mamböta nalö sutñe kiangören nene siñgi malbin. Siñgi mala qein kömuiga miangö andöñe ölop nene me o kun kunbuk nembin.” ¹³ Azi 40 aka jañgö mi oñgitkeri, yeñön mindiriba jöjöpañ keu mi jöhöm köhöiba jiget.

¹⁴ Mi jibagun jitñememe aka jike nup galöm yeñgören anda kewö jiget, “Nini Pol kömumapköra mamböta nalö sutñe kiangören nene siñgi malbin. Polnön qahö kömuma ewö, ambazipnön mönö ölna qesuahöm neñgigetka dop kölma. Miangöra nini mönö mindiriba jöjöpañ keu kewö jöhöm köhöiba maljin: Pol qein kömuiga miangö andöñe ölop nene me o kun kunbuk namba malbin. ¹⁵ Miangöra aka inini mönö döliki jike kaunsöl kambu yembuk mohotñe mindiriba suahö galöm bohonñangören anda keu kewö ala qesime, ‘Nini Polgören keu könañi kunbuk qesiinga jii ölna mötpingö mötzin.’ Mewö tandök aiga qesigetka ölop Pol wañgiriga eñgören etma. Etpawakmö, könanön kaba eñgören kañgotmangö akñawi, miangören mönö i qein kömumapkö jöjöröba malbin.”

¹⁶ Mewö jigetmö, qein kömumapkö añgönañ algeraño buzupñi mi Pol behötñañgö kezapñe gei mörök. Mi möta yarö azi yeñgö ain kiripo uruñe anda Pol taröhañgören öngöba jii mörök. ¹⁷ Jii möta suahö galöm kun qeri kaiga kewö jiyök, “Azi gwabö kianön keu kun memba kazawañgöra göñön i ölop wañgita suahö galöm bohonñangören anöñga keu mi jii mötma.” ¹⁸ Mewö jiiga i memba wañgita suahö galöm bohonñangören anohotka jiyök, “Kösö azi Polnön noholi yañgören anbiga azi gwabö ki wañgita göhöreñ kamapköra qesim niñgiza. Yañön göhöra keu kun memba kaza.”

* 23:5: Eks 22.28 * 23:6: Apo 26.5; Fil 3.5 * 23:8: Mat 22.23; Mak 12.18; Luk 20.27

19 Mewö jiba aniga galöm bohonjan böröñe memba wangita göräñe anda qesim wangiyök, “Gi wani keuya memba kazan?”

20 Qesim wangiga jiyök, “Juda jitnememe yeñön keu kun qesim gihibingöra jöhöba göhöreñ kaba kewö jime: Nini Polgö keu könañi törörök qahö möt kömuzin. Miangöra gi ölop Pol uran wangitnönnga jike kaunsöl kambu yeñgöreñ eriga kunbuk qesim wanginönnga jii könañamñi ölni mötpin. Yeñön mewö asuhumapköra mötze. 21 Mewö kaba jimemö, göñön keu miangö imbi ölop kude kölman. Juda könagesö yeñgö sutñineyök azi 40 aka jañgö mi ongitkeri, yeñön mindiriba Polgöra kewö jiba mi jöjöpañ keunöñ jöhöm köhöiget, ‘Nini Pol kömumapköra mamböta nalö sutñe kiangöreñ nene siñgi malbin. Siñgi mala qein kömuiga miangö andönge ölop nene me o kun kunbuk nembin.’ Mewö jiba göñön imbi kölmangöra mamböta jöjöröba mönöze.”

22 Mewö jiiga azi gwabö mi melaiba kewö jii mörök, “Buzup ki jinöñ mötzali, mi kun kude jinöñ mötma.” Mewö.

Pol wangitketka Sisaria taonöñ anök.

23 Suahö galöm bohonjan mi möta suahö galömyahöñi etkoholi kayohotka kewö jii mörohot, “Injiri mönö timbi azi 200, hos yarö azi 70 aka liñgip yarö azi 200 mi jim kutum engiyohotka merak sungemgö 9 kilok miangöreñ Sisaria anmegöra jöjöröme. 24 Mewöyök hos tosatñi meköba möhamgöm engiba Pol kungö qakñe ala köyan kölgetka sungem kiangöreñök premiö Feliksgöreñ anma.” 25 Mewö jii mörohotka premiögöra kimbi kun kewö ohoyök,

26 “O Öngöñgöñamni sorok premiö Feliks! Klodius Lisias, nöñön jölönge jizal.

27 “Juda yeñön azi ki memba jöhöba qein kömumapköra aket. Mewö aketmö, Rom mindimindiri gawmangö (jimkutukutu) paspot memba maljawi, nöñön mi möta miangöreñök yarö kambu yembuk kañgota sel jöhöm wangiba meköba bohonñi jöhöyal.

28 Wani keugöra keu jakeñe aljei, nöñön miangö könañi mötmangö möta wangita Juda yeñgö jike kaunsöl kambu yeñgö jeñine al wangial.

29 Al wangibiga keu jakeñe ala nanñini Köna keugö kösawörañ keuñi keuñi miangöra anğururuk aka tuarenjoñ aka jim wangigetka miwikñaijal. Mi miwikñaijal mö, yuai bölöñi kömumapkö dop me kösö mire alin tatmawangö dop mi qahö ahök. Yeñön keu mewöña kun qahö jiget möral.

30 Mi qahö möral mö, kunöñ yañgö buzup keuñi kewö indeli möral: Tosatñan ‘Azi mi qein kömuma,’ jiba anğönañ alget ahöza. Buzup keu mi möta dölkiañgöreñök melaibiga göhöreñ kaza. Keu jakeñe al wangibingö mötzei, nöñön i mewöyök jim kutum engibiga göhö jemesoholge kañgota keuñini pampak aukñe jim miwikñaigetka mötman.”

31 Kimbi mewö ohoiga yarö azi jim kutum engigeri, yeñön keu mi wuatangöba Pol memba wangita söñaupnöñ miri qetñi Antipatris miangöreñ anget. 32 Anda miri gianjiga yarö azi hosñinambuk yeñön Pol wangita köna toroqeba angetmö, timbi azi yeñön nanñinak lilingöba yarö azi yeñgö ain kiripo uruñe kaget. 33 Yarö azi hosñinambuk yeñön Sisaria taonöñ anğota kimbi mi premiö wangiba Pol mewöyök yañgö jeñe alget. 34 Algetka kimbi oyonda “Pol mi wani prowinsgöra?” jiba qesiyök. Qesiiga “Silisia prowins asia,” mewö jiget mörök. 35 Mewö jiget möta jiyök, “Keu jakeñe al gihibingö mötzei, yeñön mewöyök kañgotketka miangöreñ ölop qesim gihimam.” Mewö jiba jim kutuiga Pol wangita kin Herodkö jakömbuak mirigö kiripo uruñe ala jegalöm mem wangiget. Mewö.

24

Pol keunöñ algetka premiö Filiksgö jeñe kinök.

¹ Wehön nup memeni 5 teköiga jike nup galöm bohonji qetnji Ananaias yanön jitnememe tosatnji aka loya (Köna keugö mötmöt azi) qetnji Tertulus yembuk aitonjöba Sisaria taonöj geba premiö Filiksgö jene öngöba Pol keu jakeje albingö keunji jiget mörök.

² Mi möta Pol köl öröi kanğori loya Tertulusnöh könahiba Polgö silene keu ala premiögö jemesoholje keu kewö jiyök, “O Filiks, göñön galöm köl nenğiba malnöji, nini nalö miangörej luai ketanji möta gunbönjönjön malin. Göñön ölöpnanök köyan köla jim kutum nenğinönga malmal tatatnini likeplikep möhamgögetka kantri kianön uteköba wahöri ölöwakzin. ³ O ketañamnini Filiks, nini mi miri dop ölöpnanök möt kutuba göhöra söngaija kilik-kaluknji kun qahö möta saiwap jim gihizin. ⁴ Saiwap jim gihizinmö, nöñön keu köröpñi jibi ölan göhöbapuköra kewö qesim gihizal: Nini keu memba kainga kötoñanök jimami, mi mönö nenğöra ak ghiiga kezap ala mötman.

⁵ “Nini azi kianğö könañi kewö eka miwikñainin: Yanön kegwek-kahasililin azi kenğöt kotkotñambuk akza. Yanön gölmeni gölmeni liliköba Juda ambazip uruñini esiba kuñgum enğiiga karimñi karimñi miri dop asuhugetka göjupmajup qeta alakze. Tosatñan tuaköpek aka Nazaret azi kungö qetne pati aljei, yanön mönö yenğö ketañamnina akza. ⁶ Yanön jöwöwöl jike mi mewöyök kapan köla mem töwiba memba et almangö ahök. Miangöra nini i memba jöhöin. Nini keunji kewöta nanine Köna keu wuatangöba jim teköbingö mörin. ⁷ (Mi mörinmö, suahö galöm bohonji Lisias yanön yarö azi yembuk kaba kukösum ketanji miangön könöpuk böröneyök meköba wanğitket.* ⁸ Wanğita keu silene ala jim wanğizei, i göhö jemesoholge kanğotmegöra jim kutum nenğiyök.) Göñön nangak qesim wanğinönga könañi indela jima. Mi jiiga keu memba kazini, miangö ölni pakpak ölop aukje asuhuiga mötman.” ⁹ Mewö jiiga Juda ambazip yenön mewöyök “Keu pakpak mi ölna,” jiba imbi köla mi nangöba toroqeba silene ala jim wanğiget. Mewö.

Polnöh keu likepñi meleşni Filiksnöh mörök.

¹⁰ Pol jim wanğigetka premiönöh keu jimapköra böröjopañ kuñguiga kewö melenđa jiyök, “Göñön (yara) yambu gwötpuk ambazip kambu kianğö jimtekötekö toni aka malnöñ mötzal. Miangöra nöñön keunangö likepñi mi göhö jege awösamkakak jimam. ¹¹ Nöñön uruwale Anutu waikñi memba möpöseimangöra Jerusalem sitinöh öngöyal. Mi wehön 12 miyök teköiga merak ki kinjal. Nangak qesim enğibanak ewö, mi ölop nangöba jime. ¹² Nöñön jöwöwöl jikenöh me köuluk miri kungen öngöba azi me ambi kunbuk goranora (noragora) keu jiba jitnakölik akiga mewö qahö miwikñaim niñgiget. Siti uruñe köna me sombem kunöh ambazip uruñini kuñgubi ölököba liliköm niñgigeri, mewö qahö neket.

¹³ “Mewö qahö neka dölki keu silene ala jim niñgizei, yenön miangö ölni kondel gihibingö osize. Keu omanji jize. ¹⁴ Mi osizemö, keu kun mi ölna jim miwikñaim gihimam: Yenön Nazaret pati qetnji qetzei, nöñön mönö miangö köna wuatangöba mala nanine amböskonurup yenğoreñ bem Anutu mi waikñi memba möpöseimakzal aka Mosesgöreñ Köna keu aka kezapqetok yenğoreñ Buzup Kimbi miangöreñ keu ohoget ahözawi, mi pakpak möt narim köhöizal. ¹⁵ Anutunöh ambazip diñdini aka gonğonji mi körek pakpak mem gulim enğii kömupnöhök wahötmei, Juda azi kienön miangöra mambötze. Nöñön yembuk toroqeba öröröh kinda mewö asuhumapköra jörömqöröm aka mamböta maljal. ¹⁶ Mewö mala Anutu aka ambazip jenine diñdini kinbiga Anutunöh keuni nangöba jiiga urunangö kezapñan mörakzal. Jönömnan qahö unduza. Mönö sarakñi aka malmangöra nalö dop kapan köla köhöiba malakzal.

¹⁷ *“Nöñön kungen malbiga (yara) yambu tosatnji teköi lilingöba miri tosatnji yenğoreñök kalem memba uruwale kayal. Mewö kaba ‘Mi nani könagesöurup wanapñi

* **24:7:** Keu sel uruñe ahözawi, mi mötmöt ambazip yenön kewöta Luknöh mi könakönahine ohoyök aka tosatñan mi qahö ohoyök, mewö jigetka uruyahötñambuk akza. * **24:17:** Apo 21.17-28

yenğöra menden enğimam,' jiba Anutugö jöwöwöl ohoba naluk al wanğimangöra Jerusalem öngöyal. ¹⁸ Mianğören öngöba köl könjorat ak anğuba solanņi mala jöwöwöl jikenöy öngöyal. Yuai mi ohoba Anutu al wanğibiga miwikņaim ningiget. Miwikņaim ningigeri, mianğören ambazip tosatņan qahö kaba liliköba ölököm ningiba göju meget. ¹⁹ Juda ambazip tosatņan Eisia prowinsnöhök kaba jikenöy öngöba nekeri, yenön mönö dölki göhö jege kianğören kanğota kinda keu kun ahöm enğibawak, mi aukņe silene ala jim ningigetka dop kölbowak.

²⁰ "Me jike kaunsöl kambu yenğö jeņine kinda keu jiali, mi wani Köna keu onğita pinjit akiga keu jakeņe alalgö keuni miwikņaget? Azi ki tatzei, yenön mönö mi jigetka dop kölma. ²¹ *Nönön yenğö sutņine kinda keu mohok-kun jiba töhören qetpiga lömböriyök. Köpösihit mewö kun ahal me qahö? Mi denöwö kewötket ahöza? Keu kewö qeta jial, 'Kömükömunj yenön guliba wahötmei, nönön mewö möt narizalağöra aka keu jakeņe al ningigetka merak keuni kewöta jim teköm ningibingö akze.' " Mewö.

Polgö keuņi qahö jim teköba kösö mire alget.

²² Polnöy mewö jiiga premiö Filiksnöy Jisösgö könanņi wuatangöba maljei, mianğö könanņi ölop möt soroköba Polgö keuņi kemaņe kutuba kewö jiyök, "Suahö galöm bohonņi Lisiasnöy kanğoriga nalö mianğören Polgö keuņi jim tekömam." ²³ Mewö jiba suahö galöm jim kutuiga Pol qahö jöhöba öne jegalöm meiga kösö mire tarök. Tinitosolomurupņan Pol köyan köla yuai osiyöhi, mi memba wanğimeğöra qahö qetal enğiyök.

Polnöy keuņi jiiga Filiks aka Drusila mörohot.

²⁴ Wehön tosatņi teköiga Filiksnöy anömņi qetņi Drusila, Juda ambi mi wanğita kayohotka Polgöra keu ali kaiga keuņangöra kezap ali Kraist Jisös möt narim wanğibingö könanņi jim asariiga mörök. ²⁵ Mi mörökmö, Anutugö keu tosatņi toroqeba eraum mötketka lömböriyök. Polnöy Anutugö jeņe solanibingö könanņi jim asariba nanine ahakmemenini galöm köl anğubingöra jiyök aka Anutunöy nalö kun ali mianğören kewöt neņgiba keunini jim tekömawi, keu karöbut mianğön uruņi kuņguyök. Polnöy keu mewöņi jiiga töwöratiba bök qesiņada jiyök, "Yapmakek! Muat mosötnöy. Dölki ölop mosöta anönga nalö kun mötņi dop kölmawi, mianğören ölop kunbuk köl öröm gihibi kaman." ²⁶ Mewö jiba töndup toroqeba Pol nanņi töwaya moneņ wanğimapköra mötmöriyök. Mewö al mamböta jörömqöröm aka sömaņi gwötpuk köl öröm wanğii kaiga keukeu jiba tarohot.

²⁷ Polnöy kösö mire tari (yara) yambu yahöt teköyök. Mi teköiga azi qetņi Porsius Festus yaņön Filiksgö undumņa premiö akņamgö ahök. Mewö aiga Filiksnöy Juda ambazipnöy nek sorimeğöra möta Pol qahö pösari kösö mire toroqeba tarök. Mewö.

25

Polnöy premiö Festusgö jeņe keu likeņi jiyök.

¹ Festusnöy premiö aka prowins uruņe anğota tariga wehön karöbut teköiga Sisaria taon mosöta Jerusalem sitinöy öngöyök. ² Öngöiga jike nup galöm bohonņi aka Juda jitņememe yenön jemesoholņe kanğota Pol keu jakeņe albingö jiba aröņda kinget. ³ Aröņda kinda kewö jiba uletket, "O premiö, göņön ölop neņön möringa dop kölmapköra jim tekönönga keu algetka Pol wanğita Jerusalem sitinöy ki kame." Yenön mutuk keu kewö jöhöba jiget, "Polnöy könanöy kaiga mianğören mönö qein kömuma." Mewö jiba jöjöröba mönögerağöra kaba uletket. ⁴ Mewö uletketmö, Festusnöy kewö melen enğiyök, "Pol mi Sisaria taongö kösö mire tari galöm kölje. Ni nanak nalö kude köriiga mianğören lilingöba anmamgö mötzal." ⁵ Mewö jiba toroqeyök, "Mianğöra azi mianğön bölöņi kun akawak ewö, ölop enğö jitņememeurup tosatņan nömbuk Sisaria geba mianğören keuņini silene ala jim wanğigetka mötmam."

* 24:21: Apo 23.6

⁶ Mewö jiba wehön 8 me 10 mianğö dop Jerusalem sitinöñ yembuk mali teköiga lilingöba Sisaria taonöñ geyök. Geba ahöba wahöta mianğöreñök keu jimtekötekögö dum tatatje tata jim kutuiga Pol wañgita kagetka jeñe kañgota kinök. ⁷ Polnöñ kañgota kiniga Juda jitñememe yeñön Jerusalem sitinöhök kageri, yeñön liliköm wañgiba kinda kazik qakñe keu bölöñi gwötpuk silene ala jiget. Mi jigetmö, keuñinañgö ölni mi kondelbingö osiget. ⁸ Kazik keu öne jiba kingetmö, Polnöñ mi qeapköba kewö jiyök, “Nöñön yuai bölöñi kun qahö ahal. Juda neñgöreñ Köna keu qahö qetalal. Jöwöwöl jike qahö mem töwial aka Rom sisa kiñgöreñ keugöra tuarenjoñ qahö ahal.”

⁹ Mewö jiiga Festusnöñ Juda yeñön nanñanğö mötket öngömapkö möta Pol kewö qesim wañgiyök, “Silenöñ alal keu ki jizei, gi ölop mianğö likepñi mi Jerusalem öngöba mianğöreñ nöñgö jemesoholne kinda jiman me qahö?”

¹⁰ Qesim wañgiyökmö, Polnöñ jiyök, “Rom sisa kiñnöñ jim kutuiga keu jake ki kuñgugera ki kinbiga kewöt niñgiba keuni jim tekönöñga dop kölma. Ni Juda ambazip yeñgöra bölöñi kun qahö ahal. Mia nangak ölop möt yaközan. Mönö Wuanöñgöra kunbuk yeñgöreñ anbileñak? ¹¹ Bölöñi kun qahö ahal, Köna keu kun qösököba yuai kun ak bölöba mianğöra kömupkö buñaya akileñak ewö, ‘Nöñön kömumbileñbuk,’ jiba qahö ölon kölma anmam. Mi qahöpmö, yeñön kazik keu öne töhöntöhön jiba keuñinañgö könañi kondelbingö osize ewö, keu omañanğöra aka kunñan nömmimba yeñgö böröñine almapkö osima. Rom sisa kiñnöñ mönö keuni mindiñgöba jim teköi diñgima. Mianğöra nöñön mönö yanğö jeñe anmamgö köhöiba qesizal.”

¹² Mewö jiiga Festusnöñ jembonurupñi yembuk qambañ keu jaruba kewöta kewö melen wañgiyök, “Gi sisa kiñgöreñ anmamgö möta qesizani, mianğöra mönö ölop Rom anda yanğö jeñe kinman.” Mewö.

Polnöñ kiñ Agripagö jeñe kinök.

¹³ Wehön tosatñi teköiga kiñ Agripa aka nenñi Bernaisi yetkөн Festus eka gödañiri kondelbitköra Sisaria taonöñ kayohot. ¹⁴ Kaba mianğöreñ wehön gwötpuk malohotka Festusnöñ Polgöreñ keu mi kiñbuk eraum möta kewö jiyök, “Filiksnöñ azi kun qahö pösari kösö mire kianğöreñ tata malja. ¹⁵ Nöñön Jerusalem anbiga Juda yeñgö jike nup galöm bohonñini aka jitñememeurupñinan nöñgöreñ kañgota kewö qesim niñgiget, ‘Nini azi mianğö keu memba kainga göñön mönö ölop yanğö könañi kewöta keuñi jim teköman.’

¹⁶ “Mewö qesim niñgigetmö, nöñön yeñgöra kewö jibiga mötket, ‘Rom gawman neñgöreñ köna mi kewö: Kungö silene keu bölöñi ala jizei, nini ambazip kun yanğö keuñi mi lañ kude jim tekömakzin. Mutuk öröba keu jakeñe alin kazikurupñan kagetka likepliket öröröñ aröñda kingetka keu silene ala jim wañgigetka likepñi ölop jima. Keu likepñi jiiga mi kewöta ölni ahuiga mianğö dop ölop keuñi jim tekömakzin.’ ¹⁷ Yeñön ki kaba tokogetka nöñön nalö qahö köriiga ahöba wahöta mianğöreñök jimtekötekögö dum tatatje tata jim kutubiga azi mi wañgita kagetka nöñgö jene kañgorök.

¹⁸ “Kañgorökmö, keu memba kageri, yeñön liliköm wañgiba aröñda kinda keu silene ala jim wañgiget. Mewö aketka yuai bölöñi kötökñi kun akawak, mewö jimegöra mamböralmö, keu mewöñi kun qahö jiget möral. ¹⁹ Mi qahö jiget möralmö, salupñe azi mi qetala nanñini mötnaripñinañgö keu kambañi tosatñi aka azi kun qetñi Jisös yanğöra anğururuk aket. ‘Jisösnöñ kömuyök,’ jigetmö, Polnöñ ‘Guliba malja,’ jiba kapañ kölma köhöiyök. ²⁰ Mewö jiba kazik algetka nöñön ‘Keu mewöñi mi denöwö kewötpileñak?’ jiba köna jaruba uruyahöt möral. Mi möta kinda kewö qesim wañgial, ‘Silenöñ alal keu jizei, gi ölop mianğö likepñi mi Jerusalem öngöba mianğöreñ jibanak me qahö?’ ²¹ Qesim wañgialmö, Polnöñ Öngöñgöñamninañgö jeñe anmamgö kapañ kölma kewö qesiyök, ‘Mönö jinöñga galöm köl niñgigetka sisa kiñgöreñ anbiga keuni mindiñgöiga diñgima.’ Mewö qesiiga wahip azi jim kutum enjibiga galöm kölgetka tatza. Bian melaim wañgibiga sisa kiñgö jemesoholne anma.”

²² Festusnön mewö jiiga Agripanön jii mörök, “Nia kun azi mianön keunji jii mötmangö sihimni mötzal.” Jiiga meleunök, “Urangun ölop keunji mötman.”

²³ Mewö jiiga ahöba wahötketka kantrigö jembon, suahö galöm ketani aka jitnememe öngöngöni yejön kaba Agripa aka Bernaisi yetköra jura sorom jölnire uta sösöngai linet köla köl öröm etkigetka keugö jake miri öngöngöni miangö uruñe angotket. Festusnön jim kutuiga Pol wangetketka miangören kanjorök. ²⁴ Polnön kanjoriga Festusnön wahöta kinda kewö jiyök, “Kin Agripa aka azi ketani pakpak nembuk ki tatzei, injini mönö azi ki eket. Juda ambazip kambu pakpak yejön yangöra aka uruni kunguget. Sisaria taon kiangören aka Jerusalem siti miangören ölna keunön kungum ningiba qet gigilahöba kewö jiba malget, ‘Azi kianön gölmenön malmawangö dop qahö. Mönö yapmakek!’

²⁵ “Mewö qeta malgetmö, nöñön kewötpiga yuai kun kömupkö buña akñawangö dop mi qahö ahök. Nöñön könañi mewö miwikñaiba ehalmö, nanjak Rom Öngöngöñamninañgö jene ani keunji mindingöiga dingimapköra kapan köla qesiyök. Miangöra keu jöhöba melaibiga Rom anma. ²⁶ Rom sitinön anmapmö, yangören keu mi denöwö ohoba Rom azi kembunañgöra albi anbawak? Yangöra keu lan jizemö, keu könañambuk kun mi törörök qahö möt asarizal. Miangöra jibi wangita kaba kin Agripa göhö jege aka injini tosatni kinjö andöñe ki tatzei, engö jemesoholñine algetka kinja. Injini ölop böröñan memba keunji kewötketka ölni asuhui mönö mi möta ölop kimbinön ohobileñak. ²⁷ Azi kun kösönön jöhöba keu jakeñe alalgö keunji denöwö jizei, mi aukñe jibingö osiba töndup öne melaibinbuk. Silik mi nöñgö mötmötnön kezapjupjup tandök ewö akza.” Mewö.

26

Polnön keunjangö likepni kin Agripagö jene jiyök.

¹ Mewö tatketka kin Agripanön Polgöra jiyök, “Gi ölop nangahö keu likepni jinöñga mötpi.” Mewö jiiga Polnön kinda börö kutum wangiba nanñi keunji anjön köla kewö könahiba jiyök,

² “O kin Agripa! Juda jitnememe yejön keu silene ala jim ningizei, nöñön keu pakpak miangö likepni mi merak ölop göhö jege aukñe jimangö simbawon mötzal. ³ Göñön Juda neñgören ahakmeme aka anjururuk keunini pakpak mi törörök möt yaközan. Miangöra nöñön ölna simbawon mötzal. Mewö aiga qesim gihizal: Keu jimami, mi ölop möta mökösoñda kezap alman.

⁴ “Nöñön Juda ambazip kambu uruñe ahuba könakönahineyök könahiba nani kantri ki aka sitinini Jerusalem miangören mala koral. Miangöra Juda ambazip pakpak yejön malmalni gwaböneyök denöwö kota malali, mi ölop möt kutuze. ⁵ *Yejön könañamni nalö köröñni möt kutuze. Sihimñini ahöi mi ölop kewö nangöba jibeak: Nanine jike nup uruñe Farisi pati neñön asa yeñgören jike mötmöt mi törörök kötokñi wuatangöba maljin. Nöñön mutuk yeñgö kambu patinön angota Köna keu kapan köla wuatangöba malal. ⁶ Anutunön ambösakonurupnini yeñgöra jöhöjöhö keu alöhi, nöñön miangö ölni ahumapköra al mamböta jörömqöröm aka maljal. Miangöra aka merak keu jakeñe al ningigetka kinjal.

⁷ “Nanine Israel ambazip kambu 12 neñön körek pakpak jöhöjöhö keu miangö ölni asuhumapköra mambörakzin. Mi mamböta jörömqöröm aka qösösök (qörörök) sunjem asak Anutu waikñi memba möpöseimakzin. O Öngöngöñamni, nöñön jörömqöröm mewö ahakzalanöra Juda jitnememe yejön keu bölöñi bölöñi silene ala jim ningimakze. ⁸ Anutunön ambazip kömukömuñi mem gulim enjii wahötmei, injini mi mönö denöwögöra aka qahö möt narize?

⁹ * “Nanak mewöyök kewö mötmöröba malal, ‘Ni Jisös Nazaret azigö qetbuñani sanjolbi qahöwakñapköra bim gwötpuk qemamanjö dop akzal.’ Mewö mötmöröba kazik aka malal.

* 26:5: Apo 23.6; Fil 3.5 * 26:9: Apo 8.3; 22.4-5

¹⁰ Kazik aka Jerusalem mianğoreñ ölna bim qeba malal. Jike nup galöm bohonñi yeñon nam köl ningiget jim kutubiga Anutugö ambazip sarakñi mi gwötpuk engömembra kösö mire al engiget aka tosatñi kömumegö keu jigetka nöñon mewöyök keu mi kötöngöba imbi köla (wout ala) malal. ¹¹ Nalöñi nalöñi liliköba köuluk miri dop böröjan mem engibiga uruñini melenğeri, mienöñ asuhuget. Asuhugetka Jisös qañ köla ïlit wañgimegöra kuñguba töhöreñ öröm ureim engial. Mewö ak engibiga ihileknöñ könöpuk tauköba engugetka sihimbölö kahasililij möta malget. Urunan könöp jem sölöngöiga sesewerowero ak engimangöra köröwen kötökñi kian kantrigö sitiñi sitiñi mianğoreñ anda malal.” Mewö.

*Polnöñ uruñi melenñöhañgö kösohotñi jiyök.
Apo 9.1-19; 22.6-16*

¹² “Kaisilik mewö aka malbiga nalö kunöñ jike nup galöm bohonñi yeñon nömbuk urumohot aka nam köl ningigetka Damaskus sitinöñ anmamgöra könanöñ anal. ¹³ O Öngöngöñamni, nöñon könanöñ anbiga silim bibiñe mianğoreñ Suepnöhök asakmararañ kun wölañ erök. Eta wölbilik ewö asuha wehön jeñi oñgita asariiga ehal. Asak mianöñ mönö ni aka azi nömbuk anini, nini turum neñgiyök. ¹⁴ Turum neñgiiga körek tala gölmenöñ eta kölin. Eta köla ahöinga nöngöra keu kun kaiga Hibru keunöñ kewö jii möral, ‘Sol, Sol, gi wuanöngöra sesewerowero ak ningizan? Gi mönö bulmakau aziñi ewö akanbuk. Toñan gölme mözö zamgömapköra bulmakau aziñi kinöñonöñ jöhöi ösöñ öroga dop köljapmö, lañ öroba könöpuk yaköriba öröm ureiiga kerösuap jitñan uiga sihimbölö mörakza. Gi mönö mianğö dop lañ luhuba nangi könisemgi öne töhöñ kutubanbuk.’

¹⁵ “Mi möta qesial, ‘O Kembu, gi dañon?’ Qesibiga jiyök, ‘Ni Jisös sesewerowero qakñe al ningimakzani, mönö mia akzal. ¹⁶ Mi akzalmö, ölop wahöta kinöñ. Ni aka yuai ekzani aka könañep toroqeba asuha kondel gihimami, mi mönö nañgöba jiba dangunu ewö kinda nöngö jitñememeni aka weleni qeba malman. Gi nup mi memba malman. Nöñon mianğöra aka asuhum gihizal. ¹⁷ Nöñon mönö nangi Israel ambazip kambu yeñgö böröñineyök meköm gihimam aka kian kantri ambazip yeñgöreñ melaim gihibiga anmani, yeñon guhubepuköra mewöyök galöm mem gihimam. ¹⁸ Nöñon melaim gihibiga anda ambazip jeñini metohonönga uruñini melenđa söñaupnöhök asakñe kañgotme. Jeñini tohoiga imbiñini melenđa Satangö kukösumnöhök lolohoba Anutugö sel uruñe kame. Mewö kaba möt narim ningigetka siñgisöndokñini sañgoñda mosötmam. Mosötpiga Anutunöñ alaurupñi tök kutum engiiga sarakñi akzei, mönö yeñgö sutñine añgota dum tatatñini memba oyaenköyaen aka malme.’ Jisösñon mewö kutum nuasöta jiyök.”

Polnöñ urugö nupñañgö kösohotñi jiyök.

¹⁹ “O kiñ Agripa, Jisösñon mewö jiiga nöñon Suepnöhök jemelen imut eka könañi möta mi köyatiba malmangö mötpiga osiyök. Mianğöra nöñon imut mianğö keuñi mi tem köla nup memba malal. ²⁰ *Mi tem köla liliköba Buña keu kewö jim sehiba malal: Inini mönö uruñini melenđa Anutugöreñ lilingöba kaba uru melenğerañgö ölni mi ahakmemeninan kondela malme. Buña keu mi mutuk Damaskus aka Jerusalem siti yahöt mianğoreñ maljei, yeñgöra jim asariba malal. Mianğö andöñe Juda kantri pakpak yeñgöra jial aka kian kantri yeñgöra jiba uruñini kuñguba malal. ²¹ Könañi mianğöra aka Juda ambazip tosatñan jöwöwöl jikenöñ öngöba mianğoreñ qeraköba nö mimba kapañ köla köhömuñi nuñgubingö aket.

²² “Mewö aketmö, uruni melenñalanğoreñök mala kotpiga Anutunöñ bauköm ningiba maliga nalö kewöñe toroqeba ölop maljal. Baukbauk mianğöra aka ki kinda öngöngöñi aka eretñi engö jeñine keuni ki jizal. Moses aka kezapqetok ambazip yeñon yuai asuhumapkö jigeri, nöñon mönö yeñgö keuñini miyök törörök wuatangöba keu kewö nañgöba jizal: ²³ *Anutunöñ areñ ali Amötqeqe Toñi Kraist yañon sihimbölö möta

* 26:20: Apo 9.20, 28-29 * 26:23: Ais 42.6; 49.6; 1 Kor 15.20

kömumba azi mutukñi kömupnöhök wahötma. Wahöta Anutu asakñangö könani mi Juda kambu neñgöra aka kian kantri yeñgöra indela jim tuarim enjiba malmangö jiyök.”

²⁴ Polnön keuñangö likepñi mewö jiiga premiö Festusnön terengöba keu kembane kutuba jiyök, “Pol, gi kahapmahap akzan. Papia miriñi miriñi miangören öngönönga mötmötkan sehiba nöröpsohop mem gihii maljan.”

²⁵ Mewö jiyökmö, Polnön melenök, “O kembu sorokni Festus, nönön nöröpsohop qahö akzal. Keu jizali, mi mötkutukutu keu ölña akza. ²⁶ Kiñ Agripanön keu kiangö könani möt soroköza, mewö mötzal. Yuai pakpak mi tölapne wangöm kunön qahö asuhuyök. Miangöra keu buzupñi pakpak mi mönö kiñgö kezapne gei möt teközawi, mewö möt köhöizal. Miangöra nönön keuni ki ölöp awösamakak qakne kinda jibiga mötzan. ²⁷ O kiñ Agripa, Juda azi gi kezapqetok yeñgören Buzup Kimbigö keuñi möt narizan me qahö? Mi möt narizan, mewö mötzal.”

²⁸ Polnön mewö jiiga Agripanön melenä jiyök, “O Pol, göñön nalö töröptökñi kiangören uruni kuñgunönga nönön uruni melenä Kraistkö alañi akilenakgö mötzan me? Mewö mötmörizan me?”

²⁹ Mewö jiiga Polnön melenök, “O kiñ, keu köröpñi me kötoni jibilenak, mi muatmö, göñönök qahöpmö, döлки keuni kezap ala mötzei, körek enön mewöyök Kraistkö alaurupñi akñegöra urusihimnan möta kewö köuluközal: O Anutu, uruñini melen enjinönga nönön ki maljali, mönö miangö dop akne. Tapep (munğamunğa) miyök al enjimapköra qahö köuluközal.”

³⁰ Mewö jiiga kiñnön wahöriga premiö aka Bernaisi yetkön mewöyök wahörohot aka yembuk tatkeri, yeñön körek wahötket. ³¹ Wahöta mosöta angetka azi ipñan nanñinök eraum möta kewö jiget, “Azi kianön bölöñi kun qahö aiga wuanöngöra mönö gwaröhöm wangiget? Yanön kömupkö buña akñawañgö dop qahö akza, mi mötzin.” ³² Mewö jiba eraum möta Agripanön Festusgöra jiyök, “Sisa kiñgören anbiga keuni mindiñgöi diñjimapköra qahö kapan köla qesiba jibawak ewö, mönö ölöp pösaringa gebawak.” Mewö.

27

Pol wangenön algetka könahiba Rom anök.

¹ Azi ipñi yeñön neñgöra keu kewö jöhöget: Nini wangenön öngöinga luhutnön nanñgöi Itali kantrinön anbin. Keu mewö jöhögetka Pol aka kösö miri azi tosatñi mi suahö galöm kun qetñi Julius yanğö böröñe al enjiget. Julius yanön yarö kambu bahöñi kun qetñi “Rom sisa kiñgö yarö kambu” qetkeri, miangören yarö azi 100 yeñgö galömnina malök. ² Miri kun qetñi Adramitium miangörenök wange kun kaba Eisia prowinsgö köwet jitñi mötöteiba wange döpnji mohot mohot miangören anmapkö aka jöjöröyöhi, miangören öngöin. Öngöinga opo seri öröba mörörengetka luhutnön nanñgöi köwetnön anin. Masedonia prowinsgö siti qetñi Tesalonaika miangörenök azi kun qetñi Aristarkus yanön sunğurumnini aiga mohotñe anin.

³ Anda ahöm wahöta miangören Saidon mire anğorin. Anğoringa Juliusnön Pol ala ak wangiba jim teköiga wange mosöta alaurupñi yeñgören anda engehiga wani yuaigöra osiyöhi, mi bauköm wangiget. ⁴ Miangörenök kunbuk köwetnön aninga luhutnön köna anbin jiini, miangören görökenök qeba gilöhangöra lömböriiga toroqeba gölme jölanñi qetñi Saiprus miangö tölapne geba qöhöröngöba mötöteiba anin. ⁵ Aninga luhutnön nanñgöi köwet kutuba Silisia aka Pamfilia prowins yahöt mi etkonğita Lisia prowinsgö siti qetñi Maira miangören anğorin. ⁶ Anğota miangören suahö galömninan wange kun miwikñaiyök. Wange mianön Ijptkö siti qetñi Aleksandria miangörenök kaba Itali kantrinön anmamgö aka jöjöröyök. Mi miwikñaiya jim kutum neñgiiga miangören öngöin.

⁷ Öngöba köwetnön aninga luhutnön ölöp qahö nanñgöi wehön gwötpuk mi ösönösön anda malin. Mewö malin teköiga miangören kupuk-kapak aka köwet miangören Nidas

taon kösutne angorin. Kösutne angoringa luhut köhöiknanök gila miangören göröken toroqeba anbinanğö könani jöhöyök. Jöhöiga lömböriiga Krit gölme jölanğanğö jitni köröpni qetni Salmone mi onğita anda gölme jöhanğanğö tölapne geba qöhöröngöba mötöteiba anin. ⁸ Köwet jitni dowe mötöteiba osikosibuk anda mala Lasea taon kösutne miri qetni “Wanğe surusuruñi eksihimğambuk, Fair Hafens” qerakzei, miangören angorin.

⁹ Miangören anğota nalö köröpni mösöhöba malin. Mewö malinga singisöndok sanğonşanğonğö kendonni qetni Yom Kippur* miangö nalöñan teköiga luhutqeçe nalöñan lök kam kuñgui angorin. Luhutqeçe nalöñe ambazip köwetnön anda “Ayuhubinbuk,” jiba wanğenini jöhözema. Miangöra Polnön galöm meme keu kun kewö jii mötket, ¹⁰ “Aziurup, nini köwet qakne toroqeba anbinbuk. Mönö kupuk-kapak qakne anda ayuayuhu mi-wikñaibinbuk. Wanğenini raidimbomnön qei jömgöiga sukinapni geñmororonğ öngöngöñi aiga naninak mewöyök kömumbinbuk. Miri tandökñan mewö ahiga ekzal.”

¹¹ Galöm meme keu mewö jiyökmö, suahö galömninan Polgören keu mi qetala wanğe toni aka stia (möñaqöñai lökuat) galömni yetkön “Ölöp anbin,” jiyohori, suahö galömninan keuniri mi möt nariyök. ¹² Miri qetni “Wanğe surusuruñi eksihimğambuk” miangö wanğe döpnö mi luhutqeçe nalö tatatkö dop qahö ahök. Miangöra aka azi gwötpukñan anbingö keu kötöngöba kewö jiget, “Ki tatpingö ölan neñgöhöza. Ölöp opo seri öröba möröreñğögetka köwetnön anbin. Anda kapañ köla mala köna ahuiga Finiks wanğe döpnön anğotpinak. Miangören anğota luhutqeçe nalö ki ölöp tata malin teköma.” Wanğe döpnö qetni Finiks mi Krit gölme jölanñi miangö jitne wehön gegeni göröken ahöza. Mewö.

Raidimbomnön köwet meiga böliyök.

¹³ Anbingö keu mewö jigetka luhutnön ösönösön könahiba Saut görökenök gilök. Giliga “Ölöp anda areñnini wuatangöba Finiks ekin,” jiba mötmöröba kinda wanğegö kösö mendanñi musulgetka korök. Koriga wanğenön lolohoiga luhutnön nanğöi ösön neñguanğiriga Krit gölme jölanğanğö jitni mötöteiba dowe anin. ¹⁴ Mewö aninmö, nalö kude köriiga luhut ösumni köhöikni qetni mura (yoware, Not Istkö raidimbom (piwi)lililikni) miangön mönö gölme jölanñi miangö qakneyök qeba gila neñguba kayök.

¹⁵ Neñguba kaiga wanğenini galöm köl wanğibingö mem bibihigetka luhut qeba kayöhanğören göröken anmamğö osiyök. Osiiga mosötketka luhutnöhök wanğe kuñguba memba wanğiriga nanñak öne ani utuköm neñgiiga lañ malin. ¹⁶ Utuköm neñgiiga mala gölme jölanñi moröñi kun qetni Kauda miangö tölapne Saut göröken anin. Miangören anda gomba kösönön jöhögetka wanğe andöñe o kutuba kayöhi, mi aum-möröba köwetnöhök öröinga gwötpuk lömböriiga töndup kapañ köla öröinga korök.

¹⁷ Gomba mi öröin koriga wanğe ketane alin. Wanğenön utuköba jömgöbapuköra möringa kösö memba wanğe köpeiba jöhöm köhöiget. Mewö anda mala sak qetni Sirtis† miangören köwet röndumni köröpni qahö ahözawanğören kuñguba qaköbinbuköra keñgötñini mörin. Mewö mörinanğöra aka wanğegö opo seri yuaini mi meköba eta ala wanğe galömkölköl mosötket. Mi mosötketka luhutnön wanğe kuñguba neñgömiisiiga öne lañ anin. ¹⁸ Öne lañ aninmö, raidimbom miangön mönö könöpñambuk toroqeba gila utuköm neñgiyök. Mewö utuköm neñgiiga miri gianğiga miangören könahiba wanğegö sukinap tosatni memba köwetnön gilget geyök. ¹⁹ Wehön karöbut aiga miangören wanğegö öröyuai aködamanğambuk mi nanñinak memba gilgetka köwetnön geyök. ²⁰ Mewö memenaliba anda mala sunğem silim gwötpuk miangören wehön me senğelau kun qahö ehin. Raidimbom miangön mewöyök köhöiknanök toroqeba gila ahöyök. Gilayök ahöiga lömböriiga “Mönö qahöwakin!” jiba malmal jöhöjöhögö möta uruninan eri tötbörömnini tali tarin.

* **27:9:** Yom Kippur sösongai kendon mi Septembe teteköñe me Oktobe könakönahiñe alakze. † **27:17:** Sirtis mi Afrika kantri qetni Libia miangören göröken ahöza. Sirtis miangören köwet dutne sak kukundu ahöza.

²¹ Raidimbom uruŋe nalö köröpŋi kaba mala nene kun qahö nein. Miangöra aka Polnön sutŋine wahöta kinda kewö jiyök, “Aziurup, nöŋön Krit gölme jölanŋi qahö mosötŋingö goro jiali, iŋini nöŋgöreŋ keu mi wuatangögetka dop kölbawak. Mewö ahinga geŋmororoŋ aka ayuayuhu kianön mönö qaknine qahö öŋgöbawak. ²² Goroni mosötŋetmö, dölkü qambaŋ keu kewö engizal: Engöreŋök kunŋan kun malmalŋi qahö ayuhuma. Mi qahöpmö, waŋgeyök ayuhuma. Miangöra iŋini mönö ewebibiŋini möta tatme.

²³ “Nöŋön bem qetŋi Anutu yaŋgö buŋaya aka welenni qeba maljal. Suŋgem gaun ahöbiga yaŋön Suep garataŋi kun melaiiga nöŋgö kösutne kaba kinja. ²⁴ Kinda kewö jiza, ‘Pol, gi keŋgötŋi kude mötman! Gi ölöp Rom sisa kiŋgö jemesoholŋe anöŋga kewöt gihima. Mötnöŋ! Anutunöŋ körö ölöwakŋi kondel gihiba ambazip pakpak göbuk waŋgenöŋ mohotŋe maljei, yeŋgö malmalŋini mönö göhö böröge ali göbuk kinda kunŋan qahö kömuma.’ ²⁵ Suep garatanöŋ nöŋgöra keu jizawi, mönö miangö dop asuhuma. Nöŋön Anutu mewö möt narim waŋgizal. Miangöra aziurup, iŋini mönö eweŋini möta tatme. ²⁶ Mewö asuhumapmö, luhutnöŋ gila muwutapköm neŋgiiga gölme jöhanŋi kungö jitŋe aŋgotpinaŋgö dop akza.” Mewö.

Suŋgem 14 aiga gölme dopdowiget.

²⁷ Waŋgeninan Gölme Sutŋire Köwetkö (Mediterranean Sea) bahöŋi qetŋi Adria Köwet miangöreŋ öne laŋ aniga suŋgem 14 ahök. Mi aiga suŋgem bibiŋe miangöreŋ waŋge nup meme azi yeŋön “Mönö gölme kun dopdowizin,” jiba uruŋinan mewö mötŋet. ²⁸ Mewö möta kinda kösö kun lömbötŋambuk jöhöba gilgetka geba köwet dutŋi misiriyök. Misiriiga köwet röndungö qötöŋi ahuyöhi, mi 40 mita (120 fit) miangö dop ahök. Borom kun toroqeba anda tandök mohot miyök aketka qötöŋi miangön 30 mita (90 fit) miangö dop aiga miwikŋaiget. ²⁹ Mi miwikŋaiba waŋgeninan köt törom kambaŋe kuŋgubapüköra keŋgötŋini mötŋet. Mewö möta waŋgegö kösö mendanŋi 4 mi waŋge andöŋeyök pösata ösöŋ memba eta alget aka asarimapkö miri qeba mamböta köuluköba tatŋet.

³⁰ Mewö tatŋetmö, waŋgegö nup meme azi yeŋön kewö möndöba jiget, “Nini mönö waŋge numbuŋe göröken waŋgegö kösö mendanŋi tosatŋi gilinga gema.” Mewö möndöba jiba waŋge moröŋi gomba kun waŋgenöhök meköba mem et algetka köwetnöŋ eri waŋge mosöta esapköba tölapŋe ölöŋ köla anbingö aket. ³¹ Mewö aketmö, Polnön suahö galöm aka yarö azi yeŋgöra kewö jiyök, “Yeŋön waŋgenöŋ qahö mösölatiba kinme ewö, engö malmal jöhöjöhögö könaŋi kun qahö ahuma.” ³² Mewö juiga yarö azi yeŋön anda gombagö kösöŋi yandigetka nanŋök aniga nup meme azi yeŋön ölöŋ köla anbingö osiget.

³³ Waŋgaraŋ suruiga miangöreŋ Polnön körek pakpak nene nemegö qambaŋ keu jim kutum engiba kewö jiyök, “Iŋini lök nalö köröpŋi uruyahöt mamböta nene kun qahö yöhösöröba malgetka merak wehön 14:ŋi akza. ³⁴ Miangöra kewö jim kutum engizal: Nini malmal jöhöbingö aum-möribini, miangöreŋ ösumnini etpapüköra mönö köhöiba kinda ölöwahinga dop kölma. Miangöra iŋini mönö nene neme. Engöreŋök kunŋan kun silenŋi qahö qema. Nöröp juŋŋini moröŋa kun mi qahö kötökŋi sohoma.” ³⁵ Mewö jiba Polnön beret memba körek pakpak yeŋgö jemesoholŋine Anutugö saiwap jiba mindipköba könahiba neyök. ³⁶ Mewö neiga eka körek yeŋön awösamŋini geiga mewöyök nene memba neget. ³⁷ Nini waŋge uruŋe mindiriba jaŋgö 276 miangö dop malin. ³⁸ Yeŋön körek pakpak nene memba nem timbireŋ aket. Mewö aka waŋgenöŋ amqemapköra wit padi toru memba gilgetka köwetnöŋ geyök. Mewö.

Waŋgenöŋ köwet töromnöŋ kuŋguba qaköba jömgöyök.

³⁹ Miri gianŋiga gölme eka mi qahö möt kutuget. Qahö möt kutugetmö, köwet waŋgömŋi (bay) kun sakŋambuk miwikŋaiba eket. Mi eka “Mönö waŋge melenŋa esapköba miangöreŋ aŋgotpinak,” jiba keu jöhöget. ⁴⁰ Keu mewö jöhöba kinda waŋgegö kösö mendanŋaŋgö kösöŋi yandigetka suliga mosötŋetka köwet dutŋe ahöyök. Mi yandiba miangöreŋök likeplikep stia (möŋaqöŋai) lökuat yahöt ahöyöhi, mietkö kösöŋiri pösatketka

lolohoyök. Mi pösata wange wösönanjö opo serinji öröba mörörengögetka luhutnön nanjöi wange mönaigetka saknön göröken anin. ⁴¹ Mewö aninmö, wangenön köwet töromnön anapuköra jöhöbingö osiba mosöta gilgetka anda kunğuyök. Mianğoreñ kunğuba wange giliñan töromnön qeba çaköba anda kamangö osiba tarök. Mewö tariga köwet siriñan wangeğö andö likepñi gila kinda ösum köhöikñi mianjön qeba qesiñmesiñnök.

⁴² Mewö ahiga jiget, “Kösö miri azi yeñğoreñök kunñan o qeba kutuba ölöñ köla anapuk.” Mewö jigetka yarö azi yeñön kösö azi nini körek neñğubingö mötket. ⁴³ Mewö jigetmö, suahö galömninan Polgö malmalñi jöhömangö möta yarö aziurupñan mewö akepuköra anğön köl enğiyök. Anğön köl enğiba kewö jim kutum neñğiyök, “Denike enjön köwet qeba anangö könañi mötzei, inini mönö mutuk luhuba geba köwet qeba anda körökñe öngöme. ⁴⁴ Yeñön mutuk angetka tosatñan andöñine katapa sahötñi qelanjiba meme me wangeğö kitipñi könañi könañi miwikñaiba mianğö çakñe ahöba köwet qeba anme.” Mewö jim kutum neñgiiga tandök mewö aka körekñan malmalnini jöhöba köwet jitñe anğot teköin. Mewö.

28

Malta gölme jölanñe mamböta malin.

¹ Malmalnini jöhöba köwet jitñe kanğota mianğoreñ gölme jöhanñi qetñi Malta çetketka mörin. ² Kanğoringa kienön könahiba eri miri amöriyökmö, Malta ambazipnön ala-ala tandök ölop kötökñi kondel neñğiba köñöp ohoba neñğuañgitketka körekñanök köñöp kösutñe anda jömöta tarin. ³ Polnön köñöp omajarek qezaköba börangöba köñöpnön alök. Mi ali jeiga qatö kunön köñöp umñan kösuiga kota böröñe jöhöba yöhöyök. ⁴ Mokoleñnön mewö jöhöba böröñe möndöba eta kiniga gölme jölanñangö toñan eka nanñini eraum möta kewö jiget, “Azi ki köwetnöhök malmalñi jöhöba korökmö, Songoriñnön töndup likepñi melenñda malmalñi kutum wanjii kömuma. Mianğöra mönö enğui kömükömu azia akza. Mewö möt köhöizin.”

⁵ Mewö jigetmö, Polnön soramen utuköba kinda giliga köñöp uruñe geiga silene geñmororoñ kun qahö ahuyök. ⁶ Mewö jiba ehiba “Sileni qariba pisihima me wölan kömumba gölmenön tala eta kölma,” mewö jiba ek tiba mamböta kinget. Nalö köröpñi mamböta kingetmö, Polgö silene yuai bölöñi kun qahö ahuyök. Mewö aiga mötmötñini melenñniga jiget, “O, azi ki mönö bem azia akza.”

⁷ Malta saknön kanğota lan uba kösutñe nene nup gölme körö jajapñi aka bau bulmakau kambuñi kambuñi ahögetka ehin. Mi gölme jöhanñangö azi kembuñini qetñi Publius yanğö buñaya ahöyök. Gölme toñi mianjön köl öröm neñgii miriñe öngöinga urukalem çakñe köyan köl neñgiiga yambuk köisirik taringa wehön karöbutkö dop anök. ⁸ Taringa Publius iwiñan silekönöp aka irip suaip sepñambuk kawöl (dysentery) mianjön yöhöiga dumnöhök ahöyök. Ahöiga Polnön yanğoreñ anda köuluköba böröñi nöropñe ala mem ölöwahök. ⁹ Mewö asuhuiga mianğoreñök kawöl ambazip tosatñi pakpak gölme jöhanñe ahögeri, yeñön mewöyök kanğotketka Polnön Anutu köuluköiga ölöwaket. ¹⁰ Yeñön kalem könañi könañi gwötpuk neñğiba mewö mianjön göda qem neñğiba malget. Könañep wangenön öngöbingö ahini, nalö mianğoreñ köwet çakñe köna malmalgö yuainangö osiini, mi memba neñğöra wangenön alget. Mewö.

Malta mosöta anda Rom sitinön anğorin.

¹¹ Köin karöbut teköiga wange kun qetñi “Bem Siwisiwi” miwikñaiget. Wange mianğö nundune siwisiwi bemyahöt qetñiri Kastor aka Poluks mietkö imutñira memba meñölöba alget kinohot. Wange mianjön Ijipt kantrigö siti qetñi Aleksandria mianğoreñök kaiga gölme jöhanñe jöhöba luhutqeçe nalöñi mi tatket. Mi tatket teköiga öngöinga opo seri öröba mörörengögetka luhutnön nanjöi mosöta anin. ¹² Anda mala siti qetñi Sairakyus mianğoreñ anğota gölmenön eta wehön karöbut tarin. ¹³ Tata wangenön

öngöinga opo seri öröba mörörengögetka anda Regium sitinöη angorin. Angota ahöm wahöta luhut Saut görökenök könahiba gilök. Gili anda silimñi yahöt aiga miangöreη Rom likepñe Puteoli taongö wange döpnöη angorin.

¹⁴ Angota miangöreη urumelenη alaurup tosatñi miwikñaiba engehini. Engehinga kewö qesim neηgiget, “Inini ölop nembuk sonda mohot malbeak me qahö?” Qesim neηgigetka “Ölop!” jiba yembuk malin. Malin teköiga enögömosöta Rom sitinöη öngöin. ¹⁵ Urumelenη alaurupninan Rom siti malgeri, yeηön kainangö keu buzupñi mötket. Mi möta miwikñaim neηgibingöra tosatñan wahöta (köna 43 mail kaba) miri qetñi Apius Forum maket miangöreη kaget. Tosatñan (33 mail kaba) miri qetñi Kian miri karöbut, miangöreη kaba miwikñaim neηgiba angehini. Angeka Polnöη “Anutu saiwap!” jiba möpöseiba uruñi amqeiga ölöwahök. Mewö.

Polnöη Rom tata Juda ambazip uruñini kunguyök.

¹⁶ Rom sitinöη kangota miangöreη Polnöη miri kunöη nanñök malmapkö jim teköm wangigetka yarö azi kunñan galöm memba yambuk malök.

¹⁷ Mewö jim teköm wangigetka miri miangöreη tari silim karöbut teköiga Juda ambazip ipñi köl öröm enγii kaba tokoget. Tokogetka Polnöη kewö jii mötket, “Iwi alaurupni, nöηön nanine Juda ambazip kambunini qahö qetala kazik ak enγial me ambösakonurupnini yeηgöreηök ahakmeme möta maljini, mi qahö ak böliäl. Mewö qahöpmö, töndup Jerusalem sitinöη qeraköba nömmimba jöhöm niηgiba kösö mire al niηgiget tatpiga Rom gawman yeηgö böröηine al niηgiget. ¹⁸ Al niηgigetka böröjaη memba könaηamnanγö qesiba kewötketka ölöwahök. Nöηön yuai bölöηi kun qahö aka kömupkö buηaya akilenakö dop qahö ahal. Yeηön mewö eka pösat niηgibingö mötket.

¹⁹ * “Mewö mötketmö, Juda jitñememe yeηön Judia miangöreη keu mi qetala tuarenjoη aket. Mewö aketka siksauk aka lömböriiga nöηön köna jaruba kun qahö miwikñaiba kewö kapanη köla qesial, ‘Ni ölop Rom sitinöη anbiga sisa kiηnöη keuni mindiηgöi diηgima.’ Mewö qesibiga melaim niηgigetka ki kayal. Nani Juda kambu yeηön kazik al niηgigetmö, töndup yeηgö silenine keu bölöηi kun ala jim enγimangö qahö mötzal. Mewö qahö. ²⁰ Anutunöη azi kun asuhumapkö jöhöjöhö keu al neηγiiga Israel neηön keu miangö ölni ahumapköra mamböta jörömqöröm ahakzini, nöηön mönö azi sorokñi yangöra aka gwaröhöm niηgigetka tapep (muηgamuηga) ki bisizal. Könaηamni mewö. Miangöra aka merak engeka keukeu eraum mötpingöra köl öröm enγibiga ki kaba tokoze.”

²¹ Mewö jiiga jiget, “Judia gölmenöη göhöra keu jiba malgetmö, neηgöra kimbi kun qahö alget kaiga ehin. Mewöyök alaurupninan miangöreηök ki kageri, yeηgöreηök kunñan göhö keu buzup me kösohot bölöηi kun qahö jii mörin. ²² Mi kun qahö jiget mörinmö, uruge keu ahözawi, nini mi ölop mötpingö mötzin. Göhöreη Nazaret pati kambu miangö keuñi mi gölme dop jigetka ambazipnöη qetalgetka likeplikep miangöreη goranora keu gwötpuk jiba kazik ahakze. Pati kambu miangö buzupñan mewö kezapnine gei mötzin.”

²³ Mewö jiba Polnöη keu kunbuk jimapköra nalö kun arengöget. Mi arengögetka Juda ambazip jesöηgöηan nalö miangöreη kaba Pol miri malöhaηgöreη tokoget. Tokogetka söηanök könahiba Anutu bemtohoηangö könañi jim asariba mali miri söηauyök. Jisösgö könañi möt yaköba möt nariba uruyahöt mosötmegöra kapanη köla uru kungum enγiba malök. Mutuk Mosesgöreη Köna keu aka kezapqetok ambazip yeηgöreη Buzup Kimbi oyoηda keu miangöreηök könahiba Jisösgö könañi indela mianön kondela naηgöba jiba malök. ²⁴ Buηa keu mewö jiba maliga tosatñan uruyahöt mosöta möt narigetmö, tosatñan mi qahö möt nariba tönpin malget. ²⁵ Nanñini urumohot qahö ak anγuba sutñine mötmöt kambu yahöt aka denbingö aket. Denbingö aketka Polnöη keu kewöyök jii mötket, “Uηa Töröηan keu kun kezapqetok azi Aisaiagö uruηe saηep ali ambösakonñini jii mötkeri, mi mönö enγöra dopñine törörök jiyök. ²⁶ * Aisiaianöη keu mi kewö jii ahöza,

* 28:19: Apo 25.11 * 28:26: Ais 6.9-10

‘Gi mönö ambazip kambu kienğörej anda kewö jinöj mötme: İjini mönö kezapıını ala keu ölna mötagun könaıı möt bibihiba töndup qahö möt asarime. Jeıınan uba yuai ölna ekagun könaıı ek bibihiba töndup qahö ek kutume.

²⁷ Ambazip kambu kienğö uruıınan mönö köhöiba gwözönda ahöza.

Kezapıınan keu möt bibihiba jeıını kömaziliköba malje.

Mewö qahö akeak ewö, mönö jeıınan yuai ölop ek kutuba kezapıınan keu möta uruıınan könaıı möt asariba uruıını melengetka nöjön i ölop mem ölowak engibileıak.’ ”

²⁸ Polnöj keu mi jim teköba kewö jiyök, “Miangöra ijini mönö keu kötıı ki ölop möt yaköme: Anutunöj amötqeqegö Buıa keııı mi mönö kian kantri yeıığörej ali anma. Yeıığörej aniga yeıın mi ölop kezap ala mötme.” ²⁹ (Polnöj mewö jim teköiga Juda yeıın nanıınök könöpuk jıtnakölik aka goranora eraugget öngöba eriga mosöta anget.) *

³⁰ Polnöj nanııngöra miri kun kusuk söııgörüıı memba miangö uruııe (yara) yambu yahöt jömuıınanök ahöm malök. Miangörej mala ambazip denike yeıın ekingö kageri, yaıın mi pakpak ölop köl öröm engiba malök. ³¹ Awösamkakak qakııe kindı Anutu bemtohoııngö könaıı jim asariba uru kuııgum engiba malök. Kembu Jisös Kraist möt waııgimegöra Anutu amötqeqegö könaıı kusum engiba malök. Mewö maliga kuıınan kun qahö qetal waııgiııa mala kota malök. Mewö.

* **28:29:** Mötmöt ambazip yeıın Jabö 29:gö keııı kewöta tosatıınan Luknöj mi könakönahiııe qahö ohoyök jizemö, tosatıınan keu miambuk urumohot qahö akze. Miangöra jabö 29 mi sel uruııe ahöza.

Rom kimbi Polnön Rom yengöra kimbi alök. Jim-asa-asari

Jim-asa-asari Rom sitinön kopa malgetka urumelen kambuñi kambuñi yenön sutñine simbisembel denđa malget. Juda tosatñan uruñini melenđa Juda ahakmemenön aka Köna keunön qekötahöba silenini yandiba sömbup qahö nempa malget. Kian kantrigö urumelen kambu yenön Anutugö kalem möriamñi qekötahöba Anutugö Köna keu bapñe qahö anda söngöröqök aka siñgisöndok amqeba akingö mötket. (6.15) Anutunön Juda könagesö ölni andö enguba salupñine kian ambazip engoholi buñañi akeri, miangöra söngaiba ilit engiget. (11.18-20) Mewö aka Juda urumelen yenön silikñini walñi mewöyök wuatangögerangöra aka jijiwilit ak engiba malget. Juda kambu yenön kian kantrigö urumelen alaurupñini qepureim engiba Juda silikñini qahö wuatangögerangöra aka keuñini töhören jim teköba söngöröqök aket. (2.17-20; 14.3)

Mindirim engimangöra Polnön kambu yahöt yengöra goro keu nanñök nanñök engimakza. Juda yengö könañini indeliga (2.21-27) kian kantri yenön söngaiget. Keu bohonñi kewö jiyök, 'Jisös möt naringa Anutunön mötnaripñini eka keunini jim teköiga solanibin. Köna murutñi kun qahö ahöza.' (1.17) Kian kantri ambazip söngöröqökñini qekömapköra könañini indela kewö jiyök: "Anutunön nanñini ölöpñinangöra aka qahöpmö, nanñi ak-kömukömuñangöra aka inñini möwölöhöm engiyök. (11.30-32) Miangöra mönö kapan köla Köna keu tem köla malme. (7.12-24) Körekmakörek siñgisöndokö kösö gwarönön mala ayuhubingö akzinmö, (3.23; 5.12) Anutunön nanñi irimsesewölñan etmapköra aka Kraist melaiyök. (5.8-9) Uña Töröñan meköba siñgisöndok aka kömupkö kukösumnöhök pösat neñgima. Miangöra siñgisöndok ahakmeme mosöta (6.11-14) mindiriba jöpaköm anguba kopa yengö sutñine kopa tandök kude malme." Goro mewö engiiga ösöñösön tem köla mindiriba malget. Polnön nalö mutukñi Rom ani nanñöm wangigetka toroqeba Spein kantrinön anmamgö möta mewö ohoyök.

Buk kianğö bahöñi bohonñi 7 mi kewö:

Jim asa-asari keu aka keu bohonñi *1.1-17*

Köreknan siñgisöndokö amötqeqegöra osizin *1.18-3.20*

Anutunön amöt qem neñgimazawangö könañi *3.21-4.25*

Kraistpuk malmal dölökñangö könañi *5.1-8.39*

Israel yenön Anutugö mötmöt areñnön malje *9.1-11.36*

Urumelen neñgö silik ahakmemegö keu *12.1-15.13*

Keu teteköñi aka nanñi yaizözkök keuñi *15.14-16.27*

¹ Pol ni Jisös Kraistkö nup meme azia aka Rom urumelen ambazip embuk keu eraum mötpingöra kaba kimbi ohozal. Anutunön noholiga melaimelai azi aposol akzal. Anutunön Ölöwak Buñañi jim sehimangöra möwölöhöm niñgiiga maljal.

² Anutunön oyaenköyaen akingö Ölöwak Buñañi indelmapkö keuñi mi qeljiñe jöhöba jiiga kezapqetok ambazipñön möta Buña Kimbi töröñi miangören ohogetka ahöza.

³ Ölöwak Buñagö könañi mi nanñi nahönñi Jisös Kraist. Yanön gölme azi ewö kin Deiwidkö gwölönarökurupñi yengörenök asuhuyök.

⁴ Suep azi ewö Uñañan solanñi töröñi ahök. Anutunön i mem guliiga kömupnöhök wahöriga kukösumñan aukñe asuhuyök. Anutunön mewö miangön nanñi Nahönñi akzawangö keuñi mi jim köhöiba kuñgum wangiyök. Kembuninangö könañi mewö.

⁵ Kraistnön nupkö ölni kewö asuhumapköra mörök: Neñön kian kantriñi kantriñi liliköba Jisösgö qetñi sutñine jim sehiinga möta uruñini melenđa möt narim wangiba keuñi tem köla malme. Miangöra aposol nupñi aka kalem möriamñi mi neñgiiga memba

maljin. ⁶ Anutunöŋ ambazip Jisös Kraistkö buŋaya aka malmegöra enggholöhi, Rom injini mewöyök yengö sutŋine malje.

⁷ Uruŋini melenŋa Rom sitinöŋ maljei, nöŋön körek engöra kimbi ki ohozal. Anutunöŋ injini nanŋi ambazip sarakŋi malmegöra engghola jöpaköm enggimakza. Anutu Iwinini aka Kembu Jisös Kraist yetkön mönö kalem möriam engghoyhotka luainöŋ malme. Mewö köulukömakzal.

Polnöŋ Anutu möpöseiba kewö köuluköyök:

⁸ Gölmeneŋi gölmeneŋi pakpak yenön Rom engö mötnariŋinanŋö kösohotŋi jigetka mörakzal. Miangöra keuni könahiba Jisös Kraistnöŋ nam köl niŋgiiga körek engöra aka Anutuni saiwap jimakzal. ⁹ Nöŋön mötmöt sihimni pakpak Anutugö nupnöŋ ala welenŋi qeba Nahönŋanŋö Ölöwak Buŋaŋi jim asarimakzal. Miangöreŋ sundan injini mötmörim enggimakzali, mi Anutunöŋ nanŋöba jimakza.

¹⁰ Nalö dop kewö jiba köulukömakzal, “O Anutu, nöŋön Rom yengöreŋ anmamgö möta nalö köröpŋi lök mambötzal. Miangöra mönö sihingahö dop jinöŋga köna asuhiiga nalö kewöŋe ölop anmam.” Mewö. ¹¹ Enggeka mötnariŋinan köhöimapköra möta ölop nup memegö mötmöt kalem kun enggimam. Miangöra nalö mutukŋa engöreŋ kaba enggekŋamgö awöweŋöba maljal. ¹² Kewö akingö awöweŋömakzal: Nöŋön enggekiga mutulanŋöba ni aka injini denöwö möt narimakzini, mi eraum möta urunöŋ nanŋöba körö-ölöwak qem angubin.

¹³ *O urumelenŋ alaurupni, injini mönö kewö mötmöriba malme: Nöŋön kian kantri tosatŋi yengö sutŋine liliköba uruŋini kuŋgum enggibiga melenŋeri, miangö dop engö sutŋine mewöyök ölni asuhui ekŋamgö mötzal. Miangöra nalö gwötpuk lök engöreŋ kusus kamamgö areŋi ala malalmö, yuai tosatŋan mönö nalöŋi nalöŋi jöhöm niŋgiiga osial. ¹⁴ Anutugö jeŋe tosa kewö ahöm niŋgiza: Ambazip kambu könaŋi könaŋi bauköm enggimamaŋgö keuŋan mönö nöŋgö qakne ahöza. Mötmöt ambazip aka gukmaulem ambazip miengö welenqeqeŋini öröröŋ akzal. Mindimindiri keu Grik mötzei aka qandam * mala nanŋini keuŋine irohowaroho jimakzei, mi körek bauköm enggimamgö mötzal. ¹⁵ Mewö möta Ölöwak Buŋa mi Rom siti engöra mewöyök jim asarimamgö amqeba urukönöp ahakzal. Mewö.

Ölöwak Buŋagö kukösumŋi kewö:

¹⁶ *Anutugö kukösumŋan nini körek mem letot neŋgiiga nalö kewöŋe Suepkö buŋaya akzin. Juda neŋön mutuk urunini melenŋa mi möt nariin aka neŋgö andönine kantri tosatŋi yenön mewöyök mi möt nariget. Miangöra Anutunöŋ kukösumŋi Ölöwak Buŋanöŋ ali ahözawaŋgöra mi algamusum qahö ahakzal. ¹⁷ *Ölöwak Buŋanöŋ mönö solanŋi akingö könaŋi indelakza. Buŋa keu kun kewö ohoget ahöza, “Solanŋi akzawi, yanön mönö Anutu möt nariba mewö miangön köhöiba mal öngöma. Keu miangö könaŋi kewö: Nini Anutu könahiba möt nariinga mötnariŋnini eka keunini jim teköiga solaniin aka gölmenöŋ malbinanŋö dop toroqeba möt narim waŋgiba jeŋe solanimakin.” Mewö.

Neŋgö siŋgisöndoköra Anutugö irimŋan seholimakza.

¹⁸ Ölop solanibinakmö, ambazip keu ölni ahakmemeŋinan közaŋgöba siksauk memakzei, Anutunöŋ mi Suepnöŋ euyaŋ-göreŋök uba ehi qahö dop köliga irimŋi seholimakza. Ambazip mewöŋi pakpak enggeka aŋgöjörakŋini qetala silikŋini bölöŋanŋgöra aka kazikŋi indeli asuhumakza. ¹⁹ Mi kewögöra: Anutugö könaŋi möt kutubinangö dop akzawi, mi mönö nanŋak indel enggiiga sutnine aukŋeyök ahöiga mörakze.

* **1:13:** Apo 19.21 * **1:14:** Qandam, Siawari imbinöŋ qandak, Nei keunöŋ bus kanaka, ambazip arökŋe nanŋinök tönpin mala mötmöt mirinŋini qahö gukmaulemnöŋ malget. * **1:16:** Mak 8.38 * **1:17:** Hab 2.4

²⁰ Anutugö malmalñi qahö ehakzinmö, kukösumñi mi Suep gölme miwikñaim etkiba mianğoreñök könahiba kondela mala koriga nalö teteköñi qahö asuhumakza. Mianğöra Anutugö börösöwöñi törörök ehinga bem aködamunñambuk akzawañgö könañan mönö ölop möt kutubinañgö dop akza. Mianğöra ambazipnöñ yuai kunöñ möndöba nanñine keuninañgö likepñi nanğöba jibingö osimakze. ²¹ *Anutugö könañi möt kutuba malgetmö, töndup “Yañön bemnina,” mewö qahö jiba i qahö möpöseigetka qetbuñañi sutñine qahö ahöyök. Mewö qahö ahöyökmö, keu omani lanlan mötmörigetka mötmötñinan löwöriiga mötök aket. Uru mötkutukutuñini qahö mianñon mönö ömuñ köla pandaman meiga jipjap malje. Mianğöra “Anutugö könañi qahö mötzin,” jiba möndömöndö lan aketka qahö dop kölja.

²² “Mötkutukutu ambazip maljin,” jiba silenini memba öngöba malgetmö, mewö mianñon uruqahö ambazip akze. ²³ *Anutu qetbuñañi asakmararañambuk nalö teteköñi qahö mal öngömawi, i qahö möpöseiba waikñi qahö memba malgetmö, i mosöta salupñe tandö lopion aka imut tosatñi kunğuguet. Tandö lopion söhögetka kaisongolomñinan azi kömukömuñañgö dop akze. Imut tosatñi megetka nei sömbup aka gölmenöñ bapñinan köla ölölöngömakzei, miengö dop akze. Yeñön mi sipköba bem ewö möpöseim engiba malget.

²⁴ Mewö aka malgerañgöra Anutunöñ i andö enğuiga nanñini uruninañgö sihim kömbönañini lan wuatangöba serowilin aka nanñini silenini gamu qeba mem et al anguba malje. ²⁵ Anutugö keu ölni mosöta salupñe keu muneni qekötahöget. Miwimiwikñai Tonji ölna qahö göda qeba welenni qahö qeba malgetmö, yuai miwikñaiyöhi me nanñini böröñinan megeri, mianğö sihimñi asuhui möta börösöwö miengö waikñini memba möpöseim engiba malget. Mewö malgetmö, neñön miwimiwikñai Tonini mi nalö teteköñi qahö möpöseimakin. Keu mi ölna.

²⁶ Mewö aka malgerañgöra Anutunöñ i andö enğuiga nanñini sihim kömbönañini gamuñambuk mi lan wuatangöba kewö aket: Yeñgö ambiurupñinan awanöm köna diñdiñi mosöta nanñinak melenđa amimba malget. ²⁷ Azi yeñön mewöyök ambibuk amimba malmal mosöta gongiget. Kaisero akitkö sihim kömbönañini mi azi sutñine öröm anguba mötketka könöpñambuk aiga nanñinak melenđa amimba angöjörakñinambuk aka malget. Gongiba jaubatbat malgerañgö likepñi mi Anutunöñ dopñine melenj enğuiga qakñine öngöiga böliget.

²⁸ Anutugö könañi möt kutubingöra mötketka eretñi aiga mosötketka Anutunöñ mönö mewöñanök i andö enğuiga nanñini mötmötñini gongonjan galöm köl enğuiga ahakmeme gamuñambuk aka memba malget. ²⁹ Ahakmeme gongonji aka silik bölöñi könañi könañi mianñon uruñini kokolak qeiga kewö ahakze: Yuaigö nepaqepalok membagan memb-ingö köpösöngöba isimkakalek ahakze. Tosatñi yeñgöreñ yuaigöra körögisigisi ahakze. Ambazip enğuget kömumakze. Angururuk aka tosatñi tilipköm engimakze. Ambazip tosatñi jiliwitñi qakñe bölöñi ak engibingö mörakze. Keu ambazip kezapñine sanjep alget geiga diwonđawon anakza.

³⁰ Andöqege keu jimakze. Anutugö yom jimakze. Silik bölöñi könöpñambuk tem köla wuatangömakze. Jakbak-orañbörañ aka silenini memba wahörakze. Silenöñ alal aka silik bölöñi murutñi murutñi miwikñaimakze. Iwinam keunini qahö tem kölakze.

³¹ Mötmötñini qahö tohoiga uruqahö mala keu lan jöhöba qahö wuatangömakze. Alala qahö aka tosatñi yeñgöra wösömötmöt qahö ak engimakze. ³² Anutunöñ köna diñdiñi kewö jim kutui ahöza: Ambazip bölöñi mewöñi ahakzei, yeñön mönö kömup köhöikñangö bujaya akñeangö dop akze. Yeñön jimkutukutu mi möt asarizemö, töndup nanñinak bölöñi mi ahakze aka miyök qahöpmö, tosatñan mewö aketka “Ölop!” jiba imbi köla nanğöm engimakze. Mewö.

* **1:21:** Ef 4.17-18 * **1:23:** Dut 4.16-18

2

Anutunöŋ keunini kewöta diŋdiŋanök jim tekömakza.

¹* O alani, gi tosatŋi yeŋgö keunini jim tekömakzan me qahö? Gi tosatŋi yeŋgö keunini jim teköba nangak ahakmeme miyöhök ahakzan. Miangöra alagahö keuŋi kun jim teközan ewö, mönö nangahö keu mewöyök jim tekönöŋga miangö lömbötŋan nangi qake öŋgöma. Miangöra öŋgöŋgöŋi me eretŋi akzani, mi töndup mönö yuai kunöŋ möndöba nangahö keugö likepŋi nanŋöba jimangö osimakzan. ² Ambazip ahakmeme bölöŋi mewöŋi ahakzei, Anutunöŋ yeŋgö keunini keu ölnaŋgö dop kewöta jim tekömakza, mi mötzin.

³ Miangöra denöwö mötmörizan? Gi gölme azia aka töndup yuai mewöŋi ahakzei, yeŋgö keunini jim teköba nangak ahakmeme miyöhök aknöŋga dop kölja me qahö? Anutunöŋ keugi kewöta jim teköba likepŋi melenŋ gihiiga ölna göhö qake öŋgöma. Anutugöra jeŋe qahö mömölaköba asambötman.

⁴ Anutunöŋ ala ak neŋgiba bölöŋamninaŋgö likepŋi zilaŋ qahö melenŋmapmö, mamböta möta mökösoŋmakzawi, keu miangöra jijiwilit akzan me? Anutunöŋ uruölöpŋi kondela urugi melenŋ-mangöra öröm gihimakzawi, miangöra tönpin malbanbuk. ⁵ Gi kezapjupjup aka urugi qahö melenŋmani, mewö mianöŋ Anutugö jeŋe qahö mömölakömanmö, irim-sesewölŋan göhö qake sehiba öŋgöma. Kazik nalöŋan kam kuŋguiga keunini diŋdiŋanök jim teköma. Likepŋi melenŋ neŋgimawi, nalö miangöreŋ irimsesewölŋi mönö aukŋe indeliga eka mötpin.

⁶* Anutunöŋ mönö “Ahakmemeninangö dop mohot mohot neŋgöra likepŋi melenŋ neŋgimawi,” mi kewö: ⁷ Anutunöŋ qetbuŋaŋi neŋgimapköra mamböta aködamuninambuk akingöra kapan köla pöndaŋ kinda nup ölopŋi ölopŋi memba maljini, neŋgöra malmal köhöikŋi neŋgima. Mi neŋgiiga nalö teteköŋi qahö oyaenŋkoyaenŋ mal öŋgöbin. ⁸ Mewö mal öŋgöbinmö, ambazip nanŋinaŋgörök mötmöriba girinjabak memba Buŋa keu ölni andö qeba keu bölöŋi wuatangömakzei, Anutugö irimŋan mönö miangöra seholiiga kazikŋi ali qakŋine öŋgöma. ⁹ Kazikŋi mi mutuk Juda neŋgö qakŋine öŋgöiga neŋgö andönine kantri tosatŋi aiaka bölöŋi ahakzei, körek yeŋgö qakŋine mewöyök öŋgöiga sihimbölo kahasililiŋ möta malme.

¹⁰ Mewö malmemö, Juda aka neŋgö andönine kantri tosatŋan mewöyök urunini melenŋda aiaka ölopŋi ahakzini, Anutugö aködamunŋan mönö körek neŋgö qakŋine öŋgöiga qetbuŋa neŋgiiga luainöŋ malbin. ¹¹* Anutunöŋ ambazip tosatŋi qahö neŋgek soriba tosatŋi qahö qepureim enŋgimakzapmö, dop mohotnöŋ kewöt neŋgimakza.

¹² Miangö könaŋi kewö: Kantri tosatŋi yeŋöŋ Anutugöreŋ Köna keu qahö oyoŋda möta siŋgisöndok laŋ ahakzei, yeŋöŋ mönö körekŋanök tönpin mala ayuhume. Juda neŋöŋ Anutugöreŋ Köna keu oyoŋda möta töndup siŋgisöndok ahakzini, Anutunöŋ mönö keu miangö dop körek kewöt neŋgiba keunini jim teköma. ¹³ Ambazip Anutugöreŋ Köna keu öne mörakzei, yeŋöŋ Anutugö jeŋe solanŋi qahö akze. Qahöpmö, Köna keu tem köla wuatangömakzei, Anutunöŋ mönö yeŋgö keunini jim teköiga solanize. ¹⁴ Kantri tosatŋan Anutugöreŋ Köna keu qahö memba maljemö, tosatŋan töndup laŋ nanŋini imbi miangö dop mötmöriba ahakze. Anutugö köna keuŋi qahö mötzemö, töndup mötmötŋinan jim kutum enŋgiiga Anutugö köna keugö dop aka miangö bapŋe malje.

¹⁵ Mewö maljeangö könaŋi mi aukŋe asuhuba kewö ahöza: Anutunöŋ ambazip miwikŋaim neŋgiba miangöreŋ Köna keuŋangö jimkutukutuŋi mi körek neŋgö urunine ali ahöza. Miangöra Anutunöŋ keuŋi jiba saŋep alakzawi, mi kian kantri yeŋöŋ mewöyök mörakze. Mi uruŋinaŋgö kezapŋan mötketka keunini jiiga Anutubuk öröröŋ mörakze. Anutunöŋ urumötmöt enŋgiyöhi, mianöŋ nalö tosatŋe keu jakeŋe ala kuŋgum enŋgiiga möt bölimahakze aka nalö tosatŋe keunini nanŋöba jiiga möt ölöwahakze. ¹⁶ Ölöwak Buŋa jim

* 2:1: Mat 7.1; Luk 6.37 * 2:6: Sum 62.12; Qam 24.12 * 2:11: Dut 10.17

asarimakzali, mianğö dop nalö ketanę kewö asuhuma: Kraist Jisösnöñ Anutu bauköm wanğiiga ambazip nenğoreñ keu tölapñi tölapñi kewöta jim teköm nenğima. Mewö.

Köna keu mianğön könanamni denöwö indelja?

¹⁷ Gi nangi qetki Juda azia qeta Köna keunöñ amöt qem gihimapkö möt nariba “Anutugö buñaya akzal,” jiba silegi möpöseinöñga dop kölja me qahö? ¹⁸ Gi Anutugö jitñanğö dop malmalgö keunji möt sölöñgöba maljan. Anutugö Köna keu kusum gihigeranğöra aka köna qetpuk sorok wuatangömamğö jiba keu pakpak kewöta ölnji aka munenji mendenmakzan. ¹⁹ Gi “Ölöp jegömöl ambazip alabaukñini aka enğuanğitmam,” jiba aiweliköm anğumakzan. Söñapnöñ maljei, mi mem asarim enğimananğö dop awösamkakak akzan.

²⁰ Mewö aka kewö jimakzan, “Köna keu kusum niñgigetka mötkutukutu lök miwikñaiba keu ölnanğö könanji mötzal.” Mewö jiba anqeba kewö jimakzan, “Ni ölöp ambazip mötmöñini qahö yenğö böhiñina akñam. Ölöp mönö namande yenğö qağazuñina aka kusum enğimakñam.” ²¹ Mewö jiba tosatñi kusum enğiba wuanöñğöra nangi qahö kusum anğumakzan? “Yoñgorö kude meman,” jiba ambazip uruñini kuñgum enğimakzanmö, nangak yoñgorö meme aknöñga qahö dop kölja.

²² “Sero yoñgorö kude akñan,” mewö jinöñ mötketka nangak kaisero akzan me qahö? Tandö lopioñ sisit mem enğimakzanmö, töndup nangak jöwöwöl jikenöñ öñgöba yuainji anğön köla kiom qeba memakzan. Mi qahö dop kölja.

²³ Anutugöreñ Köna keubuk maljananğöra silegi lañ memba öñgömakzanmö, nangak mi walöñda mewö mianğön Anutugö qetbuñani memba et ala malnöñga gamuñambuk ahakza. ²⁴ *Mianğö keunji mi Buña Kimbinöñ kewö ohoget ahöza, “Enğö silikñinanğöra aka kian kantri könagesö yenğön Anutugö qetñi ilita sutñine mepaqepaik ahakze.”

²⁵ Anutugöreñ Köna keu wuatangöba maljan ewö, Anutugö aiwesökñi silege yandigeri, mianğön mönö bauköm gihiiga dop kölja. Mi dop köljamö, köna keu walöñda siñgisöndok ahakzan ewö, mönö aiwesöki qahö memenji mewö tandök aka öne lañ maljan. ²⁶ Tosatñan Anutugö aiwesökñi silenine qahö yandigetka töndup köna keugö jimkutukutuñi wuatangömakze ewö, Anutunöñ aiwesök mi silenine ahözawanğö dop ewö enğehiga dop kölja.

²⁷ Mewö enğehiga yenğöreñök kunñan ölöp Köna keugö dop göhö keugi töhöññi kewöta jim teköiga etman. Anutugö aiwesökñi silege yandigetka Köna keugö bohonñi mohot mohot möt anğön köla maljanmö, mi walöñda siñgisöndok ahakzananğöra aka etman.

²⁸ Azi kunñan silenöhök Juda azia akza ewö, yanğön mönö Juda azi ölnji qahö akza. Mewöyök Anutugö aiwesökñi sileneyök yandigetka yanğisen ahakze ewö, mi mönö aiwesök omanji, ölnji qahö.

²⁹ *Ölnji qahöpmö, azi kun uruñan Juda azia akzawi, yanğön mönö Juda azi ölnji akza. Mewöñanök Anutunöñ urunini qesöñda Uñanji Töröñji mianğöreñ ali maljawwi, mianğön mönö aiwesök ölnji akza. Köna keugö bohonñi wuatangöba azi silenji yandigetka gölme ambazipnöñ mötketka öñgömakzapmö, Anutunöñ aiwesökñi urunine kinjawanğöra möri öñgöi möpöseim nenğimakza. Mewö.

3

Anutunöñ keunji pöndan wuatangömakza.

¹ Mewö ahöiga Juda ambazip maljini, mianğön mönö denöwö bauköm nenğibawak? Anutugö aiwesökñi silenine yandigeri, mianğö ölnjan mönö denöwö ahum nenğiza?

² Ölnjan mönö malmal pakpak mianğöreñ gwötpuk ahuba ölnja bauköm nenğimakza. Mianğö keunji mutukñi kewö: Anutunöñ Buña keunji nenğiiga buñanina aiga maljin.

* 2:24: Ais 52.5 * 2:29: Dut 30.6

³ Mewö maljinmö, neŋgöreŋök tosatŋan Anutu qahö möt narim waŋgiba malgetka denöwö ak eŋgima? Yaŋgiseŋ malgeraŋgö likepŋi melenđa mönö denöwö ak neŋgima? Urukalemŋi jöhöba aŋgön köliga omaŋi akŋa me denöwö? ⁴*Mi qahöpmahöp! Nini körek pakpak munen ambazip akzinmö, Anutunöŋ öl töhöŋŋi akza. Anutugö könaŋi mi Buŋa Kimbinöŋ kewö ohoget ahöza,

“Keu jakeŋe ala qesim gihigetka keugahö likepŋi jim asariba miangöreŋ diŋdiŋi aka luhut al eŋgiba kinman. Göhö könaŋamgi mewö miwikŋaiba naŋgöba jime.”

⁵ Neŋön ahakmeme goŋgoŋi wuatangöinga Anutunöŋ qindiŋaim neŋgiiga ahakmemeŋi diŋdiŋan mewö aukŋe asuhuza ewö, neŋön keu miangöra mönö denöwö jibinak? Ni keu mi gölme ambazip mötmötkö dop kewö jizal: Anutunöŋ likepŋi melenŋiga irim-sesewölŋan qaknine öŋgözawi, yaŋgö mötmötŋan mewö goŋgiza me qahö? ⁶ Qahö, mi yapmakek! Anutunöŋ goŋgoŋi akawak ewö, yaŋön gölmeŋi gölmeŋi neŋgö keunini mönö denöwö kewöta törörök jim teköbawak?

⁷ Nöŋön munen azia akiga Anutunöŋ keuŋi ölŋan qindiŋaim niŋgiiga yaŋgö qetbuŋaŋan mewö aukŋe asuhum tiŋgitza. Mewö aiga nöŋön siŋgisöndok ahalı, Anutunöŋ miangö keuŋi mönö denöwögöra jim teköza? Nömosöri nani imbi-imbi malbi dop kölbawak me qahö? Keuŋan mönö qahö löwöriba etma. ⁸ Mönö kewö jiŋga dop kölbawak, “Nini ölop bölöŋi toroqeba ahiŋga Anutunöŋ mi qindiŋaiiga ölopŋaŋgö ölŋan asuhuiga keuŋan qetbuŋaŋambuk akŋa.” Tosatŋan neŋgöra keu sirongen mewö jiba toroqeba kewö jimakze, “Polnöŋ keu mewö jiba miangö dop laŋ ahakza.” Mewö aka jigerangö keuŋi mi Anutunöŋ kewöta dopŋine jim teköm eŋgima, mötzal. Mewö.

Ambazip kunŋan solanŋi qahö akza.

⁹ Keu mewö eraum möta mi denöwö jim teköbinak? Juda neŋön kantri tosatŋi eŋgoŋgita Anutugö jeŋe diŋdiŋi akzin me qahö? Saumbaŋ! Miangö keuŋi lök qeljiŋe kewö jim köhöinin: Juda me kantri tosatŋi akinak, nini körekmakörek siŋgisöndok ahiŋga köpeim neŋgiiga maljin. Miangöra silenini memba öŋgöbingö osimakzin. ¹⁰*Miangö keuŋi mi Buŋa Kimbinöŋ kewö ohoget ahöza,

“Kunŋan kun solanŋi diŋdiŋi qahö kötökŋi akza.

¹¹ Kungö uruŋe mötmöt qahö ahum kutui laŋ malje. Kunŋan kun Anutu mi-wikŋaimangö qahö kapan kölakza.

¹² Qahöpmö, körekŋan mönö köna onŋgita janjuŋ aka malje.

Körekmakörekŋan mönö böliba Anutugö jeŋe aŋgöjörakŋinambuk akze. Ölopŋi ahakzawi, mohot-töwa kun mi qahöpmahöp miwikŋaizal.

¹³*Nesilamŋinan isimkakalek ahakze.

Jöl ginaginaŋinan qaksirigö löm ewö aŋaŋiba kiniga kömupkö qösösökŋi ewö miangön ambazip laŋ ayuhum eŋgimakze. Keu bölöŋi mi qatögö jitŋi möröm warabe ewö numbuŋine kokolak qeba ahöiga jitŋinan ambazip laŋ eŋgöhömakze.

¹⁴*Sait keu kömbukŋambuknöŋ mönö numbuŋini kokolak qeiga ambazip laŋ qesuahöm eŋgimakze.

¹⁵*Ambazip laŋ eŋguba sepŋini mokomegöra könaŋinan kik-kek ösumok anda kamakze.

¹⁶ Könaŋini goŋgii maljeangö aiwesökŋini kewö akza: Denike lilikömakzei, miangöreŋ mönö könden-mönden aketka ambazip uruŋinan böliba kömbuhi-makza.

¹⁷ Luainöŋ malmalgö könaŋi mi qahö möt kutum yaköze.

¹⁸*Anutu göda qebingö keuŋi mi uruŋine qahö ahöza. Jitŋi onŋitpinbuköra keŋgötŋini qahö möta önewat laŋ malje.”

Anutugöreŋ keu mewö ahöza.

* **3:4:** Sum 51.4 * **3:10:** Sum 14.1-3; 53.1-3 * **3:13:** Sum 5.9; 140.3 * **3:14:** Sum 10.7 * **3:15:** Ais 59.7-8

* **3:18:** Sum 36.1

¹⁹ Anutunöŋ Köna keu kewögöra neŋgiyök, mi mötzin: Köna keu pakpak mianjön gölme dop jöhöm neŋgimakza. Nini keu mianjö bapŋe anda tem köla malinga dop kölma. Qahö tem kölbin ewö, Anutunöŋ mönö likepŋi melenj neŋgii ayuhubin. Mianjöra sömbunini möta möndömöndönini mosöta keu bök mala tem köl wanjiinga dop kölma. Anutunöŋ ambazip könanini mewö indelöha ahöza.

²⁰ *Köna keunöŋ jöhöm neŋgimakzapmö, nini lökŋanök mi wuatängöbingö osimakzin. Anutugöreŋ Köna keunöŋ siŋgisöndok qiwikŋaiiga aukŋe eka ölop möt kutubinmö, köna mianjön Anutugö jeŋe solanŋi akingö osibin. Mewö.

Solanŋi akinängö könaŋi mi mötnarip.

²¹ Naninak osimakzinmö, Anutunöŋ Köna keu wuatängöba solanŋi akingöra mi qahö jiyökmö, köna murutŋi kewö arengöba jii ahöza: Anutunöŋ nanŋak keunini jim teköiga yangö jeŋe solanibin. Anutunöŋ keu mi Moses aka kezapgetok ambazip yeŋgöra indeliga nanjöba jiba Buŋa Kimbinöŋ ohogetka nalö kewöŋe aukŋe asuhuiga mötzin.

²² *Mianjöra denike denike neŋön Jisös Kraist möt narizini, Anutunöŋ mönö körek neŋgö keunini jim teköiga solanibin. Ambazip kambu murutŋi murutŋi neŋön Anutugö jeŋe öröröŋ akzin. ²³ Ambazip körek neŋön siŋgisöndok aka Anutugö asakmararaŋängöra osizin.

²⁴ Mi osizinmö, Anutugö kalem möriamŋan asuhuiga Kraist Jisösnöŋ sohpnini meyök. Anutunöŋ kalem mianjöra aka keunini jim teköiga solanibin. ²⁵ Mutuk siŋgisöndok aka malgeri, Anutunöŋ mi möta mökösöŋda likepŋi zilaŋ qahö melenj eŋgiyök. Mi qahö melenj eŋgiba nanŋi ahakmeme solanŋan aukŋe asuhumapköra möta Kraist Jisös jöwöwöl sömbup ewö aliga qeget kömuiga Anutugö jeŋe köl könjörat neŋgimapkö könaŋa ahök. Sepŋi mokoyöhi, mi möt nariinga mewö mianjön siŋgisöndoknini mosöri solanibin. ²⁶ Könaŋi mi nalö kewöŋe aukŋe asuhumapköra möta Jisös mewö ak wanjiyök. Anutugö ahakmeme solanŋi mi kewö: Nanŋak solanŋi akza aka kunŋan Jisös möt narizawi, mönö yangö keuŋi jim teköiga solanimakza.

²⁷ Mewö aiga mönö wanigöra silenini mem öŋgöbinak? Yuai kungöra aka qahöpmahöp. Köna keu wuatängöba solanŋi akingöra mi osizin. Mewö solanŋi qahö akinmö, Jisös möt nariinga Anutunöŋ neŋgeka keunini jim teköiga solanimakin. ²⁸ Keu ki jim teköba kötŋi kewö jim köhöizin: Köna keu wuatängömakzinaŋgöra qahöpmö, Jisös möt narim wanjizinaŋgöra aka Anutunöŋ keunini jim teköiga solanimakin. ²⁹ Anutunöŋ Juda neŋgö Anutuninanök qahö akza. Mönö kantri tosatŋi yeŋgö Anutuŋina mewöyök akza me qahö? Mönö yeŋgö Anutuŋina mohot akza.

³⁰ *Anutunöŋ mohot akza. Mianjöra silenini yandiget maljini, neŋön möt narim wanjiinga mem solanim neŋgimakza aka silenini qahö yandiget maljei, mi mewöyök möt narim wanjigeraŋgöra aka mem solanim eŋgimakza. ³¹ Mötnarimegö keu jiba mianjön kuŋgum eŋgiba mewö mianjön Köna keu memba et alinga omanŋi akŋa me qahö? Mi yapmakek qahöpmö, Anutugöreŋ Köna keu mi qahö qeapkömakzinmö, mi mem köhöimakzin. Mewö.

4

Abrahamnöŋ Anutu möt nariba solanŋi ahök.

¹ Nini bömön jalönini Abrahamgö könaŋängöra denöwö jibin? Yanjön Anutugö könaŋi denöwö miwikŋaiba yangö jeŋe solanŋi ahök? ² Öŋa, Anutunöŋ yangö keuŋi ahakmemeŋi ölopŋängöra aka jim teköiga solanibawak ewö, yanjön mianjöra ölop silenini memba öŋgöbawakmö, mi Anutugö jeŋe qahö. ³ *Mianjö keuŋi Buŋa Kimbinöŋ kewö ohoget ahöza, “Abrahamnöŋ Anutu möt nariiga mötnaripŋi ehi dop köliga keuŋi jim teköiga solanijök.” Keu mewö ahöza.

* **3:20:** Sum 143.2; Gal 2.16 * **3:22:** Gal 2.16 * **3:30:** Dut 6.4; Gal 3.20 * **4:3:** Jen 15.6; Gal 3.6

⁴ Keuñi mönö kalema jim teköiga solaniyökmö, kunñan nup meiga galömnjan töwañi kalema qahöpmö, nup memakzawañgö dop ek kewöta töwañi wañgimakza. ⁵ Gölme galömnöñ mewö wañgimakzapmö, Anutunöñ añañgöörak ambazip neñgö keunini jim teköiga solanimakin. Mianğöra kunñan oyaenköyaen akñañgöra nup qahö memba Anutu öne möt narim wañgizawi, Anutunöñ mönö mötnariñi mi ehi dop köliga keuñi jim teköiga solanima.

⁶ Deiwidnöñ mewöyök keu mianğö könañi nañgöba keu kewö indela jiyök, “Kunñan oyaenköyaen akñañgöra nup qahö meiga Anutunöñ mötnariñi ehi dop köliga keuñi jim teköiga solanizawi, yañön mönö simbawoñ akza.” ⁷ *Mewö jiiga keuñi mi kewö ohoget ahöza,

“Ambazip Köna keu walöñgetka Anutunöñ siñgisöndokñini mosöta köl köñjörari maljei, yeñön mönö simbawoñ akze.

⁸ Kembunöñ kungö siñgisöndokñi sañgoñda ehi dop köliga likepñi qakñe qahö ali öñgömawi, yañön mönö oyaenköyaen akza.”

Keu mewö ahöza.

⁹ Anutunöñ oyaenköyaen akingö könañi mewö indela Anutugö aiwesökñinambuk neñgöörök jii ahöza me qahö? Mi qahö. Mi mönö kantri tosatñi aiwesökñini qahö yeñgöra mewöyök ahöza. Neñön lök kewö jiba ohozin, “Abrahamnöñ Anutu möt nariiga mötnariñi ehi dop köliga keuñi jim teköiga solaniyök.”

¹⁰ Mönö wani nalönöñ ehi dop köliga keuñi jim teköiga solaniyök? Anutugö aiwesökñi sileñe yandiget malöhi, nalö mianğöreñ qahöpmö, mutuk öne malöhi, Anutunöñ mönö nalö mianğöreñ mötnariñi ehi dop köliga keuñi jim teköiga solaniyök.

¹¹ *Mutuk öne mala Anutu möt nariiga keuñi jim teköiga solaniyök. Mianğö andöñe dop köljawañgö aiwesökñi mi sileñe yandimeğöra jiiga muñgem supap ewö ahök. Mewö aiga yañgö andöñe Anutugö aiwesökñinambuk qahö mala möt narim wañgiinga mötnariñini ehi dop köliga keunini jim teköiga solanibini, Abrahamnöñ körek neñgö bömöñ jalönina ahök. ¹² Bömöñ jalönini yañön öne mala nalö mianğöreñ uruñi melenđa Anutu möt nariba malöhi, nini aiwesökñinambuk yañgö dop aka maljin. Anutugö aiwesökñinambuk mala urunini melenđa maljini, mönö neñgö bömöñina mewöyök ahök. Aiwesök yandim neñgigetka öne lañ qahö maljinmö, Abrahamgö köna lasupñi wuatangöba möt nari-makzin. Mewö.

Anutugö jöhöjöhö keu möt nariinga öljambuk akña.

¹³ *Anutunöñ Abraham gölme buña qem wañgiiga tonji aiga gwölöñarökurupñan yañgö andöñe mewö mal öñgömegö keuñi jiba jöhöyök. Keu mi Köna keu wuatangöyöhañgöra aka qahö jiyökmö, Anutunöñ mötnariñi ehi dop köliga keuñi jim teköi solanñi ahöhañgöra keu mi jiyök.

¹⁴ *Tosatñan oyaenköyaen akingöra Köna keunöñ qekötahöba mewö mianön Anutugöreñ yuai mi buña qem añañgubeak ewö, yeñön mönö möt naribingö keuñi qeapkögetka omañi akawak. Mewö Anutugö jöhöjöhö keugöra qahö osiinga keu mianön omañi akapuk. ¹⁵ Anutugöreñ Köna keu walöñninga irimñi sehöliiga kazikñan qaknine öñgömakzapmö, Köna keu qahö ahöbawak, mewö siñgisöndökö keuñi qahö jibinak.

¹⁶ *Abrahamnöñ mewö mindirim neñgiba körek neñgö bömöñini akza. Mianğöra jöhöjöhö keuñi neñgiyöhi, mi Köna keunöñ qekötahömakzei, yeñgöörök qahöpmö, Abraham ahök ewö möt narimakzini, neñgöreñ mewöyök öljambuk akñañgöra mörök. Mianğöra Anutunöñ jöhöjöhö keuñi mi kewö areñgöba alök: Mi möt nariinga öljni körek neñgöra kalema neñgiiga kalem möriamñan aukñe asuhumakza.

¹⁷ *Abrahamgö keuñi kun mi Buña Kimbinöñ kewö ohoget ahöza, “Nöñön gi kuñgum gihibiga ambazip köñagesö gwötpuk yeñgö iwiñina akñañ.” Keu mianğö dop Abrahamnöñ

* 4:7: Sum 32.1-2 * 4:11: Jen 17.10 * 4:13: Jen 17.4-6; 22.17-18; Gal 3.29 * 4:14: Gal 3.18 * 4:16: Gal 3.7 * 4:17: Jen 17.5

Anutugö jeñe iwi ak neñgimakza. Anutunöñ kömukömuñi mem gulim eñgimakza. Könagesö malmalñini qahö, mi jebuk maljeañgö tandök ewö eñgoholi asuhumakze. Abrahamnön mönö Anutu mewöñi möt narim wañgiyök.

¹⁸ *Anutunöñ mutuk Abrahamgöra kewö jii mörök, “Göhö gwölönarökurupkan ahum sehigetka jañgöñini señgelau ewö aiga malme.” Jöhöjöhö keu mi möta denöwö öñjambuk asuhubawak, mi qahö mörökmö, mi töndup jörömqöröm aka ambazip könagesö gwötpuk yeñgö iwiñini akñamgö mamböta malök. Jöhöjöhö keu mutukñañgö dop asuhumapköra mönö Anutu möt narim wañgiba malök. ¹⁹ *Saragö köröñan morö memegö dop qahö aiga nanñak yambuñi lök 100:kö dop ahök. Miangöra nanñi mötmöriiga lök azi namñi silenji waziba sohohoholij ahökmö, töndup Anutugöreñ keunöñ öñjambuk akñapköra möt narim wañgiba maliga Abrahamgö mötnariñan qahö sörauba löwöriyök.

²⁰ Qahö löwöriyökmö, keuñan öñjambuk akñapkö möt nariba miangöreñ köhöiba kinök. Anutugö jöhöjöhö keugöra uruñan an qem kam qem uruyahöt qahö ahökmö, mötnariñan köhöiiga Anutu möpöseiba maliga Anutugö qetbuñan sehiyök.

²¹ Anutunöñ yuai asuhumapkö keuñi jiba jöhöba mi ak tekömamgö köhöimakzawi, mi möt köhöim teköba uruyahöt kun qahö aka malök. ²² Mewö aka malöhañgöra Anutunöñ Abrahamgö mötnariñi ehi dop köliga keuñi jim teköiga solaniyök. ²³ Mötnariñi ehi dop köliga keuñi jim teköiga solaniyöhi, keu mi Abrahamgörök qahö ohoget ahöza.

²⁴ Abrahamgörök qahöpmö, neñgöra aka mewöyök mi ohoget ahöza. Nini Kembunini Jisös mem guli kömupnöhök wahöröhi, Anutu ia möt narim wañgiinga mötnariñini ehi dop köliga jim teköm neñgiiga solanibin. ²⁵ *Anutunöñ neñgö siñgisöndok-ninañgöra aka Jisös qahö añgön köli kömuyök aka solanñi akingöra aka mem guliiga kömupnöhök wahöta malja. Mewö.

5

Anutugö jeñe solaniba söñgaiba luainöñ maljin.

¹ Neñön Anutu möt nariinga keunini jim teköiga solanizin. Miangöra Kembunini Jisös Kraistnöñ mönö nam köl neñgiiga Anutubuk luai miwikñaiba maljin. ² Mewöyök Jisös Kraist möt nariinga nam köl neñgiiga kalem möriam buña qem añgubingö könañi miwikñaiba nalö kewöñe kalem möriam uruñe maljin. Anutugö asakmararañ uruñe añgotpingö jörömqöröm aka söñgaimakzin.

³ Miangörök qahö söñgaimakzinmö, wahöjalin möta miangöra mewöyök söñgaimakzin. Köñjilin möta mökösoñda mewö mianön kapañkölköl miwikñaibin. Mi möta miangöra söñgaimakzin. ⁴ Kapañkölköl miwikñaiba esapesapnöñ köhöiba kinbin. Esapesapnöñ köhöiba kininga jörömqörömninan köhöimakña. ⁵ Anutunöñ Uña Töröñi al neñgiiga köna asuhuiga urukalemñi mokoiga urunine geiga maljin. Miangöra jörömqöröm aka oy-aenköyaen akingö al mamböta gamumamusum qahö miwikñaibin.

⁶ Miangö könañi kewö: Nini mutuk lölöwöröñi ösumnini qahö malini, Kraistnöñ mönö nalö diñdiñi miangöreñök kömumba ambazip añgöjörakninambuk neñgö sohopenini meyök.

⁷ Kunöñ Köna keu törörök wuatangöba diñdiñi akzawi, ala mewöñañgöra kunñan ölop qahö kömumbawak? Mi möriaga osibawakmö, kunöñ urukalem gwötpuk ambazip ak eñgimakzawi, alañi kunñan yañgöra aka ölop silenji köleñda kömumamgö mötpawak.

⁸ Ambazipnöñ mewö ahakzinmö, Anutunöñ uruñan jöpaköm neñgimakzawi, yañön mi kewö kondelök: Yañön Kraist melaiiga eta mutuk añgöjörak ambazip malini, nalö miangöreñök mönö neñgöra aka kömuyök. ⁹ Kömuiga nalö kewöñe seññan sañgonñda jim teköm neñgiiga solaniba maljin. Töndup mi korembenji ewö aiga öññan mönö könañgep kewö asuhuma: Anutunöñ siñgisön-dökö urukönöpñi aukñe kondeliga yuai

* 4:18: Jen 15.5 * 4:19: Jen 17.17 * 4:25: Ais 53.4-5

kanjamꞑambuk gölmenöꞑ asuhuma. Mi asuhuiga Anutugö jene solanꞑi akzinanꞑöra Jisösnöꞑ mönö jenberereꞑ mianꞑöreꞑök meköm nenꞑiiga oyaenꞑoyaenꞑ akin.

¹⁰ Nini mutuk Anutugö kerökurupꞑi malini, nalö mianꞑöreꞑ nanꝼi Nahönꝼi melaii kömumba mianꝼön töwanini ahiga Anutubuk ala-ala ahin. Ahini, mianꝼön korembenꝼi akzapmö, ölnꝼi bohonꝼan könanꝼep kewö asuhuma: Töwanini ali Anutugö alaurupꝼi malinga Jisösnöꝼö köhöiba maljawanꝼöra mönö amqeba meköm nenꝼiiga oyaenꝼkoyaenꝼ akin. ¹¹ Kembunini Jisösnöꝼö Anutugö amötqeqe nupꝼi meiga Anutunöꝼö töwanini ali yambuk ala-ala ahini, miyöhök qahöpmö, ölnꝼa Anutubuk jöpaköm anꝼguba kinda köiranꝼ köla söngaimakzin. Mewö.

Adamꝼöra aka köhömuꝼi akzinmö, Kraistköra aka gulibin.

¹² *Azi mohotnöꝼö siꝼgisöndök gölmenöꝼö kondoriga asuhuyök. Anutunöꝼö siꝼgisöndök mianꝼö likepꝼi aliga kömup asuhuyök. Mianꝼö dop ambazip körek nenꝼön siꝼgisöndök aka malinga kömupnöꝼö mianꝼöra ambazip körek pakpak dop köl nenꝼii maljin. ¹³ Mutuk Köna keu qahö asuhuiga nalö mianꝼöreꝼe mewöyök siꝼgisöndök lök aukꝼe asuhuba ahöyökmö, Köna keu qahö ahöiga siꝼgisöndökö keuꝼi mi qahö jim kewöta lanꝼ malget.

¹⁴ Adamꝼö nalöꝼeyök könahiba lanꝼ mala kotketka Mosesgö nalöꝼe Köna keu asuhuyök. Ambazip nalö sutꝼe mianꝼöreꝼe siꝼgisöndök aketmö, Adamnöꝼö köna walöꝼnöhöi, mianꝼö dowök qahö walöꝼnda malgetmö, kömupnöꝼö töndup i mewöyök galöm köl enꝼgii malget.

Adam, azi mutukꝼi yanꝼön mönö azi kun kamawanꝼö söpsöpꝼa ahök.

¹⁵ Söpsöpꝼa ahökmö, könanꝼiri mi öröröꝼö qahö akzahot. Adamnöꝼö Köna keu walöꝼnda eri siꝼgisöndök asuhum sehiba ambazip gwötꝼpuk dop köl enꝼgiiga kömumba malget. Mi kömupkö könanꝼi akzapmö, oyaenꝼkoyaenꝼ akingö könanꝼi mi kun. Mi kewö: Azi mohot Jisös Kraist yanꝼön nam köl nenꝼgiba kalem möriamꝼi indeliga Anutugö kalemꝼan aukꝼe asuhuba ambazip gwötꝼpuk dop köla qesalöpköm nenꝼgiyök. ¹⁶ Toroqeba kewö jimam: Köna yahöt mi öröröꝼö qahö akzahot. Azi mohotnöꝼö siꝼgisöndök aiga Anutunöꝼö keuꝼi jim teköiga siꝼgisöndök ambazip körek nenꝼön könöꝼp siagö buꝼaya akzin. Mi gölme azigö könanꝼi akzapmö, Suep azigö könanꝼi mi kun. Mi kewö: Nalö gwötꝼpuk Anutugö Köna keu walöꝼnninga kalemꝼi kondela jim teköm nenꝼgiiga solanimakzin.

¹⁷ Mi dumge jimam: Azi mohotnöꝼö Köna keu walöꝼnda kömup kondoriga ambazip körekmakörek kömumba maljin. Adamꝼö siꝼgisöndököra aka kömupnöꝼö körek dop köla galöm köl nenꝼgii lanꝼ malin. Mi köna etqeqenꝼi akzapmö, Anutu ösum-mumuꝼanꝼö könanꝼi mi kewö: Ambazip nini solanꝼi akingö kalemꝼi mi kelenꝼmaleleꝼ buꝼa qem anꝼguba kalem möriamꝼanꝼö uruꝼe maljini, nenꝼön mönö oyaenꝼkoyaenꝼ akin. Azi mohot Jisös Kraist yanꝼön nanꝼgöba inahöm nenꝼgiiga suahö *

¹⁸ Dumge kunbuk jimam: Azi mohotnöꝼö Anutugö Köna keu walöꝼnda eri Anutunöꝼö keuꝼi jim teköiga ambazip körek nenꝼön könöꝼp siagö buꝼaya ahin. Mewöꝼnanök azi kunꝼan solanꝼi akingö kondoriga urunini meleꝼninga Anutunöꝼö ölöꝼp ambazip pakpak nenꝼgö keunini jim teköiga solaniba köhöiba mal öngöbin. ¹⁹ Dumge kunbuk kewö jimam: Azi mohotnöꝼö qeqetal aka siꝼgisöndök bohön köli sehiiga ambazip sehisehiꝼi nenꝼön meleꝼnda siꝼgisöndök ambazip ahin. Mewöꝼnanök azi kunꝼan Anutugö jitꝼi tem köla siꝼgisöndöknanꝼö töwanꝼi aliga köna asuhuiga Anutunöꝼö ambazip sehisehiꝼi nenꝼgö keunini jim teköiga solanibin.

²⁰ Mutuk öne lanꝼ mala kotketmö, Mosesgö nalöꝼe Anutunöꝼö Köna keu ambazip siꝼgisöndökꝼini möt kutumegöra toroqem enꝼgiyök. Mi toroqem enꝼgiyökmö, mi mötketka siꝼgisöndökꝼinan sehiba aukꝼe asuhuyök. Mewö aiga Anutunöꝼö mönö kalem möriamꝼi mewöyök mem sehiiga siꝼgisöndök onꝼgita asuhuyök. ²¹ Siꝼgisöndökö kukösumꝼi mi ketanꝼi. Mianꝼöra siꝼgisöndök ahinga mianꝼön galöm köl nen광iiga köhömu광i mala kömumba

* **5:12:** Jen 3.6 * **5:17:** Jembon on광i nene (Siawari keunö광 qariwe ilik광i nene) ewö köhöiba mal öngöbin. ewö köhöiba mal öngöbin.

mala korin. Anutugö kalem möriamñi miañön mönö mewöñanök kukösumñambuk akza. Jisös Kraist Kembuninan solanibingö kondoriga Anutunöñ keunini jim teköiga diñgiba malmal köhöikñi miwikñaiba nalö teteköñi qahö mal öngöbin. Mewö.

6

Singisöndok andö qeba Kraistpuk guliba malme.

¹ Anutunöñ kalem möriamñi neñgii sehimapköra singisöndok toroqeba aka malbin me qahö? Miañgöra mönö denöwö jiinga dop kölma? ² Singisöndok yapmakek! Nini singisöndokö kösönöhök lolohoba urunini walñan qamöt ewö aiga singisöndok akingö tököba maljin ewö, mönö denöwögöra singisöndoknöñ toroqeba galöm köl neñgii malbinak?

³ Keu ki mötze me qahö: Nini körek Kraistköreñ qeköta-höbingöra aka o melun mem neñgiget. Miañgöreñ urunini walñan mönö Jisös qeget kömuyöhañgö tandök kömui malbingöra o melun mi mem neñgiget.

⁴* Iwinöñ asakmararañ kondela Kraist mem gulii kömupnööhök wahöröhi, neñgö uruninan mewöyök kölöñaiiga dölökñi aka malinga dop kölma. Iwininan nini Kraistkö tandök ewö guliba wahöta ahakmeme dölökñi aka memba malbingöra mötza. Miañgöra o melun mi kewögöra mem neñgiget: Urunini walñan Jisösbuk mohotñe kömumba ahömapköra urunini walñi mi mewö löm kölget.

⁵ Urunini walñan Kraistpuk öröröñ kömui miañgöreñ yambuk qekötahöba maljin ewö, Iwininan nini mewöyök Kraistpuk kinbingöra mötza. Kraistnöñ kömupnööhök wahöröhi, mönö yañgö tandök öröröñ guliba malinga dop kölma. ⁶ Urusilegö sihim kömböñañini bölöñan singisöndok akingö köpösöñgömakzawi, Anutunöñ sihim mi köndenñi gemapköra mörakza. Anutunöñ singisöndoknöñ toroqeba galöm köl neñgii welenni qeba malbinbuköra mötza. Miañgöra urunini walñi mi Kraistpuk maripomnöñ lök qeiga kömuyök. Miañgö dop maljin, mi mötzin.

⁷ Kungö uruñi walñan kömuiga yañön mönö singisöndokö kösönöhök lolohoba malja. ⁸ Urunini walñan Kraistpuk kömuyök ewö, mewöñanök yambuk guliba mal köhöibingö möt narizin.

⁹ Mewö möt nariba Kraistkö köñañi kewö ahöi möt yaközin: Anutunöñ i mem gulii kömupnööhök wahöta mal köhöiba kunbuk qahö kömuma. Kömupnöñ i qahö toroqeba galöm köliga mal öngöma. ¹⁰ Kömup kömuyöhi, mewö miañön mönö nalö mohot miañgöreñ singisöndokö kukösumñi köndenñiga nalö teteköñi qahö lölöwöröñi ahöm öngöma. Malmal köhöikñi maljawi, mi mönö Anutugöra mala mal öngöma. ¹¹ Qamötnöñ singisöndok akingö osime. Inñini mönö mewöñanök nanñinañgö mötketka qamöt ewö aiga Kraist Jisösbuk qekötahöba kinda Anutugöra köhöiba malme.

¹² Sileñini kömumawi, miañgö sihim kömböñañi bölöñan galöm köl engiiga i tem köl wañgiba singisöndok akepuköra mi mönö jöhöba malme. ¹³ Miañgöra sile kitipñini pakpak mi mönö singisöndok Toñañgö böröñe kude alme. Mala mewö algetka buñañi aiga bohon köliga añañgöörak asuhubapuk. Mewö qahöpmö, köhömuñeyök gulibagun mönö nanñini Anutu tököm wañgime. Sile kitipñini pakpak mi Anutugö böröñe algetka buñañi aiga bohon köliga ahakmeme solanñi asuhumakña. ¹⁴ Inñini Köna keu bapñe qahöpmö, kalem möriam uruñe malje. Miañgöra singisöndoknöñ mönö öne jöhöba galöm köl engii malbepuk. Mewö.

Solanñi malmalgö Toñi welen qeba malme.

¹⁵ Miañgöra denöwö jibinak? Nini Köna keu bapñe qahöpmö, kalem möriam uruñe mala singisöndok ahinga dop kölja me qahö? Mi yapmakek! ¹⁶ To yahöt akzahot. Nanñini yetköreñök kungö böröñe al añañguba jitñi tem köla welenni qemakzei, miañgöra mönö keu ki möt yaköme: Inñini kun jitñi tem kölakzei, mönö yañgö welenqequeurupñi

* 6:4: Kol 2.12

akze. Singisöndok Tonangö welenqeueurupni akze ewö, yanön mönö enguan giriga kömum köhöime. Anutugö jitni tem köla welenni qemakze ewö, yanön mönö keunini jim teköiga solanji aka mal öngöme.

¹⁷ Inini mutuk singisöndok Tonangö welenqeueurupni aka malget. Mewö malgetka Buja keu mindingöm engimaknapkora kusum engigetka mötket. Mi möta miangö dop urujini melen da nalö kewöne Buja keu törörök tem köla Anutugö köna ni wuatangömakze. Mewö möta engöra “Anutu saiwap!” jiba maljin. ¹⁸ Mi wuatangöba singisöndokö kösönöhök lolohoba Anutugö welenni qeba ahakmeme solanji aka memba malje.

¹⁹ Urusileninan lölöwöröni akzawangöra aka keu miangö köna ni mi mönö gölme ambazip nenö keu jijigö dop nöjön kewö jimam: Inini mutuk sile kitipnini pakpak tököba iwilele Tonangö (Satangö) böröne ala welenni qeba malget. Mewö malgetka ahakmeme angöjöraknambuk asuhuiga urujinan tölöhoi malget. Mewö malgetmö, nalö kewöne sile kitipnini pakpak mi mönö tököba Anutugö böröne alme. Mewö ala welenni qegetka ahakmeme solanji asuhuiga sarakni ahakne.

²⁰ Inini singisöndok Tonangö welenqeueurupni malgeri, nalö miangöreñ ahakmeme solanji mi qahö wuatangögetmö, nanjini imbi-imbi lañ malget. ²¹ Nalö kewöne ahakmeme miangöra gamujini mötze mö, nalö miangöreñ mewö aka mala ölni mönö denöwö miwiknaiget? Ahakmeme gamujambuk miangö ölni mi kömup köhöikni.

²² Nalö kewöne Anutunöñ singisöndokö kösönöhök pösat engiiga lolohoba Anutugö welenqeueurupni aketka ölni asuhuiga sarakni ahakze. Mewö aka malmal köhöikni mala teteköne oyaenköyaen aka mal öngöme. ²³ Singisöndok ahinga Tonan töwa nenngiiga kömup köhöikni miwiknaibinmö, Anutugö kalemni mi oyaenköyaen malmal. Kraist Jisös Kembuninambuk qekötahöba kinbin ewö, mönö köhöiba teteköni qahö mal öngöbin. Mewö.

7

Awanöm malmalgö söpsöp keu

¹ O urumelen alaurupni, injini Köna keu mötzeangö dop engöra kewö jimam: Köna keunöñ ambazip jöhöm nenngiza. Gölmenöñ mal öngöbinangö dop mönö miangö bapne malbin, injini mi mötze me qahö? ² Miangö söpsöpni kun kewö: Köna keunöñ ambi apnambuk jöhöiga azinöñ malmawangö dop awanöm malmahotmö, apnan kömuma ewö, anömnan mönö awanöm malmalgö Köna keunöhök lolohoma.

³ Miangöra apnan jebuk maliga azi kungöra On! jüiga mema ewö, yangö qetni mönö qesabulum ambia jimakzin. Mewö jimakzinmö, apnan kömuma ewö, Köna keu mianön qahö toroqeba jöhöi malma. Mewö mala azi kun memawi, yanön mönö qesabulum ambia qahö akna.

⁴ Miangöra urumelen alaurupni, engö könañamninan mönö mewöñanök ahöza. Inini mewöyök azi kungö buñani akngöra Kraistpuk qekötahöget. Anutunöñ i mem gulli kömupnöhök wahöriga malmalninan ölni Anutugöra miwiknaii asuhumapkora mörakza. Kraistnöñ kömuiga urujini walñan yambuk kömuiga qamöt ewö aka Köna keugö buñani qahö malje. ⁵ Mutuk urusilegö sihim kömbönañi bölöñan galöm köl nenngiiga lañ malin. Nalö miangöreñ Köna keunöñ sölölohöba kungum nenngiiga singisöndok akingö sihim kömbönañini bölöñan asuhum tingita galöm köl nenngiget. Miangöra urusileninan wahöriga malmalninan kömup köhöiknangö ölni miwiknaiba lañ malin.

⁶ Mewö malinmö, mutuk keu mianön jöhöm nenngiiga gwaröne mala köna keugö bohonni mohot mohot wuatangöbingö kapan köla nupni memba malin. Kraistpuk qekötahöba kininga urunini walñan yambuk kömuiga nalö kewöne köna keugö buña ahinañgöreñök lolohoba kunbuk welenni qahö qemakzin. Nalö kewöne könañamninan kölönaiiga Unja Töröñan inahöm nenngiiga amqeba Anutugö nupni memakzin. Mewö.

Singisöndok akinbukö kapan köla aum-mörimakzin.

⁷ *Miangöra denöwö jibinak? Köna keu nanñak siŋgisöndok-ñambuk akza me qahö? Mi yapmakek! Köna keunöñ mönö siŋgisöndokö könañi kondel niŋgiiga möral. Köna keu kun kewö ahöza, “Kungöreñ yuaigöra kude köpösöngöman.” Mewö qahö jibawak ewö, nöñön yuaigö köpösöngömakzali, miangö könañi qahö möt kutubilenjak. Miangöra Köna keu qahö möt kutubilenjak, mewö siŋgisöndok qahö möt yaköbilenjak.

⁸ Köna keu qahö ahöbawak, siŋgisöndoknöñ mönö keu omani aka köhömuñi akawak. Mewö akawakmö, jöjöpañ keu mötpiga sel jöhöm niŋgiiga mi walöñmamañgö könañi ahuiga siŋgisöndok aki asuhuyök. Jöjöpañ keunöñ mönö kuñgum niŋgiiga urunan wahöri ga sihim kömbönañni bölöñi könañi könañi asuhum tingitketka bölöñañgöra lañ köpösöngömakzal. ⁹ Mutuk Köna keu qahö möta tönpin malalmö, jöjöpañ keu mötpiga mianön anğön köl niŋgiyöhañgöra siŋgisöndokö sihimnan guliiga urunan wahöri mi ahal. Siŋgisöndok akiga mem kömum niŋgiiga köhömuñi ahal.

¹⁰ Anutunöñ jöjöpañ keu mi wuatangöba mal köhöimamgöra aka al niŋgiyökmö, keu mi wuatangömamgö esapköbiga mem kömum niŋgiiga köhömuñi ahal. Köhömuñi ahal, mianön mönö aukñe asuhui miwikñaijal. ¹¹ *Jöjöpañ keu möt kutubiga sel jöhöm niŋgiiga mi walöñmamañgö könañi ahui jöjöpañ keunöñ kuñgum niŋgiiga siŋgisöndoknöñ tilipköm niŋgiiga mi ahal. Siŋgisöndok aka keunambuk ahal. Mewö mianön Anutugö jöjöpañ keu mianön siŋgisöndok bohon köliga aki mem kömum niŋgiiga köhömuñi ahal.

¹² Mewö ahal mö, töndup Köna keu mianön mönö kömbukñi aka sarakñi akza. Miangö jöjöpañ keunan mönö diñdiñi aka ölöpñi akza. ¹³ Mewö aiga jöjöpañ keu ölöpñi mianön mem kömum niŋgiiga köhömuñi ahal me qahö? Mi yapmakek! Keu ölöpñan qahöpmö, Köna keunöñ mönö nani siŋgisöndoknañgö könañi indeli möt kutuyal. Siŋgisöndokö gamuñi aukñe asuhui kanjamñambuk mötmamgöra aka jöjöpañ keu mianön siŋgisöndokö selñi jöhöiga urunan wahöri walöñda siŋgisöndok ahal. Nani siŋgisöndokni mianön mönö mem kömum niŋgiiga köhömuñi ahal. Mewö.

Urunes siŋgisöndokö yarö ahöi maljal.

¹⁴ Uña Töröñan Köna keu neñgiiga diñdiñi akzawi, mi mötzinmö, nöñön siŋgisöndok azia aka sihim kömbönañni bölöñambuk akzal. Eta kölbiga siŋgisöndoknöñ galöm köl niŋgiiga tem köla welenñi qeba siŋgisöndok ahakzal.

¹⁵ *Miangöra yuai ölöpñi akñamgö mörakzali, mi qahö ahakzal. Mimö, yuai bölöñi akñamgö tököba sisitñi memakzali, mönö mia ahakzal. Miangöra yuai ahakzali, nöñön miangö könañi ölöp qahö möt kutumakzal. ¹⁶ Miangöra yuai bölöñi akñamgö ölan aka mia ahakzal ewö, Köna keunöñ mönö töndup ölöpñi akza. Köna keugöra mönö urumohot akzal.

¹⁷ Mewö aiga nöñön nanak mi qahö toroqeba ahakzalmö, siŋgisöndok urune ahözawañön mönö kuñgum niŋgiiga mi ahakzal. ¹⁸ Ahakmeme ölöpñi akñamgö sihimñi ölna mörakzalmö, mi akñamgö ösumnan qahö asuhum niŋgimakza. Miangöra nöñgö urune yuai ölöpñi kun qahö ahözapmö, urusilenan mönö siŋgisöndok akñamgö kuñgum niŋgimakza, mewö mötzal. ¹⁹ Miangöra yuai ölöpñi akñamgö sihimñi mörakzali, mia qahö ahakzalmö, yuai bölöñi qahö akñamgö mörakzali, mönö mia ahakzal. ²⁰ Mewö aiga yuai akñamgö tökömakzali, mia töndup ahakzal ewö, mi nanak qahö toroqeba ahakzalmö, siŋgisöndok urune ahözawañön mönö kuñgum niŋgiiga mia ahakzal.

²¹ Miangöra nani könani kewö ahöi miwikñaimakzal: Yuai ölöpñi akñamgö sihimñi mötpiga bölöñañgö sihimñan mönö uruni jöhöiga qakömakzal. ²² Miangö könañi kewö: Uruneyök göröken Anutugöreñ Köna keugöra urumohot aka tem kölmamgö mörakzal.

²³ Mewö mörakzalmö, sileneyök göröken nani könañamni kewö ahöi miwikñaimakzal: Silenangö kitipñi mienön siŋgisöndokö bohonñi aketka akñamgö mörakzal. Siŋgisöndok akñamgö sihimnan mönö urusihimni ölöpñi mi memba et almapköra möri auba

* 7:7: Eks 20.17; Dut 5.21 * 7:11: Jen 3.13 * 7:15: Gal 5.17

yarö qemakzahot. Siŋgisöndok akŋamgö sihim kömbönaŋnan mönö silenangö kitipŋi kitipŋi sölölohöm engiba jöhöm niŋgiiga kösö gwarönöŋ maljal. ²⁴ O nöŋön bölim teköba angjööraknambuk akzal. Urusilenangö sihimŋi bölöŋan noangiri kömup köhöikŋi kömumbilenbuköra mönö daŋön sohopni memba amöt qem niŋgibawak?

²⁵ O Jisös Kraist Kembuni, mönö yambuk nam köla “Anutu saiwap!” jizal. Könaŋamnan mewö aiga nanak urunanöhök Anutugöreŋ Köna keugö bapŋe anda welenni qemakzalmö, sileni siŋgisöndokŋambuk miangöreŋ göröken siŋgisöndok akŋamgö sihim kömbönaŋnan jöhöm niŋgiiga miangö kösö gwarönöŋ maljal. Mewö.

8

Uŋa Töröŋan tim töndanini aiga mal köhöizin.

¹ Miangöra ambazip Kraist Jisösbuk qekötahöba kinjini, Anutunöŋ mönö neŋgö keunini jim teköiga nalö kewöŋe könöp siagö buŋa qahö aka maljin. ² Miangö könaŋi kewö: Gi siŋgisöndokö sihimŋi tem köla malnöŋangöra aka kömup köhöik-ŋangö buŋaya aka malnöŋ. Mewö malnöŋmö, Kraist Jisösbuk qekötahöba kinöŋga malmal köhöikŋangö Uŋaŋan mönö kömup köhöikŋangö kösönöhök pösat gihiiga maljan.

³ Ambazip urusilenine sihim kömbönaŋnini bölöŋi mi ahöza. Mi wuatangöingä Köna keugö ösumŋan löwöriba malmal köhöikŋi neŋgimapkö osiiga qaköin. Qaköba urusileninan siŋgisöndok aka malini, Anutunöŋ siŋgisöndok miangö keuŋi jim teköba likepŋi kewö melenök: Yaŋön nanŋi Nahönŋi melaiiga gölmenöŋ eta siŋgisöndok azigö sile tandök ahök. Toroqeba siŋgisöndokö jöwöwöl tandök ewö aiga ohogetka kömuyök. Anutunöŋ malmal köhöikŋangö könaŋi mewö mesarök.

⁴ Anutunöŋ könaŋi mi kewögöra mesarök: Köna keunöŋ nini solanŋi aka diŋdiŋi malbingöra jim kutum neŋgimakzawi, Anutunöŋ keu miangö ölŋan neŋgöreŋ asuhum tekömapköra mörök. Miangöra nini urusileninangö sihim kömbönaŋnini bölöŋi wuatangöbingö tököba Uŋa Töröŋangöreŋ naŋgöba jitsihitŋi wuatangöba ahakzin.

⁵ Ambazip urusileninangö sihim kömbönaŋi bölöŋi wuatangömakzei, yeŋgö uruŋinan mönö siŋgisöndoköreŋ göröken akingö ahöza. Ambazip Uŋa Töröŋangöreŋ naŋgöba jitsihitŋi wuatangöba ahakzini, neŋgö uruninan mönö Uŋa Töröŋangöreŋ göröken akingö ahöza. ⁶ Urusileninangö sihim kömbönaŋnini bölöŋan mönö öröm neŋgiiga kömup köhöik-ŋangöreŋ anbingöra ahözapmö, Uŋa Töröŋan urunine luai qeiga mal köhöibingö sihimŋi mörakza.

⁷ Anutunöŋ Köna keu neŋgiiga siŋgisöndok akingö sihim kömbönaŋninan mönö keu miangö bapŋe qahö anakza. Mi anmamgö osiza. Mi osiiga laŋ mala uruninan Anutu qetala kerök ak waŋgimakzin. ⁸ Ambazip urusilegö sihim kömbönaŋinan galöm köl engigetka laŋ maljei, yeŋön mönö Anutugö jeŋe dop kölböngö jiiga qaköme.

⁹ Yeŋön qakömemö, Anutugö Uŋa Töröŋan engö uruŋine malja ewö, yaŋön mönö galöm köl engii malje. Urusilegö sihim kömbönaŋnini bölöŋi mienön mönö inini qahö galöm köl engimakze. Kraistkö Uŋa Töröŋan kungö uruŋe qahö geiga öne maljawi, yaŋön Kraistkö buŋaŋi qahö akza. ¹⁰ Qahö akzapmö, Kraistnöŋ engö uruŋine malja ewö, sileninan siŋgisöndoköra aka kömumemö, uŋaŋinan solanŋi akzeangöra aka mal köhöim öngöme.

¹¹ *Anutunöŋ Kraist Jisös mem gulii kömupnöhök wahöröhi, yaŋgö Uŋaŋan uruŋine malja ewö, yetkön inini Anutubuk qekötahöba kingetka silenini köhömuŋi mi mewöyök mem gulimahot.

¹² O urumelen alaurupni, guliba maljinangöra neŋön mönö Anutugöreŋ tosabuk maljin. Urusilegö sihim kömbönaŋnini bölöŋi wuatangöbinangö tosaŋi qahöpmö, Uŋa Töröŋangö jitŋi tem köla malbingö tosaŋan mönö ahöm neŋgiza. Miangöra nanini imbi- imbi laŋ malbinbuk. ¹³ Urusilegö sihim kömbönaŋnini bölöŋi wuatangöba malje ewö, inini mönö kömup köhöikŋangö buŋaya akŋe. Mewö akŋemö, Anutugö köulukögetka Uŋa

* 8:11: 1 Kor 3.16

Töröñan urusilenjanğö ahakmeme bölöñi mem kömumakña ewö, mewö mianğön mönö guliba mal köhöiba malme. ¹⁴ Anutugö Uñajan ambazip enğuanğiri maljei, yeñön körek Anutugö nahönbö-raturupñi akze.

¹⁵ **Ömewöröme yeñön ambazip sölölohöm enğigetka jönömñini undui welenqeçe omanñi aka maljemö, inñini öme mewöñi mia kun qahöpmö, Uña Töröñi i buña qem anğuba malje. Mianğöra inñini mönö kunbuk toroqeba kenğöt qakñe malbepuk. Uña Töröñi yañön mönö mem letot enğiiga Anutugö nahönböraturupñi akze. Uña mianğön sölölohöm neñgiiga Anutugöra “Aba ^{*} ¹⁶ Anutugö nahönböraturupñi akzini, keu mi Uña Töröñan nanñak nanini uñaninambuk imbi köla mohotñe nanğöba jimakzahot.

¹⁷ Anutugö nahönböraturupñi akzin ewö, yañön nanñi ambazipurupñi neñğöra oyaenğoyaen mözözömgöi ahözawi, mi mewöyök buña qem anğubin. Anutunöñ Kraistköra yuai mözözöm-göi ahözawi, mi mönö mewöyök Kraistkö qöhöröñe kinda buña qem anğubin. Kraistpuk mohotñe sihimbölä mörakzin ewö, mönö mewöyök Kraistkö asakmararaññöñ öngöba yambuk mohotñe asariba malbin. Mewö.

Malmal asakmararaññambuknöñ öngöba malbin.

¹⁸ Nalö kewöñe sihimbölä möta maljini, mianğön malmal eretñi akza. Könañgep Kraistkö asakmararaññöñ öngöba asariba oyaenğoyaen malbini, mianğön mönö malmal öngöñğöñi aködamunñambuk akña. Malmal yahöt mi likeplikep ala kewöt-pinağö dop qahö. Mewö mötmörizal. ¹⁹ Anutunöñ sömbup aka yuai pakpak miwikñaiyöha ahözei, mienğön mönö mamböta Kraistnöñ kaba Anutugö nahönböraturupñi meköba kondel enğiiga asakmararañ asuhum enğimapköra awöweñğömakze.

²⁰ *Anutunöñ sömbup aka yuai pakpak miwikñaiyökmö, mienğön mala kömumba ayapköme. Nanñini sihimñinağö dop qahöpmö, Anutunöñ mönö nanñi sihimñanğö dop mewö areñğöyök. Yuai pakpak ayapkömemö, töndup jörömqöröm enğiiga oyaenğoyaen kewö asuhumapköra al mambörakze: ²¹ Anutunöñ sömbup aka yuai pakpak miwikñaiyöha ahözei, mienğön mönö mewöyök kewögöra mambörakze: Anutunöñ i mewöyök anğöjörak malmalgö kösöñeyök pösat enğiiga qahö kömumba gisahöba ayapkömemö, Anutugö nahönbörat ewö lolohoba asakmararañinambuk asariba ahöm öngöme.

²² Mianğö könañi kewö: Anutunöñ sömbup aka yuai pakpak miwikñaiyöha ahözei, mienğön körek pakpak mönö mohotñe osonğom köla morö memegö masö tandök möta ahöba kota nalö kewöñe mewöyök ahakze. Mi mötzin. ²³ *Anutunöñ sömbup aka yuai pakpak miwikñaiyöha ahözei, mienğönöhök qahöpmö, Anutugö yambu jeñiqeçe ahinga Uñani kalema neñgii maljini, neñön mönö mewöyök uruninan osonğom köla maljin. Anutunöñ neñğuanğiri nahönböraturupñi qainñi kun akingö mamböta mala osonğom ahakzin. Neñğuanğita sile sohpnini meiga kunbuk letotpingöra awöweñğöba maljin.

²⁴ Mewö letotpingö jörömqöröm aka urunini melenđa Suepkö buñaya ahin. Yuaigöra jörömqöröm ahakzini, mianğö ölni asuhui ehinga jörömqörömnini mewö mianğön teköma. Kunöñ kun yuaigö ölni asuhui eka mianğö jörömqörömñi mi qahö toroqeba aka mambörakza. Mi qahö. ²⁵ Yuaigö ölnan qahö asuhui ehakzini, mianğöra jörömqöröm akzin ewö, mi mönö kapañ köla asuhumapköra al mamböringa uruninan qahö erakza.

²⁶ Mewöñanök löwöriinga Uña Töröñan bauköm neñgimakza. Denöwö köuluköinga dop kölbawak, mi qahö mötzinmö, Uña Töröñan mönö nanñak köuluk nupnine bauköm neñgiba neñğöra aka köuluköba keu jitñi aukñe qahöpmö, osonğom aka sañepnöñ alakza. ²⁷ Sañepnöñ ala Anutugö jitsihitñanğö dop ambazip sarakñi neñğöra aka köulukökamakza. Anutunöñ ambazip urunini ek kewörakzawi, yañön mönö anğeba Uña Töröñanğö uru mötmötñi mörakza.

* **8:15:** Mak 14.36; Gal 4.6 * **8:15:** Gal 4.5-7 * **8:15:** Aba mi Arameik keunöñ iwi. 'Iwini!' qerakzin. * **8:20:** Jen 3.17-19 * **8:23:** 2 Kor 5.2-4

²⁸ Anutunöŋ köulukŋi möta öröyui pakpak galöm köliga miangö mindimindiri ölŋan mönö nanŋi alaurupŋan ölöwakŋegöra asuhumakza. Mi mötzin. Ölŋi miangön ambazip amötqeŋe areŋangö dop enŋoholi jöpaköm waŋgim�kzei, mönö i mewö me mewö bauköm enŋimakza. ²⁹ Anutugö areŋangö könaŋi kewö: Nanŋi nahönŋan urumelen alaurup sehisehiŋi neŋgö sutnine mutuknini ak neŋgim�pköra mörakza. Miangöra qeljiŋe areŋ ala nini tandökŋinan Nahönŋangö dop akingöra mörök. Miangöra ambazip qeljiŋe möt neŋgiyöhi, nini mewöyök mewö akingöra jim möwölöhöm neŋgiyök. ³⁰ Qeljiŋe jim möwölöhöm neŋgiyöhi, nini mewöyök neŋgoholök. Neŋgoholöhi, neŋgö keunini mewöyök jim teköiga solaniin. Solaniini, neŋgöra mewöyök köna kondeliga nanŋe asakmararaŋŋöŋ öŋgöba oyaenŋkoyaenŋ akin. Mewö.

Anutugö urukalemŋangö möpömpösei liŋet.

³¹ Keu mi möta miangöra denöwö jibinak? Anutunöŋ sel jöhöm neŋgiba likepnine malja ewö, daŋön mönö qetal neŋgibawak? ³² Anutunöŋ nanŋi Nahönŋi tok qahö angön kölökmö, i jim teköiga malmalŋi körek neŋgöra aka köleŋnök. Mi köleŋniga Anutunöŋ yambuk kalem korembenŋi tosatŋi pakpak mi mewöyök amqeba neŋgima.

³³ Anutunöŋ ambazip nanŋangöra möwölöhöm neŋgiba keunini jim teköiga solanimakzini, miangöra daŋön mönö keu jakeŋe al neŋgibawak? ³⁴ Kraist Jisösnöŋ kömuiga Anutunöŋ kunbuk mem guliiga Suepnöŋ öŋgöba Anutugö böröŋi ölŋe tata toroqeba neŋgöra aka köulukömakza. Miangöra kunŋan kun keunini kewöta könöp sianöŋ gebingöra jim teköm neŋgimamgö osima.

³⁵ Kraistkö urukalem uruŋe malinga daŋön mönö miangöreŋök mendenŋ neŋgiiga etpinak? Kahasililiŋ ak neŋgetka wahöjalinŋ mötpinakmö, Kraistkö urukalemŋeyök ölöp qahö etpin. Sese-werowero ak neŋgibeakmö, miangöreŋök ölöp qahö etpin. Bödi akinak me opo söroninan qahöwahi malbinak, mönö ölöp qahö etpin. Kömumbinbukö keŋgöt qakŋe malbinak me yarö gilgetka kazik asuhubawakmö, mönö ölöp qahö etpin.

³⁶*Miangö keuŋi Buŋa Kimbinöŋ kewö ohoget ahöza, “Nalö dop söŋanök könahiba kömumbingöra neŋgugetka anda mala suŋgem ahakza. Lamaya enŋum nembinaŋgöörök maljei, neŋgöra miangö tandök mötmörimakze.”

³⁷ Keu miangö dop ak neŋgibeakmö, Kraistnöŋ urukalemŋi indeli mörini, yaŋön töngum neŋgiiga lömböt pakpak miangöreŋ mönö luhut ala köiraŋ köla malbin. ³⁸ Yuai kunöŋ mönö Kraistkö urukalemŋeyök mendenŋ neŋgimamgö osima. Mi öl töhöŋŋa möt yaközal. Kömupnöŋ me malmalgö yuaiŋi kunöŋ mönö mendenŋ neŋgimamgö osima. Suep garata me ömewöröme yeŋön mönö nalö kewöŋe me könaŋep nini mendenŋ neŋgibingö osime. Bem suahö kukösumŋinambuk yeŋön mi osime.

³⁹ Euyangö euŋe me emuyangö emuŋe maljei, yeŋön mönö mendenŋ neŋgibingö osime. Anutunöŋ öröyui tosatŋi kun miwikŋaiyöha ahözei, mienöŋ mönö mewöyök Anutugö urukalem miangöreŋök mendenŋ neŋgibingö osime. Anutugö urukalemŋi miangön mönö Kraist Jisös Kembunini yaŋgöreŋ asuhui indeli, mi mötzin. Mewö.

9

Anutunöŋ sihimŋangö dop Israel möwölöhöm enŋiyök.

¹ Nöŋön Kraistpuk qekötahöba kinda muneŋ keu qahöpmö, keu öl töhöŋŋi kun jimam. Uŋa Töröŋangö keugöra kezap albi keuni naŋgöba jim köhöiba saŋep urune ali kewö möta jizal: ² Nöŋön Juda ambazip tosatŋi yeŋgö wösöbirikŋinan nuŋguiga urunan sihimbölo ketanŋi teteköŋi qahö kewögöra mörakzal:

³ Yeŋön nömbuk gölme silenöŋ Israel könagesöya mohot akzinmö, uruŋinan Kraistpuk qahö qekötahöba laŋ malje. Nöŋön Israel alaumurupnan uruŋini melenmegöra aum-mörimakzal. Anutunöŋ yeŋgö keuŋini kewöriŋa nanak yeŋgö salupŋini akiga likepŋi

* 8:36: Sum 44.22

melenđa nönģö qakne kewö öngömapkö mötzal: Yanjon ni Kraistkörenjök menden ninjii könöp siagö buņaya akņangö mötzal.

⁴*Yenjon Israel kambu uruņe malgetka Anutunönj enġuangiri buņani akze. Anutugö qetbuņani bisiba aködamunņinambuk akze. Anutunönj yembuk oyaenġoyaenġ akingö jöhöjöhö walņi aka dölökņi aka Köna keuņi al enġiyök. Mianġöra jöwöwöl jikenönj öngöba Anutugö waikņi memba möpöseimakze. Anutunönj kötümötuetņi sehimapkö keu jöhöyöhi, mianġö ölnan asuhumapköra mambörakze. ⁵Yenjon bömön jalönini Abrahamgö gwölönarök-urupņi yengö isi moröurupņina malje. Kraistnönj yengörenjök gölme sile memba azia asuhuyök. Kraistnönj Anutunina aka yuai pakpak galöm köliga qetņi nalö teteköņi qahö möpöseimakin. Keu mi ölna.

⁶Mewö maljemö, Israel könagesönöhök asuhum sehiba maljini, neņön pakpak mönö töndup Israel ambazip ölni qahö akzin. Mianġöra Anutugö keuņan sinġiiga ösumņan erök tandök ahakza me? Mewö jibinak, mi keu ölna qahö. ⁷*Abrahamgö gwölönarök-urupņi yengörenjök ahuzinaġöra aka körek neņön mönö Anutugö nahönböraturupņa qahö akzin. Mewö qahöpmö, Anutunönj Abrahamgöra kewö jiyök, “Aisakö isimoröurupņan mönö göhöreņ toroqeba qetki bisiba mal öngöme.”

⁸Keu mianġö könaņi kewö: Abrahamgö gwölönarökurup gölme ambazip siliknönj morö ahumakzini, körek neņön mönö Anutugö nahönböraturupņi qahö akzin. Mewö qahöpmö, Anutunönj keu jöhöi ahözawaņgö dop ahuini, Anutunönj mönö ninia möt neņġiiga Abrahamgö gwölönarökurupņi ölni akzin. ⁹*Jöhöjöhö keu mianġön Abrahamgöreņ kewö kaiga mörök, “Yambu mohot teköiga mianġöreņ kunbuk kaba gekiga Saranönj mönö morö nahönņambuk akņa.”

¹⁰Keu mewö möri yanġöreņ mewö asuhuyökmö, mianġöreņök qahö teköyök. Yanġö andöņe Rebekagöreņ mewöņanök Anutugö keugö dop asuhuyök. Bömönini Aisak yanjon anömnġi mi gölöm waņġiiga nahönyahötņiri siwisiwi asuhuyohot. ¹¹Siwisiwi yetkön gölömņe tata qahö asuhuba yuai ölöpnġi me bölöņi kun qahö ahoři, Anutunönj mönö nalö mianġöreņ nahön yetköreņök kun nanņanġöra möwölöhöyök. Nanņi mötmöt areņan köhöiba ölnambuk ak tekömapköra aka munņi möwölöhöyök.

¹²*Nanņi jitsihitņan ölnambuk akņapaköra Rebekagöra kewö jiyök, “Datņan mönö munņanġö welenqeqeņi aka nembö bapņe malma.” Anutunönj mewö jiba ahakmemeņiri akahorahi, mianġö dopņe i qahö kewöt etkiyökmö, nanņi mötmöt sihimņi miyök wuatangöba munņi oholiga datņanġö ketaņamņi ahök. ¹³*Mianġö keuņi Buņa Kimbinönj kewö ohoget ahöza, “Jeikob urunan jöpaköba malalmö, Iso (Esau) mi tököba kazik ak waņgiba malal.”

¹⁴Keu mianġöra mönö denöwö jibinak? Anutunönj diņdiņi qahö akza me? Mewö qahöpmahöp! ¹⁵*Anutunönj Mosesgöra keu kewö jii ahöza, “Nönjon mönö nani jitsihitni wuatangöba kun ninia ehoriba ak kömumangö mötzali, ia mönö ak kömum waņgimakzal. Kun dagöra wösö mötmöt ak waņgimangö jizali, yanġöra mönö wösöni mörakzal.” ¹⁶Keu mianġöra aka gölme azinönj Anutu qahö galöm kölakzapmö, yuaigö sihimņi möta akņangö esapköm bibihawakmö, mi töndup Anutu qahö onġitma. Anutu nanņak kalem möriamņanġö dop yuai pakpak galöm köliga yanġö böröņe ahöza.

¹⁷*Anutunönj farao kiņgöra keu jiiga Buņa Kimbinönj kewö ahöza, “Nani qetbuņani jim sehiġetka gölme körek pakpak dop kölmapköra mötzal. Mewö möta kukösumni kondelbi aukņe asuhumapköra kuņġum gihibiga göņön asuhum tiņġitnönj. Asuhum tiņġita mala tuarenjon ak niņgiba malnönġa mönö luhut al giġial.” ¹⁸Keu mianġö dop Anutunönj nanņi jitsihitņi wuatangöba kun ehoriba ak kömumangö mötzawi, ia mönö ak kömum

* 9:4: Eks 9.4 * 9:7: Jen 21.12 * 9:9: Jen 18.10 * 9:12: Jen 25.23 * 9:13: Mal 1.2-3 * 9:15: Eks 33.19

* 9:17: Eks 9.16

wanjimakña aka kungö urunji mem gwözöñmamgö jizawi, ia mönö mem gwözöñniga yangisen ahakña. Mewö.

Anutugören irimsesewöl aka ak-kömukömu

¹⁹ Engörenök kunjan nönğöra kewö jibawak, “Mewö aiga körek neñon mönö Anutugö jitsihitñi tuarenjon ak wanjibingö osimakzin. Mewö aigun Anutunöñ mönö wuanönğöra toroqeba jim neñgimakza?” ²⁰ *Kunjan mewö jibawakmö, gölme azi gi mönö niñia aka Anutu tuarenjon aka anğururuk ak wanjibanak? Börösöwönöñ mönö nanñi miwimiwikñai Tonji kewö ölop qahö jim wanjima, “Gi mönö wuanönğöra tandök kewöñi miwikñaim niñginöñ?” ²¹ Kimbut meme azinöñ mönö nanñi kukösum qakñe sihimñanğö dop gwaköm melenđa möwölöhöba gwaköm mohot miangörenök kouranen murutñi murutñi memakza. Tosatñi nalö dop memba nupnöñ alakzin aka tosatñi aködamunñinambuk mi mönö sösönğai nalöneyök nupnöñ alakzin.

²² Anutu miwimiwikñai Toninan mönö mewöñanök ak neñgimakza. Yanön irimsesewölñi ambazip kondel neñgiiga kukösumñi eka mötpingöra mörakza. Mewö möta irimñan seholiiga kazikñan ambazip tosatñi yengö qakñine öngöiga jöjöröba konden engimangö aka malök. Mi töndup likepñi zilañök qahö melenğ enğiyökmö, yengöra aka sihimbölö gwötpuk möta mökösoñđa urunini melenğmegöra mamböta malök.

²³ Mewöñanök kalem möriamñi indeli kelenmaleleñ asuhu-mapköra mörakza. Mewö möta ambazip aködamunñi buña qem anğubingöra möwölöhöm neñgiyöhi, nini mönö neñgehoriiiga aködamunñambuk asarimakzin. ²⁴ Nini mewöyök mewö akingöra neñgoholök. Juda ambaziwök qahöpmö, kian kantriñi kantriñi i mewöyök mewö akñegöra enğoholök. ²⁵ *Anutunöñ miangö keunji jiiga kezapqetok azi Hoseagö kimbinöñ kewö ahöza,

“Ambazip nani könagesöurupni qahö aka malgeri, nönöñ mönö i enğoholbiga nani könagesöni akñe. Tosatñan nani wölböt alani qahö malgeri, yengöra mönö ‘Nani wölböt alaurupni,’ mewö jiba malmam.

²⁶ *Nönöñ gölme kungö ambazip yengöra kewö jiba malal, ‘Inini nani könagesöurupni qahö malje.’ Mewö jiba malalmö, i mönö gölmenine miangörenök enğohola qetñini kewö qetmam: Inini mönö Anutu malmal Tonanğö nahönböraturni akze. Utekutek mewö asuhuma.”

²⁷ *Aisaianöñ mewöyök Israel ambazip neñğöra aka kewö sahöta jiyök, “Israel ambazip janğönini köwet sak ewö akawak ewö, mia kun töndup neñğörenök awamñi neñönök mönö urunini melenğninga amöt qem neñgima. ²⁸ Kembunöñ gölmenji gölmenji pakpak neñğö keunini zilañzilañ kewöta jim teköba likepñi körek melenğ neñgim teköma.”

²⁹ *Aisaianöñ mewö jiba qeljiñe keu kun jiyöhi, miangö ölnan mönö neñğören kewö asuhuza, “Kembu kukösum pakpak Toninan gwölönarökurupnini tosatñi qahö enğehori urunini melenğbeak ewö, gölmeninan lök Sodom ewö melenğni geiga könöp jebawak. Neñon mönö Gomora ambazip ewö ayuhubinak. Anutunöñ lök mewö ak neñgibawak.” Mewö jiyök.

Israel jesöngöñan Anutu yangisen ak wanjimakze.

³⁰ Miangöra mönö denöwö jibinak? Kantri tosatñan Anutugö jeñe solanñi akingö nupñi qahö kapan köla megeri, yeñon mönö Anutugö jeñe solaniget. Urunini melenğđa Anutu möt narigetka miangöra keunini jim teköiga solaniba malje. ³¹ Mewö maljemö, Israel neñon solanñi akingöra Köna keu wuatangöbingö kapan köla mala kota mi töndup Anutugö jeñe qahö solaniin.

³² Miangö könañi kewö: Nanñinanök esapköba ahakmeme diñdiñi aka mewö miangön solanñi akingö kapan köla Jisös qahö möt narim wanjiget. Yanön köt pöwöwöm ewö

* 9:20: Ais 29.16; 45.9 * 9:25: Hos 2.23 * 9:26: Hos 1.10 * 9:27: Ais 10.22-23 * 9:29: Ais 1.9

akzawi, mönö yangören tötangöba engui qaköba andö qeget. Miangöra solanji qahö aket.
 33 *Miangö keunji Buña Kimbinöñ kewö ohoget ahöza,
 “Eket, Anutu nöñön mönö ain köt kun Zaion kunduje Israel kambu urujine kunjubiga
 yeñön miangören tötangöba et engui andö qemakne. Kunjan azi ip pöwöwöm
 köhöikñi mi möt narim wangimawi, yanön mönö nalö kunöñ yangöra gamu qahö
 miwikñaima.” Mewö.

10

1 O urumelen alaurupni, nöñön nani könagesöurupun urujini melenmegöra awöwengömakzal. Anutunöñ amöt qem engimapköra uruni qezaköba yengöra aka Anutu köuluköm wangimakzal. 2 Yengö könañamñinan kewö ahöza: Yeñön Anutugöra urukönöp ahakzemö, mi gukmaulem qakne ahakze. Yengö keunini mewö nangöba jizal.

3 Anutunöñ keunini jim teköiga solanizini, miangö könañi qahö möt yaköba nanñinanök esapköba solanji akingö kapan kolakze. Mewö aka Anutunöñ keunini jim teköiga solanibingö jimakzawi, keu miangö bapne qahö anda qaköba öne lañ malje. 4 Kraistnöñ nanjök Köna keu wuatangöm teköyök. Nini tosatan mi osiba Kraist möt nariba urunini melenjini, mewö mönö Kraistköra aka Anutugö jeñe solaniba dop köljin. Mewö.

Anutunöñ nini körek amöt qem neñgimangö mötza.

5 *Mosesnöñ Köna keu wuatangöba mewö mianjön solanji akingö keunji mi kewö ohoi ahöza, “Köna keu wuatangöm tekömawanön mönö miangöra aka mal köhöima.” 6 *Keu mewö ahözapmö, urunini melenja möt nariinga Anutunöñ keunini jim teköiga solanimakzini, Mosesnöñ miangöra keu kewö jii ahöza, “Urugan kewö mötmöriba jibanbuk: Azi danön mönö Suep mire öngöbawak?” Ambazipnöñ mi Kraist wangita etmapköra lañ jiget. 7 me “Azi danön mönö kömup mirigö dutne gebawak?” Ambazipnöñ mi Kraist wangita kömupnöñök wahötmapköra lañ jiget.

8 Mewö jiba toroqeba kewö jiyök, “Buña keu mi köröwen qahöpmö, mönö göhö numbuge aka uruge ahöza.” Buña keu mi möt naribingöra aka ahöza. Neñön keu mianjön ambazip uru kungum engiba kewö jim asarim engimakzin: 9 Anutunöñ Jisös mem guli kömupnöñök wahörök. Göñön keu mi urugan möt nariba numbu jitkan “Jisösnöñ Kembuni akza,” mewö jim miwikñaiñan ewö, mönö amöt qem gihiiga letotman.

10 Gi urugan Buña keu möt narinöñga Anutunöñ keugi jim teköiga solaniman aka numbu jitkan Jisös jim miwikñainöñga amöt qem gihiiga letotman.

11 *Buña Kimbigö keu kun kewö jiget ahöza, “Danön i möt narim wangimawi, yanön mönö gamu qahö miwikñaima.” 12 Anutunöñ Juda ambazip qahö neñgek soriba kantri tosatan qahö qepureim engimakza. Kambu mohot yanön mönö körek neñgö Kembunini aka dop mohotnöñ kewöt neñgimakza. Ambazip i qeta köulukömakzini, yanön mönö kötümötuetñi nini körek kelen-malelen neñgimakza.

13 *Miangö keunji mi Buña Kimbinöñ kewö ahöza, “Ambazip denike yeñön Kembangö qetñi qeta köulukömei, yanön mönö i körek amöt qem engiiga letotme.”

14 Ambazipnöñ Kambu qahö möt narim wangiba yangö qetñi mönö denöwö qeta köuluköbeak? Yangö könañi qahö jiget mötkeri, i mönö denöwö möt narim wangibeak? Kunjan Buña keu qahö jim asarima ewö, yeñön mi mönö denöwö mötpeak? 15 *Ambazip kun Buña keugöra qahö melaibin ewö, yanön mönö denöwö anda mi jim asaribawak? Miangö keunji Buña Kimbinöñ kewö ohoget ahöza, “Ambazip Buña keu ölöpnji memba kamakzei, yengö köna ötöñini möringa qetpuk sorokñi akza.”

16 *Mewö ohoget ahözapmö, nöñgö Israel könagesö ölni yeñön Ölöwak Buña qahö tem köla malje. Miangö keunji mi kezapqetok azi Aisaianöñ kewö jii ahöza, “O Kambu, nini

* 9:33: Ais 28.16 * 10:5: Lew 18.5 * 10:6: Dut 30.12-14 * 10:11: Ais 28.16 * 10:13: Joel 2.32 * 10:15: Ais 52.7 * 10:16: Ais 53.1

Buṅa keu jim sehiinga daṅṅön mönön uruṅi melenḁa mi möt naribawakto?" ¹⁷ Keu miangö dop Kraistkö keuṅi jim sehiinga kezapṅine geiḁa mötketka mötnaripṅinan mönön mewö asuhuma.

¹⁸ *Mötnarip mewö asuhumapmön, kewö qesim engizal: Buṅa keu miangön mönön Juda yeṅö kezapṅine qahö geiḁa mötket me? Qahö, mi mönön mötket. Miangö keuṅi mi kewö jigetka Buṅa Kimbinöṅ ahöza, "Keu jigetka keu kourukṅinan mönön anda anda gölme pakpak dop kölok. Mi gölmeṅi gölmeṅi eu emu likeplikep miangöreṅ mötket."

¹⁹ *Keu miangö dop Buṅa keu lök mötketmön, kunbuk toroqeba kewö qesim engizal: Israel ambazipnön mi qahö möt asariget me? Mosesnön mutuk keu kewö jiyök, "Ambazip könagesö ölni qahö nöṅön mi amöt qem engibiga engö uru mututqututṅinan mönön miangöra aka asuhuma. Kian kambu gukmaulem maljei, yeṅön iṅini engongitketka silik miangön mönön Juda engö uruṅini kuṅgubiga irimṅini seholiiga uruṅinan wahötma."

²⁰ *Aisaianön mönön köhöiba kinda kewö jii ahöza, "Ambazip ni qahö jarum niṅgiba laṅ malgeri, yeṅön mönön ni miwikṅaim niṅgiget. Ambazip nöṅö könanangöra qahö qesiba malgeri, nöṅön könanamni mönön yeṅöra indelbi mötket."

²¹ *Yeṅöra mewö jiyökmön, Israel neṅöra mönön keu kewö jii ahöza, "Silim dop söṅanök könahiba qeḁetal könagesö kezapjupjup ahakzei, iṅini nöṅöreṅ kamegöra engohola engöra börö kaek köla malbiga sunḁem ahakza." Mewö.

11

Israel uruṅe urumelenḁ kambu moröṅi ahöza.

¹ *Miangöra kewö qesizal: Anutunön nanṅi könagesöṅi andö qem neṅgiyök me qahö? Mi qahöpmahöp! Nöṅön mewöyök Abrahamgö gwölönarökṅi kun akzal. Nanak Israel könagesögö kambu qetṅi Benjamin miangö uruṅe maljal. ² Anutunön nanṅi könagesöṅi qeljine möwölöhöm neṅgiyöhi, nini mönön qahö andö qem neṅgiiga maljin. Kezapqetok azi Elaijagö (Eliagö) kösohotṅi mi Buṅa Kimbinöṅ ohogetka ahöza. Yeṅön Anutugö jeṅe Israel ambazip jim engiba köuluköyöhi, iṅini keu kemaṅi mi mötze me qahö? Keu mi kewö, ³ *"O Kambu, yeṅön mönön göhö kezapqetok ambazipurupki enguget kömugetka göhöreṅ jöwöwöl ohoho altaṅi altaṅi köndenṅmondenḁet. Ni mohot nömosötket malbiga mömön-laköba mönönba nuṅgubingö jöjöröze."

⁴ *Mewö jiyökmön, Anutunön mi möta mönön kewö melenḁ waṅgiba jiyök, "Gi nangok qahö maljanmön, nöṅön azi 7000 mewöṅanök sel jöhöm engibiga nani buṅani aka bem muneṅi Bal i qahö simin köl waṅgiba göbuk toroqeba malje." ⁵ Keu miangö dop nalö kewöṅe mewöṅanök Anutugö kambu moröṅi ahöza. Anutunön kalem möriamṅangö dop ambazip awamṅi möwölöhöm neṅgiiga maljin.

⁶ Kalem möriamṅan mönön nam köl waṅgiiga möwölöhöm neṅgiyök. Nini ahakmeme ölöṅṅi aka memba malbinahi, miangöra aka qahö möwölöhöm neṅgiyök. Gölime ambazip ahakmemenan nam köl waṅgiiga möwölöhöm neṅgibawak ewö, yeṅö kalem möriamṅan mönön yuai omaṅi akawak.

⁷ Miangöra mönön denöwö jibinak? Israel könagesönön solanṅi akingö kapan köla malgetmön, solanibingö könaṅi mi qahö miwikṅaiget. Yeṅön qahöpmön, Anutunön kambu moröṅi möwölöhöm neṅgiyöhi, neṅön kalemṅi mi miwikṅaiba solanṅi ahin. Tosatṅan mötmöt bölöṅan uruṅini gwözöṅni öne laṅ malje. ⁸ *Miangö keuṅi mi Buṅa Kimbinöṅ kewö ohoget ahöza, "Gaun jeṅe malgetka Anutunön öme qahö jöhöiga uruṅine geiḁa

* 10:18: Sum 19.4 * 10:19: Dut 32.21 * 10:20: Ais 65.1 * 10:21: Ais 65.2 * 11:1: Fil 3.5 * 11:3: 1 Kin 19.10, 14 * 11:4: 1 Kin 19.18 * 11:8: Dut 29.4; Ais 29.10

köhömuñi aket. Yuai eka könani ek kutubepuköra jeñini mem sohoiga ömuñ kölök. Keu kezapñinan möta möt asaribepuköra mi mem gwözöñnök. Mewö tönpin mala kota nalö kewöñe mewöyök öne lañ malje.”⁹ *Kiñ Deiwidnön mianğö keuñi kewö jii ahöza, “O Anutu, yeñön közölömbuan ala nempa lañ söngaimakze. Mianğöreñ mönö engek miwikñaiba siñgisöndokñinağöra simba alnönğa enğimema. Mönö nanñini dumñine tötañğöba et enğuiga likepñi melen enğinönğa sihimbölä mötme.¹⁰ O Anutu, gi mönö jeñini mömbauba mem gömölinönğa uba ekingö osime. Mönö likepñi melen enğinönğa qakñine öngöba lömböriiga sundan dop upköba malme.” Deiwidnön mewö köuluköyök.

Kian kantri yeñön Anutugö ipñi ölni aket.

¹¹ Toroqeba kewö qesizal: Juda könagesö ölni yeñön tötañğöba et enğuiga uruñinan gwözöñniga ölöwakingö osime me qahö? Mi qahö osime! Et enğuyöhi, mianğön mönö Anutu möt kutubingö awöweñgömegöra aka asuhuyök. Juda könagesö ölni yeñön köna onğita et enğuiga kian kantri yeñön salupñini aka uruñini melenğa Anutugö buñañi aket. Mewö akeri, mianğön uruñini kuñguiga mianğöra irimñini seholiiga uruñini melenmegö sihimñan asuhumapköra aka mewö asuhuyök.

¹² Juda könagesö ölni yeñön köna siñgiba et enğuiga mianğöra kian gölmenji gölmenji yeñön oyaenköyaen akingö könani miwikñaiget. Mi miwikñaiba uruñini melenğa kötümötuet uruñe maljemö, Juda könagesö ölni yeñön tönpin mala Anutugö jeñe qahö dop kölje. Könañgep Juda yeñön mewöyök körek uruñini melenme. Mewö asuhuiga Anutugö kötümötuetñan sehiba kelenmalelen aukñe asuhuma.

¹³ Nöñön keuni ki Juda enğöra qahöpmö, kian kantri könagesö enğöra jizal. Nöñön kian kantri enğöreñ melaimelai azi aposol akzalağöra “Nupni qetbuñañambuk akza,” jiba mewö mötmörizal. ¹⁴ Nupni mi membi ölni asuhuiga uruñini melenmakzei, nani Israel könagesöurupnan mianğö buzupñi mötmegöra kapañ köla awöweñgömakzal. Buzup keu mianğön mohot mohot yeñgö uruñini kuñguiga mianğöra irimñini seholiiga uruñini melenbingö sihimñan asuhui melengetka Anutunön amöt qem enğima. Nupni qetbuñañambuk mi mönö mianğöra aka kian kantri enğö sutñine memakzal.

¹⁵ Anutunön Juda kambu andö qem nenğiiga mianğö ölnan mönö kewö asuhuyök: Kian kantriñi kantriñi enğön salupñine aketka Anutunön töwañini qeba enğömeiga alaurupñi aket. Juda könagesö ölni yeñön uruñini melengetka Anutunön amöt qem enğiba möt anğön köl enğimawi, mianğö ölnan mönö kömupnöñök guliba mal köhöimeanğö dop akña.

¹⁶ Yambu jeñiqeqe döläkñe nene Anutugöra kewöta ala sösongai ahinga sarakñi akza ewö, nupkö numbu neneñi pakpak mönö mewöyök sarakñi akza. Ip jalöñan töröñi akza ewö, böröñan mönö mewöyök töröñi akze. ¹⁷ Juda kambu mi Anutu nanñağö oil ipñi akza. Anutunön nanñi oil ipñi mi öñböñi memba böröñi tosatñi mitii etket aka arökñağö oil ip böröñi memba kaba sutñine ali toroqeba qarimakze. Kantri tosatñi inini arökñağö oil ip mianğö dop akzemö, Anutunön töndup enğömeiga nalö kewöñe ip börö qainñi kun mienğö sutñine mal köhöimakze. Inini mönö Juda kambugö oil ip jalöñeyök nene onji öröba nempa qarimakze.

¹⁸ Inini Juda nembuk kinjemö, töndup Juda nenğongita silenini memba öngöbepuk. Silenini mem öngöbeak ewö, mönö keu ki mötme: Kantri tosatñi inini ip böröñanök ewö akze. Inini jalönini qahö bisimakzemö, nanine ip jalöñan mönö inini enğömisiiğa kinje.

¹⁹ Keu kewö jibeak, “Anutunön nini nanñi ip kempa al nenğimapköra aka ip böröñi mi kutui eriga tiñi asuhuyök.” ²⁰ Keu mi ölna. Anutunön Juda ambazip uruñini qahö melenğa möt narigeranğöra aka kutum enğii etketmö, inini mönö mötnariñinan töndangöm enğiiga zeñ kinje. Mewö kinda jakbak-öranbörañ kude aka aiweliköba malmemö, mönö kewö et enğubapuköra sömbuñini möta malme: ²¹ Anutunön nanñi

* 11:9: Sum 69.22-23

ipnangö böröni ölni qahö engehoriba Juda könagesö kutum engiyök ewö, injini mönö “Ölöp nengehorima,” mewö jibepuk. Öne mewö mötmörriba lañ malbepuk. ²² Miangöra kian kantri injini Anutugö könañi mötmörriba kewö jime, “Juda ambazip köna siñgiba et engyuyöhi, Anutunöñ miangö likepñi melenđa mönö ölna könöpñambuk ak enjimakzapmö, nini ölöwak Toñambuk qekötahöba kininga mem ölöwak nenjimakza. Yambuk qahö toroqeba kinbin ewö, mönö kantri tosatñi nini mewöyök kutum nenjii etpin.”

²³ Mewö ölöp jimemö, Anutunöñ ambazip köna siñgigeri, mi mewöyök ölöp köhöiba ip kembrañe kunbuk toroqem enjima. Miangöra Juda könagesö yeñon yangisenjini mosöta uruñini melenđe ewö, i mönö ölöp Jisösbuk toroqem enjima. ²⁴ Anutunöñ injini arökñangö oil ip miangörenjök kutum enjiba kölkömötkö könañi onjita oil ip qainñi kungö kembrañe al enjii toroqet. Kantri tosatñi injini mewö ak engiyök ewö, miangöra nanñi ip böröni ölni Juda könagesö ölni mi mönö amqeba enğömembra sihimñan nanñi oil ipnangö kembrañe al enjii kunbuk toroqeme. Mewö.

Anutunöñ Israel körek ak kömum nenjimangö mötza.

²⁵ O urumelenj alaurupni, nanñini mötkutukutu qakñe lañ malbepüköra mönö keu tölapñi kun indela möt asarimegöra mötza. Keu mi kewö: Mötmöt bölöñan Israel könagesögö bahöni kun yeñgö uruñini gwözöñni maljemö, nalö teteköñi qahö yangisenj qahö toroqeba malme. Qahöpmö, mutuk kian kantri yeñgörenjök jesöngöñan uruñini melenđe Anutugö bemtohoñ uruñe kañgotme. Mewö aketka Anutunöñ jañgöñini ehi dop kölmawi, nalö miangörenj Juda könagesö yeñgö yangisenj nalöñinan teköiga körek uruñini melenđe. ²⁶ *Uruñini melenđetka Anutunöñ Israel könagesö pakpak amöt qem enjiiga letotme. Miangö keuñi mi Buña Kimbinöñ kewö ohoget ahöza, “Amötqeqe Toñan mönö Zaion kunduneyök asuhuba Jeikob kambu yeñgö ahak-memenini añgöjörakñambuk mi köñ köñjöratma.

²⁷ *Anutu nöñon siñgisöndokñini köñ köñjörata oyaenjkoyaen akingö jöhöjöhö areñi mi yembuk akiga mohotñe malbin.”

Keu mewö ahöza.

²⁸ Juda könagesö ölni yeñon Ölöwak Buña andö qeba Anutugö kerökurupñi akerangöra kantri tosatñi enñon salupñine Anutugö alaurupñi akze. Mewö akzemö, Anutunöñ Israel bömön jalö-urupnini möwölöhöm engyöhangöra Juda neñon mönö toroqeba wölböt alaurupñi ölbölñi akzin. ²⁹ Anutunöñ ambazip niñia möwölöhöba enğohola kalem enjimakzawi, keu mi mönö kunbuk uruñi möñaiiga utekömawangö dop qahö. ³⁰ Kian kantri injini mewöyök mutuk Anutugö jitñi qahö tem köla lañ malgetmö, Juda könagesö ölni yeñon yangisenj akerangöra aka Anutunöñ injini ak kömum enjiiga letotket.

³¹ Juda könagesö ölni yeñon nalö kewöñe Anutugö jitñi qetala lañ mala kotzemö, enñon letotkerangöra aka Anutunöñ Juda könagesö nini mewöñanök nalö kewöñe ak kömum nenjimangö mötza. Kian kantri enñon uruñini melenđe letotketka miangö silikñan uruñini kuñgumakzawi, miangöra yeñon mönö mewö-ñanök amqeba uruñini melenđe ak-kömökömuñi buña qem añgume.

³² Ambazip lökñanök pakpak nini Anutu qetala lañ malinga qegetalnini miwikñaiba gwaröhöm nenjiyök. Körek pakpak ak kömum nenjimapköra aka kösönöñ gwaröhöm nenjiyök. Mewö.

Anutu möpöseiba omsa liñet kewö kölakzin:

³³ *Anutu kalem möriamñangö köweñan mönö keta bölökñi akza. Iwinangö jitñi, mötmötñi mönö gegenj teteköñi qahö. Mötkutukutuñan nenğonjita öngöngöñi ketañi akza. Yanñon keunini kewöta jim tekömakzawi, neñon mi lökñanök jim asarim teköbingö osibin.

* 11:26: Ais 59.20 * 11:27: Jer 31.33-34 * 11:33: Ais 55.8

Malmalninaᅅgö köna areᅅgömakzawi, mianᅅgö könaᅅi mönö möt kewöta miwikᅅaim teköbinaᅅgö dop qahö.

34 **“Kembugö urukönömᅅaᅅgö areᅅi mi ambazip körekᅅan möt yaköbingö osiba mala korin. Kunᅅan kun goro waᅅgimawaᅅgö dop qahö.”*

35 **“Gölme ambazip kalem aᅅgumakzinmö, yambuk mewö akingö osiba mala korin. Yuai waᅅiinga kitipᅅi qahö melenᅅ neᅅgiiga ölop dop köl waᅅgiza. Yuai kun bian neᅅgimapkö tosa waᅅgibingö osimakzin.”*

36 **“Mi kewögöra osimakzin: Yaᅅön yuai pakpakö Tonᅅi aka bömöᅅn jalöᅅi akza. Yaᅅön yuai pakpak nam köliga asuhuyök. Mi nanᅅi aködamun miwikᅅaim waᅅgimapköra aka asuhuyök. Mianᅅgöra neᅅön qetbuᅅaᅅi möpöseininga teteköᅅi qahö aködamunᅅambuk ahöba öᅅgöba ahöma. Keu mi ölnᅅa.*

12

Malmalnini denöwö malinga Anutugöreᅅ dop kölma?

1 O urumelenᅅ alaurupᅅi, Anutunöᅅ mewö ak kömum neᅅgiyö-haᅅgöra nöᅅön mönö uruᅅini kewö kuᅅgum eᅅgizal: Inᅅini mönö ak-kömükömuᅅi mi urukönömᅅinan mötmöriba mianᅅgö dop kitipᅅi melenᅅ waᅅgiba waikᅅi memba möpöseiba malme. Mewöyök nanᅅini silenᅅini mi Anutugö kötön naluha alme. Mewö alme ewö, inᅅini mönö guliba sarakᅅi aketka Anutunöᅅ nalukᅅini mi ehi dop köli sihimᅅi mörakᅅa.

2 Mutuk gölmegö ahakmeme bölöᅅaᅅgö areᅅi wuatangöba malgetmö, nalö kewöᅅe mewö kude toroqeba ahakᅅe. Mewö qahöpmö, mönö urumötmöᅅinan kölöᅅaiiga letota malme. Mewö mala Anutunöᅅ eᅅgöra sihimᅅi denöwö mötzawi, mi jaruba ölop köhöiba kewöta miwikᅅaime. Mi miwikᅅaiba mianᅅgö dop ahakᅅe ewö, mönö köna ölopᅅi wuatangögetka dop köl waᅅgii aködamunᅅinambuk ahakᅅe.

3 Siksaᅅ laᅅ malbepüköra keu kun jimam. Anutunöᅅ kalem möriam niᅅgiiga mianᅅgö qakᅅe kinda körek eᅅgöra kewö jizal: Inᅅini mönö nanᅅini mötket öᅅgöᅅgöᅅi qahö akᅅapmö, mohot mohot inᅅini mönö törörök möt kutum aᅅguba malme. Anutunöᅅ mötnariᅅ neᅅgiiga mianᅅgö ölnᅅi asuhumakzawaᅅgö dop mönö nanᅅini kewöt aᅅguba mianᅅgö dopkeu jiba malme.

4 **Mianᅅgö könaᅅi kewö: Sileninan mohot akzapmö, sile kitipᅅini mi gwötpuk. Kitipᅅi pakpak mienᅅön nup mohot miyöhök qahö memakze.* 5 *Mianᅅgö dop urumelenᅅ ambazip neᅅön mewöyök gwötpuk maljinmö, töndup Kraistpuk qekötahöba kinda sile ewö ölnᅅi mohot akzin. Mohot akzinmö, nanᅅök nanᅅök neᅅön mönö toroqem aᅅguba mohotᅅe nup meinga dop köli kinᅅin.*

6 **Anutunöᅅ kalem möriamᅅi neᅅgiyöhaᅅgö dop nup memegö mötmöt kalem murutᅅi murutᅅi buᅅa qem aᅅguba maljin. Kunöᅅ kezapqetok nupkö mötmöt kalemᅅi buᅅa qem aᅅguza ewö, yaᅅön mi mönö nupnöᅅ alakᅅa. Mötnariᅅᅅan töndangöm waᅅgimakzawaᅅgö dop nupnöᅅ ala Anutugö keuᅅi jiba malma.* 7 *Kungöra welenqeᅅe nupkö mötmöt kalemᅅi waᅅgiyök ewö, mianᅅgö dop mönö tosatᅅi pöndaᅅ bauköm eᅅgiba malma. Kungöra böhi qaᅅazu nup memapkö mötmöt kalemᅅi waᅅgiyök ewö, yaᅅön mönö memburik-qemburikᅅi qahö pöndaᅅ tosatᅅi kusum eᅅgiba malma.*

8 *Kungöra uru naᅅgönaᅅgö nupkö mötmöt kalemᅅi waᅅgiyök ewö, yaᅅön mönö pöndaᅅ kapaᅅ köla ambazip uruᅅini kuᅅguba naᅅgöm eᅅgiba malma. Tosatᅅan yuaigöra mözöröᅅgöba osigetka kungöra i naᅅgöm eᅅgimapkö mötmöt kalemᅅi waᅅgiyök ewö, yaᅅön mönö koᅅgwarakᅅi qahö pöndaᅅ naᅅgöm eᅅgiba malma. Kungöra galömkölköl nupkö mötmöt kalemᅅi waᅅgiyök ewö, yaᅅön mönö zeᅅ kinda tosatᅅi galöm köl eᅅgiba malma. Kungöra urukalem nupkö mötmöt kalemᅅi waᅅgiyök ewö, yaᅅön nup mi mönö sösoᅅgai qakᅅe memba malma. Mewö.*

* 11:34: Ais 40.13 * 11:35: Job 41.11 * 11:36: 1 Kor 8.6 * 12:4: 1 Kor 12.12 * 12:6: 1 Kor 12.4-11

Urukalemgö könañi törörök wuatangöme.

⁹ Mönö geñmon mosöta törörök urukalem ak anguba malme. Bölöñi sisit memba andö qeba malme. Ölöpnangöra ak engiiga miangörej mönö qekötahöba malme. ¹⁰ Urumelen alaurupñini mi mönö guñböñjönjön qakñe ak engiba törörök jöpaköm anguba malme. Göda qem angubingö kapan kölakzei, miangörej mönö awöweñgöba möpöseim anguba malme.

¹¹ Uruñinan mönö kude sörauba löwörimapmö, köulukögetka Uña Töröñan inahöm engiiga urukönöpnöñ kinda Kembangö nup memba malme. ¹² Jörömqöröm aka sösongainöñ malme. Kahasililin möta mökösoñda malme. Mönö böñ kinda Anutu köuluköba malme. ¹³ Anutugö ambazip sarakñan yuaigöra osizei, i mönö bauköm engiba malme. Mönö ambazip köñ öröm engiba mohotñe tata nene nem sösongai ahakñe.

¹⁴ *Sesewerowero ak engimakzei, ambazip mi mönö kude qesuahöm engimemö, mönö Anutu köulukögetka kötuetañöm engimakña. ¹⁵ Söngaizei, yembuk mönö bauköba söngai. Sahötzei, yembuk mönö bauköba sahötme. ¹⁶ *Mönö urumohot ak anguba luainöñ malme. Nanñinanangöra mönö kude mötket öngöma. Jakbak-öranbörañ kude akñemö, ambazip eretñi mönö ala ak engiba malme. Nanñinanangöra mötketka mötkutukutu ambaziwa maljeangö dop kude akña.

¹⁷ Jinöñ jibi, nungunöñ guhubi, aknöñ aki mi kungöra kude akñe. Ambazip körekñan silik tosatñi miangöra mötketka ahakmeme ölöpnöñ akzei, mi mönö kapan köla memba malme. ¹⁸ Yuai kungöreñ qahö qaköze ewö, mönö köhököhöi ahöm engizawangö dop kapan köla ambazip körek yembuk luainöñ malme.

¹⁹ *Keu kun mi Buña Kimbinöñ kewö ohoget ahöza, “Nöñön mönö bölöñangö likepñi melenbiga qakñine öngöma. Mi nöngö nuwa. Kembu nöñön mewö jizal.” Miangöra wölböt alaurupni, inini nanñinak bölöñangö likepñi kude melenmemö, mi Anutugöra mosötketka irimñan seholiiga engö kitipñi melennda meköm engima.

²⁰ *Miangöra mi nanñinak kude melenmemö, Buña keu ki mönö wuatangöba malme, “Kerökan nenegö kömuza ewö, i mönö nene gumohom wangiman. Göhö kerökan ogö mötza ewö, i mönö o wanginöñga nema. Mewö aka göhöreñ silik ölöpnöñ miangön mönö uru kungum wanginöñga gamuñi möta mosötpawak.” Keu mi mönö wuatangöba malme. ²¹ Kunñan silik bölöñi miangön luhut al ghibapukmö, nangak mönö silik ölöpnöñ aka miangön luhut al wangiba silikñi bölöñi mi koyonaniman. Mewö.

13

Gawman yenjö keu bapñine anda tem köla malme.

¹ Gawman kun mi nanjök qahö asuhuyökmö, Anutu, kukösum Tonji yanön mönö gawman kungui miangö dop ketanjaninan kukösum qakñe kinda galöm köñ engimakze. Jimkutukutu nupkö kondotkondotñi mi Anutu. Miangöra inini körek mönö nanñini gawman yenjö keu bapñe anda malme. ² Könañi mewö mötzeangöra aka kunñan jimkutukutu galöm yenjö kukösumñini qetaljawi, yanön Anutunöñ malmalgö areñi alöhi, mönö mi qetalja. Jimkutukutu Tonji qetaljei, Anutunöñ yenjö keuñini jim teköba likepñi melen engiiga lömböt miwikñame.

³ Galömkölköl yenön ambazip ahakmeme bölöñi ahakzei, mi kenjöt mötmöt ak engimakzemö, ölöpnöñ ahakzei, mi mewö qahö ak engimakze. Miangöra galöm kukösumñinambuk yenjö kenjötöki mötmangö mötzan me qahö? Mi qahö mötmangö mötzan ewö, mönö ahakmeme ölöpnöñ aka memba malnöñga möpöseim gihimakñe.

⁴ Gawman yenön mönö Anutu welenñi qeba mem ölöwak ghibingö mötze. Mewö mötzeangöra ambazip bölöñi akzei, mönö miangö likepñi melennda qakñine öngöi lömböt mötmegöra kinje. Anutugö welenqeqeurupñi aketka buldömingö sou ketanji engiyöhi,

* 12:14: Mat 5.44; Luk 6.28 * 12:16: Qam 3.7 * 12:19: Dut 32.35 * 12:20: Qam 25.21-22

mi öne töhön qahö memba malje. Mianğöra yuai bölöni akzan ewö, mönö kenğötki möta malman. ⁵ Lömböt qakñine öngöi mötpepuköra mönö gawman jitrini tem köla malme. Mianğörök qahöpmö, Anutugö jeñe mohot dop kölmapköra mönö mewö ahakñe. Qahö tem kölgetka Anutugö irimñan sehooli jii urukönömñinan mewö mötketka uruñinan bölöbapuköra mönö mewöyök gawman yeñgö keu bapñe anda malme.

⁶ *Gawman yeñön mönö Anutugö nup bahöni kun memba mianğöreñ zeñ kinda galöm köl engimakze. Nupñini mi memegöra eñön mönö bauköm engiba takis mewöyök alakze. ⁷ Gawmangö takis aka kötön könañi könañi dawik engimegö jimakzei, mi mönö körek mianğö dop engimakñe. Gawmangö takis könañi könañi pakpak mi mönö törörök engimakñe. Gawmangö nup meme ambazip yeñgöra mönö ewe ala göda qem engimakñe. Mewö.

Nalö ketanjan dopdowiiga mönö jöpaköm anğuba malme.

⁸ Mewö aka kungöreñ tosa kun embuk kude ahöi malme. Töndup engö tosañini mohok-kun mi nalö dop kewö ahöza: Inini mönö uru jöpaköm anğuba malme. Kunñan tosatñi jöpaköba urukalem ak engimakzawi, yañön mönö Köna keu wuatangöm tekömakza.

⁹ *Jöjöpañ keu bohonñi kewö, “Nangi jöpaköm anğumakzani, mianğö dop mönö tosatñi pakpak jöpaköm engimakñan.” Keu mianğö uruñe jöjöpañ keu kewöni ahöze, “Sero yongorö kude akñan,” “Ambazip kun kude qenöñ kömuma,” “Yongorö kude meman,” “Yuaigöra mönö kude köpösöngöman.” Mi aka jöjöpañ keu tosatñi pakpak mi mönö keu bohonñi mianğö nemböñe akze.

¹⁰ Ambazip kun jöpaköm wangizan ewö, yañgöra mönö yuai bölöni kun kude ak wangiman. Mianğöra urukalem aka mewö mianñön mönö jöjöpañ keu körek pakpak tem köla wuatangö-makzan.

¹¹ Nalö kianğö könañi mötzeanğöra mönö ahakmeme mewöni aka memba malme. Mutuk Kraist möt nariba urunini melenñini, nalö mianğöreñök könahiba mala kor-ringa Kembunöñ meköm neñgii Suepnöñ öngöbini, mianğö nalöñan mönö dowe ahöza. Mianğöra inini gaun ahözei, mianğöreñök imbiñini möta wahötmeanğö nalöñan mönö lök kam kuñguza. ¹² Sunğem köröpñi malinga wehön jeñi jililingöba koriga asarimangö akza. Mianğöra söñaupkö ahakmeme mi mönö tömbuluñaniget geiga asakñangö bim qebingö aködammunñi mi mönö memba kölget geiga kinbin.

¹³ Asakñangö uruñe maljinangö dop mönö ahakmeme sarakñi aka memba malbin. Tosatñan közölömbuan pati ala bau numbu memba o köhöikñangöra eñololöñ ahakze. Sero namböñnamböñ aka lañ ambi yongorö örömakze. Julia denđa anğururuk aka anğöhöba urunöñ mututqutut möta andönöñ qem anğumakze. Ahakmeme mewöñan mönö qahö dop kölja. ¹⁴ Urusilegö sihim kömbönañini bölöñan guliba wahötketka miengö sihimñini tem köl engibepuköra mönö mi kude kezap ala mötmörim engimakñe. Mewö qahöpmö, Kembu Jisös Kraistkö ahakmemeñan mönö timbi saiwanñini aiga mi maluku ewö löngöt anğuba malme. Mewö.

14

Alaurup lölöwöröni i kude jim engiba malme.

¹ *Kungö mötnaripñan lölöwöröni aiga i mönö köyan köla köl öröm wangiba malme. Yam-buk eraum möta kösawörañ keugöra jitrakölik kude ahakñe. ² Tosatñan mötnaripñinanğö dop nene pakpak ölop nemakzemö, tosatñi yeñgö mötnaripñinan lölöwöröni aiga nene piakñanök nemakze. Uruñinan tölöhobapuköra uruyahöt aka sömbup tandö lopionğö naluk alalñi mi sisitñi memba yöha töhönök inañik ohom nemakze. ³ Nene pakpak nemakzeañön mönö alaurupñini yöhayök nemakzei, mi jijiwilit kude ak engimakñe.

* **13:6:** Mat 22.21; Mak 12.17; Luk 20.25 * **13:9:** Eks 20.13-15, 17; Dut 5.17-19, 21; Lew 19.18 * **14:1:** Kol 2.16

Anutunöŋ alaurupŋini nene pakpak nemakzei, mi mewöyök “Dop kölje,” jiba köyan köl engimakza. Miangöra yöhayök nemakzei, enön mönö alaurupŋini yenğö keuŋini kude jim teköme.

⁴ Göŋön mönö niŋia aka kungö welenqeqeŋi jim teköm waŋgibanak? Yaŋön mönö nanŋi toŋaŋgö jeŋe keuŋaŋgö likepŋi jiiga kewöta jim teköiga dop kölīga kinma me lömböt qakŋe öŋgöiga etma. Kembunöŋ mönö köhöiba böŋ qeba kinmapköra naŋgöm waŋgimakŋa. Miangöra mönö ölop böŋ qeba kinma.

⁵ Tosatŋan silim pakpaköra mötmörigetka tandökŋini öröröŋ ahözemö, tosatŋan silimŋi silimŋi kewöta silim kungö mötket öŋgöiga qainŋi kun aiga silim tosatŋan miangö nemböŋe akze. Inini mohot mohot mönö nanŋini mötmötŋini qekötahöba miangören uruyahöt körek yaköriba awösamkakak kinda malme. ⁶ Tosatŋan silimŋi silimŋi kewöta öŋgöba eta alakzei, yeŋön mi mönö Kembu qetbuŋa waŋgimapköra aka ahakze. Tosatŋan sömbup nemakzei, yeŋön mönö Anutu möpöseiba Kembunöŋ mewö qetbuŋaŋambuk akŋapköra nemakze. Tosatŋan sömbupkö siŋgi malakzei, yeŋön mönö Kembunöŋ qetbuŋaŋambuk akŋapköra aka mi ahakze aka mewö mala Anutu möpöseimakze. ⁷ Neŋgörenök kunŋan kun mönö nanŋaŋgörök qahö malja aka nanŋaŋgörök qahö kömuma.

⁸ Miangö könaŋi kewö: Jebuk malbin ewö, mönö malmalnini Kembugöra kölenđa malbin. Kömumbin ewö, mönö Kembugöra kömumbin. Miangöra malbin me kömumbin ewö, mönö Kembugö buŋaya akzin. ⁹ Kraistnöŋ mönö kömugeru aka jebuk maljini, körek neŋgö Kembunini aka malmapköra kömumba guliyök. ¹⁰ *Anutunöŋ mönö körek neŋgüaŋgita nanŋi keu jakeŋe al neŋgiiga kinbin. Miangöra tosatŋi enön mönö niŋia aka urumelen alaurupŋini jim teköm engimakze? Mewöyök alaurupni tosatŋi enön mönö wuanöŋgöra urumelen alaurupŋini tosatŋi mi jijiwilit ak engimakze? Jujul silikŋini mianön mönö qahö dop kölja. ¹¹ *Miangö keuŋi mi Buŋa Kimbinöŋ kewö ohoget ahöza, “Kembu nöŋön mal köhöizali, miangö dopkeu öl töhöŋni kewö jizal: Ambazip körek pakpak inini mönö nöŋgö jemesoholne simin köla jitŋinan Anutu ni möpöseim niŋime.”

¹² Keu miangö dop nini körekŋan mönö inannök inannök ahakmemeninangö kösohotnini mi Anutugöra jim asariinga kewöt neŋgima. Mewö.

Kunöŋ tötaŋgöba et qebapüköra mötmörime.

¹³ Miangöra mönö kude toroqeba jim bölim aŋguba keuŋini jim teköme. Urumelen alaurup yenğö könanöŋ tötaŋgöba et engubapükö yuai kun mönö kude alakŋe. Miangö keuŋi mönö kapan köla jiba jöhöme. ¹⁴ Nene yuai kunöŋ nanŋanök aŋgöjörakŋambuk qahö akzapmö, ambazipnöŋ yuaigö mötketka aŋgöjörakŋambuk akzawi, yeŋgöröhök mi aŋgöjörakŋambuk akza. Nöŋön Kembu Jisösbuk kinda keu mi möta miangöra uruyahöt kun qahö akzal. ¹⁵ Anutunöŋ nene pakpak amöt qem teköi sarakŋi akzemö, töndup alaurup tosatŋan döŋqizizinnini aka sömbup qahö nemakze. Kraistnöŋ yeŋgöra aka kömuiga tosatŋi enön mönö wuanöŋgöra sömbup namba mewö mianön yenğö uruŋini mem bölimakze? Mewö nanŋini imbi-imbi aketka urumelen alaurupŋinan miangöra wösöbirik ahakzei, mewö mönö urukalemğö könaŋi mi qahö toroqeba wuatangömakze.

¹⁶ Mötmöt ölopŋi ahöm engizapmö, miangö qakŋe ahak-memeninan laŋ aketka tosatŋan miangöra sirongen keu jiba jim engimakze. Mewö asuhubapüköra galöm mem aŋguba malme. ¹⁷ Wani neneya nembini aka wani oya nembini, mianön Anutu bemtohoŋaŋgö aiwesökŋi qahö akza. Yuai mianön mönö eretŋi akza. Yaŋgö bemtohoŋ uruŋe malmalgö ölni mi kewö: Uŋa Töröŋan inahöm neŋgiiga ahakmeme diŋdiŋi wuatangöinga luai qem neŋgiiga söŋgaiba maljin. Mianön mönö aiwesök muŋgemŋi akza. ¹⁸ Denike yeŋön mewö aka Kraistkö welenni qemakzei, yeŋön mönö Anutugö jeŋe dop kölgetka ambazipnöŋ keuŋini mötketka dop köl engimakza.

* **14:10:** 2 Kor 5.10 * **14:11:** Ais 45.23

¹⁹ Mianğöra nini luai qem anğuinga urumohot sehimapköra kapan kolbin. Mewö mianğön mönö urunini möhamğöba mem köhöim anğubin. ²⁰ Anutunöñ nene pakpak amöt qem teköi sarakñi akze, mi mötzinmö, kunöñ sömbup me nene kun neiga alañğö uruñan mianğöra böliiga urukönöpñi ahuiga siñgisön-dokpuk akzawi, mianğön mönö qahö dop kölja. Kunñan tosatñi yeñğöra qahö mötmöröba nanñanğörök möta lañ nezawi, yañön mönö mewöyök siñgisöndokpuk akña. Mianğöra Anutunöñ yeñğö uruñine nupñi meyöhi, tosatñi eñön mönö nupñi ölöpñi mi nenegöra aka kude mem bölime.

²¹ Mianğöra urumelen alaurupñini yeñğöra aka sömbupkö siñgi mala wain o mi kude namba malme. Mewö mianğön mönö mohotñe ölöwakñe. Mewöyök uruñinan yuaigöra aka böliiga siñgisöndokpuk aka löwöröbawak, eñön mi kude akñe. Mewö mönö mohotñe ölöwakñe. ²² Kösawörañ keugö mötnaripñi mewö me mewö ahöm gihizawi, mi mönö Anutugö jemesoholñe anğön köla malman. Kunñan keu kungöra “Dop kölja,” jiba mianğöreñ qekötahöba möt köhöiba mianğöra nanñi qahö jim teköm anğuzawi, yañön mönö simbawoñ akza.

²³ I me wai mötnarip qakñe qahö kinda ahakzini, mi pakpak mönö siñgisöndok akza. Mianğöra kunñan nene kungöra uruyahöt aka töndup mi neza ewö, yañön mönö mewö siñgisöndok akña. Mötnarip qakñe qahö kinda nezawañğöra Anutunöñ mönö yañğö keuñi jim teköi qaköba lömböt miwikñaima. Mewö.

15

Mönö Kraistkö mötmötñi wuatañğöba malme.

¹ Mötnaripninan köhöikñi akzawi, neñön mönö naninañğörök lañ söñgaiba nanini imbi- imbi malbinbuk. Tosatñi yeñğö mötnaripñinan lölöwöröñi aiga tötöpünpinöñ köna onğita törörök qahö wuatañğömakzei, neñön i urukalem ak engiba lömbötñini bisimegö bauköm engibin. ² Nini mohot mohot mönö alaurup-ninan ölöwakñe anğö dop mötmöröba ak engimakin. Mewö ak engiba uruñini möhamğögetka köhököhöi miwikñaima. ³ *Kraistnöñ mewöyök nanñanğörök nanñi imbi- imbi qahö söñgaiba ahökmö, Buña keu kiangö dop ak wañgigetka malök, “Ambazip keu töhöreñ jiba gi jim gihimakzei, yeñğö keuñinan mönö nuñguiga sihimbölöñi mörakzal.” Keu mewö ahöza.

⁴ Anutunöñ neñğöra sihimñi kewö mörakza: Neñön kapan köla köhöiba kinda Buña Kimbi oyoñninga urunini nañğöiga mewö mianğön jörömqöröm aka malbin. Mianğöra Buña keu pakpak mönöwök ohogeri, Anutunöñ mönö mianğö dop kusum neñgimangö mötza. Mianğöra mi ohoget ahöza. ⁵ Anutunöñ mönö nanñak uruñini nañğöiga ölöp kapan köla kin köhöime. Yañön mönö Uñañi enğıiga inahöm enğıiga sutñine uru jöhöjöhö aka Kraist Jisögö mötmötñi wuatañğöba malme.

⁶ Mewö mala ölöp urumohot qakñe numbuñini mindiriba Anutu, Kembunini Jisös Kraistkö Iwiñi mi möpöseiba malme. Anutunöñ eñön mewö aka malmegöra mörakza. Mewö.

Ölöwak Buñanöñ kantri tosatñe anda kayök.

⁷ Kraistnöñ injini möt anğön köla köyan köl engimakzawi, mianğö dop injini mönö mewöyök köyan köl anğuba malme. Anutugö qetbuñañan sehimapköra mönö mewö aka malme. ⁸ Nöñön keu ölni ki jimam: Anutunöñ keuñi keuñi Juda könagesö neñğö bömönurupnini yeñğöra jiba jöhöyöhi, mianğön ölnambuk akñapköra mörök. Mianğöra Kraist melaiiga Anutugö Buña keu ölnan köhöimapköra aka Juda neñğö sutnine eta welen qem neñgiba malök. ⁹ *Juda nini welen qem neñgiba malökmö, kantri tosatñi yeñön mewöyök yañğö ak-kömukömuñi möta mianğöra Anutu möpöseiba malje. Mianğö keuñi mi Buña Kimbinöñ kewö ohoget ahöza,

* 15:3: Sum 69.9 * 15:9: 2 Sml 22.50; Sum 18.49

“Miangöra nöñon kantri tosatñi yeñgö sutñine mala möpöseim gihiba qetbuñagan sehimapköra liñet kölakñam.”

10 *Miangö keuñi kun mi kewö jiba ohoget ahöza,

“Anutunöñ Juda nini möwölöhöm neñgiiga könagesöñi aka söñgaimakzin. Kantri tosatñi iñini mönö nembuk toroqeba söñgaiba köirañ ala malme.”

11 *Miangö keuñi kun mi kewö,

“Kian kantrigö kambu pakpak iñini mönö Kambu möpöseiba malme. Gölme dop maljei, iñini mönö körek ‘Anutu saiwap!’ jiba liñet köla malme.”

12 *Kezapqetok azi Aisaia yañon mewöyök miangö keuñi kewö jii ahöza,

“Azi qetñi Jesi yañgö andöjalöñan mönö sötni jula wahöta ambazip gölme dop galöm köl enñgima.

Mewö ak enñgiiga jörömqörömñini yañgöreñ ala bauköm enñgimapköra mamböta malme.”

Keu walñi mianñon mönö nalö kewöñe öñambuk ahakza.

13 Uña Töröñañgö ösumñan mönö nañgöm enñgiiga jöröm-qörömñinan köhöiba pöwöwöm akñapköra mötzal. Miangöra jörömqöröm Tonñi Anutu yañon mönö luai qem enñgiba sö söñgai pakpak mianñon uruñini kokolak qema. Mewö köuluköbiga ölöp Anutu möt narim wangiba oyaenñkoyaenñ akingö mamböta malme. Mewö.

Keu köhöikñi mi denöwögöra ohozal?

14 O urumelenñ alaurupni, nanak enñgöra kewö möt köhöizal: Iñini mönö tönpin qahö maljemö, Anutunöñ yuai pakpak ölöpnñi uruñine ali kokolak qeiga mötmöt könañi könañi miwikñaiba mianñon ölöp goro qeba kusum anñgubinañgö dop akze. 15 Mewö akzemö, töndup keu mi ölum enñgubapüköra möta miñgö könañini mi kunbuk köl gulim enñgizal. Anutunöñ kalem möriam niñgiiga miangö qakñe kinjalanañgöra mönö awösamkakak qakñe keu köhöikñi tosatñi ohom enñgizal.

16 Miangö könañi kewö: Anutunöñ kian kantri enñon uruñini melenñgetka Uña Töröñan mem sarahim enñgimapköra mörakza. Mutuk jöwöwöl ohogetka köwakñan öngöi Anutunöñ söñgaizapma, miangö dop nalö kewöñe Anutunöñ ambazip gölme dop buñañi aketka enñgeka söñgaimangöra awöweñgömakza. Miangöra Ölöwak Buñañi kantri tosatñi yeñgö sutñine jim sehimangö jiba nupñi qakne aliga miangö dop urugö nup galöm aka Kraist Jisösgö welennñi qemakzal.

17 Miangöra Kraist Jisösbuk qekötahöba kinda Anutugö nupñi membiga qetbuña niñgiiga sileni memba öñgöba awösamkakak kinjal. 18 Kraistnöñ kantri tosatñi yeñon Anutugö jitñi tem kölmegöra möta sölölohöba kuñgum niñgimazawi, mianñon mönö nam köl niñgiiga keuni jiba ahakmemeni ahakzal. Keu tosatñi lañ jim sehisehigö awösamkakakñi mi qahö ahöm niñgiza.

19 Uña Töröñañgö ösumñan mönö nam köl niñgiiga anñgöletot aiwesök kukösumñinambuk asuhuget. Nöñon Jerusalem siti mosöta kantriñi kantriñi liliköba anda mala mala Yuropkö siti qetñi Ilirikum miangöreñ anñgoral. Mewö gölme dop liliköba Kraistkö Ölöwak Buña mi jim asarim enñgim teköyal. 20 Kunöñ tandö kuñguiga kunñan kaba nanñi miriñi miangö qakñe memba mönö keuñambuk akña. Miangö dop kunöñ Kraistkö keuñan mötnaripkö tandö lök kuñgui kinöhi, nöñon mönö kaba yañgö tandö qakñe töndangöba kinda uruñini toroqeba möhamgöba mem köhöim enñgimangö tököba malal. Urugö nup mutukñi memba mianñon aködamuni miwikñaimangö kapañ köla malal. Miangöra ambazip denike yeñon Kraistkö qetñi qahö möta tönpin malgeri, nöñon Ölöwak Buña yeñgöra jim asarimangö awöweñgöba malal. 21 *Miangö keuñi Buña Kimbinöñ kewö ohoget ahöza,

* 15:10: Dut 32.43 * 15:11: Sum 117.1 * 15:12: Ais 11.10 * 15:21: Ais 52.15

“Denike yeñon keuñi qahö jiget mötkeri, yeñon mönö mala i ekre. Denike yeñon könañi mutuk qahö möta tönpin malgeri, yeñon mönö mala mi möt asarime.”

²²*Nup mewöñan jöhöm niñgiyöhañgöra mönö nalö dop engöreñ kamamgö osiba malal. Mewö.

Polnöñ Rom anmamgö areñi alök.

²³ Mewö malalmö, liliköba urukunḡukunḡu nup mutukñi memba gölme pakpak möt engizini, miangöreñ mi mem teköba malal. Urugö nup mutukñi memamangö gölmeñi mi nalö kewöñe kunbuk qahö ahöza. Mewöyök inñini enḡekñamgö sihimñi möta malbiga yambu (yara) gwötpuk lök teköyök. ²⁴ Miangöra kantri qetñi Spein anmami, miangö könañe mönö engöreñ kamamgö areñi ala enḡekñamgö jörömqöröm aka kewö mötzal: Enḡeka embuk sösoñgai aka borom kun köisirik tatpiga bauköm niñgigetka ölop köna toroqeba Spein anmam.

²⁵ *Mewö mötzalmö, nalö kewöñe Jerusalem sitigö könagesö sarakñi nañgöm enḡibingöra miangöreñ anmam. Miangöreñ andagun engöreñ kamam. ²⁶ Masedonia aka Akaia prowins yahöt mietkö urumelen könañe kambuñi kambuñi yeñon mönö Jerusalem sitigö ambazip sarakñi bauköm enḡibingö keu jöhöget. Anutugö ambazip sarakñi wanapñi maljei, mönö yeñgöra keu jöhöba naluk gwötpuk ketañi ala mindirigetka mi membagan anda enḡimam.

²⁷ *Mewö akingö uru sösoñgai möta keu jöhöba mindimindiri naluk ketañi mi alget. Mewö almegö tosa ahöm enḡiiga algetka ölna dop kölja. Anutunöñ Juda könagesö kötuetakom neñgimangö keuñi jii ahöiga kötumötuet mianñon kian kantriñi kantriñi dop köla qakñine öñgöi malje. Miangöra kian kantri yeñgöreñ tosa ahöiga likepñi melenḡa kalemñinan Juda könagesögö wanapñi bauköm enḡigetka dop kölja. ²⁸ Nöñon kalem mi memba anda böröñine albi nupni mianñon teköiga miangö andöñe enḡomosöta kusukñanök engöreñ kaba enḡekagun toroqeba Spein anmam. ²⁹ Engöreñ kamami, nalö miangöreñ mönö Kraistkö kötumötuetñi mi körek memba kaba enḡimam. Mewö möt yaközal.

³⁰ O urumelen alaurupni, nöñon Kembu Jisös Kraistpuk qekötahöba kinda kewö uru kunḡum enḡizal: Uña Töröñan jöpaköba nañgöm enḡimakzawangö dop mönö nöñgöra Anutu köuluköba malme. Aum-mörimakzali, miangöreñ mönö uruka-lemñinan bauköm niñgiba malme.

³¹ Judia prowinsnöñ anda ambazip Kraistköra yañgiseñ ahakzei, yeñgö böröñine gebilenbuköra mönö Anutugö köulukögetka sel jöhöm niñgibawak. Mewöyök naluk kalem ketañi memba Jerusalem anda ambazip sarakñi yeñgö böröñine albige dop köli sihimñi mötmegöra mönö köuluköba malme. ³² Mewö köulukö-getka Anutunöñ sihimñi mötza ewö, nöñon mönö sösoñgai qakñe engöreñ kaba embuk köisirik tata köro-ölöwak qem niñgigetka malmam. ³³ Luai Toñi Anutu yañon mönö körek embuk kinma. Keu mi ölna.

16

Yaizözkök keu teteköñi

¹ Alanini Fibi (Foibe) yañon Senkria urumelen könañesögö nup meme ambia akza. Yañon Rom engöreñ kamawi, i köyan kölmegöra mönö qesim enḡiba böröñine aljal. ² Yañon ambazip gwötpuk aka ni mewöyök bauköm neñgiba malök. Miangöra Anutugö ambazip sarakñan alaurupnini köl öröm enḡimakzini, miangö dop Fibiñon kaiga i mönö Kembugö qetñe köuluköba köl öröm wangime. Engöreñ kaba yuai kungöra osibawak, miangöreñ mönö bauköm wangime.

³*Awanömyahöt Prisila aka Aqila Kraist Jisösbuk kinjahori, neñakyahötñi yetköra mönö nöñgöreñ yaizözkökni jigetka mötmahot. ⁴ Yetköñ mönö nöñgöra aka malmalñiri kölenḡa

* 15:22: Rom 1.13 * 15:25: 1 Kor 16.1-4 * 15:27: 1 Kor 9.11 * 16:3: Apo 18.2

kömumbitkö ahot. Nöñönök qahö möpöseim etkizalmö, kantri tosatnje urumelenj könagesö kambunji kambunji yeñön mönö mewöyök yetköra saiwap jimakze.

⁵ Urumelenj könagesö mirinjire tokomakzei, yeñgöra mewöyök mönö nöñgö yaizözköknj jigetka mötme. Eisia prowinsnöñ nup membiga ölnj mutukñan asuhuiga Epainetus yanñon urunji melenja Kraistkö buña ahöhi, wölböt alani yanñgöra mönö nöñgörenj yaizözköknj jigetka mötma. ⁶ Marianöñ engöra aka nup ketanji memba malöhi, yanñgöra mönö nöñgörenj yaizözköknj jigetka mötma. ⁷ Andronikus aka Junias tinitosolomyahötni yetköñ mutuk Kraistkörenj qekötahöyohotka nöñön yetkö andöñire uruni melenbiga miangö andöñe nömbuk kösö mire malin. Aposol yeñön yetköra mötketka sutñine öñgöñgöñji akzahot. Yetköra mönö nöñgörenj yaizözköknj jigetka mötmahot.

⁸ Wölböt alani Ampliatus Kembubuk kinjawi, yanñgöra mönö nöñgörenj yaizözköknj jigetka mötma. ⁹ Neñaknini Urbanus Kraistpuk kinjawi aka wölböt alani Stakis yetköra mönö nöñgörenj yaizözköknj jigetka mötmahot. ¹⁰ Apeles Anutunöñ esapesap wanñgiiga dop köli Kraistpuk qekötahöba kinjawi, yanñgöra mönö nöñgö yaizözköknj jigetka mötma. Aristobulusbuk miri mohot maljei, yeñgöra mönö nöñgörenj yaizözköknj jigetka mötme. ¹¹ Tinitosolomni Herodion yanñgöra mönö nöñgörenj yaizözköknj jigetka mötma. Narsisusbuk Kembu qekötahöba miri mohot maljei, yeñgöra mönö nöñgörenj yaizözköknj jigetka mötme.

¹² Trifina aka Trifosa ambi yahöt mietköñ nup ketanji memba Kembubuk kinjahori, yetköra mönö nöñgörenj yaizözköknj jigetka mötmahot. Wölböt ambi alani Persis yanñon Kembangöra nup keta bölökñji memba maljawi, yanñgöra mönö nöñgörenj yaizözköknj jigetka mötma. ¹³ *Rufus yanñon Kembangö nupñji ölop kötökñji memakzawi aka yanñgö namñji nalö dop ni tok nahöññji ewö köyan köli niñgiba malöhi, yetköra mönö nöñgörenj yaizözköknj jigetka mötmahot.

¹⁴ Asinkritus, Flegon, Hermes, Patrobas, Hermas aka urumelenj alaurup tosatñji yembuk maljei, yeñgöra mönö nöñgö yaizözköknj jigetka mötme. ¹⁵ Filologus, Julia, Nereus nenñambuk aka Olimp as aka ambazip sarakñji tosatñji pakpak yembuk maljei, yeñgöra mönö nöñgörenj yaizözköknj jigetka mötme.

¹⁶ Urumelenj alaurup sutñine mönö anñum anñuba nemböñjini suhuba jölöñjini jiba malme. Kraistkö urumelenj könagesö pakpak yeñön mönö yaizözköknjini algetka engörenj kaza. Mewö.

Qamban keu teteköñji

¹⁷ O urumelenj alaurupñi, nöñön urunjini kewö kuñguba jizal: Ambazip tosatñan uru mendenjendenj asuhumapkö nam kölakzei, yeñgöra mönö je galöm mem anñuba malme. Urumohotkö silik ölopñji kusum engigetka mötmemö, keu mi qetala kösawöranj keu tosatñji miangöñ urunjini kuñgugetka bölii qaköba erakze. Ambazip mewöñji mi mönö engömosöta tikep malme. ¹⁸ Ambazip mewöñan mönö nanini Kembunini Kraistkö nupñji qahö memakzemö, nanñjini sihimñinanñgö dop asuhumapköra tuaköpek jiba nanñjini welen qem anñumakze. Kelök keu ölopñji ölopñji nahömñambuk jiba ambazip geñmoñjini qahö yeñgö urunjini kuñguba tilipköm engimakze.

¹⁹ Inñini Ölöwak Buña tem köla wuatangömakzei, keu mi körek nenñgö kezapnine geiga mötzin. Miangöra nöñön engöra aka önöñji qahö söñgaimakzal. Mewö akzalmö, inñini kewö aka malmegöra mötzal: Mönö bölöñji akingö mötkutukutuñjini mosötketka etma. Ölopñji akingö mötkutukutuñjini mi mönö pöndañ köli guliba mem qarime. ²⁰ Luai Tonji Anutu yanñon mönö Satan ösumok töjöhöhi engö bapñjine eri köiranj köla söñgaiba malme.

Kembunini Jisösgö kalem möriamñan mönö embuk ahöma.

* 16:13: Mak 15.21

²¹*Nöngö neŋakni Timoti yaŋön mönö yaizözkökŋi ali engören kaza. Nöngö tinitosolomurupni Lusius, Jeison aka Sosipater yaŋön mewöyök yaizözkökŋini algetka engören kaza.

²²Tertius nöŋön Polgö keuŋi möta kimbi ki ohozali, nöŋön mewöyök Kembubuk kinda yaizözkökni albiga engören kaza.

²³*Gaiusnöŋ miriŋi jim teköi malbiga urumelen könagesö pakpak yaŋön mewöyök ki kaba tokogetka nene köisirik al neŋgimakzawi, yaŋön mönö yaizözkökŋi aliga engören kaza. Erastus yaŋön siti pomŋaŋgö ofis uruŋe takis monen galöm kölakzawi aka urumelen alanini Qartus yetkөн mönö yaizözkökŋiri alohotka engören kaza.

²⁴Kembunini Jisös Kraistkö kalem möriamŋan mönö embuk ahöma. Keu mi ölŋa.

Kembu möpöseiba kewö köulukömakzal:

²⁵Ölöwak Buŋa keu ölŋi mi möpŋaŋgö möpŋeyök mala kotketka miangören tölapŋe ahöyök. Mewö ahöiga Jisösnöŋ eta indela jim asariiga möta jim sehimakzal. Buŋa keu miangö dop Anutunöŋ mönö köhöiba mötnariŋiŋi mem köhöiga ölöp zen kin köhöime. Miangöra neŋön mönö Anutugö qetbuŋaŋi möpöseininga sehimakŋa.

²⁶Mutuk Buŋa keu ölŋan asa-asambötŋe ahöba korökmö, nalö kewöŋe kezapqetok ambazip kulem ohoget ahözawaŋgö dop mönö aukŋe asuhuyök. Anutunöŋ nalö dop mala kota teteköŋi qahö mal öŋgömawi, yaŋön ambazip kambuŋi kambuŋi neŋön urunini melenŋa Buŋa keu möt nariba tem köla malbingöra mötza. Miangöra nup kewö membingö jim kutum neŋgiyök, “Inini mönö anda gölme dop liliköba Buŋa keu jim asariba malme.” Keu miangö dop neŋön Buŋa keu mi ambazip kambu pakpak mötmegöra jim asariba malin.

²⁷Anutu nanŋök mötkutukutu Tonŋi akzawi, neŋön mönö Jisös Kraistkö qetŋe yaŋgö qetbuŋaŋi möpöseininga nalö teteköŋi qahö aködamunŋambuk ahöm öŋgöba ahöma. Keu mi ölŋa.

Korint Kimbi 1 **Polnön Korint yeŋgöra Kimbi mutukŋi alök.** **Jim-asa-asari**

Polnön misin nup memba liliköiga indimŋi yahöt ahöi Grik siti Korint miangören anök. Korint mi Akaia prowinsgö siti bohonŋi. Miangö kösohotŋi mi (Apo 18.1-6) eka oyoŋme. Nalö miangören Korint mi siti keta bölökŋi. Bisnisŋini kōnaŋi kōnaŋi gwōtpuk ala meget. Korint yeŋön tandö lopionŋ aka bem kōnaŋi kōnaŋi waikŋini memba möpöseiba malget. Mōnahotŋini kōnaŋi kōnaŋi ala sōŋgaiget. Gwōtpukŋan serowilin aka malget.

Kimbi ki kewögöra ohoyök: Polnön misin nup memba liliköiga indimŋi karöbut ahöi Efesus sitinönŋ maliga tosatŋan Korintnöhök kaba sutŋine lömböt asuhuyöhi, miangö buzupŋi jigetka mörök. Lömböt tosatŋi kewö: Urumelenŋ kambu yeŋön denŋa sim-bisembel malget (1.10–4.21), serowilin laŋ aket (5.1-13), awanöm malmalgö kōnaŋan sohayök (Boŋ 7), tandö lopiongö bau nenegö goranora aket (Boŋ 8), semön töröŋi nenegö eŋololonŋ aket (11.17-34), zioz malmalgö areŋ qahö wuatangöba ilingösöŋ malget, kantri tosatŋangö keuŋi keuŋi aonŋit aka jiget (12-14). Tosatŋan keu kewö jiget: “Kömugeri, yeŋön kunbuk qahö wahötme.” (15.12-33) Korint yeŋön kimbi kun mewöyök ohogetka Polgören kayöhi, miangörenŋ qeŋesi tosatŋi al waŋgiget, (mi 7.1; 8.1; 12.1; 16.1 miangörenŋ oyoŋman).

Polnön qeŋesiŋini mi melenŋa lömbötŋinanŋö qambaŋ keu eŋgiba kimbi ki ohoyök. Urukalemgö keu (Boŋ 13 mi qetpuk sorokŋi. Kōnaŋgep nanŋak Korint anda eŋgekmanŋö keuŋi jiba ohoyök (16.5-7).

Buk kiangö bahöŋi bohonŋi 8 mi kewö:

Jim-asa-asari keu 1.1-9

Denŋa kambuŋi kambuŋi malget 1.10–4.21

Serowilin aka awanöm malmal 5.1–7.40

Urumelenŋö aka urumelenŋö kopa malmal 8.1–11.1

Urumelenŋ malmal aka möpömöpösei areŋ 11.2–14.40

Kraist aka körek neŋön kömupnöhök wahötpin 15.1–58

Judia urumelenŋ kambu yeŋgöra naluk alget 16.1–4

Polgö areŋi aka yaizözkök keuŋi teteköŋi 16.5–24

¹ Kraist Jisösnönŋ Pol ni noholiga Anutugö jittangö dop melaimelai azi aposol akzal. Nöŋön urumelenŋ alani Sostenes yambuk tatzit.

² *Anutugörenŋ kōnagesö Korint sitinönŋ maljei, nöŋön embuk Buŋa keu eraum mötpingöra kazal. Kraist Jisösnönŋ inŋini eŋgoholiga yambuk qekötahögetka tök kutum eŋgiiga sarakŋi akze. Mewöyök ambazip denike yeŋön gölme dop Kembunini Jisös Kraistkö qetŋi qeta köulukögetka i aka nini mohok kembu ak neŋgimazawi, mönö körek eŋgöra Buŋa Kimbi ki ohozit.

³ Anutu Iwinini aka Kembu Jisös Kraist yetkōn mönö kalem möriam eŋgiyohotka luainönŋ malme. Mewö.

Polnön Korint yeŋgöra Anutu kewö möpöseiza:

⁴ Inŋini Kraist Jisösbuk qekötahöba kingetka Anutunönŋ kalem möriamŋi eŋgiyöhi, miangöra mönö nalö dop eŋgöra Anutuni saiwap jiba möpöseimakzal. ⁵ Inŋini Kraistpuk qekötahöba kingetka nup memegö mötmöt kalemŋi kelenmalelenŋ eŋgiiga mötmöt kōnaŋi kōnaŋi buŋa qem aŋguba ölop Buŋa keugö kōnaŋi pakpak jimakze.

⁶ Nini Kraistkö kōnaŋi nanŋöba jiinga keu miangö ölnan ahuba köhöii kinjeangö dop mötmöt kalem pakpak mi eŋgiyök. Miangöra Anutu möpöseimakzal. ⁷ Miangöra nup

* 1:2: Apo 18.1

memegö mötmöt kalem kungöra qahö osiba kinda Kembunini Jisös Kraistnöj kunbuk asuhumapköra mambörakze.

⁸ Kembunini Jisös Kraistnöj mem köhöim enjiiga nalö teteköje aukje asuhumawi, nalö mianjörej injini solanji aka keujini qahö kinda i ekje. ⁹ Anutunöj keuji törörök wuatängöba bauköm engimakja. Yanön injini nanji Nahönji Jisös Kraist Kembuninambuk toroqeba malmegöra engoholök. Mewö.

Könagesöjnan denja kambuji kambuji ala kinje.

¹⁰ O urumelenj alaurupni, nöjön Kembunini Jisös Kraistkö qetje kewö uru kuñgum engizal: Injini mönö körekjanök urumohot aka sutjine jujul kude aka malmemö, urujini mindirigetka mohot aiga mötmöt mohot wuatängöba malme. ¹¹ O urumelenj alaurupni, injini sutjine angururuk gwötpuk aka maljei, mianjö buzup keuji ambi Kloegö saiwaurup tosatjan mönö jigetka möral.

¹² *Kewögöra mi jizal: Engörejök tosatjan kewö jimakze, “Nejön Polgö keuji wuatängömakzin.” Tosatjan “Nejön Apolosgö keuji wuatängömakzin,” jimakze. Toroqeba tosatjan kewö jimakze, “Nejön Pitögö keuji wuatängömakzin.” Dumje kunbuk tosatjan kewö jimakze, “Nejön mönö Kraistkö keuji wuatängömakzin.” ¹³ Kraistnöj jula gwötpuk ahök me? Pol nöjön mönö engöra aka maripomnöj kömuyal me? Pol nöngö qetne o melun mem engiget me? Mewö möt sohobepuk?

¹⁴ *Nöjön engörejök Gaius aka Krispus o melun mem etkialmö, tosatji mi qahö mem engialängöra “Anutu saiwap!” jizal. ¹⁵ Mianjöra “Polgö qetje o melun mem nenjiget,” kunjan keu omanji mewö jibapuk.

¹⁶ *O ölja, Stefanas aka yangö saiwaurupji mi mewöyök o melun mem engialmö, yengö andöhine kun o melun mem wanjal me qahöpto, mi törörök qahö mötzal. ¹⁷ Kraistnöj ni ambazip o melun mem engimangöra aka qahö melaim ningiyökmö, Ölöwak Buja jim sehimangöra jiiga anda kamakzal. Kraistnöj nengöra aka maripomnöj kömuyöhi, nup mianjö ösumjan eta omanji akapuk. Mianjöra Buja keu mi gölme azigö mötkutukutu qakje lan qahö jimakzal. Mewö.

Kraistnöj Anutugö kukösumji aka mötmöt arenji indelök.

¹⁸ Ambazip könöp siagö bujaya akjei, yjön maripomnjängö Buja keuji möta mianjöra mötket uruqahö keuya akza. Mewö akzapmö, Suepkö bujaya akzini, nengöra keu mianjön mönö Anutugö kukösumji indeli mörakzin. ¹⁹ *Mianjö keuji Buja Kimbinöj kewö ohoget ahöza,

“Nöjön mötmöt ambazip mötkutukutuñini köndenbiga sohoma.

‘Möt asarim yakömakzin,’ jimakzei, yengö mötmötñini mönö mem sohobiga söörauba omanji akja.”

²⁰ *Mötkutukutu ambazip ölji mi denike malje? Buk oyoñda mötmötkö könanji mi-wikjaigeri, mi denike? Gölmönöj jitnakölikö böhi aka keu melenqelenja jimakzei, mi mönö ölja qetpuk akze me? Gölmönöj mötkutukutu ketanji ahözawi, Anutunöj mönö mi mem kaheiiga (sahahaiiga) uruqahö mötmöra akza. Keu mi ölja.

²¹ Anutunöj nanji mötkutukutuñängö dop gölmönöj malmalgö arenji alökmö, ambazipnöj nanjini mötkutukutuñine nanjöba mewö mianjön Anutugö könanji möt kutubingö osiba tönpin malget. Osiba mala Kraistnöj maripomnöj kömuyöhi, mianjöra “Uruqahö keuya!” jiba mötketmö, Anutunöj Buja keu mi nejön jim sehibingöra jiyök. Mi jim asariinga denike yjön urujini melenja möt narizei, mi dom-amöt qem engimangö möri dop kölök. ²² Juda yjön aiwesök angöletot asuhumegöra kapan kölakzemö, Grik kantri yjön mötkutukutuñinan sehimapköra jarumakze.

* 1:12: Apo 18.24 * 1:14: Apo 18.8; 19.29; Rom 16.23 * 1:16: 1 Kor 16.15 * 1:19: Ais 29.14 * 1:20: Job 12.17; Ais 19.12; 33.18; 44.25

²³ Mi jarumakzemö, neñön Kraist maripomnöñ qeget kömuyöhanğö Buña keuñi jim sehimakzin. Juda yeñön keu mi mötketka uruñini böliiga mianğöreñ qaköba uruñini qahö melenmakze. Kian kantri yeñön mianğöra mötketka uruqahö keuya akza.

²⁴ Gwötpukñan mewö mötzeñ, Anutunöñ neñgoholi urunini melenñini, neñğöra Kraistnöñ möñö Anutugö mötkutukutuñi indela Anutugö kukösumñi neñgimakza. Juda me kantri tosatñi akzini, mi töndup Kraistpuk qekötahöba kinda mohot akzin.

²⁵ Ambazip neñğö mötkutukutunini aka ösumnini mi eretñi. Anutunöñ uruqahö akawak, mianñön möñö töndup ambazip mötkutukutunini oñgita öñğöñğöñi ketañi akawak. Anutunöñ lölöwöröñi akawak, mianñön möñö töndup ambazip ösumnini oñgita köhöikñi kötökñi akawak.

²⁶ Urumelen alaurupni, nannñini könañini denöwö ahöiga Anutunöñ eñgoholöhi, mi mötmöriget? İñini gwötpukñan gölmegö mötkutukutu ketañi qahö memba malget. Gwötpukñan kukösum qakñe sukinapñinambuk qahö malget. Iwiurupñini gwötpukñan qetbuñañinambuk qahö malget. ²⁷ Mewö qahöpmö, gölme ambazipnöñ eñğöra mötketka uruqahö ambazip omanñi akzei, Anutunöñ möñö iñini mewöñi möwölöhöm eñgiyök. Gölmegö mötmöt ambazip ipñi mi gamu qem eñgiyök. Gölme ambazipnöñ eñğöra mötketka lölöwöröñi akzei, Anutunöñ möñö iñini mewöñi möwölöhöm eñgiyök. Gölmegö kukösum ambazip ipñi mi gamu qem eñgiyök.

²⁸ Gölme ambazipnöñ jijiwilit ak eñgiba könañinangöra mötketka etqegeñi akzei, Anutunöñ möñö iñini mewöñi möwölöhöm eñgiyök. Gölmenöñ yuai akzei, yeñğö qetbuñañini mem solanii qahöwakñapköra yuai kun qahö akzei, möñö mi möwölöhöm eñgiyök.

²⁹ Kunöñ Anutugö jemesoholñe silenñi memba öñğöbapüköra möñö mewö meköba möwölöhöm eñgiyök. ³⁰ Anutunöñ nam köl eñgiba eñguañgiriga Kraist Jisösbuk qekötahöba mal köhöimakze. Yanñön Anutugö mötkutukutuñi qainñi kun indeli mörakzin. Kraistnöñ sohopenñini memba keunini jim teköi solaniba maljñi aka tök kutum neñgiiga sarakñi akzin. ³¹ *Buña Kimbinöñ keu kewö ohoget ahöza, “Kunñan silenñi memba öñğömawi, yanñön möñö Kembu möt wañgizawañğöra aka silenñi mem öñğöma.” Keu mianğö dop ahinga dop kölma. Mewö.

2

Kraist maripomnöñ kömuyöhanğö keuñi jial.

¹ Urumelen alaurupni, nöñön eñğöreñ kaba Anutugö könañi nañğöba jim asarim eñgiali, mi keuni nahöm sorokñambuk akñapköra qahö jiba malal me gölmegö mötkutukutu öñğöñğöñi kondela mianñön silenñi qahö memba öñğöba malal. ² Nöñön eñğö sutñine mötmöt murutñi pakpak gorañe ala Jisös Kraistkö keuñi aka maripomnöñ kömuyöhanğö könañi miyök möt kutuba mi jim sehimangö keu jöhöyal.

³ *Keu mewö jöhöba eñğöreñ kayali, nalö mianğöreñ azi lölöwöröñi aka jönömni gwötpuk undui keñğöt qakñe malal. ⁴ Nöñön Buña keu jim asarim eñgiali, mi mötkutukutu ketañangö kelök keuñi qahö jiba malal. Mi qahöpmö, Uña Töröñan sölölohöm eñgii ösum-mumuñan uruñine inahömapköra kapan köla jiba malal. ⁵ Gölme ambazipkö mötkutukutuñinan qahöpmö, Anutugö kukösumñan nam köl eñgiiga möt narimeğöra kapan köla malal. Mewö.

Uña Töröñangö mötkutukutu mi qainñi kun.

⁶ Nöñön töndup urumelen alaurup aködamunñinambuk maljei, yeñğö sutñine tatpiga Anutugö mötkutukutuñi gegenñi mi ölop eraum mörakzin. Gölmegö mötkutukutuñi mi qahö eraum mörakzin. Gölmenñi gölmenñi galöm köl eñgiba malgetka kukösumñinan qahöwakñawi, yeñğö mötkutukutuñini mi mewöyök qahö eraum mörakzin.

* 1:31: Jer 9.24 * 2:3: Apo 18.9

⁷ Mi qahöpmö, Anutugö mötkutukutu tölapni mönö mi eraum mörakzin. Anutunöñ Suep gölme qahö miwikñaim etkiiga miangöreñ mönöwök qeljiñe lök areñi kewö ala jöhöyök, “Ambazipnöñ bian ahuba aködamun miwikñaiba oyaenköyaen akñegöra mönö mötkutukutuni qainni kun mi engimam.” Mewö jiba tölapne ali ahöyök. ⁸ Gölmeği azi kembuñi kembuñi mala kotkeri, yengöreñök kunñan mönö mötkutukutu mi qahö möt kutuyök. Mi möt kutubeak ewö, Kembunini asakmararañambuk i mönö maripomnöñ qahö qegetka kömumbawak. ⁹* Mötkutukutu qainni kun miangöra keu kewö ohoget ahöza, “Kunñan yuai mi je kezapñan qahö eka mörök. Miangö mötmötñan kungö uruñe qahö asuhui mörökmö, ambazip Anutu uruñinan jöpaköm wañgimakzei, yengöra mi mönö mözözömgöiga jöjöröba ahöza.”

¹⁰ Gölme ambazip yuai mi qahö möta jipjap malgetmö, Anutunöñ mi mönö Uñañi melaiiga neñgöra indeli mörin. Yañön keu pakpakö könañi jaruba miwikñaimakza. Anutugö mötmöt gegeni mewöyök möt teközawañön mönö mi sölölohöm neñgiiga mörin.

¹¹ Kungö uruñi kunöñ qahö mötza. Uruñangö uñañi yañönök mönö mi möt yaköza. Mewöñanök Anutugö uruñi mi kunñan qahö mötzapmö, Anutu nanñi Uñañi Töröñi yañönök mi möt yaköza. ¹² Neñön gölmeği ahakmeme bölöñangö ömeñi kun qahö buña qem anguinmö, Anutunöñ yuai kalem neñgiyöhi, miangö könañi mötpingöra mönö nanñi Uñañi melaii urunine geiga maljin.

¹³ Miangö könañi gegeni tokoba eraum mörakzin. Gölme ambazipnöñ mötkutukutuñinangö qakñe keu kusum neñgigetka miangö dop mi qahö eraum mörakzin. Mewö qahöpmö, Uña Töröñan keu kusum neñgiyöhi, miangö dop mönö urugö keu ölni kewöringa sölölohöm neñgii jim asarimakzin. ¹⁴ Uña Töröñan sölölohöm neñgiiga keu mi mewö kewöztzin ewö, könañi mönö miwikñaiba möt asaribinangö dop akza. Miangöra Uña Töröñan denike yengö uruñine qahö mali öne lañ maljei, yañön Anutu Uñañangö buñañi mi möt anğön kölbängö osimakze. Yañön Buña miangöra mötketka uruqahö keu tandök aiga könañi möt asaribängö osize.

¹⁵ Yañön osizemö, Uña Töröñan sölölohöm neñgiza ewö, mönö keu pakpakö könañi kewöta jim teköbinangö dop akzin. Mewö akzinmö, urumelen ambazip kungö könañamñi mi gölme ambazip köreñan törörök jim teköbängö osimakze. ¹⁶* Miangö könañi mi Buña Kimbinöñ kewö ohoget ahöza, “Kembugö urumötmötñi mi azi kunñan kun qahö mörök. Miangöra kunñan i goro qambañ wañgimawañgö dop qahö.” Kunñan mi qahö mörökmö, neñön Kraistkö urumötmötñi memba maljin. Mewö.

3

Anutugö nup meme ambazip

¹ O urumelen alaurupni, inini namande ewö Kraistpuk qekötahöba kinget. Miangöra nöñön inini gölmeği ahakmeme mötöteimakzeangö tandök malgetka Buña keu mi jim asarim engiba sutñine malal. Uña Töröñan sölölohöm engii maljeangö tandök ewö engöra jimangö osiba malal. ²* Nöñön keu möt asarimeangö dop juzu onji ewö gumohom engiba malal. Nene ölni nembängö dop qahö akerangöra keu gegeni mi qahö engial. Nalö miangöreñ nene ölni nembängö osiget aka nalö kewöñe mewöyök mi ölop qahö nemakze.

³ Inini toroqeba gölmeği ahakmeme bölöñi mötöteiba malje. Inini urunöñ mututqutut möta anğururuk aka keu jijnöñ noñgitnöñ goñgitpi ahakze. Mewö aketka uru silegö sihim kömbönañini bölöñan galöm köñ engiiga urumelenğö kopa ambazip omanñi yengö tandök ahakze. ⁴* Tosatñi inini kewö jimakze, “Nini Polgö keuñi wuatangömakzin.” Tosatñan kewö jimakze, “Nini Apolosgö keuñi wuatangömakzin.” Mewö mewö jiba mönö gölme ambazip omanñan ahakzeangö tandök aka malje.

* 2:9: Ais 64.4 * 2:16: Ais 40.13 * 3:2: Hib 5.12-13 * 3:4: 1 Kor 1.12

⁵ Apolosnön ninja akza aka Pol nönön ninja akzal? Niri mönö Anutugö nuwa memba maljit. Kembunön nanjik nanjik netköra nup netkiyöhi, miangö dop bauköm enggiziga uruñini melenđa Kembu möt nariba malje.

⁶*Nönön kötñi kömötpiga Apolosnön o memba kaba miangören mokoyökmö, Anutunön mönö meiga töhötmöriam asuhuyök. ⁷ Miangöra kömöröhi, yañön qetñambuk qahö akza. O mokoyöhi, yañön mewöyök qetñambuk qahö akzapmö, Anutunön kötuetsköiga töhötmöriamñi kota qarimakzei, yañönök mönö qetbuñambuk akza. ⁸ Mewö akzapmö, kömörakzali aka o mokomakzawi, netkön mönö dop mohot akzit. Mohot akzitmö, mi töndup töwaniri mi mönö nupniri memakzirangö dop nanjök nanjök membit.

⁹ Netkön Anutugö nup neñakyahötñi aka yambuk nup memakzit. Engö uruñini mi Anutugö arö ewö aiga kölkömöt nupñi miangören memakza. Anutunön miri ewö uruñini inahöba mindirim engiiga köhöiba wahörakze. ¹⁰ Anutunön kalem möriam niñgiyöhi, nönön miangö dop miri memegö mötmöt azi ewö aka Anutugö tandö kömbönañi uruñine kuñguba kömötpiga kunön miangö qakñe miri memakza. Ölop memakzapmö, mohot mohot neñön mirigö nupñi ölopñanök membinangö dop akzin. Ek kutuba membingöra mönö je galöm mem angubin. ¹¹ Urugö tandöñi mi Jisös Kraist. Nönön mi lök uruñine kömötpiga kunñan mötnaripkö tandö kun miwikñaimangö osima.

¹² Tandö mohot akzapmö, miangö qakñe tosatñan miriñini goul silwönön me köt ölninambuk tosatñi miangön memakze. Tosatñan miriñini ip kösönön, tömbö bohöm sinñan me señgwenön memakze. Siliknini mewö me mewö memakzin ewö, ¹³ urugö nupninañgö ölnan mönö inanñök inanñök aukñe asuhuma. Kembunön nalöñan kam kuñguiga miangören mönö mirigö esuñi luluñma. Miri esuninan mönö Anutugö könöp bölamñan asuhuiga jeba eriga ölnan aukñe ekingö dop akña. Könöp miangön mönö mohot mohot neñgö mirininañgö tandökñi ölni mi esapesapnön ala kewötma.

¹⁴ Könöpnön jeba miri pakpak kewöt engiiga megetka ölninan köhöiba kinme ewö, yeñön mönö nupñinañgö töwanñi buña qem angume. ¹⁵ Tosatñan miriñini megetka ölninan jeba etme ewö, yeñön mönö töwa qahöpmö, geñmororon miwikñaima. Mi miwikñaimemö, nanñinak töndup Suepkö buñaya malme. Könöp bölamnön jem engohoiga miangö tandök ongitpingö jaram tiba kök alal ewö aketka Anutunön meköm engiiga Suepnön öngöme.

¹⁶*Nanñinak Anutugö Buña jike (tempöl) aketka Anutugö Uñan uruñine maljawi, mi mötze me qahö? ¹⁷ Anutugö Buña jikenñi mi kömbukñi akzawi, miangö dop eñön sarakñi akze. Miangöra kunñan Anutugö jike mem böliza ewö, Anutunön mönö i nanñi mem bölim wañgima.

¹⁸ Kunñan nanñi gölmegö mötmötñi wuatangöba tilipköm angubapuk. Engö sutñine kunñan nanñangöra möri “Gölmegö mötkutukutu öngöngöñi memba maljal,” jiza ewö, yañön mönö mutuk uruqahö aka mewö miangön mötkutukutu ölni miwikñaiabawak.

¹⁹*Anutunön gölmegö mötkutukutu öngöngöñi miangöra möri uruqahö keuya akza. Miangö keuñi Buña Kimbinön kewö ohoget ahöza, “Anutunön mötkutukutu öngöngöñi memba maljei, mi gwaröhöm engiiga nanñini mötmöt imbi-imbinön supapköba qaköme.”

²⁰*Miangö keuñi kun kewö ahöza, “Kembunön mötkutukutu ambazip yeñgö mötmöt areñinañgöra möri omanñi akza.” ²¹ Miangöra engörenök kunñan mönö ambazip neñgöra aka silenñi memba wahötpapuk. Körek neñön mönö engö buñaya akzin.

²² Pol, Apolos, Pitö* neñön mönö engö buñaya akzin. Ambazip gölme dop maljini, neñön mönö körek engö buñaya akzin. Miangöra ölop keu mi me mi kewöta memba mewö miangön malmalñini malme aka kömupñini kömume. Nalö kewöñe maljini, körek neñön mönö engö buñaya akzin aka könangep nup meme ambazip malmei, yeñön

* **3:6:** Apo 18.4-11.24-28 * **3:16:** 1 Kor 6.19; 2 Kor 6.16 * **3:19:** Job 5.13 * **3:20:** Sum 94.11 * **3:22:** Pitö qetñi alañi Sifas

mönö mewöyök enğö buñaya akñe. ²³ Mewö ak engizimö, enjön Kraistkö buñaya aketka Kraistnöñ Anutugö buñaji akza. Mewö.

4

Nini Kraistkö aposolurupñi akzin.

¹ Mianğöra ambazip körekñan mönö neñğöra kewö mötketka dop kölma: Kraistnöñ jim kutum neñgiiga nupñi memakzin. Anutunöñ keuñi tölapñi neñgiiga buñanini aiga galöm kölakzin. Neñön miri galömñangö tandök ewö akzin. ² Galöm yengö tonjan miri yuaini galöm kölmegöra böröñine aljawi, yañön mönö keu bohonñi kewö kapan köla jim kutum engimakza, “Nupñini mönö misila pöndañ memba malme. Memburik-qemburik kude akñe. Mewö miwikñaim engibiga dop kölma.” ³ Korint enjön me gölmegö keu jake kungö galömñan ni kewöta jim teköm niñgibeak ewö, nöñön mönö keu mianğöra mötpi eretñi kötökñi akza. Nanak mewöyök nani keuni qahö jim teközal. ⁴ Uruni kewöta keu kun qahö mötpiga mem lömbörim niñgizapmö, mianğöra töndup solanñi qahö akzal. Ambazipnöñ qahöpmö, Kembunöñ mönö nöñgö keuni kewöta jim teköm niñgimakza.

⁵ Mianğöra inñini mönö nalö kewöñe kungö keuñi kun mi kude jim teköme. Kembunöñ nalöñi ali kam kuñgumapköra mönö mambötme. Mamböta malgetka mianğöreñ kaba keu yuai ömukñe asambötket ahözawi, mi mönö asakñan indeliga aukñe asuhuma. Yañön kaba ambazip urunini mem asariiga könañamnini ölnan aukñe ekñangö dop akña. Könañamnini ölni eka mohot mohot kewöt neñgiiga Anutunöñ mönö mianğö dop nalö mianğöreñ möpöseim neñgibawak.

⁶ O urumelen alaurupni, inñini jula jakbak-öranböran aka lañ likeplikep arönda kinda qetal anğumakze. Mewö malbepuköra mönö Apolos niri mötmörim netkiba nanñini imbi-imbi mosöta keu kianğö könañi mötme, “Buña keu ohoget ahözawi, mi mönö kude onğitme.” Keu mi mötket uruñine ahöi tem kölgetka ölöwaknegöra mönö kösohotniri mewö ohozal. Mi nani aka Apolos netkö könañamniri kewöta mötmöriba möt asarimegöra ohozal. Jujulñinan mewö teköma.

⁷ Gölmegö kunñan mönö qahö mem letot gihiiga tosatñi enğonğita qainñi kun akanak me qahö? Mi qahö. Yuai pakpak ahöm gihizawi, mi mönö Anutunöñ kalem gihiiga buña qem anğunöñ me qahö? Mi kalema buña qem anğunöñ ewö, mönö wuanöngöra kalem qahöpkö tandök ewö silegi memba öngömakzan? Mi qahö dop kölja.

⁸ Yuai pakpak memba malbingö sihimñi mötzei, mi mönö lök ahöm engim teköza. Anutunöñ Suet köweneyök kalemñi kalemñi mokom enğiiga lök simbawon akze. Neñön qahö bauköm enğiinga nanñinak töndup mötnaripkö azi kembu tandök akze. Nanñinağöra mewö mötmörim anğuze. O enjön ölna kiñ aketka dop kölbowak. Mewö aketka neñön mönö mewöyök azi kembu-urupñini aka enğö qöhöröñine ölop silenini memba öngöba aiweliköm anğubinak. Nöñön mewö akingö sihimñi mötzal.

⁹ Nöñön mewö mötzalmö, nanini könañamnini eki tandök kewö akza: Anutunöñ aposol nini al neñgiiga ambazip jeñine etqeçenñi töhön aka maljin. Ambazip enğugot kömumegö jim tekögerangö tandök aukñe anda kainga lañ qeta gamu qem neñgimakze. Yuai ehokñi qainñi kun ahinga gölme dop miengö tonji aka Suet jakenñi jakenñi miengö pom garatanñi mienñön mönö jeñinan neñgek kutuba neñgehimakze.

¹⁰ Kraistköra aka uruni sohoi maljali, nöñğöra mewö jimakzemö, enjön Kraistpuk kinda mötmöt ambazip aködamunñinambuk akzeangö tandök akze. Nöñön lölöwöröñi akzalmö, enjön “Ambazip köhöikñi akzin,” jize. Ambazipnöñ inñini göda qem engimakzemö, nöñğöra mötket eriga jijiwilit ak niñgimakze. ¹¹ Nalö dölkewöñe mewöyök nenegö kömumba ogöra ak neñgiiga opo walñi jujuratñi löngöta malinga binnöñ lañ neñgugetka dum mirinini qahö mala toroqeba anda kamakzin.

12 *Nanini börönanan sileqege tandök nup memakzin. Ambazipnöḡ laḡ qesuahöm neḡgimakzemö, neḡön mönö kötuetköm eḡgiba yeḡgöra köulukömakzin. Sesewerowero ak neḡgimakzemö, neḡön mönö mi möta mökösoḡda kapaḡ köla maljin. 13 Uruqege keu töhöreḡ jim neḡgimakzemö, neḡön mönö guḡböḡjöḡjöḡ qakḡe ösoḡnöḡ melenḡmakzin. Neḡön gölmegö nesak lömḡaḡgö tandök ewö ahinga gölmeḡi gölmeḡi yeḡön sisitnini memba andö qem neḡgimakze. Mewö mala kota nalö dölkewöḡe mewö toroqeḡa maljin.

14 Gamu qem eḡgimangöra keu ki qahö ohozalmö, wölböt nahön böraturupni ewö mönö goro qambaḡ eḡgimangö mötzaḡ. 15 Mötnaripkö böhi 10.000 yeḡön Kraistpuk qekötahöba köyan köla kusum eḡgibeak ewö, mi töndup nöḡön mönö Kraist Jisösbuk qekötahöba Ölöwak Buḡa jim asariba iwiḡini akiga uruḡini melenḡet. Mianḡöra iwiurupḡini gwötpuk qahö malje.

16 *Mianḡöra uruḡini kewö kuḡgum eḡgizal: Nöḡön silik ahakzali, mianḡö dop eḡön mönö nöḡgö silikni mi wuatangöba malme. 17 Nöḡön silikni Kraist Jisösbuk qekötahöba aka memba gölmeḡi gölmeḡi liliköba urumelenḡ könagesö dop kusum eḡgimakzali, mianḡöra mönö ölum eḡgubapuk. Nöḡön mianḡöra aka wölböt nahöni Timoti melaibiga eḡgöreḡ kama. Yaḡön nömbuk pöndaḡ mala Kembubuk qekötahöba kinda kaba könaḡamni jiba köḡ gulim eḡgima.

18 Eḡgöreḡök tosatḡan nöḡön eḡgöreḡ qahö kabilenḡak ewö möta silenḡini möpöseiba jakbak-öraḡböraḡ aka laḡ malje. 19 Mewö maljemö, Kembunöḡ sihimḡan ni kamangö mötma ewö, mönö ösumök eḡgöreḡ kamam. Kamami, nalö mianḡöreḡ jakbak-öraḡböraḡ ambazip yeḡgö kukösumḡinaḡgöra qesim eḡgibiga jim miwikḡaigetka mötmam. Silenḡini memba wahöta keu ketaḡi ketaḡi laḡ jimakzei, mianḡön nöḡgöreḡ eretḡi akza. 20 Anutugö bemtohoḡ mi keuyök jijigö yuaia qahöpmö, öḡḡi mi Anutugö kukösum. Mianḡön mönö nam köḡ neḡgiza.

21 Mianḡöra uruḡini qahö melenḡa laḡ malme ewö, nöḡön mönö kömbin memba kaba keunöḡ eḡgohotirimam. Uruḡini melenḡme ewö, mönö uruböḡjöḡ qakḡe urukalem ak eḡgimangöra kamam? Keu yahöt mi kewöta nöḡgöra sihimḡini denöwö mötzei, mi möt kewöta jime. Mewö.

5

Kunöḡ serowilin ahöhi, i mönö sutḡineyök közölme.

1 *Keu kun kewö jigetka nöḡgö kezapne geyök: Tosatḡan urumelenḡ könagesö sutḡine serowilin ahakze. Kunḡan iwiḡaḡgö anöḡḡi memba malja. Serowilin mewöḡi mi urumelenḡgö kopa ambazip yeḡgö sutḡine mewöyök kun qahö ahöza. 2 Kunḡan mewö aiga iḡini töndup silenḡini memba öḡgöba laḡ jakbak-öraḡböraḡ ahakze. Mi qahö dop köḡjapmö, silikḡaḡgö wösöbiriknöḡ mönö mem kömum eḡgiiḡa dop köḡbawak. Mewö aka ölöḡ azi siḡgisöndok mewö ahöhi, i mönö sutḡineyök közölgetka yaigep etma. I denöwö aka qahö közöljeje?

3 Nöḡön öḡḡa eḡgöreḡök körowen malbi sileni qahö nehakzemö, töndup uḡanan mönö embuk maljal. Kunḡan ahakmeme kanḡamḡambuk ahöhi, nöḡön lök yaḡgö keuḡi kewöta sutḡine maljalaḡgö tandök möta jim teköba kewö jizal: 4 Iḡini mönö Kembunini Jisösgö qetḡe totoko algetka nöḡgö uḡanan embuk toroqeḡa Kembunini Jisösgö kukösumḡan nam köḡ eḡgiiḡa öroröḡ kinda keuḡi jiba mönö kewö jöhöme: 5 Satanöḡ silenḡaḡgö sihim kömbönaḡi bölöḡḡi qei etmapköra mönö andö qem waḡgiba yaḡgö böroḡe algetka mindiḡgöm waḡgima. Mindingöm waḡgiiḡa löwöriba uruḡi melenḡi Anutunöḡ amöt qem waḡgiba Kembugö nalöḡe uḡaḡi meköḡa Suepkö buḡaya akawak.

* 4:12: Apo 18.3 * 4:16: 1 Kor 11.1; Fil 3.17 * 5:1: Dut 22.30

⁶ *Silenjini memba öngömakzei, mi ölöpnji qahö. Injini keu yahöt ki möt yaköze, “Yist kitipnji moröni obuk mindiriba plauanöj alinga mem qariiga dis kokolak qemakza. Mewöyök bau wösö kömbukñan tinjirakzawi, mianjön mönö busu pakpak mem bölimakza.”

⁷ *Keu mianjögö dop injini lök plaua dis saraknji ewö aketmö, singisöndokö yistnji kun mi ket ewö sutnjine kanjuta engöhömakza. Körek bölibepuköra mönö yistjni walnji mi kewöt uteköme. Azi mi wösö kömbuk ewö közöla mönö dumje kunbuk yambu jenjeqege dölökñangö plaua dis saraknji ewö aka malme. Ak-kömukömu kendon nalöje lama jöwöwöl ohoba beret yistnji qahö nemakzei, mianjögö dop Kraistnöj nanine ak-kömukömu lamanini aiga lök qeget kömuyök. Mianjögöra injini ölop plaua dis saraknji yistnji qahö ewö akje aka kunbuk oyaenjkoyaen uruje kanjuta malme.

⁸ *Kraist kömuyöhanjögöra mönö sösöngai kendon aka malbin. Yist me wösö kömbuknji mi ahakmeme bölöni injonmanjonambuk. Mianjögö qakje mönö sösöngai kendon kude akin. Mianjögöra mönö genjon mosöta keu ölnji wuatanjögöba beret yistnji qahö ewö aka mianjögö qakje sösöngai kendon aka malbin.

⁹ Nöjön Buja Kimbi ohom engiba kewö jial: Injini serowilin ahakzei, yembuk mönö kude köisirik tata eraum mötme. ¹⁰ Gölmenöj urujini qahö melenja ahakmeme bölöni ahakzei, yengöra keu mi qahö ohoyal. Yenjön serowilin aka yuaigö nepaqepalok membagan membingö köpösöngömakze. Yuai kalöpköba yonjorö memakze aka tandö lopion waiknji memba möpöseim engimakze. Yengöra aka mewö ohom engibilejak ewö, injini mönö gölmenöj malbingö osibeak.

¹¹ Yengöra aka qahöpmö, könanji kewögöra keu mi ohom engial: Kunñan nanji qetnji urumelen ala jiba töndup serowilin akza me yuaigö nepaqepalok membagan memangö kösösöngömakza me tandö lopion waiknji memba möpöseimakzawi, yambuk mönö kude köisirik tata eraum mötme. Mötnarip kambu engö sutnjine kunñan mepaqepaik ahakza me o köhöiknji nempa enololon ahakza me yuai kalöpköba yonjorö memakza ewö, yambuk tata nene kun kude neme.

¹² Yaigep maljei, nöjön yengö keujini qahö jim tekömakzal. Mi nöjögörej nuwa qahö. Injini mewöyök könagesö pakpakö keujini qahöpmö, urujini melenja sel uruje maljei, mönö yengö keujini miyök kewöta jim tekömakze. ¹³ *Yaigep lan maljei, Anutunöj mönö yengö keujini kewöta jim teköma. Mianjögöra mönö Buja keu kiangö dop akje, “Azi bölöni mi mönö sutjineyök közölme.” Mewö.

6

Urumelen alanjini mi yaigep yengö keu jakeje kude alme.

¹ Urumelen ambazip sutnjine kunñan alani keu jakeje almangö mötza ewö, yanjön Anutugö ambazip saraknji engongita ambazip gonjoni yengö jenjine aniga qahö dop kölja. Qahö! Urumelenjögö kopa ambazip bauköm wangimegöra qesim engiiga gamunambuk akza. ² Anutugö ambazip saraknji nejön kantriji kantriji yengö keujini kewöta jim teköbini, mi lök mötze. Injini gölme pakpak yengö keujini jim teköbingö dop akze ewö, mönö denöwö aka keu morömorö kewöta jim tekömeangö dop qahö akze? Injini mönö ölnja mianjögö dop akze. ³ Urumelen ambazip nejön Suep garataurup yengö keujini kewöta jim teköbini, mi lök mötze. Mianjögö dop akzin ewö, gölmenöj malmalgö keuji mi mönö amqeba kewöta ölop jim tekömakin.

⁴ Mianjögöra gölmenöj malmalgö keuji sutnjine asuhumakzawi, keujini mi mönö wuanöngöra silenje yengö keu jakeje öngöba jim tekömegö qesim engimakze? Urumelenjögö kopa ambazip sutnjine jijiwilit ak engimakzei, yengöra töndup keu nalöje mötketka öngömakza. Mi qahö dop kölja.

* 5:6: Gal 5.9 * 5:7: Eks 12.5 * 5:8: Eks 13.7; Dut 16.3 * 5:13: Dut 13.5; 17.7

⁵ Keu mi gamu qem engimangöra jizal. Mötnarip ambazip engö sutnjine keu ahözawi, engörenök kungö mötkutukutuñi dop köliga keu mi ölop jim tekömawanğö dop akza me qahö? Mönö ölop sutnjineyök azi mewöñi miwikñaime. ⁶ Qahö tandök aiga urumelenj ala kunöñ alañi sileñe yeñğö keu jakeñe alakza. Mewö ala ambazip Anutu qahö möt narizei, mönö yeñğö jeñine anda keu nupköra qesim engimakza. Mi qahö dop kölja.

⁷ Sutnjine keu jakeñe al angumakzei, mewö mianjön mönö nanñini eta enğuiga Kraistkö qetbuñanjan lök eretñi aiga malje. Ambazipnöñ ak bölim engigetka uruñini mianğöra wahöri keunöñ al engigetka Anutugö jeñe qahö dop kölja. Tilipqilip aka yuainjini öröba megetka injini likepñi qahö melenj engigetka mewö mianjön Kraistkö könanjan mönö aködamunñambuk akña.

⁸ Injini Kraistkö qetñi kewö mem bölimakze: Mönö nanñinak tilipqilip aka ambazip ak bölim engiba yuainjini öröba memakze. Urumelenj alaurupñini yeñğöra mewöyök mewö ak engimakze.

⁹ Irimqirim ambazip yeñön mönö Anutu bemtohoñangö uruñe öngöba dum qahö meme. Mi mötze. Ahakmemeñinan mönö tilipköm anguba janjuñ akepuk. Tosatñan serowilin aka tandö lopionj waikñini memba möpöseimakze. Tosatñan awanöm malmal onğita qesabulum ahakze. Tosatñan monengöra lañ amimba malje aka azi nanñirök ambi nanñirök amimba malje. Mewöñi mienjön mönö Anutu bemtohoñangö buñañi qahö akñe.

¹⁰ Tosatñan yonğorö memba yuaigö nepaqepalok membagan membingö köpösöngömakze. Tosatñan o köhöikñi memba enjololöñ aka lañ mepaqepaik ahakze. Tosatñan yuai kalöpköba yonğorö memakze. Ambazip mewöñan mönö Anutugö bemtohoñi buña qahö qem angume. ¹¹ Engörenök tosatñan mutuk mewö aka malgetmö, könanğep Kembunini Jisös Kraist buña qem angugetka sepñan sanğonđa tök kutum engiba yangö qetñe sarakñi aket. Mem solanim engiiga Anutuninangö Uñañan mönö inahöm engiiga diñgiba malje. Mewö.

Sileninan Anutugö jike kömbukñi akza.

¹² *Nöñön yuai pakpak ölop memamanğö dop akzalmö, yuai pakpaknöñ mönö qahö mem ölöwak niñgiza. Yuai pakpak ölop memamanğö dop akzalmö, yuai kunöñ kembu ak niñgibapuköra mönö galöm mem angumakzal. ¹³ “Nene mi neneyök. Mi kömonğokninanğöra aka ahöza. Kömonğoknini mi nene nein gemapköra aka ahöza.” Kunöñ mewö jibawakmö, Anutunöñ mönö nene aka kömonğok mi mohotñe jim teköi qahöwakñahot. Silenini mi serowilin akingöra qahöpmö, Kembugö nupñi memb- ingöra aka ahöza. Mewö ahöiga nanñak silenini ölöwakñapköra nene yuai neñgimakza. ¹⁴ Anutunöñ nanñi kukösumñan Kembu mem gulii kömupñöhök wahöröhi, yanjön mönö nini mewöyök mem gulim neñgii wahötpin.

¹⁵ Engö sileninan Kraistpuk toroqeba silenangö kitipñi akzei, mi mötze me qahö? Mianğöra nöñön Kraist silenangö kitipñi kun memba köna ketañi ambibuk qekötahömam me qahö? Mi qahöpmahöp! Mönö yapmakek! ¹⁶ *Anutunöñ keuñi kewö jii ahöza, “Yetkön mönö sile mohot akñahot.” Mianğöra kunñan köna ketañi ambibuk qekötahözawi, yanjön mönö yambuk sile mohot akñahot. Mi mötze me qahö? ¹⁷ Mohot akñahotmö, kunñan Kembubuk qekötahözawi, yangö uñañan mönö Kembugö Uñañambuk mindiriiga mohok aka malmahot.

¹⁸ Serowilin mi mönö misiñğöba mosötme. Siñgisöndok tosatñi mi me mi ahakzini, mi pakpak mönö sileninanğö yaigepñe asuhumakza. Kunñan serowilin ahakzawi, yanjön mönö nanñi silenini mem böliba siñgisöndok ahakza. ¹⁹ *Sileninan mönö Uña Töröñangö Buña jikenji (tempöl) akza. Anutunöñ Uñañi engiiga buña qem angugetka uruñine malja. Mianğöra nanñini buñaya qahö akzei, mi mötze me qahö?

* 6:12: 1 Kor 10.23 * 6:16: Jen 2.24 * 6:19: 1 Kor 3.16; 2 Kor 6.16

²⁰ Nannini buņaya qahöpmö, Kraistnöŋ söngöröŋini ketanjan bohonņini meiga yanğö buņaya akze. Mianğöra silenjan mönö ahakmeme sarakņi aketka Anutugö qetbuņanjan sehimakņa. Mewö.

7

Awanöm aka gwabö seram malmal tatat

¹ Inini keu tosatņi ohoba qesigeri, mi jim asarimam. Azinöŋ ambi qahö memba gwaböya maljawi, mi ölop. ² Mi ölopņi akzapmö, silegö sihimņan sero yonğorö akepuköra inini mohot mohot mönö nannik nannik awanöm amemba malme. ³ Azinöŋ mönö anömņanğö sihimņanğö dop awanöm malmalgö arenji wuatanğöma. Anömņan mewöyök mönö apņanğö sihimņi wuatanğöba malma.

⁴ Anömņanğö silenjan mönö nannji buņanji qahö aiga nanņök mi qahö galöm kölakzapmö, apņan mi galöm kölakza. Apņanğö silenjan mewöyök nannji buņaya qahö aiga nanņanök qahö galöm kölakzapmö, anömņan mi galöm kölakza. ⁵ Mianğöra nanniri mönö kude anğön köl anğuba malmahot. Nanņirök urumohot aka pöndaŋ köuluk nup membitköra ölop nanņök nanņök malmahotmö, nalö tosatņi mewö malagun mönö kunbuk mindiriba mohotņe malmahot. Uruņiri ölop qahö galöm kölohotka Satanöŋ esapköm etkiiga siŋgisöndoknöŋ etpahotpuköra mönö mewö aka malmahot.

⁶ Mewö akņahotköra ölop jizalmö, jöjopaŋ keu mewöŋi mi qahö al engizal. ⁷ Nöŋön ambazip körek pakpak ni ewö gwabulum malmegöra mötzalmö, inini tosatņi Anutugö nup memegöra mötmöt kalem mewöŋi mi qahö memba malje. Anutunöŋ mötmöt kalemņi mendenņiga mohot mohot neŋön mi me mi nanņök nanņök buņa qem anğuba maljin.

⁸ Awanöm qahö aka malö maljei, engöra kewö jizal: Eņön ni ewö toroqeba awanöm qahöpmö, solanņi malmei, mi mönö ölopņi akza. ⁹ Ölopņi akzapmö, awanöm akingö uruņini könöp jeiga malbepuköra mönö ölop awanöm aketka anğema. Mianğöra yeņön uruņini galöm kölbingö osize ewö, mönö ölop awanöm akņe.

¹⁰ *Awanöm maljei, engöra kewö jim kutuzal, nöŋönök qahöpmö, Kembunöŋ nanņak mönö keu ki jiza: Anömņan apņi kude mosötma. ¹¹ Mewö jizapmö, töndup apņi mosötma ewö, mönö azi kun kude memba öne malma me apņambuk kunbuk eraum möta urumohot aka malmahot. Mewöyök apņan anömņi kude mosötma.

¹² Mi Kembugö keuyapmö, awanöm tosatņi engö goronini mi Kembunöŋ qahö jizapmö, nanak mi kewö jizal: Urumelen azi kungö anömņan uruņi qahö melenđa töndup yambuk malmamğö mötzawi, yanğön mönö anömņi mi kude mosötma. ¹³ Mewöŋanök urumelen ambi kungö apņan uruņi qahö melenđa töndup yambuk malmamğö mötzawi, yanğön mönö apņi mi kude mosötma. ¹⁴ Mianğö könanji kewö: Kungö apņan urumelenğö kopa azia aiga Anutunöŋ i töndup urumelen anömņi qekötahözawaŋğöra aka tök kutum waŋgiiga sarakņi akza. Mewöŋanök kungö anömņan mötnariņi qahöpmö, urumelen apņi qekötahözawaŋğöra aka Anutunöŋ i tök kutum waŋgiiga sarakņi akza. Kunöŋ sarakņi qahö akawak ewö, nahönböratņiran mönö Anutugö sel yaigepņe malbeak. Mewö malbeakmö, Anutunöŋ mohotņe tök kutum engiyöhaŋğöra mönö sarakņi akze.

¹⁵ Sarakņi akzemö, kunņan qahö möt nariba apņi me anömņi mosötmamğö mötza ewö, mönö ölop mosötma. Mewö asuhuiga nöŋgö keunan urumelen alanini mi qahö jöhöma. Anutunöŋ inini luainöŋ malmegöra engoholök. ¹⁶ Ambi, gi apki uru kuŋgum waŋinöŋga uruņi melenđa me qahöwi, mi mönö denöwö mötpanak? Me azi, gi anömgi uru kuŋgum waŋinöŋga uruņi melenđa me qahöwi, mi mönö denöwö mötpanak? Mianğöra mönö luainöŋ malme. Mewö.

Anutunöŋ engoholöhaŋğö dop mönö toroqeba malme.

* **7:10:** Mat 5.32; 19.9; Mak 10.11-12; Luk 16.18

¹⁷ Kembunöŋ mohot mohot enġö malmalŋini arenġ aliga awanöm me solanŋi malgetka Anutunöŋ enġoholöhi, mianġö dop mönö toroqeba mala malmalŋinanġö könani kude uteköme. Urumelenġ könagesöŋi könagesöŋi liliköba miri dop mewö jim kutum enġimakzal.

¹⁸ Anutugö aiwesökŋi azi kungö silene yaŋdiget maliga mewö oholök ewö, mi mönö kutumamġö kude kapanġ kölma. Anutugö aiwesökŋi kungö silene qahö yaŋdiget maliga mewö oholök ewö, mönö mi yandimeġö kude kapanġ kölma. ¹⁹ Anutugö aiwesökŋi silenine yandiget ahöza me qahöwi, mianġön Anutugö jeŋe yuai omani akzapmö, jöjöpänġ keunġi tem köla wuatangöinga ölnġi akza.

²⁰ Anutunöŋ enġoholiga nalö mianġöreŋ awanöm me solanŋi malgeri, inġini mohot mohot mönö mianġö dop toroqeba malme. ²¹ Kungö welenqeŋe omani aknöhga Anutunöŋ goholök ewö, mianġöra mönö waimanġat kude aka malman. Urugi melenġda ölop solanŋi aka nup kun miwikŋaibanak ewö, mi mönö ölop miwikŋaiman me urugi amqeiga ölop toroqeba welenqeŋe omani malman.*

²² Mi kewögöra: Kunöŋ welenqeŋe omani aiga Kembunöŋ mewö oholi urunġi melenġniga sinġisöndokŋanġö kösöŋi pösariga solanŋi aka malja. Mewöŋanök kunŋan solanŋi aiga Kembunöŋ mewö oholi urunġi melenġniga nanŋi imbi-imbi qahöpmö, Kraistkö jitŋi tem kölmakö kösönöŋ kinda welenġi qeba malja. ²³ Kraistnöŋ bohonŋi ketanġan söŋgöronġini meiga maljeanġöra mönö gölme ambazip yeŋö keu keŋgöt bapŋe anda welenqeŋeŋini omani aka malbepuk. ²⁴ Mianġöra urumelenġ alaurupni, Anutunöŋ enġoholiga nalö mianġöreŋ solanŋi kösöŋini qahö me welenqeŋe tonġinanġö kösö gwarönöŋ malgeri, inġini mohot mohot mönö mianġö dop Anutugö jeŋe toroqeba malme. Mewö.

Gwabö seram aka malö yeŋö goro keunġini

²⁵ Ambi seram jömukŋi† enġö goroya mi Kembunöŋ qahö jim kutui mötzal. Mianġöra Kembunöŋ ak kömum niŋgiiga keuni laŋ qahöpmö, möt nariget dop köljawanġö dop jimakzali, mönö mianġö dop kewöta nani mötmötnan kewö jimam:

²⁶ Kahasililiŋ nalöŋi dopdowizawanġöra gwabö seram maljei, körek eŋön mönö mianġö dop toroqeba malgetka ölöwakza. Mewö mötmörizal. ²⁷ Ambi memba maljan ewö, anömgŋi mosötmangö kude akŋan. Anömgŋi qahö solanŋi maljan ewö, mönö ambigöra kude jaruman. ²⁸ Töndup ambi memani, mianġön mönö sinġisöndokŋi qahö akŋa. Mewöŋanök ambi seramnöŋ azi memawi, yaŋön sinġisöndok qahö akŋa. Sinġisöndok qahöpmö, mewö akŋei, yeŋön mönö silenġinan kahasililiŋ gwötpuk miwikŋaiba mötme. Eŋön mi mötpepuköra mönö anġön köl enġimamġö mötzal.

²⁹ Mewö möta goro enġizalmö, urumelenġ alaurupni, keu kun kewö jimam: Kembu kamawanġö nalöŋan törizawanġöra aka ambi memba maljei, eŋön mönö mewöyök nalö kianġöreŋök könahiba anömnġini qahö tandök ewö aka malme. ³⁰ Wösöbirik aka sahötzei, eŋön mönö qahö sahötmeanġö tandök ewö aka malme. Urunġini ölöwahiga söŋgaizei, eŋön mönö qahö söŋgaimeanġö tandök ewö aka malme. Yuai bohonŋi mezei, eŋön mönö mi qahö buŋa qem anġumeanġö tandök ewö aka malme.

³¹ Gölmönöŋ nalö kewöŋe arenġ wuatangömakzei, mianġön mönö ayapkömawanġö dop akza. Mianġöra gölmegö öröyuainġi kölköl-örörö aka nupköra alakzei, eŋön mönö mianġön urunġini jöhömakzawanġö tandök ewö kude aka malme.

³² Inġini gölmegö lömbötköra waimanġat qahö malmegö sihimni mötzal. Awanöm qahö solanŋi maljawanġön mönö Kembugö öröyuaigöra waimanġat mörakza. Mi möta “Denöwö akiga Kembugö urunġan ölöwahi dop kölbawak,” nanŋanġöra mewö jimakza. ³³ Mewö jimakzapmö, ambi memba maljawanġön mönö gölmegö öröyuaigöra waimanġat mörakza. Mi möta “Denöwö akiga anömnanġö urunġan ölöwahi dop kölbawak,” nanŋanġöra mewö jimakza.

* **7:21:** Keu mianġö könani kun kewö: Urugi melenġda ölop solanŋi aka nup kun miwikŋaizan ewö, gi ölop toroqeba welenqeŋe omani malman. † **7:25:** qesabulum qahö qeŋenġi

³⁴ Kembunöŋ likep anömŋan likep mötmötŋi öröyohotka urudenŋen aka malja. Mewöŋanök ambi apŋi qahö aka ambi seram solanŋi maljahoraŋön mönö Kembugö öröyuaigöra waimanjat mörakzahot. Mi möta “Denöwö akiga uŋani aka sileni sarakŋi aiga Kembugöra dop kölbawak,” nanŋiraŋgöra mewö jimakzahot. Mewö jimakzahotmö, azi memba maljawaŋön mönö gölmegö öröyuaigöra waimanjat mörakza. Mi möta “Denöwö akiga apnaŋgö uruŋan ölöwahi dop kölbawak,” nanŋaŋgöra mewö jimakza.

³⁵ Nanŋini bauköm enŋimangö möta goro mi enŋizal. Mi tosatŋi kösö ewö jöhöm enŋibi lömböt miwikŋaimegöra qahöpmö, könaŋi kewögöra mi enŋizal: Nöŋön inŋini ahak-meme diŋdiŋi wuatangöba urudenŋen qahöpmö, pöndaŋ Kembubuk qekötahöba kin köhöimegöra mötzal. Mianŋöra goronŋini mi jizal. Mewö.

³⁶ Azi kunŋan ambi serambuk buŋa qeba malagun aŋgömosötpitkö mötmörizahori, yetkö goronŋiri kewö jimam: Azi mianŋön kewö mötmöriba jiza, “Ambi mi memba mewö törörök qahö ak waŋgibileŋak.” Mewö juiga ambi memawaŋgö sihimŋi möt köhöiiga ambigö yambuŋi azi memegö dop akza ewö, yaŋön mönö ölop sihimŋaŋgö dop aiga ameyohotka dop kölma. Mewö mianŋön siŋgisöndokŋiri qahö akŋa. ³⁷ Qahö akŋapmö, azinöŋ ambi mi qahö memapkö keuŋi nanŋi uruŋan jöhöba möt köhöizawi, mianŋöra kewö jimam: Kunŋan azi mi kuŋgui qahö qaközapmö, ölop nanŋi sihimŋaŋgö dop wuatangöba keunöŋ qahö jöhöi ahakza ewö, yaŋön mönö ölop sihimŋaŋgö dop aka ambi mi qahö mema.

³⁸ Mewö aiga ambi seram mezawaŋön mönö dopŋe akzapmö, i qahö mezawaŋön mönö köna ölop sorokŋi wuatangöba törörök akza. Mewö.‡ (v 37b) Qahö akŋapmö, iwiŋan böratŋi azi qahö waŋgimapkö keuŋi nanŋi uruŋan jöhöba möt köhöizawi, mianŋöra kewö jimam: Kunŋan iwi mi qahö kuŋgui qaközapmö, ölop nanŋi sihimŋaŋgö dop wuatangöba keunöŋ qahö jöhöi ahakza ewö, yaŋön mönö ölop sihimŋaŋgö dop aka böratŋi aŋgön kölma. (v 38b) Mewö aiga börat seramŋi azi waŋgizawaŋön mönö dopŋe akzapmö, i qahö waŋgizawaŋön mönö köna ölop sorokŋi wuatangöiga törörök akza. Mewö.

³⁹ Ambinöŋ apŋan jebuk malmawaŋgö dop amöamögö keuŋan jöhöi maljapmö, apŋan kömuma ewö, keu mianŋön mewöŋanök kömuiga ölop azi sihimŋan jimawaŋgö dop mema. Urumelenŋö kopa azia qahöpmö, azi Kembubuk qekötahözawi, miyök mema. ⁴⁰ Ölop azi memba sösongai qorembeŋi miwikŋaimapmö, toroqeba solanŋi malma ewö, mönö urusösöŋgai ölni miwikŋaiba söŋgaimakŋa. Nöŋön keu mi kewöta mewö jizal. Anutugö Uŋaŋan nöŋgö urune mewöyök maljawu, mianŋöra mönö mewö mötmöriba jizal. Mewö.

8

Nene tandö lopionŋö naluk alalŋi mi nembin me qahö?

¹ Inŋini nene tandö lopionŋö naluk alalŋi mianŋöra ohogetka goro kewö jimam: Urukalemnöŋ mönö bauköm enŋima. Goranora jigetka tosatŋan kewö jimakze, “Körek neŋön tandö lopionŋö könaŋini möt yaköinga omani akza.” Keu mi ölbölna akza, mi mötzin. Inŋini mötmöt mewöŋi jiba malgetka uruŋinan wahöriŋa koŋaen ewö tererenŋöba aiwelikömakze. Mewö aka deŋda siksauk malje. Köna bohonŋi mi urukalem. Köna mewö mianŋön mönö nanini urunini möhangöba mem köhöim aŋgubin. ² Kunöŋ “Keu kuŋgö könaŋi möt yaközal,” mi jitnöŋ jizawi, yaŋgö mötkutukutuŋi ölnan mönö qahö asuhuiga toroqeba tönpin malja. ³ Mi keunöhök jizapmö, kunŋan Anutu uruŋan jöpakömakzawi, Anutunöŋ mönö yaŋgöra möri ölni akza.

⁴ Nene tandö lopionŋe yaŋgöra naluk algeri, mi nembin me qahöpto? Keu kewö jimakze, “Tandö lopionŋe mi bem ölni qahö maljeaŋgö kaisöpsöpŋini akze,” aka keu kun kewö,

‡ **7:38:** 36b Azi kunöŋ böratŋi azi waŋgimangö uruyahöt mötzawi, yaŋgö goronŋi kewö jimam: Iwiŋan kewö mötmöriba jiza, “Böratni waŋgiba mewö törörök qahö ak waŋgibileŋak.” Mewö juiga böratŋaŋgö yambuŋi azi memegö dop aiga azi waŋgimangö sihimŋi möt köhöiza ewö, yaŋön mönö ölop sihimŋaŋgö dop aka mosöriŋa azi meiga dop kölma. Iwiŋan mewö mianŋön siŋgisöndok qahö akŋa.

“Anutu mohotnöḡ malja. Alaḡi kun qahö.” Keu yahöt mi ölna akzahot, mi mötzin. ⁵ Keu mianḡö könaḡi kewö, “Öme bemḡi bemḡi,” qetḡini mewö qerakzei, mi gwötpuk malje. Suepnöḡ me gölmenöḡ maljei, mi ölop qahö mötzin. Ölna ömewöröme, bem aka azi kembu mi gwötpuk malje.

⁶ Mi maljemö, mi töndup Anutu mohot yaḡönök nanini bemnini aka Iwinini akza. Yaḡön yuai pakpak miwikḡaii asuhuyök. Malmalnini yaḡöra malbingöra aka al neḡgii maljin. Mewöyök Kembu mohot Jisös Kraist malja. Yaḡön Anutu bauköiga yuai pakpak miwikḡaiyohot. Nini mewöyök bauköm neḡgiiga mal köhöimakzin.

⁷ Mewö möt narizimö, ambazip körekḡan mönö mötkutukutu mewöḡi mi qahö memba malje. Mi qahöpmö, tosatḡan mutuk tandö lopioḡ waikḡini memba möt köhöigeranḡöra aka dölkewöḡe mewöyök toroqeba nene tandö lopioḡḡö naluk alalḡi mi memba mewö mianḡön amqeba bemurup mi mötmöriba malje. Uruḡinan lölöwöröḡi aiga uruyahöt aka negetka uruḡinan mianḡöra tölöhomakza. ⁸ Tölöhomakzapmö, nenenöḡ neḡguanḡita Anutu kösutḡe qahö al neḡgimakza. Nene siḡi malbini, mewö geḡmororoḡ qahö miwikḡaibin. Nene memba malbini, qetbuḡaninan mewö qahö qarima.

⁹ Mi töndup nene pakpak nemingö amqezei, eḡön mönö jaubatbat laḡ malbepuköra galöm mem aḡguba malme. Mewö malgetka tosatḡan eḡgeka uruḡinan lölöwörö aka bölii et eḡgubapuk. ¹⁰ Mianḡö könaḡi kewö: Göḡön mötkutukutu ölni memba mala amqeba tandö lopioḡ jikeḡe anda tata nene nenöḡga alagi kunḡan gehi kewö lömbörima: Uruḡan lölöwöröḡi aiga uruyahöt akzawi, yaḡön mewö geka uruḡan wahöri amqeba nene tandö lopioḡḡö naluk alalḡi mi memba et qebawak.

¹¹ Göhö mötkutukutugi ölni mianḡön mönö nangi urumelen alagi kuḡguiga uruyahöt qakḡe lölöwöröḡi akzawaḡöra mönö amqeba memba et qebawak. Kraistnöḡ yaḡöra aka kömuyökmö, nene mi memba mewö et qeba ayuhuiga qahö dop kölma.

¹² Ayuhumapmö, urumelen alaurupḡini mewö mem bölim eḡgiba uruḡini lölöwöröḡi mi qeba köndenḡa siḡisöndok ahakzei, mewö mianḡön mönö Kraist nanḡi qetala siḡisöndok ahakze. ¹³ Mianḡöra nöḡön nene kun nembiga mianḡön urumelen alani kölgorom waḡgiiga et qeba siḡisöndok akza ewö, nöḡön mönö nalö kunöḡ nene mi qahö toroqeba nemam. Nöḡön alani jölöḡgöba kölgorom waḡgibileḡbuköra kapan köla kinjal. Mewö.

9

Aposol denöwö akiga dop kölbawak?

¹ Wani kösönöḡ jöhöm niḡgiiga solanḡi qahö akilenḡak? Eḡön kewöt niḡgigetka aposol akzal me qahö? Kembunini Jisös nöḡ asuhum niḡgiiga ehal me qahö? Nöḡön Kembangöreḡ naḡgöba nup membiga iḡini nup mianḡö ölni akze. ² Kembunöḡ nanḡak aposol nup niḡgii yambuk kinda membiga iḡini uruḡini melenḡa nöḡḡö muḡgem supapni akze. Mianḡöra tosatḡan kewöt niḡgigetka aposol qahö akilenḡak ewö, eḡön mönö könaḡamni mewö möt yaköze. Mi mönö amqeba naḡgöba jigetka dop kölma.

³ Ambazip tosatḡan nöḡgöra “Aposola qahö akza,” jiba tokoba andönöḡ qeḡe ak niḡgimakzemö, nöḡön mönö eḡgöreḡ kösohot jiba mianḡön nani könaḡamni naḡgöba jimakzal. ⁴ Mianḡöra könöḡ numbu nene neḡgigetka neḡakurupni yambuk memba memba malbinak, mianḡön mönö dopḡe akawak. ⁵ Pitö, aposol tosatḡi aka Kembu Jisösgö munurupḡi yeḡön anömurupḡini mötnaripḡinambuha eḡguanḡita mohotḡe anda kamakze. Nöḡön mewöyök mianḡö dop akilenḡak ewö, silik mianḡön mönö köna walöḡda qötöḡgatpileḡak me qahö? Mi qahöpmahöp.

⁶ Sileḡö malmalḡe iḡini ambazip ipḡi naḡḡöm eḡgimakzemö, ni aka Barnabas qahö. Niri töwa qahö netkigetka öne malakzit. Mi mötketka dop kölja me qahö? Tosatḡan urugö nup megetka töwa eḡgigetka silenḡinaḡö nup qahö memakzemö, netköröhök mönö naḡḡonaḡḡöniri nanirak miwikḡaibitkö dop jize me? ⁷ Gawmangö yarö nup memakzei,

yeŋgöreŋök kunŋan nanŋi malmalŋi nanŋöm aŋguba memakza me qahö? Wain nup kömörakzei, yeŋön körek mianŋö ölni memba nemakze me qahö? Mewöŋanök bulmakau galöm kölakzei, yeŋön körek mianŋö juzu oŋi nemakze me qahö?

⁸ Keu mi gölme ambazip nanine mötmötnöhök mötöteiba qahö jizal. Anutunöŋ mewöyök mönö keu miyök Mosesgö Köna keunöŋ jiza. ⁹ *Mosesgö Köna keunöŋ Juda yeŋö nup meme silikŋini mi jim asariba kewö ohoget ahöza, “Wit padigö kötŋi aka kamböŋi kewötpingöra bulmakau aziŋi waŋgitketka padi kambu qakŋe tiba tözözamgömakzawi, yaŋö numbuŋi mönö kude mözöpköme. Mewö gumohom waŋgigetka ölop nene kitipŋi neiga dop kölma.” Mianŋö dop kiamnöŋ böröjaŋ memba sömbup meköi qeba nene kitipŋi waŋgiget neiga dop kölma. Anutunöŋ kiam bulmakau miŋgöra waimanjat qahö möta mewö jiza. Mi qahö.

¹⁰ Sömbupköra qahöpmö, keu mi mönö neŋgöra jii ahöza. Keu mi neŋön kewö akingöra aka ohoget ahöza: Kinöŋnöŋ nup barözawaŋön mönö ölni asuhumapkö jörömqöröm qakŋe nupŋi memakŋa. Mewöyök padi dudutnöŋ qeba ölni aka kamböŋi kewötzawaŋön mönö bahöŋi memba nemapkö al mamböta nupŋi memakŋa. ¹¹ *Neŋön urugö keu kötŋi sutŋine qesiŋ gila malinga eŋön malmalgö nanŋönanŋö yuai qahö neŋgigetka gamuŋambuk akza. Nöŋön mem ölöwak eŋgibiga eŋön mianŋö likepŋi melenŋa niŋgigetka dopŋe akŋa.

¹² Tosatŋan sutŋine urugö nup megetka nanŋöm eŋgigetka dopŋe akza ewö, ni mönö dop mi oŋgita nanŋöm niŋgigetka dop kölma. Likepŋi eŋgiinga mianŋö likepŋi neŋgigetka dop kölbawakmö, nöŋön mianŋö dop akŋegöra qahö qesim eŋgial. Kraistkö Ölöwak Buŋa keu sehimapkö könaŋi jöhöbinbuköra mönö yuai neŋgimegöra qahö qesim eŋgiin. Qahöpmö, naninahök mönö kapaŋ köla köhöiba lömböt pakpak bisiba malin.

¹³ *Keu ki mönö mötmörime: Jöwöwöl jikenöŋ nup memakzei, yeŋön mönö jike mianŋöreŋök numbu neneŋini memba nemakze. Jöwöwöl ohoba altagö könöpŋi galöm kölmegöra kuŋgum eŋgigetka kinjei, yeŋön ambazip nene nalukŋini altagöreŋ algetka nene mianŋö kitipŋi tosatŋi mi mianŋöreŋök buŋa qem aŋgumakze. ¹⁴ *Keu mianŋö dop Kembunöŋ mewöyök jim kutuba keu kewö jiyök, “Ölöwak Buŋa jim sehigetka ambazipnöŋ mötmei, yeŋön mönö Ölöwak Buŋagö likepŋi kötön naluk algetka malmalŋinanŋö nanŋönanŋöŋini miwikŋaiba malme.”

¹⁵ Nöŋön ölop keu mianŋö dop mötmöriba urugö nup memba töwa niŋgimegöra qesim eŋgibileŋakmö, kötön naluk almeaŋgö keu pakpak mi mönö mosöral. Moneŋ almeaŋgö keu ohozali, mi eŋön mewö ak niŋgimegöra aka qahö ohozal. Töwa memamgö mötmöribi lömböriiga kömukömugö mötpiga amqeza. Nananŋöra mi keu omaŋi qahöpmö, töwa qahö niŋgimegö keuŋi mi mönö sileni möpöseiba jizal. Nöŋgöreŋ keu mi kunöŋ kun qeapkömamgö osiiga malmam.

¹⁶ Ölöwak Buŋa jim sehimakzali, mianŋöra sileni möpöseimamgö dop qahö akzal. Nöŋön Anutugö jimkutukutu bapŋe mala mi jim sehimamgö dop akzal. Nup mi mönö mosötmamgö osizal. Ölöwak Buŋa qahö jim sehibileŋak ewö, mianŋöra lömbötnöŋ qakne öŋgöiga neka pölzik jimeaŋgö dop akileŋak.

¹⁷ Nani sihimnanŋö dop nup mi möwölöhöba membileŋak ewö, mönö ölop töwa niŋgimegöra mambötpileŋak. Mimö, Anutunöŋ kuŋgum niŋgiiga nani sihimni qahö mötöteiba Buŋaŋi galöm kölakzal ewö, mi mönö Anutunöŋ möt narim niŋgiba nupŋi niŋgi maljalaŋgö dop memakzal. ¹⁸ Mewö aiga wanatnöŋ mönö töwa ak niŋgimakza? Ölöwak Buŋa jim sehiba mi söŋgöroŋi qahö ahakzali, mianŋön mönö töwa ak niŋgimakza. Anutunöŋ nupŋaŋgö likepŋi niŋgimegöra jim kutui Buŋa Kimbinöŋ ahözawi, keu mianŋö dop töwagöra qahö kapaŋ kölakzal.

* 9:9: Dut 25.4; 1 Tim 5.18 * 9:11: Rom 15.27 * 9:13: Dut 18.1 * 9:14: Mat 10.10; Luk 10.7

¹⁹ Ambazip kunñan kun qahö jöhöm ningiiga ölop nani imbi-imbi malbilenjakmö, mi töndup mönö nani memba et al anguba maljal. Ambazip körekñan uruñini melenmegöra kapan kölakzal. Mewö aknegöra ambazip körek welennini qeba maljalmö, sehisehiñi yeñon töndup Kraistkö buñaya qahö akneangö dop akze. ²⁰ Juda yeñon uruñini melenmegö bauköm engiba sutñine Juda tandök aka malal. Mosesgö Köna keu bapñe maljeañon uruñini melenmegö bauköm engiba nanak Köna keu miangö bapñe qahö mala töndup keu miangö gwaröñe maljal tandök aka sutñine malal.

²¹ Mosesgö Köna keu qahö möta maljeañon uruñini melenmegöra bauköm engiba sutñine Köna keu qahö möta maljalañgö tandök aka malal. Nanak Anutugö Köna keugöra tönpin qahö maljalmö, Kraistkö Köna keu bapñe anda mi tem kölakzal. Mi töndup yeñgö sutñine Anutugö Köna keu qahö mötmöt tandök aka malal. Ambazip sehisehiñan uruñini melenmegöra mewö aka malal.

²² Mötnaripñonñ lölöwöröñi maljeañon uruñini melenja köhöimegö bauköm engiba sutñine lölöwöröñi tandök aka malal. Ambazip tosatñi wani awamñan köna inöñ me wainöñ uruñini melenmegö meköm engiba ambazip könañi könañi yeñgö sutñine tandök könañi könañi aka malal.

²³ Tandök pakpak mi Ölöwak Buñanöñ sehimapköra aka ahakzal. Sehiiga kötümüetñan nani qakne öngöi nanak mewöyök oyaenköyaen akñamgöra aka mewö ahakzal. ²⁴ Keu ki mönö mötmörime: Ösumtiti nalöñe körek yeñon luhut almegöra ösumñini qezaköba anakzemö, mohot kunñan mönö luhut ala töwa mema. Inini mönö mohot miangö dop ösumñinan anda töwa memingöra kapan köla malme. Mönö miangö dop mötnarip köl guliba malme.

²⁵ Ambazip mönahotnöñ luhut albingö anakzei, yeñon mönö körekñan nanñini törörök galöm köl angubingö köl gulimakze. Yeñon kösatorom julkula gororongömawi, miyök memingö kapan kölakzemö, neñon ila jalö qahö ayapkömawi, mönö töwa mi memingö kapan kölakzin. ²⁶ Miangöra nöñon ösumnan lanlan an köl kam köl qahö anakzal. Böröni misiba bim lanlan qahö qemakzalmö, aongit alaurupni luhut al engimamgöra mönö diñdiñanök törörök qemakzal.

²⁷ Nöñon ambazip tosatñi Buña keunöñ uruñini kuñguba malbi teköiga Anutunöñ mönö andö nuñgui nanak ila jalöñi qahö membilenbuk. Miangöra mönö nani sileni mindiñgöba törörök köl guliba galöm kölakzal. Mewö.

10

Israel mutuk malgeri, yeñgören galöm meme keu

¹ *O urumelen alaurupni, Israel neñgö ambösakoninan Mosesgö andöñe kaba wu-atangögetka yuai asuhuyöhi, miangöra mönö gukmaulem malbepuk. Miangöra Israel neñgö könanini kewö suariba ohozal: Yeñon mönö körek kousu bapñe kaba mala Köwet Pisikñi kutugetka yeñgörenök kunñan kun qahö ayuhuyök. ² Anutunöñ o melunñi kousunöñ aka köwetnöñ aliga mi kutuba kaba körekñan uruñini melenja Mosesgö könagesöñi aket. ³ *Mewö aka körek yeñon urugö nene miyöhök miwikñaiba namba malget.

⁴ *Mewöyök körek yeñon urugö onji miyöhök miwikñaiba namba malget. Urugö onji mi köt ketañi kunöñ enguatangöba könañine kayöhi, mönö miangörenök miwikñaiget. Köt ketañi mi Kraistkö söpsöpñi. ⁵ *Mewö malgetmö, mi töndup Anutunöñ könagesö ölni miengöra urusösöngai qahö möta maliga gölme qararankölkölñe ayuhugetka qamötñinan qeqelanlan ahöba gisahöget.

* **10:1:** Eks 13.21-22; 14.22-29 * **10:3:** Eks 16.35 * **10:4:** Eks 17.6; Jan 20.11 * **10:5:** Jan 14.29-30

6 *Mewö asuhuyöhi, mi nanini kezapqetoknina akza. Anutunöŋ mönö söpsöp mi nenğöra aka aliga galöm meme keunina kewö akza: Yeŋön uruŋini qahö galöm köla bölöŋaŋğöra köpösöŋğögeri, nenğön mönö mianğö dop aka ayuhubinbuk. 7 *Mewöyök Israel yeŋğöreŋök tosatŋan tandö lopionŋ waikŋini memba möpöseiba malgeri, eŋön mönö mianğö dop aka malbepuk. Yeŋğöra Buŋa Kimbinöŋ keu kewö ohoget ahöza, “Könagesö yeŋön nem sösoŋgai ala tokoba tatketka uruŋinan wahöriga mianğön melenđa kezapjupjup kewö ahök: Yeŋön liŋet gwawet unduba o köhöikŋi nembra serowilin laŋ aket.” Keu mewö ahöza.

8 *Yeŋğöreŋök tosatŋan serowilin aketka Anutugö irimsesewölŋaŋğöra aka ambazip 23.000 mianğö dop silim mohotkö uruŋe kömumba etket. Nenğön mönö tosatŋi miengö dop serowilin akinbuk. 9 *Mewöyök Israel yeŋğöreŋök tosatŋan Kembu esapköm waŋgigetka mokoleŋnöŋ eŋğöhögetka kömuget. Nenğön mönö tosatŋi miengö dop Kembu esapköm waŋgibinbuk. 10 *Yeŋğöreŋök tosatŋan galömurupŋini irikuruk jimongot aka andö eŋguba malgetka mem ayuayuhu garatanöŋ mönö eŋgui kömuget. Nenğön mönö tosatŋi miengö dop irikuruk jimongot laŋ aka malbinbuk.

11 Mewö asuhum eŋgiyöhi, söpsöp keu mi mönö nanini kezapqetoknina akza. Gölmönöŋ malmalgö nalö teteköŋan kam kuŋgum nenğii maljini, kösohot mi mönö nenğöra aka ohogetka galöm meme keunina akza. 12 Mianğöra kin köhöimangö jizani, mönö et guhubapuköra galöm mem aŋguba malman.

13 Esapesap qakŋine öŋğömakzei, mi gölme ambazip körek nenğö qaknine öŋğömakze. Esapesap qainŋi kun miwikŋaibeak, mianğöreŋ ösumŋinan qahö dop köljawaŋğöra et-peakmö, Anutunöŋ keuŋi jöhöyöhaŋğö dop mi pöndaŋ wuatangöba ahakza. Yaŋön esapesap Toŋi aŋğön köliga esapesap ösumŋini qahö dop kölmawaŋğö dop mi al eŋgimangö osimakza. Mewögöra esapesap mötketka Anutunöŋ ösumŋi eŋgiba mewö mianğön ölöŋ kölbängö köna mewöyök mesat eŋgii asuhumakza. Mianğöra eŋön gölmegö esapesapŋi mi ölop kin köhöiba luhut almeangö dop akze. Mewö.

Tandö lopionğö lömbuanŋ aka Kembugö semön kömbukŋi

14 Mianğöra wölböt alaurupni, tosatŋan tandö lopionŋ waikŋini memba möpöseim eŋgimazemö, eŋön mi kök ala mosötme. 15 Nöŋön mötmöt ambazip aködamunŋinambuk akzeangö dopkeu jimami, mi mönö nanŋinak kewöta mianğö ölni miwikŋaime.

16 *“Kembugö semön nene nembin,” jiba kötümötuetkö qambigöra Anutu saiwap jiba köuluköba qambi mianğöreŋök nemakzinaŋğöreŋ mönö Kraistköreŋ toroqeba sepŋi nemakzin. Beret mindipköba mianğöreŋök nemakzinaŋğöreŋ mönö Kraistköreŋ toroqeba busuŋi nemakzin. Mianğöra ölum eŋgubapuk. 17 Körek nenğön beret mohot mianğöreŋök nemakzin. Beret mi mohot akzawaŋğöra aka gwötpuk nenğön mönö Kraistkö ölni mohot akzin.

18 *Inini mönö Israel könagesögö malmalŋi mötmörime. Ambazip jöwöwöl ohomegöra nene algetka tosatŋan mianğö kitipŋi nemakzei, yeŋön mönö altagöreŋ toroqeba nupŋi Anutugöra memakze. 19 Keu mianğö könaŋi ölni mi mönö denöwö jibilenjak? Tandö lopionŋ eŋğöra bau qegetka sepŋi eri jöwöwöl ohomakzei, mianğön ölnambuk akzawaŋğöra jiza me qahö? Tandö lopionŋ mi ölni akzeangöra jiza me qahö? Keu mianğö könaŋi denöwö?

20 *Tandö lopionŋ mi ölni qahöpmö, urumelenğö kopa yeŋön töndup jöwöwölŋini ömewöröme yeŋğöra ala ohomakze. Mi Anutugöra qahö. Nöŋön inini ömewöröme yembuk toroqeba malbepuköra waimanjat mötzal. 21 Inini Kembugö qambinöhök aka ömewöröme yeŋğö qambinöhök öröröŋ nembangö osime. Mewöyök Kembugö nene dum aka ömewöröme yeŋğöreŋ nene dum mi öröröŋ toroqebingö osime.

* 10:6: Jaŋ 11.4 * 10:7: Eks 32.6 * 10:8: Jaŋ 25.1-18 * 10:9: Jaŋ 21.5-6 * 10:10: Jaŋ 16.41-49 * 10:16: Mat 26.26-28; Mak 14.22-24; Luk 22.19-20 * 10:18: Lew 7.6 * 10:20: Dut 32.17

22* Ahakmeme mewöñan mönö Kembangö urunji qei böliiga irimji seholimapköra mötzin me? Kukösumninan mönö Kembangö ongita öngöba maljin me?

Nanine imbi-imbi mosöta Kembangö möpösebin.

23* Tosatñan kewö jimakze, “Nini ölop nanine imbi-imbi yuai pakpak ahakzin.” Keu mi ölnapmö, ahakmeme pakpak mianön mönö qahö bauköm neñgimakza. “Nini ölop nanine imbi-imbi yuai pakpak ahakzin,” mewö jimakzemö, ahakmeme pakpaknön mönö urunini qahö nangöba mem köhöim neñgimakza. 24 Kunñan kun nanñangörök mötmöröba ölowakñangöra kapan kölbapukmö, alaurupñan ölowakñegöra kapan köli dop kölma.

25 Sömbup i me wai maketnön aka qeköm nene mire bohonji memegöra alakzei, mi mönö uruyahöt mosöta nemakñe. Sömbupköra uruninan tölohobapukö qesiqesinji kun mönö kude akñe. Qahö! 26* Keu miangö könaji mi Buña Kimbinön kewö ohoget ahöza, “Gölme aka yuai pakpak miangöreñ ahözawi, mi Kembangö buñaya akza.”

27 Kun Kraist qahö möt narizawanön engoholiga yangöreñ anbingö möta anda tatketka nene i me wai jeñine al engime, mi mönö uruyahöt mosöta neme. Nenegöra uruninan tölohobapukö qesiqesinji mi mönö kude akñe. Qahö! 28 Nanñinañgöra qahöpmö, “Nene ki mönö tandö lopion yeñgö naluk alalni akza,” kunön mewö jii mötme ewö, mi jiyöhi, yangöra aka urunjan bölibapuköra mönö galöm mem anguba kude neme.

29 Nangi urugan tölohobapuköra qahö jizalmö, alagahö urunjan bölibapuköra mi jizal. Nönön nani imbi-imbi yuai akiga alanangö urunjan böliiga kewöt niñgiba Anutunön keuni jim teköba likepñi melej niñgibapuk. Öne mewö mendeñ anginga jabö ahuiga qahö dop kölja. 30 Nönön ambazip yembuk toroqeba tata neneñinañgöra “Anutu pipsaiwap!” jiba sömbup nemami, tosatñan mewö neka miangöra andö nuñgugetka qahö dop kölja. Sömbupköra Anutu möpöseizali, miangöra mönö keu töhöreñ jim niñgigetka qahö dop kölja.

31 Miangöra o me nene nemei aka i me wai akñei, mi pakpak mönö Anutugö qet-buñan sehimapköra aka ahakñe. 32 Yuai kun kude aketka kungö urunjan miangöra böliiga mötnaripñan söroräuba etpapuk. Juda me kantri tosatñangö ambazip me Anutugö könagesö miengö sutñine kungö urunjan mönö engöra aka bölibapuk. 33 Nönön mewöyök yuai pakpak ahakzali, miangöreñ mönö ambazip körek pakpak uruninan ölowakñapköra kapan köla maljal. Nanök ölowakñangöra qahö kinjalmö, ambazip sehisehiñan ölowakñegöra jaram tibiga kunbuk letota Suepkö buñaya akñegöra kapan kölakzal. Mewö.

11

1* Nönön Kraistkö silik ewö ahakzali, miangö dop enön mönö nönögö silikni wuatangöba malme. Mewö.

Ambi enön mönö nöropñini esuhuba Kembangö möpöseime.

2 Nönön yuai pakpak ahakzali, inini miangöreñ mötmörim niñgimakzeañgöra saiwap jim engizal. Inini kusum engialangö dopkeuni tem köla wuatangömakzei, miangöra mönö möpöseim engizal. 3 Nönön inini keu ki möt kutumegöra mötzal: Kraistnön azi körek neñgö bohonini akza. Azinön ambigö bohonji akza aiga Anutunön Kraistkö bohonji akza. 4 Miangöra azi inini mönö duhuñini qeköba köuluköba Anutugö keu jigetka dop kölja. Azi körekñan nöropñini turuba köuluközei me Anutugö kezapqetok keu jim asarize, Anutunön mönö yeñgö mötmötñinañgöra möri gamuñambuk aiga nanñini memba et al angumakze.

5 Mewömmö, ambi kunñan nöropñi qahö esuhuba qenjarök totokonön köuluközawi me Anutugö kezapqetok keu jim asarizawi, yanön mönö apñi nöropñi akzawi, mi gamu qeba nanñi memba et alja. Mewö aka nörop jupñi körek mitigetka aukñe öne

* 10:22: Dut 32.21 * 10:23: 1 Kor 6.12 * 10:26: Sum 24.1 * 11:1: 1 Kor 4.16; Fil 3.17

maljawangö dop akza. ⁶ Ambinöñ nöröpñi qahö esuhuza ewö, yañön mönö nöröp jupñi mewöyök jiiga mitigetka dop kölja. Mi dop köljamö, ambinöñ nöröp jupñi jiiga mitigetka gamuñambuk akapuk. Mianğöra mönö nöröpñi eshuba mali dop kölja. ⁷ *Ambinöñ apñangö aködamunñi akzappmö, azinöñ Anutugö imutñi aka aködamunñi akza. Mianğöra azinöñ mönö nöröpñi kude esuhui dop kölma.

⁸ *Mi kewögöra: Mutuhök azinöñ ambinöhök qahö asuhuyökmö, ambinöñ azigöreñök asuhuyök. ⁹ Anutunöñ azi mi ambigöra qahöpmö, ambi mi azigöra miwikñaiiga malje. ¹⁰ Könañi mianğöra aka ambinöñ mönö kukösum bapñe malmalgö aiwesökñi mi nöröpñi eshuba maliga dop kölja. Mewö aiga Suep garata yeñön gödaqegegö silik ölopñi ehakze.

¹¹ Mewö dop köljamö, Kembubuk çekötahöba malinga ambinöñ mönö azigö keuñi qahö oñgita nanñi imbi-imbi lañ kude malma. Azinöñ mewöyök ambigö keuñi qahö oñgita nanñi imbi-imbi lañ kude malma. ¹² Ambinöñ azigö sihitñeyök asuhuiga mianğö dop azinöñ mewöyök ambigö körö uruñeyök ashuba maljinmö, öröyuai pakpakö könañi mi Anutu.

¹³ Mianğöra ambinöñ nöröpñi qahö eshuba Anutu köuluköiga dop kölja me qahö? Keu mi mönö nanñinak kewöta jöhöme. ¹⁴ Anutunöñ ambazip miwikñaim neñgiba gölmenöñ mohotñe malmal areñgöyöhi, areñ mi eka kewöta silik kewöñi mönö möt asarizin me qahö? Azinöñ nöröp jupñi qahö mitiiga köriza ewö, mianğön mönö gamu qem wangiza.

¹⁵ Anutunöñ ambigö nöröp jupñi köröpñi mi esuñi akñapköra wangii malja. Mianğöra ambinöñ nöröp jupñi qahö mitiiga köriza ewö, mianğön mönö aködamunñi ak wangiza. ¹⁶ Kunöñ keu mianğöra goranora akñamgö mötza ewö, nöñön mianğöra keu mohok-kun kewö jimam: Anutugö könagesöñi könagesöñi Anutu möpöseibingö tokomakzei, yeñön mönö nembuk urumohot aka silik miyöhök wuatangöba silik tosatñi tökömakze. Mewö.

Kembugö semön töröñi nemegö silikñi

Mat 26.26-29; Mak 14.22-25; Luk 22.14-20

¹⁷ Inñi urumelen totokonöñ tokoba mianğöreñ qahö ölöwahakzemö, mönö toroqeba böliqölimakze. Mianğöra qahö möpöseim engizalmö, areñ ala jim kutum engizal. ¹⁸ Keu mutukñi kun kezapne gei kewö möral, “Inñi urumelen könagesögö totokonöñ tokomakzei, mianğöreñ mönö sutñine anğururuk ahakze.” Keu mi jiget möta bahöñanök ölni akzawi, mewö möt narizal.

¹⁹ Sutñine denđa kambu morömorö aketka Anutunöñ engehiga denike enñön mötnaripkö esapesapnöñ kin köhöize aka denike enñön qahö dop köljei, keu mianğön mönö aukñe asuhumakza. Mianğöra uruyahöt qahö mötzal. ²⁰ Urumelen totokonöñ tokomakzei, mianğöreñ mönö Kembugö semön töröñi nemingö silikñi qahö wuatangömakze.

²¹ Mi kewögöra jizal: Semön töröñi nemakzei, mianğöreñ öröröñ qahöpmö, nanñök nanñök neneñini memba könahiba lañ neget teköiga tosatñan toroqeba wösöñini aliga tosatñan o köhöikñi gwötpuk memba enjololon akze. ²² Ahöhö miriñini ahöm engiza me qahö? Mianğöreñ ölop nene aka o neme. Anutugö urumelen könagesö jijiwilit ak engibingö mötze me ambazip wanapñi neneñini qahö mi memba et al engibingö mötze me? Mianğöra nöñön inñi möpöseim engimangöra mötze me? Mewö qahöpmahöpmö, denöwö jim engibileñak?

²³ Kembunöñ keu niñgiyöhi, nöñön mönö enñön mewöyök mi mötmegöra kewö jimam: Kembu Jisös mamalolo mem wangigetka sunğem mianğöreñ beret meyök. ²⁴ Mi memba kötuatköba saiwap jiba mindipköba kewö jiyök, “Ki nani busuna. Mi engöra aka tököm engizal. Mi memba mönö ni mötmörim niñgiba malme.” ²⁵ *Mewö jiiga neget teköiga mewöñanök qambi memba kewö jiyök, “Qambi ki mönö jöhöjöhö dölökñi akza. Nöñgö sepnii kianğön mönö Anutugö jöhöjöhöñi mem köhöii ahöma. Mi nemakñeangö dop mönö ni mötmörim niñgiba malme.”

* 11:7: Jen 1.26-27 * 11:8: Jen 2.18-23 * 11:25: Eks 24.6-8; Jer 31.31-34

²⁶ Beret aka qambi miangörenök nemaknei, miangören mönö nalö dop Kembunöy kömuyöhi, miangö buñani mem asariba mal öngögetka lilingöba kaiga teköma. ²⁷ Miangöra kunñan beret me Kembugö qambi miangörenök iwilele qakne nezawi, yañön mönö Kembugö busuñi aka sepñi memba et ala singisöndokñambuk akza. ²⁸ Miangöra ambazip neñön nanini uruninañgö könañi kewötagun mönö beret aka qambi miangörenök neinga dop kölma.

²⁹ Kunñan Kembugö busuñi aka sepñi qahö göda qeba nene töhön ewö lañ nezawi, Kembunöy mönö yañgö keuñi jim teköiga lömböt qakne öngöma. ³⁰ Lañ namba malgerañgöra aka ambazip sehisehiñan mönö sutñine löwöriba kawöl miwikñaigetka gwötpukñan lök nöñ qeba kömuget.

³¹ Kömugetmö, nanini urunini kewötpinak ewö, Anutunöy mönö keunini kewöta jim teköiga lömböt qahö miwikñaibin. ³² Mi qahö miwikñaibinmö, Kembunöy keunini kewöta jim teköba mewö mönö nalö kewöñe mindiñgöm neñgimakza. Könañep jim teköm neñgiiga ambazip uruñini qahö melenñeri, yembuk öröröñ könöp sianöñ gebinbuköra mönö mindiñgöm neñgimakza.

³³ Miangöra urumelenñ alaurupni, nene nemegöra tokomaknei, miangören mönö nanñinañgöra mamböt anguba öröröñ nemakne. ³⁴ Kunöñ wösöñi alja ewö, yañön mönö nanñe mire neneñi nema. Tokoba lañ negetka Anutunöy engeka keuñini jim teköi lömböt miwikñaibepuköra mi jizal. Keu tosatñi enğören kamami, nalö miangören jim kutum enğimam. Mewö.

12

Nup memegö mötmöt kalem miengö könañini

¹ O urumelenñ alaurupni, nöñön Uña Töröñanğö mötmöt kalemñi kalemñi miangö keugöra gukmaulem malbepuköra mötzal. ² Urumelenğö kopa malgeri, nalö miangören inöñ me wainöñ enğuanğiriga tandö lopion omani waikñini memba möpöseiba malget. Mewö me mewö janjuñ anda lañ malgeri, mi ölop mötze.

³ Miangöra inñi keu ki mötmegöra jizal: Anutugö Uñañan kun sölölohöiga “Jisös qesuahözal,” keu mi qahö jiza. Mewöyök Uña Töröñan azi me ambi kun qahö sölölohöm wañgiza ewö, yañön mönö “Jisösnöñ Kembu ak niñgiza,” keu mi jimamğö osiza.

⁴*Nup memegö mötmöt kalemñi mi könañi könañi akzemö, Uña Töröñan mönö mohot akza. ⁵ Urumelenñ könağesö welen qem enğibingöra nup könañi könañi memakzinmö, Kembunöy mönö mohot akza. ⁶ Welen qem enğibingöra Anutunöy kukösumñi körek neñgöra mendenñ neñgiiga amqeba köhöiba nup meinga ölni könañi könañi asuhumakza. Ölni pakpak mi Anutugörenök kamakzapmö, Anutunöy mönö mohot akza.

⁷ Uña Töröñan könağesö urunini nañgöi köhöibingöra möta nup memegö mötmöt kalemñi indeliga ölnan mönö mohot mohot neñgören kewö me kewö asuhumakza: ⁸ Uña Töröñan kungö uruñe geba Anutu nam köliga mötkutukutu keu jijigö kalemñi wañgiza. Uña mohot miangönök mönö kun sölölohöiga mötmöt qainñi kun möt yaközawañgö kalemñi buña qem añguza.

⁹ Kunöñ Uña mohot mi qekötahöba mötnaripkö kalemñi buña qem añguza. Toroqeba kunöñ Uña Töröñi miyöhök qekötahöba mem ölö-ölöwakö kalemñi kalemñi buña qem añguza.

¹⁰ Kungöra añğöletot memegö ösumñi wañgiza. Kungöra Anutugö kezapqetok keu jijigö kalemñi wañgiza. Kungöra uña aka öme mendenñingö kalemñi wañgiiga uña ölopñan me ömewöröme kunöñ sölölohöiga maljawi, mi ölop kewörakza. Kungöra keuñi keuñi qainñi kun jijigö kalemñi wañgiza. Toroqeba kunöñ keu qainñi kun jiiga kungöra mi melenmapkö kalemñi wañgiza. ¹¹ Nup memegö mötmöt kalem pakpak mi Uña Töröñi

* **12:4:** Rom 12.6-8

mohot mianjönök mönö sölölöhöba möri dop köljawangö dop mendeniga körek nejön nanjök nanjök buja qem anguba maljin. Mewö.

Kraistkö ölji mohotmö, kitipurupji gwötpuk.

¹²*Silenini mohot akzäpmö, töndup mianjö uruje silegö kitipurupji mi gwötpuk akze. Kitipji pakpak mi gwötpuk akzemö, töndup mi mindiriba sile mohot akze. Kraistkö öljan mewöyök mönö mianjö dop akza. ¹³Mianjö könanji kewö: Uña mohotnöj mönö körek nini sölölöhöba melun mem neñgiiga Kraistkö ölji mohot akzin. Nini Juda me kantri tosatjangö tonji maljini, nanini nupnini memakzini me tonini öne welen qem enjimakzini, mi töndup körek nini mönö Uña miyök buja qem anguinga urunine geiga möt wangizin.

¹⁴Sileninan mönö sile kitipji mohotkö dop qahö akzäpmö, mianjö uruje kitipurupji mi gwötpuk akze. ¹⁵Könaninan kewö jibawak, “Ni böröya qahö. Mianjöra sile qahö toroqeba maljal.” Mewö jibawak ewö, mianjöra mönö töndup sile mosöta nanjök qahö malbawak. ¹⁶Kezapninan kewö jibawak, “Ni jeya qahö. Mianjöra sile qahö toroqeba maljal.” Mewö jibawak ewö, mianjöra mönö töndup sile mosöta nanjök qahö malbawak.

¹⁷Sileninan jömuk je akawak ewö, keu mötmötkö kezapninan mönö denike tatpawak? Mewöyök jömukjanök kezap akawak, mewö wöron mötmötkö söngörönanan mönö denike tatpawak?

¹⁸Nanjök nanjök qahöpmö, Anutunöj sile kitip mohot mohot mi arengöba möri dop köljawangö dop mindirim enjiiga sile mohot akze. ¹⁹Sile kitip pakpak mi kitip mohot akeak ewö, mönö denöwö sile mohot akawak? ²⁰Mewö qahöpmö, sile kitipnini mi gwötpukmö, silenöj mönö mohok akza.

²¹Mianjöra jenöj börögöra kewö jimangö osiza, “Ni göhöra qahö osizal.” Mewöyök nöropnöj könaögöra “Ni göhöra qahö osizal,” mewö jimangö osiza. ²²Simbisembel qahöpmö, sile kitipnini möringa lölöwöröj akzei, mienön qahöwaketka jebuk malbingö osibin. ²³Sile kitipnini möringa qetbuñanini eretji akzei, mi mönö esuhuinga qetbuñaninambuk akze. Sile kitipnini möringa gamuñinambuk akzei, mi mönö törörök esuhuinga ambazip jenine dop kölja.

²⁴Sile kitipnini aukje kondelbingö gamu qahö mötzini, mi mönö qahö esuhuinga dop kölja. Mewö ahakzinmö, Anutunöj sile kitipji kitipji mindiriba jöhöm enjiba kitipji omanji mi qetbuña ketanji wangiiga öröröj akze. ²⁵Sile kitip yenön sutjine jula angururuk akepukmö, tandök mohot köyan köl angumegöra mönö arengöiga öröröj akze. ²⁶Sile kitip kunjan sihimbölo mötzawi, tosatji pakpak mönö yambuk sihimbölo mörakze. Sile kitip kunöj qetbuña miwikñazawi, tosatji pakpak mönö yambuk söngaimakze.

²⁷Enön Kraistkö ölji akze aka mohot mohot enön mönö yangö öljangö sile kitipji akze.

²⁸*Mianjö dop Anutunöj al enjiiga urumelen könaöögö nup kewö memakze: Mutuk tosatji kunjum enjiiga melaimelai azi aposol akze. Mianjö andöje kambu yahötji kunjum enjiiga kezapqetok ambazip akze. Kambu karöbutji yenön böhi qaqazu akze. Mianjö andöje tosatjan angöletot meme ambazip akze. Tosatji yengöra mötmöt kalem enjiiga kawölji kawölji mem ölöwahakze. Tosatjan amqeba köhöiba tosatji alabauk ak enjimakze. Tosatji yengöra kalem enjiiga galömkölköl nup memakze. Tosatjan keu qainji kun jimakze.

²⁹Körek enön mönö melaimelai azi aposol qahö akze. Sauban! Körek enön mönö kezapqetok ambazip qahö akze. Körek enön böhi qaqazu akze me qahö? Körek enön angöletot meme ambazip akze me qahö?

³⁰Kawöl mem ölöwakingö mötmöt kalemji kalemji mi körek engöreñ ahöza me qahö? Körek enön mönö keu qainji kun qahö jimakze. Qahö. Keuji keuji qainji kun jigetka enön mönö körek mi melenbingö amqeze me qahö? ³¹Enön mönö nup memegö

* 12:12: Rom 12.4-5 * 12:28: Ef 4.11

mötmöt kalemñi kalemñi ölop sorokñi mi buña qem angubingöra awöweñgömakñe. Mewö awöweñgögetka nöñön köna qetpuk sorokñi kondela mianğö mötmöt kalemñi mi kewö jim asarimam:

13

Jöpaköm anğuanğugö kalemñi

¹ Nöñön ambazip aka Suep garata yeñgö keuñi keuñi qainñi kun mianñön keu jiba malbilenjakmö, urukalemnan qahö asuhuza, mönö töndup kewö akilenjak: Gon qegetka gonğon qeri anğötömualñi mörakzini me göjön (biret) uturukögetka kinqororon qerakzawi, mönö mianğö dop akilenjak.

² *Kezapqetok keu jijigö mötmöt kalemñi ahöm niñgiiga keu asa-asambötñi pakpak mötpilenjak aka keu pakpakö könañi möt yaköbilenjak, mianñön mönö dopñe akza me qahö? Mi töndup urukalemnanğö ölñan qahö asuhuiga mewö mönö yuai omananök aka öne töhön malbilenjak. Mötnarip köhöikñi kötökñi miwikñaiba mianğö qakñe kundunğö Tonji jim kutubiga ölop tem köla kundunji qeköba kungen albawakmö, urukalemni qahö asuhuza, mewö töndup mönö yuai omananök aka öne töhön malbilenjak.

³ Sukinapni pakpak ambazip wanapñi yeñgöra menden engibilenjak aka sileni tosatñan ohoget jemapköra tököm engibilenjakmö, urukalemnanğö ölñan qahö asuhuza ewö, mianñön mönö qahö kötökñi bauköm niñgima.

⁴ Kunñan alanji urunjan jöpaközawi, yanñön mönö urukönöpñi qahöpmö, urubönjöh qakñe ala ak wañgimakza. Körögisigisi qahö möta yuainanğöra qahö köpösöngömakza. Silenji qahö mem wahöta jakbak-orañbörañ qahö malja. ⁵ Ahakmemenjan alañanğö urunji qahö mem bölimakza. Nanñi ölöwakñamgörök qahö kapan kolakza. Uruqege ak wañgigetka urukönöp zilañ qahö ahakza. Mem bölim wañgigetka sihimbölö möröhi, mi qahö mötmöriba mosörakza.

⁶ Tosatñan bölöñi akzei, mianğöra qahö söngaizapmö, keu ölñi wuatangömakzei, mönö yembuk mohotñe söngaimakza. ⁷ Nalö dop alanji sel jöhöba qöhöröñe kin köhöiba möt narim wañgimakza. Mewö me mewö asuhuiga Anutugö jörömqöröm aka al mamböta awösamkakak kinda sihimbölö pakpak möta mökö söngömakza.

⁸ Urukalem ahakmeme mi nalö teteköñi qahö ahöm öñgöma. Kezapqetok keu jiba keuñi keuñi qainñi kun jimakzei, mianñön qahöwakña aka mötmöt qainñi kun mianñön mönö mewöyök omanji ak teköma. ⁹ Mötmöt qainñi kun mi bahösapsap möt yakömakzin aka kezapqetok keu mi bahösapsap jimakzin. ¹⁰ Bahösapsap ahakzinmö, Anutugö kalemñi kalemñi aködamunñinambuk asuhumei, nalö mianğöreñ bahösapsap malmalninan mönö qahöwahiga oyaenköyaen siyonşayonji qahö malbin.

¹¹ Nöñön namande malali, nalö mianğöreñ namande keu jiba malal. Urumötmötñan namande aiga mianğö dopkeu kewöta mötmöriba malal. Azi ketanji aka mianğöreñ namandegöreñ ahakmeme mi mosöta andö qeal. ¹² Mianğö dop nalö kewöñe Anutugö aködamunñi mi ölop qahö ehakzin. Mi piliknöñ uba ehökö tandök ek bibihiba tandökñi törörök qahö möta öne mötmörimakzin. Mewö mötmörimakzinmö, könanğep Anutubuk mesohol köl anğuba ek soroköbin. Nalö kewöñe mötmöt qainñi kun mi bahösapsap möt yaközalmö, nalö mianğöreñ mi mönö körek möt yaköm tekömam. Anutunöñ ni möt kömum niñgizawi, nöñön mianğö dop yanğö könanamñi möt kömum tekömam.

¹³ Keu ki jim köhöizin: Kalem karöbut mötnarip, jörömqöröm aka urukalem mi köhöiba ahöm öñgömemö, urukalem ahakmeme mianñön mönö sutñine öngöñgöñi akza. Mewö.

14

Kezapqetok keu aka keu qainñi kun jijigö kalemñi

* 13:2: Mat 17.20; 21.21; Mak 11.23

¹ Urukalemgö kōnaŋi mōnō wuatangōba malme aka nup memegö mötmöt kalem kōnaŋi kōnaŋi mi mōnō buŋa qem angubingö kapaŋ köla malme. Mianŋön ölöpmö, kezapqetok keu jijigö kalemŋi membingōra mōnō köhöiba kapaŋ köla malme. ² Kunöŋ keu qainŋi kun jizawaŋön mōnō ambazip neŋgōra qahöpmö, mōnō Anutugörök mi jimakza. Uŋa Töröŋan sölölöhöiga keu asa-asambötŋi asuhui jimakzawaŋgōra tosatŋi neŋön keu mi qahö möt asarim waŋgimaksin. Mōnō nanŋanök baukōm angumakza.

³ Tōnpin maljinmö, kezapqetok keu jimakzawaŋön mōnō ambazip urunini mem köhöiba naŋgōba urukölalep ak neŋgimangōra aka keu jimakza. ⁴ Kunŋan keu qainŋi kun jiba mianŋön mōnō nanŋi uruŋi möhamgōba köhököhöi miwikŋaimakzapmō, kezapqetok keu jimakzawaŋön mōnō urumelenŋ kōnagesö pakpak urunini möhamgōba mem köhöim neŋgimakza.

⁵ Inŋini körekŋan keu qainŋi kun jimegōra mötzalmö, kezapqetok keu jimegōra mōnō kapaŋ köla gwötpuk mötzal. Kezapqetok keu jimakzawaŋön mōnō keu qainŋi kun jimakzawi, mi ongitza. Keu qainŋi kun jiba mi mianŋgöreŋök nanine keunöŋ melenjawi, mewö mōnō öröröŋ akzahot. Mewö aiga keuŋan mōnō urumelenŋ kōnagesö urunini möhamgōba mem köhöim neŋgiiga dop kölja.

⁶ O urumelenŋ alaurupni, nöŋön enŋgöreŋ kaba keuŋi keuŋi qainŋi kun jibilenŋak, mewö mōnō denöwö mem ölöwak enŋgibileŋak? Mewö qahöpmö, Anutugöreŋ keu indelmam me mötmöt qainŋi kun enŋgimam me kezapqetok keu jimam me goro kusum enŋgimam ewö, mianŋön mōnō mem ölöwak enŋgimam.

⁷ Awölop me gita kulele me yuai kunöŋ liŋetkö imbiŋi miwikŋaimakzini, mienŋön mōnō malmalŋini qahöpmö, kōnaŋini mōnō mewöŋanök kewö ahöza: Kunŋan awölop laŋ uba me gita kulele laŋ qeiga mianŋön qetŋini nanŋök nanŋök qahö miwikŋaimakza ewö, liŋetkö imbiŋi mōnō denöwö möt asaribinak? ⁸ Mewöyök tömun um böligetka qetŋi törörök qahö möt asarizin ewö, daŋön mōnō bim qeŋegōra jöjöröbawak?

⁹ Enŋö kōnaŋinan mewöŋanök ahöza: Nesilamŋinan ambazip qahö möt asarimeangö dopkeu laŋ jize ewö, kunŋan keu mewöŋi mōnō denöwö möt asaribawak? Keu mewö jizei, mianŋön mōnō öne laŋ luhutnöŋ anakza. ¹⁰ Gölmeŋi gölmeŋi mianŋgöreŋ keu murutŋi murutŋi dawik jimakzini, mi daŋön mötpawakmō, tōndup körek mienŋön mōnō keugö kōnaŋi möt asaribingōra aka ahöze.

¹¹ Kōnaŋi mianŋgōra aka jimakzinmö, kunöŋ keu jiiga keuŋangö kōnaŋi qahö mötzal ewö, nöŋön yaŋgö keuŋangö kiannŋi akiga yaŋön mewöyök nöŋgö keuŋangö kiani akza.

¹² Enŋö kōnaŋinan mewöŋanök ahöza: Inŋini nup memegö mötmöt kalemŋi kalemŋi buŋa qem angubingö awöweŋgögetka dop kölja. Mianŋgöreŋ mōnō kalem kewöŋi membingōra kapaŋ köla malme: Mötmöt kalem urumelenŋ kōnagesö uruŋini möhamgōba mem köhöimakzei, mōnō mi buŋa qem anguba nupnöŋ algetka qetpuk akŋa.

¹³ Mianŋgōra keu qainŋi kun jimakzawaŋön mōnō kewö köuluköiga dop kölma, “O Anutu, keu jizali, mi meleŋmamgö mötmöt kalemŋi niŋgiman.” ¹⁴ Mianŋö kōnaŋi kewö: Nöŋön keu qainŋi kun jiba köuluközal ewö, nöŋgö uŋanan keuyök jiba köuluközapmō, urumötmötŋan mōnō ölnŋi kun qahö miwikŋaiza.

¹⁵ Mianŋgōra mōnō denöwö akiga dop kölma? Nöŋön mōnō uŋananöhök qahöpmö, urumötmötŋi mewöyök mianŋgöreŋ ala köulukömakŋam. Liŋet köla möpöseimakzali, mi uŋananöhök qahöpmö, urumötmötŋi mōnō mewöyök mianŋgöreŋ ala kölakŋam. ¹⁶ Gi Anutu uŋagan möpöseim waŋgizan ewö, ambazip omaŋi kunŋan totokoŋine kaba tata möpöseizanaŋgö kōnaŋi qahö möt kutumawi, yaŋön mōnō “Keu mi ölnŋa,” mi denöwö jibawak? Wania jizani, yaŋön mi qahö möt asariba öne tōnpin tatza. ¹⁷ Gi ölop Anutu möpöseizanzmö, keugan tosatŋi yeŋgö uruŋini qahö möhamgōba mem köhöim enŋgiza.

¹⁸ Nöŋön körek inŋini enŋgoŋgita keuŋi keuŋi qainŋi kun mi gwötpuk jimakzali, mianŋgōra Anutu möpöseizal. ¹⁹ Anutu möpöseizalmö, urumelenŋ kōnagesö uruŋe ambazip kusum

engimangöra kapan köla möt asarimegöra keu jitni 5 jimamgö mötpe ölni akza. Keuji keuji qainni kunöng keu jitni 10.000 nanangörök jimamgö mötpe eretni akza.

²⁰ Urumelen alaurupni, injini keu kewöta mötmörimakzei, miangören mönö namande tandök mosöta ambazip ketani yengö dop mötmöriba malme. Bölöni akin jigetka miangören mönö morösepep ewö aka osimemö, mötkutukutuñinan mönö ambazip ketani aka malme. ²¹ *Mosesgö Köna keunöng keu kun kewö ohoget ahöza, “Nöngön kian ambazip kungum engibiga könagesö kiengören kaba jitñinan keu tandökni kun jigetka lan welipkömaknemö, mi töndup nöngö keuni qahö mötme. Kambu nöngön mewö jizal.”

²² Keu miangö dopkeu qainni kun jiinga uruñini qahö melenget yeñön mötketka Anutugö aiwesökni ak engizapmö, mötnarip ambazip nengöra mianñön mönö aiwesökni kun qahö akza. Mi qahöpmö, kezapqetok keu jiinga mianñön mötnarip ambazip nengöra Anutugö aiwesökni akza. Urumelengö kopa yeñön mi mötketka Anutugö aiwesökni kun qahö ak engiza.

²³ Urumelen könagesö enñön tokoba körek enñön keuji keuji qainni kun miangören jigetka tosatñan Buña keu qahö kusum engigetka uruñini qahö melenja öne miangören öngömei, yeñön mönö auruba kewö jibeak me qahö, “Nöröpninan mönö sohoi kahalalom akze.”

²⁴ Mewö jibeakmö, körek enñön kezapqetok keuji keuji jigetka kunñan Buña keu qahö kusum wangigetka mötnaripni qahö öne totokoñine öngöma ewö, körek enñön mönö singisöndökni indela uruñi qahö melenñohangö keuji jim tekögetka könañamni möt kutuiga aukne asuhuma. ²⁵ Uruñangö keu tölapni tölapni aukne asuhuiga yañön mönö dapköba eta Anutu waikni memba möpöseiba kewö jim miwikñaiba qetma, “Anutunöng ölna engö sutñine malja.” Mewö.

Urumelen totokogö areni kewö:

²⁶ O urumelen alaurupni, mewögöra nini mönö denöwö jiinga dop kölma? Injini Buña keugö tokomakñei, miangören mohot mohot enñön mönö körek areni kun me kun mi kewö ahakñe: Kunöng Buña liñetkö areni aliga kunöng Buña keu kusum engiiga kunöng Anutugö goro dölökni indeliga kunöng keu qainni kun jiiga kunöng mi melenma. Areñ pakpak mi mönö urumelen könagesö urunini kunguget köhöbingöra aka ahakñe.

²⁷ Tosatñan keu qainni kun jime ewö, ambazip 4 qahöpmö, yahöt me karöbut yeñönök mönö totoko mohotkö uruñe mewö jime. Yeñönök mönö areñinangö dop awatan jigetka kunñan mi melenma. ²⁸ Kunñan keu melenmamgö dop qahö akza ewö, yeñön mönö urumelen könagesögö totokonöng keu bök tata nanñinangörök keujini qainni kun jigetka Anutunöng mötma. ²⁹ Kezapqetok ambazip yengörenök yahöt me karöbut yengörök mönö areñ engigetka keu jigetka tosatñan mönö keujini kewötme.

³⁰ Mewö akñemö, kunñan totokonöng tariga Anutunöng goro keu uruñe indeli mötza ewö, yañön mönö mi jiiga kezapqetok keu mutuk jizawañön keuji mosöta bök tatma.

³¹ Ambazip körekñan Anutugö goronni mötketka uruñini nangöi ölöwakñegöra injini mönö körek pakpak ölop nalöñini memba areñinangö dop kezapqetok keu jime. ³² Kezapqetok ambazip yeñön mönö ölop uñañini galöm kölgetka uñañinan keu bapñe anjeangö dop akze.

³³ Anutunöng kizik-kazuk Tonji qahöpmö, luai Tonji akza. Miangöra totokoñini mönö areñnöng wuatangöba ahakñe. Ambazip sarakni yengö sutñine könagesö dop ahakzei, injini mewöyök mönö miangö dop kewö ahakñe: ³⁴ Ambi enñön mönö urumelen könagesögö totokoñine keu bök tatme. Yeñön keu jimeangö dop qahö akzemö, Köna keu ahözawañgö dop mönö keu bapñe anda malme.

³⁵ Ambinöng urumelen könagesögö keu jim kutuba kusum engiiga qahö dop kölja. Miangöra keu kungö könañi mötpingö mötze ewö, yeñön mönö miriñine anda tata nanñini apurupñini qesim engime.

* **14:21:** Ais 28.11-12

³⁶ Anutugörej Buña keu mianjôn mönö engö sutñineyök ahuyök me qahö? Keu mianjôn ahuba sehiba mala engörej kaba engö buñayök akza me qahö? ³⁷ Kunöñ kewö jibawak, “Nöñön kezapqetok keu jibiga Uña Töröñan sölölohöm niñgiiga keu miambuk urumohot qahö akzal.” Mewö jizawanjôn mönö keu ki möt yaköma: Nöñön ambigöra keu ohom engizali, mianjôn mönö Kembugö jöjöpañ keu akza. ³⁸ Kunñan keu miangö kezap qahö ala silebile malja ewö, injini mönö azi yangö keugö kude kezap al wanjiba malme.

³⁹ Miangöra urumelenj alaurupni, injini mönö kezapqetok keu jibingöra awöwengöba malme aka keu qainñi kun jimegö songöñi mi kude alme. ⁴⁰ Mi kude almemö, yuai pakpak mönö törörök areñ ala wuatangöba ahakñe. Mewö.

15

Kraistnöñ kömupnöhök wahörök.

¹ O urumelenj alaurupni, nöñön Ölöwak Buña jim asarim enggiali, mi ölum engubapuköra mönö köl gulim engimam. Injini mi buña qem anguba mötnariñini miangörej ala töndangöba kinje. ² Nöñön Ölöwak Buña jim asarim enggiali, injini mi miangö dop töp memba angön kölme ewö, mianjôn mönö mem letot engiiga Suepkö buñaya akñe. Mewö qahö akñe ewö, uruñini mönö öne töhön melenja malje.

³ *Nöñön keu tosatñi pakpak göräñe ala nanak Buña keu möt angön kölali, mi mötpi öngöiga miangö keu kötni mötmegöra mi kewö engial: Kraistnöñ mönö Buña Kimbi ahözawanjö dop nengö singisöndokninanjöra aka kömuyök. ⁴ *Kömuiga Buña Kimbi ahözawanjö dop löm kölgetka sömañi karöbut aiga kömupnöhök wahörök. ⁵ *Kömupnöhök wahöta Pitögörej asuhuyök aka miangö andöñe gwarekurupñi 12 yengörej asuhuyök.

⁶ Miangö andöñe nalö mohot miangörejök urumelenj alaurupnini qötöñini 500 ongiröhi, mönö yengörej asuhuyök. Yengörejök ambazip ölni yeñön toroqeba nalö kewöñe mewöyök maljemö, tosatñan lök kömuget. ⁷ Miangö andöñe munñi Jeimsgörej asuhuyök aka miangö andöñe aposol pakpak yengörej asuhuyök.

⁸ *Miengörej körek asuhubagun qöndökñi mönö nöngörej mewöyök asuhuyök. Nöñön aposol mi asai ewö öröpköba aluñi asuhuyal. ⁹ *Miangö könañi kewö: Nöñön aposol yengö sutñine mötpi eriga dagibezupñini akzal. Anutugö urumelenj könagesö sesewerowero ak engiba malali, miangöra nöngö qetni aposol qetketka mötpi gamuñambuk akza.

¹⁰ Gamuñambuk akzapmö, nalö kewöñe yuai akzali, mi mönö Anutugö kalem möriamñan mem letota nam köl niñgiiga maljal. Yanjôn kalem möriamñi niñgiiga liklak qahö akiga eta qeba omañi qahö ahökmö, nöñön mönö aposol körek luhut al engiba köhöiba nup memba malal. Mi nanak qahöpmö, Anutugö kalem möriamñan mönö inahöm niñgiiga nupnanjö ölni mewö asuhuba sehiyök.

¹¹ Nöñön meali me yeñön megetka ölni asuhuyöhi, mi muat. Neñön mönö Ölöwak Buña keu mewö jim asarimakzin aka injini miangö dop uruñini melenja Kraist möt nariba malje. Mewö.

Nini kömupnöhök denöwö guliba wahötpin?

¹² Mötket! Kraistnöñ guliba kömupnöhök wahöröhi, yangö könañi mewö jim asarimakzin ewö, engörejök tosatñan mönö denöwö aka kewö jimakze, “Kömukömuñi yeñön qahö guliba wahötme.” ¹³ Mewö jimakzemö, kömukömuñi yeñön qahö guliba wahötpreak ewö, Kraistnöñ mönö mewöyök qahö guliba mal köhöibawak. ¹⁴ Anutunöñ Kraist qahö mem gulli kömupnöhök wahötpawak ewö, nini Buña keuñi mi jim asarimakzini mi omañi akawak. Mi möt narigetka mianjôn mewöyök pömsöm qeba omañi akawak.

* **15:3:** Ais 53.5-12 * **15:4:** Sum 16.8-10; Mat 12.40; Apo 2.24-32 * **15:5:** Mat 28.16-17; Mak 16.14; Luk 24.34, 36; Jon 20.19 * **15:8:** Apo 9.3-6 * **15:9:** Apo 8.3

¹⁵ Anutunöŋ ölna kömukömuŋi qahö mem gulim enġii wahötpeak ewö, Kraistnöŋ mönö mewöyök qahö mem guli wahötpawak. Nini mi töndup Anutugö könaŋi kewö naŋgöba jimakzin, “Anutunöŋ mönö Kraist mem guli kömupnöhök wahörök.” Keu mi ölni qahö akawak, ambazipnöŋ mönö miangöra aka könaŋamnini miwikŋaigetka munenji aiga ölop nöŋgöra kewö jibeak, “Anutugö könaŋi mönö naŋgöba jim sohomakza.” Keu mianjön mönö gamuŋamŋuk akawak. ¹⁶ Anutunöŋ kömukömuŋi qahö mem gulim enġii wahötme ewö, Kraistnöŋ mönö mewöŋanök qahö guliba wahötpawak.

¹⁷ Anutunöŋ Kraist qahö mem guli wahötpawak ewö, inġini mönö öne töhöntöhön möt narim waŋgiba toroqeba siŋgisöndokŋinaŋgö kösögwarönöŋ malbeak. ¹⁸ Mewö aiga alaurupninan Kraistpuk qekötahöba kömuger, yeŋön mönö mewöyök sohoba könöp siagö buŋaya akeak. ¹⁹ Nini Kraist jörömqöröm ak waŋgiba gölmenöŋ malbinaŋgö dop galöm köl neŋġii miangöreŋ tekömapköra mambötzin ewö, nini mönö ambazip tosatŋi pakpak enġonġita bapŋine geba öngöpŋi daböŋi malinga körekŋan wösö mötmöt ak neŋġimakzeanġö dop akinak.

²⁰ Mewö akinakmö, Kraistnöŋ mönö ölna guliba kömukömuŋi yeŋgö jitŋe memenini aka kömupnöhök wahörök. ²¹ Mianġö könaŋi kewö: Azinöŋ kömup kondoriga asuhui könahiba kömumba mala korin. Kömumba maljinaŋgöra aka azi kunŋan kömumba guliba malmal köhöikŋi kondoriga asuhuyök. Mianġöra nini körekŋan mönö mewöyök guliba kömupnöhök wahötpin. ²² Körek neŋön Adam ewö aka kömumbini, mewöŋanök Kraistpuk qekötahözini, Anutunöŋ nini körek mal köhöibingöra mem gulim neŋġima.

²³ Mem gulim neŋġimappmö, körek neŋön mönö Anutunöŋ nalö alöhanġö dop guliba wahötpin. Kraistnöŋ jitŋememenini aka guliiga mianġö andöŋe yaŋgö buŋaŋi akzini, neŋön lilingöba kaiga nalö miangöreŋ guliba wahötpin. ²⁴ Kraistnöŋ mönö lilingöba kaba ömewöröme pakpak gölme dop ösum-mumu qakŋe galöm kölakzei, miengö kukŋini memba et ala ösumŋini körek köndenġa. Mi köndenġa bemtohoŋi Anutu Iwigö böröŋe aliga gölmenöŋ malmal miangöreŋ teköma.

²⁵ *Kraistnöŋ galöm köla mal öngöiga Anutunöŋ Buŋa keu ahözawaŋgö dop “mönö kerökurupŋi körek luhut ala nanŋi köna bapŋe al enġima.” Kraistkö galömkölköl nupŋan mönö miangöreŋ teköma. ²⁶ Kerökurupŋi luhut al enġiiga miangöreŋ kömup Tonjan mönö qöndökŋi aiga memba et al waŋgima.

²⁷ *Mianġö könaŋi mi Buŋa Kimbinöŋ kewö ahöza, “Anutunöŋ mönö yuai pakpak yaŋgö köna bapŋe ali ahöza.” Keu mewö ahözappmö, “Yuai pakpak ali ahöza,” keu mewö jiiga könaŋi mönö aukŋe kewö ahöza: Anutunöŋ yuai pakpak Kraistkö bapŋe ali ahöiga nanŋi mönö qahö memba eta Kraistkö bapŋe al anġuyök. ²⁸ Mewö qahöppmö, Anutunöŋ yuai pakpak Nahönŋanġö bapŋe aliga galöm köla kerökurupŋi pakpak nanŋi kukösumŋanġö bapŋe al enġima. Mi teköiga miangöreŋ Anutunöŋ mönö Nahönŋi mewöyök nanŋi kukösumŋanġö bapŋe ala galöm köl waŋgima. Mewö aka Anutunöŋ yuai pakpakö Kembuŋi ak teköba mal öngöma.

²⁹ Keu kun kewö: Ambazip tosatŋan uruŋini qahö melenġa öne kömugeranġöra tosatŋan kömukömuŋi mi bauköm enġimegöra jiba salupŋini aketka dumŋe kunbuk o melun mem enġimakze. Kömukömuŋi yeŋön qahö guliba wahötpeak ewö, yeŋgö nup ölnan mönö denöwö asuhubawak? Anutunöŋ kömuger, mi qahöpmahöp mem gulim enġii wahötpeak ewö, ambazip mewöŋan mönö denöwögöra aka jigetka yeŋgö salupŋine o melun mem enġimakze? Nupŋini mi mönö öne membepuk.

³⁰ Kömumba qahö wahötpinak ewö, neŋön mewöyök mönö urunini Anutugö nupnöŋ qahö ala jöhöbinak. Anutugö nupköra aka kömumbinbukö lömböt bapŋe sundan qahö anda malbinak. Qahö.

* 15:25: Sum 110.1 * 15:27: Sum 8.6

³¹ Kômupnöhön mönöhön nalöhön dop gwahöhön ningimangöhön dop akza. Keu mi ölnja. O urumelen alaurupni, nöjhön Kraist Jisös Kembunini yambuk kinda engöra aka sileni memba öngömakzali, miangöhön dopkeu ölnji mi aukne jibi mötmegöra mötzal.

³² *Nani imbi-imbi wuatangöba nup ki memangöhön mötmörize ewöhön, yuai kianöhön mönöhön denöhön bauköhön ningima? Mewöhön qesim engibiga mi mönöhön mötmöriba melenme: Nöhön Efesus siti kiangören ambazip ubibi kanjamninambuk ewöhön miwiknjaiba kömumbilenbuköra yembuk auba malal. Mönöhön tötböröm aka auba malal. Kömumbagun qahöhön guliba wahötpini, mewöhön mönöhön qahöhön aubilenjak. Qahöhön! Mewöhön aiga ölop tosatnji yembuk kewöhön jibilenjak, “Uran kömumbinangöra mönöhön ölop nene sösongai ala o köhöiknji memba malbin.”

³³ Janjun kude akne. “Ambazip bölöhön yembuk köisirik tatketka ahakmeme ölopnan bölima.” Keu kun mewöhön ahöza. ³⁴ Engöhön sutnjine tosatnan Anutu qahöhön möt wangizei, miangöra gamunini mötmegöra mi jizal. Miangöra mönöhön gukmaulemnini mosötmehön. Imbininan letoriga törörök möta singisöndok kude toroqeba ahakne. Mewöhön.

Sileninan guliba wahöta tandökni kun aknja.

³⁵ Kunöhön kewöhön qesibawak, “Anutunöhön kömukömunji mi denöhön mem gulim engii wahötmehön? Sileninan mönöhön tandök denöhön melenniga asuhumehön?” ³⁶ Mewöhön qesibawak, mönöhön uruqahöhön keuya jibawak. Inini sehön kötnji qahöhön kömuiga öne qesin gilme ewöhön, miangöhön mönöhön qahöhön jula wahötmehön. ³⁷ Kötnjangöhön ipnji wahötmawihön, mi qahöhön kömötzanmöhön, kötnjanök qesin giljan. Wit me sehön kötnji me kötnji tosatnji gilakzan.

³⁸ Miyök gilakzanmöhön, Anutunöhön mönöhön sihimjangöhön dop ipnji wangima. Kötnji tandökni nanjök nanjök mi nanjini ipnji engimakza.

³⁹ Yuai busunini mi tandökni mohot qahöhön. Ambazip busunini nanjök, sömbup busunini nanjök, nei busunini nanjök aka söra busunini mi nanjök.

⁴⁰ Miangöhön dop Suepnöhön malmalgöhön sile mi nanjök akza aka gölmenöhön malmalgöhön sile mi nanjök akza. Nanjök nanjök akzahötmöhön, Suep silegöhön aködammunji mi gölme silegöhön aködammunji ongita qainji kun akza. ⁴¹ Wehönghöhön asakmararanji mi nanjök, köingöhön asakmararanji nanjök aka senjelau miengöhön asakmararanjini mi nanjök. Senjelau asarigetka tosatnji miengöhön asakmararanjini mi senjelau tosatnji miengöhön asakmararanjini ongirakza.

⁴² Guliba kömupnöhöhön wahötpini, miangöhön könanan mönöhön miangöhön dop ahöza. Sile löm kölbini, miangöhön gisahöba qahöwakanjapmöhön, Anutunöhön mi mem gulihön wahötmawihön, miangöhön mönöhön qahöhön kömuma. ⁴³ Sile löm kölbini, miangöhön lölöwöröhön aködammunji qahöhön akzappmöhön, Anutunöhön mi mem gulihön wahöta miangören mönöhön köhöiknji aka asakmararanjambuk aknja.

⁴⁴ Sile löm kölbini, miangöhön gölmenöhön malmalgöhön sileya akzappmöhön, Anutunöhön mi mem gulihön wahöta miangören mönöhön unja mire malmalgöhön sileya aknja. Gölmegöhön sile ahöza ewöhön, miangöhön dop unjagöhön silenji mi mewöhön ahöza. ⁴⁵ *Miangöhön keunji mi Buja Kimbinöhön mewöhön kewöhön ohoget ahöza, “Azi mutuknji Adam yanöhön letota unjani miwiknjaiba söngöröhön ösumnji öröba malmaljanbuk ahök.” Keu mi möringa likepnji kewöhön asuhuyök: Adam qöndöknan mönöhön memguliguligöhön unjani ahök. ⁴⁶ Unjagöhön yuainji mi mutuk qahöhön asuhuyökmöhön, gölmegöhön yuainji miangöhön mönöhön mutuknji akza. Unjagöhön yuainjan mönöhön miangöhön andöhön asuhuyök.

⁴⁷ Anutunöhön azi mutuknji sömsömnöhöhön miwiknjaiiga gölme azia asuhuyök. Azi könanjepnji yanöhön mönöhön Suepnöhöhön eta sutnine asuhuyök. ⁴⁸ Gölmehön ambazipnöhön azi gölmenöhöhön asuhuyöhön, mönöhön yangöhön dop akze. Suepköhön buja akzinaanöhön azi Suepnöhöhön eta asuhuyöhön, mönöhön yangöhön dop akzin. ⁴⁹ Nini gölmehön azi mutukjangöhön kaisongolomnji memba maljini, miangöhön dop Suep azigöhön kaisongolomnji mi mewöhön memba malbin. Mewöhön.

⁵⁰ O urumelen alaurupni, nöjhön keu kewöhön jibi mötmehön: Sep busuninan mönöhön Anutugöhön bemtohon urunehön angota dum memegöhön dop qahöhön. Mi osimahot. Sile kianöhön gisahöba

* 15:32: Ais 22.13 * 15:45: Jen 2.7

qahöwaktawawi, mianjön mönö oyaenjkoyaen qahö akña. Suepkö dum qahö ayapkömawawi, sile kianjön mönö mi memamgö osima.

⁵¹ *Mötket! Nöñön keu tölapñi kun kewö indelmam: Körek neñön mönö qahö nöñ qeba kömumbin. Qahöpmö, kömukömuñi yeñön letotketka tosatñi neñön mönö sileninambuk letotpin. ⁵² Anutunöñ kömukömuñi mem gulim enjiiga tömun qainñi kun qöndökñan qeriga mianjören wahötketka neñön biliksik aliga wölanjök letotpin. Mutuk kömugeri, yeñön mönö kunbuk qahö kömume.

⁵³ Sep busu ki gisahöba qahöwaktawawi, mianjön mönö letota qahö ayapkömawanjö dop akña. Sile ki kömumawawi, Anutunöñ mi mönö opo ewö qeköba mianjö salupñe sile qahö kömumawawi, mi neñgii memba maluku ewö löñgötpin.

⁵⁴ *Mewö akzapmö, letotletot mi ak teköiga silenini qainñi kun meinga qahö kömumba gisahömawawi, nalö mianjören mönö söñgaibin. Buña Kimbinöñ keu ohoget ahözawi, mianjön mönö öñambuk aiga mianjö dop kewö jime, “Yañön mönö kömup Tonji köndenja luhut aliga köirañ aljin.”

⁵⁵ *Keu mianjö alañi kun kewö, “O kömup Tonji, göñön mönö luhut almananjö dop qahö. O kömup Tonji, göhören lingip jitñi mianjön mönö neñgöhömamgö osima.”

⁵⁶ Keu mewö ahözapmö, kömupkö lingip jitñi mi siñgisöndok ahakmeme. Jöjöpañ keuñan mönö siñgisöndok akinbukö sonjo aliga töndup ahinga kukñambuk ahakza. ⁵⁷ Kukñambuk ahakzapmö, Kembunini Jisös Kraistnöñ mönö Anutugören bohon köliga alabauknini aiga yangöra aka luhut ala malbin. Mianjöra “Anutu saiwap!” jizal.

⁵⁸ O wölböt alaurupni, luhut albinanjöra eñön mönö kin köhöiba anjanbanjan mosöta uruñini kude öngöba eta ahakña. Kembugören qekötahöba nupñi megetka öñan mönö eta omanji qahö akña. Mi möt yaköba Kembugö nupñi mi mönö urukönöp* qakñe böñ qeba pöndañ memba malme. Mewö.

16

Jerusalem alabauk enjimegö jimkutukutuñi

¹ *Judia könagesö sarakñi yeñjöra alabauk monen tokomegöra qesim niñgigeri, mianjöra kewö jim kutum enjizal: Nöñön Galesia prowinsgö urumelen könagesöñi könagesöñi jim kutum enjiali, eñön tok mönö mianjö dop kewö ahakñe:

² Sonda dop wehön mutukñi mianjören inñi körek nannök nannök mönö naluk alakñe. Töhötmöriam memakzeanjö dop monenini bahöñi mi köweñini görañe ala galöm köla malme. Mewö aketka nalö engören kabiga mianjören naluk sanjabañga almeanjö dop qahö akñemö, mi ölop köweñineyök memba altanöñ alme.

³ Mewö aketka engören kamami, nöñön nalö mianjören ölop jim-asa-asari kimbi ohoba azi nup mianjö mötket dop köljawi, mönö yeñjö böroñine ala melaim enjibiga mindimindiri kalemñini mi memba Jerusalem anme. ⁴ Nöñön yembuk mohotñe anmamgö anmam ewö, yeñön mönö ölop nömbuk toroqeba mohotñe köwet kutuba anbin. Mewö.

Polgö nupñanjö aka köna ananjö areñi

⁵ *Nöñön Masedonia prowins onjita anmam. Mianjöra Masedonia mosötagun mönö engören kamamgö mötzal. ⁶ Engören kaba nalö tosatñi embuk tatpilenjak me kömunjan kie nalöñi (winter) mi mewöyök engö sutñine toroqeba mal teköbilenjak. Mewö malbi ölop bauköm niñgigetka denike denike anbilanjak, mianjören mönö amqeba köna toroqeba anmam. ⁷ Nalö kewöñe engören kaba kusukñanök engeka enjonjita anmamgö qahö mötzalmö, Kembunöñ on jima ewö, mönö nalö tosatñi embuk tatmamgö jöjörozal.

* **15:51:** 1 Tes 4.15-17 * **15:54:** Ais 25.8 * **15:55:** Hos 13.14 * **15:58:** Urukönöp mi Kembugören ölopñanjöra jiza. Urukönöp bölöñi mi qahö. * **16:1:** Rom 15.25-26 * **16:5:** Apo 19.21

8 **Mewö jöjörözmö, mutuk Efesus siti kiangören toroqeba malbi yambu jenjeqe dölökni (pentekost) mianön kam kuŋguma. 9 Anutunöŋ nöngöra nupkö nanŋuŋi ketanji öröi ölop nup ketanji membi ölni asuhum sehimakzapmö, gwötpukŋan tuarenjon ak niŋgimakze. Miangöra kiangören toroqeba malmangö mötzal.

10 *Timotinöŋ ni ewö Kembugö azi ipŋi aka nupŋi memba malja. Miangöra yanön engören kama ewö, inini mönö köyan köl wanŋigetka kenŋöt mötmötŋi qahö engö sutŋine malma. 11 Kunŋan kun kude ek sirik kölmappmö, embuk mal teköba nöngören kamangö jimawi, miangören mönö bauköm wanŋigetka luainöŋ engömosöta lilingöba kama. Nöŋön urumelen alaurup yembuk i ekingö mambötzin.

12 Urumelen alanini Apolos yanŋö keuŋi kewö jimam: Yanön urumelen alaurup yembuk engören kamegöra jiba köhöikŋanök uru kuŋgum wanŋial. Mi wanŋialmö, nalö kewöŋe engören kamangö tököm köhöiza. Könanŋep nalöŋi ölop ahöm wanŋimawi, mönö miangören kama. Mewö.

Yaizözkök keu teteköŋi

13 Inini mönö uruguliguli mala mötnariŋini köl guliba kin köhöiba malme. Azi köhöikŋanŋö dop mönö urugö nanŋonanŋö ambazip aka Kembugö kukösumŋambuk kinme. 14 Yuai pakpak aka memei, mi mönö urukalemnöŋ aketka asuhuma.

15 *Stefanas yanŋö mire maljei, inini mi möt engize. Akaiia prowinsnöŋ nup meinga uruŋini melengetka nupninanŋö ölni mutukŋi mewö asuhuyöhi, mötze. Yenön ambazip sarakŋi mi pöndaŋ welen qem engiba uruŋini miangören jöhöba ala maljei, mi mötze. O urumelen alaurupni, nöŋön uruŋini kewö kuŋgum engizal: 16 Inini tok ambazip mewöŋi aka yembuk toroqeba nup mohotŋe memba Anutu welenŋi qemakzei, mönö körek yeŋö keuŋini bapŋe anda malme.

17 Nöŋön Stefanus Fortunatus aka Akaikus ki kageranŋöra söŋgaimakzal. Inini nömbuk Efesus ki qahö malgetka yeŋön mönö engö salupŋini aka köisirik ak niŋgigetka dop kölja. 18 Yenön engö unanŋini körö-ölöwak qeba maljei, miangö dop mönö nöngö unani mewöyök körö-ölöwak qem niŋgiba malget. Miangöra inini mönö azi mewöŋi yeŋöra mötket öŋgöiga mi aukŋeyök jiba keuŋinanŋöra törörök kezap ala malme.

19 *Urumelen könagesöŋi könagesöŋi Eisia prowins kiangören maljei, yeŋön mönö yaizözkökŋini algetka engören kaza. Aqila Prisila aka urumelen könagesö yetkö mire tokomakzei, yeŋön mönö Kembugö qetŋe yaizözkökŋini gwötpuk algetka engören kaza. 20 Urumelen alaurup pakpak Efesus ki maljei, yeŋön mönö yaizözkökŋini algetka engören kaza. Inini mönö urumelen alaurupŋini yembuk jölöŋini jiba anŋum anŋuba numbuŋini yöhötüm nemba malme.

21 Nani yaizözkökni engören ala qetni nani börönan kewö ohozal: Pol.

22 Kunŋan Kambu qahö jöpaköba urukalem qahö aka malja ewö, Kembunöŋ mönö gesuakŋi yanŋö qakŋe ali öŋgöma. Kembunini, gi mönö kanöŋ!

23 Kambu Jisösgö kalem möriamŋan mönö embuk ahöma.

24 Kraist Jisösbuk qekötahöba kinjei, nöngö urujöpaknan mönö körek embuk ahöba kötuatköm engii malme. Keu mi ölna. Mewö.

Korint Kimbi 2

Polnön Korint yeŋgöra kimbi aliga 2 ahök.

Jim-asa-asari

Pol aka Korint urumelen könagesö yeŋön urumohot ölopni qahö aketka nalö mianğoreŋ Polnön Masedonia mala kimbiŋi ki ohoyök. Tosatŋan Pol tuarenjoŋ köhöikni ak waŋgigetmö, Polnön töndup aŋgururuk memba et ala yembuk urumohot akingö kapan kölök. Aŋgururukni tekömapkö urusösöŋgaiŋi kondel eŋgiyök.

Kimbi bahöŋi mutukni (Boŋ 1-7) mianğoreŋ Polnön Korint urumelen könagesö yembuk jöhöjöhö ahöhaŋgö keuŋi jiza. Könaŋi denöwögöra urumelen könagesö mi köhöikŋanök jim eŋgiyök? Mewö aiga uruŋini melenđa urumohot akeri, mianğö sösöŋgaiŋi kondela jim asariza.

Kimbi bahöŋi 2 (Boŋ 8-9) mianğoreŋ Judia urumelen könagesö bauköm eŋgiba naluk eŋgimegöra kuŋgum eŋgiza.

Kimbi bahöŋi 3 (Boŋ 10-13) mianğö keuŋi kewö: Böhi takapulakaŋi tosatŋan nanŋini qetŋini 'Aposol ölni' jiba Polgöra aposol muneni jigetka Polnön keu mianğö likepni melen eŋgiyök.

Buk kianğö bahöŋi bohonŋi 5 mi kewö:

Jim-asa-asari keu 1.1-11

Pol aka Korint urumelen könagesö 1.12-7.16

Judia urumelen kambu yeŋgöra naluk alme 8.1-9.15

Polnön aposol ölni akzawaŋgö kukösumni 10.1-13.10

Keu teteköŋi 13.11-13

¹ *Anutunöŋ sihimŋaŋgö dop Pol ni kuŋgum niŋgiiga Kraist Jisösgö melaimelai azi aposol akzal. Nöŋön urumelen alanini Timotibuk tatzit. Korint sitinöŋ Anutugö urumelen könagesö maljei aka ambazip sarakni pakpak Akaia prowinsini dop köla maljei, netkön embuk Buŋa keu eraum mötpingöra kaba kimbi ki ohozit.

² Anutu Iwinini aka Kembu Jisös Kraist yetkön mönö kalem möriam eŋgiyohotka luainöŋ malme.

Polnön Anutu urukölalepŋaŋgöra möpöseiza.

³ Nini Kembunini Jisös Kraistkö Anutu Iwiŋi möpöseimakzin. Yaŋön mönö ak-kömökömu Toŋi aka urukölalep pakpak neŋgimakzawaŋgö Anutuŋi akza.

⁴ Nini kahasililiŋ könaŋi könaŋi miwikŋaimakzini, nalö mianğoreŋ Anutunöŋ uruqesawölim neŋgimakza. Uruqesawölim neŋgii möta mianğö qakŋe kininga tosatŋan kahasililiŋ könaŋi könaŋi miwikŋaimakzei, mi mönö ölop amqeba uruqesawölim eŋgimakin. ⁵ Mianğö könaŋi kewö: Kraistpuk qekötahöingə yaŋgö sihimbölöŋan qaknine öŋgöi keleŋmaleleŋ mörakzinmö, mianğö dop uruqesawölim mewöŋanök neŋgii Kraist qekötahöingə urukölalepŋan urunine geiga keleŋmaleleŋ mörakzin.

⁶ Neŋön köŋjiliŋ uruŋe maljin ewö, Anutunöŋ mönö iŋini uru qesawölim eŋgii uruŋini kunbuk melenđa oyaenköyaen akŋegöra mötza. Anutunöŋ uru qesawölim neŋgiiga eŋön mi eka nanŋinak uru qesawölim miwikŋaime. Uru qesawölim eŋgimakzawaŋgö ölnan mönö uruŋine kewö asuhumakza: Nini sihimbölö möringa eŋön tok sihimbölö miyöhök miwikŋaime ewö, mi mönö ölop möta mökösoŋda kin köhöiba malme. ⁷ Sihimbölönöŋ qakŋine öŋgöi mörakzei, uru kölalepnöŋ mönö mewöŋanök qakŋine öŋgöi malje, mötzin. Mi möta mianğöra eŋön kin köhöimegöra mamböta jörömqöröm köhöikni ahakzin.

* 1:1: Apo 18.1

8 *O urumelen alaurupni, nini Eisia prowins uruje nup memba mala nupkö si-himbölö möta kahasilin miwikñaiba mörini, injini mianğöra gukmaulem malbepuköra mötzin. Nupkö lömbötñan ösumnini onğita öngöngöñi aka mulumğöm neñgiiga kin köhöibingö osiinnö, töndup kapan kölinga mem et al neñgiiga malin. Mewö asuhuiga toroqeba malbin me qahöwi, mianğöra mewöyök tötböröm aka malin.

9 Mewö mala uruninan kewö mötmöriin: Kunöñ kömumbingö keuñi lök jim teköi keu mianjön qaknine öngöi ayuhubingö mambörin. Nanini ösumnöñ nariba malbinbukmö, Anutu kukösum qakñe nariba malbingöra aka mewö asuhuyök. Anutunöñ kömukömuñi mem gulim enğii wahötmei, yañön mönö amqeba nini mewöyök bauköm neñgimakña.

10 Kömumbinbukö kenğöt mötmöt öngöngöñi ahinmö, Anutunöñ mönö mianğöreñök meköm neñgiyök. Meköm neñgiyök aka toroqeba meköm neñgimakña. Nini jörömğörömnini Anutugöreñ ala mewö möt narim wañgiba kinjin. 11 Injini mewöyök bauköm neñgiba neğöra aka köulukögetka meköm neñgimakña. Gwötpukñan neğöra aka köulukögetka Anutunöñ möta mianğö likepñi melenñi kalem möriamñan dop köl neñgii neñgehorimakña. Mewö meköm neñgiiga alaurup gwötpukñan mi möta neğöra aka mindiriba möpöseigetka köiran köulukñinan öngöba Anutugö kezapñe gemakña. Mianğöra mönö toroqeba nöğöra aka Anutu köulukömakñe. Mewö qesizal.

Polnöñ köna anangö arenji uteköyök.

12 Tosatñi injini nöngö könañamnanğöra uruyahöt akzei, mianğöra keu kewö jimam: Anutunöñ solanñi malbingö mörakzawi, neñön mianğö dop gölmeñi gölmeñi liliköba mianğöreñ ahakmeme sarakñi mi pöndañ wuatangöba malin. Engö sutñine mi mönö kapan köla törörök wuatangöba malin. Mi gölme ambazip mötkutukutuninangö dop qahöpmö, Anutugö kalem möriamñan inahöm neñgiyöhanğö dop mi aka memba malin. Anutunöñ ahakmemeni mi eka nanğöba “Dop kölja,” jiiga urukezapnan keu mi mörakzal aiga mianğöra silenini memba öngömakzin.

13 Kulem ohomakzali, mianğö keuñi pakpak mönö ölop oyoñda möt asarimeangö dop akza. Keuni mi geñmoñi qahö. Keu könañi asa-asambötñi kun qahö ohomakzal. Mi aukñeyök ahöza. Mianğöra nöngö könani mi körek möt asarim tekömegöra möta jörömğöröm akzal. 14 Nöngö könani mi lök bahösapsap kewö möt asarize: Kembunini Jisösnöñ kunbuk kamawi, nöñön mönö nalö mianğöreñ engöra aka sileni memba öngömam. Mianğö dop injini mewöyök ölop nöngöra aka silenini möpöseigetka dop kölma. Injini nöngö könani mewö möt asarim tekömegöra mötzal.

15 Nöñön keu mianğö qakñe awösamkakak kinalangöra aka mutuk engöreñ kaba engekñangö arenji alal. Indimñi yahöt engekiga kötümötuet mötmegöra aka köna an-mamgö arenji kewö albi ahöyök: 16 *Masedonia prowinsnöñ anmamgö könanöñ mutuk injini engeka toroqeba Masedonia anda lilingöba kunbuk engöreñ kamamgö jial. Kaba malbi yuai tosatñi bauköm niñgiba melaim niñgigetka engömosöta Judia prowinsnöñ anmamgö möral.

17 Arenñi mewö albi ahöyökmö, mi uteköyal. Mewö aka an köl kam köl qakñe möndöba lan qahö ahal. Nani arenñi mi gölme ambazipkö dop nanangöra lan mötmöriba qahö ahal. Mewö kude mötmörime. Numbu ösum mohot mianjönök “On, ölop kamam!” aka “Qahö kamam!” keu yahöt mi mindiriba qahö jial. Mönö ahakmeme sarakñi wuatangömakzal.

18 Anutunöñ keu jiba mianğö dop pöndañ ahakzawi, neñön mönö yañgö jeñe kewö jim köhöizin: Neñön nalö kunöñ “On, mi ölop akin,” jim jöhöba mianğö andöñe “Mi qahö akin,” pötagororöñ keu mewö melenqelen qahö jiba malin.

19 *Anutu Nahönñangö könañi kewö: Nöñön Sailas aka Timoti yetpuk engö sutñine Kraist Jisösgö könañi jim asariba malinga yañön “Anutugö jitñi tem kölmal!” aka “Qahö

* 1:8: 1 Kor 15.32 * 1:16: Apo 19.21 * 1:19: Apo 18.5

tem kölman!” keu jöl yahötyahötkö qakne melenqelen da qahö kaba malökmö, Anutugöra keu jiba jöhöyöhi, miangöra mönö “On!” jiba miangö dop aka memba malök.

²⁰ Anutunöj jöhöjöhö keu (promis) sehisehiji dawik nenjiyöhi, qötöjini qahö mötzinmö, Kraistnöj keu körek miengöra “On!” jiba mem köhöiiga pöwöwöm ahöza. Miangöra Kraistnöj mewöyök nam köl nenji keu miengö ölninan asuhui möta “Keu mi ölna,” jibin. Mewö ahinga Anutugö qetbuñan sehimakña.

²¹ Anutu nanjak mönö nini aka injini mohot mem köhöim nenjiiga Kraistpuk qekötahöba kin köhöibin. Yanön mönö Buña keu jim sehibingöra aka bedu mem nenji maljin. ²² Anutunöj urunine Uña Töröji mekötahöiga yanön oyaenköyaen malbingö keuji nanjöba jim köhöimakza. Anutunöj mewö aka buñani akzinangö muñgem supañi mi mekötahöm nenjiyök.

²³ Nöjön tembula lömböt engibilenbuköra möta zilañ Korint engörej qahö lilingöba kayal. Mewö jiba Anutugö qetji qetpi ölop keuni mi nanjöba jima. ²⁴ Silik denöwö aka Anutu möt narimakzei, miangörej kembu ak engimangö qahö mötzal. Mötnaripñinan lök töndangöm enjiiga kin köhöimakze. Miangöra sösongai qakne malmegöra bauköm engimangö möta embuk mohotne urugö nup memakin. Mewö.

2

¹ Mutuk engörej kaba siksauk akerangöra jim engibiga gamuñini möta wösöbirik aket. Miangöra engörej kabiga kunbuk mewö akepuköra möta urunan keu jöhöba köna anangö areñni uteköyal. ² Miangö könañi kewö: Gamu qem engibi wösöbirik akeak ewö, danön ölop uruni qesawölim nenjiiga kunbuk sösongai miwikñabileñak? Janjuñinangöra aka jim engibi wösöbirik akeak ewö, tosatñan sösongai ak ningibingö osigetka nanak mewöyök wösöbirik aka malbilenbuk. Miangöra zilañ kaba gamu qem engimangö töközal.

³ Kimbi köhöikñi mi könañi kewögöra ohoba alal: Nöjön söngaibiga körek enön mönö nömbuk söngaim. Nöjön injini körek mewö uruyahötñi qahö möt narim engizal. Nöjön tosatñi engöra sösongai miwikñaimangö mötzalmö, kabiga könañamñini sohoi lañ malgetka engeka wösöbirik akilenbuk. ⁴ Wösöbirik aknegöra kimbi mi qahö ohoyalmö, önöñi qahö uru jöpaköm engimakzali, injini miangö könañi möt yakömegöra mönö keu köhöikñi mi kimbinöj ohoyal. Urunan engöra aka waimanjat ketani möta köñjilin qakne tata imbilnan eriga ohoyal. Mewö.

Kunñan köna onjiröhi, yanjö sinjisöndokñi mönö mosötme.

⁵ Kunöj sinjisöndok aiga gamu aka wösöbirik asuhuyöhi, miänön mönö nöngö qakneyök qahöpmö, körek engö qakñine mewöyök öngöyök. Keu mi jim qaribi sohobapuköra mönö kewöyök jimam: Gamu miänön mönö körek dop köl nenji miangöra gwötpuk me borom kun wösöbirik aket. ⁶ Könagesö ölnan keuñangö likepñi melen wañgigeri, miänön mönö dop köl wañgii uruñi kunbuk melenök.

⁷ Nalö kewöñe gamu aka wösöbirik keta bölökñi möriga miänön jem keleleñgöbapuköra mönö lömböt kude toroqem wañgime. Lömböt qahöpmö, mönö kapan köla sinjisöndokñi mosöta urukölalep ak wañgime. ⁸ Miangöra kewö uru kuñgum engizal: Inini mönö keu jöhöba urukalemñini kunbuk toroqeba köhöiba kondel wañgiba malme. ⁹ Nöjön kimbini mi kewögöra ohoyal: Inini nöngö keuni pakpak tem köla esapesapnöj kin köhöime me qahö tem köla töteköba etme, miangö könañi kewöta mötmangöra möta mi ohoyal.

¹⁰ Inini kungö sinjisöndokñi mosötze ewö, nöjön mi mewöyök mosöt wañgizal. Bölöñi ak nenjiyöhi, miangöra qahö mötpi öngözapmö, enön kunbuk ölöwaka mindirim anugmegöra mötzal. Miangöra bölöñamñi mi lök Kraistkö jene ölna mosöt wañgibiga teköyök. ¹¹ Satanöj areñi ala silenöj alal könañi könañi ahakzawi, miangöra tönpin qahö maljal. Miangöra Satanöj luhut al nenjibapuköra aka azi miangö sinjisöndokñi mönö mosöt teköme. Mewö.

Polnöj Troas mala Taitusgöra waimanjat mörök.

12 *Nöñon Kraistkö Ölöwak Buñaji jim sehimamgöra aka Troas taonöñ anbiga Kem-bunöñ nanju öröm niñgiiga nupni mianğoreñ memamgö amqeyök. 13 Mewö amqeyökmö, urumelen alani Taitus qahö miwikñaibi keunini qahö jii möralağöra aka waimanjat möta luainöñ urune qahö ahöyök. Mianğöra yaizözköñini jiba engömosöta Taitus jarumamgöra Masedonia prowinsnöñ anal. Mewö.

Kraistnöñ ösum neñgiiga luhut alakzin.

14 Neñon Anutu kewögöra möpöseimakzin: Kraistkö buña aka welenji qeinga Anutunöñ nalö dop suahö galöm ewö aka neñguanğiriga anda köirañ kölakzin. Luhutnöñ plaua jurañagö wöronni ölopni memba kaiga mörakzin. Mianğö dop Anutunöñ nam köl neñgiiga denike denike liliköba Kraistkö könañi jim asariinga aukne asuhum sehiba aniga gölme dop mörakze. Mianğöra Anutu möpöseimakzin.

15 Mianğö könañi kewö: Neñon ambazip Suep mire öngömei aka könöp sianöñ gemei, yengö sutñine anda kainga wöronni sarakni mörakze. Kraistkö könañi jim sehiinga Anutunöñ nupninağö wöronni möt ölöwahakza.

16 Könöp sianöñ gemei, yeñon Buña keunini mötketka mianön keunini jim teköiga kömum köhöimegö möta mönö qamötkö mumu wöronni ewö akza. Suep mire öngömei, yeñon Buña keunini mötketka oyaenkyoayen engimapkö möta mönö malmal kömbönañagö wöronni umköhökambuk ewö akza. Dañon nup mewöni memawağö dop akza?

17 Ambazip tosatni gwötpukñan mönö ni ewö qahö akze. Yeñon malmalñini nanğöbingöra möta Anutugöreñ keu mi kölköl-örörö ewö lañ memba ala jimakze. Nöñon yengö dop qahö ahakzalmö, Kraist qekötahöba köñbiñ mosöta uruni sarakni aiga kinjal. Anutunöñ melaim niñgiyöhi, mi möta yangö jemesoholne kinda Buña keunni törörök jim sehimakzal. Mewö.

3

Jöhöjöhö areñ dölökñangö nup meme ambazip akzin.

1 Nanak könañamni kunbuk könañiba jim ölöwakñamağöra mötmörize me? Mi qahö. Nup meme ambazip tosatñan Korint eñon yengö könañini mötmegöra möta jim ölöwak kimbi ohobingö kapañ kölakze. Tosatñan Korint eñon yengö könañini nanğöba jiba jim ölöwak kimbiñi kimbiñi ohomegöra inini kuñgum engimakze. Nöñon nupni diñdiñanök mealagöra jim ölöwak kimbi mewöñağöra qahö osizal. 2 Anutunöñ Korint inini böröne al engii letota wölböt köñji aka nanñinak nöngö jim ölöwak kimbini ewö akze. Anutunöñ nöngö jim ölöwak kimbini mewö ohoiga ambazip körekñan silik tandökñini dölökñi mi eka oyoñmakze.

3 *Inini Kraistkö papia kimbi ewö akzei, mianön aukne ahöza. Mosesnöñ Köna keunni nanjim onji inñk mianön köt tafenöñ ohoyöhi, inini mianğö dop qahö akzemö, Kraistnöñ kimbiñi engö uruñinağö tafene kewö ohoi kinje: Neñon nup meinga ölni asuhui Kraistnöñ Anutu malmal köhöikni Toñagö Uñaji uruñine ali letotket. Ambazipnöñ nupninağö ölni mi eketka mianön bauköm engiiga nupninağö könañi möt asarimakze.

4 Kraistpuk qekötahöinga Anutunöñ nupninağö tandökñi mötza. Mianğöra nup meinga inini Kraistkö buñaji akeri, mi ölop Anutugö jeñe awösamkakak kinda jizin.

5 Nanini köhököhöi qakne nup ölopni ki Anutugö jeñe membinagö dop akzini, mewö ölop qahö jibin. Nanini yuai kunöñ qahö lapingömakzinmö, Anutunöñ nanñök inahöba mötmöt neñgiiga nup ki memakzin.

6 *Anutunöñ inahöba mötmöt neñgiiga jöhöjöhö areñ dölökñangö nup meme ambazip akzin. Mosesgö Köna keuñagö kulemni mohot mohotköra urukönöp akinak ewö, keu mianön mönö keunini jim teköiga kömum köhöibin. Uña Töröñağö nup areñi jim asariinga yañon mem gulim neñgiiga mal köhöibin. Mianğöra Köna keugö areñi miyök

* 2:12: Apo 20.1 * 3:3: Eks 24.12; Jer 31.33; Eze 11.19; 36.26 * 3:6: Jer 31.31

wuatangömegöra qahö kapan kölakzinmö, Uña Töröñi möt angön kölmeğöra uru kuᅅgum eᅅgimakzin. Mewö.

Jöhöjöhö areᅅ dölökᅅangö nupᅅi mi aködamunᅅambuk.

⁷ *Anutunöᅅ Köna keuᅅi jiba kulemᅅi kötnöᅅ möndömgöba ohoyökmö, ambazipnöᅅ mi qahö tem kölgetka Anutunöᅅ keu mianᅅö dop kewöta likepᅅi melenᅅ eᅅgiiga kömumba köhömuᅅi mala kotket. Anutunöᅅ mutuk Köna keuᅅi neᅅgiiga nalö mianᅅöreᅅ asakmararaᅅan Mosesgö jemesoholᅅi qei asariyök. Asakmararaᅅ mianᅅön waziba ayapkömawaᅅgö dop ahökmö, mi töndup Israel ambazipnöᅅ jemesoholᅅi törörök uba ekingö dop qahö aket. Gwötpuk asariyöᅅangöra mi osiget. Köna keugö Buᅅa areᅅ walᅅan lök mewö asakmararaᅅambuk asuhuyök.

⁸ Mewö asuhuyökmö, Uña Töröᅅan Buᅅa areᅅ dölökᅅi neᅅgii mianᅅö asakmararaᅅan asuhumawi, mianᅅön mönö jöhöjöhö areᅅ walᅅangö asakmararaᅅi oᅅgita önöᅅi qahö asariba jenini gamugamu ahakᅅa. ⁹ Mutuk Mosesgö Köna keu asuhaᅅa kewöt neᅅgiiga mianᅅö dop könöp siagö buᅅaya akzin. Buᅅa keu mi lök aködamunᅅambuk asuhuyök. Mianᅅöra Anutunöᅅ keunini kewöta jim teköi solanibini, Buᅅa keu mianᅅö aködamunᅅan mönö keta bölökᅅi akza. Mianᅅön jöhöjöhö areᅅ walᅅangö aködamunᅅi mi gwötpuk oᅅgita qetbuᅅaᅅambuk akza.

¹⁰ Buᅅa nup walᅅan mutuk aködamunᅅambuk ahökmö, mi Buᅅa nup areᅅ dölökᅅambuk mindiriba kewöriᅅa walᅅi mianᅅön mönö qetbuᅅaᅅi qahö akza. Uña Töröᅅangö nup areᅅ mianᅅö aködamunᅅan öᅅgöᅅgöᅅi akzawaᅅgöra nup areᅅ walᅅan mönö yuai oᅅaᅅi ewö akza.

¹¹ Anutu amötqeqeᅅangö köna walᅅan lök waziba ayapkömawaᅅgö dop ahök. Mianᅅön lök asakmararaᅅambuk asuhuyök. Mianᅅöra köna dölökᅅi teteköᅅi qahö ahöm öᅅgömawi, mianᅅö asakmararaᅅan mönö köna mutukᅅangö asakmararaᅅi mi önöᅅi qahö oᅅgita jenini gamugamu ahakza.

¹² Jöhöjöhö dölökᅅan teteköᅅi qahö bauköm neᅅgiiga asakmararaᅅan asuhumawi, mewö Anutu jörömqöröm al waᅅgimakzin. Mianᅅöra keᅅgötnini qahöpmaᅅöp möta awösamkakak kinda keu mi kusum eᅅgimakzin. ¹³ *Mosesnöᅅ Israel ambazip asakmararaᅅ waziba ayapköyöᅅi, mi ehibepüköra manjat möta jemesoholᅅi opo jähönᅅan esuhuyök. Neᅅön mianᅅö dop qahö ahakzinmö, Buᅅanini aukᅅeyök jimakzin.

¹⁴ Buᅅa walᅅangö asakmararaᅅi eketmö, uruᅅinan töndup gwözöᅅᅅi laᅅ mala kotket. Nalö kewöᅅe mewöyök yuai kunᅅan mönö opo jöhan mianᅅö dop Juda ambazip gwötpuk yeᅅgö uruᅅini gwözöᅅᅅi malje. Mianᅅöra Jöhöjöhö Walᅅangö Buᅅa keuᅅi keuᅅi oyoᅅjei, mienᅅö könaᅅini mi törörök qahö möt asarimakze. Uruᅅini melenᅅa Kraistpuk toroqeqetka mewö mianᅅönök mönö opo jöhanᅅini mi qeköi möt asarime. ¹⁵ Nalö kewöᅅe mewöyök Mosesgö Köna keuᅅi oyoᅅgetka yuai kunᅅan mönö opo jöhan ewö uruᅅini gwözöᅅᅅi mötmötᅅinan lömbörii malje.

¹⁶ *Mewö maljemö, Buᅅa Kimbigö keu kun kewö ahöza, “Mosesnöᅅ ‘Kembubuk eraum mötpit,’ jiba opo jöhanᅅi mesoholᅅeyök qeközapma.” Keu mewö ahöiga yeᅅgöreᅅök kunᅅan uruᅅi melenᅅa Kembubuk toroqezawi, nalö mianᅅöreᅅök mönö yuai opo jöhanᅅangö dop mi qeköi Anutugö amötqeqeᅅangö könaᅅi möt asarima. ¹⁷ Keu mianᅅön “Kembugöra” jiba mi mönö Kembugö Uᅅaᅅangöra jiza. Kembugö Uᅅa Töröᅅan denike yeᅅgö uruᅅine maljawi, yaᅅön mönö siᅅgisöndokᅅinaᅅgö kösöᅅi pösariga solanᅅi (fri) malje. (Mewö mala solanᅅi diᅅdiᅅi akingöra Köna keu wuatangöbingö qahö kapan kölakze.)

¹⁸ Mianᅅö dop urunini melenᅅinga Kembugö asakmararaᅅan körek neᅅgö je mesoholnine kuᅅguiga bilikbilik aliga jenini qahö esuhuinga ambazipnöᅅ neᅅgeka Anutugö aködamunᅅi qetpuk mi piliknöᅅ uba ehökö tandök ehakze. Nini mi qarim sehiba

* 3:7: Eks 34.29 * 3:13: Eks 34.33 * 3:16: Eks 34.34

ehakņeangö dop letorakin. Mewö letota aködamunņi qetpuk mi qariba asariba Kembugö tandöktandök ahakin. Kembunöņ Uņaya akzawi, yangö asakmararaņan mönö mewö mem letot neņgimakza. Mewö.

4

Nini kourañen ewö ahinga Uņa Töröņan ölni akza.

¹ Anutunöņ ak kömum neņgiyöhaņgö dop nup ki qaknine ali memakzini, miangöra mönö böņ kininga uruninan qahö etma. Qahö! ² Neņön nup memegö köna tölapņi gamuņinambuk mi körek andö qein. Tilipqilip qahö aka Anutugö keuņi qahö möwöramgömakzinmö, keu ölni mi aukņeyök alakzin. Mewö Anutugö jemesoholņe ambazip uruölöwak möt neņgimegöra kininga jim ölöwak keuninan asuhui körekņan keunöņ törörök jim neņgibingö osimakze.

³ Mewö ahakzinmö, inini tosatņan kewö jimakze, “Polnöņ Ölöwak Buņañi mi esuņambuk jimakza.” Mewö jibilenak ewö, esu mianöņön könöp sianöņ gemei, mönö yeņgö uruņine ahöba miangöra gwözöņniga qakömakze.

⁴ Kraistnöņ Anutugö imutņi akza. Kraistkö aködamunņi mi nanņi Ölöwak Buņañan indela asakņi ewö asarimakzapmö, yeņgö jeņinan ömuņ köli jipjap ahakza. Nalö kewöņe bölöņaņgö Kembuņi gölme dop galöm köl eņgimakzawi, yaņön urumelenğö kopa ambazip yeņgö mötmöt jeņini mem gömöliiga laņ malje. Miangöra Ölöwak Buņagö asakņi ek asaribingö osimakze.

⁵ Nani qetbuņanan qarimapkö Buņa keuņi qahö jim asarimakzalmö, eņön Kembu Jisös Kraistkö könaņi möta jitņi tem kölmegöra uru kuņgum eņgimakzal. Neņön Kembugö jitņi wuatangöba inini welen qem eņgimakzin. ⁶ *Könaņi kewögöra welen qem eņgimakzin: Anutunöņ mutuk kewö jim kutuyök, “Asaknan mönö söņaup qeiga asarima.” Mewö jiyöhaņön mönö Buņañangö asakņi ali urunini qeiga asariyök. Kraistnöņ ahakmemeņi aka meiga Anutugö asakmararaņan jemesoholņe asarii ekeri, Anutunöņ nini miangö könaņi möt kutubingöra kapaņ kölakza. Asakņaņgö könaņi jim sehibingöra aka asakņi mi neņgiyök.

⁷ Asakņan urunini qei asariinga mötkutukutu miangö bohonņi mi milyön kina oņgita öņgöņgöņi akzapmö, silenini mi kourañen ewö amqeba julakza. Anutu asakņan mönö sile mewöņaņgö uruņe ahöza. Ambazipnöņ miangö könaņi ekņegöra Anutunöņ areņi al neņgiyök. Dopkeu miangö könaņi kewö: Kukösum önöņi qahö al neņgimakzawi, mi neņgöreņök öne asuhumakzawaņgö dop qahöpmö, Anutunöņ mönö miangö Toņi akza.

⁸ Eu emu likep likep miangöreņök lömböt könaņi könaņi qaknine öņgöba qölölömbörim neņgigetka wahöjalin mörakzin. Mi mörakzinmö, töndup mienöņ qahö qözöjahöm neņgigetka erakzin. Nalö tosatņe juņ ewö waņgömmje qaköba köna qahö miwikņaimakzinmö, töndup tötböröm qahö ahakzin.

⁹ Ambazipnöņ sesewerowero ak neņgimakzemö, Anutunöņ andö qahö neņgumakza. Ambazipnöņ mulungöm neņgimakzemö, töndup qahö ayuhumakzin. ¹⁰ Jisös qem kömuger, miangö dop nini mewöņaņök buņañi jim sehimakzinaņgöra aka neņguget kömumbinbukö möta anda kaba maljin. Jisösbuk mal köhöninga inahöm neņgimakzawi, ambazipnöņ miangö könaņi möt kutumegöra aka mewö malbingö urumohot akzin.

¹¹ Gölmenöņ jebuk mala Jisösgö nupņi memakzinaņgöra aka nalö dop kömumbingö dop akzin. Sileninan kömumawaņgö dop akzapmö, Jisösnöņ urunine mal köhöiba silenini mem gulimakzawi, ambazipnöņ miangö ölni ek asarimegöra aka kinjin. ¹² Nini nalö dop sihimbölä möta kömumbingö dop ahakzinmö, nöņön eņgö sutņine nup memba malali, eņön miangöra aka guliba malmal köhöikņe aņgota mal öņgöme.

* 4:6: Jen 1.3

¹³ *Sumbara (Sam) kunöŋ keu kewö ohoget ahöza, “Anutu möt nariba kömupnöhök meköm neŋgimapkö köuluköba malal.” Neŋön keu miangö dop kömupnöhök meköm neŋgimapkö möt narizin. Mötnaripkö Uŋa Töröŋi miyök buŋa qem aŋguzinaŋgöra neŋön mönö mewöyök keunini jiba köulukömakzin. ¹⁴ Anutunöŋ Kambu Jisös mem gulii kömupnöhök wahöröhi, yaŋön mönö nini mewöyök mem gulim neŋgii wahöta Jisösbuk öŋgöinga jemesoholŋe al neŋgii embuk mohotŋe mal öŋgöbin. Mi mötzinaŋgöra aka keunini jiba köulukömakzin.

¹⁵ Keunini jiba köuluköinga Anutugö kalem möriamŋan toroqeba ambazip sehisehiŋi dop köl eŋgima. Mewö aiga yeŋön amqeba Anutu keleŋmaleleŋ möpöseigetka qetbuŋaŋan sehimakza. Eŋön mewöyök Anutu möpöseim sehimegöra mötzal. Miangöra lömböt könaŋi könaŋi bisiba aum-möröiba maljin.

Mötnarip malmalŋaŋgö tandök mi kewö:

¹⁶ Nini mem gulim neŋgimapkö möta mönö böŋ qeba kininga uruninan qahö etma. Öŋa silenini ewö waziba soholimakzinmö, mi töndup urunini ewö nalö dop kölönaimakzin. ¹⁷ Mi kewögöra: Gölmenöŋ kahasililiŋ nalö töröptökŋi möta malbinmö, miangö andöŋe asakmararaŋ önöŋi qahö miwikŋaiba teteköŋi qahö oyaenŋkoyaen malbin. Asakmararaŋ aka kahasililiŋ yahöt mi kewöt etkiinga asakmararaŋ miangön mönö öŋgöŋgöŋi aiga gölmegö kahasililiŋ könaŋi könaŋi mi möriŋga awamŋi aka eretŋi akza.

¹⁸ Ambazip aka öröyuai jenöŋ ehekŋi mi nalöŋini teköi ayapkömemö, Suep mirigö öröyuaiŋi nalö kewöŋe qahö ehakzini, mienöŋ mönö nalö teteköŋi qahö ahöm öŋgöme. Miangöra neŋön jeninan ehekŋi mia qahöpmö, qahö ehekŋi mönö miengöreŋ göröken uba eŋgehakzin. Mewö.

5

Polnöŋ Suepkö oyaenŋkoyaen koumnöŋ anmamgö mörök.

¹ Neŋön keu ki mötzin: Gölme silegö opo seri koumŋe malinga kömupnöŋ mi köndenŋiga etmawi, Anutunöŋ nalö miangöreŋ silegö miri dölokŋi nanŋak meiga Suepnöŋ ahömawi, mi buŋa qem neŋgiiga miangöreŋ malbin. Silegö miri qainŋi kun mi teteköŋi qahö köhöikŋi ahöm öŋgöma.

² Keu mi möta nalö sutŋe kiangöreŋ letotpingö osongom köla Suep malmal mirinine öŋgöbingö möta awöweŋgömakzin. ³ Suepnöŋ öŋgöinga sile qainŋi kunöŋ löŋgöt neŋgii tatpini, nalö miangöreŋ mönö uŋa sile meinga kunŋan aukŋe qahö miwikŋaim neŋgima.

⁴ Gölme sile ki qekömegöra qahö mötzinmö, Suep malmal mirinine öŋgöba silenini dölokŋi membingö awöweŋgömakzin. Sile ki kömumawi, mi malmal köhöikŋan gwahöri qahöwahiga Anutunöŋ salupŋe oyaenŋkoyaen sileya neŋgimapkö mötzin. Miangöra nalö kewöŋe seri koum kiangö uruŋe mala urulömbötnini bisiba letotpingö osongom ahakzin.

⁵ Anutu nanŋak Suep sile membingöra möta miwikŋaim neŋgiba Uŋa Töröŋi urunine aliga oyaenŋkoyaen akingö dangunuŋi akza.

⁶ Miangöra neŋön mönö nalö dop ewebibininambuk saitingit mal köhöiba kewö mörakzin: Sileninaŋgö malmal koumnine ki malbini, nalö miangö dop eu Suep malmal mirinine Kambu Jisösbuk qahö malbin. ⁷ Nalö kewöŋe Suep mirigö öröyuaiŋi qahö uba eŋgehakzinmö, töndup mi möt nariba miangö dop aka memba malinga nam köl neŋgimakze. ⁸ Miangöra ewebibininambuk köhöiba sileninaŋgö malmal koumŋi ki mosöttingö kapaŋ köla mirinini öŋi eu öŋgöba Kembubuk malbingö mötzin.

⁹ Miangöra mirinine ki me eu malbini, neŋön mönö urunini Kambu Jisös uruölöwak ak waŋgibingöra jöhöba miangöra köhöiba kapaŋ kölakzin. ¹⁰ *Miangö könaŋi kewö: Körek neŋön mönö Kraistkö keu jakeŋe asuhubin. Gölmenöŋ silebuk mala Kambuŋö jitsihitŋi

* 4:13: Sum 116.10 * 5:10: Rom 14.10

dopne tem kölini me qötömötötañ ahini me önewat lañ malini, nanñak mönö keunini mi kewöta miangö dop töwanini nanñök nanñök neñgii buña qem añgubin. Mewö.

Ambazip Anutubuk urumohot aknegö nupñi memakzin.

¹¹ Kraistkö keu jakeñe kinbini, neñön mi möta Kembangö mötmötñi ongitpinbuköra kenğötnini mörakzin. Mi mötzinañgöra ambazip könanini sarakñi mötmegöra kapan köla uru kuñgum engimakzin. Könaninan mönö Anutugö jeñe aukñe ahöza. Nöñön tilipqilip azia qahö, eñön mewöyök mi uruñinan möt yakömegöra möta jörömqöröm akzal.

¹² Mewö jiba nanini jim ölöwak keunini mötmegöra kunbuk qahö kapan kölakzalmö, könanini miyök jim asarim engimangö mötzal. Inini mi möta ölop neñgö silenini mi böhi takapulakanñi yeñgö jeñine möpöseigetka dop kölma. Yeñön yuai engö uruñine ahözawi, miangöra qahöpmö, sileninañgö yuaini jenöñ ekingö dop akzawi, mönö miangöra aiweliköba nanñini silenini memba öngöba keu lañ jimakze. Miangöra keuni ki jizal. Eñön yeñgö keuñini gilipitñi (ambetakñi) mötzeañgöra mönö neñgö könanini jim asariba törörök melenj engime.

¹³ Eñön nöñgöra “Urusohop tandök ewö akza,” jiget ewö, nöñön mönö Anutu nupñañgöra aka urukönöp aka malal. Tosatñan nöñgöra kewö jize, “Urukönöpñi qahöpmö, keuñi ösöñök jimakza,” Mewö jize ewö, mi mönö inini bauköm engibingöra aka ahal. Miangöra ölum engubapak.

¹⁴ Miangö könañi kewö: Kraistnöñ jöpaköm neñgimazawi, miangön mönö kondota kuñgum neñgiiga nupñi memakzin. Azi mohotnöñ körek neñgö salupnine neñgö kömupnina kömuyök. Miangöra siñgisöndokninañgö likepñi qahö melenj neñgiyökmö, körek neñgö siñgisöndoknini mosöri toroqeba köhömuñi qahö akzin. Keu mi möt asariba möt yaközini, Kraistkö urukalemñan mönö körek nini jölöngöba nupñi membingöra kuñgum neñgimakza.

¹⁵ Yañön mönö kewögöra körek neñgö salupnine kömuyök: Gölmenöñ jebuk maljini, neñön mönö malmalnini toroqeba naninañgörök malbinbuk. Mewö qahöpmö, kun neñgöra aka kömumba wahöröhi, malmalnini mönö yañgöra tököba ala malbingöra kömuyök.

¹⁶ Miangöra urunini melenjini, nalö miangöreñök könahiba ambazip silesile qahö kewöt engizin. Ambazip kun gölmenöñ silikñañgö dowök qahö möt kutum wañgizin. Mutuk Kraist kewöta möringa gölme azi töhön ahökmö, nalö kewöñe möt kutum wañgiinga Suepkö Amötqeçe Tonina akza. ¹⁷ Miangöra kunñan Kraistpuk qekötahöza ewö, yañön mönö ahuahu dölökñi ahuaba dömqñi dölökñi akza. Malmal walñan ayapköiga malmal dölökñañ mönö salupñe asuhum wañgiza.

¹⁸ Mewö maljapmö, yuai pakpak miangö kondotkondot Tonji mi Anutu. Yañön Kraist melaiiga töwanini qeba neñgömeiga Anutu nanñambuk urumohot akingö könañi möwölöhöyök. Köna mewö asuhuiga Anutunöñ nup neñgiiga neñön ambazip Anutugö alaurupñi aknegöra jölöngöba kuñgum engimakzin.

¹⁹ Anutubuk urumohot akingö könañi kewö: Kraistnöñ eta gölmeñi gölmeñi neñgö töwanini qeiga dop köli Anutunöñ neñgömeiga alaurupñi ahin. Köna ongitita mala korini, siñgisöndok miengö keuñini qahö oyoñda mötmöröba likepñi qahö melenj neñgiyök. Anutugö alaurupñi ahinga möt narim neñgiba Kraistkö töwagöra aka Anutubuk urumohot akingö Buña keuñi mi börönine alök.

²⁰ Mi aliga Kraistkö jitmemeurupñi akzin. Anutunöñ keu sañep al neñgii miangö dop ambazip uruñini kuñgum engimakzin. Kraistkö jitñi memba kapan köla kewö qesim engimakzin: Mönö Kraistkö töwañi buña qem añguba Anutugö alaurupñi akñe.

²¹ Anutunöñ körek neñgö siñgisöndokninañgö keuñi jim teköba likepñi melenjda Kraist siñgisöndok kun qahö ahöhañgö qakñe ali öngöiga salupnine sihimbölö mörök. Kraistkö sihimbölöñi miangöra aka yañgöreñ qekötahöinga Anutunöñ ölop keunini jim teköi solanibin. Mewö.

6

¹ Nini Anutu nanñangö nup meme alaurupñi akzinangöra aka uruñini kewö kuñguzin: Anutugö kalem möriamñan omani akapuköra mi mönö buña qem anguba malme.

^{2*} Anutunöñ keu kun kewö jii Buña Kimbinöñ ahöza, “Gehorimangö nalönan kam kuñguiga nöñön köuluki möral.

Amötqeçe nalönan kam kuñguiga miangöreñ bauköm gihial.”

Keu mewö ahöiga mötket! Nalö dölkianön mönö Anutugö amötqeçe nalöñi akza. Anutunöñ engehoremangö möri nalönan kam kuñguiga ak-kömükömuñi mi mönö döлки buña qem angume. Mewö.

Polnöñ kahasililiñ könañi könañi miwikñaiyök.

³ Neñön mönö kungö uruñan neñgöra aka böli etpapuköra galömnini mem angumakzin. Jim neñgigetka nupninan keuñambuk aka etpapuköra mewö ahakzin. ⁴ Anutugö nup meme ambazip ölop sorokñi akzini, ahakmeme pakpakninan mönö mi kondelakza. Kahasililiñ aka jañgauranga könañi könañi ak neñgigetka wahöjaliñ uruñe maljinmö, miangöreñ mönö mökösoñda kapan köla kin köhöimakzin.

^{5*} Ihilek wahiñambuknöñ neñguba köso miriñi miriñi miangöreñ al neñgigetka malin. Karimñi karimñi asuhugetka miangö uruñe kömumbinbukö keñgötnini möta malin. Gaun guli aka nenegöra wösönini aliga malinmö, töndup silenini qeba nup memba malin.

⁶ Ahakmeme sarakñi wuatangöba Anutugö sihimñi möt asariba lömböt möta mökösoñda ambazip ala ak engimakzin. Uña Töröñan urunini kokolak qeiga sutñine geñmoñi qahö jöpaköm engiba maljin. ⁷ Keu ölnanök jiinga Anutugö kukösumñan bohon köñ neñgiiga ahakmeme solanñangö timbi saiwanñi meinga böro ölnine aka qaninine ahöiga kinjin. Mewö kinda likep Buña keu jim sehiba likep keu munenñi silenine algetka miangö likepñi jim mindingöba malin.

⁸ Qetbuña neñgigetka silenini qahö möpöseimakzin. Yom jiba gamu qem neñgigetka uruninan qahö erakza. Neñgöra kösohot ölopñi kösohot bölöñi mi lañ jimakze. Munenñi jiji ambazip ewö ak neñgimakzemö, töndup keu ölnanök pakpak jimakzin.

⁹ Ambazipnöñ könanini ölop möt kutumakzemö, töndup tosatñan nöñöñgan aka nesampurek ak neñgimakze. Nalö tosatñe kömumbingö aka malinmö, töndup toroqeba jebuk maljin. Kegwek-kahasililiñ ewö neñguba malgetmö, töndup qahö kömuin. ¹⁰ Wösöbiriknöñ neñguiga töndup nalö dop söñgaiba maljin. Wanapñi mala töndup ambazip gwötpuk bauköm engiinga uruñinan pomñi ahakze. Gölmegö sukinapnini qahöpmö, töndup oyaenköyaen pakpak buña qem anguba pipsimbawoñ maljin.

¹¹ O Korint ambazip, neñön mönö uruninangö nañguñi engöra öröba keu kun qahö kölin geiga könanini aukñeyök jibiga mötze. ¹² Eñön neñgö urumötmötnini mötpepuköra mi qahö angön kölakzinmö, neñön engö uruñini mötpinbuköra mönö nanñinanök angön köñ angumakze.

¹³ Nöñön urumötmötni engibiga eñön mönö miangö likepñi mewöyök törörök niñgime. Nöñön nahönböraturupni ewö tandök keu engöra kewö jiba ohozal: Inini mewöyök mönö nanñini uruñinangö nañguñi öröba urukalemñini mi sehiba kondel neñgime. Mewö.

Mötnariñini qahö yembuk kude qekötahöme.

¹⁴ Ambazip uruñini qahö melenñeri, yembuk mönö uruñini kude jöhöba* öröröñ kude malme. Malmal solanñi aka malmal gonñi mi nanñök nanñök akzahot. Mi mindirim etkibingö osibin. Söñaup aka asakñi mi mohotñe qahö akzahot. Qahö! ¹⁵ Kraist aka Katakömulat (Satan) yetkөн mönö urumohot aka mohotñe malbitkö osimahot. Miangöra

* **6:2:** Ais 49.8 * **6:5:** Apo 16.23 * **6:14:** Köñjöñ me mötöp (yoke) mi hos me bulkamau yahötkö imbiñire alget geiga kare me kinöñ yuai örömakhahot. Mewö nanñiri imbi-imbi akitkö osimakzahot. Mewö janjuñ anbanbuk.

urumelen ambazip kunjan ahakmemeni urumelen gö kopa ambazip kun yambuk mohotne mindiriba akitkö osimaknahot. ¹⁶ *Anutu nanjak keuji kun kewö jii ahöza, “Nöñön könagesöni yengö urujine mala sutjine anda kaba Kembunini ak engibiga yenön nöngö weleni qeba möpöseim ningiba malme.”

Keu miangö dop Anutugö Uñajan urujine maliga sileninan Anutu malmal köhöikni Tonangö jikenji akza. Anutunöñ nanji jöwöwöl jikenje tandö lopion möpöseibingö songo ali ahöi osimakzin. Anutugö jikenji aka asa jikenji mi inanök inanök. Miangö dop neñön urumelen gö kopa ambazip yembuk qekötahöbingö songo ali ahöi osimakzin.

¹⁷ Miangöra injini mönö Kembunöñ keu kewö jiyöhangö dop akne,

“I mönö engömosöta yaigep kaba kambu nanji kun malme.

Anjöjörakñinambuk ahakzei, mi mönö kude engoseigetka nöñön möt anğön köla köyan köl engiba malmam.

¹⁸ Nöñön mönö Iwinini akiga injini nöngö nahönböraturupni aka malme.

Kembu kukösum pakpakö Tonjan mewö jiza.” Mewö.

7

¹ O wölböt alaurupni, Anutunöñ mönö köyan köl neñgimangö keuji mewö jöhöm neñgii ahöza. Miangöra yuai sile uñanini mem tölöhozawi, neñön mönö mi körek qeköbingöra Kraist köuluköinga amöt qem neñgima. Anutugö jitni ongitpinbuköra mönö keñgötnini möta kapan kölinga mem solanim neñgiiga sarakni ak teköbin. Mewö.

Urujini melengerangöra Polnöñ uruölöwak mörök.

² Neñön kun qahö mem bölim wanjiinga ayuhuyök. Kun qahö geñmororon ak wanjiin. Miangöra enön mönö urujinangö nanjuñi öröba nini urunöñ jöhöm neñgiba malme.

³ Tosatjan sutjine nup memba silenöñ alal keu mewö jiba jim neñgigetmö, nöñön keu mi engö keujini jim teköba likepni melen engimangöra aka qahö jizal. Nöñön lök keu kewö jibi mötket: Neñön uruninangö nanjuñi öröba injini uruninan jöhöm engimakzin. Mewö aka ölop embuk öröröñ jöhöba kömumbin aka öröröñ mal köhöibin.

⁴ Engö uruyahöt qahö mötnaripni ketani engiba maljal. Engö silenini mönö gwötpuk möpöseimakzal. Engöra aka urukölalepni ketani miwikñaizalangöra kahasililin könanji könanji möta miangöreñ mönö töndup önöñi qahö söñgaizal.

Masedonia prowinsnöñ anda Taitusbuk aitonğöit.

⁵ *Taitus jaruba malalangöra* jiali, keu mi toroqeba jimam. Masedonia prowinsnöñ kangota miangöreñ mönö mewöyök uruluai miwikñaimangö osial. Denike denike anali, miangöreñ mönö köñjilin könanji könanji miwikñaial. Anutugö bim qeba tosatni yembuk anğururuk aka engöra waimanjat möta malal. ⁶ Mewö malalmö, Anutunöñ urueret ambazip nangöm neñgimakzawi, yanön mönö Taitus kayöhi, mianön urukölalep ak ningiyök.

⁷ Taitusnöñ kayöhi, mianönök qahöpmö, Korint enön urukölalep ak wanjigetka yanön jii mötpiga Anutunöñ mianön mewöyök urukölalep ak ningiyök. Engö kösohotnini kewö jiyök, “Enön ni nekingö köpösöngöba kinje. Wösöñini ölña möt ningiba lömböt ningigerangö keuji jiba nöngö likepne nangöba jibingö jöjörömakze.” Kösohot mi jii möta urusösöngai keta bölökni möral.

⁸ Nöñön urujini Buña keunöñ kunguba kimbi mi ohobi oyonnda nanjini möt bölim anğugeri, miangöra qahö möt bölim anğuzal. Mutuk möt bölim anğuyali, mi töndup nalö kewöñe kewögöra kunbuk söñgaizal: Kimbi keunan urujini mem bölii wösöbirik aketmö, wösöbirik mianön mönö melen da nalö töröptökñanök ahöba teköyök. Könanjini mewö ehal.

⁹ Nalö kewöñe injini möt bölim anğugereñgöra aka qahö söñgaizalmö, kewögöra söñgaizal: Injini ahakmemenjanangöra aka möt bölim anğugetakka gamu wösöbirikñinan bauköm enjiiga

* **6:16:** Lew 26.12; Eze 37.27; 1 Kor 3.16; 6.19; Ais 52.11; 2 Sml 7.14; 1 Hist 17.13; Ais 43.6; Jer 31.9 * **7:5:** 2 Kor 2.13 * **7:5:** 2 Kor 2.13 miangöreñ Taitusgöra jiyök.

uruḡini kunbuk melenḡa diḡiget. Mi Anutugö jitrangö dop asuhuiga uruḡinan mönö nenḡöra aka qahö böliyökmö, ölna bauköm enḡial.

¹⁰ Siḡisöndökninangöra aka möt bölim anguzin ewö, gamu wösöbirik mianḡön mönö bauköm nenḡiiga urunini kunbuk melenḡa diḡibin. Diḡibinangörenḡ Anutunöḡ mönö nenḡuanḡiri Suepnöḡ öḡḡöbin. Mianḡöra kunḡan uruḡi melenḡa mianḡöra qahö möt bölim anguma. Gölm ambazip tosatḡan siḡisöndokḡinangö wösöbirik mörakzemö, Anutunöḡ mi mosötmapkö qahö qesime ewö, yaḡön mönö likepḡi melenḡ enḡiiga kömum köhöime.

¹¹ Enḡön Anutugö sihimḡangö dop wösöbirik aketka gamu mianḡö ölnan uruḡine ahui letotkeri, mi kewöta ek welipköba kewö jime, “Nini gönmönahotnini mosöta urunini tokoba urukönöp qakḡe wahöta könanini sohosoḡöḡi kewöta mindiḡöin. Ambazip siḡisöndok akeri, miḡḡöra uruninan wahöri sisit memba jim enḡiin. Anutugö jitrḡi öḡḡitpinbuköra auruba keḡḡötnini möta Polnöḡ kaba uru melenḡinangö ölni ekḡapakö köpösöḡöba malin. Urunini ahakmeme diḡdiḡi akingöra alin aka kunöḡ köna qi-witipköyöhi, mi mindiḡöm waḡḡibingö jöjöröba malin.” Mewö jigetka dop kölna. Nalö kewöḡe köna diḡdiḡi wuatangözei, mi kondel niḡigetka ehal.

¹² Mianḡöra kunḡan sutḡine böliyöhi, iyök mindiḡöm waḡḡimegöra aka kimbini qahö ohoyal me kun i mem bölim waḡḡiyöhi, iyök bauköm enḡimegöra kimbi mi qahö ohoba alal. Mi kewögöra ohoyal: Inḡini Anutugö jemesoholḡe nömbuk urumohot akingö kapan kölakzei, silik mianḡön mönö aukḡe asuhumapköra kimbi mi ohoyal.

¹³ Nani urukölalepni miyök qahö mötzalmö, Taitusḡö uruḡan sutḡine ölöwahi ehinga mianḡön mewöyök uruni naḡḡöi önöḡi qahö söḡḡaimakzal. Enḡön körekḡanök Taitus körorö-ölöwak qem waḡḡigerangöra söḡḡaimakzawi, sösoḡḡai mianḡön mönö mewöyök naḡḡöm kölni niḡḡii mianḡöra önöḡi qahö söḡḡaizal. ¹⁴ Nöḡön silikḡinangöra silenḡini Taitusḡö jeḡe möpöseiba malali, enḡön mianḡöra gamu qahö niḡiget. Nöḡön enḡö sutḡine mala keu pakpak jibi mötkeri, mi ölnanök jial. Mianḡö dop enḡö keuḡini Taitusḡö jeḡe jim möpöseiba malali, keu mianḡön mönö mewöḡanök könanḡini mindiḡögetka ölni ahök.

¹⁵ Inḡini körek pakpak mönö nöḡḡö keuni tem köla Taitusnöḡ kaiga sömbuḡinambuk möta jönömḡini undui kölni örom waḡḡiget. Taitusnöḡ silikḡini mi mötmöriba keu jiiḡa uru ölöwakḡan enḡöra aka qarriiga köhöiba möpöseim enḡimakza. ¹⁶ Nöḡön ahakmemenḡini pakpak mötmöriba mianḡörenḡ mönö ölop enḡöra aka ewebibinambuk möt köhöiba saitḡḡit malmam. Mianḡöra söḡḡaimakzal. Mewö.

8

Urumelen alaurup naḡḡöm enḡibingö keuḡi

¹*O urumelen alaurupni, Anutunöḡ kalem möriamḡi urumelen könagesöḡi könagesöḡi mianḡörenḡ nenḡii ölnan mönö Masedonia prowins uruḡe ölopḡanök asuhuyök. Nöḡön inḡini mianḡöra gukmaulem malbepuköra möta kösohotḡi kewö jimam: ² Yeḡön ka-hasililij miwikḡaiba mötketka lömbötḡambuk esapköm enḡiiga wanapḡi kötökḡi maljemö, mi töndup önöḡi qahö söḡḡaigerangöra aka urumelen alaurup naḡḡöm enḡibingöra monen naluk keta bölöḡḡi alget.

³ Yeḡö könanḡini kewö naḡḡöba jimam: Kunḡan qahö kuḡḡum enḡii nanḡini sihimḡinan töndup ahuiḡa amqeba ösumḡinangö dop nalukḡini alget aka mi tok öḡḡita enḡiget. ⁴ Yeḡön mönö kapan köla gwötḡuk kuḡḡum nenḡiba kewö uleta jiget, “Nini tok Judia prowinsḡö ambazip sarakḡi bauköm enḡibingö mötzin. Mianḡöra Pol, gi ölop Öḡ! jinöḡḡa mönö simbawöḡ möta nup mianḡö bahöḡi amqeba membin.”

⁵ Mewö jiget jibiga naluk almeḡö mambörali, mianḡö dowök qahöpmö, mi öḡḡita kewö aket: Yeḡön mutuk naḡḡönangö Kembugö jeḡe dop köljawi, mi akingöra uruḡini jöhöget aka mianḡö andöḡe Anutugö jitrḡi tem kölböḡö möta nanḡini malmalḡini mi mewöyök nenḡö böronine alget. ⁶ Mianḡöra Taitus kewö jim kutum waḡḡial, “Gi mönö

* 8:1: Rom 15.26; Eks 16.18

nanğönanğö nup mi lök könahiba menöñ. Mianğöra mi mönö toroqeba Korint könagesö bauköm enğinöñga urukalemñini kondela moneñ naluk ketanji mi kunbuk toroqeba algetka sutñine teköma.”

⁷ Urugö yuai könaji könaji mi kelenmaleleñ buña qem anğuba kewö aka malje: Ölöpñanök Kraist möt nariba Buña keu öñji jim soroköba Anutugö sihimñi möt kutuba tosatñi nanğöm enğibingö pöndan kopösöñgömakze. Enön mönö tosatñi enğonğita ölöpñanök jöpaköm neñgiba qetpuk akze. Mianğö dop nanğönanğö nup ki mewöyök mönö ölop mem soroköba tosatñi enğonğitketka qetpuk akña.

⁸ Mewö jiba moneñ almegöra qahö jim kutum enğizal. Mi qahöpmö, urukalemñini geñmoñambuk akza me qahöwi, mönö mi esapesapnöñ ala könajini mötmamgö mötzal. Könagesö tosatñan gönmonahot mosöta nanğönanğö nupñini öl töhönña memba zeñ kinjei, keu mi jiba mianjön inñini esapköm enğizal.

⁹ Naluk dawik almegöra kewötmei, mianğoreñ mönö Kembunini Jisös Kraistkö könajangö tandökñi mötmörime. Inñini yanğö kalem möriamñi ketanji mi kewö mötze: Yanön Suepkö öröyuai pakpakö Tonji öngöñgöñi ahökmö, töndup inñini oyaenkyoaenğö pomñi akñegöra aka gölmenöñ eta etqeqeñi aka malmalñi tököba mosörök.

¹⁰ Moneñ almegöra qahö jim kutum enğizalmö, Jisösnöñ söpsöp alöhi, mianğö dop qambañni miyök enğizal. Enön yambu emune lök nanğönanğögö mutukñi aka mianğö nupñi kapañ köla meget aka mi toroqeba membingö sihimñi köhöikñi mötket. ¹¹ Nalö kewöñe nupñini mi mönö mem teköme. Mutuk nanğönanğö nup membingö kapañ köla awöweñgögeri, mianğö dop mi mönö toroqeba mem teköme. Yuai ahöm enğizawañgö dop mönö nalukñini gwötpuk alme. ¹² Mianğö könaji kewö: Naluk albingö sihimñinan ahuba ahöza ewö, mönö yuai ahöm enğizawañgö dop algetka Anutunöñ möt anğön köli dop kölja. Yuai qahö ahöm enğizawañgö dop mönö qahö kewöta jim enğimakza.

¹³ Naluk ketanji algetka alaurup yeñgö malmalñinan amqeiga nanñini qakñine lömböt öngömapköra qahö mötzinmö, alaurup osiba mözöröñgözei, yembuk mendenđa öröröñ malbingöra mötzin.

¹⁴ Mianğöra nalö kewöñe yuai kelenmaleleñ ahöm enğiiga tosatñan malmalñinangö yuaigöra osizei, inñini mönö mi bauköm enğigetka dopñe akña. Mewö aka nanñini könangep yuaigö osigetka yeñgö öröyuaññinan kelenmaleleñ ahömawi, nalö mianğoreñ mönö i kun bauköm enğime. Mewö ak anğugetka alabauk silikñinan öröröñ akña. ¹⁵ Mi Buña keu ki ohoget ahözawañgö dop akña, “Gwötpuk mem tokoba malgerañön nanñini dop negetka numbu surukñini qahö ahöiga boromborom mem tokoba malgerañön nene yuaigöra qahö osiget.” Mewö.

Neñakurup karöbut melaim enğiinga kaba bauköm enğime.

¹⁶ Anutunöñ Taitusgö uruñi sölölohöiga enğöra ni ewö waimanjat möta bauköm enğimamgö kapañ köla malja. Mianğöra “Anutu saiwap!” jizal. ¹⁷ Nöñön Taitus enğoreñ kamapkö qesiba uruñi kuñgubiga imbiñi meleñnok. Miyök qahöpmö, nanñak inñini bauköm enğimamgö möta kopösöñgöba nanñi sihimñangö dop neñgömosöta Korint enğoreñ kamamgö jiyök. ¹⁸ Neñön urumeleñ alanini kun melaininga yambuk kamahot. Kianğoreñ Ölöwak Buña jim sehimakzawañgöra i mönö urumeleñ könagesö dop möpöseim wañgimakze.

¹⁹ Yanğö keuñi toroqeba kewö jimam: Masedonia urumeleñ könagesö yeñön mönö i möwölöhögetka nanğönanğö nalukñi mi memba nembuk mohotñe köna anbin. Neñön Kambu nanñangö qetbuñañan sehimapköra möta naluk ketanji mi ölop galöm köla Judia prowinsnöñ anda enğibin. Alabauk enğibingö urukalemñini mewö aukñe kondeljin.

²⁰ Mewö aka nanğönanğö naluk ketanji mi tilipqilip asuhui sohobapuköra ölop galöm köl soroköbin. Kunğan siliknini mianğöra jim neñgibapukö möta kapan köljin. ²¹ *Keu mianğö kōnanji kewö: Neñon silik Kembugö jeñe diñdiñi akzawi, mi qötöñgatpinbukö galöm mem anğumakzin. Miyök qahöpmö, silik ambazip jeñine dop köljawi, mi mewöyök akingö möta kapan köljin.

²² Yetpuk urumelen alanini kun mi mewöyök melaininga kama. I nalö gwötpuk esapköm wañgiba tandökñi kewö ehin: Yanñon mönö nalöñi nalöñi Kembugö nupñi memamgö könöpkönöp ahakza. Nalö kewöñe inñini tosatñi alabauk engibingö mötzei, mewö möt narim engizawañğöra mönö engören kaba bauköm engimamgö möta urukönöp ketanji ahakza.

²³ Nöñon Taitus kewögöra möwölöhöyal: Yanñon nöñgö alabaukni aka nup meme neñakni akza. Urumelen könagesöñi könagesöñi yeñon alayahötnini yahöt mi möwölöhöm etkigetka jitñememeñini akzahot. Kraistkö qetbuñan mönö yetköra aka qarimakza. ²⁴ Mianğöra azi karöbut mi kamei, i mönö urukalem ak engiba kōnanjini mewö kondelgetka ekñe. Mewö akñe ewö, neñon silikñinawğöra silenjini möpöseinini, keu mianğö ölñan mönö aukñe asuhuiga eketka urumelen könagesö gwötpuk yeñon mötme. Mewö.

9

Mönö urumelen alaurupñini bauköm engime.

¹ Anutugö ambazip sarakñi alabauk moneñ engimegöra ohomamgö mötzalmö, inñini keu mi lök möta mianğöra qahö osize. ² Inñini alabauk akingö sihimñinan ahui mötze. Nöñon mi möta engö silenjini mi mianğöra Masedonia urumelen ambazip yeñgö jeñine möpöseiba kewö jial, “Korint aka Akaia urumelen alaurup tosatñan mönö yambu emuneyök kōnahiba Judia alabauk ak engibingö jöjöröba malje.” Mewö jibiga engö urukönöpñinawğöra mötketka keu mianñon mönö kuñgum engiyök. Mianğöra könagesö ölñi yeñgö uruñinan mönö amqeba alabauk akingö urukönöp aket.

³ Engö sihimñinan ahui mötze, töndup neñakurupni karöbut ki melaim engizal. “Korint yeñon mönö moneñ tokobingöra jöjöröba malje,” mewö jial aka keu mianğöra engö silenjini möpöseial. Keu mianñon omanji aiga gwötpukñan ekepukmö, keuñinawğö dop moneñ ölña algetka kahaimök tari körekñan mewö engekñegöra mötze.

⁴ Keu mianñon omanji aiga moneñinan qahö kahaimök tari öne malgetka Masedonia neñakurup tosatñan nömbuk kaba mewö miwikñaim engibeak ewö, nöñon mönö engöra aka gamu miwikñabilenbuk. Tem kölmegö möt narim engiba malbiga ölñi qahö asuhubawak ewö, inñini mönö mewöñanök keuñini omanawğöra aka gamu miwikñabepuk.

⁵ Mianğöra urumelen alaurupnini karöbut mi uru kuñgum engimamgö mötpe dop köli kewö jial, “Inñini mönö qeljiñe Korint yeñgören anda nanğönanğö naluk ketanji almegö keu jöhögeri, areñ mi wuatañgöba al tekömegöra mönö kuñgum engime. Mewö aketka alabauk nalukñini mi kik-kukñambuk ekbonep qakñe qahöpmö, mönö sakalakñi aka amqeba gwötpuk alme. Mi mindirigetka zioz köwenöñ kahaimök tari kabiga ölop membin.” Mewö jial.

Kötñi mönö amqeba gwötpuk qesinda gilme.

⁶ Keu ki mönö mötmöröba malme: Nene kötñi awamñanök qesinda giljawanñon mönö ölñi mewöyök awamñanök mema. Nene kötñi gwötpuk qesinda giljawanñon mönö ölñi mewöyök gwötpuk mema. Mianğöra gwötpuk algetka Anutunöñ salupñe gwötpuk engima.

⁷ Inñini nanñök nanñök nalukñini mönö uruñinan jöhögerawğö dop alakñe. Sösöñgainöñ amqeba mözöközöröñ ambazip kalem engizei, Anutunöñ mönö i jöpaköm engimakza. Mianğöra nalukñini kunğan kuñgum engizawañğöra aka uruyahöt qakñe kude alme. Mi kik-kukñambuk kude alme.

* 8:21: Qam 3.4

⁸ Uruawam qakne kötönjini gwötpuk algetka Anutunöŋ mönö köhöiba kalem möriamŋi pakpak mem sehim enjimakŋa. Mewö enjiiga malmal pakpak mianğöreŋ yuaigöra osimei, mi pakpak mönö nalö dop buŋa qem anğugetka dop köl enjimakŋa. Mewö aiga nup ölöpŋi könaŋi könaŋi mi ölöp megetka ölni kelenmaleleŋ asuhuma. ⁹ *Ekbonep mosöta naluk ketanŋi ketanŋi alakzei, mi Buŋa Kimbi keu ki ohoget ahözawaŋgö dop akze, “Yaŋön amqeba kalemŋi kalemŋi mendenđa ambazip wanapŋi enjimakza. Ahakmemenŋi diŋdiŋi kik-kukŋi qahö mianğön mönö nalö teteköŋi qahö Anutugö jene ahöm öŋgöma.”

¹⁰ *Anutunöŋ qesiŋ gilgil azigöra nene kötni waŋgiiga nene asuhui nemakzini, yaŋön mönö nenegö mözöközöröŋ ahakŋei, mi mewöyök enjimakŋa. Mi enjii uruŋinan lolo-hoiga ölöp amqeba keu kötni qesiŋ sehiba gilgetka ahakmeme solanğangö ölni asuhui Anutunöŋ mi mem qarui sehimakŋa. ¹¹ Mewö aketka Anutunöŋ mönö malmal pakpak mianğöreŋ sehiba kötuetköm enjiiga ölöwahakŋe. Mewö ölöp amqeba ambazip nalö dop geŋmoŋi qahö kalem gwötpuk enjimakŋe. Mewö aketka mi memba (Jerusalem anda) enjiinga ambazip gwötpukŋan kötönjinanğöra aka Anutu möpöseigetka ölni enğöreŋ asuhumakŋa.

¹² Nanğönaŋgö nup ki memakŋei, mianğön mönö Anutugö ambazip sarakŋan yuaigöra mözöközöröŋ aketka bauköm enjimakŋa. Miyök qahöpmö, mianğöra “Anutu saiwap!” keu mi gwötpuk jimegöra aka ölni enğöreŋ asuhumakŋa.

¹³ Mianğö könaŋi kewö: Nanğönaŋgö nup ki memba mewö mianğön mötnaripŋinanğö könaŋi kondelgetka ambazip gwötpukŋan mi eka Anutu tem kölmeanğöra möpöseim waŋgiba kewö jime, “Korint yeŋön mönö Kraistkö Ölöwak Buŋaŋi keunöhök qahö jim miwikŋaizemö, Polgö keuŋi geŋmoŋi qahö tem köla amqeba sakalakŋi aka neŋgöra aka tosatŋi pakpak yeŋgöra kalem jesöŋgö enjimakze.”

¹⁴ Mewö jiba enğöra köuluköba mianğöreŋ waikŋini gwötpuk mem enğiba kewö jime, “Ia! Anutunöŋ mönö kalem möriamŋi kelenmaleleŋ Korint enjiiga urukalemŋinanğö ölni gwötpuk neŋgiget.” Mewö jigetka Anutugö kalemŋan aukŋe asuhuma. ¹⁵ O nini Anutu kalemŋanğöra aka möpöseimakin. Yaŋgö kalemŋi Jisös Kraistnöŋ mönö qetpuk sorok akza. Nanğönaŋgö almeanğö keuŋi mi mewö kaba teköza.

10

Polgö nupköra keu jigetka likepŋi meleŋnök.

¹ Tosatŋan enğö sutŋine nöŋgöra kewö jimakze: Mesohol köl anğuba köhöikŋi tandök qahö akzapmö, kungen anda mianğöreŋ mönö keu köhöikŋanök jim neŋjimakza. Mewö jimakzemö, Kraistnöŋ ak kömumba guŋböŋjönjöh niŋjimakzawi, nöŋön mönö mianğö qakne nanak uruŋini kewögöra kuŋgumam:

² Tosatŋi mienğön neŋgöra kewö tandök mötmöriba jimakze, “Pol aka yaŋgö neŋakurupŋi yeŋön gölmegö ahakmeme tandök wuatangöba nanŋinanğöra mötmöriba ahakze.” Nöŋön enğöreŋ kaba keu mewö jimakzei, i mönö tembul enğiba awösamakak kinda jim enjimangö mötzalmö, töndup uruŋini köhöikŋi kötokŋi kuŋguba jim enjimangö töközal. Mianğöra inŋini ambazip nöŋgöra keu mewö jimakzei, i mönö zilaŋ andö enğume. Keuŋini mewö mindiŋgögetka engeki urunan mönö luai qei sutŋine kaba böŋjöh malmam.

³ Ölna, ahakmemeni gölmenöŋ ahakzalmö, mi töndup nananğöra aka gölmegö ahakmeme bölönaŋgö dop bim qahö qemakzal. Mewö qahöpmö, Anutugö suahö galöm aka kerökurupŋi kiripo kuŋgum enğiba mianğöreŋ areŋ sarakŋi wuatangöba bim qemakzal.

⁴ Gölmegö ambazip uruŋini walnaŋgö dop bimgö yuaiŋi pakpak miambuk bim qemakzin. Yarö azi yeŋön jakömbuak ain selŋi selŋi eriba köndengetka erakzemö, Anutunöŋ timbi

* 9:9: Sum 112.9 * 9:10: Ais 55.10

saiwanji kukñinambuk nenñii inahöm nenñigetka mianñon mönö kerök yenğö keu areñini pöwöwöm köhöikñi kuñguba qeapköinga erakze.

⁵ Urumelenğö kopa yenñon Anutugö könañi möt kutubepuköra aka nanñini silenini memba öngöba mötmötñini közamböta liklak ahakzemö, nenñon yenğö kiripo areñini gonñonji pakpak mi qeapköba köndenñinga erakze. Ambazipnönñ keu mötmötñini bölönji meraköba jöhömegöra köna kondel enñiinga ölop keuñini pakpak Kraist tem köl wanñimakingö dop mötmörimakñe.

⁶ Mewö mötmöriba Korint inñini mutuk Kraistkö keu pakpak tem köla aposol nupni nanğömegöra mambötzin. Inñini uruñini mewö kunbuk melengetkun nini mönö qeçetal ambazip yenğö keuñini pakpak kewöta jim teköba likepñi melen enñibingö jöjöröba maljin. Mewö.

⁷ Inñini yuai pakpak mönö silegörok kude eka kewötme. Sutñine ahakmeme sohomakzawi, miangö könañi ölnji mönö mötmörime. Tosatñan sutñine ni memba et ala nanñini Kraistkö jitñememeurupñi akzeangöra uruyahöt qahö aka möt köhöize ewö, yenñon mönö toroqeba nöngöra mewöyök kewö mötmörime: Yenñon Kraistkö buñanji akzei, nöñon mönö mewöyök Kraistkö buñaya akzal.

⁸ Kembunönñ kewögöra kukösum niñgiyök: Inñini mem et al enñimangöra qahöpmö, mönö uruñini möhangöbi köhöimegöra aka maljal. Miangöra kukösum miangöra aiweliköba koñaen ewö sileni memba öngöba tererebilenak ewö, mi töndup mönö gamu kun qahö miwikñaibilenak. ⁹ Kimbiñi kimbiñi ohoba albi oyonnda kukösumni mötketka kenğöt mötmöt mem enñibilenbuk. Miangöra keu mi nalö kewöñe qahö toroqeba jimam. Mewö.

¹⁰ Tosatñan keu kewö jimakze: Polnönñ kimbiñi miangören mönö keu lömbötñambuk ohoba urunini ölnja kuñgumakzapmö, sutñine kini ehinga azi löwötñi akza aka keuñi jii möringa qetpuk qahö akza. ¹¹ Nöñon keu miangö likepñi kewö jimam: Keuñini omanji mönö mosöta nöngö könanangöra kewö mötmörime: Ni kungen anda kimbinönñ keuni köhöikñi ohomakzali, miangö dop mönö sutñine mala mewöyök köhöikñanök mindiñgöm enñimam.

¹² Timbiqimibilim mienñon nanñini jim ölöwak ak angumakzemö, ölnja ni nonñgita aposol qetpuk akeak ewö, nöñon mönö gamuni mötpilenak. Mewö aiga nani aka enğö silikñini likepliket ala kewötmamgö qötötangöba kölköldömdöm akilenakmö, yenñon mönö mötmötñini töröpñi wuatangöba nanñini imbiñinangö dop uruñini dop ala kewörakze. Ahakmemenñini mewö lan kewöta “Pol onñgitzin,” jiba uruölöwak mörakze. Keu omanji mewö jiba uruqahö akze. Anutugö dopnönñ kewöt niñgigetka ölop enñonñgita maljal.

¹³ Anutunönñ nup memegö jaböñi al niñgiyöhi, mi qahö onñgita sileni gwötpuk möpöseimangöra qahö mötzal. Anutunönñ nup meme areñni al niñgii memakzali, miangö dop mönö enğö sutñine mewöyök nup memakzal aka miangö ölnangörök mönö sileni möpöseimakzal.

¹⁴ Tosatñan keu kewö jim sohomakze, “Polnönñ Korint sutñine nup meyöhangöra silenji möpöseiiiga qahö dop kölja. Anutunönñ gölme mesinnda nup memapkö jabö al wanñiyöhi, Polnönñ mi onñgita lanlan walöñmakza.” Yenñon mutuhök nup sutñine qahö megetmö, töndup ni mem et al niñgiba nanñini silenini keunöhök jiba möpöseimakze. Nöñon Kraistkö Ölöwak Buña jim sehiba anda mala mutuk Korint enğören kaba urugö nup meal. Mutuk qahö kabilenak ewö, timbiqimibilim böhi mienñon nöngö keuni mewö jigetka dop köli nöñon nani könanangö könañi jiba jim sohobilenak.

¹⁵ Anutunönñ gölme mesinnda nup memegö jabö al enñiyöhi, yenñon selñini mi walönnda enğö sutñine kaba urugö nup memakze. Nanak selni qahö walönnda tosatñi yenğö sutñine nup mealangöra silenji qahö möpöseimakzal. Böhi tosatñan urugö nup memba malgeri, miangöra mewöyök silenji qahö möpöseimakzal. Enğö sutñine mutuk nup mealangöra mewö akiga ölop dop kölja. Anutugö areñi wuatangöba sutñine nup memba malinga mötnaripñinan toroqeba qariiga nanğöm nenñimegöra mamböta jöromqöröm akzal.

¹⁶ Nanğöm nenğigetka ölop gölmenji gölmenji Korint likepñine Not göröken ahözei, mönö enduyangören mewöyök anda Ölöwak Buña jim asaribin. Nupninan mewö qariiga andöqege keuninan teköma. Anutunöñ tosatñi yeñgö nup meme jaböñini al engii megetka ölni lök asuhuyöhi, miangöra nani sileni möpöseimamgöra qahö mötzal.

¹⁷ *Mewö qahöpmö, Buña keu kiangö dop akñamgö mötzal, “Kunñan sileni möpöseimamgö mötzawi, yañön mönö Kembugö nupkö ölnangöra aka sileni möpöseii dop kölma.” ¹⁸ Keu miangö könañi kewö: Nanñini jim ölöwak ak angumakzeañön mönö Anutugö jeñe qahö dop köljemö, Kembunöñ ninña jim ölöwak ak wañgimawi, yañön mönö esapesapnöñ köhöiba kinma. Mewö.

11

Aposol takapulakanji yeñön tilipköm engibepuk.

¹ Nöñön borom kun uruqahö keu qakñe silememe aki miangöra mönö kude möt lömbörime. Mi töndup ni kude andö nuñguze, mötzal. ² Nöñön inñini azi mohot Kraist yañgö buñañi aketka ambi seram jömukñi sarakñi ewö engibiga yañönök engömemapkö keunji jiba jöhöyal. Miangöra Anutunöñ uruñan engöra aka mututqutut mörakzawi, nöñön mönö miangö dop tosatñan kelök keunöñ jiba engömeget bölibepuköra waimanjat mörakzal.

³ *Kewögöra waimanjat mörakzal: Mokoleñnöñ isimkakalek aiga Iwnöñ (Ewanöñ) böliyöhi, miangö dop timbiqimibilim yeñön mewö me mewö jiba tilipköba engömegetka uruñinan tölöhoiga janjuñ akepuk.

⁴ Miangö könañi kewö: Tosatñan kaba Jisös jim asariini, mi qahöpmö, Jisös murutñi kungö könañi jim sehiba malgetka yeñgöra qahö mötket lömböriza. Uña Töröñi buña qem angugeri, mi qahöpmö, öme kunöñ tosatñi engö uruñine gei lolonqalon mala miangöra töndup köñjiliñ qahö mötze. Ölöwak Buña möt angön kölgeri, mi qahöpmö, keu tandökñi kun qetñanök Ölöwak Buña qeta lañ jigetka tosatñan mi awamñanök möt angön kölakze. Mewö asuhumakzawañgöra mönö töndup waimanjat kun qahö akze.

⁵ Miangöra waimanjat mörakzalmö, ahakmemeni mewö me mewö kewötketka etge-geñi qahö akzal. Tosatñan aposol qet memba timbiqimibilim lañ ahakzei, nöñön mönö yeñgö nembö bapñine qahöpmahöp maljal. ⁶ Keu niñgizei, miangö likepñi kewö jizal: Keu ölop sorokñi jijiñgö tandökñi mi ölop qahö mötzalmö, Buña keugö könañi mönö möt soroközal. Mi mönö nalö dop pöndañ aukñe indelbiga möt yaköze.

⁷ Inñini mem wahöt engimamgö möta nani mem et al anguba malmalni nanğömamgöra nup memba malal. Miangöra Anutugö Ölöwak Buña mi engöra söñgöronji qahö jim asarim engiba malal. Mewö aka malalangöra tosatñan nöñgöra uruqahö keu kewö jimakze, “Polnöñ mönö köna onğita siñgisöndok ahakza.” ⁸ Urumelen köñagesö tosatñe nup qahö membiba töndup nalukñini öne niñgigetka membi nanğöm niñgiiga inñini welen qem engiba malal. Tosatñan miangöra kewö jimakze, “Polnöñ yoñgorö nene silik tandök ak engiba malja. Miangöra aposol qahö akzapmö, nanñi nupña memakza.” Nöñgöra mewö jiba jim sohomakze.

⁹ *Embuk mala yuaigöra osiba mözöröñgöba miangören mönö engörenök kun qahö kuñguba mem lömböriba nene yuainji qahö memba malal. Mewö qahöpmö, urumelen alaurup Masedonia prowinsnöñök kaba yuaigöra osiali, mi ek asariba moneñ niñgigetka dop kölök. Ahakmemeni pakpak miangören mem lömbörim engibilenbuköra möta galöm mem anguba malal aka mewö toroqeba malmam.

¹⁰ Mem lömbörim engibilenbukö keuni miangöra mönö nani sileni memba öngöba maljal. Kunñan keuni mi Akaiia prowinsñinanğö gölmenji gölmenji pakpak miangören qeapkömamgö osima. Kraistkö keu ölnan mönö nam köl niñgiiga keu mewö jöhöba jiba

* 10:17: Jer 9.24 * 11:3: Jen 3.1-5, 13 * 11:9: Fil 4.15-18

kinjal. ¹¹ Mi wuanöngöra? Mi injini qahö jöpaköm engibilenjak, miangöra me? Mönö ölña jöpaköm engimakzali, mi Anutunöñ mötza.

¹² Aposol sesekñai ewö ahakzei, yeñön nembuk “Öröröñ akingö nup tandök miyöhök memakzin,” mewö jibingö mötze. Miangöra kewö kuñgum engimakze, “Polgö tandök ewö nup memakzinangöra mönö Pol ewö nangöm neñgime.” Nupñinangöra silenini möpöseibingö möta miangö könani jarumakzemö, mi ölop qahö miwikñaime. Nöñön i ewö qahö akzal. Miangöra mem lömbörim engibilenbuköra mönö nani galöm mem anguba maljal aka toroqeba mewö malmam.

¹³ Yeñön aposol ölni qahöpmö, mönö aposol takapulakanani aka nup meme ambazip isimkakalekninambuk akze. Kraistkö aposol neñgö tandök kondel anguba nup lañ memakze. ¹⁴ Satanöñ nanjak asakñangö garata tandök ewö kondel anguba nup lañ memakza. Miangöra timbiqimbilim mienön mewö akerangöra qahö welipkömakin.

¹⁵ Miangöra Satangö welenqeçe ambazipurup mienön ambazip welenñini qebingö tandöktandök aka Kona keu wuatangöba mewö miangön solanñi akñegöra jim sohoba kondel angumakze. Mewö nup lañ memakzeangöra mönö qahö auruba welipkömakzin. Silememe mewö ahakzemö, nalö teteköñe Anutunöñ mönö likepñi ahakmemenjanangö dop melenj engima. Mewö.

Polnöñ aposol nup memba sihimbölo gwötpuk mörök.

¹⁶ Keuni kunbuk kewö jimam: Engöreñök tosatñan nöñön uruqahö maljal, mewö mötmöribeak. Mewö mötmöribeak ewö, ni mönö uruqahö azigö tandök köl öröm niñgime. Mewö aketka ölop i ewö nani sileni memba öngöba sutñine malmam. ¹⁷ Awösamakak ketani möta sileni memba öngöba keuni jizali, mi Kembangö mötmöt sihimñangö dop qahöpmö, mi uruqahö azigö tandök ewö jizal.

¹⁸ Ambazip gwötpukñan sutñine gölmegö ahakmeme bölöñi wuatangöba silenini memba öngömakzei, miangöra nöñön mönö mewöñanök aka keuni miangö dop jizal. ¹⁹ Nanñinak “Mötmöt ambazip öngöñgöñi akzin,” jizeangöra mönö uruqahö ambazip yeñgöra mötketka qahö lömbörimakza.

²⁰ Injini öl közömña kewö akze: Ambazip kewöñi yeñgöra mötketka uruñinan qahö lömbörimakza: Kunñan engömembra jöhöiga welenqeçeurupñi etqeçenji akze. Kunñan tutuhum engiba nenenini nem tekömakza. Kunñan jim kelök ak engiiga buñani akze. Kunñan nanñi sileni memba öngöba keu töhöreñ jiba nuñgulumñini qekötahömakza.

²¹ I ewö öröm ureim ak engimangöra mönö lölöwöröñi aka malal. Ösöñ ak engialangöra “Kengöt moröya akza,” jiba nöngöra mewö mötmörize me qahö? Keu mewö jiba miangön ölop gamu qem niñgimeangö dop akzal me? Keu jimami, mi mönö uruqahö azigö dop jimam. Timbiqimbilim yeñön nup memakzeangöra silenini memba öngömegöra gamuñini qahö mötze ewö, nöñön mönö mewöyök nupnangöra aka sileni memba öngömangö möt köhöimakzal.

²² Yeñön keu kewö jiba silenini memba öngömakze, “Nini Juda ambazip aka Hibru keu jimakzin.” Mewö jimakzemö, nia kun mewöyök akzal. “Israel ambazip akzin,” jimakzemö, nia kun mewöyök akzal. “Abrahamgö isi amböurupñi akzin,” jimakzemö, nia kun mewöyök akzal.

²³ *Keu kun mi uruqahö azigö keu tandök ewö jimam, “Yeñön Kraistkö nupñi memakzin,” jimakzemö, nöñön mi mönö i luhut ala engongita memakzal. Nöñön mönö ambazip mi engongita nup köhöiba memba malal. Kraistkö nupköra aka kösö mire al niñgigetka miangöreñ i engongita nalö gwötpuk taral. Ihilek wahinambuknöñ mönö könöpuk könöpuk nuñguba malget. Nalöñi nalöñi lömböt miwikñaiiba kömumangö dop aka malal.

* 11:23: Apo 16.23

²⁴ *Juda jike galöm tosatjan jigetka arawambu kömbinöŋ nuŋgugetka areni 39 aiga sihimbölöŋi möta malal. Mewö ak niŋgigetka indimŋi 5 ahök. ²⁵ *Rom gawman yeŋön jigetka ihilek wölziknöŋ nuŋgugetka indimŋi karöbut ahök. Sömaŋi mohot kötnöŋ nuŋgugetka kömumamgöra ahal. Waŋge ketaje malbiga köwet töromnöŋ kuŋguba qaköba jömgöiga indimŋi karöbut ahök. Nalö kunöŋ waŋge jömgöiga köwetnöŋ geba silimŋi mohot aka suŋgemŋi kun köwet qakŋe laŋ malal.

²⁶ *Nalöŋi nalöŋi köna anda kaba malal. O töwatŋi töwatŋi (göwöŋi göwöŋi) kutuba miangöreŋ lömböt miwikŋaiba ayuhumamgö dop aka malal. Kegwek-kahasililiŋ ambazip yeŋgöra aka kömumamgö keŋgötni möta malal. Juda könagesöurupni yeŋgöra aka lömböt miwikŋaiba ayuhumamgö dop aka malal. Kian kantri yeŋgöra aka lömböt miwikŋaiba ayuhumamgö dop aka malal. Taonŋi taonŋi miangöreŋ lömböt miwikŋaiba ayuhumamgö dop aka malal. Arökŋaŋgö miriŋi miriŋi miangöreŋ lömböt miwikŋaiba ayuhumamgö dop aka malal. Köwet kutuba anda miangöreŋ lömböt miwikŋaiba ayuhumamgö dop aka malal. Alaurup takapulakaŋi yeŋön nuŋguget kömumbilenbuköra wösöni kot gwözöŋniga malal.

²⁷ Malmalni naŋgömamgöra nup köhöiba memba malal. Gaun guli gwötpuk malal. Nup gwötpuk mealangöra nenegö nalöni qahö ahöiga nenegö kömumba ogö kömumba malal. Nene qahöwahiga nalö gwötpuk bödi aka malal. Opo malukugöra osiba saŋgenŋi möta malal. ²⁸ Miyök pakpak qahöpmö, toroqeba kewö möta malal: Urumelen könagesöŋi könagesöŋi pakpak yeŋön waimanjatŋini jigetka urunan mönö nalö dop möt lömböriba malal.

²⁹ Mötnarip alaurup denike yeŋön sörauba löwörize ewö, nöŋön mönö mewöŋanök i uru al enŋizal. Kunŋan kölgorom aliga urumelen alanan siŋgisöndok akzawi, siŋgisöndok miangö könöpnan mönö nöŋgö uruni mewöyök nohoiga tembulakzal.

³⁰ Silememe keuyök mönö mötpingö ak enŋiza. Miangöra sileni memba öŋgömamaŋgö dop akilenjak ewö, ni memba et al niŋgigetka ösumeret tandök akzali mönö miangöra aka sileni memba öŋgömakzal. ³¹ Kembu Jisösgö Iwi Anutuŋi nalö dop möpöseininga teteköŋi qahö aködamunŋambuk mal öŋgömawi, yaŋön mönö nöŋgö könaŋamni möri munen keu qahöpmö, keu ölni mi jizal.

³² *Damaskus sitinöŋ malbiga kiŋ Aretasgö kiapŋan mönö buldömin aziurupŋan nömmimba jöhöm niŋgimegö jim kutum enŋiiga Damaskus ambazip yeŋgö siti sel naŋgune mönimba ölöŋ köla anbilanbuköra galöm memba kinget. ³³ Mewö kingetmö, alaurupŋan nömemba sakapnöŋ al niŋgiba kösönöŋ jöhöba siti sel jeŋgenaeŋyök ösöŋösöŋ algetka gölmenöŋ eta köla böröŋeyök ölöŋ köla kayal. Mewö.

12

Polnöŋ jemelen imut eka indelindel keu mörök.

¹ Enŋö silememe alaurupŋinan jemelenŋö keuŋi keuŋi jimakzei, miangöra nöŋön mewöyök sileni möpöseiba jemelenŋö keuni jimam. Keu mi ölöp qahö bauköm enŋimapmö, töndup keu toroqeba jemelen imutŋi imutŋi eki Kembunöŋ keuŋini indeli mörali, miangö kösohotŋi jimam. ² Azi kun möt waŋgibi Kraistpuk qekötahöba malja. Uŋa Töröŋan i waŋgiriga gölmegö kousu luhut jaböŋi onŋgita öŋgöba seŋgelau jaböŋi onŋgita öŋgöba Anutu nanŋaŋgö Suep miri uruŋe eu öŋgöyök. Nalö miangöreŋök yambu 14 lök teköi maljin. Silebuk me sileŋi qahö uŋaŋanök öŋgöyöhi, mi qahö mötzal. Anutuŋöŋ mi mötza.

³⁻⁴ Uŋa Töröŋan azi mi waŋgiri Anutugö oyaenŋkoyaen miriŋe öŋgöi keu qainŋi kun jigetka mörök. Gölmö azi nöŋön keu mi jimamgö sonŋo ahöza aka keu mi gölmö ambazip

* 11:24: Dut 25.3 * 11:25: Apo 16.22; 14.19 * 11:26: Apo 9.23; 14.15 * 11:32: Apo 9.23-25

nenjö keuninan jibinanjö dop qahö. Silebuk me silenji qahö öngöyöhi, mi Anutunöj mötza. Nöjön mi qahö mötzalmö, yangö kösohotnji mötzal.

⁵ Nöjön azi yangören yuai asuhuyöhi, miangöra sileni memba öngömamanjö dop akzal. Nanangöra mi asuhuyökmö, töndup miangöra aka nani silenji qahö möpöseimakzal. Miangöra qahöpmö, ösumeret akzalanjörök mönö mewö ahakzal.

⁶ Nanangöra silenji mewöyök memba öngömamangö mötpilenjak ewö, keuni mönö keu ölnangö dop jibilenjak. Mewö keu omanji jiji azia qahö akilenjakmö, mi kewögöra köyatim angumakzal: Körek enjön jemelenji mi ehalangöra keu diñdijni ongita nöngöra mötket öngöngöj akilenjak. Ahakmemeni aki eketka keu jibi mötkeri, mönö miangö dowök kewöt niñgimegöra mötzal.

⁷ Indelindel keu öngöngöj mötpi keu tosatnji ongirakzawi, miangöra aiweliköm angubilenjaköra Anutunöj yuai jitjambuk nöngö silene aliga kondi sötmangö dop nuñgumakza. Satangö garatanöj sihimbölö mi niñgiiga mörakzal. ⁸ Miangöra Kembunöj mi sileneyök mem gilmapköra köuluköbiga indimnji karöbut ahök.

⁹ Mewö köuluköyalmö, keu kewö jii möral, “Qahö. Ösumeret aknönga nöngö kukösumnan mönö amqeba urugi kokolak qeiga aködamungabuk ahaknan. Miangöra nöngö kalem möriamni mönö buja qem angunönga dop kölma.” Keu mi jii möta Kraistkö kukösumnan qakne öngömapköra mörakzal. Miangöra ösumeret ahakzalanjörä silenji möpöseimakzal. Lömböt mi qahöwakjapaköra qahö toroqeba köulukömakzal.

¹⁰ Kraistnöj ni ösumeret ahakzali, nalö miangören ösum niñgiiga köhöiba kinakzal. Miangöra ösumeret akzalanjörä töndup mötpi dop köli siksuk qahö akzal. Tosatnan uruqege keu töhörenji jim niñgigetka mötpi dop köl niñgiza. Kraistköra aka kahasililij sesewerowero ak niñgigetka wahöjalij möta miangören töndup urubönjnj mi-wikjaimakzal. Mewö.

Polnönj Korint yengöra waimanjat mörök?

¹¹ Sileni memba öngöba mönö uruqahö tandök akzal. Diñgimegöra aka köna murutnji kun qahö miwikjaiba nöngöra mötket öngömapköra mi jizal. Ölja, Anutunöj qahö bauköm niñgibawak ewö, nanak mönö yuai kun qahö aki andöqege keuninan ölnji akawak. Ölnji akawakmö, ahakmemeni mewö me mewö kewötzali, mönö etqegej qahö akzal. Tosatnan aposol qetpukö qet memba timbiqimbilim lan maljei, nöjön mönö yengö nembö bapjine qahöpmahöp maljal.

¹² Engö sutjine nup memba lömböt gwötpuk möta mökösonda malali, miangören Anutugö kukösumnan sölölohöm niñgiiga angöletot aiwesök könanji könanji asuhuget. Ahakmeme mianjön mönö aposol akzalanjörä könanji kondel enjiiga eket.

¹³ Injini bauköm enjial aka urumelenj könagesö tosatnji mi embuk örörön ak enjial. Tosatnji engömembu wahötketka injini mönö denöwö engömosötpi öne malbeak? Ölja, nangöm niñgimegö lömbötjni mi engö qakjine qahö alal. Aposol takapulakanji yenjön lömböt mi engö qakjine alakzemö, nöjön mi tosatnji yengö qakjine albi bisimakze. Nangöm niñgimegöra qahö kunjum enjiba mewö köpösihit ak enjial me? Miangöra “Polnönj köpösihit azia akza,” jibeak, mönö pinjitni mi mosötmegöra qesim enjizal.

¹⁴ Mötket, nalö kewöje kunbuk engören kamangö jöjöröbiga indimnji karöbut akja. Kaba nupni nangömegö lömbötjni mi dumje kunbuk engö qakjine qahö almal. Mi qahö. Nannjini sukinapjinangöra qahö köpösongömakzalmö, nannjinak mönö nöngöra ak enjimapaköra mötzal. Nahönbörat yenjön iwinamurupjini nangöba inap tokoba enjimeangö dop qahö akzemö, iwinam yenjön mönö mi nahönböratupjini yengöra tokogetka dop kölja. Miangö dop urugö nupnönj göröken nöjön iwinjini akzal. Miangöra urunönj göröken bauköm enjimangö mötzal.

¹⁵ Miangöra enjön ölöwakjegöra yuaini pakpak mi sösongai qakje tököm enjibi engö buja akjapaköra mötzal. Nani malmalni mewöjanök ölöwakjegöra mosötmangö mötzal.

Mewö önöni qahö jöpaköm engibi urukalemnan qarimakzapmö, engö urukalemñinan mönö töndup wuanöngöra wazimakza?

¹⁶ Ölña, nanğöm niñgimegö lömbötñi mi engö qakñine qahö alal. Nöngö tuaren-
jonurupnan keu mianğöra urumohot akzemö, tosatan kewö jibeak, “Pol mi mötmöt
azia aka tilipqilipñambuk uruñini mezanđa köpeim engiba monenini mewö me mewö
örömakza.” Keu mianğön ölñi qahö. ¹⁷ Mi denöwögöra jize? Neñakurupni melaim engibiga
engören kageri, yengörenök kunñan Pol inap wanğimegöra kuñgum engiyök me qahö?
Qahö. ¹⁸ Taitus engören kamapkö kuñgum wanğiba urumelen ala kun yambuk melaibi
kayohot. Taitusnöh ni inap niñgimegö kuñgum engiyök me qahö? Qahö. Uña mohot
mianğön mönö sölölohöm netkiiga nup nanğönanğögö köna mohot anda kaba malit.
Mewö.

Polnöy mönö Anutugö kukösum qakñe kama.

¹⁹ Kimbi ki oyoñda mianğören nöngöra kewö mötmöribepuk, “Keu jim engiinga mianğö
likepña kapan köla jiba mewö ohoza.” O wölböt alaurupni, mianğöra kewö jimam: Mönö
Kraistpuk qekötahöba keuni Anutugö jemesoholñe jiba ohoyal. Nupnini pakpak mi enñon
uruñini möhamğöba köhököhöi miwikñamegöra memakzin.

²⁰ Engören kaba eki ahakmemenini tökömakzali, mi wuatangöba malbepuk. Mewö
miwikñaim engibilenbuköra waimanjat mötzal. Ahakmemeninañgö likepñi melen engibi
qakñine öngömawi, enñon mönö tandök akñami, mi tökömegöra mötzal. Sutñine ahakmeme
kewö akepuköra goro mötzal: Urunöh mututqutut aka anğururuk akepuk. Urusingok aka
yom jibepuk. Silenöh alal ak anğuba denđa nanñini kambugörök mötmöriba malbepuk.
Andöqeqe keu töhören jiba mianğön mem bölim anğubepuk. Tosatñi yengö keuñini tölapñe
jigetka diwonđawon anbabuk. Jakbak-orañbörañ aka areni törörök qahö wuatangöba
nanñini imbi-imbi lañ malbepuk.

²¹ Mewö aka malme ewö, nöñon mönö kewö asuhumapköra waimanjat möta ka-
mam: Ambazip gwötpukñan mutuk siñgisöndok aka malgeri, yengöra mönö urukömbuk
aka sahötpilenbuk. Ahakmeme töwötñambuk lañ wuatangöba sihimñini kömbönañi mi-
wikñamegöra serowilin akerangöra gamu qahö möta qahö möt bölim anğugot. Sutñine
kabiga uruñini kunbuk qahö melenget engekiga Anutunöh mönö uruni kuñgui kunbuk
urueret akilenbuk. Mewö.

13

Galöm meme keu qöndökñi

¹ *Nalö kewöñe engören kabiga indimñi karöbut akña. “Keugö jakeñe alalgö keuñi
pakpak mi mönö ambazip yahöt me karöbutñan nanğöba jigetka köhöimakza.” ² Nöñon
Buña keu mianğö dop akzal. Engö sutñine malbi indimñi yahöt aiga mianğören lök galöm
meme keu enğial. Keu mi nalö kewöñe kunbuk köl guliba qeljiñeyök jizali, mianğön teköza.
Mianğöra kunbuk kamami, nalö mianğören ambazip siñgisöndok mutuk akeri me akzei,
mi mönö qahö engehörimam. Bölöñamñinambuk inñini mönö körek mindiñgöm engimam.

³ Kraistnöh mönö ösumeret qakñe qahö ak engimakzapmö, kukösumñi sutñine konde-
lakza. Kraist mianğönök mönö sölölohöm niñgiiga aposol aka keu jimakzali, inñini mianğö
könañangöra uruyahöt aka kapan köla qesim anğumakze. Mianğöra silikñinañgö dop
mönö keu engiba mindiñgöm engimam.

⁴ Kraist maripomnöñ qegetka kömuyöhi, nalö mianğören mönö ösumeret tandök
malökmö, töndup Anutugö kukösumñan nam köl wanğiiğa mal köhöiza. Nöñon mewöñanök
yambuk qekötahöba nani ösumeret aka maljalmö, Anutugö kukösumñan mönö nam köl
niñgiiga Kraistkö jitñi memba mindiñgöm engimamgö mal köhöizal.

Mönö nanñini kewöt anğuba uruñini melenñe.

* 13:1: Dut 17.6; 19.15

⁵ Mönö nannini törörök kewöt angume. Urujini melenḁa ölḁa Kraist möt narize me qahö, miangöra mönö esapesapnöḁ ala kewöt angume. Kraist Jisösgö Uḁaḁan urujine mal köhöizawi, mi möt kutuze me qahö? Urujine qahö malja ewö, injini mönö esapesap miangöreḁ et enḁuiga Kraistkö buḁaya qahö akze. ⁶ Nöḁön enḁöreḁ aposol ölḁi akzal me qahö, injini mewö kewöt niḁigetka esapesap miangöreḁ kude eta nuḁguma, mewö mötzal. Injini nöḁgö könani mewö aukḁe eka möt kutumegöra jörömqöröm aka maljal. Miangöra mindiḁgöm enḁibi ölḁa dop kölma.

⁷ Keu pakpak ohoba kotzali, mi ak sohobepuköra Anutu köuluközin. Keu kun jim sohoba malgetka kaba mindiḁgöm enḁibiga tuarenjoḁurupnan mönö aposol kukösumni ölḁa eka ek asarime. Mewö asuhumapköra qahö köuluközal. Injini qahö mindiḁgöm enḁimamangö dop nekepuköra qahö köuluközalmö, enḁön urumelenḁ diḁdiḁi akḁegöra köuluközal. Urujini ölḁa melenḁe ewö, nöḁön mönö qahö mindiḁgöm enḁibi tuarenjoḁurupnan nöḁgöra toroḁeba azi lölöwöröḁi tandök ewö mötpeakmö, mi muat.

⁸ Nini keu ölḁi qetala kun uteköbingö osibinmö, keu ölḁan sehimapköra ölöḁ kinbin. ⁹ Nöḁön kukösumni qahö kondela ösumeret tandök malbiga enḁön köhöiba kinmei, nalö mewöḁe mönö sösoḁgai ahakin. Urumelenḁö aködamunḁini körek miwikḁaiba köhöiba kinmegöra neḁön Anutu köulukömakzin. ¹⁰ Kembunöḁ injini memba et al enḁimamgöra qahöpmö, urujini möhangöbi köhöimegöra möta kukösumḁi mi al niḁiyök. Kukösum miangö qakḁe kinda enḁöreḁ kamami, nalö miangöreḁ könöḁuk ak enḁibileḁbuköra mönö keu ki köröwen mala enḁöra kimbi ohozal. Nanninak mindiḁgöm angume ewö, mönö ösoḁ ak enḁimam. Mewö.

Yaizözkök keu teteköḁi

¹¹ O urumelenḁ alaurupni, keuni jim teköba qambaḁ kewö enḁizal: Mönö söḁgaiba malme. Könaḁamḁini sohoyöhi, mi mönö körek mindiḁgöm teköme. Urukunḁukunḁu keu enḁizali, mi mönö buḁa qem anguba tem kölme. Keu jiali, miangöreḁ mönö urumohot aka luainöḁ malme. Mewö aketka Anutu jöpaköm angumegöra inahöm neḁgiba luai qem neḁimawi, yaḁön mönö embuk malma.

¹² Injini urumelenḁ alaurupḁini yembuk jölöḁini jiba mönö köna sarakḁi wuatangöba jölöḁini jiba angum anguba numbuḁini yöhötim nemba malme. Anutugö ambazip sarakḁi pakpak ki maljei, yeḁön yaizözkökḁini algetka enḁöreḁ kaza.

¹³⁻¹⁴ Kambu Jisös Kraistnöḁ mönö kalem möriamḁi enḁiiga Anutugö urujöpakḁan nam köl enḁiiga Uḁa Töröḁan körek inahöm enḁiiga urumohot aka köisirik malme. Mewö.

Galesia Kimbi **Polnön Galesia yeŋgöra Kimbi alök.** **Jim-asa-asari**

Polnön Buŋa Kimbi ki Galesia prowinsgö urumelen könagesö yeŋgöra ohoyök. Galesia prowins mi Eisia Mainö (Töki) uruŋe Rom yeŋgö bapŋine malget.

Aposol yeŋön Anutugö Buŋa keu jim sehigetka mutuk Juda tosatŋi aka könagep kian kantri tosatŋan mewöyök uruŋini melenget. Nalö miangören Juda yeŋön kapaŋ köla keu yahöt kewö jigetka lömböriyök:

- 1) “Kian kantri yeŋön Mosesgören Köna keugö dop Anutugö aiwesökŋi silenine qahö yandime ewö, yeŋön mönö urumelen könagesö ölni qahö akŋe.” Anutunön ambazip nanŋangöra möwölöhöm enŋiyöhi, yeŋgö aiwesökŋi mi sile yandiyandi. Jen 17.10–12. Polnön mi möta “Keu mi ölni qahö!” jiba kewö jim kutum enŋiyök, “Kian kantri yeŋön Jisös möt narigetka Anutunön mötnariŋini miangöra aka keuŋini jim teköi solaniba urumelen kambu ölni akŋe.”
- 2) Böhi takapulakaŋi yeŋön Polnön Uŋa Töröŋangö ösumnön nup meyöhi, mi memba et ala kewö jiget, “Pol mi aposol ölni qahö akzawangöra keuŋi kude mötme.” Mewö jigetmö, Polnön köhöiba jiyök, “Nönön Jisösgö Ölöwak Buŋa jiji azia aka Anutunön meköba kuŋgum niŋgiiga aposol ölna maljal.” Mewö jiba Galesia yeŋgö urumelen kambuŋi kambuŋi ahakmemegö qambaŋ keu ohoyök. Urunini melenbin ewö, mönö amqeba Kraist jöpaköba nupŋi meinga ölni asuhuma.

Buk kiangö bahöŋi bohonŋi 5 mi kewö:

Keu mutukŋi 1.1-10

Pol ni aposol ölni akzal 1.11-2.21

Anutu kalem möriamŋangö Buŋa keu 3.1-4.31

Nanini imbi-imbi akinbukö soŋgo 5.1-6.10

Kimbigö keu kötni bohonŋi 6.11-18

¹ Pol nönön keu eraum mötpingöra Galesia urumelen könagesö enögöra kimbi ki ohozal. Melaimelai azi akzalaŋgö könaŋi kewö: Ambazipnön aposol nupköra qahö kuŋgum niŋgigetka memba maljal. Gölmö azi kuŋŋan qahö melaim niŋgiyökmö, Jisös Kraist aka Iwi Anutu i kömupnöhök mem guliyöhi, yetkön mönö arengöba aposol nup al niŋgiyohotka kinjal. ² Neŋakurup pakpak nömbuk kinjei, yeŋön ni kötöngöm niŋgigetka kimbi ki albi Galesia prowinsnön anda urumelen könagesö kambuŋi kambuŋi enögören kaza.

³ Anutu Iwinini aka Kembu Jisös Kraist yetkön mönö kalem möriam enŋiyohotka luainön malme.

⁴ Jisösnön nanine Anutu aka Iwi yaŋgö numbu jitŋi wuatangöba neŋgö siŋgisöndokninaŋgöra aka malmalŋi köleŋniga qeget. Nalö kewöŋe gölmegö nalö bölöŋe malakzini, yaŋön mönö kiangörenök amöt qeba meköm neŋgimapköra aka kömuyök. ⁵ Miangöra Anutugö qetbuŋaŋi nalöŋi nalöŋi möpöseininga teteköŋi qahö aködamunŋambuk ahöba ahöm öngöma! Keu mi ölna.

Ölöwak Buŋa mi kude jim sohoba mondokqondoköme.

⁶ Nönön enögö könaŋinaŋgöra aka aurubiga je kötni jölja. Anutunön Kraistkö kalem möriamŋi buŋa qem aŋgumegöra engehoholiga yambuk malgetmö, nönön enögömosötpiga tosatŋan kaba Ölöwak Buŋa murutŋi jigetka nalö qahö köriiga elennda keu goŋgoŋi miangören qekötahöba enololon malje. Miangöra mönö ölna auruzal. ⁷ Keuŋini mi Ölöwak Buŋa ölni qahöpmahöp akzapmö, ambazip tosatŋan Kraistkö Ölöwak Buŋaŋi mi enololon

memba melenqelen aketka möwököwöramgöiga gongiza. Mewö aiga lan liliköba ambazip kunjum engigetka uruninan siksauk aiga malje.

⁸ Ambazip mewöni mi yapmakek! Neñon Ölöwak Buña lök jim asarim engiba malini, kunjan mi qeapköba buña keu murutni jim asaribawak ewö, yanön mönö Anutugö jeñe könöp siagö buñaya akza. Mi neñgörenök kunjan me Suepkö garata kunjan eta jibawak, mi töndup keu mewöni mönö qahöpmahöp tem kölme. Keu gongonji mi muat. ⁹ Keu mutuhök jiba malini, miyöhök mönö dölki kunbuk jizal: Enön Ölöwak Buña lök möt angön kölgeri, kunön mi qeapköba buña keu murutni jim asaribawak ewö, Anutunön mönö i jörahöm wanjiiga könöp sianönj gema.

¹⁰ Keu mewö jizali, mi ambazipnönj nek soriget nanak jeñine dop kölmamgöra aka qahö jizalmö, Anutunönj nehi yanö jeñe dop kölmamgöra aka mi jizal. Nönön gölme ambazip uru ölöwak möt niñgimegöra qahöpmahöp kapan kölakzal. Toroqeba ambazip kelök ak engiba sipkobileñak ewö, nönön mönö Kraistköreñ nup memamgö osibileñak. Mewö.

Kraistnönj mem letot niñgiiga aposol ahal.

¹¹ O alaurupni, Ölöwak Buñagö könañi mi kewö möt yaköme: Buña keu jim asari-makzali, mi gölme azi kunjan qahö jimburenj jiyöha ahöza. ¹² Kunjan kun mi qahö kusum niñgiyök. Mi gölme azi kungörenök qahö möt angön kölalmö, Jisös Kraistnönj nanjak asuhum niñgiba Ölöwak Buñanji indeliga möt asaribiga nönjö buñaya ahök.

¹³ *Enön nönjö könañamni ölop mötze. Juda ambazipnönj Anutugö Köna keugöra urukönöp ahakzei, nönön mutuhök yengö mötmötñini wuatangöba yengö dop aka memba malal. Mewö mala Anutugöreñ urumelenj könagesö mi engum ureiba janjauranga mem engiba malal. Könöpñambuk sesewerowero ak engiba mem ayuhum engimamgö esapköba malal. ¹⁴ *Juda ambazip gwabö alaurupni qötönini mohot kota malini, nönön yengörenök sehisehiñi mi luhut al engiba Köna keugöra urukönöp aka malal. Mewö mala Juda ahakmemegö könañi törörök wuatangöba amböskoninanjö jimkutukutu keu etpapuköra mönö önönj qahö kapan köla malal.

¹⁵ *Mewö aka malalmö, Anutunönj mutuhök nam körö uruñeyök neka nanñangöra möwölöhöba al niñgiyök aka könañep kalem möriamñangöra aka noholök. Noholöhi, yanön mönö nönjöra areñ kewö möri dop kölök: ¹⁶ Yanön Nahönñangö könañi nönjöra indeli mötmamgö möta Jisösgö Ölöwak Buñanji memba kian kantri tosatñe anda yengö sutñine jim asariba malmamgö jiyök. Yanön mewö jiyöhanjöra aka nönön wahöta könakönahineyök könahiba gölme ambazip yengö goro keunjanjöra mönö qahöpmahöp jaruba qesim engiba mala koral.

¹⁷ Mewöñanök Jerusalem sitinönj qahö öngöba melaimelai azi aposol mutuk mala kotkeri, yengöreñ qahö anda asuhuyal. Mewö qahöpmö, miangörenök Arebia gölmenönj anda mala kunbuk Damaskus sitinönj lilingöyal. ¹⁸ *Damaskus lilingöbiga yambu (yara) karöbut teköiga “Pitö eka möt kutumam,” jiba Jerusalem sitinönj öngöba yambuk sömañi 15 miangö dop malal. ¹⁹ Miangöreñ malalmö, melaimelai azi aposol tosatñi i qahö engehal. Kembugö munñi Jeims iyök ehal.

²⁰ Miangöra mötket, keu ohom engizali, mi keu ölnji akza. Munenji kun qahö. Keu mi Anutugö jemesoholñe jizal.

²¹ Jerusalem mosöta Siria aka Silisia gölmenönj anda miri tosatñi liliköba malal. ²² Mewö anda malalmö, Judia prowinsgö urumelenj könagesö kambunji kambunji Kraist-puk qekötahöba kinjei, yanön qahö nekerangöra nalö miangöreñ ni qahö möt kutum niñgiba malget. ²³ Nönjöreñ buzup keu kewöyöktöp yengö kezapñine geiga mötket, “Mutuk sesewerowero ak neñgiba malöhi, yanön mönö letota malja. Mötnarip keu

ayapkömapkora janngauranga mem nenngiyöhi, yanön nalö dölkwöñe nannak keu miyöhök jim asarimakza.”²⁴ Mewö möta nöngöra aka Anutu möpösem wangiba malget. Mewö.

2

Aposol yeñon Pol örögetka sutjine kayök.

¹*Miangö andöñe yambu (yara) 14 teköiga miangörej “Barnabasbuk Jerusalem sitinöñ kunbuk öngömam,” jiba Taitus mewöyök wangitpiga mohotñe öngöin.

² Anutunöñ mutuk nöngöra asuhuba anmamgö keu indelöhanngöra aka yetpuk anda Jerusalem angota nupnanngö könani jim asarim engial. Nup pöndañ memba kota maljali, miangön aposol yeñgöra qahö dop köliga nupnanngö ölnan eta qeiga pöröpköbapuk. Mewö mötmöriba kösohotni ambazip omani yeñgöra lan qahö jialmö, jitñememeurupnini göda qem engimakzini, iyök öröm engibiga tokoget. Tokogetka miangörej Ölöwak Buña kian kantri sutjine liliköba jim sehimakzali, mi aukñe al engibiga mötket. ³ Yeñon mi möta “Ölöp!” jiget. Mewö jiba nenakni Taitus Grik azi yanön nömbuk malökmö, töndup ketañamninan Anutugö aiwesökñi silenje yandimegö qahö jim kutum wangiget. Juda nenngörej Köna keu mi qahö al köhöim wangiget.

⁴ Juda ketani yeñon qahöpmö, tosatñan silenje yandibingö möta sutje sutje kunguba jigeri, böhi takapulakani miengö könani kewö: Yeñon “Urunini melenjin,” jiba mewö möndöba nenngö könanini ek kutumegöra ölöñ janjan kaba ala tandök sutjine kangota malget. Nini Kraist Jisösbuk qekötahöinga malmal walnanngö kösönöhök pösat nenngiiga solanñi maljini, miangö silikñi ek kutumegöra kinget. Yeñon nenngöra kewö möta köpösöngöget: Ölöp malgetka engömeinga nanine sel urunje kagetka Mosesgö Köna keu bapñe al engiinga nanine welenqeçeurupnini akñe. ⁵ Mewö köpösöngöba metal nenngigetmö, nenön mönö Ölöwak Buñagö keu ölnan lolonqalon akapuköra kinjin. Mi engö sutjine kahaimök ahöm köhöimapköra kinjin. Miangöra nalö kunöñ qahö löwöriba keunjanngö bapñe anbingö qahöpmahöp imbi köl wangiin.

⁶*Totokonöñ nöngö Buña keuni jim asaribiga jitñememe yeñon “Ölöp!” jiba nöñon keu kun toroqeba jimamgö qahö jiget. Azi mi ipñina aketka göda qem engimakze. Qetbuñanini mewö me mewö akzawi, nöñon miangö mötpi dop mohot akza. Anutunöñ ambazip tosatñi qahö nengek soriba tosatñi qahö qepureim engimakza. Dop mohotnöñ kewöt nenngimakza. ⁷ Buña keuni qahöpmahöp utekögetmö, Anutugö nup areñi miangöra mönö “Aha!” jiba kewö ek asariget: Anutunöñ möt narim nenngiba Ölöwak Buña jim asaribingö nupñi mi kewö mendenök: Nöñon mi kian kantri sutjine jim sehibiga Pitönöñ Buña keu miyök Juda könagesö yeñgöra jim asariba urunini kungum engimakza.

⁸ Nupñi mewö mendenä aposol Pitö inahöm wanggiiga Juda azi silenje yandigeri, yeñgö sutjine urukungukungu nup memakza aka ni mewöñanök inahöm nñngiiga melaimelai azia aka kian kantri sutjine liliköba nup miyöhök memakzal. ⁹ Miangöra Jeims, Pitö aka Jon, azi ipñi qetbuñaninambuk yeñon Kembunöñ kalem möriam mewöñi nñngii malali, keu mi möt kutugetka urumohot ahin. Nup mewö mendenä miangö kaisöpsöpña Barnabas niri böröniri qegetka kewö jim köhöinin, “Niri kian kantri yeñgörej anda nup meziga nannini Juda könagesö yeñgö sutjine toroqeba nup memakñe.” ¹⁰ Mohot-kungöra qesim netkiba kewö toroqeba jiget, “Ambazip wanapñi bauköm engibitköra mönö toroqeba mötmöriba malmahot.” Mewö jigetka mönö mewöyök ak engimamgö kapan köl maljal. Mewö.

Polnöñ Pitö qetala jim wangiyök.

¹¹ Mewö jim köhöininmö, Pitönöñ Antiokia sitinöñ kaba möñaqöñai aiga ambazip uruninan gwötpuk böliyök. Miangöra Pitönöñ kaiga ehali, nalö miangörej mönö jene

* 2:1: Apo 11.30; 15.2 * 2:6: Dut 10.17

kunḡuba kewögöra tuarenjoḡ ak waḡjal: ¹² Pitönöḡ mutuk kian kantri yembuk mala nene mohokḡe nemba malgetmö, azi tosatḡan Jeims mosöta Jerusalemök kagetka miangö andöḡe ambazip mi engek siriköba tikeptikep kinök. Anutugö aiwesökḡi silenḡine yandiget yeḡgöra keḡgötḡi möta ziriḡziriḡ aka Juda kambu yembuk qekötahöba malök.

¹³ Mewö kian kantri ambazip mi ölan enḡuba koḡwarak aiga Juda urumelenḡ ambazip tosatḡan mewöyök Pitöbuk qekötahöba silesile silik aket. Silesile silik aka Barnabas mewöyök örogetka yembuk janjuḡ ahök. ¹⁴ Mewö aka ahakmemeḡinan Buḡa keu ölnḡ diḡdiḡanök qahö wuatangögeri, nöḡön mi eka ambazip körek yeḡgö jemesoholḡine kinda kewö jial, “Pitö, gi Juda aziapmö, töndup kian kantri yeḡgö ahakmemeḡini wuatangöba maljan. Nangak Juda nanine ahakmeme qahö wuatangöba töndup kian kantri ambazip mi wuatangöba kinmegöra kunḡum enḡiba urukönöp ahakzan? Mi qahö dop kölja.” Mewö.

Juda aka kian kantri neḡön Anutugö jeḡe öroröḡ akzin.

¹⁵ Juda asuha bu urunini melenḡini, neḡön mönö kian kantri ambazip siḡsiöndokḡinambuk qahö aka maljin. ¹⁶ *Mewö maljinmö, amötqeqegö könaḡi mi kewö ahöi möt yaközin: Jisös Kraist möt nariḡga keunini jim teköi solanizin. Kunḡan Köna keu wuatangöba mewö mianḡön solanḡi qahö akḡa. Miangöra neḡön tok solanḡi akingö möta Kraist Jisös möt narim waḡḡiḡga keunini jim teköi solaniin. Mi Köna keu tem kölbinahaḡgöra aka qahö.

¹⁷ Mewö Kraist qekötahöba Anutugö jeḡe solanibingö kapaḡ kölḡa Anutunöḡ töndup miwikḡaim neḡḡiḡga naninak kantri tosatḡi tandök siḡsiöndokḡinambuk maljin ewö, Kraistnöḡ mönö siḡsiöndok akingö nam köl neḡḡiḡga me qahö? Qahöpmaḡöp! Keu mi yapmakek! ¹⁸ Köna keu wuatangöba solanḡi akingö keuḡi lök köndenḡa qeapköyal. Qeapköyalmö, mi kunbuk esapköba jim kunḡubilenḡak ewö, mönö Köna keu miyök qetala siḡsiöndok azia aka könaḡamni kunbuk mewö miwikḡaibilenḡbuk. ¹⁹ Mutuk könaḡamni mewö miwikḡaiba Köna keugöra aka kömukömuḡi tandök ewö ahal. Mewö akiga Köna keunöḡ mönö qahö toroqeba galöm köl niḡḡiḡga solanḡi maljal. Nöḡön malmalni Anutugörenḡ albiga Kraistpuk maripomnöḡ nuḡḡuget ewö kömumba kinda yambuk köhöiba maljal.

²⁰ Miangöra nanak qahö toroqeba maljalmö, Kraistkö Uḡaḡan mönö nöḡgö urune köhöiba malja. Kraistnöḡ uru jöpaköm niḡḡiḡga malmalḡi nöḡgöra kölḡda sohopni meyök. Miangöra toroqeba silebuk malmal malmami, mi mönö Anutugö Nahönḡi möt narim waḡḡiḡga malmam. ²¹ Köna keu wuatangöba mewö mianḡön solanḡi akinak ewö, Kraistnöḡ mönö öne töhöön kömumbawak. Kömuyöhi, mi möt nariba Anutugö kalem möriamḡi mewö qahö qeapkömakzal. Mianḡön mönö nam köl neḡḡiḡga solanimakzin. Mewö.

3

Köna keugörök kinme me Jisös möt narime?

¹ O Galesia kahapmahap ambazip, uruḡini qahö! Nöḡön Jisös Kraist maripomnöḡ qegeraḡgö könaḡi mi jeḡine ala jim kondel enḡialmö, kunḡan nöḡgö andöne kaba kahalalom mem enḡiḡga janjuḡ akze. Mi qahö dop kölja. ² Yuai mohot-töp qesim enḡibiga jiget mötmamgö mötzal: Enḡön Uḡa Töröḡi mi mönö denöwö aka buḡa qem aḡḡuget? I Köna keu wuatangögeraḡgöra aka qahöp mö, Ölöwak Buḡa möta Jisös möt narigetka Uḡa mi uruḡine ali buḡa qem aḡḡuget. Nöḡön keu mia ölum enḡubapuköra kinda uruḡini kunḡuzal. ³ Mia ölum enḡuyök tandöktandök melenḡda mötmötḡini mosöta kahalalom akze. Mutuk Uḡa Töröḡan uruḡine geba inahöm enḡiḡga könaḡi könahiba angetmö, kunbuk Mosesgö Köna keugö könaḡe geba anakze. Nalö kewöḡe nanḡini ösum qakḡe solanḡi akingö esapkömakze me? Ösumḡini mianḡön mönö qahö dop kölja.

* 2:16: Sum 143.2; Rom 3.20, 22

⁴ Kraistkōra aka sihimbölö gwötpuk ak engigetka qakñine öngöyöhi, mi mönö öne tōhön möta bisiba malget me? Ölñi qahö aiga mi mönö ölña öne tōhön bisiget. Mianğōra inini mönö uruqahö ambaziwa malje. ⁵ Mianğōra Anutunöñ Uña Töröñi engiba sutñine angöletot ösum-mumuñambuk memakzawi, mi enön Buña keuñi möta Jisös möt nari-makzeañğōra aka memakza. Köna keu wuatañğōmakzeañğōra aka mi qahö memakza. Qahö. Keu mi kude ölum enguma. Mewö.

Abrahamgö köna wuatañğōinga dop kölma.

⁶ *Keu mianğö dop Anutunöñ Abraham ak wañgiiga mi Buña keunöñ kewö ohoget ahöza, “Abrahamnöñ Anutu möt narim wañgiiga eka keuñi jim teköiga solaniyök.” ⁷ Mianğōra Abrahamgö könañi mötmöriba kewö mötme: Denike yeñön Anutu möt narimakzei, yeñön mönö Abrahamgö undumurupñi aka malje. ⁸ *Anutunöñ qeljiñe areñi kewö alök, “Ambazip Juda qahö yeñön ni möt narim niñgigetka keuñini jim teköbi solanime.” Areñi mewö ala mianğö dop Abrahamğōra Ölöwak Buña keu qeljiñe kewö jii mörök, “Göhōra aka nöngö kötuetnan mönö gölmegö ambazip kambu pakpak yeñgö qakñine öngöma.” Tosatñan keu mi qeljiñe ek asariba Buña keunöñ ohoget. ⁹ Abrahamnöñ Anutu möt narim wañgiiga kötuetköm wañgiiga mötnaripkö bömönjalöñi ahök. Mianğö dop denike yeñön Abrahamgö dop möt narizei, Anutunöñ i mewöyök kötuetköm engiiga Abrahamgö undumurupñi akñe.

Jisösnöñ salupnine qesuahöp buña qem anguyök.

¹⁰ *Mewö akñemö, körek yeñön Köna keu wuatañğōba mianğö qakñe nariba maljei, Anutunöñ mönö jōrahöm engiiga malme. Keu mi Buña keunöñ kewö ohoget ahöza, “Köna keu Kimbinöñ keu pakpak ohoget ahözawi, kunñan kun mi körek qahö tem köla wuatañğōmakzawi, Anutunöñ mönö i qesuahöm wañgiiga malma.” ¹¹ *Buña keu kun kewö ohoget ahöza, “Ambazip solanñi kungö mötnaripñan mönö nam köl wañgiiga köhöiba malma.” Mianğōra kunñan Köna keu wuatañğōba mianğön solanñi akñamgö mötzawi, yañön mönö Anutugö jeñe qahö solanima. Qahö. Keu mi lök aukñe kondel engibiga teköza. ¹² *Mötnaripnöñ Mosesgö Köna keu qahö nam kölja. Keu mianğön jōjōpañ keu pakpak tem köl teköbingōra urunini kuñgumakza. Köna yahöt mi nanñök nanñök. Köna keugö könañi mi kewö jii ohoget ahöza, “Köna keu pakpak tem köla wuatañğōmakzawañön mönö köhöiba malma.”

¹³ *Köna keu qahö walöñbinak, mewö malmal köhöikñi miwikñaibinak. Mewömö, Anutunöñ nini nanñi Köna keuñangö dop qesuahömamgö tököba Kraist melaiiga alabauknini aka sohpnini meyök. Buña Kimbinöñ keu kun kewö ohoget ahöza, “Ambazip ip kemañe möndöm engizei, Anutunöñ mi körek qesuahöm engiiga malje.” Mianğö dop Kraist ipnöñ möndögetka nanini salupnini aiga Anutunöñ qesuahöm wañgiiga mewö mianğön sohpnini meyök. Jōramōrahöp neñgö qakñine öngöyöhi, mi qeköyök.

¹⁴ Bömönini Abrahamnöñ Anutu möt nariiga kötuetköm wañgiyöhi, mianğö dop kötümötuet mianğön kian kantri pakpak dop köla yeñgö buñañina akñapkö mörök. Mewö möta körek neñgö sohpnini meyök. Sohpnini meiga Kraist möt nariinga köna kewö ahuma: Anutunöñ Uñañi neñgimamgö keuñi jöhöyöhi, nini urunini melenđa Uña mi ölöp buña qem angubin. Mewö.

Köna keu aka oyaenjkoyaen akingö jöhöjöhö keu

¹⁵ O urumelen alaurupni, nöñön gölmenöñ malmalgö söpsöp keuñi kun kewö jimam: Kunöñ börösamotñi tosatñi yeñgö buñañina akñapkö keuñi kambunöñ jiiga jöhögetka ahözawi, mi kunñan kun qeapköba könañgep keu kun qakñe toroqemamgö osima. ¹⁶ *Mötket, Anutunöñ jöhöjöhögö keuñi mi Abraham aka yañgö gwölönarökñi yetköra jiba

* 3:6: Jen 15.6; Rom 4.3, 7; Rom 4.16 * 3:8: Jen 12.3 * 3:10: Dut 27.26 * 3:11: Hab 2.4 * 3:12: Lew 18.5
* 3:13: Dut 21.23 * 3:16: Jen 12.7

jöhöi ahöza. Buña keu mianjôn “gwölönarökurupki” neŋgöra gwötpuk tandök ewö qahö jizapmö, azi mohotkö tandököra kewö jiza, “Mi göhö gwölönaröki waŋgimam.” Azi mohot mi Kraist.

¹⁷*Keu mianjögö könaŋaŋgöra kewö jizal: Jöhöjöhögö keu mianjögö ölnan mönö etmapkö osima. Anutunöŋ mi mutuhök jiba jöhöba yambu (yara) 430 teköiga mianjögöreŋ Köna keuŋi miwikŋaiba Moses waŋgiyök. Köna keu mianjôn mönö jöhöjöhö keuŋi mutuk jiyöhi, mi qeapkömamgö osima. ¹⁸*Oyaenköyaen akingö kötumötuetŋi mi Köna keu wu-ataŋgöba miwikŋaibinak ewö, Anutugö jöhöjöhö keugöra qahö toroqeba osiinga öne töhöŋ ahöbapuk. Buña keuŋi Abraham waŋgiyöhi, mi öne töhöŋ qahö ahöyökmö, Anutunöŋ keuŋi mianjögö dop Abraham kötuetköm waŋgiiga oyaenköyaen ahök.

¹⁹Abraham öne kötuetköm waŋgiba Köna keu mi mönö denöwögöra ali ahöza? Mianjögö könaŋi kewö: Ambazipnöŋ köna oŋgita janjuŋ aka malgeraŋgöra Anutunöŋ Köna keu mi könaŋep toroqeba jim miwikŋaiyök. Jim miwikŋaiiga Suep garata yeŋön mi memba eta alabauk azi (namel man, mediator) Mosesgöra indela böröŋe algetka Anutugö jitŋe memba ambazip sutnine kinda jim kutuyök. Köna keu mianjôn nalö dop ahöm öngöba galöm köl neŋgimapköra aka qahöpmö, könaŋep Köna keugö ösumŋan etmapköra mi neŋgiyök. Abrahamgö gwölönarök kungö jöhöjöhö keuŋi neŋgiiga azi mianjôn asuhuyöhi, nalö mianjögöreŋ Köna keugö ösumŋan eri teköyök.

²⁰Alabauk azi yaŋön Anutu aka ambazip sutnine kinda keu nup memakza. Anutunöŋ jöhöjöhö keuŋi mi alabaukŋi qahöpmö, mönö nanŋak Abraham waŋgiyök. Mianjögöra oyaenköyaen akingö jöhöjöhö keuŋi mi öngöŋgöŋi aiga Köna keuŋi mianjôn nemböŋi akza. Mewö.

Köna keugö nupŋi ölni mi denöwö?

²¹Mewö aiga Köna keu aka oyaenköyaen akingö jöhöjöhö keu mi auzahot me qahö? Saumban! Anutunöŋ mal köhöibingö Köna keuŋi neŋgibawak ewö, mönö ölna Köna keu wuataŋgöba Anutugö jeŋe solanŋi akinak. Mianjögöra keu yahöt mi qahö auzahot.

²²Qahöpmö, keu yahöt mi nanŋök nanŋök. Anutunöŋ jöhöjöhö keuŋi mi mötnariŋ am- bazip oyaenköyaen ak neŋgimamgöra aka ali ahöza. Jöhöjöhö keu mianjôn Jisös Kraist möt narizini, mönö neŋgöreŋ ölnambuk akŋapaköra möta kewö areŋgöba jiyök, “Siŋgisöndok ambazipnöŋ uruŋini qahö meleŋme ewö, mönö öne töhöŋ Anutugö jeŋe qahö solanime.” Mianjögö könaŋi mi Buña keunöŋ kewö jii ahöza, “Siŋgisöndoknöŋ mönö gölme dop ambazip pakpak gwaröhöm neŋgiiga maljin.”

²³Mutuk urunini qahö meleŋninga mötnariŋninan qahö asuhuiga Köna keunöŋ jöhöba galöm köl neŋgiba gwarö uruŋe misim neŋgiyök. Könaŋep Anutunöŋ mötnariŋpkö könaŋi indeli asuhuyöhi, nalö mianjögöreŋ kösö gwarö malmalninan teköyök.

²⁴Mewö taringa Köna keunöŋ mönö böhinina aka Kraistkö könaŋi mötpingöra kusum neŋgimakza. Böhi leuam kusum eŋgigeri, mianjögö dop keu mianjôn mönö neŋguaŋgita solanŋi akingö mindiŋgöba galöm köl neŋgimakza. Mewö aka Kraistkö könaŋi möt asariba möt narim waŋgiinga keunini jim teköi solanibingöra kungum neŋgimakza. Urunini meleŋninga böhigö nupŋan mönö nalö mianjögöreŋ teköza. ²⁵Urunini meleŋninga mötnariŋninan asuhuiga Köna keu bapŋe qahö malinga mianjôn böhi ewö qahö toroqeba galöm köl neŋgimakza. Mewö.

Anutugö nahönböratuŋi aka maljin.

²⁶Körek eŋön mönö Jisös möt narim waŋgigetka ahuahu dölökŋi eŋgiiga Anutugö nahönböratuŋi aka Kraistpuk qekötahöba kinje. ²⁷Kraistpuk kinmegöra o melun mem eŋgigeri, körek eŋön mönö Kraist möt aŋgön köla mianjôn maluku tuatŋi ewö esuhum aŋguba yambuk qekötahöba kinje. ²⁸Iŋini körek pakpak Kraist Jisösbuk qekötahöba kingetka mindirim eŋgiiga mohot aka malje. Mianjögöra Juda aka kantri tosatŋi eŋön

* 3:17: Eks 12.40 * 3:18: Rom 4.14

Anutugö jeñe kambu yahöt mi kunbuk qahö akze. Nanñini nupñini memakzei aka welenqege omani akzei, Anutunöñ engehiga kambu yahöt qahö toroqeba akze. Azi ambi enñon Anutugö jeñe kambu yahöt qahö toroqeba akze.

²⁹* Inñini Kraistkö buñaya akze ewö, mönö Abrahamgö gwölönarökñi yangörenök ahuba tinibaniurupñi malje. Mewö ahuba jöhöjöhö keuñangö ölni oyaenkoyaenñ mi buña qem angumeangö dop akze. Mewö.

4

Neñon Kraistköra aka Anutugö nahönböratñi ahin.

¹ Keu mi toroqeba könañi kewö jimam: Nahönöñ iwiñangö börösamotñi buña qem angumawangö dop akzappmö, morö gwabö mala nalö mianğoreñ welenqege omani yembuk öröröñ tandök akza. Iwiñangö börösamot yuai pakpakö tonñi akñappmö, töndup welenqege yeñgö qöhöröñine alañina aka nup töwañi qahö memakza.

² Mewö morö mala galömmñi yeñgö nembö bapñine kiniga yeñon malmalñi pakpak arengöba galöm köla jim kutum wangimakze. Iwiñan nalö al wangii kam kuñgumawi, mianğoreñök könahiba nanñak börösamot tonñi aka malma. ³ Nanini mewöñanök mutuk urugö likepñe morö gwabö ewö malin. Nalö mianğoreñ bem suahö galöm Suep gölme sutñire yuai pakpak galöm köl engimakzei, mienñon mönö nini mewöyök galöm köl neñgigetka öne yeñgö welenñini qeba nemböñini bapñe malin.

⁴ Mewö malinmö, Anutugö nalöñan kam kuñguiga Nahönñi melaiiga ambigörenök asuhuyök. Juda neñgö Köna keu bapñe malmamğöra asuhuyök. ⁵* Köna keu bapñeyök pösat neñgiba sohoppnini memamğöra asuhuyök. Mewö Anutugö nahönböratupñi aka buñani möt angön köl teköba maljin.

⁶ Mewö Anutugö nahönböratñi akzeangöra aka Anutunöñ Nahönñangö Uñani melaiiga urunine geba kewö qerakza, “O Aba Iwini!”* ⁷ Mewö qerakzawangöra aka qahö toroqeba welenqege omani akzanmö, Anutugö nahönböratñi aka maljan. Mewö maljanangöra aka Anutunöñ oyaenkoyaenñ Buñani gihiiga buña qem anguba galöm köla malman. Mewö.

Polnön Galesia yeñgöra waimanjat mörök.

⁸ Inñini mutuk Anutu qahö möt kutuba malget. Nalö mianğoreñ tandö lopionñ aka bem suahö galöm bem ölnangö malmalñi qahö memba maljei, mi töwañini qahö welen qem engiba etqeqeñi malget. ⁹ Mewö malgetmö, uruñini melenđa nalö kewöñe Anutugö könañi möt kutuba malgetka Anutunöñ möt kutum enñiiga malje. Anutunöñ möt engizawi, keu mianñon bohonñi ak engiza. Mewö maljemö, wuanöngöra dumñe kunbuk bem suahö galöm yuai pakpak galöm kölakzei, mönö yeñgoreñ melenđa mesohol köl engiba malje? Bem suahö galöm mi ösumñini eretñi akzemö, enñon mönö töndup mi welen qem engiba etqeqeñi akingö sihimñi mötze. Mi qahö dop kölja.

¹⁰ Mi welen qem engiba kendon tatat nalö könañi könañi mi mötket öngöiga törörök wuatangömakze. Sabat kendon tarakze. Köiñ dölökñi koriga bemñini mötmöröba köiñ dop söngaimakze. Yambu jeñiqe qe sösöngai aka sösöngai tosatñi mi yambu (yara) dop törörök wuatangömakze. ¹¹ Nöñon engöra aka keñgötñi kewögöra mötzal: Nöñon engö sutñine nup membiga ölni qahö ahuiga öne töhön sileqe qe akilenbuk.

Galesia yeñon Pol andö qebingö aket.

¹² O urumelenñ alaurupni, nöñon kewö kuñguba qesim engizal: Nöñon inñini ewö aka malalanğöra enñon mönö nöñgö dop akñe. Yuai bölöñi kun kude ak niñgiget. ¹³ Nöñon mutuk engören kaba kawöl nöhöi sileni eri malali, könañi mewögöra tata Ölöwak Buña jim asaribiga mötket. Enñon mi möt kömuze. ¹⁴ Nöñon sile-eret malbiga andö nuñgubingö

* 3:29: Rom 4.13 * 4:5: Rom 8.15-17 * 4:6: Aba mi Arameik keunöñ Iwi.

esapesapni miwiknaiget, mi mötzalmö, tøndup qahö jijiwilit aka qepureim ningiget. Mewö qahöpmö, ni neketka Anutugö garata ewö akiga nömeget. Opopon, nöngöra Kraist Jisös nannangö tandök mötmöriba öröm ningiba “Owe owe!” jiget.

¹⁵ “Owe owe!” jiba silene pölpöl qeba je kötnini uzula ningibingö mötketmö, mi qahö dop köliga mosötket. Engö könañamñini möta mi ölna mewö nangöba jizal. Yei! Nalö miangören jim sösöngai önöñi qahö akeri, mi mönö denöwögöra nalö kewöñe qahöwahi öne malje? Mi qahö dop kölja. ¹⁶ Engöra Buña keu ölni jimakzalañgöra mönö kerök ak ningize me?

¹⁷ Ambazip tosatñi mienön engöra aka urukönöp ahakzemö, mi urukönöp ölöñi qahö. Mi ölöñi qahöpmö, yeñon inini nengörenök enjuangita sutnine jabö ala tököm ningimegöra mötze. Mewö menden nengigetka urukönöp qakñe nannini nangöm enngimegöra kapañ kölakze. ¹⁸ Inini ahakmeme ölöñi akñegöra urukönöp ahakzei, mi mönö qetpuk. Nöñon engö sutnine malbiga nalö miangörenök qahöpmö, mönö nalö dop mewö aketka dop kölma.

¹⁹ O gömokurupni, ni ahuahu dölökñi ahumegöra masö tandök nunguiga sihimbölö mörali, miyöhök mönö dumñe kunbuk mötzal. Kraistkö ahakmemeñan engören ahum kutumapköra sihimbölö mi möta maljal. ²⁰ Nöngö urunan mönö engöra aka lalalulu siksauk akza. Miangöra nöñon nalö kewöñe engö sutnine malmamgö mötkurumkurum akzal. Embuk mala keu imbini memba eta ala keu ösöñ jimamgö ak ningiza. Mewö.

Hagar aka Sara yetkö söpsöp keuñi

²¹ Tosatñi eñon Juda nengö Köna keu Kimbi wuatangöbingö mötzmö, keu miangö könañi mi ölna möt kutuze me qahö? Könañi mi möt asarimegöra qesiba kuñgum engizal. ²² *Buña keu kun kewö ohoget ahöza: Abrahamgö nahönyahöñi yahöt ahuyohot: Kun welenqege ambi etqegeñan (sleiw) meyök aka kun mi nannñi songojarin anömñi solanñi (fri) malmalñan meyök. ²³ Welenqege ambinöñ nahöññi meyöhi, miangön morö ahuahugö könanöñ ahuyökmö, kun ambi solanñi (fri) malmalñan meyöhi, yañon Anutunöñ morö nahön ahumapkö keu jöhöyöhi, mönö keu miangö ölnan asuhumapköra ahuyök.

²⁴ Keu miangö könañi mi tölapñi. Ambi yahöt mi Anutunöñ ambazip nembuk jöhöjöhö areñ yahöt alöhi, mönö mietkö söpsöpñira. Jöhöjöhö areñ kun mi Sainai (Sinai) kundunje alöhi, miangö söpsöpñi mi ambi qetñi Hagar. Ambazip jöhöjöhö areñ mi wuatangömakzei, yeñon mönö Köna keugö jimkutukutu bapñe malje aiga gwölönarökurupñinan keu miangö welenñi qemakñegöra ahumakze.

²⁵ Hagar mi Sainai kundunji, Arebia gölmenöñ kinjawangö söpsöpñi akza. Sainai miangö alañi mi Juda gölmegö siti qetñi Jerusalem. Siti miangö könagesögö ketanñi moröñi yeñon nalö kewöñe Köna keu bapñe malgetka jöhöm engii solanñi (fri) qahö akze. Miangöra dopñiri mohok akzahot. ²⁶ Solanñi (fri) qahö akzemö, Jerusalem siti kun euyangören maljei, yeñon mönö kösö gwaröñini qahö solanñi malje. Nengö namnini Sara yañon mönö siti miangö söpsöpñi akza. ²⁷ *Miangö kezapqetok keuñi mi kewö ohoget ahöza,

“Ambi azinöñ ölan qeyöhi, yañon mönö nahönbörat engömiiga sehigetka mewö ambi apñambuk mi luhut alma.

Miangöra ambi köpin morö qahö menöñi, gi mönö tøndup söngaiba malman.

Masö qahö guhui malnöñi, gi mönö tøndup qet gigilahöba morö ahumapköra köirañ ala malman.”

²⁸ O urumelen alaurupni, inini mönö Aisakö dowä Anutugö jöhöjöhö keuñan nam köñ engiiga ahuahu dölökñi ahuba malje. ²⁹ *Nalö miangören morö ahuahugö könanöñ

* 4:22: Jen 16.15; 21.2 * 4:27: Ais 54.1 * 4:29: Jen 21.9

ahuyöhi, yanön munñi Uña Töröñan nam köl wanñiiga ahuyöhi, mi sesewerowero ak wanñiba malök. Nalö kewöñe mewöñanök sesewerowero mewöñi mi ahöza.

³⁰ *Mewö ahözapmö, Buña keu kun mi toroqeba kewö jigetka ahöza, “Welenqege ambigö nahönñan mönö Iwiñanğören bürösamotñi qahö mema. Ambi solanñi mal-malñi yanğö nahönñambuk mi mohotñe qahö mendenđa anğön kölmahot. Mianğöra welenqege ambi etqegeñi mi mönö közölnöñga nahönñambuk anmahot.” ³¹ O urumelen alaurupni, söpsöp keu mewöñanğö dop neñön mönö welenqege ambigö undumurupñi gwaröninambuk qahö akzinmö, ambi solanñi malmalñanğö undumurupñi akzin. Mianğöra lolonqalon ahakmeme mi közölme. Mewö.

5

Lolongöba Kraistpuk kinkin solanñe kinme.

¹ Kraistnönj Köna keu bapñeyök pösat neñgiiga solanñi maljin. Mewö mala tosatñan inñini kunbuk öröba Köna keugö mötöpnönj* jöhöm enğibepuköra mönö galöm mem anğuba malme. Welenqege omanñi ewö akepuköra mönö köhöiba böñ qeba kinme.

² Mötket! Pol nönñon kewö jibi mötket: Tosatñan Anutugö aiwesökñi silenine yandimegö mötketka imbi kölme ewö, Kraistnönj mönö bauköm enğimangö osima. ³ Keu mi toroqeba kewö nanğöba jimam: Azi pakpak silenine aiwesök yandimegö mötketka imbi kölmei, yeñön mönö Köna keu pakpak tem köla wuatangöme. Mi qahö wuatangögetka qahö dop kölma. ⁴ Köna keu tem köla wuatangöba mewö mianğön solanñi akingö mötzei, enñön mönö Kraistkö selñi qösököba yambuk qahö toroqeba kinje. Enñön mönö Anutugö kalem möriamñi mosöta yaigep eta lanñ malje.

⁵ Lanñ maljemö, neñön mönö Anutugö jeñe diñdini akingö jörömqörömñi aka awöweñgömakzin. Mewö ahinga Uña Töröñan inahöm neñgiiga Anutu möt narim wanñiinga keunini jim teköi solanibingöra mambörakzin. ⁶ Kraist Jisösbuk kininga urugö ölni mötnarip mi mohotñan mönö bauköm neñgimakza. Anutu möt nariinga inahöm neñgiiga anqeba urukalem ak anğuinga dop köljamö, mötnarip ölni qahö mi qahö bauköm neñgimakza. Mewöyök Anutugö aiwesökñi silenine yandiget ahöza me qahö, mi mönö dop mohot akza. Silegö kun me kun mi Anutugö jeñe qahö bauköm neñgima.

⁷ Mutuk uru melenmelenğö aonğitnönj mönahot ewö ösumñinan anget. Ölöpnanök angetmö, böhi takapulakanñi kunönj kaba siksauk mem enğiba kembangan kutuiga keu ölni qahö toroqeba tem kölakze. ⁸ Kun danñon enğoholakzawi, yanñon mönö kembangan kutumegöra qahö tutuhuba kuñgum enğimakza. Mi qahö. ⁹ *Yist boromdökñi kimbutnönj ala plauabuk melenninga körek pakpak meiga qariba wahörakza. Mianğö dop siksauk moröñan mönö dop köl enñgiiga körekmakörek janjuñ akepuk.

¹⁰ Böhi takapulakanñi yanñon siksauk mem enñgiiga janjuñ ahakzei, Anutunönj mönö yanğö ahakmemenangö likepñi melenñ wanñiiga sihimbölönj möta malma. Nönñon Kembubuk kinda möt narim enğiba enğöra kewö möta awösamakak akzal: Inñini Kraistkö Buña keu törörök wuatangöba mötmöt murutñi pakpak yaköribingö möt köhöiba malme.

¹¹ O urumelen alaurupni, inñini mewö malmemö, nönñon Kraist maripomnönj kömuyöhanğö könanñi jim sehibiga Juda yeñgö uruñinan mianğöra bölimakza. Maripomğö keunñi mosötpileñak ewö, mönö sesewerowero qahö ak niñgibeak. Anutugö aiwesök azi silenine yandiyandimegö Buña keunñi toroqeba jiba uru kuñgum enğibileñak ewö, mönö kahasililñ qahö ak niñgibeak. ¹² Tosatñan kuñgum enğiba siksauk memakzei, yeñön mönö yandiyandigö keunñini wuatangöm teköba nanñini sile kitipñini körek yandim anğuggetka mötpi dop kölbowak.

* **4:30:** Jen 21.10 * **5:1:** Ip kembangan (yoke) mi bulmakau yahötkö jölnire ala jöhögetka mindirim etkiiga mianğön mohotñe kare me gölmeqeqegö kinon örömakzahot. Mianğö dop Köna keu gwarönönj maljan ewö, nupñi mönö töp meman. * **5:9:** 1 Kor 5.6

¹³ O urumelen alaurupni, Anutunöŋ inini köna walŋaŋgö keunöhök lolohoba gwaröŋini qahö malmegöra engoholökmö, kewögöra mönö galöm mem aŋguba malme, “Mönö lolohoba solanŋi maljin,” mewö jiba möndöba uruŋinan wahöri silegö sihim kömbönaŋini bölöŋan mönö galöm köl engibapuk. Nanŋini imbi-imbi qahöpmö, mönö urukalem qakŋe kinda welen qem aŋguba malme. ¹⁴ *Köna keu bohonŋi mohot wuatangögetka Anutugören keu pakpak mönö mewöyök ölninambuk akŋe. Keu bohonŋi mohok mi kewö, “Nangi jöpaköm aŋgumakzani, miangö dop mönö ambazip pakpak urugan jöpaköm engimakŋan.” ¹⁵ Mewö jizapmö, bau kiam ewö aŋgöhöm söksök aka aumakze ewö, mönö nanŋini ayuhum aŋgubepuköra töhötni pöndaŋ möta malme. Mewö.

Uŋa Töröŋan galöm köl engiiga malme.

¹⁶ Nöŋön kewö jimam: Uŋa Töröŋan mönö ahakmemeŋini galöm köliga malme. Mewö malgetka urusilegö sihim kömbönaŋini bölöŋi qei eri kude tem köla wuatangömakŋe. ¹⁷ *Miangö könaŋi kewö: Urusilegö sihim kömbönaŋi bölöŋan mönö Uŋa Töröŋi qetala laŋ köpösöŋgöiga Uŋa Töröŋan uru walŋaŋgö kukŋi qemangö möriga sutŋire jujul ahöi aumakzahot. Mewö aumakzahoraŋöra eŋön yuai ölöŋŋi aka memingö möta mi osimakze. ¹⁸ Mi osimakzemö, Uŋa Töröŋan enŋuaŋgiriga anda malje ewö, mönö Köna keu bapŋe qahö malje.

¹⁹ Urusilegö ahakmeme walŋaŋgö nup ölni mi aukŋe ahöi mötzin. Mi kewö: Kaisero namböŋnamböŋ laŋ aketka uruŋinan tölöhoiga serowilin ahakze. ²⁰ Tandö lopion waikŋini memba bemŋini möpöseim enŋigetka uruŋini sölölohöm enŋii suŋa jinaŋ ahakze. Kerök asuhui aŋgururuk aka aumakze. Kungören yuaigöra urunöŋ mututqutut möta eröm ota yom jiba urusŋgok ahakze. Nanŋinaŋgörök mötmöriba yuai öröba girinjabak memakze. Julia menden aŋguba kambuŋi kambuŋi ala jijiwilit ak aŋgumakze.

²¹ Tosatŋi yeŋgö yuaigöra eksihim möta körögisigisi aka közölömbuan pati ala bau numbu memba o köhöikŋaŋgöra enololon ahakze. Mi aka silik tosatŋi mewöŋi ahakzei, yeŋgöra mutuk jial aka miangö dop galöm meme keu mi qeljŋe dumŋe kunbuk kewö jizal: Ambazip silik mewöŋi ahakzei, yeŋön mönö Anutugö bemtohoŋ uruŋe qahö öŋgöme.

²² Yeŋön qahöpmö, Uŋa Töröŋan nup memakzawangö ölni mi urukalem, söŋöŋgai, luai aka ahakmeme ölöŋŋi kewö: Lömböt pakpak möta mököŋönda tosatŋi ala ak engiba ahakmeme sakalakŋi ahakze. Keuŋi misila pöndaŋ wuatangömakze. ²³ Guŋböŋjönjön qakŋe tosatŋi ak engiba nanŋini törörök galöm köl aŋgumakze. Ambazip silik mewö ahakzei, yeŋön Köna keu qahö qetalakze. ²⁴ Ambazip Kraist Jisösgö buŋaya aka maljei, yeŋön uru sileŋinaŋgö sihim kömbönaŋini bölöŋi aka bölöŋaŋgö urukönöŋŋini mi körek Jisösbuk maripomnöŋ algetka mem kömuyöhawa malje.

²⁵ Uŋa Töröŋan urunine geiga maljin ewö, ahakmemeŋini mönö mewöyök Uŋa mianjön galöm köl neŋgii aka memba malbin. ²⁶ Mewö mala qetbuŋa omanŋi neŋgimegö kude kapaŋ köla öne töhöŋ kude aiweliköm aŋgumakŋe. Urubölö ak aŋgubepuköra mönö uruköŋgaŋ kude aka uruöŋgöp qakŋe kude ak aŋgumakŋe. Mewöyök körögisigisi kude ahakŋe. Mewö.

6

Lömbötŋini mönö bisiba bauköm aŋgumakŋe.

¹ O urumelen alaurupni, kunŋan köna onŋita ŋiŋisöndok aiga miwikŋaize ewö, urumelen alaurup eŋön mönö mökököli qakŋe ala ewö mindiŋgöm waŋgigetka kunbuk köna miwikŋaima. Mewö aka nangak mewöyök esapesapnöŋ et guhubapuköra mönö galöm mem aŋguba malman. ² Lömbötŋini mönö bauköm aŋguba bisimakŋe. Mewö

* 5:14: Lew 19.18 * 5:17: Rom 7.15-23

mianjön Kraistkö Köna keunji wuatangögetka öljambuk ahakña. ³ Kunñan eretñi mala töndup nanñangö möri öngöngöñi akzawi, yanñon mönön nanñi tilipköm anjgumakza.

⁴ Mewö kude akñemö, mohot mohot enñon mönön nanñini ahakmemeñini kewöta esapkögetka dop kölma. Mewö aka alañini ongita qetbuñanambuk akzeangöra kude aiwelikömemö, mönön nanñini könañinangörök silenini möpöseigetka dop kölma. ⁵ Anutunöñ lömbötnini murutñi murutñi mendenñ neñgiiga nanñök nanñök bisimakzin. Miangöra nanini tosatñi yembuk likeplikep ala kewöt anjgubingö osimakzin.

⁶ Böhi qaqazunöñ kungöra Buña keu kusum wangimakzawi, yanñon mönön miangö töwanji melenja yuainji ölöpnji pakpak mendenja bahöñi wangimakña.

⁷ Nanñini mönön kude tilipköm anjgumakña. Kunöñ nene warökñi kömöriga ölnji miangö dop ahui miwikñaima. Keu miangö dop Anutunöñ bölöñamnini eka likepnji miangö dop neñgima. Miangöra Anutu mi azi omani ewö mepaqepaik ak wangibingö osimakzin. ⁸ Urusilegö sihim kömbönañi bölöñan kun nam köl wanggiiga miangö warökñi lanj kömörakzawi, yanñon mönön miangö köndenmönöñi miwikñaiba bölimakña. Yanñon bölimakñapmö, Uña Töröñan kun sölölohöm wanggiiga miangö warökñi kömörakzawi, yanñon mönön ölnji miangö dop miwikñaiba malmal köhöikñangö buñaya aka malma.

⁹ Nini jegep kinda nup ölöpnji ölöpnji memba mala miangöreñ mönön löwöriba zölokzölok kude akñe. Tanqan aka nup qahö mosötpin ewö, ölnji meme nalöñan kam kuñguiga nupninangö töwanji mönön miwikñaibin. ¹⁰ Miangöra gölmenöñ malbinangö dop neñon mönön ambazip ölöpnji ak enjgibingö jegep kinda malbin. Urumelenñ könagesö uruñe maljei, i mutuk alabauk ak enjgimakin aka yengö andöñine ambazip tosatñi pakpak köna asuhuiga mem ölöwak enjgimakin.

Galöm meme aka yaizözkök keu teteköñi

¹¹ Pol nöñon kirifi memba nani börönan kulem je ketanji ki enjgöra ohozali, mi ekñe. ¹² Ambazip Anutugö aiwesökñi silenine yandimegöra kuñgum enjgimakzei, yeñon mönön körek sile megetka gölme ambazipnöñ yengöra mötket öngömapköra kapan kölakze. Kraistnöñ maripomnöñ kömuyöhi, keu miangöra sesewerowero ak enjgibepuköra mönön mewö kuñgum enjgimakze. Miangö könañi murutñi kun qahö. ¹³ Anutugö aiwesökñinambuk mienñon mönön nanñinak mewöyök Köna keu qahö wuatangöm teköba malje. Mewö qahöpmö, enjgö silenini yandimegö mötzeañon mönön enjgö sile kitiññinangöra aka nanñini silenini mem öngöba qetbuñanambuk akingö mörakze.

¹⁴ Mewö mörakzemö, nöñon Kembunini Jisös Kraist maripomnöñ kömuyöhi, mönön Buña miangöra aka silenini möpöseimakzal. Qetbuña murutñi kun qahö jarumakzal. Mi yapmakek! Kraistnöñ maripomnöñ kömuiga yambuk toroqebiga mötmöt areñnan uteköiga silik bölöñangö sisitñi memakzal. Gölme ambazipnöñ silegö ahakmeme bölöñi membingö mötmörriba keu jimakzei, nöñon mönön miangöreñ göröken köhömuñi tandök akzal. Möpöseim niñgimei me silene keu almei, miangö likepnji mi qahö melenmam. Gölmenöñ keu kewöta tosatñi mötket öngöi tosatñi mötket eretñi akzawi, mi mönön nöñgö mötmöt areñbuk dop mohot qahö akzahot.

¹⁵ Silenine aiwesök yandiget me qahöwi, mianñon mönön dop mohot akza. Mianñon gorosonñi akzapmö, ahuhahu dölöknangö dömnji akzini, mianñon mönön öl töhöññi akza.

¹⁶ Ambazip ahuhahu dölöknangö jimkutukutu keu wuatangöba maljei, Anutunöñ Juda körek mi aka Anutugö urumelenñ könagesö pakpak inñini mönön ak kömum enjgiiga luainöñ malme.

¹⁷ Keu teteköñi kewö jizal: Nöñon Jisös qegerangö löpötñi mi nani silene ahöiga bisimakzalanjgöra kunöñ mönön urulömböt kude toroqem niñgima.

¹⁸ O urumelenñ alaurupni, Kembunini Jisös Kraistkö kalem möriamñan mönön embuk ahöba uñanñini kötuatkömakña. Keu mi ölnja.

Efesus Kimbi Polnön Efesus yengöra Kimbi alök. Jim-asa-asari keu

Polnön Rom sitigö kösö mire tata Efesus urumelen kambu yengöra Kimbi ki ohoyök. Efesus mi Eisia prowinsgö siti bohonji. Siti miangö uruñe kölköl-örörö gwötpuk ahömalget. Polnön misin nup memba liliköi indimñi karöbut ahiga Efesus kaba yambu karöbut miangören Buña keu jiba malök. Efesus sitinön Juda ambazip tosatñi miri tonji yengö sutñine malgerañgöra Polnön kimbi ki ohoba kewö kusum engiyök, “Kraistnön lök kambu yahöt toroqeiga urumelen kambu mohok-kun akzahot.” (2.15-16), (3.6) Anutunön jitsihitñi aka kalem möriamñi urumelen kambu nengöra denöwö ali ahözawi, mi gwötpuk jim asariza. (3.10) Miangö dopkeu karöbut kewö jiyök:

1. Urumelen könagesö enön sile sep busu mohot aketka Kraistnön nanjak nöropñini akza. (1.23; 4.15-16)

2. Urumelen könagesö enön miri mohot tandök aketka Kraistnön engö tandönini kömbönañi akza. (2.21-22)

3. Urumelen könagesö enön ambi buña ewö aketka Kraistnön apñangö tandök akza. (5.25-27) Mewöyök Kraistnön Efesus engö kambu yahöt toroqem etkiiga miangöra sile sep busu mohot akze. Asakñangö ambazip akerañgöra malmalñinangö goro keunji keunji ohoyök. Mewö.

Buk kiangö bahöñi bohonji 4 mi kewö:

Keu mutukñi keu 1.1-2

Kraist aka urumelen könagesö 1.3-3.21

Kraistpuk malmal dölökñi 4.1-6.20

Kimbigö keu kötñi bohonji 6.21-24

¹ *Anutunön Pol ni jitsihitñangö dop melaim niñgiiga Kraist Jisösgö aposol akzal. Mötnarip alaurup sarakñi Kraist Jisösbuk qekötahöba Efesus sitinön maljei, nöñön embuk keu eraum mötpingöra kimbi ki ohozal.

² Anutu Iwinini aka Kembu Jisös Kraist yetkön mönö kalem möriam engiyohotka luainön malme.

Kraistnön Anutugö kötumötuetñi nengimakza.

³ Neñön Kembunini Jisös Kraistkö Iwi Anutuñi möpöseimakin. Yanön nini Kraistpuk qekötahöinga uruninan ölöwakñapköra Suep mirigö kötumötuetñi aka kalemñi könañi könañi mi urunine alöha kayambu asuhui mala kotket. ⁴ Anutunön nini mutuk möpñangö möpñeyök kewö akingöra möwölöhöm nengiyök: Kraistnön nam köl nenggiiga neñön yangö buñañi sarakñi aka Anutugö jemesoholñe keunini qahö kinbin. Mewö möwölöhöm nengiba miangö andöñe Suep gölme miwikñaiba al etkiyök. Nalö miangörenök könahiba ambazip jöpaköm nengiba mala korök.

⁵ Jöpaköm nengiba urusihimñangö dop qeljiñe keu jit areñi ala keunini kewö jim teköyök: Jisös Kraistnön nam köl nenggiiga Anutunön nengömeiga nanñi nahönböratuñi akin. ⁶ Wölböt Nahönñi nengöra melaiiga eta Anutugö kalem möriamñangö kukösumñi buñabuñambuk köleñda söngöröñi qahö öne nengiyök. Nini mönö kalem möriamñi miangöra Anutu möpöseim wangimakin. ⁷ *Anutugö kalem möriamñangö köwenji mi keta bölökñi. Miangö dop Jisösnön sepñi mokoba mianön sohoppnini meyök. Mi meyöhangöra Anutunön ölop singisöndoknini mosöta sanjon nengimakza.

* **1:1:** Apo 18.19-21; 19.1 * **1:7:** Kol 1.14

⁸ Yanjon kalem möriamni mi köweneyök kelenmalelen mokoiga qaknine öngöyök. Mötikututuñi öngöngöñi pakpak miangö dop kewö möt asarim nenngiyök: ⁹ Anutunöñ mutuk nanñi uruñe keu areñ jöhöba möri ölöwahiga tölapñe ahöi öne mala kotketmö, Kraistnöñ Anutugö keu jitñangö dop wuatangöba eta nenngöreñ indeliga eka mörin. ¹⁰ Anutunöñ mutuhök kalem möriam areñangö könañi kewö mötmöriyök, “Anutu nöñön areñ mi wuatangöba mala malbiga nalöñi törörök kam kuñguiga miangöreñ öljambuk aiga kewö asuhuma: Körek Suep mirigö jakeni jakeni miangöreñ me gölmenöñ ahuba maljei, nöñön mönö mi pakpak mindiriba jöhöm engimam aka Kraist kuñgum wangibiga körek yenjö bohonñini mohot aka malma.”

¹¹ Anutunöñ mutuhök nanñi uruñangö dop keu jöhöi ahözawi, mönö areñ miangö dop kuñgukuñgu keuñi jiiga yuai pakpak asuhumakza. Nanñi areñi miangö dop qeljine Juda könagesö nini nanñi buñañi aka malbingöra jim teköba al nenngiyök. Miangö dop nini tosatñan Kraistpuk qekötahöinga meköm nenngiiga buñañi börösamot ewö angön köla memba maljin. ¹² Juda könagesö nenñön Kraistnöñ galöm köñ nenngimapkö mamböta qeljine jörömqöröm ak wangiba mala korini, yanjon nini Anutugö kukösumñi buñabuñañambuk möpöseiba malbingöra aka möwölöhöm nenngiyök.

¹³ Kian kantri engöreñök tosatñan mewöyök Kraistpuk toroqeba qekötahöget. Amötqeqegö Ölöwak Buñañi jigetka keu öñi mi möta uruñini melenget. Uña Töröñi yanjon Anutu buñañangö muñgem aiwesökñi akza. Uña mi melaii etmapkö keu jöhöyöhi, yanjon mönö mi uruñine ali geyök. Kraist möt narim wangigetka Anutunöñ aiwesökñi kömbönañi mi mekötahöm enngiiga malje. ¹⁴ Anutunöñ könagesöurupñi Suep Buña nenngimamgö keu jöhöyöhi, mi memingö aiwesökñi Uña Töröñi mi mutuk al nenngiyök. Uña Töröñi urunine ali maljawangöra mönö kewö möt köhöizin: Anutunöñ lök sohopenini memba buñaurupñi ahinga bian gölmenöhök nennguanñiriga Suepnöñ öngöba oyaenñkoyaen akin. Miangöra mönö Anutugö kukösumñi buñabuñañambuk möpöseimakin. Mewö.

Polnöñ Anutu möpöseiba kewö köuluköyök:

¹⁵ Mewö oyaenñkoyaen akingöra aka nöñön Efesus engöra köulukömakzal. Enjon Kembu Jisös pöndañ möt nariba ambazip sarakñi pakpak uruñinan jöpaköm engimakzei, tosatñan miangö buzup keuñi jigetka möral. ¹⁶ Miangöra buzup keu mi mörali, nöñön mewöyök engöra aka Anutu möpöseiba mala qahö mosöral. Qahö. Nöñön köuluköba miangöreñ mötmörim engimakzal.

¹⁷ Mötmörim engiba Kembunini Jisös Kraistkö Anutuñi mi kewö köuluköm wangimakzal, “O Iwi kukösum Tonji, gi mönö Uñagi Töröñi Efesus alaurup engiman. Uña mi uruñine alnönga mötkutukutuñini qainñi kun asuhuiga Anutugö könañi ölöpñanök indeliga möt yaköme. ¹⁸ Anutu, gi mönö uru jeniñi mem asarinönga nangi Buñagahö könañi möt yaköme.” Anutunöñ nanñi ambazip sarakñi nenngöra Suep Buña kukösumñi buñabuñañambuk mi nenngimamgö keu jöhöiga inñi yuai mi asuhumapkö al mamböta jörömqöröm akñegöra engoholök. Jörömqöröm aketka Jisösnöñ kunbuk asuhuiga aködamunñinambuk akñei, inñi oyaenñkoyaen miangö könañi möt sölöngömegöra köulukömakzal.

¹⁹ Möt narim wanginga Anutugö kukösum köhöikñan urunine sehiba nup memakzawi, miangön mönö keta bölökñi teteköñi qahö akza. Inñi miangö könañi möt kutumegöra köulukömakzal. Ösum-mumuñi wewelipñambuk miangön silenini kutuba inahöm nenngimakzawi, Anutunöñ miangö kukñi kewö kondel nenngiyök:

²⁰ *Anutunöñ kukösumñi nupnöñ ala Kraist mem gulim wangii kömupnöhök wahörök aka wangiriga Suep mire öngöba selñi selñi liliköba jakeni jakeni engongiriga Anutunöñ böröñi öñe dum tatat mutukñe ali tatza. ²¹ Ali jakömbuak dumñe tata öroyuai pakpakö bohonina kinja. Bem suahö galöm aka yenjö nemböñine jembon pom aka gawman

* 1:20: Sum 110.1

kiap öngöngöni eretni kukösumñinambuk kembu ak neñgimakzei, Kraistnöñ mönö mi körek pakpak galöm köl enñgimakza. Suep mire, gölmenöñ aka mietkö sutñire galöm qet pakpak qet enñgetka bisizei, Kraistnöñ mi körek enñgongita öngöza. Gölmegö nalö kewöneyök qahöpmö, könañgep nalö qainñi kun asuhuiga mal öngöbini, miangöreñ mewöyök öröyuai pakpak galöm köla mal öngöma.

²² **Anutunöñ uña, ömewöröme, ambazip aka öröyuai pakpak mi memba eta Kraistkö bapñe al neñgii malinga Kembunini öngöngöni akza. Anutunöñ Kraist mi urumelen könagesö neñgiba bohonini kinmapköra kuñgum wañgiiga malja. ²³ Yanön kötal neñgiba bohonini aiga neñön yangö öññangö köna börö su-urupñi akzin. Kraistnöñ nörowök aiga qahö dop kölbawakmö, neñön yangö törömunñi aka toroqeinga öññan asuhum tiñgiriga dop kölja. Kraistnöñ mewöñanök öröyuai pakpakö törömunñina kun aka toroqeiga körek pakpak mienñön mönö Anutugö aködamunñinambuk asuhaba dop köla anakze. Mewö.

2

Köhömuñeyök guliba Kraistpuk köhöiba maljin.

¹ *Mutuhök köna onñgita siñgisöndokñi siñgisöndokñi akerangöra malmal köhömuñi mala kotket. ² Inñini nalö miangöreñ gölmegö ahakmeme bölöñi wuatangöget. Ömewöröme yengö Kembuninan nalö kewöñe Suep gölme sutñire mala qeqetal ambazip urunñi sölölohöba galöm köl enñgimakzawi, mönö yangöreñ qekötahöba tem köl wañgiba malget.

³ Neñön körek mewöñanök mutuk yengö sutñine silebile aka lañ malin. Uru silegö sihim kömbönañnini bölöñi wuatangöba nanine imbi-imbi malin. Mewö lañ malinga Anutunöñ neñgehi qahö dop köliga irimsesewölñi qaknine ali malin. Qeqetal ambazip tosatñi yengö dowök Anutugö irimsesewölñangö buñaya aka malin.

⁴ Mewö malinmö, nalö kewöñe mewö qahö. Anutunöñ ak-kömukömuñi teteköñi qahö mianñön mönö jöpaköm neñgiyök. ⁵ Köna onñgita Anutu qetala mianñöra köhömuñi aka malinmö, Anutunöñ Kraist mem guliyöhi, nini mewöyök mönö mewöñanök mem gulim neñgiiga köhöiba maljin. Yangö kalem möriamñan mönö amöt qem enñgiiga kunbuk letotket.

⁶ Kraistnöñ wahöröhi, nini mewöyök mönö mewöñanök neñgömindiga köhömuñeyök wahöriñ. Anutunöñ Kraist Jisös wañgiriga Suep mire öngöyöhi, nini mewöyök mönö mewöñanök Suep malmalgö jake ahözei, mönö miangöreñ al neñgiiga yambuk tosatñi galöm köl enñgiba maljin.

⁷ Anutunöñ kewögöra mewö al neñgiyök: Anutunöñ kalem möriamñangö köweni teteköñi qahö mianñön aukñe asuhui möt asaribingöra mörök. Möt asariba könañgep nalöñi nalöñi qainñi kun asuhugetka teteköñi qahö mal öngöbini, nalö miangöreñ mi neñgim qarimapköra mörök. Anutunöñ Kraist Jisös melaiiga kaba urukalemñi mewö kondel neñgiyök. ⁸ Anutu möt narim wañgetka kalem möriamñan mönö amöt qem enñgiiga kunbuk letotket. Nanñini nam köl anguba mewö mianñön qahö letotketmö, Anutunöñ mi kalemña ak enñgiyök. ⁹ Nanñinak yuai kun ak sorokögerangöra aka qahö letotket. Kunöñ kun nanñi silenñi memba öngöbapuköra mönö kalem möriamñangörök aka mewö ak enñgiyök.

¹⁰ Nini Anutugö börösöwöya maljin. Kraist Jisösbuk qekötahöinga Anutunöñ uru dölokñi miwikñaiiba al neñgiyök. Anutunöñ qeljiñe nup ölöpnñi ölöpnñi möwölöhöba mözözömgöyöhi, neñön mi memba malbingöra mewö miwikñaim neñgiiga maljin. Mewö.

Kraistpuk qekötahöba öññi mohot akzin.

¹¹ Mianñöra aka Efesus inñini mutuk Juda ambazip qahö ahaba Anutugö könagesö qahö malgeri, mönö mi mötmöröiba malme. Tosatñan enñgöra kewö jiba jim enñgimalget, "Nini Anutugö aiwesökñinambuk maljinmö, kantri tosatñi inñini ambazip omanñi aiwesökñini

* 1:22: Sum 8.6 * 1:22: Kol 1.18 * 2:1: Kol 2.13

qahö!” Qet mi azi börönöŋ aiwesök silenine yandimakzei, mönö mi mötmöröba jimalget. ¹² Injini nalö miangöŋ uruŋini Kraistpuk qahö jöhöba öne yaigep malget. Kian kantri injini Juda könagesö neŋgö kau likepurupnina malget. Anutunöŋ ambazip nanŋangöra möwölöhöm neŋgii maljini, injini neŋgö sutnine qetŋini qahö malget. Anutunöŋ Buŋaŋi alaurupŋi eŋgimamgö jiba keu jöhöyöhi, injini mi qahöpmahöp möt kutuba tönpin malget. Oyaenköyaen akingö jörömörömŋini qahö. Anutunŋini qahö tandök gölmenöŋ önewat lan malget. Mönö mia mötmöröba malme.

¹³ Injini mutuk tikep malgetmö, Kraist Jisösbuk qekötahögetka sepŋan saŋonŋ eŋgiiga nalö kewöŋe amqeba Anutugö kösutŋe kaba malje. ¹⁴ Kraistnöŋ nanŋak luai Tonini akza. Yaŋön Juda könagesö aka kian kantri ambazip kambu yahöt nini mindirim neŋgiiga kutulaŋgömaksin. Sutnine kerök ahöba sel paset köhöikŋi ewö mendenŋ neŋgiyöhi, yaŋön mönö soŋgo mi tumbaköba luluŋniga urumelenŋ könagesö mohot akzin. ¹⁵ *Jisösnöŋ nanŋi gölme silenŋan kömuiga mewö miangön Juda neŋgöŋ Köna keu aka miangö jöjöpŋ keuŋi aka jimkutukutu tosatŋi mi köndenök. Sile kambu yahöt mindirim neŋgiba könagesö dölökŋi mohot akingöra mi köndenök. Miangöra uru dölökŋi miwikŋaiba al neŋgiiga Kraistpuk qekötahöingä sutnine luai qei asuhum neŋgiyök.

¹⁶ *Kraistnöŋ kömumba keröknini maripomnöŋ qem kömui erök. Silenŋi mohot miangö sepŋan mönö ambazip kambu yahöt neŋguaŋgiriga ölop lilingöba Anutugö kösutŋe kabin. Mewö mindirim neŋgiiga ölop böröqeqe akin. Mi ak teköba Kraistkö ölni mohot aka maljin. ¹⁷ *Kraistnöŋ kaba luai asuhumapkö Buŋaŋi mi kian kantri ambazip Anutu andö qeba tikep malgeri, eŋgöra jim asarim eŋgiyök aka Juda ambazip Anutugö kösutŋe malini, mönö neŋgöra mohot jim asarim neŋgiba malök. ¹⁸ Kraistnöŋ Juda aka kian kantri ambazip nini körek nam köl neŋgiiga Uŋa Töröŋi mohotŋan köna kondel neŋgiiga ölop amqeba Iwigö jemesoholŋe aŋgotpin.

¹⁹ Miangöra injini Juda ambazip qahöpmö, töndup kian ambazip qandakŋi mi qahö toroqeba malje. Anutugö miri gölme toŋi sarakŋi aketka nembuk mohotŋe Anutugö urumelenŋ könagesö akzin.

²⁰ Kezapqetok ambazip yeŋön mutuhök Anutugö keunöŋ tandö esim kuŋgugetka Kraist Jisösnöŋ nanŋak kaba tandö kömbönaŋnini aka aposol melaim neŋgiba bohonini kiniga Anutugö urumelenŋ jikeya akzin. Injini mewöyök tandö miangöŋ aŋgota naŋgönaŋgö ak aŋguba köhököhöi miwikŋaimakze. ²¹ Yaŋön mönö miri mi jömukŋanök mindirim jöhöiga kinakza. Nini Kembubuk qekötahöba kindä kutulaŋgöingä mötnariŋninan köhöim qariiga Anutugö urumelenŋ jike kömbukŋi akzin. aka ²² Injini mewöyök Kembugöŋ qekötahöba urumelenŋ alaurup tosatŋi yembuk kutulaŋgöba mohotŋe kindä uruŋini naŋgöm aŋguba köhököhöi miwikŋaimakze. Mewö kindä Anutugö urumelenŋ jike aketka Uŋa Töröŋi uruŋine ala miangön nanŋak jikenŋi miangö uruŋe malja. Mewö.

3

Polnöŋ kian kantri yeŋgöŋ anda Buŋa nup meyök.

¹ Könaŋi miangöra aka Pol nöŋön kian kantri ambazip injini bauköm eŋgimamgöra nup memba maljal. Mewö malbiga Kraist Jisösgö nupŋi mealangöra kösö mire al niŋgigetka tata simin köla köulukömakzal. ² Anutunöŋ kalem möriamŋi kantri tosatŋi eŋgöra mendenŋ eŋgiiga ölöwakŋegö nup niŋgiyöhi, injini mi ölna möt teköze. ³ Anutunöŋ keu arenŋi tölapŋi indela jiiga möt yaközali, keu miangö könaŋi lök töröpŋanök ohom eŋgial. ⁴ *Ohom eŋgiali, injini kulem mi oyonda ölop nöŋgö könaŋi kewö möt asarime: Nöŋön Kraistkö könaŋi tölapŋi mi ölöpŋanök möt kutuzal.

* 2:15: Kol 2.14 * 2:16: Kol 1.20 * 2:17: Ais 57.19 * 3:4: Kol 1.26-27

⁵ Mōpñangō möpñeyök ambazipnōñ könahiba mala kota malgeri, yeñōn nalō miangōren Buña tōlapñi miangōra tōnpin malget. Mewō mala kotketmō, nalō kewōne Uña Tōrōñan mi Anutugō aposol aka kezapqetok ambazip tōk-kutukutuñi neñgōra jim indeli mötzin. ⁶ Buña tōlapñi mi kewō: Kraist Jisōsnōñ Buña neñgimapkō jiba keu jöhōyōhi, inñini mi Juda nembuk örörōñ angōn köla memba malje. Ölöwak Buñanōñ miangō könañi mi kian kantri ambazip engōra mewōyök kondel engimakza. Inñini uruñini melenđa ölop nembuk mohotñe kötümötuetñangō Buñañi dop mohot memba malje. Uruñini Anutubuk jöhōba mohotñe Kraistkö ölni aka nembuk kambu mohot kinjin.

⁷ Yangō kukōsumñan mönō nōngō uruni sölölöhōiga uruni melenbiga Anutunōñ kalem möriamñi söngörōñi qahō niñgiyök. Mi niñgiiga köna asuhuiga Ölöwak Buñagō nup meme azia ahal. ⁸ Nōñōn Anutugō könagesō sarakñi pakpak engō nembō bapñine eretñi kötökñi maljal. Mewō maljalmō, Anutunōñ tōndup kalemñi öngōngōñi kewōñi niñgiyök: Nōñōn Kraistkö oyaenköyaen Buñañi mi kian kantri ambazip engōra jim asarimangō simbawōñ mötzal. Oyaenköyaen miangō könañi mi körek esiba möt kutum tekōbinangō dop qahō.

⁹ Anutunōñ möpñangō möpñe yuai pakpak miwikñaiba Buñañi tōlapñi közambōriga ambazipnōñ mala kota malgetka nalō miangōren tōnpin malget. Miangōra nōñōn Anutugō Buña areñ tōlapñi mi galōm köla malbiga ölnambuk ahakza. Nōñōn miangō könañi aukñe jibiga ambazip körekñan möt sölōngōmegōra simbawōñ mötzal.

¹⁰ Anutunōñ mötkutukutuñi qainñi kun könañi könañi indel neñgiiga nalō kewōne urumelen zioz kambu sutnine eraum möringa aukñe ahum sehimakza. Anutunōñ urusi-himñan kewō mörakza: Bem suahō galōm aka pom garata öngōngōñi eretñi Suep gölme sutñire örōyuai pakpak galōm kölakzei, yeñōn mewōyök Anutugō mötkutukutuñi mi kezap ala mötmegōra mörakza. ¹¹ Yeñōn mi mötmegōra Anutunōñ Buña areñi mi möpñangō möpñeyök nalō qahōpñe uruñan jim köhöiba ali ahōyök. Miangō dop Kembunini Kraist Jisōs melaiiga ölni miwikñaiiga könagesōurupñi aka mindiriba kinjin.

¹² Kraistpuk qekōtahōba kinda möt narim wañgiinga Anutugō nangūñan mewō taliga ölop yangō jemesoholñe angotpingōra awōsamkakak kinjin. ¹³ Miangōra kewō ulet engizal: Nōñōn kösō mire tata eñōn ölöwakñegōra aka könjiliñ möta malakzali, miangōra uruñinan mönō kude etma. Inñini nōngō sihimbölōni miangōra aka ölop akōdamunñinambuk akñe. Mewō.

Polnōñ Efesus yeñgōra kewō köulukōyök:

¹⁴ Könañi miangōra nōñōn Iwinini simin köl wañgiba köulukōmakzal. ¹⁵ Yangōnōk mönō iwinini mutukñi akza. Yangō dop Suep aka gölmegō könagesō pakpak neñōn iwi qet memba qerakzin. ¹⁶ Kewō köulukōmakzal, “Anutu, gi mönō Uñagi Tōrōñi al enginōnga uruñinan köhöimakña. Göhö Buñagi kukōsumñi buñabuñañambuk mi tetekōñi qahō köwege ahōzawi, gi mönō kukōsumgi miangō dop mem köhöim engimakñan. ¹⁷ Mem köhöim enginōnga ölop Kraist möt narim wañgigetka uruñine dumñi memba malma. Mewō maliga kesōñini Kraistkö urukalemñōñ möndōmgōba mendawölget geiga tōndangōba kinme.

¹⁸ Urukalemñan nam köl engiiga könagesō sarakñi pakpak yembuk ölop Kraistkö urukalemñangō könañi möt kutume. Jōpakōm neñgimakzawi, urukalem miangō dopñi kewō: Görañi likeplikep tetekōñi qahō an bibihiza. Körōpñi enduyangō enduñe angaiza. Körōpñi euyangō euñe öngōza. Mewōyök dutñe emuyangō emuñe geba ahōza. ¹⁹ Kraistkö urukalemñan mönō gölmegō mötmōtninangō dopñi oñgitzal. Mi möt kömumegōra kewō köulukōmakzal: Anutu, gi mönō akōdamungi pakpakō dop mötmöt Buñagan uruñini kokolak qeba musulungōm engiman.”

²⁰ Anutu mewō köulukōba kewōgōra möpōseimakzal: Nini mötmōtnini oñgita yuaigōra köulukōba qesibinak me jemelen imut ala mötmōribinak ewō, yangōn mönō yuai mi ölop köhöiba neñgima. Anutu kukōsumñan urunine nup memakzawi, yangōn mönō miangō dop köuluk aka mötmöt dopnini oñgit tekōba amqeba yuai pakpak ölop ak

neŋgimakŋa. Mianğöra möpöseim waŋgimakin. ²¹ Urumelen könagesö neŋön tokoba Kraist Jisösgöra aka Anutugö qetbuŋaŋi möpöseininga aködamunŋambuk aka ahöma. Mi gwöt isik ahöm köhöiba teteköŋi qahö ahöba öngömei, nalö mianğöreŋ mönö mewöŋanök aködamunŋambuk aka ahöma. Keu mi ölna.

4

Kraistnöŋ mindirim neŋgiiga ölni mohot akzin.

¹ Nöŋön Kembubuk qekötahöba kinda nupŋi mealanğöra kösö miri azia akzal. Keu mi jim teköba uruŋini keu kewö jiba kuŋguzal: Anutunöŋ ahakmeme aködamunŋambuk aka memba malmegöra enğoholöhi, mianğö dop iŋini mönö malmal qainŋi kun malme.

² *Mönö uruŋini memba et ala keu bapŋe anda guŋböŋjönjön qakŋe ambazip ak enğiba malme. Lömböt mököşöŋda malme. Mönö lolongöba bölöŋanğö kitipŋi kude mememö, qaqaenğiba jöpaköm anğuba malme. ³ Uŋa Töröŋan uruŋini qezaköba luaigö köşönöŋ jöhöba mindirim enğimakzawi, iŋini mönö uru jöhöjöhö mi sutŋine ahömapköra kapan köla kinme.

⁴ Anutunöŋ enğoholöhi, mianğöreŋ mönö öröröŋ oyaenğoyaen akingö jörömqöröŋini mohot miyök al enğiiga al mamböta malje. Mianğö dop iŋini mewöŋanök Kraistkö öl kemaŋi mohot aketka Uŋa Töröŋi mohotnöŋ mönö inahöm enğiiga malme. ⁵ Kembunini mohotnöŋ galöm köl enğiiga öröröŋ möt narim waŋgigetka o melun mohot miyöhök mem enğigetka mohot aka malje. ⁶ Anutunini mohotnöŋ körek iwi ak neŋgimakza. Yaŋön yuai pakpak körek neŋgoŋgita Kambu öngöŋgöŋi ak neŋgimakza. Mewö aka jitŋi tem kölbिंगöra körek kuŋguba inahöm enğiba urunini dop malmal tatat ak neŋgimakza.

⁷ Mianğö dop öröröŋ Kraistkö ölni mohot maljinmö, Kraistnöŋ kalem möriamŋi mokoba sihimŋanğö dop neŋgiyök. Nup memegö mötmöt kalem könaŋi könaŋi mi mohot mohot neŋgöra dopnine mendeŋ neŋgiiga maljin. ⁸ *Mianğö keuŋi mi kewö jigetka Buŋa Kimbinöŋ ahöza,

“Yaŋön euyaŋgöreŋ öngöba kinda kösö ambazip gwötpuk enğömeiga buŋaurupŋi aketka kalemŋi kalemŋi mi ambazip neŋgöra neŋgiyök.”

⁹ “Euyaŋgöreŋ öngöyök,” Anutunöŋ keu mi mönö denöwögöra jiyök? Mianğö könaŋi kewö: Kraistnöŋ mutuk Suepnöhök erök. Mönö gölme dutŋe emuyaŋgöreŋ geyök. ¹⁰ Eröhi, yaŋön mönö mewöyök lilingöba eu öngöyök. Öngöba Suep mirigö jakeni pakpak enğogita qakŋe euyaŋgöreŋ öngöba malja. Mianğöreŋ mala Suep gölmegö öryuainjiri pakpak mi ösumŋan kokolak qeba jömuk dop köl teköba malja. ¹¹ Kraistnöŋ ambazip neŋgöra mötmöt kalemŋi könaŋi könaŋi kewö mendeŋ neŋgiyök: Nupŋi mendeŋ neŋgiiga tosatŋan melaimelai ambazip bohonŋi (aposol) aket. Tosatŋan kezapqetok ambazip (profet) aket. Tosatŋan urukuŋgukuŋgu ambazip (ewanjelis) aket. Tosatŋan lama galöm (pasto) aka kususum neŋginenği böhi qaqaazu aket.

¹² Kraistkö ölni mi urumelen ambazip. Neŋön yeŋgö uruŋini nanğöinga köhököhöi miwikŋaibingöra nupŋi mewö mendeŋda kuŋgum neŋgiyök. Könagesö sarakŋi neŋön körek urugö nupŋi memingö jöjöröm teköba malbingöra aka mewö inahöm neŋgiyök.

¹³ Mewöŋa mewö nup murutŋi murutŋi memba mala Anutu möt nariba könaŋgep Nahönŋi möt yaköm soroköba mianğöreŋ qezaköm anğuba mohot aka kinbin. Anutugö mötmötŋi aka aködamun yuaini pakpak mi mönö körekŋanök Kraistköreŋ ahöza. Neŋön Kraistkö köweŋeyök mötmöt ösumŋi öroinga musulungöm neŋgiiga qarim sehiba köhöiba malinga aködamunŋi köl neŋgi körek asuhui malbin.

¹⁴ Toroqeba namande tandök malbinbuköra Kraistnöŋ urunini kuŋguba nanŋi ewö aködamuninambuk akingöra inahöm neŋgimakza. Namande tandök malinga qewölöŋ ambazipnöŋ aren i me wai ala möndöba tutuhum neŋgigetka tala et neŋguyöhi, iŋini mönö

* 4:2: Kol 3.12-13 * 4:8: Sum 68.18

mianğö dop aka laŋ malbepuk. Luhutnöŋ lilikqilik qeiga köwetnöŋ kunduriga sirinöŋ gödöwöröt laŋ waŋgiriga an qem kam qem aka simbiŋsambaŋ ahakza. Mianğö dop gölme ambazipnöŋ silenöŋ alal aka unji memba tilipmötömöt miwikŋaiba ambazip laŋ kusum enğigetka janjuŋ ahakze.

¹⁵ Mianğö dop laŋ kude malmemö, keu ölnanök töp jiba jöpaköm anğuba malme. Mewö mala Kraistnöŋ nöröpnini akzawi, kesötŋini mönö yaŋğoreŋ möndömgöget geiga töndangöba yuai pakpak mianğoreŋ qarim köhöiba aködamunŋinambuk aka malme.

¹⁶*Kraistnöŋ nöröpnini aka ölni jömuhök galöm köl neŋgiiga ginimuramŋi körekŋan mönö ölnaŋğö köna böröŋi mindiriba jöhöm neŋgigetka kutulaŋğömakzin. Ösum mohot mohot ahöm neŋgizawaŋğö dop mönö nupnini memba kötöngöba jöpaköm anğuinga ölni mianğön köhöiba qarimakza. Mewö.

Asaŋğö ahakmeme dölökŋi aka memba malme.

¹⁷ Mewö akzinaŋğöra nöŋön Kembugö jitŋe memba galöm meme keu kewö jibi möt yaköme: Urumelenğö kopa ambazip uru mötmötŋini sohoiga nesak ewö aka öne omani laŋ malakzei, iŋini yeŋğö tandök bölöŋi kude toroqeba aka memba malme.

¹⁸ Urumelenğö kopa ambazip yeŋğö urumötmötŋinan söŋauiga Anutubuk malmalgöra siksauk aka sohoze. Mötmöt bölöŋan uruŋini gwözöŋda duhuyöhaŋğöra aka gukmaulem aka tönpin malje. Mianğöra Anutugoreŋ malmal köhöikŋe qahö qekötahömakzemö, nanŋinök laŋ töhön malje. ¹⁹ Galömŋini qahö mem anğugetka uruŋini gwözöŋ teköiga gamu taŋgeŋ malje. Uruŋini kaiseröŋ jöhöba qewöloŋ yuaigöra laŋ söŋgaiba tölöhömakze. Yuai membagun memingö nepaqepalok köpösöŋğömakze.

²⁰ Yeŋön mewö ahakzemö, iŋini Kraistpuk malmalgö könaŋi mi mewö qahö kusum enğiget mötket. ²¹ Iŋini keu ölnaŋğö Toŋi Jisösbuk qekötahögetka mianğö dop könaŋi kusum enğigetka ölni kewö möt yaköget: ²²*Mutuk ahakmemenini walŋi wuatanağögetka sihim kömbönaŋini bölöŋan isimkakalek ak enğgiiga ayuhum anğubingö aket. Köna kusum enğiget mötkeri, mianğö dop mönö uruŋini walŋi meteköm gila andö qeme.

²³ Urumötmötŋini mem guliget kölöŋaiba malmegöra köna kusum enğiget. ²⁴*Anutunöŋ nini nanŋi kaisöŋgolomnaŋğö dop sarakŋi aka mal köhöibingöra miwikŋaim neŋgiyök. Uru dölöknaŋğö malmal solanŋi wuatanağöbingöra mönö al neŋgiyök. Mianğöra uru dölökŋi miyöhök mönö bök kölget geiga malme. Köna mi mönö mewö kusum enğigetka möt yaköget.

²⁵*Köna mewö ahöiga nini Kraistkö ölni mohot mianğö uruŋe darumun ewö mindiriba ala-ala aka maljin. Mianğöra munen mi mönö meteköm gilget geiga sutŋine keu ölnanök pakpak eraum möta malme. ²⁶*Tembula kukpiriŋnöŋ akŋe ewö, mönö töndup siŋgisöndok kude akŋe. Irimŋini seholimawi, keuŋini mi mönö zilaŋ wehön jeŋan qahö teköba geiga jim tekögetka solanima. ²⁷ Mewö Bölöŋaŋğö Toŋan sutŋine kaŋgotpapuköra qeapköba nalö kun kude waŋgiba zilaŋ yakörime.

²⁸ Kunŋan yoŋgorö meme malöhi, yaŋön mewö kunbuk kude akŋa. Mewö qahöpmö, mönö nanŋi böröŋan nup kapaŋ köla memba malma. Nup memba nanŋi nene inapŋi miwikŋaiba ölop anqeba ambazip wanapŋi naŋğöm enğimakŋa.

²⁹ Keu lösö kun jitŋineyök kude etmapmö, keu ambazip uruŋini naŋğöba mem köhöimawi, mönö miyöhök jiba malme. Ambazip keuŋini möta uruŋini ahözawaŋğö dop qambaŋğöra osizei, mönö mianğö dop goro enğigetka keu nahömŋi möta ölöwakeak. ³⁰ Anutunöŋ buŋaurupŋi sohopnini meiga Suepnöŋ öŋgöbini, nalö mianğöra aiwesökŋi kömbönaŋi mekötahöm enğgiiga uruŋine geba Anutugö muŋgemŋi akza. Mianğöra Anutugö muŋgemŋi Uŋa Töröŋi mi mönö wösöbirik kude qem waŋgime.

* 4:16: Kol 2.19 * 4:22: Kol 3.9 * 4:24: Jen 1.26; Kol 3.10 * 4:25: Zek 8.16 * 4:26: Sum 4.4

³¹ Injini mönö urukömbuk, urukondum aka urusingok pakpak mi qeköba gilget köröwen tatma. Urukönöpnöy kude jula engohoiga uruñinan auba yom qeta jim angubepuk. Mewöyök andöqege keu töhöreñ mi kude jime. Angöjörak könañi könañi uruñini tölöhubapuköra mi mönö körek andö qegetka tikep ahöma. ³² *Tikep ahömapmö, ala-ala ak anguba mököliba guñböñjönjön qakñe ak anguba malme. Kraistpuk qekötahögetka Anutunöy singisöndokñini mosöta sanjon engiyöhi, injini mönö mianjö dop toroqeba köpösihitñini mosöt anguba malme. Mewö.

5

Anutugö asakñe malmal mi kewö:

¹ Anutugö wölböt nahönböraturupñi akzeangöra silikñini mönö kapan köla Anutunöy ahakzawangö dop aka wuatangöba malme. ² *Kraistnöy jöpaköm nenjiba malmalñi nenjöra aka kölenja mosörök. Jöwöwöl ohogetka köwakñan öngözapma, Anutunöy mianjö dop Kraist malmalñangö kalemñi mi möt angön köli wöronñi umköhökambuk ewö aka yangö jene pukpuköiga söngaiyök. Injini mönö mewöyök urukalemñi kinda Kraistkö dop jöpaköm anguba aka memba malme.

³ Serowilin, qewölon angöjörakñambuk könañi könañi me yuai membagan membingö nepaqepalok (gridi) silikñi mi Anutugö jene qahö dop kölja. Mianjöra Anutugö ambazip sarakñi akzeangö dop yuai mewöñangö keuñi kun mi sutñine kude misiriba jigetka mötme. Sauban!

⁴ Angögönahitnöy lösö keu imbilonlonambuk aka uruqahö keu sinñi sinñi mi kude jime. Mianjön uruñini tölöhoiga qahö dop kölja. Mianjöra mi mönö mosöt teköba möpömöpösei keu jim sehiba malme.

⁵ Keu kötni ki mönö möt kömume: Kunñan serowilin me qewölon angöjörakñambuk me membagan membingö nepaqepalok köpösöngömakzawi, yanön mönö Anutugö bemtohonji buña qem angumangö osima. Ahakmeme mianjön bem munenji me tandö lopion möpöseim engimakzeangö tandökñi akza. Mewö akzawangön mönö Kraist aka Anutu yetkö bemtohon uruñe angotpingö osima.

⁶ Anutunöy singisöndok mewöñangöra aka tembula irimesewölñi qegetal ambazip yengö qakñine ali öngömakza. Mianjöra kunñan keu omañi mewöñi jiba kelök ala tutuhuba tilipköm engibapuk. ⁷ Mianjöra ambazip mewöñi mönö andö enguba yembuk köisirik kude malme. ⁸ Mutuk söñaupuk malgetmö, nalö kewöñe Kembubuk qekötahöba kinda yangö asakñambuk malje. Ahakmemeñini mönö asakñangö buñaya akzeangö dop aka memba malme. ⁹ Asakñangö buña akzeangö töhötmöriam ölni mi kewö: Injini ahakmeme ölöpnji wuatangögetka Anutunöy keuñini jim teköi solanime aka keu öl töhöñnanök jiba malme. ¹⁰ Wani yuai Kembugö jene dop kölmawi, mianjö könañi mönö jaruba kewöta möt asarime.

¹¹ Söñaupkö ahakmeme gilipitñi (ambetakñi) aka memakzei, yembuk mönö köisirik kude toroqeba malme. Yengö bölönamñini mi mönö indela asakñe ala jim engime.

¹² Tosatñan singisöndok tölapñe ahakzei, mi mönö aukñe jibingö gamuñambuk akapuk.

¹³ Anutugö asakñan singisöndokñini pakpak mem asariiga könañamñini ölnan mönö aukñeyök asuhuma. ¹⁴ Asakñangö Tonñan mönö tölapñangö yuainji pakpak indeliga asakñe aukñeyök ahöma. Mianjöra keu kun kewö jigetka ahöza,

“Gauñ ahözani, gi mönö imbigi mötnöy.

Mönö köhömuñeyök guliba wahötnöñga Kraistnöy mem asarim gihima.”

¹⁵ Keu mianjö dop ahakmemeñini mönö mötkutukutu qakñe aka memba malme. Morop aka tönpin malbepuköra mönö ölöpnanök galöm mem anguba malme. ¹⁶ *Kewöñe nalö bölizawangöra aka urugö nup membingö köna kun ahumawi, nalö mi mönö kude

* 4:32: Kol 3.13 * 5:2: Eks 29.18; Sum 40.6 * 5:16: Kol 4.5

mösöhöba ayuhumemö, ambazip qöhöröjine anda ösöñ qambañ köl engime. ¹⁷ Mianğöra uruqahö ewö lañ kude malmemö, Kembugö jitsihitñi mi ölopñanök möt asariba kinme.

¹⁸ Wain o köhöikñi namba enjololoñ akepuk. Nannini imbi-imbi malgetka mötmötñini bölöñan asuhugetka söñaup malmalnöñ titeköba geba ayuhubepuk. Mianğöra enjololoñ akepukmö, Uñan Töröñan mönö uruñini kokolak qemapköra kapan köla kinme. ¹⁹ *Mönö Buña keu eraum möta Sumbara (sam), möpömöpöse liñet (omsa) aka urugö liñet tosatñi mi urukönömñinan köla Kembu möpöseimakñe. ²⁰ Mewö me mewö asuhuiga mianğöra mönö Kembunini Jisös Kraistkö qetñi qeta Iwi Anutu sundan saiwap jim wañgiba malme. Mewö.

Awanöm yenğö goro qambañ keu

²¹ Kraistkö jitñi oñgitpepuköra kenğötñini möta mönö sutñine keu bapñe anan ak añguba malme.

²²⁻²³ *Kraistkö ölni mi urumelen könagesö. Yanğön mianğö nöropñi aka Amötqeçe Tonj akza. Mianğö dop azinöñ mewöyök anömñangö nöropñi akza. Mianğöra ambi inñini mönö Kembugö keu bapñe anangö dop nannini apurupñini göda qem engiba keuñini bapñe anda malme. ²⁴ Urumelen könagesö neñön Kraistkö keu bapñe kinjini, mianğö dop ambi enğön mewöyök mönö apurupñinangö keu pakpak wuatangöba malme.

²⁵ *Kraistnöñ nannj könagesöñi jöpaköm neñgiba neñgöra aka malmalnñi tököba köleñnöhi, mianğö tandök azi enğön mönö mewöyök anömurupñini jöpaköba urukalem ak engiba malme. ²⁶ Kraistnöñ könagesöñi Buña keuñan tök kutuba ambi buñanñi sarakñi akingöra o ewö mianğön sanğonda mösoloñanim neñgiyök. ²⁷ Yanğön nini ölülu sorok akingöra möta uru sönuetnini mösoloñaniba töwöt boromñi kun qahö akingöra kapan kölakza. Könagesö sarakñi köpösihitkö keunini qahö akingöra mörakza. Kraistnöñ kaba neñguanğiriga asakmararane eu añgoringa jihilalomñan neñguiga ambi buñanñi ewö nini nannj jemesoholñe al neñgiiga aködamuninambuk kinbin.

²⁸ Azi inñini mewöyök mönö Kraistkö tandökñi mewöñi wuatangöba anömurupñini jöpaköm engiba malme. Anömñi jöpakömakzawañön mönö nannj köyan köl añgumakza. Mianğöra nannini silenini köyan köl añgumakzeañgö tandök mönö anömurupñini köyan köl engigetka dop kölma. ²⁹ Kunñan kun nannj silenj nalö kunöñ kazik qahö ak wañgiyökmö, körek neñön silenini gumohoba köyan kölakzin. Kraistnöñ mewöyök könagesöurupñi nini silenj ewö keuñan gumohoba köyan köl neñgimakza.

³⁰ Urumelen könagesö neñön Kraistkö ölni akzin. Neñön Kraist ölnangö törömunñi aka maljin. Mianğöra gumohom neñgimakza. ³¹ *Buña keu kun kewö ahöza, “Mianğöra azinöñ mönö iwinamñi etkömosöta anömñambuk qekötahöba yahöt yetkön silemohot aka malmahot.” ³² Keu mi söpsöp keu tölapñi. Mi Kraist aka urumelen könagesö neñgö uru jöhöjöhöninangöra jiba ohozal. Keu areñ mianğö könanñi mi tölapñi aka dutñi gegenj. ³³ Mewö akzapmö, engöra keu mi kewö jizal: Inñini mohot mohotñan mönö mewöyök anömurupñini nannini köyan köl añgumakzeañgö dop jöpaköm engiba malme. Anöm enğön mönö mewöyök apurupñini göda qem engiba malme. Mewö.

6

Nahönbörat aka iwinam yenğö uru jöhöjöhö

¹ *Nahönbörat engöreñ ahakmeme diñdiñi mi kewö: Inñini mönö Kembubuk qekötahöba iwinamyahötñini yetkö jitñiri tem köla wuatangöba malme. ² *Anutunöñ jöjöpañ keu 1-2-3 miengö teteköñe töwa likepñi neñgimangö qahö jii ahözapmö, jöjöpañ keu jañgö 4 mi törömunñambuk. Mutuk kewö jiza, “Iwinamyahötñi mönö göda qem etkiba malman.” Keu mi tem kölinga Anutunöñ töwa likepñi neñgimangö keuñi kewö jöhöi ohoget ahöza,

* 5:19: Kol 3.16-17 * 5:22-23: Kol 3.18; 1 Pitö 3.1 * 5:25: Kol 3.19; 1 Pitö 3.7 * 5:31: Jen 2.24 * 6:1: Kol 3.20 * 6:2: Eks 20.12; Dut 5.16; Kol 3.21

³ “Göda qem etkinönga Anutunöñ töhötmöriam gihiiga toroqeba gölmenöñ nalö köröpñi malman.”

⁴ Nahönböraturupñinan irimsesewöl akepeköra iwi enön mönö urukanjam kude ak engiba malme. Mewö qahöpmö, Kembugö Köna keu tem kölmegöra kusum engiba mianjö dop mindinjom engigetka qarime. Mewö.

Welenqege aka galöm yengö qambañ keunini

⁵ *Welenqege inini mönö gölme qakñe galömurupñini yengö keunini Kraistkö keu ewö tem köla jörantauat kude ahakñe. Keunini ongitpepeköra sömbuñini möta jönömñinambuk undui malme. Urugenmoñ kude aka böñ kinda aka memba malme. ⁶ Köndöwoñ aketka ambazipnöñ engkek sorimegöra qahöpmö, uruñini nupnöñ ala memba Anutugö jitsihitñi wuatangöba Kraistkö welenqege tandök ahakñe. ⁷ Gölme ambazip welen qem engiba mewö mianjön Kembugö welenñi qemakzin. Mewö möta nupñini mönö Kembugö jene dop kölmawanjö dop uruölöwakup memba malme.

⁸ Keu ki mönö mötme: Engö sutñine tosatñan nup tonji malje aka tosatñan tonjini töwa qahö öne welen qem engiba etqegeñi malje. Mi töndup denike yenön nup ölöpñi mi me mi memakzei, Anutunöñ mönö mianjö töwanji al engiiga buña qem angume. Keu mia mönö mötmöriba malme.

⁹ *Tourup aka welenqege engö Kembuñini mohot yanön Suep mire malja. Yanön ambazip tosatñi qahö engkek soriba tosatñi qahö qepureim engimakzapmö, dop mohotnön kewöta keunini jim teköm nenjima. Galöm inini mi möt kutuzeangöra mönö welenqege alaurupñini simin titit ölöpñi dop mohot ak engiba öröm könöpkönöp memtöröp qemtöröp mosöta malme. Mewö.

Anutugö jurujamba jömuk memba malme.

¹⁰ Kimbini tekömangö aiga keu kewö ohozal: Inini Kembubuk qekötahöba kingetka kukösumñi ketanjan mönö inahöba töngum engiiga köhöimakñe.

¹¹ Bölönangö Tonjan silenöñ alalgö mötmöt areñ könanji könanji alakzawi, inini mi mesohol köla kin köhöimegöra mönö Anutugö wahijamba pakpak memba kölget gem angum teköiga malme.

¹² Nini gölme ambazip sep busuñinambuk yembuk bim qahö aumakzinmö, bem suahö galöm aka iwiluhut bölöñi bölöñi tuarenjoñ ak engibingöra kinjin. Bem suahö galöm bölöñi Suep gölme sutñire jakömbuak dumñine kinda kembu ahakzei, mönö mi qetal engimakzin. Mewöyök pom böhi öngöngöñi eretñi sutnine panamangö öme tohongö azi ipñi mala öroyuai pakpak galöm kölakzei, nenön mönö yembuk yarö gilakzin. ¹³ Mianjöra tuarenjoñ ak engibingöra mönö Anutugö jurujamba lökñanök memba kölget gem anguiga kinme. Mewö kingetka kerökñinan nalö bölöñe engubingö gangömakñei, nalö mianjören mönö ölop amqeba yarö gila tötal engime aka yarö mi teköiga ölop miri gölmeñine kanjam köla kinme.

¹⁴ *Wahijambañini mönö kewö löngöt angume: Keu ölnanök jijigö irimunganji mönö anjöñine jöhöba kinme. Ahakmeme solan sorokñi mi töptöpñine göwanjöwan (kapa maluku) ewö köla sel jöhöm anguba kinme. ¹⁵ *Köna esu böntönök löngöta ölop töndangöba tiba anakzin. Mianjö dop inini mönö luaigö Buñanji jim sehibingö jöjörögetka mianjön bohon köl engima. ¹⁶ Jurujamba miembuk toroqeba saiwa bohonñi qetñi mötnarip mi mönö buña qem anguba sundan tenjöba kinakñe. Bölönangö Tonjan nenjeriba qönsihim nenjimangöra möta timbi lingipñi mulahakzawi, mianjö esapesap könöpñi pakpak mönö suman mianjön qeapköba angön köl angumakñe.

¹⁷ *Anutugö Amötqege Tonji i mönö buña qem angume. Buña qem anguba kunbuk letotmei, dom-amöt mianjön mönö nöropñini ain irikmarik ewö turuba angön köl engimakña. Uña Töröñan bingö sou ketanji nenjizawi, mi Anutugören Buña keu. Mi mewöyök mönö

* 6:5: Kol 3.22-25 * 6:9: Dut 10.17; Kol 3.25; 4.1 * 6:14: Ais 11.5; 59.17 * 6:15: Ais 52.7 * 6:17: Ais 59.17

buña qem aŋguba urukönömŋine ala bimŋini miaŋön qemakŋe. ¹⁸ Wahöjambaŋini pakpak mi löŋgöt aŋguba mönö nalö dop Anutu köuluköba qesiba malme. Uña Töröŋan eŋguasöta inahöm eŋgimakzawaŋgö dop mönö uletnöŋ sahöt waŋgimakŋe. Mönö pöndaŋ uruguliguli mala sundan Anutugö ambazip sarakŋi pakpak yeŋgöra aka kapaŋ köla köulukömakŋe.

¹⁹ Nöŋgöra mewöyök kewö köulukömakŋe, “Anutu, gi mönö keu kötŋi diŋdiŋi Pol waŋginöŋga göhö Ölöwak Buŋagi tölapŋi mi keu jitŋan jimawaŋgö dop jim asariba awösamkakahök kinda uru kuŋgum eŋgimakŋa.” ²⁰ Nöŋön Ölöwak Buña miaŋgöra aka Anutugö jitŋememe azi bohonŋi akzalmö, nupŋi memakzalaŋgöra aka nalö kewöŋe kösö mire tatzal. Miaŋgöra Buña keu mi Anutugö jeŋe dop kölmawaŋgö dop awösamkakahök jiba malmangöra mönö köuluköba malme. Mewö.

Yaizözkök keu teteköŋi

²¹ Wölböt alani Tikikus yaŋön nöŋgö kösohotni alma. Yaŋön Kembubuk qekötahöba nupŋi memburik-qemburikŋi qahö memakza. Kiaŋgöreŋ denöwö aka memba tarakzali, mi pakpak jiiga iŋini mewöyök mi mötme. ²² Neŋön denöwö maljin tatzin, iŋini kösohot mi mötmegöra Tikikus melaim waŋgibiga Efesus eŋgöreŋ kama. Yaŋön kaba urukölalep eŋgiiga ölop böŋjöŋ malme.

²³ Iwi Anutu aka Kembu Jisös Kraist yetkөн mönö urumelen alaurup eŋgöreŋ luai qeba urukalem ak eŋgiba mötnariŋŋini mem köhöimakŋa. ²⁴ Ambazip Kembunini Jisös Kraist nalö teteköŋi qahö jöpaköba malmei, Anutugö kalem möriamŋan mönö körek embuk ahöba ahöm öŋgöma. Mewö.

Filipai Kimbi **Polnön Filipai yeŋgöra Kimbi alök.** **Jim-asa-asari**

Polnön misin nup liliköba meiga indimñi yahöt aiga Eisia Mainö (Töki) mosöta Yuröp gölmenön anök. Anda Rom prowins qetñi Masedonia miangören uruñini kuñgui melengetka Kraistkö könagesö mutukñi mi Filipai sitinön asuhuyök. Könangep aposol Pol mi Rom sitigö kösö mire alget sihimbölö qakñe tariga nup meme ambazip tosatñan tuarenjon ak wañgiget. Mi ak wañgigetka tosatñan Filipai uruñe mewöñanök keu goñgonji kusum engigerangöra waimanjat mörök. Nalö miangören Buña Kimbiñi ki Filipai mötnarip könagesö yeŋgöra ohoyök. Waimanjat mörökmö, töndup urukölalep keu aka urunangönanğö keu ki sösöngai qakñe ohoba alök.

Polnön kösö mire tariga Filipai mötnarip könagesö yeñön bauköm wañgibingöra kalem alget kayöhi, yañön miangö saiwap jim engimangöra Kimbi ki ohoyök. Mi ohoba toroqeba urunangönanğö keuñi gwötpuk mohotñe alök. Nanñak köñjiliñ könañi könañi möriga Filipai yeñön Polgö keuñi mi mötketka töndup köhöiba awösamkakak kinmegöra uru nanğöm engiyök. Goro keu tosatñi kewö: Nanñini sileñini memba öngöba aiweliköbepüköra mönö galöm memba malme. Dogo jimamon möta toroqeba nepaqepalok köpösöngöbepukmö, Jisös ewö uruñini mem et al anguba malme. Keu ki ölüm engubapuk: Kraistpuk qekötahöba kinjei, mi Anutugö kalemñi akza. Juda yeñön Mosesgören Köna keu arenji tem köla wuatangöba Anutugöra silik yuai ahakzemö, urumelen alaurup enñön mewö qahö. Enñön mönö Anutu möt narim wañgigetka kalem möriamñi söngöröñi qahö engiiga buña qem anguba mewö miangön malmal dölökñi miwikñaiba malje. Denike yeñön Kraistpuk qekötahöba maljei, Anutunön mönö i luai qem engiiga söngaiba malme.

Kraist möt nariinga Anutunön urusösöngai nenggiiga ölöp awösamkakak qakñe mal köhöibin aka urumelen alaurup yembuk mohotñe kapan köla köhöiba kinbin. Polnön miangö keuñi mi gwötpuk ohoyök. Polnön Filipai könagesö yeñö waikñini köhöikñi membingö möta malöhi, miangö keuñi mi mewöyök aukñe ohoyök.

Buk kiangö bahöñi bohonñi 7 mi kewö:

Keu mutukñi *1.1-11*

Polnön denöwö aka malök *1.12-26*

Kraistpuk malmalgö könañi *1.27-2.18*

Timoti Epafroditus yetkö nup arenji *2.19-30*

Tuarenjon yeñön tilipköm engigetka etpepuk *3.1-4.9*

Polgö alaurup Filipai malgeri, yeñö keuñini *4.10-20*

Kimbigö keu kötni bohonñi *4.21-23*

¹*Pol Timoti netkön Kraist Jisös welenñi qeba maljit.

Urumelen könagesö sarakñi pakpak Kraist Jisösbuk qekötahöba kinda Filipai sitinön maljei, niri embuk aka engö bohonñini (bisop, pasto) aka Buña nup meme ambazip tosatñi (dikon) embuk keu eraum mötpingöra möta kimbi ki ohozal.

² Anutu Iwinini aka Kembu Jisös Kraist yetkön kalem möriam engiyohotka luainön malmegöra mötzal.

Polnön Anutu möpöseiba köuluköza.

³Nöñön mötmörim engimakzalanğö dop Anutu möpöseimakzal. ⁴Nalö dop körek pakpak engöra Anutu köulukömakzali, mi mönö sösöngai qakñe köulukömakzal. ⁵Nöñön Anutu kewögöra möpöseimakzal: Inini Ölöwak Buñanön qekötahögeri, nalö mutukñi miangörenök

* **1:1:** Apo 16.12

könahiba nömbuk bim qeba kötöngöm ningiba mala kota malje. ⁶ Anutunöŋ uruŋine nup ölöŋŋi könahiba memba maljawi, mi mönö toroqeba meiga Kraist Jisösnöŋ kunbuk asuhumapkö nalöŋe teköma. Mewö möt narim köhöiba Anutu möpöseimakzal.

⁷ O seŋŋini nemi, wölböt alaurupni akzeangöra körek iŋini mewö mötmörim enŋibiga ölöŋŋanök dop kölja. Anutunöŋ nup ningiiga kösö mire tarakzal me awörök nöŋön Ölöwak Buŋagöra bim qeba eŋololon keu qeapköba keu ölnan jalöŋi memba köhöimapköra lilikömakzal. Mewö me mewö ahakzali, körek eŋön mönö nömbuk kingetka kalem möriam miyöknöŋ dop köl enŋiiga nupni nanŋögetka mohotŋe simbawon akzin. ⁸ Kraist Jisösnöŋ iŋini jöpaköba inahöm enŋimakzawi, nöŋön mi möta mianŋö qakŋe kinda körek enŋöra ak ningiiga enŋekŋangö kapan köla maljal. Mewö jibiga keu ölni jizali, mi Anutu nanŋak ölöŋ nanŋöm ningiba jima.

⁹ Nöŋön enŋöra kewö köulukömakzal: Anutu, gi mönö Filipai alaurup inahöm enŋinöŋga toroqeba köhöiba jöpaköm anŋugetka urukalemŋinan qarim sehima. Mewö aiga ölöŋ köna ölni ek kutuba eŋololon keu mosöta malme. ¹⁰ Mewö mala ölöŋ keu kewöta köna ölöŋ sorokŋi möwölöhöba sarakŋi aka köpösihitkö keuŋini qahö mal öŋgöme. Kraistnöŋ liliŋöba kamawi, nalö mianŋöreŋ lömbötninan teköma. ¹¹ Jisös Kraistnöŋ ahakmeme solanŋi nam köliga mianŋö ölni asuhumakŋa. Ölni mianŋön uruŋini kokolak qeiga ambazipnöŋ mewö enŋeka Anutu möpöseigetka qetbuŋanjan sehimapköra köulukömakzal. Keu mi ölna.

Pol kösö mire algetka Buŋa keunöŋ köhöiyök.

¹² O urumelen alaurupni, eŋön nöŋgö könani möt kutumegöra kewö möta ohozal: Yuai bölöŋi nöŋgöreŋ asuhuyöhi, mianŋö buzupŋan sehiiga Ölöwak Buŋaninan ambazip dop köl enŋiiga nupninan töhötmöriamŋambuk akza. ¹³* Ni Kraistköra aka kösönöŋ gwaröhöm ningigetka Rom kianŋöreŋ tatzali, keu mi yarö azi pakpak sisa-kiŋgö jakömbuak miri galöm memakzei, yeŋön mötze aka mewöyök ambazip tosatŋi gwötpuk yeŋgö kezapŋine geiga möt teköze.

¹⁴ Toroqeba ölni kewö asuhuyök: Urumelen alaurupninan kösö mire tatpi Kembunöŋ bauköm ningimakzawanŋö keuŋi mötket. Mi möta sehisehiŋan Kembubuk qekötahöba kinda köhöiba kapan köla awösamkakak aket. Mewö aka Anutugöreŋ keu keŋgötŋi qahö jim sehigetka toroqeba anakza.

¹⁵ Tosatŋan nöŋgöra mötket öŋgöiga urusihim sarakŋe kinda Kraistkö könaŋi jim asari-makzemö, tosatŋan nöŋgöra aka uruŋinan mututqutut möta andö nuŋguba anŋururuk akingö mötze. ¹⁶ Alaurupni ölni yeŋön nöŋgö könani kewö mötze: Anutunöŋ kuŋgum ningiiga awörök nöŋön Ölöwak Buŋagöra bim qeba eŋololon keu qeapkömakzal. Mewö möta jöpaköm ningiba nanŋöm ningimakze. ¹⁷ Andöqeqe ambazip yeŋön nanŋinanŋörök mötmöriba töwagöra möndögetka uruŋinan tölöhoiga Kraistkö könaŋi mewö jim asari-makze. Mewö aka kösö mire tatzali, nalö kewöŋe anŋösirip toroqeba ak ningibingö mötze.

¹⁸ Mewö mötzemö, mi muat. Kraistkö könaŋi mi yuaigöra möndöba silebile aka me Anutu törörök tem köla jim asarigetka mötŋi dop kölja. Mewö me mewö ahakzei, urunan mönö mianŋöra ölöwahiga ölna söŋgaizala söŋgaimakŋam. ¹⁹ Söŋgaibiga nöŋgöra köulukögetka Jisös Kraistkö Uŋa Töröŋan nanŋöm ningiiga ölöŋ pösat ningigetka etmamŋö tandök mötzal. Mewö asuhumapköra möta mianŋöra mewöyök söŋgaimakzal. ²⁰ Yuai kun aka gamu miwikŋaibilenŋbuköra mönö jörömqöröm aka maljal. Gamu qahöpmö, nalö dop Kraist möpöseiba malali, mianŋö dop nalö kewöŋe mewöyök asuhumapköra mötzal. Silenan kömuma me malmawi, mi töndup mönö awösamkakak pakpak qakŋe Kraist möpöseibiga qetbuŋanjan qarimakŋa.

²¹ Malmam ewö, malmalni mönö Kraistkö qetbuŋanjan qarimapköra aka malmam. Nuŋguget kömumbilenŋak ewö, mianŋön mönö mem ölöwak ningiiga oyaenŋoyaen akŋam.

* **1:13:** Apo 28.30

²² Mewö akilenjakmö, gölmenöñ silebuk malmam ewö, mönö urugö nup membiga toroqeba ölnambuk ahakña. Mi mötmöriba nanangöra malmal me kömuwa möwölöhöbilenjak, mi ölop qahö mötzal. ²³ Malmal aka kömup sutñire pañpañgöba maljal. Kraistpuk eu malbilenjak, mianñon mönö yuai pakpak onçita möriam ketanji ak niñgibawak. Miangöra gölme mosötmamgö sihimñi möta maljal.

²⁴ Mewö maljalmö, silebuk qeköriba malmam ewö, mianñon mönö inini bauköm engibiga ölni engörej asuhuma. Kömumbilenjak, mianñon mönö inini qahö bauköm engibawak. ²⁵ Mewö möt narim köhöiba miangöra nehorigetka toroqeba mala körek inini bauköm engiba malmamgö mötzal. Bauköm engibiga mötnariñinanangö ölnan mönö qarim köhöiiga ölop önöñi qahö söñgaiba malme. ²⁶ Mewöyök Kraistnöñ nehoriiiga kunbuk engörej kabiga inini ölop nöngöra aka Kraist Jisös önöñi qahö möpöseim wangiba malme. Mewö.

Mötnariñinan köhöimapköra bim qeba malme.

²⁷ Ahakmemeñini mi mönö Kraistkö Ölöwak Buñañan aködamunñambuk akñawanğö dop aka memba malme. Mewö malgetka engörej kaba engekñami me qahö kaba sikep mala keu buzupñini mötpi könañini kewö ahöi dop kölma: Inini mindimindiri areñ mohotkö keu jöhöba urumohot aka kinme. Mewö kinda Ölöwak Buñagö keu ölnan sömböleibapüköra öröröñ jöhöba bim qeba malme. ²⁸ Mewöyök tosatñan tuarenñon ak engimakñei, enñon mönö keu jitñini könañi könañi miangöra kude töwöratigetka uruñinan kude etma. Könañamñini mewö mötpi dop kölma. Anutunöñ kukösum ençiiga tuarenñon ambazip yeñon könañamñini eka kewö möt asarime: Nanñini et ençiiga ayuhugetka Anutunöñ meköm neñçiiga oyaençkoyaenç aka malbin.

²⁹ Anutunöñ areñi al ençiyöhi, mi kewö: Inini Kraist möt narim wangiba likepñi söñgaiba likepñi yanğöra aka sihimbölä möta malme. ³⁰ *Nöñon mötnaripkö bim mutuk embuk mala qeali, neket aka nalö kewöñe toroqeba qemakzalanğö keu buzupñi ki mötzei, inini mönö bim miyöhök nömbuk tönguba qeba malje, mi mötzal. Mewö.

2

Kraistkö dop nanñini mem et al anğuba malme.

¹ Inini Kraistpuk qekötahöba kinjeañgöra mönö uruñini nanğöm anğubingö qambañ miwikñaime. Urukalemñini mianñon mönö urukölalep ak anğumakñe. Uña Töröñambuk ösupköba kinda waikñini memba ak kömum anğumakñe. ² Mewö akzeañgöra mönö mötmöt mohot wuatañgöba öröröñ jöpaköm anğuba luainöñ malme. Urusihimñini mönö mötmöt areñ mohot akingöra jöhöme. Keu mewö jöhöba urumohot aketka ölni asuhui möta nöñon engöra önöñi qahö söñgaiba malmam.

³ Öroyuai nanñinanğörök öröbingö sihimñan mönö kude nam köl ençima. Nanñini qetbuñañinan qarimapköra mönö silenini kude memba öñgömemö, uruñini memba et ala tosatñi yeñgöra mötketka öñgömakña. ⁴ Inini mohot mohot mönö nanñini uruñinanök ölöwakñapköra kude mötmörimemö, tosatñi yeñgö uruñinan ölöwakñapköra mewöyök kapañ köla mötmörim yaköme. ⁵ Kraist Jisösnöñ gölmenöñ maliga imbi mötmöt ahöm wangiyöhi, miyöhök mönö engörej ahöi mi wuatañgöba malme.

⁶ Anutugö kaisongolom tandökñi ahöm wangii malökmö, töndup Anutugö dop malöhanğörej qahö möndöba aiweliköba malök.

⁷ Mewö qahöpmö, nanñak anqeba Anutugö asakmararanji mosöta eta melençda azi tandök asuhuba welenqegegö kaisongolomñi memba malök.

Mönö gölme azi nanini tandök aka malök.

⁸ Mewö mala uruñi memba et al anğuba Iwiñanğö keu jitñi nalö dop tem köla malök. Mewö maliga gamu qem wangiba “Maripomnöñ qebin,” jigetmö, nalö mianğörej mewöyök tem köl teköyök.

* 1:30: Apo 16.19-40

⁹ Mewö tem köla malöhangöra aka Anutunöŋ waŋgiriga euyangöŋ öngöba tariga qetbuŋa waŋgiyöhi, mianön qet tosatŋi pakpak engongita aködamunŋambuk akza.

¹⁰ *Anutunöŋ qetbuŋa öngöngöŋi mi kewögöra waŋgiyök:

Ambazip körek pakpak neŋön mönö qet miangöra aka nalö kunöŋ simin köla möpöseim waŋgibin. Tosatŋan Suep mire euyangöŋ malje. Tosatŋan gölmenöŋ ki maljin. Tosatŋan kömumba uŋem mire me senjom mire malje. Neŋön mönö körekmakökrek mindiriba sipköba simin köl waŋgibin.

¹¹ Körek nini simin köl waŋgiba numbu nesilam dop Iwi Anutu aukŋe göda qebingöra qetŋi jim miwikŋaiba kewö jibin,
“Jisös Kraistnöŋ mönö Kembu ak neŋgiza.” Mewö.

Jisösgö asakŋi mi ambazip sutŋine kondela malme.

¹² Miangöra wölböt alaurupni, iŋini mönö Kraistkö söpsöpŋi wuatangöba miangöŋ kude sörauba etme. Nalö dop Anutugö keu tem köla letota malgeri, miangö dop silik urumelen ambazip engöŋ dop köljawi, mi mönö kapan köla wuatangöba urugö nup memba malme. Nöŋön embuk malali, nalö miangöŋ Buŋa keu ölopŋanök köl guliba zeŋ kinda malget. Engömosöta sikep maljalangöŋ mönö mewöŋanök Anutugö jeŋe sömbuŋinambuk möta jönömŋini unduiga pöndaŋ nup mi mem soroköba malme.

¹³ Anutunöŋ nanŋak mönö iŋini sundan sölölohöba nam köl engiba nanŋi areŋangö dop uruŋini kuŋgumakza. Mewö urusihimŋini Anutu dop köl waŋgimawaŋgö dop ahuiga inahöm enŋiiga nupŋi megetka ölni asuhumakŋa.

¹⁴ Galömurupŋini yembuk keu mekömpötak kude aka malme. Jimongot aka urunöŋ ihururuk laŋ kude ahakŋemö, areŋini pakpak mönö uruyahöt ziaakpiak mosöta töp memba malme. ¹⁵ *Ahakmemenjan mönö köpösihitkö keuŋi qahö sarakŋi aka memba malme. Ambazip gongöŋi misimkaulup merak gölmenöŋ maljei, iŋini mönö yeŋgö sutŋine Anutugö nahönböŋat solan sorokŋi malme. Sengelau suepnöŋ eu asarizei, iŋini mönö mewöŋanök gölmenöŋ silik ölopŋi aka mianön ambazip asarim engiba malme.

¹⁶ Mewö mala malmal köhöikŋangö Buŋa keuŋi töp memba ambazip engibingö jöjöröba malme. Mewö malgetka Kraistnöŋ lilingöba kamawi, nalö miangöŋ nöngö könaŋamnan aukŋe kewö asuhuma, “Mönahot azinöŋ aongitnöŋ luhut almangöra ösumŋi qezaköba anakzawi, nöŋön miangö dop urugö nupköra sile qeba mem köhöiba malal. Mi öne töhöntöhön qahö memba malalmö, ölni asuhuyök.” Könaŋamni mewö asuhuiga ölop nani sileni engöra aka möpöseimam.

¹⁷ Nöŋön malmalni kölenŋa tököba engiba Anutugö nupŋi tem köla memba malal. Mewö malbi iŋini uruŋini melenŋa Anutu möt narigetka miangö ölni asuhumakza. Miangöra Rom gawman yeŋön keuni jim teköba sömbup ewö nuŋguba jöwöwöl ohoho ewö ak niŋgibeak. Silenangö sepni mewö mokobileŋak ewö, mi mönö o ewö öne töhöŋ qahö gebawak. Engö mötnariŋ nupŋinangö ölnangöra aka mi mönö aködamunŋambuk ahiga dop kölbowak. Miangöra nuŋguget kömumbilenakmö, urunan mönö töndup söngaimakzal aka körek embuk mohotŋe söngaimakin. ¹⁸ Mewöŋanök iŋini tok mönö söngaima aka nömbuk köiraŋ ala söngaiba malbin. Mewö.

Timoti melaiŋa Filipai engöŋ kama.

¹⁹ Kembu Jisösnöŋ nöngöra möri dop kölma ewö, mönö zilaŋ Timoti melaimangö möta jörömqöröm akzal. Engöŋ kaba denöwö maljei, mi möta lilingöba kaba jii möta nöngö imbinan mewöyök ölöwak soroköbawak. ²⁰ Mötnariŋŋine köhöize me löwörizei, yeŋön nanŋök engöra waimanŋat mewö möta nöngö qöhöröŋne kinja. Tosatŋan ki maljei, yeŋön mönö “Nanŋini manŋatŋina,” jiba qahöpmahöp kötöngöm engibingö mörakze. ²¹ Yeŋön körek nanŋinangö yuaigöra möta mi köl öröba mem qaribingöra jaram timakzemö, Kraist

* 2:10: Ais 45.23 * 2:15: Dut 32.5

Jisösgö nupñan ölnambuk ahakñapköra qahö kapan kolakze. Mönö qemasolokep lan malje.

²² Lan maljemö, Timotinöñ könañi ölöpnji kondelöhi, mi nanñinak möt yaköze. Nahönöñ nanñi iwiñi welen qem wañgimazkawi, yañön mönö miangö dop ni Ölöwak Buña nupkö bauköm niñgiba malök. ²³ Miangöra Rom gawman yeñön nöngö keu denöwö ak niñgibingö jöhömei, mi mötagun mönö ölop Timoti melaibiga zilañ engöreñ kamapkö jörömqöröm akzal. ²⁴ Nanak mewöñanök Kembubuk kinda nalö kude köriiga engöreñ kamangö awösamkakak mewö möt narizal.

Epafroditus melaibiga Filipai engöreñ kama.

²⁵ Nöñön yuai jaruba osiba malbiga eñön neñakni Epafroditus melaigetka kaba nanğöba bauköm niñgiyök. Yañön nöngö qöhöröñne nup memba bim qeba malökmö, toroqeba jöhöm wañgibileñak, miangön qahö dop kölbawak. Mewö mötmöriba urumelen alani i nalö kewöneyök melaibiga engöreñ lilingöba kama. ²⁶ Yañön körek iñini engekñangö kapan köla malja. Kawöl yöhöi ahöyöhi, iñini keu mi mötket engöreñ lömböriiga möta miangöra urueret malja. ²⁷ Yañön ölna kawölbuk ahöba kömupkö jitñe ahöyökmö, Anutunöñ ak kömum wañgiiga ölöwahök. Anutunöñ Epafroditus iyök qahö ak kömum wañgiyökmö, ni mewöyök nehoriba mem amqem niñgiyök. Yañön kömumbawak ewö, nöngö wösöbiriknan mönö sehii qaknöñ qaknöñ öngöi malbilenak.

²⁸ Iñini Epafroditus eka kunbuk söngaigetka nöngö wösöbiriknan mewöyök amqemapköra mötzal. Miangöra nalö kewöneyök zilañ melaibiga engöreñ kama. ²⁹ Iñini Kembangö ambazipköra önöñi qahö söngaimakzei, sösongai miangö qakñe mönö yañön kaiga köl öröm wañgime aka nup meme ambazip mewöñi mi mönö göda qem engiba malme. ³⁰ Yañön Kraistkö nupköra aka kömupkö jitñeyök öngöba kömum taköyök. Iñini ni nanğöba bauköm niñgibingö mötketmö, mi osigerangöra yañön engö salupñine mewö ak niñgimangöra kaba malmalñi mosöta ayuhum taköyök. Mewö.

3

Solanñi akingö köna ölni mi kewö:

¹ O urumelen alaurupni, keu kötni kewö toroqeba jimam: Mönö Kembubuk gekötahöba söngaiba malme. Keu mi dumñe kunbuk ohom engimangöra qahö ölan nöhöza. Ambazip tosatñan tilipköm engibepuköra mi ohom engibiga ölop dop kölja. ² Zioz nup meme ambazip bölöñi yeñgöra mönö galömñini memba malme. Yeñön urumelenğö kopa ambazip sutñine liliköba uruñini kuñguba kewö jimakze, “Anutugö buñañi akñegöra mönö aiwesökñi silenine yandime.” Mewö kapan köla keuyök jiba kiam ewö kohop köla “Könagesö walñi akzin,” jiba öne töhön jimakze.

³ Yeñön Anutugö jeñe qahö diñgize. Silenine aiwesök miyök yandim engigetmö, ölnan mönö neñgöreñ kewö asuhuyök: Anutugö Buña keuñan urunini mesiñnöhi, neñön mönö yañgö urumelen könagesö ölbölñi aka maljin. Anutugö qetñe silenine aiwesök al neñgigeri, neñön miangö qakñe qahö kinda tönguba möt narimakzinmö, Kraist Jisösnöñ amöt qem neñgiyöhi, miangöra mönö silenini mem öngömakzin. Anutugö Uña Töröñan inahöm neñgiiga amqeba Anutugö waikñi memba möpöseimakzin.

⁴ Tosatñan sileninañgö yuainöñ tönguba Anutugö buñañi akingö möt narize, nöñön mönö i engonğitzal. Miangöra ölöpnanök korua ewö terereñgöba gingini memba wahöta aiweliköbilenak. ⁵ *Nöngö aködamuni kewö: Nöñön Israel ambazip kambu uruñe jitñememe kun akzal. Isik bömöni qetñi Benjamin. Iwinamni Hibu ambaziwa. Nöñön yetköreñök ahuba Hibu azi ölni akzal. Asuhuba ahöbiga wehön 8 aiga miangöreñ silenine yandiget. Farisi aka malalangöra Mosesgöreñ Köna keu mi törörök wuatangömangö kapan köla malal. ⁶ Farisi mala urunan uturuñgöba könöwiiga urumelen könagesö mi

* 3:5: Apo 23.6; 26.5; Rom 11.1, 6; Apo 8.3; 22.4; 26.9-11

ölña sesewerowero ak enġiba malal. Mosesgöreñ Köna keu tem köla wuatangöba diñdiñi akinak ewö, nöñön mönö miangö dop köpösihitkö keunji qahö solanji malal.

⁷ Yuai mi mötpi öngöiga miangöreñ tönguba möt nariba malalmö, uruni melenđa mi pakpak mosöta zuen jizal. Nalö kewöñe Kraistnöñ amöt qem niñgii letorali, miangöra mönö mötpi öngömakza. ⁸ Kembuni Kraist Jisös möt kutuba oyaenköyaen akñami, mi möt kewötpiga bohonji öngöngöñi ewö akza. Miangöra malmalni walñangö aködamun yuaini pakpak mi Kraist toroqeba miangöreñ mosöta zuen jizal. Kraist miwikñaiba nöñgöreñ yuai pakpak mi mötpiga nesak irip töhön ewö aiga qepureiba andöne gilal.

⁹ Tosatñan “Mosesgöreñ Köna keu tem köl teköba mewö mianjön naninak diñdiñi akin,” jizemö, nöñön dop miangöreñ solanji kunbuk qahö maljal. Nalö kewöñe Kraist möt naribiga Anutunöñ mewö mianjön keuni jim teköi solaniba maljal. Mötnarip qakñe malbiga Anutunöñ ak kömum niñgiba jim kutuiga siñgisöndoknañgö keunjan kömuiga maljal. Kraistpuk qekötahöba kinda malbiga Anutunöñ nöñgö könañamni mewö miwikñaimapköra kapañ kölakzal.

¹⁰ Nöñön Kraist kewö möt kutumangöra kapañ kölakzal: Sihimbölö möröhanğöreñ yambuk toroqemamgö jöjörözal. Sihimbölö möta kömuyöhi, nöñön tandök miyöhök kömumba mewö mianjön yañgö tandök ewö akñamgö jöjörözal. Kömumba wahöröhi, yañgö ösumñi mianjön mönö tilingöm niñgiiga köhöimamgö mötzal. ¹¹ Kömumbiga Anutunöñ mem gulim niñgii kömupnöhök wahötmamgö jörömqöröm akzal. Mewö.

Mönö aonġitnöñ kapañ köla tohotnöñ anme.

¹² Nanañgöra kewö qahö jizal, “Anutunöñ tohot alöhi, miangöreñ lök kañgota urumelenğö aködamunñi pakpak miwikñaiba maljal.” Mewö qahö aka maljalmö, Kraist Jisösnöñ luhut ala nömeyöhanğöra mönö oyaenköyaenji buña qem anğumangöra kapañ kölakzal.

¹³ O urumelen alaurupni, Anutugö tohot miangöreñ qahö anğot teközali, mi mötzal. Mohot kewöya möta ahakzal: Yuai köteköba andö qeali, mi ölum nunğuiga Anutunöñ yuai mesoholne ali ahözawi, mönö miangöreñ göröken ösumnan anmamgö awöwenğömakzal.

¹⁴ Anutunöñ euyanğöreñ öngömamgö nohola tohotñi mewö al niñgiyök. Miangöra Kraist Jisösnöñ amöt qem niñgiyöhanğöra nöñön esapesapnöñ köhöiba luhut ala Anutugö tohotnöñ anğotpiga yañön ila jalö nööröpne köl niñgima. Mi memangöra awöwenğöba tohot miangöreñ göröken diñdiñanök uraköba ösumni qezaköba kiñkiñgömakzal.

¹⁵ Miangöra urugö aködamuninambuk akzini, Anutunöñ nini körek mötmöt mohotkö qakñe Kraist möt kutuba malbingö mötza. Keu kungöra mötmöt imbi murutñi kun ahöm enġibawak ewö, Anutunöñ mönö keu miangöra denöwö mötketka dop köljawi, mi mewöyök jim indel enġima. ¹⁶ Mewö qahöpmö, enğöreñ waimanjat bohonji mi kewö aiga dop köлма: Nini nalö köröpñi me töröpñi urunini melenđa Anutugö könanöñ mala korini, mönö ahakmemegö köna mohot miyök toroqeba aninga dop köлма.

¹⁷ *O urumelen alaurupni, nöñön ahakmemeni ahakzali, iñini mönö ni neka nöñgö silikni mi wuatangöba malme. Neñön silik ölopñi kondel enġiinga tosatñan miangö dop tiba öröm enġimakzei, iñini mönö yenğöreñ uba enġek kutuba malme. ¹⁸ Ambazip kelenmalelen yenñön ahakmemeninan Kraist kerök ak wañgiba nanñini imbi-imbi lañ malje. Maripomnöñ kömuyöhi, miangö könañi tim koyonaniba malje. Keu mi nalö gwötpuk janjuñ akepuköra jibi mötketmö, nalö kewöñe mi sahöta imbilni eriga jizal.

¹⁹ Sileñinañgö sihim kömbönañini bölöñan bemñini akza. Yuai gamuñambuk ahakzei, miangöra mötket öngöiga aködamunñina aiga söñgöröqök akze. Urumötmötñini gölmegö yuainöñ jöhögetka gwaröhöm enġii lañ mala teteköñe könöp sianöñ geme. ²⁰ Yenñön emu gememö, tosatñi neñgö mindimindiri tohoñnini mi Suepnöñ eu ahöza. Gölmeneñ kiannji aka kusukñanök mala Kembu Jisös Kraist Amötqege Toninan kunbuk asuhaba neñguañgitmapköra mambörakzin. ²¹ Yañön neñgöreñ gölme silenini etqegeñi ki melenñiga

* 3:17: 1 Kor 4.16; 11.1

nanji Suep sile asakmararañambukö tandök akña. Kukösum mewöñi mi Kraist ahöm wanğiza. Yanñon kukösum mewöñi mianñon ambazip aka gölme Suepkö öröyuai pakpak mi ölop köhöiba memba et al neñgiiga yangö nembö bapñe aninga galöm köl neñgiiga malbin. Mewö.

4

Qambañ keu tosatñi

¹ O wölböt alaurupni, mewö asuhumapköra Kembunöñ mönö bauköm enñgiiga böñ qeba köhöiba kinme. Nöñon engöra ak niñgiiga engekñangöra kapan kölakzal. Inini sösongai ak niñgiget. Sutñine nup mealangö ölni asuhui kondelgetka Anutunöñ mianğö töwa neñgimawi, mianğöra mönö söngöröqök aka söngaimakzal.

² Jitñememe ambi yahöt Yuodia Sintike, etkön jula anğururuk aka maljahot, mewö möral. Mianğöra nöñon uruñiri kewö kuñguzal: Iniri Kembubuk mohot kinjahot, mianğöra mönö urumohot aka malmahot. ³ O neñakni ölni, nupkö köñjöne mohotñe bisiba maliri, gi mewöyök kewö qesim gihizal: Ambi yahöt mietkön urumohot akñahotköra mönö bauköm etkiman. Yetkön nömbuk Ölöwak Buña köhöiba sehimapköra bim qeba malohot. Yetkön Klemen aka neñakurupni tosatñi yengö qöhöröñine mohotñe bim qeba malohot. Tosatñi yengö qetñini mi malmal köhöikñangö buk papianöñ eu ahöza.

⁴ Nalö dop mönö Kembubuk kinda söñgaiba malme. Söñgaimel! keu mi dumñe kunbuk jizal.

⁵ Inini mönö guñböñjönjön qakñe ambazip ak enñgigetka körekñan tandökñini mi mötme. Kembunöñ lök kamangö dopdowiza. ⁶ Yuai kungöra mönö köñjiliñ kude möta malmemö, yuai pakpak mianğoreñ qeqesini mönö Anutugöra jigetka mötma. Mewö me mewö asuhumawi, mönö Anutu köuluköba uleta saiwap jiba malme. ⁷ Anutunöñ uruluai enñgizawi, nini mianğö könañi möt kutubingö osimakzin. Mi mötkutukutunini pakpak onğita qainñi kun akza. Kraist Jisösbuk kingetka Anutunöñ mönö uruñini aka keu mötmötñini sel jöhöba kölközizip mem enñgiiga malme.

⁸ O urumelen alaurupni, keuni jim tekömamgö aka qambañ keu kewö jizal: Anğöjörak keu kude mötmörimemö, yuai pakpak göda qeinga aködamunñambuk akzawi, uruñini mönö mianğoreñ jöhöba malme. Keu ölni, keu diñdiñi aka sarakñi mia mönö mötmöriba malme. Keu ehöhölöñi sihimninan mörakzini, mianñon mönö uruñini kokolak qeiga kinme. Keu ewebibiñambuk möpömöpösei ahumawangö dop akzawi, uruñini mönö mianğoreñ qekötahöba malme. ⁹ Nöngö ahakmemeni eka Buña keuni möta uru könömñine ala buña qem anğugeri, inini mönö mi köl guliba aka memba malme. Mewö malgetka luai Toñi Anutu yanñon embuk kinma. Mewö.

Polnöñ Filipai yengö kalemñinağöra saiwap jiza.

¹⁰ Nöñon Kembubuk qekötahöba kinda engöra uruölöwak ketanji mötzal. Inini mutuhök ni köyan köla moneñ niñgibingö sihim möta malgetmö, denöwö akingö köna jaruba osiget. Nalö köröpñi osiba malgetka Kembunöñ nalö kewöñe uruñini mem guliiga amqeba kunbuk bauköm niñgiget. ¹¹ Silenangö lömbötnöñ tata osibileñak, mianğöra keu ki qahö jizal. Nöngoreñ yuai ahözawi, nöñon mönö miambuk uruluainöñ böñjön malmamgö mötzal. ¹² Ni jaram tiba luainöñ malal aka malmal pomñi siyonşayonji qahö mala luainöñ malal. Miri dop nalö dop uruni böñjön köli malmamgö mötzal. Nem timbireñ akileñak me bödi (buörö) tatpileñak, mianğöra mönö uruni qahö memba et al anğumakzal. Yuaini kelenmaleñ me boromñi ahöm niñgibawak, mi muat. Mönö ölop böñjön malmam. ¹³ I me wai kun asuhubawak, Kraistnöñ mem köhöim niñgiiga yuai kunñan kun mönö qahö memba et al niñgiiga ölop malmam.

¹⁴ Töndup könjiliñni mianğö uruñeyök alabauk aka mem amqem niñgigetka dop kölök.
¹⁵ *Filipai iñini mewöyök nöngö könani möt kömuze. Nöñön könahiba liliköba Ölöwak Buña nup memba embuk Masedonia prowinsnöñ mala engömosörali, nalö mianğöreñök könahiba mötnarip könagesö tosatñan ni silegö yuañinan qahö nañgöm niñgiget. Nöñön urugö Buña engibiga buña qem anğugetmö, silegö likepñi kun qahö melen niñgiget. Filipai urumelen könagesö iñini mohotñan mönö nömbuk jöhöjöhö aka malmalni nañgögetka naluk monenini buña qem anğuba malal.

¹⁶ Nöñön yuaigöra osiba malali, iñini mi nöngöra algetka Tesalonaika sitinöñ kayök. Indim mohot qahöpmö, indim yahöt silenangö yuaigöra osiali, mi algetka nöngöreñ kayök. ¹⁷ Engö inap kalemñinañgöra köpösöngöbilenak, mianğöra keu ki qahö ohozal. Anutunöñ engö alabaukñinañgö likepñi melen engimakñawi, nöñön mönö ölni mi engöreñ sehimapköra mötzal. ¹⁸ *Enön nalö kewöñe yuai algeri, mi buña qem anğuba nöngöreñ yuai pakpak mianön mönö dopni onğita gwötpuk ahöm niñgiza. Epafroditus yañön engö alabauk kalemñini memba kaba niñgiiga möriamnambuk aka maljal. Iñini naluk kötiniñni algetka yañön memba kayöhi, Anutunöñ mianğö sihimñi möri ölop dop kölja. Anutunöñ engö nalukñini möt anğön köli wöronñi ölopñi umköhöwakñambuk aka yañgö jeñe pukpuköiga söñgaimakza.

¹⁹ Nöngö Anutunan töhötmöriam pakpakö Tonji akza. Yañgö köweñe yuai pakpak mi teteköñi qahö ahöza. Mianğöra iñini Kraist Jisösbuk qekötahöba kinda yuaigöra osizei, mi pakpak mönö ahöm wañgizawañgö dop engimakña. ²⁰ Mianğöra Anutu Iwinini mönö nalö dop möpöseimakin. Mewö ahinga Anutugö qetbuñañan nalö teteköñi qahö sehimakña. Keu mi ölna.

Yaizözkök teteköñi

²¹ Nöñön yaizözkökni alaurup sarakñi Kraist Jisösbuk mohot kinjei, körek engöra albi kaza. Neñakurup nömbuk ki maljei, yeñön yaizözkökñini algetka engöreñ kaza. ²² Anutugöreñ ambazip sarakñi tosatñi pakpak ki maljei, yeñön yaizözkökñini algetka engöreñ kaza. Yeñgöreñök tosatñan sisa kiñgö jakömbuak mire nup memakzei, yeñön mönö mewö möta kapañ köla jize.

²³ Kembu Jisös Kraistkö kalem möriamñan mönö embuk ahöm öngöba uñañini kötuatkömakña.

Kolosi Kimbi Polnön Kolosi yengöra Kimbi alök. Jim-asa-asari

Kolosi mi Eisia prowinsgö taon kun. Mi Efesus siti miangörejök wehön kotkotne göröken ahöyök. Polnön Kolosi nalö kungen qahö anökmö, Eisiagö siti ketanji Efesus miangörej yambu karöbut Buña nup memba Kolosi yengöra mewöñanök waimanjatnji möta malök. Könañgep Kolosi tosatñan uruñini melenget (1.7; Apo 19.10). Polnön Rom sitigö kösö mire tariga neñakñi Epafrañs yañön Kolosi urumelen kambugö buzup keunji memba yañgörej kayök. (1.7-8) Kösohotñini tosatñi mi ölöñji aketmö, Kolosi miangörej böhi takapulakanji tok malget.

Böhi mienön ambazip kewö kusum sohom engimalget: “Urumelen könagesö enön Anutu waikñi membingö köna keu könañi könañi mi ölöp wuatangöme. Enön ölöp uruñini memba et ala silenji qeba sihimbölö mötme.” (2.16, 20-21, 23) Toroqeba kewö jim kutum engiget, “Mötnarip enön mönö simin köla garata waikñini memba malme.” (2.18) Jisös mewöyök mem et al wañgiba kewö jiget, “I Anutugö Nahönñi qahöpmö, garata bohonñi kun.” Mewö jiba kewö toroqeget, “Neñgö keunini wuatangömei, yenön mönö mötmöt tölapñi qainñi kun miwikñiame.”

Miangöra Polnön Kimbi ki ohoba Kolosi urumelen kambu kewö kusum engiyök, “Yuai pakpak mönö Jisösgö bapñe ahöiga yañön Anutu öl töhönñi aka (1.15-17) urumelen kambu neñgö Bohonina malja.” (1.18) Toroqeba keu kewö kondel engiyök, “Kraist Jisös möt narigetka yañön Anutugö mötmöt aka mötkutukutu tölapñi ölöp kondel engima. Anutugö mötmötñi mi mötmöt tosatñi pakpak oñgita qainñi kun akza.” (2.2-3, 9-10) Polnön mewöyök urumelen ambazip malmalñinangö jimkutukutu keu tosatñi ohoba al engiyök. (3.1-4.1)

Buk kiangö bahönji bohonñi 4 mi kewö:

Keu mutukñi 1.1-8

Kraistkö malmalñi aka nupñi 1.9-2.19

Kraistpuk malmal dölökñi 2.20-4.6

Kimbigö keu kötnji bohonñi 4.7-18

¹ Anutunön Pol ni melaim niñgiiga jitrangö dop Kraist Jisösgö aposol akzal. Urumelen alanini Timoti yañön nömbuk tatza.

² O urumelen alaurupnini sarakñi Kolosi taonön mala Kraistpuk qekötahögetka mötnaripñinan qahö sörauiga zeñ kinjei, nöñön embuk keu eraum mötpingöra kimbi ki ohozal. Anutu Iwininan mönö kalem möriam engiiga luainön malme.

Engöra Anutu möpöseiba köulukömakzin.

³⁻⁴ Inini Kraist Jisös pöndañ möt nariba ambazip sarakñi pakpak uru könömñinan jöpaköm engimakzei, miangö keu buzupñi jiget mörin. Miangöra engöra köulukömakzini, miangörej mönö nalö dop Anutu, Kembunini Jisös Kraistkö Iwinji möpöseimakzin. ⁵ Ölöwak Buñagö keu ölnan mutuk engörej kaiga jigetka jörömqörömninangö könañi lök möta möt asariget. Möt asariba Anutunön engöra yuai ali Suep mire kahaimök ahözawi, inini mi buña qem angubingö al mamböta jörömqöröm akze. Jörömqöröm mianñon nam köl engiiga amqeba Anutu möt nariba uru jöpaköm anguba maljei, mönö miangöra möpöseim wañgimaksin.

⁶ Ölöwak Buña keu mianñon sehiba gölmenji gölmenji dop köla ölnambuk aka qari-makza. Miangö dop engörej kaiga inini Anutugö kalem möriamñangö könañi ölnji möta möt asariget. Mi mutuhök möt asarigeri, wehön miangörejök könahiba engö sutñine

mewöñanök ölñambuk aka kötuetköm engimakza. ⁷ *Wölböt neñaknini Epafras yañön Kolosi engöra Ölöwak Buña mi kusum engiiga mötket. Epafras yañön nengö salupnine kinda Kraistkö nupñi pöndañ kapañ köla memakza. ⁸ Uña Töröñan sölölohöm engiiga jöpaköm angumakzei, Epafrasñöñ engö könañamñini mewö eka nini jii mörin.

⁹ Mianğöra buzup keu mi mörini, neñön mewöyök nalö mianğöreñök könahiba engöra Anutu köuluköba mala kotzin. Eñön Anutugö jitsihitñi möt yakögetka mötmöt mianğön uruñini kokolak qemapköra ulet wañgimakzin. Mianğön kokolak qem engiiga Uña Töröñan mönö sölölohöba mötmöt engimakña. Mewö mianğön mönö ölop Anutugö sihimñi pakpak diñdiñanök möt kutuba malme.

¹⁰ Engöra kewö köulukömakzin: Mötkutukutu mianğön nam köl engiiga mewö ölop malmalñini Kembangö jeñe dop kölmawañgö dop malme. Jitsihitñi ahözawañgö dop ahakmemenini pakpak aka memba malme. Mewö ölop nup ölopñi könañi könañi pöndañ megetka mianğö ölñi asuhumakña. Mötkutukutuñini mewö köl guligetka ölop köhöimakña aka Anutugö könañi toroqeba möt yaköm soroköba malme.

¹¹ Anutugö kukösumñi mi aködamunñambuk. Mianğö dop nanñi ösum-mumuñi pakpak al engiiga engualönda mem köhöim engimakñapaköra köulukömakzin. Anutunöñ mewö mem köhöim engiiga ölop köhöiba nalö dop kapañ köla urubönjöññöñ kinda lömböt möta mökösonda söñgaiba malme. ¹² Söñgaiba mala Iwigö saiwap jiba malmegöra köulukömakzal. Iwininan alaurupñi sarakñi nengöra buña yuaini arengöba ali asakmararañgö uruñe ahöza. Yañön inñini mewöyök letotqetot mem engiiga buñañi mi buña qem angumeañgö dop akze.

¹³ Pandamanöñ galöm köl nengiyöhi, Iwinöñ mianğöreñök meköba nenguañgita kaba wölböt Nahönñangö bemtohoñ uruñe al nengiyök. ¹⁴ *Nahönñi yañön sohopenini memba siñgisöndoknini sañgoñda mosötmapkö mörakza. Mianğöra mönö saiwap jim wañgimakzin. Keu mi ölña.

Kraistnöñ yuai pakpakö könañi aka bohonñi akza.

¹⁵ Kraistnöñ Anutu qahö ehekñi yañgö imutñi akza. Möpñangö möpñe malmal pakpak qahö asuhuiga Kraistnöñ mönö mutuhök Iwinambuk azi bohonña malök. Mewö Iwi Anutu bauköm wañgiiga öröyuai pakpak miwikñaim engiyotka ahuget.

¹⁶ Nahönñan Anutu bauköm wañgiiga öröyuai pakpak miwikñaim engiyohot. Yuai tosatñi Suep mirigö jakeni jakeni mianğöreñ ahögetka qahö engehakzini aka yuai tosatñi gölmenöñ ahögetka engehakzini, mi Kraistnöñ jiuga letotket. Yuai pakpak mi galöm köl engimegöra uña suahö galömñi galömñi miwikñaim engiiga Suep gölme sutñire jakömbuakñine kinda jimkutukutuñini alakze. Yeñgö nemböñine pom jembonñini öngöngöñi eretñi mi al engiiga jakenine kukösumñinambuk kinda tosatñi kembu ak engimakze. Nahönñan yuai pakpak asuhumapakö bömön jalöñi aiga Anutunöñ miwikñaim engiyöhi, mi mönö Kraist aködamun miwikñaim wañgimegöra al engii ahöze.

¹⁷ Kraistnöñ mutuhök maligun öröyuai pakpak mianğö andöñe asuhuget. Yañön mönö yuai pakpak mindiriba nam köl engiiga kutulañgöba yañgöreñ töndangöba kinje.

¹⁸ *Kraistnöñ bömön jalönini akza. Öröyuai pakpak nengö öröm nengineñgi bohonina aka malmapaköra kömupnöhök wahörök. Kömugeri, yeñgö sutñineyök jitñememenina aka guliba wahörök. Mewö mutukñamnini aiga nini könagesö walñangö zioz dölok-kunñi asuha kinjin. Mianğöra urugö, silegö, yuai pakpakö nörop bohonini aiga urumelen könagesö neñön yañgö öl kempañi akzin.

¹⁹ Anutunöñ Nahönñi nanñangö dop köröndöñ aka malmapakö möt teköi dop kölok. Mianğöra nanñi mötmötñi aka aködamun yuaini pakpak mi körek pakpak Kraistpuk qekötahöba kinjawañgöra körö-ölöwak möta malja. ²⁰ *Öröyuai pakpak gölmenöñ aka Suepnöñ Anutubuk kazik ahakzei, Anutunöñ mi pakpak töwañini ala enguañgiriga

* 1:7: Kol 4.12; Flm 23 * 1:14: Ef 1.7 * 1:18: Ef 1.22-23 * 1:20: Ef 2.16

nanjambuk qekötahöba urumohot akjegöra möta kewö jim teköi dop kölök, “Mönö nani Nahöni melaibi geba maripomnöy kömumba sepñi mokoba luaigö nam köli asuhuma.”

²¹ Injini mewöyök mutuk ahakmemeñini bölöñi ahöyöhangöra aka uruñinan Anutubuk urumohot qahö aka kerök möt wanjiba tikep malget. ²² Mutuk mewö malgetmö, nalö kewöñe Anutunöy nanjambuk urumohot aka kinmegöra Nahönñi melaiiga gölme silebuk kömumba köl köñjorat mem engiyök. Mewö kingetka qewöloñini sanjoñda mala enjuañgita nanñi jeñe sarakñi köpösihitkö keuñini qahö al enjii angotmegöra al mamböta jörömqöröm ahakze.

²³ Jörömqöröm ahakzemö, mala anjanbanjan köla et engubapuköra mönö Kraist pöndan möt nariba kinme. Anutunöy Ölöwak Buñajan tandö kuñguyöhi, injini miangö keuñi mötket. Uruñinan miangöreñ nanjöba töndangöba kin köhöiba malme ewö, mönö oy-aenjoyaen akñe. Nini Ölöwak Buñaji mi jim sehimakzin. Anutunöy ambazip miwikñaim enjiiga Suet bapñe mal anjei, yeñgö sutñine mi liliköba jim asariba maljin. Pol nöñön mewöyök Ölöwak Buñagö nupñi mi memba maljal. Mewö.

Polnöy zioz kambugö nup denöwö memba malök?

²⁴ Kraistkö ölni mi urumelen könagesö neñön akzin. Kraistnöy neñgöra aka köñjilin möriga kitipñi ahöba urumelen könagesö qaknine öngömakzawi, mia Kraistkö ölni bauköm enjimangöra aka silen an meköba möta malakzal. Mewö aiga enjöra aka sihimbölo möta malali, miangöra nalö kewöñe söngaimakzal.

²⁵ Anutunöy kuñgum niñgiiga urumelen könagesöñi könagesöñi welennini qeba nup memba maljal. Anutunöy kalem möriamñi ambazip menden neñjimangö areñ alöhi, miangö dop Buñ keuñi körek jim sehim tekömangöra jiyök. Enñön ölöwaka köhöimegöra nup al niñgiyök. ²⁶ Anutunöy Buñ keu mi möpñangö möpñeyök asamböriaga ambazip julkösöñ aka kömugetka gwölönarökñi wahöta kömugetka mewö mewö aka mala kota tönpin malget. Malgetka nalöñi nalöñi tölapñe ahöyökmö, nalö kewöñe könagesöñi könagesöñi sarakñi neñgöra indel neñgiiga mötzin.

²⁷ Anutunöy kalem möriamñangö areñi kewö jiba ali ahöza, “Nöñön keuni tölapñi mi nani könagesöurupni enjöra indelbi mötmegöra mötzal. Yeñön mi möt yaköba anda jim sehigetka Buñani tölapñangö aködamunñan mönö kian kantriñi kantriñi yeñgö sutñine qariba qetbuñambuk akña.” Keu köñi tölapñi mi kewö: Kraistnöy enjö uruñine malja ewö, mönö asakmararane angotpingö jörömqörömñi al enjimakña.

²⁸ Neñön Anutugö areñ miangö dop Kraistkö könañi ambazip pakpak enjöra jim asariba maljin. Yeñön körek Kraistpuk qekötahöba kin köhöiba aködamunñinambuk akjegöra kusum enjimakzin. Mewö enjuañgiringa Anutugö jemesoholñe angotmegöra mötzin. Miangöra mötkutukutunini pakpak qezaköba qambañ keuñi keuñi enjimakzin. ²⁹ Nöñön miangöra aum-mörimakzal. Kraistnöy kukösumñangö qakñe sölölohöba inahöm niñjimakzawi, nöñön mönö miangö dop bim qeba malakzal. Mewö.

2

Polnöy Kolosi yeñgöra waimanjat mörök.

¹ Nöñön Kolosi enjöra aka bim qeba maljal. Mewöyök Laodisia sitinöy maljei aka urumelen alaurup tosatan silenangö jemesoholni qahö nekeri, mönö körek yeñgöra köuluköba gwötpuk aum-mörimakzal. Nöñön injini miangö könañi mötmegöra mötzal.

² Kewö köulukömakzal: Anutu, gi mönö uruñini nanjöm enjinönga öröröñ jöhöba jöpaköm anjuba mohotñe urugö aködamunñini pakpak miwikñaime. Mi miwikñaiba ölop köhöiba yuai pakpak möt kutum teköme. Mewö aka ölop Anutugö Buñ tölapñi, Kraistkö könañi mi körek möt asarim teköme. ³ Anutunöy mötmöñi aka mötkutukutuñi mi körek Kraistköreñ ala asamböriaga ahöza. Anutu mötkutukutuñangö köweni mi guli dötnam ewö

köwe tölapne ahöiga Kraistnöḡ miangö kinji moröḡi akza. Kraist tem köla mewö mianḡön ölop mötkutukutuḡi miwikḡaibin.

⁴ Kunḡan mondoḡondoroḡ ala kelök keu jiba uruḡini kuḡguba tilipköm engibapuköra Kraistköra keu mi jizal. ⁵ Silenan engö kösutḡine qahö maljalmö, urumötmötnan mönö embuk kinja. Inini köhöiba Kraist möt nariba tem köla sutḡine arenjanḡö dop böḡjöḡ maljei, engöra mewö möta mötmöriba söḡgaimakzal. Mewö.

Gölmegö mötmöḡḡan jöhöm engibapukö galöm meme keu

⁶ Mianḡöra inini Kraist Jisös möt anḡön kölgetka Kembuḡini aka kinjawi, mönö yambuk qekötahömakzeanḡö dop ahakmemeḡini aka memba malme. ⁷ Keu kusum engigeri, mianḡö dop mönö kesöḡḡini Kraistköreḡ möndöḡḡöba mendawöla yambuk qekötahöba kinda uruḡini nanḡöm anḡuba mötnaripkö köhököhöḡi toroqeba miwikḡaiba malme. Saiwapḡini mönö o saksaköba erakzawanḡö dop jiba möpöseiba malme.

⁸ Ambösakon yeḡön gölmegö mötkutukutu kusum engigetka köna walḡi miwikḡaiba tosatḡan mi wuatḡḡömakze. Mewöyök bem suahö galöm Suep gölme sutḡire mala mietkö öröyuaiḡiri pakpak galöm köl engimakzei, tosatḡan Kraist onḡita yeḡḡoreḡ qekötahöba keu kusum engimakze. Mewö ahakzei, yeḡḡoreḡök kunḡan engömemba tilipqilip omanḡi mianḡö kösöḡan jöhöm engiḡiga eta böhi miengö buḡaya akepuk.

⁹ Anutugö mötmöḡḡi aka aködamun yuainḡi pakpak mi körekmakörek Kraistköreḡ ahöiga gölme sile memba asuhuyök. Mianḡöra böhi takapulakanḡi mewöḡi yeḡḡöra mönö galöḡḡini mem anḡuba malme. ¹⁰ Kraistnöḡ uḡa suahö galöm aka pom jembon pakpak miengö nörop bohonḡini akza. Kraistpuk qekötahögetka yanḡön Anutugö mötmöḡḡi aka aködamun yuainḡi pakpak mi ölop dopḡine engiḡiga malje.

¹¹ Mewö mala Kraistpuk qekötahögetka yanḡön aiwesökḡi öḡḡi mi engöreḡ mewöyök yandim engiḡiga malje. Aiwesök mi böronöḡ silenine yandimakzeanḡö dop qahöpmö, Kraistnöḡ sile yandiyandi qainḡi kun ak engiyök. Mi kewö: Yanḡön sileḡö ahakmeme walḡan galöm köl engibapuköra mönö sihim kömbönanḡini bölöḡi jöhöiga malje. ^{12*} Kraistkö qamöḡḡi lömnöḡ algeri, engö uru walḡan mönö mewö tandöktandök kömumba o melun mianḡoreḡ kömup lömnöḡ geyök. Mewö geyökmö, Anutunöḡ Kraist mem guliḡiga kömupnöhök wahöröhi, yanḡö kukösumḡan mönö inini mewöḡanök inahöba o melun mianḡoreḡ nam köl engiḡiga guliget. Inini Anutugö kukösumḡi mi möt anḡön köla möt narim wanḡigeranḡöra aka Kraistkö qöhöröḡe guliba köhöiba malje.

^{13*} Mutuk kunöḡ engö sihim kömbönanḡini bölöḡi mi qahö jöhöiga uru walḡinan galöm köl engiḡiga malget. Siḡisöndok akeranḡöra aka uru köhömuḡi malgetmö, Kraistpuk qekötahögetka Anutunöḡ yanḡö qöhöröḡe mem gulim engiyök. Siḡisöndoknini mönö körek sanḡon teköiga köhöiba maljin. ^{14*} Bölöḡamnini aka miengö likepḡanḡö jimkutukutuḡi mi Suep mire löpöt kimbinöḡ ohogetka ahöyök. Kraistnöḡ löpöt mi körek pakpak kutuba qeapköyök. Löpöt mianḡön Anutubuk kinda andöḡine qeba tuarenḡon ak nengiba ahöyöhi, yanḡön mi köteköba maripomnöḡ kösököi teköyök.

¹⁵ Maripomnöḡ kömumba bem suahö galöm aka uḡa pom Suep gölme sutḡire öröyuai pakpak galöm kölakzei, Kraistnöḡ miengö kukösumḡini luak jaugem jitḡi ewö qeapköba tölököba tözamḡöm teköyök. Mewö kazikurupḡi kösö gwarö memba gamu qem engiyök. Mewö aka enḡuanḡita köiranḡ ala renduḡ köliḡa qenjarökḡe kagetka luhut al engiyöhanḡö könanḡi mi aukḡe asuhuiga eket.

^{16*} Kraistnöḡ luhut al engiyöhi, mianḡöra inini mönö Kraistpuk kinda ewebibiḡinambuk saitḡit malme. Mewö malgetka engö sutḡine kunḡan wani onḡi aka öḡḡi ohoba nemakzei, mianḡöra öne döḡqizizin ala jim kutum engibapuk. Yambu (yara) dop kendon kömbukḡi kun aka köiḡ dop köiḡ dölököḡi kotzawanḡö söḡgaiḡḡi mi alakze me qahö, mianḡöra öne jim bölim engibepuk. Sabat kendon mi Sondagienöḡ me silim kunöḡ

* 2:12: Rom 6.4 * 2:13: Ef 2.1-5 * 2:14: Ef 2.15 * 2:16: Rom 14.1-6

tarakzei, miangöra öne mesoholjine qeba jim engibepuköra mönö galömjini mem anguba malme. ¹⁷ Songgo mewöjji mienjöra mönö kezap kude alme. Mi söpsöp yuayök akze. Öljän dopdowiba imutjji gilakzawi, miangö dop öljji mi Kraist. Nenegö me kendon tatatkö keujji mi Kraistkö söpsöpjji aka eretjji akza. Kraistnöj lök kaiga mala öne köna söpsöpjji walje qekötahöbepuk.

¹⁸ Tosatjji yengö sihimjini mi nanjini urunini memba et ala Suep garata waikjini memba bem ewö möpöseim engibingöra ahöza. Mewöyök jenjini melenjini imutimutjini eka mienjöra söngöröqök ahakze. Mewö nanjine gölmegö mötmötjjan kunjum engiiga silenjini öne töhön memba öngöba tiwokmawok ahakze. Yengörejök kunjjan tilipköm engiba Kraistkörenejök utum engibapuk. Mewö mötnaripkö aongitnöj luhut qahö ala töwanjini qahö membepuk. Miangöra mönö galömjini mem anguba malme. ¹⁹ *Yenön Kraist nöropjini akzawi, yambuk qekötahöba kinkinjini mosöta laj malje. Kraistnöj nöropjini aka nanjii öljji körek nini galöm köl nenjiiga ölop mösölatim anguba maljin. Sihit toroqeqenji aka ginimuramjii mienjön mönö öljjanjö köna böröurupjii mindiriba jöhöm nenjigetka kutulanjöba mohot akzin. Mewö aka Anutunöj nam köl nenjimakzawanjö dop qarim köhöimakzin.

Kraistpuk kingetka gölmegö mötmötjjan galöm ak engibapuk.

²⁰ Injini Kraistkörenej qekötahögetka uru waljjanan kömuiga bem suahö galöm yengö kösö gwarönöhök lök lolohoget. Mienjön Suep gölme sutjire mala yuainjiri pakpak galöm köl engimakzemö, injini qahö galöm köl engigetka malje. Miangöra böhi takapulakanjii mewöjjan jimkutukutu laj al engimakzei, mi mönö wuanöngöra öne wuatangömakze? Suepkö bujaya akzemö, töndup gölmegö keuya wuatangögetka siksauk ahakza.

²¹ Songojjini kewö alakze, “Mi kude göjupköba meman. Kun mi kude yöhösöröman. Yuai mi kude misiriman.” ²² Gölme ambazipnöj nanjini nöropjjanan mewö jim kutuba tosatjji kusum engimakzemö, Anutunöj mewö qahö. Yanön yuai pakpak mi lökjanök aka memingöra jiiga nupjini engigetka qahöwakjegöra ali ahöze.

²³ Mi töndup tosatjjan bem suahö galöm aka garata waikjini memba bem ewö möpöseim engimegöra kapan kölakze. Mi kapan köla “Nanini urunini memba eta aljin,” jiba miangörenej möndöba silegö sihim kömbönanjini bölöjjan galöm köl engibapuköra songojji songojji ala silenjini qeba qölsihim angumakze. Mewö aka jimkutukutujjini alakzei, mi mönö mötkutukutu qakje alaljanjö tandök aiga gwötpukjan mi möta mötket öngömakza. Öngömakzapmö, mi töndup mewö silegö sihim kömbönanjini bölöjji angön kölbingö osiba mi laj wuatangömakze. Miangöra jimkutukutujjini mienjön mönö yuai omanjii kötökjii akze. Mewö.

3

Kraistnöj malmal dölökje malbingö ösumjii nenjimakza.

¹ *Kraistnöj euyangörenej öngöba Anutugö böröjji öljjanjö jakömbuak jakenjii memba qetbujanambuk tatza. Anutunöj Kraist mem gulim wanjiyöhi, miangö tandök injini mewöyök mem gulim engiiga köhömuneyök wahöta malje. Miangöra injini Suep mire eu öroyuai ahözawi, urujjini mönö miangörenej jöhöba malme.

² Gölmegö öroyuaigörenej qahöpmö, euyangörenej öroyuai ahözawi, urujjini mönö miangörenej jöhöm köhöiba malme. ³ Engö urujjini waljan mönö kömuiga Anutugörenej tönguba malje. Mewö Anutugö aumje anda malmal köhöikjanjö könanjii miwikjaiget. Kraistnöj Suep malmal tölapje maljawi, engö urumalmaljanan mönö miangö dop asa-asambötje ahöza. Miangöra urujjini mönö Kraistpuk jöhöba malme. ⁴ Kraist malmal köhöikjanjö Toninan kunbuk kaiga asakmararanjan asuhumawi, nalö miangörenej injini mönö mewöyök asuhugetka enjanganjiriga yambuk Anutugö asakmararanje angotme.

* 2:19: Ef 4.16 * 3:1: Sum 110.1

Uru walji aka uru dölökñi awörañgözahot.

⁵ Gölmegö sihim kömbönañini bölöñi könañi könañi mi uruñine kinda yayasenñeñ mem enñimakzei, miengö nöröñjini mönö körek tözangöm teköme. Bau kiam tandök serowilin aka qewöloñ angjöörakñambuk mi mönö andö qeme. Urusilegö sihim kömbönañi bölöñi mi mosöta urukönöp bölöñi mi mönö qömbökögetka bököma. Yuai membagun memb-ingö nepaqepalok köpösöñgömakzei, mianñon tandö lopioñ waikñini memba möpöseim enñizeañgö tandökñi akza. ⁶ Mi akerañgöra aka Anutugö irimñan seholiiga urukazikñi qakñine ali öñgömakza.

⁷ Sihim kömbönañini bölöñi mewöñan mönö mutuk nanñini malmalñini mewöyök galöm köliga köna bölöñi mi tiba wuatañgöba maljema.

⁸ Mewö malgetmö, nalö kewöñe inñini mewöyök yuai kewöñi pakpak mi mönö gilget anma: Urusñngok möta urukönöpñöñ jula enñgohoiga uruñinan auba urubölö mötzemö, mi uzeta gilget anma. Mewöyök uruqeçe keu töhöreñ aka keu angjöörakñambuk jiba uruñini tölöhozei, mi mönö körek andö qeba mosötme. ⁹ *Inñini uru walji aka mianñgö ahakmeme angjöörakñambuk mi köteköba mem kömumba malje ewö, keu munenñi mönö kude eraum mötme.

¹⁰ *Inñini uru walji köteköba kunbuk letota uru dölökñi löñgöta malje. Miwimiwikñai Toninan nanñi könañi möt teköm wañgibingöra söpsöp alöhi, yañon mönö mianñgö dop uru dölökñi mi letot wañgiiga toroqeça kölöñaimakza. ¹¹ Mianñgöra nini Juda me kantri tosatñangö ambazip maljini, mi mönö dop mohot akza. Anutugö aiwesökñi silenine yandiget me qahö, mi töndup Anutugö jeñe dop mohot akzin. Taon ambazip mötmötninambuk me qandam (bus kanaka) mala nanñini keuñine irohowaroho jiba gukmaulem maljei, mi töndup Kraistñöñ uruñine kiniga mohot akzin. Nanini nupnini memakzin me toninañgö welennini töwañi qahö qemakzini, mianñon yuai korembenñi akzapmö, ölbölñi mi Kraist. Yañon kutulañgöba körek neñgongita öñgöba Kiñ Kembunini bohonñi mohot akza.

¹² *Anutunöñ möwölöhöm enñiiga uru dölökñi wuatañgöba Anutugö wölböt alaurupñi sarakñi akze. Mianñgöra inñini mönö sutñine ak kömumba ala ak anguba malme. Uruñini memba et ala tosatñi guñböñjönjön qakñe ak enñgiba lömböt möta mökösöñda malme. Silik mianñon mönö malukuñini aiga kölget geiga mi töp memba malme.

¹³ *Mönö lolongöba bölöñangö kitipñi kude mememö, mönö qaqaenñim anguba malme. Köyan köl angugetka sutñine keu köpösihit ahuiga kunñan alañi jim wañgimangö mötzawi, mi mönö mosöt angume. Kembunöñ siñgisöndokñini sañgonña mosöröhi, inñini mönö sutñine mewöñanök ak angumakñe. ¹⁴ Mewö aka urukalemö malukuñini mi kölget geiga mianñgö qakñe mönö urukalem aka jöpaköm angugetka qetpuk akña. Urukalem mianñon mönö aködamun tosatñi pakpaköra jizali, mi köyamgöba mindiriba bohonñina kinja.

¹⁵ Kraistñöñ inñini luainöñ silemohot malmegöra enñgoholök. Mianñgöra yañgö luainan mönö uruñine ahöba ölöpñangö injup lökuatñi ak enñiiga urubönjönñöñ jim möpöseip aka malme.

¹⁶ *Kraistköreñ Buña keu mianñon mönö uruñine kinda sutñine gwötpuk asuhum sehima. Mönö mötkutukutu keu pakpak jiba kusum anguba qambañ qem angumakñe. Uña Töröñan sölölohöm enñimakzawañgö dop mönö Buña Liñet Sumbara (Sam), möpömöpösei liñet (omsa) aka urugö liñet tosatñi mi urukönömñinan Anutu möpöseiba kölakñe. ¹⁷ Ahakmeme mi me mi jitnöñ me silikñöñ aka memei, mi pakpak mönö Kembu Jisösgö qetñe ahakñe. Mewö aketka Kraistñöñ nam köl enñiiga Iwi Anutu pipsimbawon jim wañgiba malme. Mewö.

Awanöm, iwinam aka welenqeçe enñgöreñ qambañ keu

¹⁸ *Ambi inñini mönö apurupñini yeñgö keu bapñe anda malme. Kembugö buñaya

* 3:9: Ef 4.22 * 3:10: Jen 1.26; Ef 4.24 * 3:12: Ef 4.2 * 3:13: Ef 4.32 * 3:16: Ef 5.19-20 * 3:18: Ef 5.22; 1 Pitö 3.1

akzeangöra mönö mewö aketka dop kölma.

¹⁹ *Azi injini mönö anömurupņini urukalemnöņ jöpaköm engiba urupik wösökömbuk qakņe kude ak engiba malme.

²⁰ *Nahönbörat injini Kembubuk qekötahöba kinda iwinamyahötņini yetkö jitņiri wu-ataņgögetka Kembunöņ engehiga dop kölma. Mianğöra injini mönö keuņini jimeangö dop pakpak tem köl engiba malme.

²¹ *Iwiurup engö nahönbörataturupņinan awösamkakakņini mosötpepuköra mönö kude engum ureim ak engiba malme.

²² *Welenqeçe injini mönö gölme qakņe galömurupņini yenğö keuņini pakpak tem köla ahakņe. Köņdöwoņ aketka ambazipnöņ engek sorimeğöra qahöpmö, geņmoņ mosöta Kembangö jitņi onğitpinbukö sömbuņini möta uruņini nupnöņ ala memba malme. ²³ Yuai aka memakņei, uruņini mönö mianğoreņ jöhöba kewö mötmörime: Gölme ambaziwök qahöpmö, Kembu nanņi mönö welen qeba malje.

²⁴ Kembu Kraist welenni qeba malgetka yaņön töwaņini Suep mire ali ahözawi, mi mönö enğıga buņaņini akņa. Mönö mewö mötmöriba malme. ²⁵ *Kunņan nupņi mem sohomawi, Anutunöņ mewöņanök mem sohosohonangö likepņi melen waņgima. Anutunöņ tosatņi qahö engek soriba tosatņi qahö qepureim engimakzapmö, körek nini dop mohotnöņ kewöt neņgiba keunini jim teköma.

4

¹ *Galömurup engöreņ Kembu ketanı mi Suep mire malja, mi möt kutuzeangöra mönö welenqeçeupurupņini titit diņđiņi aka dop mohot ak engiba malme. Mewö.

Goro qambaņ keu tosatņi

² Köuluk nup mönö kapaņ köla memba malme. Mianğoreņ mönö uruguliguli mala jim möpöseip aka malme. ³ Möpöseip akņei, mianğoreņ mönö neņğö mohotņe kewö köuluköba malme, “Anutu, gi mönö Pol neņakurupņi kōna mem enğinōņga ölop Kraistkö Buņa keu tölapņi mi jim asarigetka sehima.” Nōņön mönö Buņa nup mianğöra aka kōsö gwarōnōņ tatzał. ⁴ Nōņön Buņa keu Anutugö sihimņangö dop jibi asarimeğöra mönö köulukņinan tōngum niņgiba malme.

⁵ *Ambazip urumelen qahö aka yaigep maljei, i mönö mötkutukutu qakņe ak engiba malme. Urugö nup memingö kōna kun ahumawi, nalö mi mönö kude mösöhöba ayuhumemö, ambazip qöhörōņine anda ösōņ qambaņ köl engime. ⁶ Keu eraum mötmei, mi mönö nalö dop howeņambuk mindiriba jigetka nahömņambuk ahakņa. Jigetka mohot mohot nahömņini ahuiga körek yenğöra keu denöwö melen engime, mi mönö ölop möt yaköba mianğö dop jimakņe. Mewö.

Polnōņ Tikikus Onesimus melaim etkiiga kamahot.

⁷ *Wölböt alani Tikikus yaņön Kembubuk qekötahöba kinda nömbuk nupņi törörök memba neņakni akza. Yaņön engöreņ kaba denöwö aka malakzali, mianğö kösohotņi körek jii mötme. ⁸ Denöwö aka memba tata maljini, injini mönö kösohot mi mötmegöra melaim waņgibiga engöreņ kama. Yaņön kaba ölop urukölalep ak engima. ⁹ *Mewöyök wölböt alanini Onesimus Kolosi engöreņök kaba Kembangö keuņi pōndaņ wuatangöba mem yakōmakzawi, nōņön i melaibiga lilingöba kama. Azi yahöt mietkōn kaba kiangöreņ yuai pakpak denöwö asuhui maljini, mianğö kösohotņi ölop jim teköyohotka mötme. Mewö.

Yaizözkök keu tetekōņi

* **3:19:** Ef 5.25; 1 Pitö 3.7 * **3:20:** Ef 6.1 * **3:21:** Ef 6.4 * **3:22:** Ef 6.5-8 * **3:25:** Dut 10.17; Ef 6.9 * **4:1:** Ef 6.9 * **4:5:** Ef 5.16 * **4:7:** Apo 20.4; 2 Tim 4.12; Ef 6.21-22 * **4:9:** Flm 10-12

¹⁰ *Aristarkus nömbuk kösö mire tatzawi aka Barnabasgö numbutni Mak yetkön yaizözkökniri jiba alohotka engören kaza. Maköra lök keuni kewö jim kutubiga mötket: Engören kaba kangotma ewö, mönö ölop köl öröba ala ak wangime. ¹¹ Josua qetni kun Jastus qetzi, yanön mewöyök yaizözkökni jiba ali engören kaza. Neñakurupnan nömbuk Anutugö bemtohoñgö nup memba maljei, yengö sutñine azi karöbut mienönök Juda azia malje. Yenön mönö urukölalep ak niñgimalget.

¹² *Nanñine azi Epafras Kraist Jisös welenni qemakzawi, yanön mönö yaizözkökni jiba aliga engören kaza. Yanön nalö dop engöra aka köulukömakza. Keu pakpak Anutugö jitñangö dop akzawi, inini miangören töndangöba kin köhöiba aködamunñinambuk aka malmegöra aum-mörimakza. ¹³ Nöñön yangö könani möta kewö nanğöba jizal: Yanön inini bauköm engimangöra nup gwötpuk memakza. Mewöyök Laodisia aka Hierapolis taon yahöt miangören möt nariba maljei, yengöra aka wani awamni nup memba aum-mörimakza. ¹⁴ *Wölböt doktanini Luk aka Demas yetkön mewöyök yaizözkökni jiba alohotka engören kaza.

¹⁵ Nöñön yaizözkökni jiba ohozali, mi mönö urumelen alaurup Laodisia taonñ maljei, yengöra jiget mötme. Mewöyök Nimfa aka yangö mire könagesö tokomakzei, mönö yengöra jiget mötme. ¹⁶ Kimbi ki oyoñ engigetka mötket teköiga miangö andöñe mi mönö algetka Laodisia urumelen könagesö yengören aniga oyoñme. Laodisia yengöra kimbi kun ohobiga anöhi, mi alget engören kaiga inini mi mewöyök oyoñme. ¹⁷ Arkipus azi mi mönö kewö jigetka mötma, “Kembunöñ Buña nup memangö jim kutuba köiputki tariga maljani, göñön mönö mi mötmöriba körek mem teköman.”

¹⁸ Pol nöñön yaizözkökni jiba nane börönan qetni kewö ohozal: Pol. Inini mönö kösö gwarö azi ni mötmörim niñgiba malme. Kalem möriamnöñ mönö embuk ahöma. Mewö.

* **4:10:** Apo 19.29; 27.2; Flm 24; Apo 12.12, 25; 13.13; 15.37-39
Flm 24; Flm 2

* **4:12:** Kol 1.7; Flm 23

* **4:14:** 2 Tim 4.10, 11;

Tesalonaika Kimbi 1

Polnön Tesalonaika yengöra Kimbi mutukñi alök.

Jim-asa-asari

Rom mindimindiri kantrigö prowins qetñi Masedonia miangö siti bohonñi mi Tesalonaika. Polnön misin nup memba liliköba Filipai siti mosöta Tesalonaika kaba nup meiga tosatñan uruñini melengetka kusum engii urumelen kambu alget. Mi algetmö, tuarenjon mi miangörenök asuhuyök. Polnön Kraistkören Buña keu jim asariba uruñini kuñguiga miangören Grik ambazip Juda akeri, yengörenök gwötpukñan uruñini melengetka kambu miangön sehiyök. Miangöra Juda ambazip uruñini qahö melennda uruñinan böliiga Pol andö qem wangiget. Andö qem wangigerangöra lömböriiga köna jaruba engömosöta Berea taonön anök. Könañgep Korint sitinön maliga neñakñi Timotinön alabaukñi aka Tesalonaika sitiyök kaba denöwö möt narigeri, miangö kösohotñi ali mörök.

Polnön Kimbiñi mutukñi Tesalonaika alöhi, mi Kraistkö alaurupñi yengö uruñini nangöba mötnaripñini mem köhöimapköra ohoyök. Kembu möt nariba urukalem ak angumakzei, miangö buzupñi mötagun yengöra Anutu möpöseiza. Nannak malmal yembuk denöwö aka malöhi, mia ölum engubapuköra mi papianön ohoza. Tesalonaika urumelen kambu sutñine keu tosatñi asuhui jigeri, Polnön mi melennda jim asariba ohoza. Keu tosatñi mi kewö: Kraistnön lilingöba kaiga Suep malmalnön angotpini, miangören tosatñan uruñini melennda kömupnön ahözei, yengöra mönö denöwö asuhuma? Kraistnön wani nalönön lilingöba kama? Keu mi melennda kewö jim kutum engiyök, “Inini Kraist kunbuk kamapkö jörömqöröm aka al mamböta mala miangören mönö nup ölopñi ölopñi mi jegep kinda pöndañ memba malme.”

Buk kiangö bahöñi bohonñi 6 mi kewö:

Keu mutukñi 1.1

Saiwap jiba söngaiba möpöseiza 1.2-3.13

Ahakmeme diñdiñi akñegö kuñgum engiza 4.1-12

Kraistnön kamapkö keuñi kusum engiza 4.13-5.11

Qambañ keu teteköñi tosatñi 5.12-22

Kimbigö keu köñi bohonñi 5.22-28

¹ *Pol, Sailas, Timoti neñön Tesalonaika urumelen könagesö embuk keu eraum mötpingöra kimbi ki ohozin.

Inini Iwi Anutu aka Kembu Jisös Kraist yetpuk qekötahöba kingetka yetkön mönö kalem möriam engiyohotka luainön malme.

Mötnarip köl gulizeangöra söngaizin.

² Neñön qösösök mötmörim engiba körek engöra “Anutu pipsaiwap!” jiba möpöseimakzin aka köuluk nup memba miangören nalö dop qetñini qerakzin. ³ Inini Jisös Kraist jöpaköba möt narigetka urukalemñan nam köl engiiga nupñi köhöiba memakze aka Kembuninan lilingöba kamapkö jörömqöröm aka kapañ köla mambörakze. Neñön mi pakpak Anutu Iwininangö jemesoholñe ölop mötmörimakzin.

⁴ Urumelen alaurupnini, Anutunön jöpaköm engiba inini nannangöra kewö möwölöhöm engiyöhi, mi mötzin. ⁵ Neñön Jisösgö Ölöwak Buñañi memba engören kaba sutñine denöwö aka malini, inini mi mötze. Neñön Buña mi keu töhönök qahö jiin mötketmö, Uña Töröñan mönö sölölohöm neñgii awösamkakak kinda ösum-mumuñambuk uruñini kuñguba malin.

⁶ *Mewö malinga inini köñjiliñ ketañangö uruñe mala Buña keu möt angön kölget. Mi angö

* 1:1: Apo 17.1 * 1:6: Apo 17.5-9

kölgetka Uña Töröñan sösöñgai enñiiga Kembu aka neñgö siliknini wuatangöba malje. Mi denöwö asuhuyöhi, neñön mi ölop mötzin. ⁷ Mewö andönine kaba mala Masedonia Akaia prowins yahöt miangöreñ Jisös möt narizei, körek pakpak yengöra silik ölopñi kondel engimakze.

⁸ Mi kewö: Inini Kembugöreñ keu möta angön köla jiba malgetka tosatñan mi angötömual ewö toroqeba jim sehigetka anök. Anda mala Masedonia aka Akaia prowins yahöt mi dop köl teköyök. Mi dop köl teköyökmö, miyök qahö. Inini Anutu möt nariba nupñi megeri, miangö ölnan mönö gölme dop anda kaba sehiiga gwötpukñan uruñini melenget. Mi kilik-kalukñi qahö. Miangöra nini miangö keuñi kun qahö toroqeba jibin.

⁹ Nini engöreñ kainga denöwö asuhuyöhi, miangö kösohotñi mi miri tosatñi yeñön jigetka angötömual ewö mörakzin. Inini tandö lopion aka bem muneñi andö enguba Anutu ölbölñi aka malmal Toñi yangöreñ melennda nupñi memba malje. ¹⁰ Anutunöñ Nahönñi mem gulii kömupnöhök wahöröhi, inini yanön Suep mireyök eta asuhumapköra mambörakze. Anutugö irimsesewölñan könañgep aukñe asuhuiga Jisösnöñ mönö eta jenberereñ kanjamñambuk miangöreñök meköm neñgima. Mewö.

2

Polnöñ Tesalonaika uruñe nup denöwö meyök?

¹ O urumelen alaurupnini, nini engöreñ kaba nup meini, miangön mönö qahö pömsöm qeyökmö, ölni ölop asuhuyök. Nanñinak mi mewöyök ölop mötze. ² *Qahö pömsöm qeyökmö, mutuk Filipai sitinöñ nup meinga öröm ureim ak neñgigetka sihimbölö mörini, mi mötze. Sihimbölö mi mötagun engöreñ kainga tosatñan tuarenjoñ köhöikñi ak neñgigetmö, mi töndup Anutunöñ awösamakakak neñgii kinda Ölöwak Buñañi jim asarim engiba malin.

³ Neñgö könanini kewö: Urukunğukunğun keunini mi isimkakalek qakñe qahö jimakzin. Naninak janjuñ ahinga uruninan tölöhobawak, mewö mi qahö jimakzin. ⁴ Mewö qahöpmö, Anutunöñ Ölöwak Buña jim sehibingöra neñgeka urunini kewöri dop köliga möt narim neñgiba Buñañi neñgiyöhi, miangö dop mönö keuñi memba jim asarimakzin. Anutunöñ urunini esapköba kewörakza. Miangöra neñön yuai pakpak Anutugö jene dop kölböngöra ahakzin. Mi ambazip sihimñini wuatangöbingöra aka qahö. ⁵ Neñön nalö kungen ambazip kelewele keu kelök ak engibingöra qahö anda kaini, mi mötze. Nini nepaqepalok dogonini esuhuba moneñ yuai neñgimegö möndömöndö keu siñginñi qahö jiin. Anutunöñ könañamnini mi ölop jim nañgöma. ⁶ Enñön me ambazip tosatñan qetbuña neñgimegöra qahö kapañ köla malin.

⁷ Kraistkö aposolurupñi akzinangöra ölop uruñini kewö kunğubinak, “Inini mönö nañgöm neñgigetka sutñine urugö nup membin.” Mewö jiinga dop kölbawakmö, neñön engö sutñine mököqököli aka malin. Nahönbörat namñinan juzu engiba köyan köl engimakzawi, miangö dop mönö nanini memba et al anguba ösöñ ak engiba malin. ⁸ Neñön iwinam ewö mökökölim ak engiba malinangöra Anutugöreñ Ölöwak Buña enñiin aka toroqeba nanine malmalnini mewöyök kölen engibingö jöjöröba malin. Inini ölna wölböt nahönbörataturupnini aket.

⁹ O urumelen alaurupnini, neñön engöra aka nup memba silenini qeba malini, mönö mi mötmörime. Nañgöm neñgimegö lömbötñan engöreñök kungö qakñe öngöbapüköra sunğem asak nanine börönanan nup memba Anutugö Ölöwak Buñañi jim asarim engiba malin. Mi mönö ölum engubapuk.

¹⁰ Jisös möt narizei, neñön engö keuñini pakpak diñdiñanök kewöta sarakñi köpösihitkö keunini qahö malin. Inini mi eka möta nañgöba jim nañgömeangö dop akze. Anutunöñ mewöyök mi jim nañgöba dangunu ewö kinja. ¹¹ Iwinöñ nanñi nahönbörataturupñi ösöñ

* 2:2: Apo 16.19-24; 17.1-9, 14; Apo 17.5

ak engimakzawi, miangö dop neñon injini mohot mohot ak engiba malin. Mi mewöñanök ölop mötze. ¹² Neñon urugö nanğonangö keu jiba urukölalep ak engiba malin. Anutunöñ injini nanñe bemtohoññöñ angota asakmararane asarimegöra engoholök. Miangöra neñon uruñini kuñguba keu kewö jim tuariba malin, “Ahakmemenini mönö Anutugö jeñe dop kölmawanğö dop sarak sorokñi aka memba malme.”

¹³ Miangöra neñon mewöyök sundan Anutu kewögöra möpöseimakzin: Anutugö Buña keu engiini, mi gölme ambazipkö keu ewö qahö buña qem angugetmö, ölna Anutugö keu jtkö dowa möta mi angön kölget. Mi möt narigetka miangön mönö kölönaim engiiga letorakze. ¹⁴ Juda ambazip Judia prowinsnöñ uruñini melengetka Juda tosatñan angösirip ak engigetka sihimbölö mötket. Yeñon mi möta tönđup Kraist Jisösbuk qekötahöba kinda Anutugö urumelen könagesöñi aket. Urumelen alaurupnini, engö sutñine mönö mewöñanök asuhuyök: Nanñini Grik ambazipnöñ Juda yeñgö tandök ewö ak engigetka injini sihimbölö öröröñ möta Anutugö könagesöñi aket.

¹⁵ *Juda yeñon kezapqetok ambazip enguget kömugetka Kembu Jisös mewöyök qegetka kömui nini sesewerowero ak neñgiba malget. Yeñon Anutugö jeñe qahö dop köla ambazip pakpak kerök ak neñgimakze. ¹⁶ Neñon kian kantri enñon uruñini melenđa letotmegöra Buña jibinbukö angön köl neñgimakze. Mewö siñgisöndok sundan aka qerakögetka qakñine öñgömakza. Siñgisöndokñini qerakögetka dopñi Anutugö jeñe kokolak qeiga irimsesewölñi toroqeba angön kölmamğö osiba nalö kewöñe kondeli qakñine lök öñgöza. Mewö.

Polnöñ Tesalonaika kunbuk anmamğö mörök.

¹⁷ O urumelen alaurupnini, neñon nalö kewöñe nalö töröpñi denđa maljin. Sileninan denđa maljinmö, uruninan jöhöba mohotñe maljin. Miangöra engö jesöñgöröñini ekingöra mönö kapan köla awöweñgöba maljin. ¹⁸ Miangöra engöreñ kabingö möta malin. Pol nöñon sömañ mohot-töp qahöpmö, indimñi yahöt kamamğö esapköyalmö, Satanöñ jöhöm neñgiiga osiin. ¹⁹ Injini nanine ila jalö soroknini ewö kinje. Kembunini Jisösnöñ lilingöba kaiga yanğö jemesoholñe angota kinbini, miangöreñ engeka “Urugö nup önewat qahö memba malin,” mewö jibingö mötzin. Neñon keu mi injini aka tosatñi yeñgöra aka awamñanök jibingö jörömqöröm akzin. Miangöra engöra önöñi qahö söñgaiba silenini memba öñgömakzin. ²⁰ Neñon engöra aka qetbuña miwikñaininga sösoñgai ak neñgimakze. Mewö.

3

Timoti melaiyohotka Tesalonaika anök.

¹ *Injini denöwö aka maljei, mi mötpingö mötkurumkurum ketanji ak bibihiba toroqeba öne malbingö osiin. Miangöra nanirök Atens sitinöñ malbitkö keu jöhöba ² alaniri Timoti melaiziga engöreñ kayök. Yanğon Anutugö nup memba netpuk Kraistkö Ölöwak Buña jim sehimakza. Yanğon uru nanğonangö keu engiba mötnariñini mem köhöimapköra kayök. ³ Anutunöñ areñnini jim teköiga tosatñan angösirip ak engimakze, mi nanñinak ölop mötze. Engöreñök kunñan könjiliñ uruñe koñgwarak aka löwöribapuköra jiinga kayök.

⁴ Neñon Tesalonaika embuk mala nalö miangöreñ engöra qeljine keu kewö jiin, “Kembugö jitsihitñi tem kölinga ambazipnöñ sesewerowero ak neñgigetka wahöjalij miwikñaibin.” Mewö jiinga miangö dop ölna asuhuyöhi, mi ölop mötze. ⁵ Mewö asuhuiga esapesap Tonjan esapköm engii löwöriba etketka nupninangö ölnan eta pömsöm qebapuk. Miangöra denöwö möt nariba maljei, mi mötpingö mötkurumkurum ketanji ahin lömbörii kunbuk öne malmamğö osiba Timoti melaibiga qesiba mötmamğöra kayök. Mewö.

Timotinöñ kösohotñini ali möt ölöwahn.

* **2:15:** Apo 9.23, 29; 13.45, 50; 14.2, 5, 19; 17.5, 13; 18.12 * **3:1:** Apo 17.15

⁶ *Mötkurumkurum aka malinmö, Timotinöŋ anda enġömosöta lilingöba kaba buŋaŋini ölöŋŋi memba kaba kewö jiyök: Inini Kembu ölöŋ möt nariba urukalem ak aŋgumakze aka nalö dop neŋġöra mötmöriba ölöwahakze. Neŋön enġekingö sihimŋi möringa eŋön mewöyök nini neŋġekingö kapaŋ kölakze.

⁷ O urumelen alaurupnini, neŋön sesewerowero köŋjilin könaŋi könaŋi möringa nalö mianġoreŋ kaba möt narizeaŋġö kösohotŋi ölöŋŋi jii mötziga keu mianöŋ mönö ölna urukölalep ak neŋġiyök. Mianġöra nalö kewöŋe enġöra aka aŋgeba luainöŋ ölöwaka maljin. ⁸ Inini Kembubuk qekötahöba böŋ qeba kinmeaŋġöra neŋön mönö ölna köhöiba maljin. ⁹ Enġöra aka Anutugö jemesoholŋe öŋöŋi qahö söŋgaimakzini, söŋŋai pakpak mianġöra mönö denöwö Anutu möpöseiba saiwap jiinga dopŋe akawak?

¹⁰ Neŋön suŋgem asak urunini qezaköba kapaŋ köla kewö köulukömakzin, 'Anutu, mönö bauköm neŋġinöŋga Tesalonaika anda jesöŋġöröŋini eka mutulaŋġöba mötnaripŋinaŋġö yuaigöra osizei, mönö mi enġibin. Keu mi ölna.'

¹¹ Mewö köuluköingga Anutu Iwinini nanŋi aka Kembunini Jisös yetköŋ mönö köna mesat neŋġiyohotka ölöŋ enġoreŋ kabin. ¹² Toroqeba kewö köulukömakzin, 'Nini urukalem öŋöŋi qahö ak enġimakzini, Kembu göŋön mönö urukalemgi toroqeba kondel enġinöŋga sutŋine sehiiga kondel aŋgumakŋe aka ambazip pakpak kondel enġimakŋe. ¹³ Kembu, göŋön mönö uruŋini mem köhöimakŋan. Kembunini Jisös göŋön könaŋep könaġesögi sarakŋi pakpak yembuk kunbuk kamani, nalö mianġoreŋ Tesalonaika yeŋön sarakŋi köpösihitkö keuŋi qahö Iwinini Anutugö jeŋe kinme.' Mewö köulukömakzin.

4

Ahakmeme solanŋi urukalemŋambuk mi dop köлма.

¹ Urumelen alaurupnini, keu kun kewö: Ahakmemeŋini Anutugö jeŋe aket dop kölmawaŋġö könaŋi kusum enġiinga mi lök köl guliba wuatanaġömakzemö, mi toroqeba gwötpuk ahakŋeġöra uruŋini kuŋguzin. Neŋön qambaŋ keu mi Kembu Jisösgö qetŋe enġizin. ² Neŋön Kembu Jisösgö kukösum qakŋe kinda jöjopaŋ keuŋi jim kutum enġiini, iŋini keu mohot mohot mi lök möt teköze.

³ Anutunöŋ enġöra jiŋsihitŋi kewö mötza: Inini mönö sero yoŋgorö andö qeba sarakŋi aka tök-kutukutuŋi aka malme. ⁴ Anutugöreŋ köna diŋdiŋi mi mönö kewö möt kutume: Uru sileninaŋġö sihim kömbönaŋini galöm köla sarakŋi (mala nanŋini anöŋŋini nanŋik nanŋik memba) malgetka aködamunŋambuk akŋa. ⁵ Urumelenġö kopa yeŋön Anutugö könaŋi qahö möt kutuba uruŋini köŋöp jeiga ambi laŋ memakze. Mianġö dop kude aka malme.

⁶ Mewö qahöpmö, ambi apŋan kungen aniga kunöŋ ölöŋ kaba ambi kude saitköma. Kunöŋ bölöŋi mewöŋi ahiga uruŋiran kömbuhibapuk. Mutuk qambaŋ keu mi jiba galöm mem enġiini, mianġö dop kunöŋ ambi mem böliiga Kembunöŋ siŋgisöndokŋi pakpakö likepŋi meleŋ waŋgima. ⁷ Anutunöŋ nini qewöloŋ malbingöra qahöpmö, malmal sarakŋi malbingöra neŋġoholök. ⁸ Mianġöra jöjopaŋ keu mi mosötmawaŋön mönö gölme ambaziwa qahöpmö, Anutu nanŋa andö qema. Anutu Uŋaŋi Töröŋi enġimakzawi, ia mönö andö qebepuk.

⁹ Sutŋine jöpaköŋ aŋgumakzei, mianġö könaŋi Anutunöŋ kusum enġii nanŋinak lök möta malje. Mianġöra neŋön urukalem ak aŋgubingö keuŋi kunbuk ohom enġibingö qahö osizin. ¹⁰ Masedonia prowins uruŋe urumelen alaurup pakpak uruŋinan jöpaköŋ enġiba maljemö, urumelen alaurupni, mi mönö toroqeba gwötpuk ahakŋeġöra uruŋini kuŋguzin. ¹¹ Mönö ösöŋ mala nanŋini malmal nanġönaŋöŋini galöm köla böroŋinan nup memba malme. Mewö aka aködamunŋinambuk akingö kapaŋ köla kinme. Mutuk mewö jim kutum enġiinga mianġö dop mönö aka memba malme.

* 3:6: Apo 18.5

¹² Mewö aketka uruñini qahö melenḁa yaigep kinjei, yeñön ahakmemenḁini solanñi ek yaköba göda qem enḁiba malme. Injarere lañ mala nene yuaigö uleta kungö qakñe kude malme. Mewö.

Kembugö kaka nalöñe kewö asuhuma:

¹³ Urumelenḁ alaurupnini! “Tosatñan uruñini melenḁa kömumba ahözei, yeñgöra denöwö asuhubawak?” Inñi keu mewö jiba mianggöra gukmaulem malbepuk. Ambazip uruñini qahö melenḁa jörömqöröm qahö maljei, yeñön kömukömuñi yeñgöra aka wösöbirik maljemö, enñön i ewö wösöbirik malbepüköra keu kewö jibin: ¹⁴ Jisösnöñ kömumba wahöröhi, nini keu mi möt nariba kewö jizin: Anutunöñ Jisös mem guliyök. Mianggöra ambazip yambuk kömumba nöñ qegeri, Anutunöñ mönö i mewöyök mem guliba Jisösbuk mohotñe enḁuanḁgiri aukñe asuhume. Keu likepñi möt narizin ewö, likepñi kun mi mewöyök möt nariinga dop kölma.

¹⁵ *Kembunöñ keu kusum neñgiiga neñön yangö jitñi mi enḁöra kewö jibin: Tosatñi neñön qahö kömumba toroqeba silebuk malinga Kembunöñ lilingöba kamawi, nini nalö mianggöreñ mutuk qahö öngöbin. Nini ambazip kömukömuñi qahö enḁonḁgitpin. Qahö. ¹⁶ Mianggö arenñi kewö: Anutunöñ tömunñi qainñi kun uiga ötöñi asuhuiga Suep garata bohonñan jimkutukutuñi qeriga ambazipnöñ kourukñiri mötketka Kembunöñ nanñak Suepnöhök etma. Kraistnöñ eriga i möt narim wañgiba kömugeri, yeñön mönö mutuk kömupnöñ wahötme.

¹⁷ Yeñön mutuk wahötketkun nini qahö kömumba jebuk malbini, Anutunöñ mönö neñuanḁgiri könakemba öngöbin. Wahötkeri yembuk öröröñ kousunöñ öngöba Kembubuk aitongöba yambuk Suep mire sundan dop malbin. ¹⁸ Mianggöra keu mewöñi jiba miangñön mönö uruñini nanñgöm anḁguba malme. Mewö.

5

Kembunöñ kamapköra mönö jöjöröba malme.

¹ O urumelenḁ alaurupnini, Kraistnöñ lilingöba kamapmö, wani yambunöñ aka wani nalönöñ asuhumawi, nini mianggö keuñi ohom enḁibingöra qahö osizin. ² *Inñi nanñinak keu mi ölöpñanök kewö möt kömuze: Yongorö memenöñ sunḁem ölöñ kanḁorakzawi, Kembugö kaka nalöñan mönö mianggö dop wölañ kam kuñguma.

³ Ambazipnöñ kewö jime, “Merak luai qem neñgii siyonḁsayonñi qahö maljin.” Mewö jigetka mianggöreñök köndenḁmöndenḁ asuhuba qakñine öngöma. Ambinöñ morö memangö masöñi qei mörakzawi, mönö mianggö dop asuhuiga misingöba anbingö osime. ⁴ Yeñön osimemö, urumelenḁ alaurupnini, enñön pandaman uruñe jipjap qahö maljeanggöra nalö miangñön mönö sanḁgabañga yongorö meme ewö enḁö qakñine öngömapkö osima. ⁵ Körek enñön mönö asakñangö ambaziwa akze aka yuai pakpak aukñe akingö ak enḁimakza. Nini söñaupkö ambaziwa qahö akzin aka ömukñangö yuainñi tököba sisit memakzin.

⁶ Mianggöra tosatñi i ewö uruninan gaun ahöbapuk. Mewö qahöpmö, nanini galöm köl anḁguba uruguliguli malbin. ⁷ Gaun ahözei, yeñön sunḁem gaun ahömakze. Ambazip o köhöikñi namba enḁololonḁ ahakzei, yeñön mönö söñaupnöñ mewö aka malje.

⁸ *Söñaup uruñe mewö ahakzemö, asakñangö ambazip neñön mönö nanini galöm köl anḁgumakin. Wahöjambanini mönö opo maluku ewö kewö löngöta kinbin: Neñön mötnarip aka urukalem köl guliba mewö miangñön töptöpnine göwanḁgowañ kepolaköba (suman ewö

* **4:15:** 1 Kor 15.51-52 * **5:2:** Mat 24.43; Luk 12.39; 2 Pitö 3.10 * **5:8:** Ais 59.17; Ef 6.13-17

köla) sel jöhöm anguba kinbin aka Suep mire öngöbingö mamböta jörömqröm aka mewö mianjön nöröpnini ain irikmarik ewö esuhuba turubin.*

⁹ Anutunöj nini et neŋgui irimsesewölŋi mötpingöra qahö jim teköyökmö, Kembunini Jisös Kraistnöj mem letot neŋgii oyaenköyaen buŋa qem angubingöra jim teköiga maljin.

¹⁰ Jisösnöj neŋgöra aka kömuyöhaŋgöra malmalnini gölmenöj malbini me kömumba nöj qeba ahöbini, mi mönö Jisösbuk köhöiba malbin. ¹¹ Miangöra uru nanjönangö aka möhamgöm anguba köhököhöi miwikŋaiba mutulaŋgömakzei, mi mönö toroqeba memba malme. Mewö.

Qambaŋ aka goro keu qöndökŋi

¹² Urumeleŋ alaurupnini, neŋjön kewö jim kutum engizin: Galömŋinan Kembubuk qekötahöba kinda sutŋine nup memba qambaŋ engimakzei, i mönö göda qem engiba malme. ¹³ Göda qem engiba nupŋini memakzeangöra mönö ölŋa jöpaköm engiba yeŋgöra mötket öngöma. Könagesö sutŋine mönö luai qem anguba malme.

¹⁴ Urumeleŋ alaurup, neŋjön urukuŋgukuŋgu keu tosatŋi kewö engizin: Tosatŋan nanŋini imbi-imbi wuatangöba injarere laŋ maljei, mi mönö jim engiba galöm meme keu engime. Ziriŋziriŋ ambazip yeŋgöra mönö uru nanjönangö keu jigetka köhöiba awösamkakak akŋe. Ambazip uruŋini löwöriiga maljei, i mönö köyan köl engime. Urukönöp kude akŋemö, ambazip pakpak mönö urubönjöhöŋ qakŋe ak engime. ¹⁵ Jinöh jibi, nuŋgunöh guhubi me aknöj aki mi kunŋan kude akŋa. Songo mi walöhbepeköra mönö galöm mem anguba malme. Nalö dop yuai ölöpnj ölöpnj mi kapaŋ köla ak angumakŋe aka ambazip tosatŋi pakpak ak engiba malme.

¹⁶ Mönö nalö dop sösoŋgai aka malme. ¹⁷ Sundan dop Anutu köuluköba malme. ¹⁸ Mewö me mewö asuhumawi, miangöreŋ mönö Anutu möpöseiba malme. Kraist Jisösbuk qekötahöba kinjei, Anutunöj engöra jitsihitŋi mewö mörakza.

¹⁹ Uŋa Töröŋangö bölamŋi mönö kude qömbököme. ²⁰ Anutugöreŋ kezapqetok keu jimakzei, miangö jijiwilitŋi mönö kude akŋe. ²¹ Keu pakpak mönö kewöta esapköme. Esapkögetka keu ölöpnj asuhumawi, mi mönö angön köla malme. ²² Keu aka ahakmeme bölöŋi könaŋi könaŋi mi mönö andö qeba malme.

²³ Nöhön engöra kewö köulukömakzal, 'Luaigö bemŋi Anutu, gi nangk mönö lökŋanök tök kutum enginöŋga sarakŋi aka malme. Göŋön mönö uruŋini, uŋaŋini aka sileŋini mi lökŋanök sel jöhöm enginöŋga köpösihitkö keuŋi qahö aka malme. Mewö nalö dop malgetka Kembunini Jisös Kraistnöj lilingöba kaba mewö miwikŋaim engima. Keu mi ölŋa.' ²⁴ Engoholjawi, yaŋjön keuŋi pöndaŋ wuatangömakza. Miangöra mönö köuluk miangö dop ak engim teköma.

²⁵ Urumeleŋ alaurupnini, enjön mönö neŋgöra aka Anutu köuluköba malme.

²⁶ Urumeleŋ alaurup pakpak sutŋine mönö angum anguba numbuŋini yöhötim nemba malme.

²⁷ Nöhön Kembangö qetŋe jim kutum engiba jöjöpaŋ keunöh jöhöba kewö ohozal: Kimbi ki mönö urumeleŋ alaurup pakpak yeŋgöra algetka oyoŋ engigetka mötme.

²⁸ Kembunini Jisös Kraistkö kalem möriamŋan mönö embuk ahöma. Mewö.

* **5:8:** Ömewöröme yeŋjön sölölohöm neŋgimegöra yuai bölöŋi bölöŋi mi liŋgip kesarek ewö gila neŋgöra mulahakzemö, miangö jitŋi mi ölöp Jisös möt nariba urukalem kondela kinda likeplikep suman ewö közamböt anguba közangömakin. Mötmötninan siksauk aiga janjuŋ anbinpuköra ölöp Anutubuk ösupköiŋga kalem möriamŋan nöröpnini irikmarik ewö sel jöhöm neŋgiiga amöriiga Suepkö könaŋi wuatangömakin.

Tesalonaika Kimbi 2

Polnön Tesalonaika yengöra Kimbi aliga 2 ahök.

Jim-asa-asari

Tesalonaika urumelen kambu uruñe Kraist kamapköra mambötketka tosatñan “Lök kayök,” jigetka tosatñan “Keu mi muneña,” mewö lanlan jiba siksauk aka malget. Tosatñan “Kembugö kaka nalöñan lök kam kuñguyök,” jiba möt nariget. Miangöra “Polnön Kimbi Tesalonaika aliga 2 ahök,” buk mi ohoba keu mi jim tuariyök. Polnön keu muneñi mi mindiñgöba könañi kewö indelök: Kraistkö kaka nalöñan dopdowimawi, nalö miangören ambazip ahakmemeninan gonñiba böloma. Mewö böloma azi tandökñi kun qetñi Iwilele Tonji yanön asuhuba mutuk tölapñe mala könañep Kraist aukñe tuarenjon ak wangiba ambazip kantri dop galöm köl engima.

Tosatñan Tesalonaika urumelen kambu kahasililin mem engigetka sihimbölö möta malget. Miangöra aposol Polnön keu bohonñi tosatñi kewö jim tuarim engiyök, “Inini mönö kapañ köla köhöiba Kembubuk qekötahöba kinda möt nariba malme.” Keu kötni kun kewö jim tuariyök, “Nönön neñakurupni yembuk malmalnini nañgöm angubingöra nup memba malini, inini mönö miangö dop injarere malmal mosöta nanñini nene yaka miwikñaiba mi memba malme aka nup ölopñi ölopñi kapañ köla jegep kinda memba malme.”

Buk kiangö bahöñi bohonñi 5 mi kewö:

Keu mutukñi 1.1-2

Uruölöwak ak engiba söñgaiba möpöseiza 1.3-12

Kraistnön kamapkö keuñi kusum engiza 2.1-17

Ahakmeme diñdiñi akñegöra kuñgum engiza 3.1-15

Kimbigö keu kötni bohonñi 3.16-18

¹ *Pol, Sailas aka Timoti neñön Tesalonaika urumelen könañesö embuk keu eraum mötpingöra kimbi ohozin. Enön Iwinini Anutu aka Kembu Jisös Kraist yetpuk qekötahöba kinje.

² Iwi Anutu aka Kembu Jisös Kraist yetkön mönö kalem möriam engiyohotka luainön malme. Mewö.

Sihimbölö mötagun mönö oyaenköyaen aka malbin.

³ Urumelen alaurupnini, engö mötnaripñinan gwötpuk köhöiiga körek pakpak urukalem ak angumakzei, silik mianön mohot mohot engö uruñine sehimakza. Miangöra neñön engöra nalö dop “Anutu saiwap!” jiba möpöseim wangimazini, mi ölopñanök dop kölja. Buña keu köl guligerangöra saiwap jimakzini, mi mönö nupnina. ⁴ Sesewerowero angösirip könañi könañi ak engigetka mörakzei, mi pakpak kapañ köla mökösonda böñ qeba kingetka mötnaripñinan qahö sörauba löwöriza. Naninak mewöyök miangö kösohotñi mi Anutugö könañesöñi könañesöñi yengö jeñine jiba engöra aka silenini möpöseimazini.

⁵ Anutunön keu diñdiñanök kewöta jim tekömazawi, angösirip mötmötñinan mönö miangö aiwesökñi akza. Anutugö bemtohon uruñe kanñgota maljeangöra sihimbölö mötketka engehiga Suep mire öngömeangö dop sarak sorokñi akñegöra kapañ kölakza. Miangöra köñjilin qahö angön köliga nalö kewöñe qakñine öngömakza. ⁶ Anutunön diñdiñi akzawangöra kinda kahasililin ak engimazzei, i mönö kahasililin miyöhök melenñiga qakñine öngöma.

⁷ Qakñine öngömapmö, kahasililin möta maljei, enön mönö oyaenköyaen akñe. Kembu Jisösnön garataurupñi kukösumñinambuk enguanñita yembuk Suepnöhök eta asuhumei, nalö miangören mönö nembuk mohotñe luhut meme. ⁸ Jisösnön köñöp bölom uruñe

* 1:1: Apo 17.1

etma. Mewö eta ambazip Anutu qahö möt waŋgiba Kembunini Jisösgö Ölöwak Buŋaŋi qahö tem kölakzei, i mönö likepŋi melenj enŋiiga sihimbölö kewö möta malme: ⁹*Kembunöŋ mönö “Yapmakek!” jiba jemesoholŋeyök közöl enŋiiga Anutugö kukösumŋi asakmararaŋambuknöŋ qahö öŋgömemö, yaigepŋe mala könöp siagö sihimbölöŋi teteköŋi qahö möta malme.

¹⁰ Kembunöŋ lilingöba kamawi, nalö mianŋöreŋ kambu-urupŋi sarakŋi neŋön mönö yaŋgö asakmararaŋi eka mianŋö dop letota “Owe, Jisös Kembunini owe!” jibin. Möt narim waŋgiini, körek neŋön mewö welipköinga ambazip omanan neŋgeka Yei! jiba auruba kinme. Neŋön Jisösgö könaŋi naŋgöba jiinga eŋön mewöyök mi möt nariba uruŋini melenjgeraŋgöra mönö letota jihilalomŋinambuk asariba nembuk mohotŋe kinme.

¹¹ Mewö asuhumapköra neŋön nalö dop enŋöra kewö köulukömaksin, “Anutunini, nangak enŋohola mianŋö dop mönö nam köl enŋinöŋga sarak sorokŋi aka malme. Mönö kukösumgi ala inahöm enŋinöŋga yuai ölöpŋi pakpak aka membingö sihimŋini körek asuhum teköma. Mewö mötnaripkö nupŋini megetka ölni körek asuhuma.” ¹² Mewö köuluköinga Kembunini Jisös möpöseigetka qetŋan enŋöra aka sutŋine aködamunŋambuk akŋa. Nanine Anutu aka Kambu Jisös Kraist yetkön kalem möriam enŋiyohot maljeaŋgö dop mönö nanŋinak mewöyök aködamunŋinambuk akŋe. Mewö.

2

Kembunöŋ kamamgö aiga Iwilele Toŋan asuhuma.

¹ *Urumelenj alaurupnini, Kembunini Jisös Kraistnöŋ lilingöba kaba neŋguaŋgiriga yaŋgöreŋ eu tokobini, iŋini keu mi mötze, neŋön kewö qesiba qambaŋ enŋizin:

² Kembangö kaka nalöŋan lök kam kuŋguzawaŋgö tandök tötbörömŋinan mönö mianŋöreŋök kaiga siksauk möta tatpepuk. Keu mi denöwö asuhuyök? Uŋa kunöŋ azi kun alburup qeiga imutimut eka kezapqetok keu jim siŋgiyök me kunöŋ “Uruŋini kuŋgumam,” jiba keu jim siŋgiiga asuhuyök? Tosatŋan kewö jibepuk, “Pol alaurup yeŋön keu mi kimbinöŋ ohoba alget kayök.” Keu omanŋi mianŋöra mönö öne töhön töwöratiba jönömŋini undui malbepuk.

³ Kunŋan kun mewö me mewö tilipköm enŋibapüköra mönö galömŋini mem aŋguba malme. Mi kewögöra: Mutuk aiwesök yahöt kewö asuhuyohotka Kembunöŋ mianŋö andöŋe kama: Ambazip kelenmaleŋ yeŋön Kambu iwilele aka andö qeme aka Iwilele Toŋan nanŋak mewöyök aukŋe asuhuma. Anutunöŋ i jim teköiga könöp sianöŋ gema. Aiwesök yahöt mi mutuk asuhuyohotka mianŋö andöŋe nalö ketaŋan kama. ⁴*Tuarenjon Toŋi yaŋön jakbak-öraŋböraŋ aka nanŋi silenŋi mem öŋgöm teköma. Ambazipnöŋ yuaigö waikŋi memba möpöseimakzei me qetŋi bem qetzei, yaŋön mönö mi pakpak enŋonŋita silenŋi memba öŋgöba malma. Mewö mala Anutugö jöwöwöl jikenöŋ öŋgöba jakömbuak dumŋi ala “Anutu akzal,” jiba kantri pakpak galöm köl neŋgiba malma.

⁵ Nöŋön Tesalonaika embuk malali, nalö mianŋöreŋ keu mi lök jibi mötket. Iŋini mi ölum enŋubapuk. ⁶ Iwilele Toŋan zilaŋzilaŋ asuhumapkö osima. Wani yuainöŋ könaŋi aŋgön kölakzawi, eŋön mi nalö kewöŋe mötze. Nalöŋi törörök kam kuŋgumawi, mianŋöreŋök mönö asuhuma.

⁷ Nalö kewöŋe Iwilele Toŋaŋgö ösumŋi tölapŋan lök asuhuba ambazip sölölohöm enŋimakza. Aukŋe asuhubapükö könaŋi aŋgön köljawanöŋ mi mosöri köna ahumapköra mamböta malja. ⁸⁻⁹ Mamböri könaŋi asuhuiga mianŋöreŋök mönö amqeba asuhuma. Satanöŋ Iwilele Toŋi sölölohöba nam köl waŋgi aŋgöletot munenŋi aka aiwesök kimbi könaŋi könaŋi meiga eka malme. Mi eka malmemö, Kambu Jisösnöŋ asakmararaŋambuk asuhuba auyohotka i numbu ösumŋan qeba yayiapaleŋen mem waŋgima.

* **1:9:** Ais 2.10 * **2:1:** 1 Tes 4.15-17 * **2:4:** Dan 11.36; Eze 28.2, 8; Ais 11.4, 9; Mat 24.24

¹⁰ Ambazip Anutunöŋ amöt qem enġimapköra tököba keu ölni buŋa qem anġubingö qahö ak enġiiga laŋ mala könöp sianöŋ gemei, yeŋön Iwilele Tonanġö anġöletotŋi eketka kölgorom könaŋi könaŋi enġiiga janjuŋ ahakŋe. ¹¹ Mianġöra Anutunöŋ mötmöt janjuŋ kawikŋambuk ali asuhuiga ambazipnöŋ mi kukösumŋinambuk jim sehigetka sesegilgil yeŋön keu kelökŋi gwahöta munenŋi möt narime. ¹² Könaŋamŋinan aukŋe asuhumapköra Anutunöŋ janjuŋ al enġii qaköme. Ambazip keu ölni qahö möt nariba urusihimŋini ahakmeme goŋgoŋe ala qakögeri, Anutunöŋ mönö körek yeŋgö keuŋini jim teköiga könöp sianöŋ geme. Mewö.

Keu ölni tem köla kapan köla köhöiba kinme.

¹³ Yeŋgöreŋ mewö asuhumapmö, Kembugö wölböt alaurup, enġöra mönö nalö dop “Anutu saiwap!” jiba möpöseininga dop kölja. Mi nupnina. Anutunöŋ inġini könakönahinġeyök Suepkö buŋaya aka letotmegöra möwölöhöm enġiyök. Mianġö dop keu ölni möt narigetka Uŋa Töröŋan mem sarahim enġiiga malje. ¹⁴ Mewö malmegöra Ölöwak Buŋa al neŋgii jim asariinga mianġön inġini enġoholök. Mewö toroqeba mala Kembunini Jisös Kraistkö asakmararaŋnöŋ öŋgöba aködammunŋinambuk akŋe.

¹⁵ Mianġöra urumelen alaurup, koŋgwarak mönö kude aka malme. Neŋön keu kusum enġiba jitinan jiiŋ me kimbinöŋ ohoinga mötkeri, keu kötŋi mi mönö qekötahöba wuatangöba malme. Mewö.

¹⁶ Kembunini Jisös Kraist nanŋak aka Anutu Iwinini yetköŋ jöpaköm neŋgiba kalem möriam qakŋe oyaenköyaen akingö jörömqörömŋi neŋgiyohotka mianġöra mamböta urukölalep teteköŋi qahö möta maljin. ¹⁷ Yetköŋ mönö uruŋini nanġöba nup ölöpŋi pakpak memba keu ölöpŋi pakpak jiba malmei, mianġöreŋ mönö mem köhöim enġiiga malme. Mewö.

3

Ölöp neŋgöra köuluköba malme.

¹ Keu teteköŋi kun ki: Kembugö keuŋan sehiba enġö sutŋine aködammunŋambuk ahöhi, mianġö dop mönö zilaŋ miri tosatŋe mewöŋanök anda jim sehiinga ölnambuk ahuba anma. Mianġöra urumelen alaurup, enġön mönö neŋgöra aka Anutu köuluköba malme. ² Ambazip sesegilgilŋan Anutu qahö möt narimakze. Mianġöra misimkaulup ambazip goŋgoŋi aka bölöŋi meme yeŋön kahasililin ak neŋgibepuköra mönö Anutugö köuluköba malgetka sel jöhöm neŋgima.

³ Sesegilgil yeŋön bölizemö, Kembu keuŋi pöndaŋ wuatangömakzawaŋön mönö mem köhöim enġiba bölöŋeyök sel jöhöm enġima. ⁴ Keu jim kutum enġiini, enġön mi nalö kewöŋe aka könaŋgep tem köla malmei, mi möta uruyahöŋi qahö akzin. Neŋön Kembubuk qekötahöba kinda mewö mötzin.

⁵ Kembunöŋ mönö uruŋini möŋaiba Anutubuk jöhöiga urukalemŋi möt yaköba Kraist ewö kapan köla mökösoŋda malme. Mewö.

Injarere malbinbukö galöm meme keu

⁶ Urumelen alaurup, inġini nanŋini imbi-imbi wuatangöba laŋlaŋ malbepuköra kusum enġiinmö, tosatŋan keu bapŋe qahö anda önewat laŋ malje. Mianġöra nini Kembu Jisös Kraistkö qetŋe kewö jim kutum enġizin: Inġini mönö urumelen alaurup mewöŋi pakpak mi enġömosöta misinġöba tikep malme. ⁷ Neŋön enġö sutŋine nanini imbi-imbi laŋ qahöpmö, keu bapŋe malin. Mianġöra neŋgö köna lasupnini wuatangömegö könaŋi mi nanŋinak ölöp mötze. ⁸ Nini injarere qahö malin aka enġöreŋök kungö nene yuai mi öne qahö namba malin. Qahö! Nanġöm neŋgimegö lömbötŋan enġöreŋök kungö qakŋe öŋgöbapuköra mönö suŋgem asak nup sundansundan memba silenini qeba malin.

⁹ Anutunöŋ nupŋi memingö kukösumŋi neŋgii maljinanġöra ölöp nanġöm neŋgimegö keuŋöŋ uruŋini kuŋgum enġibinakmö, neŋgö köna lasupnini wuatangömegö silik ölöpŋi

kondel engibingö mötzin. ¹⁰ Embuk malini, nalö miangörej lök kewö jim kutum engiin: Nup memamgö töközawanön mönö nene mewöyök kude nema.

¹¹ Engö sutjine tosatjan keu bapje qahö anda nanjini imbi-imbi wuatangöba laj malje. Yejön nup öljä qahö memakzemö, nup meme tandöktandök öne laj memba inöj wainöj möndöba tosatji yengörej yuai mem sohoba qewöloj silekmalek laj malakze. Engörej keu kun mi mewö kaiga mörin. ¹² Nejön ambazip mewöji mi Kembu Jisös Kraistkö qetje jim kutuba urunji kewö kungum engizin: Injini mönö an qekötahöm kam qekötahöm mosöta zej mala nup megetka öljä asuhuiga nanjini nene yakanjini namba malme.

¹³ O urumelenj alaurupnini, ejön nup ölöpnji ölöpnji memba miangörej mönö tanqan kude akje. ¹⁴ Nejön kimbi ki ohoba jim kutum engizini, kunjan mi qahö tem kölma ewö, injini mönö urunji melenjmapköra gamu qem wangiba ehöröj köla yambuk keukeu jiba köisirik kude tata malme. ¹⁵ Mewö mala kerök qahöpmö, ala ewö ak wangiba qamban köl wangiba malme. Mewö.

Köuluk aka yaizözkök keu teteköji

¹⁶ Kembu luai Tojan nanjak mönö nalö dop ahakmeme pakpak miangörej luai qem engiiga bönjöj malme. Kembunöj mönö körek embuk malma.

¹⁷ Pol nanak yaizözkökni nani börönan ohozal. Kimbi pakpak ohomakzali, miangörej nani yaizözkök qet kimbi ki nanak alakzal. Qetni kewö ohozal: Pol*

¹⁸ Kembunini Jisös Kraistkö kalem möriamjan mönö körek embuk ahöma. Mewö.

* **3:17:** Mutuk kunöj tilipköba Polgö qetje kimbi kun aliga uru siksauk asuhuyök. Miangöra nanje böröjan qetji ohoyök.

Timotigö Kimbi 1

Polnön Timotigöra Kimbi mutukni alök.

Jim-asa-asari

Timoti sepguli azi yangö namni Juda ambi aka iwiñi Grik azi. Yanön Eisia prowinsnön mala uruñi melenða Kraistkö alañi aka malök. Mewö mala Polgö neñakni aka bauköm wanjiiga mohotje liliköba misin nup memba malohot. Polnön lömbötnön memba et al wanjibapuköra waimanjat keu bohonni karöbut mötmöriba Buña Kimbi ki ohoyök.

Waimanjat bohonni ketani mi böhi takapulakani. Tosatjan zioz uruñe kinda keu gonjonni kusum sohom engiba malgeri, Polnön yengöra aka galöm meme keu köhöikni ohoyök. Böhi mienön Juda yengören mötmöt aka gölmegö mötmöt tosatni mindirigetka könañamni loloñqalon aiga kewö möt nariba jiba ambazip kusum engiba malget: “Gölme aka yuai pakpak ehakzini, mi bölöñi akza. Miangöra tosatjan Suepkö buña akingö kapan köla mötmöt asa-asambötni qainni kun qahö buña qem anguba nenegö dönqizizin aka songo tosatni walönða awanöm akze ewö, Anutunön mönö keu miangören qaköba amöt qem engimangö osima.”

Waimanjat keu bohonni kun mi: Denöwö urumelen könagesö galöm köl enjiinga törörök Anutugö waikni memba möpöseibeak. Polnön miangö qambañ keuñi papianön ohoyök. Mewöñanök zioz galöm, babafi aka nup meme ambazip tosatjan denöwö aka malgetka dop köljawi, miangö keu areni mi jim asariba ohoyök.

Teteköñe keu bohonni karöbutni miangören Timotigöra goro keu tosatni ohoyök. Undumni yanön mönö denöwö Jisös Kraistkö welenqege ölöñi aka mötnarip ambazip kambunji kambunji engöbisiba bauköm enjiiga dop kölmawi, miangö goronni ohom wanjiyök.

Buk kiangö bahöñi bohonni 3 mi kewö:

Keu mutukni 1.1-2

Ziozgö nup meme yengören jimkutukutu 1.3-3.16

Timotinön nupni memapkö jimkutukutuñi 4.1-6.21

¹ Anutu, Amötqege Tonini aka Kraist Jisösnön galöm köl nengimapkö jörömqöröm al mamböt ak wanjizini, yetkөн Pol nöngöra jim kutuba kuñguba melaim niñgiyohotka aposol maljal. Kraist Jisösgö jitnememe mewöñi aka göbuk keu eraum mötpitköra kimbi ki ohozal.

² *O Timoti! Gi urugi melenða Jisös möt nariba mötnaripkö nahön sorokni aka maljan. Iwi Anutu aka Kembunini Kraist Jisös, yetkөн mönö ak kömumba kalem möriam gihiyohotka luainön malman.

Enjololon kusum engibepukö galöm meme keu

³ Masedonia prowinsnön anmamgö ahali, nalö miangören kewö jim kutum gihial, ‘Gi mönö Efesus sitinön toroqeba mala urumelen kambu bauköm engimakñan. Tosatjan mötnaripkö keu kambañ tosatni kusum sohomakzei, mi toroqeba akepuköra galöm mem anguba malme.’ Mewö jim kutum engiba malmangöra jial. ⁴ Tosatjan bem sambanji sambanji aka ambösakon yangö qet areni areni mi teteköñi qahö eraum mötketka supapköiga angururuk aka keu qeçesi omani asuhui mötmörimakze. Yanön uruñini miangören ala sohobepuk. Keu sinñi sinñi jiji mewöñi mi qahöpmahöp bauköm engimappö, Anutugö malmal areni mi kewö ahöza, ‘Kunñan Jisös möt nariba uruñi melenñiga yanön mönö i amöt qem wanjiiga letotma.’ Merak mewö ak engimangöra kunbuk uruwahöt keu jim gihizal.

* 1:2: Apo 16.1

⁵ Jim kutum gihizali, mianğö tohotñi mi urujöpak. Nöñön urukalem ahumapköra bim qeba kewö jim tuarim engiba malmangö kuñgum gihizal: Yeñön uruñinan sarakñi ahömapköra galöm köl anğuetka mötmöt bölöñan mi qahö gwözöñma. Qahö gwözöñniga Anutunöñ sanep alakzawi, mi urukezapñinan ölop möta malme. Mewö mala Kraist törörök möt narigetka Anutunöñ mönö urukalemñi uruñine ali ölop ahumakña. Urujöpak mianñön sutñine ahumapkö kapan kölakzal.

⁶ Tosatñan Anutugö malmal areñi mi siñgiba janjuñ aka oyoñdewedewet keu omanñi omanñi lañ jimakze. ⁷ Yeñön Anutugö Köna keugö böhi malbingö mötzmö, nanñinak keugö könañi qahö möt asariba mesohol kölâyök jimakze. Öne ambazip jeñine awösamakak kinda keu lañlañ köhöiba jiba bim qemakze.

⁸ Anutugö Köna keu mianñön mönö ölop sorokñi akza. Mi könañangö dop törörök kusum anğuba wuatangöinga ölop möhamgöm neñgimakza, mi mötzin. ⁹ Anutu Köna keuñangö könañi mönö kewö möt yaköme: Mi ambazip solanñi diñdiñi yeñgöra aka qahöpmö, Anutunöñ mi ambazip goñgoñi mindiñgöm engimapköra aka ali ahöza. Tosatñan goñgiba kewö ahakze: Iwilele jaubatbat aka keu qeba yangiseñ qakñe aum jesöksök ahakze. Anğöörak aka siñgisöndokñinambuk mala töndup Anutu nesampurek ak wañgigetka uruñini tölohoba nöñöñgan malje. Iwinamñini aka tosatñi enğuet kömumakze.

¹⁰ Serowilin ahakze. Sodom taonöñ akeri, mianğö dop köna onğita azi nanñirök aka ambi nanñirök amimakze. Ambazip mem bölim engimegöra qeraköba jöhömakze. Keu munenñ jimakze. Keu jiba jöjöpañ keunöñ jöhöba töndup tilipkömakze. Anutunöñ ahakmeme diñdiñi akingöra Ölöwak Buña neñgiyöhi, mi inñi wainñi aka memba mianñön qetalakze. Anutugö Köna keu mianñön ambazip mötnaripkö köna diñdiñi siñgimakzei, mönö i mindiñgöm engimapköra aka ahöza. ¹¹ Anutu, oyaenkyoaenñ Tonñi yañön mötnaripkö köna diñdiñi mi Buña keunöñ ali ahöza. Nöñön Ölöwak Buñañi aködammunñambuk jim sehimangö möt narim niñgiba Buña keuñi mi al niñgiyök. Mewö.

Polnöñ Kembu kalem möriamñangöra möpöseiza.

¹² Kraist Jisösnöñ uruni kewöriga nupñi pöndañ memamañgö dop nehi dop köluga nupñi niñgiiga memakzal. Nup memamañgöra kukösum niñgiba mala kotzawi, mianğöra Kembunini möpöseiba maljal. ¹³ *Nöñön mutuk Jisös mepaiköba alaurupñi ilita sesewerowero könöpuk ak engiba malal. Mewö malalmö, yuai mi Jisös qahö möt nariba silebile tönpin mala lañ aka memba malal. Siñgisöndok mewö aka malalañgöra mönö ak kömum niñgiiga kölöñaiba letoral.

¹⁴ Kembuninan kalem möriamñi niñgiba keleñmaleleñ mokoiga nöñgö qakne öngöyök. Mewö öngöiga mötnaripnan asuhuiga urujöpakö kondotkondot Tonñi Kraist Jisös miwikñial. Yambuk qekötahöba kinda urukalemñi buña qem anğuba ambazip tosatñi urunan jöpaköm enğimakzal.

¹⁵ Nöñön ambazip tosatñi pakpak enğonğita siñgisöndokö ambazip yeñgö sutñine ketamñini aka malal. Mewö malalmö, Kraist Jisösnöñ siñgisöndok ambazip amöt qem neñgimangöra aka gölmenöñ erök. Keu kötni mi nöñgöreñ ölnambuk ahök. Mianğöra keu kötni mianñön mönö pöwöwöm köhöikñi akza. Mi ambazip körekmakörek möt nariba anğön kölbinanğö dop akza.

¹⁶ Siñgisöndokö ambazip yeñgö ketamñini aka malalmö, Kraist Jisösnöñ ni kewögöra ak kömum niñgiyök: Yañön nömbuk uruluai qakñe amöt qem niñgiba Anutugö uru tandökñi aukñe asuhumapkö möt köhöiyök. Nöñgö könane ambazip tosatñan Jisös möt narimeñ, tandökñi mi yeñgöra kondel enğimangö mörök. Mi kondel enğiiga ölop amqeba uruñini melenđa malmal köhöikñangö buñaya akñe. ¹⁷ Ak kömum niñgiyöhanğöra aka Anutu möpöseimakzal. Yañön Kin Kembu teteköñi qahö aka malma. Anutu mohotñan

* 1:13: Apo 8.3; 9.4-5

qahö göröŋ qeiga kaisoŋgolomŋi qahö ehakzin. Nöŋön yaŋgö qetbuŋaŋi nalö dop möpöseibiga teteköŋi qahö aködamunŋambuk aka ahöma. Keu mi ölna.

¹⁸ O mötnaripkö nahöni Timoti! Mutuk kezapqetok keu tosatŋi göhöra jigeri, keu mianŋön kötöngöm gihiiga ölop aködamungabuk aka malman. Keu mianŋö dop kewö jim kutum gihizal: Göŋön mönö malmal sarakŋi malmangöra bim köhöikŋi qeba malman.

¹⁹ Bim qeba mianŋöreŋ mötnaripki söörauba sohobapuköra mönö töp meman. Urugi köyan köl aŋgunöŋga mötmöt bölöŋan qahö gwözöŋniga Anutunöŋ urukezapnöŋ saŋep alakzawi, mi ölop möta malman. Ambazip tosatŋan uru köyankölkölŋini mosöta laŋ malgetka mötnaripŋinan löwöriba köhömuŋi aka pömsöm qeyök. Waŋgenöŋ köwet töromnöŋ kuŋguba jömgözawi, mönö mianŋö dop kumkanjaŋ aka böliget. ²⁰ Mötnaripŋinan pömsöm qeyöhi, yeŋgö sutŋine azi yahöt qetŋiri Himeneus aka Aleksander maljahot. Nanak mindiŋgöm etkimangö osiba uruŋiri melenmahotköra i Satangö böröŋe al etkial. Al etkibiga Satangö kukösumŋi ahakmemenjaŋgö dop möta uruŋiran sihimbölögöra löwöriiga melenŋa mepaqepaik kunbuk qahö akahorak. Mewö.

2

Buŋa nupkö köuluk areŋ

¹ Yuai bohonŋi mi köuluk nup. Nöŋön mianŋö uruwahöt keuŋi jiba uruŋini kewö kuŋguzal: Inŋini mönö ambazip körek pakpak engöra köuluköba kapaŋ köla uleta Anutu qesim waŋgiba saiwap jiba malme.

² Kiŋ azi kembu aka gawmangö galöm ambazip könaŋi könaŋi yeŋgöra aka köuluköba malme. Mewö kötöngöm engigetka diŋdiŋanök galöm köl neŋgigetka luai qakŋe guŋböŋjönjön malbin. Mewö mala Anutugö jitŋi wuatangöba ahakmeme diŋdiŋi aka memba malinga aködamunŋambuk ahakŋa. ³ Köuluk nup mewöŋi mianŋön ölop sorokŋi akza. Mi Anutu, Amötqeqe Toninaŋgö jemesoholŋe ölop dop kölja. ⁴ Yaŋön ambazip körekŋan Buŋa keu ölni möt kutuba uruŋini melengetka amöt qem engii letotmegöra jitsihitŋi mörakza.

⁵ Anutu mohok-kun ahöza aka ambazip Anutubuk mindirim neŋgimapköra azi mohok-kun mewöyök ahöza. Azi mohot Jisös Kraist yaŋön mönö mi köhöiiga tosatŋan mi osimakze. ⁶ Yaŋön siŋgisöndok ambazip pakpak neŋgö sohopeni memapköra malmalŋi köleŋda mosörök. Buŋa keu mi Anutunöŋ nalö ali tosatŋan nalö törörök mianŋöreŋ könahiba naŋgöba jim asarigetka neŋgöreŋ kayök. ⁷*Mianŋöra aka Anutunöŋ aposol akŋamgö kuŋguba melaim niŋgiiga kantri dop lilikömakzal. Ambazip Jisös möt narimegöra Buŋa keu ölbölŋi jim asariba kusum engiba uruŋini kuŋgum engimakzal. Könani mewö jiba muneŋ kun qahöpmö, keu ölna mewö jizal. Mewö.

Azi aka ambi yeŋgö malmal areŋini

⁸ Mianŋöra jitsihitnan kewö jizal: Azi eŋön mönö pöndaŋ miri dop tokoba köuluk nup töp memba malme. Yom kazik aka aŋgururuk mosötketka uruŋinan sarahiiga ölop böröŋini mem wahöta Anutu köulukömakŋe. ⁹*Ambi engö qambaŋ keuŋini kewö jizal: Eŋön mönö kinisöröŋini löŋgöta sileŋini törörök turuba malme. Opo söro sorokŋi aködamunŋambuk mi mosötme. Nöröp juŋŋini qeba gawasu könaŋi könaŋi kude ala minjinda öŋböŋ meme. Kösasorom me goul mianŋön kude meŋölöm aŋgume aka löŋgölöŋgöt söŋgöroŋi ketanŋi mianŋön memba aiwelikqaiwelik kude akŋe.

¹⁰ Aködamunŋini ölni mi ahakmeme ölopŋi. Ambi Anutugö jitŋi oŋgitpinbukö keŋgötŋini möta qetŋi jim aumakzei, eŋön mönö nup ölopŋi ölopŋi jegep kinda memakŋe. ¹¹ Azinöŋ kusum engigetka ambi eŋön mönö uruŋini memba et al aŋguba Buŋa keu ösöŋ möta nesilam qakŋe takpararak aka jitnöŋ söhöp kude melenmemö, mi urukönömŋine ala malme.

* 2:7: 2 Tim 1.11 * 2:9: 1 Pitö 3.3

¹² Ambi enjôn azi galôm köla kusum engimegöra nöjôn 'On!' qahö jizalmö, tokogetka ösöj keu bök tatme. ¹³ *Anutunöj mutuk Adam miwikñaiiba yangö andöje Iw (Ewa) miwikñaiyök. ¹⁴ *Mokolenöj Adam qahö tilipköyökmö, ambi mi tilipköm wanjiiga keu ongiita sinjisöndok ahök. ¹⁵ Töndup ambi yejôn nup arejini wuatangöba morö memba Kraist möt nariba ahakmeme sarakñi wuatangöba urumelen alaurupñini urunöj jöpaköm engiba ösöj malme ewö, Anutunöj mönö ölop amöt qem engiiga letota Suepnöj öngöme. Mewö.

3

Ziozgö nup galöm yengö keu arej

¹ Kunjan urumelen könagesögö uru galöm pasto akñamgö ak wanjizawi, yanjôn mönö nup sorokñi aködamunñambuk miwikñaima. Keu mi öl töhöñña. ² *Miangöra urumelen könagesögö uru galöm nupköra mönö azi kewöj möwölöhöba kuñgugetka dop kölma: Kungö silenö köpösihitkö keunji qahö, ambi mohot-kungö apñi, kekpurikñi qahö, ahakmemej törörök galöm köl anjiiga göda qem wanjimakze. Yanjören kamei, i ölop köl öröba köyan köl engiba mötmöt törörök kusum engimakza.

³ Kunöj o köhöikñi memba bim lan qeba anjururuk aka monej membagun memangö köpösöngömakzawi, i qahöpmö, kunjan ölop ambazip mutulangöba mökölim engiba gunböñjönjön ak engimakzawi, mönö azi mi kuñgume. ⁴ Kunöj nanji anöm-moröurupñi ölop galöm köla goro engiiga nahönböratuñan göda qem wanjiba keunji pakpak tem köla maljei, mönö ia kuñgugetka kinma. ⁵ Galöm azi kunjan nanji saiwaurupñi galöm köl engimangö qötötangöza ewö, yanjôn Anutugö urumelen könagesöurupñi mönö denöwö köyan köl engibawak? Mi mönö osibawak.

⁶ Azi kunjan nalö köröpñi urunji melenja zej kinjawi, yanjôn ölop kutukutulan galöm nup memejina aka malma. Kunjan nalö töröpñi urunji melenja an köl kam köl aka tiwokmawok aka töptöpñe qeba silenji memba öngöbapuk. Bölöñangö Tonjan kezapjupjup aiga Anutunöj keunji jim teköba közöl wanji erök. Miangö dop engö galömñinan silenji memba öngöiga Anutunöj i Satan ewö jim teköiga etpapuk. ⁷ Galöm kunjan urumelenjö kopa yengö sutñine qetbuña ölopñi qahö bisibawak ewö, ambazipnöj i lan jim böligetka Bölöñangö Tonjan mötöp simbanji ali mianjôn töteköi qeiga etpapuk. Mewö.

Ewanjelis aka Buña nup ambazip yengö keu

⁸ Buña nup ambazip* yenjôn mewöyök ambazipnöj göda qem engimeangö dop tanjörakñini qahö aka malme. Tosatñan keu jöl yahötyahöt jiba wain o gwötpuk memba möndömöndö qakñe injarere mala monej yuaigöra kapan kölakzei, i mönö kude kuñgum engigetka kinme.

⁹ I qahöpmö, ambazipnöj mötnaripkö keu ölj asa-asambötñi Anutunöj indelöhi, mi nöm tik memba miangören qekötahöba urunjan tölöhöbapüköra galöm mem anjuba sarakñi maljei, mönö ia kuñgum engime. ¹⁰ I mewöyök mönö mutuk kewöt engigetka keu jizalangö dop köhöiba kingetka dop kölma ewö, mönö ölop kuñgum engigetka kinda Buña nupkö ambazipñini aka malme. ¹¹ Yengö ambiurupñinan† mewöyök ambazipnöj göda qem engimeangö dop tanjörakñini qahö aka andöqe keu jitröj yöhösañ qahö jiba malmemö, kekpurikñini qahö mala yuai pakpak memburik-qemburikñini qahö memba malme.

* **2:13:** Jen 2.7, 21-22 * **2:14:** Jen 3.1-6 * **3:2:** Tai 1.6-9 * **3:8:** Dikon mi azi aka dikones mi ambi, yenjôn pasto qöhöröjine bauköba nup memba urumelen kambu köyan köl engiba Buña keunöj gumohoba silegö nup tosati memba mianjôn nangöm engimakze. Ewanjelis me urukungukungu ambazip yenjôn sel yaigepñe kinjei, yenjôn urunji melenmegöra Buña keu kusuba mianjôn urunji kuñguba goro engimakze. † **3:11:** Buña nup ambi aka Buña nup azigö anömñi yengö jimkutukutunji jiza.

¹² Buña nup azinöŋ mönö ambi mohot-kungö apŋi aka nanŋi anöm-morö aka welenqe-geurupŋi ölop galöm köl enġimakŋa. ¹³ Buña nup ambazip nupŋini ölopŋanök memakzei, ambazipnöŋ i göda qem enġigetka qetbuña ölopŋi miwikŋaime. Mi miwikŋaiba ölop awösamakak kinda ambazip uruŋini kuŋguba Jisös Kraist möt naribingö keu mi köhöiba jimakŋe. Mewö.

Anutunöŋ Buñaŋi asa-asambötŋi indelök.

¹⁴ O Timoti, nöŋön zilaŋ göhöreŋ kaba gekŋamgö jörömqöröm al mamböt akzalmö, töndup kimbi ki göhöra ohozal. ¹⁵ Nalöni qeköriiga kabilenbuköra mutuk kimbi ki kewögöra ohobi kaza: Gi Anutugö urumelen könagesöurupŋi denöwö galöm köl enġinöŋga ahakmemeninan diŋgiba ölöwakŋawi, mönö qambaŋ keu mi oyoŋda mötman. Anutugö könagesöurupŋi neŋön Anutugö mindimindiri zioz selŋi akzin. Malmal Toŋi yaŋgöreŋ qekötahöŋga mindirim neŋgiiga miri dop tokoba keu ölni jim sehimakzin. Keu ölnan böliba ösumŋi etpapuköra mianġö wötŋi aka tandöŋi akzin. ¹⁶ Anutunöŋ amötqeqegö könaŋi asa-asambötŋi indelöhi, neŋön Buña keu mi möt asariba kewö jim miwikŋaimakzin:

Buña Toŋi yaŋön nanŋak gölme azia aka sutnine asuhuyök.

Asuhuiga keu jakeŋe albingö keuŋi laŋ jarum bibihigetka Uña Töröŋan könaŋi solanŋi aukŋe kondelök. Mi kondela meiga Kembu aka wahöta Suep garata galöm köl enġiiga aködamunŋi uba eket.

Mi eketka Anutunöŋ waŋgiri Suepnöŋ öngöba Anutubuk tata galöm köl neŋgimakza. Galöm köl neŋgiiga Buña keuŋi mi kantriŋi kantriŋi liliköba jim asarigetka gwötputk yeŋön gölme dop möt narim waŋgimakze.

Mewö jim miwikŋaininga ölna aködamunŋambuk akza. Mewö.

4

Keu muneŋi kusum enġigetka enjololoŋ akza.

¹ Anutugö Uñaŋan keu kewö jim asariiga törörök möt yaközin: Gölmegö nalöŋan tekömamgö akŋawi, nalö mianġöreŋ ambazip kelenmalelen yeŋön mötnariŋ mosöta Kembu andö qeba ömewöröme yeŋgö böröŋine geme. Mewö gegetka ömenöŋ sölölohöba kusum enġimakzei, mönö yeŋgöreŋ mötmöt wuatangöba enjololoŋ aka siksauk malme.

² Siksauk mi kewö asuhuma: Tosatŋan urumelen silesile aketka Satanöŋ aiwesökŋi uruŋine ain könöpŋambuknöŋ qekötahöba urukezapŋini gwözöŋniga köhömuŋi aiga keu muneŋi laŋ jim sohomakze. ³ Yeŋön ambazip kewö kusum sohom enġimakze, 'Urumelen ambazip enön mönö awanöm anġömeme kude akŋe aka nene tosatŋi kude nempa malme.' Mewö kusum sohom enġimakzemö, Anutunöŋ nene pakpak mi nemingöra miwikŋaiyök. Mi ambazip Anutu möt nariba keu ölni möt yaközini, yaŋön mi kötuatköiga ölop saiwap jiba nemingöra al neŋgiyök.

⁴ Anutunöŋ yuai pakpak miwikŋaiyöhi, mienöŋ mönö ölopŋi akze. Mi andö qebinangö dop qahöpmö, yuai al neŋgimawi, mi ölop saiwap jiba buña qem anġubin. ⁵ Yuai ambazip jeŋine döŋqizinŋambuk akawak ewö, mi mönö ölop Anutugö keu jiba köuluköŋga ösumŋan walöŋda dom-amöt qeiga sawölni akŋa. Mewö.

Kraist Jisösgö welenqeŋe ölopŋi mi kewö:

⁶ Göŋön urumelen ambazip mewö kusum enġiba mala Kraist Jisösgöreŋ Buña nup meme azi ölopŋi aka malman. Göŋön Buña keu wuatangöba mala kotzani, mi tosatŋi kusum enġiba nangak mewöŋanök keu ölopŋi mi aka mötnariŋkö qambaŋ keu pakpak oyoŋda mötmöröba mianöŋ urugi gumohom anġuba malman. ⁷ Gölmö ambazipnöŋ bem samban keuŋi oyoŋdewedewet jigetka Anutugö Buña keunöŋ böbölohot akŋamgö akzawi, mi mönö yaköriba andö qeman. Mi andö qeba Kraist ewö aka malmangöra urugö kölguliguli aka malman.

⁸ Anutunöŋ malmal nalö kewöŋe gölmenöŋ maljini, mi kötuetköm neŋgiiga könaŋgep oyaenköyaen malbingö jöhöjöhö alök. Mönahot anġolat mi boromdökŋanök sile guliguligöra bauköm neŋgiba eretŋi akzapmö, urugö kölguliguliŋi mi tandönini bohonŋi akza. Mianġöra urugö likepŋi pöndaŋ köl guliba malnöŋga mianġön mönö yuai pakpak mianġoreŋ bohon köla naŋgöm gihimakŋa. ⁹ Keu jizali, mi ambazip körekŋanök möt anġön kölbinaŋgö dop pöwöwöm köhöikŋi akza. Keu pöwöwöm köhöikŋi kun mi kewö,

¹⁰ “Anutu malmal Tonŋi yaŋön ambazip körek pakpak amöt qem neŋgimangö mötza. Urunini melenġa möt narim waŋgimakin ewö, mönö ölna amöt qem neŋgimakŋa. Mewö möt narizin. Nini tosaŋŋan mewö asuhumapköra jörömqöröm mewöŋi Anutu al waŋgiba kinda nupŋi memba silenini qeba aum-mörimakzin.”

¹¹ Ambazip keu mianġö dop aka memegöra jim kutuba kusum eŋgiba malman.

¹² O Timoti, kunöŋ sepgwölö maljanaŋgöra memba et al ghibapuköra mönö mötnariŋ ambazip sutŋine silik ölöpŋi kewö kondel eŋgiba malman: Keu ölöpŋanök jiba ahakmeme diŋdiŋi wuatanaġöba ambazip törörök jöpaköm eŋgiba malman. Mötnariŋkö kölguliguli pöndaŋ memba Anutugö nupŋi mem sorokönöŋga mianġöra möt narim ghibiba malme. Mewö sarakŋanök aka menöŋga ambazipnöŋ ölöp göda qem gihigetka malman.

¹³ Mönö pöndaŋ Urumelenġö Buŋa Kimbi mi jegep oyoŋda kapaŋ köla jim asariba könaġesö uruŋini mianġön kuŋguba kusum eŋgiba malman. Nalö sutŋi kianġoreŋ mewö aka malnöŋga nöŋön kabiga dop kölma. ¹⁴ Jitŋememe yeŋön böröŋini göhö qake ala köulukögetka Anutugö kezapqetok keu göhöra asuhuiga Anutunöŋ nup memegö mötmöt kalem ghiiga uruge ahözawi, mi kude köyatimanmö, mianġö qakŋe nup memba malman.

¹⁵ Kude köyatimanmö, Buŋa Kimbi oyoŋda jim asariba kusum eŋgiba malman. Yuai karöbut mi mönö kapaŋ köla jegep köl guliba malman. Taŋŋaŋ qahö akŋan ewö, urugahö töhötmöriamŋan mönö qariiga köhöiba awösamakakak akŋani, mi körekŋan ek kutume.

¹⁶ O Timoti, mönö nangi uru silegi galöm köl anġuba urumelenŋ nup törörök kusum eŋgimangöra galöm mem anġuba malman. Mewö aka malman ewö, mönö nangi oyaenköyaen ak anġuman aka keugi mörakzei, mi mohotŋe oyaenköyaen ak eŋginöŋga Suepnöŋ öŋgöme. Mewö.

5

Malö aka ambazip namŋi mi kewö galöm köl eŋgime:

¹ Azi namŋi mi köhöikŋanök kude mindiŋgöba jim waŋgimanmö, iwiġi ewö qambaŋ keu ösöŋ jinöŋga mötma. Azi sepgwölö mi darumungi ewö ak eŋgiba malman. ² Ambi namŋi mi namurupki ewö qambaŋ eŋgiman. Ambi seram mi nenurupki ewö ahakmeme sarakŋi wuatanaġöba göda qem eŋgiba malman.

³ Malö tinitosolomŋini qahö mi mönö gödaqeŋe qakŋe ak eŋgiba malman. ⁴ Malö kungö isimoröurupŋi malje ewö, yeŋön mönö mutukŋi aka bohon köla i galöm köl waŋgime. Anutunöŋ jim kutum neŋgiyöhi, yeŋön mönö mianġö dop nanŋini saiwaurupŋini köyan köl eŋgibingö könaŋi mötme. Iwinamurupŋinan mutuk nalö köröpŋi köyan köl eŋgiba malgetka yeŋön mianġö kitipŋi melenġa tosaŋŋini meköm eŋgigetka Anutugö jeŋe dop kölma.

⁵ Malö ambi ölni, tinitosolomŋi qahö nanŋök maljawi, yaŋön mönö jörömqörömŋi Anutu al waŋgiba i sundan dop suŋgem asak qesiba köuluköm waŋgimakza. ⁶ Yaŋön mewö maljapmö, ambi malö tosaŋŋan uruŋinan könöwiiga sihim kömbönaŋinaŋgö dop yuai laŋlaŋgöra böröjaŋ suhumakzei, yeŋön gölmenöŋ silebuk maljemö, töndup köhömuŋi akze. ⁷ Mianġöra malö yeŋön silenŋine köpösihitkö keuŋi qahö ahöi malmegöra mönö mewöyök jim tuarim eŋgiba malman.

⁸ Kunŋan nanŋi tinitosolomurupŋi qahö köyan köla eŋgömosöri garömiŋ maljei, yaŋgö ahakmemenjan mönö bölim teköza. Yaŋön Kembu möt narizawaŋgö keuŋi mi silikŋan qaŋ köla urumelenġö kopa tandök oŋgita böliqöliba malja.

⁹ Urumelen könagesö enön malö tosatni kutukutulan aka köyan köl engimakzei, malö kunñan yengö arenñöñ kanğotmapkora qeçesi alma ewö, ambi mi mönö kewötme. Kewötketka kewö asuhuiga iyök mönö qet aren miangören toroqeba ohoba alme: Kunöñ yambuñi (yarañi) 60 onğita azi mohotkö anömña malök. ¹⁰ Mewö maliga tosatñan könañgöra kewö nañgöba jimakze: Yañön nup ölöpnji ölöpnji memba mala morö galöm köla goro enğiiga qariget. Ambazip kiannji miriñe köl öröba köyan köl enğiiga Kraistkö alaurupñi sarakñan kagetka uziñini sanğonnda esuhuba yaka tawen enğiba malök. Wahöjalin uruñe malgeri, mi mem ölöwaka nup ölöpnji pakpak memangöra uruñi pöndañ jöhöba jegep kinda malök. Malö mewöñi mönö aren papianöñ ohoba köyan köla malme.

¹¹ Malö ambi namñi qahö, yengö qetñini mönö qet aren papia miangören kude alman. Mi albanak ewö, yengö sihim kömbönañinan könöp jeiga azi kunbuk membingö mötmöñini ahum köhöiiga Kraist silekmalek ak wañgiba zioz nup mosötpepuk. ¹² Mi mosöta mutuk Kraist tem kölbिंगöra jöjöpñ keuñini aukñe jim jöhögeri, mi qegetka pömsöm qeiga Kraistnöñ keuñini jim teköba gamu qem enğiiga önewat lañ malbepuk.

¹³ Önewat lañ mala toroqeba kewö bölibepuk: Miriñi miriñi lañ liliköba nalö ayuhumegö könañi möt anğön kölbepuk. Toroqeba böliba luasö keu lañ jiba keu bapñe qahö anda nanñini imbi-imbi wuatangöba nup meme tandöktandök lilikqilik akepuk. Inöñ wainöñ lañ möndöba nup ölnji qahö memba tosatni yengören yuai mem sohobepuk. Keu tosatni yengören yuaia qahöpmö, töndup mi öne lañ jim sehibepuk.

¹⁴ Mewö akepuköra sihimni kewö möta jizal: Malö ambi namñi qahö yeñön mönö azi memba morö memba nup miriñini galöm köla malgetka dop kölma. Mewö aketka tuarenjoñninan jim bölim neñgimangö könañi jaruba mi qahö miwikñaima.

¹⁵ Malö tosatñan galöm qahö mem anğuba lök Kraist andö qeba eta Satangö könañe wuatangöba malje. ¹⁶ Urumelen könagesö neñön mönö malö ambi ölnji, tinitosolomñini qahö maljei, mi köyan köl enğibingöra ahakzin. Miangöra mötnarip ambi kungö tinitosolomurupñan malöya akzei, yañön mönö mi köyan köl enğiba malma. Miangö lömbötñan mönö zioz kambu enğö qakñine kude öngöma. Mewö.

Ziozgö jitñememe mi kewö köyan köl enğibin:

¹⁷ Jitñememurup urumelen könagesö ölop galöm köl engimakzei, enön mönö miangö likepñi melennda gödaqeçe öngöngöñi kondel enğiba malme. Yengörenök tosatñan Buña keu jim asariba kusum enğimakzei, miangöra mönö kötönñini toroqeget öngöi enğiba malme.

¹⁸ *Buña Kimbigö keu kunñan miangö könañi kewö jiza,

“Wit padigö kötnji aka kamböñi mendenbingöra bulmakau azinji wañgitketka padi kambu qakñe tiba tözözamgömakzawi, yangö numbuñi mönö kude muzupköme. Mewö gumohom wañgigetka ölop nene kitipñi neiga dop kölma.”

(Miangö dop kiamnöñ böröjañ memba sömbup meköi qegetka kitipñi wañgiget neiga dop kölma.) Keu kun kewö ahöza,

“Kunöñ nup meiga tosatñan töwañi wañgigetka dop kölma.”

¹⁹ *Jitñememe kungö silene keu lañ ala jim wañgigetka yahöt me karöbutñan mi qahö nañgöbeak ewö, i mönö keu jakeñe kude alman. ²⁰ Denike yeñön siñgisöndok ahakzei, göñön mönö i aukñe tembula jim enğinöñga körek pakpak keugi mi möta siñgisöndok akinbukö keñgötñini möta galömñini mem anğumakñe.

²¹ O Timoti, keu ohoba jim kutum gihizali, mi mönö tem köla wuatangöba malman. Azi me ambi kun kude ek soriba tosatni kude qepureim enğiman. Miangöra kungö keuñi mi qeljine lañ kude jöhöman. Ambazip körek pakpak mönö öröröñ kewöta ak enğiman. Mewö akñangö keuñi mi mönö Anutu, Kraist Jisös aka Suep garataurup sarakñi yengö jemesoholñine jiba mi jöjöpñ keunöñ jöhönöñga mötpi dop kölma.

* 5:18: Dut 25.4; Mat 10.10; Luk 10.7 * 5:19: Dut 17.6; 19.15

²² Tosatni yengö singisöndokninan göhö qake öngögetka gamu miwikñaibanbuk. Miangöra kunjan “Kembugö nup memam,” me “Urumelen kambu toroqemam,” jizawi, yangö könanamni mutuk qahö kewöta börögi zilañzilañ yangö qakne kude ala kötuetköm wangiman. Nangak sarakni malmangöra mönö galöm köl anguba malman.

²³ O Timoti, gi nalö tosatni kawöl ahum gihiiga “Yainmain!” qeta ahakzan. Miangöra mönö oyök kude nemanmö, wain o tosatni mewöyök nenönga kömöngoki bauköiga amqema.

²⁴ Keu kun kewö: Ambazip tosatnan singisöndok aketka zilañ aukne asuhugetka ambazipnöñ eka qeljine jim tekögetka nalö kewöñe gamuñinambuk kinje. Mewö kinjemö, tosatnan singisöndok aka tölapköba mala könangep Anutugö jene angotketka aukne asuhui jim teköm engima. ²⁵ Ambazip nup ölöpnji aködamunñambuk memakzei, nup mianjön mewöyök nalö kewöñe aukneyök ahöza. Nup ölöpnji tosatni aukne qahö ahöbeak ewö, mi mönö mewöyök tölapne ahöbingö osiba könangep asuhugetka ekin. Mewö.

6

Welenqege yengörej qambañ areñ

¹ Welenqegeurupñini pakpak toñinangö mötöp bisiba nup töwanjini qahö memakzei, enjön mönö tourupñini iwilele lañ kude ak engimemö, gödaqege pakpak kondel engibingö dop engeka malme. Enjön mönö tosatnan Anutugö qetni mepaiköba jibepuköra kapañ köla kinme. Anutugö Buña keuñi ambazip kusum engiinga mi engö ahakmemenñinangöra aka andö qegetka bölibapuk. ² Tourupñini tosatnan urumelen alaurupñini akzei, miangöra mönö gödaqegeñini mötket eretni akapuk. Mewö qahöpmö, tourupñini welen qem engigetka nupñini ölöwahakzawi, yeñön Kraist möt narigetka wölböt ala ak engigetka miangöra mönö kapañ köla tourupñinangö keu bapne anda uruñini nupnöñ ala ölöpnjanök memba malme. Mönö mewö jim kutuba kusum engiba malman. Mewö.

Buña keu jim sohogetka urukönöp akepuk.

³ Kembunini Jisös Kraistnöñ urugö kölguliguli akingöra Buña keuñi nenjiyöhi, neñön mönö miangö dop ambazip ölöwakñegöra kusum engimakzin. Kunjan Buña keu ölnji qiwitipköba keu kambañi murutni ambazip kusum engimakzawi, yanjön mönö kopa akza.

⁴ Yanjön silenji mem öngömakzapmö, keugö könanji qahö möt kutuza. Qahö möt kutuba mötnaripkö keu kambañi kambañi jim melenqelenja jitnakölik ahumapkö köpösöngömakza. Mewö möta tosatni yembuk möndömkösök aketka ölnji kewö asuhuma: Likeplikep urunöñ mututqutut angururuk ak anguba uruqege keu töhörej jiba mem bölim angubepukö sömbu mötmöt akze. ⁵ Mewö aka mötmötñini sohoi kahapmahap aka malmal ölnjanjö könanji singiba kewö mötmörimakze, ‘Urunöñ kölguliguli ahinga mianjön döpnini aiga miangörej tiba moneñ inap miwikñaibin.’ Mewö mötmöriba tokoba sundan dop jitnakölik eraumakze.

⁶ Mewö ahakzemö, neñön Anutu Buñanangö kölguliguli aka moneñ inap ahöm nenjizawi, mianjön uru luai qem angumakzin. Uña Töröñan döpnini aka mem böñjön ak nenjimakzawangöra mönö ölnja oyaenköyaen ketani miwikñaiba simbawoñ maljin. ⁷ Miangö könanji kewö: Nini mutuk böröñinan yuai kun qahö memba öne töhöñ gölmenöñ asuhuin. Könangep mewöyök börötak kömumba gölme ki mosöta anbin. ⁸ Mewö anbinmö, nalö kewöñe nene aka opo maluku ahöm nenjiiga miambuk mönö mem böñjön aka luai qem angumakin.

⁹ Mewö akinmö, ambazip moneñ inap ketani miwikñaibingö mötzei, yeñön mönö esapesapnöñ simba ewö tötekögetka eta engumakza. Eta enjuiga sihim kömbönanjini bölöñi bölöñi mi gwötpuk ahuba uru enjololoñ mem engigetka kezapjupjup ahakne. Sihim kömbönanjini gonjonji mienjön mönö öröm jöhöm engigetka ulupköba köndenmönöñ miwikñaiba ayuhume. ¹⁰ Moneñ inapkö sihim kömbönanji mianjön mönö yuai bölöñi pakpakö jalöñi akza. Gwötpuk yeñön moneñ inapkö urukönöp möta lilikqilik aka janjun

aketka mötnaripñinan pömsöm qeiga lañ malje. Urukönöp möt bibihigetka mianñon mönö wösöñini qösöñniga sihimbölö gwötpuk möta malje. Mewö.

Polnöñ Timoti nupköra jim kutum wanjiyök.

¹¹ Gwötpukñan mewö maljemö, Anutugöreñ azi gi mönö yuai mewöñi mi qizingöba andö qeba malmal kewöñi malmangöra kapan köla malman: Ahakmeme diñdiñi wu-atanğöba Anutugö malmal köhöikñi köl guliba malman. Mötnaripkö kölguliguli pöndañ memba ambazip ölña jöpaköm enğiba malman. Mönö kapan köla köhöiba kinda ambazip guñböñjönjön qakñe ek enğiba malman.

¹² Mönahot anğolat azinöñ aonğit mianğöreñ luhut almapköra ösumñi pakpak qezaköba anjawi, gi mönö mianğö dop mötnarip köl guliba aonğit aködamunñambuk mianğöreñ köhöiba pöndañ bim qeba malman. Anutunöñ malmal köhöikñe anğotmangöra goholöhi, gi mönö malmal mi buña qem anğuba qekötahöba malman. Malmal köhöikñanğö buñaya akzani, göñon keu mi ölöpnök jim miwikñainöñga gwötpukñan mi möta ölop nanğöba jimakze. ¹³ *Anutu yuai pakpak mem gulimakzawi, gi mönö yanğö jeñe könañamgi jim miwikñainöñ aka Kraist Jisösgö jeñe mi mewöyök jim miwikñainöñga mörök. Jisösnöñ premiö Pontius Pailötkö jemesoholñe könañamñi jiba keu ölöpnñi jim miwikñaiyöhi, mönö Kraist yanğö jeñe kewö jim kutum gihizal:

¹⁴ Gi mönö Buña keu köl guliba pöndañ tem köla wuatañğöba malman. Mewö malnöñga kunñan siñgiba bölimanangöra aka keu jim gihimangö osima. Kembunini Jisös Kraistnöñ kunbuk asuhumawi, nalö sutñi kianğöreñ mönö urugö nup mewö memba malman.

¹⁵ Anutunöñ oyaenğoyaen Toñi aka nalöñi ali kam kuñguiga mianğöreñ Jisös Kraist melaiiga aukñe asuhuiga ekin. Anutunöñ nanñök Öngöñgöñamnini aiga körekñan yanğö nembö bapñe kinjin. Yanñon kin kembu yeñgö Kembuñini aka pom jembon yeñgö bohonñini akza. ¹⁶ Anutu, oyaenğoyaen Toñi yanñon mohot nalö kunöñ qahö kömuma. Yanñon asakmararan mire euyangöreñ maliga körek neñon naninak mianğöreñ öngöbingö qaközin. Gölmegö kunñan i jeñan qahö uba ehök aka ekñangö osiza. Yanğö qetbuñañi möpöseininga kukösum Toñi aködamunñambuk aka nalö teteköñi qahö yuai pakpak galöm köla malma. Keu mi ölña.

¹⁷ Ambazip pomñi nalö kewöñe gölmenöñ öngöñgöñi maljei, göñon mönö i kewö jim kutum enğiba malman: Sukinapnöñ nalö kungen qahöwak teköma. Mianğöra yeñon mönö uruñini mianğöreñ kude ala malme. Sukinap qakñe kinda aiweliköba söñgööröqök akze ewö, jörömqörömñinan mönö pömsöm qema. Uruñini gölmegö ainemalukunöñ kude almemo, Anutunöñ yuai pakpak mianğöreñ köyan köl enğimapköra al mambötketka dop kölma. Anutubuk qekötahöba kingetka ölop yuai könañi könañi malmal söñgaibingöra kelenmaleñ neñgimakza.

¹⁸ Kewö jim kutum enğiba malman: Yeñon mönö nup ölöpnñi ölöpnñi jegep kinda memba mewö mianñon aködamunñinambuk akñe. Anutugö jeñe aködamunñinambuk aka amqeba jöjöröba tosatñi bauköm enğiba kalem sehiba mendeñda malme. ¹⁹ Mewö Anutugö jeñe qetbuñañinambuk aka malmalgö guli dötnam ölñi miwikñaiba mem sehimakñe. Guli dötnam mewöñi mi malmalgö tandö wötñi köhöikñi akza. Mi mem sehiba galöm köla ölop könañep tandö wötñi mianğöreñ nanğöba kinda malmal ölbölñi buña qem anğuba malme.

²⁰ O Timoti, Anutunöñ möt narim gihiba nup memegö mötmöt kalem uruge alöhi, mi mönö nupnöñ ala sohobapüköra galöm memba malman. Gölmegö keu oyonğedewedewet omanñi aka anğururuk supapköba jigetka sohomakzawi, mi mönö mosöta andö qeba malman. Tosatñan “Mötkutukutu eraum mötpin,” jiba keu sinñi sinñi jim sehiğetka anakza. Mötkutukutu ölñi mi mewö jim sohomakze. ²¹ Tosatñan mötmöt sohosohonñi buña qem anğuba jim miwikñaiba janjuñ aketka mötnaripñinan söroräuba löwöriba sohooyök.

Anutugö kalem möriamñan mönö embuk ahöma.

* 6:13: Jon 18.37

Timotigö Kimbi 2

Polnön Timotigöra Kimbi aliga 2 ahök.

Jim-asa-asari

Polnön undumñi aka gwabö alabaukñi Timotigöra “Andö qambañi qöndökñi wañgimam,” jiba Buña Kimbi ki ohoyök. Keu areñi bohonñi mi kapañkölkö. Polnön mi jim asariba uruñi nañgöba qambañi kewö wañgiba ohoyök: Timoti göñön mönö pöndañ kinda Jisös Kraistkö könañi nañgöba jiba malman. Ölöwak Buña aka Jöhöjöhö Areñ Walñi mötzani, mönö miangöreñ qekötahöba miangö keuñi ölbölñi mi ambazip kusum eñgiba urukuñgukuñgu nup memakñan. Tuarenjoñ ak gihigetka sihimbölö könañi könañi miwikñaiba mötpanak ewö, mönö töndup Anutunön nup gihiyöhañgö dop mi kapañ köla memakñan.

Polnön galöm meme keu köhöikñi Timoti kewö wañgiyök: Tosatñan “gukmaulem qakñe añgururuk omani aka kezapjupjup ahakzei,” göñön mönö miangö keunön añgota nalögi mösöhöba ayuhubanbuk. Añgururuk keu mewöñi mienön ambazip qahöpmañhöp bauköm eñgimakzemö, ambazip kezap ala mörakzei, mönö i mem bölim eñgiiga ayuhume.

Polnön qambañ keuñi pakpak nañgömamgöra nanñi malmalñangö kösohotñi ohoyök. Wuanöngöra aka denöwö nup areñi ala bim qeba malöhi, Timotinön miangö keuñi ölum qebapuköra mi kewö jim asariyök, “Nöñön Jisös möt nariba lömböt möta mökösoñda urukalem aka malal. Sesewerowero ak niñgigetka sihimbölö möta kapañ köla köhöiba kinal.”

Buk kiangö bahöñi bohonñi 5 mi kewö:

Keu mutukñi 1.1-2

Anutu möpöseiba Timoti qambañ wañgiyök 1.3-2.13

Goro aka galöm meme keu tosatñi 2.14-4.5

Pol öröm ureim ak wañgigetka malök 4.6-18

Kimbigö keu kötñi bohonñi 4.19-22

¹ Anutunön jitsihitñi jim kutuba Pol ni kuñgum niñgiiga Kraist Jisösgö aposol akzal. Kraist Jisösbuk qekötahöba kininga malmal köhöikñi neñgimapkö keu jöhöyöhi, miangö Buña keuñi jim asarimamgöra melaim niñgiiga maljal.

² *Timoti göñön mötnaripkö wölböt nahöni akzan. Nöñön göbuk keu eraum mötpitköra kimbi ki ohozal.

Iwi Anutu aka Kembunini Kraist Jisös, yetkön mönö ak kömumba kalem möriam gihiyohotka luainön malman.

Polnön Timoti uruñi nañgöba keu jiyök.

³ Nöñgö ambösakonon Anutu welenni qeba malgetka nöñön toroqeba nupñi membiga Anutunön “Dop kölja,” jiiga urukezapnan mewö mörakzal. Uruni sarakñi aiga Anutu möpöseimakzal. Möpöseiba suñgem asak köuluköba gi qösösök mötmörim gihimakzal.

⁴ Gömosötpiga sahötnönga imbilgi eröhi, nöñön mi mötmöriba gekñangö awöweñgöba kapañ kölakzal. Geka köisirik tatziga sösoñgainön uruni kokolak gemapköra mötzal.

⁵ *Göñön geñmoñ qahö ölña Jisös möt nariba maljani, keu mi urukönömne ahöiga mötmörimakzal. Mutuk abugi Lois aka namgi Yunis yetkön uruñiri melenohotka mötnaripñiran ahuyök. Yetkö andöñire göñön mewöyök aka maljani, mewö möt narim köhöizal.

⁶ Miangöra ikmaok malbanbuköra keu kewö köl gulim gihizal: Nöñön mutuk böröni nöropke ala köuluköbige Anutunön nup memegö mötmöt kalem ghiiga uruge ahözawi, mi

* 1:2: Apo 16.1 * 1:5: Apo 16.1, 11; 1 Tim 2.7

mönö mem gulinönga könöp bölam ewö köhöiba jeba qahö ilin alma. ⁷ Keu ki mötmörinöñ anök: Anutunöñ Uña Töröñi mi zirinzirin aka qarösömbu mötpingöra qahöpmö, nanñi kukösumgö Uñañi nenñiiga ölop uruninan jöpaköm anguba ahakmemenini törörök galöm köl anguba kinbin.

⁸ Miangöra Kembuninangö keuñi nangöba jim sehimangö tanqan kude akñan. Mewö qahöpmö, mönö ni ewö aka malman. Nöñön Kembangö nupñi memba malbiga miangöra kösö mire al ninñigetka tatzalmö, töndup nöngöra aka gamu kude möta malman. Mönö köhöiba ni ewö awösamkakak kinda urugö nup memba malman. Ölöwak Buñagöra aka angösirip ak gihibeak ewö, mönö miangö sihimbölöñi möta mökösoñda bisiba malman. Anutunöñ kukösum gihimakzawangö dop mi ölop nömbuk mohotñe kapan köla bisiba malbit.

⁹ Anutunöñ möpñangö möpñe Suep gölme qahö miwikñaim etkiba nalö miangören nenñora mötmöriba areñ kewö alök: Anutunöñ Kraist Jisösgöra aka kalem möriam nenñima. Areñ mi ali ahöiga mala kota malgetka nini ahuin. Ahuinga Anutunöñ nini yangö buñaji aka sarakñi malbingöra nenñohola amöt qem nenñiyök. Naninak yuai ölopñi ahinangöra aka qahö möwölöhöm nenñiba nenñoholökmö, nanñi areñ walñi mi wuatangöba kinda nenñoholök. ¹⁰ Areñ walñi miangö ölni mi nalö kewöñe aukñe asuhuyök. Amötqeqe Toninan asuhuba Anutugö kalem möriamñi mokom nenñiyök. Kraist Jisösnöñ asuhuba kömupkö ösumñi qeba tulungöi eriga Ölöwak Buñaji indeliga asariyök. Buña keu mi möt nariba ölop malmal kömbönañi miwikñai ba teteköñi qahö köhöiba mala nalö kunöñ qahö kömum köhöibin.

¹¹ Anutunöñ ni Ölöwak Buña jim asariba ambazip kusum enñimangöra kunñum ninñiiga melaimelai azi aposol akzal. ¹² Aposol akzalanğöra aka nupñi köhöiba membiga angösiripñi bisiba sihimbölö mörakzal. Suep Azi möt narim wangimazali, nöñön yangö könañi ölop möt yaközal. Miangöra awösamkakak kinda gamuni qahö mörakzal. Qahö! Anutunöñ möt narim ninñiba Buña nupñi al ninñiyöhangö dop ni galöm köl ninñimapkö köhöiba malma. Mewö maliga nupñan qahö sohoba eriga mal öngöba nalö ketane angotpin. Mewö möt narim köhöizal. ¹³ Mötnaripkö keu urunini möhamgömapkö köhöizawi, nöñön keu ölni mi kusum gihiba silik ölopñi kondel gihiba malal. Mi mönö uru könömge ala wuatangöba malman. Nini Kraist Jisösbuk mohot kininga jöpaköm nenñimazawi, göñön mönö urukalem miangö uruñe malman.

¹⁴ Anutunöñ geke möt narim gihiba yuai ölopñi pakpak ghiiga buñaji akzawi, miangön lolonqalon aka sohobapuköra mönö mi galöm memba malman. Uña Töröñan urunine kinda maljawi, mönö yangö kukösum qakñe yuai ölni mi galöm kölnönga kahaimök ahöma.

¹⁵ Eisia prowinsgö neñakurupni yeñön körek nömosöta andö nunñuget, mi mötzan. Azi qetñiri Figelus aka Hermogenes yetkөн yeñgö sutñine maljahot. ¹⁶ Tosatñan nömosötketmö, Onesiforus yanñon qahö. Miangöra Kembu, gi mönö Onesiforusgö saiwaurupñi ak kömum enñinönga malme. Azi miangön mönö nöngö tapepñangöra (munñamunña) sisit gamu qahö ak ninñimazapmö, nalö gwötpuk miangören köro-öLöwak qem ninñiiga imbini böñjöñ kölok. ¹⁷ Onesiforusnöñ Rom sitinöñ ki kanğota nalö miangörenök nöngöra kapan köla jaruba mala miwikñaim ninñiyök. ¹⁸ Yanñon mutuk Efesus sitinöñ denöwö baukbauk ketanñi ketanñi aka mem amqem ninñiba malöhi, mi nangak ölop möt kömuzan. Miangöra nalö ketane Kembangö qöhöröñe angoringa Onesiforusnöñ ak-kömükömugö töwanñi miwikñaimapköra köuluközal. Mewö.

2

Kraist Jisösgöra mönö bim qeba malman.

¹ O mötnarip nahöni Timoti, gi mönö Kraist Jisösbuk qekötahöba kalem möriam uruñe böñ qeba köhöiba kinman. ² Nöñön Buña keu kusum gihibiga gwötpukñan neka

naŋgöba jiget mötnöŋi, mi ambazip möt narim enġienġigö dop akzei, mönö yeŋgö buŋaya ahömapköra al enġiman. Mewö al enġinöŋga ahöi ölöp ambazip tosatŋi toroqebe kusum enġimeanġö dop akŋe.

³ O Timoti, gi mönö Kraist Jisösbuk kinda yarö aziŋi aködämunŋambuk aka kapan köla köhöikŋanök bim qeba malman. Anġösirip ak gihimei, miangö sihimbölöŋi mönö möta mökösoŋda bisiba malman. ⁴ Yarö azigö tandökŋi kewö: Suahö galöm bohonŋinan azi enġömeiga yarö kambugö areŋnöŋ anġota anda kaba nup töp memba maljei, yeŋön mönö körek galömŋinan jim kutumakzawaŋö dop tem köla akingö jöjöröba kinje. Mewö kinda nanŋini malmalgö naŋgönaŋgögöra yuai kun qahö memba malje. Uru denqen qahö malje.

⁵ Mianġö dopkeuŋi kun kewö: Mönahot anġolat azinöŋ aonġitnöŋ anġota jimkutukutu galömgö keuŋi onġita ösumŋan laŋ anjawwi, yaŋön mönö aködämunŋambuk qahö akŋa. Yaŋö nöropŋe luhut alalgö ila kun qahö kölgetka gema. Mianġöra gi mönö diŋdiŋanök anman. ⁶ Mewöŋanök kölkömöt azinöŋ nup lömbötŋi meiga ölni asuhuiga mutuk anda jeŋi qeba neiga dop kölma. Tosatŋan löwörigeri, yeŋön yaŋö andöŋe kame. Gi mönö mianġö dop köhöiba nup memba malman. ⁷ Keu ohozali, mi oyoŋnöŋ lömböriiga Kembunöŋ mönö mötkutukutu gihiiga mi pakpak ölöp möt asariman. Mianġöra mi mönö uru könömge ala mötmöriba malman.

⁸ Mönö Jisös Kraist mötmöriba malman. Nöŋön Ölöwak Buŋa jim asarimakzali, Jisösnöŋ keu mianġö dop kiŋ Deiwidkö gwölönarökŋa ahuba Amötqeŋe Toŋi aiga Anutunöŋ mem gulii kömupnöhök wahörök.

⁹ Nöŋön Ölöwak Buŋa keu kapan köla jim asariba anġösiripkö sihimbölöŋi mötpiga kegwek-kahasiliŋ azi ewö kösö gwarö mem niŋigetka tatzal. Mewö tatzalmö, Anutugö Buŋa keuŋi mi mönö qahö jöhöba gwaröhöget. ¹⁰ Könaŋi mianġöra aka nöŋön sihimbölö pakpak möta mökösoŋda köhöiba kinjal. Anutunöŋ ambazip nanŋanġöra möwölöhöm enġiyöhi, nöŋön mönö yeŋöra aka kapan köla bim qeba maljal. Kraist Jisösnöŋ amöt qem enġii yeŋön mewöyök letota oyaenköyaen akŋegöra mötzal. Uruŋini melenġa malme ewö, mönö Suepkö asakmararaŋnöŋ öngöba teteköŋi qahö köhöiba mala mal öngöme. ¹¹ Keu ki mönö pöwöwöm köhöikŋi akza,

“Nini urunini walŋan yambuk mohotŋe kömui maljin ewö, mönö mewöŋanök yambuk köhöiba malbin.

¹² *Yambuk mohotŋe sihimbölö möta mökösoŋda maljin ewö, mönö mewöŋanök yaŋö bemtohoŋ uruŋe yambuk galömkölköl akin.

Nini i qaŋ köljin ewö, yaŋön mönö mewöŋanök qaŋ köl neŋgiba neŋgehöröŋ kölma.

¹³ Nini andö qem waŋgiinga likepŋi melen neŋgimapkö keu jöhöi ahözawi, yaŋön mi qeapkömangö osima.

Mindinŋindin aka nanŋi könaŋi utekömamgö qötötaŋgömakza.

Mianġöra peksek aka keunini pöndaŋ qahö wuatangöbin ewö, yaŋön mönö töndup (misila) keuŋi pöndaŋ wuatangöba mianġö dop ak neŋgima.” Mewö.

Anutugö Buŋa nup azi kewö aka malman:

¹⁴ O Timoti, keu ki ölum enġubapaköra mi mönö jim gulim enġiba Anutugö jemesoholŋe kewö jim kutum enġiba malman: Mötnaripkö keu imbiŋi imbiŋi mi mönö melenqelenġa möndömkösök kude akŋe. Jitnakölik mönö qahöpmahöp bauköm neŋgimakzapmö, tosatŋan goranora keu mewöŋi möta enjololoŋ aketka mötnaripŋinan sohoi ayuhubepuk.

¹⁵ Göŋön mönö Buŋa nupkö esapesap könaŋi könaŋi mi luhut alnöŋga Anutunöŋ geŋa “Dop köljan,” jimapköra kapan köla kinman. Gi Kraistkö nupköra gamu kude möta malmanmö, Buŋa keu ölni mönö törörök mendenġa uruŋini kuŋum enġiba malman.

* 2:12: Mat 10.33; Luk 12.9

¹⁶ Gölmegö keu oyoᅇdewedewet omani omani mi mönö yaköriba andö qeman. Tosatᅇan mi sehiba jiba mala mewö mianᅇön gölmegö aᅇgöjörakᅇ qekötahöba Anutu toroqeba nönonᅇgan aka kahapmahap ahakze. ¹⁷ Uzi köhöikᅇi (qetᅇi kensö) mianᅇön busu siribuk qem qariba yöhöba anakzawi, yeᅇön mianᅇö dop keu omani jiba mianᅇön ambazip mem bölim eᅇgimakze. Yeᅇö kambunöᅇ azi yahöt qetᅇiri Himeneus aka Filetus maljahot. ¹⁸ Yetköᅇn keu ölnaᅇgö könaᅇi mosöta janᅇuᅇn aka keu sinᅇi kewö jimakzahot, “Urumeleᅇn ambazip neᅇön lök guliba wahöta maljin. Mianᅇöra könaᅇep kömupnöhök kunbuk qahö guliba wahötpin.” Mewö jiba tosatᅇi eᅇjololeᅇn mem eᅇgiyohotka mötnariᅇᅇinan bölimakza.

¹⁹* Mewö bölimakzapmö, Anutunöᅇ tandö pöwöwöm köhöikᅇi kuᅇguyöhi, mianᅇön mönö töndup qahö uruba kinja. Mianᅇö muᅇᅇemᅇi mi kewö ohoget ahöza, “Kembunöᅇ nanᅇi buᅇaᅇi akzei, mi ölop möt kutum eᅇgiza.” Muᅇᅇemᅇi kun kewö, “Ambazip Kembugö qetᅇi memba qetzei, yeᅇön körek mönö ahakmeme bölöᅇi qem yaköriba malme.”

²⁰ Miri ketanᅇi mianᅇöᅇeᅇ jout, kimbut, alnene, umnene könaᅇi könaᅇi ahöza. Tosatᅇan ipnöᅇn aka gwaköm gölmenöᅇ memeni, mi nalö dop memba nupnöᅇn alakzin. Tosatᅇan goul aka silwönöᅇ memeni. Aködahunᅇinambuk mewöᅇi mi sösongai nalöneyök nupnöᅇn alakzin. ²¹ Mianᅇö dop kunᅇan keu omani mosöta nanᅇi köᅇ köᅇjorat mem aᅇguzawi, yaᅇön mönö kimbut goulnöᅇn memeni kun ewö akᅇa. Toᅇan i memba nup aködahunᅇambuknöᅇn ali memakᅇa. Mi meiga töhötmöriamᅇambuk aiga Ketaᅇamᅇan yaᅇöra söᅇgaimakᅇa. Anutunöᅇn mem sarahim waᅇᅇiiga titiᅇᅇitᅇi kinda nup ölopᅇi pakpak memamᅇö jöjöröba kinma.

²² Sepguli malmalgö sihim köbönaᅇi bölöᅇan galöm ak gihibapuköra mönö galöm mem aᅇguba malman. (Nupkahö ölnaᅇn etpapuköra mi jizal.) Esapesapnöᅇn örom gihi-makzei, mi mönö qizingöba andö qeba malmal kewöᅇi malmangöra kapaᅇ köla malman: Ambazip uru sarakᅇaᅇgö qakᅇe Kembu bauköm eᅇgimapköra qerakzei, yembuk mönö ahakmeme diᅇdiᅇi wuatanaᅇöba Anutu törörök möt nariba ölnaᅇ jöpaköm aᅇguba luainöᅇn malme.

²³ Tosatᅇan kezapᅇupᅇup keu jiba oyoᅇdewedewet ala jitnakölik aketka goranora aᅇgururuk asuhamakza, mi ölnaᅇ mötzan. Mianᅇöra mi mönö yaköriba andö qeba malman.

²⁴ Kembugö nup meme azi akzawaᅇön mönö aᅇgururuk akᅇawaᅇgö dop qahöpmö, ambazip körek guᅇböᅇjönjöᅇn qakᅇe ak eᅇgiba amqeba kusum eᅇgiba malma. Aᅇgösirip ak waᅇᅇigetka mi köhöiba mökösongda malma. ²⁵ Tosatᅇan tuarenjöᅇn ak waᅇᅇigetka i ölop uruluai qakᅇe mutulaᅇgöba mindiᅇgöm eᅇgimakᅇa. Mewö ak eᅇᅇiiga Anutunöᅇn uru mölöwörim eᅇᅇiiga ölop Buᅇa keu möt kutuba uruᅇini melenᅇbeak. ²⁶ Tuarenjöᅇn ambazip yeᅇön Bölöᅇi Toᅇaᅇgö mötöp simbanöᅇn tötekögetka gwaröhöm eᅇᅇi jitᅇi tem köla ahakze. Mewö aka imbiᅇini möta urumötmötᅇini ahuiga yaᅇgö kösönöhök lolohoba etᅇpeak. Mewö.

3

Nalö teteköᅇe malmal böliba aᅇgöjörakᅇambuk akᅇa.

¹ Keu köᅇᅇi ki mönö möt kutuba malman: Jisös kaka nalöᅇan töriiga ambazip könaᅇamᅇinan böliiga teteköᅇe malmal kanᅇamᅇambuk kewö asuhuma: ² Ambazipnöᅇn nanᅇinaᅇgörök mötmöriba moneni yuai giriᅇjabak membagun membingö nepaqepalok (gridi) köpösöᅇgömakᅇe. Sileniᅇini möpöseiba korua ewö gingiᅇᅇini töröreiba söᅇgöröqök mala uruqeqe keu töhöreᅇn laᅇ jimakᅇe. Iwinamᅇini yeᅇgö jitᅇini qahö tem köla yuai ölopᅇanaᅇöra saiwap qahö jiba nemsep-pamsep (nem-hölölök) ahakᅇe. Anutugö nesampurek nönonᅇgan ahakᅇe.

³ “Nanᅇi lömböra,” jiba wösö mötmöt qahö ahakᅇe. Tosatᅇi yeᅇgö siᅇᅇisöndokᅇini qahö mosöta mianᅇö urubölöᅇi bisimakᅇe. Andöqeqe keu yöhösaᅇn jiba nanᅇini qahö galöm

* 2:19: Jaᅇ 16.5

köl anğuba ambazip lapköba öröm ureim ak engimakçe. Ahakmeme ölopni tököba miangö ölan engöhömakça.

⁴ Mamalolo aka nanjini imbi-imbi wuatangöba jaubatbat ahakçe. Söngöröqök mala jakbak-öranböranönj urunini uwutapköiga urukönöp ahakçe. Silegö sihim sösongainjanagöra gwötpuk ak engiiga Anutugöra mötket eretçi aiga görögöra ahakçe. ⁵ Anutugö Buça nup bahösapsap bisiba silebile memba Sonda aren laj wuatangöba möndömakzemö, ahakmemejinan Anutugö kukösumçi mi je köndat qeba çan kölakze. Ambazip mewöçi mi mönö jabö ala qizingöba andö enguba malman. ⁶ Yengörenök tosatjan laj liliköba ambazip miriçine öngöba kelök keunöç uruqeçe mem engiba kezapçini kumbaumakze. Kumbaumakça ambi tosatjan löwöriba yengören çekötahömakçe. Ambi siçgisöndokçinanagö gamugöra et enguiga sihim kömbönaçini könaçi könaçi mienön yeyasençeç mem engigetka siksauk akzei, yejön i bawian mönera aka köpeim engigetka keu mötöçine et engumakça.

⁷ Ambi mewöçi mienön möt lömböriba sundan keu kusum engimegö möndöba mörakzemö, Buça keu ölnangö könaçi mi nalö dop möt kutubingö osimakçe. ⁸ *Ijpt kantrigö tirip qözölqözöl azi qetçi Janes aka Jambres yetkөн Moses tuarençoç ak waçgiyohot. Takapulaka ambazip yejön mietkö dop Buça ölnangö tuarençoç ahakçe. Ambazip mewöçi yeçgö mötmötçinan sohoiga kahapmahap akzei, mienön Anutunöç mötnariçini esapköi et enguiga Kembubuk kinkinçinan sööreima.

⁹ Nalö töröçni silenini memba öngömemö, nupçinanagö ölni mi nalö qahö köriiga pömsöm qema. Ijpt azi yetkö könaçamçiran aukçe asuhuyöhi, yeçgö uruqahöçinanagö könaçan mönö miangö dop aukçe asuhui ambazip köreçnan ek asarime. Mewö.

Polgören jimkutukutu keu teteköçi

¹⁰ Yengören mewö asuhumapmö, nöjön malmalnangö tohotçi murutçi kuçguba aren alal. Ambazip Buça keu kusum engiba ahakmemeni aka memba malali, göjön mi lök eka möt kömuzan. Malmalnangö tohotçi wuatangöba mötnariçkö kölguliguli pöndan memba sihimbölä mökösoçda malali, miangö kösohotçi jiba jigetka möt sölöngözan. Urumeleç alaurup urunan jöpaköm engiba malal. Tuarençoç angösirip ak niçngigetka miangören kapaç köla köhöiba kinda malal. ¹¹ *Sesewerowero kahasililiç könaçi könaçi ak niçgiba malçeri, mi mötçan. Antiokia, Aikoniam aka Listra taon karöbut miangören sihimbölä nöngö çakne öngöiga wahöjaliç mörali, mi yuai kançamçambuk ahök. Iwinangö jitiçi! Angösirip mökösoçda bisiba malalmö, Kembunöç mi pakpak miangörenök meköm niçgiyök.

¹² Keu ki mötnöç: Ambazip Kraist Jisösbuk mohot kinda malmal köhöikçi mala miangö kölguliguliçi akingö mötçei, yejön körek sesewerowero miwiçnaime. Ni angösirip ak niçngiget ewö, tosatçi içini mewöyök ak engime. ¹³ Tirip qözölqözöl ambazip bölöçi Buça nup silesile memba öçömböböp akzei, yejön toroqeba bölimqölimakçe. Yejön ambazip tosatçi tilipköm engiba nanjini mewöyök tilipköm anğuba malme.

¹⁴ Yejön mewö malmemö, Timoti gi Buça keu ölni möta uru könömgе ala möt narim köhöizani, mönö miangören toroqeba böç qeba kin köhöiba malman. Denike yejön kusum gihigeri, göjön yeçgö könaçamçini möt kutuzan. I möt narim engizanaçgöra mönö Buça keu töp memba kude sörorauca mosötman. ¹⁵ Urumeleçgö Buça Kimbi Töröçi mi morökötkeyök möt sölöngöba mala kotçan. Göjön mönö mi oyoçda mötmöriçnangça mötkutukutugi asariiga miangö çakçe kinda Amötqeçe Toçangö könaçi möt asariman. Mi möt asariba Kraist Jisös möt narim waçginöçga amöt qem gihiiga toroqeba letota malman.

¹⁶ Anutunöç Buça Kimbigö keuçi pakpak mi ambazip tosatçi sölölohöm engii ohogetka kewö mem ölöwak neçgimapköra aka ahöza: Mi oyoçninga Anutunöç urunine sölölohöba

* 3:8: Eks 7.11 * 3:11: Apo 13.14-52; 14.1-20

köna ölni kusum neŋgiba bölönamninangöra tembula jim neŋgiba mindinğöm neŋgimakza aka malmal solanŋi malbingöra goro neŋgiba köl gulim neŋgimakza. ¹⁷ Anutugö ambazip neŋön mi oyonđa köl guliba Anutu jitŋangö dop köhöiba aködamuninambuk aka nup ölöpnj pampak membingö jöjöröba malbin. Mewö.

4

Polnön nupŋi undumŋi Timotigö qakŋe alök.

¹ Kiŋ Kembunini Kraist Jisösnön asuhuba jebuk malbini me kömumba ahöbini, neŋgö keunini kewöta jim teköba tosatŋi nini bemtohoŋe ala galöm köl neŋgima. Nöŋön Jisös mi aka Anutu yetkö jemesoholŋire kindi gi urugö nup memangöra jim kutum gihizal. Mi wuatangömangö jiba keu mi jöjopaŋ keunön jöhönöŋga mötŋi dop kölma.

² Kewö jim kutum gihizal: Göŋön Buŋa keu jiba ambazip uru kuŋgum eŋgiba malman. Mötmegö nalönini dop köl eŋgiza me qahö dop köl eŋgiza, mönö töndup kapaŋ köla wahöta keu jim asariba malman. Ambazip bölönamninangöra jim eŋgiba mindinqindin aka galöm meme keu jiba uruwahöt keu eŋgiba malman. Keu mötme me qahö mötmea kun, mi töndup mönö mökösoŋda kindi köna ölni nalö dop kusum eŋgiba malman.

³ Neŋön mötnaripkö keu nalö kewöŋe ambazip ölöwakŋegöra kusum eŋgimakzinmö, nalö murutŋi kun kam kuŋguiga miangören mötnaripkö keu kemaŋi kun mötpepeköra tököba kezapŋini gwözöŋ akŋe. Keu murutŋi murutŋi mötŋingö kezapŋini köröpŋi köröpŋi aka aziŋa azi sesegilgil öröm eŋgigetka kaba ambazip keu i me wai mötŋingö sihimŋi mötzei, miangö dop kusum eŋgigetka malme.

⁴ Mewö mala Buŋa keu ölni mötŋinbuköra nöŋöŋgan aka kezapŋini gwözöŋda bem sambanŋi sambanŋi laŋ jiji jimakzeangören göröken melenđa mi kezap ala möta malme.

⁵ Malmal mewö me mewö uteköba asuhumawi, Timoti gi mönö töndup böŋ qeba zeŋ kindi ahakmemegi törörök galöm köl aŋguba malman. Aŋgösirip ak gihimeŋi, miangö sihimbölöŋi mönö mökösoŋda bisiba malman. Urukunğukunğu (ewanjeliŋis) azigö nup areŋ mi körek dop köla mem teköman.

⁶ Nalö köröpŋi bauköm gihimangö osimamangöra mewö jizal. Tandö lopion möpöseibingöra sömbup qeba jakenöŋ ala ohogetka köwaknöŋ öŋgözapma. Miangö dop nöŋön malmalni Anutugöra ala kölenđa nupŋi memba malalangöra gawman yeŋön keuni jöhöba nuŋgugetka nani sepni mokomangö dopdowizal. Gölme ki mosötmami, miangö nalöŋan lök kam kuŋgumangö dopdowiiga mötŋal.

⁷ Mönahot aŋgolat azinöŋ ösumtiti aonğit nalöŋe luhut almangöra ösumŋi pampak qezaköba tiba anjawi, nöŋön miangö dop mötnarip köl guliba aonğit aködamunŋambuk ak teközal. Kraist möt narimangö keu jim jöhöyali, mi qahö köyatiba qaŋ kölalmö, miangö bimŋi mönö pöndaŋ köhöiba qeba malal.

⁸ Kembunöŋ jimtekötekö Toŋi diŋdiŋi aka malmalni kewöta solanŋi aka malali, miangö ila soromŋi mi jim teköm niŋgiiga nöŋgö mamböt ahöza. Kembunöŋ lilingöba kamawi, nalö miangören mi niŋgiba imbine köli geiga qetbuŋanambuk akŋam. Mi nöŋgörök qahö niŋgimapmö, ambazip jöpaköm waŋgiba kunbuk asuhumapkö al mambörakzei, mi yeŋgö imbiŋine mewöyök köli gem eŋgima. Mewö.

Neŋakurupnan nömosöta qeŋgalanğa kölget.

⁹⁻¹⁰ *Nalö kewöŋe gölmegö ahakmeme aka memakzei, neŋakni Demas yaŋön uruŋi miangören jöhöba nömosöta Tesalonaika sitinöŋ anök. Neŋakni Kresens yaŋön Galesia prowinsnöŋ anök. Taitusnöŋ Dalmesia gölmenöŋ anök. Miangöra gi mönö zilaŋ nöŋgören kamangö kapaŋ kölman. ¹¹ *Luk yaŋön nanŋök nömbuk maljit. Maknöŋ welen qem niŋgimapköra gwötpuk möta yaŋgöra osizal. Miangöra Mak waŋgita mohotŋe kamaŋot.

* **4:9-10:** Kol 4.14; Flm 24; 2 Kor 8.23; Gal 2.3; Tai 1.4 * **4:11:** Kol 4.14; Flm 24; Apo 12.12, 25; 13.13; 15.37-39; Kol 4.10

12 *Neñakni Tikikus melaim wañgibiga Efesus sitinöñ anök. 13 Troas taonöñ mala malukuni azi qetñi Karpus yañgö mire mosörali, mönö mi memba kaman. Mewöyök kulem lama sileñe ohoba lipiñgeri, nöñgöreñ lama sile mi mönö kapan köla meman aka miangö andöñe buk tosatñi mi mohotñe memba kaman.

14 *Aleksander, silwö kopö ohom qeköqekötahö azi mötzani, yañön bölöñi könañi könañi gwötpuk ak niñgiba malök. Kembunöñ ahakmemeni kewöta miangö dop likepñi melen wañgiiga qakñe öngöi sihimbölö mötmawi, mi mötzal. 15 Yañön keuninañgöra gwötpuk tuarenjoñ ak neñgiba malök. Miangöra gi mewöyök mönö yañgöra galöm mem añguba malman.

16 Indim mutukñi kutukutulañ keu jake bohonñe al niñgigetka keuni likepñi jibiga kunñan kun qahö kaba ni nañgöm niñgiba jiyökmö, alaurup pakpak yeñön buratiba nömosötket. Anutunöñ siñgisöndokñini miangö likepñi qakñine albapuköra köuluközal.

17 Yeñön nömosötketmö, Kembunöñ bauköm niñgiyök. Nöñön Buña keu jiba ambazip uru kuñgum eñgiba nup mi körek mem tekömamgöra aka mem köhöim niñgiyök. Kantri pakpak yeñön Buña mi mötmegöra möta bauköm niñgiba laion sömbup kalñi yeñgö numbuñine gil niñgibepukö añgön köla jitñineyök meköm niñgiiga eral.

18 Kembunöñ bölöñi könañi könañi mem niñgibepuköra meköm niñgiiga ölop Suep bemtohoñgö uruñe eu öngömam. Kembangö qetñi mönö sundan möpöseininga nalö teteköñi qahö aködamunñambuk aka ahöba öngöma. Keu mi ölña.

Yaizözkök keu teteköñi

19 *Gi mönö nöñgö yaizözkökni Prisila aka apñi Aqila yetköra aka Onesiforusgö saiwaurupñi yeñgöra jinöñ mötme. 20 *Neñakni Erastus mosötpiga Korint sitinöñ malja. Trofimus i Miletus sitinöñ mosötpiga kawöl yöhöi ahöza. 21 Miangöra kömunjañ kie uru nalö qahö kaiga mönö bapñe kiangöreñ nöñgöreñ kamangö kapan kölman. Azi qetñini Yubulus, Pudens, Linus, Klodia aka urumelen alaurup pakpak yeñön yaizözkökñini jiba algetka göhöreñ kaza.

22 O Timoti, Kembunöñ uñagi kötuetköba göbuk kinma.

Anutugö kalem möriamñan mönö embuk ahöma. Mewö.

* 4:12: Apo 20.4; Ef 6.21-22; Kol 4.7-8; Apo 20.6 * 4:14: 1 Tim 1.20; Sum 62.12; Rom 2.6 * 4:19: Apo 18.2; 2 Tim 1.16-17 * 4:20: Apo 19.22; Rom 16.23; Apo 20.4; 21.29

Taitusgö Kimbi Polnön Taitusgöra Kimbi alök. Jim-asa-asari

Azi gwabö qetnji Taitus yanön urunji melenja Polbuk örörön jöhöba bauköba misin nup meyohot. Memba köwet sutnje gölme jölanji qetnji Krit (Arete) miangören malohotka Polnön kembangan kutuba alabaukni mosoriga zioz nup arengöba ek kewöta galöm kölök. Polnön mosöta anda yanöra köuluköba mala Buña Kimbi ki ohoyök.

Krit mi keu Grik miambuk mindiribanbuk. Krit mi köwet sutnje gölme jölanji kun aka Grik (Greece) mi kantri kun.

Polnön Taitusgöra waimanjat karöbut möta qamban keu kewö ohom wanjiyök: Krit yengö könanini mi gongim teköi baunam jegömöl aka malget. Tosatjan urunji melengetka malmaljanan dijgiyöhi, yenön kunbuk bölibepuk. Miangöra yengö jitmemejanan silik ölop kötökni kondela köuluk aka Baiböl stadi nup qahö mosöta kambunini mindingöba malmegöra jiza. Uru melenget yengö sutjine kambu morömorö mi denöwö mindingöba kusum engiba malme? Azi namni, ambi namni, ambi seram, azi gwabö aka welenqege yengö goro keunji mi nanjök nanjök kewö jim asariza, “Urunji melenja Buña keu wuatangöba luainön mala ketani yengö keu bapne anda jegep uruk nup ölopnanök memba kinda julbepüköra kazik anjururuk mosöta malme.”

Buk kianjö bahöni bohönji 5 mi kewö:

Polnön aposol nupnanjö könanji jiza 1.1-4

Anutugö jitmeme yengö goro keunji 1.5-16

Ambazip kambu morömorö yengö goro keunji 2.1-15

Urukunjugungu aka galöm meme keu 3.1-11

Yaizökzök aka keu teteköni tosatni 3.12-15

Polnön aposol nupnanjö könanji jiza.

¹ Anutunön ambazip möwölöhöm engiyöhi, engö mötnaripjanan asuhuba qarimapköra aka Jisös Kraistnön Pol ni melaim ningiiga yanjö aposolnji akzal.

Nönön Anutu welenni qeba keu ölnji kusum engimakzal. Keu ölnji mi möt kutuba kölgulime ewö, engö malmaljanan mönö uteköba letoraknja. Miangöra kimbi ki ohozal.

² Anutunön keu muneji jimawanjö dop qahö yanön möpnanjö möpne malmal köhöikni nenjimangö jim jöhöba miangö andöne yuai pakpak miwiknaiyök. Enön keu ölnji möt kutuba möt narigetka mianön mönö nam kölgulime engiiga malmal köhöikne angotpingöra al mamböta jörömqröm ahakze. ³ Anutu, Amötqege Toninan oyaenkoyaengö keunji jim jöhöba miangö nalöni dijdini ali kam kunjuiga miangören Buña keunji indela mi jim sehibingö jimkutukutunji alök. Miangö dop mi jim asarigetka Anutunön nönön mi jim sehimangö möt narim ningiba kunjum ningiyök.

⁴ *O mötnarip nahön sorokni Taitus! Nönön bauköm gihibi urugi melenja alabaukni aka mohotnje Kambu möt nariba maljit.

Iwi Anutu aka nanini Amötqege Tonini Jisös Kraist yetkөн mönö kalem möriam gihiyohotka luainön malman.

Galöm jitmeme yengören keu arej

⁵ Köwet jölanji Krit (Crete) miangören mohotnje misin nup memba kembangan gömosötmangö aka kewö jim kutum gihial, “Urunji melenget yenön ilingösön lan maljei, i mönö arengöm engiba (pasta aka) jitje memenini miri taon dop kunjuba kusum enginönga arejinambuk zioz nup memba malme.” Mewö jiba denjit.

* 1:4: 2 Kor 8.23; Gal 2.3; 2 Tim 4.10

⁶*Uruñini melenjeri, yengö sutñineyök azi kewöñi möwölöhöman: Kungö silenje pinjtkö keuñi qahö, anömñi mohok-kun memba mali nahönböraturupñan uruñini melenja Anutu möt nariba yangiseñ kezapjupjup silikö keu silenje qahö ala jim engimakze.

⁷Urumelen könagesögö ketañamñini pasto (bisop)* yanön Anutugö könagesö galöm köl engimakñawi, mianjöra mönö azi kewöñi kuñguman: Kungö silenje pinjtkö keuñi qahö, jakbak-öranjörañ qahö aka urupik qahö. O köhöikñi qahö nempa bim lañ qahö qeba möndömöndö qakñe injarere mala monen yuaigöra qahö kapan kölakza. ⁸Yangöreñ kamei, i ölop köl öröba köyan köl engiba keu ahakmeme ölopñangö sihimñi möta uruñi mianjöreñ ala malma. Kilik-kaluk kekpurikñi qahö, keu pakpak diñdiñanök kewöta sarakñi töröñi qainñi kun aka nanñi ahakmemeñi törörök galöm köl angumakña.

⁹Buñ keu kusum nenjigetka tandö söran ewö malmal töngumangöra ahözawi, pas-tonöñ mi mönö töp memba mianjöreñ qekötahöba kinma. Mewö kinda ölop Buñ Kimbigö dop mötnaripkö keu kemañi kemañi ambazip kusum engiba mianön uruñini kuñgumakña aka tosatñan Buñ keu möwöramgöba qetalakñei, yengö keuñini gononñi ölop qeapköba mindiñgömakña. Mewö.

Böhi takapulakanñi mönö qetal engime.

¹⁰Ambazip gwötpukñan keu qetala kezapjupjup aka sesekñai ewö keu sinñi sinñi jiba ambazip tilipköm engimakze. Anutugö aiwesökñi silenje yandigeri, yengö kambunöhök ambazip jesöngöñan mewö ahakze.

¹¹Ambazip mewö mienjö keuñini mönö qömbököme. Yenön Buñ keu kusum engibingö möndöba monen yuainñi öröbingö möta kösawörañ keu lañ jigetka gamuñambuk ahakza. Mewö aka saiwa tosatñi lök körekñanök mem sohom engigetka enololon aket. ¹²Krit nanñine kezapqetok azi kuññan aiakanñangöra kewö jiba ohoyök, “Krit ambazipnön mönö nalö dop keu munen jiba injarere qölmö mala ubibi kömböt ewö lilikqilik aka bau numbu nemakze.” ¹³Yengöra keu mewö nangöba jiyöhi, mianön mönö ölna. Mianjöra kawölñinan qahöwahi mötnaripñinan asuhuba ölnambuk akñapköra i mönö köhöikñanök terengöba jim engimakñan.

¹⁴Mötnaripñinan ölnambuk aiga Juda nenjö bem sambanini aka ambazip keu ölni singiba jimkutukutu alakzei, keu mewö mianjö kezap kude alme. ¹⁵Urunini melenñinga Uña Töröñan köl könjörat ak nenjiiga sarakñi akzini, nenjöra nene kungö dönqizizinnñi qahö ahöza. Nenön nene pakpak ölop nembinañgö dop akzappmö, qewölon ambazip keu ölnangö yangiseñ ahakzei, yenön i me wai aketka uruñinan töndup tölohomañza. Uruñinan kölköljinñambuk aiga uruñinañgö kezapñan duhui mönö bau jegömöl tandök malje.

¹⁶Yenön “Anutugö könañi möt yaközin,” jitñinan mewö jigetka aiakanñinan mi qañ köla qeapkömakze. Mewö aka Anutugö keuñi qetalgetka imbilonlon möt engiiga ahakmeme ölopñi kun memeanjö dop qahö akze. Mewö.

2

Ambazip ketanñi yengö qambañ keu

¹Göñon mewö qahö maljanañgöra mönö mötnaripkö keu kemañi kemañi mi Buñ Kimbigö dop kewö kusum engimakñan: ²Azi namñi yenön mönö kilik-kalukñini qahö malgetka göda qem engibinañgö dop akñe. Nanñini ahakmemeñini törörök galöm köl angugetka mötnaripñinañgö kawölñinan qahöwahi ölni urukalem asuhumakña. Ölni asuhui ambazip törörök jöpaköm engiba malme aka kapan köla böñ qeba kinme. Mewö malmegöra kusum engimakñan.

* **1:6:** 1 Tim 3.2-7 * **1:7:** ouwösiö, zioz paris lida, bisop, nup meme bohonñi yanön qet ketanñi öne qahö bisimapmö, paris kambu-urupñi yengöra köuluköba kusum engiba uruñini kuñguba nupñinañgö areñini engiba goro qambañ qakñe galöm köla mindiñgöm engimakña.

³ Ambi namñi yeñön mewöyök Anutugöreñ ambi sarakñi yeñgö dop ahakmemeñini aka memba malme. Andöqeçe keu yöhösañ kude ahakñe. Wain o gwötpuk nemegö mötöp simbañe kude añaota qaköme. Urumeleñ ahakmemegö silikñi ölöpnji kondela tosatñi kusum eñgimakñe.

⁴ Mewö aka mala ambi nembö bapñine maljei, yeñgöra ölöp goro eñgiba malgetka yeñön mewöyök apmoröurupñini urukönömñinan jöpaköm eñgiba malme. ⁵ Jöpaköm eñgiba nanñini ahakmemeñini törörök galöm köl añauba sarakñi aka mirigö nupñini nem qerak aka nöngöp törön qakñe memba apmoröurupñini köyan köl eñgiba apurupñinañgö keu bapñe anda kötöngöm eñgimakñe. Mewö kusum eñgigetka aka memba malgetka tosatñan Anutugö Buña keu mi mepaiköba ilitnöñ albingö osime. Mewö.

Azi gwabö aka welenqeçe yeñgö qambañ keuñini

⁶ Azi gwabö yeñgö uruñini mewöyök kewö kuñgum eñgimakñan: Yeñön mönö ölöpnjañgö oyankasak mala nanñini ahakmemeñini törörök galöm köl añaumakñe. ⁷ Uruñini mewö kuñgum eñgiba nangak ahakmeme pakpak miangöreñ silik ölöpnji kondel eñgiba malman. Mönö geñmoñ qahö böñ qeba kinda tañörakñi qahö kusum eñgimakñan. ⁸ Keu mötsihimñambuk jiba malnöñga ambazipnöñ mepaiköba memba et al ghibingö osime. Mewö jiba malnöñga tuarenjoñurupñinan keu bölöñi jim neñgibingö keu jaruba öñji qahö miwikñaiba gamuñini mötme. Mewö kusum eñgimakñan.

⁹ Welenqeçe urup mi kewö kusum eñgimakñan: Yeñön ketañamñini yeñgö keuñini pakpak tem köla keu bapñe anda malme. Sösöngai ak eñgibingö kapañ köla kinme. Keu jimei, mi nesilam qakñan kude meleñ eñgimakñe. ¹⁰ Ketañamñinañgö mireyök yuai mohot-hök yahöt-hök mi ölöñ kude memakñemö, ketañamñinan eñgeka möt narim eñgimakñapaköra mönö kapañ köla kinme. Nupñini pakpak mönö geñmoñi qahö pöndañ memba malme. Mewö mala Anutu Amötqeçe Toninañgö Buña keu kusum eñgimakzei, mi kötön kölgetka öñji ahui nahömñambuk ahakña. Mewö.

Malmal sarakñañgö nam köipitñi mi kalem möriam.

¹¹ Malmal sarakñañgö nam köipitñi kewö: Anutunöñ ambazip körek amöt qem neñgimapaköra aka kalem möriamñi indeli gölme dop asuhuyök. ¹² Kalem möriam mianñön mönö kopa añañjörak malmalgöra “Qahö,” jibingö köna kondela gölmegö sihim kömbönañi bölöñi qömbököbingöra köl kusuba mindiñgöm neñgimakza. Ahakmemeñini törörök galöm köl añauba keu pakpak diñdiñanök kewöta malbingöra köl gulim neñgimakza. Mewö mianñön Anutugö malmal köhöikñi mi nalö kewöñe köl guliba gölmenöñ malbin.

¹³ Mewö malinga Jisös Kraistnöñ kunbuk kamawi, nini nalö miangöreñ Anutu qetbuñañambuk aka Amötqeçe Tonini yetkö asakmararañiri asuhuiga ekin. Nini oyaenköyaen nalöñi mi kam kuñgumapaköra jörömöröm al mamböt aka maljin.

¹⁴ *Jisös Kraistnöñ mönö neñgöra aka nanñi malmalñi köleñda mosörök. Nini ahakmeme bölöñi könañi könañi miangöreñök meköm neñgiba sohopenini memamgö möta köl könjörat ak neñgiba nanñi buñañi sarakñi akingöra aka malmalñi köleñda mosörök. Mi mosöta qewöloñnini sañañoñniga nanñi könagesöñi aka ölöp nup ölöpnji ölöpnji membingö urukönöp aka jöjörömakin.

¹⁵ Miangö keuñi mönö kusum eñgiba ambazip uruñini nañgöba köna siñgimei, mi kukösum pakpakö qakñe tembula jim eñgimakñan. Mewö aknöñga kunñan jijiwilit ak ghibapuköra galöm mem añauba malman. Mewö.

3

Urumeleñ eñön mönö silik kewö aka memba malme:

¹ Kusum eñgiba keu ki mönö köl gulim eñginöñga ölöp urukönömñine ala mötmörime: Urumeleñ könagesö yeñön mönö kiap gawman aka ketañamñini tosatñi yeñgö keu

* 2:14: Sum 130.8; Eks 19.5; Dut 4.20; 7.6; 14.2; 1 Pitö 2.9

bapņine anda keuņini tem kōla malme. Mindimindiri nup ölöpnji memegōra jigetka mi pakpak mönō jōjōrōba memakņe. ² Uruqeqe keu tōhöreņ mi kungōra kude jim waņgime. Anğururuk kude akņemō, ala ak anğuba urumohot malmegōra kinme. Ambazip pakpak mi guņbōņjōņjōņ pakpak ak eņgiba uruluai qakņe mutulaņgōm anğuba malme. Mewō.

³ Nini mewōyök mutuk uruqahō mala qegetal aka janjuņ malin. Sihim kōmbōnaņnini bölōņi kōnaņi kōnaņi mienğō mötöp simbaņe qakōinga galōm kōl neņgigetka silegō sihim sōsōņgainji laņ jarubingōra malin. Kōrōgisigisi qakņe kegwek-kahasililin aka mianğōreņ malmalnini ayuhuba malin. Tosatņan imbilōņlōņ mōta kazik ak neņgigetka sutnine urukerök ak anğuba malin.

⁴ Mewō malinmō, Anutu Amōtqeqe Toninan ahakmemeņi ölöpnji kōleņda indeliga urukalemņan asuhum tiņgiriga kōtala uruņan jōpakōm neņgiyök. ⁵ Jōpakōm neņgiba bohonini jōhöba amōt qem neņgiyök. Naninak diņdiņi mala nup ölöpnji ölöpnji memba malbinahi, mianğōra aka qahō neņgehoriyök. Mianğōra qahōpmō, nanņi ak-kōmukōmuņan mönō nam kōl waņgiiga siņgisōndoknini saņgoņniga ahuahu dōlōkņi ahuinga Uņaņi Tōrōņi urunine aliga kōlōņaim neņgiyök. ⁶ Anutunōņ amōt qem neņgiba Amōtqeqe Tonini Jisōs Kraistkōra jiiga Uņa Tōrōņi melaiba kelenmaleleņ mokoiga urunine geiga maljin.

⁷ Anutugō kalem mōriamņan nam kōl waņgiiga keunini jim tekōi solanibingōra aka Uņa Tōrōņan urunine geiga kōlōņainin. Kōlōņaiba kinda oyaeņkoyaeņ malmal tetekōņi qahō malbingō jōrōmqōrōm al mambōt akzini, mi ölöp buņa qem anğubin. Mewō.

⁸ Keu ohozali, mianğōn öl tōhöņņa. Gōņōn mönō keu kewō kapaņ kōla jim tuarim eņgiba malman: Ambazip Anutu möt narizei, yeņōn mönō jegep aka kinda uruņini pōndaņ nup ölöpnji ölöpnji memegōra ala malme. Mewō akņei, mianğōn mönō ambazip baukōm eņgiiga nupņinaņğō öļņi eka “Qetpuk!” jiba malme. ⁹ Tosatņan uruqahō keu aka ambōsakon yeņō qet areņi areņi eraum mötketka goranora anğururuk asuhumakzawi, gōņōn mönō mi yakōriba andō qeman. Mewōyök Mosesnōņ Kōna keu neņgiyōhi, tosatņan keu mohot mohot mianğōra möndōmkōsōk aketka supapkōiga sohomakza. Jitnakōlik mewōņi mi yuai omaņi tōhön aka qahōpmahöp baukōm eņgimakza. Mianğōra mi mönō andō qeba mosōtman.

¹⁰ Kunņan keu mewō jim örōba mianğōn urujul mem eņgimakzawi, i mönō galōm meme keu jim waņģinōņga qahō tem kōliga kunbuk jim waņģinōņga yahōt aiga tōndup yaņģiseņ akņa ewō, i mönō kōzōlnōņga urumeleņ kambu mosōta yaigepņe malma. ¹¹ Yaņğō kōnaņi kewō ahōi möt yakōzan: Yaņğōn kōna siņgiba öņğōmbōbōp kōla lolōņqaloņ aka siņgisōndok ahakmeme ahakza. Siņgisōndokņi mianğōn mönō kōnaņi kondeli sohom tekōi Anutunōņ keuņi jim tekōi kōnōp siagō buņaya akņa. Mewō.

Yaizōkzōk keu tetekōņi

¹² *Ni kōmunjaņ kie uru nalō ki siti qetņi Nikopolis Grik mianğōreņ mōsōhöba malmamğō mötzal. Mianğōra Artemas me Tikikus salupke malmapkōra melaibi gōhöreņ kaņgotmawi, nalō mianğōreņ mönō nalō kude qem kōrimanmō, zilaņ mosōta Nikopolis kaba miwikņaim niņgiman. ¹³ *Kōna keugō mötmōt azi (loya) qetņi Zenas aka Apolos yetkōn yuai kungōra osiba mözōqōzōrōņ aka Krit mianğōreņ qakōba tatpahotpuk. Mianğōra mönō kapaņ kōla örōyuai tosatņan dopņire naņğōm etkinōņga ölöp toroqeba anmahot. ¹⁴ Alaurupņinan mönō nup ölöpnji ölöpnji memegō kōnaņi möt sorokōba pōndaņ jegep aka zeņ kinda uruņini mianğōreņ ala malme. Mewō aketka tosatņan lömbōt keta bölōkņi saņgabaņga miwikņaimi, i ölöp naņğōm eņgimakņe. Mötnaripkō öļņi mewō ahuiga malmal gilipitņi (ambetakņi) önewat qahō malme.

¹⁵ Nōmbuk ki maljei, yeņōn kōrek yaizōkzōkņini jigetka gōhöreņ kaza. Gōņōn alaurupņini Krit mianğōreņ Kambu möt nariba uruņinan jōpakōm neņgimakzei, yeņğōra mönō nōņğō yaizōkzōkni jinōņga mötme.

* **3:12:** Apo 20.4; Ef 6.21-22; Kol 4.7-8; 2 Tim 4.12 * **3:13:** Apo 18.24; 1 Kor 16.12

Kalem möriamnöj mönö körek embuk ahöma.

Filemongö Kimbi Polnöḡ Filemongöra Kimbi alök. Jim-asa-asari

Azi öḡḡöḡḡöḡi Filemon mi Kolosi sitinöḡ mala uruḡi melenḡa zioz nup memba welenqeqeḡi qetḡi Onesimus galöm köliga töndup unjurata Rom sitinöḡ anök. Mianḡöḡeḡ anda Polbuk mutulaḡḡöba keuḡi möta uruḡi melenḡa Polbuk Buḡa nup meyoḡot. Polnöḡ kösö mire tata Onesimus toḡaḡḡöra Kimbi ki ohoba böḡḡe ala melaiiga Kolosi liliḡḡöyök. Kimbi kianḡöḡeḡ uruḡi melenḡnöhi, mianḡö buzupḡi indela Filemon uruḡi kewö kuḡḡuyök: “Gi mönö welenqeqegahö pinjitḡi mosöta yambuk urumohok aka köḡ öröm waḡḡinöḡga urumelenḡ alagi ewö qöhöröḡḡe kiniga yaḡḡöra söḡgaiba malman.”

Buk kianḡö bahöḡi bohönḡi 4 mi kewö:

Keu mutukḡi 1-3

Polnöḡ Filemon möpöseiza 4-7

Onesimusgöra Filemongö uruḡi kuḡḡuyök 8-22

Kimbigö keu köḡḡi bohönḡi 23-25

¹ O wölböt alani aka neḡakni Filemon!

Pol nöḡön Jisös Kraistkö nupḡi memakzalaḡḡöra aka gwaröhöm niḡḡigetka kösö mire tatzal. Urumelenḡ alani Timoti yaḡḡön nömbuk tariga nöḡön göbuk keu eraum möḡḡpitköra kimbi ki ohozal.

² *Mewöyök ambi ketanḡi urumelenḡ nenini Apia aka Arkipus urumelenḡö bimqeqe azinini aka urumelenḡ könagesö göhö mire tokomakzei, nöḡön kimbi ki enḡöra ohozal.

³ Anutu Iwinini aka Kembu Jisös Kraist yetkön kalem möriam enḡiyohotka luainöḡ malme.

Filemongö urukalemḡaḡḡöra möpöseiza.

⁴ Nöḡön nalö dop köuluköba gi mötmörim gihimakzalaḡḡö dop kewögöra Anutuni saiwap jim waḡḡimakzal: ⁵ Gi Kembu Jisös möt nariba jöpaköm waḡḡiba Anutugö ambazip sarakḡi pakpak jöpaköba urukalem ak enḡiba maljan.

⁶ Saiwap jiba kewö köulukömakzal: Möḡnaripkan mönö köhöiba pöwöwöm aiga öḡp qöhöröḡḡine kinda nembuk möḡnaripkö keuḡi jim sehiba malman. Mewö Kraistpuk qekötahöba kininga kalem öḡḡḡi öḡḡḡi neḡḡimakzawi, gi mianḡö könaḡi köḡekḡanök möt söḡḡöḡoman. ⁷ O urumelenḡ alani, gi ambazip sarakḡi köḡö-ölöwak qem enḡinöḡga amḡöba malje. Urukalemḡi mianḡöra nöḡön ḡwöḡḡpuk söḡḡaibiga mianḡön uruni naḡḡömakza.

Filemonöḡ Onesimus köḡ örömapköra qesiza.

⁸ Mewö malnöḡga Kraistpuk qekötahöziga öḡḡ awösamakak aka kukösum qakḡe kinda yuai akḡaḡö jim kutum gihibileḡak. ⁹ Mi töndup Anutunöḡ uruḡan jöpaköm netkiza-waḡḡöra aka öḡḡ jimkutukutuni mosöta ulet miyök ulet gihimam. Gi Pol nöḡḡö silikni möḡzan. Nöḡön azi namḡi akzal aka Kraist Jisösgö nupköra aka nalö kewöḡe kösö miri azia mewöyök akzal. ¹⁰ *Ni kösö miri kianḡöḡeḡ alagi qetḡi Onesimus aitöḡḡöba bauköm waḡḡibiga uruḡi melenḡa möḡnaripkö nahöni ahök. Mianḡöra merak yaḡḡö numbu jit memba yaḡḡöra aka ulet gihizal. ¹¹ Yaḡḡön mutuk welen qeba laḡ möndöba injarere mala qemasolokep ak gihiba malökmö, nalö kewöḡe letota gi aka ni öḡḡḡanök bauköm netkiiga öḡḡi asuhumakḡawaḡḡö dop akza.

¹² Yaḡḡön nani wölböt nahöni akza aiga nani wölbötne ewö melaim waḡḡibi liliḡḡöba göhöḡeḡ kaza. ¹³ Nöḡön Ölöwak Buḡaḡḡöra aka kösö mire tatzal. Mianḡöra Onesimus jöhöbi

* 1:2: Kol 4.17 * 1:10: Kol 4.9

nömbuk mala göhö salupke baukôm niŋgimapkö mötzal. ¹⁴ Mewö mötzalmö, baukôm niŋgimapkö qahö kuŋgum gihizal. Sihimgan jüiga baukôm niŋginöŋga dop köljapmö, göŋön welenqegegi niŋgiman me aŋgön kölman, miangöra Oŋ! qahö jinöŋga nanök jöhöm waŋgimangö osizal.

¹⁵ Onesimusnöŋ kewögöra aka gömosörök me? Yaŋön nalö töröptökŋi yaigep mala kunbuk lilingöba kaba göbuk nalö teteköŋi qahö malma. ¹⁶ Mutuk welenqege omaŋi aka malökmö, nalö kewöŋe mi oŋgita azi qainŋi kun akza. Uruŋi melenja mönö wölböt alanina akza. Nöŋön yaŋgöra gwötpuk ak niŋgiiga göŋön azi mi eknöŋga Kembangö buŋaŋi aiga yaŋgöra mewö ni noŋgita önöŋi qahö ak gihimakŋa.

¹⁷ Göŋön nömbuk ala-ala aka maljit mötnöŋga nöŋön kabi köl öröm niŋgibanak ewö, mönö Onesimusnöŋ kaiga mewö köl öröm waŋgiman. ¹⁸ Yuai kun ak bölim gihiyök me yaŋgöreŋ tosa kun göhöreŋ ahöza ewö, mia mönö nöŋgö tosayä jinöŋ ahöma. ¹⁹ Ni Pol mönö nani börönan kewö ohozal, “Nöŋön mi mekömam.” Nöŋön baukôm gihibi urugi melenjöŋga tosaŋi ketanŋi mi mekömangöra nangi mewöŋanök nöŋgö buŋaya jim teköm aŋgunöŋga dop kölbawak. Miangöra ölop kewö jibilenak: Onesimusgö tosaŋi mi mönö jinöŋga nange tosayä ahöma. ²⁰ O urumelen alani, Kembangö Buŋa gihiali, mi mönö melenja baukôm niŋgimangö ak niŋgiza. Kraist qekötahözani, miangö dop mönö Onesimus köl örönöŋga nöŋgö urunan amgöba ölöwakŋa.

²¹ Keuni tem kölmani, mi möt nariba keuni ohoba könaŋangi kewö ahöi mötzal: Keu jizali, mi mönö oŋgita qetpuk ak soroköman. Mewö. ²² Keu kun ki: Eŋön köulukögetka Kembangöŋ ni melen niŋgii eŋgöreŋ kamangö al mamböta jörömqöröm akzal. Miangöra mönö miri uruŋi kun nöŋgöra mem kelötman.

Yaizözkök aka kötuetmötuet keu teteköŋi

²³* Alani Epafras yaŋön Jisös Kraistkö nupköra aka nömbuk kösö mire tata yaizözkökŋi ali göhöreŋ kaza. ²⁴* Neŋakurupni nup mohotŋe memakzini Mak, Aristarkus, Demas aka Luk yeŋön mewöyök yaizözkökŋini algetka göhöreŋ kaza.

²⁵ Kambu Jisös Kraistkö kalem möriamnöŋ mönö uŋaŋini kötuetköba embuk ahöma. Mewö.

* **1:23:** Kol 1.7; 4.12 * **1:24:** Apo 12.12, 25; 13.13; 15.37-39; 19.29; 27.2; Kol 4.10, 14; 2 Tim 4.10-11

Hibru Kimbi **Kunöŋ Hibru yeŋgöra Kimbi alök.** **Jim-asa-asari**

Jisösnöŋ Suepnöŋ öŋgöi miangö andöŋe yambu 35 miangö dop teköiga azi kun qetŋi qahö mötzini, yaŋön Kimbi ki ohoba Juda urumelen ambazip yeŋgören alök. Juda yeŋön Hibru (kian) keu jigeranğöra qetŋini Hibru qetket. Tosatŋan Juda urumelen ambazip mi sesewerowero gwötpuk ak enğigetka Jisösgö köna diŋdiŋi mosötpingö mötmöriba Juda yeŋgö köna walŋe dumŋe kunbuk anğotpingö mötket. Köna walŋi mi Köna keugö kapaŋkölköl.

Kimbi kiangö keu köŋi 3 mi kewö:

1. Jisös, Anutugö Nahönŋi yaŋön sihimbölö ketanŋi möta mewö mianğön Iwiŋi tem kölmangö könaŋi mörök. Mianğöra Suep garata, Moses aka kezapqetok ambazip pakpak enğonğita öŋgöŋgöŋi akza.

2. Anutunöŋ Jisös kuŋguiga nalö teteköŋi qahö jike nup galömnini bohönŋi aka malma. Nanŋi sepŋi mokoyöhanğöra jöwöwöl ohohonöŋ teköiga jike nup galöm tosatŋi yeŋgöra qahö osibin.

3. Urumelen neŋön Jisös möt nariinga siŋgisöndoknini mosöta amöt qem neŋgiba kömupnöhök meköm neŋgiiga keŋgötnini qahö mötzin. Jike nup walŋi mi imutimut ewö aiga megetka Jisösnöŋ amötqeqegö könaŋi öŋi indela nanŋi jöwöwöl ohoho ewö akŋegöra al anğuyök.

Mötnarip ambazip ketanŋi yeŋgö silikŋinangö kösohotŋi mi teteköŋe (Boŋ 11) ohoba mötnaripŋinan söroaubapuköra kewö kuŋgum enğiza, “Sesewerowero ak enğigetka miangö sihimbölöŋi mi mönö kapaŋ köla mökösoŋda möta Jisösbuk luhut alme.” Buk kiangö qambaŋi aka galöm meme keuŋi mi nahömŋambuk.

Buk kiangö bahöŋi bohönŋi 10 mi kewö:

Keu mutukŋi: Kraistnöŋ Anutugö könaŋi indel teköyök 1.1-3

Kraistnöŋ garata pakpak enğonğitza 1.4-2.18

Kraistnöŋ Moses aka Josua etkoŋgitza 3.1-4.13

Kraistnöŋ jike nup galöm pakpak enğonğitza 4.14-7.28

Kraistkö jöhöjöhö arenŋi mi jöhöjöhö arenŋ walŋi onğitza 8.1-9.28

Kraistkö sep busunan jöwöwöl pakpak enğonğitza 10.1-39

Mötnarip mi yuai mutukŋi aka bohönŋi 11.1-12.29

Ahakmemeninan Anutu uru ölöwak mem waŋgime 13.1-19

Köuluk teteköŋi 13.20-21

Uruwahöt keu aka yaizökzök keu teteköŋi 13.22-25

Anutunöŋ Nahönŋi melaiiga keuŋi indelök.

¹ Anutunöŋ mönö möpŋanğö möpŋeyök könahiba köna murutŋi murutŋi wuatangöba keuŋi indelmangö mörök. Mewö möta keuŋi nalö gwötpuk kezapqetok ambazip yeŋgö uruŋine aliga aukŋe jigetka ambösakonurupninan möta mala kotket. ² Mewö mala kotketmö, nalö teteköŋe malinga kewöŋe mönö Nahönŋi melaiiga keuŋi indela aukŋe jiiga mörin. Nahönŋi yaŋön Iwiŋi bauköiga Suep gölme aka mietkö öroyuaiŋiri pakpak miwikŋaiyo-hotka Nahönŋan nalö teteköŋe yuai pakpakö Toŋi akŋapkö jim teköi malja. ³ Anutugö kaisoŋgolomŋan Nahönŋi ahöm waŋgiiga eta kondelök. Anutugö asakmararanan mönö i kuŋguiga biliksik aliga imutimut ewö ehin. Siŋgisöndoknini köŋ könjörat teköbagun mönö Suep mire öŋgöba dumŋi memba Öŋgöŋgöŋamninanğö böröŋi

ölne tatza. Mianğoreñ tata Suep gölmegö öröyui pakpak mi keuñi kukösumñambukñöñ bisiba galöm köla malja.

Anutugö Nahönñan Suep garata enğonğitza.

⁴ Anutunöñ Nahönñi qet wangiiga mianñön mönö Suep garata yeñgö qetñini onğita aködamunñambuk akzawi, mianğö dop Nahönñan Suep garata enğonğita ketanñamñini aiga nembö bapñe malje. ⁵ *Anutunöñ nalö kunöñ Suep garataurupñi yeñgöreñök kungöra keu kewö qahö jiyök,

“Göñön nöngö Nahöni aknönğa nöñön merak göhö Iwigi akzal.”

Mewöyök keu kun kewö jii ahöza, “Nöñön yanğö Iwiñi akiga yanñön nöngö Nahöni akña.”

⁶ *Keu mi dumñe kunbuk Nahönñi mutukñi jim teköiga gölmenöñ etmamğö ahöhi, nalö mianğoreñ mönö qeljiñe kewö jiyök, “O Suep garataurupni, iñini mönö körek pakpak yanğö waikñi memba möpöseiba malme.”

⁷ *Suep garata yeñgöra keu kewö jii ahöza, “Anutunöñ mönö garataurupñi mem letot enğiiga luhut ewö aka anda kame. Welenqeçeurupñan mönö letota könöp bölam ewö aka anda kame.”

⁸ *Yeñgöra mewö jiyökmö, Nahönñanğöra keu kun kewö jii ahöza, “O Kembu, göñön mönö jakömbuak dum tatatke nalö teteköñi qahö tat öngöman. Öropki kukösum-ñambuk mianñön qindinñaim neñginönğa ahakmeme diñdiñan mönö bemtohoñgahö muñgemñi aka ahöm öngöma.

⁹ Göñön ahakmeme solanñanğöra ak gihiiga ahakmeme gonğonñanğöra irimgi seholiiga kazik aka mala kotnöñ. Mianğöra göhö bemgi Anutu yanñön mönö al gihiiga alaurupki enğonğita sösönğai kelöknöñ gömirii maljan.”

¹⁰ *Nahönñanğö keuñi kun mi kewö, “O Kembu, göñön könakönahine gölmegö tandöñi kuñgunönğa Suepkö jakeni jakeni mienñön mönö göhö börösöwögi akze.

¹¹ Suep gölme pakpak mienñön opo maluku ewö walñi aka ayapkömemö, göñön mönö köhöiba kin öngöman.

¹² Möki köpeimakzini, göñön mönö mianğö dop suep ehekñi mi opo söro jöhözin ewö köpeim enğinönğa letotme. Yuai pakpak utekömapmö, göñön mönö tandök mohot miyök aka yambugi (yaragi) teteköñi qahö mal öngöman.”

¹³ *Anutunöñ nalö kunöñ Suep garataurupñi yeñgöreñök kungöra keu kewö qahö jiyök, “Göñön mönö kaba böröni ölne tatnönğa nöñön mönö tuarenjoñurupki nalö sutñi kianğoreñ tim tötal enğibiga et enğuiga göhö könagahö döpnji aketka köirañ albin.”

¹⁴ Nahönñanğöra keuñi keuñi mewö jiyökmö, Suep garata i mönö niñia akze? Körek yeñön Anutugö welenqeçe uñaurupñi akze. Mewö aka ambazip oyaenköyaen buña qem anğumei, i bauköm enğimeğöra melaim enğii malje. Mewö.

2

Urunini qahö melenbinbukö galöm meme keu

¹ Mianğöra Buña keu mörini, mi mönö törörök möt asaribingö kapan köla kezap alme. Gölmenöñ malmalgö iñi me waiñi kunñan neñguanğiri lañ anda kaba liklak malbin ewö, mönö Jisösgö amötqeçe nupñi onğita öne mala ayuhubinbuk. ² Keu mi kewö jim tuarimam: Mutuk Suep garata yeñön Buña keu jigetka ambazip jöhöm enğii malget. Mewö mala denike yeñön Köna keu qahö tem köla selñi walönğeri, Anutunöñ mönö körek yeñgö keuñini diñdiñanök jim teköba likepñi melen enğii lömböt qakñine öngöi mala kotket.

³ Yeñön lömböt miwikñaigetka neñön mewöñanök akzin ewö, lömbötköra mönö denöwö ölöñ kölbinak? Amötqeçe nup ketanji mi nesampurek qakñe nöñöñgan akin ewö,

* **1:5:** Sum 2.7; 2 Sml 7.14; 1 Hist 17.13

* **1:6:** Dut 32.43

* **1:7:** Sum 104.4

* **1:8:** Sum 45.6-7

* **1:10:**

Sum 102.25-27 * **1:13:** Sum 110.1

mönö lömbötnöhök ölöñ kölbängö osibin. Kembunöñ könahiba amötqeqegö könañi indeliga tosatñan keu mi jitñeyök möta nañgöba jim köhöigetka sehiba dop köl neñgiyök. ⁴ Mi nañgöba jim köhöigetka Anutunöñ yembuk mohotñe kinda keunini nañgöba jiiga añgöletot aiwesök könañi könañi mi kukösumñinambuk asuhugetka Uña Töröñi mokoba jitsihitñañgö dop mendenñiga dop köl neñgiyök. Mewö.

Jisösnöñ datnini aka Suepnöñ neñguanñgitmamgö mötza.

⁵ Suep gölme dölökñi asuhumegö keunji jimakzini, Anutunöñ nini miangöreñ Suep garata nembö bapñine malbingö areñi qahö ala jim kutuyök. ⁶ *Mewö qahöpmö, keu mi kunñan nañgöba jiiga Buña Kimbigö kemañi kunöñ kewö ahöza, “Gölme azinöñ mönö niñia aiga i mötmörim wañgimakzan? Suep gölmegö azi ölnan mönö niñia aiga i köyan kölakzan?”

⁷ Göñön i memba et al wañginöñga nalö töröpñi Suep garata yeñgö nembö bapñine eta eretñi aka malök. Mali wañgitnöñga asakmararaññöñ öñgöiga kösasorom ila jalö wañginöñga aködamunñambuk aka qetbuñañambuk malja. Mewö mala öroyuai pakpak galöm köla malja.

⁸ Börösöwögi pakpak mönö yañgö jimkutukutuñgö bapñe malmegöra memba et al enñinöñga malme.”

Keu miangö dop yuai pakpak mi yañgö kukösum bapñe malmegöra memba et al enñiba miangöreñ yuai kun qahö mosöriya yañgö keunñgö bapñe qahö ahöbawak. Areñ mewö alökmö, nalö kewöñe börösöwöñi pakpak mi yañgö kukösum bapñe memba et al enñii tem kölakzeañgö dop qahö enñehakzin.

⁹ Mewö qahö enñehakzinmö, Jisösnöñ mönö kewö letota mali ehakzin: Kömupkö sihimbölöñi möröhañgöra Anutunöñ wañgiri asakmararaññöñ öñgöiga kösasorom ila jalö wañgiiga ehinga aködamunñambuk aka qetbuñañambuk malja. Anutunöñ kalem möriamñi kondel neñgimamgö möta körek neñgöra aka kömupkö sihimbölöñi mötmapkö jim teköyök. Miangöra memba et al wañgiiga nalö töröpñi Suep garata yeñgö nembö bapñine eta eretñi aka malök. Mewö malökmö, nalö kewöñe qetbuña öñgöñgöñi memba malja. ¹⁰ Anutunöñ mönö öroyuai pakpakö könañi akza. Yañön körek nini nanñi möpöseim wañgibingöra aka miwikñaim neñgiiga maljin. Yañön ambazip sehisehñi neñguanñgiri asak-mararaññöñ öñgöbingöra mötza. Mewö möta amötqeqeninañgö Tonji mi qahö añgön köliga sihimbölö möta mewö mianñön nupñi mi mem teköi asakmararañi pakpak miwikñaimapkö möri dop kölök.

¹¹ Kunöñ mem sarahim neñgimakzawi aka ambazip sarakñi ahakzini, körek neñgö kondotkondot Toninan mönö mohot akza. Miangöra Jisösnöñ qetnini “Alaurupni,” mewö qetmamgö gamuñi qahö mötza. ¹² *Könaninañgöra Buña keu kun kewö jii ahöza, “Nöñön mönö göhö qetki mi nani alaurupni yeñgöra qet asarim enñiba urumelen könagesö sutñine kinda möpöseim gihimakñam.”

¹³ *Mewöyök miangö Buña keunji kun kewö jii ahöza, “Nöñön mönö mötnaripni Anutugöreñ ala malmam.” Dumñe kunbuk miangö Buña keunji kun mi kewö jii ahöza, “Mötnöñ, ni aka Anutunöñ nahönbörat niñgiyöhi, neñön mönö ki maljin.”

¹⁴ Kunöñ mem kömum neñgimamgö kukñi memba maljawu, Jisösnöñ mönö i tulumgöi gemapköra aka kömumba mianñön luhut alök. “Bölöñañgö Tonji tulumgömam,” jiba ambazip sep busuni-nambuk maljini, miangöra yañön mönö mewöyök nembuk tandök mohot miyöhök gölme azia ahök. ¹⁵ Ambazip malmalñini gölmenöñ maljeañgö dop kömumbingö keñgötñinan jöhöm enñii mala kotkeri, mi mönö körek pösat enñii solanimegöra aka gölme azia ahök. ¹⁶ Suep garata köyan köl enñimapköra gölme azia qahö ahökmö, Abrahamgö gwölönarökurupñi nini möt añgön köla bauköm neñgimakñapköra mönö mewö ahök.

* 2:6: Sum 8.4-6 * 2:12: Sum 22.22 * 2:13: Ais 8.17, 18

¹⁷ Könañi mianğöra aka yañön öröyuaı pakpak mianğöreñ alaurupñi nembuk tandök mohot miyöhök ahök. Jike nup galömnini bohonñi aka nupñi nömtik memba ak kömum neñgiba malmapköra mönö nembuk tandök mohot ahök. Tandök mohot akagun mönö ölop jıtñememenini aka jike galöm bohonñangö nupñi memakza. Mi memamğöra sıngisöndokninañgö töwañi ala Anutugö jeñe mi köl köñjörarök. ¹⁸ Gölme azia aiga esapköm wañgigetka nanñak sihimbölo möta malöhi, mianğöra ambazip esapköm neñgimakzei, nini mönö ölop bauköm neñgimakña. Mewö.

3

Jisösnöñ Moses onğita öngöngöñi akza.

¹ Mianğöra urumelen alaurupnini sarakñi, Suep Tonjan engoholi nembuk kambu mohot maljei, eñön mönö urumötmötñini pöndañ Jisösgöreñ ala malme. Anutunöñ i melai-iga aposol aka jike nup galömnini bohonñi akzawi, yañğöra mewö jim miwikñaimakzin.

² *Mosesnöñ Anutugö könagesöñi pakpak mi memburikñi qahöpmö, pöndañ galöm köl engiba malök. Mianğö dop Jisösnöñ mewöyök kun kuñgum wañgiyöhi, yañğö keuñi (misila) törörök wuatanağöba memburikñi qahöpmö, pöndañ nömtik memba malök. ³ Miri aka azi miri meyöhi, mi kewöt etkiinga mitimqeçe azigö qetbuñañan mönö mirigö qetbuñañi gwötpuk onğitza. Mianğö dop Moses aka Jisös kewöt etkiinga Jisösgö asakmararañi öngöngöñan mönö Moses gwötpuk onğitza. Könañi mewö eka miwikñaimakzin.

⁴ Miri pakpak mi kungö börösöwöya akzemö, yuaı pakpak mi mönö Anutugö börösöwöñi akza. ⁵ Mosesnöñ Anutugö könagesöñi pakpak mi memburikñi qahöpmö, pöndañ welen qem engiba malök. Mewö mala Anutunöñ könañep azi kungöra jiyöhi, mönö keu mianğö söpsöpñi mi qeljine indela dangununa kinök. ⁶ Mewö kinökmö, Kraistnöñ mönö Anutugö Nahönñi aka Iwiñangö keuñi (misila) nömtik memba könagesöñi pöndañ galöm köl neñgiba malja. Anutugö könagesöñi mi neñön akzin. Oyaenköyaen akingö jörömqöröm aka mianğöreñ qekötahöba silenini memba öngöba awösamkakak kin köhöim teköbin ewö, mönö Anutugö urumelen könañesöñi aka malbin. Mewö.

Yañgiseñ aka malbinbukö galöm meme keu

⁷ *Mianğöra inini mönö Uña Töröñan keu kewö jimakzawañgö dop akñe, “Dölkewöñe Anutunöñ engohola keuñi sañep ali mötze ewö,

⁸ uruñini mönö mötmöt bölöñan kude gwözöñme. Engö ambösakonurupñinan gölme qararañkölkölñe kaba nalö kunöñ Anutu qetala esapköm wañgiba karim akeri, inini mönö mianğö dop Anutu qetala akepuk.

⁹ Yeñön gölme qararañkölkölñe kaba Anutu ni esapköm niñgiba malget. Anğöletot aka memba malali, inini mi yambu (yara) 40 mianğö dop eka mala mi töndup ni qahö möt narim niñgigetka urunan bölüiga malal.

¹⁰ Mianğöra ambazip kambu nalö mianğöreñ gölmenöñ malgeri, yeñğöra aka irimni seholiiga kewö jial, ‘Yeñön mönö sundan uruñinan kahapmahap aka janjuñ anakze. Malmalgö köna kusum engiba malalmö, mi qahö möt kutuget. Qahö!’

¹¹ Mewö jiba irimesewöl qakñe keuni jim kutuba jöjopañ keunan mi jöhöba kewö jial, ‘Luhut memba malmegö areñ al enğialmö, yeñön mönö oyaenköyaen mianğöreñ qahö anğotme.’”

¹² O urumelen alaurupni, inini mönö kewögöra galöm mem anğuba malme: Engöreñök kungö uruñan gonggiiga mötnariññan sörauba eri Anutu malmal Tonji andö qeba malbapuk.

¹³ Mewö qahöpmö, sıngisöndökö isimkakalekñan tilipköm enğii mianğön engöreñök kungö uruñi gwözöñbapuköra mönö silim dop sutñine uru kuñgum anğuba malme. “Merak” keu mi jimakzini, mianğö dop mönö jölöngöm anğuba malme. ¹⁴ Nini Kraist möt anğön

* 3:2: Jan 12.7 * 3:7: Sum 95.7-11

köla yambuk kambu mohot aka maljin. Mutuk urunini melenḁa uruyahöt yaköriba awösamakak miwikñaiba malini, mewö gölmenöḁ malbinangö dop kapan köla köhöiba kinbin ewö, mönö oyaenköyaen akin.

¹⁵ *Buña keu mi kunbuk jiba kewö ohozal, “Merak Anutunöḁ engohola keuḁi saḁep ali mötze ewö, uruḁini mönö kude gwözöḁme. Engö ambösakonurupḁinan Anutu qetala karim akeri, iḁini mönö Anutu mianḁö dop qetala akepek.”

¹⁶ *Ambazip denike yeḁön Buña keu möta Anutu qetala karim aket? Mosesnöḁ könagesö enguanḁiri Ijpt mosöta kageri, yeḁön mönö körek mewö aket. ¹⁷ Ambazip denike yeḁöḁa aka yambu (yara) 40 mianḁö dop irimḁi seholiiga kazik ak engii malget? Ambazip siḁgisöndok aketka mem kömum engii silenḁinan gölme qararaḁkölkölḁe eta kölgeri, yeḁöḁeḁ mönö mewö asuhuyök. ¹⁸ Luainöḁ luhut memba malmegö areḁ ala nanḁini gölmeḁine kude aḁgotmegö keuḁi jim kutuba jöjöpaḁ keunan jöhöyöhi, keu mi mönö dagöḁa jiyök? Ambazip keuḁi qetala yaḁgiseḁ malgeri, mi mönö yeḁöḁa aka jiyök. ¹⁹ Keu mianḁö könaḁi mi kewö ek asarizin: Yeḁön Anutu qahö möt nariba yaḁgiseḁ akeranḁöḁa aka nanḁini gölmeḁine aḁgotpingö osiget. Mewö.

4

Anutunöḁ könagesöḁi sonda kendon neḁgima.

¹ Anutugöḁeḁ aḁgota luainöḁ luhut memba malbingö keu jöhöyöhi, keu mianḁön mönö pöwöwöm köhöikḁi ahöm neḁgiza. Mianḁöḁa engöḁeḁök kunḁan löwöriba nanḁi Suep köna ananḁi mi kemaḁe kutui mewö miwikḁaim waḁgibinbuk. Mianḁöḁa mönö sutnine galöm mem aḁgubin. ² Gölme qararaḁkölkölḁe kagetka Ölöwak Buña jim asarim neḁgiget ewö jiget mötketmö, keu mi mönö silesile mötketka uruḁine qahö geyök. Mianḁöḁa mötnariḁḁini qahö qiwikḁaiiga töḁpin öne malgetka qahö bauköm engiba pömsöm qeyök. ³ *Urunini melenḁa möt nariba maljini, neḁön mönö Anutugöḁeḁ aḁgota luhut memba oyaenköyaen malbin, mi mötzin. Anutunöḁ mianḁö Buña keuḁi mi kewö jii ahöza, “Mewö jiba irimesewöl qakḁe keuni jim kutuba jöjöpaḁ keunan mi jöhöba kewö jial, ‘Luhut memba malmegö areḁ al engialmö, yeḁön mönö oyaenköyaen mianḁöḁeḁ qahö aḁgotme.’”

Anutunöḁ Suep gölme miwikḁaim etkii nalö mianḁöḁeḁök könaḁiba oyaenköyaen mirinḁan lök memteköteköḁi ahözapmö, töndup keu mewö jiyök. ⁴ *Anutunöḁ silim 7:ḁanḁö keuḁi jiiga Buña Kimbigö kemaḁi kunöḁ kewö ahöza, “Sömaḁi 7 aiga Anutunöḁ nupḁi pakpak mem teköyöhanḁö luhut memba kendon tarök.” ⁵ *Anutunöḁ Buña keu mi toroqeba kewö jii ahöza, “Luhut memba malmegö areḁ al engialmö, yeḁön mönö oyaenköyaen mianḁöḁeḁ qahö aḁgotme.”

⁶ Ambazip tosaḁḁan Anutugö oyaenköyaen miwikḁaiba luhut memba malmei, keu mianḁön mönö pöwöwöm köhöikḁi ahöm neḁgiza. Ölöwak Buña mutuk könagesö jim asarim engigeri, yeḁön mönö qeḁetalḁinanḁöḁa aka oyaenköyaenöḁ qahö aḁgota luhut qahö meget. ⁷ *Luhut qahö megeranḁöḁa aka Anutunöḁ mönö kunbuk nalö kun ala qetḁi Nalö dölkewöḁi qerök. Nalö köḁöḁḁi teköiga nalö mianḁö Buña keuḁi dölkö jiba ohozali, mi mönö Deiwidköḁeḁ indeli kewö jiyök, “Dölkewöḁeḁ Anutunöḁ engohola keuḁi saḁep ali mötze ewö, uruḁini mönö kude gwözöḁme.”

⁸ *Mewö jiiga Josuanöḁ enguanḁiri oyaenköyaenöḁ aḁgota luhut membeak ewö, Anutunöḁ mönö nalö kungö keuḁi mi könaḁep qahö jibawak. ⁹ Mi qahö jibawakmö, Anutunöḁ mönö öḁḁa könagesö luhut meme neḁgii oyaenköyaen miwikḁaibin. Keu mianḁön mönö pöwöwöm köhöikḁi ahöm neḁgiza. ¹⁰ *Mianḁö könaḁi kewö: Anutunöḁ nanḁi nupḁi

* **3:15:** Sum 95.7-8 * **3:16:** Jaḁ 14.1-35 * **4:3:** Sum 95.11 * **4:4:** Jen 2.2 * **4:5:** Sum 95.11 * **4:7:** Sum 95.7-8 * **4:8:** Dut 31.7; Jos 22.4 * **4:10:** Jen 2.2

meyöhanğö luhut memba kendon taröhi, mianğö dop kunöŋ Anutugö oyaenköyaenöŋ anğota luhut memawi, yaŋön mönö nanŋi nupŋi meyöhanğö luhutŋi mi mewöŋanök memba oyaenköyaen malma. ¹¹ Mianğöra nini mönö Anutugö oyaenköyaenöŋ anğota luhut memenŋi miwikŋaibingö kapan kolbin. Engöreŋök kunöŋ et qeba könagesö walŋi yengö qeçetal tandökŋini miyöhök wuatangöbapuköra mönö kapan kolbin.

¹² Anutugö keunŋi mi memguliguligö könanŋi aka kukösum-ŋambuk akza. Bimğö sou ketanŋi mi likep likep jitŋirambuk akzapmö, Anutu keunangö jitŋan mönö sou ketanŋi pakpak engongita jit kötök aiga jitŋi bahöbahö mi maŋambuk akzahot. Keu mianğön mönö uru uŋanini kutuba ömenöŋ me Anutugö Uŋanŋan inahöm neŋgimakzawi, mi undenŋa kuŋgum neŋgimakza. Sile kitip toroqeqenini aka sihitninanğö digonŋi mi mewöyök kewöta (keunini asa-asambötŋi miwikŋaiba) ölopŋi aka bölöŋi menderŋ etkimakza. Urukönömnini aka mötkutukutu arenŋini mi kewöta keunini jim tekömakza.

¹³ Anutunöŋ yuai pakpak miwikŋaii ahözawi, mianğöreŋök yuai kun mi asa-asambötŋe qahö ahöiga ölopŋanök ehakza. Yuai kun esuhuinga Anutunöŋ esunini mi ölop luluŋda ehi yaŋgö jemesoholŋe aukŋeyök ahöza. Ahakmemeninangö kösohot pakpak mi mönö yaŋgöra jim asaribinangö dop akzin. Mewö.

Jisösnöŋ jike nup galömnini öŋgöŋgöŋi akza.

¹⁴ Jisösnöŋ jike nup galöm bohonŋi öŋgöŋgöŋi ak neŋgiza-waŋgöra aka neŋön “Möt narim waŋgizin,” jiba jim miwik-ŋaimakzini, mianğöreŋ mönö köhöiba kinbin. Jisös Anutugö Nahönŋan mönö Suep jakenŋi jakenŋi engongita öŋgöba tatza. ¹⁵ Urumötmötnini tosatŋan lölöwöröŋi aketka jike nup galöm tosatŋan mianğöra wösömötmöt qahö ak neŋgimakzemö, nanine jike nup galömninan mönö qainŋi kun kewö akza: Yaŋön mönö nini ewö ahakmeme pakpak mianğöreŋ nembuk tandök mohot esapköm waŋgiba malgetmö, mi töndup siŋgisöndok kun qahö ahök.

¹⁶ Jike galömninan mönö eu kalem möriamğö dum tatatŋe tata ak kömum neŋgimamğö mörakza. Mianğöra mönö awösamkakak qakŋe kinda yaŋgö kösutŋe anbin. Yaŋgö kösutŋe aninga kalem möriamğöra osizini, mianğö nalö diŋdiŋe mönö bauköm neŋgiiga mi ölop miwikŋaibin. Mewö.

5

Galöm bohonini Jisösnöŋ mönö bauköm neŋgimakza.

¹ Gölmegö jike nup galöm bohonŋi pakpak mi ambazip sutŋineyök möwölöhöm engiba nup kewö memegöra kuŋgum engimakzin: Yaŋön ambazip jitŋememenini aka Anutubuk urumohot aka malbingö nupŋi memba siŋgisöndok ahinangö sömbup kalemŋi kalemŋi mi Anutugöra ala mianğön jöwöwöl ohomakza. ² Nanŋi urumöt-mötŋi tosatŋan mewöyök lölö-wöröŋi akza. Mianğöra ambazip gukmaulem qakŋe janjuŋ ahakzei, mi ölop wösömötmöt qakŋe ak neŋgimakza. ³ *Lölöwöröŋi akza-waŋgöra mönö nanŋi siŋgisöndokŋi aka könagesöurupŋi yengö siŋgisöndokŋini mewöyök köl könjöratmapköra sömbupnöŋ jöwöwöl ohomakza. ⁴ *Kunŋan çetbuŋa mi nanŋangöra qahö buŋa çem anğumapmö, Anutu-nöŋ Aron oholöhi, mianğö dop mönö i mewöyök oholja.

⁵ *Mianğö dop Kraistnöŋ mewöyök nanŋak jike nup galöm bohonŋi akŋapkö çetbuŋanŋi mi nanŋangöra qahö buŋa çem anğuyökmö, Anutunöŋ kewö jim kutum waŋgiyök, “Göŋön nöŋgö Nahöni aknöŋga nöŋön mönö merak göhö Iwigi akzal.” Keu mianğö dop jike nup galöm bohonini ahök.

⁶ *Keu miyöhök jii Buŋa Kimbigö kembanŋi kunöŋ kewö ahöza, “Göŋön mönö Melkizedek ewö jike nup galöm aka nalö teteköŋi qahö mal öŋgöman.”

* 5:3: Lew 9.7 * 5:4: Eks 28.1 * 5:5: Sum 2.7 * 5:6: Sum 110.4

7 *Jisösnöŋ silebuk gölmenöŋ mala miangöreŋ mönö nalöŋi nalöŋi köuluköba köhöikŋanök qeriga imbilŋan eri Anutu kömupnöhök mekömapkö köhöiyöhi, i qesim waŋgiba malök. Qesim waŋgiba mala Anutu göda qeba keuŋaŋgö bapŋe al aŋguba malöhaŋgöra Anutunöŋ köulukŋi mörök. 8 Nahönŋi ahökmö, Anutunöŋ mi töndup sihimbölö qahö jöhöi qakŋe öŋgöi möta miangöreŋ temkölkölgö könaŋi miwikŋaiba möt soroköyök. 9 Mi möta aködamunŋi pakpak miwikŋaibagun mönö oyaenköyaen teteköŋi qahö malbingö kondotkondot Tonŋi ahök. Miangöra ambazip yaŋgö jitŋi tem köla maljei, mi pakpak mönö ölop kondot enŋiiga oyaenköyaen akŋe. 10 Tonŋi mi aiga Anutunöŋ i Melkizedek ewö jike nup galöm bohönŋi akŋapakö jim teköba al waŋgiyök. Mewö.

Mötnaripkö ölni sohobapukö galöm meme keu

11 Keu mi ölop toroqeba gwötpuk jim qaribinakmö, eŋön keu möta wuatangöbingö taŋqaŋ aka gaunjeje akze. Miangöra mi jim asarim enŋibingö osikosi akzin. 12 *Inŋini nalö köröŋŋi könagesö walŋi mala ölop nalö kewöŋe lök böhi qaŋazu akŋeaŋgö dop akeakmö, nanŋinak Anutugö keu köŋŋi mutukŋi mi kunŋan dumŋe kunbuk kusum enŋimapköra osimakze. Inŋini mönö qaköba Buŋa keu mi juzu ewö nemingö mötze. Nene köhöikŋi ewö mi nemingö osimakze. 13 Kunŋan mi juzu ewö nembra maljawi, yaŋön mönö toroqeba moröseŋŋewö akza. Anutugö jeŋe solanŋi akingö keu kusum enŋiinmö, yaŋön miangö könaŋi qahö möt kutuba tönpin malja.

14 Moröseŋŋewö maljapmö, nene köhöikŋi mi ambazip mötmötŋinan qariyöhi, mönö yeŋön nemegöra aka ahöza. Ambazip Buŋa keu sundan köl guliba malgetka urumötmötŋinan lök möŋaiiga ölop amqeba silik pakpak kewöta ölopŋi aka bölöŋi mendeŋ etkiba ölopŋi wuatangömakze. Nene köhöikŋi mi yeŋgöra aka ahöza.

6

1 Miangöra Kraist könaŋaŋgö keu köŋŋi mutukŋi lök möta miangöreŋ mönö kude qaköbin. Mewö qahöpmö, mönö toroqeba qariba aködamuninambuk akingö kapaŋ köla malbin. Mötnaripkö tandöŋi lök kuŋguba mi mönö dumŋe kunbuk könahiba kuŋgubinbuk. Tandö mi uruŋine kewö kuŋguin: Ahakmemenini köhömuŋi mosöta urunini melenŋa Anutu möt narim waŋgiin.

2 Urunini melenŋinga mötnaripkö keu kemaŋi kemaŋi kewö kusum neŋgigetka mörin: Siŋgisöndoknini köl köŋjöratmegöra o melun aka amötqeqe könaŋi könaŋi miengö könaŋini kusum neŋgiget. Böröŋini qaknine alalgö könaŋi kusum neŋgiget. Guliba kömupnöhök wahötŋingö könaŋi kusum neŋgiget. Anutunöŋ keunini jim teköi teteköŋi qahö köhöikŋi ahömapkö könaŋi kusum neŋgiget. 3 Mötnaripkö tandöŋi mewö kuŋgubagun mönö toroqeba möt qaribingö mötzin. Anutunöŋ ösum-mumu neŋgimakzawaŋgö dop mönö aködamunini pakpak miwikŋaibingö kapaŋ köla kinbin.

4 Mewö kinbingö möta miangöreŋ qaköba etpinbuköra aka kinjin. Ambazip kewöŋi mi uruŋini melenmegöra enŋuaŋgitŋingö osimakzin: Tosatŋan uruŋini nalö kunöŋ asariiga Anutunöŋ Suep kalemŋi enŋii möta söŋgaigetka Uŋa Töröŋan ösupköm enŋii malget. 5 Anutu Buŋa keuŋaŋgö nahömŋi mötketka oyaenköyaen nalö könaŋgeŋaŋgö kukösumŋan mönö uruŋine gei mötket. 6 Mi pakpak mötagun mönö mötnaripŋini mosöta Anutu andö qeget. Ambazip mi uruŋini kunbuk melenmegöra enŋuaŋgitŋingö osimakzin. Yeŋön Anutugö Nahönŋi ilita dumŋe kunbuk maripomnöŋ qeqe ewö memba et ala aukŋe gamu qem waŋgimakze. Mewö miangön mönö nanŋini geŋmororon ak aŋgumakze.

7 Mi söpsöp keu kiangö dop: Kienöŋ nalö gwötpuk yöhöba gölme qakŋe eta uruŋe geba gölme mem kelöriŋa nup toŋaŋgö welenqeqeuruŋan nene kömötketka Anutunöŋ gölme kötuetsköiga ölni asuhui kölkömöt tonŋi yeŋön mi memba köweŋine alakze. 8 *Mewö alakzemö, koururuk aka siriuret wahinambuk miangön gölmenöŋ asuhuba wahörakzawi,

* 5:7: Mat 26.36-46; Mak 14.32-42; Luk 22.39-46 * 5:12: 1 Kor 3.2 * 6:8: Jen 3.17-18

gölme mianjon mönö nesakni akza. Tonji yejon mi saiteköbingö mötze aka kapan köla mambötketka ölni qahö asuhui eka teteköje mönö kuñgugetka jema.

⁹ O wölböt alaurupni, nejon söpsöp keu mewö jizinmö, mi töndup injini urujini melenja malmeangöra mönö uruyahöt qahö akzin. Engö urujine Buja keugö ölnan mönö asuhum qarimapköra möta awösamkakak kinjin. Anutunöj ölni mi eka mönö meköm engii letota Suepnöj öngöme. ¹⁰ Anutunöj mönö ekbonep qakne gonjonji qahö akza. Injini Anutugö ambazip sarakni bauköm engiba mala kota toroqeba bauköm engiba nup memba malakze. Mewö urukalemjini Anutu kondel wanjigetka qetbuñanan qarimakzawi, yanjon nupjini aka urukalemjini miangöra mönö qahö ölum qeiga kitipni melenj engima.

¹¹ Nini oyaenjoyaen akingö jörömqöröm aka miangörej awösamkakak uruyahöt qahö kinmegö sihimnini möta kewö awöweñgömakzin: Injini nanjök nanjök Anutugö urukönöp ahakzei, miyöhök mönö toroqeba kondela malme. Aködamun-ñinambuk akingö kapan köla gölmenöj mal tekömeangö dop miangörej mönö kude löwörime. ¹² Qölmöm akepuköra mönö awöweñgömakzin. Anutunöj oyaenjoyaen yuai neñgimangö keu jöhöyöhi, tosatnan Anutu möt nariba sihimbölöjini möta mökösonda mewö mianjon mi buja qem anjgumakze. Injini yengö silikjini wuatangömegöra mötzin. Mewö.

Anutugö jöhöjöhö keu mi uruyahötji qahö.

¹³ Anutunöj Abraham jöhöjöhö keu wanjiba mi nanji qetji qeta jöjopañ keunan jim köhöiyök. Kunöj Anutu ongita öngöngöni malbawak, ölop yanjö qetji qetpawakmö, mewöni kun qahö maliga miangöra mönö nanji qetji qeta jöjopañ keuji jiiga köhöiyök. ¹⁴ *Jöhöjöhö keuji mi Abrahamgöra kewö jiba jiyök, “Nöjon mönö ölna kötuetköm gihimam. Mönö ölna gwölönarök gihibiga sehime.”

¹⁵ Mewö jiiga Abraham yuai wanjimapkö keu jöhöi ahöyöhi, yanjon mi ölnambuk akñapkö kapan köla mamböta mala ölni buja qem anjuyök. ¹⁶ Ambazipnöj ketanaminanangö qetji qeta jöjopañ keu jiget mörakze. Jöjopañ keujinan keu jizei, mi mem köhöiiga qeapköbingö osigetka keu jijinjan teköza. ¹⁷ Miangö dop Anutunöj keuji Abrahamgö gwölönarökurupni nejon mötpingöra jöhöba jiyök. Keu areni mi kunöj qeapköba utekömangö osizawi, gwölönarökurupni nejon jöhöjöhö keu miangö könaji mi törörök möt yaköbingö mörök. Miangöra jöhöjöhö keuji jiiga mutukni aiga keu mi kunbuk jöjopañ keunan jim köhöiiga indimni yahöt ahök.

¹⁸ Anutunöj keu mi jiba miangö munen jimangö osiyök. Yanjon keu utekutekni qahö mi jibagun jim köhöiyöhi, mianjon mönö urunini nanjömappköra mörök. Miangöra mi jibagun jim köhöiyök. Nejon gölmegö ahakmeme bölöneyök ölon köla Anutugörej angota oyaenjoyaen neñgimapkö jörömqöröm neñgiyöhi, mi mönö töp memba mamböta maljin. ¹⁹ *Oyaenjoyaen akingö al mamböta miangö uruyahötji kun qahö ahakzin. Jörömqörömnini mianjon uruninangö kösö mendanni tandök ewö aka nini Jisösbuk jöhöm neñgimakza. Jörömqörömninangö kösö mendanni köröpni mianjon mönö neñgörejök könahiba Suep jikegö uruje öngöba jike oleni yahötkö sutjire opo sel ahözawi, mi mewöyök kutuba toroqeba Jisös jakömbuak dum kömbukne tatzawangörej anja. ²⁰ *Jisösnöj mönö jitnememenini aka mutuk euyangörej öngöba jakömbuak dumni memba nalö teteköni qahö tat öngöma. Mewö Melkizedek ewö jike nup galömnini bohonni aka malja. Mewö.

7

Jike nup galöm Melkizedekö kösohot

* 6:14: Jen 22.16-17 * 6:19: Lew 16.2 * 6:20: Sum 110.4

¹*Melkizedek azi mi miri qetnji Salem mianğö kiñ kembuñi aka Anutu öngöngöñanğö jike nup galömnja malök. Mewö maliga Abrahamnönj kiñ kembuñi kembuñi bim qeba luhut al engiba lilingöba miriñe kayöhi, nalö mianğöreñ kaba Abraham miwikñaiba kötuetköm wañgiyök.

² Kötuetköm wañgiiga sukinapñi pakpak mendenđa ten miengöreñök mohot mohot (1/10) memba nalukña al wañgiyök. Melkizedek qet mianğö könani mi “ahakmeme solanñanğö kiñ kembuñi.” Qetñanğö dop mutuk “ahakmeme solanñanğö kiñ kembuñi” ahök aka toroqeba mewöyök “Salemgö kiñ kembuñi” malök. Salemgö kiñ kembu qet mianğö könani mi “luaigö kiñ kembu”. ³ Melkizedeknönj iwinamñi aka saiwaurupñi qahö, ahuahu nalöñi qahö aka kömukömuñi qahö.* Mewö jike nup galöm bohonñi aka nalö tetekönji qahö mal öngöma. Yanön Anutugö Nahönñanğö tandök ewö akza.

⁴ Bömönjalönini Abrahamğö gödaqege silikñan Melkizedekö könani kondeli mi kewö ek asarime: Abraham nanñak sukinap yuai aködamunñambuk kalöpköba memba kayöhi, miengöreñök börö yahöt (10) pakpak kewöta bahönji mohot memba Anutugö nalukña al wañgi mianğöra Melkizedeknönj mönö ölña öngöngönji ketanji qainñi kun akza.

⁵*Anutunönj Köna keuñan keu kewö jim kutum neñgii ahöza, “Liwaigö gwölönarökurup al engigetka jike nup meme azi (Liwait) aketka könagesö enön mönö sukinapñini börö yahöt (10) pakpak kewöta miengöreñök bahönji mohot memba Anutugö naluha al engimakñe.” Yenön injini ewö Abrahamğö gwölönarökurupñi akzemö, mi töndup nanñini könagesöurupñini engö börönineyök naluknini mi buña qem angumakñe.

⁶ Jimkutukutu keu mewö ahözapmö, Melkizedeknönj Liwaigö gwölönarökñi kun qahö akza. Mi töndup Abrahamnönj Anutugö jöhöjöhö keu möt anğön köla mala sukinapñi kewöta tenöhök mohot memba Anutugö nalukña alöhi, mi mönö buña qem anguba kötuetköm wañgiyök. ⁷ Ketanjamninanğö nembö bapñine maljini, yenön mönö kötuetköm neñgigetka maljin. Keu mi qan kölbingö osimakzin.

⁸ Könagesö neñon tenöhök mohot memba Anutugö naluha alakzini, mi gölmegö jike nup meme (Liwait) ambazipnönj buña qem angumakze. Yenön gölmenönj mala kömumakzemö, Suet mire euyangöreñ kungöra nanğöba jigetka köhöiba mal öngömawi, yanön mönö mi buña qem angumakza. ⁹ Abrahamnönj sukinapñi kewöta börö yahöt (10) pakpak miengöreñök bahönji mohot memba Anutugö nalukña alöhi, yanön mi gwölönarökñi Liwaigöra mewöyök qeljiñe alök. Mewö jiinga ölöp dop kölbowak. Nalö kewöñe tenöhök mohot memba Anutugö nalukña alakzini, mi bömönini Liwaigö gwölönarökurupñan buña qem angumakze. ¹⁰ Liwaigö salupñe mewöyök naluk alöhi, mianğö könani kewö: Liwainönj amböñanğö körö uruñe tariga Melkizedeknönj mönö nalö mianğöreñ kaba Abraham miwikñaiyök. Mewö.

Melkizedek mi Jisösgö söpsöpñi akza.

¹¹ Anutunönj Köna keuñan Israel ambazip jim kutum neñgiiga mianğö dop Liwai kambunöhök azi kuñgum engiinga jike nup galömnina aket. Nup mi megetka mewö mianjön aködamunini pakpak miwikñaibinak ewö, nini mönö jike nup galöm qainñi kungöra qahö osibinak. Nup mianğö ölñan qahö dop kölöhanğöra aka Jisösnönj mönö Melkizedek ewö asuhuyök. Ambazipnönj i Arongö areñanğö dop qahö kuñgugetka asuhuyök. ¹² Jike nup galöm nupñanğö könanan uteközawi, nalö mianğöreñ köna keuninan mönö mewöñanök uteköza. ¹³ Jike nup galöm qainñi kun keu mi Kembuninanğöra jizinmö, yanön Liwai kambunöhök qahöpmö, mönö kambu kunöhök asuhuyök. Kambu mianğö azi kuñnan mönö jöwöwöl jikegö altanönj kinda nup qahö memba malök. ¹⁴ Kembuninan Juda kambunöhök asuhuyöhi, keu mi aukñe ahöza. Mosesnönj Juda kambu yenön jike nup galöm kölmeğö keu kun qahö jiyök.

* 7:1: Jen 14.17-20
mi qahö jim asariza.

* 7:3: Buña Keunönj Melkizedekö iwinamñi aka saiwaurupñi, ahuahu aka kömukömu nalönji
* 7:5: Jan 18.21

Jike nup galöm Melkizedek ewö kun

¹⁵ Miangöra jike nup galöm kun Melkizedekö tandök ewö asuhuzawi, mianjön mönö keu jizinaŋgö ölni mi aukneyök kondeliga dopne akza. ¹⁶ Yanjön gölme ambazipnön Köna keu wuatangöba kambuŋgö dop jim kutugeraŋgöra aka jike nup galöm qahö ahökmö, malmal köhöikni qahö ayapkömawi, miangö kukösumŋan mönö nam köl waŋgiiga jike nup galöm ahök. ¹⁷ *Kunön yanğö könaŋi naŋgöba juiga Buŋa Kimbinön kewö ahöza, “Gönön Melkizedek ewö jike nup galöm aka nalö teteköni qahö mal öngöman.” ¹⁸ Anutunön mewö jiba jimkutukutu mutukni mi qeapköyök. Keu miangö kukösumŋan qahöwahiga bauköm nenjimapkö osimakzawi, miangöra mi qeapköyök. ¹⁹ Köna keunön ambazip aködamunini miwiknaibingö qahö bauköm nenjiyök. Qahö. Miangöra keu areŋ mutukni qeköba salupne jörömqöröm qetpuk sorok nenjiza. Nini jörömqöröm miangö qakne kinda ölop Anutugö kösutne anda köulukömakin.

²⁰ Anutunön jike nup galöm dölöknaŋgö keuŋi jiba mi jöjopaŋ keuŋan jim köhöiyök. Mewö ahökmö, jike nup galöm tosatni yengö keuŋini mi jöjopaŋ keunön qahö jim köhöigetka töndup mewö aket. ²¹ *Tosatŋan jike nup galöm öne aketmö, Anutunön Jisös kuŋguba keuŋi mi jöjopaŋ keuŋan jim köhöiba yanğöra kewö jiyök, “ ‘Gi mönö jike nup galöm aka nalö teteköni qahö mal öngöman.’ Kembunön keuŋi mi jöjopaŋ keuŋan jim köhöiba uruŋan mi qahö uteköma.”

²² Jöjopaŋ keu miangöra aka Jisösnön mönö jöhöjöhö areŋ dölöknaŋgö ölni asuhumapkö galömni akza. Mewö Anutu aka ambazip sutnine nup memba malja. Jöhöjöhö areŋ mianjön walŋi onjita qetpuk sorok akza.

²³ Jike nup galöm tosatni mi mönöwök gwötpuk malget. Kömumba nupŋini toroqeba membingö osigeri, miangöra mi mönö gwötpuk malget. ²⁴ Yenön gwötpuk malgetmö, Jisösnön nalö teteköni qahö mal öngömawi, miangöra jikegö galöm nup mi mönö teteköni qahö memba mal öngöma. ²⁵ Nup mi memba maljawangöra Jisösnön ambazip yanğoreŋ kagetka enɣuanɣiri Anutugö kösutne anakzei, mi ölop köhöiba amöt qem enɣii keuŋinan kömumakza. Nalö dop yanğöra aka Anutu köulukömak-ŋapköra maljawi, miangöra mönö ölop amöt qem nenjim tekömakza.

²⁶ Jike nup galöm bohonni mewöŋan mönö ölop dop köl nenjiza. Yanjön töröŋi köpösihitkö keuŋi qahö aka sarakni akza. Anutunön Jisös siŋgisöndök ambazip nenğoreŋök tirin kutuba waŋgiri Suep jakeni pakpak kutuba euyangöreŋ öngöba qainni kun akza. ²⁷ *Jike nup galöm tosatŋan sömaŋi sömaŋi mutuk nanŋini siŋgisöndökŋinaŋgöra aka miangö andöŋe könagesö yengö siŋgisöndökŋinaŋgöra aka sömbupnön jöwöwöl ohoba maljema. Jisösnön nanŋi silenŋi köleŋniga jöwöwöl ohoho ewö ak waŋgigetka mewö mianjön könagesö nenğö siŋgisöndökni mi indim mohot mianğoreŋök lök köl könjörari dop köl teköza. Miangöra Jisösnön mi jike nup galöm tosatni ewö nalö dop ahakŋapkö qahö osiza.

²⁸ Anutunön Köna keuŋi Moses waŋgiiga miangö dop ambazipnön azi mi kuŋgum enɣigetka jike nup galöm bohonni ahakze. Gölme azi yenön kukösumŋini qahö maljemö, Anutunön oyaenɣoyaen akingö keuŋi mi könaŋep nenjiba mi jöjopaŋ keuŋan jim köhöiyöhi, miangö dop Nahönni kuŋguiga bohonini akza. Bohonini yanjön mönö aködamunni körek pakpak lök miwiknaiba nalö teteköni qahö köhöikni mal öngöba malma. Mewö.

8

Jöhöjöhö areŋ dölöknaŋgö jike nup galöm bohonni

¹ *Keu jizini, miangö keu kötni bohonni mi kewö: Nini mönö jike nup galöm bohoninambuk akzin. Bohonini yanjön mönö Suep mire öngöba Öngöŋöŋamnini yanğö

* 7:17: Sum 110.4 * 7:21: Sum 110.4 * 7:27: Lew 9.7 * 8:1: Sum 110.1

jakömbuak dum tatat qöhöröñe böröñi ölnje tatza. ² Opo seri jike ölni mi Suepnöñ ahöza. Mi gölme azinöñ memenji qahöpmö, Kembunöñ nanñak mi meyök. Jike nup galöm bohonini yañön mönö opo seri jikegö olenji töröñi kötökñi miangören mala Anutu welenni qemangö nupñi memakza.

³ Gölmegö jike nup galöm bohonñi pakpak mi naluk kalem Anutugöra ala sömbupnöñ jöwöwöl ohoba malmegöra kuñgum engimakzin. Miangö dop jike nup galöm bohonini Jisösnöñ mewöñanök nanñi Anutugö nalukña al wañgiyök. ⁴ Mosesgö Köna keugö dop naluk kalem Anutugöra alakingöra azi lök kuñgum engigetka malje. Miangöra jike nup galöm bohonini mianñön gölmenöñ malbawak ewö, yañön mönö gölmegö jike nup galömñi akñamgö osibawak.

⁵ *Gölmegö jike nup galöm yeñön gölmegö jöwöwöl jikenöñ Anutu welenni qebingö nupñi memakze. Jike mianñön mönö Suep jike kömbukñangö söpsöpñi aka imutñi akza. Mosesnöñ jike kömbukñi opo serinöñ memangö ahöhi, nalö miangören Anutunöñ Suep jikeñangö arenji mi indelök. Indel teköba galöm meme keunji kewö jii mörök, “Mötnöñ, kundunje malnöñga aren kondel gihiali, yuai pakpak mönö miangö dop törörök wuatangöba memam.” Miangö dop opo serinöñ jöwöwöl jike meiga mianñön mönö Suep jikegö korembinji ahök. ⁶ Anutunöñ oyaenköyaen akingö jöhöjöhö keu dölökñi nenjiiga mianñön jöhöjöhö keu walñi ongita ölop sorokñi akza. Jöhöjöhö keu mianñön aren dölökñangö tandöñi akza. Jöhöjöhö aren dölökñi mianñön mönö aren walñi ongita qetbuñambuk akza. Qetbuña miangö dop Jisösnöñ jöhöjöhö aren dölökñangö nupñi ölop sorokñi mi buña qem anguba Anutu aka ambazip sutnine kinda bauköm nenjimakza. Nupñi mianñön mönö gölmegö jike nup memenji mi gwötpuk ongita aködamunñambuk akza.

⁷ Jöhöjöhö aren mutukñan keunji qahö aka dop kölbawak ewö, jöhöjöhö aren könañgeñan asuhumapköra öne qahö mamböt-pinak. ⁸ *Mewömö, ambazipnöñ töndup böligetka Anutunöñ könañini miwikñaiba jim engiba kewö jiyök, “Kembu nöñön kewö jizal: Mötket! Nalö kun kam kuñgumawi, miangören Israel kambu aka Juda kambu embuk jöhöjöhö aren dölökñi akñam.

⁹ Nöñön ambösakonurupñini böröñine memba Ijpt kantrinöhök enguangitpiga yaigep kagetka yembuk jöhöjöhö aren ahalmo, yeñön nöngö jöhöjöhö aren mi qahö qekötahöba tem kölget. Miangöra nöñön mewöñanök i andö enguyal. Kembu nöñön mewö jizal. Jöhöjöhö aren dölökñi akñami, mi Buña keu walñangö dop qahö.

¹⁰ Mewö qahöpmö, nalö mianñön kam kuñguiga Kembu nöñön mönö Israel könagesö yembuk jöhöjöhö aren dölökñi kewö aka jimam: Nöñön mönö nani Köna keuni pakpak mi yeñgö mötmötñine ala uruñine kimbi ewö ohobi ahöma. Mewö aka yeñgö Anutunñini akiga yeñön mönö nöngö könagesöni aka malme.

¹¹ Nalö miangören ketanji moröñi mi körekmakörek nöngö könani möt yaköba malme. Miangöra böhi kunöñ Kembugö könañi mötmegöra sutñine qahö kusum engiba malma. Datñan munñangöra kewö qahö jima, ‘Gi mönö Kembu möt yaköman.’

¹² Kewögöra ni möt yaköm niñgiba malme: Nöñön ahakmemenñini bölöñi mi sanjonnda mosötmam. Singisöndokñinañgöra mönö ölum nuñgui mi qahö toroqeba mötmörimam.”

¹³ Anutunöñ jöhöjöhögöra “Dölökñi” jiba mewö mianñön jöhöjöhö aren mutukñangöra “Mönö walñi ahök,” jiiga könañi mewö asuhuyök. Keu aren kunöñ nalö köröpñi ahöba walñi akzawi, mianñön mönö ayapkömangö dop akza. Mewö.

9

Gölmegö opo seri jikenöñ Anutu kewö möpöseiget:

¹ Anutunöñ jöhöjöhö aren mutukñi aka miangören mewöyök waikñi memba möpöseibingö arenji mi jim kutui wuatangöget. Mi wuatangöba gölmenöñ opo seri jike

* 8:5: Eks 25.40 * 8:8: Jer 31.31-34

megetka ahöyök. ^{2*} Anutugö opo seri jike kömbukñi mi kewö meget: Jike oleni mutukñi miangören lambegö dum tatatñi aka beret kömbukñi mi Anutugö jemesoholñe tebolnön buñaña alget tarök. Jike uruñi miangö qetñi mi jike oleni kömbukñi. ^{3*} Miangö andöñe jike uru qetñi jike oleni töröñi kötökñi mi ahöyök. Jike oleni yahöt mietkö sutñire opo sel kinök.

^{4*} Jike oleni töröñi kötökñi miangören jiniñ ohohogö altañi aka jöhöjöhö arengö bokisñi mi ahöyohot. Altañi mi goulñonñe memenñi aiga bokis silenñi mi körek goulñonñe turuturuñi ahök. Paura qetñi mana mi goul kumbutnönñe ala bokis miangö uruñe galöm kölget. Mewöyök Arongö öröpñi sötñi jujulñi aka Anutunönñe jöhöjöhö areñi kötnönñe ohoi ilanñi mi bokis miangö uruñe galöm kölget. Bokis uruñe yuai karöbut mi mewö ahöget. ^{5*} Bokis qakñe imut yahöt goulñonñe memenñi mi Anutunönñe dowe mali asakmararañangö söpsöpñi aka kinohot. Imut yahöt mi ginginñiri kötula bokis önunñi turuba kinohot. Bokis önunñi mi Anutugö köl köñjörat dumñi ahök. Keu mohot mohot mi nalö kewöñe nanñök nanñök törörök eraum mötpinañgö dop qahö.

^{6*} Anutugö opo seri jike kömbukñangö yuai pakpak mi mönö mewö arengögetka ahöiga jike nup galöm yeñonñe nalö dop jike oleni mutukñi miangören öngöba Anutu welennñi qeba nupñini memba malget. ^{7*} Mewö malgetmö, jike nup galöm bohonñi yañönök (yara) yambu dop indimñi mohot miangören jike oleni töröñi kötökñi miangören öngöba malök. Sep memba miangören öngöba nanñangöra aka könagesö yeñonñe gukmaulem qakñe siñgisöndok akeri, mönö miangöra aka jöwöwöl ohoba sepñi mokoï erök.

⁸ Mewö arengöba aketka Uña Töröñan söpsöp mi kondela mianñon ambazip kewö kusum nengiba malök: Jike oleni mutukñan toroqeba kinjawi, nalö miangören Anutunönñe jike oleni töröñi kötökñangö könañi mi aukñe qahö indeliga malget. ⁹ Keu mi nalö kewöñangö söpsöpñi akza. Könañi kewö: Ambazipnönñe kalemñi kalemñi naluk ala jöwöwöl memba kagetka ohomakzemö, uruñinan töndup luai miwikñaibingö osimakze. Uruñinan siñgisön-dok akerangöra aka tölöhoi jöwöwöl memba kaba Anutugö jike kömbukñe öngöba köulukömakzemö, mianñon mönö siñgisöndok-ñini köl köñjöratpingö osimakze.

¹⁰ Nene kalem aka o kalem memba kaba an köl kam köl aketka o melun könañi könañi mem engimakzemö, mewö silegö jimkutukutuñi miyök wuatangömakze. Yuai mi mutuk dop köli aka malgetmö, Anutugö areñ dölokñangö nalöñan kam kuñguiga miangörenök könahiba qahö toroqeba dop kölma. Mewö.

Kraistkö sepñangö könañi

¹¹ Kraistnönñe kaba oyaenköyaen nengimakzawangö jike nup galöm bohonñi ahöhi, yañön gölmegö opo seri jike kömbukñi azinönñe memenñi miangören qahö öngöyökmö, mönö Suepkö jike kömbukñe öngöyök. Jike kömbukñi mianñon öngöñgöñi akza. Aködamunñan mönö asakmararañambuk. ¹² Miangören öngöba uruñi mutukñi kutuba meme (noniñ) aka bulmakau moröñi miengö sepñini qahö memba anökmö, nanñi sepñi mokoïga mianñon nam köl wanñiiga Suepkö jike oleni töröñi kötökñi miangören öngöyök. Miangören nalö mohotkö dop öngöiga dop köl teköza. Sohopeniñi mewö memba oyaenköyaen akingö kondoriga nalö teteköñi qahö dop kölma ahöm öngöma.

^{13*} Mutuk meme (noniñ) aka bulmakau azinñi enguba sepñini memba kaba bulmakau ambi seramñi mianñon jöwöwöl ohoba miangö bupgahajöñi mewöyök memba kaba ambazip kölköl-jinñinambuk mianñon qewösahöba engömirigetka dop köl engiyök. Mewö amöt qem engigetka mianñon silenñini sanñonñe mem sarahim engii malget. ¹⁴ Mewö aket ewö, Kraistkö sepñan mönö amötqeqe tandök mi gwötpuk onñgita kewö ak nengimakza: Sepñan mönö urunini tölöhoi sanñonñe kömup köhöikñangö buña akingö ahakmemenini

* **9:2:** Eks 26.1-30; 25.23-40 * **9:3:** Eks 26.31-33 * **9:4:** Eks 30.1-6; 25.10-16; 16.33; Jan 17.8-10; Eks 25.16; Dut 10.3-5 * **9:5:** Eks 25.18-22 * **9:6:** Jan 18.2-6 * **9:7:** Lew 16.2-34 * **9:13:** Lew 16.15-16; Jan 19.9, 17-19

mi köl könjörarakza. Mewö ak neŋgiiga malmal Tonji Anutu welenji qebingö nupnji mi amqeba memba malbin. Uña Töröñan mala kota teteköñi qahö mal öngömawi, yañön mönö Kraist bauköm waŋgiiga köpösihitnji qahö malökmö, neŋgöra aka nanñi kölñ anquba Anutugö jöwöwöl lamanji ahök.

¹⁵ Könañi kewögöra Kraistnöñ jöhöjöhö arenj dölokñangö galöm bohonñi akza: Anutunöñ ambazip oyaenköyaen aka nalö teteköñi qahö mewö malbingö keu jöhöba enqoholöhi, mienön Anutugö Buñanji mi buña qem anqumegöra mötza. Miangöra Kraist aliga Anutu aka ambazip sutnine urumohot akingö nupnji memba malja. Jöhöjöhö arenj mutukñangö nalöñe ambazipnöñ köna onqita siŋgisöndok aketka mianön jöhöm enqii malgeri, Kraistnöñ i mienögöreñök pösat enqimangöra aka kömumba sohopñini meyök.

¹⁶ Kunñan öroyuainji pakpak malmalñi tekömawi, miangöreñ alañangö buñanji akñapkö jim kutui keu ahözawi, alañan buña mi zilañ qahö mema. Zilañ qahöpmö, keu toñan kömui könañan aukñe asuhui eketka miangöreñ mi ölop buña qema. ¹⁷ Jebuk maliga nalö miangöreñ keunji mianön ölnambuk qahö akñapmö, keu toñan kömuigun keunjan mönö kukñambuk akña. ¹⁸ Keu miangö dop jöhöjöhö arenj mutukñi mi mewöyök sep qahö öne ölnambuk qahö ahök.

¹⁹ *Ölnambuk kewö ahök: Mosesnöñ Köna keugö jöjöpñ keu pakpak mi könagesö körek yengöra oyoñdagun mönö bulmakau moröñi aka meme (noniñ) enquga sepninan erök. Eri mi memba obuk mindiriba lama jupñi pisikñi gugakgugak memba songorep suñe jöhöba sepnöñ kundumgöba qewösahöi Köna keu Kimbi lama silenje ohoba lipiñgögeri, mi miriyök. Mi miribagun könagesö pakpak sutñine liliköba sep onöñ kundumgöba giliga mianön qewösahöi enqömiriyök. ²⁰ Mewö enqömiriba kewö jiyök, “Anutunöñ keunji tem kölmegöra jim kutum enqiba embuk jöhöjöhö akzawi, mönö miangö sepnja ki.”

²¹ *Mewöñanök opo seri jike kömbukñi mi tok sepnöñ kundumgöba giliga mianön kundumgöba miriyök. Amötqeçe nup memegö aködamun yuainji pakpak mi mewöyök kundumgöba gili miriyök. ²² *Köna keunöñ jim kutuzawangö dop i me wai pakpak mi mönö sepnöñ sañgoñninga sarakñi ahakza. Kunöñ sep qahö mokoza ewö, Anutunöñ mönö siŋgisöndoknini qahö mosötma. Mewö.

Kraistkö sepnjan siŋgisöndoknini köl könjörarakza.

²³ Suep jike kömbukñangö söpsöp imutñi imutñi mi gölmenöñ jöwöwöl ohoho aka mewö mianön amöt enqusetka sarakñi aketka dop köljamö, Suepkö öroyuaigöra mi qahö dop kölja. Miangöra Kraistnöñ jöwöwöl ohoho qainñi kun aka mianön Suep jikegö öroyuainji pakpak mi mönö amöt enquga sarakñi aketka dop kölök. Jöwöwöl ohoho qainñi kun mianön mönö gölmegö jöwöwöl ohohoñi onqita aködamunñambuk akza. ²⁴ Miangö könañi kewö: Kraistnöñ jöwöwöl jike oleni töröñi kötökñi azinöñ memenji miangöreñ qahö öngöyök. Mi Anutugö jike ölnangö söpsöpñi miyök ahök. Kraistnöñ mönö Suep miri ölni miangöreñ öngöba nalö kewöñe bauköm neŋgimakñapköra jitñememenini aka Anutugö jemesoholñe asuhumakza.

²⁵ Jike nup galöm bohonñan yambu (yara) dop sömbup sepnini memba jöwöwöl jike oleni töröñi kötökñi miangöreñ öngöba malök. Kraistnöñ miangö dop qahö ahakza. Yañön Suep mire indimñi gwötpuk qahö öngöyök. Anutugö jöwöwöl lamanji aiga yambu (yara) dop qemakñegöra aka eu qahö öngöyök.

²⁶ Indimñi mohotñan qahö dop kölbawak ewö, yañön mönö Anutunöñ Suep gölme miwikñaim etkiyöhi, nalö miangöreñök könahiba sihimbölöñi bölöñi möri indimñi sehisehiñi akawak. Mewö qahöpmö, gölmegö nalöñan tekömangö aiga nalö kewöñe indim mohot miyök siŋgisöndok köl könjöratmapköra aka asuhuyök. Asuhuba nanñi jöwöwöl ohoho ewö ak waŋgimegöra al anquyök. ²⁷ Gölme ambazip neŋgö arenñini kewö ahöza: Nini nalö kunöñ kömumbin aka miangö andöñe Anutunöñ keunini kewöta jim teköm neŋgima.

* 9:19: Eks 24.6-8 * 9:21: Lew 8.15 * 9:22: Lew 17.11

²⁸*Aren mianğö dop Kraistnöj mewöñanök ambazip sehisehiñi nenğö siñgisöndoknini köl könjöratmapköra indim mohotkö dop kaba nanñi jöwöwöl ohoho ewö ak wanğimegöra al anğuyök. Yanñon nalö kunöñ lilingöba kama. Siñgisöndököra aka kunbuk qahö kamapmö, ambazip asuhumapkö mambörakzini, mönö nini oyaenkyoaen nenğiba nenğuanğitmapköra aka asuhuma. Mewö.

10

Indim mohot kömupnöj al anğui dop köl teköza.

¹Köna keu walñi mianñon oyaenkyoaen akingö könañi ölni qahö akzapmö, oyaenkyoaen asuhumawanğö imutimutñi miyök ahöza. Köna keugö könañi mewö ahözawanğöra aka ambazip Anutu möpöseibingöra jike kömbukñe nalö dop öngömakzei, yeñon mönö letota aködamunñinambuk akingö osimakze. Yeñon nalö teteköñi qahö naluk kalem wanğita ala jöwöwöl ohoho miyök yambu (yara) dop toroqeba aka malgetmö, mianñon qahö dop kölök. ²Mianñon dop kölbawak ewö, jöwöwöl ohoho mi ölop mosötpeak. Jike kömbukñe Anutu waikñi memba möpöseigeri, yeñon indim mohot amöt enğuetka sarakñi ak teköbeak, mewö mönö siñgisön-dokñinanğö gamuñi mi qahö toroqeba mötpeakmö, mi toroqeba mötket. Mianğöra sömbup kalem mi toroqeba nalukñina almalget.

³Yambu (yara) dop jöwöwöl ohoba malgeri, mianñon mönö toroqeba siñgisöndokñinanğö gamuñi mi jim gulim enğii malget. ⁴Bulmakau aziñi aka meme (noniñ) yeñgö sepñinan mönö siñgisöndok köl könjöratmapkö osiza. Mi esapkögetmö, qaköba mala kotket.

⁵*Mianğöra Kraistnöj gölmenöñ eta asuhuyöhi, nalö mianğöreñ kewö jiyök, “Anutu, göñon naluk kalemğöra aka jöwöwöl ohome-göra qahö köpösöngöba malnöñmö, gölmenöñ malmalgö silenji mi mözözömgöba niñginöñ.

⁶Jöwöwöl ohoba siñgisöndokñinanğöra aka naluk kalemñi kalemñi ala malgeri, mi eka mianğöra qahö söñgaiba malnöñ.

⁷Nalö mianğöreñ kewö jial, ‘Anutu, mötnöñ, nöñon ki kazal. Nöñgö könani mi papia lipiñlipiñi mianğöreñ ohogetka ahöza. Mianğö dop mönö göhö sihingahö dop aka memba malmam.’”

⁸Mutuk kewö jiyök, “Naluk kalem ala jöwöwöl ohoba siñgisöndokñinan solanimapköra yuai könañi könañi aka malgeri, mianğöra mönö sihingan qahö asuhui möta malnöñ. Mi eka mianğöra qahö söñgaiba malnöñ.” Yuai mi Köna keu walñanğö dop toroqeba ahakzemö, mi töndup mewö jiyök. ⁹Mianğö andöñe keu kewö jiyök, “Anutu mötnöñ, nöñon mönö ki kaba göhö jitsihitkahö dop aka memba malmam.” Mewö jiba Anutu waikñi memba möpöseibingö könañi mutukñi mi qeapköba köna dölökñi kuñguyök. ¹⁰Anutugö jitsihitñan nam köl wanğiiğa silenjan jöwöwöl ohoho ewö aket teköi mianğöra mönö tök kutum nenğii sarakñi ak teközin. Indim mohotkö dop silenji köleñniga mianñon nalö dop mönö söp köla ahöm öngöma.

¹¹*Nalöñi nalöñi jike nup galöm pakpak mienñon kinda jike nupñini memakze. Sundan dop jöwöwöl ohoho miyöhök dumñe kunbuk ahakzemö, mienñon siñgisöndokñini köl könjöratpingö osimakze. ¹²*Mienñon osimakzemö, Suepkö jike nup galöm bohonñan mönö indim mohotkö dop siñgisöndököra aka silenji köleñniga nalö teteköñi qahö dop köla ahöm öngöma. Jöwöwöl ohoho ewö ak wanğigetka Suep jikenöñ öngöba Anutugö böröñi ölñe tatza. ¹³Mianğöreñ tata nalö sutñi kianğöreñ Anutunöñ tuarenjoñurupñi tötali et enğuiğa Kraist könañanğö döpnji* aketka köirañ kölbingö mamböta malja. ¹⁴Indim mohotkö dop kömupnöj al anğui jöwöwöl ohoho ewö ak wanğigetka mianñon dop köl teköi

* 9:28: Ais 53.12 * 10:5: Sum 40.6-8 * 10:11: Eks 29.38 * 10:12: Sum 110.1 * 10:13: Kerökurupñi memba et al enğiba luhut ala gamu qem enğibingöra könañinan tuapköba qakñine döpn ewö tölanjiba malget. Juda yeñgöreñ köna mewö.

ölöp ambazip tök kutum neŋgii sarakŋi akingö dop akzin. Mewö ölöp mem letot neŋgiiga aködamunini pakpak miwikŋaiba nalö teteköŋi qahö mewö mal öngöbin.

¹⁵ Uŋa Töröŋan mewöyök keu mi naŋgöba jiiga mötzin. Mutuk keu kewö jii ahöza:

¹⁶ **“Kembu nöŋön kewö jizal: Nalö tosatŋan tekögetka miangöreŋ mönö jöhöjöhö aren yembuk akŋami, mi kewö: Nöŋön Köna keuni pakpak mi mönö uru könömŋine ala mötmötŋine kimbi ewö ohomam.”*

¹⁷ *Mewö jiba kewö toroqeyök, “Nöŋön mönö yeŋgö siŋgisöndok-ŋini aka ahakmemeŋini iwilelebuk akeri, miangöra ölum nuŋgui mi qahö toroqeba mötmöriba malmam.” ¹⁸ Keu miangö dop Anutunöŋ mi mosöri keuninan kömuyöhi, siŋgisöndok miengöra jöwöwöl ohobinaŋgö dop qahö akzin. Mewö.

Anutubuk kapan köla malbingöra neŋgoholök.

¹⁹ Miangöra urumelen alaurupnini, Jisösgö sepŋan saŋgoŋ neŋgiiga mönö ölöp Anutugö jike oleni töröŋi kötökŋi miangöreŋ öngöbin. Mewö möt narim köhöiba uruyahöt qahö ahakzin. ²⁰ Jisösnöŋ köna anangö köna dölökŋi mesariga nanŋak malmal köhöikŋaŋgö könaŋi ak neŋgiza. Köna mi nanŋi silenŋi kölenŋa mewö mianŋön mesari ahöza. Köna mi tiba Anutugö jikenangö opo selŋi kutuba jike oleni töröŋi kötökŋi miangöreŋ öngöbin. Jisösgö silenŋan nam köl neŋgiiga opo selŋi mi ölöp kutubin. ²¹ Jisösnöŋ jike nup galöm öngöŋöŋi ak neŋgimakza. Yaŋön Anutugö könagesöŋi pakpak galöm köl neŋgiba malja.

²² *Mewö maljawaŋgöra neŋön mönö geŋmoŋ mosöta uruyahöt körek yaköriba pöndaŋök mötnarip qakŋe kinda Anutugö kösutŋe anda köuluköba malbin. Sepŋan qewösahöi neŋgömiriba uru tölöhopnini saŋgoŋniga sarakŋi aka malbin. Uruninan qahö toroqeba jim neŋgiiga mönö awösamkakak malbin. O sarakŋi ariinga mem tuarim neŋgiiga mewö mönö Anutubuk qekötahöba malbin. ²³ Anutunöŋ oyaenŋoyaen akingö keu jöhöba neŋgiyöhi, yaŋön mönö keuŋi pöndaŋ wuatangöba nembuk kinja. Mewö kinjawaŋgöra aka mewö akingö mamböta jörömŋörömŋi jim miwikŋaimakzin. Miangöreŋ mönö koŋwarak mosöta zeŋ kin köhöiba malbin. ²⁴ Urukalem aka ahakmeme ölöpŋi akingöra mönö uru kuŋgum aka naŋgöm aŋguba malbin. Mewö malbingöra mönö pöndaŋ galöm mem aŋguba malbin. ²⁵ Tosatŋan nanŋini urumelen könagesögö totokoŋini mosörakzei, neŋön mönö silik miangö dop kude aka malbin. Mewö qahöpmö, Kembu kamawaŋgö aiwesökŋi eka nalöŋan dopdowimapkö mötzini, miangö dop mönö kapan köla köhöiba uru kuŋgum aŋguba malbin.

²⁶ Buŋa keu öŋi mötagun nanini imbi-imbi qakŋe siŋgisöndok laŋ akin ewö, siŋgisöndoknini miangöra mönö naluk jöwöwöl kun albingö osibin. Jöwöwöl ohoho kun mi qahö bauköm neŋgima. ²⁷ *Mi qahö bauköm neŋgimapmö, Anutunöŋ keunini mi jim teköba likepŋi meŋeŋni qakŋine öngömapkö mamböriŋa jönömninan undui keŋgötnini möta malbin. Anutugö könöpŋan tuarenŋoŋ-urupŋi eŋgohomawi, miangö kukŋi miyök asuhumapköra mönö mamböta malbin. ²⁸ *Kunŋan Mosesgö Köna keu andö qezawi, i mönö keu jakeŋe algetka yahöt karöbutŋan keuŋi naŋgöba jigetka keuŋambuk akŋa ewö, i mönö kude ak kömum waŋgigetka kömupkö buŋaya akŋa.

²⁹ *Mewö akŋapmö, ambazip kun kewöŋaŋgö keuŋaŋgöra mönö denöwö mötmörize? Kunöŋ Anutu Nahönŋaŋgö keuŋi könaŋan tökötahöba gilakza. Jöhöjöhö aren dölökŋaŋgö sepŋan lök tök kutum waŋgii sarakŋi ahökmö, sep mi yuai omaŋi ewö memba et alakza aka kalem möriam Toŋi Uŋa Töröŋi mi ilita mepaqepaik ak waŋgimakza. Kunŋan mewö aiga Anutunöŋ keuŋi kewöta likepŋi dawikö dop waŋgii dop kölbawak? Köna keu qetala kömupkö buŋaya akingö dop akzinmö, Anutunöŋ ambazip mewöŋaŋgö likepŋi mi mönö könöpuk ak waŋgii qakŋe öngöi sihimbölö önöŋi qahö möta malma. Wani sihimbölönöŋ mönö dop köl waŋgibawak? Yaŋgö könaŋaŋgöra mönö denöwö mötmörize?

* **10:16:** Jer 31.33 * **10:17:** Jer 31.34 * **10:22:** Lew 8.30; Eze 36.25 * **10:27:** Ais 26.11 * **10:28:** Dut 17.6; 19.15 * **10:29:** Eks 24.8

³⁰ *Keu kun kewö ahöza, “Jinöñ jibi, nunğunöñ guhubi, aknöñ aki mi nöñgö nuwa. Nöñön mönö ambazip keunjanğö likepñi melenmam.” Toroqeba keu kun kewö jii ahöza, “Kembunöñ könagesourupñi engö keunini kewöta jim teköma.” Kun danön mewö jiyöhi, neñön i möt wañgizin. ³¹ Anutu malmal Tonanğö jeñe kinda et neñgui böröñan neñgumawi, mianön mönö kanjamñambuk kötökñi akña. Mewö.

³² Löwöribepuköra kewö jizal: Anutugö asakñan kaiga buña qem anğuba asarigeri, mönö nalö mutukñi mi mötmöriba malme. Nalö mianğöreñ mötnaripkö bim qeba sihimbölö gwötpuk miwikñaiba mi töndup aum-möriba aonğit aka kin köhöiget. Mi mönö kude ölüm enguma. ³³ Nalö tosatñe gamu qem engiget könjiliñ mötketka qen-jaröknöñ engehiba malget. Nalö tosatñe alaurupñini tandök mewöyök ak engigetka yeñgö qöhöröñine kinget. ³⁴ Tosatñi kösö mire alget tatkeri, mönö i engeka sihimbölöñini mo-hotñe möta malget. Sukinapñini kiom qeba megeri, mi mönö sösongai qakñe möt anğön köla malget. Suepkö ainemaluku qainñi kun qahö ayapkömawi, mi ahöm engizawanğö möta mianğöra urukölalep möta malget.

³⁵ Mianğöra awösamkakakñini mönö nalö kewöñe kude gila mosötme. Mi kude mosötetka Anutunöñ mönö mianğö töwanñi ketanñi engima. ³⁶ Anutunöñ yuai engimapkö keu jöhöi ahözawi, enön mi buña qem anğumegöra kinje. Mianğöra Anutugö jitsihitñi wuatangöba lömböt möta mökösongda kapan köla malme ewö, Suepkö buñanñi mianön mönö engö buña akña. ³⁷ *Kewögöra mönö kin köhöiba malme: Nalö töröptökñi miyök mönö toroqeba mamböringa “Kunbuk kamawanön mönö kam kuñguma. Nalöñi qahö qem körii öngömappmö, nalöñanğö dop törörök kama.

³⁸ Törörök kamappmö, nöñgö alanan ahakmeme diñdiñi wuatangömakzawi, yanğö mötnaripñan mönö nam köl wañgii mal köhöim öngöma. Kunbuk elennda mötnaripñi mosötma ewö, mi qahö dop köli urunan mönö yanğöra qahö songaima.”

³⁹ Keu mewö ahözappmö, neñön ambazip urunini kunbuk elennda mötnaripñini mosöta könöp siagö buñaya akñei, mönö yeñgö kambunöñ qahö kinjin. Mewö qahöpmö, mötnaripñini mi mönö galöm kölinga Anutunöñ amöt qem neñgii mala Suep mire öngöbinanğö dop akzin. Mewö.

11

Ambazip mötnaripköra aka yuai kewö asuhuyök:

¹ Mötnaripkö könanñi kewö: Yuaigö jörömqöröm akzini, mi asuhumapköra mönö köhöiba uruyahötñi qahö möt narizin. Yuai qahö ehəkñi mianğö dop aka memba öññi ekingö mamböta awösamkakak kinjin. ² Möpñanğö möpñeyök könahiba ambazip mötnaripñinan nam köl enğiiga urunini melengetka Anutunöñ engehi dop köliga jim ölöwak enğiiga malget.

³ *Mötnaripñinan nam köl neñğiiga yuai pakpakö könanñi kewö möt asarimakzin: Anutunöñ keunñi jim kutuba mianön Suep gölmegö öröyuanñi pakpak miwikñaiyök. Mianğöra nalö kewöñe yuai ehakzini, mi yuai ehəkñi mianğöreñök qahö letota asuhuyök.

Abel, Enok, Noa yeñgö mötnaripñini

⁴ *Kein (Kain) Abel yetkön Anutugöra jöwöwöl ohoyohotka Abelnöñ urunñi melenñiga mötnaripñan nam köl wañgii törörök tem köliga köwakñan diñdiñi öngöyök. Mewö öngöiga Anutunöñ jöwöwölñi ehi dop köli jim ölöwahök. Jim ölöwaka Abelnöñ solanñi ahöhi, Anutunöñ keunñi mi nanğöba jiiga mötnaripñan nam köl wañgii mörök. Mewö möta mala kömuyökmö, mi töndup nalö kewöñe ahakmemeñi möringa keu mianön mönö toroqeba urunini kuñguba nanğöm neñgimakza.

⁵ *Azi qetñi Enok yanön mönöwök urunñi melenñiga Anutunöñ keunñi nanğöba jim ölöwahiga möta yanğö jeñe dop köla malök. Mewö mala mali mötnaripñan Anutu nam

* **10:30:** Dut 32.35, 36 * **10:37:** Hab 2.3-4 * **11:3:** Jen 1.1; Sum 33.6, 9; Jon 1.3 * **11:4:** Jen 4.3-10 * **11:5:** Jen 5.21-24

köl wanjiiga wanjiri jebuk öngöyök. “Anutunöŋ wanjiri öngöiga toroqeba miwik-ŋaibingö osiget.” Buŋa Kimbi mianğö dop Enok mötnaripŋan aŋgön köl wanjiiga qahö kömuyök. ⁶ Uruŋi Anutugöreŋ melenjawanön mönö keu kewö möt narima: Anutunöŋ malja aka Anutunöŋ ambazip yangö jeŋe dop kölbingö jaruzei, mi töwa qem engima. Keu yahöt mi möt nariba ölop Anutugö kösutŋe kamapmö, qahö möt narim wanjiba öne yangö jeŋe dop kölbingöra mönö osibin.

⁷ *Anutunöŋ Noagöra yuai asuhumapkö galöm meme keuŋi indelök. Indeli Noanöŋ möt asariba sömbuŋi qainŋi kun möta ölni qahö ehiga mötnaripŋan nam köl wanjiiga tem köla wanje meyök. Anutunöŋ nanŋi aka saiwaurupŋi aŋgön köl engimapköra möta wanje mi meyök. Noa mötnaripŋan nam köl wanjiiga wanje meyöhi, ahakmeme mianön mönö gölme ambazip könaŋamŋini gonŋonŋi indeli Anutunöŋ keuŋini jim teköiga ayuhuget. Uruŋini qahö melenja ayuhugetmö, Noagö mötnaripŋan nam köl wanjiiga Anutugö jeŋe solanŋi akingö kalemŋi mi buŋa qem aŋguyök. Ambazip Anutu möt narim wanjiinga keunini jim teköi solanimakzini, Noanöŋ mönö mianğö dop solanŋi ahök. Mewö.

Abraham Sara yetkö mötnaripŋiri

⁸ *Anutunöŋ Abraham gölme yangö buŋa akŋapkö jiyöhi, mönö mianğöreŋ anmapkö oholök. Oholi mötnaripŋan nam köl wanjiiga keu mi tem kölok. Denikeaŋgöreŋ anda aŋgotpawak mi qahö mörökmö, mi töndup nanŋi gölmeŋi mosöta anök.

⁹ *Anda Anutunöŋ gölme yangö buŋa akŋapkö jim jöhöi ahöyöhi, mönö mianğöreŋ aŋgorök. Aŋgota kian aka ambazip ahakmemenŋini qahö mörökmö, mötnaripŋan nam köl wanjiyö-haŋgöra mönö töndup opo koumŋi kuŋguba ali mianğöreŋ ahöba malget. Isimoröŋi Aisak Jeikob yetköŋ mewöyök Anutunöŋ gölme engimapkö jöhöjöhö keuŋi miyök buŋa qem aŋguba gölme mianğöreŋ toroqeba opo koumŋini kuŋguba ala ahöba malget. ¹⁰ Suep siti tandöŋan qahö gisahömawi, Abrahamnöŋ mi ekŋamgö mamböta malök. Anutunöŋ siti mianğö arenŋi ala imutŋi memba miri tandöŋini esiba meiga pöwöwöm köhöikŋi ahöm öngömawi, mönö mianğöreŋ aŋgotmamgö al mamböta opo koumnöŋ malök.

¹¹ *Mewö mala lök azi namŋi aiga mötnaripŋan nam köl wanjiiga köhöiba iwi ahök. Abrahamgö anömŋi Sara yanön köpin malökmö, mi töndup gölöm ala morö meyök. Anutunöŋ Abrahamgö könagesöŋi ketanŋi akŋapkö keu jöhöm wanjiyöhi, yangöra aka keuŋan ölnambuk akŋapkö möt nariba malök. Mötnaripŋi mianön mönö nam köl wanjiiga nahönŋa asuhui ehök. ¹² *Azi mohot mianğö mötnaripŋan nam köl wanjiiga lök kömukömugö dop ahökmö, mi töndup yangöreŋök könagesö keta bölökŋi asuhuget. Senġelau suepnöŋ asarigetka jaŋgöŋini oyonbingö osizini, me sak köwet jitŋe ahözei, gwölönarökurupŋan mönö mianğö dop sehiba asuhuget.

Ambazip kewöŋan Suep mirigöra awöweŋgöba malget:

¹³ *Ambazip kösohotŋini lök jizini, mi körek uruŋini melenja Anutu möt narim wanjiba mala kömuget. Anutunöŋ gölme engimapkö keu jöhöm engi malgetmö, gölme mianğöreŋ qahö aŋgotket. Mewö qahöpmö, gölmeŋini mi köröwen kinda uba eka waikŋi memba söŋgaiget. Eka öne söŋgaiba kewö jim miwikŋaiba jiget, “Gölmenöŋ mönö kiana aka qandak maljin.” ¹⁴ Ambazip nanŋine miri gölmeŋine aŋgotpingö jaram timakzei, yeŋön mönö keu mewö jimakze. ¹⁵ Gölme mosötkeri, mianğö mötmöriba keuŋi jibeak ewö, yeŋön mönö ölop lilingöba mianğöreŋ angetka uruŋinan teköbawak.

¹⁶ Mönö ölop lilingöbeakmö, yeŋön mianğöra qahö mötmöriba malget. Mianğöra qahöpmö, kantri qainŋi kun Suepnöŋ ahözawi, mönö mianğöreŋ aŋgotpingö awöweŋgöba

* **11:7:** Jen 6.13-22 * **11:8:** Jen 12.1-5 * **11:9:** Jen 35.27 * **11:11:** Jen 18.11-14; 21.2 * **11:12:** Jen 15.5; 22.17; 32.12 * **11:13:** Jen 23.4; 1 Hist 29.15; Sum 39.12

malget. Anutunöŋ yeŋgöra siti kun meiga ahözawi, miangöra qetŋi “Nanine Anutu!” qetketka mi möta söŋgaiba yeŋgöra aka gamu kun qahö mörakza.

Abraham, Aisak, Jeikob, Josefyeŋgö mötnariŋŋini

17 *Anutunöŋ Abraham esapesapnöŋ al waŋgiiga mötnariŋŋan nam köl waŋgiiga Aisak Anutu kalema waŋgiyök. Anutunöŋ Aisaköra gölme waŋgimamgö jüiga Abrahamnöŋ jöhöjöhö keu mi buŋa qem aŋguyökmö, töndup nahönŋi mohok-kun mi mosöta miangön jöwöwöl ohomamgö ahök. 18 *Anutunöŋ Abrahamgöra keu kewö jii mörök, “Aisaknöŋ mönö gwölönarökurupki nam köl eŋgiiga asuhuba göhö qetki bisiba malme.” Keu mi mörökmö, töndup nahönŋi altanöŋ ala mosörök. 19 Mosöta kewö kewöta mötmöriyök, “Kömumapmö, Anutunöŋ ölop köhöiba mem gulii kömupnöhök wahötma.” Söpsöp keu mewö jiyöhi, miangö dop nahönŋan dumŋe kunbuk kömupnöhök ewö wahöri waŋgirök.

20 *Mötnariŋŋan Aisak nam köl waŋgiiga nahönyahötŋi Jeikob aka Iso (Esau) mi kötuetköm etkiyök. Anutugö kötümötuetŋi miangön mönö nalö könangepŋe mewöyök dop köl etkii qakŋire öŋgömakŋapköra köuluköyök.

21 *Jeikobnöŋ kömumamgö ahöhi, nalö miangören mötnariŋŋan nam köl waŋgiiga nahönŋi Josefgö nahönyahötŋi yahöt mi kötuetköm etkiba öröpŋangö kitipŋe nariba Anutu waikŋi memba möpöseyök.

22 *Josefgö kömupŋan dopdowiyöhi, nalö miangören möt-nariŋŋan nam köl waŋgiiga Israel könagesö Ijpt mosöta kageri, miangö kösohotŋi mi jim guliba jiyök. Mewö jiba könangep qamötŋi denike löm kölmegö keuŋi mi jim kutum eŋgiyök. Mewö.

Mosesgö mötnariŋŋi

23 *Mötnariŋŋiran Mosesgö iwinamŋi nam köl etkiiga Mosesnöŋ asuhuyöhi, i nalö miangörenök könahiba köiŋ karöbutkö dop asambörohot. Morö mi eksihimŋambuk tandökŋi kun ahöhi, mi eka kiŋ kembugö jimkutukutuŋi öŋgitpitpuköra keŋgötŋiri qahö möta moröŋiri asamböta galöm kölohot.

24 *Mosesnöŋ qariiga qetŋi farao kiŋ börtangö nahönŋi qetketka mötnariŋŋan nam köl waŋgiiga qet mi bisimamgö tököba farao kiŋgö miriŋi mosöta angaiyök. 25 Ölop toroqeba Ijpt yembuk siŋgisöndökö sösongaini miwikŋaiba mi nalö töröpŋi laŋ söŋgaibawakmö, malmalŋi mi andö qeyök. Mi andö qeba Anutugö urumelen könagesö yembuk toroqei kahasililiŋ ak eŋigetka mi mohotŋe möta aum-möribingö möri öŋgöŋgöŋi ahök. 26 Anutunöŋ töwa waŋgimapkören göröken uba kin köhöiyök. Miangöra Ijpt yeŋön guli dötnamŋinambuk aka siyonŋsayoŋi qahö malgeri, miangö möri yuai eretŋi ahök. Miangön yuai eretŋi aiga andö qeba Amötqeqe Tonambuk toroqeiga yangöra aka mepaqepaik ak waŋgiba malgetmö, mi möri töndup ölni aka öŋgöŋgöŋi ahök.

27 Mötnariŋŋan Moses nam köl waŋgiiga Ijpt kiŋ kembuŋinangö irimŋi seholibapuköra keŋgötŋi qahö möta kantriŋi mosöta kayök. Anutu ehəkŋi qahö mi ehəkö tandök mötmörim waŋgiba malöhi, miangöra mönö kapaŋ köla kin köhöiyök. 28 *Mötnariŋŋan nam köl waŋgiiga ak-kömukömu kendon* ala miangö areni jim kutum eŋgiiga söŋgaiba tatket. Kömupkö garatanöŋ Ijpt uruŋe nahönŋini mutukŋi eŋgugetka Israel yeŋgö nahönurupŋinan kömumbepuköra mönö jim kutum eŋgiiga nanuŋine sep miriget.

29 *Mötnariŋŋinan Israel ambazip nam köl eŋgiiga Köwet Pisikŋi mi gölme örönŋe anangö dop kutuba kaget. Ijpt yarö azi yeŋön mi kutubingö esapkögetmö, mönö onöŋ nemulahöba ayuhuget.

* 11:17: Jen 22.1-14 * 11:18: Jen 21.12 * 11:20: Jen 27.27-29, 39-40 * 11:21: Jen 47.31-48.20 * 11:22: Jen 50.24-25; Eks 13.19 * 11:23: Eks 2.2; 1.22 * 11:24: Eks 2.10-12 * 11:28: Eks 12.21-30 * 11:28: Anutugö garatanöŋ Israel ambazip eŋgehoriŋa eŋgöŋgöŋi, miangö kendonŋi mi nanine keunöŋ ak-kömukömu kendon jüiga Nei keunöŋ Pasowa jize. * 11:29: Eks 14.21-31

Rahab aka mötnaripkö ambazip ipñi tosatñi

³⁰ *Mötnaripñinan Israel könagesö nam köl enjiiga Jeriko taonöñ kaba kiripo selñi silim 7:gö dop liliköba mohotñe anda kagetka kiripo selñi selñi köhöikñan mönö gororongöba etket. ³¹ *Mötnaripñan köna ketañi ambi Rahab nam köl wanjiiga kewö aiga Anutunöñ ehoriyök: Israel jitñememe yetkön gölme ek miwikñaibitköra ölon kayohotka ala aka köl öröm etkiyök. Anutunöñ mi eka könanjep yangisen ambazip enjui ayuhugetka Rahab ehorii yembuk mohotñe qahö kömuyök. Mewö.

³² *Wani keuya kunbuk toroqeba jibilenjak? Gideon, Barak, Samson, Jefta, Deiwid, Samuel aka kezapqetok ambazip tosatñi yengö kösohotñini toroqeba jibilenjak ewö, nöngö nalönan mönö qahö dop kölbawak. ³³ *Mötnaripñinan tosatñi nam köl enjiiga jakömbuak tohoñi tohoñi tulumgöba memba ambazip mindingöm engigetka ahakmeme diñdiñi wuatangöba malget. Anutunöñ yuai nengimapkö keu jöhöi ahözawi, gwötpukñan keu miangö dop köuluköba möt narigetka öñi asuhui meget. Tosatñan laion sömbup sutñine köuluköba möt narigetka Anutunöñ laion numbuñini jöhöyök.

³⁴ *Tosatñan könöp bölam uruñe köuluköba möt narigetka Anutunöñ könöp ösumñi qömbököiga qahö engohoyök. Tosatñi bimgö sou ketañi mianön engubingö aketka Anutunöñ yengö souñini jitñi jöhöiga kök alget. Gwötpukñan lölöwöröñi aka köuluköba möt narigetka Anutunöñ ösum enjiiga köhöiget. Tosatñan bim qeba köuluköba möt narigetka Anutunöñ kuk enjiiga suahö köhöikñi aket. Kian yengö yarö kambuñinan kagetka tosatñan köuluköba möt nariba mewö mönö enjuatangögetka unjurata anget.

³⁵ *Ambi tosatñan kitipñinan kömui köuluköba möt narigetka Anutunöñ mem gulim wanji kömupnöhök wahöriga kunbuk toroqeba aitonjöget. Ambazip tosatñan kömup andöñe oyaenköyaen öngöngöñi miwikñaibingöra möta kapan köla kinget. Mewö kingetka ihileknöñ enguba kahasililin könañi könañi ak engiba kewö jii mötket, “Anutu qañ kölnönga zilañ pösat gihibin.” Mewö jii mötketmö, yeñon mi tökögetka toroqeba janğauranga mem engiba malget. ³⁶ *Tosatñan Anutu möt narigetka mepaqepaik aka ihilek wahinambuknöñ enjugetka sihimbölo könañi könañi miwikñaiba malget. Toroqeba tosatñi gwaröhöba köso miriñi miriñi miangöreñ al engiget malget.

³⁷ *Tosatñi kötnöñ enjugetka kömuget. Tosatñi segenöñ mitim engigetka yahöt aket. Tosatñi bimgö sou ketañi mianön enjugetka kömuget. Tosatñan lama silenji aka meme (noniñ) silenji mianön opo ewö löngöta lañ anda liliköget. Mewö wanapñi töhön aketka sesewerowero aka kahasililin lañ mem engigetka malget. ³⁸ Suepkö aködamunñinambuk aka gölmegö ahakmeme bölöñañ-göra mötketka qahö dop köl enjiiga miangöreñ qahö toroqet. Qahö toroqeba lañ liliköba gölme qararankölkölñe anda kaba kundunji kundunji öngöba eta banjet me gölme titingit uruñe ahöba malget. Mewö.

³⁹ Ambazip kösohotñini jizali, körek mi mötnaripñinan nam köl enjiiga uruñini melengetka Anutunöñ engehi dop köliga jim ölöwak enjiiga malget. Mewö malgetmö, mi töndup Anutunöñ oyaenköyaen qainñi kun nengimapkö keu jöhöi ahözawi, miangöreñ yengöreñök kunöñ kun mönö qahö anğorök. Qahö! ⁴⁰ Anutunöñ i nanninök qahöpmö, mönö nembuk mohotñe aködamuninambuk ak teköbingöra mötza. Mewö möta miangöra oyaenköyaen qainñi kun nengii miwikñaibingö keu areñi ali ahöza. Mewö.

12

Anutunöñ iwi aka mindingöm nengimakza.

* **11:30:** Jos 6.12-21 * **11:31:** Jos 2.1-21; 6.22-25 * **11:32:** Kemb 6.11-8.32; 4.6-5.31; 13.2-16.31; 11.1-12.7; 1 Sml 16.1; 1 Kinj 2.11; 1 Sml 1.1-25.1 * **11:33:** Dan 6.1-27 * **11:34:** Dan 3.1-30 * **11:35:** 1 Kinj 17.17-24; 2 Kinj 4.25-37 * **11:36:** 1 Kinj 22.26-27; 2 Hist 18.25-26; Jer 20.2; 37.15; 38.6 * **11:37:** 2 Hist 24.21

¹ Ambazip kambu keta bölökñi mewöñan mötnaripkö könañi nañgöba jiba kousu ewö liliköm neñgiba kinjei, mi mötzin. Mianğöra neñön mewöñanök mönö lömbötnini pakpak aka siñgisöndok awamñanök köpeim neñgimakzawi, mi gilin anma. Anutunöñ nini mötnaripkö bimñi qeba Satan luhut al wañgibingö areñi ali ahöza. Mianğöra malmal sutñi ki malagun kömumbini, sutñi mi mönö aonjit tandök kapañ köla bim qeba ösumninan anbin. ² Jisösnöñ mötnaripnini mem letori ahui mem qarui köhöiba aködamunñambuk ahakzawi, Tonji mi mönö jeninan uba törörök ehakin. Yañön ölop toroqeba Suep mire mala söñgaibawakmö, mi mosöta eta mianğö salupñe sihimbölö mörök. Maripomnöñ kegwek-kahasililiñ ewö kömumamgö gamu möta qahö tököyökmö, mi qenjaröknöñ möta mökösoñda kömuyök. Kömumba Anutugö jakömbuak dum tatatnöñ öngöba böröñi öljne tatza.

³ Siñgisöndok ambazip yeñön mewö tuarenjoñ ak wañgigetka sihimbölö möröhi, eñön mönö i mötmöriba malme. Sörauba löwöriba urueret aka kinda mötnaripñini aka jörömqörömñini mosötpepuköra mönö mewö ahakñe. ⁴ Siñgisöndok akinbuköra aum-möriba bim qeba malgetka mianğöreñ siñgisöndokö Tonjan mönö sepgwörörök (gulibambam) qahö enguyök. ⁵ *Iwinöñ nahönböraturupñi yeñgöra qambañ keu engizawi, Anutunöñ mianğö dop keu kun engöra kewö jiiga mönö mi ölum engui malje, “O nahöni, Kembunöñ mindiñgöm gihimakzawi, mianğöra mönö mötnöñga silebile kude akña. Keu jim ghiiga mianğöreñ mönö urueret kude aka malman.

⁶ Kembunöñ ambazip jöpaköm engimakzawi, ia mindiñgöm engimakza. Ambazip morö ewö engömemba köyan köl engimakzawi, mi körek kömbinöñ engumakza.”

⁷ Morö kun iwiñan qahö mindiñgöi lañ malbawak, mewö mönö yañgö moröñi qahö akawak. Mianğöra Anutunöñ iñini nahön-böratñi ewö tandök ak engimakza. Mianğöra lömböt engii mi mönö mindiñgöm engimapkö tandök mötmöriba möta mökösoñda diñgiba malme. ⁸ Anutunöñ nahönböraturupñi pakpak mindiñgöm engimakzawañgö dop iñini qahö mindiñgöm engibawak ewö, mönö yañgö nahönböraturupñi öljñi qahö akeak. Mewö mönö iwi qahö wilin morö (bastet) akeak.

⁹ Keu mi kunbuk kewö jimam: Gölmegö iwininan mindiñgöm neñgigetka yeñgöra göda qem engiba malin. Silegö iwininan korembiñi akzemö, uruninañgö Iwininan mönö öljñi aka öngöñgöñi akza. Mianğöra mönö yañgö keu bapñe anda diñgiba mal köhöininga dop kölma. ¹⁰ Silegö iwininan mönö nanñini mötmötñinañgö dop kapañ köla gölmenöñ nalö töröpñi malbingöra aka mindiñgöm neñgiba malakze. Yeñön mewö malakzemö, Anutunöñ mönö tök kutum neñgii yañgö dop sarakñi akingöra aka mindiñgöm neñgimakza. Mewö aka öljña ölöwaka oyaenköyaen akingöra mötza.

¹¹ Kunöñ mindiñgöm neñgiiga nalö mianğöreñök mönö sösoñgai tandök qahö ahakzinmö, wösöbirik sihimbölöñambuk mörakzin. Keu mi öljapmö, mianğö öljñan mönö könañgep kewö asuhuma: Anutunöñ ambazip mewö mianñön köl gulim engimakzawi, yeñgö ahakmemenjan diñgiiga luai qem engii möta malme. Mewö.

Qambañ aka galöm meme keu tosatñi

¹² *Mianğöra “awötñini teköi böröñini lömböriba söroräuba kinjawu, mi mönö memba wahöta mindiñgöme. Tambuñini jula siminñini suljawu, mi mönö mem köhöime.” Buña keu kun mewö ahöza. ¹³ *Kekporörökñambuknöñ (kerekporikñambuknöñ) töwölatiba eta qeiga könañan sula bölim teköbapuk. Keu mianğö dop alañini añgösirip kude ak wañgimemö, mönö ölöwakñapköra kapañ köla malme. Buña keu kun kewö ahöza, “Köna tiba anangö könañini mönö mem qölöleigetka diñdini akñe.”

Keu mianğö dop mönö uru ölöwak qem añguba malme.

¹⁴ Ambazip körek yembuk luainöñ urumohot malmegöra mönö köhöiba kapañ köla malme. Kunñan malmal sarakñi qahö miwikñaimawu, mönö öne Kembu qahö ekña.

* 12:5: Job 5.17; Qam 3.11-12 * 12:12: Ais 35.3 * 12:13: Qam 4.26

Miangöra Anutunöŋ mem sarahim enġimapköra mönö kapan köla kinme. ¹⁵ *Kunöŋ Anutugö kalem möriamŋi oŋgita qahö buŋa qem anġubapuköra mönö galöm mem anġuba malme. Nene nupnöŋ siriuret kömbukŋambuk mi jalöŋinambuk qözölmakzin. Miangö dop uru mötökömbukö könaŋi pakpak mi qeapköme. Qahö qeapkögetka mianöŋ qariba kota enġololoŋ mem enġii gwötpuk enġö uruŋinan tölöhhobapuk.

¹⁶ *Mewöyök kunöŋ kaisero akapuk me Iso (Esau) ewö anġöjörakŋambuk malbapuköra mönö galöm mem anġuba malme. Isonöŋ morönahön mutukŋi ahöhanġö börösamot toŋi ahökmö, keu mi nene indim mohot nemapköra aka qeapköyök. Qeapköiga munŋi Jeikobnöŋ börösamotkö keuŋi mi nene mianöŋ bohonŋi memba buŋa qem anġuyök.

¹⁷ *Könaŋgep jöhöjöhö keuŋiraŋgö dop asuhui Iwiŋaŋgö kötümötuetŋan mönö Jeikob qakŋe öŋgöyök, mi mötze. Mewö öŋgöi Isonöŋ kötümötuet mi buŋa qem anġumamgö möta uleta sahöri imbilŋan erök. Mewö kapan köla ulerökmö, töndup keu munŋambuk jöhöyohori, mi utekömamgö köna kun qahö miwikŋaiyök. Miangöra morö mutukŋaŋgö kötümötuetŋi mi buŋa qem anġumamgö mörökmö, miangöreŋ qaköba osiyök.

¹⁸ *Mönöwök Israel könaġesö yeŋön Sainai (Sinai) kösutŋe kaba kingetka kundunŋi mianöŋ könöp bölamnöŋ jeyök. Jeba köwak-köwak eta panaman meiga raidimbom qeiga Anutunöŋ miangöreŋ yembuk jöhöjöhö areŋ ahök. Sainai (Sinai) kundunŋi mianöŋ börönöŋ oseibinaŋgö dop akzappmö, enöŋ kundunŋi mewö miangö kösutŋe qahö kaba malje. ¹⁹ Anutunöŋ jöhöjöhö areŋi mi Sainai kundunŋe kewö ahök: Garataurupŋan tömun qainŋi kun ugetka anġötömualŋi azöŋda kaiga keu köhöikŋi jiyöhanġö kourukŋi mötket. Mi möta keu mewöŋi kunbuk kude jii mötmegöra uletket. Enöŋ kundunŋi mewö miangö kösutŋe qahö kaba malje. ²⁰ *Anutunöŋ keu köhöikŋi jiba kewö jim kutum enġiyök, “Kunŋan kun ambazip me bau sömbup kunöŋ kundunŋi mi oseima ewö, i mönö kötnöŋ qegetka kömuma.” Mewö jim kutum enġiiga keu mi wuatanaġöbingö möt lömböriba osiget. Miangöra keu kunbuk kude jimapköra uletket. ²¹ *Yuai kanjamŋambuk kötökŋi mi uba eketka Mosesnöŋ kewö jiyök, “Ni mönö keŋġötni möta jönömmi undui kinjal.”

²² Enöŋ mewö qahöpmö, mönö uruŋini melenġa Zaion kundunŋi dopdowiba kaŋgota malje. Anutu malmal Toŋaŋgö sitiŋi qetŋi Jerusalem Suepnöŋ ahözawi, miangöreŋ garataurupŋi ten tausenŋi ten tausenŋi yeŋön kambunŋi kambunŋi köla unduba sösoŋgai ahakzei, enöŋ mönö siti mi dopdowiba malje.

²³ Mutuk ahuahu dölökŋi ahuba urumelenġ könaġesö aketka qetŋini malmalgö buknoŋ ohogetka Suepnöŋ ahözawi, enöŋ mönö yeŋgö kambunŋini toroqeba malje. Anutunöŋ ambazip körek neŋgö keunini kewöta jim tekömakzawi, enöŋ mönö bennini yambuk toroqeba malje. Anutunöŋ ambazip solanŋi mem letot enġiiga aködamunŋinambuk aka kömugeri, enöŋ mönö yeŋgö uŋaŋinambuk toroqeba malje. ²⁴ *Enöŋ jöhöjöhö areŋ dölökŋaŋgö galömŋi Jisös yaŋgöreŋ kaba yambuk qekötahöba kinje. Yaŋön sepŋan qewösahöi enġömirimakzawi, mönö malmal mewöŋe kaŋgota malje. Abelnöŋ sepŋi mokoyökmö, Jisösgö sepŋan Abelnöŋ sepŋi oŋgita keu aködamunŋinambukö muŋgemŋi akza.

²⁵ *Mutuk azi kunöŋ gölmenöŋ mala Anutugö keu jitsihitŋi ambazip indel enġiiga gwötpukŋan mi mötpingö tökögetka Anutunöŋ likepŋi melenġi qakŋine öŋgöyök. Yeŋön miangöreŋök kök albingö osiget ewö, neŋön mönö denöwö kök albinak? Nalö kewöŋe alanini kunöŋ Anutugö keu jitsihitŋi Suepnöhök indela jimakzawi, nini i nöŋöŋgan aka mosötzin ewö, mönö lömbötnöhök kök qahöpmahöp albin. Qegetalninaŋgö likepŋi mönö ölna qakŋine öŋgömapkö mötzin. Miangöra kunŋan saŋep qei mötzei, enöŋ keu mi mötpingö kezapölök kude akŋe. Kezapölök malbepuköra mönö galöm mem anġuba malme.

²⁶ *Mönöwök keuŋi jiiga mötketka gölme utuköba memenjalijökmö, kezapqetok keuŋi

* **12:15:** Dut 29.18 * **12:16:** Jen 25.29-34 * **12:17:** Jen 27.30-40 * **12:18:** Eks 19.16-22; 20.18-21; Dut 4.11-12; 5.22-27 * **12:20:** Eks 19.12-13 * **12:21:** Dut 9.19 * **12:24:** Jen 4.10 * **12:25:** Eks 20.22 * **12:26:** Hag 2.6

kun jiba jöhöiga nalö kewöne kewö ahöza, “Nalö kungen dumne kunbuk gölme utuköba memenjalimam. Gölmeyök qahöpmö, yuai akiga suepnöy mewöyök utuköma.” ²⁷ Keu mewö ahözapmö, “Nalö kungen mönö dumne kunbuk” jizawi, keu miangö könäji kewö: Anutunöy öröyuai miwiknaiiga ahözawi, mianönök mönö utuköba utekömapmö, Suep mirigö öröyuai qahö utukömawi, mianön mönö kin köhöiba ahöm öngöma.

²⁸ Nejön bemtohoj qahö utukömawi, mia buja qem anguba kinjin. Miangöra mönö “Anutu saiwap!” jiba mewö mianön waikni memba möpöseiba uru ölöwak mem wangimakin. Mi jitni ongitpinbuköra kengetnini möta aka gödäji qeba malbin. ²⁹ *Nengö Anutuninan mönö könöp bölam ewö akza. Miangöra nengehoi sihimbölö mötpinbuköra mönö kenget mötmöt qakne göda qem wangimakin. Mewö.

13

Qamban keu teteköni

¹ Urumelenj alaurup nanjini mönö jöpaköm anguba malme. ² *Kian ambazip sutjine kamei, mi mönö köyan köl engigetka köisirik miwiknaiimakne. Mewö akingö mönö kude ölum engumakna. Tosatjan mewö akeri, mianön Suep garata tosatni qahö möt asariba mohot köl öröm engigetka mirinjine malget. ³ Tosatjan kösö mire maljei, mi mötmörim engimakne. Nanjinak yembuk gwaröhöm engigetka malbeak tandök möta mönö i mötmörim engimakne. Tosatni ak bölim engigetka miangö sihimbölöni mötzei, mi mönö nanjinak mewö malbeak ewö möta mötmörim engimakne.

⁴ Ambazip qesabulum aka serowilin akzei, Anutunöy i jim teköm engima. Miangöra körek enön mönö awanöm malmal göda qegetka sarakni aiga awanöm sutjire töteqötek töwötji kun qahö ahöma.

⁵ *Anutunöy nanjak keu kun kewö jii ahöza, “Nöjön mönö nalö kunöy qahö gömosöta andö guhumam.” Keu miangöra aka ahakmemenjanan membagan membingö nepaqepalok kude köpösöngömaknemö, yuai ahöm engizawi, miangöra mönö mötket dop köl engiiga sösongaibuk malme. ⁶ *Mewö möta ölop ewebibininambuk saitingit kindä kewö jiba malbin, “Kembunöy baukbaukni aiga gölme ambazipnöy ayuhum ninjimeangö dop qahö akze. Miangöra kengetni kun qahö möta maljal.”

⁷ Galömurupjanan Anutugö keu jiget mötkeri, i mönö mötmörim engiba malme. Ahakmemenjini denöwö aka megetka malmaljanan teköyöhi, mönö mi mötmöriba mötnaripjanangö silikjini wuatangöba malme. ⁸ Jisös Kraist utekutekni qahö. Mutuk malöhi, miyök merak malja aka nalö teteköni qahö mal öngöma. ⁹ Kalem möriam toroqeba buja qem anguinga urunini mem köhöiiga ölöwahaknapmö, nene nemingö silikni mi me mi mianön mönö urunini mem köhöimapkö osimakza. Tosatjan nenegö dönqizizin könäji könäji wuatangögetka ahakmeme mianön mönö qahöpmahöp bauköm engiiga pöröpköyök. Miangöra tosatjan dönqizizin murutni murutni ambazip kusum engimakzei, enön mönö keu mi mosötmö. (Silikö keunöy mönö janjuj kude ak engima.)

¹⁰ Jöwöwöl ohoho alta qainji kun mi nengehöy ahöza. Gölmönöy opo seri jikegö nup memakzei, yenön jöwöwöl qainji kun miangö bahöni memba nemingö osimakze. Anutunöy yengöra keu mewö qahö jim teköi ahöza. ¹¹ *Gölmegö jike nup galöm bohonjan kindä ambazip singisöndokjini köl könjoratmapköra aka sömbup qeba sejni memba jike oleni töröni kötökni miangehöy öngömakzapmö, sömbup ölni mi memba miri qandak maljei, miangö sel yaigepne anda miangehöy ohogetka jeba ayapkömakze. ¹² Miangö dop Jisös mewöyök könagesöurupni nanji sepnan mem sarahim engimapköra aka siti selgö nanju yaigepne qegetka sihimbölö möta kömuyök.

* 12:29: Dut 4.24 * 13:2: Jen 18.1-8; 19.1-3 * 13:5: Dut 31.6, 8; Jos 1.5 * 13:6: Sum 118.6 * 13:11: Lew 16.27

¹³ Mianğöra miri qandak* maljini, neñön mönö mianğö sel yaigepne anda Jisösgörej toroqebin. Yanğöra aka mepaqepaik ak neñgimakzei, mönö mi bisiba malbin. ¹⁴ Mi kewögöra: Siti teteköñi qahö ahöm öngömawi, mi gölmenöñ qahö ahöm neñgizapmö, siti könangep asuhum neñgimawi, mi ekingö mönö jaram tiba maljin. ¹⁵ Mianğöra mönö qösösök Jisösnöñ nam köñ neñgiiga Anutugöra möpömöpösei naluk ala malbin. Jisös qetñi möpöseimakzei, yeñgö numbu jitrinangö öñjan mönö Anutugö nalukñi akza. ¹⁶ Yuai ahöm engizawi, mi menden anguba mem ölöwak angumakzei, mianjön mönö Anutugö nalukñi kun akza. Anutunöñ naluk mi ehi uruñan ölöwahiga dop kölakza. Mianğöra mewö aknegöra mönö kude ölum engumakña.

¹⁷ Galömurupñini mönö tem köñ engiba kukösumñini bapne anda malme. Nup megerangö kösohotñini Anutugö jeñe almei, yeñön mönö mianğö tandök engeka uruñini galöm kölakze. Yeñön nupñini mi urulömböt qakne membepuk. Mianjön inñini qahö bauköm engibawak. Mianğöra mönö keuñinangö bapne anda malgetka sösongai qakne nupñini megetka dop köñma.

¹⁸ Mönö neñgöra aka Anutu köulukömakne. Yuai pakpak mianğörej ahakmeme qetbuñambuk akingö sihimñi ahöm neñgiiga Anutunöñ neñgeka “Dop köñja,” jiiga urukezapninan möringa ölöwahakza. Keu mi möt yaközin. ¹⁹ Nöngöra köulukömaknegöra mönö kapan köla kewögöra kuñgum engizal: Inñini köulukögetka Anutunöñ nalö qahö mem köriiga ölöwaka ölop kunbuk engörej kamam.

Kewö köulukömakzin:

²⁰ Jisösnöñ kömuyöhangöra aka lama galöm qetbuñambuk aka malja. Sepñi mokoba mianğö muñgem silimbanñan Anutugö jöhöjöhö areñi qekötahöba mem köhöiiga nalö teteköñi qahö ahöm öngöma. Anutunöñ Kembunini mi mem guliiga kömupnöñök wahöta köhöiba malja.

²¹ Anutu luai Tonñan mönö inahöm engiba jitsihitñangö dop aka memba malmegö aködamunñi pakpak engimakña. Mewö ölop köhöiba nup ölopñi könani könani memba malme. Yanjön mönö möwölöhöba kuñgum engiiga Jisös Kraistkörej nanğöba malmal Anutugörej dop köñjawi, mewö malme. Kraistkö qetbuñani mönö nalö dop möpöseininga nalö teteköñi qahö aködamunñambuk ahöm öngöma. Keu mi öñja.

Keu teteköñi

²² O urumelen alaurupni, nöñön kewö qesim engizal: Buña Kimbi töröpñi kiyök ohom engizal. Mianğöra andö qambañ keuni ki mönö kapan köla buña qem angume. ²³ Buzup ki mötme: Urumelen alanini Timoti i kösö mireyök pösatketka erök. Ösumok ki kañgotma ewö, mönö yambuk kaba engekit.

²⁴ Yaizözkök keuni albiga galömurupñini pakpak aka Anutugö ambazip sarakñi körek yeñgöra jigetka mötme. Itali alaurupninan yaizözkökñini algetka engörej kaza.

²⁵ Anutugö kalem möriamñan mönö körek embuk ahöm öngöba ahöma.

* **13:13:** Göñmenöñ kusuk maljini, mianğö qetñi qandak.

Jeimgöreᅇ Kimbi Jeimsnöᅇ Kimbiᅇi alök. Jim-asa-asari

Gölmeᅇi gölmeᅇi mianᅇgöreᅇ ambazip köᅇaᅇi köᅇaᅇi uruᅇiᅇi melenᅇa letorakzei, yeᅇgö ahakmemeᅇinan siksauk lolonᅇqalonᅇ aiga töᅇtaᅇgöba et enᅇuiga Anutugö qetbuᅇaᅇan etpapuk. Mianᅇgöra Jerusalem bisop Jeims yaᅇön goro keu murutᅇi murutᅇi qezaköba ki ohoza. Goro keuᅇi tosatᅇi kewö: Mötkutukutu öᅇᅇi mi denöwö? Zioz nup öᅇᅇi aka muneᅇi. Esapesap uruᅇe malmal. Tosatᅇi kude enᅇek qepureime. Numbu jit galömkölköl. Silenᅇiᅇi möpöseime me uruᅇiᅇi memba et al aᅇgume? Aᅇgururuk me alabauk akᅇe? Kapanᅇkapan aka köuluk nup meme.

Waimanᅇatᅇi bohonᅇi kewö: Kraistkö Buᅇaᅇan qariba aködamun-ᅇambuk akᅇapköra qetᅇi bisiba keuᅇi köᅇ guliba meinga öᅇᅇi asuhuma me qahö? Numbu jitᅇinanök möt nariᅇga qahö dop köᅇᅇa. Zioz öᅇᅇi qahö mi köhömuᅇi qamöt tandök ewö akza.

Kimbi kianᅇgö bahöᅇi bohonᅇi 10 mi kewö:

Keu mutukᅇi 1.1

Mötnarip aka mötkutukutu 1.2-8

Ambazip wanapᅇi aka pomᅇi 1.9-11

Esapesap (manambatok) öᅇᅇᅇi aka böᅇöᅇi 1.12-18

Buᅇa kezapnöhök mötmöt aka temkölköl 1.19-27

Etqeqeᅇi mi kude enᅇek qepureime 2.1-13

Mötnarip nupᅇi qahö mi omaᅇi akza 2.14-26

Numbu nesilamninan ayuhum neᅇgibapuk 3.1-18

Luainöᅇ malmal me gölmegö ahakmeme 4.1-5.6

Lömböt bisiba köuluköᅇga öᅇᅇi asuhuma 5.7-20

¹*Jeims nöᅇön Anutu aka Kembu Jisös Kraistkö nupᅇi memba malᅇal.

Israel kambu 12 neᅇgöreᅇök tosatᅇi iᅇiᅇi Israel mosöta gölmeᅇi gölmeᅇi denᅇa anda malᅇi, nöᅇön embuk keu eraum mötᅇingöra kimbi ki ohoba jölöᅇiᅇi jizal.

Möt nariba köuluköba mötmöt öᅇᅇi miwikᅇaibin.

² O urumelenᅇ alaurupᅇi! Esapesap köᅇaᅇi köᅇaᅇi qakᅇiᅇe öᅇᅇögömakzawi, mianᅇgöra uruᅇiᅇan mönö kude eri simbawoᅇ miyök möta söᅇgaiba malme. ³ Esapesapnöᅇ qakᅇiᅇe öᅇᅇögöᅇga mötnarip-ᅇinan mianᅇgöreᅇ köhöimakᅇa ewö, mönö kapanᅇ köᅇa kin köhöimakᅇe. Mi mötzeanᅇgöra mönö söᅇgaiba malme. ⁴ Kapanᅇ köᅇa kin köhöimakᅇe ewö, mianᅇön mönö toroqeba mem letot enᅇiᅇga ahakmemeᅇinanᅇgö öᅇᅇi pakpak mi aködamunᅇambuk ahumakᅇa. Mianᅇön ahuᅇga Anutunöᅇ oyaenᅇkoyaenᅇan uruᅇiᅇi kokolak qeᅇga urugö yuai kungöra (meme amᅇöba) mözöqözöröᅇ qahö aka malme.

⁵ Enᅇgöreᅇök kunᅇan “Denöwö akᅇam,” jiba mötkutukutugöra osizawi, yaᅇön mönö Anutu köuluköᅇga mi waᅇgima. Anutunöᅇ kalemᅇi sakalakᅇi amqeba körek neᅇgöra neᅇgiba sironᅇen qahö jim neᅇgimamᅇgö mörakza. Mianᅇgöra mi öᅇᅇ waᅇᅇiᅇga buᅇa qem aᅇguma. ⁶ Köuluköᅇmawi, mianᅇgöreᅇ mönö niᅇgimapkö möt nariba uruyahöt qahöᅇmahöᅇ akᅇa. Uruyahöt akzawaᅇön mönö köwet sirigö dop öᅇᅇgöba eta ahakza. Luhutᅇnöᅇ köwet kunduriga lanᅇan anda kamakza. Mianᅇgö dop akapuköra köulukᅇaᅇᅇgö uruyahöt kude akᅇa.

⁷ Uruyahöt ambazip mewöᅇi kunöᅇ mönö Kembunöᅇ yuai waᅇᅇimapakö kude mötmörima. ⁸ Yaᅇᅇgö uruᅇan mönö julkuliga aiakanᅇi pakpak mianᅇgöreᅇ kökölolonᅇ aka koᅇᅇwarak qeba anᅇem-kamqem keu jimakza. Mewö.

* **1:1:** Mat 13.55; Mak 6.3; Apo 15.13; Gal 1.19

Wanapņi malmal aka pomņi malmal

⁹ Urumelen alaurupni, engö sutņine tosatņan etqeņeni malgetka Anutunöņ engöra möri öngöngöņi akze. Mianğora mönö ölop nanņini möpöseim aņgumakņe. ¹⁰ *Tosatņan öngöngöņi maljemö, monen inapņinanğora qahö mötket öngömakzawanğora aka etqeņeni tandök mala mönö nanņini möpöseim aņgumakņe. Yeņgö malmalņinan mönö buörö (roro) juraņi ewö aka soholima. Etqeņeni aka öngöngöņi neņön kömumba mianğoreņ öröröņ akin. ¹¹ Wehönöņ kota roro ohotiriiga qararaņ köla soholiba juraņan boloņanimakza. Juraņan eriga kemaņaņgö kaisoņgolomņi eksihimņambuk mianğon piahimakza. Pomņi yeņön sukinapņini mem sehibingö lilikqilik ahakzemö, mala buörögö (rorogö) dop gororoņgöme. Mewö.

Esapesap (manambatok) ölopņi aka bölöņi.

¹² Anutunöņ keuņi kewö jöhöi ahöza, “Ambazip uruņinan jöpaköm niņgimakzei, nöņön i malmal köhöikņi engiba nöropņine goul ila köl engimam.” Keu mianğö dop bölöņaņgö esapesapnöņ kungö qakņe öngöiga mianğoreņ kapaņ köla köhöi teköiga mönö malmal köhöikņaņgö ila sorom buņa qem aņguba oyaeņkoyaeņ akņa. Yaņgöra “I-ia simbawoņ!” jizin. ¹³ Bölöņaņgö Toņaņ Anutu esapköm waņgimawaņgö dop qahö aiga Anutunöņ kun siņgisöndok akņapkö qahö esapköm waņgiza. Mianğora kunņa esapesap uruņe mala kewö kude jima, “Anutunöņ esapköm niņgiiga siņgisöndok akņamgö akzal.”

¹⁴ Anutunöņ qahöpmö, nanini sihim kömbönaņini bölöņaņ mönö töpötņ (nemban, pöraņ) ewö öröm neņgiiga mötöp bitimnöņ qaköinga siņgisöndokö esapesapņi mewö mohot mohot neņgoreņ asuhumakze. ¹⁵ Kunņa sihim kömbönaņi bölöņi qahö jöhöba siņgisöndok kondotza. Kondoriga sihim kömbönaņan gölömņi ala siņgisöndok mi morö ewö meiga ahumakze. Siņgisöndoknöņ ahuba qarim teköba kömup köhöikņi ahum waņgimakza.

¹⁶ O wölböt alaurupni, sihim kömbönaņini bölöņaņ mönö kude tilipköm engima. ¹⁷ Kalem ölopņi aködamunņinambuk pakpak mi Anutunöņ ali Suep euyaņgöreņök asuhumakza. Köiņ wehön jeņiri kota kutuba geyohotka imutimutņiran körim törim ahakzapmö, asakņi pakpakö Toņaņ mönö nanņak qahö uteköma. Imutimut me söņaup kun mi yaņgoreņ qahö ahöza. ¹⁸ Anutunöņ yuai pakpak miwikņaiyöhi, nini miengö sutņine yambu dölokņi jeņiqeqe aka malbingöra mörök. Mianğora nanņi sihimņaņgö dop keu öljaņgö kötni urunine aliga mianğon ahuahu dölokņi neņgi ahuin. Mewö.

Buņa keu öne mötpin me tem köla membini?

¹⁹ O wölböt alaurupni, mönö keu ki mötmöriba kude ölum enguma: Inņini mönö körek keu mötpingö kezap köröpņi zilaņ alme. Keu laņ mi ösumök kude jime. Irimņinan mönö zilaņ kude seholima. ²⁰ Anutunöņ ahakmeme diņdiņi akingö sihimņi mörakzapmö, irimsesewölnöņ mia qahö kondorakza. Mianğora mönö irimsesewöl mosöta keu ösöņ jiba malme. ²¹ Qewöloņ könaņi könaņi aka ahakmeme töwötņambuknöņ qekötahözei, mia mosötme. Mönö yaņgiseņini mosöta Anutugö keu bapņe anda keu kötni uruņine kömörakzawi, mi möt aņgön köla malme. Mewö aketka keu mianğon ölop amöt qem enņiiga letota Suepnöņ öngöme.

²² Buņa keu mi öne töhön mötketka ölni qahö ahubapuk. Mewö silebile aka tilipköm aņgubepukmö, keu mi mönö köl guliba malme. ²³ Kunņa keu öne töhöntöhön möta mianğö dop qahö ahakzawi, yaņön mönö azi kianğö dop akza: Kunņa jemesoholņi piliknöņ uba aņgehakza. ²⁴ Uba aņgeka mosöta kungen anda kaisoņgolomņi denöwö, mi ösumök ölum qemakza. ²⁵ Mi ölopņi qahöpmö, kunņa köna keu aködamunņambuköra kezap ala ehiba mianğoreņ qekötahöba siņgisöndokö kösönöhök lolohomakzawi, yaņgö ahakmemegöra mönö “Esop simbawoņ!” jibin. Yaņön keu möta mi qahö ölum qemakzapmö, mi ölja tem köla mianğö dop ahakza.

* 1:10: Ais 40.6-7

²⁶ Kunṅan urumelenḡö köl guliguli akṅamḡö jiba numbu jitṅi qahö galöm köla nanṅi mewö tilipköm anḡumakzawi, yanḡö linṅet köulukṅan mönö yuai omani, ölnṅi qahö akza. ²⁷ Anutu Iwigahö jemesoholṅe Buṅa nup sarakṅi silebilenṅi qahö memamḡö jiba mönö kewö akṅan: Gwani morö aka malö köṅjilinṅ qakṅe maljei, mönö i anda enḡeka köyan köl enḡiba malman aka gölmegö ahakmemeṅanḡö qewölonṅan urugi tölohobapuköra galöm mem anḡuba malman. Mewö.

2

Etqeḡeṅi mi kude enḡek qepureime.

¹ O urumelenṅ alaurupni! Jisös Kraist Kembunini qetbuṅanṅam-buk möt naribingö jize ewö, mönö ambazip tosatṅi kude enḡek soriba tosatṅi kude qepureim enḡimemö, dop mohotnönṅ ak enḡiba malme.

² Mianḡö dopkeuṅi kewö: Azi pomṅi kun, kesötṅi goul binenṅambuk aka opo malukuṅi ekjeritṅambuk, yanḡön kambu mirinṅine öṅgöiga azi wanapṅi kun sileötṅi jujuratṅi töwötṅambuk yanḡön mewöyök öṅgöbawak. ³ Öṅgöyohotka inṅini azi ipṅi ekjeritṅambuk mi köl öröm wanḡiba kewö jibeak, “Ketanṅamnini, gi ölop qaikṅe eu anda dum tatat löwötṅi mianḡoreṅ tatman.” Mewö jiba azi etqeḡeṅi mi ehörönṅ köla jime, “Gi ölop görṅe anda kinman me köna kutukutunine eta tatman.” ⁴ Silik mewöṅan asuhuiga inṅini könagesö sutṅine köṅjabö ala mendenṅ anḡuba qemasolokep aka keuṅinambuk akze. Mötmötṅini bölonṅi wuataṅ-göba jimtekötekö ambazip gonḡonṅi akze.

⁵ O wölböt alaurupni, mötket! Anutunönṅ bemtohonṅi ambazip jöpaköm wanḡimakzei, yenḡö buṅa ahömapkö keuṅi jim köhöiba jöhöyök. Keu mianḡö dop tosatṅan gölme ambazip jenṅine etqeḡeṅi akzemö, Anutunönṅ mi nanṅanḡöra jim möwölöhöm enḡiiga mötnaripṅinanḡöra aka öṅgöṅgöṅi akze. Yenḡön bemtohonṅanḡö uruṅe anḡotketka galöm köl enḡiiga sukinapṅinambuk akṅe.

⁶ Ölnṅa öṅgöṅgöṅi akzemö, inṅini ambazip wanapṅi enḡehörönṅ köla enḡek siriba malje. Ambazip pomṅi yenḡön mönö monenṅ inapṅini qahöpköra kewöta mem et al enḡigetka etqeḡeṅi akze. Yenḡön mönö inṅini örörahöm enḡigetka keu jakenṅi jakenṅi mianḡoreṅ anḡorakze. ⁷ Inṅini Kraistkö buṅanṅi aketka qet ölop sorokṅi mi enḡiba mianḡö dop enḡoholakzemö, pomṅi yenḡön mönö qet mi luasönönṅ ala lanṅ jimakze? Gölmegö öṅgöṅgöṅi yenḡön mönö mi pakpak ahakze.

⁸ *Mewö ahakzemö, enḡön Anutu bemtohonṅanḡö jöjöpaṅ keu bohonṅi tem köla wuataṅögetka dop kölma. Anutugöreṅ keuṅi mi Buṅa Kimbinönṅ kewö ahöza: “Nangi jöpaköm anḡumakzani, mianḡö dop mönö ambazip tosatṅi mewöṅanök urugan jöpaköm enḡimakṅan.” ⁹ Mianḡön dop kölmapmö, inṅini ambazip tosatṅi enḡek soriba tosatṅi qepureim enḡiba dop mohotnönṅ qahö ak enḡimakze ewö, mönö siṅgisöndok ahakze. Anutugöreṅ jöjöpaṅ keu walöngetka yanḡön mönö keuṅini mi miwikṅaiba jim teköm enḡima. ¹⁰ Kunṅan jöjöpaṅ keu pakpak tem köla wuataṅgöba mi enḡöreṅök mohotnönṅ eta qezawi, yanḡön mönö jöjöpaṅ keu körek pakpak walönḡa keuṅambuk akza.

¹¹ *Mianḡö könanṅi kewö: Anutu “Sero yonḡorö kude akṅan,” jiyöhanḡön mönö mewöṅanök jöjöpaṅ keu kewö jiyök, “Ambazip kun kude qenönṅ kömuma.” Gi sero yonḡorö qahö akzanmö, töndup kun köhömuṅi qezani, mianḡön mönö jöjöpaṅ keu körek walön teköba maljan. ¹² Anutugöreṅ köna keu mi siṅgisöndökö kösönöhök lolohoba malbingöra ahöza. Anutunönṅ köna keu mianḡön kewöt nenḡiba keunini jim teköi solanimegöra mötmöriba keuṅini mianḡö dop jimakṅe aka ahakmemeṅini urukalem qakṅe ahakṅe. ¹³ Kunṅan urukalem qakṅe ambazip qahö ak kömum enḡiba maliga Anutunönṅ keuṅi kewöta jim tetekönṅi ak kömukömu qakṅe qahö ak wanḡima. Kunṅan urukalem kondela

* 2:8: Lew 19.18 * 2:11: Eks 20.13, 14; Dut 5.17, 18

malöhi, Anutunöŋ i kewöt waŋgiba ölop ak kömum waŋgiiga simbawoŋ aka silenji memba öngöma. Mewö.

Mötnarip ölni qahö mi köhömuŋi akza.

¹⁴ O urumelen alaurupni, kunŋan “Jisös möt narizal,” jiba miangö nupŋi qahö meiga mötnaripŋi mianöŋ mönö denöwö bauköm waŋgibawak? Keuŋanök möt nariiga Anutunöŋ eka amöt qei letotma me qahö? Mi qahö! ¹⁵ Miangö keuŋi kun kewö: Uruŋini melenŋeri, engö sutŋine ambazip kunŋan opo kereŋgöra osiba mözöröŋgöba neneŋi wehön kungöra qahö malbawak. ¹⁶ Mewö maliga engöreŋök kunŋan yambuk aitöŋgöba silegö naŋgönaŋgö qahö waŋgiba kewö jii mötpawak, “Gi ölop anda nene memba könöŋ jömöta böŋjöŋ tatman.” Keu töhöŋ mi möriŋa mianöŋ mönö denöwö bauköm waŋgibawak? Mi qahö!

¹⁷ Mewöŋanök mötnarip töhöŋök mi köhömuŋi akza. Mötnaripkö nupŋi ölni qahö mezawaŋgö mötnaripŋan mönö qamöt ewö akza.

¹⁸ Kunŋan kewö jibawak, “Göŋön mötnaripuk aknöŋga nöŋön ahakmeme diŋdiŋi wu-ataŋgömakzal.” Nöŋön miangöra kewö jimam, “Göŋön ‘Anutu möt narizal,’ jiba miangö nupŋi qahö memba öne mötnaripkahö ölni mönö denöwö kondel niŋgibanak? Nöŋön ahakmeme aka membi eknöŋga mianöŋ mönö ölop nani mötnaripnaŋgö ölni kondel gihima.” ¹⁹ Gi “Anutu mohok akzawi, mi möt narizal,” jizani, mi ölop! Ömewöröme yeŋön mewöyök mi möt narize. Mi möt narizemö, mianöŋ kundut engiiga Anutugöra jönömŋini undumakza.

²⁰ O uruqahö azi, gi ömewöröme yeŋgö tandök möt narizan me? Mötnaripkö nupŋi qahö menöŋga ölni qahö ahui keu mi öne töhöntöhön jinöŋga mötnaripkan mönö yuai omaŋi, ölni qahö akza. Miangö könaŋi söpsöp keuni mianöŋ kondel gihiza me qahö?

²¹ **“Qahö!”* jibanbuköra söpsöp keu kun jimam. Mötnaripkö bömön jalönini Abraham yaŋön mönö denöwö diŋdiŋi ahök? Yaŋön Anutugö jitŋi tem köla nahönŋi Aisak waŋgita altanöŋ ala mianöŋ jöwöwöl ohomangö ahök. Mewö aka mötnarip qakŋe nup meiga Anutunöŋ mi eka keuŋi jim teköi solaniyök. ²² Söpsöp keu miangö könaŋi ek asarizan me qahö? Abrahamnöŋ möt nariba keuyök qahö jiyökmö, mötnarip qakŋe kinda miangö silikŋi mewöyök ahiga nam köliga dop kölök. Ahakmeme diŋdiŋi aka memba maliga mötnaripŋan mewö qariba aködampungambuk ahök.

²³ **Buŋa Kimbinöŋ keu kun kewö ahöza, “Abrahamnöŋ Anutu möt narim waŋgiiga qetŋi Azi Diŋdiŋi jiyök.”* Keu mi mönöwök ölnambuk ahuyöhaŋgö dop mi ohoget aka tosatŋan Abrahamgö qetŋi “Anutugö alaŋa!” mewö qeta jimalget. ²⁴ Solanŋi akingöra mötnaripkö keu jitinanöhök jiŋga qahö dop kölja. Silikninan mötnaripkö ahakmeme ölni akin ewö, Anutunöŋ mönö keunini jim teköiga solanibin. Kösohotnan mönö miangö könaŋi kondelja.

²⁵ **Söpsöp keu kun mewöyök jibiga mi kondelma: Israel yeŋön gölme ek kutubingöra azi yahöt melaim etkiget anohotka köna ketanŋi ambi qetŋi Reihab yaŋön etkuangita köyan köl etkiba köna kunöŋ etkumbuliga mosöta anohot.* Yaŋön mötnaripkö ahakmeme mewö ahiga Anutunöŋ mi eka keuŋi jim teköi solaniyök. Mewö.

²⁶ Nöŋön keuni ki kewö jim tekömam: Azi uŋaŋi qahö mi qamötŋi. Miangö dop mötnarip ahakmemeŋi qahö mianöŋ mönö köhömuŋi akza. Mewö.

3

Numbu nesilamninan ayuhum neŋgibapuk.

¹ O urumelen alaurupni, engöreŋök gwötpukŋan uruŋini wahöriŋa (“Tosatŋi yeŋgöreŋ pinjit mindiŋgöbin,” jiba) kusum engiengŋi böhi akingö akepuk. Nini tosatŋi kusum engiba nanini mötmötnini qahö mindiŋgöbin ewö, Anutunöŋ mi ehi qahö dop köliga keunini

* **2:21:** Jen 22.1-14 * **2:23:** Jen 15.6; 2 Hist 20.7; Ais 41.8 * **2:25:** Jos 2.1-21

kewöta köhöikñanök jim teköba mianğö dop likepñi oñgita ak neñgima. ² Mi kewögöra jizal: Nini körekñan köna keu gwötpuk qiwitipkömakzin. Kunñan nesilamñi galöm köla keu qahö qiwitipkömakzawi, yañön mönö azi aködamunñambuk sorokñi akza. Yañön ölop köhöiba malmalñi pakpak mewöyök galöm köla malma.

³ Hosnöñ (beosi) sihimnini tem kölmegöra ain injup numbuñine ala kösönöñ öröba mianñön ölop ölni ketani jömuk mi mindinçindin ak ençiinga anakze. ⁴ Mewöyök wange ketani mienğö silikñini mötmörime. Mienñön ketani aketka luhut köhöik-ñan nanğöm ençigetka köwet kutuba anakze. Keta bölökñi akzemö, mi töndup anangö galömñi pailöt yañön wange gilije tata sihimñi wuatangöba stia lökuatñi moröñi miyök melençelen aiga wange ketanjan mianğö dop melença anakza.

⁵ Nesilamğö könañi mi mewöñanök. Mi sileninanğö kitipñi morörökña kun akzapmö, töndup ölop keu ketani könañi könañi mianñön silenini memba öngöba jimakzin. Mönö ki mötmörinöñ anök:

Könöp jit-tökñi moröñan terença geba ölop jölöm jitçe möndöba arökñi keta bölökñi jem kutuiga etpawak.

⁶ Nesilamninan mewöyök könöp bölam ewö akza. Mi sileni-nanğö kitipñi kitipñi mienğö sutñine tata qewölongö kondotkondot namñi akza. Mewö aiga könöp siagö Toñan jönbölanñan ohotiriba mianğöreñ uwulamğöiga awamñanök urukönöpnöñ möndöba jeiga uru pakpak kutumutuba tölöhoiga malmalçe ahakmemeni pakpak mi sanjöp ewö töwima. ⁷ Anutunöñ yuai pakpak miwikñaiyöhi, mi sömbup könañi könañi, nei me yuai bapñinan köla ölölongömakzei me köwetnöñ maljei, mi ambazipnöñ mölöwörim ençimeanğö dop akze. Mi lök köl tutuhuba mölöwörim ençigetka mire (köhömgep) akze.

⁸ Mewö akzemö, nesilamninan mönö sömbup kalñi tandök akza. Mi möröm warabe (röbek) mianñön kokolak qeçeni aka anamumu ewö öñöngöba neñgöhöba mem kömum neñgimangö jöjörömakza. Ambazip körekñan mi mölöwöriba jöhöm wangi-bingö osimakze.

⁹ *Nesilamninan Kembu Iwinini möpöseim etkimakzin aka likepñe ambazip nanñi kaisongolom ewö miwik-ñaim ençiyöhi, mi sait keunöñ lañ qesuahöm ençimakzin.

¹⁰ Numbu nesilam mohok mianñön Anutugö qetñi möpöseim-makzin aka sait keunöñ tosati qesuahöm ençiba jimakzin. O urumelenç alaurupni, könañamñinan mewö ahöi qahö dop kölja. ¹¹ O sawölñi aka kömbukñambuk mi o jeñi mohok mianğöreñök uzumğöba korakzahot me qahö? Mewö qahö. ¹² O urumelenç alaurupni, jogañ ipñeyök danam (sam) mi ölop asuhumakze me qahö? Mewöyök jaunöhök mandarina ölop asuhumakze me qahö? Mianğö dop o sawölñan köwuk kömbukñambuknööhök uzumğö-mamğö osimakza. Mönö mi.

Mötkutukutu ölni aka muneñi

¹³ Enğö sutñine danñön mötkutukutubuk aka keu mindinğö-mawanğö dop akza? Kunöñ “Mewö akza,” jime ewö, yañön mönö uruñi mötkutukutuñanğö dop memba et ala silikñan gunböñjönjön ahakmemeni kondeli aukçe asuhui ehinga dop kölma. ¹⁴ Mianñön dop kölmampö, uruñine mututqutut ahöiga irimesesewöl mötököm-bukñambuk möta körögisigisi aka nanñini yuainöñ qarimapköra köpösöngöba andöqeçe ahakze ewö, mötkutukutuñini mianğöra mönö silenini öne kude memba öngöme. “Keu ölni wuatangözin,” jiba mönö ölni köyatibepuk. ¹⁵ Yenğöreñ mötkutukutu mewöñi mi gölmegö mötkutukutuya akza. Mi Suepnöhök qahö erakzapmö, ömewöröme yenñön ambazip sölölohöm ençiget jigetka Uña Töröñan mianğöra wösöbirik ahakza.

¹⁶ Denike yenğö uruñine mututqutut ahöiga irimesesewöl möta körögisigisi aka nanñini yuainöñ qarimapköra köpösöngömakzei, yenğö malmalñine siksauk ilinğösöñ ahöiga silik anğöjörakñambuk könañi könañi wuatangömakze. ¹⁷ Mi wuatangömakzemö, möt-kutukutu Suepnöhök erakzawi, mianğö könañi mutukñi mi ahakmeme sarakñi. Mötkutukutu sarakñanğö silikñi tosati mi kewö: Luainöñ malbingö ak ençiiga gunböñjönjön qakñe

* 3:9: Jen 1.26

tosatnji ak engiba keu bapje angetka Uña Töröñan uruñini kokolak qeiga tosatnji bauköm engibingö sihimnji gwötpuk mötketka urumöt-mötñinanğö ölni ölöñni ölöñni mi gwötpuk asuhumakze. Geñmoñ mosöta ambazip keuñini bahösapsap qahö kewöta silesile silik qahö malje. ¹⁸ Luaiqege ambazipnöñ luainöñ malbingö möta mianğö kötni kömötketka ölni ahakmeme diñdiñi ahuiga oyaenköyaen malakze. Mewö.

4

Gölmegö mötkutukutu mosöta Anutugö ala aka malme.

¹ Wani yuainöñ bim aka aņgururuk sutñine kondori ahumakze? Nanñini sihim kömbönañinan mönö wahöta sileñini dop köliga ölöñni bölöñan awörañğöyohotka bim aka aņgururuk ahumakze. ² Inini yuai könañi könañi memingöra sihimnji köhöikñi bökbök mörakzemö, mi engö buñaya qahö ahakza. Yuaigö eksihim möta eröm ota uruñinan könöp jeiga ambazip enğuetka kömumak-zemö, töndup mi qahö memakze. Mianğöra yom jiba aņgururuk aka bim qemakze. Inini Anutugöreñ qahö köuluköba nanñinak öne memingö mötzeañğöra mi qahö buña qem aņgumakze.

³ Anutugöreñ köulukömakzemö, töndup mi kewögöra qahö memakze: Uruñinan qahö diñgiiga yuai enğiiga mi mösöhöba nanñini sihim kömbönañini bölöñi meköba sileñinanğö sösongai akingöra möta ulerakze. Mi qahö dop köliga Anutunöñ mi aņğön kölakza. ⁴ O inini qesabulum ambazip ewö akze. Awanöm köna diñdiñi mosöta serowilin ahakzei, inini mönö mianğö dop Anutu mosöta urumelenğö kopa ambazip yembuk ala-ala aka moneñ inapnöñ göröken uruñini jöhöba malje. Tandök mewöñi aka mianğön mönö Anutubuk kerök-kerök ahakze. Mi möt kutuze me qahö? Mianğöra kunñan gölmegö sihim kömbönañi bölöñi mekömamğöra uruñi alakzawi, yañön mönö Anutugö kerökña ahakza.

⁵ Buña Kimbigö keu kun kewö ohoget ahöza, “Uñañi Töröñi urunine al neñgii maljawi, Anutunöñ i sihim kömbönañi mienğön kokolak qem wañgiiga malja.”* Keu mi omaña könañi qahö mötmöribepuk. ⁶ *Keu mi omaña qahöpmö, inini mianğö dop sihimñini törörök Anutugöreñ alme ewö, yañön mönö kalem möriamñi öñöñi qahö enğimakña. Mianğöra Buña Kimbi ki jiba ohoget ahöza: “Anutunöñ söngöröqök ambazip tuarenjon ak enğimakzapmö, uruñini memba et alakzei, ia kalem möriam enğimakza.”

⁷ Mianğö dop inini mönö uruñini kewöta Anutugö keu bapje anda malmemö, Bölöñanğö Tonji tuarenjon ak wañgigetka enğömosöta sööreiba misingöba anma. ⁸ Mönö Anutubuk jöhöjöhö aka kösutñe kagetka yañön embuk jöhöjöhö aka kösutñine kinma. Siñgisöndok megetka böröñinan töwiiga Jisösgö sepñan mi sañğonmapkö köuluköme. Uruñinan julkuliga an qem kam qem lañ aketka uruñinan tölöhoiga köl köñjörat enğii sarakñi akñegöra köulukömakñe. ⁹ Mönö dabökörökñini möt kutuba jingey köla wösöbirik möta silata sahötme. Gön köisirikñini mosöta melenđa amburereñ akñe. Sösongaiñini mosöta wösöbirik möt aņgume. ¹⁰ Mönö Kembugö jeñe memba et al aņgugetka yañön mem wahöt enğima. Mewö.

Urumelenj alaurup kewöta keuñini kude jim teköme.

¹¹ Urumelenj alaurup, andönöñ qeçe keu mönö kude jim aņguba malme. Kunñan keu mewö yöhösañ jiba urumelenj alañanğö keuñi jim teközawi, yañön mönö Anutugöreñ köna keu jim teköba memba et alja. Gi Anutugöreñ köna keu jim teköba göragöra ala mewö mianğön mi qahö tem kölakzanmö, mi silebile memba timbiqimibilim azia aka maljan. ¹² Anutunöñ köna keu jim kutum neñgiba mianğö dop mönö keunini kewöta jim teköiga ayuhubin me ak kömum neñgiiga oyaenköyaen akin. Yañönök jimtekötekö Tonini akzapmö, gi mönö nangahöra “Niñia akzal?” jiba alagi kewöta keuñi jim tekömakzan? Mewö.

* **4:5:** Buña Kimbigö keu mianğö könañi kun kewö, “Uña Töröñi uruñine ali maljawi, yañön jöpaköm neñgimamğö sihim kömbönañi möta neñğöra mututqutut mörakza.” * **4:6:** Qam 3.34

Sile memegö galöm keu

¹³ *Mönö kezap alget! Tosatni inini sile memba kewö jimakze, “Nini merak me uran ki mosöta taon mi me mi miangören anda kölköl-örörö aka monej ketani öröba yambu (yara) mohok malin teköiga miangören lilingöba kabin.” Nöñön miangöra kewö jibi mötme: ¹⁴ Malmalnini uran denöwö malmei, inini mi qahö möt kutuze. Engö malmalninanö könanj mi denöwö? Mi köwak kousugö dowa ahözawa, nalö töröptökni asuhuba ayapköma. ¹⁵ Miangöra enön mönö kewö jigetka dop kölma, “Kembugö jit sihitjan nenjöra mewö ahöiga jebuk malbin ewö, mönö mewö mewö aka membin.” ¹⁶ Mewö qahö jimakzemö, öne töhön jakbak-öranjöra aka nannini silenini memba öngöba möpösei-makze. Ahakmeme pakpak mewöni mianön mönö bölöni akza. ¹⁷ Keuni jim tekömangöra kewö jizal: Kunjan silik ölöpnj aka memawanö dop aka mianö könanj möt kutubagun mi qahö aka memawi, yanön mönö sinjisöndok akza. Mewö.

5

Ambazip sukinapninambuk yengö galöm meme keu

¹ O ambazip sukinapninambuk, inini kezap ala keuni ki mötket: Kahasililij sihimbölo qaknine öngömawi, miangöra mönö amburerej aka silata sahötme. ² *Monej sukinapninan mönö gisahöba gororongöza. Kezaplonlon jijilukut yenön opo malukuñini yöhöqöhötiba nemakze.

³ Inini nalö teteköni kewöne goul, silwö aka yuai tosatni qaknöj qaknöj qezaköget ahözawi, mi kahawet muetmuetnöj turum teköba törom (rust) memba ahöza. Törom kahawet mianön dangunu ewö ahöba könanjini nalö teteköne kewö kondelma: Inini malmalnini monej inapnöj jöhöba mösöhögetka pömsöm qeiga ayuhume. Törom kahawet mianön mönö könöp bölam ewö sile busuñini mewöyök mem bölima. ⁴ *Ki mötmöriget: Nup meme ambazip nupnine barö memba siri uret qözöla malgeri, inini yengö töwanjini ekbonep möta angön kölget. Inini yengörej sahöt irikurukni mötze me qahö? Silatni mianön mönö Kembu Anutu, kukösum pakpakö Tonangö kezapne gem teköiga mötza.

⁵ Inini gölmenöj ki yuai könanj könanj sesegilil buña qem anguba siyonsayon qahö mala silegö sösongai algetka nahömni dop köl enjiiga malget. Gölmegö kelök möriamjan jöhöm enjiiga lan mala nem qarip ketani aka malje. Anutunöj keuñini jim teköiga enjuget kömumeangö nalöñinan kam kunjumawi, mönö nalö miangöra jöjöröba kelökjinambuk aka malje. ⁶ Ambazip qewölöni qahö inini qahö tuarenjon ak engigetka töndup keuñini jim teköba lan enjuget kömumba malget.* Mewö.

Lömböt mökösongda bisiba köuluköba malme.

⁷ O urumelen alaurupni, inini Kembunöj kangotmapköra mamböta nalö sutne kiangörej mönö mökösongda lömböt bisiba kinme. Mewö kinda kölkömöt azigö tandökni mötmörime: Yanön nene gölmenöj kömöta kinda ölnj söngöröni öngöngöni asuhumapköra kapan köla mambörakza. Kapan köla mamböta mali maliga kie bedu nalöñan kaiga kunbuk mamböriga kömunjan kie uru nalöñan kam kunjumakza. ⁸ Enön mewöñanök mönö mökösongda lömböt bisiba kinme. Kembunöj kunbuk kamawanö nalöñan törizawanöra aka mönö uruñini qezaköba böj qeba kinme.

⁹ O urumelen alaurupni, Anutunöj keuñini jim teköi lömböt miwikñajibepököra mönö nannini sutnine jimongot kude aka uruñinan irikuruk kude jim angumakne. Mötket, jimtekötekö Tonjan mönö dopdowiba nanjunöj kinja. Mewö. ¹⁰ Urumelen alaurupni, kezapqetok ambazip yenön mönöwök Kembugö qetne Buña keu jigetka kahasililij mem engigetka möta töndup mökösongda lömböt bisiba kapan köla malget. Enön mönö yengö

* **4:13:** Qam 27.1 * **5:2:** Mat 6.19 * **5:4:** Dut 24.14-15 * **5:6:** Keu mianö könanj kun kewö: Inini azi qewölöni qahö töndup keuñi jim teköba qegetka kömuyöhi, yanön inini kunbuk qahö qetal enjimakza.

tandökñini mötmöriba köna lasupñini wuatangöba malme. ¹¹*Tosatñan kapan köla lömböt bisiba mala luhut algeri, nini yeñgöra “I-ia simbawon!” jizin. Azi qetñi Job (Hiobe) yañon kahasililiñ möta töndup kapan köla luhut alöhi, mi mötze. Luhut aliga teteköñe miangöreñ Kembunöñ ak kömukömu Tonji aka neñgehörimakzawi, yañon mönö oyaenköyaenji wañgiiga malök. Mönö mi mötmörime. Mewö.

¹²*O urumelenj alaurupni! Keu kötnji mutukñi kun ki jimam. Inini keu mi me mi jimei, mi jöjöpañ keunöñ kewö kude jim köhöime, “Keuni ölni qahö akza ewö, Suep Tonjan ölop lömböt ali qakne öngöma me gölme tonjan merenj mumbaköiga gölmenöñ turum niñgima.” Keu mi me jöjöpañ keu tosatñi mewöñi mianön mönö keunini kude jim köhöime. Mewö qahöpmö, on-keugöra möta “On!” miyök jime aka qahöp-keugöra “Qahö!” jime. Pötagororöñ keu jigetka Anutunöñ keunini jim teköba likepñi melenji qakñine öngöma. Mewö.

Mötnarip qakñe köulukögetka ölni asuhuma.

¹³ Mötnarip ambazip engöreñök kunñan qemjem-mamje-ñambuk malja ewö, yañon mönö Anutu köuluköma. Kunñan sösoñgainöñ malja ewö, yañon mönö liñet köla Anutu möpöseima. ¹⁴*Engöreñök kunñan kawöl yöhöi malja ewö, yañon mönö mötnarip könagesögö jitlememe öröm enjiiga kaba Kembangö qetñe kelöknöñ silenje miriba yañgöra köuluköme.

¹⁵ Mötnarip qakñe köulukögetka Kembunöñ kawöl ambazip mi amöt qem wañgi ölöwaka kunbuk wahötma. Singisöndok aka kawöl miwikñaiyök ewö, Anutunöñ mönö singisöndokñi mi sañonja mosötma.

¹⁶ Mewö aiga Anutunöñ amöt qem enji ölöwakñegöra mönö singisöndokñini jim miwikñaim anğuba bauköm anğuba Anutugö köulukömakñe. Ambazip solanji kunñan urunji qezaköba Anutu köulukömawi, miangö ölnan mönö wewelipñambuk asuhuma. ¹⁷*Miangö söpsöpñi kun mi kezapqetok azi qetñi Elaija (Elia). Yañon gölme azi naninañgö dowama malök. Yañon kie qahö kamapköra urunji qezaköba kapan köla köuluköiga kienöñ yambu (yara) karöbut aka köiñ 6 miangö urunje gölmenöñ qahö erök. ¹⁸*Nalö mi teköiga kunbuk köuluköiga suep injañ köla kie yöhöba bedu meiga nene kunbuk töñgöniba asuhuyök. Mewö.

Kunöñ janjuñ aniga alañan bauköiga dop kölma.

¹⁹ Urumelenj alaurupni, engöreñök kunöñ keu ölnañgö könañi qiwitipköba janjuñ aniga kunñan i miwikñaiba köna ölnje kunbuk wañgita alma ewö, ²⁰*miangöra mönö kewö mötmörime: Singisöndok ambazip kunñan janjuñ könañe aniga alañan i miangöreñök wañgiriga urunji löwörii kunbuk melenmawi, yañon mönö qahö kömum köhöima. Alañan i könöp sianöñ gebapuköra anğon köl wañgiiga Anutunöñ singisöndokñi sehisehiñi mi sañonja köl turuma. Mewö.

* **5:11:** Job 1.21-22; 2.10; Sum 103.8 * **5:12:** Mat 5.34-37 * **5:14:** Mak 6.13 * **5:17:** 1 Kinj 17.1; 18.1 * **5:18:** 1 Kinj 18.42-45 * **5:20:** Qam 10.12; 1 Pitö 4.8

Pitögöreᅇ Kimbi 1

Pitönöᅇ Kimbiᅇi mutukᅇi alök.

Jim-asa-asari

Pitönöᅇ Buᅇa Kimbiᅇi ki ohoba Kraistkö alaurupᅇi Eisia prowinsgö Not likepᅇe denᅇa malgeri, yeᅇgöra ali anda liliköyök. Könahiba qetᅇini kewö qeta ohoyök, “Anutunöᅇ ambazip nanᅇaᅇgöra möwölöhöm enᅇiyöhi, mienön.” Mötnarip ambazip sesewerowero miwikᅇaiba sihimbölö möta malgeri, yeᅇgö uruᅇini nanᅇömapköra aka Kimbi ki ohoyök. Kraistkö Ölöwak Buᅇagö könaᅇi ölum enᅇubapuköra aka Jisösgö keuᅇi kunbuk kewö jim asariyök, “Jisösnöᅇ kömuyökmö, kunbuk kömupnöᅇök guliba wahöta kunbuk lilingöba kamangö jim jöhöba oyaenᅇkoyaenᅇ akingö jörömqörömᅇi nenᅇiiga al mambörakzin. Mianᅇgöra sihimbölö mörakzei, mi mönö möt anᅇön köla kapaᅇ köla köhöiba kinda malme. Sihimbölö mianᅇön mötnaripᅇini kewöriga ölnambuk akᅇa ewö, Anutunöᅇ mönö likepᅇi melenᅇ enᅇgima. Jisös Kraistnöᅇ asuhumawi, nalö mianᅇgöreᅇök mönö aködamunᅇinambuk akᅇe. Keu mi möta awösamkakak kinme.” Mewö qambaᅇ enᅇgiba ohoyök.

Wahöjalinᅇ nalöᅇe uruᅇini nanᅇöm enᅇgiba toroqeba köhöiba kewö uru kunᅇum enᅇiyök, “Inᅇini Kraistkö buᅇaya akzeanᅇö dop mönö malmal sarakᅇi malme.”

Buk kianᅇö bahöᅇi bohönᅇi 6 mi kewö:

Keu mutukᅇi 1.1-2

Anutugö amötqeqe nupkö könaᅇi 1.3-12

Malmal sarakᅇi malbingö jimkutukutu 1.13-2.10

Sihimbölö qakᅇe nup denöwö bisibin 2.11-4.19

Uruᅇini melenᅇa memba et ala nup meme 5.1-11

Buᅇa kimbi kianᅇö keu köᅇi bohönᅇi 5.12-14

¹ Anutunöᅇ ambazip nanᅇaᅇgöra möwölöhöm nenᅇiiga nenᅇgöreᅇök inᅇini tosatᅇan Israel mosöta prowins qetᅇini Pontus, Galesia, Kapadosia, Eisia aka Bitinia mianᅇgöreᅇ denᅇa anda malje. Pitö nöᅇön Jisös Kraistkö melaimelai azi aposol aka embuk keu eraum mötpingöra kimbi ki ohozal. ² Iwi Anutunöᅇ qelᅇiᅇe möpᅇaᅇgö möpᅇe mötmöt areᅇ ali ahöiga mianᅇö dop Uᅇa Töröᅇan inᅇini mem sarahim enᅇiiga Anutugö buᅇaᅇi aket. Anutunöᅇ inᅇini Jisös Kraistkö jitᅇi tem kölmegöra möwölöhöm enᅇiiga Kraistkö sepᅇan qewösahöi enᅇömiriba saᅇgoᅇ enᅇgimakza.

Anutugö kalem möriamᅇan mönö uruᅇini dop sehiiga luainöᅇ malme. Mewö.

Oyaenᅇkoyaenᅇö jörömqörömninanᅇgöra Anutu möpöseibin.

³ Neᅇön Kembunini Jisös Kraistkö Iwiᅇi Anutu i kewögöra möpöseimakin: Anutunöᅇ ak kömukömu ketanᅇi nenᅇgiba nenᅇömeiga ahuahu dölokᅇi ahuin. Ahuahu dölokᅇi ahuba Jisös Kraistnöᅇ guliba kömupnöᅇök wahöröhi, neᅇön mianᅇö dop guliba wahöta oyaenᅇkoyaenᅇ akingö jörömqöröm aka maljin. ⁴ Oyaenᅇ-koyaenᅇ buᅇa qem anᅇubingöra jörömqöröm aka al mambörakzin. Anutunöᅇ oyaenᅇkoyaenᅇ mi urumelenᅇ alaurupᅇi nenᅇgimapköra Suep mire ali ahöza. Mianᅇgöreᅇ ahöba qahö sahaha kahawet memba töwiba gisahöba ayapköma. ⁵ Mötnarip köᅇ gulime ewö, Anutugö ösumᅇan sel jöhöba kölközizip enᅇiiga Suepkö buᅇaya malgetka Jisösnöᅇ ölop enᅇuanᅇiriga Suepnöᅇ öᅇgöba oyaenᅇko-yaenᅇ akᅇe. Anutunöᅇ Amötqeqe Tonᅇaᅇgö könaᅇi nalö teteköᅇe mewö indel teköiga ambazip jim asarim enᅇgibingöra aka ahöza.

⁶ Oyaenᅇkoyaenᅇ akingöra söᅇgaiba maljemö, gölmenöᅇ malinga Anutunöᅇ esapesap Tonᅇi qahö jöhöiga lömböt anᅇösirip könaᅇi könaᅇi asuhugetka sihimbölö miwikᅇaiba möta malje. Nalö töröpᅇi mewö malmemö, mi töndup sösoᅇgai aka malje. ⁷ Anutunöᅇ esapesap qahö jöhöiga qakᅇiᅇe öᅇgöba mötnaripᅇinanᅇgö tandökᅇi kewörakza. Köᅇ öᅇi köhöikᅇi

goul miangö söngörönan mönö guli dötnam ongitzapmö, töndup nalö kunöy ayapköm teköma. Nalö töröpnağöra aka ambazipnöy goul mia kun könöpnöy delasi ohoba ölnan gizikörörök ahöbapüköra kewöta esapkömakze. Miangö dop inini ölna törörök möt nariba kin köhöimakze me qahö, esapesapnöy mönö miangö könañi kondelakze. Anutunöy uruñini ölni kewöriga goul kewögöra ongitmapköra mötza: Mötnaripñinan pöwöwöm köhöikñi aiga söngöröñi öngöngöñan goul silwö gwötpuk ongita nalö teteköñi qahö bauköm engii dop kölma. Mewö engehi dop kölma ewö, Jisös Kraistnöy kunbuk asuhumawağö nalöñe mönö möpöseim enğiiga Anutugö jene qetbuña miwikñaiba aködamunñinambuk akñe.

⁸ Inini Kraist qahö eka töndup jöpaköm wağgiba malje. Nalö kewöñe Kraist qahö eka töndup möt narim wağgimakze. Mewö aka sösongai sorokñi aködamunñinambuk söngaimakze. Sösongaiñini miangön mönö jitrnöy jijigö dop qahö akza. ⁹ Inini Jisös möt narigetka amöt qem enğiiga letotket. Mötnaripñinağö tohotñi mi Suep mire eu ahöza. Anutunöy uñañini engömeiga enön euyangöreñ öngöba tohot mi zilañ misirimegö möta sösongai ahakze. Mewö.

Kezapqetok ambazipnöy jörömqöröm aka malget.

¹⁰ Kezapqetok ambazip yeñön amötqeqegö könañi jaruba Anutu köuluköba qeqesi ala möt kewöta mala kotket. Mewö mala Anutunöy kalem möriam engimapkö möt asariba miangö kezapqetok keuñi mi qeljine jiba mala kotket. ¹¹ Kraistkö Uña Töröñan kezapqetok ambazip sölölohöm engiba asuhumapkö keuñi indela sañep ala kewö jii mötket, “Kraistnöy sihimbölo möta miangö andöñe asakmararañ aködamunñinambuk miwikñaiba asariba malma.” Mewö jiiga möta Amötqeqe Toñan wani nalönöy aka dendenöwö asuhumawi, miangö könañi jaruba qeqesi ala möt kewöta malget. Mewö mala söpsöp keuñi keuñi qeljine nağgöba jiba mala kotket.

¹² Amötqeqe Toñağö könañi jaruba qeqesi ala möt kewöta malgetka Uña Töröñan mötmöt kewö indel engiba jiyök, “Inini mönö nanñini welennina kude qem angumemö, ambazip könañep ahuba keuñini oyoñmei, mönö i bauköm engiba malme.” Mewö jiba kezapqetok keu enğiyoñi, nini tosatñan mi nalö kewöñe liliköba jim asarim enğiinga mötket. Kraistnöy Uña Töröñi Suepnöhök melaiiga eta ambazip sölölohöba inahöm enğiiga Ölöwak Buña jiba uru kuñgum engiba malgeri, yeñön Buña keu miyöhök jiba malget. Kezapqetok keu miangö ölni asuhuiga Suep garataurupninan mewöyök mi uba eka könañi möt asaribingö awöweñgöba malje. Mewö.

Anutunöy sarakñi malbingöra neñgoholakza.

¹³ Buña keuñi mewö ahözawağöra enön mönö uruñini Anutugö nupköra ala oponini öröget yöhöiga mem kurukñini memba kinme. Mönö böñ qeba nanñini ahakmemenini galöm köl anguba malme. Jisös Kraistnöy kunbuk asuhuba miangö nalöñe kalem möriam engimawi, mönö miangöra al mamböta jöröm-qörömñini pakpak miangöreñ ala malme.

¹⁴ Anutugö nahönbörat-urupñan keuñi tem kölakzei, enön mönö miangö dop köna sarakñi wuatagöba malme. Mutuk gukmaulem tönpin malgetka nanñini sihim kömbönañini bölöñan yeyasenñeñ mem enğigetka lanlan malget. Mewö malgetmö, nalö kewöñe ahakmemenini mönö sihim miengö dop kude toroqeba aka memba malme. Lan siksauk malbepüköra mönö galömñini mem anguba malme.

¹⁵ Lan siksauk qahöpmö, Anutu sarakñan engehoholiga enön mönö mewöyök yağö dop ahakmemenini pakpak miangöreñ sarakñi aka malme. ¹⁶ *Buña Kimbigö keu kun kewö ohoget ahöza, “Nöñön töröñi sarakñi maljalangöra nöngö buñani enön mönö sarakñi aka malme.”

¹⁷ Anutugöra “Iwinini!” jiba ösumñi köl örömakzini, yañön iwi ölöpnağö dop ambazip tosatñi qahö neñgek soriba tosatñi qahö qepureim engimakza. Körek neñgö

* **1:16:** Lew 11.44-45; 19.2

ahakmemenini mönö dop mohotnöḡ kewöta mohot mohot neḡḡö keunini jim teköma. Mianḡöra Anutu töröḡaḡḡö buḡaya akze ewö, mönö gölmenöḡ kusukḡi malmeanḡö dop sarakḡi aka malme. Jitḡinanök qahöpḡmö, ahakmemeninan mönö Anutugö jitḡi oḡitpinpuköra sömbuḡini möta malme. ¹⁸ Mewöyök Anutunöḡ sohopḡini meyöḡaḡḡö könaḡi mötagun mönö sarakḡi aka malme. Ambösakonurupninan tandö lopion mötmöt laḡ wuatanaḡöba ahakmeme omani kondel neḡgigeri, Anutunöḡ inini yeḡḡö dop toroqeba laḡ malbepuköra bohonḡini öḡḡöḡḡöḡi gila sohopḡini meyök. Bohonḡi mi silwö goul oḡgita gilöhi, mi mötze. Gölmegö moneḡ inap ayapkömawaḡḡö dop akzawi, yuai mewöḡi mianḡön bohonḡini qahö meyök.

¹⁹ Mianḡön qahöpḡmö, Kraistkö sepḡi söḡḡöröḡi öḡḡöḡḡöḡi mianḡön mönö bohonḡini meyök. Kraistnöḡ lama moröḡi solanḡi uzi poreḡi qahö tandök aiga jöwöwöl ohohogö tandök qegetka sepḡi mokoyök. Mianḡöra mönö sarakḡi aka malme. ²⁰ Anutunöḡ mutuhök Suep gölme qahö miwikḡaim etkiba nalö mianḡöreḡök Kraist möwölöhöba sohopḡini memapkö nup areḡ mi lök qelḡiḡe ala areḡḡöyök. Mi areḡḡöiga ahöi mala kota malgetmö, nalö teteköḡe kianḡöreḡ inini ölöwakḡegöra aka indeli aukḡe asuhuyök. ²¹ Kraistnöḡ nam köl enḡiiga ölöḡ Anutu möt narim waḡḡimakze. Anutunöḡ Kraist mem gulim waḡḡi kömupnöḡök wahöriga asakmararaḡ al waḡḡi malja. Mewö maljawanaḡöra aka inini Anutu möt nariba kinda yuai pakpak jiyöhi, mianḡö dop ahakḡapkö jörömḡöröm ak waḡḡimakze.

²² Jörömḡöröm ak waḡḡiba keu ölnḡi tem kölgetka Kraistkö sepḡan köl köḡjorat mem enḡiiga malme. Mewö mala ölöḡ urumelenḡ alaurupḡini geḡḡonḡi qahö jöpaköm enḡiba malme. Urukönömḡini pakpak mianḡön mönö kapanḡ köla törörök urukalem ak aḡguba malme. ²³ Malmal köhöikḡaḡḡö keuḡi mianḡön mönö nam köl enḡiiga ahuaḡu döläkḡi ahuget. Gölmegö keu kusukḡi kunḡan qahö nam köl enḡiiga Iwi ketanaḡḡö nahönböraturupḡi aket. Anutugö keuḡan mönö qahö ayapkömapḡmö, teteköḡi qahö zeḡ ahöm öḡḡöma. ²⁴ *Keu mianḡö könaḡi mi Buḡa Kimbinöḡ kewö ohoget ahöza: “Ambazip pakpak inini mönö gwözözak luplup tandök akze. Aködamunḡini pakpak mi juranḡi asakasak-ḡinambuk tandök akza. Gwözözak luplupnöḡ mönö soholiba gororoḡḡögetka juranḡinan buratiba teköqeköba etme.

²⁵ Mewö etmemö, Kembugö Buḡa keu malmal köhöikḡi neḡḡimakzawi, mianḡön mönö teteköḡi qahö ahöm köhöiba ahöm öḡḡöma.”

Buḡa keu mianḡön Ölöwak Buḡaya aiga tosatḡan mi jim asarim enḡigetka mötze. Mewö.

2

Köt malmalḡambuk yambuk kinda sarakḡi akḡe.

¹ Buḡa keu mötzeanaḡöra mönö bölöḡamḡini pakpak köteköba gilme. Geḡḡonḡ köḡbiḡ pakpak mosötme. Ahakmeme silesile mi sisitḡi memba tököme. Köroḡisigisi aka andöqeqe keu yöhösaḡ ahakzei, mi pakpak mönö qekögetka et teköma. ² Morösesep geḡḡonḡini qahö yeḡön juzu nemingörök möta awöweḡḡömakze. Enḡön mönö mianḡö dop Buḡa keu qahö möwöramḡögeri, mi urukönömḡine albingö awöweḡḡöba malme. Mewö mala möt-nariḡḡini köl guligetka qarim köhöiiga letota mala oyaenḡoyaen akḡe. ³ *Buḡa Kimbigö keu kun kewö ahöza, “Nene kun nepöleköba nahömḡi mötkeri, mianḡö dop Kembu ölöḡḡi yambuk qekötahöba nahömḡi mötket.” Keu mianḡö dop Kembugö nahömḡi mötze ewö, mönö Buḡa keunöḡ qarim köhöiba malme.

⁴ Kraistkö söpsöp keuya jimam: Kraistnöḡ wahöta Anutugö tandö kömbönaḡi aka malmal köhöikḡaḡḡö wötḡi akza. Inini mönö yaḡḡöreḡ kaba kunbuk letotme. Ambazipnöḡ tandö kungöra “Köt omani,” jiba andö qeba mosötketmö, Anutunöḡ i Amötqeqe Tonḡi akḡapköra möwölöhöba yaḡḡöra möri bohonḡi öḡḡöḡḡöḡi ketanḡi akza. ⁵ Kraistkörenḡ

* 1:24: Ais 40.6-8 * 2:3: Sum 34.8

kaba guliba nanñinak mewöyök köt jamönjin malmalñinambuk ewö akñe. Mewö aka mal köhöigetka Suepkö mitimqeçe yanön engömembra uruñini möhamgöiga köhököhöi miwikñaiba urugö malmalgö jöwöwöl jike ölni akñe. Uña Töröñan uruñine mala sölölohöba mem letot enğiiga jöwöwöl jike miangö jike nup galöm sarakñi aka kinme. Uña Töröñan nam köla inahöm enğiiga tem köla Anutugö waikñi memba möpöseim wañgiba malme. Mewö malgetka Anutunöñ engeka Jisös Kraistköra aka ahakmemeni mewöñangö sihimñi möta malma. ⁶*Buña Kimbinöñ keu kun kewö ahöza: “Eket, Anutunöñ mönö köt tandö kun möwölöhöba Zaion kundunje Israel kambu uruñine kömötpiga tandö kömbönañi guli damandan (milyön Kina) ewö akña. Denike yeñön tandö pöwöwöm köhöikñi mi möt narim wañgimakñei, yeñön mönö yangöra aka gamu qahö möta malme.”

⁷*Möt narim wañgiba maljei, engö jemesoholñine mi tandö kömbönañi aködamunñambuk akzapmö, tosatñan uruñini qahö melenja maljei, yeñö jeñine mi Buña keu kiangö dop ahöza: “Miri meme yeñön ‘Köt omani,’ jiba tandö kun andö qeba mosötkeri, tandö mianjön mönö tandö kömbönañi ahök. Könañep tandökñi ain ewö miwikñaiget. Tandö pöwöwöm köhöikñi mewöñan tiñgitpawak ewö, mirinöñ mönö gororöngöba eta kölbawak.”

⁸*aka Buña keu kun kewö ahöza, “Ambazipnöñ köt jamönjin miangöreñ tötañgöba enğuiga mianjön mönö engum mizit ak enğima.”

Yeñön Buña keu qahö tem köla nanñini imbi wuatangö-makzeangöra aka tötañgöba erakze. Anutunöñ mewö arengöm enğiyoñangö dop erakze.

⁹*Yeñön mewö erakzemö, enjön ambazip kambu qainñi kun kewö akze: Anutunöñ inñini nanñangöra möwölöhöm enğiiga qainñi kun akze. Anutunöñ söñaupnöhök engoholiga asakñi wewelip-ñambuk miangöreñ añaota jike nup galöm kambu sarakñi akze. Añaöletot aködamunñambuk memba malöhi, miangö Buña keuñi mi jim asaribingöra engoholök. Engoholiga Anutugö buña könagesöñi mala Kiñ Kembangö jembonurupñi aka nupñi liliköba memakze. ¹⁰*Mutuk Buña Kimbigö keu kungö dop “simbisembel lañ malgetmö,” nalö kewöñe uru jöhöm añauba kutulañgöba “Anutugö urumelen könagesö kambu” aka malje. Mutuk Anutugö ak kömükömugöra “gukmaulem malgetmö,” nalö kewöñe “enğehoriiga kalem möriamñi ölop möt kutuba malje.” Mewö.

Anutugö welenqeçe ambazip kewö aka malbin:

¹¹ O wölböt alaurupni, Suepkö buñaya aka gölmenöñ ki kusuk kiana maljei, nöñön engö uruñini kewö kuñgumam: Silegö sihim kömbönañini bölöñan galöm köl enğibapuköra mönö nanñini añaön köl añaume. Sihim murutñi murutñi mienjön mönö uruñini mem bölimegöra bim qemakze. ¹² Uruñini qahö melenjeri, yeñö sutñine ahakmemeni ölopñanök aka memba malme. Tosatñan inñini bölöñi meme ambazip ewö keunöñ jim bölim enğimakzei, yeñön ahakmemeni ölopñi eka könañamñini törörök möt asarigetka mötmötñinan uteköma. Mötmötñinan uteköiga nanñini siñgisöndokñini aka möt sohosoñini ek kutuba uruñini melenja Kraist asuhumawañgö nalöñe engöra aka Anutu möpöseim wañgime.

¹³ Anutunöñ malmal arengöiga ambazip tosatñan galöm köl nengimakze. Kembangö qetñi bisize ewö, enjön mönö körek yeñö keu bapñe anda malme. Kiñ aka ministö yeñön bohonñini akzei, inñini mönö yeñö jitñini tem köla malme. ¹⁴ Kiap aka gawönö yeñö jitñini mewöyök tem köla malme. Yeñön ambazip bölöñi akzei, yeñö keuñini kewöta likepñi melen enğimakzemö, ölopñi ahakzei, yeñö qetñini möpöseimakze. Anutunöñ miangöra aka gawman ambazip al enğiiga malje. ¹⁵ Anutugö jit sihitñan mönö kewö ahöza: Kezapjupjup ambazip gukmaulem kinda engöra uruqahö keu omani omani jimakzei, inñini mönö ahakmeme ölopñi aka memba mianjön yeñö numbuñini muhungögetka ölopñ malme.

* **2:6:** Ais 28.16 * **2:7:** Sum 118.22 * **2:8:** Ais 8.14-15 * **2:9:** Eks 19.5-6; Ais 43.20-21; Dut 4.20; 7.6; 14.2; Tai 2.1; Ais 9.2 * **2:10:** Hos 2.23

¹⁶ Anutunöy bölönanğö kösö gwaröneyök pösat enğıga lolohogeri, inini mönö miangö dop ahakmeme solanji aka memba malme. Mewö malmemö, bölönanjini turumegöra “Kösö gwarönini qahö solanji (fri) maljin,” jiba miangören möndöba nanjini imbinjini kude wuatangöme. Mewö qahöpmö, Anutugö jitji tem köla welenni qemakzei, mönö miangö dop gwarö qahö malme. ¹⁷ Ambazip körek mönö göda qem engiba malme. Urumelen alaurupjini mi urukönömjinan jöpaköm engiba malme. Anutugö keuji ongitpinbuköra mönö sömbuñini möta malme. Kiñ aka ministöurupjini yengöra mönö mötket öngöiga göda qem engiba malme. Mewö.

Kraistnöy sihibölögö silik ölöpnji kondel nenğıyök.

¹⁸ Welenqeçeurup inini mönö ketanjanğö keu bapne anda göda pakpak kondel engiba malme. Urubönjörnöy galöm ölöpnji ak engimakzei, yengörök qahöpmö, öröm ureim ak engimakzei, mi mewöyök törörök göda qem engiba malme. ¹⁹ Denike yenjön Anutugö jitjanğö dop ambazip göda qem engiba malgetka töndup könanji qahöpmö, öne kahasililij ak engigetka sihibölö möta kapan köla mököşöngmakzei, Anutunöy mi eka likepnji melenja kötuetköm enğıga simbawon akze. ²⁰ Bölöni aketka kömbinöy enğıgetka mi möta mököşönda kinme ewö, nanjanğöra mönö denöwö aka mötket öngöbawak? Dopjine enğıgetka qetbuñani-nambuk qahö akje. Mewö qahöpmö, ahakmeme ölöpnji akeranğöra aka sihibölö miwikñaiba mököşönda malme ewö, Anutunöy mönö miangö likepnji melenja kötuetköm enğıga simbawon akze.

²¹ Kraistnöy mewöjanök enğöra aka sihibölö möta silik ölöpnji kondel enğıyök. Miangöra inini mönö yanğö köna tamböni mötöteiba sihibölö möta mököşönda malmegöra enğoholök. Mewö mala simbawon akje. ²² *Buña Kimbigö keu kun kewö ahöza, “Yanjön singisöndok kun qahö ahök aka yanğö numbu jitneyök munen keu kun qahö erök.” Inini keu miangö dop aketka dop kölma. ²³ *Ambazipnöy uruqeçe keu töhören Kraist gwötpuk jim wanğıgetka kitipni kun qahö melennök. Sihibölö ak wanğıgetka möta kitipni mekömamgö qahö töröpköm enğıyök. Mewö qahöpmö, Anutunöy keu diñdjanök jim tekömakzawi, mönö i möt nariba keuji yanğö böröne ala jim tekömapkö mambörök.

²⁴ *Kraistnöy nenğöra kapan köla singisöndok andö qeba ahakmeme solanji wuatangöba malbingöra aka sihibölö mörök. Mi möri Buña Kimbigö dop “sileni qegetka uzi asuhuyöhanğöra aka Anutunöy inini mem ölöwak enğıyök.” Ölöwaknegöra mönö “nanjak singisöndoknini memba silen eñguba” maripomnöy öngöba kömuyök. Miangöra inini mönö Kraistkö dop sihibölö möta mököşöngögetka ölöwakña. Singisöndökö esape-sapnöy öröm nenğıga miangören mönö qamöt tandök aka köhömunji malbin. ²⁵ *Mutuk inini “lama ewö janjun anda kaba lanlan malget.” Mewö malgetmö, nalö kewöne urunjanğö galömnanğören lilingöba kaba malje. Yanjön inini lama ewö sel jöhöba köyan köl enğımakza. Mewö.

3

Awanöm yengören qamban keu

¹ *Anutu welen qebingö keuji lök jizalmö, ambi inini mönö mewöjanök apurupjini yengö keu bapne anda malme. Mewö malgetka apurup tosatjan Buña keu qahö tem köla maljei, yenjön mönö mewöjanök anömurupjini yengö ahakmemenjini eka urunjini melenbeak. Urunjini melenja malmalnini Kraistkö böröne almegöra Buña keu jitjananök qahö jimemö, Kraistkö könanji mönö silikjinan kondel enğıgetka ek asaribeak. ² Ahakmeme sarakni diñdji aka memba Anutugö jitji ongitpebuköra kenğötjini mötketka azinöy mewö enğek yakögetka Kraistpuk qekötahöba malbingö sihimjini ahubawak.

* 2:22: Ais 53.9 * 2:23: Ais 53.7 * 2:24: Ais 53.5 * 2:25: Ais 53.6 * 3:1: Ef 5.22; Kol 3.18

³ *Silegö aködamunñinanök mönö kude mem öngömakñe. Nöröp sawañini qeba gawasu könani könani kude ala minjinä öñböñ kude memba malme. Kösasorom goul yuainöñ silenini kude menjölöm angume. Sileötañ qetpuk sorok aködamunñambuk mi kude mem angume.

⁴ Mewö qahöpmö, aködamunñini ölni mi mönö töp megetka uruñine ahöma. Uñañinan luainöñ böñjöñ malgetka aködamunñini ölni mianöñ tölapñe ahöba mönö nalö kunöñ qahö ayapköma. Urubönjöñ malgetka Anutunöñ engeka möri öngömakña. ⁵ Mönöwök ambi sarakñi yeñön Anutubuk kindä jörömqöröm ak wañgiba yuai pakpaköra mamböta malgeri, yeñön mewöyök uruñinañgö aködamunñinan menjölöm anguba apurupñini yeñgö keu bapñe anda malget. Mönö ambi miengö dop aka malme. ⁶ *Saranöñ apñi Abraham tem köñ wañgiba “Azi kembuni!” jiba ohola malök. Inini mewöyök zeñ kindä nup ölöpnä ölöpnä memba awösamkakak kindä yuai kungöra jönömñini qahö undui apurupñinambuk malme ewö, mönö Saragö dop ambi aköda-munñinambuk aka malme.

⁷ *Ambi yeñön ösumñini eretñi akzemö, töndup malmalgö kalem möriamñi mi azibuk öröröñ buña qem anguba malje. Ösumñini eretñi akzeangöra azi mohot mohot inini mönö anömurupñini törörök köyan köla lolongöm engiba malme. Anutunöñ azi engö köulukñini qepureibapuköra mönö göda qem engiba malme. Mewö.

Nup ölöpnä memakzemö, sihimbölö töndup mötze.

⁸ Keuni tekömawañgö qambañi kewö jizal: Inini mönö körek urumohot aka urumelen alaurupñini urubönjöñnöñ jöpaköm anguba malme. Gunböñjöñjöñ mala nannini memba et al anguba uruñinan jöhöm anguba mohotñe kinme. ⁹ Jinöñ jibi nuñgunöñ guhubi aknöñ aki mi kude ahakñe. Uruqeçe keu töhöreñ jim engigetka kitipñi kude meköme. Mewö qahöpmö, keu bölöñañgö likepñi melenä mönö kötuetsköba uruölöwak engiba malme. Mewö aka malgetka Anutunöñ likepñi melenä kötumötuetñi buña qem angumegöra engoholök. Mewö aka mala Kembu asuhumawi, nalö miangöreñ mönö oyaenköyaen akñe. ¹⁰ *Mewö akñegö keuñi mi Buña Kimbinöñ kewö ohoget ahöza: “Kunöñ malmal nahömñambuk malmangö ak wañgiiga wehön ölöpnä ölöpnä eka malmangö mötzawi, yañön mönö nesilamñi keu bölöñi jibapuköra jöhöba malma. Numbu suneyök geñmoñ keu asuhubapuköra mönö galöm mem anguba malma.

¹¹ Ahakmeme bölöñi mönö andö qeba nup ölöpnä ölöpnä memba malma. Luainöñ malmalgö jaruba mi buña qem angumangö kapan köla kinma.

¹² Mi kewögöra: Kembangö jeñan ambazip solanñi engek galöm aka köulukñinañgöra kezap alakzapmö, goñgoñi mi qahö mesohol köla engehakza.”

Keu mewö ahöza.

¹³ Inini nup ölöpnä membingö urukönöp aka malme ewö, ambazip sehisehiñan mönö nupñini geñmororöñ memba mem bölim engibingö qahö mötme. ¹⁴ *Mi qahö mötmemö, töndup ahakmeme solanñi akerangöra aka sihimbölö mötpeak ewö, inini mönö töndup Anutunöñ kötuetsköm engiiga oyaenköyaen akñe. Kahasililin mem engibepuköra mönö öne töwöratiba kengetñini möta uruñini eri möt bölöbölöñinan engubapuk. ¹⁵ Uruñinan kude etmapmö, uruñini mönö Kembu Kraistköreñ jöhöba könani sarakñi pöndañ mötmörigetka öngöi malme. Nalö dop jöjöröba Kraistkö könani ambazip jim asarim engiba malme. Oyaenköyaen akingö jörömqöröm akzei, ambazipnöñ miangö könañgöra qesim engigetka mönö körek yeñgöra keu melen engiba malme. Mönö gunböñjöñjöñ qakñe ambazip göda qem engiba uru kungum engiba malme.

¹⁶ Keuñini mewö galöm köñgetka Anutunöñ engeka “Dop köñja,” jiiga urukezapñinan mewö mötmegöra kinme. Kraistpuk qekötahöba kindä ahakmeme ölöpnä aketka uruqeçe keu töhöreñ lan jim engimakzei, yeñön mönö nannini keu bölöñañgöra aka gamu miwikñajime. ¹⁷ Nup ölöpnä ölöpnä memba malgetka ambazip tosatñan töndup kahasililin

* 3:3: 1 Tim 2.9 * 3:6: Jen 18.12 * 3:7: Ef 5.25; Kol 3.19 * 3:10: Sum 34.12-16 * 3:14: Mat 5.10; Ais 8.12-13

ak engigetka Anutugöra sihimbölö mötketka dop kölja. Yuai bölöni aka memba mi-anön sihimbölö miwiknagetka gamuñambuk akza. ¹⁸ Kraistnöñ mewöyök nalö kunöñ siñgisöndoköra aka kömuyök. Nini gonjonji ahinga Diñdini yanön neñguanğiriga Anutugöreñ angotpingöra aka sihimbölö mörök. Gölme azia aiga silenji mem kömugetmö, Uña Töröñan mem gulim wañgiiga wahöta malja. ¹⁹ Uña Töröñan wañgiriga neñgömosöta kömupkö senjom mire geba uña kösö gwarönöñ malgeri, mönö yeñgöra Buña keunji jim asarim engiyök.

²⁰ *Mönöwök Noagö nalönöñ wañge ketanji megetka Anutunöñ uruñini melenmegöra kapañ köla mökösoñda mambörökmö, ambazipnöñ keu qahö tem köla ayuhuba kömupkö kösö gwarönöñ geget. Ambazip saiwa morörökñi 8 mewöñan Anutugö jitrji tem kölgetka o aliga gölme turuba wañge siriiga gölunöhök gouñini köla bohonñini jöhöyök. ²¹ Yuai mewö asuhuyöhi, mi o melungö söpsöpñi akza. Jisös Kraistnöñ kömupnöñöhök wahöta maljawañgöra aka nalö kewöñe o neñgömirigetka Kraistkö ösumñan neñgualöñda bohonini jöhömakza. O mi silegö töwötñi sañgonmapköra aka qahö al neñgizemö, o melungö öñji mi kewö: Nini Anutubuk malbingö jöhöjöhö aka jöjöpñ keunöñ jöhöba kewö köulukömakzin, “Anutu, gi mönö qewölonji sañgonñöñga uruñan sarakñi aiga göhö jege dop kölma.”

²² Jisös Kraistnöñ Suep mire eu öñgöba Anutugö böröñi öñje buñabuñambuk tatza. Anutunöñ kukösum wañgiiga tata Suep garata aka Suepkö bem suahö könañi könañi ösum-mumuñinan neñgek galöm aka kuñgum neñgimakzei, mi tok galöm köl enğiiga keunji bapñe malje. Mewö.

4

Mönö letota malmal qainñi kun malme.

¹ Kraistnöñ silenje sihimbölö mörök. Mianğöra inñini mewöyök silenine sihimbölö mötpingö jöjöröba malme. Yambuk mötmöt mohot kewö memba mötmörime: Kunöñ siñgisöndok ahakzawi, yanön mönö nanñi silenjanğö sihimñanğöra ak wañgimakza. Kunöñ Kraistköra aka sihimbölö mörakzawi, yanğö sihim kömbönañi bölöñan mönö sörorauba eri siñgisöndok tököba qahö akñamğö kapañ köla malma. Urumötmöt mianön mönö wötñini mem enğiiga mianğöreñ töndangöba aködamunñinambuk aka malme.

² Urumötmöt mianğöreñ töndangöba kinda uru silegö sihim kömbönañi bölöñi jöhöba galöm köla malme. Nalö kewöñeyök könahiba gölmenöñ toroqeba mal öñgömei, mianğöreñ mönö Anutugö jitr sihitñi tem köla wuatangöba malme. ³ Inñini nalö mala kotkeri, mianğöreñ anğöjörak ambazip uruñini qahö melenđa ahakmeme bölöñi lañ akingö mötzei, mönö yeñgö dop kewö lañ malget: Serowilin aka sihim kömbönañini bölöñi lañ wuatangöba malget. O jawat, gojak daun yuai mi otoñomborañ memba kanjam köla negetka nöropñini sohoi enololon malget. Közölömbuañ ala liñet unduba ambi kenam mem bölim enğiba kezapjupjup aket. Tandö lopion liliköba simin köl enğiba yuai kanjamñambuk aket. Mewö aketmö, nalö kewöñe ahakmeme mewöñi mi qahö toroqeba ahakze.

⁴ Anğöjörak ambazipnöñ söñaup malmalgö sömuk piliñ-piliñgöba ahözawi, mianğöreñ öröba luhuba gemakze. Inñini yembuk kude öröba gegetka eka auruba uruqeçe keu töhöreñ jim enğimakze. ⁵ Mewö ahakzemö, Anutugö jeñe angotketka qesim enğiiga könañamñini aukñe indela jim asarigetka möndömmöndöñini kesalma. Anutunöñ ambazip maljini aka kömukömuñi mönö körek neñgö keunini kewöta jim tekömangö jöjöröza.

⁶ Sileninan kömumba keuninan mianğöreñ qahö teköma. Mianğöra Ölöwak Buña mi kömupkö senjom mire maljei, mienön mewöyök mötmegöra Kembunöñ mutuk jim asariyök. Mi kewögöra: Anutunöñ ahakmemenini kewöta ambazip tosatñi neñgö dowä jim teköm enğiiga silebuk malgeranğö likepñi miwikñaimemö, tosatñan uruñini melenđa uñaninan guliba malmal köhöikñanğö buñaya aket. Anutunöñ nanñak mal köhöimakzawi,

* 3:20: Jen 6.1-7.24

miaŋgö dop körekŋan malmal köhöikŋi mal öŋgömegöra möt köhöimakza. Tosatŋan Buŋa keu mi uruŋini kuŋgum eŋgimegöra jiget. Mewö.

Nup memegö mötmöt kalemŋi mönö galöm köla malme.

⁷ Yuai pakpakö nalöŋan mönö tekömamgö dopdowiza. Miaŋgöra inŋini köuluköbingöra mönö ikmaok kude malmemö, nanŋini ahakmemenŋini galöm köl aŋguba zeŋ kinda köuluk nup memba malme. ⁸ *Buŋa Kimbigö keu kun kewö ahöza, “Ambazip uruninan jöpaköm eŋgiba ŋiŋgisöndokŋini sehisehŋi kölaleiba gamuŋini turumakzin.” Miaŋgöra alaurup sutŋine mönö törörök jöpaköm aŋguba malme. ⁹ Inŋini mönö alaurupŋini köl öröba miriŋine köisirik tata uruŋinan jimöŋgot ihururukŋi qahö köyan köl aŋguba malme.

¹⁰ Anutunöŋ kalem möriam könaŋi könaŋi miaŋgö Toŋi akza. Yaŋön nup memegö mötmöt kalem murutŋi murutŋi mendenŋ eŋgii malje. Inŋini mohot mohot mönö mötmöt kalemŋini ölöŋanök galöm köla miaŋön könaŋesöurupŋini welen qem eŋgiba malme. Mi buŋa qem aŋgugeraŋgö dop nupnöŋ ala kambu sutŋine bauköm aŋguba malme. ¹¹ Nup memegö mötmöt kalem yahöt mi kewö: Denike yeŋön Buŋa keu jim asarimakzei, yeŋön mi mönö Anutunöŋ sölölohöm eŋgimakzawaŋgö dop jiba malme. Denike yeŋön alaurup welenŋini qeba naŋgöm eŋgimakzei, yeŋön mönö Anutunöŋ inahöba ösum eŋgimakzawaŋgö dop alabauk ak eŋgiba malme. Jisös Kraistkö buŋa akzeanaŋgöra yuai pakpak miaŋgöreŋ mönö Anutu möpöseigetka qetbuŋaŋan aködamunŋambuk aka ahöma. Yaŋön asakmararaŋ Toŋi aka kukösum Toŋi mi nalöŋi nalöŋi mala kota malja aka teteköŋi qahö mal öŋgöma. Keu mi ölna.

Kraistpuk kinda sihibölö möta malme.

¹² O wölböt alaurupni, sihibölö qakŋine öŋgöi mötketka könöpŋan eŋgohotiriba esapköm eŋgimakzawi, miaŋgöra mönö kude auruba malme. Yuai asuhum eŋgimakzawi, mi upnina, mewö mötmöribepuk. Mi gölmenöŋ maljinaŋgö dop asuhumakza. ¹³ Kude aurumemö, Kraistnöŋ ölöŋŋi aiga kahasililiŋ ak waŋgigetka möröhi, inŋini mönö sihibölö miaŋgö kitipŋi mötzeanaŋgö dop sösoŋgai aka malme. Yambuk mewö malgetka liliŋgöba kaiga asakmararaŋan asuhuiga nalö miaŋgöreŋ mewöyök söŋgaiba oyaenŋkoyaen akŋe. ¹⁴ Ambazipnöŋ eŋgeka uruŋini Kraistköreŋ melenŋeraŋgöra aka uruqeŋe keu töhöreŋ jim eŋgi-makze ewö, eŋön mönö simbawoŋ akze. Mewö jim eŋgimakze-aŋgöra aka Anutugö Uŋa Töröŋi asakmararaŋambuk yaŋön mönö qakŋine köla ösumŋan turum eŋgiba kötuatköm eŋgimakza.

¹⁵ Eŋgöreŋök kuŋŋan yuai bölöŋi ahöhaŋgöra sihibölö miwikŋaiba mötpapuk. Kuŋöŋ kegwek-kahasililiŋ aka ambazip eŋguba yuai yoŋgorö meyöhi me tosati yeŋgöreŋ keu jim supapköba nup meme tandöktandök möndöba laŋ lilikqilik aka lömböt miwikŋaimakzawi, yaŋön mönö sihibölöŋi dopŋe mötza. ¹⁶ Kuŋŋan Kraistkö alaŋi akzawaŋgöra aŋgösirip miwikŋaiba sihibölö mötza ewö, yaŋön mönö miaŋgö gamumamusumŋi kun öne kude mötma. Gamu qahöpmö, Kraistkö qetŋi bisizawaŋgöra mönö Anutu möpöseiba malma.

¹⁷ Anutunöŋ ambazip keunini kewötmapkö nalöŋan kam kuŋguiga nanŋi urumelen könaŋesöurupŋi neŋgö keunini mi mutuk jim teköma. Mutuk neŋgö keunini jim teköma ewö, ambazip Anutugö Ölöwök Buŋa qahö tem kölgetka lömböt qakŋine öŋgöiga teteköŋe mönö denöwö asuhum eŋgibawakto? ¹⁸ *Buŋa Kimbinöŋ keu kun kewö ahöza: “Solani yeŋön Suep mire öŋgöbingö kupuk-kapak akŋe ewö, ŋiŋgisöndok ambazip aŋgöjörakŋinambuk yeŋgö keuŋini mönö denöwö asuhubawakto?”

¹⁹ Miaŋgöra alaurup Anutugö jitiŋi tem köla aŋgösirip miwikŋaiba sihibölö mörakzei, eŋön mönö uŋaŋini miwimiwikŋai Toŋaŋgö böröŋe alme. Toŋi yaŋön keu jiyöhaŋgö dop alaurupŋi sel jöhöba kölközizip aka köyan köl eŋgimakza. Uŋaŋini yaŋgö böröŋe ala mönö jegep kinda nup ölöŋŋi ölöŋŋi pöndaŋ memba malme. Mewö.

* 4:8: Qam 10.12 * 4:18: Qam 11.31

5

Jitnememe engörej qambañ keu

¹ Nöñön urumelen könagesögö jitnememe kun aka Kraistnöñ sihimbölö möröhi, miangö keuñi nañgöba jimakzal. Könañgep lilingöba kaiga asakmararañan asuhuiga qetbuña ningii miwik-ñaimangö mötzal. Engö sutñine nöñgö jitnememe alaurupni akzei, nöñön engö uruñini kewö kuñgum engizal: ² *Anutunöñ möt narim engiba lama kambuñi böröñine alöhi, eñön mönö i köyan köñ engiba malme. Nup mi ölan qakñe qahöpmö, Anutugö jitñañgö dop urusihimñini nupnöñ ala mi amqeba urukönöp qakñe zeñ memba kinme. Möndömöndö qakñe injarere mala moneñ yuaigöra kude kapañ köñma malme.

³ Lama kambu bapñine kaba kinjei, i mönö azi kembu tandök kude galöm köñ engime. “Zioz galöm akzin,” jiba töptöpñine kude qeba miwidimgöm añgumemö, ahakmemegö silik ölöpñi mi lama kambu kondel engiba malme. ⁴ Ahakmeme ölöpñi aka malgetka lama galöm bohonñan kunbuk asuhumawi, nalö miangörej mönö sorom jöñine uta ila jalö aködamunñambuk nöñöpñine köñ engigetka buña qem añgume. Aködamun miangön mönö nalö kunöñ qahö tahöliba piahima. Mewö.

Sepguli engörej qambañ keu

⁵ *Sepguli iñini mewöyök galömurup yeñgö keuñini bapñe anda malme. “Anutunöñ söñgöröqök ambazip tuarenjoñ ak engimak-zapmö, nanñini memba et al añgumakzei, yeñgöra mönö kalem möriamñi engimakza.” Miangöra iñini mönö körekmakörek sutñine nanñini memba et al añguba malme. Tandök miangön mönö maluku ewö köñget gem enñiiga malme. ⁶ *Miangöra mönö nanñini memba et al añguba Anutu böröñi kukösumñambuk miangö bapñe angetka nalöñan kam kuñguiga ölöp memba öñgöba al enñima. ⁷ Buña keu kun kewö ahöza, “Yañön iñini köyan köñ engimakzawañgöra waiman-jatñini pakpak mönö yañgö böröñe ala mosötme.”

⁸ Ahakmemeñini galöm köñ añguba zeñ kinda pöndañ uru guliguli malme. Bölöñañgö Toñan lañ liliköba ambazip tuarenjoñ aka jarum neñgimakza. Kunñan sipkömturuk aiga yañön mönö laion sömbup ewö gwahöt neñgimangö jöjöröza. (Laionöñ görörök qeriga silatñi mötketka böññini wahörakza.) ⁹ Iñini sihimbölö mörakzei, engö urumelen alaurupñinan mönö mewöñanök göñme dop kahasililij miyöhök möta mököñda malje. Mi mötmöriba keñgötñini yaköriba mötnaripnöñ töndangöba kinda laion mi köhöikñanök tuarenjoñ ak wañgiba malme.

¹⁰ Iñini nalö töröpñi sihimbölö möta malgetka mösöhöba nañgöm engiba töngum enñiiga ölöp kin köhöiba malme. Mewö Kraistpuk kingetkun aködamunñi tököm enñiiga asakmararañe öñgöba teteköñi qahö asariba malme. Anutu, kalem möriam pakpakö Toñi akzawañön mönö iñini mewö aka malmegöra enñgohölök. ¹¹ Yañön kukösum Toñi mala kota malja aka nalö teteköñi qahö mal öñgöba malma. Keu mi öñja.

Pitönöñ yaizözkök keu teteköñi jiyök.

¹² *Anutugö kalem möriamñan mönö ak kömukömu öñ töhöññi akza. Nöñön keu mi köhöiba nañgöba jiba eñön kalem möriam miangörej tönguba kin köhöiba malmegöra jim kutum engizal. Miangöra kimbi töröpñi ki jibiga neñakni Sailasnöñ ohom enñiyök. Yañön nömbuk pöndañ kinda urumelen neñakni akza. Yañgöra mewö mötmörizal.

¹³ *Anutunöñ urumelen könagesö iñini ewö nanñañgöra möwölöhöm enñiiga Babilon siti bölöñi miangörej* maljei, mienöñ mönö yaizözkökñini algetka engörej kaza. Mötnaripkö

* **5:2:** Jon 21.15-17 * **5:5:** Qam 3.34 * **5:6:** Mat 23.12; Luk 14.11; 18.14 * **5:12:** Apo 15.22, 40 * **5:13:** Apo 12.12, 25; 13.13; 15.37-39; Kol 4.10; Flm 24 * **5:13:** Babilon mi Rom sitigö qet tölapña. Indelindel buknöñ mewöñanök qet mi miangö dop ohoget ahöza.

nahöni Mak yanön mewöyök yaizözköki alja. ¹⁴ Inini sutine urukalem-ñinanö waikini memba anğum anğuba nemböni susuha malme.†

Alaurup Kraistpuk çekötahöba kinjei, luainöñ mönö körek embuk ahöma. Mewö.

† **5:14:** Nalö miangörej jölöni jiba waikini memba numbuñini yöhötüm memba malgeri, mönö miangöra jiza.

Pitögörenj Kimbi 2

Pitönöñ Kimbiñi aliga 2 ahök.

Jim-asa-asari

Pitönöñ Kimbi ki Kraistkö alaurup gölme dop tat angeri, yengöra ali anda liliköyök. Tosatñan keu sohoboho miwikñaiba ambazip kusum sohom engigeranğöra malmal sarakñi mosöta sero namböñnamböñ yuai lañ aka malget. Böhi takapulakanj mi Anutugö keu bapñe qahö anda (2.10) iwilele (3.17) aka silenini möpöseiba (2.18) jakbak-öranğöranğ (2.10) aka nanñini imbi-imbi malget. Aiakaninan Jisös qañ köl wañgiget. Yeñön ilit ambazip gödaqeqeñini qahö mala anjanbanjanğ ambazip (2.3) lölöwöröñi (2.18)janjunğ mem engiget. (3.3-4)

Pitönöñ keu aka ahakmeme miangöra waimanjat ketanji möta diñgimapköra bim qeba amötqeqegö könanji jim tuariza. Uruñini kuñguba jimkutukutuñi kewö ohoyök, “Anutu aka Kembu Jisös Kraist ölna möt narim etkiba yetpuk qekötahöinga lömböt mi mem et ali amqema. Mötmöt mewöñi mi jimburenğ qahöpö, ambazip nanñini jeñinan Jisös eka ambazip kusum engiba malöhi, mi möta jiget kaiga mörin. Miangöra mönö malmal sarakñi mala kopa malmal aka uruyahöt mi andö qeme.”

Tosatñan kapanğ köla kewö lañ jiba ambazip kusum sohom engiba malget, “Kraistnöñ kunbuk qahö lilingöma.” Keu mi jimburenğ keuya. Pitönöñ keu miangöra waimanjat ketanji möta likepñi kewö melenğda jiba ohoyök, “Kraistnöñ nalöñi könjörari öngöiga lilingömawañgö tandök akzawi, mi kewögöra: Anutunöñ ambazip nenğörenğök kunñan ayuhumapkö qahö mötzapmö, körek neñön urunini melenğda singisöndok malmalnini mosötpingö möta kapanğ kölakza.”

Buk kianğö bahöñi bohonñi 4 mi kewö:

Keu mutukñi 1.1-2

Anutunöñ sarakñi malbingöra nenğoholök 1.3-21

Böhi takapulakanj yengö könanjini 2.1-22

Teteköñe Kraistnöñ lilingöba kama 3.1-18

¹ Saimon Pitö nöñön embuk keu eraum mötpingöra kimbi ki ohozal.

Jisös Kraistnöñ melaim niñgiiga aposol aka welenñi qeba malakzal. Bem Anutuninanan Amötqeqe Toñi Jisös Kraist melaiiga eri yañğöra aka keunini jim teköi solaniinga mötnaripñinan ahuyök. Injini mötnarip miyök buña qem anğugетка bohonñi öngöñgöñi aiga nini ewö simbawoñ malje.

² Injini Anutu aka Kembunini Jisös möt kutum etkizei, yetköñ mönö kalem möriamñi kelenmaleleñ engiyohotka luainöñ malme. Mewö.

Anutunöñ engoholöhi, miangörenğ köhöiba kinme.

³ Anutunöñ asakmararañ Toñi aködamunñambuk akza. Miangö dop nini sarakñi aka malbingöra nenğoholök. Mewö könanji möt yaköinga kalem nenğimakzawañgö könanji asuhuyök. Nini malmal köhöikñi mala urugö köl guliguli pitirik akingöra yuai osimakini, yañgö bem ösumñan mönö mi pakpak nenğgiiga buñanina ahakña.

⁴ Asakmararañ Toñi yañön urunine nupñi nupñi wewelip-ñambuk memba kalemñi pakpak nenğimamgö mörakza. Anutunöñ jöhöjöhö keuñi nenğiyöhi, miangö söñgöronñan mönö öngöñgöñi akza. Injini mutuk gölmegö sihim kömbönanjini bölöñi lañ wuatangöba anğöjörak uruñe malgetmö, Anutunöñ injini miangö-renğök meköba bohonñini jöhöyök. Mewö aiga kopa malmal sööreiba andö qemegöra amötqeqe areñi ali ahöza. Mötmöt ahakmeme aködamunñambuk Anutugörenğ ahözawi, yañön injini miangö dop letota kölönaimegöra kapanğ kölakza. Injini jöhöjöhö keuñi keta bölökñi miangörenğ qekötahöze

ewö, yanön mönö inahöm enğiiga kunbuk letota Suepkö aködamunñi miwikñaiba buña qem anğuba malme. Aködamunñi mianön ölop tönjonjonğöba dop köl enğima.

⁵ Anutugören jöhöjöhö keu mewö ahözawağöra aka inñini mönö mötnaripkö ölni ahum enğiiga kondela malme. Mewö malmegöra mönö kapan köla zeñ kinda bim qeba malme. Ölni ahum enğimawi, mewö ölop Anutugö könañi toroqeba möt kutume. ⁶ Mötkutukutuñinan qariiga ölop ahakmemenñini toroqeba galöm köl anğumakñe. Galöm köl anğuanğunñinan qariiga ölop kin köhöiba lömböt mökösönđa bisiba malme. Kin köhököhöinñinan qariiga ölop kunbuk Anutugö jitñanğö dop urugö köl guliguli aka malme.

⁷ Urugö köl guliguliñinan ahum qariiga ölop urukalemñinan sehiiga urumelen alaurup ala-ala aka köyan köl anğuba malme. Urukalemñinan sehiiga ölop ambazip pakpak jöpaköm enğiba malme. ⁸ Inñini Anutugö aködamun mewöñi buña qem anğuba mem sehiba malme ewö, mönö gilipitñi (ambetakñi) kude malme. Mewö qahöpmö, aködamunñi mianön mönö nam köl enğiiga anqeba Kembunini Jisös Kraistkö könañi möt kutuba ölop nupñi jegep kinda megetka ölni ahumakña. ⁹ Ölop ahumakñapmö, denike yengören Anutugö aködamun mewöñi qahö ahöm enğiza ewö, yengö mötkutukutuñinan mönö töröpñi aiga bau jegömöl ewö kinkuñ kankuñ akze. Anutunöñ siñgisöndokñini walñi sanğonñi sarakñi akeri, mi ölüm enğui ikmaok malje.

¹⁰ O urumelen alaurupni, Anutunöñ möwölöhöm enğiba enğoholöhi, inñini miangören tim töndangöba kinme ewö, mönö nalö kunöñ qahö tala kaman kölme. Miangöra enön mönö miangören köhöikñanök töndangöba kinbingö kapan köla malme. ¹¹ Mewö aka malgetka Anutunöñ engehi dop köli köl öröm enğiiga Suep miri nanğunan lökñanök taliga ölopñanök uruñe öngöme. Kembunini Jisös Kraistnöñ Amötqeqe aka bemtohoñ Tonji akza. Yanğö bemtohoñ uruñe öngögetka nalö teteköñi qahö galöm köl enğiiga oyaenköyaen aka malme.

¹² Buña keu ölnan köna mewö kondel enğizawi, inñini mi lök buña qem anğuba miangören böñ qeba kin köhöize. Miangöra keu areñ jizali, mi ölop möt asarizemö, nöñön töndup miangöra nalö dop jim gulim enğimamgö mötzal. ¹³ Mewö möta sile kianğö sepö koumnöñ malmamanğö dop keu areñ mi ölüm enğubapuköra mötmötñini jim guliba kuñgum enğimamgö mötpi dop kölja. ¹⁴ Nöñön sileni kusukñi ki sepö koumni ewö lulunđa zilañ kömumba unem mire öngömami, mewö möt yaközal. Kembunini Jisös Kraistnöñ mewöyök buzup keu mewöñanök jii möral. ¹⁵ Keu areñ kusum enğiali, mianön urukönömñine ahöiga nöñön nöñ qeba kömup mire anbiga miangö andöñe mewöyök mi ölop nalö dop mötmöriba malme. Nöñön miangöra köhöiba kapan kölakzal. Mewö.

Kraistkö asakmararañi mi jeninan eka nanğöba jizin.

¹⁶ Kembunini Jisös Kraistnöñ qetbuñañi öngöngöñi memba nup kukösumñambuk memba malöhi, neñön mi nanine jeninan uba eka malin. Mewö mala miangö dop kukösumñanğö könañi aka lilingöba kamawañğö keuñi mi jim asarim enğiba malin. Mi bem samban kösohot* ewö qahö jimburen ahin. Girabu mötmöt ewö mi lañ qahö wuatangöba malin. ¹⁷ *Nöñön Jisösgö qetbuñañi öngöngöñi mi naninak kewö asuhuiga ehin: Asakmararañ Tonji öngöngöñi yanön keu jiiga qet kewö asuhuiga mörök: “Azi ki nani wölböt nahöni aiga yanğöra urunan ölöwahiga eknahöm ak wañgizal.” Yanön mi möriga Iwi Anutunöñ asakmararañ wañgiiga aködamunñi buña qem anğuba malök. ¹⁸ Neñön yambuk kundunñi töröñi miangören öngöba malinga qet mianön Suepnöhök asuhuiga mörin.

¹⁹ Kezapqetok ambazip mutuhök Buña keu jiba ohogeri, mi nalö kewöñe möt sölöngöba anğön kölinga pöwöwöm köhöikñi ak neñgiza. Miangöra Buña Kimbi walñanğö keuñi

* **1:16:** Bem samban miengö könañini kun mi kewö: Mötmöt ambazip yengö uruñine jimburen mötmöt letoriga keu könañi könañi lañ mötmöriba numbu o algetka asuhumakze. * **1:17:** Mat 17.1-5; Mak 9.2-7; Luk 9.28-35

mi mönö törörök kezap ala buña qem anguba malme. Kiwanön miri söhsöhañe asari-makzawi, kezapqetok keu mienjön mönö miangö dop jim asarim engimakze. Injini miangö asakñe qekötahöba kinme ewö, mönö ölop Anutugö köna ölni eka söñaupkö ahakmemeñi yaköriba mosöta malme. Mewö mal öngöba mambötketka miri wangarañ suruiga söñangö undiñi asuhuiga uruñinan asarima. Kembuninan lilingöba kamawangö undiñan mönö mem asarim engii eka Anutugö yuai pakpak ek asarim teköme.

²⁰ Keu nöropñi mutukñi ki mönö möt asarigetka kude ölum enguma: Gölme ambazip kunñan Buña Kimbigö kezapqetok keuñi mi nanñi mötmöt qakñe jim asarimangö osimakña. ²¹ Mi kewögöra osimakña: Gölme ambazip kungö jit sihitñan nalö kunön qahö nam köliga kezapqetok keu asuhui jiget. Mewö qahöpmö, Uña Töröñan kezapqetok ambazip uruñine sölölohöm engiiga Anutugö jitneyök keu memba mönö mia jiget. Mewö.

2

Böhi takapulakanan mönö mala ayuhume.

¹ Kezapqetok ambazip takapulakanani mi mewöyök Israel könagesö sutñine asuhuget. Miangö dop engö sutñine böhi sohoboho mewöyök asuhume. Asuhuba kinda mötnaripñini ayuhumapkö enjololoñ keu kemañi kemañi mi tölapköba memba sutñine kame. Ketañamninan sohopñini meyöhi, Kembu mi mewöyök qañ köl wangiba mewö mianjön nanñini könder anguba wölañ ayuhume.

² Mewömö, mi töndup ambazip sehisehiñan mönö yengören serowilin silikñini wuatangöba nanñini imbi-imbi malme. Mewö malmeangöra ambazip mötmötñini qötömötötañ aketka urumelenjögö köna ölnan mötmötñine gamuñambuk ahakña. ³ Böhi takapulakanani mienjön mönö yuai membagan membingö köpösöngöba nepaqepalok aka kösohot könañi könañi jimburen (zöm mindiriwa) aka lañ jim sehiba malme. Mewö malgetka enjön mi möta amqeba monen yuai tokogetka lañ örömgöjup memgöjup aka malme. Anutunön ambazip mewöñi yengö keuñini lök möpñangö möpñe jim teköiga likepñi melenjiga qakñine öngömapkö ahöza. Anutunön köndermönder engimangö tanqañ ikmaok qahö akñapmö, öl töhöñña sihimbölo möta malme.

⁴ Köndermönder asuhumapkö galöm meme keu tosatñi kewö: Suep garata tosatñan Anutugö jitñi qetala siñgisöndok akeri, Anutunön i qahö engehoriyökmö, aköm engiiga könöp mire emuyangören geget. Yaköriba panaman miri dutñe ala ain tapepñon (muñgamuñga) gwaröhöm engiyök. Gwaröhöba galöm köl engiiga keuñinangö kitipñi jim tekömapkö mamböt tatkerata tata kotze. ⁵ *Möpñangö möpñe ambazip angöjörakñinambuk gölmenön malgeri, Anutunön i mewöyök qahö engehoriyökmö, göulu ketañi jiiga wahöta enguba turum engiyök. Turum engiyökmö, töndup azi Noa mianjön urumelenjögö keu jiba ahakmeme diñdiñi akñegö uru kuñgum engiba malöhi, i aka ambazip 7 mia malmalñini angön köla sel jöhöm engiyök.

⁶ *Mewöyök Sodom Gomora taon yahöt mi ayuhumahotkö keuñini jim teköba könöpnön engohoiga gapñiranök ahöyohot. Ambazip angöjörakñinambuk yengöra yuai denöwö asuhumawi, miangö söpsöpñi ekingöra mi al engii akzahot. ⁷ *Könöpnön körek engohomangö ahökmö, töndup azi solanñi Lot mi mutuk sutñineyök meköba angön köl wangiyök. Iwilele ambazip sero namböñnamböñ aka nanñini imbi-imbi ahakmeme tosatñi lañ aket eka yengöra möt böliba uruñan eri malök. ⁸ Azi solanñi mianjön yengö sutñine mala ahakmeme iwilele kanjamñambuk eka möta malöhi, miangöra mönö wehön dop möt jinjingöba malök. Uruñi sarakñan mönö sundan böliiga malök.

⁹ Galöm meme keu jizali, mienjön Anutugö könañi kewö kondelakze: Kembunön ambazip Anutugö malmal köhöikñi köl gulimakzini, nini ölop esapesapñöhök meköba bohonini jöhömangö mörakza. Mi mörakzampmö, ambazip gonñonñi mi keuñinangö likepñi

* 2:5: Jen 6.1-7.24 * 2:6: Jen 19.24 * 2:7: Jen 19.1-16

meleni qakñine öngöiga garataurupñan galöm köl enjigetka malme. Mewö mala öngögetka nalö ketanjan kaiga keunini jim teköiga toroqeba sihimbölö möta malme.

¹⁰ Ambazip silenjanğö sihim kömbönañi bölöñi wuatangöba angöjörakñinambuk aka iwilelenöñ Anutugö kukösumñi memba et alakzei, Anutunöñ mi mönö mutuhök jim teköm enjyöhawa sihimbölö ketanji möta malme. Böhi takapulakanji mienön mönö jakbak-öranjböranj qakñe nanñini imbi-imbi mala Suepkö bem suahö asakmararanambuk euyangöreñ maljei, yeñgöra sömbu-ñini qahö mörakze. Mi qahöpmahöpmö, i mewöyök uruqeçe keu töhöreñ jim engimakze. ¹¹ Mewö ahakzemö, Suep garata kukö-sumñinambuk böhi sohoboho mi enğongita öngöngöñi akzei, mi töndup Suepkö bem suahö ambazip mi Kembugö je mesoholñe qetala uruqeçe keunöñ töhöreñ qahö jim teköm engimakze.

¹² Garata yeñön mewö qahö ahakzemö, ambazip mienön silenini memba öngöba Buña keu qahö möt kutuba mi töndup yeñgöra uruqeçe keu töhöreñ lañ jimakze. Sömbup soñ ewö mötkutukutuñini ölni qahö asuhuiga sömbup malmalgö sihim yuai korembiñi miyök mörakze. Sömbup soñ mi asuhugera ambazipnöñ lañ enğugət kömumakzei, yeñön mönö miangö dop lañlañ tönpin mala ayuhume. Nanñini sihim mötmötñini gongonmanğonjan mönö köndeñ enjigetka ayuhum teköme. ¹³ Tosatñi öröm ureim ak enjigetka kahasilililij mötketmö, Anutunöñ nanñini keunjanğö likepñi melen enjiiga sihimbölö miyök qakñine öngöma. Urumelen enön urukalem kondel angubingöra tokoba lömbuan algetka takapulaka böhi mienön mönö miangöreñ mewöyök kamakze. Kaba dogonñi aukñe kondela bau numbu nemakze. Mewö aka enğö sile töwötñini boromñi boromñi gamuñinambuk ewö akze. Nanñinak silenjanğö sihimñi meköbingöra totoko yuai asakñe ala sero aukñe aka lañlañ söngaimakze. “Ziozgö lama galöm akzin,” jiba ala enğöra qahö mötmöriba tilipköm enjibingö sösongai mörakze.*

¹⁴ Jeñini kaisero jeje aka ambi engehakzei, mi serowilinök akingöra mörakze. Sero siñgisöndok yuai akingö sihimñi mi qahöpmahöp mosötpingö mörakze. Ambazip koñgwarak kölakzei, mi öröm enjigetka köna jitñe gegetka örömböknöñ jölniñi mesiñmakza. Membagun membingö nepaqepalok köpösöngögetka urumötmötñini köhöikñi miangöreñ ahöza. Mewö ahakzeangöra Anutunöñ saiköm enjiiga ayuhume.

¹⁵*Yeñön köna diñdiñi andö qeba kahalalom janjuñ anda kezapqetok azi Balam Beorgö nahönñi yanğö urukönöp köna wuatangömakze. Kerök azi kembu kunöñ Balam Israel ambazip tilipqilip ak enğimapköra töwa wanğiyöhi, urusihimñan mönö moneñ miangöra ak wanğiyök. ¹⁶ Ak wanğiyökmö, donki kunöñ bölöñamñanğöra jim bölüm wanğiyök. Donki sömbup keu qahö jijiñi miangön mönö azi jölnöñ keu jiba kezapqetok azi miangö urusohop ahakmeme mi jöhöm wanğiiga osiyök.

¹⁷ Ambazip mienön mönö o jeñi jöpjöpköñi ewö tandök malje. Raidimbom luhutnöñ kousu omanji töhöntöhön muwutapköm enğimawkawi, mönö miangö dop öne lañlañ anda kamakze. Anutunöñ pandaman göjiwinanğö uruñe yeñgöra miri arengöm enjyöhi, mönö emuyangöreñ dutñe geba malme. ¹⁸ Yeñön kezapjupjup keu omanji jiba silenini memba öngöba lañ tiwok-mawok aka terengömakze. Silegö sihim kömbönañini bölöñi wuatangöba sero namböñnamböñnöñ ambazip lañ öröm enğimawkze. Janjuñ maljei, tosatñan yeñgö sutñineyök ölöñ kölakzei, mönö mi kelök keunöñ kuñgum enjigetka köna jitñe gegetka örömböknöñ jölniñi mesiñmakza.

¹⁹ Yuai kunöñ ambazip kun jöhöba galöm köl wanğimawkawi, miangö kösöñan mönö i jöhöiga mi töwa qahö öne welen qeba malja. Miangö dop böhi takapulakanji mienön kelök keu kewö lañ jimakze, “Inini mönö nini toroqem nenjigetka ölop kösöñini qahö solanñi aka nanñini imbi-imbinöñ malme.” Keu mewö jimakzemö, mi töndup nanñinak angöjörakñinanjö welenqeçenji aka miangö kösönöñ malje.

* **2:13:** Böhi mienön törom ewö asamböta tatzemö, wanğenjan yeñgöreñ qaköba jömgöbapuk. * **2:15:** Jan 22.4-35

²⁰ Yenğö kōnaŋamŋinan kewö goŋgiiga malje: Kembunini Jisös Kraist Amötqeŋe Tonini i mōt kutuba mewö mianğōn gölmegö ahakmeme aŋğöjōrakŋambuk miŋğōba andö qeba-gun mōnō kunbuk mianğō kōsōnōŋ köpeim aŋguba qakōba tatze. Mianğōra kōnakōnahiŋe ölopölöp malgetmō, tetekōŋe böliqölim tekōba malje. ²¹ Anutunōŋ keunini jim tekōi solanibingö kōnaŋi mutuk qahö mōt kutuba tōnpin malbeak, mianğōn mōnō eretŋi ak eŋgibawak. Mewö akawakmō, Buŋa mi ölna jigetka möta kōnaŋi mōt kutugetka buŋaŋina ahök. Uruŋini melenđa mianğō andōŋe jōjōpaŋ keu törōŋi andö qegeri, mianğōn mōnō yuai kanjamŋambuk aka gamu qem eŋgimakza. ²² *Andö qeba köpeim aŋguba etkeri, mi uruqesiŋ keu ölbōlŋi yahöt mietkö dop akza. Keu jitŋi kun kewö, “Kiamnōŋ loŋnōhaŋğōreŋ liliŋğōba kamakza.” Keu jitŋi kun kewö, “Bau saŋgoŋninga dumge elenđa sōmuk piliŋpiliŋnōŋ luhuba geba lömu aumakza.” Mewö.

3

Kembu kamawaŋgö jöhöjöhö keuŋi

¹ O wölböt alaurupni, nōŋōn kimbi yahötŋi ki albi eŋğōreŋ kaza. Keu jizali, iŋini mi lök mötzeŋmō, nōŋōn keugö ölni ahumapkōra uruŋini sarakŋi kuŋguba jim gulim eŋgiba kimbi yahöt ki kewögōra ohozal: ² Kezapqetok ambazip sarakŋi yeŋōn mōnōwök Buŋa keu jiba malgeri, mianğōra mōnō ölüm eŋgubapuk. Mewöyök Kembu Amötqeŋe Toŋan jimkutukutu neŋgiiga nanŋini melaimelai azi aposolurupŋinan kusum eŋgigeri, mōnō mi mötmōriba köl guliba malme. Mianğōra nōŋōn keu miyöhök ohobiga yahöt akŋa.

³ *Keu mutukŋi kun kewö mōt asarime: Kraistnōŋ liliŋğōmamgö aiga nalö tetekōŋe mianğōreŋ mepaqepaik ambazip asuhaba ahakmemeŋinan nanŋini sihim kömbōnaŋini bölöŋi wuatangōba ilit keu jiba malme. ⁴ Tosatŋan liliŋğōba kamawaŋgö keuŋi kewö jiba qeapköba malme: “Kamawaŋgö jöhöjöhö keuŋi mi mōnō denikeaŋğōreŋ ahōza? Ambōsakoninan mala kota kömugeri, nalö mianğōreŋök yuai kunŋan kun qahö melenŋi geyök. Anutunōŋ Suep gölme miwikŋaim etkiiga öryuyai pakpak kōnahiba ahöyöhi, mi mōnō mewōŋanök ahōba kori maljin.”

⁵ *Mewö jiba keu kötŋi ki ölan qemakze: Anutunōŋ möpŋaŋgö möpŋeyök jim kutuba keuŋaŋgö ösumŋan suep jakeni jakeni miwikŋaim eŋgiyök. Mewöyök o jim kutum eŋgiiga denđa angetka mianğōn gölme miwikŋaiiga onöhök asuhum tiŋgirök. Yeŋōn keu kötŋi mi mötzeŋmō, mi qahö mötzin tandök möndōba laŋ jiba nōnōŋgan ahakze. ⁶ *Kōnaŋgep jim kutuiga o gölunōŋ wahōta gölme turuiga ambazip nalö mianğōreŋ gölmenōŋ malgeri, mi o namba kömumjaiget. ⁷ Yeŋōn onōŋ kömumjaigetmō, suep gölme nalö kewōŋe etkehakzini, mi kōnōpnōŋ ayuhumawaŋgö dop akza. Anutunōŋ mianğō keuŋi lök böŋtōŋ jim kutuiga ahōza. Mianğō ölni asuhumawaŋgö nalōŋan kam kuŋguiga Anutunōŋ ambazip aŋğöjōrakŋinambuk maljei, yenğö keuŋini jim tekōba kōnden eŋgiiga ayuhume.

⁸ *Mewö asuhumapmō, wölböt alaurupni, naninak ehinga yambu 1000 mi nalö körōpŋi akzapmō, Buŋa keu mohot ki mōnō kude ölüm eŋguma, “Wehōn mohot mi Kembugö je mesoholŋe yambu 1000:gö dop akza aiga yambu 1000 ehiga wehōn mohotkö dop akza.” ⁹ Kembugö jöhöjöhö keu mianğōn ölnambuk akŋapmō, mianğō nalōŋi mi törörök qahö mötzin. Tosatŋan nalö mi kōnjōrari öŋğōmapkōra mötmōriba laŋ jimakze. Nanŋak nalōŋi qahö kōnjōrari öŋğōmapmō, mökösōŋda ambazip körekŋan urunini melenŋbingōra mambōrakza. Kunŋan kōnöp sianōŋ gebapukōra kapaŋ kölakza.

¹⁰ *Keuŋaŋgö ölni asuhumapmō, Kembugö kaka nalōŋan mōnō yoŋgorö meme azigö tandök kam kuŋguma. Mi ouk-tuknine tiiga osibin. Nalö mianğōreŋ suep gölmegö yuai ehekŋi pakpak mi mōnō kōnōwiba jeba gapŋanök ahōma. Wehōn köiŋ seŋgelau aka suepkö yuaiŋi pakpak mi julkula ötōŋ bölöbölōŋambuk ayapkōba qahōwakŋe. Gölme

* 2:22: Qam 26.11 * 3:3: Jud 18 * 3:5: Jen 1.6-9 * 3:6: Jen 7.11 * 3:8: Sum 90.4 * 3:10: Mat 24.43; Luk 12.39; 1 Tes 5.2; Ind 16.15

aka ambazipnön yuai pakpak miangörej memba alget ahözawi, Anutunön mi körek köndenmönden da meleni gema. Geba jem teköiga yuai kun qahöp mahöp ahöma. Saumban!

¹¹ Öroyuai pakpak mi tandök mewö julkula qahöwakneangöra enön mönö ambazip denöwöni aka malgetka dop kölbawak? Miangöra mönö ahakmeme sarakni wuatangöba Kraist ewö aka malbingö kölguliba malme. ¹² Inini Anutugö nalö ketani mi kam kungumapköra mamböta zilañ kamapkö nupni kapan köla memba malje. Nalö miangörej gölmegö öroyuaiñi aka wehön köiñ sengelau aka mewöni mi könöwiba jeba bolbolgöma. Anutunön suepkö öroyuaiñi mi körek köndenmönden aliga julkula jem teköma. ¹³* Mewö jem tekömapmö, Anutunön yuai asuhumapkö keu jöhöi ahözawi, neñon miangö dop Suep gölme dölköni miwikñaim etkimapkö mambörakzin. Mi miwikñaim etkiiga miangörej angota ahakmeme diñdini wuatangöba malbin.

¹⁴ O wölböt alaurupni, enön nalö ketani mi kam kungumapkö mamböta malje. Miangöra mönö kewö akingö kapan köla kinme: Uruñini sarakni aiga Anutunön töwöt boromñinangö keuñi kun qahö miwikñaiiga yambuk ösupközeangöra luainön malme. ¹⁵ Mamböta Kembuninangö uru tandökñangöra kewö mötmöriba malme: Yañon inini uruñini melen da kunbuk letotmegö nalöni mem körim al engiba ösön mamböt engiba malja. Wölböt alanini Pol yañon mewöyök keu miyök ohom engiyökmö, Anutunön mötkutukutu öngöngöni wangiiga miangö dop keuñi ohom engiyök. ¹⁶ Miangö keuñi mi kimbiñi pakpak miangörej jiba ohomakzapmö, Buña Kimbiñangö uruñe keuñi tosatñi mi lömbötñambuk. Miangöra tosatñan mi möt asaribingö jaram tiba lömbörimakze. Gukmaulem ambazip konjwarak qeba tötöpinpin lañ malakzei, yeñon kimbiñi kimbiñi mi lañ möwöramgömakze. Miangö dop Polgö keuñi mewöyök melenqeleñ aketka supapköba sohomakza. Mewö möwöramgöba kinda nanñini mem bölim anguba könöp sianön game.

¹⁷ Yeñon gememö, wölböt alaurupni, enön mewö asuhumapkö keuñi lök qeljiñe möta malje. Miangöra mönö nanñini galöm mem anguba malme. Iwilele ambazip köna siñgiba qiwitipkömakzei, enön mönö yengö kelök keuñinan örom engii enguatangöba jinjaun anbepek. Malmalgö tandö pöwöwöm köhöikni miangörejök mewö tala kaman kölbepuk.

¹⁸ Kembunini Jisösgö kalem möriamñe kinjei, miangörej mönö kunbuk suariba köhöiba malme. Amötqeqe Tonini Kraistkö könañi möt kutuzei, mi mönö toroqeba möt yaköm soroköba malme. I möpöseininga qetñi nalö kewöñe aködämun-ñambuk aka könañgep teteköni qahö mewö ahöm öngöma. Keu mi ölña.

* **3:13:** Ais 65.17; 66.22; Ind 21.1

Jongöreŋ Kimbi 1

Jonöŋ Kimbiŋi mutukŋi alök.

Jim-asa-asari

Jonöŋ jöpaköm anġuanġugö keuŋi köhöiba jiba malök. Urumelenġ ambazip neŋön Anutu aka Jisös Kraist yetpuk qekötahöba kinda uru jöhöm anġuba mohok aka maljin.

Tosatŋan keu muneŋi ambazip kewö kusum sohom enġiba malget: “Jisösnöŋ Suep aziyök akza. Gölmenöŋ yuai pakpak mi bölöŋi akza. Mianġöra Jisösnöŋ gölme azi ölni qahö aka malök.” Keu mianġöra aka tosatŋan “Anutu möt narizin,” jiba ahakmeme ölöŋni mosöta siksauk silekmalak mala ambazip tosatŋi yom kazik ak enġiget aka qölmöm injarere malget. Keu sinŋi sinŋi mewöŋan zioz mem bölibapuköra Jonöŋ goro keuŋi kimbinöŋ kewö ohoba ali kayök, “Jisösnöŋ Suep aka gölme azia mohok akza. Gölmenöŋ nup meme aka mötmöt meme mi yuai bölöŋi qahö. Mianġöra ‘Anutu möt narizin,’ jiba Nahönŋi Jisös kude mosötpin aka alaurupnini uruninan jöpaköm anġubin. Urukalem mi mönö kapan köla ak anġumakin.”

Kimbi kianġö bahöŋi bohonŋi 6 mi kewö:

Malmalgö könaŋi mi Jisös 1.1-4

Asak aka söŋaup uruŋe malmal 1.5-2.29

Anutugöreŋ aka Satangöreŋ nahönbörat 3.1-24

Uŋa ölöŋni aka öme mi mönö kewötme 4.1-6

Urukalemġö könaŋi aka jimkutukutuŋi 4.7-21

Mötnarip neŋön bölöŋi luhut alakin 5.1-21

Malmal köhöikŋanġö keuŋi mi Jisös Kraist

¹ *Nöŋön malmal köhöikŋanġö keuŋi jimamġöra kimbi ki ohozal. Mutuhök malmalgö keu Toŋan maliga mianġö könaŋe öroyuai pakpak asuhuyök. Yaŋön mala kota gölmenöŋ eriga i jeninan eka böröninan silenŋi misiriinga keuŋi jii möta malin. ² *Oyaenġoyaen malmalgö Toŋan asuhuiga neŋön i eka könaŋi nanġöba jiba dangunu ewö kinjin. Malmal teteköŋi qahö mianġö Toŋan Iwibuk mala kota eta asuhum neŋiyöhi, neŋön mianġö Buŋaŋi jim asariba uruŋini kuŋguzin. ³ Neŋön Iwi aka yaŋö Nahönŋi Jisös Kraist yetpuk urunini jöhöba mohot maljin. Inini mewöyök uruŋini nembuk jöhöba mohot malbingöra yuai eka mörini, mi jim tuarim enġizin. ⁴ Sösöŋgainöŋ urunini kokolak qei malbingöra keu ki jim tuariba ohozin. Mewö.

Kembugö asakŋe malmal

⁵ Buŋa keu yaŋö Nahönŋanġöreŋök möta jim tuarim enġizini, mi kewö: Anutunöŋ asakŋanġö Toŋi akza aka yaŋgöreŋ söŋaup kun qahö ahöza. ⁶ “Neŋön yambuk urunini jöhöba mohot maljin,” mewö jitröŋ jiba töndup aiakaninan jipjap aka söŋaupnöŋ maljin ewö, mönö keu muneŋ jiba ahakmemeninan keu ölni qahö wuatangömakzin. ⁷ Anutunöŋ asakŋanġö uruŋe maliga neŋön mianġö dop aiakanini asakŋanġö uruŋe ahakzin ewö, mönö sutnine urunini jöhöm anġuba mohok malinga Nahönŋi Jisös Kraistkö sepŋan mönö siŋgisöndoknini pakpak saŋgoŋmakza.

⁸ Urunine siŋgisöndok qahö ahöza, mewö jibinak ewö, mönö nanini tilipköm anġuinga keu ölnan urunine qahö kinma. Qahö! ⁹ Siŋgisöndoknini jim miwikŋaizin ewö, yaŋön mönö uruŋi diŋdiŋanġö dop jöhöjöhö keuŋi pöndaŋ wuatangöba siŋgisön-doknini mosöta ahakmemenini goŋgoŋi pakpak saŋgoŋmakza. ¹⁰ “Siŋgisöndok qahö ahin,” mewö jibin

* 1:1: Jon 1.1 * 1:2: Jon 1.14

ewö, mönö keu Tonji onginginga Anutunöŋ munenŋ jiji azi tandök aiga keujan urunine qahö kinma. Mewö.

2

Jisösnöŋ awörök köiput Tonini akza.

¹ O (koko) gömokurupni, inŋini siŋgisöndok akepuköra keu ki ohozal. Mi ohozalmö, kunöŋ töndup siŋgisöndok akawak ewö, awörök köiput Toninan mönö ahöm nenŋgiza. Jisös Kraist yaŋön Iwigö kösutŋe mala keu pakpak diŋdiŋanök kewöta ak nenŋgimakza. ² Awörök köiput Tonini yaŋön siŋgisöndokninanŋö töwaŋi ala köl könjörat nenŋgiyök. Mi nenŋö siŋgisöndokörök qahöpmö, mönö gölmeŋi gölmeŋi nenŋöreŋ siŋgisöndok mi mohotŋe köl könjöratmamgöra kömuyök. Mewö.

Temkölköl mi aiaka diŋdiŋi.

³ Anutugö jöjopaŋ keuŋi tem kölakin ewö, mewö mianŋön i möt waŋgizini, mi ölop uruyahötŋi qahö möt yaközin.

⁴ Kunŋan “Anutu möt waŋgizal,” jiba jöjopaŋ keuŋi qahö tem köla wuatangömakzawi, yaŋön mönö munenŋ jiji ambaziwa aiga keu ölnan yaŋö uruŋe qahö kinja. ⁵ Qahöpmö, kunöŋ Anutugö keuŋi tem köla wuatangömakzawi, Anutugö urukalemŋan mönö ölna yaŋö uruŋi kokolak qei aködamunŋambuk malja. Mewö mianŋön Anutubuk qekötahöba mohok maljini, mi möt yaközin. ⁶ Kunŋan “Anutubuk qekötahöba maljal,” jizawi, yaŋön mönö Jisösnöŋ ahakmemeŋi ahök, mönö mianŋö dop aka memba malma. Mewö qahö aka maliga qahö dop kölja. Mewö.

Urukalem akingö jöjopaŋ keu dölökŋi

⁷ *O wölböt alaurupni, nöŋön jöjopaŋ keu dölök-kunŋi qahöpmö, jöjopaŋ keu walŋi könakönahiŋeyök ahöm enŋgizawi, mönö mia ohom enŋgizal. Jöjopaŋ keu walŋi mianŋö Buŋa keuŋi mi lök möta mala kotket. ⁸ Töndup mianŋö jimkutukutuŋi dölökŋi mi enŋöra ohozal. Söŋaupnöŋ ayapkömamgö aiga asakŋi ölnan lök asarim qarimakzawi, mianŋöra jöjopaŋ keu mianŋö ölnan mönö Anutugöreŋ aka enŋöreŋ ahuba ahöza.

⁹ Kunŋan jitŋan “Asakŋe maljal,” jizapmö, alaŋi kazik ak waŋgizawi, yaŋön mönö toroqeba söŋaup uruŋe malja. ¹⁰ Kunŋan alaŋi jöpaköm waŋgimakzawi, yaŋön mönö asakŋanŋö uruŋe pöndaŋ maliga silikŋan tosatŋi siŋgisöndok akŋegöra qahö kondorakza. ¹¹ Mewömö, kunŋan alaŋi kazik ak waŋgizawi, yaŋön mönö ömuŋe jipjap mala ahakmemeŋi söŋaup uruŋe ahakza. Söŋaupnöŋ jeŋi mem sohoiga janjuŋ aka maljawanŋöra aka denike anmawi, mi nanŋak qahö möt kutumakza. Qahö.

Anutunöŋ siŋgisöndoknini kösöloŋanimakza.

¹² O nahönböraturupni, Jisösnöŋ kömumba qet ketanŋi memba maljawanŋöra aka Anutunöŋ enŋö siŋgisöndokŋini mosöta kösöloŋanim teköyök. Mianŋöra keu ki enŋöra ohozal.

¹³ O iwiurupni, kunöŋ könakönahiŋeyök mala kotzawi, inŋini i möt waŋgiba mala kotze. Mianŋöra keu ki enŋöra ohozal. O gwaböurupni, inŋini bölöŋanŋö Tonji luhut al waŋgiba maljei, mianŋöra keu ki enŋöra ohozal. Nahönböraturupni, inŋini Iwigö könanŋi möt kutuba maljei, mianŋöra keu ki enŋöra ohozal.

¹⁴ Iwiurup, kunöŋ könakönahiŋeyök mala kotzawi, inŋini i möt waŋgiba mala kotze. Mianŋöra keu ki ohobiga enŋöreŋ kaza. Azi gwaböurup, inŋini Anutugöreŋ Buŋa keu uruŋine algetka köhöiba kiniga ösum-mumuŋinambuk aka bölöŋanŋö Tonji luhut al waŋgiba malje. Mianŋöra keu ki ohobiga enŋöreŋ kaza. Mewö.

Gölmegö ahakmeme bölöŋi mi yakörime.

* 2:7: Jon 13.34

¹⁵ Injini gölmegö ahakmeme bölöni aka yuai pakpak mianğoreñ ahözawi, mianğöra kude ak engima. Kunñan uruñan gölmegö ahakmemegöra ak wañgiza ewö, Iwigö urukalemñan mönö yañgö uruñe qahö kinja.

¹⁶ Gölmegö ahakmeme mi kewö: Ambazipnön sileninañgö sihim kömbönañini bölöni mörakze. Yuai jeñinan eka eksihim aka köpösöngömakze aka gölmegö malmalñinañgöra piririköba töröraiba silenini memba öngömakze. Mi aka urukönöp tosatñi mi Iwigöreñök qahö kaza. Qahö! Mi mönö gölmegö ahakmeme bölöni akza. ¹⁷ Gölmegö ahakmemenön görön qema aka mianğö sihimni bölöni bölöni mi mewöyök görön qememö, kunñan Anutugö jit sihitñi tem köla wuatangömakzawi, yañön mönö böñ qeba nalö teteköñi qahö mal köhöima. Mewö.

Kraistkö tuarenjoñurupñi lök asuhuze.

¹⁸ O (koko) gömokurupni, Kraistkö salupñe* kinda tuarenjoñ ak wañgimawañön nalö teteköñe asuhumawi, mi lök jigetka mötze. Keu mianğö dop nalö kewöñe Kraistkö tuarenjoñurupñi gwötpuk lök asuhuba kinje. Keugö ölni mewö asuhuyöhañgöra aka nalö teteköñangö uruñe lök kañgota maljin, mi mötzin. Mianğö aiwesökñi mewö. ¹⁹ Tuarenjoñ ambazip mienön nanine kambunöhök mala neñgömosöta anget. Uruñini nembuk munen-munen jöhöba mötnarip könagesö sutnine lañ mala buratiget. Neñgöreñ könagesö ölni akeak ewö, mönö nembuk pöndañ qekötahöba mohokñe malbinak. Neñgömosöta tikep kinjei, silik mianjön mönö könañini kewö kondeliga eka mötzin: Yeñgöreñök kunön nembuk ölna mohot qahö aka malök.

²⁰ Yeñön tikep kinjemö, Kraistnön Uñañi Töröñi engö uruñine mokoiga bedu memba inahöm engiiga körek eñön keu ölni möt kutuba malje. ²¹ Injini keu ölni qahö möt kutubepüköra aka keu ki qahö ohom engizal. Mewögöra qahöpmö, injini keu ölni möt kutuze aka keu ölnan keu munenji kun kondotmangö osimakza. Mianğöra keu ki ohom engizal.

²² Jisösnön Amötqeqe Tonji Kraist akzapmö, kun dañön keu mi qañ köljawi, yañön mönö isimkakalek ambaziwa akza. Yañön Kraistkö salupñe kinda tuarenjoñ ak wañgiba Iwi aka yañgö Nahönñi mi mohokñe qañ köl etkimakza. ²³ Kunñan Iwigö Nahönñi qañ kölakzawi, yañön Iwiñi qahö öne malja. Kunñan Nahönñi jim miwikñaimakzawi, yañön mönö Iwi mewöyök miwikñaiba yambuk malja.

²⁴ Injini Buña keu könakönahineyök möta kotkeri, mi uruñine köhöiba kinmapköra galömnini meme. Buña keu möta kotkeri, mianjön uruñine kinma ewö, injini mewöyök mönö böñ qeba Iwi aka yañgö Nahönñi yetpuk qekötahöba kinme. ²⁵ Kraistnön jöhöjöhö keu kewö neñgii ahöza, “Nömbuk kinme ewö, mönö oyaenköyaen malmal engibiga teteköñi qahö mal köhöime.”

²⁶ Tosatñan esapköba janjuñ mem engimakzei, nönön yeñgöra aka keu mi ohom engizal. ²⁷ Tosatñan janjuñ ahakzemö, Kraistnön Uña Töröñi engö uruñine mokoiga bedu memba inahöm engimakza. Uña yañön uruñine böñ kini qahö löwörime ewö, eñön mönö böhi kungöra qahö osime. Mi kewögöra: Yañgö Uñañan mönö ahakmemegö keu pakpak kusum engimakña. Bedu memba inahöm engimakzawi, mianjön yuai munenji kun qahöpmö, mötmöt ösumñi öl töhönñanök akza. Mianğöra keu ölni kusum engiyöhañgö dop mönö keuñi pakpak tem köla Kraistpuk töp qekötahöba kinme.

²⁸ O (koko) gömokurupni! Injini mönö Kraistpuk töp qekötahöba kinme. Yambuk kinda malinga kunbuk asuhumawi, nalö mianğoreñ qahö közöl neñgiiga gamu qakñe qahö mömölaköba anbinmö, ölop yañgö jeñe awösamkakak qakñe tamehök kinbin. ²⁹ Kraistnön solanñi akzawi, injini keu mi möt kutuze ewö, mönö keu ki mewöyök ölop möt asarime: Ambazip körekñan ahakmeme solanñi ahakzei, yeñön mönö mewöyök Anutugöreñök ahuba nahönböraturupñi akze. Mewö.

* **2:18:** Kraistkö tuarenjoñi mi Antikraist. Grik keu anti, mianğö könañi yahöt. Yañön Kraistkö salupñe kinja aka Kraist ölni tuarenjoñ ak wañgimakza.

3

Nejõn Anutugõreñjök ahuba nahõnbõratñi akzin.

¹ *Mõtket! Suep Iwininan neñgõra “Nani nahõnbõraturupni,” mewõ neñgohola mianjõn urukalemñi ketañi kondel neñgimakza. Nini õlña Anutugõ nahõnbõraturupñi akzin. Mi akzinanğõra gõlme ambazipnõñ kõnañamnini qahõ mõt kutuba malje. Anutugõ kõnañi qahõ mõt kutuzeanğõra nanine kõnañamninanğõra mewõyök tõtõpinpin malje. ² O wõlbõt alaurupni, nalõ kewõñe nini Anutugõ nahõnbõraturupñi aka maljin. Mewõ mala kõnañgep denõwõ aka malbini, mi aukñe qahõ asuhuyök. Mohok kun mõtzeni, mi kewõ: Yanjõn kunbuk aukñe asuhuiga kaisongolomñi õlñi jeninan ekini, nalõ mianğõreñ mõnõ letota i ewõ akin. ³ Denike yeñõn Kraistkõra jõrõmqõrõm mewõñi ak wanğizei, yanjõn mõnõ i kõl kõnjõrat mem enğiiga yanğõ tandõk ewõ sarakñi aka malme.

⁴ Denike yeñõn siñgisõndok akzei, yeñõn mõnõ kõna keu qeba walõñmakze. Siñgisõndok mi iwilele ahakmemeya. ⁵ *Kraist nanñak siñgisõndokñi kun qahõ yanjõn nanine siñgisõndoknini kõl kõnjõratmamğõra eta asuhuyõhi, mi õlõp mõtze. ⁶ Denike yeñõn Kraistpuk bõñ qeba kinjei, yeñõn siñgisõndok qahõ aka malje. Kunñan siñgisõndok toroqeba ahakzawi, yanjõn Jisõs qahõ eka kõnañi qahõ mõt kutuba malja. Mewõ.

⁷ O (kokourupni) gõmõkurupni! Kunñan janjuñ mem enğibapukõra mõnõ galõmñini mem anğuba malme. Kraistnõñ solanñi akzawi, yanğõ dop ahakmeme solanñi tõrõrõk wu-atan-gõmakzawanjõn mõnõ solanñi akza. ⁸ Bõlõñanğõ Tonjan kõna-kõnahiñeyök siñgisõndok aka kota malja. Mianğõ dop denike yeñõn siñgisõndok ahakzei, yeñõn mõnõ Bõlõñi Tonjanğõ buñaya akze. Anutugõ Nahõnñan mõnõ yanğõ nupñi yain memamğõra eta asuhuyök.

⁹ Denike yeñõn Anutugõreñjök asuhugeri, yeñgõreñjök kunñan malmal qainñi kun uruñe ahõzawanğõra mõnõ siñgisõndok qahõ toroqeba ahakza. Ahuahu dõlõkñi ahuba maljawanğõra aka siñgisõndok toroqeba akñamğõ osimakza. ¹⁰ Denike yeñõn Anutugõ nahõnbõratñi aka denike yeñõn Bõlõñi Tonjanğõ nahõnbõratñi akzei, mi kewõ kewõta mõt asaribin: Kunñan ahakmeme solanñi qahõ wuatangõmakzawi, yanjõn mõnõ Anutugõ buñani qahõ akza. Mewõñanõk kunñan alaurupñi qahõ jõpakõm enğimakzawi, yanjõn Anutugõ buñaya qahõ akza. Mianğõ aiwesõkñi mewõ.

Iñini mõnõ jõpakõm anğuba malme.

¹¹ *Buña keugõ kõtñi kõnakõnahiñeyök mõta kota maljini, mianğõ jõjõpañ keuñi kewõ: Nini mõnõ urunõñ jõpakõm anğuba malbin. ¹² *Kein (Kain) yanjõn Bõlõñi Tonjanğõ buñaya mala munñi qei kõmuyök. Nini mõnõ i ewõ aka malbinbuk. Yanjõn kewõğõra munñi qeyök: Nanñi ahakmemeñan bõlõñi ahõkmõ, munñan-gõreñan solanñi ahõk. Mõnõ mianğõra qeyök.

¹³ O urumelen alaurupni, gõlme ambazipnõñ kazik ak enğime ewõ, mianğõra mõnõ kude welipkõme. ¹⁴ *Nini urumelen alaurupnini jõpakõm enğimakzinanğõra aka keu ki mõt asarizin: Nini kõmup kõhõikñanğõ jabõñi walõñda malmal kõhõikñe anğota maljin. Kunñan urukalem qahõ ahakzawi, yanjõn mõnõ toroqeba kõmup kõhõikñanğõ uruñe kinma. ¹⁵ Ambazip alaurupñini kazik ak enğimakzei, kõrek yeñõn mõnõ kõhõmuñi enğuenğu ambaziwa akze. Malmal kõhõikñi mi enğuenğu ambazip mewõñi kungõ uruñe qahõ ahõza, mi õlõp mõt yakõze.

¹⁶ Jisõs Kraistnõñ malmalñi neñgõra aka kõlenđa mosõta jõpakõm anğuanğugõ kõnañi mewõ kondel enğiiga eka mõt kutuzin. Nejõn mõnõ mewõñanõk malmalnini urumelen alaurup yeñgõra aka kõlenđa mosõringa dop kõlma. ¹⁷ Kunñan gõlmegõ õrõyuaini dopñe memba maliga alañan yuaigõra osiba mõzõqõzõrõñ aiga ekzapmõ, tõndup ekbonep aka uruñi jõhõza ewõ, Anutugõ urukalemñan mõnõ yanğõ uruñe denõwõ kinbawak?

* 3:1: Jon 1.12 * 3:5: Jon 1.29 * 3:11: Jon 13.34 * 3:12: Jen 4.8 * 3:14: Jon 5.24

18 O (koko) gömökurupni, jöpaköm anğuanğı mi numbu jitninan keu töhönök timbiliba jimakinbukmō, mi mönō ahakmemeninan keu ölni wuatangöba aka malbin.

Mönō Anutugö jemesoholne tamehök kinbin.

19 Nini keu ölnangö buñaya akzin me qahö? Akzin ewö, mönō ölop urunini bönjön köliga Anutugö jemesoholne awösamkakak kinbin. Keu mi nanini kewöt anğuba kewö möt kutubin: 20 Uruninan yuai bölöñangöra aka jim neñgiza ewö, nini keu ki ölop möt yaközin: Anutunöñ kewötkewöt Tonini aka keunini diñdiñanök kewötma. Anutugö mötmötñan mönō nanine mötmötnini onğita öngöñgöñi aiga keu pakpak ölop möt teköza. Miangöra ölop urunini bönjön köliga malbin.

21 O wölböt alaurupni, uruninan qahö jim neñgiza ewö, nini mönō Anutugö jemesoholne awösamkakak aka tamehök kinbin. 22 Nini Anutugö jöjöpən keuñi tem köla ahakmemenini dop köl wañgimakzawangö dop aka memba malakzin. Miangöra yuai kungöra köuluköba qesim wañgibini, mönō mia neñgii buña qem anğubin.

23 *Anutugören jöjöpən keu yahöt mi kewö: Nini mönō Nahönñi Jisös Kraistkö qetñi memba möt nariba urunini melenbin aka jöjöpən keu jim kutum neñgiyöhangö dop jöpaköm anğuba malbin. Mewö qahö aka malbinak, mi Anutugö jeñe qahö dop kölbowak. 24 Denike yeñön Anutugö jöjöpən keuñi tem kölakzei, yeñön mönō Anutubuk qekötahöba malgetka Anutunöñ yembuk lapingöba kinja. Yañön nembuk lapingöba kinjawi, mi Uñañi Töröñi neñgiiga urunine sañep ala maljawangöra möt kutuzin. Mewö.

4

Uñaya me ömeya mi mönō könañi kewöta mötme.

1 O wölböt alaurupni, kezapqetok ambazip takapulakanı gwötpuk mi gölme dop liliköba maljei, miangöra keu pakpak mi zilañ kude memba möt narime. Anutugö Uñañan me öme kunñan sölölohöiga asuhuzawi, mi mönō mutuk esapesapnön ala kewötme. 2 Anutugö Uñañangö könañi mi mönō kewö kewöta möt miwikñaima, “Jisös Kraistnön eta silebuk aka malök,” denike yeñön keu mi jim miwikñaimakzei, yeñön mönō körek Anutugö buñaya akze. 3 Kunñan Jisösgö könañi mewö qahö jim miwikñaimakzawi, yañön Anutugö buñaya qahö akza. Kraist tuarenjonangö ömeñan mönō yangö uruñi sölölohöiga keu jimakza. Kunön asuhaba Kraistkö salupne kindu tuarenjon ak wañgimawi,* keu mewö jiget mötketka yañön lök nalö kewöne gölmenön asuhaba.

4 O (koko) gömökurupni, inini Anutugö buñaya aketka Uña Töröñan uruñine kindu gölmegö ömewörömeñi mi enğonğita luhut al enğimakza. Miangöra kezapqetok ambazip takapulakanı mi ölop luhut al enğiba malje. 5 Yeñön gölmegö buñaya aketka gölmegö ömeñan sölölohöm enğimakze. Miangöra gölmegö ahakmemenı wuatangöba keu jigetka urumelenğö kopa ambazip yeñön keuñinangöra kezap ala mörakze.

6 Nini Anutugö buñaya ahinga Uña Töröñan sölölohöm neñgimakza. Anutu möt wañgizeañön mönō neñgö keuninangöra kezap ala mörakze. Anutugö buñaya qahö akzei, yeñön neñgö keuninangöra kezap qahö ala mörakze. Keu ölnangö Uñañi aka isimkakalekö ömeñi yetkö könañiri mi mönō mewö kewöta möt kutumakzin. Mewö.

Anutunöñ urujöpakö könañi akza.

7 O wölböt alaurupni! Anutunöñ jöpaköm anğuanğugö jalönı akza. (Miangöra urukalem mi o jeñangö tandök ewö ahöba korakza.) Miangöra nini mönō jöpaköm anğuba malbin. Mewö aka maljini, körek neñön mönō Anutu möt wañgiba yangörenök ahuahu dölokñi ahuaba maljin.

* 3:23: Jon 13.34; 15.12, 17 * 4:3: Kraistkö tuarenjonı mi Antikraist. Grik keu anti, miangö könañi yahöt. Yañön Kraistkö salupne kinja aka Kraist ölni tuarenjon ak wañgimakza.

⁸ Anutunöŋ urujöpakö Toŋi akza. Mewö akzawaŋgöra kunŋan ambazip qahö jöpaköm enŋimakzawi, yaŋön mönö Anutu qahö möt waŋgiba tönpin malja. ⁹ Anutunöŋ urukalemŋi kewö kondeli sutnine asuhuyök: Yaŋön Nahönŋi mohok-kunŋan nam köl neŋgii mal köhöibingöra aka melaiiga gölmenöŋ erök. ¹⁰ Nini Anutu jöpaköm waŋgiinmö, mianöŋ urukalemgö könaŋi qahö. Urujöpakö könaŋi mi kewö: Anutunöŋ jöpaköm neŋgiba ŋiŋisöndoknini köl könjöratmamgöra Nahönŋi melaiiga neŋgöreŋ erök.

¹¹ O (koko) gömukurupni, Anutunöŋ mewö önöŋi qahö jöpaköm neŋgiyöhaŋgöra neŋön mönö mewöŋanök uruninan jöpaköm aŋgumakin. Urukalem qahö ak aŋguinga qahö dop kölja. ¹² *Kunŋan kun Anutu nalö kunöŋ qahö ehökmö, jöpaköm aŋguba maljin ewö, Anutunöŋ mönö urunine lapingöba kiniga urukalemŋan urunini kokolak qeiga aködamuninambuk maljin.

¹³ Nini Anutubuk qekötahöba malinga yaŋön urunine lapingöba kinjawi, mi Uŋaŋi Töröŋi neŋgiyöhaŋgöra aka möt kutuba uruyahöt qahö ahakzin. ¹⁴ Iwinöŋ Nahönŋi gölmeŋi gölmeŋi neŋgö Amötqeŋe Tonini akŋapköra melaiiga erök. Neŋön mi eka möta naŋgöba jimakzin. ¹⁵ Kunŋan “Jisös Anutugö Nahönŋi akza,” jiba jim miwikŋaimakzawi, Anutunöŋ mönö yaŋgö uruŋe lapingöba kiniga yaŋön Anutubuk qekötahöba malja.

¹⁶ Anutunöŋ uruŋan jöpaköm neŋgimakzawi, nini miangö könaŋi möta miangöreŋ möt narimakzin. Anutunöŋ urujöpakö Toŋi akza. Mewö akzawaŋgöra kunŋan ambazip jöpaköm enŋiba maljawi, yaŋön mönö Anutubuk qekötahöba kiniga Anutunöŋ yaŋgö uruŋe lapingöba malja. ¹⁷ Mewö malinga köŋgörököm neŋgiiga Anutugö urukalemŋan urunini kokolak qeiga aködamu-ninambuk maljin. Nini Kraistkö tandök ewö gölme kusukŋi kiangöreŋ maljin. Mewö maljinaŋgöra aka Anutugö jimtekötekö nalö ketane Kraistkö jeŋe aŋgota miangöreŋ awösamakak aka tamehök kinbin.

¹⁸ Anutunöŋ jöpaköm neŋgiiga kinda öne töhön keŋgötnini mötpinbuk. ŋiŋisöndok ambazip yeŋön Anutunöŋ ŋiŋisöndok-ŋinaŋgö likepŋi melen enŋibapüköra keŋgötŋini mörakzemö, Anutugö urujöpakŋan urunini kokolak qeiza ewö, mianöŋ mönö keŋgöt mötmöt pakpak yakörim tekömakza. Miangöra kunŋan keŋgötŋi mörakzawi, yaŋön jöpaköm neŋgimakzawaŋgö könaŋi mi törörök qahö möt teköza.

¹⁹ Yaŋön mutuk jöpaköm neŋgiyöhaŋgöra aka nini urukalem ahakzin. ²⁰ Kunŋan “Anutu jöpaközal,” jizapmö, alaŋi kazik ak waŋgimakzawi, yaŋön mönö muneŋ jiji ambaziwa akza. Miangö könaŋi kewö: Alaŋi eka töndup qahö jöpaköm waŋgiza ewö, yaŋön Anutu qahö eka i mönö denöwö jöpaköm waŋgibawakto? ²¹ Kunŋan Anutu jöpaköm waŋgimakzawi, yaŋön mönö alaurupŋi mewöyök jöpaköm enŋiba malma. Anutunöŋ jöjöpäŋ keuŋi mewö al neŋgiyök. Mewö.

5

Mötnariŋ ambazip neŋön luhut alakin.

¹ Denike yeŋön Jisös möt nariba “Amötqeŋe Tonina akza,” jimakzei, körek yeŋön mönö Anutugöreŋök ahuahu dölökŋi ahuaba malje. Denike yeŋön Iwi jöpakömakzei, körek yeŋön mönö yaŋgö Nahönŋi mewöyök jöpaköm waŋgimakze. ² “Anutugö nahönbörat-urupŋi jöpaköm enŋizin,” jiinga keu miangö ölni mi nanini kewögöra kewöt aŋguba mötzin: Anutu jöpaköm waŋgiba jöjöpäŋ keuŋi tem köla wuatanaŋgömakzin ewö, mönö Anutugö nahönbörat-urupŋi mewöyök jöpaköm enŋimakin. Miangö aiwesökŋi mewö. ³ *Anutu jöpaköm waŋgibingö ölni mi temkölköl. Anutugö jöjöpäŋ keuŋi wuatanaŋgöinga dop kölja. Jöjöpäŋ keuŋi tem kölinga lömbötŋambuk qahö akŋa.

⁴ Anutugöreŋök ahuahu dölökŋi ahuini, körek neŋön ölop yaŋgö jitŋi tem köla gölmeŋö ahakmeme bölöŋi luhut alakin. Anutunöŋ mötnariŋ neŋgiiga miangö qakŋe köuluköinga lök gölmeŋö ahakmeme bölöŋi memba et alök. Luhut albingö köna murutŋi kun qahö

* 4:12: Jon 1.18 * 5:3: Jon 14.15

ahöza. ⁵ Neñon luhut qahö albinak ewö, denike yeñon mönö mi akeak? Jisösnöñ Anutugö Nahönña akzawi, mi möt narizawañon mönö gölmegö ahakmeme bölöñi luhut alakza. Mewö.

Anutunöñ Nahönñañgö keu kewö nañgöba jiyök:

⁶ Jisös Kraistnöñ Anutugö Nahönña akzawi, mi denöwö mötzin? Jisösnöñ oe geiga Jonöñ o melun mem wañgiiga Anutunöñ nalö mianğoreñ keu mi jiiga mötket aka könañgep sepñi mokomangö aiga mianğoreñ qet kun Suepnöhök asuhuiga mötket. Keu onöñ indim mohok asuhuyöhi, miyök qahö. Suep Toñan keu nañgöba jiyöhi, mianğö aiwesökñi mi o aka sep, yahöt mi. Toroqeba Uña Töröñan keu mi jimakza. Yañon keu ölnağö Toñi akzawañgöra aka muney jimangö osimakza.

⁷ Nañgönağö keu karöbut mi mewö mörin ahöza. ⁸ Keu karöbut miengö aiwesökñini mi Uña, o aka sep. Keuñini mi öröröñ aukñe möringa dop köl teköza. ⁹ Keu jakeñe kañgota nañgönağö ahakzei, mi ölop möt ağan kölakzinmö, Anutugö nañgönağö keuñan mönö ambazip keunini onğita pöwöwöm köhöikñi akza. Anutunöñ Nahönñañgöra “Nani Nahöna!” qeta könañi mewö aukñe nañgöba jiyök. Mianğöra keu mi andö qebinbuk.

¹⁰ Kunñan Anutugö Nahönñi möt narimakzawi, nañgönağö keu Toñan mönö nanñak yağö uruñe maliga yağö könañi ölop möt yaköza. Kunñan Anutu qahö möt narimakzawi, yañon mönö nañgönağö keu Toñi nanñi memba et aliga muney jiji azia ahakza. Anutunöñ keu köñi Nahönñañgöra nañgöba jiyöhi, yañon keu mi qahö möt narizawañgöra mönö Anutu nanñi andö qeba qetalakza. ¹¹ *Anutunöñ keuñi kewö nañgöba jiyök, “Nöñon malmal köhöikñi engimangö jiali, nani Nahönan mönö malmal kömbönañi mianğö kondotkondot Toñi akza.” ¹² Yağö Nahönñañbuk maljawañon mönö malmal köhöikñi buña qem ağuba malja. Anutugö Nahönñañbuk qahö maljawañon mönö malmal köhöikñi mi qahö buña qem ağuba malja. Mewö.

Malmal köhöikñağö könañi

¹³ Uruñini melenđa Anutu Nahönñañgö qetñi memba möt narimakzei, nöñon kimbi ki engöra ohozal. Malmal köhöikñağö buñaya akzei, inini mianğö könañi törörök möt kutumegöra ki ohozal. ¹⁴ Nini ölop awösamkakak aka Anutugö kösutñe anda köuluköba kinda kewö möt yaközin: Wani yuaigöra yağö jit sihitñağö dop köuluköm wañgibini, yañon mönö köuluknini mi mötma. ¹⁵ Mi me mi mianğöra köuluköinga köuluknini mötmapkö mötzin ewö, mönö keu ki mewöyök möt kutuzin: Wani yuaigöra köuluköm wañgizini, mi pakpak mönö neñgö buñanina akña.

¹⁶ Kunñan alañi ehi siñgisöndok ahiga mianñon kömup köhöikñağö buñaya qahö akñawi, yañon mönö alañi mianğöra Anutu köuluköiga amöt qem wañgiiga malmal köhöikñe ağanotma. Siñgisöndok Anutunöñ mosötmawañgö dop akeri, keu ki mönö yeñgöra jizal. Tosatñan siñgisöndok aketka mianñon kömup köhöikñağö buñaya akñei, yeñgöra köulukömegöra mi qahö jizal. Qahö. ¹⁷ Ahakmeme bölöñi pakpak mi siñgisöndok akza. Köpösihit tosatñi ahinga mianñon kömup köhöikñağö buñaya qahö akin. Mewö.

Mötnariñ ambazip neñon Anutubuk qekötahöba kinjin.

¹⁸ Denike yeñon Anutugöreñök ahuhahu dölokñi ahugeri, yeñgöreñök kunñan siñgisöndok qahö toroqeba ahakzawi, mi mötzin. Anutugöreñök ahuhahu dölokñi ahuba maljawañon mönö nanñi galöm mem anğuiğa Bölöñağö Toñan i qahö qeraköba mema.

¹⁹ Nini keu ki mötzin: Nini Anutugö buñaya akzinmö, gölme dop yeñon uruñini qahö melenđa Bölöñi Toñağö kukösum bapñe malgetka galöm köl engimakza.

²⁰ Keu ki mewöyök mötzin: Kunöñ öl töhöññi akzawi, nini i möt wañgibingöra Anutunöñ Nahönñi melaiiga eta möt-asa-asari neñgiyök. Kunöñ öl töhöññi akzawi, nini yambuk qekötahöba mohok aka maljin. Öl töhöññi yañon mönö Anutugö Nahönñi Jisös Kraist. Yañon Anutu ölbölñi aka malmal köhöikñağö kondotkondot Toñi akza.

* 5:11: Jon 3.36

²¹ O (koko) gömokurupni, tandö lopionj aka bem muneji tosatjan köpeiba qeraköm enjibepuköra mönö nanjini galöm mem anguba malme. Mewö.

Jongöreŋ Kimbi 2

Jonöŋ Kimbiŋi aliga 2 ahök.

Jim-asa-asari

Buŋa Kimbi kiangö tonji yaŋön nanŋi qetŋi “Jitŋememe kun,” qerök. Yaŋön kimbi mi “Wölböt ambi aka yaŋgö nahönböraturupŋi,” yeŋgöra alök. Keu tölapŋi mi urumelenŋ könagesö kungö söpsöp keuya. Nahönbörat mi könagesö aiga wölböt ambi mi yeŋgö galömnina. Buŋa Kimbigö keu töröpŋi kianŋön jöpaköm aŋgubingöra uru kuŋgum neŋgimakza aka böhi takapulakanŋi yeŋön ambazip kusum eŋgetka keuŋinan sehiba-pukö galöm meme keuya akza.

Buk kiangö bahöŋi bohonŋi 4 mi kewö:

Keu mutukŋi 1-3

Urukalem mi yuai bohonŋi 4-6

Keu goŋgoŋan sehibapukö galöm meme keu 7-11

Kimbigö keu kötŋi bohonŋi 12-13

¹ O ambi sorok!

Anutunöŋ möwölöhöm gihiiga urumelenŋ könagesöurupki galöm köl eŋgiba kinjan. Nöŋön inŋini keu ölnaŋgö dop uru könömnan jöpaköm eŋgimakzal. Nanök qahöpmö, ambazip keu ölni möt kutuzei, körek yeŋön mönö mewöyök inŋini jöpaköm eŋgiba malje. Nöŋön jitŋememeya akzal aka göbuk keu eraum mötpitköra kaba kimbi ohozal. ² Keu ölnan urunine kinja aka nembuk teteköŋi qahö ahöm öŋgöma. Nöŋön Buŋa keu miangöra aka jöpaköm eŋgizal.

³ Nini keu ölni wuatangöba urunöŋ jöpaköm aŋguba maljin ewö, Iwi Anutu aka Iwigö Nahönŋi Jisös Kraist yetkön mönö ak kömumba kalem möriam neŋgiyohotka luainöŋ malbin.

Urukalem aka keu ölni mi mohotŋe wuatangöme.

⁴ Iwinöŋ urukalemgö jöjöpaŋ keuŋi neŋgiyöhi, miangö dowök göhö könagesöurup tosatŋan keu ölnaŋgö dop ahakmemenŋini aka memba malje. Nöŋön silikŋini mewöŋi ekiga sösongai ketanŋi ak niŋgimakza. Mewö.

⁵ *O wölböt alani ambi ketanŋi, nalö kewöŋe jöjöpaŋ keu ohom gihizali, mi keu dölökŋi qahö. Keu könakönahiŋeyök könahiba mörini, nöŋön mönö keu mi kunbuk ohoba kewö qesim gihizal: Nini mönö uruninan jöpaköm aŋguba malbin. ⁶ Jöpaköm aŋguba malbingö keuŋi jizali, miangö ölni kewö: Nini mönö Anutugö jöjöpaŋ keuŋi pakpak tem köla ahakmemenŋini ak memba malbin. Körek eŋön jöjöpaŋ keu könakönahiŋeyök möta malgeri, mi kewö: Inŋini mönö uruŋinan jöpaköm aŋguba malme.

⁷ Isimkakalek ambazipnöŋ Jisös Kraistköra kewö jim miwik-ŋaimakze: “Amötqeŋe Tonan gölme azi silebuk asuhumangö osiyök.” Mewö jim miwikŋaiba tilipqilip aketka eŋololonŋ asuhumakza. Ambazip isimkakalek mewöŋi mi Kraistkö salupŋe kinda tu-arenjoŋ ak waŋgimakze. Ambazip mewöŋi gwötpukŋan lök gölmenŋi gölmenŋi liliköba lanŋ anda kaba malje. ⁸ Neŋön urugö nup meinga ölni uruŋine asuhuyöhi, miangön sohoba pömsöm qebapuköra mötzal. Miangöra isimkakalek ambazipnöŋ eŋololonŋ ak eŋgibepuköra mönö galömnini mem aŋguba malme. Mewö malgetka uruŋinaŋgö ölnan qahö sohoiga Kembunöŋ töwaŋini körek eŋgim teköma.

⁹ Kraistnöŋ keu kusum neŋgiyöhi, kunŋan mi qahö qekötahözapmö, mi oŋgita keu toroqeiga lolonqalonŋ jimakzawi, yaŋön Anutuŋi qahö. Denike yeŋön Kraistkö Buŋa keuŋe qekötahözei, yeŋön mönö Iwi aka Nahön yetpuk köhöiba malje. ¹⁰ Kunöŋ Buŋa

* 1:5: Jon 13.34; 15.12, 17

keu jömukņi mi qahö memba engören kazawi, iņini mönö yangö jölöņi kude jiba miriņine kude örögetka öngöma. ¹¹ Kunņan yangö jölöņi jimawi, yaņön mönö bölöņamņangö lömbötņi öroi qakņe öngöiga öröröņ bisimahot. Mewö.

Keu teteköņi

¹² Nöņön engöra keu sehisehiņi ohomangö sihimņi mötzalmö, mi papia sinņe iņknöņ ohomangö qahö möta mosötzal. Engören kusuk kaba mesohol köla keu eraum mötpingö mamböta jörömqröm akzal. Aitoņgöbini, nalö miangören köisirik tata eraum möta sösöņgainini körek ahum teköba urunini kokolak qeiga malbingö mötzal.

¹³ Anutunöņ ambi alagi galöm nupköra möwölöhöyöhi, ambi sorok yangö könagesöurupņan yaizözköņini algetka göhöreņ kaza.

Jongörey Kimbi 3 Jonöñ Kimbiñi aliga 3 ahök. Jim-asa-asari

Buñä Kimbi kianğö tonji yañön nanñi qetñi “Jitñememe kun,” qerök. Yañön Kimbi mi urumelen könagesö kungö jitñememe kun qetñi Gaius yañğöra alök. Gaiusnön urumelen ambazip tosatñi miri aka nene yuai bauköm enğiba malök. Mianğöra i möpöseim wañgiyök aka tuaköpek azi kun qetñi Diotrefes yañğöra galöm meme keu jiyök.

Buk kianğö bahöñi bohonñi 5 mi kewö:

Keu mutukñi 1-4

Jonöñ Gaius möpöseiza 5-8

Diotrefesğö galöm meme keu 9-10

Demitriusğö sösöngai keu 11-12

Buk kianğö keu kötñi bohonñi 13-15

¹*O wölböt alani Gaius!

Nöñön jitñememe kun aka göbuk keu eraum mötpitköra kaba kimbi ohozal. Nöñön keu öljangö dop urunan jöpaköm gihiba maljal.

² O wölböt alani, göhö uñagan Anutubuk qekötahöba ölöwahi maljani, mi mötzal. Mewöñanök sile unditundit mala yuai pakpak mianğörey töhötmöriam miwikñaiba mal-mangöra Anutu köuluközal. ³ Urumelen alaurup tosatñan göhöreyök kaba göhö kösohotki kewö nañğöba jigetka möral, “Göñön Anutugö keu öljñi pöndañ wuatangöba aka memba maljan.” Mewö jiget mötpiga sösöngai ketañi ak niñgiyök. ⁴ Nöñgö (koko) gömokurupnan Anutugörey keu öljñi wuatangöba aka memba maljei, nöñön keu buzup mewöñi möta önöñi qahö söñgaimakzal. Buzup murutñi kunöñ sösöngai öñgöñgöñi mi qahö oñgiri mötzal. Mewö.

Jonöñ galöm azi qetñi Gaius möpöseiza.

⁵ O wölböt alani, gi urumelen alaurup welen qem enğiba mianğörey pöndañ kinda malakzan. Yeñğöreyök tosatñan miri liliköba enğörey kamakzei, mi köyan köl enğimakzan. Möt enğizani me qahö, mi töndup ölöpñanök bauköm enğimakzan.

⁶ Gi urugan jöpaköm enğiba malnöñi, yeñğöreyök tosatñan ki kaba mötnarip kambugö jeñine könañamgi mewö nañğöba jiget mörin. Mianğöra alaurup mewöñan enğörey kamei, mi mönö bauköm enğiba malnöñga ölop amqeba nup memba könañini toroqeba anme. Nup mewöñi mi Anutugö jeñe dop köl wañgimawangö dop toroqeba memba malman. ⁷ Yeñön Kraistkö buñaya akzeañğöra aka nanñini miriñini mosöta liliköba qetbuñañi jim sehimakze. Nup mewö memba urumelenğö kopa ambazip yeñğöreyök nene yuai kun qahö memakze. ⁸ Mianğöra Jisösgö alaurup neñön naninök alaurup mewöñi köl öröba nañğöm enğiinga dop kölma. Nini nup bahöñi mi memba mianñön keu öljangö Tonji mohotñe welen qem wañğiinga keuñi öljñan sehimakña. Mewö.

Diotrefes ewö akanbukö galöm meme keu

⁹ Nöñön mötnarip kambu enğöra kimbi kun ohoyal. Mi ohoyalmö, Diotrefes jitñememe azi yañön sutñine galöm bohonñi malmangö sihimñi mötzawi, yañön mönö mem-sepçemsep aka keunañğö kezap qahö ala nesampurek ak neñgimakza. ¹⁰ Mianğöra nöñön enğörey kabileñak ewö, mönö yañğö ahakmemenji bölöñi mi aukñe jibiga kewö mötme: Yañön neñğöra luasö keu munenji andönöñ qeçe jimakza aiga keu jijiyök qahö ahakza. Qahö! Urumelen alaurupnini miri lilik nup memakzei, yañön mi qahö köl

* 1:1: Apo 19.29; Rom 16.23; 1 Kor 1.14

öröm enġimakza aka alaurup tosatġan köl öröm enġibingö mötzei, yaġön i aġön köl enġiba mötnarip kambuġineyök utal enġiiga yaigep erakze.

¹¹ O wölböt alani! Gi ahakmeme bölöŋi qahöpmö, ahakmeme ölöŋi mia mönö wuatangöba malman. Denike yeġön ahakmeme ölöŋi aka memba maljei, yeġön Anutugö nahön böraturupŋi akze. Denike yeġön ahakmeme bölöŋi aka memba maljei, yeġön Anutugö könaŋi qahö möt kutuba sel yaigepŋe malje.

¹² Demitrius azi miangö könaŋi mi ölöŋi. Alaurup körekġan mewö jimakze. Keu ölnaġö Tonjan nanġak mi mewöŋanök nanġöba jimakza aka neġön toroqeba yaġöra keu öröröŋ jimakzin. Neġön keu jimakzini, mi keu öl töhöŋŋi akza, mi mötzan. Mewö.

Yaizözkök keu teteköŋi

¹³ Nöŋön göhöra keu sehisehiŋi ohomangö sihimŋi mötzalmö, mi kirifi aka inġknöŋ ohom gihimangö dopŋi qahö möta mosötzal. ¹⁴ Nöŋön ösumok göhöreŋ kaba gekġangö mamböta jörömqöröm akzal. Aitonġöbini, nalö miangöreŋ ölöŋ mesohol köl aġguba keukeu eraum mötpin.

¹⁵ Anutunöŋ luai qem gihiiga malman!

Mötnarip alaurup ki maljei, yeġön yaizözkökŋini algetka göhöreŋ kaza. Göŋön mewöŋanök urumelen alaurup göbuk kinjei, mi nanġik nanġik yaizözkökŋini jinöŋga mötme!

Judagören Kimbi Judanöŋ Kimbiŋi alök. Jim-asa-asari

Juda mi Jisös aka Jeimsgö munŋi. Tosatŋan “Kraist möt narizin,” jiba keu gonŋonji ambazip kustum sohom engiba malgeri, Judanöŋ yengöra aka galöm meme keu ohoyök. Buŋa Kimbi ki töröptökŋi. Keuŋi mi 2 Pitö 2 keu miangö dop. Judanöŋ Kraistkö alaurupŋi nenŋö urunini kewö kuŋguyök, “Anutunöŋ nini nalö dop möt naribingöra mötnariŋ nenŋiiga könagesöurupŋi akzini, eŋön mönö mötnariŋŋinan sehiba köhöimapköra toroqeba bim qeba malme.”

Buk kianŋö bahöŋi bohonŋi 4 mi kewö:

Keu mutukŋi 1-2

Böhi sohoboho yengö könaŋini aka jimteköteköŋini 3-16

Toroqeba pöndaŋ möt naribingö jimkutukutunŋi 17-23

Kötumötuet keu 24-25

¹ *Juda bisop Jeimsgö munŋi nöŋön Jisös Kraistkö welenni qeba urumelenŋ alaurup embuk keu eraum mötpingöra kaba kimbi ohozal.

Anutu Iwinöŋ engohola uru könömnŋan jöpaköm enŋii Jisös Kraistnöŋ sel jöhöm enŋiiga malje.

² Anutunöŋ mönö ak kömumba urukalemŋi kelenmalelenŋ enŋiiga luainöŋ malme. Mewö.

Buŋa keu möwököwöramgö galöm meme keu.

³ O wölböt alaurupni! Anutunöŋ amöt qem nenŋiiga letota mohotŋe Suepkö buŋaya akzini, nöŋön miangö keuŋi jim tuariba ohom engimamgö sihimni ketanŋi möta malal. Mala malbi lömböriiga toroqeba mambötmamgö osizal. Miangöra ohoba uruŋini kewö kuŋgum engizal: Anutunöŋ mötnariŋkö keu kambaŋi pakpak mi ambazip sarakŋi nenŋön memba galöm kölinga qahö utekömapköra ali buŋanina akza. Miangöra böhi takapulakanŋi tosatŋan Buŋa keu lolonqaloŋ akepüköra mönö böŋ kinda bim qeba malme.

⁴ Ambazip tosatŋan möndöba urumelenŋ kambu sutŋine ölöŋ ölölöngöba kaŋgotketka könaŋamŋini gonŋonji mi aukŋe qahö asuhui malje. Anutunöŋ ambazip mewöŋi yengö keuŋini lök mönöwök jim teköiga ohogetka sihibölöŋinan qakŋine öngö-mamgö akza. Anutuninan keuŋi ala kalem möriamŋaŋgö könaŋi ölna indelakzapmö, ambazip aŋgöjörakŋinambuk mienön mönö nanŋini sero namböŋnamböŋini turumegöra aka kalem möriamgö keuŋi mi möwököwöramgöba möŋaqöŋaigetka bölimakza. Mewö aka nanine Ketanaŋnini mohot Jisös Kraist Kembu ak nenŋi-makzawi, i qaŋ köla andö qemakze.

⁵ *Inŋini keu pakpak mi lök nalö köröpŋi möt teköba maljemö, töndup galöm meme keu ki ölum engubapüköra kunbuk kewö jim gulim engimamgö mötzal: Kembunöŋ könagesöurupŋi Ijpt kantrinöhök meköm enŋiiga kagetmö, könaŋep tosatŋan nalö kunöŋ qahö möt narim waŋigetka mi köndenmöndenŋ ak enŋii ayuhuget. Galöm meme keu mi engöra aka kunbuk jizal.

⁶ Mewöyök Anutunöŋ Suep garataurupŋi jakömbuak tohoŋini al enŋiiga malgetmö, yengörenök tosatŋan urukönöp aka keu bapŋe qahö anda nanŋini jakömbuak tohoŋini galöm köl engibingö urumohot qahö aka selŋini kösököget. Qeŋetal akerangöra aka Anutunöŋ i aköm enŋiiga jakömbuak mirinŋini mosöta etket. Etketka “Nalö ketanŋe keuŋini jim tekömam,” jiba tapepnöŋ (muŋgamuŋga) gwaröhöba pandaman uruŋe al enŋiiga tata kotkera nalö teteköŋi qahö tat öngöme. Galöm meme keu mi engöra aka kunbuk jizal.

* 1:1: Mat 13.55; Mak 6.3 * 1:5: Eks 12.51; Jan 14.29-30

⁷ *Tandök mohot mianjôn Sodom, Gomora aka miri tosatji liliköba tatkeri, yengören asuhuyök. Ambazip mienjôn mewöjanök serowilin aka silegö sihim kömbönanjini möwöramgöba tandökji kun kewö aket: Azi nanjirök ambi nanjirök amimba malget. Mewö malgetka Anutunöj likepni melenj engiiga könöp jitji teteköji qahö engohoi sihimbölö möta mala kota malme. Mewö mala böhi takapulakanj yengö galöm mem angubingö kaisöpsöpnina ahakze.

⁸ Ambazip takapulakanj mienjôn mönö nalö kewöje tandök mohot mewöjanöhök ahakze. Jenini melenjini imutimutjini lanj eka mianjörenj möndöba wuatängöba nanjini silenjanjögö malmalnini mem böliba kölköljinjin miwiknajimakze. Mewö mianjôn Anutu jijiwilit aka jimongot jim wanjiba kukösumni memba et alakze. Mewö aka Suepkö bem suahö ambazip asakmararanjambuk euyangörenj maljei, yengöra uruqeje keu töhörenj jim engimakze.

⁹ *Mewö ahakzemö, Suep garata bohonji qetji Maikel yanjôn mewöyök mewö aknajngö lömböriba osiyök. Maikelnöj Mosesgö qamötjanjögöra Bölönjögö Tonjambuk anjururuk aka möndöm-kösök ahök. Mi aka öngöba erökmö, töndup uruqeje keu töhörenj mi jim teköm wanjimangöra awösamakak qahö miwiknaiba osiyök. Osiba kewöyök jim wanjiyök, “Kembunöj mönö mindin-göm gihima.”

¹⁰ Maikelnöj mewöyök mi osiyökmö, ambazip sohoboho mienjôn mönö silenjini memba öngöba Buja keu qahö möt kutumakzemö, töndup mianjögöra uruqeje keu töhörenj lanj jimakze. Tönpin mala sömbup soj ewö lanjanj malje. Mötkutukutunjini ölni qahö asuhuiga sömbup malmalgö sihimjini korembinji miyök mörakze. Nanjini sihim mötmötjini gonjonmanjonj mienjôn mönö köndenj engigetka ayuhume. ¹¹ *Anutunöj böhi takapulakanj mienjögö likepni melenj engiiga sihimbölö ketanji mötmeanjögöra wöziköba Yei! jizal. Ambazip sohoboho mienjôn azi Kein (Kain) yanjögö könanji mötöteiba anakze. Könanjep kerök azi kembu kunöj azi qetji Balam töwa wanjiiga Israel ambazip tilipköm engiiga janjunj anget. Böhi takapulakanj mienjôn Balamgö silikni wuatängöba monen miwiknaibingöra urukönöp möta yuai ilinolanj ak bibihiba lanj sohomakze. Azi qetji Kora yanjôn Moses aka Aron tuarenjonj ak etkiba köndenj möndenj miwiknaiiga ayuhuyöhi, böhi mienjôn mönö Kora ewö kezapjupjup aka mala ayuhume.

¹² Urumelenj enjôn urukalem kondel angubingöra tokoba lömbuanj algetka takapulaka böhi mienjôn mönö mianjörenj mewöyök kamakze. Kaba dogonjini aukne kondela nanjananöhök gumohom anguba bau numbu nemakze. Mewö aka engö sile töwötjini boromni boromni gamunjanambuk ewö akze. “Ziozgö lama galöm akzin,” jiba ala engöra qahö mötmöriba kelök keu lanj jimakze.* Kousu omanji töhöntöhön kienjini qahö mewö malgetka luhutnöj muwutapköm engiiga lanjanj anda kamakze. Ölni ahumapkö nalöne ipni ipni araronj ölnjini qahö ewö kinje. Gulun sinjananök ewö aka mutuk köhömunj aka jalöjini malmal köhöknanjögö könanjeyök qözöla tala kunbuk kömum köhöigetka yahöt aiga köhömunj kötökni aka malje.

¹³ Yenjôn köwet siri kukjinambuk ewö lanj kundutketka ahakmemenjan gamunambuk mi qölqölsöt gödöwörötjanambuk ewö aukne asuhumakza. Senjgelau tosatjan könanjini sinjiba lanj erakzei, yenjôn mönö mianjögö dop janjunj qemakze. Senjgelau mienjögö dop eta Anutunöj yengöra pandaman göjiwinanjögö urune miri arenjögöm engiyöhi, mönö emuyangörenj dutje geba nalö teteköji qahö tat öngöme.

¹⁴ *Adamgö sakonjanjögö isinji qetji Enok yanjôn mewöyök ambazip takapulakanj mienjögö kezapqetok keunjini qeljinje kewö jii ahöza: “Mötket, Kembunöj Suep suahö ambazip töröni tausenji tausenji janjögö öngöngöni ketanji mi engömemba eta asuhume.

¹⁵ Asuhugetka körek pakpak nenjögö keunini jim teköma. Ambazip anjögörakjinambuk

* **1:7:** Jen 19.1-24 * **1:9:** Dan 10.13, 21; 12.1; Ind 12.7; Dut 34.6; Zek 3.2 * **1:11:** Jen 4.3-8; Janj 22.1-35; 16.1-35

* **1:12:** Böhi mienjôn törom ewö asamböta tatzemö, wanjenjan yanjögörenj qaköba jömgöbapak. * **1:14:** Jen 5.18, 21-24

Indelindel keu Kraistnöŋ keu tölapŋi Jongöreŋ indelök. Jim-asa-asari

Jisösnöŋ gölme mosöta Suep mire öngöiga yambu 65 miangö dop teköiga aposol Jonöŋ Kimbi ki ohoyök. Nalö miangöreŋ urumelen könagesö Jisös möt narigeri, i sesewerowero ketanji ak engiget. Jon mi gölme jölanŋi qetŋi Patmos miangöreŋ al wanŋigetka kösö mire ewö tarök. Patmos maliga Anutunöŋ jenŋi melenŋiga yuai könaŋgep asuhumapkö imutŋi ehök.

Keu bohonŋi kewö: Jisösnöŋ Satan aka kerökurupŋi pakpak luhut ala memba et al engim teköma. Mewö aka mötnarip ambazip kötuetköm nenŋiiga Suep dölökŋi aka gölme dölökŋi miangöreŋ anŋota teteköŋi qahö oyaenŋkoyaen malbin. Sesewerowero uruŋe malgeri, yeŋön lömböt möta mökösoŋda Jisös möt nariba pöndaŋ böŋ qeba kinmegöra kuŋgum enŋimakza. Jisösnöŋ keuŋi keuŋi mewöŋi jim kutuba indeliga Jonöŋ möta Kimbi ki ohoyök. Mi urumelen ambazip urunini nanŋömamgöra aka ohoyök. Söpsöp keu aka keu tölapŋi mi gwötpuk. Keu tosatŋi möt kutubingö möt bibihizin.

Buk kianŋö bahöŋi bohonŋi 11 mi kewö:

Keu mutukŋi 1.1-8

Zioz kambu 7 yeŋö kimbiŋini 1.9-3.22

Kimbi köpep supap 7:ŋan jöjöhöŋi 4.1-8.1

Tömun qainŋi kun 7 uget 8.2-11.19

Sekak namŋi aka jemnemba yahöt 12.1-13.18

Jemelen imutimut könaŋi könaŋi 14.1-15.8

Anutugöreŋ irimesewöl qambi 7 mokoget 16.1-21

Babilon siti, jemnemba, kezapqetok takapulakaŋi aka Satan yeŋö ayuayuhu 17.1-20.10

Jimtekötekögö nalö ketanji 20.11-15

Suep gölme dölökŋi aka Jerusalem dölökŋi 21.1-22.5

Keu kötŋi teteköŋi 22.6-21

¹ Anutunöŋ yuai könaŋgep zilaŋ asuhumawi, miangö könaŋi nup memeurupŋi nenŋöra kondel nenŋimapkö möta Jisös Kraistköra kondela kezapqetok keu jiba indelök. Indeliga Suep garata kun melaiiga welenŋeŋeŋi Jon nöŋgöreŋ kaba jiiga möral.

² Jisös Kraistnöŋ Anutugöreŋ Buŋa keu nanŋöba jim asariba kondel niŋgiiga Jon nöŋön yuai mi jeni melenŋiga uba ehali, mi pakpak miangö dop toroqeba nanŋöba jim asariba ohozal. ³ Kunŋan kezapqetok keu ki oyoŋmawi, yanŋön mönö simbawoŋ akza. Jisösgö kaka nalöŋan töriza. Miangöra kimbi kianŋöreŋ keu ohoi ahözawi, ambazip mi kezap ala mötmei aka mi möt sölöŋöba anŋön kölmei, yeŋön mewöyök simbawoŋ akze. Mewö.

Jonöŋ Eisia prowinsgö zioz kambu 7 yeŋö jölöŋini alök.

⁴ *Jon nöŋön Eisia prowinsgö zioz kambu 7 enŋöra kewö ohozal:

Kunöŋ mal köhöizawi, möpŋanŋö möpŋeyök mala koröhi, aka kunbuk liliŋgömawi, yanŋön mönö kalem möriam enŋiiga luainöŋ malme. Mewöŋanök Anutugö uŋa bohonŋi 7 yanŋö jakömbuak dum wösöŋe kinjei, yeŋön mönö kalem möriam enŋigetka luainöŋ malme.

⁵ *Jisös Kraistnöŋ Anutugö könaŋi pöndaŋ nanŋöba jim asariba mala mutukŋa kömupnöhök wahörök. Yanŋön gölmegö kiŋ kembu yeŋö Kembuŋini akza. Yanŋön mönö sepŋan sanŋonŋa siŋgisöndoknineyök pösat nenŋiba jöpaköm nenŋimakza. ⁶ *Yanŋön nini

* 1:4: Eks 3.14; Ind 4.5 * 1:5: Ais 55.4; Sum 89.27 * 1:6: Eks 19.6; Ind 5.10

nannj bemtohone ala mem letot nenjiiga kin ewö akzin. Buja nup galömurupni (prist) aka nannj Iwi Anutuñangö welenni qemakzin. Nenjon yangö qetbuñani aka kukösumni möpöseininga nalö teteköni qahö aködamunñambuk ahöm öngöma. Keu mi ölna.

⁷ *Eket, Kraistnön mönö kousu uruñe eta kama! Kamawi, nalö miangören nini körekmakörek i jeninan uba ekin. Börö marömni qetohogeri, yenjon mönö mewöyök i ekñe. Ambazip kambuñi kambuñi gölme dop tat anjini, nenjon mönö i eka körekmakörek yangöra aka jinñeñ köla amburereñ akin. Keu mi ölbölna, uruyahötñi kun qahö.

⁸ *Kembu Anutu mal köhöizawañon kewö jiza, “Nönjon mutuhök mala (yuai pakpak miwikñaiba könangep jiba qahöwahiga) qöndökña mal öngömam. Miangö dop nönjon kulem namni mutukni A aka kulem namni qöndökni Z akzal.” Nönjon kukösum pakpakö Tonji möpñangö möpñeyök mala kota maljal aka kunbuk lilingömam. Mewö.

Suep gölmegö azi ölnangö tandökni kewö ehal:

⁹ Jon nönjon engö urumeleñ nenakñini akzal. Kraistpuk qekötahöbiga nannj bemtohone al ninjiiga ambazipnön sihimbölo ak ninjigetka wahöjalij mörakzal. Mi embuk möta mökösonda kapan köla köhöiba kinjal. Anutugöreñ Buja keu jim sehiba Jisösgö könani nangöba jim asariba malalangöra nömemba köwet jölanñi qetñi Patmos* miangören al ninjiget malal. ¹⁰ Kembangö sonda kendon tatat nalö kunön Uña Töröñan nömeiga alburup umumñan qakne öngöiga andöneyök qet ketani kun möral. Qet kourukni mi tömun qainñi kun (biugel) qetzawi, miangö tandöktandök ahöyök.

¹¹ Qet mianjon kewö jiyök, “Öroyuai uba ekñani, miangö keuñi mönö kimbi köpepnön ohoman. Ohoba alnönga zioz kambu 7 yengöreñ anma. Siti 7 miengö qetñini kewö: Efesus, Smörna, Pergamum, Taiataira, Sardis, Filadelfia aka Laodisia.”

¹² Keu mewö jiiga ötöni mörali, “Mi danjon?” jiba eka mötmamgöra lilingöyal. Lilingöba kinda lambegö dum tatat goulñon memenji 7 kingetka ehal. ¹³ *Lambegö dum tatat miengö sutñine azi kun ekiga kaisongolomñan gölme azigö tandök ahök. Malukuñi köröpni köla öröiga köna susuñe eta turuyök. Opo johan mangihilakni goulñambuk mi örigit ewö töptöpñe embahöm anguba kinök.

¹⁴ Nöröp jupñan tuat lalamni kousu köpköp (snow) ewö ahök. Lama jupni sanjongetka tuarizawi, mönö miangö dop ehal. Jekötñan könöp bölam ewö jem asariiga kinök. ¹⁵ Köna susuñan sösonihiba gohotni ahök. Ain bras könöpnön ala delasi ohogetka jeiga gögöriñ tohomakzawi, mönö miangö dop kölköl-bilikbilikñambuk ahöyök. Keu jii mörali, mi o ketanjan sianön giliga ötöni ketani mörakzini, mönö miangö dop ahöyök. ¹⁶ Böröni ölnan senjelau 7 memba kinök. Numbuñeyök bimgö sou ketani (bainat) jityahötñi likelike zuluk alalñan erök. Jemesoholñan wehön jeni körek asarim tekömakzawañgö dop asariiga ehal.

¹⁷ Nönjon i eka uruni duhui yangö könane tala eta kömup tandök ahöyal. Mewö ahöbiga böröni ölnan nönjö nöröpne ala kewö jiyök, “Mönö kenjötki kude mötnön! Nönjon mutuhök mala (yuai pakpak miwikñaiba könangep jiba qahöwahiga) qöndökña mala öngömam.

¹⁸ “Nönjon malmal Tonji akzal. Kömumba malmal, mötnön, nönjon mönö guliba wahöta malmal köhöikni teteköni qahö mal öngömam. Nönjon kömupkö kondotkondot Tonji galöm köla kömupkö unem miri Tonji ongita kin moröni memba maljal. ¹⁹ Miangöra yuai nalö kewöñe asuhuzawi aka könangepñe asuhumawi, nönjon miangö könani kondelbi ekñan.

* **1:7:** Dan 7.13; Mat 24.30; Mak 13.26; Luk 21.27; 1 Tes 4.17; Zek 12.10; Jon 19.34, 37 * **1:8:** Ind 22.13; Eks 3.14 * **1:9:** Patmos mi köwet jölanñi moröni (Yurop aka Afrika) Sutñire Köwet miangören ahöza. Efesus mosöta Saut göröken 80 kilomita anman. Rom gawman yenjon kegwek-kahasiliñ ambazip keuñini jim teköba közöla enñuangetketka miangö kösö mirinön malget. Ölöñ kölböngö osiget. Gölme mi qararankölkölna, kötni sehisehñi. Jonön yengö sutñine maliga sisa-kin Nerwagö nalöñe (yara 96-98) pösatketka erök. * **1:13:** Dan 7.13; 10.5, 14-15; Dan 7.9; 10.6, 15; Eze 1.24; 43.2, 17; Ais 44.6; 48.12; Ind 2.8; 22.13

Yuai ekñani, mi mönö papianöñ ohonöñga ahöma. ²⁰ Senğelau 7 böröni ölnje ahözei aka lambegö dum tatat goulñöñ memenji 7 ekzani, mienğö könañini tölapñi kewö: Senğelau 7 mi zioz kambu 7 mienğö garata galómñinañğö söpsöp akze. Lambegö dum tatat goulñöñ memenji 7 mienğön mönö zioz kambu 7 mienğö söpsöp akze.” Mewö.

2

Efesus urumelen könağesö yenğö qambañ keu

¹ Jisösnöñ toroqeba jiyök, “Jon göñön mönö Efesus sitigö zioz kambu yenğö pom garatañinañğöra kimbi kewö ohoman,

“Kunöñ böröñi ölnjan senğelau 7 memba lambegö dum tatat goulñöñ memenji 7 mienğö sutñine anda kaba kinakzawi, yañön keu kewö jiza: ² Nöñön göhö ahakmemegahö könañi möt kutubi kewö ahöza: Göñön nöngöp ariba nupni köhöikñanök memba malakzan. Anğösirip kapañ köla möta mökösoñda malakzan. Ambazip gonğonji yembuk ala qahöpmañöp aka ölnja qepureiba közöl enğimakzan, mi mötzal. Tosatñan melaimelai azi aposol qahö aka tøndup qetñini mewö qerakzei, göñön i esapesapnöñ ala kewöt enğinöñga munen jijiñinañğö könañinan aukñe asuhuyök.

³ “Tosatñan nöngö qetnañğöra aka kahasililin ak gihigetka sihimbölo kapañ köla möta mökösoñda malnöñ. Ösumeret ölan qahö aka malnöñmö, yuai pakpak möt kösoñda kinda malnöñ, mi mötzal. ⁴ Mewö malnöñmö, urugahö keu kun kewö mötpi qahö dop kölja: Mutuhök urugi melenja öñöñi qahö jöpaköm niñgiba malnöñmö, urugan mönö sörauiga nalö kewöñe amöriba maljan.

⁵ “Mutuhök urusösöñgai ketañi möta malnöñmö, miangöreñök löwöriba eta eta amöriba et qeba maljan. Gi mönö nangi könañi mi mötmöriba möt kutuman. Miangöra mönö urugi melenjan. Mutuhök urumelenğö yuainji akñöñi, mönö miangö dop kunbuk suariba akñan. Urugi siñgisöndok miangöreñök qahö melenjan ewö, nöñön mönö göhöreñ kaba lambegö dum tatatki qeköbiga urumelen könağesö Efesus miangöreñ kunbuk qahö ahöma. ⁶ Et guhuyökmö, göhöra kewö mötpi ölöwakza: Göñön Nikolait yenğöreñ ahakmemenji tököba uru öñön ahakzan. Nöñön mewöñanök mi tököba miangöra uru öñön ahakzal.

⁷ * “Enğöreñök kunñan kezapñambukñöñ malja ewö, Uña Töröñan zioz kambuñi kambuñi neñğöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak oñgita luhut almawi, nöñön mönö i wañgitpiga Anutugö oyaenköyaen nupnöñ (paradai) euyañğöreñ öngöba malmal köhöikñanğö ip aumñe tata kötñi namba malma.” Mewö.

Smörna urumelen könağesö yenğöreñ qambañ keu

⁸ * “Smörna sitigö zioz kambu yenğö pom garatañinañğöra mönö kimbi kewö ohoman,

“Kömumba guliba mal köhöizawañön mutuhök mala (yuai pakpak miwikñaiba könañgep jii qahöwahiga) qöndökña mal öngömawi, yañön keu kewö jiza: ⁹ Göñön wahöjalilin möta etqeqenji akzani, mi mötzalmö, Anutugö jene qetbuñagan öngöñğöñi aiga simbawon akzan. Tosatñan Juda ambazip qahö aka tøndup qetñini mewö qerakzei, yenñön mepaqepaik aka andö qem gihigetka anğösirip mörakzani, mi mötzal. Yenñön ‘Köuluk miri ölnji akzin,’ jiba aiakanñan Satan möpöseimakze.

¹⁰ “Sihimbölo möta malmanmö, miangöra kenğötki kude mötman. Mötnöñ, Bölöñanğö Tonan esapesapnöñ al enğimangöra ambazip kuñgum enğiiga enğöreñök tosatñi enğömemba kösö mire al enğime. Anğösirip ak enğime, iñini mi silim 10 möta malme. Malbeak me kömumbeak, mönö nömbuk pöndañ kingetka nöñön malmal köhöikñanğö ila jalöñi enğimam.

¹¹ * “Enğöreñök kunñan kezapñambukñöñ malja ewö, Uña Töröñan zioz kambuñi kam-

* **2:7:** Jen 2.9; Ind 22.2; Eze 28.13; 31.8 * **2:8:** Ais 44.6; 48.12; Ind 1.17; 22.13 * **2:11:** Ind 20.14; 21.8

bunji nenğöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak onğita luhut almawi, yañgö silenjan kömuiga mohot akñapmö, kömup yahötñi qahö kömumba geñmororon qahö miwikñaima.” Mewö.

Pergamum urumelen köñagesö yengö qamban keu

¹² “Pergamum sitigö zioz kambu yengö pom garatanjanğöra mönö kimbi kewö ohoman,

“Kunöñ bingö sou ketanji (bainat) jityahötñi likelike zuluk alalñi memba maljawi, yañön keu kewö jiza: ¹³ Göñön malmal tatatki denike ala maljani, mi mötzal. Satanöñ nanñak jakömbuak dum tatatñi ali ahözawi, gi mönö miangö kösutñe malakzan. Töndup nöngö qetni memba nömbuk toroqeba qekötahöba kinakzan. Satangö malmal tatatñi Pergamum siti miangöreñ ahöiga Antipas yañön nöngö könañamni nanğöba jiba jembon onji nene (qariwe ilikñi nene) ewö kinökmö, i engö sutñine miangöreñ qeget kömuyök. Göñön ni möt narim niñgimazani, keu mi nalö miangöreñ mewöyök qahö köyatiba qañ kölnöñ.

¹⁴ * “Mewömö, urugahö keu moröñi kun kewö mötppi qahö dop kölja: Göhö köñagesö sutñine tosatñan kezapqetok azi takapulakanji qetñi Balam yañgö janjunbuk mala wu-atanğömakze. Kantri tosatñi yengö nene memba tandö lopion yengö naluk kötin buña qeba könañine algetka ösumñinan walöñnöhi, Israel ambazipnöñ mi qahö nezema. Mutuk qahö negetmö, Balamnöñ azi qetñi Balak kewö kusum wañgiyök, ‘Gi mönö Israel ambazip mi nemegöra tutuhum engiman.’ Mewö kusuba kuñgum engiba simba ewö utuba alöhi, yengö mönö miangöreñ qaköba amqeba neget aka serowilin lañ aket. Engöreñök tosatñan Balamgö mötmöt mi wuatanğömakze.

¹⁵ “Mewöñanök göhö köñagesö sutñine tosatñan Nikolait yengöreñ mötmöt munenji memba wuatanğömakze. ¹⁶ Miangöra gi mönö urugi melenman. Mewö qahö akñan ewö, nöñön mönö zilañ göhöreñ kaba köñagesöurupki mewöñi mi qetal engimam. Numbune bingö sou ketanji (bainat) ahözawi, miangöñ mönö yarö gil engimam.

¹⁷ * “Engöreñök kunñan kezapñambuknöñ malja ewö, Uña Töröñan zioz kambunji kam- bunji nenğöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak onğita luhut almawi, nöñön mönö nene tölapñi qetñi mana aka köt tuatñi wañgimam. Yahöt mi wañgibiga köt tuatñi miangöreñ qetñi dölokñi ohogetka ahömawi, mi nanñök oyonnda mötma. Tosatñan mi qahö mötme.” Mewö.

Taiataira urumelen köñagesö yengö qamban keu

¹⁸ “Taiataira sitigö zioz kambu yengö pom garatanjanğöra mönö kimbi kewö ohoman:

“Anutugö Nahönñangö jekötñan könöp bölam ewö jem asariiga köna susuñan sösonihiba ain bras ewö kölköl-bilikbilikñambuk akzawi, yañön keu kewö jiza: ¹⁹ Nöñön göhö ahak- memegahö könañi möt kutubi kewö ahöza: Göñön Anutu jöpaköba möt narim wañgiba nupñi memakzan aka añgösirip kapan köla möta mökösoñda malakzan. Könakönahine yuai aka menöñi, mi mönö nalö kewöñe mem sehiba aka memakzan.

²⁰ * “Mewö memakzanmö, urugahö keu kun kewö mötppi qahö dop kölja: Göñön ambi qetñi Jezebel yambuk urumohot aka i qahöpmahöp qepureim wañgimakzan. Yañön kezapqetok ambia qahö akzapmö, töndup nanñi qetñi mewö qerakza. Yañön ambazip tutuhuba kewö kusum engimakza: Tandö lopionğö naluk kötin neneya buña qeba könañine algetka ösumñinan walöñnöhi, mi mönö ölöp nembra malme. Mewö kusum engiba nup meme alaurupni kuñgum engiiga löwöriba janjun anda mi nemakze aka serowilin lañ ahakze. ²¹ Nöñön Jezebel uruñi melenmapköra nalö wañgialmö, serowilinni mosöta uruñi melenmapkö qahö möta töndup malja.

* **2:14:** Jan 22.5, 7; 31.16; Dut 23.4; Jan 25.1-3 * **2:17:** Eks 16.14-15; 16.33-34; Jon 6.48-50; Ais 62.2; 65.15 * **2:20:** 1 Kin 16.31; 2 Kin 9.22, 30

²² “Miangöra nöñön ambi mi qeiga kawöl yöhöiga salöknöñ ahöba sihimbölö mötma. Mewöyök yambuk sero yoñgorö ahakzei, yeñön ahakmemeñini bölöñi mi qahö mosöta uruñini melenme ewö, nöñön mönö i mohot engubiga sihimbölö kanjamñambuk mötme. ²³*Yañgö nahönböraturuñi i mönö engum köñjöratpi kömume. Mewö akiga zioz köñagesö körek enñön engeka nöñgö köñani kewö möt yaköme: Nöñön ambazip urumötmötñini kewöta jit aka urusihimñini körek möt kömumba ahakmemeñinañgö dop likepñi melenja körek mohot mohot engö qakñine öñgöma. Nöñönök mönö miangö Tonji akzal.

²⁴ “Yeñgöra mewö asuhumapmö, Taiataira engöreñök tosatñan Jezebelgö mötmöt areñi mi qahö wuatangömakze. Mewö qahö aketka engöra mepaqepaik kewö aka jim engimakze, ‘Inini mötmöt öñgöñgöñangö köñani qahö möt kutuba yaigep malje.’ Mepaqepaik mewö jiba ak engimakzemö, Satangö buña mötmötköra qet mewö qerakze. Nöñön zioz kambu körek engöra kewö jibi mötme: Nöñön lömböt kun qahö suariba albi engö qakñine öñgöma. ²⁵ Inini Buña keu memba maljei, mönö miangöreñ qekötahöba malme. Nöñön kunbuk lilingömamañgö dop mönö mia wuatangöba malme.

²⁶*“Kunñan esapesap bölöñi pakpak ongita luhut ala kömumawañgö dop mönö töndup jitni tem köla ahakñawi, nöñön i kukösum wañgibiga kian kantriñi kantriñi galöm köñ engiba malma. ²⁷ Iwinan kukösum ningiiga mi buña qem anguba Kembu maljal. Mewöñanök engöreñök kunñan luhut almawi, nöñön i jakömbuak nupkö ilanji aka ain öröpñi wañgimam. Mi wañgibiga miangön gölmeñi gölmeñi ambazip galöm köñ engiba köhöikñanök mindiñgöm engiba malma. Gwaköm kimbut öröpnöñ qeba qesinjei, yañön mönö miangö dop qegetal ambazip öröp pöwöwöm köhöikñi miangön enguba köñdenja mendeñ engiiga qeqelanlan malme. ²⁸ Mewöyök söñangö undi senjelau wañgimam.

²⁹ “Engöreñök kunñan kezapñambuknöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

3

Sardis urumelen köñagesö yeñgö qambañ keu

¹ Jisösnöñ toroqeba kewö jiyök, “Sardis sitigö zioz kambu yeñgö pom garatañinañgöra mönö kimbi kewö ohoman,

“Kunöñ Anutugö uña bohonñi 7 aka senjelau 7 mi böröñe ahöi memba maljawi, yañön keu kewö jiza: Nöñön göhö ahakmemegahö köñani möt kutubi kewö ahöza: Göñön ambazip jeñine guliba maljanañgö qetñi bisimakzanmö, Anutugö jeñe köhömuñi akzan.

² Miangöra mönö imbigi möta wahötman. Göhö ahakmemegan nöñgö Anutunañgö jeñe aködamunñambuk qahö akza. Göhö köñanangki kewöta mewö miwikñaijal. Göhö köñagesö uruñe urumelen ambazip tosatñi kunbuk maljemö, yeñön mewöyök kömum taköbingö akze. Miangöra göñön mönö mem köhöim engiba malman.

³*“Anutugö yuai gihigetka buña qem anguba mötnöñi, mi mönö urukönömge jöhöba mötmöriman. Buña mi mönö tem köla urugi melenman. Guliguli qahö malman ewö, nöñön mönö yoñgorö meme ewö ölöñ kaba asuhumam. Kamamañgö aua nalöñi qahö mötnöñga keunan mönö zilañ qake öñgöiga lömböt miwikñaiman. ⁴ Mewömö, Sardis zioz kambu engö sutñine ambazip awamdökñi enñön opo söroröñini ölöpñanök galöm köñgetka töwötñambuk qahö akze. Miangöra yeñön ölöp maluku tuatñan silenine löngöta nömbuk anda kaba malme. Yeñön mönö mewö aka malmeañgö dop akze.

⁵ “Kunñan esapesap bölöñi pakpak ongita luhut almawi, yañgöra mönö maluku tuat lalamñi wañgigetka köla malma. Yañgö qetñi malmal köhöikñangö buk papianöñ ohoget ahözawi, nöñön mi qahö kutumam. Iwinañgö jemesoholñe angoriga Suep garataurupñan eketka qetñi ölöp aukñe jim miwikñaim engimam.

* **2:23:** Sum 7.9; Jer 17.10; Sum 62.12 * **2:26:** Sum 2.8-9 * **3:3:** Mat 24.43-44; Luk 12.39-40; Ind 16.15; Eks 32.32-33; Sum 69.28; Ind 20.12; Mat 10.32; Luk 12.8

⁶“Engöreñök kunñan kezapñambukñöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

Filadelfia urumelen könağesö yeñgö qambañ keu

⁷ *⁷“Filadelfia sitigö zioz kambu yeñgö pom garatañinañgöra mönö kimbi kewö ohoman,

“Kunöñ Azi Töröñi aka Ölbölñi aka kiñ Deiwidkö ki moröñi memba galöm köla maljawi, yañön keu kewö jiza: Yañön nanğu metaliga kunñan mi köla kiñi memamgö osima. Yañön mi köla jöhöiga kunñan mi musulmamgö osima. ⁸ Nöñön göhö ahakmemegahö könañi ölop möt kutuzal. Alani mötnöñ, göhö ösumgan eretñi akzawi, mi mötzal. Eretñi akzawmö, göñön mönö nöngö Buña keuni tem köla könañi wuatañgöba qetni qahö qañ köla malnöñ. Mianğöra nöñön nanğu kun wösöge metalbiga kunñan mi kölmamgö osima.

⁹ *⁹“Mötnöñ, kambu kun yeñön ‘Köuluk mirininambuk akzin,’ jiba aiakanñinan Satan möpöseimakze. Juda ambazip qahö aka töndup qetñini mewö qeta munen jimakze. Nöñön ambazip mi kuñgum enğibiga göhö könañamgi möt asarime. Mi möt asariba kaba göhö könage sipköba eta jöpaköm gihimakzali, mi aukñe jim miwikñaima. ¹⁰ Nöñön kapañ köla lömböt möta mököşöñda kin köhöimangö jiali, göñön nöngö jimkutukutuni mi anğön köla wuatañgöba malnöñ. Mianğöra nöñön mewöyök gi kewö anğön köl gihimam: Wahöjalin nalö tandökñi kun kaba kantriñi kantriñi dop köla gölmenöñ mal anjei, mi esapesapñöñ al enğima. Nalö mianñön kam kuñguiga nöñön gi wahöjalin mianğöreñök meköba bohongi jöhömam.

¹¹ “Nöñön mönö zilañ lilingöba kamam. Kunñan utum gihiba ila jalö memene luhut al ghibapuköra mönö urugö inap ahöm gihizawi, mi mönö töp memba malnöñga qahö sohoba kahaimök ahöma. ¹² *¹²“Kunñan esapesap bölöñi pakpak onğita luhut almawi, nöñön mönö i wañgita nöngö Anutunangö möpömöpösei jike (tempöl) uruñe kuñgubiga tandöñi akña aka nalö kunöñ mi kunbuk qahö mosötma. Mianğöreñ maliga sileñe nani Anutunangö qetñi, Anutugö sitiñangö qetñi aka nani qetni dölokñi qet karöbut mi ohomam. Anutunan Jerusalem sitiñi dölokñi mi nanñi mire euyangöreñ ali ahözawi, mianñön Suepnöhök eta gölmenöñ asuhuma.

¹³ “Engöreñök kunñan kezapñambukñöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

Laodisia urumelen könağesö yeñgö qambañ keu

¹⁴ *¹⁴“Laodisia sitigö zioz kambu yeñgö pom garatañinañgöra mönö kimbi kewö ohoman,

“Kun qetñi Amen. Yañön Anutugö keuñi pöndañ nanğöba Dangunu ölbölñi akza. Anutu bauköiga yuai pakpak miwikñaiyohotka galöm kölakzawi, yañön keu kewö jiza: ¹⁵ Nöñön göhö ahakmemegahö könañi möt kutubi kewö akza: Urugi qahö amöriza aka nöngö könöp bölamnan uruge qahö jemakza. O urugan amöribawak me könöwibawak, mianñön mötpi dop kölbawakmö, jöñañe malnöñga qahö dop kölja.

¹⁶ “Kun me kun dop kölbawakmö, urugan borom kun könöpkönöp aiga könöpkan qahö jezawi me uruamöt qahö akzani, mi qahö dop kölja. Könöp aka amöt sutñire uruyahötnöñ lañ maljanañgöra mönö numbuneyök söwötköm gihibi geman. ¹⁷ Nangi silegi mem öñgöba kewö jimakzan: Nöñön azi kindinbirik qetbuñanambuk akzal. Sukinap mem sehiba dopne miwikñaiçal. Siyoñsayoñi qahö mala yuai kungöra qahö osizal. Mewö jimakzanmö, könañamgi öñi qahö möt kutuzani, mi kewö: Göñön mönö kumkanjam aka tapötkokorok (dabökörök) malnöñga tosatñan wösömötmöt ak gihimakze. Wanapñi mala jegi gömöliiga tiktauk sile aukñe malakzan.

* **3:7:** Ais 22.22; Job 12.14 * **3:9:** Ais 49.23; 60.14; 43.4 * **3:12:** Ind 21.2; Ais 62.2; 65.15 * **3:14:** Qam 8.22

18 “Miaᅅgöra qamban keu kewö gihizal: Göᅅön nöᅅgöreᅅök yuai karöbut ki söᅅgöreᅅi meman: Azi kindiᅅbirik qetbuᅅagabuk akᅅaᅅgöra mönö goul köᅅöpnöᅅ delasi ohoba gödöwöreᅅti mendeᅅget söᅅönihiba eta qahöwahöhi, mi mönö bohönᅅi meman. Sile aukᅅe malakzani, miaᅅgö gamuᅅi közambötmaᅅgöra mönö maluku tuatᅅi bohönᅅi memba löᅅgötman. Jegi gömölizawi, miaᅅgöra mönö jepisik kelök mi bohönᅅi memba jegi töröreᅅk umangöra miriman. 19 *Nöᅅön wölböt alaurupni jöpaköm eᅅgimakzali, mi körek bölöᅅamaᅅinaᅅgöra tembula jim eᅅgiba mindiᅅqindiᅅ ak eᅅgimakzal. Ölöwakᅅeᅅgöra mewö ahakzal. Miaᅅgöra gi mönö jaulalaᅅ mosöta urugi melenᅅa siᅅgisöndoki andö qeba malman.

20 “Mötnöᅅ, nöᅅön naᅅᅅuᅅöᅅ qeba kinjal. Kunᅅan nöᅅgö keu imbini möta uru naᅅᅅuᅅi musulmawi, nöᅅön mönö yaᅅgö miri uruᅅe öᅅgöba yambuk tatᅅi yaᅅön nömbuk köisirik tata mohotᅅe nene nembit.

21 “Nöᅅön esapesap bölöᅅi pakpak oᅅgita luhut ala Iwinan noaᅅgiri yaᅅgö jakömbuak dumᅅe eta qöhöreᅅne tatzal. Miaᅅgö dop kunᅅan esapesap bölöᅅi pakpak oᅅgita luhut almawi, nöᅅön mönö i waᅅitᅅpiga nöᅅgö jakömbuak dumne eta qöhöreᅅne tatma.

22 “Eᅅgöreᅅök kunᅅan kezapᅅambuknöᅅ malja ewö, Uᅅa Töreᅅan zioz kambuᅅi kambuᅅi neᅅgöra keu jimakzawi, yaᅅön mönö mi kezap ala möt kutuma.” Mewö.

4

Jeni melenᅅiga kunöᅅ Sueᅅ jakenöᅅ tariga ehal.

1 Miaᅅgö andöᅅe jemelenᅅ kunbuk asuhuiga Sueᅅ miri naᅅᅅuᅅi kun aᅅaᅅiiga ehal. Ekiga imbi mutuk tömun qainᅅi kun (biugel) ewö keu jiiga mörali, yaᅅön mönö suariba kewö jiyök, “Gi mönö kewö kotnöᅅga andöᅅe yuai asuhumawi, mi kondel gihimam.”

2 *Mewö jiiga miaᅅgöreᅅök Uᅅa Töreᅅan nömeiga alburupᅅan qakne öᅅgöiga yuai kewö ehal: Sueᅅ miri uruᅅe jakömbuak dum ahöiga kunᅅan miaᅅgöreᅅ tarök. 3 Taröhi, yaᅅgö jemesoholᅅaᅅgö asakᅅan mönö eröknam me jamönᅅiᅅ qetᅅi jaspö aka wale bönbönᅅi me köt qetᅅi karnilian miaᅅgö dop gilikbilikᅅambuk asariba ahöyök. Kiam nesilam kun kulem mundaᅅi mumunene kamböᅅi me jamönᅅiᅅ qetᅅi emerald ewö miaᅅön jakömbuak dum mi lökᅅanök liliköba töᅅgönᅅi göröhiba ahöyök.

Dum bohönᅅi liliköba dum 24:ᅅan tatze.

4 Jakömbuak dum tosatᅅi 24 mienöᅅn dum bohönᅅi mi liliköba tatketka miengö qakᅅine Anutugö jitᅅememeurup 24 tatket. Yeᅅön malukuᅅini tuat lalamᅅanök öluᅅ geiga nööreᅅᅅine goul ila jalö kunduta tatket. 5 *Dum bohönᅅi miaᅅgöreᅅök wöl bilikbilik jesöᅅgö asariiga giᅅgururuᅅ asuhuiga imbi wölpöndaᅅgö ötöᅅ kourukᅅi ewö möral. Dum bohönᅅaᅅgö wösöᅅe tos kiwa asakᅅi 7 jeba asariba kinget. Kiwa 7 mi Anutugöreᅅ uᅅa bohönᅅi 7 akze. 6 *Mewöᅅanök jakömbuak jake wösöᅅe yuai gilikbilikᅅambuk köwet ewö ehal. Mi kirin jöhanᅅi jöhanᅅi kölköl-bilikbilikᅅinambuk melenᅅa asarimakzei, mönö miaᅅgö dop asariyök. Jake bibiᅅe dum liliköba bem jembon 4 kinget. Andöᅅini aka wösöᅅini mi jeᅅinanök dop köliga kinget.

7 Bem jembon mutukᅅan laion sömbup ewö ahök. Alaᅅan bulmakau aziᅅi ewö ahök. Alaᅅiri kungö kaisoᅅgolomᅅi mi azi jesöᅅgöreᅅaᅅgö tandök ahök. Alaᅅini 4:ᅅan tukapkap bölbölgömakzawaᅅgö tandökᅅa ahök. 8 Bem jembon 4 mohot mohot yeᅅgö giᅅᅅiᅅini 6 pakpak ahöm eᅅgiyök. Silenᅅini lökᅅanök aka giᅅᅅiᅅini bapᅅe mewöyök jekötᅅinanök dop köᅅ eᅅgiiga kinget. Kinda suᅅgem silim liᅅet kewö qöreᅅök kölakze, “Kembu Anutu kukösum pakpakö Toᅅi göᅅön mönö töröᅅi aka töröᅅi aka töröᅅanök akzan.

* 3:19: Qam 3.12; Hib 12.6 * 4:2: Eze 1.26-28; 10.1 * 4:5: Eks 19.16; Ind 8.5; 11.19; 16.18; Eze 1.13; Ind 1.4; Zek 4.2 * 4:6: Eze 1.5-10, 22; 10.14; Eze 1.18; 10.12; Ais 6.2-3

Malmal Tonji göñön mönö möpñangö möpñeyök mala kota maljan aka kunbuk lilingöba asuhuba mal öngöman.”

⁹ Bem jembon 4 mienñön mönö mewö möpömöpösei liñet kölakze. Kunöñ jakömbuak dumnöñ kinda nalö teteköñi qahö mal öngöba malmawi, i aködamun qetbuña al wañgiba saiwap jimakze. ¹⁰ Mewö ahakzeangö dop Anutugö jitñememe 24 mienñön eta kun jakömbuak dumnöñ tatzawi, yañgö jeñe simin köla sipkömakze. Kunöñ nalö teteköñi qahö mal öngöba malmawi, yañgö waikñi memba möpöseim wañgimakze. Möpöseim wañgiba ila jalöñini qeköba jakömbuak dum wösöñe ala kewö jimakze,

¹¹ “O Kembu Anutunini, göñön öroyuai pakpak miwikñaim enñinöñ. Göhö jitsihitkan nam köl enñiiga letota malmal miwikñaiaba malje. Mianğöra aködamun qetbuña mi al gihiba saiwap jim gihimakzin. Göñön mohotñan mönö möpöqöpösei pakpak anğön kölmananğö dop akzan.” Mewö.

5

Lamanöñ Anutugö böröñeyök kimbi köpöp meyök.

¹*Mianğö andöñe kimbi köpöp kun ekiga jakömbuak dumnöñ tatzawañgö böröñi öñe ahöyök. Kimbi mianğö sinñi mi likeplikep lökñanök kulemöhök ohoba köpeiba sapönöñ ala muñgem supap (sil)* 7:nöñ köla mekötahögetka ahöyök. ² Mewöyök Suep garata ösum-mumuñambuk kun ekiga köhöikñanök qeta buzup keu kewö qesiba jiyök, “Dañön sarak sorokñi aka ölop kimbi köpöp kianğö muñgem supapñi (sil) munjurata kötulmawañgö dop akza?”

³ Mewö jiyökmö, Suepnöñ, gölmenöñ aka kömupkö uñem miri mianğöreñ körekmakörek engegetka kunñan kun mi mutula kulemñi ekñawañgö dop qahö ahök. ⁴ Kunñan kun sarak sorokñi aka kimbi mi mutula kulemñi ekñawañgö dop qahö miwikñaiageri, mianğöra nöñön gwötpuk sahöt böliäl. ⁵*Sahöt bölibiga Anutugö jitñememe yeñgöreñök kunñan nöñgöra keu kewö jiyök, “Mönö kude sahötnöñ. Mötnöñ, Juda kambunöhök Deiwidkö gwölönarökñi kun ahuba laion sömbup ewö aka Bölöñangö Tonji luhut ala malja. Yañön mönö ölop köhöiba kimbi köpöp kianğö muñgem supapñi (sil) 7 mi munjurata kötulma.”

⁶*Mewö jiiga Lama moröñi ekiga jakömbuak dum bibiñe bem jembon 4 mienğö sutñine kiniga Anutugö jitñememe yeñön liliköm wañgiget. Lama moröñi mianñön mönö qeget kömuyöhañgö tandökña kinök. Ilikñi 7 aka jekötñi 7. Anutunöñ uñaurupñi bohonñi 7 melaim enñiiga gölmegö ambazip pakpak yeñgöreñ anda maljei, jekötñi 7 mi mönö yeñgö söpsöpñina akze. ⁷ Lama moröñi mi ekiga kaba kimbi köpöp supapñambuk mi jakömbuak dumnöñ tatzawañgö böröñi öñeyök meyök. ⁸*Mi meiga bem jembon 4 aka Anutugö jitñememe 24 mienñön mönö mianğöreñök Lama moröñangö wösöñe sipköba eta simin kölget. Yeñön mohot mohot kulele aka goul qambi memba kinget. Ambazip sarakñan köulukögetka Anutugöreñ öngömakzawi, mianñön mönö jiniñ ohohogö dop aiga wörönñi umköhöwakñambuknöñ öngöba pukpukömakza. Wörön mewöñan mönö goul qambiniñi kokolak qeiga kinget. ⁹*Simin köla liñet dölokñi kewö köla jiget,

“Göñön qainñi kun akzan. Gi guhugetka kömumba sepki mokoba mianñön ambazip bohonñi memba enğömenöñ.

Ambazip mi bem isikñinañgö dop, keu jöl jijiñinañgö dop, kambuñinañgö dop aka kantriñinañgö dop. Göñön mönö mienğöreñök tosatñi enğömenöñga Anutugö buñaya akze.

* **5:1:** Eze 2.9-10; Ais 29.11 * **5:1:** Kantri tosatñe kimbi ohoba esunöñ ala sapö memba kunñan mi kötulbapüköra aka muñgem supapñöñ kölakze. Kunñan muñgem supap (sil) mi lan munjurata kulemñi yongorö oyoñbawak, mi mönö miwikñaigetka keubuk akña. Kimbi toñanök mi galöm kölakza. Miri mi ki namñi ala misiin gemakzapmö, kimbi mi muñgem supapñöñ jöhömakze. * **5:5:** Jen 49.9; Ais 11.1, 10 * **5:6:** Ais 53.7; Zek 4.10 * **5:8:** Sum 141.2

* **5:9:** Sum 33.3; 98.1; Ais 42.10

Miangöra göjön mönö sarak sorokñi aka kimbi köpöp supapñambuk memba muñgem supapñi (sil) mutulmanangö dop akzan.

¹⁰ *Yenön Anutugö buñaya aketka kusum engiba kuñgum enjinöñga bemtohonñgahö kin kembu kambu aka jike nup galömurupñi akze. Yenön Anutuninangö nupñi memba mala gölme dop ambazip galöm köl engiba mal öñgöme.”

¹¹ *Liñet mewö köla jigetka möta toroqeba uba Suep garata jañgöñini tausenni tausenni aka milyönñi milyönñi mi engeka liñet kourukñini möral. Yenön jakömbuak dum kösutñe kinda bem jembon 4 aka Anutugö jitrjememe 24 mi liliköm engiba liñet kölget. ¹² Liñet köhöikñanök qeta kewö kölget,

“O Lama moröñi qeget kömuyöhi, yañön mönö sarak sorokñi aiga Anutunöñ ösum-mumu aka töhötmöriam wañgiiga dopñe akza.

Mötkutukutu öñgöñgöñi aka kukösum pakpak buña qeiga dopñe akza. Sarak sorokñi aiga ölop qetbuña pakpak wañgiinga asakmararañ buña qeiga möpöseim wañgizin.”

¹³ Mewö köla möpöseigetka liñet kambu kun kewö möral: Anutunöñ malmalbuk miwikñaim engiyöhi, mienön mönö körekmakörek liñet kölgetka möral. Suepnöñ maljei, gölmenöñ maljei, kömupkö uñem mire aka köwet qakñe maljei, mienön mönö körek numbuñini mindiriba liñet kewö kölget,

“Jakömbuak dumñe tatzawi aka Lama moröñi neñön inñi möpöseim etkizin.

Kötuet Tonji etkö qetbuñanñiri jim qarimakzin. Nalö dop asakmararañ etkiinga kukösum Tonji mi teteköñi qahö mal öñgömahot.”

¹⁴ Mewö kölgetka bem jembon 4 mienön “Keu mi ölna,” jiget. Jigetka Anutugö jitrjememe yenön eta dapköba simin köla Anutu waikñi memba möpöseim wañgiget. Mewö.

6

Lama moröñan muñgem supap mohot mohot munjuratza.

¹ Mewö möta yuai kewö asuhui ehal: Lama moröñan kimbi köpöp supapñambukö muñgem supapñi (sil) 7 miengöreñök mutukñi munjurata kötulök. Kötuliga bem jembon 4 yengöreñök kunñan keu kewö jiyök, “Mönö asuhuba kanöñ!” Keuñi mi wölpöndañ tandök ewö köhöikñanök qeri möral. ² *Mewö jiiga möta miangöreñök hos tuatñi kun asuhuiga ehal. Hos miangö qakñe azi kun timbiñambuk tari tosatañ ila jalö wañgigetka nöropñe kölök. Mi köla yarönöñ luhut ala malöhañön mönö kunbuk hos qakñe yarönöñ luhut almangöra anök. Mewö.

³ Lama moröñan muñgem supap (sil) yahötñi munjurata kötuliga bem jembon yengöreñök yahötñi yañön keu kewö jii möral, “Mönö asuhuba kanöñ!” ⁴ *Mewö jiiga miangöreñök hos kun silenji pisikñi somabolambuk asuhuiga ehal. Azi kun hos miangö qakñe taröhi, Anutunöñ mönö i yom karim gili luai qahöwakñapkö kukösumñi wañgiyök. Mi wañgiiga gölmenöñ aum anñgöhöba kömumegöra kuñguiga ambazip uru mem wahöt engimawañgö kukösumñi miwikñaiyök. Mi miwikñaiiga bingö sou keta bölökñi wañgigetka memba anök. Mewö.

⁵ *Lama moröñan muñgem supap (sil) karöbutñi munjurata kötuliga bem jembon yengöreñök karöbutñi yañön keu kewö jii möral, “Mönö asuhuba kanöñ!” Mewö jiiga miangöreñök hos inñanji kun asuhuiga ehal. Azi kun hos miangö qakñe taröhi, yañön inapkö lömbötñi kewötpingö dop ipñi (skeil) mi böröñan memba tarök. ⁶ Mewö tariga bem jembon 4 yengö sutñineyök kunöñ keu jiiga kourukñi tandök ewö kewö möral, “Silim mohotkö töwañi (Kina 5) miangön ölop 1 kilogram wit flaua me 3 kilogram bali flaua mi bohonñi meman. Töndup nenegö oil ip aka wain kösö nup mi mönö kude mem bölime.” Mewö.

* 5:10: Eks 19.6; Ind 1.6 * 5:11: Dan 7.10 * 6:2: Zek 1.8; 6.3, 6 * 6:4: Zek 1.8; 6.2 * 6:5: Zek 6.2, 6

⁷ Lama moröñan muñgem supap (sil) 4:ñi munjurata kötuliga bem jembon 4:ñan keu jiiga kourukñi kewö möral, “Mönö asuhuba kanöñ.” ⁸*Mewö jiiga miangöreñök hos kun silenji gohotgohot aka kaukañambuha asuhuiga ehal. Hos miangö qakñe taröhañgö qetñi mi kömupkö kondotkondot Tonji. Yangö kösutñe kömupkö uñem miri Tonjan mewöñanök i wuatangöba kayök. Gölme mendengetka bahöñi 4 ahöiga mienjöreñök kungö ambazipñi mi galöm köl enjibitkö kukösumñi mi Anutunöñ etkiyök. Kukösum mi etkiiga ösumñiran gölmegö ambazip bahöñi mi kewö mem kömum enjiyohot: Tosatñan sou ketanjan (bainat) auba kömuget. Tosatñan bödinöñ kömuget. Kawöl kanjamñambuknöñ tosatñi enjömeiga kömuget aka tosatñi mi gölmegö sömbup kalñi mienjön enjöhögetka kömuget. Mewö.

⁹ Lama moröñan muñgem supap (sil) 5:ñi munjurata kötuliga miangöreñök Anutugö ambazip tosatñi enjugetka kömugeri, yengö uñanini engehal. Yenön Anutugö Buña keunji angö köla nanjöba jim sehiba malgerangöra enjugetka kömumba alta bapñe ahöget.

¹⁰ Euyangöreñ ahöba köhöikñanök kewö qetket, “O Kembu kukösum Tonji, göñön diñdiñi aka ölbölñi akzan. Miangöra mönö nalö dawik mambörin teköiga miangöreñ gölmegö ambazipñi kewöt enjiba keunji jim teköman? Neñön gi welen qem gihiinga neñjugetka sepninangö kitipñi mi mönö wani nalönöñ meleñnonga qakñine öngöma?”

¹¹ Mewö jigetmö, maluku tuatñi köröpñi mi mohot mohot yengöra köl enjiget geiga Anutugö jimkutukutu kewö enjigetka mötket, “Inini mönö toroqeba nalö töröptökñi mamböta malme. Mötnarip alaurupñinan toroqeba urugö nup memba malgetka inini ewö mewöñanök enjugetka kömume. Yenön kömugetka janjö alali, mianjön dopñe aiga nalö miangöreñök mönö enjegeri, yengö keunji jim teköman.” Mewö.

¹²*Lama moröñan muñgem supap (sil) 6:ñi munjurata kötölöhi, mi uba ehal. Mi munjurata kötölöhi, nalö miangöreñ kenöñ tandökñi sohosohonji gilök. Wehön jeñan böuktutuk ala injan köla wösöbirikö malukuñi sanjöp ewö (meme jupñan memenangö tandök) aiga söñauyök. Köiñ jeñan meleñda lökñanök pisihiba sep ewö ahök. ¹³*Mewö aiga sengelau suepnöñ ahözei, mienjön mönö gölmenöñ etket. Newañ kötni gohoriba tatketka luhut köhöikñan qeba utuköba mumburatiiga erakzei, mönö miangö dop buratiba gölmenöñ tata pilpil etket.

¹⁴*Mewö etketka suep ehakzini, mianjön mönö ayapköyök. Kimbi köpep köpeigetka öröba anakzawangö dop mönö wölakzak öröba anda ayapköyök. Mi ayapköiga kundunji pakpak aka köwetkö gölme jölanñi jölanñi mi mönö körek ahöahöñineyök zilañ kök ala sömuniget.

¹⁵*Mewö asuhuiga gölmegö kiñ kembuñi kembuñi, azi jembonñi jembonñi aka suahö galömñi galömñi mienjön mönö ölöñ köla asambötket. Ambazip kindiñbirik qetbuñaninambuk, ambazip kukösumñinambuk mi mönö körek kök ala asambötket. Nanñini nupñini memakzei aka tonjanangö welennini öne qemakzei, mi mönö körek pakpak banjet, kötn kinimñi aka kundunangö sem sianji jaruba miangöreñ asambötketka engehal. ¹⁶*Miangöreñ asamböta kundunji Tonji aka sem sia Tonji engehola kewö uletket, “Inini mönö kundunji jim tekögetka buaköba kaba turum neñjiget. Jakömbuak dumñe tatzawanön jemesohol köl neñjibapuköra aka Lama moröñangö irimsesewölñan neñjubapuköra mönö jim tekögetka közamböt neñjiget.” Mewö uletket. ¹⁷*Yetkön irimsesewölñiri aukñe kondeljahori, miangö nalöñi ketanjan mönö kam kuñguba ahöza. Mi kunñan kun mesohol köla kinmawangö dop qahö. Mewö.

7

Israel ambazip 144.000 mi Anutunöñ asö köl enjima.

* **6:8:** Eze 14.21 * **6:12:** Ind 11.13; 16.18; Ais 13.10; Joel 2.10, 31; 3.15; Mat 24.29; Mak 13.24-25; Luk 21.25 * **6:13:** Ais 34.4 * **6:14:** Ind 16.20 * **6:15:** Ais 2.19, 21 * **6:16:** Hos 10.8; Luk 23.30 * **6:17:** Joel 2.11; Mal 3.2

¹*Miangö andöñe Suep garata 4 engekiga gölmegö wangömñi 4 miangören kinget. Yeñön gölmegö luhut Tonji bohonñi 4 mi jöhöm enjiba angön kölget. Luhutnön gölme qakñe me köwet qakñe lañ gilbapuköra me ip kunñan qebapuköra mönö Tonji 4 mi böröñinan memba jöhöba kinget. ²Anutunön Suep garata 4 mi gölme aka köwet könden enjibingö kukösumñi enjiiga gölme wangömñine kinget. Mewö kingetka engehiga Suep garata kunön wehön kotkotñeyök asuhuba wahöri ehal. Yañön malmalgö Tonji Anutugö muñgem asö öröpñi galöm köla kaba Suep garata 4 yeñgöra köhöikñanök qerök.

³Qeta keu kewö jiyök, “Inini mönö gölme me köwet mi zilañzilañ kude könden etkime aka ip mi kude ayuhum enjime. Mi qahöpmö, mönö mambötkeka mutuk zilañök Anutuninañgö muñgem asöñi mi nupñi memakzei, yeñgö mesoholñine mekötahöm enjibin. Mi mutuk kösöba mekötahöm enjiingun andöñe mi ölop könden da ayuhume.” ⁴Mewö jiiga Anutugö muñgem asöñi mi Israel ambazip tosatñi yeñgö mesoholñine kösöm enjiget. Kunön yeñgö jañgöñini jiiga kewö möral: Israel ambazip kambu 12 pakpak miengörenök mindiriba ambazip 144.000 mi kösöm enjiget.

⁵Israel kambu mohot mohot miengörenök 12.000 mewö mewö kösöm enjiget. Juda kambugö 12.000, Ruben kambugö 12.000, Gad kambugö 12.000, ⁶Aser kambugö 12.000, Naftali kambugö 12.000, Manase kambugö 12.000, ⁷Simeon kambugö 12.000, Liwai kambugö 12.000, Isakar kambugö 12.000, ⁸Zebulun kambugö 12.000, Josef kambugö 12.000 aka Benjamin kambugö 12.000. Mewö mewö asö köla mekötahöm enjigetka mindiriba 144.000 ahök. Mewö.

Oyaenköyaen malmeañgö kambu ketañi ehal.

⁹Miangö andöñe kambu jitñi buburatiñi jañgöñini kude oyoñoyongö dop mi ehal. Ambazip mi kambuñinañgö dop, bem isikñinañgö dop, kantriñinañgö dop aka keu jöl jijiñinañgö dop tokoba jakömbuak dum aka Lama moröñi yetkö wösöñire kinget. Miangören kindi maluku köröpñi tuatñi köteköm anjuget geiga böröñinan nip sinñangö böröñi memba kinget. ¹⁰Mi memba kindi köhöikñanök qeta kewö jiget, “Anutuninan jakömbuak dumñe tatzawi aka Lama moröñi yetkön mönö mem letot neñgiyohotka oyaenköyaen akzin.”

¹¹Mewö qeta jigetka Suep garata pakpak yeñön jakömbuak dum kösutñe areñnön kindi Anutugö jitñememe aka bem jembon 4 mi liliköm enjiget. Mewö kindi jakömbuak dum wösöñe bamgöba eta simin köla Anutu waikñi memba möpöseim wangiget. ¹²Anutu möpöseim wangiba kewö jiget, “Keu mi ölña! Anutu gi mönö kötuwet, asakmararañ aka mötkutukutu öngöñgöñangö Tonji akzan. Neñön gi möpöseim gihiba qetbuñagi jim qarimakzin. Anutunini, göñön ösum-mumu aka kukösum Tonji akzan. Neñön nalö dop mewö jim köhöininga Tonji mi teteköñi qahö mal öngöba malman. Keu mi ölña!”

¹³Mewö möpöseiba jigetka Anutugö jitñememe yeñgörenök kunñan kewö jiba qesim niñgiyök, “Ambazip maluku köröpñi tuatñi löngöta kinjei, mi danön? Mi mönö denikeyök kaba mewö tokoba kinje?”

¹⁴*Qesim niñgiiga kewö melen wangial, “O ketanami, mi nöñön qahö mötpiga nangok mötzan.” Mewö melen wangibiga jitñememe yañön kewö jii möral, “Kahasililiñ keta bölökñangö sutñeyök kotkeri, yeñön mönö mia akze. Lama moröñangö sepñan mönö opo malukuñini sañgoñi tuariiga malget. ¹⁵Mewö malgerangöra aka Anutugö jakömbuak dumñi mesohol köla suñgem silim möpömöpöse ikenje (tempöl) mala Anutugö nupñi memba malme. Mewö malgetka jakömbuak dumñe tatzawañön mönö opo koumñi mörörengöba köl turum enjiiga malme.

¹⁶*“Mewö malgetka nalö kunön nenegö me ogö qahö kömume. Wehönön me yuai könöpñambuk kunön mönö qahö engehohotirima. ¹⁷*Kewögöra oyaenköyaen malme: Lama

* **7:1:** Jer 49.36; Dan 7.2; Zek 6.5; Eze 9.4, 6 * **7:14:** Dan 12.1; Mat 24.21; Mak 13.19 * **7:16:** Ais 49.10 * **7:17:** Sum 23.1; Eze 34.23; Sum 23.2; Ais 49.10; 25.8

moröñan jakömbuak jake bibiñe tata galöm köl enjgiba enjgungiriga malmal köhöikñangö o töwatñangö jeñe anakñe. Anutu nannak jeñneyök imbilñini pakpak kutuiga teköma.” Mewö.

8

Lama moröñan munjem supap 7:ñi munjuratza.

¹ Lama moröñan munjem supap (sil) 7:ñi munjurata mutuliga Suep miri mianjören kouruk pakpak göröñ ala 30 minitkö dop nöñ qeba ahöyök. ² Mewö asuhuiga Suep garata 7 Anutugö wösöñe kinjei, mi engekiga kunöñ tömun qainñi kun (biugel) 7 mi böröñine ala enjyök.

³ *Mi engekiga Suep garata kun asuhuba jiniñ ohohogö goul qambiñi memba kaba alta kösutñe kinök. Ambazip sarakñi pakpak Anutugö köulukögetka yañön jiniñ altanöñ ohoiga wörönñi umköhōwakñambuk mi köulukñinambuk toroqeba pukpuköba mohotñe öñgöba Anutugörenñ anakza. Goul alta mi jakömbuak dum wösöñe kinjawi, yañön mönō mianjö kösutñe kiniga tosatñan jiniñ mi gwötpuk ohomapköra wanjiget. ⁴ Yañön jiniñ mi ohoiga mianjö köwakñan mönō Anutugö ambazip sarakñi yeñgö köulukñinambuk toroqeba Suep garata yañgö böröñeyök wahöta Anutugö jemesoholñe öñgöget. ⁵ *Suep garata mianjöñ jiniñ qambi mi memba altanöhök könöp jitñi mei jeiga qambi mianjörenñ uiga kokolak qeiga gölmenöñ gili geyök. Gili geiga mianjörenñök wölpöndañgö göjuñi göjuñi asuhuba giñgurururñ qerök. Wölbilik ösumñinambuk asuhugetka kenöñi kenöñi nalöñi nalöñi meyök. Mewö.

Garata yeñön tömun qainñi kun uget.

⁶ Suep garata 7 tömunñini qainñi kun (biugel) megeri, yeñön mi ubingö jöjöröget.

⁷ *Garata mutukñan wahöta tömunñi qainñi kun uyök. Mi uiga ais kötni aka könöp bölamñi mi kie ewö asuhuba sepuk toroqegetka kunöñ mi mokoiga mohotñe gölmenöñ erök. Mianjöñ könöpñambuk eta gölme qeiga gölmegö bahöñi karöbutñan jem teköyök. Arökñangö ipñi miengö bahöñi karöbutñan jem teköget aka gwözözak sinñi görökñi mi körek jeba jem teköyök.

⁸ Garata yahötñi yañön wahöta tömunñi qainñi kun uyök. Mi uiga kunöñ kundunñi ketanñi könöp jejenñi tandök ewö (wolkeno) yuai mi giliga köwetnöñ geyök. Geba köwet meiga köwetkö bahöñi karöbut miengörenñök kunñan melenña sep ahök. ⁹ Mewöñanök Anutunöñ köwetkö yuaiñi pakpak miwikñaiiga maljei, mianjö bahöñi karöbut miengörenñök kun mi kömuget aka wanje pakpak miengö bahöñi karöbut miengö likepñini kun mi jömgöba ayuhuget.

¹⁰ *Garata karöbutñan wahöta tömunñi qainñi kun (biugel) uyök. Mi uiga senjelau ketanñi kiwa bölamñi ewö tandök jeba suepnöhök teköba erök. Eta köla gölmegö o töwatñi enjguba miengö bahöñi karöbut miengörenñök kun aka o jeñi pakpak mi dop köl enjyök.

¹¹ *Senjelau mianjö qetñi mi röbek kömbukñambuk. Röbek mianjöñ eriga onñi onñi miengö bahöñi karöbutñi mi melenña kömbukñinambuk aket. Kömbukñinambuk akerangöra aka ambazip gwötpukñan mi nemba kömuget.

¹² *Garata 4:ñi yañön wahöta tömunñi qainñi kun uyök. Mi uiga kunöñ wehön jeñi aka köinñ jeñi mietkö asakñirangö bahöñiri karöbutñi mi etkuiga bahösapsap ömunñ köla söñauyohot. Mewöñanök senjelau bahöñini karöbutñi enjguiga melenña söñauget. Mianjöra silim nalöñangö bahöñi karöbutñan söñauba pandaman ahök. Mewöñanök sunjemgö asakñan töriiga bahöñi karöbutñan söñauyök.

* **8:3:** Amos 9.1; Eks 30.1, 3 * **8:5:** Lew 16.12; Eze 10.2; Eks 19.16; Ind 11.19; 16.18 * **8:7:** Eks 9.23-25; Eze 38.22 * **8:10:** Ais 14.12 * **8:11:** Jer 9.15 * **8:12:** Ais 13.10; Eze 32.7; Joel 2.10, 31; 3.15

¹³Mewö aiga eu uba tukapkap kun eka mötpiga könakembanje eu bölbölgöba suep bibiñe kutuba kaba köhöikñanök qeta kewö jiyök, “O ambazip gölmenöñ maljei, Suep garata karöbut yeñön mönö toroqeba tömunñini qainñi kun ubingö dop akze. Tömun karöbut miengö kourukñini mötketka lömböt kanjamñambuk karöbut asuhumei, miangöra mönö wöziköba yei! yei! yei! jiba sahötzal.” Mewö.

9

Suep garata 5:ñan tömunñi qainñi kun uyök.

¹Suep garata 5:ñi yañön tömunñi qainñi kun (biugel) uiga ekiga suepnöhök senjelau kun teköba gölmenöñ erök. Eriga kunöñ ömewöröme yeñgö löm dutñi qahö miangö ki moröñi mi senjelau Tonji mi wañgiyök. ²*Mi wañgiiga öme löm dutñi qahö miangö önunñi musuliga miangörenök köwak ketañi söngok imarurubuk jeba köwak wahörakzawi, mönö miangö dop kundungöba wahöta wehön jeñi esuhuba luhut köwaknööhök dop köl teköyök. ³*Köwak miangö uruñeyök gawötñi gawötñi mosöta gölmenöñ kanjotketka Anutunöñ kukösum enjiyök. Kukösum mi skorpion (omeqaqa) yeñgören kukösum tandök ewö ahök.

⁴*Mi enjiiga Anutunöñ kewö jim kutum enjiyök, “Inini mönö gölmegö yuai görökñi gwözözak me ip mewöñi mi kude ayuhum enjimemö, ambazip mesoholñine Anutugö muñgem asöñini qahö miyök mönö mem bölim enjime.” Mewö jim kutum enjiyök. ⁵Anutunöñ gawöt mi kukösum enjiiga ambazip enjöhögetka köñ 5:gö dop sihimbölä önöñi qahö mötket. Sihimbölä mi skorpion (omeqaqa) azi yöhöiga sihimñi mötzawi, mönö miangö dop. Sihimbölä mewö mötketmö, Anutunöñ anjön köl enjiiga mem kömum enjimeangö kukösumñi mi gawöt yeñön qahö memba öne enjöhöget. ⁶*Ambazip enjöhögeri, yeñön nalö miangören kömumbingö jarumemö, kömup mi qahö miwikñaiba kömumbingö osime. Kömumbingö möta qemjen qememö, kömupkö kondotkondot Tonjan mönö kungen anma.

⁷*Gawöt enjekiga mienñön hos yarögöra aködamunñinambuk jöjörömakzei, mönö miengö dop aket. Nöröpñine yuai mundañi goul ewö kölgeri, mi ila jalö tandöktandök ahök. Jemesoholñinan ambazip jemesohol tandök ewö aket. ⁸*Gawöt miengö nöröp jupñini mi gwala ambi yeñgö nöröp jup ewö aket. Gawöt jitñinan laion sömbupkö jitñi ewö aket. ⁹*Göwañgöwañini (töptöp maluku) mi ain suman ewö tandök aket. Ginginñini qegetka ötöñ asuhui mörali, mi kewö: Hos sehisehiñi yeñön yarögö karenji karenji öröba luhuba binnöñ angetka giñgururuñ asuhumakzawi, mönö miangö dop.

¹⁰Daginñini mi skorpion (omeqaqa, anamumu) ewö jitñinambuk aket. Mienñön ambazip köñ 5:gö dop sihimbölä mötmegöra enjöhögeri, miangö kukösumñan mönö gawöt daginñine ahöm enjiyök. ¹¹Gawöt miengö kiñ kembuñini mi ömewöröme yeñgö löm dutñi qahö miangö garatañi qetñi Ayuayuhu Tonji. Mi Hibru keunöñ Abadon aka Grik keunöñ Apolion.

¹²Yei wözik mutukñi kanjamñambuk mi mewö teköyök. Mötket, miangö andöñe yei wözik yahöt kanjamñirambuk mi mönö toroqeba könañjep asuhumahot. Mewö.

Suep garata 6:ñan tömunñi qainñi kun uyök.

¹³*Suep garata 6:ñi yañön tömunñi qainñi kun (biugel) uyök. Mi uiga Anutugö wösöñe goul alta ahözawi, miangö ilikñi 4 miengörenök kouruk kun kaiga möral. ¹⁴Kouruk miangön Suep garata 6:ñi tömunñambuk yañgöra kewö jiyök, “Anutunöñ garata 4 jöhöba gwaröhöm enjiba o töwatñi ketañi qetñi Yufreitis miangö qöhöröñe al enjiyöhi, mi mönö pösat enjiman.”

* 9:2: Jen 19.28 * 9:3: Eks 10.12-15 * 9:4: Eze 9.4 * 9:6: Job 3.21; Jer 8.3 * 9:7: Joel 2.4 * 9:8: Joel 1.6 * 9:9: Joel 2.5 * 9:13: Eks 30.1-3

¹⁵ Anutunöŋ garata 4 mi jöhöm engiba gwarönöŋ tatmegö (yara) yambuŋini, köiŋini, silimŋini aka auanŋini mi törörök arengöm engiiga tatket. Yeŋön nalöŋini mi kam kuŋguiga miangörenök ambazip kantriŋi kantriŋi miengö bahöŋi karöbutŋi mi engubingö jöjöröba tata nalöŋinaŋgöra mambötket. Miangöra Suep garata 6:ŋan altanöhök kouruk möta miangörenök anda garata 4 mi pösat engiyök. ¹⁶ Pösat engiiga yarö kambu keta bölökŋi mi hosŋinambuk asuhuba kaget. Nöŋön jaŋgöŋini mötpiga 200 milyön ahök.

¹⁷ Jemeleŋ miangören azi hos qakŋe tata kageri, miengö kaisongolomŋini ekiga kewö tandök aket: Göwaŋgöwaŋini (töptöpkö ain sumanŋini) mi könöp jit pisikŋi, asoŋi in-jaŋkölkölŋambuk aka gohotŋi salfa könöp köt ewö. Hos miengö kaisongolomŋini engekiga nööröŋini laion sömbupkö nööröp ewö aketka numbuŋineyök könöp, köwak aka köt könöpŋambuk qetŋi salfa mi eta kayök. ¹⁸⁻¹⁹ Hos yeŋgö numbuŋineyök könöp, köwak aka könöp köt qetŋi salfa eröhi, mianöŋ mönö ambazipŋi ambazipŋi enguyök. Hos miengö kukösumŋini mi numbuŋine aka dagiŋine ahöyök. Dagiŋini mi mokoleŋ ewö aketka dagiŋinaŋgö kitipŋi mi jitŋinambuk. Kitipŋi jitŋinambuk mienöŋ mönö ambazip ihilek ewö engohotirimakze. Lömböt kanjamŋinambuk karöbut mi mönö gölmegö ambazip pakpak yeŋgö bahöŋini karöbutŋi mi enguiga kömuget.

²⁰ *Lömböt kanjamŋinambuk mienöŋ ambazip tosatŋi qahö enguget kömumba toroqeba malgeri, yeŋön mönö töndup uruŋini qahö melenget. Nanŋini böröŋinan yuai memba waikŋini memba möpöseigeri, miangöra qahö möt bölim aŋguget. Ömewöröme aka tandö lopioŋ waikŋini memba möpöseim engiengi mi qahö mosötket. Tandö lopioŋ tosatŋi mi goul, silwö me brons ainöŋ memeŋa. Tosatŋi mi köt urasiba me ip söhöba memeŋa. Miangöra tandö lopioŋ mienöŋ yuai eka mötpingö me anda kabingö osimakze. Töndup ambazipnöŋ mi qahö mosötket.

²¹ Mewöyök ambazip enguget kömukömu me sait qarösoŋgo amötqeqe mi qahö mosötket. Mi toroqeba aka memba serowilin aket aka yuai laŋ yongorö memba malget. Miangöra uruŋini qahö melenget. Mewö.

10

Suep garata aka kimbi köpöp moröŋi

¹ Miangö andöŋe Suep garata kukösumŋi ongotongotŋi kun ekiga Suepnöhök kousunöŋ esuhum waŋgiiga erök. Nööröŋi kiam nesilamŋan kutuba liliköba ahöyök. Jemesoholŋi wehön jeŋi ewö aiga könaŋi yahöt mi tandö könöp bölamŋirambuk yahöt ewö jeba kinök.

² Böröŋan kimbi köpöp moröŋi meiga kötukötulŋi ahök. Könaŋi öŋi köwetnöŋ ala qaniŋi mi gölmenöŋ ala kinök. ³ Mewö kinda laion sömbupnöŋ görörökömakzawi, qetŋi mönö miangö dop köhöikŋanök qerök. Qeriga wölpöndaŋgö giŋgururuŋ 7 mienöŋ mönö melenŋa görörököba keuŋini qetketka möral.

⁴ Wölpöndaŋgö giŋgururuŋ 7 mienöŋ qeta keuŋini jigetka mörali, nöŋön mi mönö miangörenök papianöŋ ohomangö ahal. Kimbi ohomangö ahalmö, kouruk kun Suepnöhök mötpiga keu kewö jiyök, “Wölpöndaŋgö giŋgururuŋ 7 keu jizei, mi mönö nangohok ölöŋ mötnöŋ ahöma. Mi kude ohoman.”

⁵ *Suep garata könaŋi köwet aka gölme qakŋire tiba kini ehali, yaŋön böröŋi öŋi memba wahöta Suepnöŋ göröken alök. ⁶ Jöjöpäŋ keu jimamgöra böröŋi mewö ala mi jim köhöiba alök. Kunöŋ Suep, gölme, köwet aka yuai pakpak miengören ahözawi, mi miwikŋaiba kinda nalö dop teteköŋi qahö köhöiba mal öngömawi, mönö yangö qetŋe jöjöpäŋ keu kewö jiyök, “Anutunöŋ mönö nalö kunbuk qahö qekörri öngöma. ⁷ Mewö qahöpmö, Suep garata 7:ŋan tömunŋi qainŋi kun (biugel) uiga kourukŋi mötmei, nalö miangörenök Anutugö keu areŋ asa-asambötŋan mönö öŋambuk akŋa. Kezapqetok ambazip Anutugö nupŋi

* **9:20:** Sum 115.4-7; 135.15-17; Dan 5.23 * **10:5:** Eks 20.11; Dut 32.40; Dan 12.7; Amos 3.7-10; Eze 2.8-3.3

memba mala kotketka yengöra Buja keuji ölopni jim indel engiiga möta kota malgeri, Buja keu miangö dop mi mönö zilañ ölnambuk akña.”

⁸ Miangö andöñe kouruk kun mutuk Suepnöhök mötpiga keu jiyöhi, mianjón mönö dumje kunbuk keu jiiga kewö möral, “Suep garatanöñ köwet aka gölme qakñire tiba kinda kimbi köpöp meiga böröñe kötükötulñi ahözawi, mi mönö anda meman.”

⁹ Mewö möta Suep garatagöreñ anda kimbi köpöp moröñi mi niñgimapkö qesial. Qesibiga nöngöra kewö jiyök, “Mi mönö memba nenöñ! Nenöñga gölömge geba melenñiga kömbuk usukömappmö, numbuge mi mönö moroñ oñangö nahömñi ewö asuhuma.”

¹⁰ Mewö jiiga kimbi köpöp moröñi mi yangö böröñeyök memba neal. Nembiga numbune moroñ oñangö nahömñi ewö ahökmö, gwahötpi gölömne geiga melenñiga kömbuk usuköyök. ¹¹ Mewö aiga nöñön keu kewö möral, “Gi mönö dumje kunbuk Anutugö kezapqetok keuji keuji jim sehiba malman. Kantriñi kantriñi aka bem isikñi isikñi keu tandök jijiñinangö dop maljei, mönö yengö aka yengö kiñ kembuñini miengö kezapqetok keujini mi qeljine jiba malman.” Mewö.

11

Anutugö jitñememe yahötñan keuji nanğöba jiyohot.

¹* Mewö jii möta kinbiga Suep garata mianjón dop alalgö öröpñi jehot ewö mi niñgiba kewö jim kutum niñgiyök, “Gi mönö wahöta anda Anutugö jöwöwöl jike aka miangö jöwöwöl altañi mi dop öröp (rula mesa) mianjón dopñi ala oyoñman. Mewöyök miangöreñ öngöba Anutu möpöseiba köulukñini alakzei, mönö mi kewöta jañgöñini oyoñman. ² Jöwöwöl jike dopñi ala miangöreñ sombem yaigepñi mi mönö oñgita mosötman. Mi kian kantri yengöra al engigetka ahöiga yeñön siti töröñi mi köiñ 42 miangö dop tiba anda kamakñe. Miangöra sombem yaigepñangö dopñi mi kude oyoñman. ³ Nöñön jitñememe yahötñi melaim etkiba keuni nanğöba jimahotkö kukösumñi al etkibiga asuhumahot. Asuhuba wösöbirikö maluku sanjöp ewö mem añguba liliköba (gölme gwakötak ariba) silim 1260 nalö miangö dop kezapqetok keu nup memba malmahot.”

⁴ Oil ip yahöt aka lambe dum tatatñi yahöt gölmeğö Kembangö wösöñe kinjahori, mi mönö melenja eta asuhuba dangunu ewö kinda nöngö könani nanğöba jiba malmahot. ⁵ Kunöñ me kunñan etkum mizit ak etkimangö mötza ewö, könöp bölamnöñ mönö numbuñireyök eta kerökurupñiri engohoiga ayuhumakñe. Kunöñ me kunñan etkumangö mötza ewö, i mönö köna mewöñanök mianjón qeyohot kömuma.

⁶ Suepkö kousuñi jöhöbitkö kukösumñi mi yetköreñ ahöiga kezapqetok keu jim sehimahori, nalö miangö dop kie qahö yöhöma. Kukösumñiran o jeñi pakpak mewöñanök dop köliga mianjón ölop o pakpak melenj engigetka sep akñe. Mewöñanök kukösumñiran öngöngöñi ahözawangöra aka sihimñiran jimawangö dop ölop jigetka lömböt kanjamñinambuk könañi könañi asuhuba gölme mem böliba ambazip engumakñe.

⁷ Anutugö keuji nanğöba jim teköyohotka ömewöröme yengö löm dutñi qahö miangöreñök jemnemba kunöñ wahöta bim qem etkiba luhut ala etkuiga kömumahot. ⁸ Kömuyohotka qamötñiri siti qetbuñanambukö köna namñe etkömosötketka lañ ahömahot. Siti miangö qetñi tölapñi mi Sodom aka Ijipt qerakze. Kembuñiri Jisös i mönö mewöyök miangöreñ maripomnöñ qegetka kömuyök. ⁹ Qamötñiran lañ ahöyohotka ambazip pakpak mi etkehakñe. Gölmenöñ löm köl etkibingö jiba jöhöme. Mewö öne lañ ahöyohotka ambazip kantriñi kantriñi, kambuñi kambuñi, bem isikñi isikñi keu tandökñini nanñik nanñik jimakzei, yeñön mönö qamötñiri mi silim karöbut aka bahöñi kun miangö dop uba etkehiget.

¹⁰ Kezapqetok azi yahöt yetkön ambazip gölme qakñe maljei, mi uru kuñgum engiyohotka miangöra sihimbölä önöñi qahö miwikñaiba malget. Miangöra kömuyohotka

* **11:1:** Eze 40.3; Zek 2.1-2; Luk 21.24; Zek 4.3, 11-14; 1 Kiñ 17.1; Eks 7.17-19; 1 Sml 4.8; Dan 7.7, 21; Ind 13.5-7; 17.8; Ais 1.9-10; Eze 37.10; 2 Kiñ 2.11; Ind 6.12; 16.18

qamötñiri etkekñei, miangören mönö köirañ ala sauren unduba nem söngeip pati ala nanñini kalem könani könani angubingö alget anda kama. ¹¹ Silimñi karöbut aka bahöñi kun mi teköiga Anutunöñ sönörö ösum sönörönjire ui geiga guliba wahöta köngöp kinohot. Wahöta kinohotka ambazipnöñ etkeka töwöratiba jönömñini unduiga sömbuñini mötket. ¹² Köngöp kinohotka Suepnöhök qet köhöikñi kun kewö qeta jii mörohot, “Injiri mönö kewö korohot.” Mewö jii möta kousu uruñe wahöta Suepnöñ öngöyohotka kerökurupñiran öne etkeka nemböñini teköiga kinget.

¹³ Könanjiran gölme mosöta öngöyohotka nalö miangörenök kenöñ tandökñi sohosoñi gila siti bahöñi 10% (bahöñi tenöhök mohot) miangö dop kusuba köndenmöndenök. Köndenmöndenöda ambazip 7.000 miangö dop engui kömuget. Ambazip qahö kömugeri, mienön mi eka töwöratiba sömbuñini möta Suepkö bemñi Anutu i ösumñangö möpöseim wangigetka qetbuñambuk ahök.

¹⁴ Wölzik yei qet kanjamñambuk yahötñan mewö teköyökmö, mötket, wölzik yei qet karöbutñangö ölnan mönö zilanj asuha qakñine öngöma. Mewö.

Suep garata 7:ñan tömunñi qainñi kun uyök.

¹⁵ *Suep garata 7:ñi yanön tömunñi qainñi kun (biugel) uyök. Mi uiga Suepnöñ keu köhöikñanök eraum mötketka kourukñini mötpi kewö jiget, “Ayop, nanine Kembunini aka yangö Amötqeqe Tonji Kraist yetköñ mönö gölme pakpak galöm köñ engibitkö kukösumñi mi lökñanök buña qem angum teközahot. Yanön mönö nalöñi nalöñi galöm köñ engiba malma, ee-aa-ee. Galömkölkölnan mönö nalö kunöñ qahö teköma, ee-aa-ee.”

¹⁶ Mewö jiget mötpiga Anutugö jitñememe 24 Anutugö jemesoholñe jakömbuak dumñine tatzei, yeñön mönö eta bangöba sipköba Anutugö waikñi memba möpöseim wangiget.

¹⁷ Möpöseim wangiba kewö jiget,

“O Kembu Anutu kukösum pakpakö Tonji, göñön mönö mala kotnöñ aka mal köhöizan. Göñön kukösumgi öngöñgöñi memba könahiba gölme pakpak galöm köñ engiba kin kembuñina aka malman.

Miangöra neñön mönö möpöseiba saiwap jim gihizin.

¹⁸ Kian kantriñi kantriñi yeñön irimñini seholiiga kazik ak gihiba malgetmö, göhö kazik nalögan mönö dölkewöñe kam kuñguba ahöza.

Göñön nalö kewöñe kömukömuñi yeñgö keuñini kewöta jim teköm engiman aka nangi ambazipurupki töwanñini engiman.

Kezapqetok ambazip aka ambazip sarakñi tosatñi göhö nupki memba malgeri aka öngöñgöñi eretñi göhö qetki ayuhubapukö keñgötñini möta malgeri, i mönö töwanñini engiman.

Mewöyök tosatñan ambazip enguba kantri köndenöda malgeri, mi mönö könden engiman.”
Mewö möpöseiba jiget.

¹⁹ Miangö andöñe Suepnöñ añañiiga Anutugö möpömöpöse jikegö (tempöl) nanñan tali ekiga jike uruñe Anutugören jöhöjöhö aren bokis aködamunñambuk miangön ehokñi ahöyök.* Suepnöñ añañiiga nalö miangörenök wölbilik aliga wölpöndañ aka ginjurururñ qeriga möral. Kourukñi kourukñi mi mötpiga kenöñ memba kie römbum giliga ais köñi ketanñi ketanñi etket. Mewö.

12

Ambi aka sekak namñi ilikñambuk

¹ Suepnöñ aiwesök ketanñi wewelipñambuk kun kewö asuhuiga ehal: Ambi kun wehön jeñan malukuñi aiga köinñöñ köna tamböñi bapñe asariiga senjelau 12 mi ila jalö ewö nöropñe kölgетка gömgöm-bilikbilikñinambuk tatket. ² Köronambuk (gölömbambuk)

* **11:15:** Eks 15.18; Dan 2.44; 7.14, 27; Sum 2.5; 110.5; 115.13; Ind 8.5; 16.18, 21 * **11:19:** Anutugören jöjöpan keu 10 aka jimkutukutu tosatñi mi köt ilañan ohoba bokis miangö uruñe alget tari galöm kölakze.

mala morö memenangö nalönan dopdowiiga lömböriiga masö qeiga sihimbölö möta qet gigilahöyök.

³*Miangö andöñe aiwesök kun Suepnöñ kewö asuhuiga ehal: Sekak namñi ilikñambuk (dragon), mundañi pisikñi pötpöt, nöropñi 7 aka ilikñi 10. Nöropñi 7 miangören ila jalö 7 kölgetka tarök. ⁴*Sekak namñi mianjön dagañan suep qeapköba senjelau miengörenök bahöñi karöbutñi öröba gili gölmenöñ etket. Etketka ambi nanñi morö memamgö ahöhi, yangö wösöñe kinök. Mewö kinda moröñi memawi, mi mönö miangörenök gwahötmamgöra mörök.

⁵*Ambi mianjön morö nahön azia meyök. Yanjön kantriñi kantriñi pakpak ain öröpnöñ galöm köl engiba malma. Ambinöñ morö meyöhi, garatanöñ mi mönö miangörenök zilañ memba anda Anutugö jakömbuak dum qöhöröñe alök. ⁶ Miangören aliga ambinöñ nanjök mosöta kök ala anök. Anutunöñ ambi mi silim 1260 miangö dop gölme qararañkölkölñe köyan köl wañgiget malmapköra miri gölme kun möhamgöiga miangören kök ala anök.

⁷*Suep uruñe yarö juliga kewö auget: Suep garata bohonñi Maikel aka yangö garataurupñi yeñön sekak namñi tuarenjön aka i aka yangö garataurupñi yembuk auget. ⁸ Auba sekak namñi aka yangö garataurupñi yeñgö ösumñini qahö dop kölga luhut qahö al engiba mirinñi mosöta Suep uruñe toroqeba malbingö osiget. ⁹*Osigetka sekak namñi ilikñambuk mi mönö közöla Suepnöhök wuatangöget. Sekak namñi mianjön möpñangö möpñeyök mokoleñ aka Iw (Ewa) isim wañgiyök. Qetñi alañi Bölöñangö Toñi aka Satan. Yanjön kantriñi kantriñi pakpak kuñgum engiiga janjuñ anda malgeri, mi aka yangö garataurupñi mi mönö yambuk Suepnöhök közöla aköm engigetka gölmenöñ etket.

¹⁰*Etketka Suepnöñ qet ketañi kunöñ kewö jii möral, “Keu silenöñ alal Toñan sungem asak Anutuninangö wösöñe kinda urumelen alaurupnini jim engiba malöhi, mi mönö yaköriba aköm wañgigetka yaigep eriga köirañ köljini. Nanine Anutuninan mönö nalö kewöñe ambazip amöt qem engiba kukösumñi qakñe galöm köl engiiga bemtohoñangö öñan lök asuñuza. Amötqeqe Toñangö ösum-mumuñan lök asuhum teköza. ¹¹ Yanjön mötnarip alaurupnini keunöñ al engiba malökmö, Toñi mi mönö kewö luhut al wañgiget: Lama moröñangö sepñan i amöt qem engiiga köhöiba Buña keu ölbölñi nangöba jim sehiba malget. Mewö mala jöjöröba silenñini tököba böñ kinda bim qeba luhut alget.

¹² “Miangöra Suep mire maljei, eñön mönö körek pakpak söñgaiba köirañ ala malme. Mewö malmemö, gölmenöñ aka köwetnöñ maljei, inñi mönö lömböt kanjamñambuk bisimei, miangöra mönö Yei! jiba sahötzal. Bölöñangö Toñan luhuba eta tiba engören kaba nup meme nalöñi töröptökñi ahöi mötzawañgöra mönö kazik ketañi ahakza.”

¹³ Sekak namñi ilikñambuk yaköriba aköm wañgigetka gölmenöñ eröhi, mi ek asariba ambi morö nahön meyöhi, mi kazik ak wañgiba wuatangöyök. ¹⁴*Wuatangöyökmö, ambinöñ kök aliga Anutunöñ tukapkap ketañangö ginginñi yahöt wañgiiga mianjön bölbölgöba ösumñan anök. Anutunöñ gölme qararañkölkölñe yangöra miri gölme kun möhamgöyöhi, mönö miangören anök. Miangören anda asamböta maliga (yara) yambu 3 aka bahöñi kun mi köyan köl wañgigetka mokoleñnöñ i qahö miwikñaiba qelan-jima. ¹⁵ Ambinöñ bölbölgöba aniga mokoleñgö irimñi teköiga numbuñeyök ambigö andöñe o gwaulu suaiiga o töwatñi ahök. O mianjön ambi mi yöhösañda memba jöhöm wañgimapköra möta mewö söwötköba loñnök.

¹⁶ Mewö loñnökmö, gölmenöñ ambi mi bauköm wañgiba tiñgiriga löm ahök. Sekak namñan numbuñeyök o suaiiga o töwatñi ahöhi, mianjön mönö löm miangören geba jöpköba qahöwahök. ¹⁷ Mewö asuhuiga sekak namñangö irimñi mönö ambi miangöra aka sehöliiga mosöta ambi miangö gwölöñarökurupñi tosati qetala yarö gil engimangöra

* 12:3: Dan 7.7 * 12:4: Dan 8.10 * 12:5: Ais 66.7; Sum 2.9 * 12:7: Dan 10.13, 21; 12.1; Jud 9 * 12:9: Jen 3.1; Luk 10.18 * 12:10: Job 1.9-11; Zek 3.1 * 12:14: Dan 7.25; 12.7

anök. Gwölönarökurupni mienjon Anutugö jöjöpan keu tem köla Jisösgö Buña keu töp nanjöba jim sehimakzei, mönö yembuk karim aubingö anök. ¹⁸ Aubingö anda köwet sakne angota kinök. Mewö.

13

Jemnemba köwetnöhök korök.

¹ *Miangö andöje jemnemba kun ilikni 10 aka nöropni 7 mi köwetnöhök koriga ehal. Ilikni 10 miangören ila jalö 10 kölgetka tatket aiga nöropni mohot mohot miangören qet mepaqepaikninambuk ohogetka ahöyök.

² Jemnemba mi ekiga kewö ahök: Kaisongolomni mi lepad taigögö tandök ewö ahök. Köna börönanjö sölopni mi beö sömbupkö sölop ewö ahök. Numbuñi mi laion sömbupkö numbuñi ewö tandök. Sekak namñan mönö ösumni, jakömbuak dumni aka ambazip galöm köl engimapkö kukösumni öngöngöni mi jemnemba wanjiyök. ³ Wanjiiga nöropni kun mi uzi köhöikni kunöñ mei kömumawanjö dop ahökmö, uziñan misiriiga löpötñanök tarök. Gölmegö ambazip körek pakpak yeñon auruba jemnemba mi andöje wuatañjöba anget. ⁴ Wuatañjöba anda sekak namñanjö waikni memba möpöseiba malget. Kukösum mewöni mi jemnemba wanjiyöhanjöra i aka jemnembagö waikni mewöñanök memba möpöseiba kewö jiget, “Dañon jemnembagö dop akawak? Dañon i tuarenjon ak wanjiba yambuk aumangö köhöibawak?”

⁵ *Mewö jigetka Satanöñ jemnembagö numbuñi sölölohöiga köhöiba jakbak-öranjörañ qakne mepaqepaik keuni lanlan jiba malök. Anutunöñ Satan qahö angön köliga ilitmamgö kukösumni mi köin 42 miangö dop ahöm wanjiimapköra jim teköyök. ⁶ Mi jim teköiga numbuñan anajiiga Anutu ilita malök. Anutugö qetni, Suep miriñi aka Suep uruñe maljei, mi pakpak mönö mepaqepaik ak engiba malök. ⁷ *Mewö maliga Satanöñ ambazip sarakni tuarenjon ak engimangö kukösumni wanjiiga yembuk bim auba luhut al engiyök. Luhut al engiiga Satanöñ ambazip isikniini pakpak kambuñinanjö dop, keu tandökñinanjö dop aka kantriñinanjö dop mi mönö jemnembagö böröñe al engiyök.

⁸ *Ambazip körekmakörek gölmenöñ maljei, yeñon mönö jemnembagö waikni memba möpöseiba malme. Anutugö ambazip solanñi qetniini Suep mire papianöñ ohoget ahözawi, yeñonök mönö jemnemba mi qahö möpöseime. Möpñanjö möpñe Anutunöñ Suep gölme miwikñaim etkiyöhi, nalö miangörenök könahiba qetniini mi malmal köhöikñanjö papia miangören ohoba mala kotket. Malmal papia mi Lama moröñi qeget kömuyöhi, mönö yanjö buñani ahöiga galöm kölakza.

⁹ “Kunñan kezapñambuknöñ malja ewö, yanjö mönö keu ki kezap ala möt kutuma! ¹⁰ *Kun kösö mire anmawanjö dop akzawi, yanjö mönö miangören anma. Kun bimgö sou ketanjan ugetka kömumawanjö dop akzawi, yanjö mönö mewö kömuma. * Miangöra ambazip sarakni, eñon mönö kapan köla lömböt memba mökösoñda pöndañ möt nariba malme.” Mewö.

Jemnemba kun gölme uruñeyök korök.

¹¹ Kunbuk ekiga jemnemba kun gölme uruñeyök korök. Mi ilikni yahöt Lama moröñanjö ilikni ewöya aka keuni mi sekak namni ilikñambuknöñ jiyöhi, mönö mewöñanök jiba malök. ¹² Yanjö kota alanji mutukñanjö jitñememenji aka kukösumni pakpak memba miangön yuai pakpak alananjö jene ahök. Mewö aka gölme ambazip kunjuba sölölohöm engiiga auruba alanji mutukñanjö waikni memba möpöseiget. Jemnemba mutukni mi uzi köhöikñan mei kömumangö ahökmö, misiriiga löpötñanök tarök.

* **13:1:** Dan 7.3; Ind 17.3, 7-12; Dan 7.4-6 * **13:5:** Dan 7.8, 25; 11.36 * **13:7:** Dan 7.21 * **13:8:** Sum 69.28

* **13:10:** Jer 15.2; 43.11 * **13:10:** Tosatñan keu mi kewö melenje: Kunöñ bimgö sou ketanji (bainat) miangön tosatñi enguiga kömumei, tosatñan mönö nanji mi sou mewöñan ugetka kömuma.

¹³ Jemnemba yahötñi yañön aᅅgöletot ketañi tandökñi könañi könañi meyök. Kun meyöhi, mi köñöp bölamnöñ suepnöhök eta gölmenöñ kaba jeiga ambazipnöñ mi jeñinan eket. ¹⁴ Anutunöñ Satan qahö aᅅgön köliga kukösum waᅅgiiga jemnemba mutukñaᅅgö jitñememenñi aka yaᅅgö jeje aᅅgöletot könañi könañi memba malök. Mianñön möñö gölmegö ambazip tilipköm eᅅgiiga janjuᅅ aka sohoget. Sohogetka kewö kuᅅguba jim kutum eᅅgiyök, “Inñini möñö jemnemba mutukñaᅅgö imutñi söhöba kuᅅguget kiniga göda qem waᅅgiba malme. Jemnemba mutukñi mi bimgö sou ketañan (bainat) qegetka uzi mei kömumamgö dop ahökmö, töndup guliba maljawi, möñö yaᅅgö imutñi kuᅅgume.”

¹⁵ Mewö aketka Satanöñ kukösum jemnemba köñaᅅepñi waᅅgiiga tandö lopioᅅ mi mem gulim waᅅgiiga könañiba söᅅgörö-ösum alök. Mewöyök jemnemba mutukñaᅅgö imutñi mem letoriga azi keu jiba ambazip kuᅅgum eᅅgiiga kewö asuhuyök: Denike yeñön tandö lopioᅅ mianᅅgö waikñi qahö memba möpöseigeri, i möñö körek eᅅgugetka kömuget. ¹⁶ Jemnemba köñaᅅepñan ambazip körek pakpak kewö kuᅅgum eᅅgiba jiyök, “Inñini möñö jemnemba mutukñaᅅgö muᅅgem supañi mi jemesoholñine me böronñini öñe mekötahöme.” Mewö jiiga nanñini nupñini memakzei aka tonñaᅅgö welennñini öne qemakzei, ambazip pomñi aka wanapñi, ketañi aka moröñi yeñön möñö körekmakörek muᅅgem supañi mi memba silenñine mekötahöba kösöget.

¹⁷ Denike yeñön jemnembagö qetñi me qetñaᅅgö jaᅅgöñi silenñine qahö memba malgeri, yeñön möñö nene yuai stuanöñ me maketnöñ söᅅgöröñi membingö aka albingö osiget.

¹⁸ Keu ki möt asaribingö mötkutukutuñi kewö: Kunñan mötkutukutuᅅambuk maljawi, yañön möñö jemnembagö jaᅅgöñi oyoᅅma. Jaᅅgöñi mi gölme azigö jaᅅgöñi akza. Supap jaᅅgöñi mi 666. Mewö.

14

Lama moröñi aka köñagesöurupñi 144.000.

¹ *Mianᅅgö andöñe uba Lama moröñan Zaion kundue kuni ehal. Yambuk köñagesöurupñi jaᅅgöñini 144.000 mi mohotñe kingetka Lama moröñaᅅgö qetñi aka yaᅅgö iwiñaᅅgö qetñi mi körek yeᅅgö mesoholñine ohohöña ahöi eᅅgehal. ² Mianᅅgöreñök mötpiga Suepnöhök kouruk kun o ketañaᅅgö sia qetñi ewö asuhuyök. Mi wölpöndaᅅ giᅅgururuᅅ ketañaᅅök qetzawaᅅgö kourukñi mianᅅgö tandök ewö ahök. Kourukñi mi gita kulele gwötᅅpuk qegetka kourukñi asuhumakzawaᅅgö dop möral.

³ Anutunöñ ambazip 144.000 mi gölmenöhök söᅅgöröñini memba eᅅgömeyöhi, yeñön möñö Anutugö jakömbuak dum wösöñe kaᅅgota bem jembon 4 aka jitñe meme bohonñi 24 mienᅅgö jemesoholñine kinda liᅅet dölokñi kölget. Körek yeñön nanñini liᅅetñini mi kölgetka yaigep yeñön mi kusum aᅅguba mötᅅpingö osiget. ⁴ Yeñön ambazip qainñi kun aka mala kotket. Qahö tölohoba sarakñi malbingöra nanñini galöm köl aᅅguba ambi yembuk töwöt qahö miwikñaiba malget. Lama moröñan denike denike anakzawi, yeñön möñö i wuatñaᅅgöba mianᅅgöreᅅ anakze. Anutunöñ i ambazip sutñineyök bohonñini memba meköba eᅅgömeiga Anutu aka Lama moröñi yetkö yambuñiri dölokñi akze. ⁵ *Yeᅅgö jitñineyök muneᅅ keu kun qahö miwikñaigetka keuñini qahö sarakñi mala kotket. Mewö.

Sueᅅ garata karöbut yeñön keuñini jiba bölbölgöget.

⁶ Mianᅅgö andöñe Sueᅅ garata kun ekiga sueᅅ kutuba köñakemba bölbölgöyök. Yañön Ölöwak Buña koᅅkoᅅ* memba kaba gölme ambazip yeᅅgöra jim asarimamgöra kayök. Ambazip mi kambuñinaᅅgö dop, bem isikñinaᅅgö dop, keu tandökñi jijiñinaᅅgö dop aka kantriñinaᅅgö dop gölme dop köla tat anjei, möñö körek yeᅅgöra jim sehimamgöra

* **14:1:** Eze 9.4; Ind 7.3 * **14:5:** Sef 3.13 * **14:6:** Kambu bem koᅅkoᅅ Tonñaᅅgöreᅅ Buña keu tömbuñi mi koᅅkoᅅ. Mi möpñaᅅgö möpñeyök könañiba teteköñi qahö ahöm öᅅgöma.

kayök. ⁷ Kaba köhöikñanök silata kewö qerök, “Anutunöñ ambazip kewöta jim teköm engimawanğö nalöñan mönö törüba dopdowiza. Mianğöra inini mönö Anutugö jitñi onğitpinbuköra kenğötñini möta möpöseiba qetbuñani mem sehime! Kunöñ suep, gölme, köwet aka o jeñi miwikñaim engiyöhi, mönö yanğö waikñi memba möpöseiba malme.”

⁸ *Mewö qeriga yanğö könañe Suep garata alañi kun mutukñi wuatangöba kaba kewö qerök, “Babilon siti ketañi mi meleni geiga ahöza. Babilon ambi qetbuñambuk mianön mönö serowilin aka mianön kantri pakpak mem tölohom engiiga dop köl engiyök. Yanön wain o ewö nemegöra engiiga uruñi sohoiga kahalalom aka malget. Mewö aka malöhanğöra Anutugö irimñi sehiliiga kazik aka jiiga siti qetbuñambuk mi mönö köndengetka meleni gei ahöza.” Mewö.

⁹ Mewö qeriga yanğö könañe Suep garata karöbutñi kun etkuatangöba bölbölgöba kaba köhöikñanök silata kewö qerök, “Kunñan jemnemba aka yanğö imutñangö waikñi memba möpöseiba muñgem supañi anğön köla mesoholñe me böröñe mekötahöba kösöza ewö, ¹⁰ *yanön mönö mewöñanök Anutugö irimsesewölñi mi wain o köhöikñi ewö nemba mötma. Anutunöñ wain o mi o töhöñambuk qahö mindiriba wain köhöikñi töhönök irimsesewölñangö qambinöñ mokoï tatzawi, yanön mönö mi nema. Mi memba Suep garata töröñi aka Lama moröñi yanğö wösöñine kiniga salfa kötkö könöp bölamñan koasikpuk ohoiga sihimbölö önöñi qahö möta malma.

¹¹ * “Mianön engohoiga sihimbölö önöñi qahö möta malmei, mianğö köwakñan mönö nalö dop teteköñi qahö wahöta öngömakña. Ambazip jemnemba aka yanğö imutñangö waikñi memba möpöseimakzei, yanön mönö sunğem asak senjom möta malme. Kunñan muñgem supañi anğön köla silenje kösözawi, yanön mönö silenjan unduiga qemjen qeba luhut memangö osiba malma.”

¹² Mianğöra ambazip sarakñi Anutugö jöjöpañ keuñi tem köla wuatangömakzei, enön mönö kapañ köla lömböt memba mökösoñda Jisös pöndañ möt nariba malme.

¹³ Mianğö andöñe Suepnöhök keu kun mötpiga kewö jiyök, “Gi mönö kimbi kewö ohoman: Ambazip Kembubuk qekötahöba kinda nalö kewöñeyök könahiba kömumei, yanön mönö oyaenköyaen akñe. Uña Töröñan keu kitipñi mi meköba ‘Keu mi ölna,’ jiza. Yanön nup köhöikñi memba qemjem-mamjen möta kaba malget teköiga nupñinangö ölni asuhuiga Suep Toñan kösohotñini möri dop köli mianğöra sösoñgai engii tata luhut memba öñsöñ malme.” Mewö.

Gölmegö nene möriam ölni memegö nalöñi

¹⁴ *Mewö jiiga uba kousu tuatñi ekiga mianğö qakñe kun kaisongolomñi gölme azigö tandök ewö mianön tarök. Ila jalö goulñöñ memenji mi nöropñe tariga böröñan sou kapañkapañgöñi jitñambuk mi memba tarök. ¹⁵ *Mi ekiga Suep garata kunñan möpömöpösei jikenöhök (tempöl) aukñe kañgota kousu qakñe tatzawi, yanğöra keu kewö jiba köhöikñanök qerök, “Gölmenöñ möriam ölni lök öliiga ölni memegö nalöñan mönö akza. Mianğöra göñön mönö sougi kapañkapañgöñi memba nupñöñ anda mianön gölmegö möriam ölni mi kutum tokoman.” ¹⁶ Kousu qakñe tatzawi, yanğöra mewö qeriga souñi kapañkapañgöñan gölmenöñ gila nupkö möriam ölni kutum tokoyök.

¹⁷ Mi tokoiga Suep garata kunñan Suepkö möpömöpösei jikenöhök (tempöl) aukñe kañgorök. Yanön mewöyök sou kapañkapañgöñi jitñambuk kun memba kañgorök.

¹⁸ Kañgoriga Suep garata karöbutñi kun Suepkö altagö könöp galömñi aka alta mi mosöta kañgorök. Kañgota köhöikñanök qeta Suep garata sou kapañkapañgöñi jitñambuk memba kinöhi, yanğöra kewö jiyök, “Göñön sougi kapañkapañgöñi jitñambuk mi mönö memba nupñöñ anda mianön gölmegö wain kañgenji kañgenji mi yandiman. Kañgen mienğö kötni lök ölim yaköba tatze!”

* **14:8:** Ais 21.9; Jer 51.8; Ind 18.2 * **14:10:** Ais 51.17; Jen 19.24; Eze 38.22 * **14:11:** Ais 34.10 * **14:14:** Dan 7.13 * **14:15:** Joel 3.13

¹⁹ Mewö jiiga souñi kapenkapenğöñi gölmenöñ gila gölmegö wain kösö ölni mi köteköm tokoba Anutugö wain jout ketani mianğöreñ tözöhölmegöra gilök. Wain jout mi Anutugö irimsesewölñanğö kaisöpsöpñi akza.† ²⁰*Wain bagem ölni mi siti yaigepñe könanöñ tiba tözöhölgetka sepñan wain jout ketanğö numbuñe kota qöl tandök ewö lanlan wahöta kota o töwatñi ahök. Sep mianğö diginñi mi wan mita aka bahöñi kun ahök. Hosnöñ mianğöreñ tiba aniga numbuñe koriga hos injutñanğö kösöñan samuruyök. Diginñi mewö aiga köröpñi 300 kilomita mianğö dop ahök. Mewö.

15

Suep garata 7 aka lömböt kanjamñinambuk 7.

¹ Mianğö andöñe suep uruñe uba anğöletot ketani kun asuhuiga eka kewö welipköyal: Suep garata 7 mi lömböt kanjamñinambuk (plague) 7 memba kinget. Ambazip sinğisöndokñinangöra Anutugö irimñi seholiiga jim teköba likepñi meleşni lömböt kanjamñinambuk qakñine öngöi mötketka uruñan amöriiga keuñinan kömuma. Mianğöra qetñini lömböt kanjamñinambuk qöndökñi 7 qetket.

² Mi eka yuai gilikbilikñambuk köwet ewö ekiga könöp bölamñambuk lolonqalon ahöyök. Mianğö qöhöröñe Anutugö ambazip kingetka engehal. Yeñön luhut ala jemnembagö keuñi qahö tem köla imutñanğö waikñi qahö memba qetñanğö janğöñi silenine qahö anğön köla malget. Anutunöñ i mohot mohot kulele enğiiga memba kinget. ³*Mianğöreñ kinda Anutugö nup meme azi Mosesğö liñetñi aka Lama moröñanğö sauren liñetñi mi kewö kölget,

“O Kembu Anutu kukösum pakpakö Tonji, göñön anğöletot ketani ketani welipñinambuk ahakzan.

Göñön kantriñi kantriñi mi kiñ kembu ak enğinöñga ahakmemegahö könanji mi diñdiñi aka öl töhöññi akza. Mianğöra Anutu qainñi kun aka maljan.

⁴ O Kembu, göhöreñ ahakmemegi diñdiñi mi mönö aukñe asuhuiga mötzin.

Mianğöra kantri pakpak yeñön kaba göhö waiki memba möpöseim gihimakze.

Göñön nangok töröñi akzan. Mianğöra aka dañön mönö göhöra kenğötñi qahö mötpawak? Körek neñön göhö qetbuñagi mem sehiba möpöseimakzin.”

⁵*Mianğö andöñe uba yuai kewö ehal: Suepkö möpömöpöse jikegö (tempöl) nanğujan taliga mianğö uruñe Anutu dangunñanğö opo seri jikenñan kini ehal. ⁶ Möpömöpöse jike mianğöreñök Suep garata 7 lömböt kanjamñinambuk 7 memba kingeri, yeñön mönö eta aukñe kaget. Malukuñini tuat lalamñi bilikbilikñinambuk löngötketka opo jöhan manğihilakñi goulñambuk mi örigit ewö töptöpñe embahöm anğuba kinget.

⁷ Yeñön kagetka bem jembon 4 mianğöreñök kunñan goul qambi 7 enğiiga Anutugö irimsesewölñan qambi mi numbuñe kotket. Anutu irimñi sehelizawi, yanñön mala kota malja aka teteköñi qahö mal öngöma. ⁸*Qambi mi enğiiga Anutunöñ asakmararañi aka kukösumñi kondeliga mianğöra köwak pukpuköba möpömöpöse jike (tempöl) kokolak qeiga kunñan kun Suep jike mi öngö-öngögö dop qahö ahök. Suep garata 7 yeñön mutuk qambiñini mokogetka lömböt kanjamñinambuk 7 asuhuba ölninambuk akñei, mianğö andöñe ölop kunbuk öngöme. Mewö.

16

Qambi 7 mokogetka Anutugö irimsesewölñan asuhuyök.

† **14:19:** Anutugö irimsesewölñi mi wain jout ketane tözöhölgetka uruñan amöriiba teköma. Indelindel 19.15 mi ekñan.

* **14:20:** Ais 63.3; Seru 1.15; Ind 19.15 * **15:3:** Eks 15.1; Jer 10.7; Sum 86.9 * **15:5:** Eks 38.21 * **15:8:** Eks 40.34; 1 Kiñ 8.10-11; 2 Hist 5.13-14; Ais 6.4

¹ Möpömöpösei jike (tempöl) uruñeyök qet ketanji kun asuhuiga Suep garata 7 miengöra keu kewö jim kutuiga möral, “Inini anda Anutugö irimsesewölñan qambi 7 numbune kota ahözawi, miengö ölni mönö gölmenöñ mokome.”

² *Suep garata mutukñan mosöta anda qambinangö ölni mi gölmenöñ mokoyök. Mokoiga uzi imbilonñambuk sihimbölöñini tandökñi sohosohonji mi qeçetal ambazip yengö silenine asuhuget. Ambazip jemnembagö munjem supapñi silenine memba imutñangö waikñi memba möpöseigeri, mönö yengö silenine asuhuget.

³ Yahötñi yanön mosöta anda qambinangö ölni mi köwetnöñ mokoyök. Mokoiga köwetnöñ melenða sep ahök. Mönö azi qeçenangö sepñi ewö ahök. Mewö aiga köwet uruñe yuai pakpak malmalñinambuk maljei, mi mönö lökñanök kömum teköget.

⁴ *Suep garata karöbutñan qambinangö ölni mi o töwatñi aka o jeñi miangören mokoiga melenða sep aka dop kölök. ⁵ Mewö aiga Suep garata o galöm kölakzawañön keu kewö jiiga möral, “O Anutu töröñi, göñön keu kewöta kewö jim tekönöñga lömböt ki asuhuzawangöra diñdini akzan. Mönö solanñi mala kota maljan. ⁶ Yeñön göhöreñ ambazip sarakñi aka kezapçetok ambazip enguba malgetka sepñinan mokoyök. Göñön i engugerañgö likepñi melenða sep enginöñga negeri, mi mönö dopñe alnöñga qakñine öngöyök. Miangöra Anutu göñön mönö diñdijanök akzan.”

⁷ O galöm kölakzawañön mewö jiiga keu kun altanöhök kewö kaiga möral, “Keu mi ölna! O Kembu Anutu kukösum pakpakö Tonji, göñön mönö ambazip keuñini kewöta diñdijanök jim teköm engimakzan.”

⁸ Suep garata 4:ñan qambinangö ölni mi wehön jeñe mokoiga mianön wehön ösum wanggiiga könöpñi kötökñi aka ambazip könöp ewö engohoyök. ⁹ Wehön jeñi könöpñambuk mianön engohoiga silenine dölatiyök. Anutunöñ lömböt kanjamñinambuk miengö Tonji aka ali qakñine öngöyöhi, ambazipnöñ mi möta miangöra Anutugö qetñi jim qesuahöm wangiba malget. Mewö malgetmö, Anutu möpöseiba qetbuñani mem sehimegöra mönö uruñini qahö melengetmö, toroqeba yangiseñ aka malget.

¹⁰ Suep garata 5:ñan qambinangö ölni mi jemnembagö jakömbuak dumnöñ mokoyök. Miangören mokoiga söñaup ketanjan jemnembagö ömetohonji (kingdom) mi dop köla pandaman meyök. Pandaman meiga ambazip irimñini seholiiga nesilamñini jitñinan yöhötigetka tiñgirök. ¹¹ Ambazipnöñ sihimbölö aka uzi nömböñinangö sihimbölöñi ketanji möta miangöra Suepkö Anutuñi mi jim qesuahöm wangiba malget. Mewö malgetmö, ahakmemenini bölöñi aka memba malgeri, mi qahö kewöta mosöta uruñini qahö melenget.

¹² *Suep garata 6:ñan qambinangö ölni mi o töwatñi ketanji qetñi Yufreitis miangören mokoiga jöpköyök. Wehön kotkotñeyök kiñ kembuñi kembuñi kabingö möta jöjöröba malgeri, yeñön o jöpköiga kunbuk qahö pañpañgögetmö, kutuba kamegö könañi mönö asuhuyök. ¹³ Miangörenök uba öme bölöñi karöbut tandökñini kañ ewö mi engekiga sekak namñi ilikñambuk, jemnemba aka kezapçetok azi takapulakanji yengö numbuñineyök kota etket. ¹⁴ Ömewöröme mienön eta anda angöletotñi könañi könañi ahakze. Mewö aka gölmenji gölmenji pakpak liliköba kiñ kembuñini engeka Anutu tuarenjon akñegöra uruñini kuñguba kewö jiget, “Mönö mindirim anguba Anutu kukösum pakpakö Tonjangö nalö ketane mohotñe bim aubin.”

¹⁵ *Jisösnöñ jiza, “Kezap alget! Nöñön mönö yongorö meme ewö ölöñ kamam! Kunñan uruguliguli malmawi, yanön mönö simbawon akza. Sile aukñe lañ anda kaiga gamuñi ekepuköra sile esuñi galöm kölakzawañön mönö oyaenköyaen akña.”

¹⁶ *Öme welenqeçe yeñön kiñ kembuñi kembuñi mi kuñguba enguanñgita gölme köröñi qetñi Hibru keunöñ Armagedon jizei, miangören qezaköba al engigetka engehal. Mewö.

* **16:2:** Eks 9.10 * **16:4:** Eks 7.17-21; Sum 78.44; Eks 10.21 * **16:12:** Ais 11.15 * **16:15:** Mat 24.43-44; Luk 12.39-40; Ind 3.3 * **16:16:** 2 Kiñ 23.29; Zek 12.11

¹⁷ Suep garata 7:ñan qambiñangö ölñi mi könakemba mokoyök. Mokoiga möpömöpösei jike (tempöl) uruñangö jakömbuak dumñeyök qet ketani kun asuhuba keu kewö kaiga jiyök, “Mi lök mokogetka asuhum teköza.” ¹⁸ *Mewö jiiga miangörenök wölbilik aiga wölpöndañ giliga giñgururuñ qeta ahöiga kenöñ jitñi buburatiñi kun meyök. Iw (Ewa) Adam yetkö nalönöhök könahiba gölmenöñ mala korini, nalö miangören kenöñ mewöñi kun qahö gilgilña. Miangö dop tandökñi sohosohonñi giliga bölöñi kötökñi ahök.

¹⁹ *Mewö asuhuiga siti ketani Babilon mianñon jula bahöñi karöbut aket aiga kantriñi kantriñi pakpak miengö sitiñini mi mewöñanök ayuhuba melenñi geget. Anutunöñ siti qetbuñañambuk Babilon miengö bölöñamñini qahö ölum qeiga likepñamñini melenñi enñiyök. Anutunöñ urukönöp aka irimsesewölñan qambi kokolak qeba taröhi, mi mönö mokom enñiiga qakñine öngöiga wain o ewö neget. ²⁰ Köwetnöñ gölme jölanni pakpak ahögeri, mi mönö kök ala sömuniget aiga kundunñi kundunñi kingeri, mi mönö mewöñanök ayapköba qahöwaket.

²¹ *Mewö asuhuiga ais kötni ketani lömbötñini 45 kilogram mienñon suepnöhök ambazip qakñine erök. Lömböt kanjamñambuk mi tandökñi sohosohonñi ahök. Kie kötni tandökñi mewö mianñon eta enñuiga ambazipnöñ mianñora Anutu jim qesuahöm wanñiget. Mewö.

17

Ambi kunöñ jemnembagö qakñe tari ehal.

¹ *Suep garata 7 qambi 7 mi memba kingeri, yeñgörenök kunñan kaba nöñgöra keu kewö jiyök, “Gi mönö kanöñga köna ketañangö ambi qetbuñañambuk o gwötpuk miengö qakñine tatzawi, mi kondel gihimam. Anutunöñ keunñi kewöta likepñi melenñi qakñe öngöi malja. ² *Gölmegö kiñ kembunñi kembunñi yeñon yambuk serowilin aka malget. Könagesöñinan gölmenöñ maljei, yeñon mönö mewöyök ambi miangö serowilinñangöra aka urunñini wahöta sohoiga kahalalom aket. Wain o nempa enjololonñ ahakzei, mönö miangö dop könahiba sero yonñgorö aka mala kahapmahap aket.”

³ Mewö jiiga Uña Töröñan nömeiga alburupñan qakne öngöiga Suep garata mianñon noañgiriga gölme qararanñkölkölñe añgoral. Miangören añgota ambi kun jemnemba pisikñi pötpöt yanñgö qakñe tariga ehal. Jemnembagö silene mepaqepaik qetñi qetñi ohogetka kokolak qeiga nöropñi 7 aka ilikñi 10 mewö kinök.

⁴ *Ambi mianñon opo söro pisikñi gugakgugak aka pisikñi pötpöt mi löngöta tarök. Aködamunñi goul, jamöññiñ ölninambuk aka kösatorom tosatñi mianñon menölöm añguiga tandökñan kölköl-bilikbilikñambuk ahök. Böröñe goul qambi memba taröhi, mi serowilin aka malöhanñgö añgöjörakñi imbilonñonambuknöñ kokolak qeñeña. ⁵ Ambi miangö mesoholñe qetñi tölapñi mi kewö ohogetka ahöyök, “Babilon qetbuñañambuk, gölmegö köna ketani ambazip aka añgöjörak imbilonñonambukö namñini.” ⁶ Qetñi mewö ahöiga Anutugö ambazip sarakñan Jisösgö könañi nanñgöba böñ qeba kinda jiba malgeri, mi enñuba sepñini nempa mianñora kahalalom ahöi ehal. Mi eka aurum tililingöyal.

⁷ Aurum tililingöbiga Suep garatanöñ nöñgöra keu kewö jii möral, “Gi mönö denöwögöra aurum tililingözan? Nöñon ölöp ambi kianñgö könañi tölapñi indel gihimam aka jemnemba nöropñi 7 aka ilikñi 10 ambi mi bisimakzawi, yanñgö könañi tölapñi mi mewöyök indela jim miwikñaim gihimam. ⁸ *Jegi melenñniga jemnemba ekzani, yanñon mutuk malökmö, nalö kewöñe jebuk qahö malja. Yanñon ömewöröme yeñgö löm dutñi qahö miangörenök guliba wahötmappö, Kraistnöñ kaköm wanñiiga köñöp sianöñ gema. Anutunöñ Suep gölme miwikñaim etkiyöhi, nalö miangörenök könahiba gölmenöñ mala kotketka qetñini malmal köhöikñangö papianöñ qahö ohoget ahözawi, ambazip mienñon

* 16:18: Ind 8.5; 11.13, 19 * 16:19: Ais 51.17; Ind 6.14 * 16:21: Eks 9.23; Ind 11.19 * 17:1: Jer 51.13

* 17:2: Ais 23.17; Jer 51.7; Ind 13.1 * 17:4: Jer 51.7 * 17:8: Dan 7.7; Ind 11.7; Sum 69.28

mönö jemnemba eka aurume. Jebuk malökmö, nalö kewöne jebuk qahö malja aka könangep kunbuk guliba asuhumawi, miangöra mönö aurume.

⁹ “Nini keu ki möt asaribingöra möringa mötkutukutuñan kewö ahöza: Nöröpñi 7 mi ambinöñ kundunji 7:gö qakñine tatzawi, mönö kundunji miengö söpsöpñi akze. ¹⁰ Nöröpñi 7 mi mewöyök kiñ kembu 7 miengö kaisöpsöpñi akze. Yengörenök 5 lök kömumba etketka 6:ñi yañon mala ambazip galöm köl engimakza. Qöndökñan bian asuhumawangö dop akza. Yañon asuhumawi, miangören mönö nalö töröpñi kukösum qakne kinmawangö dop akña. ¹¹ Jemnemba malökmö, nalö kewöne qahö toroqeba maljawi, yañon 7 yengörenök kun akza. Yañon kunbuk guliba nanñak kiñ kembu jañgöñi 8 akña. Mewö akñapmö, Kraistnön könden wanggiiga ayuhuba könöp sianöñ gema.

¹² * “Ilikñi 10 engekzani, mi mönö kiñ kembu 10 miengö kaisöpsöpñini akze. Yeñon qahö könahiba ambazip galöm köl engimakzemö, Anutunöñ könangep kukösum enggiiga kiñ kembu ewö akne. Mewö aka jemnembabuk aua mohotkö dop ambazip galöm köl engiba malme. ¹³ Kiñ kembu 10 miengön mötmöt areñ mohot miyök wuatangöba jemnemba nangöba kukösumñini i wangigetka malma. ¹⁴ Ösumñini mewö mindiriba Lama moröñi tuarenjoñ aka bim aumemö, Lama moröñan mönö luhut al enggiiga etme. Yañon kiñ yengö Kiñini aka azi kembu yengö Kembuñini akza. Yañon neñgohola möwölöhöm neñgiiga yambuk pöndañ kinda malbini, neñon mönö mohotne luhut al engiba köirañ kölbini.”

¹⁵ Suep garatanöñ keuñi mewö jiba toroqeba kewö jii möral, “Köna ketanangö ambi ketanang o gwötpuk miengö qakñine tariga engek teközani, o mi ambazip kantriñi kantriñi miengö kaisöpsöpñini akze. Yeñon kambuñini aka bem isikñinangö dop likeplikep tat angetka silenini könañi könañi aiga keuñini tandökñi murutñi murutñi jimakze. ¹⁶ Jegi meleñniga ilikñi 10 engekzani, yeñon mönö ösumñini jemnembabuk mindiriba köna ketanangö ambi mi kazik ak wangigetka kewö asuhuma: Yeñon öroyuaini pakpak kiom qegetka piromñi aiga opo söroni köteköm tekögetka sile aukneyök aiga busuñi namba sihitñi könöpnöñ ohogetka jem teköma.

¹⁷ “Mewö asuhumawi, mi Anutunöñ kiñ kembu miengö uruñini kuñguba sölölohöm enggiiga urumohot aka mindiriba akne. Anutugö mötmöt areñi mönö mewö wuatangöme. Miangö dop kukösumñini jemnemba wangigetka ambazip galöm köl engiba malma. Mewö maliga Anutugö keuñan öñambuk akñawi, nalö miangören teköma. ¹⁸ Ambi tari ekzani, mi siti qetbuñambuk tonan gölmegö kiñ kembuñi kembuñi galöm köl engimakzawi, mönö kiñ miangö söpsöpñi akza.” Mewö.

18

Babilon siti köndengetka gororongöma.

¹ Miangö andöne Suep garata kun kukösumñi öngöngöñi ekiga Suepnöhök asuhuba eriga asakmararañan gölme mem asariyök.

² * “Eta köhöikñanök silata kewö qerök, “Babilon siti ketanji mi köndenget. Mi öñña köndengetka gororongoyök. Ambazip qahöwaketka öme wöröme könañi könañi yeñonök mönö tokoba miriñini miangören megetka yengö gölmeñini bohonñi ahök. Neñiñi neñiñi döñqizinñinambuk aka imbilonñinambuk miengönök mönö miangören tokoba aipñini lañ ala öñsöñ malje.

³ * “Anutunöñ mi kewögöra jiiga köndenget: Kantri pakpak yeñon ambi miangö serowilinñangöra aka uruñini wahöriga enjolon aketka Anutugö irimñi seholiyök. Irim-sesewölñi mi qakñine öngöiga wain o nemakzeangö tandök mötket. Gölmegö kiñ kembuñi kembuñi yeñon ambi miambuk sero namböñnamböñ aka malget. Kölköl-örörö ambazipnöñ gölme dop miangörenök kaba sukinap aködamunñinambuk bohonñi memapköra

* 17:12: Dan 7.24 * 18:2: Ais 13.21; 21.9; Jer 50.39; 51.8; Ind 14.8 * 18:3: Ais 23.17; Jer 51.7

algetka önöni qahö öröba siyoṅsayoṅi qahö malök. Yangö örömgöjup memgöjupṅangöra aka yeṅön pomṅi kindiṅbirik aka öngöngöṅi aket.”

⁴*Miangö andöṅe Suepnöhök kunöṅ keu jiiga kewö möral, “Nöngö könagesöurupni, iṅini mönö siti mi mosöta yaigep etket. Ambi mianṅön siṅgisöndok ahakzawi, mianṅön mönö eṅgualöṅni yambuk kinda uruṅini tölohobepuk.

Anutunöṅ likepṅi melenṅ eṅgiiga lömböt kanjamṅinambuk qakṅine öngömei, lömböt mewöṅi kunöṅ mönö nanṅini qakṅine öngöiga mewöyök sihimbölö mötpepuk. Miangöra yembuk mönö kude mindiriba malme.

⁵*Ambi mianṅön siṅgisöndokṅi aka qakṅöṅ qakṅöṅ aliga öngöba lök suep misirim teköza. Kegwek-kahasiliṅ aka malgeri, Anutunöṅ mi mönö nanṅi mötmötnöṅ ala miangöra qahö ölum qema.

⁶*Ahakmeme goṅgoṅi tosatṅi ak eṅgiba malgeri, iṅini mönö miangö dop melenṅda ak eṅgime. Bölöṅi aka memba malgeri, iṅini mönö miangö likepṅi sömaṅi yahötkö dop melenṅ eṅgigetka qakṅine öngöma.

Siṅgisöndokö qambiṅi nemegöra mokoba malgeri, nanṅini qambi miangöreṅök mönö sömaṅ yahötkö dop uba melenṅda wain o kömbukṅi kötökṅi mi eṅgöra mokoget neme.

⁷*Ambi mianṅön sukinap aködahunṅinambuk önöṅi qahö öröba qetbuṅa öngöngöṅi mi-wikṅaiba siyoṅsayoṅi qahö malök. Miangö likepṅi mönö nanṅi ihileknöṅ ohotiriba ip özöpaṅnöṅ sihimbölö önöṅi qahö ak waṅgigetka jṅgeṅ köla wösöbirik malma. Nanṅi uruṅe kewö mötmöriba laṅ jimakza,

‘Nöṅön qin ambi kembugö jakömbuak dum tatatṅe tatzal. Malö qahö akzal aka nalö kunöṅ jṅgeṅ qahö kölmam.’

⁸Mewö laṅ jimakzawaṅgöra aka Anutunöṅ likepṅi melenṅ waṅgiiga nalö mohotkö uruṅe yangö qakṅe öngöma.

Kembu Anutunöṅ keuṅi kewöta jim teköm waṅgiyöhi, yangö kukṅan mönö öngöngöṅi akza.

Miangöra lömböt kanjamṅinambuk könaṅi könaṅi mienṅön mönö zilaṅ kewö asuhum waṅgime:

Tinitosolomṅan kömugetka jṅgeṅ köla bödi tariga nanṅi könöpnöṅ ohogetka jema.”

⁹*Könöpnöṅ ohogetka jeiga köwak wahötmawi, kantriṅi kantriṅi pakpak mienṅö kiṅ kembuṅinan mi eka mönö amburereṅ aka sahötme. Kiṅ kembu mienṅön yambuk serowilin aka malget. Sukinapṅi aködahunṅinambuk önöṅi qahö miangö nem söṅgaipṅi yambuk ala söṅgaiba malgeri, yeṅön mönö yangöra aka jṅgeṅ kölme. ¹⁰Jṅgeṅ köla ihileknöṅ ohotirigetka ip özöpaṅnöṅ sihimbölö önöṅi qahö mötzawi, miangöra mönö töwöratiba tikep kinda kewö sahöta jime, “O Babilon siti qetbuṅaṅambuk, lömböt qakṅine öngöyöhaṅgöra mönö Yei! Yei! jiba sahötzin. O siti kukösumṅini ketanṅi, Suep Tonṅan likepṅi melenṅ eṅgiiga ösumok aua mohotkö uruṅe qakṅine öngöiga sihimbölö ketanṅi mötze. Yei Yei! jiba sahötzin!”

¹¹*Kantriṅi kantriṅi mienṅö kölköl-örörö ambazip yeṅön mewöyök amburereṅ akṅe. Kunṅan toroqeba yeṅö inapṅini bohonṅi qahö memakṅawaṅgöra mönö jṅgeṅ köla sahötme. ¹²*Aködahunṅini goul, silwö, jamönjiṅ ölninambuk aka sorom kötni mi Babilon yeṅön me tosatṅan qahö bohonṅi meme. Oponṅini tuat lalamṅi, pisikṅi gugakgugak, pisikṅi pötpöt aka opo qetṅi silk mi qahö bohonṅi meme. Ip qetpuk könaṅi könaṅi mienṅö kemaṅini aka börösöwöṅini könaṅi könaṅi mi qahö toroqeba bohonṅi meme. Aködahunṅini elefant sihitṅan memeni, mi öne ahöme. Dum tebol yuainṅini ip söṅgöroṅini

* **18:4:** Ais 48.20; Jer 50.8; 51.6, 45 * **18:5:** Jen 18.20-21; Jer 51.9 * **18:6:** Sum 137.8; Jer 50.29 * **18:7:** Ais 47.7-9 * **18:9:** Eze 26.16-17 * **18:11:** Eze 27.31, 36 * **18:12:** Eze 27.12, 13, 22

ketanji in, qönqön, mihinik, nanjim aka yuari mianjön memenji, mi öne ahöme. Börösöwö ain gohotnji brons aka ain injanan memenji aka köt qetnji mabol mianjön memenji mi mönö öne ahöme.

¹³ Babilon yejön kömusönönik (sinamon) aka gipnji tosatnji mi qahö bohonnji meme. Silegö sanda qetnji mör, jiniñ samburup aka sile ömön tosatnji mi qahö bohonnji meme. Wanafu, berat, wölömjikjik aka wörönñi asuhumapkö yuai tosatnji mi qahö bohonnji meme. Mewöyök wain o, oil ipkö oilñi, wit kötni aka flaua nenenji mi qahö bohonnji meme. Bulmakau, lama, hos aka hos kare mi qahö bohonnji meme. Mutuk welenqe qe ambazip bohonjni memba nupnöñ al engigetka sile me urumötmötñinan böliba ayuhuyök. Mewö qahö toroqeba ahakñe.

¹⁴ Kölköl-örörö ambazip yejön Babilon ambi mianjöra kewö jime, “Ip ölni nemangö sihimnji möta eröm ota malnöñi, mi mönö qahöwaketka öne maljan. Töhötmöriamgi aka sukinapki aködamunñinambuk mi mönö körek pakpak gömosöta ayapkögetka tömtömimba maljan. Mi mönö nalö kungen kunbuk miwikñaimanangö dop qahö.” ¹⁵ *Kölköl-örörö ambazip sukinapñini mewö mewö bohonnji memegöra ala siti mianjörenjök moneñ goul (guli dötnam) öröba qetbuñanambuk aket. Yejön tikep kingetka tosatñan ihileknöñ ohotirigetka ip özöpañnöñ sihimbölö öñöñi qahö möröhi, mianjöra mönö auruba sahöta jinñeñ kölme.

¹⁶ Jinñeñ köla kewö jime, “O siti ketanji, lömböt qakñine öngöyöhanjöra mönö yei! yei! qeta jinñeñ köljini. Yejön oponjini tuat lalamñi, pisikñi gugakgugak aka pisikñi pötpöt mi löngötket. Aködamunñini goul, jamönñiñ ölninambuk aka kösatorom tosatñan menjölöm anjugetka tandökñinan kölköbilikñinambuk aket. ¹⁷ *Mewö aketmö, sukinapñini mewöñi öñöñi qahö mi mönö ösumok aua mohotkö uruñe ayuhuba ayapköba qahöwaket.” Mewö jiget.

Wange pailot pakpak aka ambazip wangenöñ anda kamakzei, yejön mewöñanök körek Babilon siti ohoget jeiga köwakñi mi tikep kinda ekñe. Mewöyök wange ambazip opo seri mörörenjökgetka luhutnöñ nanjöi anakzei aka köwetnöñ nup tosatnji memba malmalñini nanjömakzei, mienjön mönö körek pakpak mi tikep kinda ekñe. ¹⁸ *Ambi ketanji qetbuñanambuk ohoget jeiga könöp bölamñangö köwakñi wahötmawi, mi tikep kinda eka amburereñ aka kewö jime, “Siti qetbuñanambuk kianjögö alanji mönö nalö kunöñ qahö ahöyök.”

¹⁹ *Mewö jiba sömsöm urata kau ariba qeta jinñeñ köla unduba sahöta kewö jiget, “O siti ketanji, aua mohotkö uruñe yuainji pakpak mönö ayuhuba ayapköba qahöwahök. Ambazip wangeninambuk pakpak köwetnöñ anda kaba sukinapñini bohonnji memegöra ala mianjörenjök moneñ goul (guli dötnam) sehisehijni örögetka siti mianjön qetbuñanambuk ahök. Lömböt qakñine öngözawanjöra mönö yei! yei! jiba sahötzin.” Mewö jiget.

²⁰ *Yejön ahakmeme gonjonji tosatnji ak engiba malgeri, Anutunöñ mönö mianjögö keunji jim teköba likepñi melenjiga qakñine öngöiga sihimbölö ketanji mörakze. Mianjöra Suep mire maljei, injini mönö yanjöra aka köiran kölme. Anutugö ambazip sarakñi, aposolurupñi aka kezapqetok ambazip injini mönö söñgaiba sauren qeba malme.

²¹ *Mianjögö andöñe Suep garata ösumñi öngöngöñi kunöñ kaba köt keta bölökñi memba wahöta köwetnöñ gili geiga kewö jiyök, “Anutunöñ siti ketanji qetbuñanambuk mi mönö kianjögö dop könöpuk köndenja melenjini geba qahöwak teköma. Qahöwak teköiga könanjep nalö kunöñ qahö miwikñaimangö dop akña. ²² **Injini siti mianjörenjök kömam köla gita kulele qeba awölop tömun uba liñet köla undumalgeri, mianjögö kourukñi mönö nalö kunöñ kunbuk qahö mötme. Babilon engörenjök ambazip mötmöt nupñini könanji könanji memba malgeri, mi mönö teköyök. Dokta didiman, qaqazu klak aka mewöñi

* **18:15:** Eze 27.31, 36 * **18:17:** Ais 23.14; Eze 27.26-30 * **18:18:** Eze 27.32 * **18:19:** Eze 27.30-34 * **18:20:** Dut 32.43; Jer 51.48 * **18:21:** Jer 51.63-64; Eze 26.21 * **18:22:** Eze 26.13; Ais 24.8 * **18:22:** Jer 7.34; 25.10

mi mianğoreŋ kunbuk qahöpmahöp miwikŋaim enğime. Wit padi kötŋi jamönŋiŋ yahötkö sutŋire möjöhögetka (mill) kourukŋi asuhuyöhi, mianğö isikusukŋan mönö qahöwahiga sitinöŋ mönö göröŋ qeba ahöma.

²³ “Mutuk sitiŋinangö miriŋi pakpak mi kiwanŋinambuk asarigetmö, asakŋi mianjön mönö bököiga pandaman ahöma. Azigö andöurupŋinan ambigö mam bohonŋi bau aŋguba börum megetka ambigö sepkitipurupŋan köiraŋ ala nem jöwösök aka sösöŋgai almalgeri, oköiraŋ mewöŋangö kourukŋi mi mönö kunbuk mötmeangö dop qahö. Babilon enğö kölköl-örörö ambazip mi kantriŋi kantriŋi mianğoreŋ möt enğigetka qetbuŋaŋinambuk aka malget. Yenğoreŋ qarösongo amötqege ambazip mi gölme dop ambazip uruŋini mem sohogetka janjuŋ aka malget.” Suep garatanöŋ mewö jiyök.

²⁴ *Babilon mi kewögöra ayuhuyök: Kezapqetok ambazip aka Anutugö ambazip sarakŋi mi mönö yenğö sutŋine töndup taköwölaŋ aka enğuguet kömugetka sepŋinan erök. Yenğoreŋ sep aka gölmenöŋ ambazip tosatŋi enğuguetka kömumalgeri, körek yenğö sepŋinangö kitipŋan mönö yenğö qakŋine öŋgöi malget. Könaŋamŋini mewö miwikŋaigetka ahöyök. Mewö

19

Suep yenjön Babilon geyöhangöra Anutu möpöseiget.

¹ Mianğö andöŋe Suepnöhök keu kun mötpiga kambu ketaŋi yenjön köhöikŋanök sauren liŋet köla qetzei, mönö mianğö tandöktandök asuhui kewö jiget, “Anutu möpöseizin aleluya! Anutunöŋ amöt nenğuba nenğomeiga yanğö buŋaŋi akzin. Anutuninan kukösum Toŋi aiga möpöseim waŋgiinga qetbuŋaŋambuk akza. ² *Anutunöŋ mönö keu ölnangö dop ambazip keuŋini kewöta diŋdiŋanök jim teköm nenğimakza. Köna ketaŋi ambi serowilin aka mewö mianjön ambazip gölme dop mem bölim enğiba malöhi, Anutunöŋ mönö yanğö keuŋi kewöta jim teköyök. Ambi mianjön Anutugö nup meme ambazip enğuga sepŋinan eröhi, mianğö likepŋi mönö melen waŋgiiga qakŋe öŋgöiga sihimbölö möta malja. Mianğöra Anutu möpöseim waŋgizin.”

³ *Mewö jiba kunbuk qeta kewö jiget, “Ambi mi ohoget jeiga köwakŋan mönö nalö dop teteköŋi qahö wahöta öŋgömakŋa. Mianğöra Anutu möpöseim waŋgimakzin, aleluya!”
⁴ Mewö qeta jigetka Anutugö jitŋememe bohonŋi ²⁴ aka bem jembon 4 mienjön mönö bangöba simin köla Anutu, jakömbuak dumŋe tatzawangö waikŋi memba möpöseiba kewö qetket, “Keu mi ölna, aleluya!”

Lama moröŋangö maren lömbuaŋ

⁵ *Mewö qetketka jakömbuak dumnööhök keu kun kewö asuhuyök, “Anutugö nup meme ambazip ketaŋi moröŋi jitŋi onğitpinbuköra keŋgötŋini mörakzei, inŋini mönö körek pakpak Anutunini möpöseiba malme.”

⁶ *Keu mi asuhuiga keu kun mörali, mi kianğö tandöktandök: Kambu ketaŋi yenjön liŋet köla qet qerakzei aka o sianöŋ tongala kiniga ötoŋi asuhumakzawi aka wölpöndandaŋ ketaŋan qeiga giŋgururuŋ asuhumakzawi, keu mi mönö mianğö tandöktandök ewö asuhuiga kewö jiget, “Kembu Anutunini, kukösum pakpakö Toŋan mönö könahiba gölme dop galöm köl enğiba kiŋ Kembuŋina aka malma. Mianğöra Anutu möpöseizin, aleluya! ⁷ Lama moröŋangö ambi buŋaŋan mönö marengö möta nanŋi mözözömgöba jöjöröm aŋguiga amqeiga ambi memegö nalöŋan mönö kam kuŋguiga maljin. Mianğöra nenjön mönö köiraŋ köla söŋgaiba Anutu möpöseim waŋgiinga qetbuŋaŋan sehimakŋa. ⁸ Anutunöŋ maluku tuat lalamŋi asakmararaŋambuk mi enğiiga löŋgötket.” (Maluku tuat lalamŋi mi ambazip sarakŋi yenğö ahakmeme solanŋangö kaisöpsöpŋi, mönö mianğoreŋ löŋgöt aŋguget.)

* **18:24:** Jer 51.49 * **19:2:** Dut 32.43; 2 Kiŋ 9.7 * **19:3:** Ais 34.10 * **19:5:** Sum 115.13 * **19:6:** Eze 1.24; Sum 93.1; 97.1; 99.1

9 *Kambu ketanangö tandöktandök mewö qeta jigetka Suep garata qambinambuk mianjön mönö toroqeba kewö jii möral, “Keu ki mönö ohoman: Anutunöy ambazip enghoholiga Lama morönanngö maren (ambi memegö) lömbuanjñöy kangotmei, yejñön mönö simbawon akze.” Mewö jiba dumje kunbuk nöngöra kewö jiyök, “Keu mi mönö Anutugö keu öl töhönni akza.”

10 Suep garatanöy mewö jiiga nöjñön mianjöreyök yangö waikñi memba möpöseim wanjimangö möta yangö könanje simin köla sipköyalmö, nöngöra kewö jiyök, “Aek! Mewö kude akñan. Gi aka göhö urumelen alaurupkan Jisösgö könanji nanngöba jiba malgetka welen qem engimazini, nöjñön mönö yengöreyök kun akzal. Jisösnöy Buña keu ölni indelöhi, mianjö ösumñan mönö kezapqetok ambazip inahöm engiiga Uña Törönanngö keunji möta jim sehiget. Mianjöra mönö Anutugöra sipköba waikñi memba möpöseiba malman.” Mewö.

Kraistnöy yarö kambunji yembuk bim aubingö anget.

11 *Nöjñön Suep ananjiga hos tuatñi kun ekiga kayök. Qakñe tariga kayöhanngö qetñi mi Pöndañ Kinkin (Jembon onji nene) aka Azi Ölbölñi. Qetñi mewö qerakzei, yanñön keu diñdiñi wuatangöba keu kewöta jim teköba mianjö dop bim qemakza. 12 *Jenjan könöp bölam tandök jeiga nööröñje ila jalö gwötpuk kölgetka qetñi aukñe ohohonja kayök. Qetñi nanñök mötzapmö, kunöy kun mi qahö mötza. 13 Malukunji sepnöy kusakusaholñi mi löngöta kayök. Qetñi qerakzei, mi Anutugörey keu.

14 I wuatangöba kageri, mi Suep mirigö yarö azi kambunji kambunji. Yejñön hosñini tuatñi engömembra qakñine tata malukunji tuat lalamñi sarakñi löngöta kaget.

15 *Suahöñinanngö numbuñeyök bimgö sou ketanji (bainat) jitñi zuluk alalñambuk kunöy kayök. Mi kantrinji kantrinji enguba luhut al engimapköra aka kayök. Yanñön galömkölkölgö ain öröpnjan kantri dop qindiñaiiba galöm köl engiba malma. Yanñön Anutu kukösum pakpakö Tonangö wain joutñi ketanji tözöhölma. Wain jout mi Anutugö irimsesewölñi urupikñambukö kaisöpsöpñi akza.* 16 Malukunje qetñi kun ohogetka marömñe kewö kinök, “Kiñ yengö Kiñini aka azi kembu yengö Kembunini.” Mewö.

17 *Mianjö andöñe Suep garata kun ekiga wehön jeñe kinök. Euyangörey kinda köhöikñanök qeta neiñi neiñi suep bibinji kutuba könakemba bölbölgöba anakzei, mönö körek mi enghohola kewö jiyök, “Inini mönö kame-e! Anutunöy közölömbuan ketanji mözözömgöyöhi, mönö mianjörey tokome. 18 Kaba tokoba kiñ kembu, suahö galöm aka yarö azi yengö busunini neme. Hos aka hos qakñine tarakzei, mönö yengö busunini neme. Ambazip körek yengö busunini mönö kaba neme. Ambazip öngöngöñi eretñi, nanñini nupñini memakzei aka tonjanngö welennini öne qemakzei, mönö körek mienjö busunini neme.”

19 Mianjö andöñe jemnemba aka gölmenji gölmenji yengö kiñ kembunini mienñön mönö yarö kambunini enguanngita kaba tokogetka engehal. Kunöy hos qakñe tata yarö kambunji yembuk kinöhi, mönö i tuarenjon ak engiba bim aubingöra tokogetka engehal.

20 *Augetka jemnemba memba jöhöget. Kezapqetok azi takapulakanji jemnembagö jitñememba anöletot aka malöhi, i mewöyök jemnembabuk memba jöhöget. Kezapqetok azi takapulakanjan anöletot aka mianjön ambazip tosatñi kewöñi mi tilipköm engiiga janjun aka malget: Ambazip jemnembagö supapñi memba anjñön kölgeri aka

* 19:9: Mat 22.2-3 * 19:11: Eze 1.1; Sum 96.13; Ais 11.4 * 19:12: Dan 10.6 * 19:15: Sum 2.9; Ais 63.3; Joel 3.13; Ind 14.20 * 19:15: Jisösnöy Anutugö irimsesewölñi aka urupikñi tözöhölmawi, keu mianjö könanji kewö: Nini singisöndok ahinga Anutugö irimñi seholiiga irimsesewölñan qaknine öngöba ahöma. Toroqeba singisöndok aka urunini qahö meñninga Anutugö irimñan toroqeba seholiiga urupikñambuk akña. Wain kösögö ölni pisikñi (greip) mianjö kangenji mi jout ketanje ala tözöhölgetka qösököiga onjan dutñanngö kinimñe lalanöy geiga baket algetka mianjö urunje gemakza. Anutugö irimsesewölñi aka urupikñi mianjö söpsöpñi mi wain kösögö ölni. Jisösnöy mianjö sihimbölni möta tözöhöli geiga Anutugö urunjan amöriba teköiga luai asuhuma. * 19:17: Eze 39.17-20 * 19:20: Ind 13.1-18

tosatjan imutjanğo waikni memba möpöseiba malgeri, mi mönö tilipkôm enğiba malök. Etkömembra jöhöba gwölögwölö aköm etkigetka löm salfa kötkö könöp bölamjan koasikpuk jemakzawi, mönö mianğo sianöñ geyohot. ²¹ Geyohotka hos qakne taröhanğo num-buñeyök bimğo sou ketani (bainat) kayöhi, mianön mönö kiñ kembu aka yarö azi pakpak mi enğuiga kömuget. Kömugetka nei pakpak yeñön kanğota busuñini uba nemba nem timbireñ aket. Mewö.

20

Satan jöhögetka yara 1.000:gö dop kösö mire tarök.

¹ Mianğo andöñe Suep garata kun ekiga Suepnöhök erök. Yanön ömewöröme yeñğö löm dutni qahö mianğö ki moröñi aka tapep (muñgamuñga) ketani kun mi böröñan memba erök. ²*Garata mianön eta sekak namni iliknambuk (dragon) mi memba (yara) yambu 1.000 tatmawanğora jöhöyök. Sekak namni mi möpñanğö möpñeyök mokoleñ aka mala korök. Qetni alañi mi Bölöñanğö Toñi aka Satan. ³ Yambu 1.000:gö uruñe toroqeba ambazip kantri dop kuñguba gölme dop janjuñ akñegöra tilipkôm enğibapuköra jöhöyök. Jöhöba gili ömewöröme yeñğö löm dutni qahö mianğoreñ geiga önunñi köla sapö ala muñgem supapnöñ (sil) qekötahöba ki namni misii geiga uruñe tarök. Mewö tari Suep garatanöñ kewö jiyök, “Yambu 1.000 teköiga mianğö andöñe Anutunöñ jii kunbuk pösatketka nalö töröpñi nupñi memba malma.” Mewö jiyök.

⁴*Mianğö andöñe jakömbuak dumñi dumñi ehal. Anutunöñ tosatni kukösum enğuiga ambazip keuñini jim tekömei, yeñön mönö dumñi dumñi mianğoreñ eta tatket. Mewöyök ambazip Jisösgö könañi nanğöba jigeranğora aka Anutugö Buña keugöra aka jölñini yandigetka kömugeri, mönö yeñğö uñañini enğehal. Mewöyök ambazip jemnemba aka yanğö imutjanğö waikni qahö memba möpöseigeri aka yanğö supapni mi mesoholñine me böröñine qahö memba anğön kölgeri, mönö yeñğö uñañini enğehal. Uñañini mi enğekiga mönö guliba wahötket. Wahöta Kraistpuk (yara) yambu 1.000:gö dop yuai pakpak galöm köla malget.

⁵ Kömugeri, yeñğoreñök tosatjan kömupnöhök wahötwahöt mutukni mianğö nalöñe qahö guliget. Qahöpmö, (yara) yambu 1.000 mi mambötket teköiga mianğö andöñe mönö guliba wahötme. ⁶ Denike yeñön kömupnöhök wahötwahöt mutuknanğö nalöñe gulimei, yeñön mönö oyaenköyaen aka töröñi sarakni akze. Nalö mianğoreñ gulibagun mönö indimni yahöt qahö kömume. Kömup yahötjanğö kukösumjan mönö yeñğö qakñine qahö öñgöi kömumbingö osime. Yeñön mönö Anutu aka Kraist yetkö jike nup galömurupñiri akne. Mi aka Kraistpuk (yara) yambu 1.000 mi yuai pakpak galöm köla mal öñgöme. Mewö.

Anutunöñ Satangö keuñi jim teköiga etma.

⁷ (Yara) yambu 1.000 mi teköiga Satan kösö mireyök (kopurumñeyök) pösatketka etma. ⁸*Eta anda ambazip kantri dop tilipkôm enğimangöra gölme dop liliköma. Gölme görani likepliket eu emu anda kaba (uruñini moñgosohowa) siksauk ak enğiba kantri qetñiri Gog aka Magog mi tok dop köla anma. Anutu tuarenjoñ aka bim qemegöra kuñgum enğuiga tokogetka janğöñinan köwetkö sak kösakö dop akña. ⁹ Tokoba kaba kutuba Israel gölme dop köl teköba anda Anutugö könagesö yeñğö selñini aka Anutugö wölböt sitiñi (Jerusalem) mi liliköba tatme. Mewö tatmemö, Anutunöñ könöp bölam aliga suepnöhök eta jem kutum enğim teköma.

¹⁰ Jem kutum enğim teköiga Bölöñanğö Toñi tilipkôm enğuiga janjuñ akeri, garata yeñön i aköm wanğigetka löm salfa kötkö könöp bölamjan koasikpuk jemakzawi, mönö mianğö sianöñ geyök. Mutuk jemnemba aka kezapqetok azi takapulakanji mewöyök

* 20:2: Jen 3.1 * 20:4: Dan 7.9, 22 * 20:8: Eze 7.2; 38.2, 9, 15

aköm etkigetka mianğoreñ geba maljahot. Mianğoreñ sunğem asak ihileknöñ ohotirim enğigetka teteköñi qahö sihimbölä önöñi qahö möta mal öngöme. Mewö.

Anutunöñ ambazip kömugeri, yeñgö keuñini jim teköma.

¹¹ *Mianğö andöñe jakömbuak dum ketanji tuatñi aka mianğoreñ tatzawi, i ehal. Ekiga suep gölme mi yanğö jemesoholneyök qahöwaka angaiyohot. Angaiba kunbuk etkekinanğö dop qahö ahot. ¹² Angaiyohotka ambazip kömukömuñi öngöngöñi eretñi engekiga jakömbuak dum wösöñe kingetka Anutunöñ buk papianji papianji kötölök. Papia alanji kun qetñi malmal köhöikñanğö qet areñ papia mi mewöyök kötölök. Kötula ambazip kömukömuñi yeñgö keuñini kewöriga ahakmemeñinanğö kösohotñi buk papianöñ ohogetka ahöyöhi, yanön mönö mianğö dop oyoñda ambazip jim teköm enğiyök.

¹³ Köwetnöñ kömumba geba malgeri, mi köwet Toñan melen enğiiga Anutugö jeñe kañgotket. Kömupkö kondotkondot Toñanğö böröñe malgeri, mi Toñi mianön köleñda al enğiyök. Kömumba kömupkö uñem mire geba malgeri, mi mianğö Toñan melen enğiiga Anutugö jeñe kañgotket. Mewö kañgota asuhugetka Anutunöñ keuñini mohot mohot kewöta ahakmemeñinanğö dop jim teköm enğiyök. ¹⁴ Jim teköm enğiiga kömupkö kondotkondot Toñi aka kömupkö uñem miri Toñi mi aköm etkigetka löm könöp koasikpuk jemakzawi, mönö mianğö sianöñ geyohot. Könöp sia mianğoreñ gegeri, mianön mönö kömup indimñi yahöt akza.

¹⁵ Anutunöñ kungö qetñi malmal köhöikñanğö qet papianöñ qahö ohogetka ahöi miwikñaiyöhi, i mönö aköm wañgii löm könöp koasikpuk jemakzawi, mianğö sianöñ geyök. Mewö.

21

Suep dölökñi aka gölme dölökñi etkehal.

¹ *Suep gölme mutukñi yetkön mewö qahöwaka ayapköyohotka köwetnöñ mewöyök qahö toroqeba ahöyök. Mianğö andöñe Suep gölme dölökñi etkehal.

² *Jerusalem dölökñi, siti töröñi mi Suepnöhök Anutugö mireyök eriga ehal. Siti mi möhamgöm tekögetka eksihimñambuk kewö ahök: Ambi maren wañgigetka maluku eksihimñambuk löngöta azi buñañambuk aitoñgömapköra meñölöm anguba jöjöröba aködamunñambuk kinjawi, siti mianön mönö mianğö dop aiga ehal. ³ *Mi eka kinda jakömbuak dumnöhök keu kun asuhui mötpiga köhöikñanök qeta kewö jiyök, “Eknöñ, Anutugö mirinöñ mönö ambazip sutñine eta ahöza. Anutunöñ sutñine maliga yambuk malgetka nanñak bem Anutuñini aka yembuk mal öngöma. ⁴ *Yembuk mala je imbilñini mi lökñanök kutum teköma. Yuai pakpak mutuk ahöyöhi, mianön mönö qahöwak teköyök. Mianğöra kunbuk qahö kömugetka jingekölköl qahö akñe aka toroqeba sihimbölä kun qahö mötme. Yuai kungöra qahö osiba sahötme.”

⁵ Jakömbuak dumñe tatzawañön kewö jiyök, “Mötnöñ, nöñön jibiga öroyuai pakpak mönö kölöñaiba dölökñi akña.” Mewö jiba jiyök, “Keu mi öl töhönñi uruyahöñi qahö, mianğöra mi mönö papianöñ ohoman.” ⁶ *Toroqeba kewö jii möral, “Mi mönö jibiga asuhum teköza. Nöñön mutuhök mala (yuai pakpak miwikñaiba könañgep jibi qahöwahiga) qöndökña mal öngöba malmam. Mianğö dop nöñön kulem namñi mutukñi A aka kulem namñi teteköñi Z akzal. Kunñan ogöra mötzawi, nöñön mönö malmal köhöikñanğö o jeñeyök o mi kalema wañgibiga mianğoreñök söñgöroröñi qahö um nemba malma. ⁷ *Kunñan lömböt pakpak onğita luhut almawi, nöñön mönö yanğö Anutuñi aka yuai pakpak mi wañgibiga buñanji aiga nöñgö nahönböratni aka qetni bisiba malma.

* **20:11:** Dan 7.9-10 * **21:1:** Ais 65.17; 66.22; 2 Pitö 3.13 * **21:2:** Ais 52.1; 61.10; Ind 3.12 * **21:3:** Eze 37.27; Lew 26.11, 12 * **21:4:** Ais 25.8; 35.10; 65.19 * **21:6:** Ais 55.1 * **21:7:** 2 Sml 7.14; Sum 89.26-27

8 “Mewö malmappmō, tosatjan ambazip jeñine ziriñziriñ aka böñ qahō kinda mötnaripñini mosötketka uruñinan tölohozawi, yeñgö miriñinan mönō löm salfa kötkö könöp* bölamñan koasikpuk jemakzawi, miangören ahōma. Yeñgören toroqeba ambazip kewōñi yeñön mewöyök miangören geba malme: Ambazip enjuget kömugetka kaisero qarōsongo amötqeqe aka tandö lopioñ waikñini memba möpöseiba munen keu jimakzei, nöñön mönō i aköm enjigiba sia miangören geba malme. Mi kömup indimñi yahöt akña.” Jakömbuak dumñeyök keu mewö kaiga möral. Mewö.

Jerusalem siti dölökñi mi qainñi kun.

9 Lömböt kanjamñinambuk qöndökñi 7 mianñön qambi 7 kokolak qegetka Suep garata 7 mienñön mi memba kingeri, yeñgörenök kunñan kaba nöñgöra kewö jiyök, “Mönö kanöñga Lama moröñangö ambi buñani anömñi akñangö akzawi, mi kondel gihimam.”

10 *Mewö jiiga Uña Töröñan nömeiga alburupñan qakne öñgöiga Suep garata mianñön noañgiriga kundunñi köröpñi qetbuñambuk kunöñ öñgöit. Miangören öñgöba siti töröñi Jerusalem Suepnöhök Anutugö mireyök eröhi, mi kondel niñgiiga kewö ehal:

11 Anutugö asakmararañan miangören asariiga kölköl-bilikbilikñan goul aka jamönñin ölnambuk söñgöröñini öñgöñgöñi miengö tandök ahök. Jamönñin ölnambuk qetñi jaspö mi kirin jöhanñi jöhanñi kölköl-bilikbilikñinambuk melenña asarimakzei, mönö miangö dop tuatñi ahöyök. 12 *Kiriponñi öñgöñgöñi mi aködamunñambuk. Kiriponñangö nanñunñi 12 kingetka kösutñine Suep garata 12 dop köla kinget. Israel könagesögö kambunñi 12 miengö qetñini mi nanñu miengö silenine ohogetka kinök. 13 Nanñu 12 mi likeplikep eu emu kewö kinget: Wehön kotkotñe karöbut, gegene karöbut, Not likepñe karöbut aka Saut likepñe karöbut. 14 Siti kiripo mi jamönñin tandö welipñinambuk 12 miengö qakñine megetka kinök. Lama moröñangö aposolurupñi 12 yeñgö qetñini 12 mi tandö 12 miangören ohogetka kinök.

15 *Suep garata nömbuk keu jiyöhi, yanñön siti, miangö kiriponñi aka nanñunñi 12 miengö dopñini dop ala mötmangöra jöjöröba dop alalgö goul öröpñi (rula mesa) memba kinök. 16 Siti mi areñgöba megetka wañgömñi 4 ahök. Likeplikep eu emu köröpñi mi öröröñ. Köröpñi mohot mohot mi goul öröpñi mianñön dop ala 2400 kilomita miangö dop ahöi miwikñaiyök.† Andipñi mi mewöyök öröröñ ahöyök. 17 Suep garatanöñ mewöyök siti kiriponñi mi gölme azigö dopnöñ dop ala 60 mita ahöi miwikñaiyök.

18 *Siti kiriponñi mi jamönñin ölnambuk qetñi jaspö mianñön memenña. Siti nanñak mi goul töhönöhök megetka asakmararañan mönö kirin tuatñangö dop asakasakñambuk asariyök. 19 Siti kiriponñangö tandöñi mi jamönñin söñgöröñini öñgöñgöñi könani könani mianñön menölöm enjigetka aködamunñinambuk kewö aketka enjehal: Tandö mutukñi mi jamönñin ölnambuk qetñi jaspö mundañi inñani tandöktandök. Tandö yahötñi mi jamönñin asonñi qetñi safaiö, karöbutñi mi jamönñin töñgöntöñgön qetñi ageit. Tandö 4:ñi mi jamönñin görökñi qetñi emerald.

20 Tandö 5:ñi mi jamönñin pisikipisik qetñi sardoniks. Tandö 6:ñi mi jamönñin pisikñi qetñi karnilian, 7:ñi mi jamönñin qetñi krisolait (qortz), mundañi goul kirin ewö. Tandöñi 8:ñi mi jamönñin asonñasonñ qetñi beril, 9:ñi mi jamönñin gohotñi qetñi topaz. Tandö 10:ñi mi jamönñin qetñi kalsedoni (krisopreis) mundañi kaukau, 11:ñi mi jamönñin gohotgohot qetñi jeisint (turquois). Tandö 12:ñi mi jamönñin pisikñi gugakgugak qetñi ametist. 21 Siti kiripo nanñu 12 mi sorom kötni welipñinambuk 12 mianñön memenña. Nanñu mohot mohot mi sorom kötni mohot mohot mianñön urasiba memenña. Sitenöñ köna ahözawi, mi goul töhönöhök megetka kirin tuatñi ewö asariyök.

* 21:8: Salfa kötkö könöpñi mi közupkö kötnan jeba gögöriñ qeba jemakzawangö dop akza. * 21:10: Eze 40.2

* 21:12: Eze 48.30-35 * 21:15: Eze 40.3 † 21:16: Kambu 12 mohot mohot miengöra 200 kilomita. * 21:18:

Ais 54.11-12

²² Siti pakpak yeñon Kambu Anutu kukosum pakpakö Toni aka Lama moröñi törörök etkeka uruñini lök melenđa waikñiri memba möpöseimakze. Mianğora jöwöwöl jike (tempöl) kungöra qahö osimakze. Mi qahö ehal.

²³ *Anutugö asakmararañan siti mem asarim enğiiga Lama moröñan kiwañini akza. Mianğora wehön köiñ asarimahotköra qahö osimakze. ²⁴ *Yañon kiwañini aiga kantriñi kantriñi yeñon mönö yañgö asakñe anda kaba malme. Gölmegö kiñ kembuñi kembuñi yeñon buñañini aködamunñinambuk mi enğuañgita siti mianğoreñ alme. ²⁵ *Siti söñaupñi qahö, mianğora kiripo nañguni mi nalö kunöñ qahö kölmemö, sundan dop tala kinme.

²⁶ Kantriñi kantriñi yeñon uruñini melenđa aködamunñinañgö buñañinañgöra aiweliköba qetbuñañinambuk aka malgeri, mi mönö enğuañgita siti mianğoreñ alme. ²⁷ *Ambazip qetñini malmal köhöikñañgö qet areñ papianöñ ohogetka ahözawi, yeñonök mönö siti mianğoreñ öngöme. Lama moröñan qet areñ papia mi galöm kölakza. Kunñan uruñi tölohozawi me añgöjörak imbilonñambuk aka muneñ keu jimakzawi, yañon mönö mianğoreñ öngömamgö osima. Mewö.

22

Malmal köhöikñañgö o töwatñi ehal.

¹ *Mianğö andöñe Suep garata mianñon malmal köhöikñañgö o jeñi kondel niñgiiga Anutu aka Lama moröñi yetkö jakömbuak dumnöhök uzumgöba kaba o töwatñi ahök. Mianğö onji mi kirin jöhanñi jöhanñi kölköl-bilikbilikñinambuk melenđa asarimakzei, mönö mianğö dop tuat lalamñi ahök. ² *O töwatñi mianñon sitigö köna namñi bohonne eta bibiñi mötöteiba kutuba kayök. O töwatñañgö gorañe likelike mianğoreñ malmal köhöikñañgö ipñi mi kinök. Ip mianğö ölnan mönö (yara) yambu dop sömañi 12, mi köiñ mohot mohotkö dop söhöba asuhumakze. Ip mianğö sinñan mönö ambazip kantri dop ölöwakñegöra aka kinje.

³ *Kunñan kun qahö toroqeba alañi saiköba qesuahöma. Anutu aka Lama moröñi yetkö jakömbuak dumniran mönö siti mianğoreñ ahöiga Lama moröñañgö nup meme ambazipurupñan welen qem wañgimakze. ⁴ Welen qem wañgiba jemesoholñi eka Anutugö qetñi mesoholñine kösöba mekötahögetka ahöma.

⁵ *Miri qahö toroqeba söñauma. Kambu Anutunöñ mem asarim enğimakzawañgöra kiwa asakñañgöra me wehön asakñañgöra qahö osime. Mewö oyaenköyaen mala nalö dop teteköñi qahö kiñ kambu ewö galömkölköl nup memba mal öngöme.

⁶ Mi ekiga Suep garatanöñ nöngöra kewö jiyök, “Buña keu mötzani, mianñon mönö öl töhöñni uruyahöñi qahö akza. Kambu Anutunöñ kezapqetok ambazip sölölohöm enğimakzawi, yañon mönö Suep garatanñi ni melaim niñgiiga asuhum gihiba malal. Yuai pakpak zilañ asuhumeañgö dop akzawi, mötnarip ambazipurupñan mi mötmegöra mi asuhuba kondel gihial.” Mewö.

Jisösnöñ kunbuk lilingöba kama.

⁷ Jisösnöñ jiza, “Mötket, nöñon mönö zilañ lilingöba kamam. Tosatñan buk kianğö kezapqetok keuñi buña qeba qekötahömakzei, yeñon mönö simbawon akze.”

⁸ Jon nöñon Buña keu ki möta jeni melenñiga imutñi ehal. Mi möta ek teköba Suep garatanöñ imut ki kondel niñgiyöhi, nöñon yañgö waikñi memba möpöseimamgö möta gölmenöñ eta könañe simin kölal. ⁹ Simin kölalmö, nöngöra kewö jiyök, “Aek! Mewö kude aknöñ. Nöñon gi aka kezapqetok alaurupki aka ambazip buk kianğö Buña keuñi buña qeba qekötahömakzei, mönö körek enğö qöhöröñine kinda mohotñe Anutu welen qem wañgimakzin. Nia qahöpmö, mönö Anutu waikñi memba möpöseimakñan.”

* **21:23:** Ais 60.19-20 * **21:24:** Ais 60.3 * **21:25:** Ais 60.11 * **21:27:** Ais 52.1; Eze 44.9 * **22:1:** Eze 47.1; Zek 14.8 * **22:2:** Jen 2.9; Eze 47.12 * **22:3:** Zek 14.11 * **22:5:** Ais 60.19; Dan 7.18

10 Mewö jiba nöngöra kewö jiyök, “Nalö töriza. Miangöra buk kiangö kezapqetok keunjan tölapne ahöbapuköra mi papianöy ohomanmö, mi mönö munjem supapnöy (sil) kude qekötahöman. 11 *Bölöñi memakzawañön mönö toroqeba mewö memba böliqölima. Tölohoba maljawañön mönö toroqeba tölohoba anğöjörakñambuk aka malma. Ahakmeme diñdiñi ahakzawañön mönö toroqeba diñdiñanök aka memba malma. Sarakñi ahakzawañön mönö toroqeba sarakñi kötökñi aka malma.” Suep garatanöy mewö jiyök.

12 *Jisösnöy jiza, “Mötket, nöñön mönö zilañ lilingöba kamam. Kamami, miangöreñ mönö töwañini memba kamam. Ahakmemeñini aka memba malgeri, mönö mi kewöta miangö dop töwañini mohot mohot al engimam.

13 *Nöñön könakönahiñe mutukñi mala (yuai pakpak miwikñaiba könangep jibi qahöwahiga) teteköñe qöndökña mal öngöba malmam. Miangö dop nöñön A aka Z, kulem namñi mutukñi aka teteköñi akzal.

14 *Nöñön ambazip malukuñini galöm kölakzei, yeñgöra kiripo nanğuñi öröbiga ölop siti uruñe öngögetka qahö anğön köl engibiga malmal köhöikñangö ip ölni neme. Miangöra opo malukuñini galöm köla sanğonmakzei, ambazip mienñön mönö simbawon aka oy-aenköyaen akze.

15 “Yeñön oyaenköyaen akñemö, tosatñi yeñgöra nanğu köl jöhöbiga yaigep malmei, mi ambazip kewöñi: Kiam ewö kaisero aka qarösongo amötqeçe ahakze. Serowilin aka ambazip enguget kömumakze. Tandö lopion waikñini memba möpöseimakze aka isimkakalekö sihimñi möta mi ahakze. Ambazip mewöñi pakpak mi mönö kiripo yaigepne (luhutne) malme.

16 *Jisös nöñön garatani melaibiga liliköba urumelen könagesö engöra kezapqetok keu ki nanğöba jiiga mötme. Nöñön kiñ Deiwidkö bömönjalöñi aka undumñi akzal. Nöñön söñangö undiñi asakmararañambuk aka asarimakzal.” Jisösnöy mewö jiyök.

17 *Uña Töröñi aka ambi buña yetkөн kewö jimakzahot, “Jisös, gi mönö kanöy.” Mewö jiyohotka mötmei, iñini mönö mewöñanök kewö jime, “Jisös, gi mönö kanöy.”

Kunñan ogöra mötzawi, yañön mönö kama. Kunñan malmal köhöikñangö ogöra sihimñi mötzawi, yañön mönö kaba mi kalema möt anğön köлма. Mewö.

Galöm meme aka jöjöpaj keu teteköñi

18 *Nöñön buk kiangö kezapqetok keuñi mötmei, körek engöra galöm meme keu kewö jizal: Kunñan kezapqetok keu kiambuk keu kun toroqeba jimawi, lömböt kanjamñinambuk asuhumapkö keuñi buk kiangöreñ ohoyali, Anutunöy mi mönö yanğö qakne ali öngöme. 19 Kunñan buk kiangö kezapqetok keuñi miangöreñök keu kun qekömawi, Anutunöy mönö i anğön köliga malmal köhöikñangö ip ölni qahö nemba siti töröne qahö öngöma. Miangö keuñi Anutunöy jöhöiga buk kiangöreñ ohoyalmö, keu mianñön mönö yanğöreñ ölnambuk qahö akña.

20 Buña keu ki nanğöba jizawañön kewö jiza, “Keu mi ölna. Nöñön mönö zilañ lilingöba kamam.”

Mewö jiiga nöñön kewö jizal, “Keu mi ölna. O Kembu Jisös, gi mönö kanöy.”

21 Kembu Jisösgö kalem möriamñan mönö körek embuk ahöma. Keu mi ölna.

* 22:11: Dan 12.10 * 22:12: Ais 40.10; 62.11; Sum 28.4; Jer 17.10 * 22:13: Ind 1.8, 17; 2.8; Ais 44.6; 48.12
* 22:14: Jen 2.9; 3.22 * 22:16: Ais 11.1, 10 * 22:17: Ais 55.1 * 22:18: Dut 4.2; 12.32